


Desano



Desano: Goãmũ Yare Wereripũ New Testament

**Desano**  
**Desano: Goãmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source files dated 1 May 2025  
17771afc-c309-57fd-9ff3-2d5a0cd59ff1

## Contents

SAN MATEO . . . . .	1
SAN MARCOS . . . . .	75
SAN LUCAS . . . . .	120
SAN JUAN . . . . .	195
HECHOS . . . . .	250
ROMANOS . . . . .	316
1 CORINTIOS . . . . .	348
2 CORINTIOS . . . . .	379
GALATAS . . . . .	399
EFESIOS . . . . .	411
FILIPENSES . . . . .	422
COLOSENSES . . . . .	429
1 TESALONICENSES . . . . .	436
2 TESALONICENSES . . . . .	442
1 TIMOTEO . . . . .	446
2 TIMOTEO . . . . .	455
TITO . . . . .	461
FILEMÓN . . . . .	465
HEBREOS . . . . .	467
SANTIAGO . . . . .	491
1 PEDRO . . . . .	499
2 PEDRO . . . . .	508
1 JUAN . . . . .	514
2 JUAN . . . . .	522
3 JUAN . . . . .	523
JUDAS . . . . .	524
APOCALIPSIS . . . . .	527

## San Mateo

*Jesucristo Goãmtu magu ïgu acawererã iribojegue majarã erã waïre were gojamuhtañumi Mateo*

<sup>1</sup> Jesucristo ñecu sumarã iribojegue majarã árĩñuma. Eropigu ïgu ñecu muru iribojegue majagu Davi waïcugu árĩmuriñumi. ïgu árĩboro core erã ñecu Abrahã waïcugu árĩmuriñumi.

<sup>2</sup> Abrahã Isaa pagu árĩñumi. Isaa Jacobo pagu árĩñumi. Jacobo Judá sã pagu árĩñumi.

<sup>3</sup> Judá porã Fares Zara sã árĩñuma. Erã pago Tamar waïcugo árĩñumo. Fares Esrom pagu árĩñumi. Esrom Aram pagu árĩñumi.

<sup>4</sup> Aram Aminadab pagu árĩñumi. Aminadab Naasón pagu árĩñumi. Naasón Salmón pagu árĩñumi.

<sup>5</sup> Salmón Booz pagu árĩñumi. ïgu pago Rahab árĩñumo. Booz Obed pagu árĩñumi. ïgu pago Rut árĩñumo. Obed Isaí pagu árĩñumi.

<sup>6</sup> Isaí Davi pagu árĩñumi. Davipu Israe majarã tauro opu árĩñumi. ïgu Uria waïcugu muru marapore ïgu marapocura puhru Salomo waïcugure porãcũño igo.

<sup>7</sup> Salomo Roboam pagu árĩñumi. Roboam Abías pagu árĩñumi. Abías Asa pagu árĩñumi.

<sup>8</sup> Asa Josafat pagu árĩñumi. Josafat Joram pagu árĩñumi. Joram Uzías pagu árĩñumi.

<sup>9</sup> Uzías Jotam pagu árĩñumi. Jotam Acaz pagu árĩñumi. Acaz Ezequia pagu árĩñumi.

<sup>10</sup> Ezequia Manase pagu árĩñumi. Manase Amón pagu árĩñumi. Amón Josia pagu árĩñumi.

<sup>11</sup> Josia Jeconia sã pagu árĩñumi. Erã árĩrisubure Israe yeba majarãre Babilonia majarãpu ñeagãñuma erã ya yebague peresu iimorã.

<sup>12</sup> Eropi Babilonia yeba erã ejara puhru, Jeconia marapo Salatiere porãcũño. Salatie Zorobabe pagu árĩñumi.

<sup>13</sup> Zorobabe Abiud pagu árĩñumi. Abiud Eliaquim pagu árĩñumi. Eliaquim Azor pagu árĩñumi.

<sup>14</sup> Azor Zadoc pagu árĩñumi. Zadoc Aquim pagu árĩñumi. Aquim Eliud pagu árĩñumi.

<sup>15</sup> Eliud Eleazar pagu árĩñumi. Eleazar Matán pagu árĩñumi. Matán Jacobo pagu árĩñumi.

<sup>16</sup> Jacobo José pagu árĩñumi. José María marapu árĩmuriñumi. Maríapu Jesu pago árĩmo. Jesupu masare taubu árĩgu Cristo erã arĩ piyudigu árĩmi.

<sup>17</sup> Eropirã Abrahãre mari queonugacũ, ne Daviguere mari queotucũ, oã árĩpehrerã árĩrã catorce cururi gohra árĩñuma. Eropirã mari dipaturi Davire queocũ, ne Babiloniague Israe majarãre erã aĩgãboro core queotucũ catorce cururi gohra dipaturi árĩñuma. Eropiituhaja Babiloniague erã ejara puhru mari queonugacũ ne Cristo ïgu masa dehyoacũgue mari queotucũ catorce cururi gohra árĩñuma daja.

*Jesucristo ïgu masa dehyoarare wereñumi Mateo*

*Lc 2.1-7*

<sup>18</sup> Eropigu Jesucristo õpa masa dehyoapu. ïgu pago Maríapu José mera mojoto diribo árĩpo. Eropigo igo ïgu mera marapucãboro core

Espíritu Santo ĩgu turari mera majigu bocapo. Eropigo igo basi majigu opawahgũriñere masipo igo.

<sup>19</sup> Eropigu José igore mojoto diribodigu irire masigu, diaye árĩrĩre ĩgu iigu árĩgu igore cóabu iiripu. Igore gũhyasũuro iidiabigu, masa erã masibiricũ ta igore cóabu iiripu.

<sup>20</sup> Irire ĩgu pepirisubu Goãmu anyupu quẽroque Josere dehyoagu, õpa arĩpu.

—José, Davi mũru pãrami, María mera gũhyasĩro mariro mojoto dirique. Igo Espiritu Santo ĩgu turari mera ne nijipo arĩ wahgãrigo añrimo. Eropigu gũhyasĩro mariro igore mojoto dirique.

<sup>21</sup> Igo porãcugocumo. ĩgu igo magu ta ĩgu ya maca majarãre erã ñeri iira dipuwajare taubu árĩgucumi. ĩgu eropa taubu árĩcũ Jesu waĩyegũca mũhu ĩgugãre, arĩpu anyu Josere.

<sup>22</sup> I árĩpehleri eropa wayoro iribojegue majagu Goãmu ya weremũhtadigu ĩgu arĩ gojadiro dopa ta. Irire ĩgure Goãmu gojadoreñumi. Õpa arĩ gojamũriñumi Goãmu yare:

<sup>23</sup> Nómeo mũmu mera árĩbigo, majigugãre bocago porãcugocumo igo magugãre. Eropigu Emanuel waĩcugucumi ĩgugã, arĩ gojañumi Goãmu yare gojayudiguge.

Emanuel arĩdiaro “Goãmu mari mera ta añrimi,” arĩdiaro iiaa.

<sup>24</sup> Goãmu yagu anyu Josere eropa arĩ werera pũru Josẽpu wahgã anyu ĩgu dorediro dopa ta María mera mojoto diripu.

<sup>25</sup> Igo magugãre igo porãcũboro core Josẽpu igo mera árĩnibiripu. Igoũ porãcũpo pare. Eropigu ĩgupu igo magugãre Jesu waĩyepũ.

## 2

### *Abe mũrĩro majarã õaro masirã Jesure ĩarã ejañuma*

<sup>1</sup> Judea yeba árĩri maca Belén waĩcũri maca Jesu masa dehyoapũ. Irisubu Herode Judea yeba majarã erã tauro opu árĩpu. ĩgu eropa masa dehyoara pũru necãre buherã necãre õaro masirã abe mũrĩropũ majarã ahri, Jerusalengue erañorã.

<sup>2</sup> Eropã erarã, masare ero majarãre serẽpiñorã:

—¿Judio masa erã tauro opu árĩbu dohpaguere nohogue masa dehyoayuri ĩgu? Abe ĩgu mũrĩro majarãgue árĩrã, ne necãmu dehyoacũ ĩabu. Eropã ĩgu dehyoacũ ĩha “Opu masa dehyoagu iicumi,” arĩ masiabũ gũa. Eropã ĩgu ne dehyoacũ ĩarã gũa yujuro mera ĩgure umupeorã arirã ĩabu õgue, arĩ wereñorã necãre buheri masa masare.

<sup>3</sup> Erã eroparĩcũ pee erã opũre Herodere irire wererã wañorã. Eropigu gajigu opu masa dehyoarare erã werẽcũ peegu Herodepu guñaricũpu. Eropirã árĩpehlerã Jerusalén majarã sã ĩgu iro dopa ta guñaricũñorã erã sã.

<sup>4</sup> Eropigu Herodepu árĩpehlerã pahia oparãre, judio masare buherã sãre sihupehocãpu. ĩgu sihupeora pũru erã gamenerepẽrecũ ĩha, erãre serẽpipũ ĩgu:

—¿Nohogue masa dehyoagũcuri Goãmu beyedigũ Cristopũ mũa pepicũ? arĩ serẽpipũ ĩgu erãre.

<sup>5</sup> Õpa arĩ wereñorã erã ĩgure:

—Belén, Judea yebague árĩri macague Cristo masa dehyoagũcumi. Õpa arĩ gojamũriñumi Goãmu yare weremũhtadigu:

<sup>6</sup> Belén waĩcũri macague yujugũ opũ dehyoagũcumi. Īgũ Goãmũ yaräre Israe majaräre dorebu árĩgũcumi. Eropiro Belén Judea yeba árĩri macari watope bu árĩri maca árĩquerero gaji macari tauro árĩroca, arĩ gojamũriĩnumi Goãmũ yare gojayudigũgue, arĩ wereñorã erã Herodere.

<sup>7</sup> Erã eropa arĩra pũhrũ Herode masa erã peebirogue abe mũririropũ ariniräre sihubeopũ. Īgũ pohrogue erã ejara pũhrũ, eräre ĩgũ serẽpira pũhrũ, erã necãmũre erã ĩaranũre wereñorã erã ĩgũre.

<sup>8</sup> Erã eropa werera pũhrũ Herodepũ eräre Beléngue obeogũ õpa arĩpũ eräre:

—Īgũgãre õaro amaque. Īgũgãre mũa bocajara pũhrũ yũ sãre wererã arique mũa. Īgũgãre umupeogũ wabu iiaa yũ sã, arĩ were obeoripũ eräre Herodepũ.

<sup>9</sup> Īgũ eropa arĩra pũhrũ, erã waha wañorã. Erã eropa wacũ abe mũririropũ erã ĩadiru necãmũpũ erã core wamũhtaniguicãyoro. Eropiro majigũgã ĩgũ árĩro weca dujanũgaja wayoro iriru necãmũ.

<sup>10</sup> Eropirã necãmũ dujanũgajacũ ĩarã, bũrigã mucubiriñorã erã.

<sup>11</sup> Majigũgã ĩgũ árĩri wihigue eja, ñaja wañorã erã. Eropa ñajajarã majigũgãre ĩgũ pago mera árĩgũre ĩañorã erã. Eropirã erã mereja, ĩgũre umupeoñorã. Umupeotuhaja, erã ya comorire aĩbeo, pãgũñorã erã ĩgũgãre aĩgãrirare omorã. Eropirã orore, buirire, poresuri sãre aĩwiu, ĩgũgãre waja mariro oñorã.

<sup>12</sup> Irire otuhara pũhrũ carĩa wañorã erã. Erã eropa carĩcũ quẽrogue Goãmũ werepũ eräre: “Herode pohro dujabiricãque,” arĩ werepũ Goãmũ eräre quẽroguere. Īgũ eropa arĩ werera pũhrũ, erãpũ wahgãñorã. Erã eropa wahgãra pũhrũ gaji mague erã ya yebague dujarã dujaa wañorã.

### *José sã Jesugãre aĩ duhrigã wañuma Egiptogue*

<sup>13</sup> Erã eropa wara pũhrũ Goãmũ yagũ anyu quẽrogue Josere dehyoagũ, õpa arĩ werepũ:

—Wahgãque. Herodepũ majigũgãre wejẽbu amagũcumi dohpaguere. Eropigũ majigũ sãre ĩgũ pago sãre Egiptogue duru aĩ duhrigãque. Eroguere yũ dipaturi mũre werecũgue dujarique, arĩ werepũ anyu Josere.

<sup>14</sup> Īgũ eroparĩcũ peegũ, Josépũ ñami ta wahgã, majigũ sãre ĩgũ pago sãre Egiptogue aĩ duhrigã wapũ.

<sup>15</sup> Egiptogue eja, Herode ĩgũ ojocariorpẽ ta eroguere árĩñorã erã. Eropa wayoro iribojegue majagũ Goãmũ ya weremũhtadigũ ĩgũ arĩ gojadiro dopa ta. Irire ĩgũre Goãmũ gojadoreñumi. Õpa arĩ gojamũriĩnumi Goãmũ yare gojayudigũgue: “Egiptogue árĩgũre yũ magũre sihubeoabũ,” arĩ gojamũriĩnumi Goãmũ yare weremũhtadigũgue.

### *Herode majirãre wejẽdoreñumi*

<sup>16</sup> Eropigũ necã buherã erã duhri dujaacũ peegũ Herodepũ guatariacãpũ. Eropigũ Belén majaräre, iri maca pohro majarã sãre erã porãre ũa porãgãre wejẽpehocãdorepũ ĩgũ. Ne dehyoarãre wejẽnũgadore pe bojori oparãre wejẽtudorepũ ĩgũ. Nere necãre buheri masa necãmũre erã ĩaranũre wereñorã Herodere. Erã eroparĩcũ peegũ ĩgũ Jesu masa dehyoarĩnũre masigũ, “I nũcũ bojori ta ĩgũ opacumi,” arĩgũ majirãre pe bojori oparãre wejẽtudorepũ.

<sup>17</sup> Īgũ eropiicũ iribojegue majagũ Jeremia Goãmũ yare weremũhtadigũ ĩgũ arĩ gojadiro dopa ta eropa wayoro. Õpa wereyu gojañumi ĩgũ:

18 “Ramá waĩcurogue busuro carabu. Buringã bujawereri mera orerã carama. Raquel acawererã Israe masa marasã nome erã porãre burigã orerãcoma. Erã porã sīricũ ĩarã ne bujawere duhusome,” arĩ gojañumi iribojeguer Herode majirãre wejẽdoreboro core.

19 Eropi Herode ĩgu sīrira pũhrũ Egiptogue árĩdigũre Josere Goãmũ yagu anyu quẽroque dehyoapũ daja. Eropa dehyoagu õpa arĩpũ Josere:

20 —Majigũgãre wejẽdianirã mura sīria waháma. Eropigu ĩgu majigũre, ĩgu pago sãre Israe yebague aĩ dujaaque mũhũ, arĩ werepũ anyu Josere.

21 ĩgu eropa arĩra pũhrũ wahgã, majigũgãre ĩgu pago mera ta Israe yebague aĩ dujaa wapũ.

22 Arquelaio Herode magũ ĩgu pagũre gohrotodigu ĩgu árĩcũ pee, Joserpũ Judea yeba árĩgu gũipũ. Eropigu dipaturi ta Goãmũ quẽroque ĩgũre werenemopũ. ĩgũre Judeague dipaturi dujadorebiripũ. ĩgu eropa werera pũhrũ erã Galilea yebague waha wañorã.

23 Iri yebaguer Nazare waĩcũri macague eja árĩñorã erã. Eropa iñorã erã Goãmũ yare weremũhtanirã erã gojadiro dopa ta. Õpa arĩ wereyumũriñuma: “ ‘Cristo Goãmũ beyedigũ Nazare majagu ta aħrimi,’ arĩrãcoma masa,” arĩ gojamũriñuma iribojeguer majarã.

### 3

#### *Ñu waĩyegũ masare wereñumi*

*Mr 1.1-8; Lc 3.1-9, 15-17; Jn 1.19-28*

1 Eropi irisubure Ñu Goãmũ yarãre waĩyeri masũ árĩpũ. Judea yeba masa mariroque ĩgu Goãmũ yare werenugapũ.

2 Õpa arĩ werepũ masare ĩgu pohro ejarãre.

—Mũa ñero iirare bujawere duhucãque. Ũmaro majagu Goãmũ mũa opũ ĩgu árĩboro merogã dahyaa, arĩ werepũ ĩgu Ñu.

3 Iribojeguer majagu Isaia Goãmũ yare weremũhtadigu Ñu eropa waburire õpa arĩ gojayuñumi:

Masa mariroque werenigui gaguiniguĩgu õpa arĩ buhegũcumĩ ĩgu: “Mari Opũ ĩgu ariburi mare amuro dopa ta ĩgu ariboro core õarã árĩyuque mũa ĩgũre peemorã,” arĩ wereniguĩguĩguĩgu, arĩ gojañumi Isaia.

4 Ihĩ Ñu camello ya gasirire suhri sañagu, waibũgu ya gasirodare tuãdiudigu árĩpũ. Eropigu poreroare bamũripũ. Eropárĩcũ nũgu majarã momere bapũ.

5 Jerusalén maca majarã, árĩpehrero Judea yeba árĩrã, dia Jordán waĩcũriya pohro árĩrã sã ĩgũre peerã wañorã.

6 Erã eropa pee, erã ñero iirare bujawere, Goãmũre irire were-tarimũriñorã erã. Erã eropa werecũ peegu dia Jordán waĩcũriyague Ñu erãre waĩyerũ.

7 Eropigu bajarã fariseo masa, saduceo masa sã ĩgũre waĩyedorerã ejacũ ĩagu Ñu werepũ erãre:

—Mũa ñero iiricũrã aħraa mũa. “Goãmũre gũa ñeri dipuwaja moabiricãporo,” arĩrã, ¿mũa yũre waĩyedorerã aħriri?

8 ĩgu mũa ñero iira dipuwajare moabiricũ õpa iique mũa. Diaye ta mũa ñeri iirare bujawererã árĩrã, õarire gohrotorã árĩrã, õarire iique mũa.

9 Õpa arĩ pepibiricãque: “Abrahã mari ñecũ mũrũ árĩmũripũ. Eropirã Goãmũ mera õhaa,” arĩ pepibiricãque mũa. Mũare arĩgu tiãa. Abrahã pãramerã mũa árĩri duhpiburi árĩbeaa. Goãmũ gamegu i utãyeri mera

gajirāre iimasimi Abrahā acawererāre. Eropirā Abrahā pāramerā mua āriri bu gohra ta āhraa.

<sup>10</sup> Ōpa āhraa: Mari masa yucū iro dopa āhraa. Goāmupū come opagū iro dopa āhrimi. Eropigū űeri dūcacūri yucūre pa cohā, iri nuguri sāre tabetagūcumi. Tabetatuhaja, peamegue cóāgūcumi ĩgū iri yucūre, iri nuguri sāre. Eropa ta iigūcumi mua sāre ĩgūre gamebirāre.

<sup>11</sup> Yū pūhrū yū tauro turagū arigūcumi. Ōatariagū āhrimi. ĩgū iro dopa ōagū árĭbeaa yūpū. Eropigū ĩgūre pepigū “Yū tamera bu gohra árĭgū āhraa,” arĭ pepia yūhū. Mua űero iirare bujawerera pūhrū, yūpū deco mera waĭyea. Yū pūhrū arigūpū yūhū tauro iigūcumi. Espĭritu Santore ogūcumi masa mera árĭniguibure. Eropigū peamegue ĩgū űerire soewearo dopa ta ĩgūpū mua űero iirire coegūcumi.

<sup>12</sup> Yū pūhrū arigū trigo gasirire cóāgū iro dopa āhrimi. Gasirire cóāgū ĩgū sihburu mera árĭpehreri trigo yeri gasirire sūha weami. ĩgū eropa sūha weara pūhrū trigo gohra yeripūre ĩgū diburi wihigue dibugūcumi. ĩgū sūha weara gasiripūre ĩgū soegūcumi. Ōpa ii beyegūcumi yū pūhrū arigūpū. Ōarire gohrotonirāpūre ĩgū mera árĭniguicū iigūcumi. Erā űerire bujawerebirāpūre peamegue yaribiri peamegue cóāgūcumi, arĭ werepū űu.

*űu Jesure waĭyeñumi*

*Mr 1.9-11; Lc 3.21-22*

<sup>13</sup> Pūhrū Jesu Galileague árĭdigū wapū. Jordán waĭcūriyague ejapū űure “Yūre waĭyeque,” arĭgū.

<sup>14</sup> Negohraguere űu ĩgūre waĭyediabiriripū.

—Cue, mupū yū tauro turagūpūre yūre mū waĭyecū ōaboaya. Mūre waĭyebu árĭbeaa yūhū, arĭ yūhripū űu Jesure.

<sup>15</sup> Jesupū yūhripū ĩgūre:

—Yūre waĭyeque. Mari ōpa iirā Goāmū ĩgū dorediro dopa ta iirā iiaa, arĭpū Jesu. ĩgū eroparĭcū peegū,

—Áu, arĭ yūhripū űu.

<sup>16</sup> Eropa arĭtuhaja Jesure waĭyerū. Waĭyetuhajacū Jesu diague nigu-idigū majanugajapū. ĩgū majanugajacū ta, ūmūsi ĩgūre pārima wayoro. Eropigū Goāmū yagū Espĭritu Santo buja iro dopa bejagū ĩgū weca ĩgū dijaricū ĩapū ĩgū basi.

<sup>17</sup> Eropiro ūmarogue wereniguiro cariyoro:

—Ihĭ yū magū yū mahigū āhrimi. ĩgū mera būrigā mucubiria, arĭro cariyoro ūmaroguere.

## 4

*Watĭ űerire iidoreriñumi Jesure*

*Mr 1.12-13; Lc 4.1-13*

<sup>1</sup> Eropi Espĭritu Santopū Jesure masa marirogue wadorepū erogue watĭ ĩgūre űerire iidoreboro dopa.

<sup>2</sup> Erogue ejagū, cuarenta nūri gohra baro mariro árĭpū Jesu. Eropiro pūhrūguere ĩgūre oa pūriyoro pare.

<sup>3</sup> ĩgū oaboacū ĩagū watĭpū ĩgū pohrogue ejagū ōpa arĭpū:

—Mūhū Goāmū magū árĭgū ōpa ĩhmuque. Iyerire ūtāyerire bari poyacū iique, arĭripū ĩgū Jesure.

<sup>4</sup> ĩgū eroparĭcū peegū Jesu gamebiripū. Eropigū Jesu ōpa arĭ yūhripū:



—Goãmũ yare erã gojarapũ òpa àhraa: “Masare bari mera dihta ojocaribiro gahmea. Árĩpehreri Goãmũ ìgũ ya wereniguiri mera árĩro gahmea,” arĩmi Goãmũ, arĩ yũhrĩpũ Jesu watĩre.

<sup>5</sup> Ìgũ eropa arĩ yũhrira pũhrũ watĩpũ Jerusalén waĩcũri macague Jesure aĩgãpũ. Eroque eja, Goãmũ ya wihi wecague Jesure aĩ mũrijarũ ìgũ.

<sup>6</sup> Aĩ mũrijatuha, ìgũre òpa arĩripũ:

—¿Diaye ta Goãmũ magũ gohra ta àhriri mũhũ? Goãmũ yare erã gojarapũ òpa àhraa:

“Goãmũ ìgũ yarã anyuare mũre ìhadibudoregũcumi. Eropirã erãpũ mũre ìhadiburãcoma mũgue utãye weca mehbejajari arĩrã,” arãa ìgũ gojarapũ.

Erã mũre eropa ìhadibumorã árĩcũ mũhũ Goãmũ magũ ta árĩgũ ògue buhrima dija ìhmuque yũre. Mũre erã itamucũ ìhmuñata yũre, arĩripũ watĩpũ.

<sup>7</sup> Ìgũ eroparĩcũ peegũ gamebirĩpũ Jesu. Òpa arĩ yũhrĩpũ ìgũre:

—Goãmũ yare erã gojarapũ òpa arãa: “Goãmũ mũa Opũ ìgũ arĩrare ‘¿Diaye ta àhriri?’ arĩ masidiarã Goãmũre ii ìhmudoremaabiricãque,” arãa Goãmũ yare erã gojarapũ, arĩpũ Jesu.

<sup>8</sup> Ìgũ eropa arĩ yũhrira pũhrũ umadigũgue utãgũgue Jesure aĩ mũrijarũ daja. Irigũ wecague mũri bejaja, árĩpehreri macarire i mũmũ majare ìhmupũ Jesure. Erã opari sãre ìhmupũ.

<sup>9</sup> Eropa ìhmugũ Jesure òpa arĩpũ:

—Yũre mereja, “Mũhũ yũ opũ àhraa,” arĩ umupeoque mũhũ yũre. Mũhũ yũre eropa iicũ mũre árĩpehreri i macarire mũre ogũra, arĩ wererĩpũ watĩ.

<sup>10</sup> Ìgũ eroparĩcũ Jesu òpa arĩ yũhrĩpũ daja:

—Satana, waque mũhũ. Òpa arãa Goãmũ yare erã gojarapũ: “Mũ Opũ Goãmũ dihtare umupeoque. Ìgũ ya doreri dihtare iique,” arãa Goãmũ yare erã gojarapũ, arĩpũ Jesu watĩre.

<sup>11</sup> Ìgũ eroparĩcũ peegũ watĩ waha warũ. Ìgũ wara pũhrũ anyuapũ eja, Jesure itamuñorã. Ìgũre barire oñorã.

### *Galilea yeba Jesu buhenũgañumi*

*Mr 1.14-15; Lc 4.14-15*

<sup>12</sup> Eropi Ñure peresu erã iicũ peegũ, waha warũ Jesu. Galilea yebague ejarũ.

<sup>13</sup> Ero árĩri macague Nazaregue waha, tarigã, Capernaum waĩcũri macague ejarũ. Galilea waĩcũri ditaru pohro árĩbũ Capernaum. Iri maca Zabulón yeba pohro, Neftalí yeba pohro árĩbũ Capernaum. Eroque eja arĩpũ Jesu.

<sup>14</sup> Eropa ta iipũ Jesu iribojegue majagũ Goãmũ yare weremũhtadigũ Isaia ìgũ arĩ gojadiro dopa ta. Òpa arĩ gojajuñumi:

<sup>15</sup> Zabulón yeba pohro, Neftalí yeba pohro, ditaru waro, Jordán waĩcũriya gajipũ masegue Galilea yeba àhraa. Iri yeba judio masa árĩbirã ya yeba àhraa.

<sup>16</sup> Ero majarã Goãmũ yare òaro masibeamã. Eropa masibiriquererã ta òagũre ìarãgue masirãcoma. Erãpũ Goãmũre ne masibeamã. Eropirã peamegue wamorã ta árĩrimã. Eropigũ yujugũ erãre Goãmũ yare masicũ ìigũcumi, arĩ gojañumi Isaia Jesu eraboro coregue.

<sup>17</sup> Eroque árĩgũ Goãmũ yare werenũgarũ Jesu:

—Mua ñeri iirare bujawereque. Eropa iirã ðaripure gohrotoque. Umaro majagu Goãmu árïpehrerã tauro ïgu opu árïboro merogã duhyaa, arï werenugapu ïgu.

*Wapicurã wai wejërãre ïgu mera majarã árïmorãre sihuñumi Jesu*  
*Mr 1.16-20; Lc 5.1-11*

<sup>18</sup> Eropi Galilea waïcuri ditaru turogue ejagu, Simore, ïgu pagu magu Andre mera bocajapu Jesu. Simo ta Pedro erã arï piyugu árïpu. Erã wai wejëri masa árïñorã. Erã ya wejëri yucure mehyurã iiñorã iri ditaru wuari ditarugue.

<sup>19</sup> Erãre boca ðpa arïpu Jesu:

—Yu mera majarã árïmorã arique mua. Yu mera mua aricũ waire ñeha gameneorã mua árïro dopa ta, Goãmu yarã árïmorãre masare sihu gameneomorã árïcũ iigura muare. Yu mera mua aricũ eropa iimorãre amugura muare. Eropirã yu mera arique, arïpu ïgu erãre.

<sup>20</sup> Eropa ïgu arïcũ peerã ta erã ya wejëdi yucure apicãa, Jesu mera waha wañorã.

<sup>21</sup> Eropirã erã Jesu mera tarigã, Santiagore ïgu pagu magu Ñu sãre bocañaorã daja. Erã Zebedeo porã árïñorã. Erã yaru dohodirugue erã pagu mera erã sã erã ya wejëdi yucure amurã iiñorã. Erã perãre ïgu sihubeopu.

<sup>22</sup> ïgu eropa sihubeocũ pee, erãpu erã pagure, dohodiru sãre api Jesu mera waha wañorã.

*Bajarã masare buheñumi Jesu*  
*Lc 6.17-19*

<sup>23</sup> Eropi árïpehrerogue Galilea yebare Jesu buhe curipu. Judio masa gua buheri wirigue ðari buherire, umaro majagu ïgu opu árïricurire buhepu. Eropigu dorecurãre ðarã iigu árïpehreri dorecurire cóãpu ïgu.

<sup>24</sup> ïgu eropa iicũ peerã Siria yeba majarã árïpehrerogue iri yeba árïrã ïgure masinugañorã. Eropa masirã, gajiropa árïri dore oparãre, watëa ñajasünirãre, püriri dorecurãre, sïriri mura dorecurãre, dupu turabirã sãre aï ejañorã Jesu pohroque. Eropigu árïpehrerãre erãre ðarã wacũ iipu Jesu.

<sup>25</sup> ïgu eropa iicũ ïarã, Galilea yeba majarã Decapoli yeba majarã, Jerusalén majarã, Judea yeba majarã, Jordán waïcuriya gajipu masepu majarã, bajarã masa ïgu mera wañorã.

## 5

*Utãgugue muria, ero buheñumi Jesu masare*

<sup>1</sup> Masa bajarã ïgu pohro erã ejacũ ïagu Jesu utãgugue muriapu. Muriya, ero doajapu. Ero ïgu doacũ ïgu buherã ïgu pohroque ejañorã.

<sup>2</sup> Erã ejacũ ïagu ðpa arï buhenugapu:

*Õpa árïrã ãhrima mucubirirã, arï buheñumi Jesu*  
*Lc 6.20-23*

<sup>3</sup> —Erã ñerire bujawererã, Goãmure gamerã mucubirirã ãhrima. Umaro majagu erã opu árïroguere warãcoma erã. Umaro maja erã ya ãhrra. Eropirã burigã mucubirirãcoma.

<sup>4</sup> “Orerã sã mucubirirã ãhrima. Erãre mucubiricũ iimi mari Pagu. Eropirã mucubirirã árïrãcoma.

<sup>5</sup> “Gajirãre tarinugadiabirã eropa árĩca arĩbirã mucubirirã àhrima. Goãmũ “Ogura,” ìgũ arĩrare oparãcoma. Eropirã erã sã mucubirirã árĩrãcoma.

<sup>6</sup> “Goãmũ ìgũ dorero dopa iidiarã, òarire iidiarã mucubirirã àhrima. Goãmũ ìgũ itamucũ erã òarire ii ojogorocurãcoma. Eropirã mucubirirã árĩrãcoma.

<sup>7</sup> “Gajirãre mojomoro ìarã mucubirirã àhrima. Erã eropa mojomoro ìacũ Goãmũ erã sãre mojomoro ìagucumi. Eropirã mucubirirãcoma.

<sup>8</sup> “Erã ñerire cóãnrã, mucubirirã àhrima erã. Goãmũre ìarãcoma erã. Eropirã mucubirirãcoma.

<sup>9</sup> “Gajirãre gamequeacũ bosarã mucubirirã àhrima. Erãre “Yũ porã àhrima,” arĩgucumi Goãmũ. Eropirã mucubirirãcoma.

<sup>10</sup> “Goãmũ dorerire erã iira waja gajirã mera ñero tarinirãpũ umaro majagũ erã opũ árĩroguere ìgũ yare oparãcoma erã. Eropirã mucubirirãcoma.

<sup>11</sup> “Yahare mũa iira waja gajirã mũare erã turiquerẽcũ ta mucubirirã àhraa mũa. Mũare erã ñero iicũ mucubirirã àhraa mũa. Yaharã mũa árĩri waja mũare árĩpehreri ñeri quere goroweoquerẽcũ ta mucubirirã àhraa mũa.

<sup>12</sup> Goãmũ yare weremũhtanirãre mũa core árĩnrãre erãguere ta ñero iimũhtaũma. Mũa sãre erãre iidiro dopa iicũ mucubirique. Òaro sĩporãcũque. Eropigũ umarogue mũa ejacũ wũaro òaro iigucumi mũare Goãmũ. Eropirã mucubirique mũa, arĩ werepũ Jesu.

*Moa iro dopa, boyoro iro dopa àhrima Jesu yarã, arĩ buheñumi*

*Mr 9.50; Lc 14.34-35*

<sup>13</sup> Eropi Jesu buhenemopũ:

—Moa waibũgũ dihire ìri ñero wabiricũ iiro dopa ta mũapũ yaharãpũ árĩpehrerã gajirãre ñerire erã iidibiricũ iiaa. Moa ñeri wacũ dipaturi òari iimasiya mara. Iri moa ne òabeaa. Iri eropa wacũ ìri moare cóãcãro gahmea. Irire cóãra pũhrũ weca ejama. Ne duhpiburi árĩbeaa ìri erã cóãra. Iri duhpiburi árĩbiro dopa ta árĩbiricãque mũa. Goãmũ yapũre iiniguicãque, arĩ werepũ Jesu.

<sup>14</sup> Eropi ìgũ buhenemopũ:

—Boyoro marire ìhamasicũ iiro dopa ta mũapũre yaharãpũre i yeba majarãre Goãmũ yare wererã erãre masicũ iiro gahmea. Utãgũ weca árĩri macare duhmasiya mara.

<sup>15</sup> Eropi sihãgodirure masa sihãgorã gajino docague dibubeama. Irure sihãgogũ umarogue duhpeomi ìri wihĩ majarã árĩpehrerã erã ìaboro dopa.

<sup>16</sup> Eropirã mũa sã mũa Goãmũre mũa umupeorire dibubiricãque. Òaro wereque. Eropirã òarire iique. Mũa eropa iicũ ìarã masa erã mari Pagũ umaro majagũre umupeorãcoma. “Ìgũ turagũ, òagũ àhrimi,” arĩrãcoma, arĩ werepũ Jesu.

*Goãmũ ìgũ dorerire ìgũ gojarare wereñumi Jesu*

<sup>17</sup> Eropã arĩtuhaja, erãre werenemopũ:

—Ire mũa masicũ gahmea yũhũ. Goãmũ ìgũ dorerire Moiserẽ ìgũ apirare, ìgũ yare weremũhtanirã erã gojara sãre cóãgũ arigũ iibiribũ. Iri dorerire mũare òaro were amugũ arigũ iibũ. Goãmũ yare erã werediro dopa ta iigũ aribũ.

<sup>18</sup> Diaye ta mũare arĩgũ iiaa. I yeba umaro árĩropẽ ta ìgũ doreri sã árĩroca. Goãmũ ìgũ dorerare iipehogucumi.

<sup>19</sup> Eropirã iri dorerire yujurãyeri tarinugarã, gajirãre eropa ta iidorerã bu árĩrã árĩrãcoma. Umáro majagu opu ïgu árĩroque bu árĩrã iro dopa árĩrãcoma. Yujuñe doreriñe árĩquerecũ ta erã tarinugarã bu árĩrã iro dopa árĩrãcoma erã. Gajirãpũ ïgu dorerire õaro iirã, gajirãre erã iiro dopa iidorerã umáro majagu ïgu opu árĩroque oparã iro dopa árĩrãcoma erã.

<sup>20</sup> Mũare arĩgu tiiaa yũhũ. Masare buherã, fariseo masa sã Goãmũ gamerire queoro iibeama. Erã tauro Goãmũ gamerire iique mũa. Mũa eropa iibirã, ïgu opu árĩroquere ne ejasome mũa, arĩ werepũ Jesu.

*Papũirire wereniguirire wereñumi Jesu*

*Lc 12.57-59*

<sup>21</sup> Eropa arĩtuhaja erãre werenemopũ:

—Iribojegue majarã õpa arĩ wererare ta peenirã árĩribũ mũa: “Masare wejẽbircãque. Masare wejẽdigũ erã dipuwaja moabu ãhrimi,” erã arĩrare peenirã árĩribũ mũa.

<sup>22</sup> I erã werera tauñariro mũapũre werenemogũra. ïgu acaweregu mera papũridigupũ masũre wejẽdigũ iro dopa ta ãhrimi. Eropigu erã dipuwaja moabu ãhrimi ïgu sã. ïgu acawereguere gameturigu dipuwaja moadorerã pohro erã aĩgãbu ta ãhrimi ïgu sã. “Ñegu pee masibigu ãhraa mũhũ,” ïgu acawereguere arĩguere peamegue wama guhyataria ïguere.

<sup>23</sup> “Mũa acaweregu mũare ïgu ïhaturicũ ïgu mera amumũhtaque Goãmũre serẽboro core. Eropirã Goãmũ wihigue mũa Goãmũre umupeorã waboro core, waibũguere mũa oboro core õpa iique.

<sup>24</sup> Goãmũre mũa oburire duhucãnique dohpa. Mũa acaweregu pohroque waha, “Dipaturi ïhaturibircãrã. Irire iripẽta duhurã,” irire arĩque ïguere. Mũa eropa amura pũhrũ Goãmũre umupeorã waque daja ïgu ya wihigue.

<sup>25</sup> “Gajigu mũare weresãdiagũ, dipuwaja moadoreri wihigue mũare ïgu aĩgãdiacũ, ïgu mera guaro mariro árĩque. Dipuwaja moadoregu pohroque ïgu aĩ ejaboro core ïgu mera õaro ahmu wereniguique. Mũa eropa iicũ ïagu mũare weresãbiribocumi. Mũa eropa iibiricũ erogũere mũare aĩ ejacũ ïgupũ dipuwaja moadoreguere weresãgũcumi. ïgu eropa weresãcũ, beyegupũ peresu iirãguere mũare ogũcumi. Eropirã erã mũare peresu iirãcoma.

<sup>26</sup> Eroque árĩniguirãca mũa. Ne erã wajayedorerare mũa wajayepehocũgue wirirãca mũa, arĩ werepũ Jesu.

*Gajigu marapo mera ñero iirire wereñumi Jesu*

<sup>27</sup> Õpa arĩ werenemopũ Jesu:

—Iribojegue majarã õpa erã arĩ wererare peenirã árĩribũ mũa. “Gajigu marapo mera ñero iibiricãque,” erã arĩrare peenirã árĩribũ mũa.

<sup>28</sup> I erã werera tauñariro mũare ipũre werenemogũra: Nomeore ñeabiriqueregu ta yujugũ igo mera arĩdiagũ igore ñero uaribejagu ñero guña pepigu ñero iituhami igo mera.

<sup>29</sup> “Eropirã mũa cuiru diayepũ arĩdiru mera ñero iirã irirure mũa gorawea cóãbodiropã dopa ta iri ñerire duhucãque. Irire duhubirã peamegue warãca. Mũa cuirure cóãcũ iri cuiru dihta dederea. Mũa ñerire duhubirãpũ peamegue waha ñetariaro tarirãca. Eropirã iri ñerire duhucãque.

<sup>30</sup> Eropirã mũa mojoto diayepũ maja mojoto mera ñero iirã iri mojtore tabeta cóãbodiropã dopa ta iri ñerire duhucãque. Irire duhubirã peamegue warãca. Mũa mojtore mũa cóãcũ iri mojoto dihta dederea. Mũa

ñerire duhubirãpũ peamegue waha ñetariaro tarirãca. Eropirã iri ñerire duhucãque, arĩ werepũ Jesu.

*Erã marasã nomere cóãrire wereñumi Jesu*

*Mt 19.9; Mr 10.11-12; Lc 16.18*

<sup>31</sup> Õpa arĩ werenemopũ Jesu:

—Iribojegue i sãre arĩñuma: “Ïgũ marapore cóãdiagũ ïgũ cóãburire wereripũ mera igore cóãmasimi,” arĩñuma iribojeguere.

<sup>32</sup> I erã werera tauñariro mũapũre ire weregũra: Yujugũ ïgũ marapo mũmũ mera ñero iibiriquerecũ ta igore cóãbocumi. Ïgũ eropa cóãdigo gajigũ mera marapũcũgo ñero iigo iicumo gajigũ mera árigo. Eropigũ igo marapũ igore cóãdigũ igore gajigũ mera ñero iicũ iimi. Eropigũ ïgũ cóãdigo mera marapocũgũ igo mera ñero iigũ iimi ïgũ sã, arĩ werepũ Jesu.

*Waĩpeo arĩrare wereñumi Jesu*

<sup>33</sup> Õpa arĩ werenemopũ Jesu:

—Iribojegue majarãre erã õpa arĩ wererare peenirã árĩribũ mũa: “Mũa arĩdiro dopa ta eropa iique. ‘Goãmũ mera diaye ta eropa iigũra,’ mũa arĩdiro dopa ta iique,” erã arĩ wererare peenirã árĩribũ mũa.

<sup>34</sup> I erã werera tauñariro mũare weregũra. “Ûmaro mera diaye ta arĩgũ iiaa,” arĩ mũmaro mera arĩ waĩpeo arĩbiricãque. Ûmaropũ mari Opũ ïgũ árĩro ãhraa. Bu árĩro árĩbeaa. Ero eropa árĩro árĩcũ ïarã eropa arĩmaabiricãque.

<sup>35</sup> I yeba mera ne waĩpeo arĩbiricãque. I yeba sã Goãmũ ya yeba ta ãhraa. Ero eropa árĩro árĩcũ ïarã eropa arĩmaabiricãque. Jerusalén mera ne waĩpeobiricãque. Turagũ mari Opũ ya maca ãhraa Jerusalén. Bu árĩro árĩbeaa. Eropirã eropa arĩmaabiricãque.

<sup>36</sup> “Yũ dipuru mera diaye arĩgũ iiaa,” arĩ waĩpeobiricãque. Mũa poari borecũ iimasibea mũa. Iri ñiri wacũ sãre iimasibea mũa. Eropa iimasibirã arĩrã “Yũ dipuru mera diaye arĩgũ iiaa,” arĩ waĩpeobiricãque.

<sup>37</sup> “Iirãra,” arĩrã waĩpeoro mariro diaye ta irire arĩniguicãque. “Iisome,” arĩrã sã waĩpeoro mariro arĩniguicãque. Mũa waĩpeo arĩrã watĩ ñegũ ïgũ dorero dopa ta iirã iica, arĩ werepũ Jesu.

*Erã basi gamediarire wereñumi Jesu*

*Lc 6.29-30*

<sup>38</sup> Õpa arĩ werenemopũ daja Jesu:

—Iribojegue õpa erã arĩ wererare peenirã árĩribũ mũa. “Mũre gajigũ mũ cuirure ïgũ patĩadiro dopa ta mũ sã ïgũre patĩa gameque. Mũ gũcũrirure ïgũ panuadiro dopa ta mũ sã ïgũre ïgũ gũcũrirure panua gameque,” erã arĩ wererare peenirã árĩribũ mũa.

<sup>39</sup> Erã werera tauñariro weregũra daja mũare. Mũare ñero iidigũre eropa ïacãque. Yujupũ mũ wayuporãre pacũ, “Gajipũ sãre padiagũ paque,” arĩque ïgũre.

<sup>40</sup> Gajigũ mũre dipuwaja moagũre ïgũ weresãcũ, ïgũ dipuwaja moagũpũ mũhũ camisa mera mũre weresãdigũre wajayedorebocumi. Ïgũ eropa wajayedorecũ ïgũre oque. Iriñere otuhaja mũ weca majañe suhriro sãre onemoque ïgũre.

<sup>41</sup> Yujugũ surara gajinore yuju kilómetro mũre aĩgãbasadorecũ, gaji kilómetro aĩgãnemobasaque daja ïgũre.

<sup>42</sup> Mũre serẽdigũre ïgũ serẽropẽ ta oque ïgũre. Eropigũ gajigũ mũre wayudorecũ wayuque ïgũre ïgũ wayudorerare, arĩ werepũ Jesu.

*Muare ïhaturirãre mahique, arï wereñumi Jesu*  
Lc 6.27-28, 32-36

<sup>43</sup> Õpa arï werenemopu daja Jesu:

—Masa õpa arïmurima: “Mua mera majarãre mahique. Eropirã muare ïhaturirãpũre ïhaturi gameque daja,” erã arïrare peenirã árïribu mua.

<sup>44</sup> Erã werera tauñariro weregura muare daja: Muare ïhaturirãre mahi umupeoque. Muare ñero iirãre õaro árïdoreque. Muare ïhaturirãre õaro iique. Eropirã muare ñero wereniguirãre muare ñero iirã sãre “Erã sã õaro árïporo,” arïrã Goãmũre serẽbasaque.

<sup>45</sup> Mua eropa iirã mari Pagu umaro majagu Goãmũ porã ãhraa mua. Goãmũpu yujuropa ta iimi masare. Ñerãre, õarã sãre abere asicũ iimi ïgu. Eropigu Goãmũ ïgu dorerire iirã sãre, iibirã sãre deco merecũ iimi ïgu. Masare yujuropa ïgu iiro dopa ta mua sã masare iique.

<sup>46</sup> Muare umupeorã dihtare mua umupeocũ ne duhpiburi árïbeaa iri. Ñerã masa wajasea corerã sã eropa ta iima. Eropirã árïpehrerãre umupeoque.

<sup>47</sup> Mua acawererã dihtare mua õaro bocatïricũ ne duhpiburi árïbeaa iri. Goãmũre masibirã sã eropa ta iima. Eropirã árïpehrerãre õaro bocatïriique.

<sup>48</sup> Ñeri marirã árïique mua. Mari Pagu umaro majagu ïgu ñeri marigu ïgu árïdiro dopa ta mua sã ñeri marirã árïique, arï werepu Jesu.

## 6

*Õari iirire wereñumi Jesu*

<sup>1</sup> Dipaturi ïgu werenemopu:

—Goãmũ ya árïburire õarire iirã árïrã, “Goãmũ yare iipehorã ãhraa gũa,” arï werebircãque gajirãre. Mua eropa arï wererã mua õaro iira ne duhpiburi árïbeaa. Eropigu Goãmũ umaro majagu õarire mua iira wajare muare osome.

<sup>2</sup> “Eropirã mojomorocũrãre itamurã, iirire masare ii ïhmubircãque. Masa erã ïabiro itamuque erãre. Gajirã iro dopa iibircãque. Erã masa bajarã watope mojomorocũrãre itamura. Mague niguirã watope mari buheri wirigue árïrã watope sãre ii ïhmuma. Erã eropa iiquererã erã mari purũpũpũre ñero iicorerã ãhrima. Eropa masa watope õarire ii ïhmurã erã, “Õarã ãhrima erã,” masare arïdorerã iima. Erã eropa iirã masa umupeori mera wajatatuhama. Eropigu Goãmũpu ne wajayesome erãre.

<sup>3</sup> Eropirã mojomorocũrãre itamurã, iirire yayarogã iique. Mua wapi mera árïquererã ta ïgu ïabiro iirire iique.

<sup>4</sup> Masa erã ïabirogue mojomorocũrãre itamuque. Masa ïabirogue mua itamuquerecũ Goãmũpu ïhami. Eropigu mari Pagupu muare wajayegucumi, arï werepu Jesu.

*Goãmũre serẽriñere buheñumi Jesu*  
Lc 11.2-4

<sup>5</sup> Dipaturi ïgu werenemopu:

—Goãmũre serẽrã, mari purũpũ ñero iicorerã iiro dopa iibircãque mua. Erã mari buheri wirigue nigui, mague sãre nigui, Goãmũre serẽ ïhmuma erã masare. Eropa serẽ ïhmurã diaye masa erãre umupeori mera erã mucubirituhama. Eropigu Goãmũ erãpũre umupeosome.

<sup>6</sup> Mũapu Goãmũre serẽmorã mua ya taribugue biha ñajaque. Biha ñaja mari Pagu ïasũya marigũre serẽque. Mua eropa iicũ masa erã ïabiro

árĩquerecũ ta mari Pagurũ mũare ĩagũcumi. Eropa peegũ mũare õaro ĩgũcumi ĩgũ.

<sup>7</sup> “Eropirã Goãmũre serẽrã, pepiro mariro mũa serẽrare ta dipaturi serẽ maji dujabiricãque. Eropa ta iima Goãmũre masibirã. “Bajasuburi yuju disiro ta gũa serẽcũ gũare peegũcumi,” arĩ pepima erã.

<sup>8</sup> Erã iiro dopa iibiricãque. Mũa serẽboro core mari Pagũ mũa gamerire masituhami.

<sup>9</sup> Eropirã õpa arĩ serẽro gahmea Goãmũre.

Gũa Pagũ umaro majagũ mũ õagũ árĩrire árĩpehrerã umupeoporo.

<sup>10</sup> Dohpaguere árĩpehrerã weca opũ árĩque. Umároguere mũ dorero dopa ta erã iiro dopa ta i yeba majarã sã eropa iiporo.

<sup>11</sup> Eropigũ umuri nũcũ gũa baburire oniguicãque gũare.

<sup>12</sup> Gajirã gũare erã ñero iirare gũa cãdijiro dopa ta mũ sã gũa ñero iirare cãdijique.

<sup>13</sup> Eropigũ gũa ñero iiborare cãhmotaque. Eropigũ gũare ñerire iibiricãcũ iique. Mũhũ gũa Opũ turagũ eropa árĩniguigũca. Árĩpehrerã mũre eropa umupeoniguicãrãcoma, arĩ serẽque Goãmũre, arĩ werepũ Jesu.

<sup>14</sup> “Gajirãre mũare erã ñero iirare mũa cãdijicũ ĩagũ, mari Pagũ umaro majagũ mũa ñero iira sãre cãdijigũcumi.

<sup>15</sup> Gajirã mũare erã ñero iirare mũa cãdijibiricũ mari Pagũ mũa ñero iira sãre cãdijisome, arĩ werepũ Jesu.

### *Goãmũre umupeomorã ba duhurire buheñumi Jesu*

<sup>16</sup> Eropigũ ĩgũ erãre werenemopũ:

—Goãmũre umupeomorã ba duhurã bujawererã iro dopa ii ĩhmubiricãque. Eropa iima mari purũpũ ñero iicorerã. Erã erã diaporire bujawererã iro dopa ãhrama. Erã eropárĩcũ erã ba duhucũ ĩha masima masa. Diaye ta mũare arĩgũ iiaa. Masa erãre umupeocũ gahmema erã. Eropirã erãre umupeocũ ĩarã mucubirituhama. Eropigũ Goãmũpũ erãre õaro iisome. Eropirã erã iiro dopa ii ĩhmubiricãque mũa.

<sup>17</sup> Mũa sã ba duhurã mũa árĩniguiro dopa ta árĩque. Mũa ya dipure uyu mera sũcã õaro wũapocãque. Mũa diapori sãre coecãque.

<sup>18</sup> Mũa eropa iicũ mũa ba duhucũ ĩha masisome masapũ. Goãmũ dihta ĩha masigũcumi. Mũa seyaro mũa árĩcũ ĩgũpũ mũa mera ãhrimi. Eropa ĩagũ ĩgũ mũare õaro ĩgũcumi, arĩ werepũ Jesu.

### *Umáro majare guñadoreñumi Jesu*

*Lc 12.33-34*

<sup>19</sup> Jesu werenemopũ daja:

—I yeba majare aĩ gameneobiricãque. Õ maja boa waboca. Iri boabiricũ yajari masũ aĩbocumi irire. ĩgũ yajabiricũ mega tũabocoma. Eropiro i yeba maja dederema gũhya ãhraa. Eropirã i yeba majare burigã gamebiricãque.

<sup>20</sup> Umáro majapũre turaro gameque mũa. Umáro majare mega tũamasibeama. Eroguere mũa opaburi ne boabeaa. Eroguere yajari masũ ne aĩmasibeami.

<sup>21</sup> Eroguere mũa opaburi iri árĩcũ, umáro majare Goãmũ yare burigã guñarãca mũa, arĩ werepũ Jesu.

### *Masa erã pepiro dopa ta iima, arĩ wereñumi Jesu*

*Lc 11.34-36*

<sup>22</sup> Eropi buhegũ õpa arĩ werenemopũ erãre:

—Mũa cuiiri mũa dũpũre sihãgodiruru iro dopa ta ãhraa, arĩ werediacũ õpa ãhraa. Mũa pepiro dopa ta iiaa. Mũa õaro mera pepirã árĩrã õarire iiaa.

<sup>23</sup> Mũa ñerire pepirã árĩrã ñeri dihtare i mũa. Umaro majare mega tũamiaa. Eropirã mũa ñeri dihtare mũa pepiniguicãcũ iri ñeripũ ñetariari ãhraa, arĩ werepũ Jesu.

*Niyerure gamerã, Goãmũpũre gamebeama, arĩ wereñumi Jesu*

*Lc 16.13*

<sup>24</sup> Eropigũ ãgũ erãre werenemopũ:

—Yujugũ Goãmũpũre guñagũ niyerupũre guñabeami. Niyerupũre burigã guñagũ Goãmũpũre guñabeami. Eropigũ niyeru dihtare gamegũ árĩgũ Goãmũre mucubiricũ iibeami. Goãmũ sãre niyeru sãre peñere gametarimaja masiya mara mũare, arĩ werepũ Jesu.

*Goãmũ ãgũ porãre ñhadibumi, arĩ wereñumi Jesu*

*Lc 12.22-31*

<sup>25</sup> Eropigũ erãre werenemopũ:

—Eropigũ mũare ire arĩgũ iiaa. Mũa árĩricũrũre mũa barire, ihririre, suhri sãre wũaro guñaricũbiricãque. Mũare deyoro moagũ bari dihtare bamorãre, suhri sañamorã dihtare Goãmũ iibiripũ mũare. Mũa iri dihtare guñacũ gamebeami.

<sup>26</sup> Mirimagũ porãre Goãmũ ãgũ ñhadiburire masique mũa. Erã poeri moorã ãhri. Eropiro erã bari dihburi wiri erãre mara. Mari Pagupũ erãre erã baburire ohomi. Mirimagũ porã tauro mũapũre mahimi Goãmũ. Eropigũ mũa sãre ñhadibugũcumĩ ãgũ.

<sup>27</sup> Wũaro mũa pepiri mera iri mũare pagarã wacũ iibeaa. Eropiro mũa wũaro pepiri duhpĩburi árĩbeaa.

<sup>28</sup> “¿Eropirã duhpĩrã mũa suhri sañaburire wũaro guña bũjawere pepicãri? Nũgũ maja gori iri gorire pepique. Iri gori ne iiro mariro õari goricũa. Iri gori õari suhri iro dopa õari gori dehyoaa.

<sup>29</sup> Salomo opũ mũrũ õari suhri opagũ ãgũ árĩquerecũ ta iri goripũ ãgũ ya suhri tauro õari gori ãhraa.

<sup>30</sup> Iri gorire õari gori iimi Goãmũpũ. Iri gori bajamenũrigã árĩra pũhrũ ñaidija pehrea wahaa. Mero ãhri, gajinũ peamegue soe cóãcãma. Iri eropa mata pehrequerecũ ta iri gori iri õari gori árĩcũ iimi Goãmũ. Eropigũ Goãmũ iri gorire ãgũ õari gori ãgũ iidiro tauro mũa sãre õaro iigũcumĩ. Suhrire ogũcumĩ. Goãmũre daberogã umupeoa mũa.

<sup>31</sup> Eropirã mũa baburire, mũa ihriburire, mũa suhri sañaburire wũaro guñabiricãque.

<sup>32</sup> Goãmũre masibirãpũ irire eropa amaniguicãma. Mari Pagũ umaro majagũ árĩpehreri mũa gamerire masimi. ãgũ eropa masicũ mũa ya árĩburire wũaro guñabiricãque.

<sup>33</sup> Goãmũ mũa Opũ ãgũ árĩborore gamemũhtaque mũa. Mũa eropa iira pũhrũ Goãmũpũ mũa gameri dũhyacũ ogũcumĩ.

<sup>34</sup> Eropirã ñamigãre mũa dohpa warocuri arĩ wũaro bũjawere ne pepibiricãque. Dohpagãre mũa ñero tariboro árĩtuhaa. Eropirã dohpagã maja dihtare pepique. Gajinũ majare wũaro bũjawere pepinemobiricãque. Goãmũpũ mũaare itamugũcumĩ, arĩ werepũ Jesu.

## 7

*Gajirãre “Ñerã ãhri,” arĩbiricãque, arĩ wereñumi Jesu*

*Lc 6.37-38, 41-42*



<sup>1</sup> Eropigu ïgu eräre werenemopu:

—Gajiräre “Ñerã áhrima,” arĩ erã iirare werewuabiricãque mua. Mua eropa arĩ werewuabiricã Goãmũ mua sãre “Ñerã áhrima,” arĩsome.

<sup>2</sup> Gajiräre “Õaro iibeama,” mua arĩ pepidiro dopa ta Goãmũru mua sãre eropa ta arĩ ïagucumi. Mua gajiräre beyero dopa Goãmũru mua sãre eropa ta beyegucumi.

<sup>3</sup> Mari werenigui queori mera buhecũ õpa iirã áhraa mua. Mua acaweregu ïgu cuirugue miri pogañegã mehñajacũ iri pogañegãre õaro ïhaa mua. Mua ya cuiripure wuarimiji árĩquerecũ ta irimijire ne pepibeaa mua. Eropirã gajigure miri pogañegãre mua ïaro dopa ta mua acaweregu ïgu ñero iiripure õaro ïhaa mua. Mua basi turaro ñerire iiquererã ta irire eropa pepicãa mua. ¿Dohpa árĩronore eropa áhriri mua?

<sup>4</sup> Õpa arĩ wereniguia mua acawererãre: “Acaweregu, ñerire iigu iica muha. Eropigu irire duhcãque,” arĩ wereniguia mua. Eropa ïgure ñerire iidorebiriquererã mua sã ñerire duhubeaa. ¿Duhpirã irire ñerire iinirã árĩquererã ta irire pee masibeari mua?

<sup>5</sup> Eropa iirã masa erã purupure ñero iicorerã áhraa mua. Mua ñero iiripure duhumuhtaque. Mua eropa iira puhru mua acawererãre “Mua ñero iirire duhcãque,” arĩ weremasia mua.

<sup>6</sup> Diayea iro dopa árĩrãre ñetariarãre Goãmũ ya õatariarire erã umupeobiririre werebiricãque eräre. “Erãgue ñero wereya ñero arĩri,” arĩrã werebiricãque eräre, arĩ werepu Jesu.

*Mari Pagure mari serẽire wereñumi Jesu*

*Lc 11.9-13; 6.31*

<sup>7</sup> Eropigu ïgu eräre werenemopu:

—Goãmure mari Pagure serẽque mua. Mua eropa serẽrã mua aĩrãca. Mua serẽire bocarãca. Goãmure eropa serẽniguicãque mua. Mua eropa iicũ ïgu muare ogucumi.

<sup>8</sup> Árĩpehrerã Goãmure serẽrã aĩrãcoma. Eropirã erã serẽrare bocarãcoma. Eropigu árĩpehrerã Goãmure eropa serẽniguicãrãre ïgu eräre ogucumi.

<sup>9</sup> “¿Mua porã barire muare serẽcũ utãyepure obocuri mua eräre? Obiriboya.

<sup>10</sup> ¿Mua porã waire muare serẽcũ añapure obocuri mua eräre? Obiriboya mua.

<sup>11</sup> Mua ñerã árĩquererã ta mua porãre õarire omasia mua. Eropigu mari Pagu mua tauro õarire ohomi muare ïgu porãre ïgure mua serẽire.

<sup>12</sup> “Gajirã muare õaro iicũ gahmea mua. Eräre mua õaro iicũ gamero dopa ta õaro iique erã sãre. Erã õaro iibiriquerecũ ta muaru eräre õaro iique. Eropa ta iidorea Moise dorerigue, Goãmũ yare weremuhtanirã erã gojarague sã, arĩ werepu Jesu.

*Miri disiporogã queorire wereñumi Jesu*

*Lc 13.24*

<sup>13</sup> Eropigu ïgu queorire werenemopu eräre õpa arĩgu:

—Goãmũ pohrogue wadiarã ïgu yare iiro gahmea muare. Eropirã ïgu yare eropa iimaabiricãro gahmea. Miri disiporogãgue mua wadiacũ diasa áhraa. Eropiro diasa áhraa Goãmũ pohrogue mua wadiacũ. Peamegue masa erã wacũ diasabeaa. Wuari disiporogue mari ñajacũ diasabeaa. Iri disiporogue ta masa erã ñajaboro dopa ta peamegue masa erã wacũ diasabeaa. Eropirã masa bajarã erogue warã iima.

14 Goãmũ pohrogue wadiacũ diasa ãhraa. Bajamerãgã masa erogue warãcoma. Erogue warã ɯmuri nũcũ Goãmũ mera árĩniguirãcoma, arĩ werepũ Jesu.

*Yucũgũ dũcare masirã dipagũ sãre masiro dopa ta masa erã iirire ãarã erã árĩricũrre masia mari, arĩ wereñumi Jesu*

*Lc 6.43-44*

15 Eropigũ ãgũ werenemopũ erãre:

—Ōaro pee masique. “Goãmũ yare weremũhtarã ãhraa,” arĩ gũyarãre peebiricãque mũa. Erã ðarire iirã iro dopa aririma mũa pohrogue. Erã pepirigũ ñerã ãhrima erã.

16 Erã ñero iicũ ãarã ñerã erã árĩcũ masirãca mũa. Erã ðaro iicũ ãarã, ðarã erã árĩcũ masirãca mũa. Aña poragũ dipatõrre dũcacũbeaa. Poracũdigũ sã higuera dipure dũcacũbeaa.

17 Ōadigũ yucũgũ ðarire dũcacũca. Ñedigũpũ ñerire dũcacũca.

18 Yucũgũ ðadigũ ñerire ne dũcacũmasibirica. Eropiro ñedigũ sã ðarire dũcacũmasibirica.

19 Ōarire dũcacũbiriri yucũre pa cóãcã, peamegue soecãma. Eropa ta iigũcumi Goãmũ ãgũ gamerire iibirãre.

20 Eropirã “Goãmũ yare weremũhtarã ãhraa,” arĩrã erã gũyacũ ðpa masirãca. Erã iiricũrre ãaque. Erã ðarire iirã árĩcũ ãha “Goãmũ ya wereniguirã ta ãhrima,” arĩ ãha masirãca. Erã ñerire iirã árĩcũ ãha “Goãmũ ya wereniguirã árĩbeama. Eropirã gũyarã ãhrima,” arĩ ãha masirãca, arĩ werepũ Jesu.

*“Mũare ne masibea,” arĩgũca yũhũ bajarã masare, arĩ wereñumi Jesu*

*Lc 13.25-27*

21 Eropigũ ãgũ erãre werenemopũ:

—Bajarã yũre “Yũ tĩgũ,” arĩrã árĩquererã ta ɯmaro majagũ Goãmũ ãgũ árĩroguere wasome erã. Yũ Pagũ ɯmaro majagũ ãgũ gamerire iirã dihta ãgũ opũ árĩroque warãcoma.

22 Pehrerinũ árĩcũ bajarã masa ðpa arĩrãcoma yũre: “Gũa tĩgũ, mũa yare gũa buheabũ. Mũa waĩ mera pũririre, watẽare cóãbũ. Eropirã mũa turari mera baja deyoro moarire iiabũ gũa,” yũre arĩrãcoma.

23 Erã eropa arĩquererã ðpa arĩ yũhrigũca erãre: “Mũare ne masibea. Ñerire iirã ãhraa mũa. Yũ pohro aribiricãque,” arĩgũca yũhũ erãre. Eropirã Goãmũ gamerire iique yũ pohro aridiarã, arĩ werepũ Jesu.

*Pe wihi iira queorire wereñumi Jesu*

*Lc 6.47-49; Mr 1.22*

24 Eropigũ queori mera werepũ Jesu erãre buhegũ:

—Eropi árĩpehrerã i yũ wereniguirire peenirã yũ dorerire iirã, ðaro pee masigũ wihi iidigũ iro dopa ãhrima erã. ãgũ ẽhcãri goberire seha, wihire nugunũgarũ.

25 ãgũ wihire ãgũ tuhajara pũhrũ deco bũrigã ahri, dia miritaria wayoro. Miruñe bũrigã weãyoro. Eropa waquererã ta iri wihi ẽhcãro ãgũ nugura wihi árĩro ne mihrua dijabiriyoro.

26 Eropirã árĩpehrerã yũ wereniguirire peenirã árĩquererã ta yũ dorerire iibirãpũ pee masibigũ ãgũ wihi iigũ iro dopa ãhrima. ãgũpũ ãgũ wihire dia tũro maja imiporo weca nugu, ðaro iibiripũ.

27 ãgũ wihire tuhajara pũhrũ, deco bũrigã ahri, dia miritaria waha, miruñe bũrigã weãyoro. Eropa weãro iri wihire weã mehpicãyoro, arĩ werepũ Jesu.

28-29 Īgũ eropa arĩ buhecũ peerã, peemaria wañorã masa. “Īgũ marire opũ Īgũ buhero dopa ta buhemi Īgũ. Marire buherã iro dopa buhebeamĩ,” arĩ pepiñorã erã.

## 8

*Jesu camĩ boagũre ðagũ wacũ iĩnumĩ*

*Mr 1.40-45; Lc 5.12-16*

<sup>1</sup> Jesu Ʃtãgũgue buhe doadigũ dijaa warũ. Īgũ dijacũ ĩarã masa bajarã ĩgũre nũrusiañorã.

<sup>2</sup> Ero ĩgũ wadiro yujugũ camĩ boagũ mague ĩgũre nũrusiaja eja, mereja, ĩgũre serẽpũ.

—Gua ĩgũ, mũhũ yũre ðagũ iidiagũ iique, arĩpũ.

<sup>3</sup> Īgũ eroparĩcũ peegũ ĩgũ mojoto mera Jesu ĩgũre mohmeripũ.

—Áũ, mũre ðagũ wacũ iiaa, arĩpũ Jesu ĩgũre.

Īgũ eroparĩcũ ta iri camĩ boara yarima wayoro.

<sup>4</sup> Eropa iituhaja Jesu ĩgũre arĩpũ daja:

—Yũhũ mũre ðpa iirare ne gajirãre werebircãque. Mũ ya dũpũre ðarare pahire ĩhmugũ waque, “Óaro ãhrimi,” arĩdoregũ. Tuhajanugu Moise dorerire Goãmũ ĩgũ apidiro dopa ta iique. Eropigũ Goãmũ ya wihigue mirimagũre asũ wahgã apique mũ dore tarirare masa árĩpehrerã erã masimaja ðaro, arĩpũ Jesu.

*Surara opũ ĩgũ pohro majagũ dorecũcũ Jesu ðagũ iĩnumĩ ĩgũre*

*Lc 7.1-10*

<sup>5</sup> Ero pũhrũ Jesu Capernaum waĩcũri macague ĩgũ ejacũ surara opũ ĩgũ pohro eja, ĩgũre turaro ðpa arĩ serẽpũ:

<sup>6</sup> —Gua ĩgũ, yũ pohro majagũ ne buhari mera dorecũgũ wamasibirini-jagũ, ĩgũre bũrigã pũricũ pepigũ yaha wihigue oyacumi ĩgũ, arĩpũ ĩgũ Jesure.

<sup>7</sup> Īgũ eroparĩcũ pee:

—Áũ, arĩ, ĩgũre ĩgũ dorecũrĩre taugũ wagũra, arĩpũ Jesu.

Īgũ eroparĩcũ ðpa arĩpũ surara opũ:

<sup>8-9</sup> —Opũ, ðaroca. Aribita. Ñegũ ãhraa yũhũ. Yaha wihire mũre ñajaridorebuno árĩbeaa yũhũ. Yuju diaye ta mũ turari mera dorebeoque. Mũ eropa iicũ yũ pohro majagũ ðagũ wagũcumi. Yũre yũ weca árĩrã gajirã oparã dorema. Yũ sã surarapũre dorea. Yujugũre “Waque,” yũ arĩcũ ĩgũ wahami. Gajigũre “Arique,” yũ arĩcũ ahrimi. Yũ pohro majagũre “Ire iique,” yũ arĩcũ irire iimi. Eropigũ mũ ĩgũre mũ dorero dopa ta ĩgũ dorecũgũ tarigũcumi, arĩpũ ĩgũ.

<sup>10</sup> Jesu ĩgũ eroparĩcũ pee Ʃca wa bajarã masa ĩgũ mera nũrusiarãre ðpa arĩpũ:

—Diaye ta mũare arĩgũ iiaa. Ihĩ surara opũ Israe masũ árĩbiriqueregũ Goãmũre bũrigã umupeomi. Īgũ pohro majagũre yũ ðagũ wacũ iiburire masituhami. Ne Israe masare ihĩ iro dopa umupeorãre ĩanibeeaa.

<sup>11</sup> Mũare arĩgũ iiaa. Bajarã ihĩ iro dopa árĩrã árĩpehrero majarã Ʃmaro majagũ ĩgũ opũ árĩrogue eja, erogue árĩrã mera barãcoma. Mũa ñecũ Ʃmarã mũra Abrahã, Isaa, Jacobo mera barãcoma erã.

<sup>12</sup> Masa gajirãpũ “Opũ ĩgũ árĩrogue wamorã ãhraa gua,” erã arĩquerecũ ta ñerogue naitĩarogue cóãgãgũcumi erãre. Erogue ĩgũ cóãnirã bũrigã ore, bũjawereri mera erã gũcũrĩre cũridihurãcoma, arĩ werepũ Jesu.

<sup>13</sup> Irĩre eropa arĩtuhaja surara opũre arĩpũ:

—Dujaaque mu ya wihigue. Mu pohro majagu tarigucumi. “Diaye ta tarigucumi,” arĩ mu pepidiro dopa ta tarigucumi, arĩpu Jesu.

İgu eroparĩcũ ta İgu pohro majagu pu õha waru.

*Pedro muñecore dorecugore tauñumi Jesu*

*Mr 1.29-31; Lc 4.38-39*

<sup>14</sup> Pũru Jesu Pedro ya wihigue eja, Pedro muñeco dorecucũ İaru İgu. Nimacuri arĩcũ oyapo igo.

<sup>15</sup> Igo eropa dorecucũ İanijagu igo mojtore mohmeripu. İgu eropa mohmericũ ta nimacuri taria wayoro. Taricũ pepigo igopu wahgã, erãre barire ejopo.

*Jesu bajarã dorecurãre tauñumi*

*Mr 1.32-34; Lc 4.40-41*

<sup>16</sup> Eropi ñamicague bajarã watẽa ñajasũnirãre masa aĩ ejañorã Jesu pohrogue. Erã eropa aĩ ejacũ İagu mata İgu watẽare cóacũ masa õha wañorã. Eropigu arĩpehrerãre dorecurãre erã aĩ ejanirãre taupehocãpu Jesu.

<sup>17</sup> Eropa ta iipu İgu iribojegue majagu Goãmu yare weremuhtadigu Isaia İgu arĩdiro dopa ta. Őpa arĩ gojañumi: “Mari dorecurire taucãmi İgu. Marire pũririre cohãmi İgu,” arĩ gojañumi Isaia Jesu ariboro coregue.

*Yujurãyeri Jesu mera majarã arĩdiariñuma*

*Lc 9.57-62*

<sup>18</sup> Jesu masa bajarã İgu pohro arĩcũ İagu,

—Wũariya gajipu masegue ina taribujarã, arĩpu İgu buherãre.

<sup>19</sup> Erã taribujaboro core judio masare buhegu Jesu pohrogue eja, õpa arĩpu:

—Buhegu, mu mera wadiaa noho mu waro, arĩpu.

<sup>20</sup> Jesu õpa arĩ yũhripu:

—Yu mera arĩcũ diasa ãhraa. Nũgu majarã diayea erã carĩburi toreri opama. Mirimagu porã sã erã ya suhri opama. Yũpũre Goãmu İgu obeodigũpũre ne yaha wihi mara. Eropirã yũ mera arĩrã ñero tarirãca muu, arĩ yũhripu Jesu.

<sup>21</sup> Eropi gajigu Jesu buhegu õpa arĩpu:

—Gua opu, yũ pagu İgu sĩricũ yaatuhajagu mu mera wagura, arĩpu İgu Jesure.

<sup>22</sup> Jesu yũhripu:

—Yũre gamebirã sĩrinirã iro dopa ta ãhrima. Erãpu sĩrinirãre yaaporo. Eropigu mũpu yũ mera majagu arĩbu arique dohparagã, arĩpu İgu.

*Jesu miruñere yũsdoreñumi*

*Mr 4.35-41; Lc 8.22-25*

<sup>23</sup> Eropa arĩtuhaja dohodirugue ñajapu. Eropirã İgu buherã sã İgu mera waha ñajañorã.

<sup>24</sup> Ero erã taribujarisubu iriyague miruñe bũrigã ariyoro. Eropiro pãgũri dohodirure miucãriyoro. Eropa miruñe weãquerecũ ta Jesupu carĩgu iipu.

<sup>25</sup> Eropa wacũ İarã erã İgũre wahgũñorã. Wahgũ õpa arĩñorã:

—Opu, mirimorã iica mari. Miruñere tauque, arĩñorã.

<sup>26</sup> Erã eroparĩcũ Jesu yũhripu:

—¿Duhpirã gũimaacãri muu? Yũre merogã umupeorã ãhraa muu, arĩpu Jesu erãre.

Eropa arĩgu ta wahgãnugaja miruñere pãgúri sãre “Yusaque,” arĩpu. Īgu eroparĩcũ miruñe, pãgúri sã yusudijapehrea wayoro.

<sup>27</sup> Īgu eropa iicũ ĩha uca, õpa arĩ wereniguiñorã erã basi.

—¿Ñehmuno masu ahriri ihĩ? I miruñe, pãgúri sã yãhrisũgu ahrimi, arĩñorã erã.

*Watẽa ñajasũnirãre tauñumi Jesu*  
*Mr 5.1-20; Lc 8.26-39*

<sup>28</sup> Erãre eropa wara pũru taribujaja, Gerasa majarã ya yebague eja pu. Eroque erã ejacũ perã uma Jesure bocatĩriñorã. Masa goberi watopegue arĩnirã arĩñorã. Erã watẽa ñajasũnirã arĩrã gorowererã guhyarã arĩñorã. Eropirã erogue masa ne wabiriñorã.

<sup>29</sup> Īgure bocatĩri õpa arĩ gaguiniguñorã:

—¿Mũhu Goãmu magu duhpibu ahriri mũhu gua pohroguere? ¿Guare Goãmu dorero ejabiriquerẽ ta dipuwaja moagu ahriri mũhu? arĩ gaguiniguñorã erã watẽa mera.

<sup>30</sup> Ero pohro bajarã yesea ahma barã iĩñorã.

<sup>31</sup> Erãre ĩanijarã, watẽapu õpa arĩ bũrigã serẽñorã Jesure:

—Guare oã umare cóagu soã yesea pohroque wadoreque guare. Erã mera guare arĩdoreque, arĩ serẽñorã erã Jesure.

<sup>32</sup> —Áu, waque, arĩpu Jesu.

Īgu eroparĩcũ watẽa perã masa mera arĩnirã waha, yesea pohroque ejañorã. Erãre ñajacũ ta yesea gorowere, dipaturugue oma buha, wũariyague yuriñaja yuhria, miri sĩripehrea wañorã.

<sup>33</sup> Erã eropa wacũ ĩarã yeseare ĩhadiburãpu güi, omagã wañorã. Macague eja yesea erã mirirare weresiripehocãñorã erã. Watẽa erã ñajasũnirãre Jesu ĩgu cóara sãre werepehocãñorã erã.

<sup>34</sup> Erã eropa weresirira pũru iri maca majarã arĩpehrerã Jesure ĩarã ejañorã. Eropirã ĩgure ĩara pũru turaro mera wiriadoreñorã ĩgure erã ya yebare.

## 9

*Dũpu bũhadigure õagu wacũ iĩñumi Jesu*  
*Mr 2.1-12; Lc 5.17-26*

<sup>1</sup> Erã eropa wadorera pũru Jesu dohodirugue ñaja, wũariyague taribujaa, ĩgu ya macague eja pu.

<sup>2</sup> Eroque gajirã dũpu bũhadigure pũgu mera coã aĩ wahgã erañorã Jesu pohro. “Jesu ĩre ĩgu dorecurire taricũ iigucumi,” arĩ pepiñorã erã. Erã eropa arĩ pepicũ masigu Jesu dorecugure õpa arĩpu:

—Mucubirique mũhu. Mu ñero iirare cóatuhabu yũhu, arĩpu ĩgu.

<sup>3</sup> Īgu eroparĩcũ peerã yujurãyeri masare buherã õpa arĩ pepiriñorã erã basi: “Ihĩ eropa arĩ ĩgu wereniguiñorã mera Goãmure ñero arĩgu iimi,” arĩ pepiñorã erã buherã.

<sup>4</sup> Erã eropa arĩ pepicũ masigu, õpa arĩpu Jesupu:

—¿Dũpirã eropa arĩ ñero pepiri mũa?

<sup>5</sup> “Mu ñero iirare cóãbu,” yũ arĩcũ “Gũyagu ahrimi,” arãa mũa masibiriquererã ta. Īgure “Wahgãnugaque. Curique,” yũ arĩcũ yũ arĩra diaye arĩri arĩcũ mata mũa ĩha masirãca.

<sup>6</sup> Yũhu masu Goãmũ ĩgu obeodigu i yeba majarã erã ñero iirire cóãmasia yũhu. Mũa ire masiborore õpa ta ĩgu wahgãnugacũ iigura, arĩpu Jesu.

Eropa arĩtuhaja dũpu bũhadigure õpa arĩpu:

—Wahgānugajaque. M̄ p̄gure aī, m̄ ya wihigue dujaaque, arīp̄ ūgure.

<sup>7</sup> Īḡu eroparīc̄ũ ta peeḡu d̄p̄u b̄hadiḡu wahgānugaja, ĩḡu ya wihigue dujaa wap̄u.

<sup>8</sup> Masa ĩḡu eropa wac̄ũ ĩarā ḡuiñorā. Eropirā Jesure Goām̄u ĩḡu turarire opac̄ũ ĩarā Goām̄ure umupeo, ðaro wereniguiñorā.

*Jesu Mateore sihuñumi*

*Mr 2.13-17; Lc 5.27-32*

<sup>9</sup> Erā eropa iira p̄hr̄u Jesu eroḡu árīdiḡu wiria, ȳre Mateore bocatīrimi. Oparā ya árīburire masare wajasea coreḡu árīrib̄u. Eropiḡu irisubure ȳ mohmeri taribugue doab̄u. Ero ȳ doac̄ũ ĩaḡu, ðpa arīmi ȳre:

—Ȳ mera majaḡu árību ariq̄ue, arīmi ȳre Jesu.

Īḡu eroparīc̄ũ pee, wahgānugaja ĩḡu mera wab̄u.

<sup>10</sup> P̄hr̄u yaha wihigue Jesu s̄a barā erama. Bajarā wajasea corerā “ñero iirā” erā arīrā ḡua mera ta bama.

<sup>11</sup> Erā mera ḡua bac̄ũ ĩarā, fariseo masa Jesu buherāre ðpa arīma:

—¿Duhpiḡu m̄are buheḡu wajasea corerā ñero iirā mera bahari? arīma erā ḡuare ĩḡu buherāre.

<sup>12-13</sup> Erā eroparīc̄ũ peeḡu Jesup̄u ðpa queori mera ȳhr̄imi:

—Dorec̄ubirā duhturure amabeama. Dorec̄urā dihta duhturure ahmama. Dorec̄urā duhturu amaro dopa ta “Ñerā āhraa,” arīrā ȳre amarācoma. Eropiḡu “Ñerā āhraa,” arīrā dihtare erā ñero iirare b̄jaweredore ðarip̄ure gohrotoc̄ũ iiḡu arib̄u ȳh̄u. Erā basi “Ōarā āhraa ḡua,” arī pepirāre itamuḡu aribirib̄u. Goām̄u ĩḡu arīrare erā arī gojarare masique m̄a. “Waim̄urāre wejē soemujurā ȳre eropa umupeoc̄ũ ne gamebeaa. Gajirāre m̄a mojomoro ĩac̄p̄ure gahmea,” arīmi Goām̄u, arī gojañumi. I eropa arīr̄ire masique m̄a. Irire ðaro buhenemorā waque, arīmi Jesu fariseo masare.

*Ba duhurire serēpiñuma Ñu buherā Jesure*

*Mr 2.18-22; Lc 5.33-39*

<sup>14</sup> P̄hr̄u Ñu waīyeḡu ĩḡu buherā ḡua pohro eja Jesure serēpima:

—Ḡua Ñu buherāp̄u bajasuburi Goām̄u ya árīburire iirā ba duhua. Fariseo masa s̄a eropa ta ba duhuma. ¿Duhpirā m̄u buherāp̄u ba duhubeari? arīma erā Jesure.

<sup>15</sup> Jesu erāre ðpa arī ȳhr̄imi:

—Ōpa āhraa iri: Mojoto diridiḡu ĩḡu bosenu iic̄ũ ĩḡu mera majarā b̄jawererā ba duhurā árībeama. Īḡu mera árīrā mucubiri barā iima. Eropa ta ȳ buherā s̄a ȳ mera árīrā ba duhumasibeama. Yujun̄u ȳre Goām̄u aīc̄aḡuc̄umi. Eropa ĩḡu ȳre aīra p̄hr̄u ȳ buherā mera árīsome ȳh̄u. Irisubugue ta ȳ buherā ba duhurācoma, arī ȳhr̄imi Jesu.

<sup>16</sup> Erā iribojegue maja buheri mama buheri mera erā peñe buhemore-diac̄ũ ĩaḡu ðpa arī werenemomi Jesu erāre:

—Ne mama gasiro suhri gasiro mera m̄urañe suhrirore seretu masiya mara. Eropa seretura p̄hr̄u mama gasiro mari coec̄ũ m̄ura suhriro árīro yehguea wa daja, tara gameneo, w̄atariaro yehgueac̄ũ iiaa. Eropa ta m̄ura buheri mama buheri mera wapi moa buhebirc̄aro gahmea.

<sup>17</sup> Eropirā ne igui deco imis̄iri decore waibuḡu gasiro ajuro m̄ura ajuro mera diyebirc̄aro gahmea. Eropiic̄ũ igui deco imis̄iri pahmura p̄hr̄u m̄ura ajurore yeguedija wahaa. Iri ajuro yehguec̄ũ igui deco s̄a, ajuro

sã cohmoa wahaa. Eropirã igui deco waibugũ gasiro mama ajuro mera diyero gahmea. Eropiicũ igui deco pahmuro õaro iri ajuro sãraa. Eropa ta mama buheri mũra buheri mera buhebircãro gahmea, arĩ weremi Jesu erãre.

*Jairo magore õago ii, behreri opaniguigo sãre õago wacũ iĩnumi Jesu  
Mr 5.21-43; Lc 8.40-56*

18 Īgũ eropa arĩ wererisubu gũa judio masa buheri wihi opu Jesu pohrogue erami. Eraa, mereja, õpa arĩmi:

—Yũ mago negãgue sĩria wahãmo. Igore mũ mojtore duhpeogu ariqũe. Mũ eropa iicũ masagocumo, arĩmi ĩgũ Jesure.

19 Īgũ eroparĩcũ peegu Jesu wahgãnũgaja, ĩgũ mera wami. Gũa ĩgũ buherã sã ĩgũ mera wabũ.

20 Gũa erogue waniguicũ ero nomeo Jesu purũpu eja, ĩgũ suhriro ojogorore mohmepiĩamo. Doce bojori gohra mũmũri nũcũ behreniguigo arĩpo.

21 Őpa arĩ pepipo igo eropa iigo: “Īgũ suhriro dihtare mohmepiĩago õago dujagoca yũhũ,” arĩ pepipo igo. Eropigo igo mohmepicũ mata igo di wirira purumujuyoro.

22 Igo eropa iicũ masigu Jesu majinũgaja, igore arĩmi:

—Mucubirique mũhũ. Mũhũ yũre umupeori mera õago dujaa, arĩmi ĩgũ.

Īgũ eroparĩcũ ta õha wamo igo.

23 Eropa iituhaja Jesu gũa mera opu ya wihigue ejami sĩridigo pohro. Ñajajagu bajarã masa i wihigue arĩrã turaro busucũ ĩami. Gajirã ñehamere orerãre gaguinuirãre ĩami. Gajirã igogãre yaaboro core tarisu iro dopa arĩrire purirãre ĩami.

24 Erã eropa iicũ ĩagũ masare õpa arĩmi:

—Wiriaque mũa. Sĩribeamõ igo. Carĩgo iimo, arĩmi erãre.

Īgũ eroparĩcũ peerã, “Eroparĩcãgũ iimi ihĩ,” arĩrã masa ĩayema ĩgũre.

25 Īgũpũ erãre disiporogue wiupehocãmi. Tuhajanugu sĩridigo pohrogue eja, igo mojtore ñeapũ. Īgũ eropa ñeañacũ ta masa bejaja, wahgãnũgajapo igo.

26 Īgũ eropa iirare peerã, ero majarã masa arĩpehrerã masa werewũañorã.

*Perã cuiiri ĩhajabirãre ĩacũ iĩnumi Jesu*

27 Ero arĩnirã gũa Jesu mera wacũ, perã cuiiri ĩhajabirã ĩgũre piyu nũrusiama:

—Opu Davi pãrami masare taugũ, gũare mojomoro ĩaque mũhũ, arĩ gaguiniguima erã.

28 Erã eroparĩcũ Jesu gaji wihigue ñajami. Īgũ eropa ñajacũ masirã cuiiri ĩhajabirã ĩgũ pohrogue ñaja wama. Erã eropa ñajacũ ĩagũ ĩgũpũ erãre serẽpimi:

—¿Marire ĩacũ iigũcumi ĩgũ, arĩ pepiri mũa yũre? arĩmi ĩgũ.

—Opu, eropa ta arĩ pepia gũa, arĩ yũhrima erã.

29 Erã eropa yũhricũ ta erã cuirire ñapeomi. Ñapeogu, õpa arĩmi:

—Yũre “Eropa iigũcumi,” mũa arĩ pepidiro dopa ta eropa ta iigũra, arĩmi Jesu.

30 Īgũ eroparĩcũ ta erã cuiiri õha wabũ. Eropi Jesu õpa arĩmi erãre:

—I yũ õpa iirare gajirãre ne werebircãque, arĩrimi Jesu.

<sup>31</sup> Īḡu eropa arīquerecũ ta waha, i yeba majarāre weresirinirā árīma ĩḡu eropa iirare erā.

*Wereniguimasibigũre wereniguicũ iĩñumi Jesu*

<sup>32</sup> Iri wihire erā cuiiri õha wanirā wiriarisubu gohra yujugũ wereniguimasibigũre aĩḡarima Jesu pohro masa. Watĩ ĩḡure ñajasũdigũ ĩḡure wereniguimasibiricũ iidi árīmi.

<sup>33</sup> Erā aĩ ejacũ ĩagũ watĩre Jesu cóãmi. ĩḡu eropa watĩre cóãcũ wereniguimasibiridigũpũ wereniguia wami. ĩḡu eropa iicũ ĩarā árĩpehrerā ĩhamaria wama.

—Ne i yeba Israe yebaguere õpa iirāre ĩabirimũrabũ mari, arĩ wereniguima masa erā basi.

<sup>34</sup> Fariseo masa gajiropa arĩ wereniguima:

—Watẽa opũ ĩḡu turari mera watẽare cohãmi ihĩ, arĩ wereniguima erā.

*Masare mojomoro ĩañumi Jesu*

<sup>35</sup> Eropi árĩpehreri macari ero árĩri macarire, paga macari sãre buhe curigũ wami Jesu gũa mera. Õari buherire erā buheri wirigue buhegũ wami ĩḡu. Eropigũ Goãmũ ĩḡu opũ árĩborore weremi. Árĩpehreri dorecũri sãre ero majarāre taumi ĩḡu.

<sup>36</sup> Erā masa bajarā ñero tarirā, itamuri moorā, oveja dibuya marirā iro dopa erā árĩcũ ĩapũ Jesu erāre. Eropa ĩagũ Jesu erāre mojomoro ĩami.

<sup>37</sup> Eropigũ õpa arĩmi ĩḡu ḡuare ĩḡu buherāre:

—Ojodũca baja iri buḡatuhajacũ baja árĩcũ mohmeri wũaro āhraa. Mohmeri masapũ bajamerāḡā āhriima. Eropa ta õari buherire peemorā bajarā árĩcũ wũaro āhraa mari mohmeri. Iri eropa arĩquerecũ ta mari masare buhemorā bajamerāḡā āhraa.

<sup>38</sup> Eropirā õari buherire buhemorāre gajirāre ĩḡu obeomorāre serẽque Goãmũre mũa, arĩmi Jesu ḡuare.

## 10

*Jesu doce gohra beyeñumi ĩḡu buhedoreḡũ obeomorāre*

*Mr 3.13-19; Lc 6.12-16*

<sup>1</sup> Pũhrũ doce ḡuare ĩḡu buherāre Jesu sihubeo, turarire omi ḡuare. Watẽare gũa cóãmasiburire, árĩpehreri dorere gũa taumasiburire omi ḡuare.

<sup>2</sup> Õpa waĩcurā árĩbũ gũa Jesu ĩḡu apinirā: Simo árĩmi. ĩḡure ta Pedro arĩ piyumi Jesu. Simo pagũ magũ Andre árĩmi. Santiago ĩḡu pagũ magũ Ñũ mera árĩmi. Erā pagũ Zebedeo waĩcũmi.

<sup>3</sup> Felipe, Bartolomé, Toma, yũhũ Mateo árĩbũ gũa. Yũpũ oparā ya árĩburire masare wajaseabasa coredigũ árĩribũ. Gũa mera gajigũ Santiago árĩmi. ĩḡu Alfeo magũ árĩmi. Eropigũ Lebéo sã árĩmi. ĩḡupũ Tadeo erā arĩ piyudigũ árĩmi ĩḡu.

<sup>4</sup> Simo celote ya curu majagũ, Juda Iscariote sã árĩma. Judapũ Jesure ĩhaturirāre ĩhmubu árĩmi.

*Jesu ĩḡu buherāre buhedoreḡũ obeoñumi*

*Mr 6.7-13; Lc 9.1-6*

<sup>5</sup> Eropi ḡuare ĩḡu buherāre docere obeoḡũ, “Õpa iique,” arĩ wereseremi ḡuare:

—Judio masa árĩbirā pohroguere wabiricãque. Ne Samaria yeba maja macarigue sãre wabiricãque.



<sup>6</sup> Israe yeba majarã pohroguere waque. Goãmure masibirã ährima erã.

<sup>7</sup> “Umuro majagu opu áriboro merogã duhyaa,” arĩ buheque erãre.

<sup>8</sup> Eropirã cami boarãre, gaji baja gajiropa árĩri dore oparã sãre ðarã wacũ iique. Sírĩnirãre masuque. Watẽa ñajasũnirãre cohã wiuque erã watẽare. Mũare iri turarire ogu iiaa. Eropirã mũa sã yu eropa odiru dopa ta masare wajasearo mariro ðarã wacũ eropa iicãque.

<sup>9</sup> “Mũa warã ne niyerure aĩbircãque.

<sup>10</sup> Ne mũa ajure, ne peñe camisare, ne peba zapaturi sãre aĩgãbircãque. Mũa buheroguere ero majarãpũ mũare barire oporo.

<sup>11</sup> “Iri macariguere ejarã, mũa carĩborore masa ðaro umupeogu pohrogu amaque. Eropirã ĩgu ya wihi ta dujanique. Ne warãque wiriaque iri wihire.

<sup>12</sup> Eropirã wihigue ñajarã “Ähriri,” arĩque iri wihi majarãre.

<sup>13</sup> Mũare erã gamecũ, “Goãmũ mera ðaro árĩque mũa,” arĩque erãre. Mũa erã gamebircũ, “Goãmũ mera ðaro árĩque,” mũa arĩbircãque erãre.

<sup>14</sup> Eropirã mũare erã gamebircũ, erã mũa buherire peediabircũ ĩarã iri wihire wiria waque. Eropa wiriarã, guburi maja nicure moje siripique erã ĩaro, erã ya dipuwajare ĩhmumorã. Iri maca majarã mũare gamebircũ eropa ta iique erã sãre.

<sup>15</sup> Diaye ta mũare arĩgu tiiaa. I mũũ pehrecũguere Sodoma majarã Gomorra majarã mũa burigã dipuwajacũrãcoma. Erã eropa dipuwajacũro tauro mũare gamebirãpũ dipuwajacũrãcoma. arĩ weremi Jesu guare.

### *Jesu yarãre gajirã erã ñero iiborore wereñumi Jesu*

Eropa arĩtuha ðpa arĩnemomi guare ĩgu buherãre:

<sup>16</sup> —Yũre peeque mũa. Oveja iro dopa árĩrãre mũare yeea guarã iro dopa ta ñerã árĩrã watopegue obeogu iiaa. Eropirã mũapũ ðaro pee masirã árĩque. Eropirã gariboro mariro ðaro árĩque erã mera.

<sup>17</sup> ðaro iique mũa. Masa mũare erã oparãre orãcoma mũare dipuwaja moadorerã. Erã buheri wirigue sãre parãcoma mũare.

<sup>18</sup> Eropirã mũa yaharã mũa árĩri dipuwaja macari majarã oparã pohrogu erã tauro oparã pohrogu sãre aĩgãrãcoma mũare dipuwaja moadoremorã. Eropirã mũare erogue erã aĩgãcũ judio masa árĩbirã oparã sãre ðari buherire wererãca mũa.

<sup>19-20</sup> Mũa erã oparã pohrogu erã aĩgãcũ erãre mũa wereniguiburire wũaro pepibircãque. Mũa erã serẽpicũ ta mũa erãre yũhriburire masirãca Goãmũ mera. Eropa masirã mũa irire mũa gamero werenigu-isome. Goãmũpũ mari Pagũ ĩgu Espĩritu Santo mera mũare wereniguicũ ĩgũcumi.

<sup>21</sup> “Irisubure erã tĩrã erã pagũ porã Jesu yarã árĩcũ ĩha wejẽdore wiarãcoma oparãre. Erã pagũ sũmarã erã porã Jesu yarã erã árĩcũ ĩha wejẽdore wiarãcoma oparãre. Erã porãpũ erã pagũ sũmarã erã Jesu yarã erã árĩcũ ĩha wejẽdore wiarãcoma oparãre.

<sup>22</sup> Eropirã masa árĩpehrerã yũre mũa umupeora dipuwaja ĩhaturirãcoma mũare. Erã mũare erã ñero iiquerẽcũ ta mũare erã ñero iirare yujuro bojerã yũre duhubircũ Goãmũ mũare taugũcumi. Eropigu ĩgu pohrogu mũare opagũcumi.

<sup>23</sup> Yuju maca mũare erã ñero iicũ gaji macague duhri wahgãque. Diaye ta mũare arĩgu tiiaa. Israe yeba árĩri macarire mũa buhepehoboro core, yũhũ masũ Goãmũ ĩgu obeodigu i yebague dujarigũra.

24 “Buherã erãre buhegure masi taribeama. Eropigũ pohro majagũ sã ãgũ opũ weca áribeami.

25 Yujugũ buhegure ãgure weredigũ iro dopa dujaro gahmemi ãgũ. Pohro majagũ sãre ãgũ opũ iro dopa ta dujami. Mũapũ yũ buherã áhraa. Eropirã yũre iidiro dopa ta mũa sãre iirãcoma. Eropirã yũre “Watĩ Beelzebú áhrimi,” arĩ weresãrã, mũa sãre yaharãre ñero arĩ wereniguirãcoma erã, arĩ weremi Jesu gũare.

*¿Nihinore gũicũ ôhari? arĩ wereñumi Jesu*

*Lc 12.2-7*

26 Eropã arĩra pũhrũ Jesu ôpa arĩnemomi gũare:

—Eropirã mũare erã ñero iidiarãre gũibiricãque. Masa erã yayasãrãre pũhrũ gajirã masirãcoma. Erã dibura sãre gajirã masirãcoma.

27 Eropirã mũare yayarogã yũ wererare bajarã masa watope wereturi-  
aque mũaapũ.

28 Mũare wejẽrã mũa dũpũ dihtare wejẽmasima. Mũa sĩporãpũ sĩribeaa. Eropirã mũare wejẽdiarãre gũibiricãque. Goãmũpũre gũique. ãgũ mũa dũpũ mũa sĩporãri sãre peamegue dedeomasimi mũare. Eropirã ãgũpũre gũique.

29 “Perã mirua wajamarima. Erã eropa wajamariquerẽcũ ta Goãmũ ôaro mahi ãhadibumi erãgãre. Goãmũ dorebiricũ ne sĩribeami yujugũgã.

30 Eropigũ mũa poarire ne yuju poadagã dũhyaro mariro masipehomi Goãmũ. Eropã ta mũa áriicũri sãre masipehomi Goãmũ. Eropã masigũ mũare ãhadibuniguicãmi.

31 Miruare ãgũ ãhadiburo tauro mũapũre ãhadibumi Goãmũ. Eropirã wũaro bũjawere guñaricũbiricãque mũa, arĩ weremi Jesu.

*Jesure mũa umupearire wereque masare, arĩ wereñumi*

*Lc 12.8-9*

32 Eropigũ gũa sãre werenemomi:

—Yujugũ “Jesucristo yagũ áhraa,” masare ãgũ arĩ werẽcũ yũ sã ãgure “Yahagũ áhrimi,” arĩ werẽgũra yũ Pagũ umaro majagũgũere.

33 Yujugũ masare gũigũ “Jesucristo yagũ áribeaa,” masare ãgũ arĩ werẽcũ yũ sã “Yahagũ áribeami ãgũ,” arĩ werẽgũra yũ Pagũgũere umaro majagũgũere, arĩ weremi Jesu.

*Jesu yũ buhecũ masa erã basi game dũca warirãcoma, arĩ wereñumi*

*Lc 12.51-53; 14.26-27*

34 Eropã arĩtuhaja ôpa werenemomi masare:

—¿Dohpa arĩ pepiri mũa yũre? ¿Yũhũ masare yũ buhegũ aricũ yũ buheri mera masa ãhaturisome, arĩ pepiri mũa? Eropã áribeaa. Masa yũ buherire peerã pe curu erã basi dũca warirãcoma. Yujurãyeri yũ buherire peerãcoma. Gajirãpũ irire gamebirã erãre ãhaturirãcoma. Eropirã yujuro mera áriisome masa.

35 Mũrã yũ buherire erã peera dipuwaja erã porã erãre ãhaturirãcoma. Mũrã nome erã yũ buherire peera dipuwaja erã porã nome erãre ãhaturirãcoma. Erã mũñecosã nome yũ buherire erã peera dipuwaja erã beposã nome erãre ãhaturirãcoma.

36 Eropirã masa erã acawererãre yũ buherire peecũ ãarã erãre ãhaturirã  
ãrĩrãcoma.

37 “Yũre erã mahibodiro tauro erã pagũ sumarãpũre mahitarinũgarã yaharã áriisome erã. Yũre erã mahiborono tauro erã porãpũre mahi-  
tarinũgarã yaharã áriisome erã.

<sup>38</sup> Eropirã crusague yu sīridiro dopa ta yaharã erã árīra waja ñero tarirãcoma erã sã. Eropa ñero taridiabirã yaharã árīsome.

<sup>39</sup> Masa yure guñaro mariro erã gamero iirã peamegue warãcoma erã. Yaha árīburipare erã guñarã árīpehrerinari Goãmũ mera òaro árīniguicãrãcoma, arī weremi Jesu.

*Mari wajataburire wereñumi Jesu*

*Mr 9.41*

<sup>40</sup> Eropa arītuhaja òpa werenemomi gua sãre:

—Mũare yaharãre yujugu òaro mera bocatīrigu, yu sãre bocatīrigu iimi ĩgu. Eropigu yure òaro bocatīrigu yure obeodigu sãre bocatīrigu iimi.

<sup>41</sup> Eropigu Goãmũ yare weredigu wajatagucumi. Īgure òaro iigucumi Goãmũ. Eropigu ĩgu yahare ĩgu weregu árīcũ ĩagu yujugu ĩgure òaro bocatīrigu weredigu iro dopa ta wajatagucumi ĩgu sã. Eropi gajigu òaro iidigu wajatagucumi. Eropigu ĩgu òaro iigu ĩgu árīcũ ĩagu yujugu ĩgure òaro bocatīrigu òaro iidigu dopa wajatagucumi ĩgu sã.

<sup>42</sup> “Jesu yagugã ta àhrimi,” mũa arī ĩarã ĩgugãre itamudiarã deco yusari mera dihta tīaquerecũ, diaye ta mũa sãre òaro iigucumi Goãmũ, arī weremi Jesu.

## 11

*Ñu waĩyegu ĩgu buherãre Jesure serēpidoregu obeoñumi*

*Lc 7.18-35*

<sup>1</sup> Gũare ĩgu buherãre ĩgu eropa arī werera pũhrũ ero pohro árīri macarigue buhegu waha wami ĩgu.

<sup>2</sup> Eropigu Ñu peresugue árīgu Jesu ĩgu iiricũre peebeopũ. Eropa peegu Ñu ĩgu buherãre Jesure serēpidoregu obeopũ.

<sup>3</sup> Eropirã gua pohrogue eja, Jesure serēpima erã Ñu buherã.

—Ñu òpa arī serēpidoreami mũre: “ ‘¿Yu pũhrũ gajigu ĩgu arigucumi,’ yu eropa arīdigu ta àhriri mũhu? ¿O gajigure corerãcuri gua?’ ” arī serēpi doreami Ñu, arīma erã Jesure.

<sup>4</sup> Erã eroparīcũ peegu Jesu yũhrimi:

—Dohpaguere mũa peerare, mũa ĩarare Ñure wererã waque.

<sup>5</sup> Òpa arīque: “Jesu mera cuiri ĩhajabirã ĩhama. Curimasibirã cuhrima. Cami boanirã òarã wahama. Peejabirinirã peea wahama. Sīrinirã masa wahama,” arī wereque. Eropirãmojomorocũrãre òari buherire yu wererare wereque ĩgure. Eropa arī weretuhaja òpa arī wereque Ñure.

<sup>6</sup> “Yure peegu ‘Diaye ta àhraa,’ arīgu ĩgu mucubirigu àhrimi,” arãmi Jesu, arī, Ñure wererã waque, arīmi Jesu.

<sup>7</sup> Ñu buherã erã wara pũhrũ, Jesu Ñu árīricũre werenugami masa bajarãre.

—Masa marirogue Ñu pohrogue warã ero majare taare miru weãcũ ĩarã ejabiribu mũa.

<sup>8</sup> Òari suhricũgu sãre ĩabiribu mũa. Òari suhricũrã oparã ya wirigue àhrima.

<sup>9</sup> Masa marirogue ejarã Goãmũ yare weremũhtadigupure ĩarã ejabu mũa. Diaye ta Ñu Goãmũ yare weremũhtagu àhrimi. Gajirã Goãmũ yare weremũhtanirã tauro árīgu àhrimi Ñupũ.

<sup>10</sup> Iribojegue Goãmũ yare erã gojarapũ òpa arī wereyuyoro Ñure.

Mari Pagu ĩgu magure opa arĩpu. “Mu core mre wereyubure obeogu iiaa,” arĩmi Goamu, arĩ gojañuma Nure.

<sup>11</sup> Mure diaye ta arĩgu iiaa. Masa arĩpehrerã tauro aħrimi Nũ waĩyegu. Irisubure ĩgu eropa arĩquerecũ ta umaroguere Goamu ĩgu opu arĩroguere arĩpehrerã docanugagupu Nũ tauro arĩgucumi.

<sup>12-13</sup> “Nũ waĩyegu ĩgu eraboro core Moiserẽ ĩgu apira doreri mera Goamu marire doremi. Goamu ya weremuhtanirã mre erã gojara sã eropa ta arĩribu marire dorera. Dohpaguepũre Nũ õari buherire, Goamu opu ĩgu arĩrire buhemi. ĩgu eropa buhecũ pee masa erã ejatuharo erã turari mera Goamu erã opu arĩcũ burigã gahmema.

<sup>14</sup> “Elia arigucumi,” iribojegue erã arĩdigu ta Nũpu aħrimi. “Iribojegue majarã erã arĩrare diaye ta aħraa,” arĩdiarã Nũ ĩgu erã eropa arĩdigu arĩcũ masirãca maa.

<sup>15</sup> Oaro peeque maa ire, arĩmi Jesu.

<sup>16</sup> Eropigu opa arĩnemomi masare:

—¿Maa dohpague majarã masa ñehmarano iro dopa aħriri maa pepicũ? Maa majirã iiro dopa opa aħraa. Doberi duarogue bira doarã, opa arĩ duyasoma erãgã erã basi:

<sup>17</sup> “Maa bayaburire tarisu purirabu gua. ¿Duhpirã maa mucubiri bayarã aribirari? Eropirã gua burigã ñehamere orerabu. ¿Mupũ duhpirã gua mera orebirari?” arĩma duyasora. Erã majirã arĩ duyasora iro dopa ta iirã opa iiaa maa dohpague majarã.

<sup>18</sup> Nũ waĩyegu Goamu ya arĩburire ba duhugu vinore ihribirimi. ĩgu eropa ihribiricũ ĩarã “Pee masibigu aħrimi,” arĩribu maa ĩgure.

<sup>19</sup> Yũpu masu Goamu ĩgu obeodigu arĩgu yũhu baha, ihria. Yũ eropa iicũ ĩarã opa arãa maa yũpũre. “ĩaque. Ihĩ wũaro bagu, merericugu sã aħrimi. Wajasea corerã ñero iirã erã wapicugu aħrimi ĩgu,” arãa maa yũre. Maa gamero dopa gua iibiricũ ero wabeaa mure. Maa masibiriquererã ta gua iirare ĩarã, Goamu masirire gua opacũ masirãca maa, arĩmi Jesu erãre.

*Iri macari majarãre turiñumi Jesu erã ñerire bujawerebiricũ ĩagu*

*Lc 10.13-15*

<sup>20</sup> Pũhrũ ero maja macari majarãre turipu Jesu. Iri macarire gaji macari sãre Goamu turari mera tauro deyoro moarire ii ĩhmudi arĩrimi ĩgu. ĩgu eropa ii ĩmuquerecũ ta erã ñero iirire duhubirinirã arĩma erã. Eropigu erãre opa arĩpu ĩgu.

<sup>21</sup> —Corazĩn maca majarã maa ñero tarirãca. Betsaida majarã maa sã ñero tarirãca. Maa ya macaguere yũhu Goamu turari mera deyoro moarire iirabu. Maa peebirabu. Iribojegue Tiro waĩcũri macare, Sidon waĩcũri maca sãre yũ deyoro moarire yũ iicũ ĩarã ero majarãpu erã ñerire bujawereboañuma. Eropã iirã õaripũre gohrotoboañuma. Bujawererã bujawereri suhrire saña, erã basi peame witũ mera mohsiripeoboañuma erã ñero iirare bujawere ĩhmumora. Mupũ eropa iibeaa.

<sup>22</sup> Eropigu mure arĩgu tiaa. Dipuwaja moarinu arĩcũ, Goamu Tiro majarã mre, Sidon majarã mre tauro ñerã maa arĩri waja mure ñero gohra dipuwaja moagucumi ĩgu.

<sup>23</sup> Maa Capernaum majarã, maa ejatuharo Goamu pohogue wadiarabu. Maa Goamu yare iidiabiricũ mure Goamu peamegue cóagucumi. Maa ya macague Goamu turari mera deyoro moarire ii ĩhmurabu. Maa yũre peebirabu. Iribojegue Sodoma waĩcũri macare deyoro moarire yũ eropa iicũ iri macaru dohpaguere arĩboca.

<sup>24</sup> Eropigu mũare arĩgu tiiaa. Dipuwaja moarinu árĩcũ Goãmũ Sodoma maca majarã mũra tauro, mũapũre mũa ñeri dipuwaja dipuwaja moagũcumi, arĩpu Jesu iri macari majarãre.

*Yũ pohrogue soorã arique, arĩñumi Jesu*

*Lc 10.21-22*

<sup>25</sup> Irisubu ĩgu Pagũ mera wereniguigu õpa arĩmi Jesu.

—Ahũ, mũhũ mũmaro majarã tauro opu, i yeba majarã tauro opu ãhraa. I mũ buherire “Masituhaja gũa,” arĩrãre masicũ iibea. Mũ yare masipehobirãpũre masicũ iibũ mũhũ. Mũhũ eropa iicũ “Õhaa,” arãa yũhũ mũre.

<sup>26</sup> Eropa ta ãhraa, Ahũ. Erã masibirãpũre erã masicũ gahmeabũ mũhũ, arĩmi Jesu ĩgu Pagũre.

<sup>27</sup> Eropigu masare gũa sãre õpa arĩ werenemomi:

—Yũ Pagũ arĩpehreri yũ iiborore apimi yũre. ĩgu dihta yũre õaro masimi. Yũ sã ĩgũre masia. Yũ beyenirã sã ĩgũre masima yũ ĩgũre masidorerã arĩrã. Erã nũcu ta yũ Pagũre masia gũa.

<sup>28</sup> Goãmũ mera õaro árĩdiarã baja dorerire iiraa mũa. Iri doreri nũcũre omaro iro dopa ta ãhraa. Eropirã gariborea wahaa mũa iri dorerire iirã. Eropa gariborerã yũre serẽque. Mũare soocũ iigũra.

<sup>29</sup> Yũhũ pũriro mera doregũ árĩbeaa. Nijiyajaro doregũ ãhraa. Eropirã yũ doreripũre iique. Eropa iirã dipuwaja marirã õaro árĩrãca mũa.

<sup>30</sup> Eropiro yũ itamuri mera yahare iicũ diasabeaa. Eropirã yũ dorerire iirã nũcũre pepiro mariro õaro árĩrãca, arĩmi Jesu.

## 12

*Judio masa erã soorinu árĩcũ trigo pororire tũrĩñuma Jesu buherã*

*Mr 2.23-28; Lc 6.1-5*

<sup>1</sup> Merogã ĩgu eropa arĩ buhera pũhrũ Sabado árĩcũ gũa Jesu mera trigo otera pohegue ĩha tariabũ. Erogue tariarã gũa ĩgu buherã oaboarã, trigo pororire tũrĩ aĩ babũ gũa.

<sup>2</sup> Gũa eropa iicũ ĩarã, fariseo masa Jesure õpa arĩma:

—Peenique gũare. ¿Duhpirã erã mari soorinu árĩquerecũ ta mohmeri? Mari dorerire tarinũgarã iima erã, arĩma erã.

<sup>3-4</sup> Erã eroparĩcũ peegu Jesu “Yũ buherã tarinũgarã iibeama,” arĩgu õpa arĩmi erãre:

—Iribojegue Davi ĩgu mera majarã mera oaboagu Goãmũ ya wihigue ñaja, iri wihi árĩri panre bañumi ĩgu mera majarã mera. Iri pan pahia dihtare badorera árĩyoro. Goãmũ doreri gajirãre iri panre badorebiriyo. ¿Davi irire ĩgu iirare Goãmũ yare erã gojarapũgue buhebirari mũa? Davi iri panre bagũ Goãmũre tarinũgagu iibiriñumi. Dohpagãre yũ buherã sã trigo yerire tũrĩ barã Goãmũre tarinũgarã iibeama.

<sup>5</sup> Eropi Goãmũ ya wihi mohmerã pahia ne soobeama mari soorinũre. Eropa soobiriquererã Goãmũ dorerire tarinũgarã árĩbeama. ¿Iri buhebirari mũa Goãmũ Moiserẽ ĩgu apirapũre?

<sup>6</sup> Mũare arĩgu tiiaa: Goãmũ wihire umupeorã iri wihi mohmerã erã soobiricũ ĩarã “Õhaa,” arãa mũa. Erã tauro yũpũre umupeoro gahmea.

<sup>7</sup> Goãmũ yare erã gojarapũ õpa ãhraa: “Waimũrãre wejẽ soerã yũre mũa eropa umupeocũ gamebeaa. Gajirãpũre mũa mojomoro ĩacũ gahmea yũhũ,” arĩmi Goãmũ, arãa ĩgu yare gojarapũre. ĩgu eropa arĩrãre mũa õaro masirã, yũ buherãre erã dipuwaja mariquerecũ ta erãre weresãmasibiriboya mũa.

<sup>8</sup> Yũhũ masũ Goãmũ ãgũ obeodigũ inonũ soorinũ sãre masa erã iiburire doremasia, arĩmi Jesu fariseo masare.

*Mojoto bũhadigũ ðaro wañumi*  
*Mr 3.1-6; Lc 6.6-11*

<sup>9</sup> ãgũ eropa arĩra pũhrũ waha gũa judio masa buheri wihigue ejabũ gũa Jesu mera.

<sup>10</sup> Ero mojoto bũhagũ árĩmi. Eropirã fariseo masapũ Jesure weresãmorã, ãgũre serẽpima:

—Sabadonũ mari soorinũre masare ðarã wacũ iidorebeami Goãmũ. ¿Eropa ta àhriri mũ pepicũ? arĩ serẽpima erã.

<sup>11</sup> Jesu yũhrimi erãre:

—Mũa yagũ oveja mari soorinũ árĩquerecũ gobegue ãgũ yuhriñajadigũre ãgũre aĩ wiurãca mũa.

<sup>12</sup> Oveja tauro àhrimi masapũ Goãmũ ãacũ. Eropiro mari soorinũ árĩcũ masũre taucũ ðapũrica, arĩ yũhrimi Jesu erãre.

<sup>13</sup> ãgũ eropa arĩra pũhrũ mojoto bũhagũre ðpa arĩmi:

—Mũ mojtore sĩsirãbeoque, arĩmi ãgũ.

ãgũ eroparĩcũ mojoto bũhagũpũ sĩsirãbeomi. ãgũ eropa sĩsirãbeora pũhrũ ta ðari mojoto dujabũ.

<sup>14</sup> Erã soorinũ ãgũ eropĩicũ ãarã fariseo masa waha, erã basi ðpa arĩñorã:

—¿Dohpa ii mari Jesure wejërãcuri? arĩñorã erã erã basi.

*Isaia Goãmũ yare weremũhtadigũ iribojegũ majagũ Jesure wereyũñumi*

<sup>15</sup> Jesu erã eropa arĩrire masigũ waha wami. ãgũ eropa wacũ bajarã masa ãgũre nũrusiama. Eropigũ ãgũpũ árĩpehrerã erã mera majarã dorecũrãre ðarã wacũ iimi.

<sup>16</sup> Eropigũ dorecũnirãre erãre ãgũ taurare gajirãre weredorebirimi ãgũ.

<sup>17</sup> Eropa dorecũrãre ðarã wacũ iigũ Goãmũ yare weremũhtadigũ Isaia iribojegũ ãgũ arĩ gojadiro dopa ta iigũ iimi Jesu. Õpa arĩ gojañumi Isaia mũrũ:

<sup>18</sup> Õpa arĩmi Goãmũ: “Ihĩ yũ pohro majagũ àhrimi. ãgũ yũ beyedigũ àhrimi. ãgũre mahia. Eropigũ ãgũ mera mucubiria. Yũ Espĩriture ãgũre ogũra. Eropigũ yũ turari mera árĩpehrerã masare diaye iirire weregũcumĩ ãgũ.

<sup>19</sup> Eropigũ ãgũ ne game dũyasosome. Eropigũ gaguiniguisome. Eropigũ masa bajarã watope ãgũ bũrigã gaguinigui weresome.

<sup>20</sup> Guarõ mariro masare mojomorocũrãre itamugũcumĩ ãgũ. Daberogã ãjũri peamere yaubiro dopa ta masare turabirãre ðaro iigũcumĩ ãgũ. Sĩporã marirãre ðaro sĩporãcũcũ iigũcumĩ. Eropa ta iiniguigũcumĩ ãgũ watĩre ãgũ tarinũgaboro core.

<sup>21</sup> Eropirã masa bajarã ãgũre umupeorãcoma,” arĩmi Goãmũ ãgũ magũ iiburire, arĩ gojañumi Isaia.

*Jesu watĩ turarire opami, arĩ weresãñuma masa*  
*Mr 3.19-30; Lc 11.14-23; 12.10*

<sup>22</sup> Yujunũ watĩ ñajasũdigũre masa aĩgãrima gũa pohrogue Jesure taudorerã. ãgũpũ watĩ ñajasũdigũ wereniguimasibirimi. Eropigũ cuiiri ãhajabirimi. Erã ãgũre eropa aĩ eracũ ãha ðagũ wacũ iimi Jesu ãgũre. ãgũ eropa iicũ ðaro ãha, wereniguimi pare.

<sup>23</sup> ãgũ eropa wacũ ãarã, masa ãhamaria wama.

—¿Ihĩ Davi mũrũ pãrami masare taubu àhriri? arĩma erã erã basi.

<sup>24</sup> Erã eroparĩquerecũ Jesu watẽare ãgu cóãrare peerã fariseo masaru õpa arĩ pepiñorã:

—Beelzebú, watẽa opu, ãgu turari mera watẽare cohãmi Jesu, arĩ pepiñorã erã.

<sup>25</sup> Erã eropa arĩ pepicũ masigu, Jesu õpa arĩ weremi erãre werenigui queori mera:

—Yuju yeba majarã erã basi gamequeãrã iri yeba majarã pehrea wabocoma. Yuju maca majarã erã basi gamequeãrã iri maca majarã pehrea wabocoma. Yuju wihi majarã sã gamequeãrã eropa ta wabocoma.

<sup>26</sup> Eropigu Beelzebú watẽa opu opu yure watẽare cóãdoregu ãgu basi ãgu yarãre cóãboñumi ãgu. Eropirã erã sã wapehrea waboñuma.

<sup>27</sup> Õpa arĩ weresãa mua yure: “Ãgu Beelzebú itamuri mera watẽare cohãmi,” arĩ weresãa mua yure. Mua mera majarã sã watẽare cohãma. Eropirã erã “Watĩ ãgu turari mera erãre cohãa gua,” arĩbeama. “Goãmũ ãgu turari mera watẽare cohãa,” arĩma. Eropirã mua yure “Watĩ turari mera watẽare cohãmi,” mua arĩra diaye árĩbiricũ mua mera majarã wererãcoma.

<sup>28</sup> Eropigu yupu watẽare cóãgu Goãmũ ãgu Espiritu Santo turari mera cohãa. Yu eropa cóãcũ ãarã õpa arĩ masirãca mua: “Goãmũ ãgu opu árĩri i yebaguere árĩtuhajaa dohpaguere,” arĩrãca mua.

<sup>29</sup> “Õpa ta ãhraa watĩ turagu tarinugari werediacũ: Wihi opu turagure diribigu yajagu ãgu ya wihigue ñajaja yajamasibeami. ãgure ãgu dirira puhru tamerare yajamasimi ãgure, arĩ weremi Jesu.

Eropa arĩ weremi watĩre ãgu tarinugarare weregu. Watĩ turagu árĩquerecũ ta Jesu ãgure tarinugami watẽare cóãgu.

Eropa arĩtuhaja õpa arĩ werenemomi Jesu masare gua sãre:

<sup>30</sup> —Yujugu yure gamebigu, yure ãhaturigu ãhrimi. Yujugu yure itamubigu, yure teboricucũ ãgu iimi.

<sup>31</sup> “Eropigu muare diaye arĩgu tiiaa yuhũ. Árĩpehreri ñerire masa erã iicũ erã wereniguicũ sãre Goãmũ cãdijimasimi. Eropa cãdijiqueregu Espiritu Santore erã ñero arĩ wereniguicũ Goãmũ iri tamerare ne cãdijisome.

<sup>32</sup> Yu masure Goãmũ ãgu obeodigure erã ñero arĩ wereniguicũ iri ñerire cãdijimasimi Goãmũ. Espiritu Santopure erã ñero arĩ wereniguicũ irire ne cãdijisome Goãmũ. Dohpaguere pehrerinu puhru sãre erã eropa arĩrare ne cãdijisome ãgu, arĩ buhemi Jesu erãre.

*Yucu ducare masiro dopa ta masa erã wereniguirire peerã erã árĩricurire masia mari, arĩ wereñumi Jesu*

*Lc 6.43-45*

<sup>33</sup> Eropigu õpa arĩ werenemomi erãre werenigui queori mera:

—Õadigu yucugu õarire ducacua. Ñedigu yucugu ñerire ducacua. Yucugu ducare masirã “Irigu ducã ta ãhraa,” arĩ masia mari. Mari eropa masiro dopa ta masa erã wereniguirire peerã erã árĩricurire masia mari.

<sup>34</sup> Añaã iro dopa ñerã ãhraa mua. Mua ñerã árĩrã, õarire wereniguimasibeaã mua. Mari guñarigue mari pepidiro dopa ta mari wereniguia.

<sup>35</sup> Õagu õarire pepimi. Eropigu õarire wereniguimi. Ñegu ñerire pepimi. Eropigu ñerire wereniguimi.

<sup>36</sup> Muare arĩgu iiaa. Õaro pepi wereniguirã árĩque mua. Õaro wereniguibirinirã dipuwaja moarinu árĩcũ, mua eropa arĩmaacãrare Goãmure wererãca.

<sup>37</sup> Mũa queoro wereniguirare masigu, “Ōarã āhrima,” arĩ beyegucumi Goãmũ. Eropigu mũa ñero wereniguirare masigu, “Ñerã āhrima,” arĩ beyegucumi igũ daja, arĩmi Jesu erãre.

*Masa ñerã Jesure deyoro moarire iidoreñuma*

*Mr 8.12; Lc 11.29-32*

<sup>38</sup> Igũ eropa arĩra pũhrũ masare buherã, fariseo masa sã igũre õpa arĩma:

—Buhegu, Goãmũ igũ obeodigu árĩgu Goãmũ turari mera ii ihmuque guare, arĩrima erã.

<sup>39</sup> Jesu yũhrimi:

—Mũa dohpague majarã ñerã, Goãmũre gamebirã āhraa. Yũhũ diaye árĩgu árĩcũ mũa masidiarã Goãmũ turari mera deyoro moarire iidoreraa yũre. Mũa eropa dorequerecũ Goãmũ yare weremũhtadigu Jona iribojegue majagu Goãmũ turari mera igũ iira dihtare ihmumi Goãmũ mũare.

<sup>40</sup> Jona uhrenũ gohra waimũ wũagu paru pohecaguere árĩñumi. Igũ iidiro dopa ta yũ sã masũ Goãmũ igũ obeodigu uhrenũ árĩguca yeba pohecaguere.

<sup>41</sup> Iribojegue majarãpũ Nínive maca majarã Jona Goãmũ yare igũ wererare peerã, erã ñero iirare bũjawereñuma. Ōarire gohrotoñuma. Dohpaguere mũa watopegue Jona tauro árĩgu āhraa yũhũ. Yũhũ Goãmũ yare mũare werequerecũ ta mũa ñero iirare bũjawerebeaa. Eropirã Nínive majarã mũrapũ erã ñero iirare bũjawerenirãpũ dipuwaja moarinũ árĩcũ mũa ñerire bũjawerebirinirãre “Ñerã āhrima,” arĩ weresãrãcoma mũare.

<sup>42</sup> Iribojegue majago, sur majago, opo bũro igo sã mũa dohpague majarãre weresãgocumo dipuwaja moarinũ árĩcũ. Igo Salomo opũ igũ masirire peediago yoarogue aridigo Salomo opũre peego ejañumo. Eropigo õaro iigo iĩñumo dohpague majarã tauro. Mũare árĩgu tĩiaa. Dohpaguere mũa watopegue Salomo tauro masigu āhraa yũhũ. Yũhũ mũa mera árĩquerecũ mũa yũ masirire peediabeaa. Mũa eropa peediabirira waja igo opo bũro mũare “Ñerã āhrima,” arĩ weresãgocumo, arĩmi Jesu erãre.

*Watĩ dipaturi masũguere igũ ñajara queorire wereñumi Jesu*

*Lc 11.24-26*

<sup>43</sup> Eropigu dipaturi Jesu queori moa weremi masare.

—Yujugu watĩ masũ mera árĩdigũ waha, igũ deco mariri yebague cuhri, igũ sooborore amariñumi.

<sup>44</sup> Eropa bocabigu õpa arĩ pepiñumi igũ. “Masũre yũ cóãdigũ mera ta dipaturi árĩgu wagũra,” arĩ pepiñumi igũ. Eropa arĩ pepigu igũ dujaa waha igũ cóãdigũre ta bocañumi daja. Igũ bocaboro core masũpũ õagu arĩriñumi.

<sup>45</sup> Eropigu watĩ gajirã siete watẽare igũ tauro ñerãre sihugu wañumi. Igũ eropa sihucũ erã árĩpehrerã igũ mera árĩñuma. Masũpũ ero core yujugu watĩre opagu ñegũ arĩñumi. Pũhrũ bajarã watẽare opagu ñetariagu arĩñumi. Eropa dohpague majarã Goãmũre gamebirã, yũ buherire peediabirã ñetariarã ta warãcoma, arĩmi Jesu erãre.

*Jesu acawererã igũ pohro erañuma*

*Mr 3.31-35; Lc 8.19-21*

<sup>46</sup> Masare igũ eropa arĩ wereniguirisubũ igũ pago igũ pagũ porã mera disiporo nigui, igũre weretamudiañorã.

<sup>47</sup> Eropigu yujugu Jesure weremi:



—Mũ pago mũ pagũ porã mera disiporo niguima mũre weretamudiarã, arĩmi.

<sup>48</sup> Īgũ eroparĩcũ peegũ ero árĩrãre òpa arĩmi Jesu erãre buhebu:

—¿Noa àhriri yũ pago gohra? ¿Noa ta yũ pagũ porã gohra àhriri mũa ĩacũ? arĩmi.

<sup>49</sup> Eropa arĩgũ, gũare ĩgũ buherãre sĩpu, òpa arĩmi:

—Oã àhrima yũ pago yũ pagũ porã iro dopa árĩrã.

<sup>50</sup> Erã yũ Pagũ umaro majagũ ĩgũ gamerire iima. Eropa iirã yũ pagũ magũ, yũ pagũ mago, yũ pago iro dopa ta àhrima, arĩmi Jesu erãre.

## 13

### *Jesu oteri masũ ya queorire wereñumi*

*Mr 4.1-9; Lc 8.4-8*

<sup>1</sup> Irinũ ta Jesu wihigue árĩgũ wiriami gũa mera. Wiri, wũariyague waha, iriya tũro pohro doami.

<sup>2</sup> Īgũ eropa doacũ ĩarã bajarã masa ĩgũ pohrogue gamenerema. Eropa cũhñacũ ĩagũ dohodirugue ñajaa, irirugue doami ĩgũ. Masapũ imi-porogue niguima.

<sup>3</sup> Eropigũ baja queori mera weremi ĩgũ erãre. Òpa arĩmi:

—Oteri masũ otegũ wañumi.

<sup>4</sup> Īgũ eropa otecũ gajiyeri ma tũro yuri merejayoro. Ero mehmerejarayerire mirimagũ porã ahri bacãñuma.

<sup>5</sup> Eropi gajiyeri utã watope yuri merejayoro. Ero utã watope nicu mariñariro árĩro mata puhriyoro.

<sup>6</sup> Eropa puhri ara ĩquerero, abe ĩgũ bũrigã asicũ, nuguri marinijaro ñaiñaja sĩria wayoro.

<sup>7</sup> Gajiyeri pora watope yuri merejayoro. Porapũ puhri iri tiataria wa, oterayeripũre wejēcayoro.

<sup>8</sup> Gajiyeri òari yebapũ yurimerejayoro. Òaro puhri dũcacayoro. Gajisari cien yeri, gajisari sesenta yeri, gajisari treinta yeri dũcacayoro.

<sup>9</sup> Irire òaro peeque mũa, arĩmi Jesu.

### *Jesu werenigui queori mera ĩgũ buherire wereñumi*

*Mr 4.10-12; Lc 8.9-10*

<sup>10</sup> Īgũ eropa arĩra puhũ gũa ĩgũ buherã ĩgũ pohro eja, serẽpibũ ĩgũre: —¿Ne, duhpigũ masare queori mera were buheri mũhũ? arĩ serẽpibũ gũa.

<sup>11</sup> Jesu yũhrimi:

—Umaro majagũ masa tauro opũ ĩgũ árĩrire iribojegue majarã erã masibirirare mũare masicũ iimi Goãmũ. Gajirãpũre eropiibeami ĩgũ.

<sup>12</sup> Eropigũ masirãre masinemocũ iigũcumi ĩgũ. Eropirã erãpũ òaro masirãcoma. Masibirãpũre merogã erã masiquerẽcũ erãpũre masibiricũ iigũcumi ĩgũ.

<sup>13</sup> Eropigũ queori mera buhea. Yũ eropiicũ òpa waha. Dohpague majarã ĩaquererã pee masisome. Eropirã peequererã masibeama. Irire peebirinirã iro dopa àhrima erã.

<sup>14</sup> Eropa árĩrã Isaia iribojegue majagũ ĩgũ arĩ gojadiro dopa ta iima erã. Òpa arĩ gojañumi:

Òpa arĩmi Goãmũ: “Goãmũ yare peerãca mũa. Eropa peequererã ne masisome mũa.

<sup>15</sup> Mũa dipuru bũri àhraa. Eropirã mũa gamiro goberire bihaa peeri arĩrã. Mũa cuirire cuumitĩa ĩhari arĩrã. Eropa iibirã òaro ĩarã masiboaya mũa.

Eropirã peerã masiboaya mua. Mua guñarigue ðaro masiboaya. Eropirã yure Goãmure gameboaya mua. Mua eropa yure gamecũ mua ñerire cãdiji, mware tauboaya,” arĩmi Goãmũ, arĩ gojañumi Isaia, arĩmi Jesu.

<sup>16</sup> Mwapũ peerã masia. Eropirã mucubirirã ãhraa mua.

<sup>17</sup> Mware ta arĩgu iiaa. Dohpague mua ñarire mua peerire iribojegue majarã Goãmũ yarã burigã ñadiariñorã. Goãmũ yare weremuhtanirã sã irire burigã ñadiariñorã. Ne ñabiriñorã. Dohpague mua peeri sãre burigã peedariñorã erã. Ne peebiriñorã. Erã eropa masidiaquerecũ ta Goãmũ erãre masidorebiripũ irisubuguere, arĩ weremi Jesu guare ñgu buherãre.

*Jesu oteri masũ queorire were amũñumi ñgu buherãre*

*Mr 4.13-20; Lc 8.11-15*

<sup>18</sup> Pũhrũ Jesu guare werenemomi:

—Peeque mua. Oteri masũ queorare mware were amugũra. Yure peerã ðaro masique.

<sup>19</sup> Oteriyeri ðari buheri iro dopa ãhraa. Eropiro ma tũro mehmerejarayeri ðari buheri iro dopa ta ãhraa. Eropirã masa ðari buherire peequererã ta ne masibeama. Eropigu masa ðari buherire erã peecũ ñagu ñegupũ watĩ ahri, iri buherire ðari buherire masidorebeami masare. Mirimagũ porã iriyerire erã dote aĩ badiro dopa ta iimi.

<sup>20</sup> Eropi utã watope yuri merejarayeri ðari buheri iro dopa ta ãhraa. Eropirã masa ðari buherire pee, mucubiriri mera mata irire pee aĩma.

<sup>21</sup> Eropa pee aĩquererã utã watope arĩri yucũ nuguri mariri yucũ iro dopa ta oã masa sã turabeama. Eropa turabirã yaha ðari buherire erã peera dipuwaja gajirã erãre ñero iicũ yahare duhucãma. Gajirã erãre erã ñero iicũ irire yujuro bojebiri, yahare duhucãma.

<sup>22</sup> Eropi pora watope yuri merejarayeri ðari buheri iro dopa ta ãhraa. Eropirã masa ðari buherire peequererã i yeba majare wũaro pepiri mera niyerure gametarima. Erã eropa iicũ iripũ ðari buherire cãhmotaa. Iri cãhmotacũ masa Goãmũ gamerire iibeama.

<sup>23</sup> Eropi ðari yeba yuri merejarayeri ðari buheri iro dopa ãhraa. Eropirã masa ðari buherire peerã irire ðaro masima. Eropa masirã arĩrã, Goãmũ gamerire iima erã. Yujurãyeri wũaro ðarire iima cien yeri dũcacũro dopa ta. Gajirã erã docañariro ðarire Goãmũ yare iima sesenta yeri dũcacũro dopa ta. Gajirã merogã ðarire iima treinta yeri dũcacũro dopa ta, arĩ weremi Jesu guare.

*Trigo watopegue taa tiara queorire wereñumi*

<sup>24</sup> Eropi dipaturi gaji queorire gũa sãre weremi Jesu.

—Umaro majagũ ñgu opũ arĩrere werediacũ ðpa ãhraa: Pohe opũ ñgu ya pohegue ðariyerire ñgu otediro dopa ta ãhraa umaro majagũ ñgu opũ arĩri.

<sup>25</sup> Pohe opũ trigo otera pũhrũ arĩpehrerã ñgu mera majarã sã erã carĩrisubu ñgure ñhaturigũ arĩñumi. Eropa arigũ trigo yeri erã oterayeri watope ñeri taare oteñumi. Otetuhaja waha wañumi.

<sup>26</sup> Pũhrũ trigo sari puhri iiriyoro. Eropiro iri dũcacũboro core arĩcũ iri ñeri taa sã puhri iri pohere tiha wacũ iiyoro.

<sup>27</sup> Eropirã pohe opũre mohme corerã ñgu pohrogue eja serẽpiñuma: “Opũ, ¿ðariyeri dihtare mũ ya pohere otequerecũ duhpiro ñeri taa sã tiari iri pohere?” arĩñuma erã.

<sup>28</sup> “Yure ñhaturigũ ãhrañumi iri taare otegu,” arĩñumi pohe opũ. “¿Taare gũa curacũ gahmeri mũhũ?” arĩriñuma ñgure mohme corerã.

<sup>29</sup> “Taare curabiricãque, taare curanijarã trigopũre curari,” arĩñumi.

<sup>30</sup> “Trigo iri ñeri taa mera puhricāniporo. Iri ñairisubū dūca aīrāre ōpa arīrā: ‘Iri ñeri taare cura gameneopimūhtaque irire soemorā. Pūhrū trigore tūrīque. Tūrīpeho, irire yū diburi wihigue apique,’ arīrā erāre,” arīñumi pohe opū, arīmi Jesu queori mera weregū.

*Mostazayegā queorire wereñumi Jesu*

*Mr 4.30-32; Lc 13.18-19*

<sup>31</sup> Eropi gajī queori gūare ōpa arī buhemi daja.

—Ūmaro majagū īgū opū árīri werediacū mostazayegā iro dopa āhraa. Iriyegā miriyegā gohra āhraa. Iriyegā yujugū oterī masū īgū pohegū oteami.

<sup>32</sup> Iriyegāre īgū pohegū otera pūhrū ōaro puhria. Eropiro yucūgū wuatariadigū wahaa. Eropa wacū mirimagū porā bajarā irigū dūpūrigū suhri suama. Eropa ta ūmaro majagūre mari Opūre masirā bajamerāgā erā árīmūhtaquerecū ta pūhrūguere erā bajarā warācoma, arī weremi Jesu

*Pan būgari queorire wereñumi Jesu*

*Lc 13.20-21*

<sup>33</sup> Eropi gajī queori mera gūare ōpa arī buhemi daja:

—Ūmaro majagū īgū opū árīri pan būgacū iiburi iro dopa āhraa. Yujugo nomeo panre iigo pan būgacū iiburi pohgare merogā moremo trigo pohga mera. Igo eropa iicū pan būgacū iiburi pohga merogā árīquerero ta trigo pohgare ōaro seyapehrea wahaa. Eropa ta ūmaro majagūre mari Opūre bajarā masa árīpehrero majarā masirācoma, arīmi Jesu.

*Queori mera Jesu īgū buherāre wereñumi*

*Mr 4.33-34*

<sup>34</sup> I árīpehreri buherire queori mera weremi Jesu. Queori mariro werebirimi īgū masare.

<sup>35</sup> Eropa ta iimi īgū Goāmū yare weremūhtadigū īgū arī gojadiro dopa ta. Ōpa arī gojañumi iribojegue:

Queori mera weregūra. Goāmūre i yebare īgū īhacūnugura pūhrū, ne masare īgū werebirirare weregūra, arī gojajuñumi Jesu iiborore.

*Jesu trigo watopegue ñeri taa tiara queorire were amupehoñumi*

<sup>36</sup> Eropi masare goeriseregū, wihigue ñajaa wami Jesu. Eropirā gūa īgū buherā īgū pohrogue eja, serēpibū gūa:

—Trigo watopegue ñeri taa tiara queorire werepehoque gūare, arībū gūa īgūre.

<sup>37</sup> Jesu yūhrimi gūare:

—Pohe opū ōariyerire otediro iro dopa ta āhraa yūhū. Yūhū masū Goāmū īgū obeodigū āhraa.

<sup>38</sup> Poherpū i yeba iro dopa ta āhraa. Ōariyeri puhriro ūmaro majagū īgū opū árīroque árīmorā iro dopa ta āhrima. Ñeri taapū watī yarā iro dopa ta āhrima.

<sup>39</sup> Pohe opūre īhaturigū ñeri taare otedigū watī iro dopa ta āhrimi. Iri ñairisubū pehrerinū iro dopa āhraa. Eropirā trigore aīrā anyua iro dopa ta āhrima.

<sup>40</sup> Iri ñeri taare erā curarare soe peamegue cóadiro dopa ta pehrerinū árīcū watī yarāre peamegue cóārācoma.

<sup>41</sup> Yūhū masū Goāmū īgū obeodigū yaharā anyuare obeogūra. Yū obeocū anyuapū ñeri iidorenirāre, ñerire iinirāre yū dorerogue gameneorācoma.

<sup>42</sup> Gameneotuhaja peamegue cóārācoma erāre. Erogue erā buringā ore, bujawereri mera gūcūri cūridihurācoma.

<sup>43</sup> Eropirā Goāmū yarā erā Pagū erā Opū ĩgū árĩrogue árĩrācoma. Ero árĩrā, ōaro mucubiriri mera árĩrācoma erā. Ire ōaro peeque mūa, arĩ weremi Jesu.

*Niyeru wūaro diburare ĩgū bocara queorire wereñumi*

<sup>44</sup> Eropi gaji queori mera weremi daja:

—Ūmaro majagū ĩgū opū árĩri niyeru wūaro diburare bocadiro iro dopa āhraa. Eropigū yujugū masū curigū wagū iri niyerure guñaña mariro bocañumi yuju yebague. Eropa bocagū buringā mucubiriñumi ĩgū. Bocatuhaja waha iri yebague dipaturi dujara irire ōaro dibunemoñumi. Eropigū ĩgū bocarare aĩbu iri yebare asūdiañumi. Eropigū ĩgū yare duapeho, iri yebare asūñumi. Ūmaro majagū opū ĩgū árĩri ĩgū bocadiro dopa ta āhraa. ĩgū bocarare ĩgū buringā gamediro dopa ta ūmaro majagū masa weca opūre ōaro erā masira pūhrū masa buringā gahmema ĩgūre, arĩ weremi Jesu.

*Waja pagariyere asūra queorire wereñumi*

<sup>45</sup> Eropi gaji queori mera weremi daja:

—Ūmaro majagū ĩgū opū árĩri waja pagariye perla waĩcūriyere asūdigū iro dopa āhraa.

<sup>46</sup> Iriyere amagū ōataririyere bocañumi. Bocagū iriyere gametarigū árĩpehreri ĩgū yare duapehogū wañumi. Eropa duatuhaja iriyere waja pagariyere asūñumi. Iriyerire buringā ĩgū gamediro dopa ta ūmaro majagū masa weca opūre ōaro erā masira pūhrū masa buringā gahmema ĩgūre, arĩmi Jesu.

*Wejēdigū mehyura queorire wereñumi Jesu*

<sup>47</sup> Eropi gaji queori mera Jesu weremi daja gūa sāre:

—Ūmaro majagū ĩgū opū árĩri wejēdigū erā mehyudigū iro dopa ta āhraa. Irigū wejēdigū mera bajarā waire gajiropa árĩrāre ñeama.

<sup>48</sup> Irigū ūjuturia wacū wai wejērāpū irigūre wejēdigūre imiporogue tara majaa ōarā waire beyema. Ōarāre erā pūirigūre beye sāma. Ñerā waire cóācāma.

<sup>49</sup> Pehrerinū árĩcū ōpa ta árĩroca. Anyuapū masare beyerācoma. Ñerāre beye aĩ wiurācoma ōarā watope árĩrāre.

<sup>50</sup> Aĩ wiu, erāre peamegue cóārācoma. Erogue erā ore, buringā bujawereri mera gūcūri cūridihurācoma ñerāpū, arĩ weremi Jesu.

*Mūra buherire, mama buheri sāre wereñumi Jesu*

<sup>51</sup> ĩgū eropa arĩ werera pūhrū gūare serēpimi ĩgū:

—¿I árĩpehrerire peeri mūa? arĩ serēpimi ĩgū.

—Peeā gūa, arĩ yūhribū.

<sup>52</sup> Gūa eroparĩcū ĩgū weremi gūare:

—Judio masare buherā watope yujugū ūmaro majagū ĩgū opū árĩriri buhenugagū iri mama buherire buhegū iribojegue maja sāre masigū weremi. ĩgū wihi opū iro dopa āhrimi. ĩgū ĩgū ya wihi diburare ōarire aĩ wiugū, mamare, mūra sāre aĩ wiumi ĩgū, arĩmi Jesu gūare.

*Jesu Nazaregue ĩgū ya macague wañumi*

*Mr 6.1-6; Lc 4.16-30*

<sup>53</sup> Iri queori bajare ĩgū buhera pūhrū ĩgū mera gūa waha wabū.

<sup>54</sup> Waha, ĩḡu masara macague ejabu. Eroque eja, ḡua buheri wihigue buhemi ĩḡu. ĩḡu eropa buhecũ peerã, pee uca wama erã.

—¿Nohogue masiyuri ihĩ i buherire? ¿Dohpa ii ĩḡu i deyoro moarire iimasiri? arĩ wereniguima erã erã basi.

<sup>55</sup> Ihĩ taboa mohmeri masu magu ta aħrimi ĩḡu. Eropi ĩḡu pago María aħrimo. Eropi Santiago, José, Simo, Juda ĩḡu pagu porã aħrima.

<sup>56</sup> Dohpaguere ĩḡu pagu porã nome i maca aħrima. Eropigu ĩḡu mari iro dopa ta arĩḡu aħrimi. ¿Eropa arĩquereḡu ta nohogue peeyuri i buherire? arĩ wereniguima erã erã basi.

<sup>57</sup> Eropirã erã ĩḡure umupeobirima. Erã eropa umupeobiricũ ĩagu opa arĩmi Jesu erãre:

—Arĩpehroque Goãmu yare weremũtagure gajirã umupeoma. ĩḡu ya maca majarã ĩḡu ya wihĩ arĩrã dihta ĩḡure umupeobeama. Eropirã yare umupeobeaa mu ohõ yũhu masadigu arĩcũ, arĩmi ĩḡu erãre.

<sup>58</sup> Eropigu erã ĩḡure umupeobiricũ, iri macare baja deyoro moarire iibirimi Jesu.

## 14

*Ñu waĩyegu sĩrirare werera*

*Mr 6.14-29; Lc 9.7-9*

<sup>1</sup> Irisubure Herode Galilea majagu opa Jesu ĩḡu iirare peebeopa.

<sup>2</sup> Eropa peegu opa arĩripu:

—Ñu waĩyeri masu sĩridigu dipaturi masa dehyoagu iicumi. Eropa masadigu arĩḡu ĩḡu turarire opami ĩḡu deyoro moarire iigu, arĩripu Herode ĩḡu pohro majarãre. Jesure “Ñu maru ta aħrimi,” arĩ pepiripu ĩḡu Ñure ĩḡu wejedorera puhru.

<sup>3-5</sup> Eropigu Ñure ĩḡu wejẽdoreboro core Herode ĩḡu pagu magu Felipe marapore ehma igo mera marapocupu. ĩḡu eropa iicũ ĩagu Ñu waĩyegu Herodepu opa arĩ wereniguipu:

—Mu pagu magu marapore marapocugu Goãmu dorerire tarinugagu iiaa muhu, arĩripu Ñu ĩḡure. ĩḡu eropa arĩra waja Herode ĩḡure wejẽdiaripu. “Ñu Goãmu yare weremũtagu aħrimi,” arĩ pepima judio masa,” arĩḡu erãpũre gũipu Herode. “Ñure yu wejẽcũ erã guabocoma,” arĩḡu erãre gũipu. Eropa gũigu Ñure wejẽdiabiriripu. Eropa wejẽbiriquereḡu ta ĩḡure ñeha diridore, peresu iipu. ĩḡure eropa iicũ gamepo ĩḡu marapo Herodia.

<sup>6</sup> Eropi Herode ĩḡu masa dehyoaranu arĩcũ bosenu iipu ĩḡu. ĩḡu eropa bosenu iicũ ĩḡu marapo mago bosenu eranirã erã ĩhuro baya ĩhmupo igo. Igo eropa baya ĩhmucũ Herode mucubiripu. Eropa mucubirigu igore arĩpu:

<sup>7</sup> —Goãmu mera diaye ta arĩḡu iiaa. Yure mu serẽropẽ ta ogura yũhu mure, arĩpu pare Herodepu ĩḡu marapo magore.

<sup>8</sup> ĩḡu eroparĩcũ ĩḡu marapo igo magore igo serẽburire werepo igore. Igo eropa werecũ igo magopu opa arĩ serẽpo Herodere.

—Ñu waĩyegu dipurure tabetadoreque. Eropigu soropa mera ĩḡu dipurure yare oque, arĩpo igo.

<sup>9</sup> Igo eroparĩcũ peegu Herode burigã bujawerepu. Masa erã peero “Mu serẽro mure ogura,” arĩtuhapu ĩḡu. Eropigu ĩḡu ĩḡu eropa arĩrare ḡuhyasĩrigu “Mure osome,” arĩmasibiripu igore. Eropigu igo ĩḡure dorero dopa ta Herodepu ĩḡu pohro majarãre Ñure wejẽdorepu.

10 Eropigu Ñu dipurure tabetadorecãpũ pare peresugue árĩgũre.

11 Tabetatuhaja, soropa mera ĩgũ dipurure aĩgãriñorã erã. ĩgũ marapo magore ĩgũ dipurure erã ocũ, igopũ igo pagoguere aĩ taupo.

12 Erã eropa iira pũhrũ Ñu ĩgũ buhenirã ĩgũ dupũ mũrarore aĩgã wañorã. Eropa yaatuhajarã, erã irire Jesure wererã arima.

*Cinco mil masare bari oñumi Jesu*  
*Mr 6.30-44; Lc 9.10-17; Jn 6.1-14*

13 Ñu sĩrirare peegũ Jesu gũa mera dohodirugue ñaja, masa marirogue sihu wami. Jesu erogue wacũ peerã, masa erã ya macarire wiri, marigüe waha ĩgũ core ejatuhãñorã.

14 Eropiro Jesu ĩgũ wadiru dohodiru tuhajara pũhrũ ĩgũ bajarã masa árĩcũ ĩha, mojomoro ĩami erãre. Eropa mojomoro ĩagũ erã mera bajarã dorecũrãre õarã wacũ iimi.

15 Ñamicague gũa ĩgũ buherã õpa arĩbũ:

—Ñamicague ãhraa. Ohõ masa marirogue ãhraa. Õgã árĩri macarigüe masare wadoreque. Erã baburire asũrã waporu, arĩribũ gũa ĩgũre.

16 Jesu yũhrimi gũare:

—Wabiricãporo erã. Mũa basi ta barire oque erãre, arĩmi gũare.

17 —Cinco pan dipurure, perã ta wai sãre iripẽta opaa gũa, arĩ yũhribũ gũa.

18 —Irire yũre aĩgãrique mũa, arĩmi gũare.

19 Gũa irire ora pũhrũ, taa weca masare ĩgũ doadoremi pare. Erã eropa doarisubu cinco pan dipurure aĩ, perã wai sãre aĩ, mũarogue ĩhamuju, ĩgũ Pagũre “Õhaa,” arĩmi. Õpa arĩtuhaja iri pan dipurure nuha, gũare ĩgũ buherãre omi. ĩgũ eropa ocũ gũapũ iri barire masare guerebũ.

20 Eropirã árĩpehrerã õaro baha yapia wama. Erã ba dũharare doce puiiri gohra aĩ gameneo, ujutu dobobũ gũa.

21 Ero irire banirã mũa dihtare queocũ cinco mil mũa árĩma. Nome, majirã sã árĩma.

*Jesu deco weca curiñumi*  
*Mr 6.45-52; Jn 6.16-21*

22 Pũhrũ gũare ĩgũ buherãre Jesu dohodirugue ñajadore wũariyague taribuja yuudoremi masare ĩgũ goerisererisubu.

23 Goeriseretuhaja, ĩgũ basi utãgũgue mũria, ĩgũ Pagũ Goãmũ mera serẽgũ wapũ ĩgũ seyaro.

24 Irisubure wũariya deco gohra gũa taribujacũ miruñe bũrigã ahri, pãgũri pagari wahgã, dohodirure deco paa ñajabũ.

25 Eropa wacũ boyomũririboro core cãreña wahgãrisubu Jesu deco weca cũhrapĩ wahgãrimi gũa pohrogue arigũ.

26 Gũa pohrogue ĩgũ aricũ ĩarã gũibũ gũa. Eropa gũirã gaguiniguiribũ.  
—Sĩridĩ mũrũ watĩ ãhrimi, arĩ gaguiniguibũ gũa.

27 Gũa eropa gũicũ Jesu õpa arĩmi:

—Ne yũre ĩha mũcabiricãque. Yũhũ ta ãhraa. Gũibita, arĩmi gũare.

28 ĩgũ eroparĩcũ peegũ Pedro arĩmi ĩgũre:

—Yũ tĩgũ, diaye ta mũhũ ta árĩgũ, deco weca curi wahgãdoreque yũre mũ pohrogue, arĩmi ĩgũ.

29 —Arique, arĩ yũhrimi ĩgũpũ.

ĩgũ eroparĩcũ Pedropũ dohodirugue árĩdigũ wiria, deco weca Jesu pohrogue niguigãrimi.

30 Miruñe iri bũrigã aricũ ĩagũ gũimi. Eropa gũigũ diha dija warimi.

—Yũre tauque, arĩ gaguiniguimi ĩgu Jesure.

<sup>31</sup> ĩgu eroparĩcũ ta Jesu ĩgu mojtore ñeha,

—Merogã umupeoa mũhũ yũre. ¿Duhpigũ yũre guñaturabeari mũhũ? arĩmi ĩgu Pedrore.

<sup>32</sup> Eropa arĩra pũhrũ dohodirugue ñajama erã. Erã eropa ñajara pũhrũ, miruñe taria wabũ.

<sup>33</sup> Eropirã gua ĩgu buherã dohodirugue árĩrã Jesure umupeobũ.

—Diaye ta mũhũ Goãmũ magũ ta ãhraa, arĩbũ gua ĩgũre.

*Genesare majarã dorecũrãre tauñumi Jesu*

*Mr 6.53-56*

<sup>34</sup> Eropi taribujaja, Genesare waĩcũri yebague ejabũ.

<sup>35</sup> Ero majarã Jesure ĩha masima. Eropa masirã erã pohro árĩrãre dorecũrãre aĩgãridorema. Eropirã erã dorecũrãre ĩgu pohrogue aĩ erama.

<sup>36</sup> —Mũ suhriro tũro dihtare guare mohmepiñadoreque, arĩ serẽma erã Jesure. Eropirã árĩpehrerã dorecũrã ĩgu suhrirore mohmepiñanirã dihta õarã wama.

## 15

*Masa ñerã wacũ iirire wereñumi Jesu*

*Mr 7.1-23*

<sup>1</sup> Eropi Jerusalén majarã, fariseo masa, masare buherã mera Jesu pohrogue erarã, serẽpima ĩgũre:

<sup>2</sup> —¿Duhpirã mari ñecũ sũmarã mũra erã dorediro dopa iibeari mũ buherãpũ? Erã mari dorero dopa ta erã baboro core mojo coe ĩhmubeama, arĩma erã Jesure.

<sup>3</sup> Jesu yũhrigũ serẽpimi erãpũre:

—¿Mũapũ duhpirã Goãmũ doreripũre iibeari? ¿Duhpirã mũa ya doreri dihtare iiri mũapũ?

<sup>4</sup> Õpa arĩmi Goãmũ: “Mũa pagũ sũmarãre umupeoque,” arĩmi. Eropigũ “Ĩgu pagũ sũmarãre ñero werenigui coredigũre erã dipuwaja moarã wejẽbu árĩgũcumi,” arĩmi Goãmũ.

<sup>5</sup> ĩgu eropa arĩquerecũ ta mũapũ õpa arĩdorea masare erã pagũ sũmarãre. “ ‘Mũare itamumasibea. Mũare yũ oborare Goãmũ ya árĩburire opehocãbũ,’ arĩque mũa pagũ sũmarãre,” arĩ buheraa mũa.

<sup>6</sup> Mũa eropa buherã erã pagũ sũmarãre erã umupeobiricũ iiaa mũa. Mũa eropa iirã Goãmũ buherire tarinũgarã iiaa mũa mũa ya doreri dihtare iirã.

<sup>7</sup> Masa erã ĩabiropũre ñero iicorerã ãhraa mũa. Goãmũ ya weremũhtadigũgue Isaia mũare diaye ta were gojamũriñumi iribojegũre:

<sup>8</sup> Oã masa yũre õaro wereniguiquererã yũre õaro umupeobeama. Erã ya sĩporãripũ gajipũgue ãhraa.

<sup>9</sup> Goãmũ ya dorerire arĩbodiore erã ya werenigui dihtare buhema erã. Eropirã yũre umupeo erã sĩbũipeori duhpihuri árĩbeaa, arĩ gojañumi Isaia, arĩmi Jesu fariseo masare, masare buherã sãre yujuropa ta.

<sup>10</sup> Eropa arĩtuhaja ĩgu pohrogue masare sihubeo, õpa arĩmi:

<sup>11</sup> —Peeque mũa. Mũa disirorire ñajaripũ mũa baripũ masare ñerã masa wacũ iibea. Mũa wereniguiripũ mũa ya disiro wiriripũ mũare ñerã árĩcũ iiaa, arĩmi Jesu.

<sup>12</sup> ĩgu eropa arĩ buhera pũhrũ gua ĩgu buherãpũ ĩgũre werebũ:

—Mũ eroparĩcũ peerã fariseo masa guama, arĩ werebũ gua ĩgũre.

<sup>13</sup> Iirire pee õpa arĩ yũhrimi guare:

—Erã otera iro dopa àhrima. Yũ Pagũ umaro majagũ árĩpehreri oterare ãgũ otebirirare nuguri mera ta cura cóãgucumi.

<sup>14</sup> Erãre eropa ãacãque. Erã Goãmũ yare masibirã masa cuiiri ãhajabirã iro dopa àhrima. Cuiiri ãhajabirã seyaro erã basi game tãagã erã perãgue ta mehtua yuhridijarãcoma gobegue. Eropa erã Goãmũ yare masibiriquererã ta gajirãre masibirãre buhediarima. Eropirã erã erã buherã sã peamegue warãcoma, arĩmi Jesu.

<sup>15</sup> ãgũ eroparĩcũ peegũ Pedro arĩmi:

—Ine queoriñere erã disiro wiriri queorire werenemoque guare daja, arĩmi ãgũ Jesure.

<sup>16</sup> Jesu yũhrimi:

—¿Ne, peenibeari mũa?

<sup>17</sup> Masa erã barire bacũ erã ya disiro ñajaa. Eropiro erã parugue ñajaja, pũhrũ erã dũpũpũ ñerire cohãa. Ibu gohra àhraa. Mari bari marire ñerã wacũ iibea. ¿Ire masibeari mũa?

<sup>18</sup> Masa ya disiro wiriri, erã wereniguiripũ erã pepiri àhraa. Erã ya pepiripũ ñeri árĩro masare ñerã árĩcũ iiaa.

<sup>19</sup> Erã pepirigue õpa ñeri nũgaa: Ñeri pepiri, masare wejẽri, gajigũ marapo mera ñero iiri, ñero iirã nome mera ñero iiri, yajari, gũyari, masare ñero quere iiri, masa erã pepirigue nũgaa.

<sup>20</sup> Iri ñeripũ masare ñerã árĩcũ iiaa. Masa erã dorerire mũrague erã iimuridiro dopa ta mojoto coebiriquererã ta erã bacũ iri masare ñerã masa árĩcũ iibea, arĩmi Jesu.

### *Judio maso árĩbigõ Jesure umupeoñumo*

#### *Mr 7.24-30*

<sup>21</sup> Eropa arĩ buhetuhaja guare sihu waha wami daja. Tiro waĩcũri maca pohrogue Sidõn waĩcũri maca pohrogue ejabũ gua.

<sup>22</sup> Gũa erogue ejacũ Canaa yeba majago ero árĩgo Jesu pohrogue eja, turaro mera wereniguimo:

—Opũ Davi pãrami, masare taugũ yũre mojomoro ãaque mũhũ. Yũ mago watĩ ñajasũdigo ñetariaro tarimo igo, arĩmo.

<sup>23</sup> Igo eropa arĩquerecũ ta Jesu igore yũhribirimi. ãgũ eropa iicũ ãarã gua ãgũ buherãpũ ãgũre õpa arĩribũ:

—Wadoreque igore. Ñe gariboro busucumo, arĩribũ gua.

<sup>24</sup> Gũa eroparĩcũ peegũ ãgũ yũhrimi igore:

—Israe majarã oveja dederenirã iro dopa árĩrã dihtare itamudoregũ obeomi yũ Pagũ yũre, arĩmi ãgũ.

<sup>25</sup> ãgũ eroparĩcũ ta Jesu guburi pohro merejamo igo.

—Mũhũ eropa arĩqueregũ itamuque yũre, arĩmo igo.

<sup>26</sup> Jesu yũhrimi igore:

—Wihi opũ porã ya barire diayeare ocũ õabeaa. Eropa arĩgũ, Israe masa yare gaji yeba majarãre yũ ocũ õabeaa, arĩ weremi Jesu igore.

<sup>27</sup> —Eropa ta àhraa, Opũ. Eropa arĩquerecũ barisubu dijarire diayea sã bacohrema. Gaji yeba majago yũ arĩquerecũ ta yũ sãre itamuque mũhũ, arĩ yũhrimo igo.

<sup>28</sup> Igo eroparĩcũ ãgũ yũhrimi:

—Mũhũ nomeo, yũre bũrigã umupeoa. Mũ gamero dopa ta eropa waroca, arĩmi Jesu igore.

ãgũ eroparĩcũ ta igo mago mata õago wapo.

### *Bajarã dorecũrãre õarã wacũ iĩñumi Jesu*



<sup>29</sup> Eropa arĩtuhaja guare sihu waha, Galilea waĩcũriya tũro pohrogue sihu ejami daja. Pũhrũ utãgũgue mũria, erogue doajami.

<sup>30</sup> Ero ĩgu doacũ masa bajarã erama. Eropirã bajarã dorecũrãre aĩ erama. Curimasibirãre, cuiiri ĩhajabirãre, yujupũ ñero guburucũrãre, apayuriri árĩrãre, wereniguimasibirãre, bajarã gajirã dorecũrãre ĩgu pohrogue aĩ erama masa. Eropa aĩ erarã Jesu guburi pohrogã apima erã. Erã eropa duhupira pũhrũ õarã wacũ iimi Jesu erãre.

<sup>31</sup> ĩgu eropa iicũ ĩarã masa ĩhamaria wama. Wereniguimasibirinirã erã wereniguicũ ĩarã, apayuriri árĩnirã erã õarã wacũ ĩarã, curimasibirinirã erã curicũ ĩarã, cuiiri ĩhajabirinirã erã ĩacũ ĩarã, ĩhamaria wama erã. Eropirã õpa arĩma:

—Mari Israe majarã mari Opũ Goãmũ turagu õagu ãhrimi, arĩ umupeoma erã Goãmũre.

*Cuatro mil gohrare masa bajarãre barire oñumi Jesu*

*Mr 8.1-10*

<sup>32</sup> ĩgu eropa iira pũhrũ Jesu guare ĩgu buherãre sihubeo arĩmi:

—Oã masa yũ mera uhrenũ gohra arĩtuhajama. Erãre bari pehrea waca. Eropigu erãre mojomoro ĩhaa. Erã babiriquererã erã ya wirigue dujaacũ gamebirica. Mague warã erã oaboarã turabiribocoma. Eropigu erãre bari ejotudiaca, arĩmi ĩgu.

<sup>33</sup> ĩgu eroparĩcũ gũa ĩgu buherã ĩgũre serẽpibũ:

—¿Duhpii mari õguere masa mariroguere barire bocabocuri erã bajarã masare ejoburire? arĩbũ gũa ĩgũre.

<sup>34</sup> —¿Dinucũ dipuru pan dipurure opari mũa? arĩmi guare.

—Siete pan dipuru, bajamerãgã waire opaa, arĩ yũhribũ gũa.

<sup>35</sup> Gũa eroparĩcũ peegu ĩgu masare taa weca doadoremi.

<sup>36</sup> Tuhajanugu siete pan dipurure, waigã sãre aĩ, ĩgu Pagũre “Õhaa,” arĩ serẽtuhaja, pan dipurure nuha, guare ĩgu buherãre omi. Eropirã gũa ĩgu buherã iri barire masare guerebũ.

<sup>37</sup> Eropirã masa irire baha, yapia wama. Erã ba duharare siete puiri gohra aĩ gameneo ujutu dobobũ gũa.

<sup>38</sup> Ero banirãre uũma dihtare queocũ cuatro mil gohra arĩma. Nome, majirãgã sã arĩma.

<sup>39</sup> Erã eropa batuhajacũ Jesu masare goerisere, dohodirugue ñaja, Magdala waĩcũri yebague guare sihu ejami.

## 16

*Fariseo masa, saduceo masa sã Goãmũ turari mera deyoro moarire Jesu iicũ ĩadiariñuma*

*Mr 8.11-13; Lc 12.54-56*

<sup>1</sup> Eropi fariseo masa, saduceo masa mera Jesu pohrogue erama. “Ĩgu Goãmũ ĩgu obeodigu arĩbeami,” arĩ ĩadiariñuma. Eropirã ĩgũre Goãmũ turari mera deyoro moarire ĩgu ii ĩhmucũ gamerima. ĩgu ii ĩhmumasibiricũ “Goãmũ obeodigu arĩbeami,” arĩdiarima.

<sup>2</sup> Erã ĩgũre deyoro moarire eropa iidorecũ Jesu yũhrimi erãre:

—Ñami wacũ necã õaro boyocũ ĩarã “Õari ñami arĩroca,” arãa mũa.

<sup>3</sup> Eropirã boyoropũre ñipicũ ĩarã, “Deco ariroca,” arãa mũa. Uũmarore ĩhamemujurã, “Õpa waroca,” arĩ masia mũa. Eropa õaro masiquererã ta dohpague Goãmũ turari mera mũare yũ ii ĩhmuquerecũ ta ne irire õaro masibea mũa.

<sup>4</sup> Dohpague majarã ñetariarã Goãmure gamebirã Goãmũ turari mera ii ñhmurire ñadiarima. Deyoro moarire ii ñhmusome yũhũ. Goãmũ yare weremũhtadigũ Jona mũrũ ñgũre wadirore masituhaa mũa. Iri dihtare ñhmugũra mũare, arĩ yũhrimi Jesu.

Eropa arĩ weretuhaja gũare sihu waha wami daja.

*Fariseo masa saduceo masa erã ñeri buherire wereñumi Jesu*

*Mr 8.14-21*

<sup>5</sup> Wũari ditarugue gũa taribujarã panre cãdijicãnirã árĩribũ.

<sup>6</sup> Eropigũ Jesu gũare weremi:

—Fariseo masa saduceo masa erã pan bũgacũ iiburire õaro masique mũa. Gũhya ãhraa, arĩ weremi gũare:

<sup>7</sup> Ñgũ eroparĩcũ pee wisirã gũa basi irire wereniguibũ.

—Mari panre mari aĩgãribiricũ ñagũ eropa arĩcumĩ ñgũ, arĩ pepiribũ gũa.

<sup>8</sup> Gũa eropa arĩrare masigũ, gũare serẽpimi:

—¿Duhpirã panre mũa cãdijirare guñari mũa? Merogã gohra yũre umupeoa mũa.

<sup>9</sup> ¿Masinibeari mũa? ¿Cinco mil ãmare cinco pan dipurure yũ nuha orare guñabeari mũa? ¿Erã baha yapira pũhrũ doce puiri gohra mũa ãjũtu doborare guñabeari mũa?

<sup>10</sup> ¿Eropirã daja siete pan dipurure nuha, cuatro mil ãmare yũ ora sãre guñabeari mũa? ¿Erã baha yapira pũhrũ dinũcũ puiri gohra mũa ãjũtu doborare guñabeari mũa?

<sup>11</sup> ¿Eropirã pan bũgacũ iiburire yũ werecũ duhpirã õaro peebeari mũa? Eropa arĩgũ pan gohrare arĩgũ iibea. Fariseo masa, saduceo masa erã pan bũgacũ iiburire õaro iique, arĩgũ pan gohrare arĩgũ iibea, arĩ weremi ñgũ gũare.

<sup>12</sup> Ñgũ eropa arĩ werecũ gũa masibũ. “Pan bũgacũ iiburire,” arĩgũ pan gohrare arĩgũ iibirimi. Eropa arĩgũ fariseo masa, saduceo masa erã buherire arĩgũ iidi árĩrimi gũare. “Erã ya buherire peebiricãque,” arĩgũ iimi.

*Jesu diaye ta Cristo ñgũ árĩire wereñumi Pedro*

*Mr 8.27-30; Lc 9.18-21*

<sup>13</sup> Eropi Jesu mera warã Cesarea Filipino waĩcuri maca pohro árĩri macague ejabũ gũa. Eropigũ iri macague gũa ejara pũhrũ Jesu gũare ñgũ buherãre serẽpiñami:

—¿Nihino árĩcuri yũhũ masa erã pepicũ? arĩ serẽpimi ñgũ.

<sup>14</sup> —“Ñũ waĩyegũ ãhrimi,” arĩma mũre gajirã. Gajirã “Elia ãhrimi,” arĩma. Gajirãpũ “Jeremia árĩbocumi o gajigũ Goãmũ yare weremũhtanirã mera majagũ árĩbocumi,” arĩma, arĩ yũhrĩbũ gũa ñgũre.

<sup>15</sup> —¿Mũapũ pepicũ nihino árĩcuri yũhũ? arĩ serẽpimi ñgũ gũare daja.

<sup>16</sup> Simo Pedropũ yũhrimi:

—Mũhũ Cristo Goãmũ obeodigũ ãhraa. Goãmũ ojocarigũ magũ ãhraa mũhũ, arĩ yũhrimi Simo Pedro.

<sup>17</sup> —Simo, Jona magũ, mũhũ mucubirigũ ãhraa. Õpa arĩ mũ yũre yũhrira masa erã werera árĩbea. Yũ Pagũ ãmaro majagũpũ irire mũre masicũ iiami.

<sup>18</sup> Mũre arĩgũ tiiaa. Mũhũ Pedro waĩcũgũ ãhraa. (Pedro arĩgũ utãye arĩgũ iipũ.) Iye utãye weca wũari wihire yũ iibodiro dopa ta yaharãpũre yuju curu wũari curu árĩcũ iigũca yũhũ. Eropigũ watĩ ñgũ yarã mera yaharãre tarinũgasome. Eropirã yaharã ne peamegue wasome.

19 Ëmaro majagu mari Opu ïgu áriro maja sawire mure ogura. Eropigu i yebaguere mu iidorebircu ya sa umarogue arigu iidoresome. I yebaguere mu iidorecu umarogue ya sa iidoregura, arimi Jesu.

20 ïgu eropa arira puhru guare ïgu buherare weremi:

—Yure “Cristo ahrimi ïgu,” ne arí weresibircaque gajirare, arimi guare.

*Jesu ïgu siriburiñere, ïgu masa mariaburiñe sare wereñumi*  
*Mr 8.31-9.1; Lc 9.22-27*

21 Irisubure ta Jesu guare ïgu buherare oaro werepehonugami:

—Jerusalengue yure waro gahmea dohpaguere. Eroque majara, mura, pahia opara, mari masare buhera sa yure ñero iiracoma. Eropira yure wejearacoma. Eropa ta ñero tariro gahmea yure. Eropigu uhrenu puhru ta masa mariaguca, arí weremi guare ïgu.

22 ïgu eroparicu peegu Pedropu gajipu ñariga Jesure aiga, igure opa arimi:

—Opu, eropa aribircaque. Mu ariro dopa wabircaporo. Mure era wejebircaporo, arimi ïgu Jesure.

23 ïgu eroparicu peegu Jesu majinugaja, igure opa arimi:

—Satana iro dopa wereniguigu iiaa maha. Eropa aribircaque. Mu pepiri masa ya pepiri ahraa. Goamu ya pepiri aribeaa. Eropigu ya iiborore cahmotadiaa maha, arimi Jesu Pedroro.

24 ïgu eropa arira puhru guare weremi:

—Yujugu ya mera majagu aridiagu, ïgu gamero idiarire duhcagucumi. Eropigu ïgu ya mera majagu ariri dipuwaja ñero tarigucumi. Eropa ñero tariqueregu ta yahare iiniguicagu arigucumi.

25 Yujugu masu ïgu ya ariburi dihtare pepigu ïgu dederea wagucumi. Eropigu yujugu masu yaha ariburi dihtare igu aripehrerinari ya mera umarogue oaro arigucumi ïgu.

26 Yujugu masu i yeba majare aripehrerire opaqueregu peamegue wagu oarire wajasome. Eropigu i yebague opaburi dihtare guñagu, ïgu sirigu waburire guñabigu ïgu sipora mera peamegue dederegucumi.

27 Yuhu masu Goamu obeodigu yahara anyua mera i yebague dujariguca. Yu Pagu ïgu gosesiriri mera dujarigu aripehrera masare era ñeri iira dipuwaja dipuwaja moagura. Era oaripure era iicu oaro iigura erare.

28 Diaye arigu tiaa. Yujurayeri mua oguere arira mua siriboro core yure ya opu arigu aricague iaraca, arí weremi Jesu.

## 17

*Jesu ïgu dupure gohrotoñumi*  
*Mr 9.2-13; Lc 9.28-36*

1 Eropi seis nari puhru Jesu Pedroro, Santiagore, ïgu pagu magu Ñu sare umadigu utagugue era dihtare sihumariapu.

2 Ëmarogue era marijara puhru era ihabeoro ïgu dupure gohrotopu. ïgu diapo abe mu majagu iro dopa gohra gosesiriyoro. Eropiro ïgu suhri gosesiriri suhri oaro boreriñe wayoro.

3 Mata iribojegue majara Moise muru Elia muru sa dehyoanora. Eropira Jesu, Moise, Elia mera ïgu weretamucu iañora era urera ïgu buhera.

4 Eropigu Pedro Jesure aripu:

—Opu, mari ohó aricu oadiala. Mu gamecu uhre wihiga iira. Mu ya wihiga, Moise ya wihiga, Elia ya wihiga iira mari, aripu.

<sup>5</sup> Ìgũ eropa arĩ wereniguirisubu, imica curu òaro gosesiriri curu erãre cãhmotacãyoro. Eropa wacũ imica curu pohecague Goãmũ ìgũ wereniguri busũyoro:

—Ìhĩ yũ magũ yũ mahigũ àhrimi. Ìgũ mera mucubiria. Ìgũre peeque, arĩri busũyoro.

<sup>6</sup> Eropa arĩro caricũ peerã ìgũ buherã ƙca mehmereja wañorã.

<sup>7</sup> Erã eropa wara pũhrũ Jesu erã pohrogue eja, erãre buacare ñahrũ:

—Wahgãnuɗaque mũa. Güibiricãque, arĩpũ ìgũ erãre.

<sup>8</sup> Ìgũ eroparĩcũ erã ìhabeo, Jesu dihtare ìañorã. Gajirãre ìabiriñorã.

<sup>9</sup> Eropirã ƙtãgũgue erã دچارicũ Jesu erãre turaro mera arĩpũ:

—Dohparagã yũre eropa warare gajirãre ne werebircãque. Yũhũ masũ Goãmũ ìgũ obeodigũ yũhũ sĩri masa mũriara pũhrũ irire gajirãre wereque mũa, arĩpũ Jesu.

<sup>10</sup> Ìgũ buherãpũ ìgũre serẽpiñorã:

—“Cristo Goãmũ beyedigũ ìgũ ariboro core Eliare arimũhtaro gahmea,” arĩma masare buherã. ¿Dohpa arĩronore eropa arĩri erã? arĩ serẽpiñorã erã ìgũre:

<sup>11</sup> Jesu yũhripũ:

—Diaye ta àhraa. Eliare arimũhtadoremĩ Goãmũ árĩpehrerire amũmũhtabure.

<sup>12</sup> Òpa arĩgũ mũare arĩgũ iiaa. Elia eratuhajami. Ìgũ eropa eraquerecũ ta erã ìgũre ne ìha masibirima. Eropirã erã gamero dopa ñero iinirã árĩma ìgũre. Eropa ta iirãcoma yũ masure Goãmũ ìgũ obeodigũre. Erã eropa iicũ ñero tarigũca yũhũ, arĩpũ Jesu.

<sup>13</sup> Ìgũ eropa arĩ werecũ erã peeñorã. “Elia,” arĩgũ, Ñũ waĩyegũre weregũ iipũ. Irire masiñorã pare erã.

*Jesu ñama sĩriri mũrare dorecũgũre tauñumi*

*Mr 9.14-29; Lc 9.37-43*

<sup>14</sup> Eropirã ƙtãgũgue mũrijanirã erã ƙrerã Jesu mera دچارarã gũa pohrogue erama bajarã masa árĩroque. Erã eracũ ìagũ yujugũ ƙmũ Jesu pohrogue eja, merejami.

<sup>15</sup> —Opũ, yũ magũre mojomoro ìaque. Ìgũ ñama sĩriri mũrare dorecũgũ àhrimi. Eropigũ ìgũ ñetariaro tarimi. Bajasuburi peamegue mehmerejamũrimi ìgũ. Yujuyerisuburi diaguere yuri ñajamũrimi.

<sup>16</sup> Eropigũ mũ buherã pohrogue aĩ erarabũ. Erã ìgũre òagũ wacũ iimasibirama, arĩmi ìgũ Jesure.

<sup>17</sup> Jesu arĩmi ero árĩrãre:

—Dohpague majarã mũa ñerã àhraa. ¿Yũre ne umupeobirigohracãri? Yoari boje mũare buherabũ yũhũ. ¿Dipẽ yoari boje yũre mũa garibori? Ìgũre aĩgãrique yũre, arĩmi Jesu.

<sup>18</sup> Ìgũ majigũre erã aĩ eratuhajacũ ìha Jesu watĩre tuhri cóãmi. Eropigũ mata òagũ wami ìgũ magũ.

<sup>19</sup> Pũhrũ gũa ìgũ buherã gũa seyaro árĩrã Jesure serẽpibũ:

—¿Duhpirã gũapũ ìgũ magũre watĩre cóãmasibirayuri? arĩ serẽpibũ gũa.

<sup>20</sup> Jesu yũhrimi:

—Yũre daberogã umupeoa mũa. Diaye ta mũare weregũ iiaa. Goãmũre “Diaye ta iigũ àhrimi,” mũa arĩ umupeorã miriyegã mostazaye pegã mũa umupeoquererã irigũ ƙtãgũre “Sohõgue waque,” mũa arĩcũ, waha waroca. Goãmũre eropa umupeorã árĩpehrerire iimasia mũa.

<sup>21</sup> Ino watĩre mua cóadiarã Goãmure buriḡã serẽro gahmea mũare. Eropirã ba duhuro gahmea Goãmure serẽmorã, arĩmi Jesu guare.

*Dipaturi Jesu ĩḡũ sĩriburiñere ĩḡũ masa mũriaburiñe sãre wereñumi*  
*Mr 9.30-32; Lc 9.43-45*

<sup>22</sup> Eropi Galilea yebague gua curicũ, Jesu guare weremi:  
—Yũhũ masũ Goãmũ ĩḡũ obeodigũ ãhraa. Masa yũre ñeha, gajirãguere yũre wiarãcoma.

<sup>23</sup> Eropa yũre erã wiara pũhrũ wejẽrãcoma erã. Eropa erã wejẽdigũ uhrenũ pũhrũ masagũca, arĩmi ĩḡũ guare.

Ĩḡũ eropa arĩ werecũ pee buriḡã bujawerebũ gua.

*Goãmũ wihi maja wajayeburire serẽpiñuma gajirã*

<sup>24</sup> Eropirã Capernaum macague gua ejacũ, Goãmũ wihi maja wajayeburire wajasea corerã Pedro pohrogue eja, ĩḡũre serẽpiñama:

—¿Mũare buheḡũ Goãmũ wihi maja arĩburire wajayeri ĩḡũ? arĩ serẽpima erã.

<sup>25</sup> —Wajayemi ĩḡũ, arĩ yũhrimi Pedro.

Ĩḡũ eropa arĩra pũhrũ wihigue ĩḡũ ñajacũ ta Jesu Pedrore serẽpimũhtami:

—Simo, ¿dohpa arĩ pepiri mũhũ? ¿I yeba majarã oparã ñehmarãpũre waja arĩ mũ pepicũ? ¿Erã mera majarãre wajaseari? ¿O gaji yeba majarãpũre wajaseari? arĩ serẽpimi ĩḡũ Pedrore.

<sup>26</sup> —Gaji yeba majarãpũre wajaseama, arĩ yũhrimi Pedro.

Ĩḡũ eroparĩcũ Jesu weremi:

—Eropigũ opu ĩḡũ ya yeba majarãre wajaseabirimũririmi.

<sup>27</sup> Eropa arĩquerẽcũ ta wajasea corerãre guacũ iidiabeaa mari. Eropirã wajayerãca. Ditarugue waque. Eroque eja wejericãrore mehyuque. Eropigũ waimũ bamũhtadigũre tara suaque. Eropigũ ĩḡũ waimũ disiroque niyerusere bocajagũca mũhũ. Irise queoro wajacũroca. Yũre, mua sãre Goãmũ wihi maja arĩburire erã wajaseacũ õaro queoro sihajaroca irise. Irisere bocajagũ mari wajamoriñere wajayepẽhogũ waque, arĩmi Jesu Pedrore.

## 18

*Jesu ĩḡũ buherãre erã weca opu arĩbure wereñumi*

*Mr 9.33-37; Lc 9.46-48*

<sup>1</sup> Irisubure gua Jesu buherã ĩḡũ pohrogue eja serẽpibũ ĩḡũre:  
—¿Õmaro majagũ ĩḡũ opu arĩroguere gua mera majagũ nihino wabocuri arĩpehrerã weca opu? arĩ serẽpibũ gua.

<sup>2</sup> Gua eroparĩcũ Jesu majigũḡãre sihubeo, ĩḡũḡãre gua watope duhudobomi. Duhudobotuhaja guare arĩmi.

<sup>3</sup> —Diaye mũare were purumũjugũra. Oã majirãḡã Goãmure erã opu gohra pepima. Eropirã mua sã erã iro dopa ta pepirã, õarire gohrotorã õmaro majagũ opu arĩroguere warãca. Erã iro dopa pepibirã opu ĩḡũ arĩroguere wasome mua.

<sup>4</sup> Eropigũ õmaro majagũ ĩḡũ opu arĩroguere eropa pepicãḡũ, ihĩ majigũḡã dopa pepigũ ta gajirã tauro opu wahami.

<sup>5</sup> Eropirã yahare iimorã õpa arĩḡũḡãre gamerã, yũ sãre gahmea mua, arĩ weremi Jesu guare.

*Ñerire iicũ ḡũhya ãhraa arĩ wereñumi Jesu*

*Mr 9.42-48; Lc 17.1-2*

<sup>6</sup> Eropigu òpa werenemomi:

—Ìgã dopa árìgũ yãre ne umupeogure weregura mũare. Yujugũ ìgã iro dopa árìgũre ñerire iidoredigũ ìgũ ñetariaro tarigũcumi. Gajigũre masa ìgũ wunugũre wũariye utãye mera dirisiu, wũariyague ìgũre cóãcũ ñero wabocumi ìgũ. Eropigu ìgã dopa árìgũre ñerire iidoredigũpũ wũariyague erã cóãdigũ tauro ñero tarigũcumi. Ìgũ turaro dipuwaja moasũgũcumi.

<sup>7</sup> Masare ñerire iicũ iiri ãhraa. Irire iirã i yeba majarã ñero tarima. Gajirã ñerire iidorema gajirã masare. Erã ñerire iidorenirãpũ erã tauro ñetariaro tarirãcoma.

<sup>8</sup> “Mũ mojoto mera ñero iigũ iri mojtore mũ tabe cóãbodiropo dopa ta iri ñerire duhuque. Irire duhubigũ peamegue wagũca. Eroguere ne peame yaribea. Mũ mojtore mũ cóãcũ iri dũca dihta cohmoboya. Eropigu mũpũ epasi árìqueregũ ta pũhrũ Goãmũ mera árìgũca. Mũ pe mojoto mera árìgũre peamegue ìgũ cóãcũ ñetariaro tarigũca. Eropigu iri ñeri iiripũre duhuque. Mũ guburu mera ñero iigũ iri guburu sãre mũ tabe cóãbodiropo dopa ta iri ñerire duhuque. Irire duhubigũ peamegue wagũca. Eroguere ne peame yaribea. Mũ guburure mũ cóãcũ irisi dihta cohmoboya. Eropigu epasi árìqueregũ ta pũhrũ Goãmũ mera árìgũca. Mũhũ pe guburu mera árìgũre mũre peamegue cóãcũ mũ ñetariaro tarigũca. Eropigu iri ñeri iiripũre duhuque.

<sup>9</sup> Mũ cuiru mera ñero iigũ irirure mũ gorawea cóãbodiropo dopa ta iri ñerire duhuque. Irire duhubigũ peamegue wagũca. Eroguere ne peame yaribea. Mũ cuirure cóãcũ iriru dihta cohmoboya. Yujupũ cuiru mariquerecũ ta pũhrũ Goãmũ mera árìgũca. Mũre pe cuiru mera árìgũre peamegue mũre cóãcũ, mũ ñetariaro tarigũca. Eropigu iri ñeri iiripũre duhucãque, arĩmi Jesu.

*Oveja dederedigũ queorire wereñumi Jesu*

*Lc 15.3-7*

<sup>10</sup> Eropigu gũa sãre werenemomi:

—Ne, oã majirãgãre doobiricãque. Mũare arìgũ tiiãa. Erãgãre ìhadiburã anyua ãmarogue yũ Pagũ pohrogue eropa árìniguima.

<sup>11</sup> Yũhũ masũ Goãmũ ìgũ obeodigũ i yebague dederebonirãre taugũ arigũ iibũ yũhũ, arĩ weremi Jesu.

<sup>12</sup> Eropo arĩtuha òpa arĩ queorire ahmu wereniguimi.

—Ovejare ìhadibugũ cien ovejare opagũ yujugũ oveja dederea wacũ ìagũ òpa iigũcumi erãre ìhadibugũpũ. Gajirã ovejare noventa y nueve ovejare erã bari campogue duhudobo, dederedigũre amagũ wagũcumi.

<sup>13</sup> Diaye ta arìgũ iiaa mũare. Ìgũre bocagũ burigã mucubirigũcumi ìgũ. Gajirã noventa y nueve dũhyarã mera mucubiridigũ árìqueregũ erã tauro ìgũ bocadigũpũre mucubirigũcumi.

<sup>14</sup> Eropo ta mari Pagũ ãmaro majagũ oãgã iro dopa árìrã sãre erã dederecũ gamebeami, arĩmi Jesu.

*Mũ acaweregũ mũre ñero iicũ òpa iique, arĩñumi Jesu*

*Lc 17.3*

<sup>15</sup> Eropo arĩtuhaja òpa werenemomi Jesu:

—Mũ acaweregũ mũre ñero iicũ ìgũ mera weretamugũ waque. Mũa seyaro irire weretamuque. Mũ eropa iicũ ìgũ mũre peebocumi. Ìgũ peecũ “Mũre dipaturi ne òpa iisome yũhũ,” ìgũ arĩcũ mũ acaweregũre dipaturi waricũ iigũca mũhũ.

<sup>16</sup> Mure ĩgu peediabiricũ tamerare yujugu mera wadiagu, o perã mera wadiagu, erãre wapicugã dipaturi ĩgure wereniguigu waque daja “Erã sã peeporo,” arĩgu.

<sup>17</sup> Eropigu mũ mera majarã sãre ĩgu peediabiricũ árĩpehrerã Jesu yarã mera gamenere ĩgure weresãque. Eropirã Jesu yarã gamenererã sãre ĩgu peediabiricũ ĩarã Goãmure masibigu ñegu árĩro dopa iique ĩgure.

<sup>18</sup> “Diaye ta mũare arĩgu iiaa. I yeba mũa yaharã yaha dorerire oparãca. Eropirã mũa i yebare iidorebirirare yũ sã umarogue árĩgu iidoresome. I yeba mũa iidorerare yũ sã umarogue iidoregũca.

<sup>19</sup> “Dipaturi mũare ire weregũra daja: Mũa perã Goãmure sererã, yujuro mera pepirã árĩcũ, yũ Pagũ umaro majagu irire mũare ogucumi.

<sup>20</sup> Perã o urerã yaharã yahare iimorã erã gamenerecũ yũ sã erã mera ahraa, arĩ weremi Jesu.

<sup>21</sup> Pũhrũ Pedro Jesu pohrogue eja serẽpimi:

—Opũ, ¿yũ acaweregu mũ yagu ĩgu dinucusuburi yũre ñero iicũ ĩagu irire cãdijitugũcuri yũhũ? ¿O siete suburi ĩgu iicũ cãdijitugũcuri yũhũ? arĩ serẽpimi Pedro.

<sup>22</sup> Jesu yũhrimi:

—Sietesuburi dihta mure ĩgu ñero iirare mũ cãdijicũ ero wabeaa. Bajasuburi ĩgu mure ñero iicũ sãre cãdijique, arĩmi ĩgure.

*Pohro majagu gajigu ĩgu wajamorare ĩgu cãdijidiabirira queorire wereñumi Jesu*

<sup>23</sup> Eropigu Jesu õpa werenemomi gũare:

—Umaro majagu opũ árĩri werediacũ õpa ahraa. Yujugu opũ ĩgu pohro majarãre erã ĩgure wajamorare wajayepoho dorediariñumi.

<sup>24</sup> Erã wajamorare ĩgu queonugacũ, ĩgure mohme corerãpũ wũaro wajamogũre ĩgu pohrogue aĩgãriñuma. Wajamogũpũ wũaro wajamoñumi opũre.

<sup>25</sup> Eropigu ĩgu wajayemasibiricũ ĩagu ĩgu opũ ĩgure, ĩgu marapore, ĩgu porã sãre pohro majarã acu, erãre gajirãre duadiariñumi ĩgu wajamorire wajaseagu.

<sup>26</sup> ĩgu eropa duadiacũ wũaro wajamogũpũ mereja, ĩgu opũre turaro serẽñumi: “Opũ, gũare gajirãre duabiricãque. Mojomoro ĩagu corenique. Mure wajayepelogũca,” arĩñumi ĩgu ĩgu opũre.

<sup>27</sup> ĩgu eroparĩcũ peegu ĩgure mojomoro ĩagu, ĩgu wajamorare eropa ta cãdijipehocãñumi.

<sup>28</sup> “ĩgu eropa iira pũhrũ wajamodigũpũ waha, gajigu pohro majagũre bocañañumi. ĩgũpũ merogã wajamoñumi ĩgure wajamodigũpũre. Eropa bocañagu yojaro mera ñeañumi ĩgure. “Yũre mũ wajamorare wajaye purumujuque duru,” arĩñumi ĩgu ĩgu mera majagũre.

<sup>29</sup> ĩgu eroparĩcũ gajigu pohro majagũpũ mereja ĩgure bũrigã sererĩñumi: “Yũre mojomoro ĩaque. Merogã corenique. Mure wajayepelogũra,” arĩriñumi gajigu pohro majagu ĩgure.

<sup>30</sup> ĩgu eropa arĩ serẽquerecũ ta ĩgu yũhrĩbiriñumi. Eropigu ĩgu gajigu pohro majagũpũre peresu iidoreñumi ne ĩgu wajayephocũgue.

<sup>31</sup> Wũaro wajamodigu ĩgure merogã wajamogũpũre ĩgu eropa iicũ ĩha papũri, gajirã pohro majarãpũ erã opũre weresãrã wañuma.

<sup>32</sup> Erã eropa arĩ weresãcũ peegu erã opũ erãre weresãdigũre sihubeo õpa arĩñumi: “Mũhũ ñetariagu ahraa. Mũhũ yũre bũrigã serẽcũ mũ wajamorare cãdijipehocãrabũgu yũhũ mure.

<sup>33</sup> Mure yu eropa iiquerecũ ta mupũ merogã wajamogupure cãdijibirayoro mũhũ. Mu wajamorare yu cãdijidiro dopa ta ïgu sãre mu cãdijicũ ðatariaboya. ¿Duhpigũ ïgure mojomoro ïabirari ïgure eropa iïgu mũhũ?” arĩñumi ïgu opu ïgure.

<sup>34</sup> Eropã arĩgu burigã guagu, peresu iĩñumi ïgu pohro majagure ne ïgu wajayephocũgue, arĩ weremi Jesu.

<sup>35</sup> Eropigũ õpa arĩ i queorire weretumi:

—Eropa ta iigucumi yu Pagũ umaro majagu mũare. Mũa árĩpehrerã mũa acawererã mũare ñero iirare ðaro mũa cãdijipehobiricũ ïgu mũare dipuwaja moagucumi, arĩmi Jesu.

## 19

*Erã marasã nomere erã cóãcũ ðabeaa, arĩ wereñumi Jesu*

*Mr 10.1-12; Lc 16.18*

<sup>1</sup> Irire ïgu eropa arĩ werera pũhrũ ïgu Galilea árĩdigũ Judea yebague guare sihu wamĩ. Dia Jordán waĩcuriya gajipu masegue ejabu.

<sup>2</sup> Erogue gua wacũ bajarã masa guare nurusiagãma. Erã mera majarãre dorecũrãre ðarã wacũ iimi ïgu.

<sup>3</sup> Eropi yujurãyeri fariseo masa gua pohro erama. Jesure weresãdiarã, ñero ïgu wereniguicũ peediarã, ïgure õpa serẽpima:

—¿Mari marapore mari gamero cóãcũ ðhari? ¿Mari doreripu eropa ta iidoreri mu pepicũ? arĩ serẽpima erã.

<sup>4</sup> Jesu yũhrimi.

—¿Goãmũ yare erã gojarapũgue ne ire buhebiriniari mũa? Õpa arĩ gojara ãhraa: “Negohraguere i yebare ïhacũnugudigũ umũ, nomeo sãre iipũ,” arĩ gojañumi Moise.

<sup>5</sup> Õpa ãhraa ïgu arĩ gojanemora: “Eropigũ umũ ïgu pagũ sumarãre cohã wiria, ïgu marapo mera árĩgucumi. Eropirã erã perã árĩquererã ta yuju dũpũ iro dopa ta árĩrãcoma,” arĩ gojañumi.

<sup>6</sup> Eropirã erã perã iro dopa árĩbeamã. Yuju dũpũ iro dopa ta árĩrã iima. Goãmũ doreri mera mojoto dirima. Eropirã duhubiricãro gahmea erãre, arĩmi Jesu erãre.

<sup>7</sup> ïgu eroparĩcũ fariseo masa serẽpima daja:

—Mũhũ eropa werequerecũ ta õpa arĩ gojañumi Moisepũ: “Mu marapore cóãdiagũ paperapũgue irire gojaque. Eropã gojagu iripũre mu marapore mu ora pũhrũ igore cóãmasia mũhũ,” arĩ gojañumi Moise. ¿Mu arĩro dopa arĩquerecũ ta duhpigũ Moisepũ eropa arĩ gojayuri? arĩ yũhrima erã ïgure.

<sup>8</sup> Jesu yũhri gamemi erãre:

—Goãmũ dorerire mũa ñecu sumarã erã iidiabiricũ ïagu “Eropa ta wacuraporo,” arĩgu, “Mũa marapore cóãmasia,” arĩ gojañumi Moise. ïgu eropa arĩ gojara árĩquerecũ ta negohraguere mũa marasã nomere cóãcũ gamebiripũ.

<sup>9</sup> Mũare arĩgu tiiãã: Masũ ïgu marapo igo gajigũ mera ñero iibiriquerecũ ta igore cóãgu, gajigo mera marapocũgu, ïgu gajigo mera ñero iïgu iimi. Eropigũ ihĩ cóãdigo mera marapocũgu sã igo mera ñero iïgu iimi, arĩmi Jesu.

<sup>10</sup> ïgu eroparĩcũ peerã, gua ïgu buherãpũ õpa arĩbũ:

—Eropa umũ ïgu marapo mera erã game cóãbiricũ, maripũre ne marapo marirã arĩcũ ðaboca guare, arĩbũ gua.



11 Jesu yũhrimi guare:

—Mũa arĩro dopa ta árĩpehrerã árĩmasibeama. Goãmu marapocudorebirinirã dihta eropa árĩmasima.

12 Ũma marapocumasibirã yujurãyeri áhřima. Yujurãyeri ũma ero ta poyari masa mata nomere gamebirã masa dehyoama. Gajirã masa erã ápiritõ diuri erã weanirãpu marapocumasibeama. Gajirã ũma ũmaro majagu erã Opu yare itamudiarã marapocubeama. Eropirã oã marapocudibirã eropa ta pepicãrã, eropa ta erã arĩ ojogorocũcũ õhaa, arĩmi Jesu guare.

*Majirãgã ya árĩburire Goãmure serẽbasañumi Jesu*

*Mr 10.13-16; Lc 18.15-17*

13 Eropi masa majirãgãre Jesure mohmepiñadoremorã Jesu pohrogue aĩ erama. Eropa aĩ erarã, erã Jesure igu mojtore erãgãre mohmepidorediama. Eropirã erãgãre erã õaro árĩburire Goãmure serẽbasadorediama Jesure. Erã eropa iicũ iarã gua igu buherã erãre turiribũ.

14 Gua eropa turicũ iagu, guare Jesu õpa arĩmi:

—Majirãgã yũ pohrogue ariporo. “Waque,” arĩbircãque erãgãre. Erãgã Goãmure erã opu pepima. Eropirã igu ũmaro majagu igu opu arĩroguere oãgã iro dopa pepirã áhřima eroguerẽ, arĩmi Jesu.

15 Eropa arĩtuhaja erã majirãgãre mohmepituhaja waha wami.

*Doberi opagu Jesu mera weretamuñumi*

*Mr 10.17-31; Lc 18.18-30*

16 Igu eropa iira pũhrũ yujugu masũ mamũ Jesu pohrogue eraa, serẽpimi igure:

—Ne mũhũ õagu buhegu áhřaa. ¿Yũ árĩpehrerinũri Goãmũ mera árĩdiagũ, õarire iidiagu dinopũre iibocuri yũhũ? arĩmi igu.

17 —¿Dohpa arĩronore yũre õagu arĩ piyuri mũhũ? Goãmũ dihta õagu áhřimi. Árĩpehrerinũri Goãmũ mera árĩdiagũ igu dorerire iique, arĩmi Jesu.

18 —¿Di doreripũre arĩgu iiri? arĩ serẽpinemomi igu.

Jesu yũhrimi:

—Masare wejẽbircãque. Gajigu marapo mera árĩbita. Yajabita. Gayabita.

19 Mũ pagũ sumarãre umupeoque. Mũ basi mahiro dopa ta mũ pohro arĩgu sãre mahique. I dorerire iiro gahmea, arĩmi Jesu.

20 —I dorerire ne tarinũgabirimũrabũ yũhũ. ¿Ñeheno dahyari yũ iinemoburi yũ árĩpehrerinũri Goãmũ mera árĩdiagũ? arĩmi igu Jesure.

21 Igu eroparĩcũ peegu Jesu werenemomi:

—Mũhũ Goãmũ mera õaro árĩdiagũ mũ yare árĩpehrerire duagu waque. Eropa duagu árĩpehreri niyerure mũ wajatarare mojomorocũrãre oque. Mũ eropa iicũ wũaro mũ ya ũmaroguerẽ Goãmũ pohroguerẽ arĩyuroca. Mũ eropa iira pũhrũ yũ mera majagu arĩbu arique, arĩ weremi Jesu.

22 Igu wũaro opagu arĩpu. Eropigu Jesu igure eroparĩcũ peegu igu oparire mojomorocũrãre odiabigu, turaro bujawere suabiri waha wami.

23 Igu eropa wacũ Jesu guare igu buherãre werenemomi:

—Diaye ta mũare arĩgu iiaa. Doberi oparã Goãmure igu opu arĩroguere erã wadiacũ diasa áhřaa.

24 Mũare werenemogura: Camellopu awiru gobegãgue igu ñajatariwereadiacũ masiya mara igure. Eropa ta doberi opagu Goãmũ opu igu arĩroguere wacũ diasataria, arĩmi igu.

<sup>25</sup> Īḡu eroparīcũ gwa ĩhamaria wa gwa basi õpa arĩbu:

—Yaho. Īḡu arĩro dopa ta diaye árīcũ, ne yujugu masare Goãmu taubiribocumi ĩḡu pohro waborore, arĩbu gwa gwa basi.

<sup>26</sup> Gwa eroparīcũ Jesu gware ĩhabeo, õpa weremi:

—Masa erã bocatiuro erã õaro iira mera Goãmu pohroguere wama-sibeama. Goãmuru masare peamegue wabonirãre taumasimi. Īḡu árĩpehrerire õaro ĩmasipehocãmi, arĩmi ĩḡu gware.

<sup>27</sup> Īḡu eroparīcũ Pedro ĩḡure arĩmi:

—Peenique. Guaru gwa ya árĩpehrerire apipehocãbu mu mera warã. ¿Gwa õpa iirã dohpa árĩrere wajatarãcuri gwa? arĩmi ĩḡu.

<sup>28</sup> —Mware diaye arĩḡu tiaa: Pehrerinu puhru árĩpehreri mama gohrotoroca. Irisubuguere yuhu masu Goãmu ĩḡu obeodigu yu opu doaro goesiriro doaguca yuhu. Yuhu ero doacũ mua sã doce gohra árĩnirã oparã árĩri mera doarãca. Eropirã Israe masare doce cururi majarãre beyerãca õarã sãre ñerã sãre.

<sup>29</sup> Eropirã mua árĩpehrerã õari buherire yaha árĩburire iimorã, mua wirire, mua pagu porãre, mua pagu sumarãre, mua porãre, mua poerire apicãnirã wuaro wajatarãca. Eropirã árĩpehrerinuri Goãmu mera õaro árĩrãca.

<sup>30</sup> Dohpuguere bajarã oparã árĩnirã mura irisubuguere bu árĩrã dujarãcoma. Eropirã dohpuguere bajarã bu árĩnirã mura irisubure oparã gohrotorãcoma daja, arĩ weremi Jesu gware ĩḡu buherãre.

## 20

### *Igui pohe mohmerã queorire wereñumi Jesu*

<sup>1</sup> Eropi dipaturi Jesu queorire weremi daja õpa arĩḡu:

—Umaro majagu opu ĩḡu árĩri werediãcũ pohe opu iro dopa ahraa. Īḡu pohe opu boyo pãri merejacũ ĩḡu pohere mohmemorãre sihugu wañumi.

<sup>2</sup> “Yujuse niyerusere yujunã mohmeri wajare wajayegura yujunãre,” arĩñumi. “Áu,” arĩñuma mohmemorã. Erã eroparīcũ pohegue mohmedoreḡu obeoñumi ĩḡu erãre.

<sup>3</sup> Eropigu umugue nueve árīcũ doberi duarogue wañumi daja. Erogue ejagu, gajirã mohmebirãre ñañumi.

<sup>4</sup> Eropa ñagu erãre arĩñumi: “Mua sã yaha pohere mohmerã waque. Õaro wajayegura,” arĩñumi ĩḡu.

<sup>5</sup> Eropirã erã pohegue mohmerã wañuma. Eropi pohe opu goeri boje árīcũ, ñamicague tres árīcũ sãre gajirãre mohmedoreñumi daja.

<sup>6</sup> Eropi ñamicague cinco árīcũgue doberi duarogue ĩḡu wañumi daja. Erogue eja gajirã mohmeri moorãre ñañumi. Erãre arĩñumi: “¿Ne gajino ĩbiriquerã yujunãre ñaniguineacãri mua?” arĩ serẽpiñumi erãre.

<sup>7</sup> “Ne gware mohmeri mara,” arĩ yahriñuma erã. “Mua sã yaha pohere mohmerã waque,” arĩñumi erãre. Eropirã ĩḡu arĩdiro dopa ta ĩḡu ya pohere mohmerã wañuma.

<sup>8</sup> “Eropi ñamicague mohme duhurisubugue árīcũ pohe opu ĩḡu mohmerãre coreḡure õpa arĩñumi: “Mohmerãre sihuque. Erã eracũ erãre wajayeque. Erã puhruḡue mohmedorenirãre wajayemuhtaque. Erãre wajayetuha, gajirã sãre wajayetuha, yu mohmedoremuhtanirãre wajaye ojogorocũque,” arĩñumi ĩḡu.

<sup>9</sup> Eropigu cinco árīcũ mohmenuganirãre yujuse niyeruse wajayeñumi.

10 Īḡu eropa wajayecũ ĩarã, “Ḡuare tauñariro wajayegucumi,” arĩ pepiriñuma ĩḡu doremũhtanirãpũ. Erã sãre yujuropa ta wajayecãñumi.

11 Eropirã erãre niyerure ĩḡu wajayetuhajacũ erã opũ mera papũri ĩḡure arĩñuma:

12 “Oã ḡua pũhrũgue mũ mohmedorenirãpũ yuju hora ta mohmeama. Ḡuarũ yujunũ ðaro mohmeneacarabũ. Ñero abe asiami ḡuare. Ḡua eropa yoari boje mohmequerecũ ta ḡua pũhrũgue mohmenũganirã sãre yujuropa wajayecãbũ mũhũ,” arĩ guañuma erã ĩḡu mera.

13 Erã eroparĩcũ peegũ yujugũ erã mera majagũre pohe opũ yũhriñumi: “Ne acaweregũ, yujuse niyerusere wajayegũra, arĩrabũ mũare. Yũ eroparĩcũ yũhriabũ mũa. Eropigũ yũ arĩdiro dopa ta mũare wajayeabũ yũhũ. Queoro wajayeabũ mũare. Ne yajabirabũ mũare.

14 Eropigũ yũ wajayerare aĩ wihigue dujaaque. Īre pũhrũ yũ mohmedoredigũ sãre mũare yũ wajayediropẽ ta wajayegũra.

15 Yaha niyeru ãhraa i. Eropigũ yũ gamero dopa ta i mera wajayegũra. ¿Gajirãre tauñariro yũ wajayecũ ĩhaturiri mũhũ?” arĩñumi ĩḡu pohe opũ, arĩ weremi iri queorire Jesu.

16 Eropa arĩḡu werenemomi ĩḡu:

—I queori arĩro dopa ta yaharã árĩmũhtanirãre erã pũhrũ yaharã árĩnirã sãre yujuro mera ogucumi Goãmũ ĩḡu ya ðarire. Eropirã árĩmũhtanirãpũ “Ḡuare onemogucumi,” arĩmasibeama, arĩ weremi Jesu.

*Dipaturi Jesu ĩḡu sřiburiñere ĩḡu masa mũriaburiñere wereñumi  
Mr 10.32-34; Lc 18.31-34*

17 Eropi Jerusalengue warã yujuro mera ta waniguirã, ḡuare ĩḡu buherãre sihubeotuha, gajipũgue ḡuare ḡua seyarore aĩḡãmi Jesu. Ḡua seyaro ḡua árĩcũ weremi.

18 —Peeque yũre. Dohpaguere Jerusalengue warã iiaa mari. Eroguere yũ masũre Goãmũ ĩḡu obeodigũre ñeha, gajirãre orãcoma. Pahia oparãre, masare buherã sãre yũre orãcoma. Eropirã yũre wejẽdorerãcoma erã.

19 Eropa wejẽdorerã judio masa árĩbirãre yũre orãcoma. Erã eropa ora pũhrũ erãpũ yũre wereya, tãrarãcoma. Tuhaja, crusague pabiarãcoma yũre. Eropigũ yũ sřirira pũhrũre uħrenũ waboro gohra masa mũriagũca, arĩ weremi Jesu.

*Santiago, Ñu mera erã pago erãre serẽbasapo Jesure  
Mr 10.35-45*

20 Eropigo Zebedeo marapo Santiago, Ñu igo porã mera Jesu pohroguere eja, merejapo ĩḡure serẽbo arigo.

21 —¿Dohpa yũ iicũ gahmeri mũhũ? arĩpũ Jesu igore.

—Mũhũ opũ ñajagũ yũ porã sãre dorerã acũque. Eropa acũgũ mũ pepũri erãre doboque, arĩ serẽpo igo igo porã mera.

22 Jesu ðpa arĩpũ:

—Mũa ñero tariborore masibiriquererã ta eropa serẽa mũa. ¿Dohpaguere yũ ñero tariboro dopa ta mũa sã ñero tarirã yujuro bojebocuri mũa? arĩpũ Jesu igo porãre.

—Yujuro bojerãca, arĩ yũhriñorã Santiago Ñu mera.

23 —Diaye ta ãhraa. Yũ ñero taridiro dopa ta ñero tarirãca mũa sã. Eropa mũa tarimorã árĩquerecũ ta yũ mera doremorãre mũare yũhũ beyemasibea. Yũ Pagũpũ amutuhami irire. Eropirã ĩḡu beyenirã dihta yũ diayerũre, yũ copũpũre doarãcoma, arĩpũ Jesu erãre.

<sup>24</sup> Eropirã gũa gajirã diez ïgũ buherãpũ erã oparã árĩburire Jesure serẽcũ Santiago, Ñũ sã mera guabũ gũa.

<sup>25</sup> Gũa eropa guacũ ïagũ Jesu árĩpehrerã ïgũ buherãre sihu gameneo, õpa arĩ weremi guare:

—Goãmũre masibirã oparãpũ masare dorerã, pũriro mera dorema.

<sup>26</sup> Mũarũ eropa iisome mũa basi. Mũa mera majagũ opũ árĩdiagũ, árĩpehrerã ïgũ mera majarãre itamugũ árĩporo.

<sup>27</sup> Eropigũ árĩpehrerãre doregũ árĩdiagũ pohro majagũ iiro dopa ta árĩporo.

<sup>28</sup> Eropa árĩgũ ta ãhraa yũ sã. Masare dorebiragũ arigũ iibiribũ. Yũhũ masũ Goãmũ ïgũ obeodigũ árĩqueregũ ta i yebaguere masare itamugũ arigũ iibũ. Eropigũ bajarã masa erã ñero iira dipuwajare sĩribasagũ arigũ iibũ. Eropigũ masa peamegue wabonirãre taugũ arigũ iibũ, arĩmi Jesu gũare.

*Perã cuiri ïhajabirãre ïacũ iĩñumi Jesu*

*Mr 10.46-52; Lc 18.35-43*

<sup>29</sup> Eropi Jericógue árĩnirã gũa wacũ bajarã masa Jesure nũrusiama.

<sup>30</sup> Eropi Jesu ïgũ tarigãcũ perã cuiri ïhajabirã ma tũro doanirã peema. Eropa peerã õpa arĩ gaguiniginemoma:

—Opũ Davi mũrũ pãrami, masare taubu, gũare mojomoro ïaque, arĩ gaguinima.

<sup>31</sup> Erã eropa gaguiniguicũ masapũ erãre turima.

—Ejarimaricãque, arĩma masa erãre. Erã eropa arĩquerecũ ta erã gaguiniguidiro tauro gaguiniginemoma daja.

—Opũ Davi mũrũ pãrami, gũare mojomoro ïaque, arĩ gaguiniguima daja.

<sup>32</sup> Erã eroparĩcũ peegũ Jesu nũgaja erãre sihubeo serẽpimi,

—¿Dohpa yũ mũare iicũ gahmeri? arĩ serẽpimi.

<sup>33</sup> —Opũ, gũare ïacũ iique, arĩ yũhrima erã.

<sup>34</sup> Erã eroparĩcũ Jesu erãre mojomoro ïami. Eropa mojomoro ïagũ erã cuirire mohmepimi. ïgũ eropa mohmepicũ ta erã õaro ïha wama. Eropa ïanirã ïgũre nũrusia wahgãma.

## 21

*Jerusaléngue ejañumi Jesu*

*Mr 11.1-11; Lc 19.28-40; Jn 12.12-19*

<sup>1</sup> Eropi Jerusaléngue gũa ejaboro core Betfagé waĩcũri macague ejamũhtanibũ gũa Jesu mera. Betfagé utãgũ Olivo waĩcũdigũ gubuye árĩbũ. Erogue ejagũ, gũare perãre ïgũ buherã mera majarãre Jesu ïgũ core obeomũhtami.

<sup>2</sup> Õpa doremi erãre:

—Si macague waque. Erogue ejarã, mata burrore ïgũ magugã mera erã dirinugudigũre bocajarãca. Erãre boca, ïgũre diriradarire pãa aĩgãribasaque yũre.

<sup>3</sup> Mũa eropa iicũ ïagũ, burro opũ “¿Duhpimorã burrore pãri mũa?” ïgũ arĩcũ peerã õpa arĩ yũhrique: “Mari tĩgũ burrore gamebeoniami dohpa. Eropigũ dohparagã wiagũcumĩ ïgũ,” arĩ yũhrique ïgũre, arĩdore obeomi Jesu perã ïgũ buherãre.

<sup>4</sup> Eropa iimi Goãmũ yare weremũhtadigũ ïgũ arĩ gojadiro dopa ta. Õpa arĩ gojañumi iribojegue:

<sup>5</sup> Jerusalén majaräre õpa arĩ wereque: “Íaque mua. Mua Opu mua pohrogue ahrimi. Ígu ta masare õaro iigu áhrimi. Burro magugã weca arigucumi,” arĩ wereque Jerusalén majaräre, arĩ gojañumi iribojegueru.

<sup>6</sup> Jesu ígu obeonirã perã iri macague eja, ígu iidoreldiro dopa ta iĩnorã erã.

<sup>7</sup> Burragore igo magugã sãre aĩgãrima. Aĩgãrituhaja gua weca maja suhrire tuwea aĩ, erã weca peobu gua. Gua eropa iira puhru Jesu íguã weca m̄aribejami wabu.

<sup>8</sup> M̄aribejatuha, íguã weca Jerusaléngue wami. Ígu eropa aricũ íarã masa bajarã ígu wari maha deco erã ya weca maja suhrire tuwea aĩ, s̄eopi m̄ahtama Jesure umupeorã. Gajirãpu p̄uricuri d̄urire mare apim̄ahtama “Ígu wari maha õari maha árĩporo,” arĩrã.

<sup>9</sup> Eropirã ígu core warã, ígu puhru nurusiarã mera õpa arĩ gaguiniguima:

—Davi m̄uru p̄aramire marire itamubure umupeorã. Ihĩ Goãmũ ígu obeodigu õaro arĩporo. ðmaro majagure “Turagu áhrimi,” arĩ umupeorã, arĩ gaguiniguima masa.

<sup>10</sup> Eropirã Jerusaléngue erã eropa ejacũ ero majarãpu íhamaria wama.

—Cue, ¿nihino áhriri ihĩ? arĩ game serẽpima erã basi.

<sup>11</sup> Gajirã masa yãhrima:

—Ihĩ Goãmũ yare werem̄htagu Nazare majagu Jesu waĩcugu áhrimi, arĩ werema erã masare.

### *Goãmũ wihigue ejañumi Jesu*

*Mr 11.15-19; Lc 19.45-48; Jn 2.13-22*

<sup>12</sup> Puhru Goãmũ wihigue ejami Jesu gua mera. Iri wihigue eja ñaja wami. Ñajaja masa duadoaräre asũrã sãre bocajagu erãre cohã wiucãmi iri wihigue. Eropigu niyerure game gohroto doarã ya mesarire yomemuju, aĩ majipi beom̄rimi. Bujare duarã erã doari p̄erori sãre eropa ta iimi.

<sup>13</sup> Eropa iigu õpa arĩmi:

—Goãmũ yare erã gojarapũ õpa áhraa: Goãmũ arĩmi: “Yaha wihĩ Goãmũ mera wereniguri wihĩ waĩcuroca,” arĩmi Goãmũ, áhraa ígu gojarapũ. M̄arpu i wihire Goãmũ wihire duadoarã game yajarã iiaa, arĩmi ígu erãre.

<sup>14</sup> Ígu eropa iira puhru cuiri íhajabirã, curimasibirã sã Goãmũ wihiguere ígu pohrogue erama. Erã eropa eracũ erãre õarã dujacũ iimi ígu.

<sup>15</sup> Eropa õarire ígu iicũ íarã, pahia oparã, masare buherã sã guama ígu mera. Eropirã majirãgã sã Jesure, “Davi m̄uru p̄arami, masare itamubu, turagu áhraa m̄uhũ,” erã arĩ umupeocũ peerã guanemoma dipaturi erã.

<sup>16</sup> Eropa guarã õpa arĩma Jesure:

—¿Erã eroparĩcũ peebeari m̄uhũ? Eropa arĩbircãporo, arĩ dorema erã Jesure.

—Erã eroparĩcũ peea. ¿Goãmũ yare erã gojarapũre ire ne buhebiriri mua?

Majirãgãre Goãmũre õaro umupeocũ iibũ m̄uhũ, áhraa Goãmũ yare erã gojarapũ, arĩmi Jesu erãre.

<sup>17</sup> Eropa arĩtuha erãre cóãgã, Betania waĩcari macague eja, iri ñamire ero arĩmi.

### *Jesu yucugure higuera s̄idoreñumi*

*Mr 11.12-14, 20-26*

<sup>18</sup> Gajinũ boyorogue Jerusaléngue gua dujaacũ, oaboami Jesu.

<sup>19</sup> Eropá oaboagu, ma turo niguidigu higuerağure ñhanijağ, irigu ducare omagu warimi. Dúca maribu iriguru. Puri dihta aribu. Dúca maricu ñagu Jesu opa arimi:

—Irigu yucugu ne dipaturi ducacúsome, arimi igu.

İgu eroparicu iriguru mata ñaidija wabu.

<sup>20</sup> Irigu eropa wacu ñarã, gúa igu buherã ñhamaria wabu.

—¿Duhpiro mata irigu ñaidija wahari? arı serëpibu Jesure.

<sup>21</sup> Jesu yuhrimi:

—İre guñaque mua. Goãmure ðaro guñatura umupeoque. “Diaye ta eropa ta iigucumi igu,” arırã, “Goãmú iisome,” arıbirã, yuhu irigare iidiro dopa ta iimasirãca mua sã. Eropirã irigure yu sıridoređiro dopa ta tauro diasarire doremásirãca mua Goãmure guñatura umupeorã. Irigu utãgu sare “Dua aı, wariyague cóadigu arıporo,” Goãmure mua arıcu irigu utãgu dija waroca.

<sup>22</sup> Goãmú irigu diague dijacu iigucumi. Goãmure mua umupeocu,” Yu serëro dopa ta eropa waroca,” mua arı guñacu, mua serëđiro dopa ta Goãmú iigucumi, arimi Jesu.

*Jesure doredigure serëpiñuma pahia oparã, masare buherã, murã mera Mr 11.27-33; Lc 20.1-8*

<sup>23</sup> Eropi Goãmú wihigue dujaja buhemi igu. İgu eropa buhecú pahia oparã, masare buherã, murã mera igu pohrogue eraa serëpima:

—¿Noa doreri mera ire eropa iigu iiri muhu? ¿Noa mure Goãmú wihigue arınirãre cóadoreari? arı serëpima erã.

<sup>24</sup> Erã eroparicu Jesu yuhrimi:

—Mure yuhu sã serëpigura. ðaro mua yure yuhricu yu sã mure yuhri gameğara.

<sup>25</sup> ¿Nu masare igu waıyecú noano igure waıyedoremuriyuri mua pepicu? ¿Goãmú doreyuri? ¿O masaru doremuriyuri mua pepicu? arı serëpimi Jesu erãre.

İgu eroparicu erãru erã basi game wereniguima:

—¿Dohpa arı yuhriřacuri mari? “Goãmú Nure doreñumi,” mari arıcu, “¿Goãmú Nure igu dorequerecu ta duhpirã igu wererare peebirari mua?” arıbocumi Jesu marire.

<sup>26</sup> Oã masaru “Diaye ta Nu Goãmú yare weremuhtadigu arımi,” arı pepima erã. Erã eropa pepirã “Nu igu waıyecú Goãmú igure dorebiriñumi,” mari arıcu peerã masaru guarãcoma mari mera, arıma erã erã basi.

<sup>27</sup> Erã eropa arı werenigui amura puhrú Jesure yuhrima erã.

—Nure waıyedoredigure gúa masibea, arıma erã.

Erã eroparicu peegu opa arımi Jesu:

—İrisubu tamerare yu sã mua serëpirare werebea mure. Yu iirire doreğure werebea mure, arımi igu erãre.

*Yujugu porã iira queorire wereñumi Jesu*

<sup>28</sup> İgu eropa arıra puhrú Jesu queori moa werenemomi erãre:

—¿Dohpa arı pepirãcuri yu opa arı werecu? arımi Jesu erãre. Perã pagu arıñumi. Tığuru opa arıñumi erã pagu: “Mahgu, pohegue mohmegu waque,” arıñumi.

<sup>29</sup> “Wabea,” arı yuhriřiñumi igu magu negohrare. Eropá arıqueregu ta puhrugure pohegue wadiariñe arıyoro daja igure. Eropıgu wañumi igu.

<sup>30</sup> Eropigu erā pagu ĩgu magu duhyagu pohrogue eja, ĩgu tĩgure ĩgu arĩdiro dopa ta pohegue wadorerĩnumi. “Áu,” arĩriĩnumi duhyagupũ. Eropa arĩqueregũ ta wabiriĩnumi ĩgu.

<sup>31</sup> ¿Nihinopũ ĩgu pagu ĩgu dorediro dopa ta iiyuri? arĩ serẽpimi Jesu.

—Ĩgu tĩgupũ iĩnumi, arĩ yũhrima erã.

Erã eroparĩcũ Jesu weremi:

—Muare diaye arĩgu tiiaa. “Ñetariarã àhrima,” mua arĩnirãpũ Goãmũ opũ ĩgu árĩroguere mua wabodiro árĩquerecũ ta erãpũ warãcoma.

<sup>32</sup> Ñu waĩyeri masũ buhegu arigu muare “Õaro iirã árĩque,” arĩ wererimi. Eropa ĩgu werequerecũ ta ĩgure peebiribũ mua. Eropirã ĩgu dorerire yũhribiribũ. Erã ñerã árĩnirãpũ wajasea corerãpũ, nome ñero iiricunirãpũ ĩgure peenirã árĩma. Erã eropa pee gohrotorare ĩabũ mua. Mua eropa ĩaquererã ta muapũ ne gohrotodiabirabũ. Eropirã peebirabũ mua, arĩmi Jesu pahia oparãre, murã sãre.

*Ñerã mohme corerã queorire wereĩnumi Jesu*

*Mr 12.1-12; Lc 20.9-19*

<sup>33</sup> Eropi Jesu dipaturi ĩgu pepiri mera õpa arĩ queorire moa erãre buhenemomi:

—Gajisubũ muare werenigui queoriĩnere yũ werecũ peeque daja, arĩmi. Yeba opũ árĩĩnumi. ĩgu ya pohere iguidarire oteĩnumi. Otetuha, sãrĩrore nugu, ĩguire erã cũhra bujuburi gobere seaĩnumi. Pohe decogue umari wihigã sãre iĩnumi ĩhadibumaja õaro. Eropigu gajirãre ĩgu ya pohe deco mera apiĩnumi erã mohme corera waja. Eropigu iri pohere erãre mohme coredoretuhaja gajĩ yebague waha waĩnumi ĩgu.

<sup>34</sup> Igui ñirisubũ árĩcũ opũ ĩgu pohro majarãre ĩgu ya pohe mohme corerã pohrogue obeoĩnumi. Pohe maja ĩgu oterĩ dũcare ĩgu ya sero maja dũcare aĩdoregu obeoriĩnumi.

<sup>35</sup> Eropirã pohere mohme corerãpũ ĩgu pohro majarãre ñero iĩnuma. Yujugure turaro paa, gajigure wejẽ, gajigure utã mera deaĩnuma.

<sup>36</sup> Pũhrũ pohe opũ dipaturi ĩgu pohro majarãre ĩgu obeomũhtanirã tauĩnariro árĩri curu majarãre obeoriĩnumi daja. Eropirã pohere mohme corerã muraro ta iĩnuma erã sãre daja.

<sup>37</sup> “Eropigu ĩgu obeotudigu ĩgu magu árĩĩnumi. “Yũ magupũre umupe-orãcoma,” arĩgu ĩgure obeoriĩnumi.

<sup>38</sup> ĩgu eropa arĩ pepiquerecũ ta pohere mohme corerã ĩgu magu ĩgu aricũ ĩarã, õpa arĩĩnuma: “Pohe opũ magu ahrimi ĩgu. ĩgure wejẽ cóãcãrã mari. Eropiro i pohe mari ya pohe dujaroca,” arĩriĩnuma erã basi.

<sup>39</sup> Eropa arĩrã ĩgure ñeha pohe tũrogue aĩgã, wejẽcãĩnuma erã ĩgure, arĩmi Jesu erãre. Eropa arĩtuhaja Jesu erãre serẽpimi:

<sup>40</sup> —¿Pohe opũ arigu dohpa iigũcuri ĩgu ya pohere mohme corerãre? arĩ serẽpimi Jesu pahia oparãre, murã sãre.

<sup>41</sup> —Ĩgu gajirãre pohere mohme coremorãre gohrotogũcumĩ. Árĩmũhtanirãre ñetarianirãre wejẽgũcumĩ. ĩgure dũcare queoro wiamorãpũre mohmedoregũcumĩ, arĩ yũhrima erã.

<sup>42</sup> Erã eroparĩcũ Jesu werenemomi erãre:

—¿Goãmũ yare erã gojarapũ ire yũre ĩgu arĩ gojarare buhebiriri mua? Ihĩ Cristo utãye iro dopa ta àhrimi. Masa Cristore gamebirãcoma. Erã gamebiriquerecũ Goãmũ ĩgure beye opũ acumĩ. Goãmupũ irire iimi. ĩgu eropa iicũ ĩarã “Õataria,” arĩ pepia mari, arĩ gojaĩnuma iribojegure.

¿Iri ne buhebiriri mua?

<sup>43</sup> Eropigu mua are arigu tiaa yuhu. Goamu igu dorerire iira igu oari orire opaboya mua. Mua iibiricu iha gajirapure ogucumi Goamu. Gajira masaru igu dorero dopa ta iira coma.

<sup>44</sup> Yure gamebirapu ya dipuwaja moamorã ñero tarira coma, arimi Jesu pahia opare, mura sare.

<sup>45</sup> Iri pohe opu queorire igu aricu peerã, "Igu iri queori mera 'Ñerã mohme corera iro dopa ahrima,' marire arigu weresagu icumi igu," arã pepiãora erã.

<sup>46</sup> Eropã arã pepira, igure ñeadiãriãora oparapu. Masaru Jesure umupearo "Goamu yare weremãhtadigu ahrimi igu," arãmãriãora erã. Erã eropã arã arã arã pahia oparã sã masare guira, Jesure ñeabiriãora.

## 22

### *Wari bosenu queorire wereñumi Jesu*

<sup>1</sup> Eropi dipaturi gaji queori mera erãre buhenagami Jesu:

<sup>2</sup> —Umaro majagu igu opu arãri werediacu i queori iro dopa ahraa. Yuju yeba majagu tauro opu arãñumi. Eropigu igu magu ya arãburi bosenu iñumi. Igu mojoto diriri bosenu arãyoro.

<sup>3</sup> Eropigu opu igu pohro majarãre bosenu ñarã arimorãre sihudore obeoriñumi. Erãpu aridiabiriñuma.

<sup>4</sup> Eropigu gajirãre sihudoregu obeoriñumi daja igu pohro majarãre. "Yu sihubeorãre opa arã wereque. 'Mari baburire iituhama. Wecuarã, wecuagã oaro diicãrãre wejã amutuhajama. Eropiro arãpehreri bosenu majare iituhajama. Eropira bosenu majare barã arique,' arã wereque erãre," arã obeoriñumi igu opu igu pohro majarãre.

<sup>5</sup> Erã eropã werera puhru igu sihubeonira eropã pepicãñuma. Bosenure ñarã wabiriñuma. Yujugu igu pohegue waha, wañumi. Gajigu igu mohmerire ñagu wañumi.

<sup>6</sup> Gajirãpu igu pohro majarãre erãre wererã eranirãre ñeha, erãre ñero iñuma. Eropiã wejãcãñuma.

<sup>7</sup> Erã eropã icu peegu, opupu guañumi. Gua, erã eropã wejãra dipuwaja dipuwaja moadoregu igu surarare obeoñumi. Eropira surara erãre wejãpehocã, erã ya macare soecãñuma.

<sup>8</sup> Erã eropã iira puhru, opu igu pohro majarãre opa arãñumi: "Bosenu majare amutuharama. Yu sihumãhtanira yu bosenure ñabonira aribeama. Ñerã ahrima erã.

<sup>9</sup> Eropira macare wari marigue mua bocajarãre bosenure ñamorãre sihuque," arãñumi igu igu pohro majarãre.

<sup>10</sup> Igu eropã arã arã igu pohro majarã marigue waha, arãpehrerã erã bocajarãre, ñerãre, oarãre wereñuma. Erã eropã sihura puhru ejañuma erã bajarã. Oaro bosenu erã iiri taribure masa ñjuturitaria wañuma.

<sup>11</sup> "Ero erã doacu opupu yujugure mojoto diririnu majañe suhriro sañabigure ñañumi.

<sup>12</sup> "Ne, acaweregu, ¿duhpigu mojoto diririnu majañe suhrirore sañabiriqueregu ñajarari mahu?" arã serẽpiñumi opu. Igu eropã serẽpicu masupu werebiriñumi.

<sup>13</sup> Igu eropã werebircu ñagu igu pohro majarãre opa arãñumi opu: "Ire ñeha igu mojotorire dirique. Igu guburi sare dirique. Diritua



aĩ wiria, disiporogue naitĩarogue ĩgure cóãque. Eroque ĩgu turaro ore, bujawereri mera gũcũri cũridihugũcumi,” arĩñumi opũ, arĩ weremi Jesu.

<sup>14</sup> ĩgu eropa arĩra pũhrũ õpa arĩtumi ĩgu:

—I queori wadiro dopa ta Goãmũ bajarã masa ĩgu sihubeonirã árĩquererã ta bajamerãgã ĩgu mera dujarãcoma, arĩ weretumi Jesu.

*Oparã ya wajare wajayeburire gajirã serẽpiñuma Jesure*  
*Mr 12.13-17; Lc 20.20-26*

<sup>15</sup> ĩgu eropa arĩra pũhrũ fariseo masa waha, ĩgure weresãburire erã basi weretamuñorã erã. Erã ĩgure baja serẽpiri mera erãre ĩgu gajiropa yũhricũ weresãmorã iiriñorã.

<sup>16</sup> Eropirã erã mera majarãre, Herode ya curu majarã sãre, Jesure serẽpidorerã oboñorã. Erãpũ gua pohrogue eraa, Jesure serẽpima:

—Buhegu, diaye wereniguigu gũyari marigu mũ árĩcũ masia gua. Eropigu opũ árĩcũ sãre bu árĩgu ĩgu árĩcũ sãre mũhũ yujuropa ĩhaa. Eropigu Goãmũ yare diaye mũ werecũ sãre gua masia. Masa suacũ sãre erã suabiricũ sãre queoro werea.

<sup>17</sup> Eropigu guare wereque. ¿Roma majarã árĩpehrerã tauro opũ árĩgure gobierno majare marire wajayero gahmeri mũ pepicũ? ¿Mari doreripũ irire wajayedoreri? arĩ serẽpima Jesure.

<sup>18</sup> Jesupũ erã ĩgure ñero weresãdiarire masigu õpa arĩ yũhrimi:

—Gũyaricũrã ãhraa mũa. ¿Duhpirã yũ ñero wereniguicũ peediari mũa?

<sup>19</sup> Dohparagã niyerusere oparã yare wajayeburisere arĩrique. Irisere ĩarã, arĩmi ĩgu.

Ĩgu eroparĩcũ peerã niyerusere aĩgãrima erã.

<sup>20</sup> Erã irisere aĩ eracũ ĩagu ĩgu serẽpimi erãre:

—¿Nihino gohra masũ waĩcũgu tuhyari irisere? ¿Noa waĩ tuhyari? arĩ serẽpimi ĩgu.

<sup>21</sup> —César waĩcũgu masa tauro opũ masũ ĩgu waĩ sã tuhyami irisegure, arĩ yũhrima erã.

Erã eroparĩcũ peegu Jesu weremi:

—Irisubu tamera masa tauro opũ yare ĩgure oque. Goãmũ yare Goãmũpũre oque, arĩmi Jesu.

<sup>22</sup> ĩgu eroparĩcũ peerã, pee uca wa, waha wama.

*Saduceo masa Goãmũ ĩgu sĩrinirãre masurire serẽpiñuma Jesure*  
*Mr 12.18-27; Lc 20.27-40*

<sup>23</sup> Eropi irinũ ta yujurãyeri saduceo masa Jesure ĩarã erarã gua pohrogue erama. Saduceo masa “Goãmũ sĩrinirãre masusome,” arĩ pepirã arĩma. Eropirã õpa arĩma erã ĩgure:

<sup>24</sup> —Buhegu, õpa arĩ gojañumi Moise: “Yujugu ĩgu tĩgu marapocũgu porã mariqueregũ ta ĩgu sĩricũ ĩgu pagũ magure ĩgu tĩgu marapo árĩdigore marapocũro gahmea. Eropigu ĩgu tĩgu mũrũ ĩgu porãcũbodiropũ dopa ta porãcũro gahmea ĩgu pagũ magure. Eropirã igo porã ĩgu tĩgu mũrũ porã iro dopa ta árĩrãcoma,” arĩ gojañumi Moise, arĩma erã saduceo masa.

<sup>25</sup> Irire eropa arĩ weretuha i queorire werenemoma erã Jesure:

—Yujugu porã siete gohra arĩñorã. Erã tĩgũpũ marapocũ, porã marigu ta sĩria wapũ. Eropigu gajigu ĩgu pagũ magũ sã ĩgu tĩgu marapo árĩdigore marapocũpũ.

<sup>26</sup> ĩgu eropa marapocũra pũhrũ ĩgu sã ĩgu tĩgu mũrũ iro dopa ta porã mariqueregũ ta sĩria wapũ. Eropigu ĩgu pagũ magũ ĩgu tĩgu mũrũ iro

dopa ta porã mariqueregu ta sïria wapũ. Eropa dihta wañorã yujungu porã gohra. Ne porã mariquererã ta sïripehrea wañorã erã.

<sup>27</sup> Erã marapo sã erã pũhrũ sïria wapo pare, arĩ õpa serẽpima Jesure:

<sup>28</sup> ¿Ne, Goãmũ árĩpeherrerã ïgu sïrinirãre masucũ nihino marapo árĩgocuri igo? Erã siete árĩpeherrerã igore marapocunirã árĩñorã. ¿Eropigo nihino marapo gohra árĩgocuri igo? arĩ serẽpima erã.

<sup>29</sup> Jesu yũhrimi erãre:

—Goãmũ yare erã gojarapũ wereniguirire ne masibea mũa. Eropirã Goãmũ ïgu turari sãre ne masibea mũa. Eropiro mũa pepiripũ ne diaye árĩbeaa.

<sup>30</sup> Sïrinirã erã masa mũriara pũhrũ erã anyua iro dopa ãhrima. Erã ũa nome mera marapocũbeama eroguerẽ.

<sup>31</sup> Sïrinirã mũra erã masa mũriaboropũre weregũra. ¿Goãmũ iribojegue ïgu arĩrare ne buhebiriri mũa? Õpa arĩñumi ïgu:

<sup>32</sup> “Yũhũ Abrahã, Isaa, Jacobo erã opũ ãhraa,” arĩ wereñumi Goãmũ iribojegue. Erã sïrira pũhrũgue “Erã opũ ta ãhraa,” arĩ wereñumi Goãmũ. Eropirã erã sïrinirã mũra ïgu masunirã árĩrã erã ojocarirã ãhrima, arĩmi Jesu.

<sup>33</sup> ïgu eropa arĩ buhecũ peerã bajarã masa pee ũa wama.

### *Õatariariñere doreriñere wereñumi Jesu*

#### *Mr 12.28-34*

<sup>34</sup> Eropi saduceo masa Jesure erã yũhrimasibiricũ peerã, fariseo masapũ gũa pohroque gamenerema daja.

<sup>35</sup> Eropigũ erã mera majagũ, masare buhegũpũ Jesu ïgu ñero arĩcũ peediagũ gũya serẽpirimi ïgure.

<sup>36</sup> —Buhegũ, ¿Goãmũ ya doreri õatariaro doreripũ diñe doreripũ ãhriri? arĩ serẽpimi ïgu.

<sup>37</sup> Jesu ïgure yũhrimi:

—“Bũrigã mũa sïporã mera, mũa turari mera, mũa õaro guñari mera Goãmũre mũa Opũre mahique,” arĩmi Goãmũ.

<sup>38</sup> Ìñe doreriñe õatariariñe ãhraa.

<sup>39</sup> Ìñe doreriñe pũhrũ gajiñe doreriñe sã õataria: “Mũ basi mahiro dopa ta mũ pohro árĩrã sãre mahique,” arĩmi Goãmũ.

<sup>40</sup> Ìñe peñe doreriñere iirã árĩpeherrerã gaji dorerire iipehorã iiaa mari. Goãmũ yare weremũhtanirã iribojegue erã gojara sãre iirã iiaa mari eropa iirã, arĩ weremi Jesu.

### *¿Noano acaweregu ãhriri Cristo? arĩ serẽpi ïañumi Jesu*

#### *Mr 12.35-37; Lc 20.41-44*

<sup>41</sup> Eropi fariseo masa ero gamenererã erã arĩcũ Jesu erãre serẽpimi:

<sup>42</sup> —“Cristo mari Pagũ ïgu obeodigũ ãhrimi,” arãa mũa. ¿Nihino ãhriri ïgu ñecũ iribojegue majagũ, mũa pepicũ? arĩmi ïgu.

—Cristo Davi mũrũ pãrami árĩgũcumĩ, arĩ yũhrima erã.

<sup>43</sup> Jesu weremi:

—¿Davipũ Cristo ñecũ árĩqueregu ta duhpigũ opũcũturiayuri Cristore? ¿Duhpigũ eropa opũcũdoreyuri Espĩritu Santo ïgure? Õpa arĩñumi Davi mũrũ:

<sup>44</sup> Goãmũ yũ opũre õpa arĩmi: “Ohõ yũ diayepũ dorebu doaque. Eropigũ mũre ïhaturirãre mũre tarinũgabasagũra yũhũ mũ pohro majarã dopa árĩmorãre,” arĩmi Goãmũ yũ opũre, arĩ gojañumi Davi mũrũ.

<sup>45</sup> Eropa arĩ gojagũ ta Davi mũrũ opũcũũumi Cristore. Cristo Davi mũrũ opũ āhrimi. ¿Eropigũ Davi mũrũ Cristo ñecũ árĩqueregũ duhpigũ opũcũyuri Cristore? arĩ weremi Jesu.

<sup>46</sup> Īgũ eropa arĩ werecũ erã ĩgũre ne yũhrimasibirima. Eropirã iripẽta serẽpi duhucãma erã ĩgũre. Eropirã ĩgũre gũirã dipaturi serẽpi ĩabirima ĩgũre pare.

## 23

*Masare buherã, fariseo masa sã erã ñero iirire wereñumi Jesu*  
*Mr 12.38-40; Lc 11.37-54; 20.45-47*

<sup>1</sup> Eropi masa bajarãre gũa sãre Jesu weremi daja.

<sup>2</sup> —Masare buherã, fariseo masa sã Goãmũ doreri Moiserẽ ĩgũ apirare wererã āhrima erã.

<sup>3</sup> Erã eropa wererã árĩcũ mũare erã dorerare iipehoque mũa. Eropa iiquererã ta erãre ĩhacũbircãque mũa. Erã buhero dopa ta iibeama erã.

<sup>4</sup> Masare baja dorema erã bocatũbiririre. Eropa dorequererã ta erã dorero dopa ta masa erã iimasibiriquerecũ ĩarã erãre itamubeama.

<sup>5</sup> Masa erã ĩacũ dihta õaro ii ĩhmuma erã. Goãmũ yare erã gojarapũri erã duhsãri comogãre pagañari comogãre erã diaporire dirituma masare erãre ĩadorerã. Erã dũca sãre dirituma iri comogãre. Eropirã erã suhri sãre gajirã ya tauro yoari árĩriñe ahmu sañama, “Gũa Goãmũre umupeotaria,” arĩ ĩadorerã.

<sup>6</sup> Eropirã bosenũri árĩcũ oparã erã doarigue doadiama. Eropirã mari buheri wirigue sãre õari doari dihtare doadiama erã.

<sup>7</sup> Eropirã doberi duarogue gajirã õaro umupeori mera erãre bocatĩri serẽcũ gahmema erã. Erãre “Buhegũ,” arĩ piyucũ gahmema.

<sup>8</sup> “Mũapũre “Buhegũ,” arĩ gajirã piyucũ iibircãque. Mũa árĩpehrerã yuju curu majarã āhraa. Eropigũ mũare buhegũ yũhũ yujugũ ta āhraa.

<sup>9</sup> Eropirã i yeba majarãre “Mari pagũ,” arĩrã erãre umupeorã iica. Ne eropa arĩ iibircãque. Ũmaro majagũ dihta mari Pagũ āhrimi. Īgũ dihtare umupeoro gahmea marire.

<sup>10</sup> Eropirã masũre “Opũ,” arĩbircãque. Mũa opũ yũhũ Cristo yujugũ ta āhraa.

<sup>11</sup> Pohro majagũ iro dopa mũare itamugũ ĩgũ ta árĩgũcumĩ opũ árĩbu.

<sup>12</sup> Yujugũ opũ árĩdiagũ docanũgaja árĩcorecãro gahmea. Eropigũ docanũgagũ “Bu árĩgũ āhraa yũhũ,” arĩ pepigũ ĩgũ ta árĩgũcumĩ opũ árĩbu, arĩ weremi Jesu.

*Judio masare buherã, fariseo masa mera erã gũyarire wereñumi Jesu*

<sup>13</sup> Īgũ eropa arĩra pũhrũ erãre werenemomi:

—Mũa masare buherã, fariseo masa sã ñero tarirãca. Gũyaricũrã āhraa mũa. Gajiropa mũa arĩ buhecũ peerãpũ Goãmũ ĩgũ opũ árĩroguere wasome. Mũa sã erogũere wasome. Eropa arĩ buherã erogũere wadiarãre cãhmotaa mũa.

<sup>14</sup> “Mũa masare buherã, fariseo masa sã ñero tarirãca. Gũyaricũrã āhraa mũa. Wapeweyarã nome erã wajamocũ ĩha erã ya wirire emacãa mũa erã nomere. Eropa erãre mojomoro ĩabiriquererã masa erã ĩhuro yoari boje Goãmũre serẽ ĩhmuraa mũa masare. Mũa eropa iira dipuwaja gajirã tauro dipuwaja moagũcumĩ mũare.

<sup>15</sup> “Mũa masare buherã, fariseo masa sã ñero tarirãca. Gũyaricũrã āhraa mũa. Wũariyague taribuja, yoaro maja macarigue wahaa mũa mũa dorerire iibure omarã. Mũa dorerire iibure boca, ĩgũre buhea. Mũa eropa

iicũ ĩġurũ mũa tauro ñero iinũgagũcumi. Eropirã ĩġure peamegue wabu árĩcũ iiaa mũa.

<sup>16</sup> “Mũa ñero tarirãca. Cuirĩ ĩhajabirã erã ĩhajabiro dopa ta masibirã ãhraa mũa. Eropa árĩquererã ta gajirãre buheraa mũa. Őpa arĩ buheraa mũa: “ ‘Goãmũ wihi mera iigũra,’ arĩ waĩpeogũ ĩġũ arĩdiro dopa ta iibiricũ ðaroca,” arĩ buheraa mũa. “ ‘Goãmũ ya wihi maja oro mera iigũra,’ arĩ waĩpeodigũpũre ĩġũ arĩdiro dopa ta ii ojogorocũro gahmea,” arĩ iri sãre buheraa mũa.

<sup>17</sup> Cuirĩ ĩhajabirã erã ĩhamasibiro dopa ta masibirã ãhraa mũa. Pee masibirã ãhraa. ¿Dinopũre umupeoro gahmeri? Orore umupeobiricãro gahmea. Goãmũpũ iri orore ĩġũ ya wihi árĩcũ ðari iimi irire. Eropirã ĩġũ ya wihipũre umupeoro gahmea mũare. Eropiro mũa buheripũ queoro wabeaa.

<sup>18</sup> I sãre buheraa mũa: “ ‘Goãmũ wihi maja mesa mera iigũra,’ arĩ waĩpeodigũ ĩġũ arĩdiro dopa ta ĩġũ iibiricũ ðacãroca,” arĩ buheraa mũa. “ ‘Iri mesa weca mari aĩgã apira ta mera iigũra,’ arĩ waĩpeodigũpũre ĩġũ arĩdiro dopa ta ii ojogorocũro gahmea,” arĩ buheraa mũa queoro buhebirã.

<sup>19</sup> Cuirĩ ĩhajabirã erã ĩhamasibiro dopa ta masibirã ãhraa mũa. ¿Dipũ iri gohra ãhriri mũa pepicũ? Goãmũre masũ ĩġũ ora mũra iri gohra árĩbiriñaria. Iri mesa weca Goãmũre ĩġũ ocũ, ðari wahaa iri mesa weca árĩri. Eropiro iri mesa bu árĩri mesa árĩbeaa. Goãmũre erã ora weca tauro ðari mesa ãhraa.

<sup>20</sup> Eropigũ “Goãmũ wihi maja mesa mera iigũra,” yujugũ arĩ waĩpeogũ, iri mesa weca apira mera ĩġũ eropa arĩġũ iicumi. Eropiro mũa buheripũ queoro wabeaa.

<sup>21</sup> Goãmũ ĩġũ ya wihi majagũ ãhrimi. Eropigũ “Goãmũ wihi mera eropa iigũra,” arĩ waĩpeogũ ðiaye ta Goãmũ waĩ mera eropa arĩġũ iicumi.

<sup>22</sup> Goãmũ umaro majagũ ãhrimi. Eropigũ “Umara mera iigũra,” yujugũ arĩ waĩpeogũ, Goãmũ mera ta eropa arĩġũ iicumi. Eropiro mũa buheripũ queoro wabeaa.

<sup>23</sup> “Mũa masare buherã, fariseo masa sã ñero tarirãca. Gũyaricũrã ãhraa mũa. Bari sũricũ iirisarire menta, anis, comina waĩcũrisarire aĩ deara pũhrũ diez quẽri iiaa. Eropa iira pũhrũ yujuquẽ ta aĩgã apia Goãmũ wihigue Goãmũ dorerire iimorã. Mũa eropa iri dorerire iiquererã ta tauro ðaro iirire guñabeaa mũa. Diaye iirire, mojomoro ĩarire, Goãmũre umupeorire ne guñabeaa mũa. Dũcare mũa aĩrare merogã Goãmũ wihire apicũ ðhaa. Eropa iirã õpa iinemoque: Diaye iirire, mojomoro ĩarire, Goãmũre umupeorire iique.

<sup>24</sup> Cuirĩ ĩhajabirã erã ĩabiro dopa ta diaye majare masibirã ãhraa mũa. Őpa iiaa mũa. Mũa dorerire iidorerã árĩpehrerire ðaro iidiaa yujuñegã dũhyaro mariro. Mũa eropa iiquererã ñeripũre duhubeaa.

<sup>25</sup> “Mũa masare buherã, fariseo masa sã ñero tarirãca. Gũyaricũrã ãhraa mũa. Mũa dorero dopa ta mũa soroparire, mũa ihriri parire mũa coeweaa mũa ðarire ii ĩhmurã. Eropa coequererã ta mũa sĩporãripũre coebeaa. Eropirã mũa árĩricũrũre mũa pepiripũre ne ðarire gohrotobea. Gajirã yare yajadiarã, mũa basi dihta pagarire aĩdiarã árĩrã, eropa dihta pepia mũa.

<sup>26</sup> Cuirĩ ĩhajabirã erã ĩhajabiro dopa ta masibirã ãhraa mũa fariseo masa. Mũa pepirire gohrotomũhtaque mũa. Eropirã ðaripũre iique. Mũa eropa iirã masa erã ĩhuro sãre ðarã gohra árĩrãca pare mũa.

<sup>27</sup> “Mũa masare buherã, fariseo masa sã ñero tarirãca. Gũyaricũrã ãhraa mũa. Masa comorore boreri mera erã sũhuma. Eropirã masa

iri comorore erã ĩacũ õari comoro dehyoa. Iri comoro eropa õaro deyoquerecũ ta, poheca majague ĩgu boara gõariguere ĩaya mara.

<sup>28</sup> Eropa ta mua sã masa erã ĩhabeoro õarã dehyoa mua. Eropa õarã deyorã mua árĩquerecũ ta mua pepiriguere ñeri guyaricurã árĩtariacã boanirã iro dopa, arĩ weremi Jesu.

*Judio masare buherã, fariseo masa sãre ĩgu dipuwaja moaborore wereñumi Jesu*

Eropa arĩtuhaja õpa arĩnemomi daja:

<sup>29</sup> —Mua masare buherã, fariseo masa sã ñero tarirãca. Guyaricurã ãhraa mua. Goãmu yare weremuhtanirã iribojegue majarã erã masa goberire õaro amuraa mua. Eropirã iribojegue majarãre õaro iinirã murare erã wéanugunirã murare õaro amuraa mua.

<sup>30</sup> Eropa iirã õpa arĩ wereniguiraa mua: “Iribojegue mari ñecũ sumarã murague erã iidiro dopa guapũ iibiriboya. Irisubugue árĩnirãre Goãmu yare weremuhtanirãre guapũ wejẽbiriboya,” arĩ wereniguiraa mua.

<sup>31</sup> Eropa arĩrã árĩrã, mua ñecũ sumarã mura Goãmu yare weremuhtanirã murare erã wejẽnirã erã árĩcũ wererã iica. Erã wejẽnirã pãramerã mua árĩri sãre mua basi weresãrã iica mua.

<sup>32</sup> Mua ñecũ sumarã mura iidiro dopa ta ii ojogorocũque.

<sup>33</sup> “Aña iro dopa ñerã ãhraa mua. Aña porã iro dopa ãhraa mua. Goãmu mua ñeri dipuwajare ĩgu peamegue ĩgu cóãboro core duhrimasibeaa mua.

<sup>34</sup> Eropigu Goãmu yare weremuhtarãre, gajirã masirãre, gajirã muare buhemorãre mua pohro obeogura. Yu eropa obeocũ muapũ yujurãyeri erãre wejẽrãca. Gajirãre crusague pabiarãca. Gajirãre mua buheri wirigue tãrarãca. Erãre macari nucũ nurũsuarãca.

<sup>35</sup> Mua eropa iirã árĩpehrerã ñeri marirãre mua wejẽra dipuwaja dipuwajacurãca. Abel murure Caín ĩgu wejẽra dipuwajare dipuwajacurãca muapũ. Árĩpehrerã ĩgu puhru árĩnirãre õarãre erã wejẽra dipuwaja sãre dipuwajacurãca mua sã. Eropirã Goãmu wihi pohro waimurãre mua soeburi mesa pohro Zacariare mua acawererã mura wejẽnorã. ĩgũpũ Berequias magũ árĩpũ. Eropirã ĩgu sãre erã wejẽra dipuwaja dipuwajacurãca mua.

<sup>36</sup> Diaye muare weregũ ta iiaa. Erã árĩpehrerãre erã wejẽra dipuwaja dohpague majarã dipuwajacurãcoma, arĩ weremi Jesu.

*Jerusalén majarãre burigã bujawereñumi Jesu*  
*Lc 13.34-35*

<sup>37</sup> Eropa arĩtuhaja õpa werenemomi Jerusalén majarãre bujawere ĩagũ:

—Mua Jerusalén majarã, mua acawererã mura Goãmu yare weremuhtanirãre wejẽmurinirã árĩma. Eropirã Goãmu obeonirãre, utã mera deamurininirã árĩma. Cãreña buro igo igo porãre igo quẽdupuri mera igo coã oyaro dopa ta bajasuburi opadiarabũ muare. Muapũ irire ne yũre gamebirabũ.

<sup>38</sup> Dohpague mua árĩri maca cóãra maca árĩroca.

<sup>39</sup> Diaye muare arĩgu tiiaa. Puhrugue dujarigũca daja yũhũ. Eropa yũ dujaricũ ĩarã mua yũre “Goãmu turari mera arĩgu õaro ariporo,” arĩrãca. Yũre mua irire arĩboro core, dipaturi yũre ĩasome mua, arĩmi Jesu.

## 24

*Goãmꝯ wihi cóãra wihi árĩroca arĩñumi Jesu*  
*Mr 13.1-2; Lc 21.5-6*

<sup>1</sup> Eropi Goãmꝯ wihire Jesu ïgꝯ wiriara pũhrꝯ gũa ïgꝯ buherã iri wihi maja wirire ïarã,

—Ōatariari wiri ãhraa. Ìaque mꝯ sã, arĩbꝯ gũa ïgꝯre.

<sup>2</sup> Jesu yũhrimi:

—I wihi majare dohpaguere ïaraa mꝯa. Mũare weregꝯ tiaa. I wihi árĩpehreri mꝯa ïara i utã sã cohmopehrea waroca. Ne yujuye utãye dujasome, arĩmi ïgꝯ gũare.

*I mꝯa pehreburiñere wereñumi Jesu*  
*Mr 13.3-23; Lc 21.7-24; 17.22-24*

<sup>3</sup> Pũhrꝯ Olivo waĩcũdigꝯ utãgꝯgue eja, erogꝯ doami Jesu. Ero ïgꝯ doacũ gũa ïgꝯ buherã gũa seyaro ïgꝯ pohrogꝯ eja serẽpibꝯ.

—Wereque gũare. ¿Dohpárĩcũ eropa warocuri mꝯ arĩdiro dopa waro? ¿Pehrerinꝯ coregã mꝯ dujariboro coregã dohpa wanũgacũ ïarãcuri gũa? arĩ serẽpibꝯ gũa.

<sup>4</sup> Jesu yũhrimi:

—Ōaro iiyuque mꝯa. Eropirã gajirã mũare erã gũyarire peebiricãque.

<sup>5</sup> Bajarã masa “Cristo ãhraa yũhꝯ,” arĩ gũyarã árĩrãcoma. Erã eropa gũyacũ peerã bajarã masa Goãmꝯ yare duhurãcoma.

<sup>6</sup> Mũa pohrogã gajirã masa erã gamewejẽcũ peerãca mꝯa. Eropirã yoarogꝯ majarã erã sã erã gamewejẽcũ peebeorãca. Eropa peequererã ta ne wũaro irire pepibiricãque. Eropa ta wamũhtaroca. Eropa wacũ pehreburiñũ dũhyaniroca dohpa.

<sup>7</sup> Irisubure yuju yeba majarã gaji yeba majarã mera gamewejẽrãcoma. Eropirã yujugꝯ opꝯ yarã gajigꝯ opꝯ yarã mera gamewejẽrãcoma. Eropirã masa bajarã oa mera sĩrirãcoma. Gajirã dorecũ ñero tarirãcoma. Eropiro bajasuburi i yeba ñohmeroca.

<sup>8</sup> Eropa ñero tariquererã i yeba majarãre tauro erã ñero tariboro dũhyaa dohpa. Ñero tarinirãcoma dohpa.

<sup>9</sup> “Irisubure gajirã mũare ñeha ñero iidorerã orãcoma mũare gajirã oparãre. Erã eropa ocũ mũare wejẽrãcoma. Yaharã mũa árĩri dipuwaja árĩpehrerã mũare ïhaturirãcoma.

<sup>10</sup> Irisubure bajarã yaharã árĩnirã yũre cóãrãcoma. Eropirã erã mera majarãre Jesu yarãre erã ïhaturirãcoma. Eropirã erã mera majarã erã árĩquerecũ ta ïhaturirãcoma. Eropirã erã mera majarã erã árĩquerecũ ta erãre ñero iimorãre erãre orãcoma.

<sup>11</sup> Irisubure bajarã “Goãmꝯ yare weremũhtarã ãhraa,” arĩ gũyarã árĩrãcoma. Eropirã bajarã masa erã gũyarire peerã árĩrãcoma.

<sup>12</sup> Irisubure ñetariaro iirãcoma masa. Eropirã erã mera majarãre mahinemosome.

<sup>13</sup> Eropirã mũare erã ñero iiquerecũ ta mũare erã ñero iirare yujuro bojerã yũre duhubiricũ Goãmꝯ mũare taugꝯcumĩ. Eropigꝯ ïgꝯ pohrogꝯ mũare opagꝯcumĩ.

<sup>14</sup> Eropiro i õari buheri árĩpehrerogꝯre i yebaguere erã wereburi buheri árĩroca. Goãmꝯ ïgꝯ opꝯ árĩrĩre árĩpehrerãre wererãcoma árĩpehrerã iri buherire erã masiboro dopa. Eropa werera pũhrꝯ pehrerinꝯ nũgaroca.

15 “Ñetariagu Goãmũ yare goroweogu aribure weremuriñumi iribojegue Daniel muru Goãmũ yare weremũhtadigu. Irisubure ïgu ñetariagu Goãmũ wihigue ïgu niguicũ ïarãca mua. (Irire buhegu peeporo.)

16 Ero ïgu niguicũ ïarã, Judea yeba árĩrãpũ utã yucãgue oma duhriporo.

17 Irisubure masa ñero tarirãcoma. Eropirã yojaro mera duhrirã waporo. Irisubure erã wiri weca maja pũurigue árĩrã wihi pohecague erã yare aĩrã ñajabiricãporo.

18 Eropirã irisubure gajirã erã poerigue árĩrã erã ya suhrire wihigue árĩri suhrire aĩrã pihabiricãporo.

19 Irisubure nijiposã nome, erã porãre mihrirãre oparã nome sã mojomorocũrã nome dujarãcoma.

20 Eropirã Goãmũre õpa arĩ serẽque: “Puhiró árĩcũ guã judio masa soorinũ árĩcũ sãre guã oma duhriburinũ árĩbiricãporo,” arĩ serẽque mua Goãmũre.

21 Irinũrire masa ñero tarirãcoma. I yebare ïgu ïhacũnugura pũhrũ masa ñero tarimuriñuma. Iri eropa árĩquerecũ ta árĩpehreri pũriri erã ñero taridiro tauro ñetariaro tarirãcoma masa pehreburiñũ coregãre. Eropa ñero erã tarira pũhrũ, dipaturi eropa ñero tarisome i yeba pare.

22 Eropigu Goãmũ irinũrire bajamenũrigã árĩcũ iigucumi. ïgu eropa iibiricũ ne yujugu masũ taribiribocumi. Eropigu ïgu beyenirã erã tariborore bajamenũrigã ñero tariburinũrire apigucumi Goãmũ.

23 Irisubure gajirãre pee masi ïaque: “Ïaque. Ohõ ãhrimi Cristo,” erã arĩcũ erãre peebiricãque. “Ero ãhrimi Cristo,” erã arĩcũ sãre peebiricãque.

24 “Cristo ãhraa,” arĩ gũyarã, “Goãmũ yare weremũhtarã ãhraa,” arĩ gũyarã árĩrãcoma irisubure. Eropirã Goãmũ ïgu beyenirãre gũyarã, erã deyoro moarire ii ïhmurãcoma. Goãmũ yare erãre cóãcũ iidiarã iirãcoma erã gũyari masa.

25 I árĩpehrerire wereyumũhtaa mũare iri eropa waboro core. Eropirã õaro pee masiyuque mua.

26 Gajirã masa mũare õpa arĩcũ, “Masa marirogue ãhrimi Cristo,” erã arĩcũ eroguerẽ ïarã wabiricãque. Eropirã erã “Ohõ iri wihigue ãhrimi ïgu,” erã arĩcũ sãre erãre peebiricãque.

27 Yũhũ masũ Goãmũ ïgu obeodigu guñaña mariro dujarigũra. Bupu ïgu miacũ umarore, abe mũririrogue, abe ñajarogue yojaro mera ïgu miabeoro dopa ta eropa ta dujarigũra yũhũ.

28 Masa erã ñeri erã iiniguirogue erogue Goãmũ erãre erã ñeri dipuwaja dipuwaja moagucumi erãre, arĩ weremi Jesu.

*Cristo i yebague ïgu dujariborore wereñumi ïgu*

*Mr 13.24-37; Lc 21.25-33; 17.26-30, 34-36*

29 Eropigu gũare werenemomi:

—Masa ñero erã tariranũri pũhrũ abe umũ majagu, ñami majagu sã boyo duhurãcoma. Erã eropa wacũ necã dipu yuri دچارiroca. Eropiro umaro maja sã yeba sã burigã ñohmeroca.

30 Irisubu ta yũhũ masũ Goãmũ ïgu obeodigu yũ dehyoacũ masa ïarãcoma. Eropirã árĩpehreri cururi majarã orerãcoma. Eropirã yũ turari mera, yũ gosesiriri mera, umaro maja imica curu weca i yebaguere yũ dujaricũ ïarãcoma masa.

31 Corneta busuroca. Eropigu yaharã anyuare árĩpehrero i yebaguere obeogũra. Eropirã árĩpehreroguerẽ yaharãre yũ beyenirãre erã aĩ gameneorãcoma.

<sup>32</sup> “Higueragu irigu waricurire masia mua. Irigu yucugu pucucũ ĩarã, “Bojori merogã duhyaa,” arĩ masia mua.

<sup>33</sup> Eropa ta irigu waro dopa ta masique mua. I arĩpehreri yu arĩra eropa wacũ ĩarã, “Cristo dujariboro merogã duhyaa,” arĩ masique mua.

<sup>34</sup> Diaye arĩgu tiiaa mũare. Irisubu majarã erã s̃riboro core arĩpehreri yu arĩdiro dopa ta eropa waroca. Ũmaro i yeba sã pehrea waroca.

<sup>35</sup> Yu wereniguiripu ne pehresome. Arĩpehreri yu arĩdiro dopa ta eropa waha ojogorocuroca.

<sup>36</sup> “Irinũre yu dujariburinũre, iri hora sãre masibea yuhũ. Anyua sã irire masibeamã. Masa sã ne masibeamã. Yu Pagu dihta irire masimi.

<sup>37</sup> “Noé ĩgu arĩrasubu majarã erã arĩdiro dopa ta i yeba majarã yu dujariboro coregã eropa ta arĩrãcoma.

<sup>38</sup> Yeba miriboro core masa baha, ihri, iĩnumã. Eropirã mojoto dirĩnumã. Noé sã erã wuadiru dohodirugue erã ñajaboro core mũararo ta iimuririĩnumã masa.

<sup>39</sup> Mata turaro deco ahri, guñaña mariro yeba miria wayoro. Masa sã miripehrea wañuma. Guñaña mariro ero miridiro dopa ta, yuhũ masũ Goãmũ ĩgu obeodigu i yebaguere guñaña mariro dujarigũca.

<sup>40</sup> Irisubure yũre umupeorãre beye gameneodoregũca. Eropigu poheguere perã mohmerã arĩcũ yujugũre aĩrãcoma yu mera arĩbure. Eropigu gajigu ero dujagũcumi.

<sup>41</sup> Irisubure nome perã nome erã yujuro erã ojudũcare erã biurã arĩcũ yujugore aĩrãcoma. Eropigo gajigo ero ta dujagocumo.

<sup>42</sup> “Ōaro guñamasi coreque. Yuhũ mua opu yu dujariburinũre ne masibea mua.

<sup>43</sup> Ire guñaque. Yajari masũ ĩgu wihigue ĩgu ñajaa ĩgu yajaborore wihi opu masigu, iri ñamire ĩgu carĩbiriboñumi yajari masũre coregũ. Eropigu yajari masũre ĩgu ya wihire ñajaridorebiriboñumi.

<sup>44</sup> Wihi opu ĩgu ya wihire corero dopa ta mua sã yu ariburire core arĩque. Yuhũ masũ Goãmũ ĩgu obeodigu i yebare dujarigu guñaña mariro arigũca. Eropirã yahare eropa iiniguirã yũre coreque, arĩmi Jesu.

*Yujugũ mohme coregũ ĩgu opuere ðaro umupeorire, gajigu ĩgu ðaro umupeobiriri sãre wereñumi Jesu*

*Lc 12.41-48*

<sup>45</sup> Eropi Jesu ðpa arĩ queorire moami buhenemobu:

—Mohme coregũ ĩgu opuere umupeogu pee masigu ðpa ta aħrimi. Opu curigu wagu, mohme coregũre ĩgu wihire apimi. ĩgu apigupu doregu arĩgũcumi. Eropigu barisubu arĩcũ mohme coregũ gajirã mohmeri masare barire gueremi.

<sup>46</sup> Eropigu opu ĩgu ya wihi dujarami. ĩgu dujaracũ ĩagu mohme coregũ ĩgu opu ĩgu dorediro dopa ta iipehogu arĩgu, mucubirigu arĩgũcumi.

<sup>47</sup> Diaye mũare arĩgu tiiaa. ĩgu eropa iicũ ĩagu ĩgu opu arĩpehreri ĩgu yare ĩhadibugũ apigũcumi ĩgũre.

<sup>48-49</sup> Ñegu mohme coregũpu ðpa ta aħrimi. “Yu opu yoja deyobeami,” arĩgu, gajirã mohme corerãre paa, wũaro baha, ihri, mererã mera meregũcumi.

<sup>50</sup> ĩgu eropa iirisubu ĩgu opu guñaña mariro dujaragũcumi. ĩgu dujararinũre ne masibeami mohme coregũ.

<sup>51</sup> Eropa dujaragu ñegu ĩgu iirare pee ĩgũre turaro dipuwaja moagũcumi. Eropigu gũyaricũrã erã warogue ĩgũre cóagũcumi. Eroguere ĩgu turaro ore, bujawereri mera ĩgu gũcũri cũridihugũcumi, arĩmi Jesu.



## 25

*Diez nome iira queori mera buheñumi Jesu*

<sup>1</sup> Eropi Jesu dipaturi òpa arí queorire weremi buhenemogu daja:  
—Ûmaro majagu ïgu opu áriri diez nome erã wadiro dopa ãhraa:  
Diez nome árĩñuma. Yuju ñami erã, erã sihãgori dipuru mera mojoto  
diridigũre bocatĩrirã wañuma.

<sup>2</sup> Erã mera majarã nome cinco nome pee masibirã nome árĩñuma. Gajirã  
nomepu cinco nome pee masirã nome árĩñuma.

<sup>3</sup> Pee masibirã nomepu erã sihãgori dipurure uyu dicari dipurure  
aĩquererã erã gohrotoburire aĩabiriñuma.

<sup>4</sup> Pee masirã nomepu erã sihãgori dipurure dicari dipurure aĩ gaji uyu  
dipuru sãre erã gohrotoburire aĩañuma.

<sup>5</sup> Eropirã mojoto diridigũ ïgu yoja deyobiricũ erã nome wuja pũricũ carĩa  
wañuma.

<sup>6</sup> Eropiro ñami deco gaguinigu cariñumi: “Peeque, mojoto diridigũ arigu  
carimi. ïgũre bocatĩrirã arique,” arí gaguinigu cariñumi.

<sup>7</sup> ïgu eroparicũ peerã erã nome wahgã, erã sihãgori dipurure amuñuma.

<sup>8</sup> Eropirã pee masibirã nomepu, gajirã nomere pee masirã nomere òpa  
arĩñuma: “Gua sihãgori dipuru yariro iiaa. Eropirã merogã mua ya uyu  
oque guare,” arí serẽriñuma erã nome.

<sup>9</sup> Erã eropa arí serẽquerecũ ta pee masirã nomepu òpa yuhriñuma:  
“Gua ya uyu muare ocũ árĩpehrerãre sihajabiriboca. Eropirã uyu duarã  
pohro mua basi asũrã waque,” arí yuhriñuma pee masirã nomepu.

<sup>10</sup> Eropirã pee masibirã nome asũrã wañuma. Erã eropa wara pũhrũ  
mojoto diridigũ erañumi. ïgu eracũ ïha, erã amutuhanirã nome pee  
masirã nome ïgũre bocatĩriñuma. ïgu mojoto diriri bosenugue ïgu mera  
ĩarã wañuma. Eropirã erã bosenu erã iri wihigue ñajara pũhrũ, disiporore  
biacãñumi.

<sup>11</sup> Pũhrũgue pee masibirã nomepu erariñuma. “Opu, guare pãgũque,”  
arĩriñuma erã nome.

<sup>12</sup> “Diaye muare arĩgu tiaa. Muare masibea yuhũ,” arĩñumi ïgu erã  
nomere.

<sup>13</sup> Yu dujariburinũre iri hora sãre ne masibea mua. Eropirã pee masirã  
nome erã yare òaro amutuha erã corediro dopa ta òarã, ñeri marirã ãhri  
coreque mua sã, arí weremi Jesu.

*Niyeruseri oroseri queorire wereñumi Jesu*

<sup>14</sup> Eropa arí weretuha òpa arí queorire moa buhenemomi daja gua sãre:  
—Irisubu yũ dujariburinũ ïgu wihi opu iidiro dopa árĩroca. Wihi opu  
arĩñumi. ïgu gajipũgue curigu wagu, ïgũre mohme corerãre sihubeoñumi.  
Eropigu erãre ïgu yare coredoreñumi.

<sup>15</sup> Eropa coredoregu erã dibu masiopẽ erãre niyeruserire wajapagaris-  
erire oñumi. Yujugũre cinco mil seri oroserire oñumi. Gajigũre pe mil seri  
oñumi. Gajigũre yuju mil seri oñumi. Erãre otuha waha wañumi.

<sup>16</sup> Eropigu cinco mil seri ïgu odigu mata iriseri mera gajinore asũñumi.  
ïgu asũra mera duagu gaji cinco mil seri wajatanemoñumi ïgu. Eropigu  
diez mil seri mera duañumi.

<sup>17</sup> Eropigu pe mil seri ïgu odigu mata ïgu ora pũhrũ ta iriseri mera gaji-  
nore asũñumi. ïgu asũra mera duagu gaji pe mil seri wajatanemoñumi.  
Eropigu wapicari mil seri opañumi.

<sup>18</sup> Yuju mil seri ïgu odigupu gobe seha, iri gobegue dibuñumi iriserire  
dibugũ.

19 “Pũhrũ yoara pũhrũ erã opu goerañumi. Eropa eragu ïgu niyeruseri mera erã wajatanemorare queobu ïgure mohme corerãre sihubeoñumi.

20 Eropigu cinco mil seri ïgu odigu ïgu opu pohrogue eja, diez mil seri wiañumi ïgure. “Cinco mil seri yure ohabu mũhu. Ìañatagu. Iriseri mera gaji cinco mil serire wajatanemoabu,” arĩñumi ïgure.

21 “Õaro iiaya mũhu. Mũhu õagu yu dorediro dopa ta iidigu ãhraa. Eropigu dohpaguere wũaro mu mohmeborore apigũra. Eropigu yu mera mucubirique,” arĩñumi ïgu opu ïgure.

22 Eropigu pe mil serire aĩdigu sã ïgu opu pohrogue eja, wereñumi ïgure: “Pe mil seri yure ohabu mũhu. Ìañatagu. Iriseri mera gajiseri pe mil seri wajatanemoabu,” arĩñumi ïgu.

23 “Õaro iiaya mũhu. Mũhu õagu yu dorediro dopa ta iigu ãhraa. Merogãre õaro iiaya mũhu. Eropigu dohpaguere wũaro mu mohmeborore apigũra. Eropigu yu mera mucubirique mũhu,” arĩñumi ïgu opu.

24 “Eropigu yuju mil serire aĩdigupu, ïgu opu pohrogue eja, wereñumi ïgure: “Opu, mũhu turaro mohmedoregu ãhraa. Eropigu gajirãre mohmedorequeregu oteri moogu arĩqueregu ta mu dihta iri dũcare aĩa.

25 Mũhu eropa arĩgu arĩcũ mure güiabũ. Eropa güigu gobe seha, iri gobegue mu niyeruseri dibucãbu. Ìañatagu. Ohõ ãhraa mu ya niyeruseri,” arĩñumi ïgu ïgure.

26 “Mũhu ñegu butagu ãhraa. Yure, ‘Mũhu gajirãre mohmedorequeregu mu dihta iri dũcare aĩa,’ arãa mũhu yure.

27 ¿Mũhu yure eropa arĩqueregu ta, duhpigu yu óraserire niyeru diburi wihigue dihbirari mũhu? Mu erogue dibugũ iriseri mera wũaro wajatanemoboaya. Irise mũhu iicũ dujaragu wajatanemoboaya yũhu,” arĩñumi opu ïgure.

28 Eropa arĩgu gajirã ïgure mohme corerãre doreñumi ïgu: “Niyeruseri emaque ïgure. Diez mil seri opagũpũre oque.

29 Áripherẽ baja oparãre onemogũra. Moorãpũre merogã erã opaquerẽ ta erãre emapehocãgũra.

30 Ihĩ mohme coregu duhpibu arĩbeami. Naitĩarogue ñerogue cóãcãque ïgure. Erogue ïgu turaro ore, bũjawereri mera ïgu gũcũri cũridihugũcumi,” arĩñumi opu, arĩ weremi Jesu.

### *Dipuwaja moaborore wereñumi Jesu*

31 Eropi Jesu werenemomi:

—Yũhu masu Goãmũ ïgu obeodigu arĩpherẽ anyua mera doregu dujarigũca. Eropa dujarigu opu doarogue yu goesiriri mera doagũca.

32 Eropa yu doacũ, yaharã anyua i yeba majarãre arĩpherẽre yu pohro gameneorãcoma. Erãre gameneora pũhrũ pe curu dũca wagũra erãre. Oveja ìhadibugũ ïgu iiro dopa ïgu cabrare ïgu dũca waro dopa ta masare dũca wa dobogũra.

33 Eropa dũca wagu oveja dopa arĩrãre õarãre yu diayerũ dobogũra. Eropigu cabra dopa arĩrãre, ñerãre yu copũpũ dobogũra.

34 Yũ eropa iira pũhrũ yũhu arĩpherẽre tauro opu yu diayerũ doarãre õpa arĩ weregũra: “Yũ Pagũ mũare õaro iigũcumi. I yebare ìhacũnugudigũgue ta mua ya arĩburire ïgu opu arĩrore amuyutuhami Goãmũ. Eropirã dohpaguere ïgu amuyudiroguere arĩrã arique.

35 Yũ oaboacũ ìarã mua yure barire obu. Yũ ñemesibucũ mua yure tĩabu. Mua pohro yu curicũ yure ìha masibiriquerẽre yure õaro bocatĩribũ mua.

<sup>36</sup> Suhri marigu yu árícũ ĩarã m̃ap̃u yure suhrire sãbũ. Dorecũcũ m̃ua yure ĩarã aribũ. Peresu yu árícũ sãre yure ĩarã aribũ,” arĩgura ðarãre.

<sup>37</sup> Yu eroparĩcũ peerã ðarãp̃u yure serẽpirãcoma: “Op̃u, ¿dohpárĩcũ m̃u oaboacũ m̃ure barire ori gua? ¿Dohpárĩcũ m̃u ñemesibucũ m̃ure tĩari gua?”

<sup>38</sup> ¿Dohpárĩcũ m̃ure ĩha masibiriquererã ðaro bocatĩriri gua? ¿Dohpárĩcũ m̃u suhri marigu m̃u árícũ m̃ure suhri sãri gua?”

<sup>39</sup> ¿Dohpárĩcũ m̃u dorecũcũ o peresugue m̃u árícũ sãre m̃ure ĩarã ejari gua?” arĩrãcoma yure.

<sup>40</sup> Erã eropa arĩ serẽpicũ peegũ yũhũ ðpa erãre yũhrigũca: “Diaye m̃uare arĩgu tĩaa. Oã yaharã mera majagu bu arĩgu arĩquerecũ ta, m̃ua ĩgure eropa ta ðaro iibũ. Eropa arĩgure eropa iirã, yure iiro dopa iirã tĩaa m̃ua,” arĩ weregura erãre.

<sup>41</sup> “Õarãre yu eropa arĩ werera pũhrũ, copũp̃u arĩrãre ñerãre yu arĩpehrerã tauro op̃u ðpa arĩgura: “Goãmũ ĩgu dipuwaja moamorã ãhraa m̃ua. Yu mera dujabiricãque. Peamegue waque m̃ua. Iri peame ne yaribea. Watĩ, ĩgu yarã anyua sã erã arĩborore iri peamere iimi Goãmũ.

<sup>42</sup> Yu oaboacũ m̃ua yure barire obiribũ. Yu ñemesibucũ m̃ua yure tĩabiribũ.

<sup>43</sup> M̃ua pohro yu curicũ yure masibirã bocatĩribiribũ. Eropa ĩacãbũ. Suhri marigu yu arĩquerecũ ta, yure suhri sãbiribũ m̃ua. Dorecũgu yu árícũ, peresu yu árícũ sãre eropa ĩacãbũ m̃ua yure,” arĩ weregura erãre ñerãre.

<sup>44</sup> Yu eroparĩcũ peerã erã yure serẽpirãcoma: “Op̃u, ¿m̃u oaboacũ, m̃u ñemesibucũ, gua masibigu m̃u árícũ, suhri marigu m̃u árícũ, dorecũgu m̃u árícũ, peresugue m̃u árícũ, dohpárĩcũ guap̃u m̃ure itamubiriri?” arĩ serẽpirãcoma yure.

<sup>45</sup> Erã eropa arĩ serẽpicũ yũhũ erãre ðpa arĩ weregura: “Diaye m̃uare arĩgu tĩaa. Oã yaharã mera majagure bu arĩgure m̃ua ne itamubiribũ. Eropa arĩgure m̃ua itamubirã, yure ta itamubeaa m̃ua,” arĩ weregura erãre.

<sup>46</sup> Eropigu erãre eropa dipuwaja moaniguicãgũcumĩ Goãmũ. Erã eropa dipuwajacũri ne pehresome. Eropirã ðarãp̃u um̃uri nũcũ ðaro arĩrãcoma, arĩ weremi Jesu.

## 26

### *Pahia oparã, m̃urã mera Jesure wejẽdiañuma*

*Mr 14.1-2; Lc 22.1-2; Jn 11.45-53*

<sup>1</sup> Iri arĩpehrerire ĩgu buhera pũhrũ Jesu guare ĩgu buherãre weremi:

<sup>2</sup> —Penũ pũhrũ Pascua arĩroca. Irire m̃ua masia. Irisubure yũhũ masure Goãmũ ĩgu obeodigure ñearãcoma. Ñeha yure crusague wejẽrãcoma, arĩmi ĩgu guare.

<sup>3</sup> Irisubu ta pahia oparã, m̃urã sã gamenereñorã. Caifa pahia op̃u ya wihi gamenereñorã erã.

<sup>4</sup> Ero gamenere, erã gũyari mera Jesure ñeha erã wejẽburire game weretamurã iĩnorã.

<sup>5</sup> —Bosenũ árícũ ĩgure ñeabiricãrã. Masa gua ĩgure ñeacũ ĩarã gua gamenerenijarã gamequeãbocoma, arĩrã iĩnorã erã erã basi.

### *Nomeo poresuri mera Jesure pipeopo*

*Mr 14.3-9; Jn 12.1-8*

<sup>6</sup> Irisubure Simo cami boadigu ya wihi árĩmi Jesu. Gua sã árĩbũ. Īgu árĩri maca Betania waĩcũri maca árĩbũ.

<sup>7</sup> Iri wihi ĩgu baro watope yujugo nomeo poresuri aĩgãri, Jesu dipuru weca pipeomo. Iri poresuri alabastro waĩcũdiru dicũri deco, igo pipeori deco wajapagari deco árĩbũ.

<sup>8</sup> Igo eropa pipeocũ ĩarã gua Jesu buherã guarã õpa arĩnũgabũ:

—¿Duhpigo igo irire eropa iisirimaacãri?

<sup>9</sup> Iri poresurire duaboañumo. Eropa duago wũaro niyerure wajataboañumo. Eropa wajatago, mojomorocũrãre iri niyerure oboañumo, arĩbũ gua ĩgu buherã.

<sup>10</sup> Gua eroparĩcũ ĩagu, Jesu guare weremi:

—¿Duhpirã eropa arĩri mũa igore? Yũre õaro iigo iimo.

<sup>11</sup> Mojomorocũrãpũ mũa mera eropa árĩniguirãcoma. Eropirã mũa erãpũre omasia. Yũpũ i yebare mũa mera eropa árĩniguisome.

<sup>12</sup> Yũre erã yaaboro core yũ dũpũre amuyugo, poresuri mera sũhumo yũre.

<sup>13</sup> Eropigu diaye ta mũare arĩgu iiaa. Árĩpehrero i yebaguere õari buherire erã wererogue igo õpa iirare wererãcoma. Erã eropa werecũ peerã masa bajarã igore guñarãcoma, arĩ weremi Jesu guare.

*Juda Iscariote Jesure ĩhaturirãre ĩgu ĩhmuburire erã mera weretamuñumi*

*Mr 14.10-11; Lc 22.3-6*

<sup>14</sup> Irisubure yujugu gua mera majagu Juda Iscariote pahia oparã pohrogue ejarũ.

<sup>15</sup> Eja, erãre serẽpipũ.

—¿Jesure mũare yũ ĩhmucũ dipẽ wajayerãcuri yũre mũa? arĩ serẽpipũ erãre.

Īgu eroparĩcũ, erã ĩgure treinta seri plataserire oñorã.

<sup>16</sup> Erã eropa ocũ Judapũ Jesure ĩgu ĩhmuburinũre corenipũ.

*Jesu ĩgu buherã mera ĩgu baturinũ árĩyoro*

*Mr 14.12-25; Lc 22.7-23; Jn 13.21-30; 1Co 11.23-26*

<sup>17</sup> Eropi bugabiriri panre erã baburinũ bosenu árĩnũgarinũ árĩbũ. Eropirã gua Jesu buherã ĩgu pohrogue waha serẽpibũ ĩgure:

—¿Nohonogue bosenu mari baburire amudoregu obeori mũhu guare? arĩbũ ĩgure.

<sup>18</sup> Gua eroparĩcũ ĩgu guare weremi:

—Jerusaléngue waque. Ero mũa bocagure õpa arĩ wereque: “Marire buhegu mũre õpa arĩ weredoreami: ‘Yũ ñero tariboro merogã dũhyanijaa. Pascua árĩcũ yũhũ, yũ buherã mera mũ ya wihi gua barãca,’ arĩ weredore obeomi guare,” õpa arĩ wereque iri wihi opũre, arĩ obeomi Jesu guare.

<sup>19</sup> Eropirã guare ĩgu dorediro dopa ta iirã, Pascua árĩcũ gua baburire amubu gua.

<sup>20</sup> Eropi iri ñamire gua mera doce ĩgu buherã mera bagũ árĩmi Jesu.

<sup>21</sup> Gua barisubu ĩgu guare weremi:

—Diaye ta mũare arĩgu iiaa. Yujugu mari mera majagu ta yũre ĩhaturirãre ĩhmugũcumi yũre, arĩ weremi ĩgu guare.

<sup>22</sup> Īgu eroparĩcũ peerã guapũ bũrigã bujawererã, ĩgure serẽpinũgabũ gua yujurãyeri.

—Opũ, ¿yũ ãhriri mũre ĩhmubu? arĩ serẽpibũ.

<sup>23</sup> Gua eropa arĩ serẽpicũ ĩgu yũhrimi:

—Yũ baripare yũ mera yoso bagũ ta ãhrimi yũre ĩhaturirãre ĩhmubu.

24 Iribojegue erã yũre arĩ gojadiro dopa ta yũhũ masũ Goãmũ ĩgu obeodigu sĩrigũca. Yũre ĩhaturirãre ĩhmudigũpũ ñetariaro tarigũcumĩ. Eropiro ĩgũpũre ĩgu masa dehyoabiricũ õaboya. Ñero taribiriboñumi, arĩmi Jesu.

25 ĩgu eroparĩcũ ĩgũre ĩhaturirãre ĩhmubu Juda ĩgũre serẽpimi:

—Buhegu, ¿mũre ĩhmubu ãhriri yũhũ? arĩ serẽpimi ĩgu.

—Ë Ʃ. Mũhũ ta ãhraa, arĩmi.

26 Eropa arĩ weretuhaja gũa barisubu Jesu panre ã, Goãmũre “Õhaa,” arĩmi. Eropa arĩtuha irire nuha gũare ĩgu buherãre gueremi.

—Ire ã, baque. I yũ dũpũ ãhraa, arĩmi ĩgu.

27 Eropa arĩtuha ĩgu ihriripare ã, Goãmũre “Õhaa,” arĩ, gũare omi.

—Mũa árĩpehrerã ire ihrique.

28 I yũ di ãhraa. Bajarã ñero erã iirare cóãbu sĩrigũca. Eropigu yũ di cóãgũca. Eropa sĩrigũ Goãmũ yũ Pagũ “Masare õaro iigũra,” ĩgu arĩdiro ii ojogorocũgũca.

29 Mũare arĩgu tiiaa. Yũ Pagũ ĩgu opu árĩroque mũa mera igui deco mama decore ĩhrigũca. Mari erogũe ihriboro core i igui decore dipaturi ihrinemosome yũhũ, arĩmi Jesu gũare.

*Pedro “Jesure masibea,” ĩgu arĩ gũyaburiñere wereñumi Jesu*

*Mr 14.26-31; Lc 22.31-34; Jn 13.36-38*

30 Eropirã yujuñe Goãmũre bayariñere bayatuhajarã wiriabũ. Ëtãgu Olivo waĩcũdigũgue wabũ gũa.

31 Erogũe gũa ejacũ Jesupũ gũare weremi:

—Dohpagã ñami mũa árĩpehrerã yũre cóãgãrãca. Mũa yũre cóãborore õpa ta arĩ gojañuma Goãmũ yare erã gojarapũ: “Ovejare ĩhadibugũre erã wejẽcũ iigũca. Yũ eropa iicũ oveja ĩgu yarã ĩgũre cohãgã wasiria warãcoma,” arĩ gojañuma.

32 Eropigu Goãmũ yũre ĩgu masura pũhrũ mũa core Galileague wamũhtagũca, arĩmi ĩgu.

33 ĩgu eroparĩcũ peegu Pedro õpa arĩrimi:

—Yũ mera majarã árĩpehrerã erã mũre cóãgãquerecũ ta yũpũ mũre ne cóãsome, arĩmi ĩgu.

34 Jesu yũhrimi:

—Diaye arĩgu tiiaa mũre. Dohpagã ñami cãreña ĩgu wereboro core uhresubu “Yũhũ Jesure masibea,” arĩgũca mũhũ, arĩmi ĩgu Pedrore.

35 ĩgu eropa arĩquerecũ ta Pedro õpa arĩ yũhrimi:

—Mũ mera yũre erã wejẽquerecũ ta, “Jesure masibea,” ne arĩsome yũhũ, arĩ yũhririmi Pedro.

Eropirã gũa sã gajirã ĩgu buherã Pedro ĩgu arĩro dopa ta arĩribũ gũa Jesure.

*Getsemanĩque Goãmũre serẽñumi Jesu*

*Mr 14.32-42; Lc 22.39-46*

36 Eropi Getsemanĩ waĩcũri gorogue Jesu gũa ĩgu buherã mera waha, erogũe eja, gũare arĩmi:

—Ohõ doayuque. Mũa ohõ doaropẽ sohõgue Goãmũ mera wereniguigu wagu iiaa, arĩmi ĩgu gũare.

37 Eropa arĩtuha Pedrore, perã Zebedeo porãre, erã urerãre sihugãmi. Eropigu ĩgu turaro bũjawere, ñero sĩporãcũpũ.

38 Eropa bũjaweregu ĩgu mera majarãre ĩgu sihugãnirãre arĩpũ:

—Buriḡã ñero sīporācua yũhũ. Yũre turaro pũriro dopa ta pepiḡũ iiaa. Sohõñari wanigũ iiaa. Ohõ dujanique mua. Eropirã yũ mera ta tũyũque mua sã, arĩpũ ïḡũ erãre.

<sup>39</sup> Eropa arĩtuha ero core merogã wanemo, yeba mereja, Goãmũre arĩpũ:

—Ahũ, yũ ñero tariburire iidiabigũ iibiricãque. Yũ eropa arĩquerecũ ta yũ gamero dopa iibita. Mũpũ masia. Mũ gamero dopa iique, arĩpũ ïḡũ Goãmũre.

<sup>40</sup> Eropa arĩtuha, urredã ïḡũ buherã pohrogue eranijagũ erã carĩ oyarãre ïapũ. Erãre ïagũ Pedrore õpa arĩpũ:

—¿Yuju hora gohra yũ mera ta tũyũtamubirari?

<sup>41</sup> Ōaro iique mua. Mua pepiri mera õarire iidiaraa mua. Mua seyaro irire iidiaquererã ta irire bocafubeaa. Eropirã Goãmũre serẽniguique ñero mua iibiriboro dopa, arĩ werepũ Jesu.

<sup>42</sup> Eropa arĩtuha dipaturi waha, Goãmũre serẽpũ daja:

—Ahũ, yũ ñero tariburire iidiagũ iique yũre. Mũ gamero dopa ta iique, arĩpũ ïḡũ.

<sup>43</sup> ïḡũ buherã pohrogue urredã pohrogue dipaturi erapũ daja. Eropa eragũ carĩ oyarãre ïapũ daja. Wũja pũritaricãyoro erãre.

<sup>44</sup> Eropigũ dipaturi erãre apicã dipaturi waha, Goãmũ mera wereniguiquũ daja. ïḡũ ero core ïḡũ arĩdiro dopa ta arĩpũ.

<sup>45</sup> Eropa arĩtuha ïḡũ buherã pohrogue eraa, erãre arĩpũ:

—¿Mua carĩrã soorã iiri dohpa? arĩpũ ïḡũ. Eropa arĩtuha masa erã aricũ ïagũ õpa arĩpũ:

—Iripẽta ãhraa. Dohparagã yũ masũre Goãmũ ïḡũ obeodigũre ñerãre orãcoma yũre.

<sup>46</sup> Wahgãque. Ina warã. ïaque. Yũre ïhaturirãre obu ohõ ahrimi, arĩpũ ïḡũ.

*Jesure ïhaturirã ïḡũre peresu iĩnuma*

*Mr 14.43-50; Lc 22.47-53; Jn 18.2-11*

<sup>47</sup> ïḡũ eropa arĩ wereniguirisubu gũa mera majagũ mũrũpũ Judapũ eramĩ. Eropirã masa bajarã ñoserimijiri yucũ dũcarĩ opanirã ïḡũ mera yujuro mera erama. Erã pahia oparã, erã mũrã sã erã obeonirã árĩma.

<sup>48</sup> Negohrare Jesure ïhaturirãre wiabu õpa arĩ wereseretuhapũ Juda: “Yũhũ wayuporãre mimigũ ïḡũ ta árĩḡũcumĩ mua ñeabu. ïḡũre yũ mimira pũhrũ ñeaque,” arĩpũ Juda erãre.

<sup>49</sup> Eropigũ eragũ Jesu pohrogue mata wapurumujumi.

—Buhegũ, ¿ãhriri mũhũ? arĩ ïḡũre wayuporã mimimi.

<sup>50</sup> ïḡũ eropa mimicũ Jesu õpa arĩmi:

—Yũ mera majagũ, ¿duhpigũ õḡũere ahriri mũhũ? arĩmi ïḡũre.

Eropirã erã Jesure ñeama.

<sup>51</sup> Erã eropa iicũ ïagũ Jesu mera majagũ ïḡũ matamijire tũãwea aĩ, pahĩ opũ pohro majagũre ïḡũ gamirore tabe corodijucãmi.

<sup>52</sup> ïḡũ eropa iicũ ïagũ Jesu ïḡũre weremi.

—Mũ matamijire dibuque. Gajirãre ñosenirã árĩrã, erã ñose gamecũ sĩrirãcoma.

<sup>53</sup> Yũ Pagũre yũ itamudorecũ ïḡũpũ bajarã anyuare doce cururire yũ pohro obeobocumi. ¿Irire masibearĩ mua?

<sup>54</sup> Eropa itamubodiro árĩqueregũ ta ïḡũre yũre itamudoresome yũhũ. Yũ eropa dorebircũ Goãmũ yare erã gojarapũ arĩdiro dopa ta eropa waroca, arĩmi ïḡũ.

<sup>55</sup> Eropa arĩtuha masare weremi ïḡũ:

—¿Múa ñoserimijiri mera, yucu ñucari mera arirã yajari masure iro dopa mua yure ñearã arirã iiari? Ëmuri ñucu Goãmu wihigue yuhu muare buhe doacũ, mua yure ne ñeabiribu.

<sup>56</sup> Dohpaguere mua yure eropa iirã i árĩpehreri Goãmu yare weremuhtanirã erã arĩ gojadiro dopa ta iiaa mua, arĩmi Jesu erãre.

Ïgure eropa ñeacũ ïarã gua ïgu buherã árĩpehrerã ïgure cohã omagã wabu gua.

*Judio masa oparã Jesure serẽpiñuma*

*Mr 14.53-65; Lc 22.54-55, 63-71; Jn 18.12-14, 19-24*

<sup>57</sup> Eropi ïgure ñeanirã pahia tauro opu Caifa waĩcugu ya wihigue aĩ ejañorã ïgure. Iri wihi ta masare buherã, murã sã gamenereñorã.

<sup>58</sup> Pedropu yoarogue erãre ïhanurusiapu. Eropa ïhanurusiagu Caifa ya wihire cãhmotara sãrirore eja, iri sãriro pohecague ñajaa wapu. Ñajaja, iri wihire corerã surara mera doapu. “Jesure duhpiicũ ïagura,” arĩgu doapu Pedro.

<sup>59</sup> Eropirã pahia oparã, gajirã oparã mera gamenererã Jesure wejẽdoreciarã, guyarĩ mera erã ïgure ñero dipuwaja moaborore guñamaariñorã.

<sup>60</sup> Erã eropa weresãburire guñabocabiriñorã. Eropa guñabocabiriquererã ta masa bajarã ïgure eropa weresãmorã amañorã. Eropirã perã ïgure weresãmorã erañorã. Õpa arĩñorã:

<sup>61</sup> —Ihĩ õpa arĩmi: “Goãmu wihire cóãmasia. Eropa cóãgu uhrenu puhru iri wihire dipaturi iigura,” ïgu arĩcũ peebu gua, arĩ weresãmaacãñorã Jesure.

<sup>62</sup> Erã eropa arĩra puhru pahia tauro opu wahgãnugaja, Jesure serẽpipu: —¿Oã mure weresãquerecũ ta erãre yuhri gamebeari muhu? ¿Mure erã weresãrire dohpa arĩ yuhri gahmeri muhu? arĩpu opu.

<sup>63</sup> Ïgu eroparĩcũ peequeregu ta Jesu eropa pepicãpu. Ïgu eropa yuhribiricũ ïagu pahia tauro opu ïgure dipaturi serẽpipu daja:

—Goãmu ojocarinigucãgu mera diaye arĩque muhu. Muhu eropa arĩbiricũ mure ïgu dipuwaja moagucumi. Wereque guare. ¿Cristo Goãmu magu ta ãhriri muhu? arĩ serẽpipu daja.

<sup>64</sup> Ïgu eroparĩcũgue ta Jesu yuhripu:

—Ïgu ta ãhraa. Muare diaye weregu tiaa. Puhru yuhu masu Goãmu ïgu obeodigu Goãmu yu Pagu turagu pohro ïgu diayepu doacũ ïarãca mua. Eropirã umaro maja imica weca yu dujaricũ sãre ïarãca, arĩ yuhripu Jesu.

<sup>65</sup> Ïgu eroparĩcũ peegu pahia opu, ïgu basi ïgu sañarañe suhrirore yegucãpu gajirãre “Guatariacãmi,” arĩdoregu.

—Ïre weresãrãre gajirãre gamebeaa pare. Ïgu basi Goãmure ïgu ñero werenigucũ peea mari. Eropirã ïgu ñero iira dipuwajare masituhaa mari.

<sup>66</sup> ¿Eropirã dohpa iirãcuri mari dohpaguere ïre? arĩ serẽpipu ïgu gajirã oparãre.

—Ïgu ñeri dipuwaja wejẽcãro gahmea, arĩ yuhriñorã erã.

<sup>67</sup> Erã eropa arĩra puhru ïgu diapore disico ehosũ, ïgure pañorã erã.

<sup>68</sup> Gajirã ïgu cuirire diricãhmota õpa arĩ wereyañorã ïgure:

—¿Noa mure pari? Cristo Goãmu beyedigũ arĩgu ïabiriqueregu ta wereque guare, arĩ pañorã erã.

*—Ïgure masibea, arĩ guyañumi Pedro Jesure*

*Mr 14.66-72; Lc 22.56-62; Jn 18.15-18, 25-27*

<sup>69</sup> Eropi iri wihi pohro áriri pũũ òari pũũ Pedropũ doapũ. Īgũ eropa doacũ ĩago pahia opũ pohro majago ĩgũ pohrogue erago òpa arĩpo:

—Mũ sã Jesu Galilea majagũ mera àhrabũ, arĩpo igo.

<sup>70</sup> Igo eroparĩcũ peegũ Pedro òpa arĩpũ:

—¿Dohpa arĩmaacãgo iiri mũhũ? Mũ arĩgũre ne masibea yũhũ, arĩpũ Pedro árĩpehrerã erã peero.

<sup>71</sup> Igo eropa arĩra pũhrũ iri pũũ maja sãriro disiporo pohrogue wapũ Pedro. Ero ĩgũ árĩcũ gajigo pohro majago ĩgũre ĩago, ero árĩrãre òpa arĩpo igo sã:

—Jesu Nazare majagũ mera àhrami ihĩ, arĩpo igo Pedrore daja.

<sup>72</sup> Igo eroparĩcũ peegũ Pedro yũhrĩpũ:

—Goãmũ mera diaye arĩgũ iiaa. Īgũ mũ arĩgũre ne masibea yũhũ, arĩ yũhrĩpũ Pedro.

<sup>73</sup> Eropi merogã pũhrũ ta ero niguinirã Pedro pohrogue waha, ĩgũre òpa arĩñorã.

—Diaye ta àhraa. Jesu mera majarã mera majagũ ta àhraa mũ sã. Erã iro dopa ta werenĩguia mũhũ, arĩñorã erã Pedrore.

<sup>74</sup> Erã eroparĩcũ Pedro yũhrĩpũ:

—Diaye ta Goãmũ mera arĩgũ iiaa mũare. Yũ diaye arĩbiricũ Goãmũ yũre dipuwaja moaporo. Īgũ mũ arĩgũre ne masibea yũhũ, arĩ yũhrĩpũ ĩgũ erãre.

Īgũ eroparĩcũ ta cãreña wererũ.

<sup>75</sup> Īgũ werecũ peegũ Jesu ĩgũre arĩrãre guñapũ. “Cãreña ĩgũ wereboro core ‘Jesure masibea,’ arĩgũca mũhũ. Ùhresubu eropa arĩgũca mũhũ,” Jesu ĩgũre arĩrãre guñapũ Pedro. Eropa guñagũ iri sãrirore wiria turaro orepũ.

## 27

### *Pilato pohrogue Jesure aĩgãñuma*

*Mr 15.1; Lc 23.1-2; Jn 18.28-32*

<sup>1</sup> Eropirã boyodi merero ta pahia oparã, mũrã sã Jesure erã wejẽdoreborore game weretamuñorã.

<sup>2</sup> Erã eropa weretamura pũhrũ ĩgũre dihri, Pilato waĩcũgũ opũ pohrogue aĩgã, ĩgũre oñorã Pilatore. Pilatopũ iri yeba majarã opũ árĩmi.

### *Juda Iscariote sĩria wañumi*

<sup>3</sup> Eropigũ Jesure erã wejẽdorecũ ĩagũ Judapũ Jesure ĩgũ ĩhmurare guña turaro bujawerewũ. Eropa bujaweregũ treinta seri niyuserire ĩgũ ñearaserire wiagũ wagũ, pahia pohrogue, mũrã pohrogue eja, òpa arĩpũ:

<sup>4</sup> —Jesu mũare yũ ĩhmudigũ ñeri marigũ ĩgũ árĩquerecũ ta erã wejẽdoreama ĩgũre. Eropigũ mũare ĩgũre ĩhmugũ ñero iigũ iiaya yũhũ. Eropigũ i niyuserire mũare wiagũ iiaa, arĩpũ Juda erãre.

Īgũ eropa arĩ werera pũhrũ erã yũhriñorã:

—Eropa ta iicuraporo. Mũ eropa arĩri gũare duhpiburi árĩbeaa. Mũ dihta eropa arĩ pepia irire, arĩ yũhriñorã erã ĩgũre.

<sup>5</sup> Erã eropa arĩ yũhrira pũhrũ erã árĩri wihi Goãmũ wihigue Juda ĩgũ niyuserire mehsiripicãpũ. Mehsirituha waha wapũ. Waha, yuradare dirisiu, ĩgũ basi ĩgũ wũnũgũ tuhbiu, buhrimadija, sĩria wapũ pare.

<sup>6</sup> Eropirã pahia oparã niyuserire aĩrã òpa arĩñorã:

—I niyurure Goãmũ wihi maja comorogue niyeru diburi comorogue mari apimasibea. I niyeru mera ta masũre wejẽdorema. Eropiro mari doreri



marire eropa áriri niyerure dibudorebeaa Goãmũ wihigue, arĩnorã erã erã basi.

<sup>7</sup> Erã eropa arĩra pũhrũ, “Õpa iirã,” erã arĩ weretamura pũhrũ mátasorori mohmegũ ya yebare asũrã wañorã. Iriseri mera asũñorã. Gajipũ majarã iri macague eranirã sĩricũ erãre yaaburi yebare asũñorã.

<sup>8</sup> Eropirã iri yebare “Di cóari yeba,” arĩ waĩyema masa. Dohpague sãre eropa ta waĩcua.

<sup>9</sup> I árĩpehreri eropa wayoro iribojegue majagũ Jeremia ĩgũ “Eropa waroca,” ĩgũ arĩdiro dopa ta. ĩgũ Goãmũ ya weremũhtadigũ árĩñumi. Õpa arĩ gojañumi ĩgũ: “Treinta niyeruserire plataserire iripẽta wajayerãra gũa ĩgũre ñeaborore,” arĩrãcoma Israe masa.

<sup>10</sup> Eropirã iriseri mera mátasorori mohmegũ ya yebare asũrãcoma erã. Õpa ta yũre iidoremi Goãmũ,” arĩ gojañumi Jeremia iribojegue.

### *Pilato Jesure serẽpiñumi*

*Mr 15.2-5; Lc 23.3-5; Jn 18.33-38*

<sup>11</sup> Eropi Pilatore erã Jesure ora pũhrũ ĩgũpũ ĩgũre serẽpipũ:

—¿Diaye ta judio masa erã opũ ta ãhriri mũhũ? arĩ serẽpipũ Jesure.

—Mũ arĩro dopa ta ĩgũ ta ãhraa, arĩ yũhripũ Jesu.

<sup>12</sup> Eropa arĩ yũhriquerẽgũ ta, pahia oparã, mũrã sã erã weresãcũ yũhribiripũ.

<sup>13</sup> ĩgũ eropa yũhribiricũ ĩagũ Pilato serẽpipũ:

—¿I árĩpehreri erã weresãre peebeari mũhũ? arĩ serẽpipũ ĩgũ Jesure.

<sup>14</sup> ĩgũ eropa arĩ serẽpiquerẽcũ ta Jesu ne yuju disiro yũhribiripũ. ĩgũ eropa yũhribiricũ ĩagũ Pilato uca warũ.

### *Jesure wejẽdoreñuma*

*Mr 15.6-20; Lc 23.13-25; Jn 18.38-19.16*

<sup>15</sup> Bojori nũcũ Pascua árĩcũ peresu árĩdigũre yujugũre masa “ĩgũre wiuque,” erã arĩgũre Pilato eropa wiubasamũripũ.

<sup>16</sup> Irisubure Barrabá waĩcũgũ peresugue árĩpũ. ĩgũre masiñorã masa.

<sup>17</sup> Eropigũ erã gamenerecũ Pilato serẽpipũ erãre:

—¿Nihipũre mũare wiubasacuri yũhũ? ¿O Barrabáre o Jesure “Cristo” erã arĩgũre wiubasacuri yũhũ? arĩ serẽpipũ Pilato Jesure wiudianijagũ.

<sup>18</sup> Jesure masa erã mahicũ ĩarã judio masa oparã ĩgũre ĩhaturirã iĩñorã. Eropa ĩhaturirã ĩgũre oñorã Pilatore. Irire erã ĩhaturirare masigũ Pilato Jesure wiudiaripũ.

<sup>19</sup> Eropi Pilato masare ĩgũ beyeri pẽro ĩgũ doacũ ĩgũ marapo ĩgũre quere obeopo: “Dohpagã ñamire Jesure quẽgo bũrigã ñero pepiabũ ĩgũre ñero iiburire. Eropigũ ĩgũre ñeri marigũre ne gajiropa iibiricãque mũhũ,” arĩ werebeopo ĩgũ marapo Pilatore.

<sup>20</sup> Pilato Jesure eropa wiudiaquerẽcũ ta pahia oparã, mũrã sã masare õpa arĩdoreñorã: “Barrabãpũre wiudoreque. Jesupũre wejẽdoreque,” arĩdoreñorã masare.

<sup>21</sup> Eropigũ Pilato masare serẽpipũ daja:

—¿Oã perãre nihipũre mũare wiubasacuri yũhũ? arĩ serẽpipũ.

—Barrabãpũre wiubasaque gũare, arĩ yũhriñorã.

<sup>22</sup> —¿Ihĩ Jesu, “Cristo” erã arĩgũpũre dohpa iigũcũri yũhũ? arĩ serẽpipũ ĩgũ.

—Crusague pabia wejẽque ĩgũre, arĩ yũhriñorã masa árĩpehrerã.

<sup>23</sup> —¿Ñehenore ñerire iiari ihĩ mũa eroparĩcũ? arĩpũ ĩgũ.

Ĩgũ eroparĩcũ peerã erã turaro mera gaguiniguinemoñorã:

—Crusague pabia wejêque ïgure, arï gaguiniguiñorã daja masa ïgure.

24 Erã eropa arï gaguiniguicũ peegũ, ïgure erã peediabiricũ ïagu, “Masa gua gamequeãbocoma,” arïgũ, yuhrigũ ta õpa iipũ Pilato. Decore aïgãridoretuhaja masa erã ïhuro ïgũ mojo coepũ. Eropa mojo coegũ õpa arïpũ:

—Ïre wejêra dipuwaja, yaha dipuwaja árïsome. Mũa ya dipuwaja árïroca, arïgũ mojo coepũ.

25 Ïgũ eroparïcũ peerã árïpehrerã masa õpa arïñorã:

—Ïre gũa wejêdorera dipuwaja gũa porã sã gũa ya dipuwaja ta árïporo, arïñorã masa.

26 Erã eroparïcũ peegũ Pilato Barrabáre peresugue árïdigure wiudorepũ masa erã gamegure. Eropa iituha Jesupure yuradari mera târadore, ïgure crusague pabia wejêdoregũ wiapũ surarare.

27 Ïgũ eropa wiacũ Pilato ya wihigue ïgũ surara aï ejañorã Jesure. Eropirã erã surara árïpehrerãre Jesu pohroque gameneoñorã.

28 Eropirã ïgũ suhrire tuwea aï, opũ ya suhriro dopa bejariñere Jesure sãñorã.

29 Eropa sãtuha, pora berore iituha, ïgũ dipuru weca duhpeoñorã. Eropa duhpeotuha, yucugure diayepũ mohsuañorã. Mohsuatuha, õpa arï wereyañorã erã ïgure ïgũ pohro merejarã:

—Umupeorã arique. Judio masa opũ õaro árïporo, arï wereyañorã ïgure.

30 Eropirã ïgure disico ehosũñorã. Erã mohsuadigure ïgure tuãwea aï, ïgũ dipurure pañorã irigũ mera.

31 Ïgure eropa wereyara pũhrũ erã sãra suhrirore tuwea aï ïgũ ya suhriropure sãñorã daja. Eropirã crusague pabia wejẽmorã ïgure aï wiria wañorã.

*Erã Jesure crusague pabia wejẽñuma  
Mr 15.21-32; Lc 23.26-43; Jn 19.17-27*

32 Ïgure aïgã, Simo waïcugure Cirene majagure bocatïri, ïgure Jesu ïgũ coãra crusare coãtamudorema.

33 Coãgã Gólgota waïcurogue ejama. Gólgota arïro, mari ya mera “Dipu pero” arïro iiaa.

34 Eropirã vinore suïri deco mera erã morera decore Jesure orima erã. Iri decore ihriña, ihribirimi ïgũ.

35 Eropirã ïgũ suhrire tuwea aïra pũhrũ ïgure crusague pabiamã erã. Eropa pabiatuha ïgũ suhri mũrare, “¿Noa yañe árïrocuri iñe?” arï masimorã erã basi game deamehtu birama. Eropa iirã Goãmũ yare weremũhtadigũ ïgũ arïdiro dopa ta iirã iima erã. Õpa arï gojañumi ïgũ: “Yaha suhrire erã basi aïmorã, ‘¿Noa yañe árïrocuri iñe?’ arï masimorã erã basi game deamehtu birama erã,” arï gojañumi iribojeguere.

36 Deabiratuha ïgure ïhadoacurima erã.

37 Ïgũ dipuru weca crusague õpa arï gojarapũre pabia tuma erã ïgure weresãra wererapũre. “Ïhï judio masa tauro opũ ãhrimi,” erã arï gojarapũre pabia tuma.

38 Eropirã perã yajari mũrare Jesu pohro gajï crusarigue pabia tuma erã sãre. Yujugũ ïgũ diayepũ, gajigure ïgũ copũ pabia tuma erã.

39 Crusari pohro tarigãrã Jesure ïha, erã dipure yurerã, ñero arï wereniguima ïgure:

40 —“Goãmũ wihire cohã, ùhrenũ pũhrũ iri wihire amugũra daja,” arĩ wereniguidigũ árĩribũ mũhũ. Goãmũ magũ árĩgũ mũ basi dijaque. Eropigũ mũ basi itamuque. Eropigũ tari weregũca mũhũ, arĩma masa.

41 Eropa ta pahia oparã, masare buherã sã eropa arĩ wereyama.

42 —Ĩgũ gajirãre taudigũ árĩqueregũ ta ĩgũ basi taumasibeami. “Israe masa opũ ãhraa,” arĩrimi ĩgũ. Eropirã ĩgũ basi ĩgũ دچارicũ ĩarã ĩgũre umupeorãca.

43 ĩgũpũ Goãmũre umupeorimi. Eropigũ “Goãmũ magũ ãhraa,” arĩrimi ĩgũ. ĩgũ eropa arĩgũ árĩcũ Goãmũpũ ĩgũre itamuporo, arĩ wereyama erã.

44 Yajari mũra ĩgũ pohro erã pabianirã eropa ta ĩgũre wereya ñero wereniguima erã sã.

### *Jesu s̄iria wañumi*

*Mr 15.33-41; Lc 23.44-49; Jn 19.28-30*

45 Eropi goeri boje árĩcũ ùhre hora gohra árĩpehrerogue naitĩa wabũ.

46 Eropigũ irisubu naitĩa wari subure Jesu turaro gaguinimi:

—Elí, Elí, ¿lema sabactani? arĩmi ĩgũ. Eropa arĩgũ õpa arĩgũ iimi mari ya mera: “Yũ Goãmũ, yũ Goãmũ, ¿duhpigũ yũre cohãri mũhũ?” arĩgũ iimi.

47 ĩgũ eroparĩcũ peenirã yujurãyeri ero niguinirã õpa arĩrima:

—Goãmũ ya weremũhtadigũre Eliare sihugũ iicumi, arĩrima erã.

48 Eropigũ yujugũ erã mera majagũ mimi aĩri yũsũ mera vino sũĩrire yosotuha, aĩ omagã, yucũgũ ojogorore diritu, Jesure simujumi.

49 ĩgũ eropa iicũ ĩarã gajirã simujugũre õpa arĩma:

—Corenique. Elia ĩgũre ĩgũ itamucũ ĩanirã dohpa mari, arĩma erã.

50 Erã eropa arĩra pũhrũ dipaturi Jesu turaro gaguinigui s̄iria wami.

51 ĩgũ s̄iricũ ta Goãmũ wihi majañe suhriro ero erã cãhmotara suhriro deco mera yehguea wayoro. Eropiro yeba sã ñohmecũ. Eropa ñohmecũ utã sã pagayeri sã wahria wabũ.

52 Eropirã masa goberi pãricũ, bajarã Goãmũ yarã árĩnirã iribojegue s̄irininã mũra masa wiriañorã.

53 Masa wiriarã iri goberire cóãcã õari macague Jerusalengue wañorã erã. Erogue erã wacũ masa bajarã erãre ĩañorã.

54 Eropirã yeba ñohmecũ ĩarã, s̄irininã mũra erã masa wiriacũ ĩarã, surara opũ ĩgũ surara mera uca wama. Erã Jesure crusague árĩgũre corerã arĩma. Uca wa, õpa arĩma:

—Diaye ta ãhraa. Ihĩ Goãmũ magũ ta ãhrañumi, arĩma erã.

55 Eropirã Galileague Jesu mera arinirã ĩgũre itamunirã nome arĩma. Yoarogue crusague tuyagure ĩhabeo niguibũ gũa erã mera.

56 Erã nome mera María Magdalena arĩmo. Gajigo María waĩcũgo sã arĩmo. Igo pũ Santiago, José sã pago arĩmo. Gajigo Zebedeo marapo arĩmo.

### *Jesu dũpũre masa gobegue apiñumi José*

*Mr 15.42-47; Lc 23.50-56; Jn 19.38-42*

57 Eropi ñamicague José Arimatea majagũ doberi opagũ ero arĩmi. ĩgũ Jesu buhegũ arĩmi.

58 Eropigũ Pilato pohrogue eja, Jesu dũpũre serẽpũ. ĩgũ eropa serẽcũ peegũ Jesu mũrũ dũpũre odorepũ Pilato.

59 ĩgũ eropa dorera pũhrũ Josẽpũ Jesu mũrũ dũpũre aĩ, diju, õari suhriro gũhrari mariri suhriro mera ĩgũ dũpũre omarũ.

<sup>60</sup> Omatuha, José ïgu ya masa gobegue apipũ ïgu dũpũre. Iri gobe erã utãyegue erã seara gobe mama gobe árĩyoro. Iri gobegue apituha, wũariye utãyere taragãpũ iriye mera bihabu. Bihatuha, waha wapũ.

<sup>61</sup> Eropirã María Magdalena, gajigo María mera iri gobeguere ïhadoo coreñorã.

### *Jesure erã apira gobere surara coreñuma*

<sup>62</sup> Eropi gajinũ, Pascua árĩburire erã amuranũ pũhrũ Sabado árĩcũ pahia oparã, fariseo masa sã Pilato pohro gamenereñorã.

<sup>63</sup> Gameneretuha õpa arĩñorã erã Pilatore:

—Opũ, irire guña gũ. ïgu gũyaricũgu Jesu ojocarinigũ õpa arĩpũ ïgu: “Uhrenũ pũhrũ masa mũriagũca yũhũ,” arĩpũ ïgu.

<sup>64</sup> ïgu eropa arĩdigũ árĩcũ ïgu buherãpũ ïgu dũpũre yajabocoma. Eropã yajarã masare õpa arĩbocoma: “Jesu masa mũriami,” arĩbocoma erã. ïgu Jesupũ masare gũyagũ iimi. ïgu buherã sã “ïgu masa mũriami,” arĩrã gũyarã iirãcoma. Eropirã Jesu ïgu gũyadiro tauro erã gũyaripũ ñetariaroca. Eropã yajari arĩgu uhrenũ gohra mũ surarare coredoreque erã ïgu mũrũre apidirogue, arĩñorã erã Pilatore.

<sup>65</sup> Pilato yũhripũ:

—Áũ. Yaharã surara coreporo. Eropirã mũa bocatĩuropẽ iri gobere õaro coreque, arĩpũ ïgu erãre.

<sup>66</sup> ïgu eroparĩcũ erã waha, iri gobere bihariye merague ta pihatuñorã masa erã ñajacũ ïha masimorã. Eropirã surarare iri gobere coredoreñorã.

## 28

### *Jesu masa mũriañumi*

*Mr 16.1-8; Lc 24.1-12; Jn 20.1-10*

<sup>1</sup> Eropi judio masa soorinũpũ Sabadonũpũ irinũ taricũ, Domingo árĩcũ ñamiñarigã árĩcũ María Magdalena gajigo María mera Jesu masa gobere ïarã wañorã.

<sup>2</sup> Eropiro mata yeba turaro ñohme purumujuyoro. Eropã ñohmecũ mari Opũ ïgu anyu umarogue aridigũ dijari, masa gobere bihariyere utãyere tarabeo iriye weca doapũ.

<sup>3</sup> ïgu anyu bupu miaro dopa õaro goesirigũ, ïgu suhri yaji poari iro dopa õaro boreri suhricũgu arĩpũ.

<sup>4</sup> ïgu eropa dehyoacũ, surara iri gobere corerã, ucataria wa, naragã, weca gohrare sĩrinirã iro dopa wañorã.

<sup>5</sup> Eropigũ anyupũ erã nomere õpa arĩpũ:

—Yũre güibiricãque. Crusague erã pabiadigũre Jesure mũa amacũ masia yũhũ.

<sup>6</sup> ïgu dohpaguere õre marimi. ïgu arĩdiro dopa ta ïgu masa mũria wami. Erã ïgu dũpũre erã apidirore ïarã arique.

<sup>7</sup> Tuhaja ïgu buherã pohroque umũdiaro waha, õpa arĩ wererã waque: “Thĩ Jesu sĩridigũ masa mũriami. Eropigũ mũa core Galileague ïgu wamũhtagũcumĩ. Eroque ïgũre ïarãca mũa,” arĩ wererã waque mũa. I yũ arĩrare guñaque mũa, arĩpũ anyu erã nomere.

<sup>8</sup> ïgu eropa arĩra pũhrũ erã nome masa gobegue árĩnirã nome yojaro mera wiria, erã ïarare güiquererã ta, mucubiriri mera Jesu buherãre wererã warã, omañorã.

<sup>9</sup> Eropã warã nomere Jesu bocatĩripũ:

—¿Noho wahari mũa? arĩ serẽpipũ ĩgũ. ĩgũre ĩha erãpũ ĩgũ pohrogue eja, ĩgũ guburire ñeha ĩgũre umupeoñorã.

<sup>10</sup> —Gũibiricãque mũa. Yũ pagũ porãre “Galileague waque,” arĩ wererisa. Erogue yũre ĩarãcoma, arĩpũ Jesu erãre.

*Masa gobere corerã surara erã ĩarare wereñuma*

<sup>11</sup> Erã nome wererã warisubu surara watope yujurãyeri masa gobere corenirã surara Jerusalengue pahia oparãre wererã wañorã. Jesu ĩgũ masa gobegue ĩgũ mũriarare werepehocãñorã.

<sup>12</sup> Erã eropa arĩ werecũ pahia oparã, mũrã mera gamenereñorã. Gamenere weretamuñorã. Eropirã surarare gũyadorerã niyerure wajayeñorã.

<sup>13</sup> —Õpa arĩque mũa masare: “Ñami gũa carĩra pũhrũ, ĩgũ buherãpũ masa gobegue eraa, ĩgũ dũpũre aĩcãnirã ãhrama,” arĩ wereque masare.

<sup>14</sup> Mũa eropa arĩ werecũ Pilatopũ mũa carĩtariarare peecãbocumi. ĩgũ eropa peecũ, ĩgũre wererãra gũa. “Erãre dipuwaja moabiricãque,” arĩ wererãra gũa ĩgũre, arĩñorã erã surarare.

<sup>15</sup> Erã eropa arĩra pũhrũ surarapũ niyerure ñeha, erãre erã gũyadorediro dopa ta masare wererã wañorã erã. “Jesu buherã aĩcãnirã ãhrama ĩgũ mũrũ dũpũre,” arĩñorã erã. Eropirã eropa Jesu ĩgũ dũpũ aĩrare wereniguima judio masa. Dohpague sãre eropa ta arĩ werema erã.

*Jesu ĩgũ buherãre ĩgũ yare ĩgũ iidorerã apiñumi*

*Mr 16.14-18; Lc 24.36-49; Jn 20.19-23*

<sup>16</sup> Eropi gũa Jesu buherã once buherã Galileague waha utãgũgue Jesu ĩgũ wadoredigũgue wabũ gũa.

<sup>17</sup> Erogue eja Jesure ĩarã umupeobũ gũa ĩgũre. Eropa umupeoquererã ta gũa yujurãyeri “Ihĩ Goãmũ magũ árĩbiribocumi,” arĩ pepiribũ dohpa.

<sup>18</sup> ĩgũpũ õpa arĩmi gũare:

—I yebaguere, umaro sãre Goãmũ árĩpehrerã tauro turarire omi yũre.

<sup>19</sup> ĩgũ eropa ocũ mũare õpa iidorea: Árĩpehrero majarãre yahare buherã waque erã yaharã erã waboro dopa. Eropirã mari Pagũ waĩ mera, yũ waĩ mera, Espĩritu Santo waĩ mera erãre waĩyeque.

<sup>20</sup> Eropirã mũare yũ dorerare erã ipehoburire buheque erãre mũa. Eropirã ire yũ arĩrare guñaque: Árĩpehrerinũri nũcũ mũa mera árĩgũca ne i mũmũ pehrecũgue, arĩ weremi gũare Jesu.

## San Marcos

### *Ñu waĩyegũ buhenũgañumi*

*Mt 3.1-12; Lc 3.1-9, 15-17; Jn 1.19-28*

<sup>1</sup> Goãmũ magũ Jesucristo ñũ iirare, õari buherire wereri õpa árĩnũgayoro.

<sup>2</sup> Goãmũ yare weremũhtadigũ Isaia ñũ iribojegue gojadiro dopa ta i wereri ãhraa. Õpa arĩ gojañumi ñũ:

Goãmũ ñũ magũre õpa arĩpũ: “Mũ core mũre wereyubure obeogũ iiaa.

<sup>3</sup> Eropigũ ñũ masa marirogue árĩgũcumĩ. Ñũre peerãre weregũ busũro mera arĩ wereniguigũcumĩ: ‘Mari Opũ ñũ ariburi mare amuro dopa ñũ ariboro core õarã árĩyũque ñũre peemõã,’ arĩ wereniguigũcumĩ,” arĩpũ Goãmũ, arĩ gojañumi Isaia, Ñu waĩyegũ ñũ masa dehyoaboro coregue.

<sup>4</sup> Eropigũ Ñu waĩyegũ masa marirogue masare buhemũripũ. Õpa arĩpũ: —Mũa ñero iirire bujawereque. Dohpaguere õaripũre gohrotoque. Eropirã waĩyenirã árĩque. Mũa eropa gohrotocũ ñagũ mũa ñero iirare Goãmũ cãdijigũcumĩ, arĩ buhemũripũ ñũ.

<sup>5</sup> Eropirã árĩpehrero Judea yeba majarã, Jerusalén majarã mera ñũ pohrogue peerã ejañorã. Eropigũ Ñu erãre waĩyepũ Jordán waĩcũriyague. Erã ñero iirare weretarituhacũ ñha ñũ erãre waĩyemũripũ.

<sup>6</sup> Eropigũ Ñu camello ya gasiro suhrirore suhricũpũ. Waibũgũ ya gasirore ta tuãdiuridacũgũ arĩpũ. Poreroa, mome sã ñũ bari árĩyoro.

<sup>7</sup> Eropigũ õpa arĩ buhemũripũ:

—Yũ puhũre yũ tauro turagũ arigũcumĩ. Õatariagũ ãhrimi ñũ. Ñũ iro dopa õagũ árĩbeaa yũpũ. Eropigũ ñũre pepigũ, “Yũ tamera bu árĩgũ ãhraa yũhũ,” arĩ pepia yũhũ.

<sup>8</sup> Masare waĩyegũ deco mera waĩyeya yũpũ. Ñũpũ yũ tauro iigũcumĩ. Mũare Goãmũ yarã iigũcumĩ ñũ. Espĩritu Santore masa mera árĩniguicũ iigũcumĩ, arĩ buherũ Ñu.

### *Ñu Jesure waĩyeñumi*

*Mt 3.13-17; Lc 3.21-22*

<sup>9</sup> Eropi irisubure Jesu Nazaregue, Galilea yeba árĩri maca árĩdigũ, dia Jordán waĩcũriyague ejarũ. Ñũ eropa ejacũ Ñu waĩyepũ ñũre.

<sup>10</sup> Ñũ waĩyetuhajacũ Jesu diague niguidigũ, majanũgaja umarogue ñhamujupũ. Umũsi pãrimaa wayoro. Ero pãrimaacũ ta Espĩritu Santo buja iro dopa bejagũ ñũ weca dijibejajapũ.

<sup>11</sup> Eropiro umarogue wereniguiri busũyoro.

—Mũhũ yũ magũ yũ mahigũ ãhraa. Mũ mera buřigã mucubiria, arĩro cariyoro umarogue.

### *Satana ñerire iidoreriñumi Jesure*

*Mt 4.1-11; Lc 4.1-13*

<sup>12</sup> Irisubure Espĩritu Santo Jesure masa marirogue wadorepũ.

<sup>13</sup> Erogue ejaũ cuarenta nũri gohra arĩpũ. Erogue ñũ arĩcũ, Satanapũ Jesu ñũ ñero iirire ñadiagũ ñerire iidoreripũ ñũre. Eropigũ Jesu waimũrã nũgũ majarã watope arĩpũ. Eropirã anyuapũ ñũre itamu ñũre bari õñorã.

### *Jesu Galilea yebague buheñumi*

*Mt 4.12-17; Lc 4.14-15*

14 Eropi Ñure erã peresugue erã biha dohora pũhrũ, Jesupũ Galileague ðari buherire Goãmũ ĩgu opũ árĩrire weregu wapũ.

15 Őpa arĩ werepũ:

—Dohpaguere õpa ãhraa: Goãmũ ĩgu opũ árĩboro merogã duhyaa. Mũa ñeri iirire bujawereque. Eropirã ðarire gohrotoque. Őari buherire peeque mũa, arĩ buhemũripũ Jesu.

*Jesu wapicũrã wai wejẽrãre ĩgu mera majarã árĩmorãre sihuñumi*

*Mt 4.18-22; Lc 5.1-11*

16 Eropigũ Galilea waĩcũriya tũrogue ejagu, Simore ĩgu pagũ magũ mera bocajapũ. Erã wai wejẽdi masa árĩñorã. Erã wejẽdi yucũre mehyurã iĩñorã erã iri ditaru wũari ditarugue.

17 Erãre arĩpũ Jesu:

—Yũ mera majarã árĩmorã arique mũa. Yũ mera mũa aricũ mũa waire mũa ñeha gameneorã mũa iiro dopa ta, Goãmũ yarã árĩmorãre sihu gameneomorãre iirã árĩcũ iigũra mũare. Yũ mera mũa aricũ eropa iĩmorãre apigũra mũare. Eropirã yũ mera arique, arĩpũ Jesu.

18 ĩgu eroparĩcũ peerã, erã wejẽdi yucũre apicã ĩgu mera waha wañorã.

19 Eropirã erã merogã tarigã Santiagore ĩgu pagũ magũ Ñu sãre bocañaorã daja. Erãpũ Zebedeo porã árĩñorã. Erã ya dohodirugue erã wejẽdi yucũre amurã iĩñorã.

20 Erã perãre ĩgu sihubeopũ. ĩgu sihubeocũ pee erãpũ erã pagure ĩgũre itamurã mera dohodirugue apicã Jesu mera waha wañorã.

*Watĩ ñajasũdigũ Jesure bocatĩriñumi*

*Lc 4.31-37*

21 Eropi erã Capernaum waĩcũri macague eñañorã. Eropigũ Sabado árĩcũ judio masa erã buheri wihigue buhegu ñajapũ.

22 Eropigũ ðaro masipehogũ buhegu, judio masare erã buherã iro dopa árĩbiripũ ĩgu. ĩgu eropa buhecũ iri maca majarã pee uca wañorã.

23 Irisubure iri wihire yujugũ watĩ ñajasũdigũ arĩpũ. Eropigũ õpa arĩ gaguinigupũ Jesure:

24 —Mũhũ Jesu Nazare majagũ garibobiricãque gũare watẽare. ¿Duh-pibu õpa iiri gũare? ¿Mũhũ gũare dederecũ iibu iiri? Goãmũ magũ mũ ðagũ árĩcũ gũa masia, arĩ gaguinigupũ ĩgu Jesure.

25 ĩgu eroparĩcũ peegu Jesu turipũ watĩre:

—Ejarimaricãque. ĩgũre cohã wiria waque, arĩpũ Jesu.

26 Eropigũ watĩ masũre yeba mehmereja tũrucũ iipũ. ĩgu gaguinigucũ ta wiriapũ ĩgũre.

27 Eropirã árĩpehrerã iri wihi doanirã ĩgu eropa wacũ ĩha ucataria waha õpa arĩñorã:

—Yaho. ¿Ñehe buheri ãhriri ii? ¿Mama buheri ta ãhriri? ĩgu opũ iro dopa ta doremi watẽare. ĩgu dorecũ watẽapũ tarinũgabeama ĩgũre, arĩ wereniguiñorã iri wihi doarã erã basi.

28 Eropirã bajamenũrigã pũhrũgã ta, árĩpehrerã Galilea yeba majarã iirire ĩgu eropa iirare masipehrea wañorã.

*Jesu Simo Pedro mũñecore ðago iĩñumi*

*Mt 8.14-15; Lc 4.38-39*

29 Eropi Jesu sã judio masa erã buheri wihigue árĩnirã wiria wañorã. Erã eropa wiriara pũhrũ Jesu, Santiago, Ñu mera, Simo ĩgu pagũ magũ Andre sã ya wihigue ñajapũ.

<sup>30</sup> Irisubure Simo mũñeco nimacuri dorecugo camague igo oyacũ wereñorã Jesure.

<sup>31</sup> Erã eropa werecũ peegu, ïgu igo pohrogue eja, igo mojtore ñeha, igore tara wahgũ doborũ. ïgu tara wahgũ dohocũ ta igore nimacuri taria wayoro. Taricũ pepigo igorũ wahgã erãre bari ejopo.

*Jesu bajarã dorecũrãre òarã iiñumi*

*Mt 8.16-17; Lc 4.40-41*

<sup>32</sup> Ñamicague abe ñajara pũhrugue masa árĩpehrerã dorecũrãre, gajirã watẽa ñajasũnirãre, pũriri dorecũrãre Jesu pohrogue aĩ ejañorã.

<sup>33</sup> Eropirã árĩpehrerã iri maca majarã gamenereñorã Jesu árĩri wihi disiporore.

<sup>34</sup> Eropigu Jesu bajarã dorecũrãre, baja dore oparãre òarã wacũ iipũ. Masa bajarãre watẽare wiupũ. Eropigu watẽa Jesu Goãmũ magũ ïgu árĩrire erã masicũ ïagu Jesupũ erãre irire weredorebiripũ.

*Galilea yebague Jesu buheñumi*

*Lc 4.42-44*

<sup>35</sup> Eropigu ñamiñarigã árĩcũ boyoboro core, ïgu wahgãra pũhrũ masa marirogue ïgu Pagũ Goãmũre serẽgu warũ.

<sup>36</sup> ïgu eropa wacũ ïarã Simo sã ïgure amarã ejañorã.

<sup>37</sup> Eropirã ïgure bocatĩri òpa arĩñorã:

—Masa árĩpehrerã mũre ahmama, arĩñorã erã ïgure.

<sup>38</sup> Erã eroparĩcũ peegu òpa arĩpũ Jesupũ.

—I macare buhegu ahrabũ yũhũ. Eropirã gaji macari sãre ògã maja macari sãre buherã warã mari. Yũhũ iri macari sãre buhegura, arĩpũ Jesu.

<sup>39</sup> Eropigu árĩpehrero Galilea yebare buhecuripũ. Eropigu macari nũcũ erã ya buheri wirigue ñajaja buherũ. Pũriri dorecũrã sãre pũririre cóãpũ. Watẽare masare ñajanirãre cohã wiupũ.

*Jesu camĩ boagũre òagũ iiñumi*

*Mt 8.1-4; Lc 5.12-16*

<sup>40</sup> Eropi gajigu camĩ boagũ Jesu pohrogue eja, mereja serẽpũ:

—Mũhũ yũre òagũ wacũ iidiagu, yũre òagũ wacũ iimasia, arĩpũ camĩ boagupũ Jesure.

<sup>41</sup> ïgu eroparĩcũ peegu Jesu ïgure mojomoro ïapũ. Eropigu Jesu ïgu mojoto mera mohmeripũ. Mohmeripũ ta òpa arĩpũ:

—Irire iidiaca. Òagũ árĩque mũhũ, arĩpũ Jesu.

<sup>42</sup> ïgu eroparĩcũ ta ïgu camĩ boara yaria wayoro. Òagũ warũ ïgu.

<sup>43</sup> ïgu eropa wacũ ïagu Jesu ïgure turaro mera wererũ:

<sup>44</sup> —Yũhũ mũre òpa iirare gajirãre ne werebircãque. Eropa werebiri-querẽgu ta mũ dũpũre òaro warare pahire ïhmugũ waque, “Òagũ ãhrimi,” arĩdoregũ. Goãmũ doreri Moiserẽ ïgu apidiro dopa ta iique. Eropigu mirimagũgãre oque pahire mũ òagũ warare masare mũ ïhmuburire, arĩpũ Jesu ïgure. Òpa arĩtuhaja waque, arĩpũ ïgure.

<sup>45</sup> ïgu eropa masare weredorebiri-querẽcũ ta ïgupũ waha árĩpehreri macari majarãre Jesu ïgure òagũ wacũ iirare wererũ. ïgu eropa werera pũhrũ Jesu masa bajarã erã árĩroguere wamasibiripũ. Eropigu ïgu masa bajamerãgã árĩrogue arĩpũ. Erogue ïgu árĩcũ baja macari majarã ïgu pohrogue ejañorã.



## 2

### *Jesu dũpũ bũhadigũre ðagũ wacũ iĩũumi*

*Mt 9.1-8; Lc 5.17-26*

<sup>1</sup> Bajamenũri pũhrũ Jesu Capernaungue dujaa wapũ. Wihigue ĩgũ árĩcũ masa masiñorã.

<sup>2</sup> Eropirã masa ero bajarã gamenere iri wihire Ʃjũtura waha disiporogue wirinũgajañorã. Eropigũ Jesu erãre ðari buherire werepũ.

<sup>3</sup> Eropirã gajirã sã Jesu pohro ejariñorã. Erã wapicũrã Ʃma dũpũ bũhadigũre aĩ ejañorã.

<sup>4</sup> Eropa ejarã masa bajarã árĩcũ ĩarã Jesu pohrogue aĩ ñajamasibiriñorã. Eropirã erã dũpũ bũhadigũre aĩ muju wihi weca aĩ weasiri ñajaa Jesu ĩgũ niguiro weca pihri dijuñorã. “Jesu ihĩ ĩgũ dorecũrre taricũ iigũcumĩ,” arĩ pepiñorã erã.

<sup>5</sup> Erã eroparĩ pepicũ masigũ Jesupũ dorecũgũre ðpa arĩ werepũ:

—Mahgũ, mũ ñero iirare cóãtuhabũ, arĩpũ Jesu dũpũ bũhadigũre.

<sup>6</sup> ĩgũ eroparĩcũ peerã erogue doarã judio masare buherãpũ erã basi ðpa arĩ pepiñorã:

<sup>7</sup> “Ihĩ eropa arĩ wereniguibiricãporo. Goãmũre ñero wereniguigũ iimi ihĩ. ĩgũ masũ mari iro dopa árĩgũ ãhrimi ĩgũ sã. Eropigũ ĩgũ mari ñero iirare cóãmasibeami. Goãmũ dihta masa erã ñero iirire cóãmasimi,” arĩ pepiñorã erã.

<sup>8</sup> Erã eropa arĩ pepicũ ĩagũ, Jesu erã pepirire masigũ ðpa arĩpũ erãre:

—¿Duhpirã mũa eropa arĩ pepiri?

<sup>9</sup> “Mũ ñero iirare cóãtuhabũ,” yũ arĩcũ pee “Gũyaricũgũ ãhrimi,” arãa mũa yũre masibiriqererã ta. Ihĩ dũpũ bũhadigũre “Wahgãnũgajaque,” yũ arĩcũ ĩgũ wahgãnũgajacũ ĩarã yũ arĩra diaye árĩcũ masirãca mũa.

<sup>10</sup> Yũhũ masũ Goãmũ ĩgũ obeodigũ árĩgũ i yebaguere masa erã ñero iirire cóãmasia yũhũ. Mũa irire masiboro dopa ĩgũre wahgãnũgajacũ iigũra, arĩpũ Jesu judio masare buherãre.

Eropa arĩtuhaja dũpũ bũhadigũre ðpa arĩpũ:

<sup>11</sup> —Mũre arĩgũ iiaa: Wahgãnũgajaque. Curique. Mũ pũgũre aĩ waque mũ ya wihigue, arĩpũ ĩgũre Jesu.

<sup>12</sup> ĩgũ eroparĩcũ peegũ dũpũ bũhadigũpũ wahgãnũgaja, ĩgũ pũgũre aĩ árĩpehrerã masa erã ĩhuro wiria waha wapũ. ĩgũ eropiicũ ĩarã erã árĩpehrerã ĩhamaria wañorã.

—Goãmũ ðagũ turagũ ãhrimi. Ne ðpa iirire ĩabirimũrabũ mari, arĩñorã erã basi.

### *Jesu Levĩre ĩgũ mera majagũ árĩbure sihuũumi*

*Mt 9.9-13; Lc 5.27-32*

<sup>13</sup> Eropi dipaturi Jesu ditaru tũrogue wapũ. Eropigũ masa bajarã ĩgũ pohrogue eja gamenerecũ ĩagũ ĩgũ erãre buhepũ.

<sup>14</sup> Eropa iituha, erogue árĩdigũ wagũ, Levĩre Alfeo magũre ĩgũ mohmeri taribugue bocajapũ. Gajirã mera oparã ya árĩburire wajasea corerã mera árĩpũ Levĩ. ĩgũre bocajagũ ðpa arĩpũ:

—Yũ mera majagũ árĩbu arique mũhũ, arĩpũ Jesu Levĩre.

Ĩgũ eroparĩcũ peegũ Levĩpũ wahgãnũgaja Jesu mera waha wapũ.

<sup>15</sup> Pũhrũ ĩgũ ĩgũ buherã mera Levĩ ya wihire mesague ba doacũ bajarã wajasea corerã “Ñero iirã ãhrima,” masa erã arĩrã erã mera ba doañorã.

<sup>16</sup> Erogue erã doara pũhrũ, gajirã judio masare buherã, fariseo masa sã Jesu ñero iirã mera ĩgũ bacũ ĩañorã. Eropa ĩarã ðpa arĩñorã:

—¿Duhpigü ñero iirã wajasea corerã mera bahari Jesu? arĩ serẽpiñorã judio masare buherã Jesu buherãre.

<sup>17</sup> Erã eroparĩcũ peegu õpa arĩ yũhripũ Jesupũ:

—Dorecurã dihta duhturure ahmama. Dorecurã duhturure amaro dopa ta “Ñegũ ãhraa yũhũ,” arĩrã yũre amarãcoma. Eropigũ “Ñegũ ãhraa,” arĩrã dihtare erã ñero iirare bujaweredore õaripũre gohrotocũ iigu aribũ yũhũ. Erã basi “Õarã ãhraa gũa,” arĩ pepirãpũre itamugũ aribiribũ, arĩpũ Jesu erãre.

*Ba duhurire serẽpiñuma gajirã Jesure*

*Mt 9.14-17; Lc 5.33-39*

<sup>18</sup> Irisubure Ñu buherã, fariseo masa sã Goãmũre umupeomorã ba duhumũriñorã. Eropirã masa Jesu pohro eraa ãgũre serẽpiñorã.

—Erã Ñu buherã, fariseo masa buherã sã Goãmũ ya árĩburire iirã, ba duhumũrama. ¿Duhpirã mũ buherãpũ ba duhubeari? arĩñorã erã Jesure.

<sup>19</sup> Erã eroparĩcũ pee Jesu erãre õpa arĩ yũhripũ:

—Õpa ãhraa iri: Mojoto diridigũ ãgũ bosenũre iicũ ãgũ mera majarã bujawererã ba duhurã iibeama. ãgũ mera árĩrã mucubiri barã iima. Eropa ta yũ buherã sã yũ mera árĩrã ba duhumasibeama.

<sup>20</sup> Yujunũ Goãmũ yũre aĩcãgũcumĩ. Eropa ãgũ aĩgãra pũhrũ yũ buherã mera árĩsome yũhũ. Eropirã irisubugue tamerare yũ buherã ba duhurãcoma, arĩpũ Jesu.

<sup>21</sup> Erã iribojegue maja buheri mera mama buheri mera erã buhe morediacũ ãagũ õpa arĩ werenemopũ Jesu werenigui queori mera:

—Ne mama gasiro suhri gasiro mera mũrañe suhrirore seretu masiya mara. Eropiicũ mama gasiro mari coera pũhrũ mũrañere suhrirore taragameneo, wũatariaro yehgucũ iiaa. Eropa ta mama buherire mũra buheri mera wapi moa buhebiricãro gahmea.

<sup>22</sup> Eropirã ne igui decore imisĩri decore waibũgũ gasiro ajurore mũra ajurore pisãbiricãro gahmea. Eropiro igui deco pahmutarĩrogue mũra ajurore yehgue dija wahaa. Iri ajuro yehgucũ igui deco sã cohmo, ajuro sã cohmoa wahaa. Eropirã igui decore mama ajuro mera pisãro gahmea. Eropiicũ igui deco sã cohmobeeaa. Ajuro sã cohmobeeaa. Eropa ta mama buheri, mũra buheri mera more buhebiricãro gahmea, arĩ buhepũ Jesu erãre.

*Sabado árĩcũ Jesu buherã trigo pororire tũrĩñuma*

*Mt 12.1-8; Lc 6.1-5*

<sup>23</sup> Gajinũ Sabado árĩcũ Jesu sã trigo pohegue ãha taria wañorã. Eroguetariarã ãgũ buherãpũ trigo pororire tũrĩ tari wahgãñorã.

<sup>24</sup> Erã eropiicũ ãarã õpa arĩñorã fariseo masa Jesure:

—Peenique gũare. ¿Duhpirã mũ buherã Sabadonũ mari soorinũ árĩquerecũ Goãmũ ãgũ mohmedorebiririnũre mohmeri erã? Mari dorerire tarinũgarã iima, arĩñorã erã Jesure.

<sup>25-26</sup> Erã eroparĩcũ peegu yũ buherã tarinũgarã iibeama arĩgũ õpa arĩpũ erãre:

—Iribojegue Davi ãgũ mera majarã mera oaboagũ Goãmũ wihigue ñaja iri wihi árĩri panre Goãmũ ya panre bañumi. Eropigũ ãgũ mera majarã sãre badoregũ iri panre oñumi. Iri panre pahia dihtare badorera árĩyoro. Goãmũ doreri gajirãre iri panre badorebiriyoro. Irisubure Abiata waĩcũgũ pahia opũ árĩñumi. ¿Davi sã irire erã iirare Goãmũ yare erã gojarare buhebirari mũa? Davi iri panre bagũ Goãmũre tarinũgagũ iibirĩñumi.

Dohpagāre yu buherā sā i trigo yerire turī barā Goāmure tarinugarā iibeama, arīpū Jesu.

<sup>27</sup> Eropa arītuhaja ōpa arīnemopu:

—Goāmu masare iituhajagu soorinure doreñumi “Masa sooporo,” arīgu. Eropa iigu masa inure iiburire weregu āhrimi. Masapu inure erā iiburire wererā árībeama.

<sup>28</sup> Eropigu yuhu masu Goāmu īgu obeodigu inonu soorinu sare masa erā iiburire doremasia, arīpū Jesu erāre.

### 3

#### *Mojoto buhadigu ōaro wañumi*

*Mt 12.9-14; Lc 6.6-11*

<sup>1</sup> Gaji Sabado árīcū Jesu judio masa erā buheri wihigue eja ñajapu daja. Eropigu mojoto buhadigu sā ero arīpū. Eropirā iri wihi árīrā Jesure ihanuruñorā īgure weresāmorā.

<sup>2</sup> Sabado árīcū Jesu mojoto buhadigure īgu ōagu iicū iarā, “Mari soorinure Jesu mohmegu iimi,” arī weresādiañorā Jesure.

<sup>3</sup> Eropigu ōpa arīpū Jesu mojoto buhadigure:

—Wahgānugajaque. Arique ōgue, arīpū.

Ōpa arītuha iri wihi árīrāre werepu:

<sup>4</sup> —¿Sabado árīcū ōarire iicū ōabeari? ¿Ñerire iicūpure ōhari muu pepicū? Sabado árīcū masure masucū ōapūrica. Masure wejēcūpure ōabeaa, arī werepu Jesu erāre.

Īgu eropa arīquerecū ta yuhribiriñorā.

<sup>5</sup> Erā eropa yuhribiricū īagu Jesu erāre ihamehtu erā mera guapu. Erā īgure peediabiricū īagu Jesu erā mera bujawerepu. Eropigu mojoto buhadigure arīpū:

—Mu mojotore sīsirābeoque, arīpū īgure.

Īgu eroparīcū peegu īgu mojotore sīsirābeopu īgu. Īgu eropiicū ta ōari mojoto wayoro.

<sup>6</sup> Īgu ya mojoto ōari mojoto wacū iarā fariseo masa wiria wañorā. Wiria Herode curu majarā mera gamenere, “¿Dohpa ii ihī Jesure wejērācuri?” arī weretamuñorā erā erā basi.

#### *Masa bajarā ditaru turogue árīñuma*

<sup>7-8</sup> Eropi Jesu īgu buherā mera ditaru turogue wapu. Erā erogue wacū iarā Galilea majarā masa bajarā erā puhru nurusiañorā. Eropirā Judea yeba majarā, Jerusalén majarā, Idumea yeba majarā, Jordán waīcūriya gajipu masegue majarā, Tiro majarā, Sidón majarā īgure iarā wañorā īgu iirare peenjarā.

<sup>9</sup> Eropirā bajarā árīñorā Jesu pohrore. Tuucāhmota nūgajacāñorā. Eropigu Jesu īgu buherāre gasirure amuyudorepu īgu doaborore.

<sup>10</sup> Bajarā dorecurāre īgu ōarā wacū iicū iarā gajirā dorecurā sā īgure pēhrediañorā.

<sup>11</sup> Eropirā watēa ñajasūnirā Jesure iarā īgu pohro mereja arīñorā:

—Muhu Goāmu magu āhraa, arī gaguiniguñorā erā īgure.

<sup>12</sup> Eropigu erāre Goāmu magu īgu árīrīre turaro mera gajirāre were-dorebiripū Jesu.

#### *Jesu īgu buherāre doce gohra beyeñumi*

*Mt 10.1-4; Lc 6.12-16*

<sup>13</sup> Eropigu Jesu utāgugue muria ĩgu gamerāre sihupũ. ĩgu eropa sihubeocũ peerā ĩgu pohrogue ejañorā.

<sup>14</sup> Eropigu doce umare ĩgu mera majarāre, ĩgu obeomorāre beyerũ. Gaji macarigue ĩgu yare buherā wamorāre beyedobopũ Jesu.

<sup>15</sup> Eropigu watēare erā cóāburire apipũ erāre.

<sup>16-19</sup> Oā arĩñorā doce gohra uma ĩgu beyenirā. Simo, Santiago Zebedeo magũ, ĩgu pagũ magũ Ñu, Andre, Felipe, Bartolomé, Mateo, Toma, Santiago Alfeo magũ, Tadeo, Simo celote ya curu majagũ, Juda Iscariote, oā nũcure Jesu beyedobopũ. Jesu Simore Pedro waĩyerũ. Santiagore, Ñu mera Boanerges waĩyerũ. Boanerges mari ya mera “bupu masa” waĩcũma. Juda Iscariote Jesure ĩhaturirāre ĩhmubu arĩpũ. Erāre beyedobotuha Jesu dijaha wihigue ñaja wapũ.

—*Jesu watĩ turari opami, arĩ weresãñuma masa*

*Mt 12.22-32; Lc 11.14-23; 12.10*

<sup>20</sup> Eropi ero dipaturi masa bajarā gamenereñorā daja erā pohro. Eropirā ĩgu ĩgu buherā sã ne bamasibiriñorā.

<sup>21</sup> Eropirā Jesu acawererā ĩgu iirare peebeoñorā. “Jesu goroweregũ wagũ iimi,” masa arĩcũ peeñorā. Eropirā ĩgu pohrogue eja ĩgure aĩgãridiariñorā.

<sup>22</sup> Gajirãpũ õpa arĩñorā:

—Beelzebũ ĩgure eropa iicũ iicumi. ĩgu watēare cóãgu Beelzebũ watēa opũ turari mera erāre cohãmi, arĩñorā Jerusaléngue arinirā judio masare buherãpũ.

<sup>23</sup> Erā eroparĩcũ peegũ Jesupũ erāre sihubeo werenigui queoriñe mera werepũ erāre.

—Watĩ ya turari mera watēare cóãgu iibea. Watēa erā basi cóãmasibeama.

<sup>24</sup> Eropirā yuju yeba majarā erā basi gamequeãrā iri yeba majarā pehrea wacoma.

<sup>25</sup> Eropirā yuju wihi majarā erā basi erā gamequeãrā iri wihi majarā pehrea wacoma.

<sup>26</sup> Eropigu ĩgu Satana watēa opupũ watēare yure cóãdoregũ, ĩgu basi ta gamequeãgũ iibocumi. Eropigu ĩgu pehrea wabocumi.

<sup>27</sup> Õpa ta ãhraa watĩ turagure tarinũgari werediacũ: Wihi opure turagure diribigũ, yajari masũ ĩgu ya wihire ñajaja yajamasibeami. ĩgure ĩgu dirira pũhrũ tamerare ñajaja yajamasimi ĩgure, arĩ werepũ Jesu. Eropa arĩ werepũ watĩre ĩgu tarinũgarare weregũ. Watĩ turagu arĩquerecũ ta Jesu ĩgure tarinũgami watēare cohã wiugũ.

<sup>28</sup> Eropigu arĩnemopũ Jesu:

—Diaye arĩgu iiaa mũare. Arĩpehreri masa erā ñeri iicũ sãre, erā wereniguicũ sãre Goãmũ cãdijimasimi.

<sup>29</sup> Eropa cãdijiqueregũ ta Espĩritu Santore erā ñero wereniguicũ iri tamerare ne cãdijisome. Erā eropa arĩra waja eropa dipuwajacũniguicãrã arĩrãcoma, arĩpũ Jesu erāre.

<sup>30</sup> Jesu Espĩritu Santo turari mera mohmequerecũ erãpũ “Watĩ turari mera mohmemi,” arĩñorā. Erā eropa arĩra waja Jesu eropa arĩ werepũ erāre.

*Jesu acawererā ĩgure sihurã erañuma*

*Mt 12.46-50; Lc 8.19-21*

<sup>31</sup> Eropirā Jesu pagũ porã ĩgu pago mera erañorā. Eropa erarã disiporogue niguirã gajirãre sihudoreñorā ĩgure.

- 32 Eropirã masa ïgu pohrogue doarã wereñorã ïgure.  
—Mu pago mu pagu porã mera disiporogue sihuma mure erã, arññorã.
- 33 Erã eroparĩcũ peegu õpa arĩpu Jesu erãre buhebu:  
—¿Noa àhriri yu pago yu pagu porã sã mua ïacũ? arĩpu.
- 34 Eropa arĩgu ïgu pohro doarãre ïagu õpa arĩpu:  
—Oã àhrima yu pago, yu pagu porã dopa árĩrã.
- 35 Goãmũ gamerire iima oã. Eropa ta iirã yu pagu magu, yu pagu mago, yu pago iro dopa àhrima, arĩ buhepu Jesu erãre.

## 4

### *Jesu oteri masu queoriñere buheñumi*

*Mt 13.1-9; Lc 8.4-8*

1 Eropi dipaturi ta daja Jesu ditaru turogue buhenugapu. Eropa eroguerre buhenugagu masa bajarã ïgu pohrogue gamenerecũ ïagu Jesu dohodirugue ñaja buhe payapu. Eropirã masapu yebague ditaru turogue niguiñorã ïgure peemorã.

2 Eropigu Jesu baja werenigui queorire erãre buhepu.

3 —I queoriñere peeque mua, arĩpu erãre.

—Oteri masu otegu wañumi.

4 ïgu eropa otecũ gajiyeri ma turo yurimerejayoro. Ero mehmerejarayerire mirimagu porã ahri bacãñuma.

5 Eropi gajiyeri utãyeri watope yurimerejayoro. Ero utãyeri watope nicu mariñariro árĩquerrecũ ta, mata puhriyoro.

6 Eropa puhri ara árĩquerero, abe ïgu burigã asicũ, nuguri marinijaro ñaiñaja sãria wayoro.

7 Gajiyeri poracurogue yurimerejayoro. Porapu puhri tiataria waha oterayeripure wejẽcãyoro. Eropiro iri dũca mariyoro.

8 Gajiyeri õari yebapu yurimerejayoro. Õaro puhri dũcacũyoro, gajisari treinta yeri, gajisari sesenta yeri, gajisari cien yeri dũcacũyoro, arĩ buhepu Jesu.

9 —Irire õaro peeque mua, arĩnemopu Jesu.

### *Jesu ïgu werenigui queorare ïgu buherãre wereñumi*

*Mt 13.10-17; Lc 8.9-10*

10 Eropirã puhru erã seyaro árĩrã, doce buherã gajirã Jesu mera árĩrã iri queorañere masidiarã Jesure serẽpiñorã.

11 Erã eropa serẽpira puhru Jesu õpa arĩ werepu:

—Goãmũ masa tauro opu ïgu árĩrire, iribojegue majarã erã masibirirare mũare yu buherãre masicũ iimi Goãmũ. Gajirãpũ eropiibeami ïgu. Eropigu erãre werenigui queori mera buhea.

12 Eropirã erã ïaquererã, pee masibeama. Eropirã peequererã ta masisome. Erã masirã õaripũre gohrotoboñuma. Erã eropa gohrotocũ ïagu erã ñero iirare cóãboñumi Goãmũ. Eropa árĩquerrecũ ta erãpu ne peediabeama, arĩpu Jesu.

### *Jesu oteri masu queoriñere were amuñumi*

*Mt 13.18-23; Lc 8.11-15*

13 ïgu eroparĩra puhru, õpa arĩnemopu erãre:

—¿Iñe queoriñere peenibeari mua? ¿Mua iñe queoriñere peebirã dohpa gaji queorire peerãcuri mua? arĩpu Jesu erãre.

Eropa arĩtuhaja õpa arĩ werepu erãre.

14 —Oteri masu ïgu oteriyeri õari buheri iro dopa àhraa.

<sup>15</sup> Eropiro ma turo mehmerejarayeri, òari buheri iro dopa ta àhraa. Eropigu masa erã òari buherire erã peecũ ñagu Satanapu iri òari buherire masidorebeamí erãre. Mirimagu porã iriyerire erã dote aĩdiro dopa ta iimi.

<sup>16</sup> Eropi utã watope mehmerejarayeri òari buheri iro dopa ta àhraa. Eropirã masa òari buherire pee, mucubiriri mera mata irire pee aĩma.

<sup>17</sup> Eropa pee aĩquererã ta, utã watope árĩrisari, nuguri maririsari iro dopa ta oã masa turabeama. Eropa turabirã yaha òari buherire erã peera waja gajirã erãre ñero iicũ ñarã yahapure duhucãma. Gajirã erãre ñero iicũ irire bocatũbirã yahare duhucãma.

<sup>18</sup> Eropi pora watope yurimerejarayeri òari buheri iro dopa ta àhraa.

<sup>19</sup> Eropirã masa òari buherire peequererã, i yeba majare wuaro guñaricurã niyerure mahima. Gajino sãre baja gamenemoma. Erã eropiicũ iripu òari buheripure cãhmotaa. Iri eropa cãhmotacũ masa Goãmu gamerire iibeama.

<sup>20</sup> Eropi òari yeba mehmerejarayeri òari buheri iro dopa ta àhraa. Eropirã masa òari buherire peerã irire masima. Eropa masirã árĩrã Goãmu ñgu gamero dopa ta iima erã. Yujurãyeri merogã òarire iima treinta yeri ducacuro dopa ta. Gajirã wecañari òarire iima sesenta yeri iri ducacuro dopa ta. Gajirã wuaro òarire iima cien yeri ducacuro dopa ta, arĩ wereru Jesu erãre.

*Jesu sihãgodiru queoriñere buheñumi*

*Lc 8.16-18*

<sup>21</sup> Eropa arĩtuha òpa arĩnemopu:

—Ne, sihãgodirure masa sihãgorã mátasorobu docague buhapibeama. Irirure sehro doca apibeama. Irirure sihãgorã umarogue duhpeoma òaro boyoweadorerã.

<sup>22</sup> Árĩpehrerã masa erã masibirirare puhru masirãcoma. Sihãgodiru boyocũ mari ñhamasiro dopa ta, iribojegue erã masibirirare masirãcoma masa.

<sup>23</sup> Irire òaro peeque muu, arĩpu.

<sup>24</sup> Eropigu erãre arĩnemopu daja:

—Merogã masidiarã merogã masirãca. Wuaro masidiarã wuaro masirãca. Eropirã peerã òaro peenuruque.

<sup>25</sup> Òaro peenuruque òaro masigucumi. Peenurubigu “Merogã peea,” ñgu arĩquerecũ ta, iripu dederea waroca ñgure, arĩpu Jesu erãre.

*Jesu coye puhri queoriñere buheñumi*

<sup>26</sup> Jesu erãre werenigui queori mera buhepu daja:

—Goãmu ñgu opu árĩri werediacũ ojoducare otera iro dopa àhraa. Yujugu coyere ojoducayeri otemi.

<sup>27</sup> Otetuhaja muraro ta carĩ wahgã ñagu wamuririmi. Irisubu ñgu oterayeri puhri wiriaca. “¿Dohpa puhri?” arĩ ñha masibeamí irire otedigu ñgu basi.

<sup>28</sup> Iri otera iri yeba mera iri gamero ducacua. Erapũgã deyomuhta, puhru dipa poro puhri wiria wahaa.

<sup>29</sup> Dũca bugatuhajacũ ñagu iri pororire pehamí. “Pearisubuno ta àhraa,” arĩmi. ñgu otera iri bugarare ñgu masibiridiro dopa ta masa Goãmu yarã erã dohpa wacũ sãre masibeamí masa, arĩ buhepu Jesu.

*Mostazayegã queoriñere wereñumi Jesu*

*Mt 13.31-32; Lc 13.18-19*

<sup>30</sup> Eropa arĩtuha buhenemopu:

—¿Goãmu ïgu opu árĩri werediacũ ñeheno iro dopa ãhriri mua pepicũ? Iri werenigui queoriñe mera irire weregura.

<sup>31</sup> Mostazayegã iro dopa ãhraa Goãmu ïgu opu árĩri. Iriyegã ïgu otecũ miriyegã gohra ãhraa.

<sup>32</sup> Eropa árĩquerero iriyegã ñaro puhri wiria. Eropiro yucugu wuadigu wahaa. Eropirã irigu dũpuri paga dũpuri bugacũ ïarã mirimagu porã iri dũpurigue suhri suama. Mostazayegã wuatariadigu bugaro dopa ta umaro majagu mari Opure masinugarã bajamerãgã erã árĩquerecũ ta, puhruquere erã bajarã warãcoma, arĩpu Jesu.

*Queori mera ïgu buherire wereñumi Jesu*

*Mt 13.34-35*

<sup>33</sup> Eropigu iri werenigui queori iro dopa baja queorire erã masiopẽ ñari buherire buhepu erãre.

<sup>34</sup> Queoriñe mariro werebiripu erãre. Puhru erã seyaro árĩrãre ñaro were amupehocãpu Jesu ïgu buherãre.

*Jesu miruñere yusudoreñumi*

*Mt 8.23-27; Lc 8.22-25*

<sup>35</sup> Eropi irinu ñamica Jesu ïgu buherãre ñpa arĩpu:

—Ina sipu masegue, arĩpu erãre.

<sup>36</sup> ïgu eroparĩcũ peerã, yebague niguirãre goeriseretuhajarã dohodirugue ñajaa, Jesure aĩ taribuja wañorã. Eropirã gajirã gaji gasi mera erã puhru taribujañorã.

<sup>37</sup> Erã taribujacũ iriyague miruñe burigã weãyoro. Eropiro miruñe ariro pãguri dohodirure miucãriyoro. Deco turaro ñajayoro. Merogã duhyayoro erã miriboro.

<sup>38</sup> Eropa warisubu Jesu dohodiru auturogue suhri pore wecague carĩgu iipu. Eropirã erã ïgure wahgũñorã.

—Buhegu, ¿mũhu ïabeari? Mirirari iiaa mari, arĩñorã erã Jesure.

<sup>39</sup> Erã eroparĩcũ peegu Jesu wahgã miruñere, pãguri sãre,

—Yusugue, arĩpu.

ïgu eroparĩcũ ta miruñe pãguri sã yusudija pehrea wayoro. Ñaro dujayoro.

<sup>40</sup> Eropigu Jesu arĩpu ïgu buherãre:

—¿Duhpirã güimaacãri mua? ¿Mua yure umupeobeari? arĩpu Jesu erãre.

<sup>41</sup> Eropa wacũ ïarã erã ïhamaria wañorã.

—¿Ñehmũno masu ãhriri ihĩ miruñe, pãguri sã yuhrisũgu? arĩñorã erã basi.

## 5

*Watã ñajasũdigure ñagu wacũ iñumi Jesu*

*Mt 8.28-34; Lc 8.26-39*

<sup>1-2</sup> Eropi erã sipu masegue Gerasa majarã ya yebague taribujajañorã. Eropigu Jesupu dohodirugue sañadigu majanugajapu. ïgu majanugajara puhru, watã ñajasũdigu masa goberi utã goberi watopegue arĩdigu wiriri ïgu pohrogu arĩpu.

<sup>3</sup> ïgu watã mera goroweregu masa goberi watope arĩgu arĩmũripu. Gajirãpu ïgure ñeha comeda wuarida mera dirimasibirimũriñorã.

<sup>4</sup> Īḡu būrigā gorowerecū īha bajasuburi masa īḡure guburi diriri berori mera comedari mera dirimūriñorā. Eropigū īḡupū comedarire nuha tuātasiricāmūripū. Eropirā īḡu turagū árīro mera masapū īḡure ñeha dirirā bocatiūbiriñorā.

<sup>5</sup> Eropigū ñami árīcū, ɯmū sāre masa goberi watopegue, ɯtā yucūgue sāre, eropa gaguinigui curicāmūripū īḡu. Eropigū ɯtā mera īḡu basi dotemūripū.

<sup>6</sup> Eropigū yoarogue Jesure īhabeo īḡu pohrogue omagāripū. Eraa merejapū Jesu core umupeobu.

<sup>7-8</sup> —Watēa, duhuque īḡure, arīpū Jesu.

Īḡu ōpa arīcū peegu, watēa ñajasūdigū ōpa arī gaguiniguiḡu:

—¿Jesu Goāmū turagū magū, ñehenore iibu iiri mūhū yūre? Goāmū īḡu ĩaro serēa yūhū mūre. Yūre ñero iibiricāque, arī gaguiniguiḡu watēa ñajasūdigū Jesure.

<sup>9</sup> —¿Dohpa waīcūri mūhū? arīpū Jesu īḡure.

—Gua bajarā āhraa. Eropirā “Bajarā watēa” waīcūa, arīpū Jesure.

<sup>10</sup> Eropigū Jesure turaro serēpū:

—I yeba árīrāre gua watēare gajipūgue wadorebircāque, arīñorā watēa masū mera árīñirā.

<sup>11</sup> Irisubure bajarā yesea árīñorā erā pohrore. ɯtāḡu gubuye ahma barā iññorā.

<sup>12</sup> Ero erā baniguicū ĩarā ōpa arī serēñorā watēa:

—Soā yesea pohrogue wadoreque guare. Erā mera árīdoreque guare, arī serēñorā watēa masure ñajanirā.

<sup>13</sup> Erā eroparīcū peegu yesea pohrogue wadorepū Jesu erāre. Īḡu eropa dorecū watēa masure duhu yesea dos mil gohra árīrāpūre ñajañorā. Erā pohrogue erā ejara pūhru yeseapū gorowere árīpehrerā dipaturūgue oma buha, ditarugue yuriñajaa sīripehrea wañorā.

<sup>14</sup> Yesea erā eropa wacū ĩarā, erāre īhadibunirāpū güi omagā wañorā. Macague eja, iri maca majarāre campo majarā sāre erā ĩarare were-siripehocāñorā. Erā eropa werecū peerā masapū bajarā Jesu īḡu iirare ĩarā arīñorā.

<sup>15</sup> Eropirā Jesu pohrogue erarā, watēa ñajasūdigūre, suhri saña, pee masigū īḡu ero ōaro doacū ĩarā īha ɯca wañorā erā.

<sup>16</sup> Eropirā watēa ñajasūdigūre, yesea sāre erā eropa warare ĩanirā gajirāre werepehocāñorā.

<sup>17</sup> Erā eropa werepehocū peerā ero majarā Jesure turaro mera wadoreñorā.

<sup>18</sup> Eropigū Jesu īḡu dohodirugue īḡu ñajacū ĩagū “Mū mera wadiaca,” arī būrigā serēripū watēa ñajasūdigūpū Jesure.

<sup>19</sup> Īḡu eropa arīquerecū Jesu īḡure werepū:

—Yū mera aribita. Mū ya wihigue waha, mū pohro árīrāre yūhū mū opū mūre ōaro iirare wereḡu waque. Mūre yū mojomoro ĩarare wereque erāre, arīpū Jesu īḡure.

<sup>20</sup> Īḡu eroparīcū pee watēa ñajasūdigūpū Decapoli waīcūri macague Jesu īḡure ōaro iirare werenḡapū. Īḡu eropa arī werecū peerā, masa árīpehrerā pee ɯca wañorā.

*Jairo magore ōago ii, ne behrego sāre ōago iññumi Jesu*

*Mt 9.18-26; Lc 8.40-56*

<sup>21</sup> Eropi dipaturi ta Jesu gajipū masegue īḡu taribujajacū masa bajarā īḡu pohrogue wūariya turogue gamenereñorā.



22 Eropigu judio masa erã buheri wihire ìhadibugũ Jairo waĩcũgũ erapũ. Jesure ìha, ìgũ guburi pohro mereja õpa arĩ serẽpũ:

23 —Yũ mago sĩrigo iiamo. Eropigu igore mũ mojoto mera duhpeogũ, igore dore taugũ arique. Mũhũ eropiicũ igo masagocumo, arĩpũ ìgũ Jesure.

24 Ìgũ eroparĩcũ pee Jesu ìgũ mera wapũ. Ìgũ wacũ masa bajarã nurusiagãñorã ìgũre.

25 Eropigo nomeo doce bojori gohra eropa umuri nũcũ behreniguigo ero arĩpo. Ero core bajarã duhturuua igore ñero taricũ iĩñorã igore ocoyerã.

26 Eropigo duhturuare igo niyeru arĩpehrerire wajayepituhapo igo ocoyedorego. Erã eropa ocoyequerecũ igo mũraro ta arĩniguicãpo. Eropigo igo ero core igo arĩdiro tauro ñero wapo.

27 Igo eropa ñero tarisubũ Jesu ìgũ masare õarã iirire peerã gajirã wereñorã igore. Eropigo igo Jesu pũhrũ ta masa bajarã watope aripo. Ahri Jesu suhrirore mohmepiñapo.

28 “Yũhũ ìgũ suhriro dihtare mohmepiñago õago dujagoca,” arĩ pepipo igo.

29 Eropi igo mohmepicũ mata igo di wirira purumujudija wayoro. Igo dũpũre õari dũpũ wacũ pepipo.

30 Eropigu Jesu ìgũ turari mera dorere ìgũ taurare masigũ, masa watope maji ìapũ.

—¿Noa yaha suhrirore mohmepiari? arĩpũ.

31 Ìgũ eroparĩcũ peerã ìgũ buherãpũ õpa arĩñorã.

—Cũhña ãhraa. Eropirã masa bajarã mũre pẽhregãma. “¿Noa yũre mohmepiñari?” arĩgũ, ¿dohpa arĩgũ iiri mũhũ? arĩ serẽpiñorã ìgũre.

32 Eropigu Jesu ìgũre mohmepidigore amapũ.

33 Ìgũ amaro watope igopũ igo dũpũ õaro wacũ pepigo gũi, naragã merejapo ìgũ pohro.

34 Eropigo igo diaye ta werepehopo ìgũre. Igo eropa arĩ werera pũhrũ Jesu werepũ igore:

—Mahgo, mũhũ yũre umupeori mera õago dujaa dohpaguere. Mucubiriri mera waque. Dore mariro arĩque, arĩpũ Jesu igore.

35 Erã õpa arĩ wereniguiro watope ta Jairo ya wihi majarã erañorã,

—Mũ mago sĩria wahãmo. Eropigu buhegũre sihubita pare, arĩñorã.

36 Erã eropa arĩquerecũ ta Jesu Jairore õpa arĩ werepũ:

—Bũjawere pepibita. Yũre guñaque. Umupeoque iri dihtare, arĩpũ ìgũre.

37 Eropa arĩtuha, Santiago, ìgũ pagũ magũ Ñũ, Pedro, erã dihtare “Yũ mera arique,” arĩpũ Jesu.

38 Eropigu Jairo ya wihigue ejapũ. Iri wihiguere masa bajarã bũrigã ñehamere orerã iĩñorã. Erã eropa orecũ ìha erãre arĩpũ Jesu:

39 —¿Ñero arĩ ñehamere orebiricãque mũa. Igo majigo sĩribeamõ.

Carĩgo iimo, arĩpũ Jesu erãre.

40 Ìgũ eroparĩcũ peerã erã “Eroparĩcãgũ iimi ihĩ,” arĩrã ìgũre ìayeñorã. Ìgũpũ erãre disiporogue wiupehocãpũ. Majigo pagũ sũmarã mera, Jesu ìgũ mera majarã igo pohroque sihuñajapũ.

41 Eropigu Jesu igo mojtore ñeha arĩpũ igore:

—Talita cumi, arĩpũ ìgũ. Talita cumi mari ya mera “Majigo wahgãque,” arĩdiaro iiaa.

42 Ìgũ eroparĩcũ ta igo majigo sĩridigo mũro wahgãnũgaja curipo. Doce bojori opago arĩpo igo. Igore ìgũ eropa iicũ ìarã ucataria wañorã.

<sup>43</sup> Eropigu Jesu irire ĩgu iirare weresiridorebiripu. Eropiituha igore bari ejodorepu.

## 6

*Jesu ya maca majarã Nazare majarã Jesure umupeobiriñuma*

*Mt 13.53-58; Lc 4.16-30*

<sup>1</sup> Eropigu ero árĩdigu waha wa, ĩgu buherã mera ĩgu ya yebague ejaru.

<sup>2</sup> Eropigu Jesu Sabado árĩcũ judio masa erã buheri wihigue buhenugapu. ĩgu eropa buhecũ masa bajarã ĩgure ĩha masirã ĩgure pee uca wañorã. Őpa arĩñorã:

—¿Dohpa ii masiyuri ihĩ i buherire? ¿Dohpa ii ĩgu deyoro moarire ii masiri?

<sup>3</sup> Ihĩ taboa mohmeri masu María magu aħrimi. Santiago, José, Juda, Simo, erã tĩgu aħrimi. Eropirã ĩgu pagu porã nome i maca aħrima. Eropigu ĩgu mari iro dopa árĩgu aħrimi, arĩñorã erã Jesure peenijarã. Eropirã Jesure umupeobiriñorã.

<sup>4</sup> Erã umupeobiricũ ĩagu ōpa arĩpu Jesu:

—Árĩpehrerogue Goãmu yare weremũhtadigure gajirã umupeoma. Erã eropa umupeoquerecũ ta ĩgu ya maca majarã, ĩgu acawererã, ĩgu ya wihi árĩrã dihta umupeobeama ĩgure. Eropirã yure umupeobeaa mua ohõ yũhu masadigu árĩcũ ĩarã, arĩpu Jesu erãre.

<sup>5</sup> Eropigu iri maca árĩgu Jesu Goãmu turari mera baja deyoro moarire iimasibiripu. Dorecurã bajamerãgã dihtare ĩgu mohmepi taupu erã dorere.

<sup>6</sup> Eropigu ero majarã Jesure erã umupeobiricũ ĩagu, “¿Dohpa árĩrono mera yure gamebeari erã?” arĩgu uca waru ĩgu. Eropigu Jesu ero pohro árĩri macarigue buhegu waha waru.

*Jesu ĩgu buherãre buhedore obeoñumi*

*Mt 10.5-15; Lc 9.1-6*

<sup>7</sup> Eropi Jesu doce ĩgu buherãre sihubeo perãyeri dihta obeopu erãre macariguere buhedoregu. Eropigu ĩgu dorerire ōpu erãre watẽare masa ñajanirãre erã cóãburire.

<sup>8</sup> Erãre obeogu gajinore aĩadorebiripu. Doberire, barire, niyerure aĩgãdorebiripu erãre. Erã tuari yucu dihtare aĩgãdorepu erãre.

<sup>9</sup> Eropigu gaji zapaturire aĩdorebiripu erãre. Yujuñe ta suhrirore saĩadorepu. Peñe saĩadorebiripu erãre.

<sup>10</sup> Eropigu ōpa arĩ wereru erãre:

—Árĩpehreri macarigue erã mũare carĩro ocũ, iri wihi ta carĩque. Ne warãgue wiriaque iri wihire.

<sup>11</sup> Eropirã gaji macari majarã mũare erã gamebiricũ, erã mua buherire peediabiricũ ĩha iri macare tari wahgã waque. Eropa warã, mua guburi maja nicure moje siripique mua erã ya dipuwajare masicũ iimorã erãre, arĩpu Jesu erãre.

<sup>12</sup> Eropirã erã doce buherã waha masare buherã, erã ñero iirare bujaweredoreñorã. Őaripure iidoreñorã erãre.

<sup>13</sup> Eropirã bajarã watẽare masare ñajanirãre cóãñorã. Dorecurãre yuũ mera sũrã ōarã wacũ iĩñorã.

*Ñu waĩyegure gajirã wejẽñuma*

*Mt 14.1-12; Lc 9.7-9*

14 Eropirã Jesu ïgu òaro iirare masa bajarã masiñorã. Eropigũ opũ Herode sã irire peebeopũ. Eropa peebeogũ òpa arĩ guñapũ ïgu Jesure:

—Ñu waĩyemuridigũ sĩridigũ murũ dipaturi masa dehyoagũ iicumi daja ihĩ Jesu. Eropa masadigũ árĩgu ïgu turarire opami ïgu deyoro moarire iigũ, arĩ pepiripũ Herode. Jesure “Ñu murũ ta áhrimi,” arĩ pepiripũ ïgu Ñure wejedorera pũhrũ.

15 Gajirã òpa arĩ pepiriñorã:

—Elia áhrimi, arĩ pepiriñorã. Gajirãpũ:

—Goãmũ yare weremũhtadigũ iribojegue majarã dopa áhrimi ïgu, arĩ pepiñorã Jesure.

16 Erã eropa arĩ pepiquerecã, Herodepũ Jesu ïgu iirare peegũ òpa arĩ pepipũ:

—Jesu Ñu murũ ta árĩcumi. Ñu dipurure yũ tabedigũ masa dehyoagũ iicumi daja, arĩ pepipũ.

17-18 Ero core Herode ïgu pagũ magũ marapo Herodia waĩcugore ehma igo mera marapocũpũ. ïgu eropa iicũ Ñu Herodepũre òpa arĩ wereniguipũ:

—Mũ pagũ magũ marapore marapocũgu Goãmũ dorerire tarinũgagũ iiaa mũhũ, arĩpũ Ñu Herodere.

ïgu eropa arĩra dipuwaja Herode Ñure ñeadore peresugue acumũripũ. ïgũre eropa iicũ gamepo ïgu marapo Herodia.

19 Eropigo Herodiapũ Ñure ïhaturinijago ïgũre wejedorrediaripo. Eropi-  
idiaquerego ta wejedoremasibiripo Herode opũpũ gamebircã.

20 Herodepũ “Ñu òarire iigũ òagũ áhrimi,” arĩ pepi Ñure güipũ. Eropigũ Herode Ñu wereniguirire ïgu peegũ guñaturabiripũ. Eropa guñaturabiriqueregu ta mucubiriri mera ïgũre peegũ wejedorrebiripũ ïgu Ñure.

21 Irisubu ta Herodia igo ïgũre wejedorera ejayoro. Irisubure Herode ïgu masa dehyoaranũ árĩcũ ïgu gobierno majarãre, ïgu surara oparãre, Galilea majarã oparã sãre sihu bosenu iipũ ïgu.

22 Eropigo ïgu marapo mago bosenu ïago erago erã ïhuro baya ïhmupo. Igo baya ïhmucũ ïarã Herode ïgu sihunirã mucubiriñorã. Erã eropa mucubiricũ ïagũ òpa arĩpũ Herode igore:

—Mũ gamerire serẽque yũre. Eropigũ mũ serẽrire mũre ogũra.

23 Goãmũ mera diaye arãa mũre. Mũ serẽropẽ yahare deco mera ogũra mũre, arĩpũ ïgu igore.

24 ïgu eropa arĩcũ peego igo pago pohrogue waha serẽpipõ:

—¿Ñehenore serẽgocuri yũhũ? arĩ serẽpipõ igo pagore.

—Ñu waĩyegu dipurure serẽque, arĩpo pagopũ.

25 Igo eroparĩcũ peego mũmũdiaro mera opũ Herode pohrogue eja arĩpo:

—Dohparagã Ñu waĩyegu dipurure tabetadoreque. Eropigũ soropa mera ïgu dipurure oque yũre, arĩpo igo.

26 Igo eroparĩcũ opũ Herode burigã bujawerepũ. ïgu masa erã peero, “Mũ serẽrire mũre ogũra,” arĩtuhapũ ïgu. Eropigũ ïgu ïgu eropa arĩrare guhyasĩrigũ “Mũre osome,” arĩmasibiripũ igore. ïgu sihunirã ïhuro “Iibea,” arĩmasibiripũ.

27 Eropigũ mata surarare peresu árĩrãre coregũre Ñu dipurure tabeta aĩgãridorepũ.

28 Īgũ eropa dorecũ peegũ surarapũ waha, ĩgũ dipurure tabeta, soropa mera aĩgãripũ. Aĩgã nómeore ĩgũ marapo magore ópũ. Eropigo igo iripare ñeha igo pagore o taupo daja.

29 Eropirã Ñu buherã irire peenijarã erogue waha, ĩgũ dũpũre aĩ masa gobegue aĩgã apiñorã.

*Jesu cinco mil masare barire oñumi*

*Mt 14.13-21; Lc 9.10-17; Jn 6.1-14*

30 Eropi Jesu ĩgũ buhedore obeonirã ĩgũ pohrogue dujajañorã daja. Erã iirare erã buherare wereñorã erã ĩgũre.

31 Irisubure masa bajarã eropa majiniguirã erãre ne baro iibiriñorã. Eropigũ õpa arĩpũ Jesu ĩgũ buherãre:

—Masa marirogue mari seyaro soonirã warã, arĩpũ erãre.

32 Eropirã erã seyaro gasiru mera masa marirogue wariñorã.

33 Erã eropa wacũ ĩarã masa bajarã erãre masiñorã. Eropa masirã baja macari majarã mague waha, Jesu ĩgũ ejaborogue omajatuhãñorã.

34 Erã eropa ejacũ Jesu tuhajapa, gasirugue sañadigũ majanũgajagũ ĩgũ bajarã masare ĩapũ. Oveja ĩhadibugũ moorã iro dopa árĩñorã erã Jesu ĩgũ ĩacũ. Eropigũ erãremojomoro ĩagũ baja buhepũ erãre.

35 Ñamicague doce ĩgũ buherã Jesu pohrogue eja õpa arĩñorã ĩgũre:

—Ohõ maca marirogue ãhraa. Ñamicague ãhraa.

36 Õgã árĩri macarigue masare wadoreque. Erã baburire asũrã waporu, arĩriñorã erã Jesure.

37 —Mũa basi ta barire oque erãre, arĩpũ Jesu erãre.

Īgũ eroparĩcũ peerã õpa arĩ yũhriñorã:

—¿Wũaro niyerupũri mera gũa dohpa ii asũbocuri panre masa bajarã erã baburire? arĩñorã erã Jesure.

38 —¿Di nũcũ pan ãhriri õguere? ĩarã waque, arĩpũ ĩgũ erãre.

Īgũ eroparĩcũ erãpũ barire boca õpa arĩñorã:

—Cinco dipuru ãhraa pan. Wai perã ãhrima, arĩñorã.

39 Erã eroparĩcũ peegũ Jesu masare dipa cururi ero taa árĩro weca doadorepũ masare.

40 Īgũ eroparĩcũ peerã erã dipa cururi doañorã. Yuju curure cien gohra árĩñorã. Gaji curure cincuenta gohra árĩñorã.

41 Erã doapehrecũ ĩha Jesu cinco dipuru pan dipurure aĩ, erã perã waire aĩ, ɯmarogue ĩhamemuju Goãmũre “Õhaa,” arĩpũ. Eropa arĩ serẽtuha iri pan dipurure nuha ĩgũ buherãre ópũ masare gueredoregũ. Eropigũ wai perãre gueredorepũ árĩpehrerãre.

42 Eropirã árĩpehrerã baha yapia wañorã.

43 Erã ba dũarare doce puiro gohra sea gameneo ɯjũtu doboñorã erã wai sãre eropa ta.

44 Eropirã panre banirã ɯma dihtare queocũ cinco mil gohra árĩñorã.

*Jesu deco weca curiñumi*

*Mt 14.22-27; Jn 6.16-21*

45 Irisubu ta Jesu ĩgũ buherãre dohodirugue ñajajadore, gajipũ masegue Betsaida yebague ĩgũ core taribuja yudorepũ. Eropigũ erã taribuja wara pũhrũ Jesupũ masare goeriserepũ.

46 Goeriseretuhaja ɯtãgũgue mũria ĩgũ seyaro Goãmũre serẽgũ waha warũ.

47 Pũhrũ ñamicague árĩcũ dohodirupũ ĩgũ buherã wadiru ditaru deco árĩyoro. Erã ero payacũ Jesu yujugũ ta erã taribujaridirogue arĩpũ.

<sup>48</sup> Miruñe dururo weã dujuyoro erãre. Eropigu erã ñero tari wejacũ ñhabeopu Jesu erãre. Eropigu boyo muririboro core cãreña wahgãrisubu erã pohro wagu deco weca cuhrapi wahgã wapu. Erãre igu tarigãripu.

<sup>49</sup> Igu tarigãquerecũ ta, igu deco weca aricũ ñarã ñha uca wañorã. “Sĩridigu muru watĩ ahrimi,” arĩ pepi gaguiniguiñorã.

<sup>50</sup> Erã árĩpehrerã igure ñarã ñha burigã uca wañorã. Erã eropa ñha ucacũ ñagu Jesu werepu erãre:

—Ne yare ñha ucabiricãque. Yuhu ta ahraa. Güibita, arĩpu erãre.

<sup>51</sup> Eropa arĩtuha igu erã mera dohodirugue ñaja wapu. Igu ñajara puhugã ta miruñe taria wayoro. Eropa wacũ erãpu ucataria wañorã.

<sup>52</sup> Igu pan dipurare baja iirare guñabiriñorã erã. Igure ñaro masibiriniñorã.

*Jesu Genesare majarãre dorecurãre ñarã wacũ iĩnumi*

*Mt 14.34-36*

<sup>53</sup> Eropi erã taribujaja, Genesare yebague eja, turogãgue payañorã.

<sup>54</sup> Eropirã erã dohodirugue arĩnirã erã majacũ ta masapu Jesure ñha masiñorã.

<sup>55</sup> Eropa ñha masirã árĩpehrerogue erã ya yebague omaja, dorecurãre erã pũyucu mera aĩgãriñorã. “Jesu erogue ahrimi,” masa erã aricũ pee eroguere aĩ ejañorã.

<sup>56</sup> Eropirã árĩpehrero igu waroguere paga macariguere, muta macarigãguere, campogue, erã wari mariguere erã masa dorecurãre aĩ apiñorã Jesure coremorã. Eropirã Jesu erã pohro igu ejacũ mohmepiñadialarã turaro serẽñorã igure.

—Mu suhriro ojogoro dihtare mohmepiñadoreque guare, arĩ serẽñorã erã.

Eropirã igu suhrirore mohmepinirã nucũ ñarã wañorã.

## 7

*Masa ñerã wacũ iirire wereñumi Jesu*

*Mt 15.1-20*

<sup>1</sup> Eropi Jerusalengue arinirã judio masare buherã, fariseo masa mera Jesu pohrogue gamenereñorã.

<sup>2-4</sup> Fariseo masa árĩpehrerã, gajirã guã acawererã judio masa mera erã ñecu sumarã dorediro dopa ta erã mojotorire coero mariro babirimuriñorã. Eropirã doberi duarã pohrogue wanirã dujajarã erã dorerire iimorã, erã mojotorire coero mariro babirimuriñorã erã. Eropirã baja gaji erã dorerire erã ñecu sumarã iidorerire iimuriñorã erã. Tasa parire yujuropa coe, mátasororire coe, comesororire coe, erã iiguaro dopa ta iimuriñorã erã judio masa “Goãmu eropa gahmemi,” arĩrã. Eropirã Jesu pohrogue gamenererã Jesu buherã erã ñecu sumarã dorediro dopa ta erã mojo coebiricũ ñañorã fariseo masa.

<sup>5</sup> Eropa ñatuhajarã Jesure serẽpiñorã:

—Mu buherã mari ñecu sumarã mura erã dorediro dopa ta erã baboro core erã mojo coebeama. ¿Duhpirã mari dorerire iibeari erã? arĩñorã erã Jesure.

<sup>6</sup> Erã eroparicũ peegu werepu Jesu erãre:

—Masa erã ñabiropure ñero iicorerã ahraa muã. Goãmu yare weremũhtadigu Isaia muare iribojegue diaye ta weremuriñumi. Ōpa arĩ gojañumi Goãmu ya wereniguirire:

Oã masa yũre ðaro wereniguiquererã ne yũre umupeobeama. Erã ya sĩporãripũ gajipũgue ãhraa. Yũre ne mahibeama.

<sup>7</sup> Goãmũ ya doreri wereniguibodirore erã ya werenigui dihtare buhema erã. Eropirã yũre umupeo erã sĩbuipeori duhpiburi árfibeaa yũre, arĩmi Goãmũ, arĩ gojañumi Isaia iribojegue.

<sup>8</sup> Iri diaye ta ãhraa. Goãmũ dorerire iibeaa mũa. Mũa ñecũ sũmarã mũra árĩricũri dihtare iiaa, arĩpũ Jesu erãre.

<sup>9</sup> Eropigũ erãre wereniguinemopũ daja:

—Mũa ñecũ sũmarã mũra árĩricũrĩre iiduhubirã ta Goãmũ yapũre cohãa mũa.

<sup>10</sup> Iribojegue ðpa arĩñumi Moise Goãmũ dorerire: “Mũa pagũ sũmarãre umupeoque. Yujugũ ãgũ pagũ sũmarãre ñero werenigui coredigũ ãgũ wejẽbu árĩgũcumĩ,” arĩñumi Moise.

<sup>11</sup> Moise eropa arĩquerecũ ta, mũapũ masare ðpa arĩ weredorea erã pagũ sũmarãre. “ ‘Mũare itamumasibea. Mũare yũ oborare Goãmũ ya árĩburire opehocãbũ,’ arĩque mũa pagũ sũmarãre,” arĩ weredorea mũa.

<sup>12</sup> Eropa arĩ weredorerã erã pagũ sũmarãre erã umupeobiricũ iiaa mũa erãre.

<sup>13</sup> Eropirã Goãmũ ãgũ dorerire tarinũgarã iiaa mũa mũa ñecũ sũmarã ya doreri dihtare iirã. Gajirãre mũa buheri dihtare peedorea mũa. Baja eropa árĩrĩre iiaa mũa, arĩpũ Jesu erãre.

<sup>14</sup> Eropa arĩtuha masare sihubeo ðpa arĩpũ daja:

—Mũa árĩpehrerã peeque yũre. Yũ arĩrĩre ðaro masique mũa.

<sup>15</sup> Mũa disiro ñajaripũ mũa baripũ ñerã wacũ iibeaa. Mũa disiro wiriripũ, mũa wereniguiripũ mũare ñerã árĩcũ iiaa.

<sup>16</sup> Yũre ðaro peeque, arĩpũ Jesu.

<sup>17</sup> Eropa arĩtuha Jesu masa pohro árĩdigũ waha wihigue ñajaa wapũ. ãgũ eropa ñajacũ ãarã ãgũ buherãpũ ãgũ wererare serẽpiñorã. Erã eropa serẽpicũ peegũ ðpa arĩpũ Jesu:

<sup>18</sup> —¿Ne peenibeari mũa sã? Mũa bari disiro ñajaripũ mũare ñerã masa wacũ iibeaa. ¿Irire masibeari?

<sup>19</sup> Iri mũa pepirigue ñajabeaa. Mũa parugue ñajaja taria wahaa, arĩpũ Jesu.

Eropa arĩgũ “Árĩpehreri bari ðari bari ãhraa,” arĩgũ iipũ.

<sup>20</sup> Õpa arĩnemopũ:

—Mũa wereniguiripũ, mũa disiro wiriripũ mũa pepiri ãhraa. Mũa pepiripũ mũare ñerã masa árĩcũ iiaa.

<sup>21</sup> Mũa pepirigue ðpa ñeri iinũgaa: Ñero pepiri, nomere gameri, yajari, masare wejẽri,

<sup>22</sup> gajigũ marapo mera ñero iiri, gajirã yare turaro uaribejari, ñetariari iiri, gũyari, ñeri uaribejari, gajirã gajinore opacũ ãhaturiri, ñero quere wereri, gajirãre tarinũgadiari, pee masibiriri iinũgaa.

<sup>23</sup> Árĩpehreri i ñeri mũa pepirigue árĩnũgari mũare ñerire iicũ ñerã árĩcũ iiaa, arĩpũ Jesu.

### *Judio maso árĩbigu Jesure umupeoñumo*

#### *Mt 15.21-28*

<sup>24</sup> Eropigũ Tiro waĩcũri maca pohrogue, Sidón waĩcũri maca pohrogue wapũ. Erogue ejagũ ero árĩri wihigue ñajaa wapũ. Eropigũ gajirãre ãgũ árĩri wihire ne weredorebiripũ. ãgũ eropa duhridiaqueregũ ta duhrimasibiripũ.

<sup>25</sup> Īḡu ejacũ pee mata yujugo nomeo ĩḡu pohro ejapo. Igo mago watĩ ñajasũdigo árĩpo. Gajirã Jesu iira querere peedigo árĩpo. Igo Jesu pohro eja ĩḡu guburi pohro merejapo.

<sup>26</sup> Igo judio maso árĩbigu Grecia majago árĩpo. Siro Fenicia árĩyoro igo masa dehyoara maca. Jesu pohro mereja ĩḡure turaro serẽpo:

—Watĩre wiubasaque yu magore, arĩ serẽpo igo Jesure.

<sup>27</sup> Igo eroparĩcũ peegu õpa arĩpu Jesu igure:

—Negohrare wihi opu porã bamũhtaporo. Erã porã ya barire diayeare ocũ ero wabeaa. Israe masa yare gaji yeba majarãre yu omũhtacũ ero wabeaa, arĩpu Jesu igure.

<sup>28</sup> —Eropa ta ãhraa opu. Eropa árĩquerrecũ ta barisubũ árĩcũ erã diayea sã yuhridijarire bacohrema. Gaji yeba majago yu árĩquerrecũ, yu sãre itamuque mũhu, arĩpo igo ĩḡure.

<sup>29</sup> —Mũhu eropa õaro arĩ yuhricũ mũ magore watĩre wiubasatuhabu. Īago waque, arĩpu Jesu igure.

<sup>30</sup> Īḡu eroparĩcũ peego waha, igo ya wihigue eja, igo magore camague oyagore watĩ moogoguere eja ĩapo.

### *Peebigure, wereniguimasibigure õagu wacũ iĩnumi Jesu*

<sup>31</sup> Irisubure Jesu sã Tiro waĩcũri maca pohrogue árĩdigu waha, Sidón waĩcũri macare eja tarigã, Decapoli waĩcũri macare eja tarigã, Galilea waĩcũri ditarugue ejañorã pare.

<sup>32</sup> Eropirã peejabigure, wereniguibigure aĩḡariñorã gajirã Jesu pohrore.  
—Mũ mojoto mera mohmepiñaque ĩḡure, arĩ serẽñorã erã ĩḡure.

<sup>33</sup> Erã eroparĩcũ peegu Jesupu peejabigure aĩḡã, masa marirogue aĩ ejapu. Erã seyaro arĩñorã. Eropigu Jesu ĩḡu mujusĩri mera ĩḡu gamirire pupu. Eropigu ĩḡu disico mera ĩḡu nerore mohmepiñapu.

<sup>34</sup> Eropiituhaja umaro ĩhamuju sã aĩ õpa arĩpu:

—Efata, arĩpu Jesu. Efata mari ya mera “Pãḡũque,” arĩro iiaa. Eropa arĩḡu ĩḡure peedoregu iipu. Eropigu wereniguidoregu iipu.

<sup>35</sup> Īḡu eroparĩcũ ta ĩḡu peejabigu peepu. Īḡu nero niricũ pepigu õaro wereniguinũgapu.

<sup>36</sup> Eropigu Jesu irire ĩanirãre gajirãre weredorebiripu. Eropa weredorebiriquerrecũ, erãpu gajirãre burigã werepehocãñorã.

<sup>37</sup> Eropirã masa pee uca waha õpa arĩñorã:

—Árĩpehreri õaro iimi. Peejabirã sãre õaro peecũ iimi. Wereniguibirã sãre õaro wereniguicũ iimi Jesu, arĩñorã masa.

## 8

### *Cuatro mil masare bari oñumi Jesu*

#### *Mt 15.32-39*

<sup>1</sup> Irisubure daja dipaturi masa bajarã erã gamenerera pũhru, bari moorã erã árĩcũ ĩagu Jesu ĩḡu buherãre sihubeopu:

<sup>2</sup> —Oã masa uhrenu gohra yu mera arĩtuhajama. Erãre bari pehrea waca. Eropigu erãre mojomoro ĩhaa yuhu.

<sup>3</sup> Gajirã erã mera majarã yoarogue arinirã ãhrima. Erã babiriquererã erã ya wirigue dujaacũ gamebirica. Mague warã erã oaboarã turabiribocoma. Eropigu erãre barire odiaca, arĩpu Jesu ĩḡu buherãre.

<sup>4</sup> Īḡu eroparĩcũ ĩḡu buherã ĩḡure arĩñorã:

—¿Duhpii mari õguere masa mariroguere barire bocabocuri erãre ejomorã? arĩñorã Jesu ĩḡu buherãpu.

5 —¿Di núcũ dipuru pan dipuru opari mũa? arĩ serēpipũ Jesu erãre:  
—Siete pan dipuru ãhraa, arĩñorã.

6 Eropigu ïgu masare taa árĩro weca doadorepũ. Tuhajanugu siete pan dipurure aĩ, Goãmũre “Õhaa,” arĩ serēpũ. Eropa arĩ serētuhaja pan dipurure nuha ïgu buherãre ópũ gueredoregũ.

7 Eropirã waigã sãre bajamerãgã opañorã erã. Eropigu waigãre aĩ Goãmũre “Õhaa,” arĩ serē, ïgu buherãre masare gueredorepũ.

8 Masa irire barã yapia wañorã. Erã ba dũharare siete puiri gohra aĩ gameneo ʘjũtu doboñorã. Erã masa cuatro mil gohra árĩñorã.

9-10 Eropiituha Jesu masare goeriserepũ wagũ. Erãre goeriseretuhaja Dalmanuta waĩcũri maca pohrogue waha wapũ.

*Fariseo masa deyoro moariñere ïadiariñuma*

*Mt 16.1-4; Lc 12.54-56*

11 Ero pũhrũ fariseo masa Jesu mera dũyasarã erañorã. Erã Jesure Goãmũ turari mera deyoro moariñere iidoreriñorã. ïgu ii ïhmumasibiricũ ïadiariñorã. ïgu iimasibiricũ “Goãmũ ïgu obeodigu árĩbeamĩ,” arĩdiariñorã.

12 Erã ópa dorecũ peegũ Jesu turaro bujawere siñaja ópa arĩpũ:

—¿Mũa dohpague majarã duhpirã Goãmũ ïgu turari mera deyoro moarire ïadiari? Diaye arãa mũare. Dohpague majarã mũare ne deyoro moarire ii ïhmusome yũhũ, arĩpũ Jesu erãre.

13 Ópa arĩtuha waha dohodirugue ñaja gajipũ masegue waha wapũ ïgu buherã mera.

*Fariseo masa, Herode ya curu majarã sã erã ñeri buherire wereñumi Jesu*

*Mt 16.5-12*

14 Eropa warã panre cãdijiñorã. Dohodiruguere yujuru ta panrure opañorã erã.

15 Eropigu Jesu guhyaro mera werepũ ïgu buherãre:

—Óaro iiqũe. Fariseo masa, Herode ya curu majarã sã erã pan bugacũ iiburire óaro iiqũe. Gũhya ãhraa iri, arĩ werepũ erãre.

16 ïgu fariseo masa sã erã buherire eroparĩcũ pee, ïgu buherãpũ peewisirã irire erã basi wereniguiñorã.

—Mari panre mari aĩgãribiricũ ïagũ eropa arĩcumĩ ïgu, arĩñorã erã basi.

17 Erã eropa arĩrare masigu ópa arĩpũ Jesu erãre:

—¿Duhpirã mũa pan cãdijirare guñari mũa? ¿Mũa masibeari? ¿Peenibeari mũa dohpa? ¿Peediabeari mũa?

18 ¿Cuiricũrã árĩquererã ïabeari mũa? ¿Gamiricũquererã ta peebeari mũa? ¿Mũa yũ iirare guñabeari?

19 ¿Yũ cinco mil ʘmare cinco dipuru panre yũ nuha orare guñabeari mũa? ¿Erã yapi weorare di núcũ puiri pan dipure mũa ʘjũtura puirire aĩari mũa? arĩ serēpipũ Jesu erãre.

—Doce puiri, arĩñorã erã ïgũre.

20 —¿Eropi yũhũ siete pan dipurure cuatro mil masare yũ ora pũhrũ di núcũ puiri ʘjũtura puiri aĩari mũa? arĩpũ Jesu erãre daja.

—Siete puiri, arĩ yũhriñorã erã.

21 —¿Eropa irire ïaquererã ta masibeari mũa dohpa? arĩpũ Jesu erãre.

*Jesu cuiri deyobigure ïacũ iĩñumi*

22 Eropi erã Betsaida waĩcũri macague erã ejacũ ïarã, masapũ cuiri deyobigure aĩgãriñorã.

—Ïgũre mohmepique, arĩ turaro serēñorã erã Jesure.



23 Eropigu Jesu cuiiri deyobigure mojoto ñeha iri maha turogue igure taragãpũ. Aĩ eja igu cuirire purimetupũ disico mera. Eropigu igu mojoto mera igure mohmeripũ.

—¿Mũhũ iacũ dehyori? arĩ serẽpipũ Jesu igure.

24 Igu eroparĩcũ igupũ iagũ õpa arĩpũ:

—Masare ñhaa. Erãre ñaquerecũ erã curicũ yucũ iro dopa dehyoma, arĩpũ igu cuiiri deyobigupũ.

25 Igu eroparĩcũ peegu Jesupũ igu mojotori mera igu cuirire mohmeripũ daja. Igu eropa mohmerira pũhrũ cuiiri deyobigu igu turaro ñacũ õaro deyoyoro pare. Eropigu arĩpehrerire õaro ñapũ igu.

26 Eropigu Jesu igure igu ya wihigue omedijugũ õpa arĩpũ:

—Macague tamerare wabiricãque. Eropigu maca majarãre i yũ iirare gajirãre weresiribiricãque, arĩpũ Jesu igure.

*Jesu igu diaye ta Cristo arĩrire wereñumi Pedro*

*Mt 16.13-20; Lc 9.18-21*

27 Eropi Jesu igu buherã mera Cesarea Filipino waĩcũri maca pohro arĩri macarigue wanemoñorã. Erogue wagũ Jesu serẽpiñapũ igu buherãre:

—¿Nihino arĩcuri yũhũ masa erã yũre pepicũ? arĩ serẽpiñapũ igu.

28 Igu eropa arĩ serẽpiñacũ peerã igu buherã yũhriñorã:

—“Ñu waĩyegũ ãhrimi,” arĩma mũre. Gajirã “Elia ãhrimi,” arĩma. Gajirãpũ “Goãmũ yare weremũhtanirã mera majagũ ãhrimi,” arĩma, arĩ yũhriñorã igu buherã igure.

29 Erã eropa arĩra pũhrũ Jesu serẽpinemopũ erãre:

—¿Mũapũ mũa pepicũ nihino arĩcuri yũhũ? arĩ serẽpipũ.

Pedropũ yũhripũ igure:

—Mũhũ Cristo Goãmũ igu obeodigu ãhraa, arĩ yũhripũ Pedro.

30 Igu eroparĩcũ peegu Jesu õpa arĩpũ:

—Yũre “Cristo ãhrimi igu,” ne arĩ weresiribiricãque gajirãre, arĩpũ erãre.

*Jesu igu sñriburiñere igu masa mũriaburiñe sãre weremũhtañumi*

*Mt 16.21-28; Lc 9.22-27*

31 Eropigu igu erãre buhenugapũ õpa arĩ weregũ:

—Yũhũ masu Goãmũ igu obeodigu ãhraa. Eropigu burigã ñero tarigũca. Yũre eropa ta waro gahmea. Mũrã, pahia oparã, marire buherã sã yũre gamebirã yũre wejẽrãcoma. Erã yũre eropa wejẽquerecũ, uñrenũ pũhrũ masa mũriagũca, arĩpũ Jesu erãre.

32 Eropa arĩgu erã õaro peeboro dopa õaro weregũ iipũ erãre. Igu eroparĩcũ peegu Pedropũ gajipũ ñarigã Jesure aĩgã igure arĩpũ. “Eropa arĩbiricãque,” turaro mera arĩ werepũ.

33 Igu eropa arĩdorebiricũ peegu Jesupũ igu buherãre majinugaja, turipũ Pedrore.

—Satana iro dopa wereniguigu iiaa mũhũ. Eropa arĩbiricãque. Mũ pepiri masa ya ãhraa. Goãmũ ya arĩbeaa, arĩpũ igu Pedrore.

34 Eropa arĩtuha masare igu buherã mera sihubeo õpa arĩpũ:

—Yujugũ yũ mera majagũ arĩdiagũ igu gamero iidarire duhucãgũcumi. Eropigu igu yũ mera majagũ igu arĩri dipuwaja ñero tarigũcumi. Ñero tariqueregũ yahare iiniguicãgũcumi.

35 Yujugũ masu igu ya arĩburi dihtare pepigu igu dederea wagũcumi. Eropigu gajigu yaha arĩburi dihtare iigu, õari buheri sãre iigu, arĩpehrerinũri yũ mera uñmarogue õaro arĩgũcumi.

<sup>36</sup> Yujugũ masũ i yeba majare árĩpehrerire opaquerẽgũ, peamegue wagũ òarire wajatasome.

<sup>37</sup> Eropigũ i yebague opaburi dihtare guñagũ, ìgũ sĩrigũ waburire guñabigũ ìgũ sĩporã mera peamegue dederegũcumi.

<sup>38</sup> Dohpaguere ñerã Goãmũre gamebirã erã ejatuharo iiri árĩro iiaa. Eropirã yujurãyeri yũre, yũ buheri sãre masiquererã “Masibea,” arĩbocoma guhyasĩrirã. Erã eroparĩcũ ìagũ yũ sã erãre guhyasĩrigũ “Erãre masibea,” arĩgũca. Yũhũ masũ Goãmũ ìgũ obeodigũ òarã anyua mera yũ Pagũ gosesiriri mera dujarigũca. Yũ dujarigũ yũ waĩre arĩdia guhyasĩrisãnrãre guhyasĩrisãgũca yũ sã, arĩ werepũ Jesu.

## 9

<sup>1</sup> Eropa arĩtuhaja òpa arĩnemopũ Jesu:

—Diaye arĩgũ tiiãa mũare. Yujurãyeri mũa òguere árĩrã, mũa sĩriboro core Goãmũ ìgũ opũ árĩroguere yũ ñajacũ ìarãca, arĩpũ Jesu.

*Jesu ìgũ dũpũre gohrotoñumi*  
*Mt 17.1-13; Lc 9.28-36*

<sup>2</sup> Eropi seis nũri pũhrũ Jesu Pedrore, Santiagore, ìgũ pagũ magũre Ñure utãgũgue umadigũgue erã dihtare sihu mũriapũ. Ùmarogue erã mũrijara pũhrũ erã ìhabeoro ìgũ dũpũre gohrotopũ.

<sup>3</sup> Eropiro ìgũ suhri gosesiriri suhri òaro boreriñe wayoro. I yeba majarã nome suhri coerã nome ne eropa borerire iimasibeama.

<sup>4</sup> Mata iribojegue majarã Moise mũrũ Elia mũrũ sã dehyoãñorã. Eropirã Jesu, Elia, Moise mera weretamucũ ìãñorã erã wũrerã ìgũ buherã.

<sup>5-6</sup> Eropirã erã bũrigã gũiñorã. Eropa gũigũ dohpa arĩmasibirinijagũ òpa arĩpũ Pedro:

—Opũ, mari ohõ árĩcũ òadiaa. Ùhre wihigã iirã. Mũ ya wihigã, Moise ya wihigã, Elia ya wihigã iirã, arĩpũ ìgũ Jesure.

<sup>7</sup> Eropiro erã weca erãre imica curu cãhmotayoro. Iri eropa cãhmotacũ ta imica curu pohecague Goãmũ ìgũ werenigũiri busũyoro:

—Ìhĩ yũ magũ yũ mahigũ ãhrimi. Peeque ìgũre, arĩri busũro cariyoro.

<sup>8</sup> Eroparĩcũ peerã Pedro sã maji ìarã Moisere, Eliare ìabiriñorã pare. Jesu dihtare ìãñorã.

<sup>9</sup> Eropi utãgũgue erã dijaricũ Jesu erãre werepũ:

—Dohparagã yũre eropa warare gajirãre ne werebircãque. Yũhũ masũ Goãmũ ìgũ obeodigũ yũ sĩri masa mũriara pũhrũ irire gajirãre wereque mũa, arĩ werepũ Jesu.

<sup>10</sup> Eropirã erã ìgũ dorediro dopa werebiriñorã gajirãre. Eropirã erã, erã basi òpa arĩ serẽpi werenigũiñorã:

—“Yũhũ sĩridi masa mũriara pũhrũ,” ìgũ arĩgũ ¿duhpigũ eropa arĩri ìgũ? arĩ werenigũiñorã erã.

<sup>11</sup> Eropirã Jesure òpa arĩ serẽpiñorã:

—Cristo Goãmũ beyedigũ ìgũ ariboro core “Eliare arimũhtaro gahmea,” arĩma masare buherã. ¿Dohpa arĩronore eropa arĩri erã? arĩ serẽpiñorã Jesure ìgũ buherã.

<sup>12-13</sup> Jesu yũhripũ:

—Diaye ta ãhraa. Eliare arimũhtadoremĩ Goãmũ árĩpehrerire amumũhtabure. Ìgũ eropa iiborore arĩ gojayura ãhraa Goãmũ yare gojarapũgue. Yũ sãre arĩ gojayuñuma. Yũhũ masũ Goãmũ ìgũ obeodigũ bajasuburi ñero tarigũca. Gajirã yũre gamebirã yũre ñero iirãcoma. ¿Iri sãre masiri mũa? Eropigũ òpa arĩgũra mũare: Elia eratuhami. Ìgũ eracũ

erã ĩgure erã gamero dopa ñero iima. Iribojegue erã arĩ gojayudiro dopa iima ĩgure, arĩpũ Jesu.

*Jesu majĩgure õagũ iĩñumi*

*Mt 17.14-21; Lc 9.37-43*

<sup>14</sup> Eropi dijari ĩgũ buherã dujanirã pohrogue eja, bajarã masare ĩapũ. ĩgũ buherãpũ judio masare buherã mera game dũyatorã iĩñorã.

<sup>15</sup> Masa Jesure ĩarã árĩpehrerã ĩhamaria wañorã. Eropirã ĩgũ pohrogue omagã ĩgũ pohrogue eja, “¿Ahrari?” arĩñorã ĩgure.

<sup>16</sup> “Ahrabũ,” arĩtuhaja erãre serẽpipũ:

—¿Ñehenore game wereniguirã iari mũa eropa dũyatorã? arĩ serẽpipũ ĩgũ.

<sup>17</sup> ĩgũ serẽpicũ peegũ masa watope niguidigũ werepũ ĩgure:

—Buhegũ, yũ magure watĩ ñajasũdigũre mũre aĩgãrirabũ. Watĩpũ ĩgure wereniguidorebeamĩ.

<sup>18</sup> Yũ magure ĩgũ ñajacũ yebague mehmereja wahami. ĩgũ disirore sumutua, ĩgũ gũcũrire cũridihu buha wamũrami ĩgũ. Eropigũ mũ buherãre watĩre yũ magure ñajadigũre cóãdorerabũ. Erã cóãmasibirama, arĩ werepũ ĩgure.

<sup>19</sup> ĩgũ eroparĩcũ peegũ õpa arĩpũ Jesu masare:

—¿Ne yũre umupeobirigohracãri mũa? Yoari boje mũare buherabũ yũhũ. ¿Dipa boje yũhũ mũare yujuro bojebocuri? ĩgure aĩgãrique, arĩpũ Jesu.

<sup>20</sup> ĩgũ eroparĩcũ peerã watĩ ñajasũdigũre Jesu pohro aĩgãriñorã. Erã Jesu pohro aĩ ejacũ ta watĩpũ ĩgũ majĩgure mehmerejacũ ĩpũ. ĩgũ eropiicũ ĩgũ yebague mehmereja wapũ. Tũru, naragã, buhacũ ĩpũ. Eropiĩ ĩgũ disiro sumutua wapũ. Jesu ĩgũ pagure serẽpipũ:

<sup>21</sup> —¿Dipa boje eropa ahrari ĩgũ? arĩ serẽpipũ Jesu majĩgũ pagure.

—Majĩgũgãgue ta ĩgũ eropa árĩñugami, arĩ yũhripũ ĩgũ pagupũ.

<sup>22</sup> Eropigũ watĩpũ ĩgure peamegue, diague sãre cóãmũririmi ĩgure wejẽdiagũ. Eropigũ mũhũ itamumasigũ mojomoro ĩha itamuque gũare, arĩpũ majĩgũ pagupũ Jesure.

<sup>23</sup> ĩgũ eroparĩcũ peegũ õpa arĩpũ Jesu ĩgure:

—Mũhũ yũre umupeocũ ĩagũ Goãmũ árĩpehrerire ipehocãmasimi mũ yũre arĩburire ĩgũ, arĩpũ Jesu ĩgure.

<sup>24</sup> ĩgũ eroparĩcũ majĩgũ pagũ õpa arĩ gaguiniguiũ:

—Mũre umupeoa yũhũ. Yũ umupeobiricũ ĩagũ itamuque yũre yũhũ mũre umupeoboro dopa, arĩpũ ĩgũ.

<sup>25</sup> Eropiicũ masa bajarã erã pohro omagãriñorã. Erã gamenerecũ ĩagũ Jesu watĩre õpa arĩ turipũ:

—Mũhũ wereniguimasibiricũ iidigũ, gamiri bihadigũ ĩre duhuque. Eropigũ dipaturi ĩgure garibobiricãque, arĩpũ Jesu.

<sup>26</sup> ĩgũ eroparĩcũ peegũ majĩgure ñajadigũ watĩ gaguinigui, majĩgure yebague mehmereja, tũru naragãcũ ĩi duhupũ ĩgure. ĩgũ eropiicũ majĩgupũ sĩrigũ dopa wapũ.

<sup>27</sup> —Ĩgũ sĩria wami, arĩñorã masa bajarã.

Erã eropa arĩquerecũ ta Jesupũ ĩgũ mojtore ñeha ĩgure tara wahgũ nugupũ. ĩgũ tara wahgũ nugucũ wahgãñugajapũ ĩgupũ.

<sup>28</sup> Pũhũ Jesu wihigue ñajajacũ ĩarã ĩgũ buherã erã seyaro serẽpiñorã Jesure:

—¿Duhpirã guapũ majigure watĩ opagũre cóãmasibirayuri mũ pepicũ? arĩ serẽpiñorã erã.

<sup>29</sup> —Ĩno watĩre cóãdiarã burigã Goãmũre serẽro gahmea. Eropirã Goãmũre serẽmorã ba duhuro gahmea mũare, arĩ yũhripũ Jesu erãre.

*Dipaturi ta Jesu ĩgu sĩriburiñere ĩgu masa mũriaburiñe sãre wereñumi*  
*Mt 17.22-23; Lc 9.43-45*

<sup>30</sup> Eropi erogue árĩnirã waha Galilea yebague eja, tarigãñorã. Irisubu Jesu ĩgu buherãre buhegu iipũ. Eropigũ erã warore gajirã masicũ gamebiripũ Jesu.

<sup>31</sup> Erogue ejaqu ĩgu buherãre buherũ. Ōpa arĩ buherũ:

—Yũhũ masũ Goãmũ ĩgu obeodigu ãhraa. Masa yũre ñeha gajirãguere yũre wiarãcoma. Erã wiara pũhrũ yũre wejẽrãcoma erã. Eropa erã wejẽra pũhrũ uhrenũ pũhrũ masa mũriagũca, arĩpũ Jesu.

<sup>32</sup> ĩgu ōpa arĩcũ ōaro peebiriñorã. Eropirã güirã ĩgũre irire serẽpibiriñorã.

*Jesu ĩgu buherãre erã yagu opũ árĩbure wereñumi*

*Mt 18.1-5; Lc 9.46-48*

<sup>33</sup> Eropi erã Capernaumgue ejara pũhrũ wihigue erã árĩcũ Jesupũ serẽpipũ erãre:

—¿Maguere arirã dohpa arĩ dũyaso wereniguirã iiari mũa? arĩ serẽpipũ erãre.

<sup>34</sup> ĩgu eroparĩcũ erã yũhribiriñorã. Mague arirã ōpa arĩ dũyaso wereniguiñorã erã basi:

—¿Nihĩ ãhriri mari árĩpehrerã wecague? arĩ dũyaso wereniguiñorã erã. Eropirã erã eropa arĩrare Jesure werediabiriñorã.

<sup>35</sup> Erã eropa yũhribiricũ ĩagu Jesu doaja ĩgu buherãre sihubeo ōpa arĩpũ:

—Árĩpehrerã wecague opũ árĩdiagũ árĩpehrerã ojogoro majagu árĩro dopa ta erã pohro majagu árĩro gahmea mũare, arĩpũ Jesu erãre.

<sup>36</sup> Eropa arĩgu majigũgãre erã watope duhudobopũ. Duhudobotuha ĩgũgãre aĩ coã ōpa arĩ wererũ:

<sup>37</sup> —Yahare iidiarã, ĩgũgãre bu árĩgũre gamerã yũ sãre gahmea mũa. Mũa eropiirã yũre gamerã, yũre obeodigu Goãmũ sãre gahmea mũa, arĩpũ Jesu erãre.

*Marire ĩhaturibigu árĩgu mari mera majagu ãhrimi, arĩ wereñumi Jesu*  
*Mt 10.42; Lc 9.49-50*

<sup>38</sup> Ero pũhrũ ĩgu buhegu Ñũ ōpa arĩpũ Jesure:

—Buhegu, yujugu mũ waĩ mera watẽare cohã wiucũ gua ĩhabũ. ĩgu mari mera majagu ĩgu árĩbiricũ ĩarã, ĩgũre irire iidorebirimũrabũ gua, arĩpũ ĩgu.

<sup>39</sup> ĩgu eroparĩcũ peegu Jesu erãre wererũ:

—Eropa arĩbita mũa ĩgũre. Yujugu yũ waĩ mera deyoro moarire iigu, pũhrũguere yũre ñero wereniguimasibeami.

<sup>40</sup> Marire ĩhaturibigu árĩgu, ĩgu mari mera majagu ãhrimi.

<sup>41</sup> Mũare diaye ta arãa. Yaharã mũa árĩcũ ĩarã gajirã mũare itamucũ ĩagu Goãmũ erãre ōaro itamugũcumĩ. Yuju coaru mera decore mũare erã tĩacũ merogã árĩquerecũ, erãre ōaro iigũcumĩ Goãmũ erã ōaro iira waja, arĩpũ Jesu.

*Ñerire iicũ gũhya ãhraa, arĩ buheñumi Jesu*  
*Mt 18.6-9; Lc 17.1-2*

<sup>42</sup> Eropigu Jesu majigugãre ïgu basi coã aĩ erãre werenemopu:

—Ïgã yure umupeogugãre weregara muare: Yujugu ïgã iro dopa árĩgure ñerire iidoredigu, ïgu ñetariaro tarigucumi. Gajigure masa ïgure wunugure wuariye utãye mera dirisiu, wuariyague ïgure cóãcũ ñero wabocumi ïgu. Eropigu ïgã dopa árĩgure ñerire iidoredigupu wuariyague erã cóãdigu tauro ñero tarigucumi. Ïgu burigã dipuwaja moasũgucumi.

<sup>43-44</sup> Mũ mojoto mera ñero iigu, iri mojtore mũ tabe cóãbodiropi dopa iri ñerire duhuque. Iri duhubigu peamegue waguca. Eroguere ne peame yaribea. Eropirã beca sã ãjuquererã ne sĩribeama. Mũ mojtore mũ cóãcũ iri dũca dihta cohmoboya. Eropigu mũpu epasi árĩqueregũ ta pũhrũ Goãmu mera árĩgũca. Mũ pe mojoto mera árĩgure peamegue ïgu cóãcũ ñetariaro tarigũca. Eropigu iri ñeri iiripũre duhuque.

<sup>45-46</sup> Mũ guburu mera ñero iigu mũhu iri guburu sãre mũ tabe cóãbodiropi dopa ta iri ñerire duhuque. Iri duhubigu peamegue waguca. Eroguere ne peame yaribea. Eropirã beca ne sĩribeama. Mũ guburure mũ cóãcũ irisi dihta cohmoboya. Eropigu epasi árĩqueregũ ta pũhrũ Goãmu mera árĩgũca. Mũ pe guburu mera árĩgure mũre peamegue cóãcũ mũ ñetariaro tarigũca. Eropigu iri ñeri iiripũre duhuque.

<sup>47-48</sup> Mũ cuiru mera ñero iigu irirure mũ gorawea cóãbodiropi dopa ta iri ñerire duhuque. Iri duhubigu peamegue waguca. Eroguere ne peame yaribea. Eropirã beca sã ne sĩribeama. Mũ cuirure cóãcũ iriru dihta cohmoboya. Yujupu cuiru mariqueregũ ta pũhrũ Goãmu mera árĩgũca. Mũre pe cuiru mera árĩgure peamegue mũre cóãcũ mũ ñetariaro tarigũca. Eropigu iri ñeri iiripũre duhuque.

<sup>49</sup> “I yeba árĩrã ñero tarirãca mũa. Peamegue mari ãjucũ marire pũriropi dopa ta ñero tarirãca mũa.

<sup>50</sup> Moa õaro acaa. Moa acabiricũ usũriropi iimasiya mara. Moa acabiropi iri moa ne õabeaa. Iri moa acabiricũ dohpagohra iimasiya mara. Eropirã moa õaro acaropi dopa mũa suarã árĩque. Eropirã gajirã mera õaro mera árĩque.

## 10

*Erã marasã nomere erã cóãcũ õabeaa, arĩ wereñumi Jesu  
Mt 19.1-12; Lc 16.18*

<sup>1</sup> Eropigu ïgu erogue árĩdigu waha, Judea yeba pohrogue eja, dia Jordán waĩcũriya gajipu masegue ejapu. Eroguere ïgu ejacũ ïarã masa bajarã ïgu pohrogue gamenereñorã daja. Erã gamenerecũ ïagu ero core ïgu buhediro dopa ta dipaturu buhepu daja.

<sup>2</sup> Ïgu eropa buherisuburo fariseo masa erañorã. Jesure ïgu ñero wereniguicũ peediañorã. Eropi peediarã erã Jesure õpa arĩ serẽpiñorã:

—¿Mari maraporo cóãcũ õhari? ¿Moise doreripu eropa ta iidone õabeaa. Iri moa acabiricũ reru mũ pepicũ? arĩ serẽpiñorã.

<sup>3</sup> —¿Dohpa doreyuru Moise muare? arĩ yũhrupu Jesu.

<sup>4</sup> —“Mũ maraporo cóãdiagũ paperapũgue irire gojaque. Eropi gojagu iripũre mũ maraporo otuhajanijagugue igore cóãmasia,” arĩ gojañumi Moise, arĩ yũhriñorã fariseo masa.

<sup>5</sup> Erã eroparicũ peegu õpa arĩ werepu Jesu:

—Mũa ñecu sumarã Goãmu dorerire iidabiricũ ïagu, “Eropa ta wacuraporo,” arĩgu, “Mũa maraporo cóãmasia,” arĩ gojañumi Moise.

<sup>6</sup> Īḡu eropa arī gojara árīquerecũ ta, negohraguere Goãmũ mũa marasã nomere cóãcũ gamebiriñumi. I yebare ìhacũnugugũ Ʃmũ, nomeo sãre iĩñumi.

<sup>7</sup> Eropigũ Ʃmũ ìḡu pagũ sũmarãre cohã wiria ìḡu marapo mera árĩḡucumi.

<sup>8</sup> Eropirã erã perã árīquererã ta, yuju dũpũ iro dopa árĩrãcoma. Eropirã erã perã iro dopa árĩbeama. Yuju dũpũ iro dopa àhrima erã.

<sup>9</sup> Eropirã Goãmũ ìḡu doreri mera mojtodirima. Eropirã game cóãbircãro gahmea erãre, arĩpũ Jesu erãre.

<sup>10</sup> Eropa arĩtuha ìḡu buherã mera wihigue ñajaa wapũ. Wihigue ñajajarã erã marasã nomere cóãrire serẽpinemoñorã daja ìḡu buherã.

<sup>11</sup> Erã eropa serẽpiñacũ ìḡu yũhrĩpũ:

—Īḡu marapore cóãdigũ gajigo mera marapocũḡũ, ìḡu igo gajigo mera ñero iigũ iimĩ.

<sup>12</sup> Eropigo nomeo sã igo marapũre cóãḡo, gajigũ mera marapũcũḡo, ìḡu gajigũ mera ñero iigo àhrimo, arĩpũ Jesu erãre.

*Majirãḡã ya árĩburire Goãmũre serẽbasañumi Jesu*

*Mt 19.13-15; Lc 18.15-17*

<sup>13</sup> Eropi majirãḡãre Jesure mohmepidoremorã erãḡãre Jesu pohrogue aĩ erañorã. Erã eropiicũ ìḡu buherãpũ erãḡãre aĩḡãrirãre bocatĩri turiñorã.

<sup>14</sup> Erã eropa turicũ ìḡu Jesu papũrigũ õpa arĩpũ erãre:

—Eropa ìacãque. Majirã yũ pohrogue ariporo. Waque, arĩbircãque erãḡãre. Erã Goãmũre erã opũre masima. Eropirã Goãmũ ìḡu opũ árĩroguere oãḡã iro dopa pepirã àhrima eroguerẽ.

<sup>15</sup> Diaye arĩḡũ iiaa mũare. Oãḡã Goãmũre gamediro dopa ta mũa Goãmũre gamebirã ìḡu pohrogue wasome mũa. Mũa wabiricũ mũa opũ árĩsome ìḡu, arĩpũ Jesu.

<sup>16</sup> Eropa arĩtuha Jesu majirãḡãre aĩ coãḡũ erãre mohmepi erã õaro árĩburire Goãmũre serẽbasagũ õpa arĩpũ:

—Oãḡã õarã waporõ, arĩ serẽbasapũ Goãmũre.

*Doberi opagũ Jesu mera weretamuñumi*

*Mt 19.16-30; Lc 18.18-30*

<sup>17</sup> Eropi Jesu ìḡu mague wacũ, yujugũ masũ omagã wa ìḡu guburi pohro mereja Jesure serẽpipũ.

—Mũhũ buheḡũ õagũ àhraa. ¿Yũhũ árĩpehrerĩnũri Goãmũ mera árĩdiagũ duhpigũcuri? arĩpũ ìḡu Jesure.

<sup>18</sup> Īḡu eroparĩcũ Jesu ìḡure yũhrĩpũ:

—¿Dohpa arĩronore yũre “Õagũ” arĩ piyuri mũhũ? Goãmũ yujugũ ta õagũ àhrimi.

<sup>19</sup> Īḡu Goãmũ dorerire masia mũhũ. “Masare wejẽbircãque. Gajigũ marapo mera árĩbircãque. Yajabita, ḡuyabita, gajirã yare ḡuya aĩbita, mũ pagũ sũmarãre umupeoque,” ire doremi Goãmũ. I dorerire iro gahmea mũre, arĩ werẽpũ Jesu ìḡure.

<sup>20</sup> —Buheḡũ, irire árĩpehrerire majigũḡãḡue ta tarinũgabirimũribũ yũa, arĩpũ ìḡu Jesure.

<sup>21</sup> Jesu ìḡure ìhamehtu mahipũ. Eropigũ õpa arĩpũ:

—Merõḡã dũhyaa mũre mũ iipehoboro. Árĩpehrerire mũ yare duaque. Eropigũ árĩpehreri mũ wajatarare mojomorocũrãre oque. Mũhũ eropiicũ baja õari Ʃmarõgue Goãmũ pohroguerẽ árĩyuroca. Tuhajanugu yũ mera majagũ árĩbu arĩque, arĩpũ Jesu ìḡure.

22 Wħaro opagu árĩpħ ĩgu. Eropĩgu Jesu ĩgure eroparĩcũ peegu ĩgu oparire mojomorocurãre odiabĩgu, turaro bujawere, suabiri waha wapħ.

23 ĩgu bujawere wacũ ĩagu Jesu majinugaja ĩgu buherãre ĩha õpa arĩpħ:  
—Doberi oparã Goãmũ ĩgu opħ árĩroguere erã wadiacũ diasa ãhraa, arĩpħ erãre.

24 ĩgu eroparĩcũ peerã erãpħ pee ũca waha pee masibiriñorã. Eropa arĩtuha Jesu dipaturi werepħ erãre:

—Yħ acawererã, árĩpehrerã “Yħ gamero yħ opari mera ta õaro tarĩgũca,” arĩ pepirã Goãmũ ĩgu opħ árĩroguere erã wacũ diasataria.

25 Camellopħ awiru gobegãgue ĩgu ñajatariwereadiacũ masiya mara ĩgure. Eropa ta doberi opagu ĩgu Goãmũ mera õaro árĩgu ĩgu opħ árĩroguere ĩgu wacũ diasa ãhraa, arĩ werepħ erãre.

26 ĩgu eroparĩcũ peenijarã ĩhamaria wanijarã, erã basi õpa arĩñorã:

—Yaho. ĩgu arĩro dopa ta diaye árĩcũ ne yjugũ masure taubiribocumi Goãmũ ĩgu pohro wamorãre, arĩñorã erã erã basi.

27 Erã eroparĩcũ peegu Jesu erãre ĩhabeo õpa arĩpħ:

—Masa erã bocatĩuro erã õaro ĩiri mera tarĩmasibeama. Goãmũ pohrogue wamasibeama. Goãmũ dihta masare peamegue wabonĩrãre taumasimi ĩgu pohro wamorãre. ĩgu árĩpehrerire õaro iimasipehocãmi, arĩpħ Jesu erãre.

28 ĩgu eroparĩcũ peegu Pedro ĩgure õpa arĩpħ:

—Peenĩque. Guapħ árĩpehreri għa yare apicãbħ mũ mera wamorã, arĩpħ ĩgu Jesure.

29 ĩgu eroparĩcũ Jesu õpa arĩpħ:

—Diaye arĩgu ĩiaa mũare. Árĩpehrerã õari buherire yaha árĩburire ĩimorã mũa wirire, mũa pagũ porãre, mũa pagũ sumarãre, mũa porãre, mũa poerire apirã wħaro wajatarãca mũa dohpaguere.

30 Eropirã mũa wirire, mũa pagũ porãre, mũa pagosã nomere, mũa porãre, mũa poerire ero core mũa opadiro tauro dohpaguere baja oparãca mũa ñero tarirã árĩquererã. Eropirã gajirã mũare ñero ĩirãcoma. Eropirã pħrũguere árĩpehrerĩnũri Goãmũ mera árĩrãca.

31 Dohpaguere bajarã oparã árĩnĩrã irisubure bu árĩrã dujacãrãcoma. Eropirã dohpaguere bajarã bu árĩnĩrãpħ oparã dujarãcoma daja, arĩ werepħ Jesu erãre.

*Dipaturi Jesu ĩgu sĩriburiñere, ĩgu masa mũriaburiñe sãre wereñumi  
Mt 20.17-19; Lc 18.31-34*

32 Eropi erã mague majaa, Jerusalengue majarã ĩĩñorã. Jesu erã coregã mũhtapħ. ĩgu eropa mũhtacũ ĩarã ĩgu buherã ĩha ũca wañorã. Eropirã erã pħrũ mũrũsĩarãpħ gũiro mera ĩgure mũrũsiañorã. Eropĩgu Jesu doce ĩgu buherã seyarore sihubeo, masa ĩgure ĩiburire werenũgapħ daja erãre.

33 —Peeque yũre. Dohpaguere Jerusalengue warã ĩiaa mari. Eroque masa yħ masure Goãmũ ĩgu obeodĩgure yũre ñeha, pahia oparãre, judio masare buherã sãre yũre orãcoma. Eropirã yũre wejẽdorerãcoma erã. Eropa wejẽdorerã judio masa árĩbirãre orãcoma yũre.

34 Erã eropa ora pħrũ erã yũre wereya, disico ehosũ tãrarãcoma. Tuhaja yũre wejẽrãcoma. Eropĩgu yħ sĩrĩra pħrũ ũhrenũ pħrũ masa mũriagũca, arĩ werepħ Jesu.

*Santiago, Ñũ mera Jesure serẽñuma  
Mt 20.20-28*

35 Eropi Santiago, Ñu mera Jesu pohrogã ejarã erã gamerire serẽñorã ïgure. Erã Zebedeo porã árĩñorã. Eropirã õpa arĩñorã:

—Buhegu, gũa serẽro dopa ta guare iique mũa, arĩñorã erã Jesure.

36 —¿Yũhũ duhpiicũ gahmeri mũa? arĩpũ Jesu erãre.

37 —Mũa arĩpehrerã wecague opũ árĩgũ guare mũ waĩ mera dorerã acuque. Yujugure mũ diayerũ, gajigure copũ doboque guare. Mũ mera oparã gũa árĩboro dopa iique, arĩ serẽñorã erã Jesure.

38 Erã eroparĩcũ peegu õpa arĩ werepũ Jesu:

—Mũa ñero tariborore masibiriquererã õpa arĩ serẽa mũa yure. ¿Dohpaguere yũ ñero tariboro dopa ta mũa sã ñero tarirã yujuro bojebocuri mũa? ¿Yure erã ñero iiboro dopa mũa sãre ñero iicũ yujuro bojemasibocuri mũa? arĩ serẽpipũ Jesu erãre.

39 —Yujuro bojerãca, arĩ yũhriñorã.

Erã eroparĩcũ Jesu õpa arĩ werepũ:

—Yũ ñero tariboro dopa ta mũa sã ñero tarirãca.

40 Eropa mũa tarimorã árĩquerecũ ta, yũ mera doremorãre beyemasi-beaa yũhũ. Irire yũhũ Pagũ amutuhami. Eropirã ïgũ beyenirã dihta yũ diayerũ yũ copũ doarãcoma, arĩpũ Jesu.

41 Santiago, Ñu sã erã oparã árĩburire Jesure serẽcũ gajirã diez buherã peerã, erã mera guañorã.

42 Erã eropa guacũ ïagũ, Jesu ïgũ buherãre sihu gameneo õpa arĩpũ:

—Goãmure masibirã oparãpũ erã masare dorerã, pũriro mera dorema.

43 Mũapũ ne eropa iisome mũa basi. Mũa mera majagũ opũ árĩdiagũ, árĩpehrerã ïgũ mera majarãre itamugũ árĩporo.

44 Eropigũ árĩpehrerãre doregũ árĩdiagũ, erã pohro majagũ árĩro dopa ta árĩporo.

45 Eropa árĩgũ tiiaa yũ sã. Masare dorebiragũ arigũ iibiribũ. Yũhũ masũ Goãmũ ïgũ obeodigũ árĩqueregũ ta, i yebaguere masare itamugũ arigũ iibũ. Eropigũ masa bajarã erã ñero iira dipuwajare sĩribasagũ arigũ iibũ. Eropigũ erã peamegue wabonirãre taugũ arigũ iibũ, arĩpũ Jesu erãre.

### *Bartimeore, cuiiri ïhajabigũre ïacũ iĩñumi Jesu*

*Mt 20.29-34; Lc 18.35-43*

46 Eropi erã Jericógue ejañorã. Eropirã iri macague árĩnirã Jesu ïgũ buherã masa bajarã mera wañorã. Jesu wari maha tũrogue yujugũ masũ cuiiri ïhajabigũ doapũ. ïgũ Bartimeo waĩcũgũ Timeo magũ árĩpũ. ïgũ ma tũrogue doagũ umũri nucũ masare niyerure serẽmũripũ.

47 Eropigũ ero doanijagũ masa “Jesu Nazare majagũ ahrimi,” erã arĩcũ peepũ. Eropa peenijagũ õpa arĩ gaguiniguiipũ:

—Jesu, opũ Davi mũrũ pãrami masare taubu mojomoro ïaque yure, arĩ gaguiniguiipũ Jesure.

48 ïgũ eropa arĩ gaguiniguiicũ peerã masa bajarã Bartimeore “Ejarimaricãque,” arĩ turiñorã. Erã eropa arĩ turiquerecũ, ïgũpũ ïgũ ero core ïgũ gaguiniguidiro tauro gaguiniguiipũ daja.

—Jesu, opũ Davi mũrũ pãrami masare taubu mojomoro ïaque yure, arĩ gaguiniguiipũ daja.

49 ïgũ eroparĩcũ peegu Jesupũ dujanũgaja:

—Sihubeoque ïgure, arĩpũ. ïgũ eroparĩcũ peerã erãpũ ïgũ cuiiri ïhajabigũre sihgũñorã.

—Mucubirique. Wahgãnũgajaque. ïgũ mũre sihumi, arĩñorã erã ïgure Bartimeore.



<sup>50</sup> Erã eroparĩcũ peegu ïgu omasiariñere tuweapi, buhri tarimagã Jesu pohrogue ejanugajapu.

<sup>51</sup> Eropigu Jesu serẽpipu ïgure:

—¿Dohpa yũhũ mure iicũ gahmeri mũhũ? arĩ serẽpipu Jesu ïgure.

—Yũ opu, yũre cuiiri ïacũ iique, arĩpu ïgu cuiiri ïhajabigupu.

<sup>52</sup> —Mũ yũre umupeonijagu õagu wahaa. Eropigu wanisa, arĩpu Jesu ïgure.

Ïgu eroparĩcũ ta cuiiri ïhajabigu õaro ïha wapu. Õagu wanijagu Jesu mera mague nũrusia wahgã wapu.

## 11

### *Jerusaléngue ejañumi Jesu*

*Mt 21.1-11; Lc 19.28-40; Jn 12.12-19*

<sup>1</sup> Eropii erã Jerusaléngue ejaboro coregã, Betfagé maca pohrogã, Betania maca pohrogã ejamũhtañorã. Iri macari utãgu Olivo waĩcudigu gubuye arĩyoro. Erogue ejagu perãre ïgu buherãre Jesu obeogu õpa arĩpu:

<sup>2</sup> —Si macague waque. Erogue ejarã mata burrogãre erã dirinugudigugãre bocajarãca. Gajirã erã peyaya marigu arĩcumi. Ïgure boca ja ïgure diriradarire pãa yũre aĩgãribasaque.

<sup>3</sup> Mũa eropiicũ ïagu burrogã opu “¿Duhpimorã burrogãre pãri?” ïgu arĩcũ peerã õpa arĩ yũhrique ïgure: “Mari tĩgu burrogãre gamebeoniami dohpa. Eropigu dohparagã wiagucumi ïgure,” arĩ wereque ïgure, arĩ weredore obeopu ïgu buherã perãre.

<sup>4</sup> Ïgu dorebeonirã waha, wihi pohro arĩri mare burrogãre disiporo erã dirinugudigugãre bocajañorã. Bocaja ïgure erã diriradarire pãñorã.

<sup>5</sup> Eropirã ïgure erã pãcũ ïarã ero niguinirã serẽpiñorã:

—¿Duhpimorã mũa diriradarire pãri burrogãre? arĩ serẽpiñorã.

<sup>6</sup> Erã eroparĩcũ peerã erãpu Jesu ïgu arĩdiro dopa ta wereñorã erãre serẽpirãre. Erã eropa arĩ werecũ peerã erã ero niguinirãpu “Aĩgãque,” arĩñorã erãre.

<sup>7</sup> Eropirã erã burrogãre Jesu pohrogue aĩgã wañorã. Erã aĩ ejara pũhrũ suhri ïgugã weca erã peotuhacũ ïagu Jesupu ïgugã wecague mũribejapu wabu.

<sup>8</sup> Eropirã masa bajarã erã peyari suhrire tuwea aĩ ïgu wari maha deco sãopi mũhtañorã Jesure umupeorã. Gajirãpu pũricũri dũpũrire poerigue erã aĩgãrira dũpũrire apimũhtañorã “Õari maha arĩporo,” arĩrã.

<sup>9</sup> Eropirã ïgu core warã, ïgu pũhrũ arirã sã õpa arĩ gaguiniñorã:

—Ïre umupeorã. Ihĩ Goãmũ ïgu obeodigu õaro ariporo.

<sup>10</sup> Mari ñecũ Davi mũrũ opu ïgu arĩdiro dopa ta õaro ariporo. “Umaro majagu turagu ãhrimi,” arĩ umupeorã, arĩ gaguiniguiñorã erã.

<sup>11</sup> Eropigu Jesu Jerusaléngue ejapu. Ejagu Goãmũ ya wihigue ñajajagu, iri wihi majare arĩpehrerire ïapehocãpu. Ïatuhaja “Ñamicague ãhraa. U mũñarigã ta ãhraa. Ina warã,” arĩpu Jesu. Ïgu buherã mera Betaniague waha wañorã.

### *Jesu higuera gu waĩcudigure sãridoreñumi*

*Mt 21.18-19*

<sup>12</sup> Eropi gajinu erã Betaniague arĩnirã Jerusaléngue dujariñorã daja. Eropa dujaricũ Jesupu oaboa wapu. Eropa oaboagu yoarogue niguidigure higuera gu õaro pũricudigure ïanijagu irigu dũcare amagu waripu.

<sup>13</sup> Dũca mariyoro. Dũcacũrisubu arĩbiriya. Pũri dihta opayoro.

14 Eropigu dũca maricũ ĩagu õpa arĩpũ:  
—Irigũ dũcare masa ne dipaturi babiricãporo. Ne dũcacũbiricãporo, arĩpũ Jesu.

Ĩgu eroparĩcũ ĩgu buherãpũ peeñorã.

*Jesu Goãmũ wihire Goãmũ mera wereniguiri wihire iidoreñumi*

*Mt 21.12-17; Lc 19.45-48; Jn 2.13-22*

15 ĩgu eropiira pũhrũ erã Jerusaléngue erañorã. Eragũ Jesu Goãmũ ya wihigue ñajapũ daja. Ñajajagu doberi duarãre, asũrãre bocajagu cohã wiucãpũ. Eropigu niyerure game gohroto doarã ya mesarire yomemuju aĩ mehpi behomãripũ. Bujare duarã erã doari pẽrori sãre eropa ta iipũ.

16 Eropigu Jesu Goãmũ wihiguere gajinore aĩ ñajadorebiripũ masare.

17 Eropigu Jesu õpa arĩ buhepũ erãre:

—Õpa ãhraa Goãmũ yare erã gojarapũgue: “Yaha wihi Goãmũ mera wereniguiri wihi waĩcũroca. Eropiro árĩpehrero majarãgue yũ mera erã wereniguiri wihi árĩroca,” arĩ gojañuma Goãmũ wereniguirire. Goãmũ eropa arĩquerecũ ta, mũapũ i wihire Goãmũ wihire duadoarã bu game yajarã iiaa, arĩpũ Jesu erãre.

18 ĩgu eropa arĩ buhecũ árĩpehrerã masapũ pee mũcapehrea wañorã. Eropirã pahia oparã, judio masare buherã mera ĩgure gũĩ árĩñorã. Eropirã erã ĩgure wejẽburire guñamaañorã.

19 Erã eropiicũ ñamicague Jesu ĩgu buherã mera iri maca árĩnirã waha wañorã.

*Higueragu sĩria wayoro*

*Mt 21.20-22*

20 Eropirã boyo dijaricũ mague majarirã higueragure ĩañorã daja. Irigu nugurigue sĩrinũga sĩriadigu árĩcũ ĩañorã.

21 Irigure ĩagu Pedropũ õpa arĩpũ:

—Buhegu, ĩaque. Irigu higueragupũ mũ sĩridoredigupũ sĩria waya, arĩpũ Pedro.

22 ĩgu eroparĩcũ Jesu werepũ erãre:

—Goãmũre umupeoturaque mũa.

23 Diaye arĩgu tiiaa mũare. Mũa Goãmũre õaro umupeori mera irigu mũtãgure “Dua aĩ mũariyague cóadigu árĩporo,” mũa Goãmũre arĩcũ, mũa arĩdiro dopa ta waroca. “Yũ serẽro dopa diaye ta eropa iigũcumĩ,” mũa arĩ guñacũ, “Goãmũ iisome,” arĩbiricũ, mũa serẽdiro dopa ta Goãmũ iigũcumĩ.

24 Eropigu irire weregura mũare. Goãmũ mera wereniguirã, ĩgure serẽrã, “Yũ serẽro dopa ta eropa waroca yũre,” arĩ guñaque. Mũa eropiicũ ĩagu Goãmũ mũa serẽrire ogũcumĩ.

25 Eropirã Goãmũre mũa serẽboro core gajirãre erã mũare erã ñero iirare cãdijique. Gajirã erã ñero iicũ mũa guarare duhuque. Mũa eropiicũ ĩagu mari Pagũ mũamaro majagu mũa ñero iirare ĩgu sã cãdijigũcumĩ.

26 Mũare ñero iirare mũa cãdijibiricũ ĩgu sã mũa ñero iirare cãdijisome, arĩpũ Jesu erãre.

*Jesure doredigure ĩgure serẽpiñuma pahia oparã, judio masare buherã, mũrã mera*

*Mt 21.23-27; Lc 20.1-8*

27 ĩgu eropa arĩra pũhrũ erã Jerusaléngue wañorã daja. Eropirã Jesu Goãmũ wihigue ĩgu curicũ ĩarã, pahia oparã, judio masare buherã, mũrã mera ĩgu pohrogue erarã ĩgure serẽpiñorã:

28 —¿Noa doreri mera irinore iigu iiri mũhũ? ¿Noa mũre Goãmũ wihi duanirãre cóadoreari? arĩ serẽpiñorã erã Jesure.

29 Erã eroparĩcũ Jesu yũhripũ:

—Mũapũre serẽpimũhtagũra. Õaro mũa yũhricũ yũ sã mũare yũhrigũra.

30 ¿Ñũ masare ïgũ waĩyecũ noano ïgũre waĩyedoremũriyuri mũa pepicũ? ¿O Goãmũ doreyuri? ¿O masapũ doremũriyuri mũa pepicũ? Yũre wereque, arĩpũ Jesu erãre.

31 ïgũ eroparĩcũ peerã erãpũ erã basi game õpa arĩ wereniguiñorã:

—¿Dohpa arĩ yũhrirãcuri mari? “Goãmũ Ñũre doredigu árĩñumi,” mari arĩcũ, “¿Goãmũ Ñũre ïgũ dorequerecũ ta duhpirã ïgũ wererare peebirari mũapũ?” arĩbocumi Jesu marire.

32 Oã masapũ “Diaye ta Ñũ Goãmũ yare weremũhtadigu árĩmi,” arĩ pepima erã. Erã eropa pepirã, “Ñũ ïgũ waĩyecũ Goãmũpũ ïgũre doredigu árĩbiriñumi,” mari arĩcũ, masapũ mari mera guarãcoma, arĩñorã erã basi.

33 Eropirã erã Jesure õpa arĩ yũhriñorã:

—Ñũre waĩyedoredigũre gũa masibea, arĩñorã erã Jesure.

Erã eroparĩcũ õpa arĩpũ Jesu.

—Irisubu tamerare yũ sã mũa serẽpirare werebeaa mũare. Yũ iirire iidoredigũre werebeaa mũare, arĩpũ Jesu erãre.

## 12

*Ñerã mohme corerã iira queorire wereñumi Jesu buhebu*

*Mt 21.33-46; Lc 20.9-19*

1 Eropi Jesu queori mera buhenũgapũ daja erãre.

—Yeba opũ árĩñumi. Iri yebare ïgũ ya iguidarire oteñumi. Otetuha sãrĩrore nugu, iguire erã cũhra bujuburi gobere seañumi. Pohe decogue umari wihigã sãre iĩñumi ïhadibuma õaro. Eropigũ gajirãre ïgũ ya pohe deco mera apiñumi erã mohme corera waja. Eropigũ iri pohere erãre mohme coredoretuhaja gaji yebague waha wañumi ïgũ.

2 Pũhrũ igui ñirisubu arĩcũ pohe opũ ïgũ pohro majagũre ïgũ ya pohe mohme corerã pohrogue obeoriñumi. Pohe maja ïgũ ya oteri dũcare ïgũ ya sero maja dũcare aĩdoregũ obeoriñumi ïgũre.

3 Eropirã pohere mohme corerãpũ ïgũ pohro majagũre ñeha pañuma. Eropiituha ïgũ ya igui tõrĩre obiriquererã dujadoreñuma ïgũre.

4 Eropigũ pohe opũ gajigũ ïgũ pohro majagũre obeoriñumi daja. Eropirã pohere mohme corerãpũ ïgũre ïgũ dipurure cami moa ñero iĩñuma ïgũ sãre.

5 Gajigũ ïgũ pohro majagũre obeocũ ïgũpũre wejẽcãñuma. Gajirã sãre bajarãre eropa dihta iĩñuma. Gajirãre pa gajirãre wejẽñuma erã.

6 Eropigũ pohe opũ magũ dihta dũhyañumi. ïgũ ta ïgũ magũ ïgũ mahigũ árĩñumi. Eropigũ ïgũ magũre obeoñumi pare erã pohrogue, “Yũ magũpũre umupeorãcoma,” arĩgũ.

7 ïgũ õpa arĩ pepiquerẽcũ, erã pohere corerãpũ ïgũ magũ aricũ ïha, õpa arĩ wereniguiñuma: “Pohe opũ magũ aħrimi. ïgũre wejẽcãrã mari. Eropiro i pohe mari ya pohe dujaroca,” arĩ wereniguiñuma erã erã basi.

8 Eropã arĩrã ïgũre ñeha wejẽ, pohe tũrogue aĩgã cóãcãñuma erã ïgũre, arĩpũ Jesu erãre.

Eropa arĩtuhaja Jesu erãre serẽpipũ:

9 —Ne, ¿pohe opu dujarigu dohpa iigucuri igu ya pohere mohme coreräre? arĩpu Jesu. Opa iigucumi eräre, arĩpu. Igu eräre wejê gajirãpure pohere mohmedoregucumi, arĩpu Jesu eräre.

10-11 ¿Goãmũ yare erã gojarapũgue opa arĩrire irire buhebiriri mũa? Opa arĩ gojañuma:

Ihĩ Cristo utãye iro dopa añhrimi. Masa Cristore gamebirãcoma. Erã gamebiriqerrecũ Goãmũ igure beye opu acumi. Goãmũpu ire iimi. Igu eropa iicũ ãarã “Oataria,” arĩ pepia mari, arĩ gojañuma iribojeguerẽ.

¿Irire ne buhebiriri mũa? arĩpu Jesu eräre.

12 Igu eroparĩcũ peerã pahia oparã, judio masare buherã, murã mera opa arĩ pepiñorã: “Jesu i queorire weregu ‘Erã ñerã mohme corerã iro dopa añhrima,’ marire arĩ weresãgu iicumĩ,” arĩ pepiñorã. Eropã arĩ pepirã Jesure ñeadiarĩnorã. Eropã ñeadiaquererã, masapu Jesure gamerã mari mera guari, arĩrã masare güi arĩñorã. Eropã güirã igure cohãgã wañorã.

*Fariseo masa, Herode ya curu majarã mera gobierno maja wajayerire serẽpiñuma Jesure*

*Mt 22.15-22; Lc 20.20-26*

13 Waha, erã mera majarãre yujurãyerire fariseo masare, Herode ya curu majarã sãre Jesure serẽpiñadore oboñorã daja. Erã Jesure baja serẽpiri mera igu gajiropa yuhricũ weresãmorã iiriñorã.

14 Eropirã Jesu pohro eja igure serẽpiñorã:

—Buhegu, diaye mu wereniguigu guyarĩ marigu mu arĩcũ masia guã. Eropigu opu arĩcũ sãre bu arĩgu igu arĩcũ sãre muhu yujuropa ihaa. Eropigu Goãmũ yare diaye muhu werea. Masa suacũ sãre erã suabiricũ sãre queoro werea. Eropigu guare wereque: ¿Roma majagu arĩpehrerã tauro opu arĩgure, gobierno majare marire wajayero gahmeri mu pepicũ? ¿Mari doreripu wajayedoreri mu pepicũ? arĩ serẽpiñorã erã Jesure.

15 Erã eropa arĩ serẽpicũ peegu erã guyarire erã ñero iidiarire masigu opa arĩ yuhripu eräre:

—¿Duhpirã yu ñero wereniguicũ peediari mũa? Dohparagã niyerusere aĩgãrique irisere ãamorã, arĩpu Jesu eräre.

16 Igu eroparĩcũ peerã yujuse niyerusere aĩgãriñorã. Erã irisere aĩ eracũ ãagu Jesu serẽpiru eräre:

—¿Nihino gohra masu tuhyari isere? ¿Noa waĩ tuhyari isere? arĩ serẽpiru igu.

—César waĩcugu masa tauro opu masu igu waĩ sã tuhyaa irisegue, arĩ yuhriñorã erã.

17 Erã eroparĩcũ Jesu werepu eräre:

—Irisubu tamerare masa tauro opu arĩgu yare igure oque. Goãmũ yare Goãmũpure oque, arĩpu Jesu. Igu eroparĩcũ pee uca wañorã.

*Saduceo masa Goãmũ igu sĩrinirã masurire serẽpiñuma Jesure*

*Mt 22.23-33; Lc 20.27-40*

18 Eropi yujurãyeri Saduceo masa Jesu pohroguere erañorã. Saduceo masapu “Goãmũ sĩrinirãre masusome,” arĩ pepirã arĩñorã.

19 Eropirã erã opa arĩñorã Jesure:

—Buhegu, marire opa arĩ gojadigu arĩmi Moise: “Yujugu igu tĩgu marapocugu porã mariqueregu igu sĩricũ ãagu, igu pagu magure igu tĩgu marapo arĩdigore marapocuro gahmea. Eropigu igu tĩgu muru igu tĩgu

ĩgu porãcubodiro dopa ta porãcuro gahmea ĩgu pagu magure. Eropirã ĩgu tĩgu mũru porã iro dopa árĩrãcoma,” arĩdi arĩmi Moise, arĩñorã.

<sup>20</sup> Ire erã arĩtuhaja i queorire werenemoñorã Jesure.

—Yujugu porã siete arĩñorã. Eropii erã tĩgupu marapocu, porã marĩgu ta sĩria wapu.

<sup>21</sup> Eropĩgu gajĩgu ĩgu pagu magu sã ĩgu tĩgu mũru marapo árĩdigore marapocupu. ĩgu eropa marapocura pũru ĩgu sã ĩgu tĩgu mũru iro dopa ta porã mariqueregu ta sĩria wapu. Eropĩgu ĩgu pagu magu ĩgu ĩgu mũru iro dopa porã mariqueregu ta sĩria wapu.

<sup>22</sup> Eropa dihta wañorã yujugu porã. Ne porã mariquererã sĩripehrea wañorã. Erã marapo sã erã pũru sĩria wapo pare, erã arĩtuhaja Jesure serẽpiñañorã.

<sup>23</sup> ¿Ne, Goãmu árĩpeherrerã sĩrinirãre ĩgu masucũ nihino marapo gohra árĩgocuri igo? Erã árĩpeherrerã igore marapocunirã arĩñorã. ¿Eropigo nihino marapopu árĩgocuri igo? arĩ serẽpiñorã erã Jesure.

<sup>24</sup> Jesu yũripu erãre:

—Goãmu yare erã gojarapũ wereniguirire ne masibea mũa. Eropirã Goãmu ĩgu turari sãre ne masibea mũa, arĩpu Jesu. Eropiro mũa pepiripu diaye árĩbea.

<sup>25</sup> Sĩrinirã mũra erã masa mũriara pũru erã anyua iro dopa ãhrima. Erã uma nome mera marapocubeama erogure.

<sup>26</sup> Sĩrinirã erã masa mũriaboropure mũare weregura, arĩpu Jesu. Irire Moise ñaro werepehocãñumi. Iri yucugugãgue ñjũrisubu árĩgu Goãmu ñpa wereñumi Moiserẽ: “Yũhu Abrahã, Isaa, Jacobo, erã opu ãhraa,” arĩ wereñumi Goãmu iribojegue.

<sup>27</sup> Erã sĩrira pũrugue “Erã opu ta ãhraa,” arĩ wereñumi Goãmu. Eropirã erã sĩrinirã mũra ĩgu masunirã árĩrã erã ojocarirã ãhrima. Eropirã “Sĩrinirã masasome,” arĩ pepirã diaye pepibea mũa, arĩpu Jesu erãre.

### *Õatariariñere doreriñere wereñumi Jesu*

#### *Mt 22.34-40*

<sup>28</sup> Eropĩgu yujugu judio masa erã buherã mera majagu erã pohrogue eraa, erã game wereniguicũ peepu. Jesu ĩgu ñaro yũhririre peegu serẽpipu ĩgure.

—¿Goãmu ya doreri õatariaro doreripu diñe doreripu ãhriri mũ pepicũre? arĩ serẽpipu ĩgu Jesure.

<sup>29</sup> Jesu ĩgure yũripu:

—Iñe doreriñe õatariariñe ñpa ãhraa. “Israe masa peeque. Goãmu mari Opu yujugu ta ãhrimi.

<sup>30</sup> Bũrigã mũa sĩporã mera, mũa turari mera, mũa ñaro guñari mera Goãmure mũa Opu mahique,” arĩmi Goãmu.

<sup>31</sup> Iñe doreriñe pũru gajĩ doreriñe sã õataria. “Mũ basi mahiro dopa ta mũ pohro árĩrã sãre mahique,” arĩmi Goãmu. Iri pe doreri ta árĩpeherrerĩ gajĩ doreri tauro ãhraa, arĩ werepu Jesu ĩgure.

<sup>32</sup> ĩgu eroparĩcũ judio masare buhegu ñpa arĩ yũripu:

—Eropa ta ãhraa, buhegu. Diaye ta arãa mũhu. Goãmu yujugu ta ãhrimi. Gajĩgu ĩgu iro dopa árĩgu marimi. Mũ arĩri diaye ta ãhraa. Goãmure turaro mari sĩporã mera, mari turari mera, mari pepiri mera, mari ñaro guñari mera ĩgure mahiro gahmea. Mari pohro árĩrãre mari basi mari mahiro dopa ta, erã sãre mahiro gahmea marire.

<sup>33</sup> Mari Goãmure umupeomorã waimurã wejẽ soemujucũ ñapũrica. I tauro Goãmure masa sãre mari mahicũ õataria, arĩpu ĩgu Jesure.

<sup>34</sup> Īgũ pee masiri mera yũhricũ ĩha Jesu ĩgũre arĩpũ:  
—Merogã duhyaa mũre Goãmũ mũ opũre mũ masiboro, arĩpũ Jesu ĩgũre.

Īgũre eroparĩcũ gajirã peerã ĩgũre gũirã serẽpinemodiabiriñorã pare.

*¿Noano acaweregũ ãhriri Cristo? serẽpi ĩañumi Jesu masare  
Mt 22.41-46; Lc 20.41-44*

<sup>35</sup> Eropigũ Goãmũ wihigue buhegũ õpa arĩpũ Jesu:  
—“Cristo Davi mũrũ pãrami arigũcumĩ,” arĩ buhema marire buherã.  
¿Duhpirã eropa arĩ buheri erã? Erã õaro masiboro duhyania erãre dohpa.

<sup>36</sup> Davi ĩgũ basi Espĩritu Santo ĩgũre dorero dopa ta õpa arĩ wereñumi:  
Goãmũ yũ opũre õpa arãmi. “Ohõ yũ diayerũ yũ mera dorebu doaque.  
Eropigũ mũre ĩhaturirãre mũre tarinũgabasagũca yũhũ,” arĩmi  
Goãmũ yũ opũre, arĩ gojañumi Davi mũrũ.

<sup>37</sup> Eropa arĩ gojagũ Davi mũrũ opũcũpũ Cristore “Yũ opũ,” arĩgũ. Cristo  
Davi mũrũ opũ ãhrimi. Eropigũ Davi mũrũ Cristo ñecũ arĩqueregũ  
opũcũñumi Cristore, arĩ werepũ Jesu.

Īgũ eropa arĩ buhecũ bajarã masa mucubiriri mera peeñorã ĩgũre.

*Jesu masare buherã erã ñero iirire wereñumi  
Mt 23.1-36; Lc 11.37-54; 20.45-47*

<sup>38</sup> Eropigũ ĩgũ buhenemogũ õpa arĩpũ:  
—Masare buherã erã ñero iirire õaro ĩaque. Eropirã erã iiro dopa  
iibiricãque. Erã yoari suhri saña erã masa erã ĩhabeoro cuhrima. Doberi  
duarogue gajirã umupeori mera erãre bocatĩri serẽcũ gahmema erã.

<sup>39</sup> Eropirã mari buheri wiriguere õari doari dihtare doadiama. Eropirã  
bosenũri arĩcũ sãre oparã erã doari dihtare gahmema erã.

<sup>40</sup> Eropirã erã wapeweyarã nome erã wajamocũ ĩha erã ya wirire  
emacãma erã nomere. Eropa erãre mojomoro ĩabiriquererã erã masa  
ĩhurore yoari boje Goãmũre serẽma, “Gũa Goãmũre õaro umupeoa,” arĩ  
gũyarã. Erã eropa iira dipuwaja gajirã tauro dipuwaja moagũcumĩ erãre,  
arĩpũ Jesu erãre.

*Wapeweyo Goãmũre igo apirare wereñumi Jesu  
Lc 21.1-4*

<sup>41</sup> Eropigũ Jesu Goãmũ wihi maja erã amuburi niyeru gameneori  
comoro pohro doapũ. Ero masa erã niyeru sãcũ ĩapũ. Doberi oparã iri  
comorogue niyeru pagari sãa tari wahgãmũriñorã.

<sup>42</sup> Eropigo wapeweyo bũro iri comorogue ahri pesegã sãpo. Pese yuju  
centavo maja ãhraa.

<sup>43</sup> Iriserire igo apicũ ĩagũ Jesu ĩgũ buherãre sihubeo arĩpũ:

—Diaye arĩgũ iiaa mũare. Igo wapeweyo mojomorocũgo niyeru sãri  
comorogue igo yare sãgo gajirã arĩpehrerã erã sãdiro tauro sãmo igo.

<sup>44</sup> Gajirã doberi oparã erã wũaro oquerecũ ta erã ya wũaro duhyaa.  
Igorũ mojomorocũgo arĩquerego ta, arĩpehreri igo bari asũborare Goãmũ  
ya arĩburire opehocãmo, arĩpũ Jesu.

## 13

*—Goãmũ wihi cóãsũroca, arĩ yuñumi Jesu  
Mt 24.1-2; Lc 21.5-6*

<sup>1</sup> Eropigũ Goãmũ wihiguere erã wiriacũ ĩagũ yujugũ erã buherã mera  
majagũ õpa arĩpũ:

—Buhegũ, ĩaque. I wihi Goãmũ wihi maja wiri utã mera erã iira wiri õari wiri ãhraa, arĩpũ ĩgũ.

<sup>2</sup> ĩgũ eroparĩcũ Jesu werepũ erãre:

—I wihi maja wiri dohpaguere ĩaraa mũa. I wihi árĩpehreri mari ĩara i utã sã cohmopehrea waroca. Ne yujuye utãye dujasome iri wiri maja, arĩpũ Jesu.

*I mũmũ pehrebore wereñumi*

*Mt 24.3-28; Lc 21.7-24; 17.22-24*

<sup>3</sup> Eropi Jesu Olivo waĩcudigũ utãgũgue Goãmũ wihi diaye maja árĩdigũgue ejarũ. Ero doapũ. Ero Pedro, Santiago, Ñu, Andre mera erã seyaro árĩrã, erã ĩgũre serẽpiñorã:

<sup>4</sup> —Wereque gũare. ¿Dohpárĩcũ eropa warocuri mũ arĩdiro dopa waro? ¿Pehreburinũ coregãre dohpa wanũgacũ ĩarãcuri gũa? arĩ serẽpiñorã erã Jesure.

<sup>5</sup> Jesu yũhripũ:

—Õaro ii yuque mũa. Eropirã gajirã erã gũyarire peebiricãque mũa.

<sup>6</sup> Bajarã masa “Cristo ãhraa yũhũ,” arĩ gũyarã árĩrãcoma. Erã eropa gũyacũ peerã masa bajarã Goãmũ yare duhurãcoma.

<sup>7</sup> Mũa pohrogã gajirã masa erã gamewejẽcũ peerãca. Eropirã yoarogue majarã erã sã erã gamewejẽcũ peebeorãca mũa. Eropa peequererã ta ne irire wũaro bujawere pepibiricãque. Eropa wamũhtaroca. Eropa wacũ pehreburinũ dũhyaniroca dohpa.

<sup>8</sup> Irisubure yuju yeba majarã gaji yeba majarã mera gamewejẽrãcoma. Eropirã yujugũ opũ yarã gajigũ opũ yarã mera gamewejẽrãcoma. Eropiro bajasuburi i yeba ñohmeroca. Eropirã bajarã masa oa mera sĩrirãcoma. Eropa ñero tariquerecũ i yeba majarãre tauro erã ñero tariboro dũhyaa dohpa. Ñero tarinirãcoma dohpa.

<sup>9</sup> Õpa wacũ ĩarã mũa basi õaro iique. Gajirã mũare ñeha ñero iidorerã orãcoma gajirã oparãre. Eropirã mũa acawererã judio masa erã buheri wirigue sãre mũare parãcoma. Eropirã macari majarã oparã pohrogue, erã tauro oparã pohrogue sãre aĩgãrãcoma mũare mũare dipuwaja moamorã. Eropirã erã mũare erã pohrogue aĩgãcũ yaha buherire wererãca mũa erã sãre.

<sup>10</sup> Eropiro pehrerinũ árĩboro core árĩpehrerãre õari buherire weresũroca.

<sup>11</sup> Eropirã mũare dipuwaja moadorerã erã oparã pohrogue erã aĩgãcũ, erã oparãre mũa wereniguiburire wũaro pepibiricãque. Mũare erã serẽpicũ mũa yũhriburire Goãmũ mera masirãca. Eropa masirã mũa gamero wereniguisme mũa. Espĩritu Santopũ mũare wereniguicũ ĩigũcumĩ.

<sup>12</sup> Irisubure erã tĩrã erã pagũ porãre Jesu yarã erã árĩcũ ĩha erãre wejẽdorerã oparãre wiarãcoma. Gajigũpũ ĩgũ tĩgũre wejẽdoregũ oparãre wiagũcumĩ. Eropi erã pagũ sũmarã erã porã Jesu yarã erã árĩcũ ĩha erãre wejẽdoregũ oparãre wiarãcoma. Eropirã erã porãpũ erã pagũ sũmarãre erã Jesu yarã árĩcũ ĩha wejẽdorerã wiarãcoma erã oparãre.

<sup>13</sup> Yũre mũa umupeora dipuwaja mũare masa árĩpehrerã ĩhaturirãcoma. Eropa mũare erã ñero iiquerecũ ta, mũare erã ñero iirare yujuro bojerã, yũre duhubiricũ Goãmũ mũare taugũcumĩ. Eropigũ ĩgũ pohrogue mũare opagũcumĩ.

<sup>14</sup> “Eropirã ñetariagũre Goãmũ yare goroweogũre ĩarãca mũa. Goãmũ wihigue ĩgũ nigũicũ ĩarãca. Ero ĩgũre árĩbiricãro gahmea. Iribojegue

Goãmũ yare weremũhtayugũ Daniel ãgũre were gojañumi. (Irire buhegu peeporo). Ero ãgu niguicũ ãarã Judea yebague árrãpũ utã yucũgue oma duhrigã waporo.

<sup>15</sup> Irisubure masa ñero tarirãcoma. Eropirã yojaro mera waporo. Irisubure erã wiri weca maja pũrigue árrã wih pohecaguere erã yare aãrã wabiricãporo.

<sup>16</sup> Eropirã irisubure gajirã erã poerigue árrã erã ya suhrire wihigue árrã suhrire aãrã dujabiricãporo.

<sup>17</sup> Irisubure nijiposã nome, erã porã mihrirãre oparã nome sã mojomorocãrã nome dujarãcoma.

<sup>18</sup> Eropirã õpa serẽque Goãmũre: “Puhiró árcũ eropa wabiricãporo,” arã serẽque ãgũre.

<sup>19</sup> Irinũre masa ñero tarirãcoma. I yebare ãgu ãhacũnugura pũhũ masa erã ñero tariri ármũriyoro. Iri eropa árcũrecũ ta árcũpẽreri pũriri erã ñero taridiro tauro masa ñetariaro tarirãcoma pẽhlerinũ coregãre. Eropa ñero erã tarira pũhũ dipaturi eropa ñero tarisome i yeba pare.

<sup>20</sup> Eropigũ Goãmũ i ñero taririnũre bajamenũrigã árcũ iigũcumi. ãgu eropiibiricũ ne yujugũ masũ taribiribocumi. Eropigũ ãgu beyenirã erã tariborore bajamenũrigã ñero taririre apigũcumi Goãmũ.

<sup>21</sup> Irisubure gajirãre pee masi ãaque. “Õho ãhrimi Cristo,” erã arãcũ erãre peebiricãque. “Ero ãhrimi Cristo,” erã arãcũ sãre peebiricãque.

<sup>22</sup> “Cristo ãhraa,” arã gũyarã, “Goãmũ yare weremũhtarã ãhraa,” arã gũyarã árcũrãcoma irisubure. Eropirã Goãmũ ãgu beyenirãre gũyarã erã deyoro moarire ii ãhmurãcoma. Goãmũ yare erã cóãcũ iidiarã iirãcoma erã gũyari masa.

<sup>23</sup> Ire árcũpẽreri wereyumũhtaa mũare iri eropa waboro core. Eropirã õaro pee masi yuque mũa, arãpũ Jesu ãgu buherãre.

*Jesu i yebaguere ãgu dujariborore wereñumi*

*Mt 24.29-35, 42-44; Lc 21.25-36*

<sup>24</sup> Eropa arãtuhagũ õpa arã werepũ Jesu erãre:

—Irinũri erã ñero tarira pũhũ, abe umũ majagũ, ñami majagũ sã boyo duhurãcoma.

<sup>25</sup> Erã eropa wacũ, necã dipuru yuhridijariroca. Eropiro umaro maja sã yeba sã burigã ñohmeroca.

<sup>26</sup> Irisubu ta yũhũ masũ Goãmũ ãgu obeodigũ arigũca. Eropiro umarogue yũ turari mera yũ gosesiriri mera umaro maja imica weca i yebaguere yũhũ dujaricũ ãarãcoma masa.

<sup>27</sup> Eropigũ yaharã anyuare árcũpẽreri i yebaguere obeogũra. Eropirã árcũpẽreriogũre waha yaharãre yũ beyenirãre gameneorãcoma yũ pohrogue.

<sup>28</sup> “Higueragũ irigũ waricũre ãarã masia mũa. Irigũ yucũgu pũricũcũ ãarã, “Bojori merogã duhyaa,” arã masia mũa.

<sup>29</sup> Eropa ta irigũ waro dopa ta masique mũa. I árcũpẽreri yũ arãra iri eropa wacũ ãarã, “Cristo dujariboro merogã duhyaa,” arã masique mũa.

<sup>30</sup> Diaye ta arãgũ iiaa mũare. Irisubu majarã erã sãriboro core árcũpẽreri yũ arãdiro dopa waroca.

<sup>31</sup> Umaro i yeba sã pẽhea waroca. Yũ wereniguiripũ ne pẽhresome. Árcũpẽreri yũ arãdiro dopa ta eropa waha ojogorocũroca.



<sup>32</sup> “Irinure yu dujariburinure, iri hora sare ne masibea yuhu. Anyua sa irire ne masibeama. Masa sa ne masibeama. Yu Pagu dihta yu dujariburinure masimi.

<sup>33</sup> “Mua sa irinure masibea. Eropira oaro guñatura coreque. Goamure serēque.

<sup>34</sup> Opa coreque mua. I queorine mera irire muare buhegura. Wihi opupu yoarogue igu curiro dopa ta ahraa i. Igu igu waboro corega igu pohro majarare igu wihire coredoremi. Yujurayerire igu mohmerire apimi. Yujugure wihi disiporo ihadibudoregure oaro coredoremi igu dujariborore.

<sup>35</sup> Eropigu wahami. Igu pohro majarapu igu dujariburinure ne masibeama. Igu namica o nami deco, careña igu wererisubú o boyoro igu aribocumi. Era oaro ihacorebircu igu guñaña mariro arigu erare carirare bococumi. Wihi opure era igu dujariburinure era masibiro dopa ta mua sa yu dujariburinure masibea. Eropira yure oaro guña coreque.

<sup>36</sup> Guñaña mariro yu eraborore masira, oaro guña coreque. Yu dorerire yahare eropa iiniguira arique. Eropira yure oaro coreque.

<sup>37</sup> Eropigu muare yu ariro dopa ta aripehrerare eropa araa. Oaro guña coreque, aripu Jesu igu buherare.

## 14

### *Pahia opara, Judio masare buhera mera Jesure wejediañuma*

*Mt 26.1-5; Lc 22.1-2; Jn 11.45-53*

<sup>1</sup> Eropi irisubure Pascua bosenu core, bugabiriri pan era baburin core penu duhyayoro. Irisubure pahia opara judio masare buhera mera, Jesure gayari mera era neha era wejeburire game wereniguiñora.

<sup>2</sup> —Bosenu aricu igure nehabiricara. Masa gua igure neac cu iarã gua gamenerenijara gamequeabocoma, arira iñora era era basi.

### *Nomeo poresuri mera Jesure pipeoñumo*

*Mt 26.6-13; Jn 12.1-8*

<sup>3</sup> Eropi Jesu sa Betaniague Simo cami boadi ya wihigue arñora. Iri wihi era baro watope, yujugo nomeopu alabastro mera iidirure poresuri nardo waicuri dicudirure airapo. Igo airara wjacuri ariyoro. Eropigo igo irirure pagu Jesu dipuru weca pipeopo.

<sup>4</sup> Igo eropiacu iarã gajira uruga gua wañora.

—¿Duhpigo igo eropa iisirimaacari?

<sup>5</sup> Iri poresurire duaboañumo. Irire duago yuju bojori mohmeri waja wajataboañumo. Eropigo iri niyerure mojomorocurare oboañumo igo, arñora era era basi. Eropira igore turiñora.

<sup>6</sup> Era eroparicu peegu Jesu erare wereru:

—¿Duhpirã eropa ariri igore? Garibobiricãque igore. Igo yure oaro iimo.

<sup>7</sup> Mojomorocura mua mera eropa arñiguicãracoma. Eropira mua gamero erare omasia. Yupu i yebare mua mera eropa arñiguicãsome.

<sup>8</sup> Igo masiopẽ yure iiamo. Yure era yaaboro core yu dupure amuyugo poresuri mera sũhumo yure.

<sup>9</sup> Eropigu diaye muare arigu iiaa. Aripehrero i yebaguere, oari buherire era wereroguere igo opa iirare wererãcoma. Era eropa arñi werecu peerã masa bajarã igo iirare guñarãcoma.

*Juda Iscariote Jesure ïhaturirãre ïgu ïhmuburire erã mera wereta-muñumi*

*Mt 26.14-16; Lc 22.3-6*

<sup>10</sup> Irisubure Juda Iscariote doce buherã mera majagu pahia oparã pohro waha òpa arĩpu:

—Yũhu mũare weregura Jesu ïgu árĩrore mua ïgure ñeacũ, arĩpu.

<sup>11</sup> Eropirã pahia oparã irire peerã mucubiriñorã.

—Mũre niyerure orãra, arĩñorã erã Judare. Eropigu Juda Jesure ïhaturirãre ïgu erãre ïhmuburire corenipu.

*Jesu ïgu buherã mera ïgu baturinu árĩyoro*

*Mt 26.17-29; Lc 22.7-23; Jn 13.21-30; 1Co 11.23-26*

<sup>12</sup> Bũgabiriri panre erã baburinu bosenu árĩnũgarinu árĩyoro. Eropiro ovejare Pascua majagu árĩbure erã wejẽrinu árĩyoro. Irisubure ïgu buherãpu serẽpiñorã Jesure:

—¿Nohonogue Pascua bosenu mari baburire amudoregu obeori mũhu guare? arĩñorã ïgure.

<sup>13</sup> Erã eroparĩcũ Jesupu perã ïgu buherã mera majarãre obeopu.

—Jerusalẽngue waque. Eroque mua ejacũ deco sorobu tuhpeogu mũare bocatĩrigucumi. ïgu bocatĩricũ ïgu mera waque.

<sup>14</sup> Eropa warã ïgu sihu ñajari wihigue ejarã, wihi opure òpa arĩque: “¿Nohogue yũhu, yu buherã mera Pascua maja barire bagucuri?” arãmi gu opu,” arĩque wihi opure.

<sup>15</sup> Mua eroparĩcũ peegu umaro maja taribure mari gameri árĩpehreri mera erã amura taribure ïhmugucumi wihi opu. Eroque mari baburire iique, arĩpu Jesu erãre.

<sup>16</sup> ïgu eroparĩcũ erã perã ïgu buherã iri macague wañorã. Erã erogue erã ejacũ ïgu arĩdiro dopa ta wayoro. Eropirã erã Pascua árĩcũ baburire amuñorã.

<sup>17</sup> Eropi naidijaririsubu Jesu doce ïgu buherã mera erã bari taribugue eroguerẽ ejapu.

<sup>18</sup> Eropirã erã mesague erã ba doarisubu Jesu erãre werepu:

—Diaye arĩgu iiaa mũare. Yujungu mua mera majagu ta yu mera bagu ta yure ïhaturirãre ïhmugucumi, arĩ werepu Jesu erãre.

<sup>19</sup> ïgu eropa arĩ werecũ peerã erãpu burigã bujawererã ïgure serẽpinũgañorã erã yujurãyeri.

—¿Yũhu ta árĩbocuri mũre ïhmubu? arĩñorã erã Jesure.

<sup>20</sup> —Mua yu doce buherã mera majagu ta añrimi ïgu. Yu baripare yu mera yoso bagu añrimi yure ïhaturirãre ïhmubu.

<sup>21</sup> Iribojegue erã yure arĩ gojadiro dopa ta yũhu masu Goãmu ïgu obeodigu sĩriguca. Eropigu yure ïhaturirãre ïhmudigupu ñero tarigucumi. ïgupure ïgu masa dehyoabiricũ òapũricãboya. Ñero taribiriboñumi, arĩpu Jesu erãre.

<sup>22</sup> Eropigu Jesu erã mera barisubu panre aĩ Goãmure “Õhaa,” arĩ serẽpu. Eropa arĩgu ta irire nuha guerepu erãre òpa arĩgu:

—Ire aĩ baque. I yu dupu añraa, arĩpu Jesu erãre.

<sup>23</sup> Eropa arĩtuha ïgu ihriripare aĩ, Goãmure “Õhaa,” arĩ serẽpu. Erãre ïgu ocũ árĩpehrerã erã irire ihriñorã.

<sup>24</sup> —I yu di añraa. Bajarã masa erã ñero iirare cóãbu sĩriguca. Eropigu yu dire cóãguca. Eropa sĩrigu Goãmure yu Pagu “Masare òaro iigura,” ïgu arĩdiro ii ojogorocuguca.

<sup>25</sup> Diaye arĩgu iiaa mũare. Goãmũ ĩgu opu arĩrogue mama igui decore yũ ihriboro core, õre igui decore dipaturi iħrinemosome yũhũ, arĩpũ Jesu erãre.

*Pedro "Jesure masibea," ĩgu arĩ gũyaburiñere wereñumi Jesu  
Mt 26.30-35; Lc 22.31-34; Jn 13.36-38*

<sup>26</sup> Eropirã yujuñe erã Goãmũ bayariñere bayatuha, ıtãgu Olivo waĩcũdigũgue wañorã.

<sup>27</sup> Eroque sihu ejagu Jesu erãre werepũ:

—Dohpagã ñami mũa arĩpehrerã yũre cóarãca. Mũa yũre cóãborore õpa ta arĩ gojamũhtañuma Goãmũ yare erã gojarapũgue: "Ovejare ĩhadibugũre erã wejẽcũ waro dopa ta iigũca. Yũ eropa ĩicũ oveja ĩgu yarã ĩgũre cohãgã warãcoma," arĩmi Goãmũ, arĩ gojañuma.

<sup>28</sup> Eropigu Goãmũ ĩgu yũre sĩridigũre masura pũhrũ, mũa core Galileague wamũhtagũca yũhũ, arĩpũ Jesu erãre.

<sup>29</sup> ĩgu eroparĩcũ peegu Pedro õpa arĩripũ:

—Yũ mera majarã arĩpehrerã erã mũre cóãquerecũ yũpũ mũre ne cóãsome, arĩpũ Pedro ĩgũre.

<sup>30</sup> Jesu yũhrĩpũ:

—Diaye arĩgu iiaa mũre. Dohpagã ñamire cãreña pesubu ĩgu wereboro core, mũ ıhresubu "Yũhũ Jesure masibea," arĩgũca mũhũ, arĩpũ Jesu ĩgũre.

<sup>31</sup> ĩgu eropa arĩquerecũ Pedro õpa arĩ turaro busũro yũhrĩpũ:

—Mũa mera yũre erã wejẽquerecũ ta ne mũre cóãsome yũhũ, arĩ yũhrĩpũ ĩgu Jesure.

Pedro ĩgu eroparĩcũ peerã ĩgu mera majarã ĩgu arĩro dopa ta arĩriñorã erã sã.

*Getsemanĩque Jesu Goãmũre serẽñumi  
Mt 26.36-46; Lc 22.39-46*

<sup>32</sup> Eropii erã Getsemanĩ waĩcũri gorogue wañorã. Eroque ejagu õpa arĩpũ Jesu:

—Ohõ doayũque. Mũa ohõ doaropẽ sohõgue Goãmũre serẽniguigu wagũ iiaa, arĩpũ ĩgu buherãre.

<sup>33</sup> Eropa arĩtuha Pedrore, Santiagore, Ñure sihgũpũ. Eropigu ñero gũinũgarũ Jesu. Eropigu ñero sĩporãcũpũ.

<sup>34</sup> Eropa ñero pepigu ĩgu mera majarãre ĩgu sihgũãnirãre arĩpũ:

—Bũrigã ñero yũ sĩporãcũca. Yũre turaro pũriro dopa pepica yũa. Sohõñari wanigu iiaa. Ohõ dujanique. Eropirã yũ mera ta tũyũque mũa sã, arĩpũ Jesu erãre.

<sup>35-36</sup> Eropa arĩtuha ĩgu ero core mero wanemo, yebague mereja, Goãmũre arĩpũ:

—Ahũ, mũhũ arĩpehrerire iimasia. Eropigu yũ ñero tariburire iidiabigu iibiricãque. Yũ eropa arĩquerecũ ta yũ gamero dopa iibita. Mũa basi masia. Mũa gamero dopa iique, arĩ serẽpũ ĩgu Goãmũre.

<sup>37</sup> Eropa arĩtuha ırerã ĩgu buherã pohroque eranijagu erã carĩ oyarãre ĩarpũ. ĩha Pedrore arĩpũ:

—Simo, ¿carĩgu iiri mũhũ? ¿Yuju hora gohra yũ mera tũyũtamubirari?

<sup>38</sup> Őaro iique mũa. Mũa pepiri mera õarire iidiaraa mũa. Mũa seyaro ĩrire iidiaquererã ta ĩrire bocatũbeaa. Eropirã Goãmũre serẽniguicãque ñero mũa iibiriboro dopa, arĩpũ Jesu Pedrore.

<sup>39</sup> Eropa arĩ weretuha dipaturi waha, Goãmure serẽpũ daja. Īgũ ero core ĩgũ arĩdiro dopa ta arĩ serẽpũ daja.

<sup>40</sup> Serẽtuha dipaturi erã pohrogue dujaripũ daja. Eropa dujarigũ carĩ oyarãre ĩapũ daja. Wũja pũritaricãyoro erãre. Eropirã erã Jesu “¿Duhpirã carĩri mua?” erãre arĩcũ yũhrimasibiriñorã.

<sup>41</sup> Eropigũ dipaturi ĩgũ Goãmure serẽra pũhrũ, erã pohro eraa erãre arĩpũ:

—¿Mua carĩrã soorã iiri dohpa? Iripẽta ãhraa. Sihajagãriro iiaa. Dohparagã yũre masũre Goãmũ ĩgũ obeodigũre ñerãre erã oburisubũ sihajaa.

<sup>42</sup> Wahgãque. Ina warã. Īaque. Yũre ĩhaturirãre ĩhmubu ohõ ahrimi, arĩpũ Jesu erãre.

*Jesure ĩhaturirã peresu ñeañuma*  
Mt 26.47-56; Lc 22.47-53; Jn 18.2-11

<sup>43</sup> Īgũ eropa arĩ wereniguirisubũ Juda doce buherã mera majagũ erapũ. Eropirã masa bajarã ñoserimijirire, yucũre opanirã ĩgũ mera yujuro mera erañorã. Erã pahia oparã, judio masare buherã, mũrã sã erã obeonirã arĩñorã.

<sup>44</sup> Negohrare Jesure ĩhaturirãre obu, õpa arĩtuhapũ:

—Yũ ĩgũ wayuporãre mimigũ ĩgũ ta arĩgũcumĩ mua ñeabu. Īgũre yũ mimira pũhrũ ñeaque. Eropirã ĩgũre õaro ñeaque ĩgũ duhribiriboro dopa, arĩ wereserepũ Judapũ erãre.

<sup>45</sup> Eropigũ Jesu pohrogue eragũ mata wa purumujupũ:

—Buhegũ, ¿ãhriri mũhũ? arĩ ĩgũre wayuporãre mimipũ.

<sup>46</sup> Īgũ eropiicũ ĩarã erã Jesure ñeañorã.

<sup>47</sup> Erã eropiicũ ĩagũ ĩgũ pohrogue niguinirã mera majagũ ĩgũ matamijire tuãwea aĩ, pahia opũ pohro majagũre ĩgũ gamirore tabe corocãpũ.

<sup>48</sup> Eropigũ Jesu õpa arĩpũ:

—¿Mua ñoserimijiri mera, yucũ dũcari mera arirã, yajari masũre iro dopa mua yũre ñearã arirã iiri?

<sup>49</sup> Ũmũri nũcũ Goãmũ wihigue yũhũ mũare buhedoacũ, mua yũre ne ñeabiribũ. Dohpagũre mua yũre eropa iirã i arĩpehreri Goãmũ yare weremũhtanirã erã arĩ gojadiro dopa ta mua yũre iiaa, arĩpũ Jesu erãre.

<sup>50</sup> Eropirã Jesu buherã arĩpehrerã ĩgũre cohã omagã wañorã.

<sup>51</sup> Eropigũ yujugũ mamũ Jesu pũhrũ nũrusiaripũ. Omasiariñe dihta omadigũ arĩpũ.

<sup>52</sup> Īgũ sãre erã ñeadiacũ ĩgũ ya omasiariñere cóãcã suhri marigũ oma duhriã wapũ.

*Judio masa oparã Jesure serẽpiñuma*  
Mt 26.57-68; Lc 22.54-55, 63-71; Jn 18.12-14, 19-24

<sup>53</sup> Eropii pahia opũ pohrogue Jesure aĩ ejañorã. Iri wihiguere arĩpehrerã pahia oparã, mũrã, judio masare buherã sã gamenereñorã.

<sup>54</sup> Eropigũ Pedropũ Jesu pũhrũ yoarogue ĩha nũrusiapũ. Eropa nũrusiagu ĩgũ pahia opũ Caifa waĩcũgũ ya wihire cãhmotara sãriro eja, iri sãriro pohecague ñajaa wapũ. Eropigũ ĩgũ iri wihire corerã surara mera peame tũro sõhma doapũ.

<sup>55</sup> Eropirã pahia oparã, gajirã oparã mera gamenererã Jesure wejẽdoremorã, gũyari mera erã ĩgũre dipuwaja moaborore guñamaariñorã. Erã eropa weresãburire guña bocabiriñorã.

<sup>56</sup> Masa bajarã ĩgure erã gamero weresãmaacãquererã erã weresãri diaye árĭbiriyo. Gajigu gajiropa arĭ, gajigu sã gajiropa dihta arĭñorã.

<sup>57</sup> Eropirã gajirã erogue eja, Jesure weresãñorã:

<sup>58</sup> —Ihĭ õpa arĭmi: “Yũhũ i wihire masa iira wihire, Goãmũ wihire cóãgura. Eropa cóãgu uhrenũ pũhrũ iri wihire dipaturi iigura. Iri wihi masa erã iira wihi árĭsome,” ĩgu arĭcũ gua peebũ, arĭ weresãñorã.

<sup>59</sup> Erã eropa arĭ weresãquerecũ ta iri diaye árĭbiriyo. Gajigu gajiropa arĭ gajigu sã gajiropa arĭpũ.

<sup>60</sup> Erã eropa arĭra pũhrũ pahia opu erã watope wahgãnũgaja Jesure serẽpipũ:

—¿Oã mũre weresãquerecũ ta erãre yũhri gamebeari mũhũ? ¿Mũre erã weresãrire duhpigu erãre yũhri gamebeari mũhũ? arĭpũ ĩgu Jesure.

<sup>61</sup> ĩgu eroparĭcũ peequeregũ ta Jesu eropa pepicãpũ. ĩgu eropa yũhribiricũ ĩagu pahia opu ĩgure dipaturi serẽpipũ daja:

—¿Cristo ta ãhriri mũhũ? ¿Õagu Goãmũ magũ ta ãhriri mũhũ? arĭ serẽpipũ daja ĩgu Jesure.

<sup>62</sup> ĩgu eropa arĭcũgue ta Jesu yũhripũ:

—ĩgu ta ãhraa. Eropirã yũhũ masũ Goãmũ ĩgu obeodigu yũ Pagũ turagu pohro, ĩgu diayepũ yũ doacũ ĩarãca mũa. Eropirã umaro maja imica watope yũ aricũ sãre ĩarãca mũa, arĭpũ Jesu ĩgure.

<sup>63</sup> ĩgu eroparĭcũ ta pahia opu ĩgu sañarañe suhriore ĩgu basi yeguecãpũ gajirãre “Guataricãmi,” arĭdoregũ.

—ĩre weresãrãre gajirãre mari gamebeaa pare.

<sup>64</sup> ĩgu basi Goãmũre ĩgu ñero wereniguicũ peea mari. Eropirã ĩgu ñero iira dipuwajare masituhãa mari. ¿Eropirã dohpa iirãcuri mari ĩre dohpagure? arĭpũ pahia opu gajirã oparãre.

—ĩgu ñeri dipuwaja wejẽcãro gahmea, arĭ yũhriñorã erã árĭpehrerã oparã.

<sup>65</sup> Eropirã erã mera majarã Jesure disico ehosũ ĩgu cuirire diricãhmotacã, ĩgure pañorã. Patuha õpa arĭñorã ĩgure:

—¿Noa mũre pari? ĩabiriqueregũ guare wereque, arĭ wereyañorã erã. Eropirã opu yarã surara Jesure pañorã.

—*ĩgure masibea, arĭpũ Pedro Jesure*

*Mt 26.69-75; Lc 22.56-62; Jn 18.15-18, 25-29*

<sup>66</sup> Eropigu Pedro iri wihi maja sãriro pohecague ĩgu arĭcũ pahia opu pohro majago erapo.

<sup>67</sup> Igo Pedro ĩgu sõhmacũ ĩago ĩgu dihtare ĩhaniguipo.

—Nazare majagu mera Jesu mera mũ sã ãhrabũ, arĭpo igo Pedrore.

<sup>68</sup> Igo eroparĭcũ peegũ Pedropũ õpa arĭpũ:

—¿Dohpa arĭmaacãgo iiri mũhũ? Mũ arĭgure ne masibea yũhũ, arĭpũ Pedro igore.

Igo eropa arĭra pũhrũ Pedro iri pũ maja sãriro disiporo pohrogue wapũ. Eropigu ĩgu ero niguicũ cãreña werepũ.

<sup>69</sup> Ero ĩgu arĭcũ ĩago dipaturi werepo daja ero árĭrãre.

—Ihĭ Jesu buherã mera majagu ãhrimi, arĭpo igo.

<sup>70</sup> Igo eroparĭcũ peegũ Pedro dipaturi arĭpũ daja.

—ĩgure masibea yũhũ, arĭpũ daja.

Eropii merogã pũhrũ ta ero niguirã Pedrore õpa arĭñorã daja:

—Diaye ta ãhraa. Mũhũ Galilea majagu ãhraa. Eropigu ĩgu mera majagu ta ãhraa mũhũ, arĭñorã erã ĩgure.

<sup>71</sup> Erã eroparĩcũ peegu ĩgu erãre yũhripũ:

—Diaye ta Goãmu mera arĩgu iiaa muare. Yũhu diaye arĩbiricũ Goãmu yũre dipuwaja moaporo. ĩgũre mua arĩgũre ne masibea yũhu, arĩ yũhripũ ĩgu erãre.

<sup>72</sup> ĩgu eroparĩcũ ta cãreña werepũ daja. ĩgu werecũ peegu Jesu ĩgu arĩrare guñapũ. “Cãreña pesubu ĩgu wereboro core mũhu yũre uhresubu ‘Jesure masibea,’ arĩgũca mũhu,” Jesu ĩgu eropa arĩrare guñapũ Pedro. Eropa guñagũ turaro orepũ.

## 15

### *Pilato Jesure serẽpiñumi*

*Mt 27.1-2, 11-14; Lc 23.1-5; Jn 18.28-38*

<sup>1</sup> Eropirã boyorogue mũrã, pahia oparã, judio masare buherã, arĩpehrerã gajirã oparã mera gamenere weretamuñorã erã Jesure iiburire masimorã. Erã basi wereniguituha, Jesure dihri aĩgã Pilato waĩcũgũre opũre oñorã ĩgũre.

<sup>2</sup> Erã aĩ ejacũ ĩagu Pilato ĩgũre serẽpipũ:

—¿Diaye ta judio masa opũ aħriri mũhu? arĩ serẽpipũ ĩgu Jesure.

—Mu arĩro dopa ta ĩgu ta aħraa, arĩ yũhripũ ĩgũre Jesu.

<sup>3</sup> Eropirã pahia oparã baja weresãñorã ĩgũre.

<sup>4</sup> Erã eropa arĩ weresãcũ peegu dipaturi serẽpipũ daja ĩgũre.

—Oã mũre baja weresãrã iima. ¿Erã eropa arĩ weresãquerecũ yũhribeari mũhu? arĩpũ ĩgu.

<sup>5</sup> ĩgu eroparĩcũ Jesu yũhribiripũ. Eropigũ Pilato ĩhamaria wapũ.

### *Jesure wejẽdoreñuma*

*Mt 27.15-31; Lc 23.13-25; Jn 18.38-19.16*

<sup>6</sup> Bojori nũcũ Pascua bosenu arĩcũ peresu arĩdigũre yujugũre masa “ĩgũre wiuque,” erã arĩgũre Pilato eropa wiubasamũripũ.

<sup>7</sup> Irisubure Barrabá waĩcũgũ peresugue arĩpũ. ĩgu oparãre cóadiarã mera majagũ masare wejẽrã mera majagũ arĩpũ.

<sup>8</sup> Eropirã masa bajarã Pilato pohrogue eja, ĩgũre serẽñorã:

—Bojori nũcũ mũ iidiro dopa ta iĩque daja gũare. Yujugũ peresugue arĩgũre gũare wiubasaque daja, arĩñorã erã.

<sup>9</sup> Erã eroparĩcũ Pilato erãre serẽpiñapũ:

—¿Mũa yagũ opũre judio masa opũre wiucuri? arĩ serẽpipũ Pilato erãre Jesure wiudianijagũ.

<sup>10</sup> Jesure masa erã mahicũ ĩarã pahia oparã Jesure ĩhaturirã arĩñorã. Eropa ĩhaturirã ĩgũre wejẽdorerã oñorã Pilatore. Erã ĩhaturirire masigũ Pilato Jesure wiudiaripũ.

<sup>11</sup> ĩgu eropa wiudiaquerecũ ta pahia oparã Jesu mera masare guacũ iĩñorã. Ōpa arĩdoreñorã erãre: “Barrabãre wiuque. Jesure wejẽdoreque,” Pilatore arĩdoreñorã masare.

<sup>12</sup> Eropigũ Pilatore Barrabãre erã wiudorera pũhrũ Pilato erãre serẽpipũ daja:

—¿Ihĩ “judio masa opũ” mũa arĩgũpũre duhpigũcũri yũhu? arĩ serẽpipũ ĩgu.

<sup>13</sup> —Crusague pabia wejẽque ĩgũre, arĩ gaguiniguĩñorã masa.

<sup>14</sup> —¿Ñehenore ñerire iiari ihĩ mũa eropa arĩ gaguiniguicũ? arĩpũ ĩgu.

Ĩgu eroparĩcũ peerã erã gaguinuginemoñorã daja.

—Crusague pabia wejẽque ĩgũre, arĩñorã daja.

15 Erã eropa arĩ gaguiniguicũ peegu Pilato Barrabáre wiudorepũ masare mucubiricũ iidiagu. Eropigu Jesure yuradari mera tãradore, crusague pabia wejẽdoregũ wiapũ surarare.

16 Eropi surara ãgũ opũ Pilato wihigue pretorio waĩcũri wihigue Jesure aĩ ejañorã. ãgũre aĩ ejatuha erã gajirã surara erã mera majarãre gameneremorã sihubeoñorã.

17 Eropirã erã opũ ya suhriro dopa bejariñere Jesure sãñorã. Eropa sãtuha pora berore ii ãgũ dipuru duhpeoñorã.

18 Eropiituha õpa arĩ wereyañorã erã ãgũre:  
—Umupeorã arique. Judio masa opũ õaro árĩporo, arĩ wereyañorã ãgũre.

19 Eropirã ãgũ dipurure yucũgũ mera padu, ãgũre disico ehosũ, gũhyadiaro ãaro dopa ta mereja ãgũre ii birañorã.

20 Eropi ãgũre wereya biratuha, erã sãra suhrirore tuwea aĩ, ãgũ ya suhriropũre ãgũre sãñorã daja. Eropirã ãgũre crusague pabia wejẽmorã aĩ wiria wañorã.

*Erã Jesure crusague pabia wejẽñuma  
Mt 27.32-44; Lc 23.26-43; Jn 19.17-27*

21 ãgũre aĩgã, Simo Cirene majagũ pohegue árĩdigũ erã pohro ãgũ eracũ ãarã surarapũ ãgũre Jesu ãgũ coãra crusare coãgãbasadoreñorã. Alejandro, Rufo sã pagũ árĩpũ Simopũ.

22 Waha Gólgota waĩcũrogue ejañorã. Gólgota arĩro mari ya mera “dipu pero” arĩro iiaa.

23 Eropirã vinore suĩri deco mera erã morera decore Jesure oriñorã. Iri decore ihribiripũ ãgũ.

24 Eropirã ãgũ suhrire tuwea aĩra pũhrũ crusague Jesure pabiañorã. Erã pabiatuhaja ãgũ suhri mũrare “¿Noa yañe árĩrocuri ãñe?” arĩ game deabirañorã.

25 Jesure erã pabiara pũhrũ uñre hora dũhyayoro goeri boje ejaboro.

26 Eropirã crusague õpa arĩ gojarapũre pabia duhtuñorã. “Thĩ judio masa opũ ãhrimi,” erã arĩ gojaturapũ árĩyoro. Iri erã gojaturapũ Jesure erã weresãra árĩyoro.

27 Eropirã perã yajari mũrare Jesu pohro gajimijirigue crusarigue erã pabiatuñorã erã sãre. Yujugũ ãgũ diayerũ, gajigũre ãgũ copũ pabiatuñorã.

28 Erã eropiicũ iribojegue Goãmũ yare weremũhtanirã gojadiro dopa ta eropa wayoro. Õpa arĩ gojayuñuma: “ ‘Dorerire tarinũgarã mera majagũ ãhrimi,’ arĩ pepima masa ãgũre,” arĩ gojañuma iribojegure.

29 Eropirã crusari pohro tarigãrã Jesure ãha, erã dipurure yurerã, ãgũre ñero arĩ wereniguiñorã.

—Mũhũ ta “Goãmũ wihire cohã, uñrenũ pũhrũ iri wihire amugũra daja,” arĩdigũ árĩribũ mũhũ.

30 Mũ basi dijaque. Eropigu mũ basi tarique. Eropigu tari weregũca mũhũ, arĩ wereyañorã erã.

31 Erã iro dopa ta pahia oparã sã judio masare buherã sã ãgũre eropa wereyañorã. Eropa arĩ wereyarã õpa arĩñorã erã basi:

—ãgũ gajirãre taudigũ árĩqueregũ ta ãgũ basi tarimasibeami.

32 “Israe masa opũ ãhraa,” arĩrimi ãgũ. Eropirã ãgũ basi dijaricũ ãarã ãgũre umupeorãca, arĩ wereyañorã.

Yajari mũra sã ãgũ pohro erã pabianirã eropa ta ãgũre ñero arĩ wereyañorã.

*Jesu s̄iria wañumi**Mt 27.45-56; Lc 23.44-49; Jn 19.28-30*

<sup>33</sup> Eropi goeri boje árĩcũ ʘhre hora gohra árĩpehrerogue naitĩa wayoro.

<sup>34</sup> Eropigũ irisubure ero naitĩarisubu Jesu turaro gaguiniguipũ:

—Eloi, Eloi, ¿lama sabactani? arĩpũ ìgũ. Ire arĩgũ mari ya mera õpa arĩgũ iipũ: “Yũ Goãmũ, yũ Goãmũ, ¿duhpigũ yũre cohãri mũhũ?” arĩgũ iipũ ìgũ Pagure.

<sup>35</sup> Ìgũ eroparĩcũ peenirã yujurãyeri ero niguinirã õpa arĩriñorã:

—Goãmũ yare weremãhtadigũre Eliare sihugũ iicumi, arĩriñorã erã.

<sup>36</sup> Eropigũ yujugũ erã mera majagũ mimi aĩri yũsũ mera vino suĩrire yosotuha aĩ omagã, yucũgũ ojogoro diritu, Jesure simujuripũ. Eropa ìgũ õpa arĩpũ:

—Corenique. Elia ìgũre itamucũ ãanirã dohpa mari, arĩpũ ìgũ gajirãre.

<sup>37</sup> Ìgũ eropa arĩra pũhrũ dipaturi Jesu turaro gaguinigui s̄iria wapũ.

<sup>38</sup> Ìgũ s̄iricũ ta Goãmũ wihi majañe suhriro ero erã cãhmotara suhriro gasiro deco mera yehguea wayoro.

<sup>39</sup> Ìgũ eropa s̄iricũ ìagũ surara opũ Jesu pohro niguidigũ õpa arĩpũ:

—Diaye ta ãhraa. Ihĩ Goãmũ magũ ta ãhrañumi, arĩpũ ìgũ.

<sup>40</sup> Eropirã yoarogue ãhaniguinirã nome sã árĩñorã Jesure ãhaniguirã. Erã nome mera María Magdalena árĩpo. Gajigo María waĩcũgo sã árĩpo. Igopũ José ìgũ pagũ magũ Santiago erã pago árĩpo. Gajigo Salomé waĩcũgo árĩpo.

<sup>41</sup> Erã nome Jesu yare õaro peerã nome árĩñorã. Erã Galilea yeba ìgũ árĩcũ ìgũre itamumũriñorã. Erã nome mera bajarã gajirã nome sã árĩñorã. Jerusalengue Jesu mera arinirã nome árĩñorã.

*Jesu dũpũre masa gobegue apiñuma**Mt 27.57-61; Lc 23.50-56; Jn 19.38-42*

<sup>42-43</sup> Eropii irinũ ìgũ s̄iriranũ Sabado core judio masa soorinũ core majanũ árĩyoro. Eropiro Pascua maja árĩburire erã amurinũ árĩyoro. Irinũ ñamica árĩcũ José Arimatea majagũ gũiro mariro Pilato pohrogue ejarũ. Jesu dũpũre serẽgũ ejarũ. José oparã mera majagũ oparã erã umupeodigũ árĩpũ. Eropigũ Goãmũ ìgũ opũ árĩburire coregũ iipũ.

<sup>44</sup> Eropigũ José Jesu dũpũ mũrarore ìgũ Pilatore serẽcũ Pilatorũ peegũ, pee ʘca wapũ. “¿Jesu s̄irituhayuri?” arĩ pepipũ. Eropigũ surara opũre sihu õpa arĩpũ ìgũre:

—¿Jesu s̄iria wayuri? arĩ serẽpipũ ìgũre.

<sup>45</sup> Ìgũ eroparĩcũ surara opũ yũhrĩpũ:

—S̄iria wami, arĩpũ.

Ìgũ eroparĩcũ Pilato Josére odorepũ Jesu dũpũ mũrũre.

<sup>46</sup> Ìgũ odorera pũhrũ José õariñe suhrirore asũpũ. Asũtuha, Jesu dũpũre aĩ diju, iri suhriro mera omapũ. Omatuhaja erã ʘtãyegue seara gobegue ìgũ dũpũre apipũ. Apituha iri gobe pohro árĩriye ʘtãye wũariyere taragã tubiha nugucãpũ.

<sup>47</sup> Eropirã María Magdalena, María José pago Jesure ìgũ apidirore ãañorã.

**16***Jesu masa mũriañumi**Mt 28.1-10; Lc 24.1-12; Jn 20.1-10*



<sup>1</sup> Eropirã erã soorinũ Sabadonũ taricũ María Magdalena, María Santiago pago, Salomé mera poresurire asũñorã Jesu dũpũre sũmorã.

<sup>2</sup> Eropirã Domingo boyorogã Jesure erã yaara gobegue wañorã erã.

<sup>3</sup> Warã õpa arĩñorã:

—¿Iri gobere erã biharayere noa marire pãgũbasarãcuri mari ñajaborore? arĩñorã erã erã basi.

<sup>4</sup> Iri gobegue ejarã iri gobere biharayere utãyere erã pãgũ nugurayere ñañorã. Wũariye utãyere árĩyoro.

<sup>5</sup> Eropa ñarã iri gobegũere ñajañorã. Eropa ñajajarã mamũre diayepũ doagũre boreri suhricũgũre ñañorã. Ñarã ñha uca wañorã.

<sup>6</sup> Erã ucacũ õpa arĩpũ ñgũ:

—Ucabicãque. Crusague erã pabiadigũre Jesu Nazare majagũre amaraa mũa. Masa mũariatuhami. Ore marimi. Erã ñgũ dũpũre apidirore ñaque. Ñatuhaja ñgũ buherãre Pedro sãre õpa arĩ wererã waque.

<sup>7</sup> “Ñgũ mũa core Galileague wamũhtagũcumi. Eroque ñgũre ñarãca mũa. Ero ñgũ arĩdiro dopa ta mũa ñgũre ñarãca,” arĩ wererã waque, arĩ wererũ mamũ erãre.

<sup>8</sup> Ñgũ eroparĩcũ erã gũi, naragã, masa gobe pohro árĩñirã omagã wiria wañorã. Eropa gũirã gajirãre werebiriñorã.

### *Jesu María Magdalenare dehyoañumi*

#### *Jn 20.11-18*

<sup>9</sup> Eropii Domingo árĩcũ Jesu ñgũ masa mũriara pũhrũ María Magdalenare dehyoamũhtapũ. Igo siete watẽa ñajasũdigo árĩpo. Jesu ñgũ sĩriboro core igore watẽare cóãpũ. Eropigũ igopũre dehyoamũhtapũ ñgũ ñgũ masa mũriara pũhrũre.

<sup>10</sup> Jesu igore dehyoara pũhrũ igo ñgũ mera majarãre werego wapo. Erã ñgũ sĩrirare bũjawererã orerã árĩñorã.

<sup>11</sup> “Cristo ojocariami. Ñgũre ñabũ,” igo arĩquerecũ peediabiriñorã.

### *Jesu ñgũ buherãre dehyoañumi*

#### *Lc 24.13-35*

<sup>12</sup> Pũhrũ perã Jesu buherã mera majarã campogue wiri marirogue wañorã. Erã eropa waniguicũ Jesu gajiropa bejagũ gũhyaro dehyoapũ erãre.

<sup>13</sup> Ñgũ eropa dehyoara pũhrũ, waha gajirã Jesu yarãre wereñorã. “Gũa Jesure ñabũ,” erã arĩ werecũ erã peediabiriñorã daja.

### *Jesu ñgũ yare buhedoregũ obeoñumi ñgũ buherãre*

#### *Mt 28.16-20; Lc 24.36-49; Jn 20.19-23*

<sup>14</sup> Pũhrũ once ñgũ buherã mesa pohrogue erã doacũ erãre dehyoapũ ñgũ. Eropigũ ñgũre ñanirã “Jesu masa mũriapũ,” arĩ erã werecũ peediabirirare erãre turipũ Jesu. Ñgũre õaro umupeobiriri dipuwaja erãre turipũ.

<sup>15</sup> Erãre turituha õpa arĩpũ:

—I yeba árĩpehrerogũre masare árĩpehrerãre õari buherire buherã waque.

<sup>16</sup> Yũre umupeorãre erã waĩyenirãre erã peamegue wabonirãre taugũcumi Goãmũ. Eropirã yũre umupeobirã Goãmũ ñgũ dipuwaja moamorã, peamegue wamorã árĩrãcoma.

<sup>17</sup> Eropirã yũre umupeorã yũ turari mera õpa iirãcoma: Yũ turari mera watẽa masare ñajasũñirãre cóãrãcoma. Eropirã mama disirore wereniguirãcoma.

<sup>18</sup> Eropirã añare ñeacũ, árĩpehreri nimare erã ihricũ pũrisome erãre. Eropirã dorecũrã weca erã mojotorire erã mohmepi ñeacũ òarã warãcoma, arĩpũ Jesu ïgũ buherãre.

*Jesu ɯmarogue m̄ria wañumi*

*Lc 24.50-53*

<sup>19</sup> Eropa arĩ weretuha mari Opũ Jesu ɯmarogue m̄ria warũ. Eroque ejagũ Goãmũ diayerũ doapũ ïgũ mera opũ árĩgũ.

<sup>20</sup> Eropirã ïgũ buherãpũ árĩpehreroguerẽ òari buherire Goãmũ masare ïgũ tauburire buherã wañorã. Erã Eropa buhecũ mari Opũ erãre itamupũ. Deyoro moarire ïgũ turari mera iimasicũ iipũ erãre masare ïgũ ya buherire peedoregũ. “Eropa ta árĩporo,” arãa yãhũ. Iripẽta ãhraa.

## San Lucas

1-2 Opũ Teófilo, mũre ipũre gojabeogu iiaa yũhũ. Jesu gũa mera árĩnigũ ìgũ iirare gajirã gojanũgamũhtatuhanirã árĩma. Negohraguere Jesure ìanirã, ìgũ yare buhenirã erã arĩ werediro dopa ta gajirã irire gojanũgamũhtatuhanirã árĩma.

3 Eropigũ i árĩpehrerire õaro masipehodiagũ yũ sã erã arĩ wererare buhebũ. Eropigũ yũ sã irire õaro gojadiaa mũa buheburi árĩburire.

4 Jesu yare buherã mũre weretuhanirã árĩma. "Iri queoro ãhraa," õaro mũ arĩ masiborore ipũre mũre gojabeogu iiaa.

*Ñũ waĩyeri masũ ìgũ masa dehyoaburire anyu wererũ Zacariare Ñũ pagũ árĩbure*

5 Herode Judea yeba majarã opũ ìgũ árĩcũ, Zacarĩa waĩcũgũpũ pahia árĩpũ. Zacarĩa ya curupũ pahia curu Abías ya curu árĩyoro. Zacarĩa marapo sã pahia Aarón mũrũ pãrameo árĩturiagogue árĩpo. Igorũ Elisabet waĩcũgo árĩpo.

6 Erã perã Goãmũ dorerire iipehorã erã árĩcũ ìagũ, "Õmũri nũcũ õarire iirã ãhrima," arĩ pepidi árĩmi Goãmũ erãre.

7 Elisabet ne porã marigo árĩpo. Eropigo igo Zacarĩa mera porã mari muñucãpo.

8 Pahia Goãmũ wihigue Goãmũ ya umupeoburire mohmerã ãmũri nũcũ erã gohrotomũriñorã. "Zacarĩa ya curu majarã dohpaguere iiporo," erã arĩra pũhrũ ìgũ pahia erã iidiro dopa ta Goãmũ ya umupeoburire mohmegũ arigũ iipũ.

9 Pahia erã iiguaro dopa ta inciensore soebure beyerã irisubure Zacariare beyeñorã. Eropigũ ìgũ Goãmũ wihigue ñajaa wapũ soegũ wagũ.

10 Goãmũ wihi pohecague ìgũ árĩrisubu, inciensore ìgũ soerisubu árĩpehrerã masapũ disiporogue Goãmũ mera serẽniguiñorã.

11 Irisubure Goãmũ yagũ anyu incienso soero diayerũ dehyoanũgajapũ Zacariare.

12 Ìgũ anyu eropa dehyoacũ ìagũ Zacarĩa ìgũre ìha, ãca wa, gũia wapũ.

13 Eropa ìgũ gũicũ ìagũ anyu ìgũre wererũ:

—Zacarĩa, gũibita. Goãmũ mũ serẽrare peeami. Eropigo mũ marapo Elisabet porãcũgocumo. Mũ magũ masa dehyoagũcumi. Ìgũ eropa dehyoacũ Ñũ waĩyeque ìgũgãre.

14-17 "Ìgũ õagũ ãhrimi. Turagũ ãhrimi," arĩ pepigũcumi Goãmũ mũ magũre. Ìgũ masa dehyoara pũhrũ vinore, siburire ihrisome. Eropigũ ìgũ, ìgũ masa dehyoara pũhrũ ta Espiritu Santo árĩri mera õaro turagũ árĩgũcumi ìgũ. Eropigũ bajarã Israe masare Goãmũ mari Opũre õaro gamecũ iigũcumi ìgũ. Goãmũ yare buhegũ Elia Goãmũ yare weremũhtadigũ mari Opũ ariborore ìgũ buhediro dopa ta Goãmũ ìgũ turari mera mũ magũ sã buhegũcumi. Eropa buhegũ erã pagũ sũmarã erã porã mera erã õaro game mahi árĩcũ iigũcumi. Eropigũ dorerire tarinũgarãre õaro erã umupeori mera yũhricũ iigũcumi. Eropa buhegũ mari Opũ ariboro core ìgũ yarã árĩmorãre amuyugũcumi ìgũ. Eropigũ ìgũ masa dehyoara pũhrũ mũhũ mucubirigũca. Gajirã sã bajarã mucubirirãcoma, arĩpũ anyu Zacariare.

18 Ìgũ eroparĩcũ peegũ Zacariapũ serẽpipũ anyure.

—Yuhũ, yũ marapo mera gua mũrã ãhraa. ¿Eropigũ mũ arĩra diaye árĩcũ dohpa masigũcuri yuhũ? arĩpũ ĩgu.

<sup>19</sup> ĩgu eroparĩcũ anyupũ ĩgũre wererũ:

—Yuhũ Gabrie waĩcũgu ãhraa. Goãmũ pohro árĩgu ãhraa yuhũ. Goãmũ i ñari querere weredoregu, mũ pohro yũre obeoami. Yũ werediro dopa ta diaye waroca.

<sup>20</sup> Yũ eropa arĩquerecũ ta yũre peediabeaa mũhũ. Eropigũ mũhũ dohpaguere wereniguibigu dujagũca. Mũ magũ ĩgu masa dehyoara pũhrũ wereniguigũca daja, arĩpũ anyu Zacariare.

<sup>21</sup> Disiporogue masa Zacariare corerã iĩnorã. “¿Duhpigũ ĩgu Goãmũ wihigue árĩgu mata wiriribeari?” arĩ, corerã iĩnorã masa ĩgũre.

<sup>22</sup> Eropigũ ĩgu i wihigue árĩdigũ wiria, erã mera wereniguimasibiripũ. “Goãmũ ĩgũre dehyoacumi,” arĩ pepi, masiñorã erã. Eropigũ ĩgu wereniguimasibigu árĩgu ĩgu mojotori mera masare wereniguipũ.

<sup>23</sup> Goãmũ wihi ĩgu mohmeri pehrecũ, ĩgu dujaa wapũ ĩgu ya wihigue.

<sup>24</sup> Pũhrũ ĩgu marapo Elisabet majigure ne bocagãrigo iipo. Eropigo igo cinco aberi gohra masa pohro wabiripo.

<sup>25</sup> Ōpa arĩpo igo: “Dohpaguere yũre Goãmũ itamumi pare. Yũ porã marigo árĩgo gũhyasiuro taribũ yuhũ. Goãmũ yũ porã maririre cohãmi yũre,” arĩ pepipo igo.

### *Jesu ĩgu masa dehyoaburire wererũ anyu Mariare*

<sup>26-27</sup> Elisabet seis aberi igo nijipo arĩra pũhrũ, Goãmũpũ anyure Gabrie waĩcũgũre nómeo ñago pohrogue obeopũ. Igo Nazare waĩcũri maca Galilea árĩri yeba arĩpo. Eropigo igo María waĩcũgo José mera mojoto diribo arĩpo. Josépũ iribojegue majagu mũrũ Davi mũrũ pãrami arĩpũ.

<sup>28</sup> María pohrogue ejagu anyu wererũ:

—María, ¿ãhriri mũhũ? Goãmũ mũ mera árĩgu ãhrimi. Eropigũ mũre ñaro iigu iimi. Árĩpehrerã nome gajirã nome tauro ñaro iimi mũre, arĩpũ anyu igore.

<sup>29</sup> ĩgu eroparĩcũ peego, igo turaro guña pepipo. Anyu ĩgu wererare pepigo “¿Dohpa arĩgu yũre eropa arĩcuri?” arĩ guñapo igo.

<sup>30</sup> Igo eropa arĩ guñacũ ĩagu anyu wererũ igore:

—María, mũre Goãmũ turaro mahimi. Eropigo güibita.

<sup>31</sup> Peeque. Majigure bocagoca mũhũ. Eropigũ mũ magũ masa dehyoagũcumi. ĩgũre Jesu waĩyegoca.

<sup>32-33</sup> ĩgu turatariagu árĩgũcumi. Eropirã ĩgũre “Goãmũ mũmaro majagu magũ ãhrimi,” arĩrãcoma masa. Eropigũ mũ magũ ñecũ mũrũgue Davi mũrũ Israe masa erã opũ ĩgu árĩdiro dopa ta mũ magũ sãre apigũcumi Goãmũ. Eropigũ árĩpehrerinũri ĩgu Israe masare doregũcumi. Eropiro ĩgu opũ árĩripũ ne pehresome, arĩpũ anyu.

<sup>34</sup> ĩgu eroparĩcũ Mariapũ serẽpipõ:

—¿Duhpi mũmũ mera árĩbiriqũregõ ta porãcũbocuri yuhũ? arĩpo igo.

<sup>35</sup> Igo eroparĩcũ anyupũ wererũ:

—Espĩritu Santo mũre porãcũcũ iigũcumi. Eropiro Goãmũ ĩgu turari imica curu iro dopa ta cãhmotaroca mũre. Eropirã “Goãmũ magũ, ñerire iibigu ãhrimi,” arĩrãcoma masa mũ magũre.

<sup>36-37</sup> Goãmũ árĩpehrerire iimasimi. Eropigo mũ acawerego Elisabet bũro árĩquerego ta majigure bocãmo igo sã. Igo porãcũgõcũmo mũmũgãre. Masa igore “Porã marigo ãhrimo,” erã arĩdigo bũro dohpaguere seis aberi wahaa igo majigure bocara pũhrũ, arĩpũ anyu Mariare.

<sup>38</sup> Īḡu eroparīcū María yūhripo:  
 —Yūre peeque. Mari Opu Īḡu pohro majago āhraa yūhu. Mū arīdiro dopa ta yūre eropa waporu, arīpo igo.  
 Igo eropa arīra pūhrū anyu waha wapu.

*María Elisabere ĩago wapo*

<sup>39</sup> Irinūrire María utā yucu árīri yebague Judea yeba árīri macague umūdiaro waha wapo.

<sup>40</sup> Erogue ejago Zacaríā ya wihi űaja, “¿Ahriri?” arīpo igo Elisabere.

<sup>41</sup> Igo eroparīcū Elisabet igo peecū ta, igo magupu niĵi suhrirogue árīdigu űohmeru. Elisabet Espírītu Santo árīri mera ōaro pepigo wapo.

<sup>42</sup> Eropigo turaro mucubiriri mera wereniguipo.

—Árīpehrerā nome tauro ōaro iimi Goāmū mure. Mū magu sāre ōaro iimi Goāmū.

<sup>43</sup> Cue, yu Opu pago yu pohro aricū ōaro iimi yūre Goāmū.

<sup>44</sup> Mūhu yūre “¿Ahriri?” arīcū, yu magupu niĵi suhrirogue árīgu mucubiriri mera űohmeacumi yūre.

<sup>45</sup> “Goāmū Īḡu arīdiro dopa ta iipehogucumi,” arīgo mucubirigo āhraa mūhu, arīpo Elisabet Maríare.

<sup>46</sup> Igo eroparīcū María yūhripo:

Goāmū ōagu, turagu āhrimi, arāa. Yūhu ōaro sīporācua.

<sup>47</sup> Goāmū yūre peamegue wabodigore itamugu āhrimi. Eropigu dohpaguere yūre ōaro mucubiriri mera arīcū iimi.

<sup>48-49</sup> Yūre bu árīgore Īḡu Īḡu pohro majagore guñadi āhrami. Goāmū turatariagu ōari dihtare yūre itamumi. Eropirā “Īgore Goāmū ōaro iimi,” árīpehrerā masa dohpaguere eropa arī wereniguirācoma yūre. Goāmū űeri marīgu āhrimi.

<sup>50</sup> Árīpehrerinūri árīpehrerā ĩḡure umupeorāre ĩḡu mojomoro ĩagu āhrimi.

<sup>51</sup> Goāmū ĩḡu turari mera iigu āhrimi. “Gajirāre tarinūgaa yūhu,” arīrāre tarinūgadi árīmi ĩḡu.

<sup>52</sup> Oparāre erā dorero árīrare cóādi árīmi ĩḡu. Eropigu bu árīrāpūre ĩḡu oparā iro dopa ta apidi árīmi.

<sup>53</sup> Oaboanirāre ĩḡu ōari barire ódi árīmi. Eropigu baja opanirāpūre gajino moorā wacū iidi árīmi ĩḡu.

<sup>54-55</sup> Mari űecu sumará mūrare “Masare ōaro iigūra,” ĩḡu arī werediro dopa ta iipehodi árīmi Goāmū. Eropigu ĩḡu pohro majarā Israe masare ĩḡu itamudi árīmi. Mari űecu sumará mūrare, Abrahā mūrare árīpehrerā ĩḡu acawererā ĩḡu pūhrū árīrā sāre Goāmū árīpehrerinūri eropa mojomoro ĩaniguigu árīmūridi árīmi. “Masare ōaro iigūca,” erāre ĩḡu werepirare cāĵibiridi árīmi Goāmū, arīpo María.

<sup>56</sup> Ūrerā abe gohra Elisabet mera āhri, igo ya macague goe dujaa wapo María.

*Ñu masa dehyoapu*

<sup>57</sup> Elisabet igo niĵi wahgūra pūhrū igo magu masa dehyoapu.

<sup>58</sup> Eropirā Goāmū igore ĩḡu eropa ōaro iicū igo ya maca majarā igo acawererā sā igo mera mucubiriñorā.

<sup>59</sup> Ocho nūri ĩḡu masa dehyoara pūhrū, ĩḡu pagu sumará ĩḡugāre gasiro merogā wiri aīdorerā wañorā. Eropa erā iirisubu erā mera majarā Zacaríā waīyediariñorā ĩḡugāre ĩḡu pagu waīre.

<sup>60</sup> Erā eropa waīyediaquerecū ta ĩḡu pagoru ōpa arīpo:

—Īḡu pagu waīre waīyebēaa. Ņu waīyerāca īḡuḡāre, arīpo igo.

<sup>61</sup> —Mū acawererā ne yujugu Ņu waīcūgu marimi, arīñorā erā igore.

<sup>62</sup> Eropirā erā mojotori mera werenigui Zacariare serēpiñorā erā.

—¿Mūca dohpa waīyediari mū magure? arī serēpiñorā īḡure.

<sup>63</sup> Erā eroparīcū īḡu pagu gojaburimijire serēbeo, űeha, gojapū: “Yū magu Ņu waīcūmi,” arī gojapū Zacarīa. Īḡu eropa arī gojacū erāpū űca wañorā.

<sup>64</sup> Īḡu eropa arī gojara pūhrū īḡure wereniguicū iipū Goāmū. Eropigu īḡu wereniguimasipū daja.

—Goāmū turagu, ōagu āhrimi, arīpū īḡu.

<sup>65</sup> Īḡu eropa arī wereniguicū peerā ero majarā űca wañorā. Eropirā i arīpehrerire Judea yeba majarāre űtā yucū watope arīrāre masa weresiriñorā.

<sup>66</sup> Arīpehrerā irire peerā guñañorā. “Goāmū turarire īḡuḡā opami. ¿Eropigu űehmūno arīḡucurī īḡuḡā?” arī pepiñorā masa.

### *Zacarīa Goāmure umupeorū*

<sup>67</sup> Eropigu īḡu pagu Zacarīa Espiritu Santo arīri mera ōaro pepigu arīḡu Goāmū yare werepū:

<sup>68</sup> Mari Israe masa Goāmure umupeorā. Īḡu yarā āhraa mari. Eropigu mari pohrogue arīḡu, marire itamugū ōaro taumi.

<sup>69</sup> Eropigu Goāmū turagure marire peamegue wabonirāre ōaro taubure obeomi. Marire ōaro taubu īḡu acaweregu Davi mūrū āhrimi. Davipū Goāmū pohro majagu arīmuriñumi.

<sup>70</sup> Iribojegue īḡu ya weremūhtanirā mera Goāmū īḡu marire taubure obeoburire wereyumūripū.

<sup>71</sup> Marire īhaturirā marire űero erā iidiacū īagu “Mūare itamugūra,” arī apiñumi Goāmū marire.

<sup>72</sup> Mari űecu sūmarā mūrare, “Mūare mojomoro īagu itamugūra. Mūare yū wererare guñagūra,” arī apiñumi Goāmū mari űecu sūmarāre. Iribojegue īḡu eropa arīdiro dopa ta marire dohpaguere iimi.

<sup>73-75</sup> Eropigu Abrahāre ōpa arīmuriñumi: “Mū acawererā pūhrū arīrā erāre īhaturirā arīcū cóāgūra. Eropigu mū acawererāre itamugūra. Eropirā erā güibirā ta yū dorerire iimasima. Eropigu erā űerire yū cóācū, erā yū īhuro űmuri űecu ōarā arīñiguirācoma,” arī werepimuriñumi iribojegue Goāmū mari acaweregu Abrahāre, arīpū Zacarīa.

Eropa arītuha īḡu maguḡāre ōpa arīpū:

<sup>76-77</sup> —Mahgu, mūre ōpa arīrācoma masa:

“Goāmū turatariagu yare wereniguigu āhrimi,” arīrācoma mūre. Eropigu mūhū mari Opū core wayugūca. Eropa wagū ōpa arī weregūca.

“Goāmū mūa űerire cóāgu, peamegue wabonirāre taugūcumī mūare,” arī weregūca. Eropa arī weregu mari Opū īḡu arīborore weremūhtayugu iigūca mūhū.

<sup>78</sup> Goāmūpū marire turaro mojomoro īagu marire ōaro iigu arīḡu, īḡu marire peamegue wabonirāre taudiami. Marire taugu arīḡu Cristo mari pohro arīḡucumī.

<sup>79</sup> Arīpehrerā mari peamegue wabonirāre taudiami īḡu. Eropigu Goāmūre mari masibirā arīcū īagu marire masicū iidiami īḡu. Eropigu mari ōaro yujuro mera mari arīborore weregūcumī marire, arīpū Zacarīa.

80 Eropi Ñu Zacaría magu òaro buğaru. Eropigu Goãmure turaro mahipu. Eropigu yoari boje masa marirogue árĩmuriçu. Te Israe masare buhenugagu sã erogue ta árĩmuriçu.

## 2

### *Jesu masa dehyoapu*

#### *Mt 1.18-25*

<sup>1</sup> Irisubure árĩpehreri yebari majarã tauro opu Augusto árĩpehrerãre queodoreçu.

<sup>2</sup> Oã masare erã ne queonugarisubu árĩcũ Cirenio waĩcuçu Siria yeba majarã opu árĩçu.

<sup>3</sup> Eropirã árĩpehrerã erã ñecu sũmarã iribojegue majarã ya macarigue erã waĩre gojapeorã wañorã.

<sup>4</sup> José sã Nazaregue Galilea árĩri yeba árĩri macague árĩnirã waha, Judea yebague Belén waĩcũri macague ejañorã. Opu Davi iribojegue majagu ĩgu masa dehyoadiro árĩyoro Belén. José Davi mũru pãrami árĩgu Beléngue wapu ĩgu waĩre gojapeogu wagu.

<sup>5</sup> Eropigu ĩgu María ĩgu mojoto diribo árĩcũ erogue igo mera ĩgu waĩre gojapeodoregu wapu. Igoçu majigure bocatuhadigogue árĩpo.

<sup>6</sup> Eropigo Beléngue ejago igo niji wahgũpo.

<sup>7</sup> Erogue masa erã carĩri wihi ne sihajabiriyoro erãre. Eropirã erã wecuã ya wihigue carĩrã wañorã. Eropigo igo ĩgu ne dehyoagugãre porãcutuha ĩgugãre suhriro mera oma, wecuã erã bari coro weca ĩgure pihripeopo.

### *Anyua ovejare ĩhadiburãre dehyoañorã*

<sup>8</sup> Iri ñamire iri maca turogue campogue ovejare ĩhadiburã erã yarã ovejare ĩhadiburã iĩñorã.

<sup>9</sup> Eropigu Goãmũ ĩgu obeodigu anyu erãre dehyoapu. ĩgu eropa dehyoacũ Goãmũ ĩgu goesiriri erãre boyoweayoro. Eropa wacũ ĩarã, ovejare ĩhadiburã gũia wañorã.

<sup>10</sup> Erã eropa wacũ anyu erãre wereçu:

—Õari querere mũare weregu ahraa. Árĩpehrerã masare mucubiricũ iiroca i quere. Eropirã gũibiricãque mũa.

<sup>11</sup> Dohpagã ñamire opu mũru Davi ya macague mũare peamegue wabonirãre taubu, Cristo Goãmũ ĩgu obeodigu mari Opu masa dehyoatuhami.

<sup>12</sup> Eropigu suhriro mera omadigu wecuã bari coro weca erã pihripeodigu mũa bocagu ĩgu ta árĩgũcumĩ, arĩ wereçu anyu erãre.

<sup>13</sup> ĩgu eroparĩcũ ta bajarã umaro majarã árĩmũhtadigu anyu mera bayapeoñorã. Õpa arĩ bayapeoñorã erã:

<sup>14</sup> Goãmure umaro majagure umupeorã. Eropirã Goãmũ ĩgu mahirã gũiro mariro gamequeãro mariro òaro árĩporo, arĩ bayapeoñorã anyua.

<sup>15</sup> Eropa bayatuhaja umarogue erã mũriara pũhrũ ovejare ĩhadiburãpu erã basi game wereniguiñorã:

—Ire Goãmũ ĩgu marire wererare Beléngue ina ĩarã warã, arĩñorã erã erã basi.

<sup>16</sup> Eropa arĩrã yojaro mera wañorã erã. Marĩare, Josére bocaça, majigugãre wecuã erã bari coro weca pihripeodigure ĩañorã erã.

<sup>17</sup> Ovejare ĩhadiburã ĩgure ĩatuha anyu majigugãre ĩgu wererare wereñorã gajirãre.

<sup>18</sup> Erã eropa arĩ werecũ ta árĩpehrerã erãre pee uca wañorã.

19 I árĩpehrerire Maríapũ guña pepipo.

20 Eropirã ovejare ìhadiburãpũ anyu ìgũ werediro dopa árĩcũ ìañorã. “Goãmũ turagũ àhrimi,” arĩ mucubiriñorã. Eropa arĩ mucubiri dujaa wañorã.

*Goãmũ wihigue Jesu pagũ sũmarã ìgũre aìgãñorã*

21 Yuju semana pũhrũ majigũre gasiro merogã wiri aĩrire erã iidoreranũ árĩcũ erã ìgũgãre Jesu waĩyeñorã. Jesure ne igo bocaboro core anyupũ “Jesu waĩyeque ìgũre,” arĩ werepipũ. Eropirã ìgũgãre Jesu waĩyeñorã.

22 Goãmũ doreri Moise ìgũ werediro dopa ta iimorã, José, María mera Jerusaléngue wañorã. Erogue María porãcura pũhrũ òago igo dũpũ árĩrore ìhmurã wañorã. Eropa warã erã Jesure aìgã wañorã. ìgũgãre Goãmũre “Ìgã mũ yagũ árĩbu àhrimi,” arĩ ìhmurã warã iñorã.

23 Òpa iñorã Goãmũ yare erã gojarapũ dorero dopa ta. “Árĩpehrerã mũa porãre ne dehyoarãre Goãmũre ìhmuque. ‘Ìgã mũ yagũ árĩbu àhrimi,’ arĩ ìhmuque,” arĩ doremũriñumi Goãmũ ìgũ yare gojarapũgue.

24 Eropa ìhmutuha Goãmũ ìgũ dorediro dopa ta mirimagũgãre erã asũtuhaja Goãmũ wihigue apirã wañorã. Òpa doreñumi Goãmũ ìgũ yare gojarapũgue: “Buja borerãre perã oque Goãmũre. O erã maricũ buja borewìjigãrãre oque yũre umupeomorã,” arĩ doreñumi Goãmũ. Eropirã ìgũ dorediro dopa iñorã José María mera.

25 Jerusaléngue Simeón waĩcũgu árĩpũ. Ìgũ òagũ, Goãmũre umupeogũ árĩpũ. Goãmũ Israe masare itamuburire coregũ iipũ. Eropigũ Simeón Espíritu Santo ìgũ mera árĩcũ òaro pepigũ árĩpũ.

26 Eropigũ “Mũ sĩriboro core Goãmũ ìgũ obeobure Cristore ìagũca mũhũ,” arĩ weremũhtapũ Espíritu Santo ìgũre Simeore.

27 Eropigũ Espíritu Santo ìgũre dorecũ Goãmũ wihigue ñajaa wapũ. Ìgũ ñajara pũhrũ Jesu pagũ sũmarã ìgũgãre aì ñajañorã Goãmũ ìgũ gojarapũ dorera dopa ta iirã.

28 Simeónpũ ìgũgãre coã aì, Goãmũre umupeo, “Òhaa,” arĩ ìgũ mera wereniguirũ. Òpa arĩpũ ìgũ Goãmũre:

29-32 Opũ, dohpague tamerare masare peamegue wabonirãre taubure obeoa mũhũ. Ìgũ judio masa árĩbirãre buhegũ mũre òaro masicũ iigũcumĩ erãre. Masare taubure Israe masare mũhũ apiyoro. Mũ eropa iirare árĩpehrerã masirã, “Israe masare òaro iimi Goãmũ,” arĩrãcoma masa. Ìgã marire taubu àhrimi. Eropigũ mũ yũre arĩdiro dopa ìgãre ìatuhabũ. Eropigũ dohpaguere òaro mucubirigũ sĩrigũca, arĩpũ Simeón.

33 Simeón ìgũgãre arĩrare peerã ìgũ pagũ sũmarãpũ pee uca wañorã.

34 Eropigũ Simeón erãre “Òaro árĩque mũa,” arĩgũ ìgũ Jesu pago Maríare werepũ:

—Goãmũ ìgãre beyedi árĩmi. Ìgũ eropa beyedigũ árĩcũ judio masa bajarã ìgũre tarinũgarãcoma. Eropa iirã erã peamegue warãcoma. Eropigũ judio masare bajarãre taubure beyedi árĩmi Goãmũ ìgãre. Ìgũ Goãmũ turarire ii ìhmugũ ìgũ árĩquerecũ masa bajarã ìgũre ñero arĩ wereniguirãcoma.

35 Erã eropa iicũ gajirã erã ñero guñarire masirãcoma. Eropigo mũhũ turaro bũjaweregoca, arĩdocaritamupũ Simeón Maríare.



<sup>36</sup> Ero Goãmũ yare wereniguigo Ana waĩcũgo árĩpo. Igo Fanuel mago árĩpo. Aser mũrũ ya curu majago árĩpo. Bũro gohra árĩpo. Igo ero coregue siete bojori dihta igo marapũ mera árĩniripo.

<sup>37</sup> Eropigo ochenta y cuatro bojori gohra wapeweyo árĩmũripo igo. Eropigo mũre, ñami sãre Goãmũ ya árĩburire iibo, ba duhu, Goãmũ mera werenigui, Goãmũ wihire ne wiriabiripo.

<sup>38</sup> Simeón ĩgu wereniguigo watope igo erã pohro erago, mucubirigo Goãmũre, “Õhaa,” arĩpo. Eropigo Jerusalén majarãre taubure corerãre igo Jesu dehyoarare werepo erã árĩpehrerãre.

*José, María mera Jesu mera Nazaregue dujaañorã daja*

<sup>39</sup> Goãmũ ĩgu dorero dopa ta iituhaja, erã ya macague Nazaregue dujaañorã. Galilea yeba árĩyoro iri maca.

<sup>40</sup> Eropigu Jesu ðaro bũga turagu wapũ. Eropigu ĩgu ðaro pee masigu árĩpũ. Eropigu ĩgure Goãmũ ðaro iipũ.

*Jesu mama mahmũa wahgãrigũ Goãmũ wihigue buhepũ*

<sup>41</sup> Bojori nũcũ Jesu pagũ sũmarã Jerusaléngue Pascua bosenũre ĩarã wamũriñorã.

<sup>42</sup> Jesu doce bojori ĩgu opacũ erã iidiro dopa ta erã árĩpehrerã Jerusaléngue wañorã.

<sup>43</sup> Eropirã bosenu pehrecũ erã erã ya macague dujaa wañorã daja. Erã eropa dujaaquerecũ ta Jesupũ Jerusaléngue dujacãpũ. ĩgu pagũ sũmarã ĩgu erogue dujarare masibiriñorã.

<sup>44</sup> “ĩgu mari mera majarã mera árĩcumĩ,” arĩ pepiriñorã erã. Eropirã erã yujunũ gohra Jesu mariro wañorã mague. Eropirã erã Jesure erã acawererã watope amariñorã.

<sup>45</sup> Ne bocabiriñorã. Eropirã Jerusaléngue ĩgure amarã dujaañorã daja.

<sup>46</sup> Æhrenũ pũhrũ ĩgure Goãmũ wihigue bocañañorã. Eropirã Jesure judio masare buherã watope bocañañorã. ĩgu erãre pee serẽpi doapũ.

<sup>47</sup> Erã árĩpehrerã Jesure peerã ðaro masigũgã ĩgu árĩcũ ĩarã, erã ĩhamaria wañorã.

<sup>48</sup> ĩgu pagũ sũmarã sã eroguerẽ Jesure ĩarã ĩhamaria wañorã. Eropigo ĩgu pago ĩgure ðpa arĩpo:

—Mahgu, ¿duhpigu eropa iiari mũhu guare? Mũ pagũ, yũhu, “ĩgu dederea wañumi,” arĩrã ahmaa gũa mũre, arĩpo igo igo magure.

<sup>49</sup> Igo eroparĩcũ ĩgu ĩgu pagũ sũmarãre werepũ:

—¿Duhpirã yũre ahmari mũa? Yũ Pagũ yũre ĩgu dorediro dopa ta iigu ĩiaa. ¿Irire masibeari mũa? arĩpũ ĩgu.

<sup>50</sup> ĩgu eropa arĩquerecũ erã peemasibiriñorã.

<sup>51</sup> I árĩpehreri ĩgu iirare Mariapũ ðaro guñapo. Eropigu Jesu Nazaregue dujaa wapũ. ĩgu pagũ sũmarãre ðaro yũhrigu árĩmũripũ.

<sup>52</sup> Eropigu Jesu bũga, ðaro pee masigu wapũ. Eropirã Goãmũ masa sã “Õagu ãhrimi,” arĩ ĩañorã ĩgure.

### 3

*Ñũ waĩyeri masũ masare Goãmũ yare werepũ*

*Mt 3.1-12; Mr 1.1-8; Jn 1.19-28*

<sup>1</sup> Irisubure erã tauro opũ árĩgu Tiberio waĩcũgu ĩgu opũ árĩra pũhrũ quince bojori wayoro. Eropigu Poncio Pilato waĩcũgu Judea yeba majarã opũ árĩpũ. Eropigu Herode waĩcũgu Galilea yeba majarã opũ árĩpũ. ĩgu

pagu magu Felipe Iturea yeba majarã, Traconite majarã sã erã opu árĩpu. Eropigu Lisania waĩcugu Abilinia yeba majarã opu árĩpu.

<sup>2</sup> Eropirã Ana, Caifa mera pahia oparã árĩnorã. Oã árĩpehrerã erã árĩrisubure Ñu Zacaría magu masa marirogue árĩgure Goãmuru igu igu yare weredorepu.

<sup>3</sup> Eropigu Jordán waĩcuriya turo árĩri yeba árĩpehrerogue Ñu opa arĩ weregu wapu:

—Mua ñeri iirire bujawereque. Dohpaguere òarire gohrotoque. Eropirã waĩyenirã árĩque. Mua eropa iicũ íagu Goãmuru mua ñerire cóagucumi, arĩ weremuripu igu.

<sup>4</sup> Ñu eropa werenigu isaia iribojegue majagu Goãmuru ya weremutadigu igu gojadiro dopa ta iigu iipu. Opa arĩ gojayuñumi Isaia Ñu iiburire:

Masa marirogue werenigui gaguinigu opa arĩgucumi: “Mari Opu igu ariburi mare amuro dopa òarã árĩyunque mua ígure peemorã.

<sup>5</sup> Dipa gobericurore mari diaye maja maha iidiro dopa ta, mua ñero iirire duhuque.

<sup>6</sup> Mua eropa iicũ Goãmuru muare peamegue wabonirãre igu taucũ íarãca árĩpehreri yeba majarã,” arĩgucumi igu gaguinigui weregurpu, arĩ gojamuriñumi Isaia iribojeguere Ñu igu árĩboro coregue.

<sup>7</sup> Masa bajarã Ñu pohro erarã igu erãre waĩyecũ gameñorã erã. Eropigu igu erãre werepu:

—Mua ñero iiricurã ãhraa mua. Goãmure “Gua ñeri dipuwaja moabiricãporo,” arĩrã ¿mua yure waĩyedorerã ahriri?

<sup>8</sup> Igu mua ñero iira dipuwaja moabiricũ opa iique mua. Diaye mua ñero iirire bujavererã árĩrã, òarire gohrotorã árĩrã, òarire iique mua. “Abrahã mari ñecu muru árĩmuripu. Eropirã mari Goãmuru mera òatuhajaa,” arĩ pepibiricãque. Muare arĩgu tiiã. Abrahã pãramerã mua árĩri duhpiburi árĩbeaa. Goãmuru gamegu i utãyeri mera gajirãre iimasimi Abrahã acawererãre. Eropiro Abrahã acawererã mua árĩri bu gohra ta ãhraa.

<sup>9</sup> Opa ãhraa: Mari masa yucu iro dopa ta ãhraa. Goãmuru come opagu iro dopa ta ãhrimi. Eropigu ñeri ducacuri yucure tabe cóã, iri nuguri sãre tabetagucumi. Tabetatuhaja, peamegue cóagucumi igu iri yucure iri nuguri sãre. Eropa ta iigucumi mua sãre ígure gamebirãre, arĩpu Ñu masare.

<sup>10</sup> Igu eroparicũ peerã masapu ígure serẽpiñorã:

—¿Dohpa iirãcuri gua? arĩnorã erã Ñure.

<sup>11</sup> —Peñe suhriro opagu suhriro moogure yujuñe oque. Eropirã mua bari oparã gajirã sãre oque, arĩpu Ñu.

<sup>12</sup> Bajamerãgã oparã yare wajasea corerã sã waĩyedorerã erañorã. Eropirã Ñu pohro erarã ígure serẽpiñorã:

—Buhegu, ¿guapu dohpa iirãcuri? arĩnorã.

<sup>13</sup> —Mua oparã erã doreropẽ ta masare niyerure wajaseaque. Guyari mera aĩnemobita, arĩ yuhripu Ñu erãre.

<sup>14</sup> Gajirã surara ígure serẽpiñorã daja.

—¿Guapu dohpa iirãcuri? arĩnorã erã ígure daja.

—Masare erã niyerure emabiricãque. Eropirã iri niyerure guya emabiricãque. Mua wajatarire íarã mucubirique, arĩ yuhripu Ñu erãre.

<sup>15</sup> Masa Cristore Goãmuru igu obeobure corerã iñorã. Eropirã opa arĩ pepinũgañorã erã Ñure. “Ihĩ Ñupu Cristo árĩbocumi,” arĩ pepiriñorã erã.

16 Erã eropa arĩ pepicũ peegu Ñu árĩpehrerãre wererũ:

—Yũ tauro turagu arigucumi. Ôatariagu aħrimi ĩgu. ĩgu iro dopa árĩbeaa yũ. Eropigu ĩgure pepigu, “Yũ tamera bu árĩgu aħraa,” arĩ pepia yũ. Mũa ñero iirare bujawerera pũru yũ mũare deco mera waĩyeaba. ĩgũpũ yũ tauro iigucumi. Espĩritu Santore ogucumi masa mera árĩniguibure. Eropigu ĩgu ñerire soewearo dopa ta ĩgu arigũpũ mũa ñerire coeweagucumi.

17 Yũ pũru arigu trigo gasirire cóãgu iro dopa aħrimi. Gasiri cóãgu ĩgu ya sihburu mera árĩpehreri trigo yeri gasirire sũha weami. Eropa sũha weara pũru trigo yeri gohrapũre ĩgu diburi wihigue apigucumi. ĩgu sũha weara gasiripũre ĩgu soegucumi. Eropa ii beyegucumi yũ pũru arigu. Ôarire gohrotonirãpũre ĩgu mera árĩniguicũ iigucumi. Erã ñero iirare bujawerebirãpũre peamegue yaribiriri peamegue cóãgucumi, arĩ wererũ Ñu.

18 Bajarãre ĩgu eropa arĩ wereri mera masare õari buherire wererũ Ñu.

19 Eropigu opũ Herodepũ ĩgu pagũ magũ Felipe marapore ĩgu emara waja, wũaro ñerire ĩgu iira waja Ñu ĩgu sãre wereripũ.

20 ĩgu eropa arĩ wererũ Herodepũ Ñure peresu iipũ dipaturi ñerire iigu daja. Eropa iigu ĩgu ñerire iira dipuwajacũgu árĩnemopũ.

### *Ñu Jesure waĩyerũ*

*Mt 3.13-17; Mr 1.9-11*

21 Ñure erã peresu iiboro core gajirã masare Ñupũ waĩyegũ iipũ. Erãre waĩyegũ Jesu sãre waĩyerũ. Eropigu Jesu diague niguigu Goãmũre ĩgu sererisubu umusi pãrimaa waya.

22 Eropa pãrimaara pũru Espĩritu Santo buja iro dopa bejagu Jesu weca dijaripũ. ĩgu dijaricũ umarogue wereniguiro cariyoro:

—Mũhũ yũ magũ yũ mahigu aħraa. Mũ mera õaro mucubiria, arĩro cariyoro umarogue.

### *Jesu ñecũ sũmarã iribojegue majarã árĩñorã*

*Mr 1.1-17*

23 Jesu ĩgu buhenũgarasubure treinta bojori opapũ ĩgu. “ĩgu José magũ aħrimi,” arĩ pepirĩñorã masa. Josépũ Elí magũ árĩñumi.

24 Elí Matat magũ árĩñumi. Matat Leví magũ árĩñumi. Leví Melqui magũ árĩñumi. Melqui Jana magũ árĩñumi. Jana José magũ árĩñumi.

25 José Matatías magũ árĩñumi. Matatías Amós magũ árĩñumi. Amós Nahúm magũ árĩñumi. Nahúm Esli magũ árĩñumi. Esli Nagai magũ árĩñumi.

26 Nagai Maat magũ árĩñumi. Maat Matatías magũ árĩñumi. Matatías Semei magũ árĩñumi. Semei Josec magũ árĩñumi. Josec Judá magũ árĩñumi.

27 Judá Joanán magũ árĩñumi. Joanán Resa magũ árĩñumi. Resa Zorobabe magũ árĩñumi. Zorobabe Salatíe magũ árĩñumi. Salatíe Neri magũ árĩñumi.

28 Neri Melqui magũ árĩñumi. Melqui Adi magũ árĩñumi. Adi Cosam magũ árĩñumi. Cosam Elmadam magũ árĩñumi. Elmadam Er magũ árĩñumi.

29 Er Josué magũ árĩñumi. Josué Eliezer magũ árĩñumi. Eliezer Jorim magũ árĩñumi. Jorim Matat magũ árĩñumi.

<sup>30</sup> Matat Leví magu árĩñumi. Leví Simeón magu árĩñumi. Simeón Judá magu árĩñumi. Judá José magu árĩñumi. José Jonam magu árĩñumi. Jonam Eliaquim magu árĩñumi.

<sup>31</sup> Eliaquim Melea magu árĩñumi. Melea Mena magu árĩñumi. Mena Matata magu árĩñumi. Matata Natán magu árĩñumi.

<sup>32</sup> Natán Davi magu árĩñumi. Davi Isaí magu árĩñumi. Isaí Obed magu árĩñumi. Obed Booz magu árĩñumi. Booz Salmón magu árĩñumi. Salmón Naasón magu árĩñumi.

<sup>33</sup> Naasón Aminadab magu árĩñumi. Aminadab Admin magu árĩñumi. Admin Arni magu árĩñumi. Arni Esrom magu árĩñumi. Esrom Fares magu árĩñumi. Fares Judá magu árĩñumi.

<sup>34</sup> Judá Jacobo magu árĩñumi. Jacobo Isaa magu árĩñumi. Isaa Abrahã magu árĩñumi. Abrahã Taré magu árĩñumi. Taré Nacor magu árĩñumi.

<sup>35</sup> Nacor Serug magu árĩñumi. Serug Ragau magu árĩñumi. Ragau Peleg magu árĩñumi. Peleg Heber magu árĩñumi. Heber Sala magu árĩñumi.

<sup>36</sup> Sala Caina magu árĩñumi. Caina Arfaxad magu árĩñumi. Arfaxad Sem magu árĩñumi. Sem Noé magu árĩñumi. Noé Lame magu árĩñumi.

<sup>37</sup> Lame Matusalem magu árĩñumi. Matusalem Enoco magu árĩñumi. Enoco Jared magu árĩñumi. Jared Mahalaleel magu árĩñumi. Mahalaleel Caina magu árĩñumi.

<sup>38</sup> Caina Eno magu árĩñumi. Eno Sete magu árĩñumi. Sete Adán magu árĩñumi. Adán Goãmü iidigü árĩñumi.

## 4

### *Watĩ ñerire iidoreripü Jesure Mt 4.1-11; Mr 1.12-13*

<sup>1</sup> Jesu Espíritu Santo ïgu dorero dopa ta iipehogu árĩgu, ïgu Jordán waicuriyague buharapü. ïgu eropa buharacü Espíritu Santopü ïgure masa marirogue wadorepü.

<sup>2</sup> Erogue ejagu cuarenta nuri gohra arĩpü. Eropigü watĩpü Jesure ñerire iicü gameripü. Eropigü ñerire iidoreripü ïgure. Irinurire ne Jesu babiripü. Eropigü irinuri pehrero gohra ïgu oaboapü.

<sup>3</sup> ïgu eropa oaboacü ïagu watĩ õpa arĩpü Jesure:  
—Mũhü Goãmü magu árĩgu õpa ïhmuque. Iyere utäyere bari poyacü iique, arĩripü Jesure.

<sup>4</sup> ïgu eroparĩcü peegu Jesu gamebiripü. Õpa arĩ yuhripü:  
—Goãmü yare erã gojarapü õpa ähraa: “Masare bari mera dihta ojocaribiro gahmea. Árĩpehreri Goãmü ya ïgu ya wereniguiri mera säre árĩro gahmea,” arĩmi Goãmü, arĩpü Jesu watĩre.

<sup>5</sup> ïgu eropa arĩra pũhru watĩpü ïgure utägu wecague aĩ muriagu merogã pũhru ïgu árĩpehreri macari majare Jesure ïhmu purumujupü.

<sup>6</sup> Eropa ïhmuqu õpa Jesure arĩpü:  
—Árĩpehreri i macari ïgu yure ora ähraa. Eropigü yu gamegure omasia. Eropigü i macarire, i macari majarã doreri säre, erã opari mera mure ogura.

<sup>7</sup> Yure “Mũhü yu opu ähraa,” arĩ umupeoque. Mũ eroparĩcü i macarire árĩpehreri macarire mure ogura, arĩ wereripü watĩ Jesure.

<sup>8</sup> Jesu õpa arĩ yuhripü ïgure:

—Mure umupeobeaa. Ōpa āhraa Goāmū yare erā gojarapū: “Mū Opū Goāmū dihtare umupeoque. Īgū ya doreri dihtare iique,” arī gojañuma Goāmū yare, arīpū Jesu watīre.

<sup>9-11</sup> Īgū eropa arīra pūhrū Jerusaléngue watīpū ĩgūre aīgāpū. Erogue eja Goāmū wihi wecague aī mūrijapū ĩgūre. Aī ejatuhaja ĩgūre ōpa arīripū:

—¿Diaye ta Goāmū magū gohra ta āhriri mūhū? Goāmū yare erā gojarapū ōpa āhraa:

Goāmū ĩgū yarā anyuare mure ĩhadibudoregūcumi. Eropirā erāpū mure ĩhadiburācoma mūgue utāye weca mehbejajari arīrā, arī gojañuma Goāmū yare erā gojarapū.

Erā mure eropa ĩhadibumorā árīcū mūhū Goāmū magū ta árīgū ōgūe buhrimaa dija ĩhmuque yūre. Mure erā itamucū ĩhmuñata yūre, arīripū watī Jesure.

<sup>12</sup> Īgū eroparīcū peegu gamebiripū Jesu. Ōpa arī yūhrīpū ĩgūre:

—Goāmū yare erā gojarapū ōpa āhraa: “Mū opū Goāmū ĩgū arīrare, ‘¿Diaye ta āhriri?’ arī masidiarā, Goāmūre ii ĩhmodoremaabiricāque,” āhraa Goāmū yare erā gojarapū, arīpū Jesu watīre.

<sup>13</sup> Eropīgū watī árīpehreri ñerire Jesure iidoreripū. Jesu ĩgū gamebiricū ĩagu ĩgūre merogā duhurū.

#### *Galilea yeba Jesu buhenūgarū*

*Mr 4.12-17; Mt 1.14-15*

<sup>14</sup> Pūhrū Jesu Galileague dujaa wapū. Eropīgū ĩgū Espíritu Santo turari mera iipū. Īgū eropiicū ĩarā ero árīpehrero majarā masa ĩgū iira quere peeñorā.

<sup>15</sup> Judio masa buheri wiri Jesu sã buhemūripū. Eropirā árīpehrerā masa ĩgūre ōaro wereniguiñorā.

#### *Nazare majarā Jesure ne umupeobiriñorā*

*Mt 13.53-58; Mr 6.1-6*

<sup>16-17</sup> Pūhrū Nazaregue Jesu ĩgū bugadirogue ta ejapū. Erogue eja, Sabado árīcū ĩgū eropa iiniguero dopa ta ĩgū judio masa erā buheri wihigue ñajajapū. Ero ĩgū Goāmū yare erā gojarapūre buhedīagu niguipū. Īgū eropa niguicū ĩarā ero majarāpū Goāmū yare weremuhtadīgū Isaia ĩgū gojarapūre ĩgūre oñorā. Iripūre Jesu i wererire bocagu buhepū:

<sup>18</sup> Goāmū Espíritu Santo yū mera árīgū yūre doremi. Īgū mojomorocūrāre ōari buherire weredoregū obeomi yūre. Eropīgū ñero sīporācūrāre ōaro mucubiricū iidoregū yūre obeomi. Eropīgū peresugue árīrā sāre erāre ĩgū tauborore weredoregū obeomi yūre. Cuirī ĩhajabirā erā ōaro ĩhajaburire, gajirā erā ñero iibirarāre wiubure yūre obeomi.

<sup>19</sup> “Marī Opū ĩgū yarāre peamegue wabonirāre ĩgū tauburinari āhraa,” yūre weredoregū obeomi, arī buhepū Jesu.

<sup>20</sup> Eropā buhetuha Jesu iripūre bihacā, wihi majarāre wiatuha, doapū. Īgū doacū ĩarā ero árīpehrerā ĩgūre ĩhanūruñorā.

<sup>21</sup> Erā eropa iicū ĩgū erāre werenūgarū:

—I dohparagā ta yū buhediro dopa Goāmū ĩgū arīdiro dopa sihajaro iiaa, arīpū Jesu.

<sup>22</sup> Īgū eropa wereniguicū peerā “Īhī ōagu āhrimi,” arī pepiñorā. Eropirā erā ĩgū ōaro wereniguirire peerā ũca wañorā. Eropirā ōpa arīñorā erā erā basi:

—Cuenā, ¿José magū árībeari ihī? arīñorā erā erā basi.

23 Erã eroparĩcũ masigu Jesu werepu erãre:

—Iribojegue majarã erã eropa wereniguidiro dopa ta mua sã yure òpa arĩdiarã àhraa: “Mũhũ duhturu árĩgu mũ basi ocoyeque mũhũ duhturu árĩrire ii ihmuboro dopa ta. Mũhũ Goãmu ïgu obeodigu árĩgu mũ basi ïgu turari mera ii ihmũque guare. Capernaumguere Goãmu turari mera ii ihmũyoro mũhũ. Ohõ mũ ya macague sãre guare ii ihmũque. Diaye ta mũ Goãmu ïgu obeodigu árĩrire gua masiboro dopa ii ihmũque,” arĩdiaa mua yure.

24 Ire weregura mũare. Goãmu ya weremũhtagure ïgu ya yeba majarã umupeobeama. Eropirã yure umupeobeaa mua ohõ yũ bugadigu arĩquerecũ.

25 Eropigu diaye arĩgu iiaa mũare. Iribojegue majarã sãre Goãmu ya weremũhtanirãre erã ya yeba majarã erãre umupeobiriñuma. Eropiro Elia Goãmu yare weremũhtadigu ïgu arĩrasubure uñre bojori gaji bojori deco gohra ne deco aribiriyoro. Eropiro arĩpehrerogue sãre ne bari mariyoro. Irisubure ïgu ya yeba majarã Israe majarã bajarã wapeweyarã arĩquerecũ ta Goãmu erãre Eliare itamudoregu obeobiriñumi.

26 ïgu ya yeba majarãre itamudorebiriqueregu gaji yeba Sidón yeba arĩri maca Sarepta waĩcũri maca majagore itamudoregu Eliare obeoñumi Goãmu.

27 Pũhrũ Goãmu ya weremũhtadigu Eliseo ïgu ïgu arĩrisubure Israe yebague bajarã cami boarã erã arĩquerecũ ta ne yujugu Israe majagure ïgu ya yeba majagure òagu iibiriñumi Eliseo. ïgu ya yeba majagure òaro iibigu ta gaji yeba majagu Naamán Siria majagu dihtare òagu iinũmi ïgu. Eropigu judio masa erã umupeobirira waja, judio masa arĩbirã dihtare itamuñumi Goãmu, arĩpu Jesu erãre.

28 ïgu eroparĩcũ peerã arĩpehrerã iri wihi arĩrã guataria wañorã.

29 Eropirã erã wahgãnũgaja Jesure tara wiria, iri maca tũro arĩri tũhrũgue ïgure tumedijudiarĩñorã.

30 Erã eropa iidiaquerecũ ta Jesu erã watope waha wapũ.

### *Watĩ ñajasũdigũ Jesure bocatĩripũ*

#### *Mr 1.21-28*

31 Pũhrũ Jesu Galilea yeba arĩri macague Capernaum waĩcũri macague eja, Sabado arĩcũ masare buhepu.

32 ïgu opu iro dopa ta ïgu buhecũ peerã masa uca wañorã.

33 Iri wihi watĩ ñajasũdigũ árĩgu turaro gaguiniguipũ:

34 —Mũhũ Jesu Nazare majagu guare garibobita mũhũ. ¿Dohpa iibu iiri guare? ¿Mũhũ guare dederecũ iibu iiri? Yũhũ masia Goãmu magũ mũ òagu árĩrire, arĩ gaguiniguipũ Jesure.

35 ïgu eroparĩcũ peegu Jesu turipu watĩre:

—Ejarimaricãque. Duhuque ïgure, arĩpu Jesu.

ïgu eropa arĩra pũhrũ watĩpu masure yebague mehmereja tũrucũ iipu. ïgu eropa iira pũhrũ wiria wapũ. ïgu masũpu òagu dujapũ.

36 Ero arĩrã arĩpehrerã ïgu eropa wacũ ïha uca wañorã. Eropirã erã basi òpa arĩ wereniguiñorã:

—¿Ñeheno buheri àhriri i òpa wacũ iiri? Turaro mera opu iro dopa ta ihĩ watĩ ñajasũdigũre taumi. Eropirã erã watẽa ïgu dorero dopa ta masare duhuma, arĩ wereniguiñorã erã erã basi.

37 ïgu eropa iicũ ïarã iri yeba arĩpehreroguerẽ masa Jesu ïgu eropa iirare weresiriñorã.

*Jesu Simo Pedro muñecore òago iipũ**Mr 8.14-15; Mr 1.29-31*

<sup>38</sup> Judio masa buheri wihire wiria, Simo ya wihigue ñajajapũ Jesu. Ero Simo muñeco dorecũgo iipo. Turaro nimacũri árĩyoro. Eropirã erã igo dorecũcũ wereñorã Jesure.

<sup>39</sup> Erã werera pũhrũ ĩgũ igo pohro eja, nimacũrire taridorepũ. ĩgũ eropa taridorera pũhrũ igore nimacũri tahria wayoro. Mata òago wapo. Igo eropa wago wahgã doaja, igo ta erãre barire ejopo.

*Bajarã dorecũrãre òarã iipũ Jesu**Mr 8.16-17; Mr 1.32-34*

<sup>40</sup> Abe ñajara pũhrũ árĩpehrerã masa ĩgũ pohro arirã dorecũrãre Jesu pohrogue aĩ ejañorã. Dorecũrã baja gajiropa árĩri dorere opañorã. Eropigũ Jesu ĩgũ mojotori mera erã weca ñapeo, árĩpehrerãre erã dorere òaro taricũ iipũ.

<sup>41</sup> Watẽa ñajasũnirã sãre Jesu watẽare wiriadorepũ. Erã wiricũ òpa arĩ gaguiniguñorã:

—Mũhũ diaye ta Goãmũ magũ ãhraa, arĩñorã erã Jesure.

Jesu Goãmũ ĩgũ obeodigũ ĩgũ Cristo árĩcũ watẽa ĩgũre masiñorã. Eropigũ Jesu irire gajirãre werenidorebiripũ.

*Galilea yeba buhepũ Jesu**Mr 1.35-39*

<sup>42</sup> Boyomũricũ Jesu iri maca árĩdigũ waha, masa marirogue ejapũ. ĩgũ eropiicũ ĩarã masa ĩgũre ahma, bocajarã, òpa arĩñorã:

—Gũa ya maca dujaque. Wabita, arĩriñorã erã Jesure.

<sup>43</sup> Erã eropa arĩquerecũ ta ĩgũpũ erãre òpa yũhripũ:

—Goãmũ ĩgũ opũ árĩrire òari buherire gaji macari sãre buhedaa yũhũ. Goãmũ yũre obeomi irire werebure, arĩpũ Jesu erãre.

<sup>44</sup> Eropigũ Galilea yeba maja wiri, judio masa buheri wirigue ĩgũ buhe curipũ.

**5***Jesu ĩgũ buherãre bajarã waire bocacũ iipũ**Mt 4.18-22; Mr 1.16-20*

<sup>1</sup> Gajinũ Jesu Genesare waĩcũri ditaru tũrogue ejapũ. Ero ĩgũ árĩcũ ĩarã bajarã masa Goãmũ yare peediarã ĩgũre nũrusia ejañorã. Òaro ujuturi nũgajañorã masa bajarã.

<sup>2</sup> Peeru gasiru imiporo payari gasire Jesu ĩapũ. Iri gasi majarã wai wejẽnirã majanũgaja, erã wejẽdi yucũre coerã iĩñorã.

<sup>3</sup> Eropigũ Jesu Simo yarugue ñajapũ. Ñajatuha iriru dohodirure dia tũro taramujupidorepũ. Eropigũ dohodirugue doa, masare buhebeo doapũ.

<sup>4</sup> Buhetuha, Jesu Simore òpa arĩpũ:

—Deco ñari sĩwiuque. Eropirã mũhũ, mũ wapi mera mũa wejẽdi yucũre mehyuque wai ñeamorã, arĩpũ Jesu.

<sup>5</sup> ĩgũ eroparĩcũ peegũ Simo Jesure yũhripũ:

—Opũ, wai wejẽbutahmuarabũ gũa dohpagã ñamire. Eropiiquererã ta waire wejẽbiraca gũa. Eropa wejẽbiriquererã ta mũ dorero òpa ta mehyu ĩarãra, arĩ yũhripũ Simo.

<sup>6</sup> Eropa arĩtuha erã mehyuñorã. Erã eropa mehyucũ irigũ wejẽdigũre bajarã wai ñajañorã. Bajarã erã ñajacũ wejẽdigũ yehguea wariyoro.

<sup>7</sup> Eropa wacũ ĩarã erã gajiru majarã erã mera majarãre sihubeoñorã.

—Mua sã itamuque guare, arĩ sihubeoñorã Simo sã.

Erã eropa itamura pũhrũ peeru gasiru ðaro miriparo bocañorã waire.

<sup>8</sup> Simo Pedro eropa wai bajarã ñajacũ ïagu, Jesu pohro mereja, ïgure werepũ:

—Yũ opu, mũ mera árĩbogũ árĩbeaa yũhũ. Ñegũ āhraa. Eropigu yũre duhuque, arĩpũ Simo Jesure.

<sup>9</sup> ïgu árĩpehrerã ïgu mera majarã sã wai bajarã ñajacũ ïarã, Ʃca wañorã erã sã.

<sup>10</sup> Perã Simo mera majarã Zebedeo porã Santiago ïgu pagũ magũ Ñũ mera, erã sã ïha Ʃca wañorã. Eropa Ʃcacũ ïagu Jesu Simo Pedore werepũ:

—Gũibita. Dohpaguere waire ñeha gameneogu mũ árĩro dopa ta Goãmũ yarã árĩmorãre sihu gameneogu árĩgũca mũhũ, arĩpũ Jesu Simore.

<sup>11</sup> ïgu eropa arĩra pũhrũ erã erã gasire imiporo taramujupicã, erã ya árĩpehrerire ero ta apicã, Jesu mera waha wañorã.

*Jesu camĩ boagũre ðagu wacũ iipũ*

*Mt 8.1-4; Mr 1.40-45*

<sup>12</sup> Jesu gajĩ maca ïgu árĩcũ camĩ boagu ïgu pohrogue erapũ. Eropigu ïgu Jesure ïagu mereja turaro serẽpũ:

—Opũ, mũhũ yũre ðagu iidiagu yũre ðagu iimasia mũhũ, arĩ serẽpũ.

<sup>13</sup> ïgu eropa arĩra pũhrũ Jesu ïgure mohmeriñagu ðpa arĩpũ:

—Irire iidiaa. Dohpaguere ðagu árĩque mũhũ, arĩpũ.

ïgu eroparĩcũ ta ïgu camĩ boara mũra yaria wayoro.

<sup>14</sup> Eropigu Jesu ïgure dorepũ:

—I yũ mũre ðpa iirare gajirãre ne werebiricãque. Mũ ya dũpũre ðarare pahire ïhmugũ waque, “Óaro āhrimi,” arĩdoregũ. Tuhajanugu Moisere Goãmũ ïgu apidiro dopa ta iique. Eropigu Goãmũ wihigue mirimagũre asũwahgã apique mũ dore tarirare masa árĩpehrerã masimaja ðaro, arĩpũ Jesu camĩ boadigure.

<sup>15</sup> “Werebita,” ïgu arĩquerecũ ta árĩpehrerogue masa ïgu iirare were-siripehoñorã. Erã eropa quere peerã masa bajarã Jesu pohrogue ejañorã. Dorecũrã ðarã wadiarã erã sã ïgu pohrogue ejañorã.

<sup>16</sup> Erã eropa ejaquerecũ ta Jesu masa marirogue Goãmũ ïgu Pagũre serẽgũ waha warũ.

*Jesu dũpũ bũhadigure ðagu wacũ iipũ*

*Mt 9.1-8; Mr 2.1-12*

<sup>17</sup> Gajinũ Jesu ïgu buhecũ fariseo masa, judio masare buherã sã ero doañorã. Erã árĩpehrerã Galilea macari majarã, Judea macari majarã, Jerusalén majarã árĩñorã. Eropigu Jesu Goãmũ turari mera dorecũrãre ðarã iipũ.

<sup>18</sup> Irisubu bajamerãgã Ʃma dũpũ bũhadigure oyariñe mera coã erañorã. Eropirã ïgure Jesu pohro apidiarã, wihigue aĩ ñajariñorã erã ïgure.

<sup>19</sup> Eropa ñajadiaquererã masa bajarã árĩcũ erã ïgure aĩ ñaja masi-biriñorã. Eropirã ïgure wihi wecague aĩ mũrija, miri gobe aĩ wea iri gobegue dũpũ bũhadigure oyariñe mera pihri dijuñorã Jesu pohro árĩrã watope.

<sup>20</sup> “Jesu ihĩ ïgu dorecũrĩre taricũ iigũcumĩ,” arĩ pepiñorã erã. Erã eroparĩ pepicũ masigu Jesupũ dorecũgũre ðpa arĩ werepũ:

—Mahgũ, mũ ñero iirare yũhũ cóātuhabũ, arĩpũ dũpũ bũhadire Jesu.

<sup>21</sup> ïgu eroparĩcũ peerã fariseo masa, judio masare buherã sã erã basi ðpa arĩ pepiriñorã: “Ihĩ eropa arĩ wereniguirĩ mera Goãmũre ñero arĩgũ



iimi. Īgu masu mari iro dopa árĭgu ĭgu masa erā ñerire cóāmasibeami. Goāmũ dihta masa erā ñeri iirire cóāmasimi,” arĭ pepiriñorā erā.

<sup>22</sup> Jesu erā pepirire masigu ōpa arĭpu:

—¿Duhpirā eropa arĭ pepiri mua?

<sup>23</sup> “Mu ñeri iirire yu cóātuha,” yu arĭcũ, “Guyagu āhrimi,” yure arāa mua masibiriquererā ta. “Wahgānugajaque. Curique,” yu arĭcũ yu arĭra diaye árĭri arĭcũ mata masirāca mua.

<sup>24</sup> Yuhũ masu Goāmũ ĭgu obeodigu i yeba majarā erā ñeri iirire cóāmasia yuhũ. Mua ire masiboro dopa ōpa ta ĭgu wahgānugacũ iigura, arĭpu Jesu.

Eropa arĭtuha dupu buhadigure ōpa arĭpu:

—Mure arĭgu iiaa. Wahgānugajaque. Mu oyarañere aĭgāque. Mu ya wihigue waque, arĭpu ĭgure.

<sup>25</sup> Īgu eroparĭcũ ta mata árĭpehrerā erā ĭhuro wahgānugaja, ĭgu oyarañere aĭ ĭgu ya wihigue waha wapu. Eropa wagu ĭgu Goāmure umupeogu mucubiriri mera ōaro wereniguipu.

<sup>26</sup> Īgu eropiicũ ĭarā masapu árĭpehrerā ĭha uca wañorā. Goāmure umupeorā mucubiriri mera ōaro wereniguiñorā:

—Dohpagāre gajiropa árĭrere ĭabũ gua, arĭñorā erā.

### *Jesu Levire sihupu*

*Mt 9.9-13; Mr 2.13-17*

<sup>27</sup> Eropiituha waha, Leví waĭcugure ĭgu mohmeri taribugue ĭgu árĭgure bocajapu Jesu. Levípu oparā ya árĭburire masare wajasea coregu árĭpu. Eropa bocajagu ĭgure ōpa arĭpu:

—Yu mera majagu árĭbu arique, arĭpu ĭgu Levire.

<sup>28</sup> Īgu eroparĭcũ Levípu árĭpehreri ĭgu mohmerare duhucā, Jesu mera waha wapu.

<sup>29</sup> Puhru Leví ya wihi Jesu ya árĭburire bosenu iirā iñorā. Ero bajarā wajasea corerā, gajirā Leví sã mera ba doañorā.

<sup>30</sup> Erā mera Jesu ĭgu doacũ ĭarā bajamerāgã fariseo masa, judio masare buherā mera gua ũrugã Jesu buherāre arĭ duyasoñorā:

—¿Duhpirā ñero iirā wajasea corerā mera bahari mua? arĭ turiñorā erā.

<sup>31</sup> Erā eroparĭcũ peegu Jesu yuhripu erāre.

—Dorecũbirā duhturure amabeama. Dorecũrā dihta duhturure ah-mama. Dorecũrā duhturu amaro dopa ta “Ñerā āhraa,” arĭrā yure amarācoma.

<sup>32</sup> Eropigu “Ñerā āhraa,” arĭrā dihtare erā ñero iirare bujaweredore, ōaripure gohrotocũ iigu aribu yuhũ. Erā basi “Ōarā āhraa gua,” arĭ pepirāre itamugu aribiribu yuhũ, arĭpu Jesu.

### *Ba duhurire Jesure serēpiñorā gajirā*

*Mt 9.14-17; Mr 2.18-22*

<sup>33</sup> Eropirā bajamerā masa Jesure ōpa arĭ serēpiñorā:

—Ñu buherā bajasuburi Goāmũ ya árĭburire iimorā ba duhuma. Eropi erā bajasuburi Goāmũ mera wereniguima. Fariseo buherā sã erā iro dopa ta iima. ¿Duhpirā mu buherāpu Goāmũ ya árĭburire ba duhubeari erā? arĭñorā erā Jesure.

<sup>34</sup> Erā eroparĭcũ Jesu erāre ōpa arĭ yuhripu.

—Ōpa āhraa iri: Mojoto diridigu ĭgu bosenu iicũ ĭgu mera majarā bujawererā ba duhunirā árĭbeama. Īgu mera árĭrā mucubiriri mera barā iima. Eropa ta yu buherā sã yu mera árĭrā ba duhumasibeama.

<sup>35</sup> Yujunꝯ yũre Goãmꝯ aĩcãgucumi. Eropa ïgꝯ aĩra pũhrꝯ yũ buherã mera árisome yũhũ. Irisubugue ta yũ buherã ba duhurãcoma, arĩpꝯ Jesu.

<sup>36</sup> Iribojegue maja buheri mama buheri mera erã buhemoresũdiacũ ïagꝯ õpa arĩ werenemopꝯ Jesu erãre.

—Ne mama suhrirore miri gasirogã yehgue aĩ, mũrañe suhrirore seretuma masiya mara. Mari eropa seretura pũhrꝯ mama gasirore mari coecũ, mũra gasiro áĩro tara gameneo yehgueacũ iiaa. Eropirã mũra buheri mama buheri mera wapimoa buhebiricãro gahmea.

<sup>37</sup> Eropirã ne igui decore imisĩri decore waibugꝯ gasiro ajurore, mũra ajurore diyebiricãro gahmea. Eropa iicũ igui deco pahmuro mũra ajurore yehgue dija wahaa. Iri ajuro yehguecũ igui deco iri ajuro sã cohmoa wahaa.

<sup>38</sup> Eropirã igui deco mama decore mama ajuro mera diyero gahmea. Eropa ta mama buheri mũra buheri mera buhebiricãro gahmea.

<sup>39</sup> Vino deco mũra decore masa erã ihrira pũhrꝯ mama decore gamebeama erã. Õpa arĩma masa. “Vino mũra deco mama decore õatarinũgaa,” arĩma masa, arĩpꝯ Jesu erãre.

## 6

### *Sabado árĩcũ Jesu buherã trigo pororire tũrĩñorã*

*Mt 12.1-8; Mr 2.23-28*

<sup>1</sup> Gajinꝯ Sabado árĩcũ Jesu ïgꝯ buherã sã trigo pohegue ïha tariañorã. Eroguetariarã, ïgꝯ buherãpꝯ trigo pororire tũrĩ, gasiri cohro bañorã iriyerire.

<sup>2</sup> Erã eropa iicũ ïarã bajamerãgã fariseo masa erãre serẽpiñorã:

—¿Duhpirã mũa Sabado mari soorinꝯ árĩquerecũ ta mohmeri? Mari dorerire tarinũgarã iiaa, arĩñorã fariseo masa.

Erã eroparĩcũ peegꝯ Jesupꝯ “Yũ buherã iri dorerire tarinũgarã iibeama,” arĩgꝯ õpa arĩpꝯ erãre:

<sup>3-4</sup> —Iribojegue Davi ïgꝯ mera majarã mera oaboagꝯ Goãmꝯ wihigue ñaja, iri wihĩ árĩri panre bapꝯ. Eropa bagꝯ ïgꝯ mera majarã sãre badoregꝯ iri panre ópꝯ. Iri pan pahia dihtare badorera árĩriyoro. Goãmꝯ doreri iri panre gajirãre badorebiriyoro. ¿Davi irire ïgꝯ eropa iirare Goãmꝯ yare erã gojarapũgue buhebirari mũa? Davi i panre bagꝯ Goãmũre tarinũgagꝯ iibiriñumi. Dohpagãre yũ buherã sã i trigo yerire tũrĩ barã Goãmũre tarinũgarã iibeama.

<sup>5</sup> Yũhũ masꝯ Goãmꝯ ïgꝯ obeodigꝯ inonꝯ soorinꝯ sãre masa erã iiburire doremasia, arĩpꝯ Jesu.

### *Mojoto bũhadigꝯ õagꝯ wapꝯ*

*Mt 12.9-14; Mr 3.1-6*

<sup>6</sup> Gajinꝯ Sabado árĩcũ Jesu judio masa buheri wihigue ñaja buhepꝯ masare. Ero mojoto diayerꝯ bũhadigꝯ árĩpꝯ.

<sup>7</sup> Ero árĩrã sã bajamerãgã masare buherã, fariseo masa sã Jesure ïhanũruñorã ïgũre weresãdiarã. Õpa arĩ pepiñorã: “Sabadonꝯ árĩcũ ihĩ masũre õagꝯ iibocumi Jesu. ïgꝯ eropiicũ ‘Mari soorinꝯ Jesu mohmegũ iimi,’ arĩ weresãrãra,” ari pepiñorã.

<sup>8</sup> Jesu erã pepirire masigꝯ, mojoto bũhadigũre õpa arĩpꝯ:

—Wahgãnũgajaque. Ohõ arique, arĩpꝯ ïgũre.

Ïgꝯ eropa arĩra pũhrꝯ mojoto bũhadigũpꝯ wahgãnũgaja, ero niguirꝯ.

<sup>9</sup> Eropigꝯ Jesu erãre serẽpipꝯ.

—Mũare serēpigura: ¿Mari soorinu árĩcũ òarire iicũ òabeari? ¿Ñerire iicũpũre òhari? ¿Soorinu árĩcũ masũre masucũ òhari? ¿O soorinu árĩcũre masũre wejēcũpũre òhari? arĩpũ Jesu erãre.

<sup>10</sup> Eropa arĩgũ Jesu erãre ìhametupeho, mojoto bũhadigũre òpa arĩpũ daja:

—Mũ mojotore sĩsirãbeoque, arĩpũ ìgũ.

Ìgũ eroparĩcũ ta mojoto bũhadigũpũ sĩsirãbeo, òari mojoto wayoro.

<sup>11</sup> Ìgũ eropa iicũ ìarã erã ìgũ mera turaro guañorã.

—¿Dohpa iirãcuri mari ìre? arĩñorã erã basi.

*Jesu ìgũ buherãre doce gohra ìgũ apimorãre beyepũ*

*Mt 10.1-4; Mr 3.13-19*

<sup>12</sup> Irinũrere Jesu utãgũgue Goãmũre serēgũ mũria wapũ. Erogue arĩgũ, ñamire Goãmũ mera werenigui butahmua wapũ.

<sup>13</sup> Boyorogue ìgũ buherãre ìgũ pohro sihubeopũ. Sihubeotuha erã mera majarãre doce gohra ìgũ apimorãre beyepũ.

<sup>14</sup> Oã arĩñorã Jesu ìgũ beyenirã: Simore Jesu Pedro piyudigũ, Simo pagũ magũ Andre, Santiago, Ñu, Felipe, Bartolomé,

<sup>15</sup> Mateo, Toma, Santiago arĩñorã. Santiagopũ Alfeo magũ arĩpũ. Eropirã Simo celote ya curu majagũ arĩgũ,

<sup>16</sup> Juda Santiago pagũ magũ sã, Juda Iscariote sã arĩñorã ìgũ beyenirã. Juda Iscariotepũ Jesure ìhaturirãre ìhmubu arĩpũ.

*Jesu bajarã masare buhepũ*

*Mr 4.23-25*

<sup>17</sup> Eropii Jesu ìgũ buherã mera utãgũ weca arĩnirã dijericũ, bajarã gajirã ìgũ buherã mera òari pũgũgue niguiñorã erã. Gajirã masa sã bajarã arĩñorã. Erã arĩpehrero Judea yeba macari majarã, Jerusalén majarã, Tiro waĩcũri maca majarã, Sidón waĩcũri maca majarã, wũariya tũro arĩri macari majarã ìgũ pohrogue eranirã arĩñorã.

<sup>18</sup> Erã Jesu buherire peerã erarã, erã dorecũrere taudorerã erarã arĩñorã. Watẽa ñajasũnirã sã ìgũ pohrogue eraa, òarã wañorã.

<sup>19</sup> Jesu ìgũ turari mera òarã wacũ ipũ erãre. Eropirã erã arĩpehrerã ìgũre mohmepiñarã erañorã.

*Jesu mucubiririre, bũjawereri sãre buhepũ*

*Mt 5.1-12*

<sup>20</sup> Pũhrũ Jesu ìgũ buherãre ìha, werepũ:

—Mũa mojomorocũrãpũ Goãmũ ìgũ opũ arĩroguere warãca mũa. Eropirã mũa mucubirirãca.

<sup>21</sup> “Dohpaguere mũa oaboarãpũ yapirã arĩrãca. Eropirã mucubirirãca.

“Mũa dohpaguere bũjawere orerãpũ mucubirimorã ãhraa. Eropirã pũhrũguere ìayerãca. Eropirã mucubirirãca.

<sup>22</sup> “Yũhũ masũ Goãmũ ìgũ obeodigũ ãhraa. Eropirã yaha arĩburire mũa iiri dipuwaja gajirã mũare ìhaturicũ mũapũ mucubirirãca. Mũare erã cóãcũ sãre mucubirirãca. Mũare erã ñero wereniguiquerecũ ta, “Ñerã ãhrima,” mũare arĩquerecũ ta mũapũ mucubirirãca.

<sup>23</sup> Mũare erã eropa iinirãre umarogue mũa ejacũgue Goãmũ mũare wũaro òaro iigũcumĩ. Eropirã turaro mucubirirã arĩque. Òaro sĩporãcũrã arĩque. Mũare ìhaturirã ta erã acawererã mũra iribojegue majarã eropa ta ñero iimũriñuma Goãmũ yare weremũhtanirãre.

<sup>24</sup> “Eropirã mũa dohpaguere baja oparãpũ i yebaguere mũa òaro arĩtuhabũ. Eropirã ñero tarirã arĩrãca mũa.

<sup>25</sup> “Dohpaguere yapirãpũ mũa oaboarãca. Mũa eropa árĩrã ñero tarirãca.

“Dohpaguere mũa mucubirirã árĩrãpũ pũhrũguere bujawere orerãca. Eropirã ñero tarirãca.

<sup>26</sup> “Goãmũ yare weremuhtarã ãhraa,” arĩ guyarãre “Õarã ãhrima,” arĩriñuma bajarã iribojegue majarã. Mũa mera majarãre eropa ta “Õarã ãhrima,” arĩbocoma masa. Eropa arĩnirã árĩrãpũ ñero tarirãca mũa sã, arĩ buhepũ Jesu.

*Mũare ñhaturirã erã árĩquerecũ erã sãre mahique*

*Mt 5.38-48; 7.12*

<sup>27</sup> Eropigũ õpa arĩ buhenemopũ Jesu:

—Yũre peediarãre, mũare arĩgu tiiaa. Mũare ñhaturirã erã árĩquerecũ erã sãre mahique. Mũare ñhaturirãre õaro iique.

<sup>28</sup> Mũare ñero árĩdorerã erã árĩquerecũ ta õadoreque erãre. Mũa ñero iirã erã árĩquerecũ ta, “Erã sã õaro árĩporo,” arĩ serẽbasaque Goãmũre.

<sup>29</sup> Yujugu mũa wayuporã pacũ, “Gajipũ sãre padiagu paque,” arĩque ñguere. Mũa weca majañe suhrirore ñgu emacũ mũa camisa sãre ocãque ñguere.

<sup>30</sup> Mũa serẽguere ñgu serẽropẽ ta oque ñguere. Mũa yare ñgu aĩcũ ñguere dipaturi serẽpibita irire.

<sup>31</sup> Gajirã mũare õaro iicũ gahmea mũa. Erãre mũa õaro iicũ gamero dopa ta õaro iique erã sãre. Erã õaro iibiriquerecũ ta mũapũ erãre õaro iique.

<sup>32</sup> “Mũa umupeorã dihtare mũa umupeocũ iri ne duhpiburi árĩbeaa. Ñerã sã eropa ta iima.

<sup>33</sup> Eropirã mũare õaro iinirã dihtare mũa õaro iicũ iri sã ne duhpiburi árĩbeaa. Irire ñerã sã iima.

<sup>34</sup> Eropiro gajirãre wayurã “Yũre wiaque,” arĩcũ mũa wayuri sã ne iri duhpiburi árĩbeaa. Ñerã sã gajirãre wayurã ero pũhrũ wiapehodorã ohoma.

<sup>35</sup> Eropirã mũapũ mũare ñhaturirãre mahi umupeoque. Eropirã erãre õaro iique. Eropirã mũa yare mahibirã ta wayuque erãre. Mũa eropa iicũ Goãmũ mũare õaro iigũcumĩ. Goãmũpũ ñguere umupeobirã sãre, ñerã sãre õaro iimi. Eropa ta iique mũa sã. Mũa eropa iirã wũaro wajatarãca. Eropirã Goãmũ turatarigũ mũaro majagu porã árĩrãca.

<sup>36</sup> Mari Pagũ mũaro majagu ñgu mojomoro ñadiro dopa ta mũa sã masare mojomoro ñaque.

*Gajirãre “Ñerã ãhrima,” arĩbircãque, arĩpũ Jesu*

*Mt 7.1-5*

<sup>37</sup> Eropigũ erãre werenemopũ:

—Gajirãre “Ñerã ãhrima,” arĩrã erã iirare werewũabircãque. Mũa eropa arĩ werewũabircũ Goãmũ mũa sãre “Ñerã ãhrima,” arĩsome. Gajirã mũare erã ñero iirare, erã ñero arĩra sãre cãdijique. Mũa eropa cãdijicũ ñagu Goãmũ mũa sãre mũa ñero iirare cãdijigũcumĩ.

<sup>38</sup> Gajinore oparã gajirãre oque. Mũa eropa ocũ Goãmũ mũare ogũcumĩ. Eropa ogũ mũare õaro queoro wũaro ogũcumĩ. Õaro wajayegũcumĩ. Gajirãre mũa orañepẽ ta mũa sãre Goãmũ ogũcumĩ, arĩpũ Jesu erãre.

<sup>39</sup> Eropa arĩtuha Jesu buhenemogu õpa arĩpũ werenigui queori mera:

—Cuirĩ ñhajabirã erã seyaro erã basi game tũagãrã erã perãgue ta mehtuha yuriñaja warãcoma gobegue. Eropa ta erã cuirĩ ñhajabirã iro

dopa ta Goãmũ yare masibirã sã gajirãre buhediarima. Eropirã erã erã buherã sã peamegue warãcoma.

<sup>40</sup> Buherã erãre buhegũre masitarinũgabeama. Eropirã árĩpehrerã buherã erãre òaro buhepehora pũhrũ erãre buhegũ iro dopa ta masirãcoma. Eropirã erãre buherã masibirã árĩbircãporo, arĩpũ Jesu.

<sup>41</sup> Eropã arĩtuha gaji buheri mera buhepũ daja:

—Mari werenigui queori mera buhecũ òpa iirã àhraa mũa: Mũa acaweregũ ìgũ cuirugue miri pogañegã mehñajacũ iri pogañegãre òaro ìhaa mũa. Mũ yaru cuirupũre wũarimijiro árĩquerecũ irimijipũre ne pepibea mũa. Eropirã miri pogañegãre mũa ìaro dopa ta mũa acaweregũ ìgũ ñero iiripũre òaro ìhaa mũa. Mũapũ mũa ñero iirire turaro iiquererã ta irire eropa pepicãa. ¿Dohpa árĩrono eropa àhriri mũa?

<sup>42</sup> Òpa arĩ wereniguia mũa acawererãre: “Acaweregũ, mũa ñerire iigũ iica. Eropigũ iri ñerire duhcãque,” arĩ wereniguia mũa. Eropã ìgũ ñerire duhdorequererã mũapũ iri ñerire iirã duhubeaa. ¿Duhpirã mũa ñerire iiquererã ta irire eropa pepicãri mũa? Masa erã pũrũpũrũre ñero ii corerã àhraa mũa eropa iirã. Mũa ñero iiripũre duhumũhtaque. Mũa eropa iira pũhrũ mũa acaweregũre “Mũa ñero iirire duhcãque,” arĩ weremasia, arĩ buhepũ Jesu.

*Masa erã wereniguirire peerã erã árĩricũrĩre masia mari, arĩ werepũ Jesu  
Mt 7.17-20; 12.34-35*

<sup>43</sup> Eropigũ buhenemogũ òpa arĩ werenemopũ erãre werenigui queori mera:

—Yucũgũ òadigũ ñerire dũcacũbeaa. Eropiro ñedigũ sã òarire dũcacũbeaa.

<sup>44</sup> Yucũgũ dũcare masirã “Irigũ dũca ta àhraa,” arĩ masia mari. Poracũdigũ higuera dipure dũcacũbeaa. Eropiro aña poragũ igui tũrĩre dũcacũbeaa.

<sup>45</sup> Eropã àhrima masa sã. Òagũ ìgũ pepiri òari àhraa. Eropigũ ìgũ òarire wereniguimi yucũgũ òadigũ irigũ òarire dũcacũro dopa ta. Ñegũre ìgũ pepirigũ ñeri àhraa. Eropigũ ìgũ ñerire wereniguimi yucũgũ ñedigũ irigũ ñerire dũcacũro dopa ta. Mari pepirigũ iri árĩro dopa ta wereniguia mari, arĩpũ Jesu.

*Pe wihĩ iira queori werepũ Jesu  
Mt 7.24-27*

<sup>46</sup> Eropigũ erãre werenemopũ:

—Mũa yũre “Opũ,” arãa. Eropã arĩquererã ta yũ dorerire iibeaa mũa. ¿Duhpirã eropa iibeari mũa?

<sup>47</sup> Árĩpehrerã yũre gamerã yũ wereniguirire peema. Eropirã yũ dorerire tarinũgabeama. Òpa àhrima yũre tarinũgabirã:

<sup>48</sup> Wihĩ òaro nugudi iro dopa ta àhrima erã. Ìgũ ãhcãri goberire seha, wihire nugunũgami. Iri wihĩ òaro ìgũ ãhcãro nugura wihĩ árĩro dia miricũ turaro deco turaquerecũ iri wihĩ òaro turaniguia.

<sup>49</sup> Eropirã yũ wereniguirire peenirã árĩquererã ta yũ dorerire iibirãpũ wihire òaro nugubigũ iro dopa àhrima. Iri wihire wecagã nugu, òaro iinũgabeami. Ìgũ eropa iira wihĩ árĩro dia miricũ deco turacũ iri wihĩ mata cohro yuhria wahaa. Eropiro iri wihĩ cohmopehrea wahaa, arĩpũ Jesu.

## 7

*Surara opu pohro majagure igu dorecucũ Jesu ðagu iiru igure*

*Mt 8.5-13*

<sup>1</sup> Iri queori masare weretuha Jesu sã Capernaumgue ejañorã.

<sup>2</sup> Ero árĩgu cien surara opu árĩgu igu pohro majagure turaro mahĩpu. Īgu pohro majagu dorecugũ árĩgu sĩriro pohrogue árĩpu.

<sup>3</sup> Eropigu Jesu igu iirare peegu, judio masa murãre sihu Jesu pohrogue obeopu opupu.

—Yu pohro majagure dorecugure ðacũ iigu arique, arĩ weredoregu obeopu opu murãre.

<sup>4</sup> Erã Jesu pohrogue ejarã, ðpa arĩ burigã serẽñorã igure:

—Surara opu guare mu pohro obeoami. “Yu pohro majagure dore taubasagu ariporo,” arĩ weredoregu obeoami. Īgu opu ðagu ahrimi. Īgu eropa arĩcũ itamuque igure.

<sup>5</sup> Mari ya maca majarãre igu mahimi. Eropigu igu gua buheri wihire gua iira waja wajayemi, arĩñorã murã Jesure wererã.

<sup>6</sup> Erã eropa arĩ werecũ peegu Jesupu erã mera wapũ. Surara opu ya wihi pohro igu ejabu iicũ gohra opupu igu mera majarãre Jesure ðpa arĩ weredoregu obeopu:

—Opu, ðaroca. Aribita. ðagu arĩbeaa yuhu. Yaha wihi mure ñajaridorebuno arĩbeaa yuhu.

<sup>7</sup> Eropigu mu pohro wabirabu. Yuju diaye ta mu turari mera dorebeoque. Mu eropiicũ yu pohro majagu ðagu wagucumi.

<sup>8</sup> Yure yu weca arĩrã gajirã oparã dorema. Eropigu yu sã surarare dorea. Yujugure “Waque,” yu arĩcũ igu wahami. Gajigure “Arique,” yu arĩcũ igu ahrimi. Yu pohro majagure “Ire iique,” yu arĩcũ irire igu iimi. Eropigu mu sã mu dorero dopa ta igu dorecugũ tarigucumi, arĩ weredorepu surara opu.

<sup>9</sup> Jesu irire peegu, uca wa, bajarã masare igu mera nurusiarãre majinuga wereru:

—Diaye ta mure arĩgu iiaa. Ihĩ surara opu Israe masu arĩbiriqueregu Goãmure burigã umupeomi. Īgu pohro majagure yu ðagu wacũ iiburire masituhami. Israe masare ne sihĩ iro dopa umupeorãre ñanibea, arĩpu Jesu.

<sup>10</sup> Īgu eropa arĩra puhru surara opu Jesu pohro igu obeonirã erã opu ya wihigue dujaa wañorã. Dujaja dorecudigure ðagu igu arĩcũ ñañorã erã.

*Jesu wapeweyo magure masupu*

<sup>11</sup> Puhru ñari Naín waĩcũri macague Jesu wapũ. Īgu buherã bajarã masa sã igu mera wañorã.

<sup>12</sup> Iri macare ñajaro pohro igu ejacũ sĩridigure masa aĩ wiririñorã yaarã warã. Sĩridigu pago wapeweyo arĩpo. Yujugu ta árĩgu igo magu sĩria wapũ. Eropirã ero majarã masa bajarã igo mera wañorã.

<sup>13</sup> Igo eropa wacũ ñagu Jesu igore mojomoro ñapu.

—Orebita, arĩpu Jesu igore.

<sup>14</sup> Eropa arĩgu sĩridigu igu masa porere eja mohmeripu. Īgu eropa mohmepicũ ñarã iri porere coãrãpu nãgajañorã.

—Mahgu, yuhu mure ðpa arãa. Wahgã dojaque, arĩpu Jesu.

<sup>15</sup> Īgu eroparĩcũ ta sĩridigu muru wahgã doja, werenigui pu. Eropigu Jesu igure igu pagore wiapu.

<sup>16</sup> Eropirã erã arĩpehrerã güirã warã Goãmure umupeo ðpa arĩñorã:

—Goām̄ yare werem̄htaḡ masitariḡ dohpague tamerare mari watope āhrimi, arĩñorã erã.

—Goām̄ marire ĩḡ yarãre itamuḡ eratuhami, arĩñorã gajirã.

17 Eropirã árĩpehrerã Judea yeba majarãre ero turo árĩri macari majarãre Jesu ĩḡ iirare masa weresiripehoñorã.

*Ñu waĩyeri mas̄ ĩḡ buherãre Jesure serēpidorep̄*

*Mt 11.2-19*

18 Eropi Jesu ĩḡ iirare ĩarã Ñure peresu árĩḡure wereñorã ĩḡ buherã. Eropa erã werecũ peeḡ perãre ĩḡ pohro sihubeo,

19 Jesure serēpidoreḡ obeop̄ Ñu. Ōpa arĩ serēpidorep̄:

—“Ȳ p̄hr̄ gajiḡ ariḡcumi,” ¿Ñu ĩḡ arĩdiḡ ta āhriri m̄h̄? ¿O gajiḡure corerãcuri ḡa? arĩ serēpidorep̄ Ñu perã ĩḡ buherãre.

20 Eropi erã Jesu pohro eja, serēpiñorã ĩḡure:

—Ñu waĩyeri mas̄ m̄re ōpa serēpidoreḡ obeoami ḡare. “Ȳ p̄hr̄ gajiḡ ariḡcumi,” ¿Ñu arĩdiḡ ta āhriri m̄h̄? ¿O gajiḡure corerãcuri ḡa? arĩ serēpiñorã erã Jesure.

21 Irisubu ta bajarã dorec̄rãre, watẽa ñajasũnirãre, cuiiri ĩhajabirãre òarã iip̄ Jesu.

22 Eropiḡ Ñu ĩḡ obeonirãre Jesu ȳhr̄ip̄:

—Dohpaguere m̄a ĩarare m̄a peerare Ñure wererã waque: Ōpa arĩque: “Jesu mera cuiiri ĩhajabirã ĩhama. Curimasibirã cuhrima. Cami boanirã òarã wahama. Peejabirinirã peea wahama. Sĩrinirã masa wahama,” arĩ wereque. Eropirã mojomoroc̄rãre òari buherire ȳ wererare wereque ĩḡure.

23 Eropa arĩ weretuhaja ōpa arĩ wereque Ñure: “Ȳre peeḡ ‘Diaye ta āhraa,’ arĩḡ ĩḡ mucubiriḡ āhrimi, arĩmi Jesu,” Ñure arĩ wererã waque, arĩp̄ Jesu.

24 Ñu buherã erã wara p̄hr̄ Jesup̄ Ñu árĩric̄rire weren̄gap̄ bajarã masare:

—M̄a masa marirogue Ñu pohrogue warã, ero majare taare miru weãcũ ĩarã ejabirib̄ m̄a.

25 Ōari suhric̄ḡ sãre ĩabirib̄ m̄a. Ōari suhric̄rã waja pagarire suhri sañarã oparã ya wirigue āhrima.

26 Masa marirogue ejarã Goām̄ yare werem̄htadip̄ure ĩarã ejab̄. Diaye ta Ñu Goām̄ yare werem̄htaḡ āhrimi. Gajirã Goām̄ yare werem̄htanirã tauro árĩḡ āhrimi Ñup̄.

27 Iribojegue Goām̄ yare erã gojarapũ Ñure ōpa arĩ wereyuyoro: Mari paḡ ĩḡ maḡure ōpa arĩp̄: “M̄ core m̄re wereyubure obeoḡ iiaa,” arĩmi Goām̄, arĩ gojañuma iribojeguere Ñure.

28 “Diaye arĩḡ iiaa. Masa árĩpehrerã tauro āhrimi Ñu. Isubure ĩḡ Eropa árĩquerecũ ta umaroguere Goām̄ ĩḡ op̄ árĩrogue arĩpehrerã docan̄gaḡp̄ Ñu tauro árĩḡcumi, arĩp̄ Jesu masare.

29 ĩḡ eroparĩcũ peerã masa, wajasea corerã mera Ñu ĩḡ waĩyenirã árĩrã ōpa arĩ pepiñorã Goãm̄re: “Goãm̄ diaye iiḡ āhrimi,” arĩ pepiñorã erã.

30 Fariseo masap̄, judio masare buherã sã Ñu ĩḡ waĩyenirã árĩdiabirinirã árĩñorã. Eropirã Goãm̄ erãre ĩḡ itamudiarire erã gamebiriñorã.

31 Eropiḡ Jesu dipaturi werep̄:

—¿Dohpague majarã masa ñehmarano iro dopa àhriri mua pepicũ?

<sup>32</sup> Erã majirã iro dopa àhrima. Erã majirã doberi duarogue bira doarã, òpa arĩ ðayasoma erãgã erã basi: “Mua bayaburire tarisu gua purirabu. ¿Duhpirã mua mucubiri bayarã aribirari? Eropirã gua buringã ñehamere orerabu. ¿Murũ duhpirã gua mera orebirari?” arĩma ðayasorã. Erã majirã arĩ ðayasorã iro dopa ta iirã òpa arãa mua dohpague majarã.

<sup>33</sup> Ñu waĩyeri masũ Goãmũ ya árĩburire ba duhugũ, vinore ihribirimi. Ìgũ eropa ihribiricũ ãarã “Pee masibigũ àhrimi,” arĩrabũ mua ãgũre.

<sup>34</sup> Yurũ masũ Goãmũ ãgũ obeodigũ árĩgũ yũhũ baha ihria. Yũ eropa iicũ ãarã òpa arãa mua yurũre: “Ìaque. Ihĩ wũaro bagũ merericũgũ sã àhrimi. Wajasea corerã ñero iirã erã wapicũgũ àhrimi ãgũ,” arãa mua yũre.

<sup>35</sup> Eropa masibiriquererã ta gua iirare ãarã, Goãmũ masirire gua opacũ masirãca mua, arĩ werepũ Jesu erãre.

### *Fariseo masũ Simo waĩcũgũ ya wihi árĩpũ Jesu*

<sup>36</sup> Fariseo masũ Simo waĩcũgũ ãgũ ya wihigue badoregũ sihupũ Jesure. Ìgũ eropa sihucũ Jesu ãgũ ya wihigue eja, erã bari mesague doajapũ.

<sup>37-38</sup> Iri macaguere ñeri iigo árĩpo. Jesu fariseo masũ ya wihigue ãgũ árĩcũ igo peepo. Eropa peego alabastro mera iidirure poresuri dicũdirure aĩ, Jesu purũpũ eranũgara purũ orepo. Eropa orego, Jesu guburire igo codeco mera webo, igo poari mera niucõãpo. Ìgũ guburi bojocũ ãha igo ãgũ guburire mihmi, iri poresuri mera pipeopo.

<sup>39</sup> Igo eropa iicũ ãagũ fariseo masũ Jesure sihudigũ ãgũ basi òpa arĩ pepiripũ: “Igo ãgũre mohmepiñago ñerire iigo àhrimo. Ihĩ Jesu Goãmũ ya weremũtagũ árĩgũ irire masiboñumi,” arĩ pepiripũ.

<sup>40</sup> Ìgũ eropa arĩ pepirire masigũ Jesu werepũ ãgũre:

—Simo, dohpague tamerare mãre werediaa, arĩpũ Jesu.

—Buhegũ, ¿yũre dohpa arĩ werediari mãhũ? arĩ yũhripũ Simo.

<sup>41</sup> Ìgũ eroparĩcũ Jesupũ òpa arĩ buhebu yũhripũ:

—Opũre perã wajamorã árĩñuma. Yujugũ wũaro wajamogũ quinientos niyeruseri wajamoñumi. Gajigupũ merogã cincuenta niyeruserire wajamoñumi.

<sup>42</sup> Eropirã erã wajamorire erã wajayegohrabiricũ ãagũ ãgũ erã wajamorire cãdijicãñumi. ¿Ìgũ eropiicũ dohpague tamerare nihipũ erã opũre mahitarinũgayuri mũ pepicũ? arĩ serẽpipũ Jesu.

<sup>43</sup> Simo yũhripũ:

—Õbaa, wũaro wajamodigũ merogã wajamodigũ tauro ãgũ opũre mahibocumi, arĩpũ Simo.

—Diaye yũhria mãhũ yũre, arĩpũ Jesu.

<sup>44</sup> Eropa arĩtuha ãgũre pipeodigore maji ãha, Jesu Simore werenemopũ:

—Igore ãaque mãhũ. Mũ ya wihire yũhũ ñajarara purũ yũ guburi coeburi decore obirabu mãhũ. Igotũ igo ya codeco mera yaha guburire coemo. Purũ igo ya poari mera tucoemo.

<sup>45</sup> Murũ yũre bocatĩri mimibirabu. Igotũ ohõ yũ doaropẽ yũ guburire mihmimo.

<sup>46</sup> Murũ yũ dipurure uyũ mera pipeobirabu. Igotũ yũ guburire poresuri mera pipeoamo.

<sup>47</sup> Eropa árĩgũ mãre weregũ ta iiaa. Igo igo ñero iira baja gohra àhraa. Eropigũ igo ñero iirare cãdijiaabu. Yũ eropa iicũ igo turaro mahiamo yũre. Erã ñero iirare merogã bujawere guñarãpũ merogã yũre cãdijidorema.



Eropirã erã ñero iirare merogã cãdijisũnirã merogã mahima yũre, arĩpũ Jesu Simore.

<sup>48</sup> Eropa arĩtuha ãgũ igore werepũ:

—Dohpague tamerare mũ ñero iirare cohãbũ, arĩpũ Jesu.

<sup>49</sup> ãgũ eroparĩcũ peerã Jesu mera doarã erã basi õpa arĩ wereniguiñorã:

—Ihĩ diaye ta “Ñerire cóãgũ iiaa,” arĩmi. ¿Dohpa árĩgũno àhriri ãgũ ñero iirire cóãgũ? arĩñorã erã erã basi.

<sup>50</sup> Eropigũ Jesu nomeore õpa arĩ werepũ:

—Yũre mũ umupeocũ mũre peamegue wabodigore taua. Güiro mariro waque, arĩpũ Jesu igore.

## 8

### *Nome Jesure itamuñorã*

<sup>1</sup> Pũhrũ paga macarigue mũta macarigãgue sãre eja, Goãmũ ãgũ opu árĩrere, õari buherire werepũ Jesu. Doce ãgũ buherãpũ ãgũ mera árĩñorã.

<sup>2</sup> Eropirã nome sã watẽa ñajasũnirã nome, dorecũnirã nome, Jesu õarã ãgũ iinirã ãgũ mera árĩñorã. María waĩcũgo Magdalena erã arĩ piyudigo Jesu mera curipo. Igo siete watẽare Jesu ãgũ cóãdigo árĩpo.

<sup>3</sup> Juana sã Cuza waĩcũgu Herodere itamudigu marapo sã Jesu mera curipo. Susana waĩcũgo sã gajirã nome mera baja erã gajino opari mera ãgũre itamuñorã.

### *Jesu oteri masũ queorire werepũ*

*Mt 13.1-9; Mr 4.1-9*

<sup>4</sup> Eropi baja macari majarã Jesu pohrogue gamenereñorã. Erã gamenerera pũhrũ Jesu ãgũ werenigui queori mera erãre werepũ buhebu:

<sup>5</sup> —Oteri masũ otegũ wañumi. ãgũ eropa otecũ gajiyeri ma tũro yuri merejayoro. Eropirã iriyerire masa cãradiuñuma. Eropirã mirimagũ porã bajarã ahri iriyerire bañuma.

<sup>6</sup> Eropi gajiyeri utã watope yuri merejayoro. Erore yeba deco mariyoro. Eropiro iriyeri puhri wiriri niguirĩ ñañia wayoro.

<sup>7</sup> Gajiyeri pora yucũ watope yuri merejayoro. Pora yucũpũ puhri tiataria wa, oterayeripũre wejẽcãyoro.

<sup>8</sup> Gajiyeri õari yeba yuri merejayoro. Õaro puhri dũcacũyoro. Eropiro baja dũcacũyoro, arĩpũ Jesu.

Eropa arĩtuha õpa arĩnemopũ:

—Ire õaro peeque mũa, arĩpũ ãgũ.

### *Jesu werenigui queori mera ãgũ buherire werepũ*

*Mt 13.10-17; Mr 4.10-12*

<sup>9</sup> Pũhrũ ãgũ buherã iri werenigui queorire masidiarã, Jesure serẽpiñorã: —¿I queori mera dohpa arĩ buhegu iiri mũhũ? arĩ serẽpiñorã erã.

<sup>10</sup> Erã eroparĩcũ Jesu yũhrĩpũ:

—Goãmũ ãgũ opu árĩrere iribojegue majarã erã masibirirare mũare masicũ iimi Goãmũ. Gajirãpũre eropa iibeami ãgũ. Eropigũ erãre werenigui queori mera buhea. Yũ eropa iicã erã yũ buherire peequererã masisome, arĩpũ Jesu ãgũ buherãre.

### *Jesu oteri masũ queorire were amupũ ãgũ buherãre*

*Mt 13.18-23; Mr 4.13-20*

<sup>11</sup> Eropa arĩtuha erãre werenemopũ:

—Ōpa arī werea i werenigui queorire: Oteriyeri ōari buheri iro dopa āhraa.

<sup>12</sup> Eropiro ma turo yuri merejariyeripū ōari buheri iro dopa āhraa. Eropiro masa erā ōari buherire peecū ĩagū watīpū ahri, iri buherire masidorebeamī masare. ĩgū eropa iibiricū erā Goāmure umupeoboñuma. Erā eropa umupeocū ĩagū Goāmupū erāre peamegue wabonirāre tauboñumi.

<sup>13</sup> Utā weca yuri merejarayeri ōari buheri iro dopa āhraa. Eropirā masa ōari buherire pee, mucubiriri mera irire pee aīma. Eropa pee aīquererā ta utā weca árīri yucū nuguri mariri yucū iro dopa ta oā masa sā turabeara. Eropa turabirā yaha ōari buherire erā peera dipuwaja gajirā erāre ñero iicū ĩarā yahapure duhucāma.

<sup>14</sup> Eropi pora yucū weca yurimerejarayeri ōari buheri iro dopa āhraa. Eropirā masa ōari buherire peequererā ta, i yeba majare wūaro pepirā, niyerure gamerā, i yeba majare gahmema erā. Eropirā iripū ōari buherire cāhmotaa. Iri cāhmotacū masa Goāmū gameripūre iibeama.

<sup>15</sup> Eropi ōari yeba yurimerejarayeri ōari buheri iro dopa āhraa. Eropirā masa ōari buherire ōaro mera pee peenuracāma. Eropirā duhuro mariro Goāmū ĩgū gamero dopa ta ōarire iima, arīpū Jesu.

*Jesu sihāgodiru queorire buhepū*

*Mr 4.21-25*

<sup>16</sup> Eropa arītuha gajī queori mera buhepū Jesu.

—Ne sihāgodirure masa sihāgora pūhrū mátasoro doca dibubeama. Eropirā irirure cama doca dibubeama. Ūmarogue irirure duhpeomi wihigue ñajarā erā ōaro ĩha ñajama ōaro.

<sup>17</sup> Mari iiraguere Goāmure duhmasya mara. Pūhrūguere árīpehreri masisūroca. Sihāgodiru ñamire boyoro dopa ta iribojegue erā masibirirare masirācoma masa.

<sup>18</sup> Eropirā mūa peerā ōaro peenurūque. Ōaro peenurūgū, ōaro masigūcumī. Peenurūbigū “Merogā peea,” ĩgū arīquerecū iripū dederea waroca ĩgure, arīpū Jesu.

*Jesu acawererā ĩgūre sihuñorā*

*Mt 12.46-50; Mr 3.31-35*

<sup>19</sup> Pūhrū Jesu pagū porā erā pago mera ĩgū pohroque warā iiriñorā. Masa bajarā árīcū ĩgū pohro ejabiriñorā.

<sup>20</sup> Eropigū yujugū Jesure wererū:

—Mū pago mū pagū porā mera disiporogue niguima. Mūre ĩarā ahrañorā, arīpū ĩgū Jesure.

<sup>21</sup> ĩgū eroparīcū ōpa arī wererū Jesu árīpehrerāre buhebu:

—Goāmū buherire peerā, irire tarinūgabirā erā ta āhrima yū pago yū pagū porā iro dopa árīrā, arīpū Jesu erāre.

*Jesu miruñere yūsdorepū*

*Mt 8.23-27; Mr 4.35-41*

<sup>22</sup> Gajinū Jesu ĩgū buherā mera dohodirugue ñaja

—Ina, taribujarā, arī, erā árīpehrerā iriru mera ditarugue taribuja wañorā.

<sup>23</sup> Eropa taribujagū carīa wapū ĩgū. Erā eropa taribujarisubu turaro miruñe ariyoro. Miruñe aricū pāgūri wahgā, erāre miucāriyoro. Eropa waro mirimaja gūhya árīyoro erāre.

<sup>24</sup> Eropa wacū ĩha ūca wa, Jesu pohro waha, ĩgūre wahgūñorā.

—Buhegū, mari mirimorā iiaa, arīñorā erā. Erā eroparīcū Jesupū wahgā, miruñere “Iripēta weā duhuque,” arīpū. Eropa arīgū pāgūrire

“Yusuaque,” arĩpũ. Īgũ eroparĩcũ ta miruñe taria wayoro. Eropiro pāgúri sã yusũ dija wayoro.

<sup>25</sup> Eropa wara pũhrũ Jesu erãre õpa arĩpũ:

—¿Mũa yũre umupeobeari?

Erãpũ gũi, ĩha uca, õpa arĩ wereniguiñorã erã basi:

—Cue, ¿ñehmũno masũ àhriri ihĩ? Miruñe, pāgúri sã ĩgũ dorecũ tarinũgabeari ĩgũre, arĩñorã erã basi.

*Watẽa ñajasũdigũre õagũ ĩpũ Jesu*

*Mt 8.28-34; Mr 5.1-20*

<sup>26</sup> Eropirã erã gajipũ masegue Gerasa majarã ya yebague taribujajañorã. Iri yeba Galilea yeba diaye arĩyoro.

<sup>27</sup> Ero Jesu ĩgũ majajanũgarisubu ero majagũ watẽa ñajasũdigũ ĩgũ pohrogue aripũ. Īgũ yoari boje goroweregũ suhri marigũ árĩgũ, ĩgũ wihiguere ne árĩbirimũripũ. Eropigũ masa goberi utã goberi watope árĩpũ ĩgũ.

<sup>28-29</sup> Eropirã bajasuburi watẽa ĩgũre ñearo mera ĩgũ burigã gorowerecũ ĩha masa ĩgũre bihadoboriñorã. Eropigũ ĩgũ peresugue árĩgũ ĩgũ mojotorire guburire comedari mera erã diridigũ árĩqueregũ, ĩgũ iridarire nuapũ. Eropirã watẽapũ ĩgũre masa marirogue aĩgãñorã. Eropigũ ĩgũ Jesure ĩhametu turaro gaguinigi, Jesu pohro merejarũ. Īgũ eropa iicũ ĩagũ Jesupũ watẽare dorepũ:

—Ihĩ mera árĩbiricãque. Waque watẽa, arĩpũ.

Īgũ eroparĩcũ peegũ watẽa ñajasũdigũpũ turaro gaguinigi, serẽpipũ Jesure:

—Jesu, umaro majagũ Goãmũ magũ, ¿ñehenore iibu iiri mũhũ yũre? Yũre ñero iibiricãque, arĩpũ watẽa ñajasũdigũpũ.

<sup>30</sup> Īgũ eroparĩcũ Jesupũ serẽpipũ ĩgũre:

—¿Ñehmũno waĩcũri mũhũ? arĩpũ.

Bajarã watẽa ĩgũ mera árĩñorã. Eropigũ õpa arĩpũ erãre opagũ.

—Watẽa bajarã waĩcũa gũa, arĩpũ watẽa ñajasũdigũpũ.

<sup>31</sup> —Ëhcãri gobegue gũare wadorebita, arĩ, turaro serẽñorã watẽapũ.

<sup>32</sup> Irisubure ero utãgũ gubuye bajarã yesea barã iiñorã. Erã ero bacũ ĩarã watẽa õpa arĩ serẽñorã Jesure:

—Soã yesea pohrogue wadoreque gũare. Erã mera árĩdoreque gũare, arĩ serẽñorã watẽa masũre ñajanirã.

Erã eropa arĩ serẽcũ peegũ Jesu erãre yesea pohrogue wadorepũ.

<sup>33</sup> Īgũ eropa wadorera pũhrũ watẽapũ masũ mera árĩñorã waha, yesea pohrogue ejañorã. Erã pohrogue erã ejara pũhrũ yeseapũ gorowere dipaturũgue omabuha, ditarugue yuriñaja miri sĩripehrea wañorã.

<sup>34</sup> Yeseare ĩhadibunirãpũ yesea eropa miricũ ĩarã, gũi omagã wañorã. Eropa omagãrã macague eja, iri maca majarãre campo majarã sãre erã ĩarare weresiripehocãñorã.

<sup>35</sup> Erã eropa werera pũhrũ masa ĩarã wañorã. Eropirã Jesu pohro eja, watẽa ñajasũdigũ mũrũ ĩgũ suhri sañadigũ pee masigũ ĩgũ ero õaro doacũ ĩañorã erã. Iri árĩpehrerire ĩarã erã gũi árĩñorã.

<sup>36</sup> Watẽa ñajasũdigũ mũrũ ĩgũ õaro árĩcũ ĩanirã gajirãre erã ĩarare wereñorã.

<sup>37</sup> Eropa pee ero majarã Gerasa yeba majarã árĩpehrerã burigã Jesure gũiñorã. Eropirã ĩgũre wadoreñorã. Erã eropa wadorecũ Jesu dohodirugue ñajapũ wabu.

38 Watēa ñajasūdigu m̄ur̄u Jesu ĩgu waborore ĩha turaro ĩgure serēripu:

—M̄u mera wadiaca, arĭ serēripu.

39 ĩgu eroparĭcũ Jesu ĩgure yuħripu:

—M̄u ya macague waque. Eropa wagu Goãmu m̄ure ðaro iirare wereque gajirãre, arĭpu Jesu.

ĩgu eropa arĭra puħru ĩgu ya macague ejagu Jesu ĩgure ðaro iirare arĭpeħrerãre ĩgu ya maca majarãre werepu.

*Jairo magore ðago iipu. Eropa arĭcũ ne behrego sãre ðago iipu Jesu Mt 9.18-26; Mr 5.21-43*

40 Sipu masegue Jesu dipaturi ĩgu taribujacũ ĩarã masa bajarã ĩgure corenirã bocatĭri serēñorã ĩgure.

41-42 Ero buheri wihi opu Jairo waĭcugu Jesu pohro eja, ĩgu guburi pohro merejapu. ĩgu mago sĭrigo iipo. Igo yujugo ta arĭgo doce bojori opago arĭpo. Eropigu ĩgu ĩgu ya wihigue Jesure sihugãpu. “Áu,” arĭ, ĩgu mera wapu Jesu sã.

ĩgu eropa wacũ masa bajarã ĩgure nurusiarã cũriro iñorã ĩgure.

43 Eropigo yujugo nomeo doce bojori gohra duhuro mariro eropa behrego ero arĭpo. Ero corere duhturuare igo ya niyeru mera arĭpeħrerire wajayeripo igo ocoyodorego. Erã eropa ocoyequerecũ ta m̄uraro ta di waniguicãyoro igore.

44 Eropigo igo Jesu puħru ahri, ĩgu suħriro ojogorore igo ñeacũ igore di wiriniguicãra peħrea wayoro.

45 Igo eropa ñeañacũ Jesu pepigu serēripu.

—¿Noa yu suħrirore mohmepiari? arĭpu ĩgu.

Arĭpeħrerã “Mohmepibea,” arĭñorã. Eropirã Pedro sã ðpa arĭ yuħriñorã:

—Buhegu, cãhña ãhraa. Eropirã masa bajarã m̄ure pēħrecãma. ¿Duhpigu eropa arĭ serēpiri m̄uħu? arĭñorã erã Jesure.

46 Erã eroparĭcũ Jesu yuħripu:

—Dohparagã yu turari mera yujugore dore yuħu cóãrare masia. Eropigu yure igo ñeañarare masia, arĭpu ĩgu.

47 ĩgu eroparĭcũ peego igo duħrimasibigo, naragãgo Jesu pohro merejapo. Eropigo arĭpeħrerã masa erã peero igo arĭpo Jesure:

—Yuħu ñeañabu m̄ure. “ĩgure ñeañacũ yu dore taria waroca,” arĭgo m̄ure ñeañabu. Yu m̄ure eropa ñeañago mata ðago wahabu, arĭpo.

48 Igo eropa arĭtuhajacũ Jesu igore werepu:

—Mahgo, yure m̄u umupeori mera ðago dujaa dohpaguere. Mucubiriri mera waque, arĭpu igore.

49 ĩgu eropa arĭrisubu Jairo ya wihi arĭgu weregu erapu.

—M̄u mago sĭria wahãmo. Eropigu ihĭ buhegure sihubita pare, arĭpu ĩgu.

50 ĩgu eroparĭcũ peegu Jairore ðpa arĭ werepu Jesu:

—Bujawerebita. Yure umupeoque. Iri dihtare iique. M̄u eropa iicũ ðago wagocumo, arĭpu Jesu.

51 Eropa arĭtuha Jairo ya wihigue eja, Pedroro, Ñure, Santiagore, dorecugo pagu sumarãre aĭ ñajapu. Gajirãpũre Jesu ñajadorebiripu.

52 Ero arĭpeħrerã masa erã ñehamere orerã iñorã. Jesu erãre arĭpu:

—Orebiricãque. Iogã sĭribeamõ. Carĭgo iimo, arĭpu ĩgu.

<sup>53</sup> Īḡu eroparīcū erāpū igo sīridigo árīcū masirā “Eroparīcāḡu iimi ihī,” arīrā Jesure ĭayeñorā.

<sup>54</sup> Eropigū Jesu igo mojtore ñeha, arīpū igore:  
—Majigo, wahgāque, arīpū.

<sup>55</sup> Īḡu eropa arīcū igo sīridigo árīquerego igo sīporā goecū masa wapo. Irisubu ta wahgānugajapo igo. Igo eropa wahgāra pūhrū Jesu igore barire odorepū.

<sup>56</sup> Igore eropa ĭḡu masacū ĭarā igo pagū sūmarā ĭhamaria wañorā. Eropigū Jesu irire gajirāre weredorebiripū.

## 9

### *Jesu doce ĭḡu buherāre buhedoreḡu obeopū*

*Mt 10.5-15; Mr 6.7-13*

<sup>1</sup> Eropi Jesu doce ĭḡu buherāre sihubeo, ĭḡu turarire ópū ĭḡu erāre. Watēare erā cóāburire, dorecūrāre erā ðarā iiburire ópū ĭḡu turarire erāre.

<sup>2</sup> Eropa iituha erāre Goāmū ĭḡu opū árīrere buhedoreḡu, dorecūrāre ðarā iidoreḡu obeopū erāre.

<sup>3</sup> Ōpa arī dorepū Jesu erāre:  
—Mūa warā gajinore aĭbircāque. Tuadire, ajure, barire, niyerure aĭbircāque. Yujuñe suhriro ta sañaque. Peñe sañabita.

<sup>4</sup> Árīpehrerogue mūare erā carīro ocū iri wihi ta dujanique. Ne warāḡue wiriaque iri wihire.

<sup>5</sup> Gaji macari majarā mūare erā gamebircū ĭarā iri macare tarigā waque. Eropa warā mūa guburi maja nicure moje siripique mūa erāre erā ya dipuwajare ĭhmumorā, arīpū Jesu.

<sup>6</sup> Īḡu eropa arīra pūhrū ĭḡu buherāpū waha, árīpehreri macarigue masare ðari buherire were curiñorā. Eropirā dorecūrāre ðarā wacū iñorā.

### *Jesu ĭḡu iirare Herode peepū*

*Mt 14.1-12; Mr 6.14-29*

<sup>7</sup> Eropi Herode Galilea yeba majarā opū Jesu ĭḡu iirare peebeopū. “¿Noa āhriri ĭḡu Jesu?” arīquereḡu ne masibiripū. Yujurāyeri ðpa arīñorā Jesure. “Ñu waĭyedi mūrū dipaturi masa deyogū iicumī. Eropigū Jesu erā arīḡu ĭḡu ta āhrimi,” arīriñorā gajirā. Erā eroparīcū peegū Herode Jesure dohpā arī masibiripū.

<sup>8</sup> Eropirā gajirā “Īḡu Elia mūrū dohpague dehyoagū iimi,” arīriñorā. Gajirāpū “Goāmū ya weremūhtanirā mera majagū árīcumī daja masa mūrigū,” arīriñorā Jesure.

<sup>9</sup> Erā eropa arī wereniguiquerecū ta ðpa arī pepipū Herode: “Ñu dipurure tabetadoreḡu wejētuhabū ĭḡupūre yūhū. ¿Eropigū masa erā werewāḡū nihino árībocuri ĭḡu?” arī pepi ĭḡu Jesure ĭadiaripū.

### *Jesu masa bajarāre barire ópū*

*Mr 14.13-21; Mr 6.30-44; Jn 6.1-14*

<sup>10</sup> Eropi Jesu ĭḡu obeonirā ĭḡu pohrogue dujaja, erā iirare wereñorā Jesure. Erā weretuhacū Jesu erā dihtare Betsaidague sihu waripū.

<sup>11</sup> Īḡu erā dihtare sihuquerecū erā warare masirā, masa bajarā nūrūsiagāñorā. Jesu ĭḡure erā nūrūsiajacū ĭagū ĭḡu bocatīri serēpū erāre. Eropigū ĭḡu Goāmū ĭḡu opū árīrere erāre were, dorecūrāre ðarā iipū.

<sup>12</sup> Ñamicague doce ĭḡu buherā ĭḡu pohrogue eja, Jesure wereñorā:

—Ohō masa marirogue āhraa. Ō majaro maja wirigue oā masare oboeque. Carīmorā erā batuburire amadoreque erāre, arīñorā erā Jesure.

<sup>13-14</sup> Erā eroparīcū Jesu yūhripū erāre:

—Mūa basi barire oque erāre, arīpū.

Īgu eroparīcū peerā erā yūhriñorā:

—Cinco pan dipurure, perā ta wai sāre iripēta opaa mari. Oā masa bajarā erā baburire asūmasiya mara marire, arīñorā ĩgu buherā.

Bajarā masa erā árīcū eropa arīñorā ĩgu buherā. Eroguere cinco mil ũma árīñorā. Eropigū Jesu werepū ĩgu buherāre:

—Yujurāyeri cururi cincuenta gohra doadoreque. Gaji curu sāre erā nūcu ta doadoreque, arīpū Jesu ĩgu buherāre.

<sup>15</sup> Īgu eroparīcū ĩgu buherā ĩgu dorero dopa ta iñorā. Árīpehrerā masare doadoreñorā.

<sup>16</sup> Doadoretuha Jesu cinco pan dipurure, perā wai mera aī, ũmarogue ĩhamemuju, Goāmure “Ōhaa,” arīpū. Īgu eropa arīra pūhrū pan dipurure nuha, ĩgu buherāre masare gueredoregū ópū.

<sup>17</sup> Eropirā erā árīpehrerā masa baha yapia wañorā. Erā ba dūharare doce puiri gohra aī gameneo ũjutudoboñorā ĩgu buherā.

*Mūhū Cristo Goāmū ĩgu obeodigu ta āhraa, arīpū Pedro*  
*Mt 16.13-19; Mr 8.27-29*

<sup>18</sup> Yujunū Jesu yujugū ta Goāmure serēgū iipū. Īgu wereniguirisubū ĩgu buherā ĩgu pohrogue árīñorā. Eropigū Jesu serēpipū erāre:

—¿Nihino árīcuri yūhū, masa erā pepicū? arī serēpipū.

Īgu eroparīcū peerā ĩgu buherā yūhriñorā:

<sup>19</sup> —“Ñu waīyedigū mūrū árībocumi,” arīma mure. Gajirā “Elia mūrū árībocumi,” arīma. Gajirā, “Goāmū ya weremūhtanirā mera majagu iribojegue majagu masa mūriadi árībocumi,” arīma, arī yūhriñorā ĩgu buherāpū ĩgure.

<sup>20</sup> Erā eropa arīra pūhrū Jesu erāre serēpipū daja:

—¿Mūapū pepicū nihino árīcuri yūhū? arī serēpipū daja.

—Mūhū Cristo Goāmū ĩgu obeodigu ta āhraa, arī yūhripū Pedro.

*Jesu ĩgu sīriburiñere werepū*  
*Mt 16.20-28; Mr 8.30-9.1*

<sup>21</sup> Eropi Pedro “Cristo āhraa mūhū,” ĩgu arīrare ne gajirāre Jesu weredorebiripū.

<sup>22</sup> Eropa weredorebirituhagū ōpa arīpū:

—Yūhū masū Goāmū ĩgu obeodigu būrigā ñero tarigūca. Eropa ta tariro gahmea yūre. Eropirā pahia oparā, mūrā, judio masare buherā mera yūre gamebirā wejērācoma. Erā wejēra pūhrū ũhrenū pūhrū masa mūriagūca, arīpū Jesu erāre.

<sup>23</sup> Pūhrū árīpehrerāre ōpa arī werepū Jesu:

—Yujugū yū mera majagu árīdiagū, ĩgu gamero iidiarire duhucāgūcumī. Eropigū yahagū ĩgu árīri dipuwaja ñero tarigūcumī. Ñero tariqueregū ta yahare iiniguigū árīgūcumī.

<sup>24</sup> Yujugū masū ĩgu ya árīburi dihtare pepigū dederea wagūcumī. Eropigū yaha árīburi yū gameri dihtare iigu árīpehrerinūri yū mera ũmaroguere ōaro árīgūcumī.

<sup>25</sup> Yujugū masū i yeba majare árīpehrerire opaquerēgū peamegue wagū ōarire bocasome.

26 Yujurāyeri yu buherire werediarā, “Jesu yagu āhraa,” arīdiarā guhyasīrirācoma. Erā eropa iicū ĩagu yu sã erāre eropa iirāre guhyasīrisāgūca. Yuhū Goāmū ĩgu obeodigū ðarā anyua erā gosiriri mera, yu Pagū ĩgu goesiriri mera dujarigū yure guhyasīrinirāre guhyasīrisāgūca yu sã.

27 Diaye arīgu tiiaa mūare. Dohpague yujurāyeri mūa ðgue árīrā mūa sīrboro core Goāmū ĩgu opu árīcūgue ĩarāca, arīpu erāre.

*Jesu dupure gohrotopu*

*Mt 17.1-8; Mr 9.2-8*

28 Eropi ocho nuri irire ĩgu werera pūhrū Jesu Pedrose, Ñure, Santiagore erā dihtare sihurū. Eropi waha, Goāmū mera wereniguirā wañorā. Utāgure mūria wañorā erā.

29 Goāmure ĩgu serērisubu Jesu ĩgu diapo gohrotoa wayoro. Eropiro ĩgu suhri cuimijuri suhri ðaro boreri suhri wayoro.

30 Eropa warisubu perā ũma ĩgu pohro dehyoañorā. ĩgu mera wereniguirā iñorā. Erā iribojegue majarā Elia mūru, Moise mūru sã árīñorā.

31 Erā ũmaro maja goesiriri mera dehyoañorā. Jesu merogā Jerusaléngue ĩgu sīrborore erā Jesu mera wereniguirā iñorā.

32 Pedro ĩgu mera majarā sã wūja meretaria carīrā iñorā. Eropa carīquererā ta ũca wahgā, Jesu goesiriri ĩha, perā ĩgu mera wereniguirā sāre ĩañorā.

33 Moise Elia mera erā warisubu Pedro Jesure ðpa arīpu:

—Opu, mari ðre árīcū ðadiaa. Ũhre wihigā gohra iirā. Mū ya wihigā, Moise ya wihigā, Elia ya wihigā iirāca, arīpu Pedro.

Eropa arīqueregu ta ĩgu arīrare ne masibiripū.

34 ĩgu eropa arī wereniguirisubu erāre imica curu cāhmotayoro. Eropa cāhmotacū ĩarā erā gūia wañorā.

35 Eropiro imica curu pohecague Goāmū ĩgu wereniguiri busuyoro:

—Ihī yu magū yu beyedigū āhrimi. Ōaro peeque ĩgure, arīri busuyoro imica pohecague.

36 Eropa arīra pūhrū Jesu dihtare ĩañorā erā. Pūhrū erā ĩarare gajirāre werebiriñorā. Ne yujugure werebiriñorā dohpa irisubure.

*Jesu watī ñajasūdigure ðagu iipū*

*Mt 17.14-21; Mr 9.14-29*

37 Gajinū erā utāgūgue erā دچارicū bajarā masa Jesure bocatīriñorā.

38 Eropigū erā mera majagu Jesure piyupū:

—Buhegu, mūre turaro ire serēdiaa yuhū. Yu magū yujugu ta āhrimi. Eropigū ĩgure ĩabasaque mūhū.

39 Watī ñajasū gorowereniguicāmi. Iri watī ĩgure ñeha, gaguiniguicū ii, tūru naragācū ii, sumutua wacū iimūraa. Eropigū ihī watī yu magure ñero taricū ii, ne duhudiabeami ĩgure.

40 Mū buherāre iri watīre cóādoREGU turaro serērabū. Yu eropa serēquerecū ta erā irire ne cóāmasibirama, arīpu ĩgu Jesure.

41 ĩgu eroparīcū Jesupu ðpa arīpu ero árīrāre:

—Dohpague majarā mūa ñerā āhraa. ¿Yure ne umupeobirigohracāri? Yoari boje mūare buherabū. ¿Dipē yoari boje yure garibori mūa? arī turipū Jesu.

Eropa arītuha watī ñajasūdigū pagure ðpa arīpu:

—Mū magure aĩgārique, arīpu.

42 Īḡu eropa arīra pūhrū ĭḡu magu Jesu pohrogue ĭḡu aririsubu watī ĭḡure yebague mehmereja, tūru naragācū iipū. Īḡu eropa iicū Jesu watīre cóāpū. Īḡu eropa cóācū watī n̄ajasūdigu ōagu wapū. Eropigu Jesupū ĭḡugāre wiapū ĭḡu pagure.

43 Árīpehrerā masa Goāmū turari mera ĭḡu ōagu wacū iirire ĭarā, uca wañorā.

*Dipaturi Jesu ĭḡu s̄riburiñere werepū*

*Mt 17.22-23; Mr 9.30-32*

Masa Jesu ĭḡu iirare ĭha uca wacū Jesupū ĭḡu buherāre ōpa arī werepū:

44 —Dohparagā yū wereburire cādijibiricāque mūa. Yūhū masū Goāmū ĭḡu obeodigu āhraa. Masa yūre n̄eha, gajirāguere yūre wiarācoma, arīpū Jesu.

45 Īḡu eropa arīquerecū ta erāpū ĭḡu wererire ōaro peebiriñorā. Īḡu wererare erāre masiya mariyoro. Irisubu ta Goāmū erāre irire masidorebirinipū. Eropirā erā güirā irire ĭḡure serēpibiriñorā.

*Jesu buherā erā mera majagure opu acudiarinorā*

*Mt 18.1-5; Mr 9.33-37*

46 Pūhrū Jesu buherā werenigui dūyasorā iinorā:

—¿Mari mera majagu nihinopū opu n̄ajagūcuri? arī dūyasorā iinorā erā erā basi.

47 Erā eroparīcū Jesupū erā pepirire masigu, majigure ĭḡu pohro aīunugu, ĭḡu buherāre werepū:

48 —Yaha árīburire iimorā ōpa árīḡugāre bu árīḡure gamerā yū sāre gahmea mūa. Eropirā yūre gamerā, yūre obeodigu sāre gahmea mūa. Mūa mera majagu mūa pohro majagu árīḡu ĭḡu s̄a opu ta árīḡucumi, arīpū Jesu.

*Marire ĭhaturibigu árīḡu mari mera majagu āhrimi, arī werepū Jesu*

*Mr 9.38-40*

49 Pūhrū Ńu Jesure ōpa arī werepū:

—Buhegu, mū waī mera watī n̄ajasūnirāre taricū iiami yujugu. ĭḡure gūa ĭabu. ĭḡu mari mera majagu ĭḡu árībiricū ĭarā ĭḡure irire iidorebirimurabū gūa, arīpū Ńu Jesure.

50 Īḡu eroparīcū Jesu Ńure gajirā ĭḡu buherā sāre ōpa arī werepū:

—Eropa arībiricāque mūa ĭḡure. Marire ĭhaturibigu árīḡu, ĭḡu mari mera majagu āhrimi, arīpū Jesu.

*Jesu Santiagore, Ńu s̄a erā wererire gamebiripū*

51 Irisubure Jesu ĭḡu ūmūsigue ĭḡu waboro coregā “Jerusaléngue wagura,” arīpū ĭḡu. Eropa arīḡu wagu iipū.

52 Eropirā Jesu core ĭḡu obeonirā waha, Samaria yeba maja macague eja, ero Jesu ĭḡu ejaborore amuyudiarinorā.

53 Jesu Jerusaléngue wabu iipū. Erogue ĭḡu wabu árīcū peerā, iri maca majarā ĭḡure gamebiriñorā.

54 Irire peerā Ńu, Santiago mera wereñorā Jesure:

—Opu, mū gamecū ūmaro maja peame mera mūre gamebirinirāre wejēdorerāra Elia mūrū ĭḡu iidiro dopa ta, arīñorā erā ĭḡure.

55 Erā eroparīcū maji ĭha turipū erā perāre:

—Eropa arībiricāque. Espíritu Santo yarā āhraa mūa. Dohpague mūa pepiro dopa ta ĭḡupū pepibeami. Yūhū masū Goāmū ĭḡu obeodigu i yebaguere arigu peamegue wabonirāre taugū aribū. Masare erā dederecū iigu aribiribū, arī werepū Jesu.



<sup>56</sup> Eropa arĩ weretuha gaji macague Jesu sã carĩrã waha wañorã.

*Gajirã Jesu mera wariñorã*

*Mt 8.19-22*

<sup>57</sup> Maha erã wacũ, yujugu masu Jesure werepu:

—Mũ mera yũhũ wadiaa noho mũ wadiaro, arĩpu ãgu.

<sup>58</sup> Ìgu eropa arĩra pũhrũ Jesu yũhrĩpu:

—Yũ mera aricũ diasaa ãhraa. Nũgu majarã diayea erã carĩburi toreri opama. Mirimagũ porã sã erã ya suhri opama. Yũ masũre Goãmũ ãgu obeodigũpũre sooro mara. Ne yaha wihi mara. Eropirã yũ mera árĩrã ñero tarĩrãca mũa, arĩ yũhrĩpu Jesu.

<sup>59</sup> Pũhrũ gajigũre Jesu sihupũ:

—Yũ mera majagũ árĩbu arique, arĩpu.

Ìgu eroparĩcũ ãgu yũhrĩpu Jesure:

—Opũ, yũhũ yũ pagũ sĩricũ yaanigũ wagũra. Pũhrũ mũ mera wagũra, arĩpu ãgu.

<sup>60</sup> Ìgu eroparĩcũ Jesu werepu:

—Yũre gamebirã sĩrinirã iro dopa ta ãhrima. Erãpu sĩrinirãre yaaporo. Eropigũ mũpu Goãmũ ãgu opu árĩrĩre òari buherire buhegu arique, arĩpu Jesu ãgũre.

<sup>61</sup> Eropigũ gajigũ Jesure òpa arĩpu:

—Opũ, mũ mera wagũra. Yũ acawererãre goeriserenigũ wanigũra dohra, arĩpu ãgu Jesure.

<sup>62</sup> Ìgu eroparĩcũ werepu Jesu ãgũre:

—Mohmebu mohmediabigũ ãgu duhpibu árĩbeami. Ìgu iro dopa árĩgu òpa ãhrimi: “Goãmũ yare iidiaa,” arĩqueregu irire ne iibeami. Ìgu Goãmũ yagũ árĩbodigũ árĩbeami, arĩpu Jesu.

## 10

*Jesu setenta buherãre buhedoregu obeopũ*

<sup>1</sup> Pũhrũ Jesu gajirã ãgu buherãre setenta buherãre beye, macarigue ãgu waboro core obeoyupũ. Yujuyeri macarire perã dihta obeopũ ãgu.

<sup>2</sup> Eropa obeogu òpa arĩ werepu erãre werenigui queorire buhegu:

—Ojodũca baja iri bugatuhajacũ baja árĩcũ baja mohmeri ãhraa. Mohmeri masapũ bajamerãgã ãhrima. Eropa ta òari buherire peemorã bajarã árĩcũ wũaro ãhraa mari mohmeri. Iri eropárĩquerecũ ta mari masare buhemorã bajamerãgã ãhraa. Eropirã òari buherire buhemorãre gajirãre ãgu obeomorãre Goãmũre serẽque mũa.

<sup>3</sup> Waque mũa. Mũare yũ obeogu oveja iro dopa árĩrãre mũare yeea guarã iro dopa ta ñerã árĩrã watopegue obeogu iiaa.

<sup>4</sup> Niyeru ajure, paga aju sãre, zapature aĩbircãque. Mũa mague curirã gajirãre bocajarã wereniguibircãque. Diaye ta taria waque.

<sup>5</sup> Árĩpehreri wirire mũa ñajari wirire i wihi majarãre, “¿Áhriri mũa?” arĩmũhtaque.

<sup>6</sup> Iri wihi majarã òaro mera árĩrã gamequeãro mariro erã árĩcũ òadoreque erãre. Òaro mera erã árĩbircũ iri wihi majarãre irire òadorebita.

<sup>7</sup> Yuju wihi ñajanũgarã erã òaro árĩcũ iri wihi ta dujaque. Iri wihi majarã mũare erã ejorire baha ihrituque. Mohmegũre ãgu wajatarire aĩro gahmea. Eropirã mũa erãre buhera waja erã bari orire aĩque mũa sã.

Eropirã yuju wihi ta mua ejara wihi ta ñajarã, iri macare gajirã ya wirigue áricuribiricãque.

<sup>8</sup> Macaguere mua ejarã ero majarãpũ muare gamerã áricũ erã bari ejori áricũ baque.

<sup>9</sup> Ero majarã dorecurãre òarã iique. Eropirã òpa arĩque ero majarãre: “Goãmũ mari Opũ dohpaguere ìgũ árĩborore wererã iiaa muare,” arĩque erãre.

<sup>10</sup> Gaji macague mua ejacũ erãpũ muare gamebiribocoma. Erã gamebiricũ ñarã iri maca decogue waha, òpa arĩque erãre.

<sup>11</sup> “Gua nicu imicare guburi maja imicare wejësiri cóãrã iiaa mua guare gamebiriri dipuwaja ìhmurã,” arĩque. “Eropirã ire guña arĩque,” arĩque. “Goãmũ mari Opũ dohpaguere ìgũ árĩborore muare wererã arirabũ,” arĩque erãre.

<sup>12</sup> Muare diaye yũhũ arĩgũ iiaa. I ùmũ pehrecũguere Sodoma majarã mura burigã dipuwajacurãcoma. Erã eropa árĩquerecũ ta tauro muare gamebirãpũ dipuwajacurã árĩrãcoma, arĩpũ Jesu.

### *Gaji macari majarã Goãmũre tarinũgarã árĩñorã*

#### *Mt 11.20-24*

<sup>13</sup> Pũhrũ Jesu òpa arĩpũ macari majarãre:

—Corazín majarã, mua ñero tarirãca. Betsaida maca majarã mua sã ñero tarirãca. Mua ya macaguere Goãmũ ìgũ turari mera deyoro moarire iirabũ yũhũ. Mua peebirabũ. Iribojegue Tiro waïcũri macare, Sidón waïcũri maca sãre ìgũ turari mera iri deyoro moarire yũ ii ìhmucũ ñarã ero majarãpũ erã ñero iirire bũjawereboañuma. Eropa iirã òaripũre gohrotoboañuma. Mata erã bũjawererã erã bũjawererire suhrire saña, erã basi pea witũ mera mohsiripeoboañuma erã ñerire bũjawererire ìhmumorã. Muapũ eropa iibeaa.

<sup>14</sup> Eropigũ muare arĩgũ tiiaa. Goãmũ ìgũ dipuwaja moarinũ árĩcũ Tiro majarã mura, Sidón majarã mura tauro muapũre mua ñeri dipuwaja dipuwaja moagũcumĩ ìgũ.

<sup>15</sup> Capernaum majarã, mua ejatuharo mera Goãmũ pohrogue wadiaribũ. Eropirã mua Goãmũ yapũre iidibiricũ muare Goãmũ peamegue cóãgũcumĩ, arĩpũ Jesu.

<sup>16</sup> Eropa arĩtuha ìgũ buherãre wererũ:

—Muare peerã yũ sãre peema. Muare gamebirã yũ sãre gamebeama. Eropirã yũre gamebirã, erã yũre obeodigũ sãre gamebeama, arĩpũ Jesu erãre.

### *Setenta buherã dujarañorã*

<sup>17</sup> Pũhrũ setenta buherã mucubiriri mera dujarañorã:

—Opũ, mũ waĩ mera mũ turari mera watẽare masaguere gũa wiridorecũ erãpũ guare yũhriama, arĩñorã erã Jesure.

<sup>18</sup> Erã eroparĩcũ Jesu yũhripũ erãre:

—Ûmarogue miariñe دچارiro dopa ta watĩ ìgũ دچارicũ ñabũ.

<sup>19</sup> Peeque. Muare yũ turarire ohabũ yũhũ. Eropirã añare, corebare, watĩ marire ìhaturigũre árĩpehreri ìgũ turari sãre mua tarinũgaburire muare ohabũ yũhũ. Eropirã erã muare ñero iimasibeama.

<sup>20</sup> Yũ eropa ocuerecũ ta watẽa muare erã tarinũgabiricũ ñarã iri dihtare mucubiribita. Ipũre mucubirique. Ûmarogue Goãmũ yarã erã waĩre ìgũ gojaturipũgue mua waĩre ìgũ gojatura árĩcũ masirã, iripũre mucubirique mua, arĩpũ Jesu erãre.

*Jesu mucubiripũ**Mt 11.25-27; 13.16-17*

<sup>21</sup> Irisubure Espíritu Santo Jesure b̄arigã mucubiricũ iipũ. Eropigũ Jesu õpa arĩpũ ãgũ Pagũre:

—Ahũ, mũhũ ɔmaro majarã tauro opũ, i yeba majarã tauro opũ ãhraa. I mũ buherire “Masituhaja gũa,” arĩrãre masicũ iibeaa. Mũ yare masipehobirãpũre masicũ iiabũ mũhũ. Mũ eropa iicũ ãagũ “Õataria,” arãa yũhũ mũre. Eropa ta ãhraa, ahũ. Erã masibirãpũre erã masicũ gahmeabũ mũhũ, arĩpũ Jesu.

Eropa arĩtuha gajirãre õpa arĩpũ:

<sup>22</sup> —Yũ Pagũ arĩpeherrerire yũ iiburire apimi yũre. Yũ Pagũ dihta yũre masimi. Yũ dihta ãgũre masia. Yũ beyenirã sã ãgũre masima yũ masidorenirã árĩrã. Erã nũcũ ta yũ Pagũre masia gũa, arĩpũ Jesu.

<sup>23</sup> ãgũ eropa arĩra pũhrũ erã seyaro erã árĩcũ Jesu ãgũ buherãre õpa arĩpũ:

—I árĩpeherrerire ãarã mucubirirã ãhraa mũa.

<sup>24</sup> Diaye ta ãhraa. Bajarã Goãmũ ya weremũhtanirã, yebari majarã oparã sã dohpague mũa ãarire ãadiariñorã erã sã. Eropirã mũa peeri sãre peediarĩnorã. Erã eropa masidiaquerecũ ta Goãmũ erãre masidorebiripũ irisubugũre, arĩpũ Jesu.

*Õagũ Samaria majagũ queorire werepũ Jesu*

<sup>25</sup> Irisubu ta judio masare buhegũ Jesu pohro eraa, Jesure ãgũ ñero wereniguicũ iidiaripũ:

—Buhegũ, ¿yũ árĩpeherrerinũri Goãmũ mera árĩdiagũ dohpa iigũcũri yũhũ? arĩ serẽpipũ ãgũ Jesure.

<sup>26</sup> ãgũ eroparĩcũ Jesu yũhripũ ãgũre:

—¿Dohpa arĩ irire wereri Goãmũ yare erã gojarapũgue? ¿Goãmũ ãgũ arĩ gojarapũguere ãgũ mera õaro árĩdiarire dohpa arĩri mũ pepicũ? arĩpũ Jesu ãgũre.

<sup>27</sup> ãgũ eroparĩcũ ãgũ yũhripũ:

—Õpa arĩñumi Goãmũ: “Turaro mũ sĩporã mera, mũ turari mera, mũ õaro guñari mera Goãmũre mahique. Eropigũ mũ basi mahiro dopa ta mũ pohro árĩrã sãre mahique,” arĩ apĩñumi Goãmũ marire, arĩpũ ãgũ Jesure.

<sup>28</sup> ãgũ eroparĩcũ Jesu yũhripũ:

—Diaye ta arãbũ mũhũ. Irire iique. Eropigũ árĩpeherrerinũri Goãmũ mera árĩgũca mũhũ, arĩpũ ãgũre.

<sup>29</sup> ãgũ masare buhegũpũ “Ihĩ Goãmũ ya dorerire iipehogũ ãhrimi,” masa ãgũre erã arĩ pepicũ gamepũ. Eropa gamegũ ãgũ Jesure õpa arĩ serẽpinemopũ:

—¿Noa ãhriri Goãmũ yũre mahidoregũ? arĩpũ ãgũ.

<sup>30</sup> ãgũ eroparĩcũ Jesupũ õpa arĩ yũhripũ Samaria majagũ ãgũ iirare weregũ:

—Yujunũ Jerusaléngue árĩdigũ Jericógue wagũ maha ãgũ curicũ yajari masa ãgũre ñeañorã. Eropa ñearã ãgũ suhrirore tuwea aĩ, ãgũre turaro pañorã. Eropa parã sĩrimerejacũ gohra duhuñorã ãgũre.

<sup>31</sup> Irisubu ta pahi iri mague aripũ. Eropa arigũ erã padigũre ãaqueregũ ta maha gajipũ masepũ ãgũre ãhatarigã warũ.

<sup>32</sup> Eropi Goãmũ wihi mohmegũ sã mojomorocũgũ pohro eja ãgũre ãha gajipũ masepũ tarigã warũ.

<sup>33</sup> Erã eropiiquerecũ Samaria majagupũ ero waha yoañarirogue ìha ìgure mojomoro ìapũ.

<sup>34</sup> Eropigu ìgũ mojomorocũgũ pohro eja, igui deco vino uyu mera morera deco mera ìgũ camire pisũpũ. Pisũtuhaja suhri gasiro mera diricãhmotapũ ìgũ camire. Tuhaja, ìgure ìgũ yagũ burro weca duhpeo, carĩri wihigue aĩ eja pũ ìgure. Ero arĩgũ ìgũ Samaria majagũ õaro ìhadibupũ ìgure.

<sup>35</sup> Gajinũ ìgũ carĩri wihi opũre pese niyerusere oho, õpa arĩpũ: “Ìre ìhadibuque. Iseri sihajabiricũ dipaturi dujarigũ wajayepelogũra,” arĩpũ Samaria majagũ wihi opũre, arĩpũ Jesu.

<sup>36</sup> Eropa arĩtuha judio masare buhegure serẽpipũ Jesu:

—¿Oã urerã uma mojomorocũgũ pohro tarianirã nihinopũ arĩyuri mojomorocũgure mahigũ? arĩpũ Jesu.

<sup>37</sup> Ìgũ eroparĩcũ buhegupũ Jesure yuhripũ:

—Mojomorocũgure itamudigũ arĩñumi ìgure mahigũ, arĩpũ ìgũ Jesure.

—Mũ sã masare eropa ta iigũ waque, arĩpũ Jesu buhegure.

### *Marta, María sã pohro Jesu curipũ*

<sup>38</sup> Eropi Jesu ìgũ buherã mera wacũ, gaji macague erã curicũ, Marta waĩcũgo erãre igo ya wihi ñajaridorepo.

<sup>39</sup> Ìgũ ñajara pũhrũ igo pagũ mago María waĩcũgo ìgũ guburi pohro doa ìgũ buherire peepo.

<sup>40</sup> Igo eropa iicũ ìago Marta igo mohmeri baja arĩcũ ìago guapo. Eropigo igo Jesure werepo:

—Opũ, ¿yũhũ yujugo ta mohmecũ yũre yũ pagũ mago igo itamubiricũ õhari mũ iacũ? Igo yũre itamudoreque, arĩpo Marta Jesure.

<sup>41</sup> Igo eroparĩcũ Jesu yuhripũ:

—Marta, baja mũre mohmeri arĩcũ wũaro pepia mũhũ.

<sup>42</sup> Goãmũ ìgũ yare peedoremi. María õarire iibo irire beyemo. Eropigu yũre igo peecũ, “Mohmetamugo waque,” arĩbeaa igore, arĩpũ Jesu Martare.

## 11

### *Jesu Goãmũre serẽburire buhepũ*

*Mt 6.9-15; 7.7-11*

<sup>1</sup> Yujunũ Jesu ìgũ Pagũre Goãmũre serẽgũ iipũ. Ìgũ serẽtuhacũ yujugũ ìgũ buherã mera majagũ õpa arĩpũ:

—Opũ, Ñũ ìgũ buherãre ìgũ buhediro dopa ta Goãmũre serẽrĩre gũa sãre buheque mũhũ, arĩpũ ìgũ Jesure.

<sup>2</sup> Ìgũ eroparĩcũ peegũ Jesu erãre werepũ:

—Õpa arĩ Goãmũre serẽque: “Gũa Pagũ, umaro majagũ mũhũ õagũ ãhraa. Dohpaguere arĩpehrerã weca opũ ãhraa. Umaroguere mũ dorero erã iiro dopa ta i yeba majarã sã iiporo.

<sup>3</sup> Eropigu umũri nũcũ gũa baburire oniguicãque gũare.

<sup>4</sup> Gajirã erã gũare ñero iirare gũa cãdijiro dopa ta mũ sã gũa ñero iirare cãdijique. Eropigu gũa ñeri iiborare cãhmotaque. Gũa ñeri iiborare tauque,” arĩ serẽque Goãmũre, arĩpũ Jesu erãre.

<sup>5</sup> Pũhrũguere ìgũ buherãre õpa arĩ buhepũ werenigui queori mera:

—Yujugũ ñami deco ìgũ acaweregũ wihigue waha, ìgure serẽpũ: “Acaweregũ, ureru pan dipure oque yũre.

<sup>6</sup> Gajigu yu acaweregu curigu aridigu dohparagã yaha wihi erami. Eropiro ïgure yu oburi mara,” arĩpu ïgu ïgu acaweregure.

<sup>7</sup> ïgu eroparĩcũ ïgu acaweregu wihi pohecague árigu yuhripu: “Yure garibobita. Disiporo bihadiro ãhraa. Yuhu, yu porã mera carĩgu iiaa. Wahgãro bejabirica yure mure barire obudi,” arĩpu ïgu acaweregu.

<sup>8</sup> ¿Dohpa warocuri serẽgũpũre? Diaye arãa mure. ïgu acaweregu áriquerẽgu ta barire obudigu wahgãbiripu. ïgu eropa wahgãdiabiriquerẽcũ ta bari serẽgũpu gũhyasĩribigu ïgu yoari boje serẽniguicũ áripehreri ïgu serẽro dopa ta pũhru wahgã ogucumi.

<sup>9</sup> Eropigu ire mure weregu iiaa: Goãmure mari Pagure serẽque. Eropa serẽrã mua serẽrire bocarãca. Goãmure eropa serẽniguicãque. Mua eropa iicũ ïgu ogucumi.

<sup>10</sup> Áripehrerã Goãmure serẽrã aĩrãcoma. Eropirã erã serẽrare bocarãcoma. Eropigu áripehrerã Goãmure eropa serẽniguirãre ïgu erãre ogucumi.

<sup>11</sup> “¿Mua porã mure erã pan serẽcũ utãyepũre obocuri mua? Obiriboya. ¿Erã mure erã waire serẽcũ añapũre obocuri erãre? Obiriboya.

<sup>12</sup> ¿Eropirã mua porã cãreña diuri serẽcũ corebapũre obocuri mua? Obiriboya.

<sup>13</sup> Mua ñerã áriquererã ta mua porãre ñarire omasia mua. Eropigu Goãmũpu mua tauro ñarire ohomi mure. ïgu mari Pagu umaro majagu ïgu Espĩritu Santore ogucumi ïgure serẽrãre, arĩpu Jesu ïgu buherãre.

*—Jesu watĩ turarire opami, arĩ weresãñorã masa*

*Mt 12.22-30; Mr 3.20-27*

<sup>14</sup> Irisubure Jesu watĩre cóãgu iipu. Watĩpu wereniguimasibigu áricũ iipu masure. Eropigu watĩ masure Jesu cóãcũ masũpu wereniguinũgapu. ïgu wereniguicũ peerã masa bajarã ñhamaria wañorã.

<sup>15</sup> Erã eropa ucaquerecũ ta gajirãpu ñpa arĩñorã:

—Ihĩ Jesu watẽare cóãgu Beelzebú waĩcũgu watẽa opu ïgu turari mera cohãmi, arĩñorã gajirã.

<sup>16</sup> Gajirã “Muhu Goãmũ ïgu obeodigu árigu Goãmũ turari mera deyoro moarire ii ñhmuque gũare,” arĩñorã.

<sup>17</sup> Erã eropa dorecũ peegu erã pepirire masigu, erãre ñpa arĩ werenigui queori werepu Jesu:

—Watĩ ya turari mera watẽare cóãbeaa yuhu. Yuju maca majarã erã basi gamequeãrã, iri maca majarã pehrea wabocoma. Eropirã yuju wihi majarã erã basi gamequeãrã, iri wihi majarã pehrea wabocoma.

<sup>18</sup> Eropigu Beelzebú watẽa opu ïgu turari mera ïgu watẽare yure cóãdoregu ïgu basi ïgu yarãre cóãbocumi. Eropirã erã sã wapehrea waboñuma. Mua yure ñpa arãa. “ïgu Beelzebú turari mera watẽare cohãmi,” mua yure arĩ weresãa.

<sup>19</sup> Mua mera majarã sã watẽare cohãma. Eropirã erã “Beelzebú ïgu turari mera erãre cohãa,” arĩbeama. “Goãmũ ïgu turari mera watẽare cohãa,” arĩma. Eropirã mua yure “Watĩ turari mera watẽare cohãmi,” mua arĩra diaye áribiricũ mua mera majarã wererãcoma.

<sup>20</sup> Eropigu yũpu watẽare cóãgu Goãmũ ïgu Espĩritu Santo turari mera iiaa. Yu eropa cóãcũ ñarã ñpa arĩ masirãca mua: “Goãmũ ïgu opu arĩri i yebaguere árituhaja dohpaguere,” arĩrãca, arĩpu Jesu.

<sup>21</sup> —Watĩ turagu tarinũgari werediãcũ ñpa ãhraa, arĩpu Jesu. —Wihi opu turagu ïgu mojo mera ïgu wihire ñhadibucũ ïgu yare gajirã aĩmasibeamã.

<sup>22</sup> Īgu eropa ĩhadibuquerecũ ta gajigu turatarigu ĩgure gamequeã, ĩgure tarinuga, ĩgu mojore emacã, ĩgu yare aĩcã gajirãre gueremi. “Watĩ turagu arĩquerecũ yũhũ turatariagu aħraa,” arĩgu iipũ Jesu i queori mera.

<sup>23</sup> Yujugu yũre gamebigũ yũre ĩhaturigu aħrimi. Yujugu yũre itamubigu yũre teboricucũ iigu iimi, arĩ buhepũ Jesu.

*Watĩ dipaturi masũguere ñajara queorire werepũ Jesu  
Mt 12.43-45*

<sup>24</sup> Eropigu ĩgu dipaturi werenigui queori mera õpa arĩ buhepũ:

—Yujugu watĩ masũ mera arĩdi waha deco mariri yeba cuhri, ĩgu sooborore amaripũ. Eropa bocabigu õpa arĩ pepipũ: “Masũ yũ cõãdi mera dipaturi arĩgu wagũra,” arĩ pepipũ ĩgu.

<sup>25</sup> Eropa arĩgu ĩgu dujaa waha, ĩgu cõãdigũre ta masũre bocapũ daja. ĩgure bocaboro core masũpũ õagũ ñeri marigu arĩpũ.

<sup>26</sup> Eropigu watĩ gajirã siete watẽare ĩgu tauro ñerãre sihugu wapũ. ĩgu eropa sihucũ erã arĩpehrerã watẽa masũ mera arĩñorã. Eropigu masũpũ ero core yujugu watĩre opagu ñetariagu arĩripũ. Dohpaguepũre bajarã watẽare opagu arĩgu, ero core ĩgu arĩdiro tauro ñegũ dujapũ, arĩpũ Jesu.

*Jesu mucubirire werepũ*

<sup>27</sup> Irire ĩgu eroparĩcũ masa watope arĩgo Jesure arĩpo bũsũro mera:

—Mũre porãcũdigo, mũre mihudigo mucubirigo aħrimo, arĩpo Jesure.

<sup>28</sup> Igo eropa arĩtuhacũ peegu Jesu igore yũhripũ:

—Goãmũ wereniguirire peerã ĩgu dorerire iirãpũ erã arĩrãcoma mucubirirã, arĩpũ Jesu igore.

*Masa ñerã Jesure Goãmũ turari mera deyoro moarire iidoreriñorã  
Mt 12.38-42; Mr 8.12*

<sup>29</sup> Eropi bajarã masa Jesu pohro erã eracũ, ĩgu erãre werenemopũ:

—Dohpague majarã ñerã aħrima. Yũ diaye arĩgu arĩcũ mũa masidiarã Goãmũ turari mera deyoro moarire iidoreraa yũre. Mũa eropa dorequerecũ ta Jona iribojegue majagu ĩgu iira dihtare ii ĩhmugũcumĩ Goãmũ masare.

<sup>30</sup> Jona Goãmũ yare weremũhtadigu arĩgu ĩgu Ninive majarãre ĩgu masicũ iidiro dopa ta yũhũ Goãmũ ĩgu obeodigu masicũ iiaa dohpague majarãre.

<sup>31</sup> Dipuwaja moarinũ arĩcũ iribojegue majago opo bũro sur majago bũro igo bũro wahgãnũga mũare dohpague majarãre weresãgocumo. Igo Salomo opũ ĩgu masirire peediago yoarogue aridigo Salomore peego aripo. Dohpague mũa watopere Salomo tauro masigu aħraa. Yũhũ mũa mera arĩquerecũ mũa yũ masirire peediabeaa. Mũa eropa peediabirira waja igo opo bũro mũare “Ñerã aħrima,” arĩ weresãgocumo.

<sup>32</sup> Eropa ta dipuwaja moarinũ arĩcũ Ninive maca majarã mũra sã mũare dohpague majarãre “Ñerã aħrima,” arĩ weresãrãcoma erã. Jona erãre Goãmũ yare ĩgu werecũ peerã, erã ñerire bũjawere, õarire gohrotonirã arĩñorã erãpũ. Dohpague mũa watopere Jona tauro arĩgu aħraa yũhũ. Yũhũ Goãmũ yare werequerecũ mũa ñero iirare bũjawerebeaa. Eropirã Ninive majarã mũra mũare ñerire bũjawerebirãre weresãrãcoma, arĩ werepũ Jesu.

*Masa erã pepiro dopa iima, arĩ werepũ Jesu  
Mt 5.15; 6.22-23*

<sup>33</sup> Eropigu buhenemogu õpa arĩpũ erãre:

—Masa sihāgodirure sihāgorā dibubeama. Irirure sihāgorā mátasoro docague dibubeama. Irirure ɯmarogue duhpeomi wihigue ñajarirā erā iha ñajama ōaro.

<sup>34</sup> “Mari cuiiri mari dɯpɯre sihāgodiru iro dopa ta āhraa,” arī werediacū ōpa āhraa. Mɯa pepiro dopa ta iiaa. Mɯa ōaro mera pepirā árīrā ōarire iiaa. Mɯa ñero pepirā árīrāpɯ ñeri dihtare iiaa.

<sup>35</sup> Eropirā ōaro iique. Mɯa pepirigue ñero árībircāporo.

<sup>36</sup> Tuhaja mɯa pepirigue ōari árīcū, ñeri ne maricū ōari dihtare pepirāca. Mɯa pepirigue ōari árīcū mɯa ōarire iirāca, arī buhepɯ Jesu.

*Fariseo masare, judio masare buherā säre Jesu tuhri werepɯ*

*Mt 23.1-36; Mr 12.38-40; Lc 20.45-47*

<sup>37</sup> Jesu iɣɯ buhetuhajacū iagɯ fariseo masɯ iɣɯre iɣɯ ya wihigue badoregɯ sihupɯ. Eropigɯ Jesu iɣɯ ya wihigue ñaja, erā baro erā mera doajapɯ.

<sup>38</sup> Iɣɯ eropa doajacū fariseo masɯpɯ Jesure ihanɯrɯgɯ judio masa mojo coeniguiro dopa ta iɣɯ mojo coebiricū iagɯ ōpa arī pepirɯ: “Cuenta. ¿Ihī duhpigɯ gɯa iro dopa mojo coebeari?” arī pepirɯ.

<sup>39</sup> Iɣɯ eropa arī pepicū masigɯ Jesu iɣɯre werepɯ:

—Mɯa fariseo masa mɯa dorero dopa ta mɯa ihririparire, soropari säre mɯa coeweaa mɯa ōarire iirire ii ihmudiarā. Eropa coequererā ta mɯa sīporāripɯre coebeaa. Eropirā mɯa árīricuri mɯa pepiripɯre ne ōarire gohrotobaaa. Mɯa pepiriguere gajirā yare yajadiarire ñeri dihta āhraa.

<sup>40</sup> Pee masibirā āhraa mɯa. Goāmɯ mɯa dɯpɯre iigɯ mɯare pepiri säre iipɯ. ¿Iirire masibeari mɯa?

<sup>41</sup> Eropirā mɯa Goāmɯ ya árīburire iidiarā mɯa pepirire ōarire gohrotomɯhtaque. Mɯa eropa iira pɯhrɯ ōarire iirā árīrāca.

<sup>42</sup> “Mɯa fariseo masa ñero tarirāca. Bari ōaro sɯriburi sarire aī deara pɯhrɯ diez quēri iiaa. Tuhaja yujuquē ta Goāmɯ wihigue aīgā apia Goāmɯ dorero dopa ta. Eropa iri dorerire iiquererā ta diaye iirire, Goāmɯre gamerire mɯa ne guñabeaa. Dɯcare mɯa aīrare merogā Goāmɯ wihire apicū ōhaa. Eropa iirā ōpa iinemoque: Diaye iirire, Goāmɯre gameri säre iique mɯa.

<sup>43</sup> “Mɯa fariseo masa ñero tarirāca. Buheri wihigue árīrā ōari doari dihtare gahmea mɯa. Doberi duarogue masa mɯare ōaro umupeori mera bocatīri serēcū gahmea mɯa.

<sup>44</sup> “Mɯa judio masare buherā, fariseo masa sã mɯa gɯyaricɯrā āhraa. Ñero tarirāca mɯa. Masa gobe dibura gobe iro dopa ta āhraa mɯa. Iri gobe pohro masa tarigārā pohecague boanirā árīcū masibeama. Eropa ta masa mɯa pohro árīrā mɯa pepirigue ñeri árīcū masibeama erā, arīpɯ Jesu eräre.

<sup>45</sup> Iɣɯ eroparīcū peegɯ judio masare buherā mera majagɯ Jesure werepɯ: —Buhegɯ, irire arīgɯ, gɯa säre ñero arīgɯ iica mɯhɯ, arīpɯ iɣɯ Jesure.

<sup>46</sup> Iɣɯ eroparīcū Jesu yɯhripɯ:

—Diaye ta āhraa. Mɯa masare buherā sã ñero tarirāca. Mɯa gajirāre erā bocatīubiririre iidorea eräre. Eropa dorequererā mɯapɯ eräre ne merogā itamubeaa iri dorerire erā iiboro dopa.

<sup>47</sup> “Eropirā mɯa ñero tarirāca. Goāmɯ yare weremɯhtanirā mɯa ya masa goberire ōaro amuraa mɯa eräre umupeoro dopa ta iirā. Mɯa eropa iiquerēcū ta iribojegue majarā mɯa acawererāpɯ eräre wejēñuma.

<sup>48</sup> Erāpɯ Goāmɯ ya weremɯhtanirāre erā wejēdiro dopa ta mɯa sã iiboya. Eropirā dohpaguere erā masa goberire amuraa mɯa. Eropa amurā

mua acawererã erãre wejêrare guñaã mua. Erã eropa wejêrare guñarã “Ôaro iĩnuma,” arĩraa mua, arĩpũ Jesu.

<sup>49</sup> “Eropigũ Goãmũ ãgũ masiri mera õpa arĩ wereyuñumi: “Yahare weremũhtamorãre yũ buherire buhemũhtamorã sãre obeogũra erãre. Eropirã erã yũ obeorãre gajirãre wejê, gajirãre ñero iirãcoma,” arĩyuñumi Goãmũ, arĩpũ Jesu.

<sup>50-51</sup> I yebare Goãmũ ãhacũnugura pũhrũ Caĩnrũ Abelre wejêñumi. Ero pũhrũ Goãmũ yare weremũhtanirãre wejêñuma. Pũhrũ Zacariãre mua acawererã mura ta ãgũre wejêñuma. ãgũ Goãmũ wihi pohro Goãmũ ya árĩburire waimurã soeburi mesa pohro árĩcũ mua acawererã ãgũre wejêñuma. Árĩpehrerã erãre erã wejêra dipuwaja dohpague majarã dipuwajacurãcoma. Eropã ta ãhraa. Mũare ta arĩgũ iiaa. Árĩpehrerã erãre erã wejêra dipuwajare dohpague majarãre Goãmũ dipuwaja moagũcumi.

<sup>52</sup> “Mũa masare buherã, mua ñero tarirãca. Goãmũ masirire ãgũ gojarare opaquererã ta gajirãre werebeaa mua. Mũa basi Goãmũ yare peebeaa. Eropirã gajirã ãgũ yare erã peediaquerecũ ta irire mua erãre peedorebeaa, arĩpũ Jesu erãre.

<sup>53-54</sup> ãgũ eroparĩcũ peerã judio masare buherã, fariseo masa sã ãgũ mera guarã ãgũre ñero wereniguiñorã. Eropirã Jesu ãgũ ñero arĩ yũhricũ peediarã, erã serẽpinurũñorã ãgũre weresãdiarã.

## 12

### *Erã gũyarire Jesu werepũ*

<sup>1</sup> Eropi Jesu pohro masa bajarã gohra gamenereñorã. Cũhña taricãyoro. Ero Jesu ãgũ buherãre õpa arĩ werepũ:

—Ôaro guña masique mua. Fariseo masa erã pan bugacũ iiburire ãarã õaro masique. Erã gũyarire weregũ iiaa.

<sup>2</sup> Masa erã yayasãrãre pũhrũ masirãcoma. Erã dibura sãre gajirã masirãcoma.

<sup>3</sup> Eropiro gajirã peebirogue mua wereniguirare õaro masicũ Goãmũ weregũcumi. Bihara taribugue gajigũre erã yayarogã erã arĩrãre masa bajarã watope masicũ iigũcumi Goãmũ.

### *Masa erã gũibure werepũ Jesu*

#### *Mt 10.26-31*

<sup>4</sup> Eropigũ Jesu werenemopũ erãre:

—Diaye arĩgũ iiaa mũare. Masũre wejêrã wejêtuha dipaturi erã wejêdigũre ñero iimasibeama. Eropirã mũare wejêdiarãpũre gũibiricãque.

<sup>5</sup> Dohpagũre mua gũibure mua umupeobure weregũra. Goãmũpũre gũi umupeoque. ãgũ mua sĩrira pũhrũ peamegue cóãmasimi mũare. Eropã ta ãhraa. Diaye arĩgũ tiiaa. Goãmũpũre gũi umupeoque.

<sup>6</sup> Cinco mirua waja marima. Eropã waja mariquerecũ ta erãgãre Goãmũ ãhadibumi. Ne cãdijibeami erãre. Mirua tauro Goãmũ ãhadibumi mũapũre.

<sup>7</sup> Eropigũ mua poari sãre ne yuju poadagã dũhyaro mariro masipehomi Goãmũ. Eropã ta mua árĩricũri sãre masipehomi. Eropã masigũ mũare ãhadibuniguicãmi. Miruare ãgũ mahiro tauro mũapũre mahimi Goãmũ. Eropirã ãgũre umupeorã gũibiricãque mua, arĩpũ Jesu.



*Jesure m̄ua umupeorire wereque masare, ar̄ip̄u Jesu*  
*Mt 10.32-33; 12.32; 10.19-20*

<sup>8</sup> Eropi Jesu werenemop̄u:

—M̄uare ar̄iḡu iiaa. Yujuḡu “Jesu yaḡu āhraa,” masare īḡu ar̄i werec̄ũ īaḡu ȳuh̄u Goām̄u īḡu obeodiḡu s̄a “Īḡu yahaḡu āhrimi,” ar̄iḡuca Goām̄u yar̄a anyuare.

<sup>9</sup> Yujuḡu masare ḡüiḡu ȳure “Jesucristore masibea,” masare ar̄i wereḡure ȳu s̄a “Īḡure masibea,” ar̄i wereḡuca anyuare.

<sup>10</sup> “Ȳu masure Goām̄u īḡu obeodiḡure ñero ar̄i er̄a wereniguic̄ũ iri ñerire Goām̄u c̄adijimasimi. Eropa c̄adijiquereḡu ta Esp̄iritu Santop̄are er̄a ñero ar̄i wereniguic̄ũ irire ne Goām̄u c̄adijisome.

<sup>11</sup> “Mari buheri wirigue opar̄a pohro gajir̄a m̄uare aĩ ñaja weres̄ar̄coma. Er̄a eropa weres̄ac̄ũ m̄ua ar̄i c̄ahmotaburire ne w̄uaro pepibiric̄aque.

<sup>12</sup> Irisubu ta Esp̄iritu Santo m̄ua wereburire m̄uare wereḡucumi, ar̄ip̄u Jesu.

*Doberi op̄u queorire werep̄u Jesu*

<sup>13</sup> Eropi masa watope ar̄iḡu Jesure òpa ar̄i werep̄u:

—Buheḡu, ḡua paḡu īḡu s̄irira p̄hru īḡu ya ar̄ira ḡuare dujaa. Eropiḡu ȳu t̄iḡure irire ȳu s̄are queoro d̄uca wadoreque, ar̄ip̄u īḡu Jesure.

<sup>14</sup> Īḡu eropar̄ic̄ũ Jesu ȳuhrip̄u:

—Ne irinore d̄uca wabuno ar̄ibeaa ȳuh̄u, ar̄ip̄u Jesu īḡure.

<sup>15</sup> Eropa ar̄ituha Jesu ar̄ipehrer̄are werep̄u:

—Ōaro iique m̄ua. Doberire, gajino s̄are gametaribiric̄aque. Baja opaquerer̄a ta iri mera ta mucubirituhajabeaa mari, ar̄ip̄u Jesu.

<sup>16</sup> Eropa ar̄ituha Jesu er̄are i queori mera werep̄u:

—Doberi op̄u òari yebare opap̄u. Eropiro iri yebare īḡu oteri òaro d̄ucac̄uyoro.

<sup>17</sup> Eropiḡu īḡu, īḡu basi òpa ar̄i pepirip̄u: “Iri d̄uca ȳuh̄u diburi wihire ne sihasome.

<sup>18</sup> Dohpaguere òpa iiḡura. I wihi dohpague ȳu dibum̄htara wihire cóac̄a, dohpaguere m̄ura wihi tauro mama wihip̄ure w̄uari wihi iiḡura. Iri wihire yaha oteri d̄ucare, ar̄ipehrerire dibuḡura.

<sup>19</sup> Ȳu eropa iira p̄hru òpa ar̄i pepiḡura ȳu basi: ‘Ȳu ar̄ipehreri opaḡu āhraa. Ōaro sooḡura. Eropiḡu baha, ihri, mucubiriḡura,’ ar̄i pepiḡura ȳu basi,” ar̄i pepirip̄u īḡu basi.

<sup>20</sup> Īḡu eropa ar̄i pepiquerec̄ũ Goām̄u īḡure werep̄u: “M̄uh̄u ne pee masibiḡu āhraa. Dohpaḡa ñami ta m̄uh̄u s̄iriḡuca. M̄u eropa wac̄ũ m̄u ya m̄u mahira dederea waroca m̄ure,” ar̄ip̄u Goām̄u īḡure, ar̄ip̄u Jesu masare.

<sup>21</sup> Irire ar̄iḡu masare òpa ar̄i werep̄u Jesu:

—Eropa ta war̄coma doberi opar̄a er̄a Goām̄ure guñabir̄a. Baja doberire, niyerure er̄a ya ar̄iburi dihtare dibur̄a, Goām̄ure guñabir̄a er̄a mojomorocur̄a iro dopa ar̄ir̄coma er̄a Goām̄u īḡu ĩac̄ũ. Eropiḡu Goām̄u er̄are ĩhas̄abeami, ar̄ip̄u Jesu.

*Goām̄u īḡu por̄are ĩhadibumi, ar̄ip̄u Jesu*  
*Mt 6.25-34*

<sup>22</sup> Eropi Jesu īḡu buher̄are òpa ar̄i werep̄u:

—Ire m̄uare ar̄iḡu iiaa: M̄ua barire, suhri s̄are w̄uaro guñaric̄ubiric̄aque.

<sup>23</sup> Goãmũ mũare deyoro moagu bari dihtare bamorãre suhri sañamorã dihtare iibiriñumi mũare. Mũa iri dihtare guñacũ gamebeamĩ.

<sup>24</sup> Mirimagũ porãre Goãmũ ãgu ãhadiburire masique. Erã poeri moorã ãhri. Eropiro erã bari dihuri wiri erãre mara. Goãmũ erãre erã baburire ohomi. Mirimagũ porã tauro mũapũre mahimi Goãmũ. Eropigu mũa sãre ãhadibugũcumi ãgu.

<sup>25</sup> Wũaro mũa pepiri mera iri mũare pagarã wacũ iibea. Eropiro mari wũaro pepiri duhpiburi áribea.

<sup>26</sup> ¿Eropirã wũaro mũa pepiri duhpiburi áribiriquerecũ ta, duhpirã mũa baburire, mũa ihriburire, mũa sañaburire wũaro guña bũjawere pepiri mũa?

<sup>27</sup> “Nũgu maja gorire pepique. Iri gori ne iiro mariro õari goricũ. Iri gori õari suhri iro dopa õari gori dehyoa. Salomo opu mũrũ õari suhri opagu ãgu áriquererecũ ta iri goripũ ãgu ya suhri tauro õari dehyoa.

<sup>28</sup> Iri gorire õari gori gocũ iimi Goãmũ. ãgu eropa iiquererecũ ta iri goripũ bajamenurigã áriira pũhrũ ñaidija pehrea wahaa. Merogã ãhri gajinũ peamegue soe cóãcãma. Iri eropa mata pehrequerecũ ta iri gorire iri õari gori áricũ iimi Goãmũ. Eropigu Goãmũ iri gorire ãgu õari gori áricũ ãgu iidiro dopa ta tauro mũa sãre õaro iigũcumi. Suhrire ogũcumi. Daberogã Goãmũre umupeoa mũa.

<sup>29</sup> Eropirã mũa baburire, mũa ihriburire wũaro guñabiricãque.

<sup>30</sup> Goãmũre masibirãpũ i yeba majarãpũ irire eropa amaniguicãma. Mari Pagũ mũaro majagu áripehreri mũa gamerire masimi. ãgu eropa masicũ mũa ya áriburire wũaro guñabiricãque.

<sup>31</sup> Goãmũ mũa opu ãgu áriborore gamemũhtaque mũa. Mũa eropa iira pũhrũ Goãmũ mũa gameri dũhyacũ ogũcumi, arĩpũ Jesu.

*Umarogue mari baja opaa, arĩ masia mũa, arĩpũ Jesu  
Mt 6.19-21*

<sup>32</sup> Eropigu erãre werenemopũ:

—Yũ mahirã, bajamerãgã áriquererã gũibiricãque mũa. Goãmũ ãgu opu árirore ãgu mera mũa áricũ gahmemi ãgu.

<sup>33</sup> Eropirã mũa yare duapehoque. Irire duacã, iri niyerure mojomorocũrãre oque. Eropirã mũaro maja Goãmũ ya áriburire mohmeque. Eropã iirã mũaro maja mũa wãjatari ne pehresome. Umarogue mũa ya áriiri ne pehrebea. Eroguere mũa yare aĩmasibeami yajari masũ. Eropirã mega sã irire tũamasibeamã.

<sup>34</sup> Umarogue mũa ya áricũ Goãmũ ya dihtare pepirãca mũa, arĩpũ Jesu.

*Jesu ãgu dujariborore coredepepũ ãgu yarãre*

<sup>35-36</sup> Eroparĩtuhaja erãre werenemopũ daja:

—Mũa yare amuyunirã iro dopa áriã yahare eropa iiniguirã áriã coreque yũ dujariborore. Mohme corerã erã opu mojoto diriri bosenuque ãgu wacũ ãgu dujariborore erã cohrema. Erã eropa corero dopa ta yũ dujariborore coreque mũa sã. Opu ãgu ya wihigue eraa, disiporore ãgu dotecũ peerã erã mata pãgũ acuma ãgure.

<sup>37</sup> Mohme corerã erã opu eracũ ãgu gamero dopa ta iiyurã áriã mucubirirã áriãcoma. Erã eropa iicũ ãgu erã opu mohme coregu iro dopa gohrotogũcumi. Eropigu mohme corerãre doadore, ãgu erãre barire duhpeogũcumi.

38 Īḡu erarisubu ñami deco árīcũ, o boyorogue árīquerecũ mohme corerãpũ ĩḡu erarisubure ĩḡure ðaro corerã árīrã, mucubirirã árīrãcoma erã.

39 Ire guñaque mũa. Wihi opũ yajari masũ ĩḡu eraborore masiḡu, ĩḡu yajari masũ coreḡu ñajadorebiriboñumi.

40 Eropirã mũa sã coreque. Yũhũ masũ Goãmũ ĩḡu obeodigũ guñaña mariro arigũca. Eropirã yahare eropa iiniguirã árīrã yũre coreque mũa, arĩpũ Jesu erãre.

*Gajigũ mohme coreḡu ĩḡu opũre ĩḡu umupeopũ. Gajigũpũ umpeobirĩpũ, arĩ werepũ Jesu*

*Mt 24.45-51*

41 Īḡu eroparĩcũ Pedropũ serẽpipũ Jesure:

—Opũ, ¿i queorire wereḡu ḡuare arĩḡu iiri? ¿O árĩpehrerãre eropa arĩri? arĩpũ Pedro.

42 Īḡu eroparĩcũ Jesu werenigui queoriñe mera ðpa arĩ buhepũ erãre:

—Mohme coreḡu ĩḡu opũre umupeogũ pee masiḡu ðpa ta ãhrimi. Opũ curigũ wagũ, mohme coreḡure ĩḡu wihire apimi. Īḡu apigũpũ doreḡu árĩḡucumi. Eropigũ barisubu árīcũ gajirã mohmeri masare barire gueremi.

43 Eropigũ opũ ĩḡu ya wihigue dujarami. Īḡu opũ eracũ mohme coreḡupũ ĩḡu opũ ĩḡu dorediro dopa ta ipehodigũ árĩḡu, ĩḡu mucubirigũ árĩḡucumi.

44 Diaye arĩḡu iiaa mũare. Īḡu eropa iicũ ĩagũ ĩḡu opũ árĩpehreri ĩḡu yare ĩhadibugũ apigũcumi ĩḡure daja.

45 Ñegũ mohme coreḡupũ ðpa ta ãhrimi. “Yũ opũ yoja deyobeami,” arĩmi. Eropa arĩḡu gajirã mohme corerãre umare, nome sãre pami. Eropigũ wũaro baha, ihri, meremi.

46 Īḡu eropa iirisubu guñaña mariro ĩḡu opũ dujaragũcumi. Īḡu dujararinũre ne masibeami mohme coreḡu. Eropa dujaragũ ñegũ ĩḡu iirare pee ĩḡure ñero dipuwaja moagũcumi. Eropigũ Goãmũre tarinũganirãre ĩḡu cóãdiroque ĩḡure cóãḡucumi.

47 “Eropigũ mohme coreḡu ĩḡu opũ gamerire masiḡu árĩquereḡu ta irire ĩḡu iibiricũ, ĩḡu ðaro ĩḡu mohmebiricũ, ĩḡu opũpũ ĩḡure burigã dipuwaja moa pagũcumi ĩḡure.

48 Gajigũ mohme coreḡupũ ĩḡu opũ gamerire masibigũ árīcũ ĩḡu opũpũ ĩḡure daberogã ñari ĩḡu eropa arĩri dipuwajare pagũcumi. Goãmũ ĩḡu gamerire masicũ iimi masare. Eropiro masiḡure yũhriro gahmea. Eropiro ðaro masiḡure ðaro yũhriro gahmea, arĩpũ Jesu.

*Jesu masare game dũca waricũ iimi*

*Mt 10.34-36*

49 Eropa arĩtuha Jesu erãre werepũ daja:

—Peame soewearo dopa ta yũhũ i yebare masa erã ñero iirire cóãḡu arigũ iibũ. Dohpage ta masa árĩpehreri ñeri marirã árīcũ burigã gahmea yũhũ.

50 Yũhũ ñero tarigũca. Yũ eropa ñero tariburire coreḡu, ñero sĩporãcũa yũhũ.

51 ¿Dohpa arĩ pepiri mũa yũre? Yũhũ i yebaguere buheḡu aricũ yũ buheri mera “Masa ĩhaturisome pare,” ¿arĩ pepiri mũa? Eropa árĩbeaa. Mũare arĩḡu iiaa. Masa yũ buherire peerã, pe curu erã basi game dũca warirãcoma. Yujurãyeri yũ buherire peerãcoma. Gajirãpũ irire gamebirã erãre ĩhaturirãcoma. Eropirã yujuro mera árĩsome masa.

<sup>52</sup> Eropirã yuju wihi majarã sã cinco masa yu buherire peerã, pe curu erã basi game dũca warirãcoma. Yuju curu ƣrerã, gaji curu perã árĩrãcoma.

<sup>53</sup> Ĩgu pagu ĩgu magure ĩhaturigucumi ĩgu yaha buherire peecũ. Gajigu magu sã ĩgu pagure ĩhaturigucumi. Eropigo igo pago igo magore ĩhaturigocumo. Gajigo mago sã igo pagore ĩhaturigocumo. Eropigo igo mũñeco igo bepre ĩhaturigocumo. Gajigo bepo sã igo mũñecore ĩhaturigocumo. Eropa warãcoma yaha buherire erã peecũ, arĩpu Jesu.

*Jesu “Mũa yu iirire ĩaquererã yũre masibea,” arĩ werepu Jesu masare Mt 16.1-4; Mr 8.11-13*

<sup>54</sup> Eropi Jesu masare bajarãre õpa arĩ werepu daja:

—Abe ñajarogue imica cururi ĩarã, “Mata deco ariroca,” arãa mũa. Mũa eropa arĩra puhru deco ahraa.

<sup>55</sup> Eropirã surgue miruñe aricũ “Asirinũ árĩroca,” arãa mũa. Mũa eropa arĩra puhru irinu asia.

<sup>56</sup> Mũa guyaricũrã ãhraa. Yebare ĩarã, ƣmarore ĩarã “Õpa waroca,” arĩ masia mũa. Õarinũ árĩborore, ñerinũ árĩboro sãre masia mũa. ¿Eropa õaro masiquererã ta, duhpirã dohpague yu Goãmũ turari mera yu mũare ĩhmuquerecũ ta ne irire õaro masibeari mũa? arĩpu Jesu.

*Mũare ĩhaturigu mera mũa gamequeãrãre mũa basi amuque, arĩ werepu Jesu*

*Mt 5.25-26*

<sup>57</sup> Eropa arĩtuhaja õpa arĩ werenemopu:

—¿Mũa diaye iiburire masibeari mũa dohpa?

<sup>58</sup> Gajigu mũre weresãgu wagu dipuwaja moadoreri wihigue wadorebocumi. Erogue ejaboro core “Dipaturi mũre eropa iisome,” arĩ game amuque. Mũhũ ĩgure amubiricũ mũre ĩgu dipuwaja moadoreri wihigue aĩgãbocumi mũre. Eropigu dipuwaja moadoregupu mũre surarare ĩgu wiacũ, mũre surara peresu iirãcoma.

<sup>59</sup> Mũre arĩgu tiaa. Ne erã wajayedorerare mũ wajayephocũgue wirigũca mũhũ, arĩpu Jesu.

## 13

*Mũa ñeri iirare bujawere, õarire gohrotoque, arĩ buherpu Jesu*

<sup>1</sup> Irisubure bajamerãgã masa Jesure õpa arĩ wereñorã:

—Galilea majarã Goãmũre waibũgure wejẽ, erã soe muju umupeorisubu Pilatorpu erãre wejẽpu. Ĩgu eropa wejẽcũ waibũgu di mera masa di morera wayoro, arĩ wereñorã erã Jesure.

<sup>2</sup> Erã eropa weretuhajacũ Jesu yuhripu:

—¿Galilea majarã Pilato ĩgu wejẽnirã mũrãre dohpa arĩ pepiri mũa? ¿Erã eropa sĩrirã gajirã Galilea majarã tauro ñerã árĩra dipuwaja sĩriyuri?

<sup>3</sup> Árĩbeaa. Mũare arĩgu tiaa. Mũaru ñerire bujawerebirã, õaripũre gohrotobirã, mũa sã sĩrirã peamegue warãca.

<sup>4</sup> Eropirã sohõ árĩnirã diez y ocho masa Siloé waĩcũri wihi ƣmari wihi erã weca yuribeja wejẽpehoyoro. ¿Eropa wa sĩrirã gajirã Jerusalén majarã tauro ñerã árĩra dipuwaja sĩriyuri mũa pepicũ?

<sup>5</sup> Árĩbeaa. Mũare arĩgu tiaa. Mũa ñerire bujawerebirã õaripũre gohrotobirã, mũa sã sĩrirãca. Eropirã peamegue warãca, arĩpu Jesu erãre.

*Higueragu dũca maridigu queorire werepu Jesu*

<sup>6</sup> Eropa arĩtuhaja, Jesu i queori mera werepu erãre:

—Pohe opu ñgu pohegue ñgu higuerağure opapu. Eropigu ñgu irigu ducare amagu waripu. Bocabiripu.

<sup>7</sup> Bocabiriniğagu ñgu iri pohe mohmegure wereru. “Peeque yure. Uñre bojori gohra higuerağure ducare amaraa. Duca mara. Irigu duca maricũ irigure pa cóacãque. Irigu yaha pohe arĩcũ gajigure otemasibea,” arĩpu pohe opu mohmegure.

<sup>8</sup> Ñgu eroparĩcũ peegu mohme coregu õpa arĩpu: “Opu, irigu yuju bojori gohra niguiniporo. Yuhũ irigu gubuyere seatu nujatu iğura. Tuhaja waibuğũ gara mera iri gobere yaagura.

<sup>9</sup> Yu eropa iira puhrũ irigure gajì bojori ducacucũ õaroca. Duca maricũ muhũ padoreğuca,” arĩpu mohme coregu pohe opure, arĩ wereru Jesu.

### *Sabadonu Jesu dorecugore õago iipu*

<sup>10</sup> Irisubure Sabadonu Jesu judio masa buheri wihigue buhegu iipu.

<sup>11</sup> Ero puiriri dorecugo diez y ocho bojori gohra puiriri dorecugo arĩpo. Eropigo opatũ niguigo arĩgo, diaye niguimasibiripo.

<sup>12</sup> Igo eropa arĩcũ ñagu Jesu igore ñha, piyupu:

—Noméo, mu dorecari pehrea wahabu, arĩ piyupu Jesu.

<sup>13</sup> Ñgu piyura puhrũ igore ñgu mohmepicũ mata igo diaye niguigo wapo. Eropa wago “Goãmu turagu, õagu aħrimi,” arĩ Goãmure umupeopo igo.

<sup>14</sup> Jesu igore Sabadonu arĩcũ ñgu õago igore iicũ ñagu iri buheri wihi opupu ñgu mera guapu. Eropa guagu ñgu masare õpa arĩpu:

—Seis nuri aħraa mari mohmerinuri. Eropirã mua dore õarã arĩdiarã irinurire taudorerã arique. Sabadonure mari soorinure irire iibiricãro gahmea, arĩpu wihi opu.

<sup>15</sup> Ñgu eroparĩcũ Jesu õpa arĩ yuħripu:

—Mua guyaricurã aħraa. Mua wecuare, burro sare oparã Sabadonu arĩquerecũ erã diriradare pã, erãre aĩ buha ihridorea.

<sup>16</sup> Dohpague igore Abrahã murũ acaweregore watĩ diez y ocho bojori gohra igore dorecucũ iimi. ¿Sabadonu arĩcũ igore õago iidorebeari mua? arĩpu Jesu.

<sup>17</sup> Ñgu eroparĩcũ erãpu guhyasĩuro wañorã. Eropirã gajirãpu arĩpehreri Jesu iirare ñha mucubiriñorã.

### *Mostaza coye queorire wereru Jesu*

*Mt 13.31-32; Mr 4.30-32*

<sup>18</sup> Eropigu Jesu wereru daja:

—¿Goãmu masa tauro opu ñgu arĩri werediacũ ñeheno iro dopa aħriri mua pepicũ? I werenigui queoriñe mera weregura yuhũ.

<sup>19</sup> Mostazayegã iro dopa aħraa. Iriyegãre oteri masu yujugu ñgu ya pohegue otemi. Ñgu otera puhrũ õaro puhria. Eropiro yucugu wuadigu wahaa. Eropa wacũ mirimagu porã bajarã irigu dupurigue suhri suama. Eropa ta umaro majagu mari Opure masirã bajamerãgã erã arĩmuhtaquererã puhrũguere erã bajarã warãcoma, arĩpu Jesu.

### *Pan buğari queorire wereru Jesu*

*Mt 13.33*

<sup>20</sup> Eropigu dipaturi Jesu werenigui queoriñe mera buheru:

—¿Goãmu masa tauro opu ñgu arĩri werediacũ ñeheno iro dopa aħriri mua pepicũ?

<sup>21</sup> Pan buğacũ iiburi iro dopa aħraa. Yujugo nomeo panre iigo pan buğacũ iiburi pohgare merogã moremo trigo pohga mera. Igo eropa iicũ pan buğacũ iiburi pohga merogã arĩquerero trigo pohgare õaro

seyapehrea wahaa. Eropa ta umaro majagure mari Opure bajarã masa masirãcoma, arĩpu Jesu.

*Miri disiporogã queorire werepu Jesu*

*Mt 7.13-14, 21-23*

<sup>22</sup> Eropi Jesu paga macarigue, mũata macarigãgue buhegã, Jerusalengue ejabu iipũ.

<sup>23</sup> Īgu eropa warisubu masũ Jesure õpa arĩ serẽpipũ:

—Opũ, ¿bajamerãgã dihtare peamegue wabonirãre Goãmũ taugũcuri erã ĩgu pohro waboro dopa? arĩpu ĩgu Jesure.

Īgu eroparĩcũ Jesu werenigui queoriñere buhegu õpa arĩ werepu:

<sup>24</sup> —Yũ mũare õpa arãa: Bajarã Goãmũ pohrogue wadiaquererã wamasisome. Īgu pohro waburi miri disiporogã ñajaro dopa ahraa. Eropirã mũa i disiporogãre turaro ñajadiarã iro dopa ta ĩgu yare iique.

<sup>25</sup> Őpa iigũcumi Goãmũ bajarã masare. Īgu wihi opũ iro dopa ahrimi. Wihi opũ wahgã, disiporore bihagũcumi. Īgu eropa iicũ disiporogue mũa niguirã disiporo biharisere doterãca. Doterã õpa arĩrãca. “Opũ, disiporore pãgũque gũare.” Mũa eroparĩcũ wihi opũpũ yũhrigũcumi. “Mũa aridirore masibeaã yũhũ. Eropigu mũare masibeaã,” arĩ yũhrigũcumi,

<sup>26</sup> Īgu eroparĩcũ mũa yũhrirãca. “Mũ mera gũa baha, ihribũ. Gũa ya maca buhebũ mũhũ,” arĩrãca mũa.

<sup>27</sup> Mũa eroparĩcũ ĩgũpũ yũhrigũcumi. “Mũa aridirore masibeaã. Arĩpehrerã mũa ñeri iinirã yũ pohro aribiricãque,” arĩgũcumi wihi opũ.

<sup>28</sup> Eropi Abrahãre, Isaare, Jacobore, arĩpehrerã Goãmũ ya weremũhtanirãre Goãmũ ĩgu opũ arĩrore erã arĩcũ ĩarã, mũa disiporogue cóãnirã arĩrã bũrigã oterãca. Eropirã mũa turaro bũjawererã, mũa gũcurire cũridihurãca.

<sup>29</sup> Irisubure norte majarã, sur majarã, abe mũririro majarã, abe ñajaro majarã Goãmũ ĩgu opũ arĩroguere eja, mesa pohro doarãcoma.

<sup>30</sup> Dohpague arĩrã pohro majarã arĩrã irisubure oparã arĩrãcoma. Eropirã dohpaguere “Oparã ahraa,” arĩrã irisubure pohro majarã arĩrãcoma, arĩpu Jesu.

*Jerusalén majarãre bũrigã mahipũ Jesu*

*Mt 23.37-39*

<sup>31</sup> Irisubure bajamerãgã fariseo masa Jesu pohrogue ejarã, ĩgure wereñorã:

—Herode mũre wejẽdiami. Eropigu gajipũ waque mũhũ, arĩñorã erã ĩgure.

<sup>32</sup> Erã eroparĩcũ Jesupũ yũhripũ:

—Herode gũyaricũgũ ahrimi ĩgu. Őpa arĩ wereque ĩgure: “Jesu watẽare cóãgũ iimi. Eropigu dorecurãre õarã iigu iimi. Irire dohpagãre, ñamigã sãre iigũcumi. Eropigu ñamigã core mohmetugũcumi,” arĩ wereque Herodere.

<sup>33</sup> Eropigu dohpagãre, ñamigãre, ñamigã core sãre Jerusalengue curigu wagũra. Ero yũre Goãmũ yare weremũhtagũre wejẽrãcoma masa. Goãmũ yare weremũhtagũre erã wejẽbupũre Jerusalengue arĩro gahmea. Eropigu yũre i maca ta dujaro gahmea.

<sup>34</sup> “Mũa Jerusalén majarã, mũa acawererã mũra Goãmũ ya weremũhtanirãre wejẽmũrinirã arĩma. Eropirã Goãmũ obeonirãre utã mera deãmũrinirã arĩma. Cãreña bũro igo porãre igo quẽdũpũri mera

igo coã oyaro dopa ta bajasuburi opadiaribũ mũare. Mũapũ irire yũre ne gamebiribũ.

<sup>35</sup> Dohpaguere mũa árĩri maca cóãra maca árĩroca. Diaye arĩgũ tiiaa mũare. Pũhrũ dujarigũca daja yũhũ. Eropa yũ dujaricũ ĩarã mũa yũre Goãmũ turari mera arigũ “Ōaro ariporo,” arĩrãca. Yũre mũa irire arĩboro core dipaturi yũre ĩasome mũa, arĩpũ Jesu.

## 14

### *Dorecũgũre òagũ iipũ Jesu*

<sup>1</sup> Gajinũ erã soorinũ Sabadonũ árĩcũ fariseo masa oparã mera majagũ ya wihigue Jesu bagũ wapũ. Iri wihi árĩrã ĩgũre ĩhanũrusiañorã.

<sup>2</sup> Eropigũ ñigagũ bijigũ ĩgũ pohrogue ejarũ.

<sup>3</sup> Eropigũ Jesu judio masare buherãre, fariseo masa sãre serẽpipũ:  
—¿Mari soorinũre dorecũgũre òagũ iidoreri Goãmũ yare erã gojarapũ? arĩpũ Jesu.

<sup>4</sup> ĩgũ eropa arĩ serẽpiquerẽcũ ta erã yũhribiriñorã. Erã yũhribiricũ ĩagũ Jesu ñigagũ bijigũre òagũ iipũ. Tuhajanugu, “Waque,” arĩpũ ĩgũre.

<sup>5</sup> Eropa iituhagũ erãre serẽpipũ daja:

—¿Mũa yagũ burrore o mũa yagũ wecũre gobegue yuhridijadigũre mata aĩ wiubeari mũa mari soorinũ árĩquerẽcũ? arĩpũ Jesu.

<sup>6</sup> ĩgũ eropa arĩquerẽcũ ta erã ĩgũ serẽpirire yũhrimasibiriñorã daja.

### *Mojoto dirirogue sihubeonirãre werepũ Jesu*

<sup>7</sup> Fariseo masũ ya wihi árĩgũ iri wihi majagũ ĩgũ sihubeonirã oparã doarire erã beyemũhtacũ ĩapũ Jesu. Eropa ĩatuha ire werepũ arĩpehrerãre:

<sup>8</sup> —Mojoto diriri bosenu árĩcũ ĩgũ mũare sihubeocũ, ĩgũ ya wihigue eja oparã doarire beye doabiricãque. Mũa tauro gũhyadiarãre sihubeoñumi iri wihi opũ.

<sup>9</sup> ĩgũ eropa iicũ mũa oparã doarire doacũ “Ōã gũhyadiarãre mũa doarire oque,” mũare arĩbocumi wihi opũ. ĩgũ eroparĩcũ mũa gũhyasĩuro dujarãca. Eropirã bu árĩrã doarire doarã warãca.

<sup>10</sup> Eropirã wihi opũ mũare sihubeocũ, bu árĩrã doarire doamũhtaque. Mũa eropa iicũ wihi opũ mũare oparã doaripũre “Doarã arique,” arĩgũcumĩ ĩgũ mũare. Mũa eropa wacũ gajirã ĩgũ sihubeonirãpũ mũare umupeori mera ĩarãcoma.

<sup>11</sup> Yujugũ ĩgũ basi “Opũ ãhraa,” arĩ pepigũ bu árĩgũ arĩgũcumĩ. Eropigũ gajigũ “Bu árĩgũ ãhraa,” arĩ pepigũ, gajirãre tarinũgadiabigũ opũ arĩgũcumĩ, arĩpũ Jesu erãre.

<sup>12</sup> Eropa arĩtuha Jesu wihi opũre werepũ:

—Mũhũ bosenu iigũ mũ pohro árĩrãre, mũ pagũ porãre, mũ acawererãre, doberi oparãre sihubiricãque. Mũhũ erãre sihucũ mũre erã sã sihu gamerãcoma daja. Eropa sihu gamerã mũre erã wajamorire wajayerãcoma.

<sup>13</sup> Mũhũ bosenu moagũ mojomorocũrãre, curimasibirãre, yujupũ guburu poyanirãre, cuiiri ĩhajabirãre sihubeoque.

<sup>14</sup> Mũ eropa iicũ ĩagũ Goãmũ mũre òaro iigũcumĩ. Erãpũ mũre erã sihura wajamorire wajayemasibeama. Eropigũ òarã sĩrinirã erã masa mũriarisubu árĩcũ Goãmũpũ mũre wajayegũcumĩ, arĩpũ Jesu wihi opũre.

### *Wũari bosenu iira queorire werepũ Jesu*

15 Īḡu eroparīcā peegu gajigu bari mesa pohro doadigu Jesure werepū:  
—Goāmū ĩḡu opu árīro ĩḡu bari mesa pohro doarā turaro mucubirirā árīrācoma, arīpū ĩḡu Jesure.

16 Īḡu eroparīcā Jesu i queorire werepū ĩḡure:

—Wuari bosenu iigu bajarā masare sihubeopū.

17 Īḡu sihubeora pūhrū bosenu árīrinū gohra mohme coreḡure ĩḡu sihubeonirāre weredoreḡu obeopū. “Ma, árīpehrerire bosenu maja árīburire amutuhama. Eropigu mũare sihubeomi,” arī weredorepū mohme coreḡure.

18 Mohme coreḡu ĩḡu eropa arī werequerecū ta, ĩḡu sihunirāpū “Wamasibirica,” arīñorā erā. Īḡu sihumūhtadigu ōpa arī werepū mohme coreḡure. “Dohparagā yebare asūabū. Eropigu iri yebare ĩaḡu wabu iiaa. Eropigu wamasibirica. Umupeoque yure. Yure masiya mara, arīque,” arīpū ĩḡu sihumūhtadigupū mohme coreḡure.

19 Gajigupū ōpa arīpū: “Wecuare pe mojtocū majarā dohparagā ta asūabū. Eropigu wecuare queo ĩaḡu wabu iiaa. Eropigu wasome. Yure wamasiya mara,” arīpū ĩḡu sā.

20 Gajigupū ōpa arīpū: “Yūhū dohpagā mojoto dihriabū. Eropigu iri bosenure wamasibirica,” arīpū ĩḡu mohme coreḡure.

21 Īḡu eroparīcā mohme coreḡupū dujaa wa, ĩḡu opūre erā arīrare werepehopū. Īḡu eropa arī werecū ĩḡu opu turaro gua, ōpa arīpū mohme coreḡure. “Yojaro mera maca árīri marigue, mojomorocūrā erā árīri marigue waque. Eropigu mojomorocūrāre, curimasibirāre, cuiiri ĩhajabirāre, poyari masare yojaro mera aīḡārique erāre,” arīpū opu.

22 Pūhrū mohme coreḡu werepū ĩḡu opūre: “Opū, mũ dorediro dopa ta masare sihuabū. Yū eropa sihuquerecū ta gajirā sā iri taribure sihajarācoma,” arīpū mohme coreḡu.

23 Īḡu eroparīcā opu ĩḡure dorepū: “Campogue waque. Ero paga marigue, mũta marigāgue árīrāre yaha wihigue aridoreque yaha wihi ōaro ũjtūrimaja ōaro.

24 Diaye arīḡu iiaa mũre. Oā yū sihumūhtanirā yū barire ne merogā basome,” arīpū opu, arī werepū Jesu.

### *Jesu mera wacū diasā āhraa*

25 Irisubure bajarā masa Jesu mera wañorā. Eropigu Jesu erāre maji ĩha werepū:

26 —Yujugū yū buheḡu árīdiagū gajirā tauro yūpūre mahiro gahmea. Īḡu pagure, ĩḡu pagore, ĩḡu marapore, ĩḡu porāre, ĩḡu pagū porāre ĩḡu basire ĩḡu mahiro tauro yūpūre mahiro gahmea.

27 Yujugū yū buheḡu árīdiagū yahare eropa iiniguigu árīḡucumi. Eropigu ĩḡu yahagū ĩḡu árīri dipuwaja ñero tariquereḡu ta yāre pihrisome. Eropa ñero taridiabigu yū buheḡu árīmasisome.

28 Ire masiyuro gahmea mũare. Ōpa āhraa iri: Wihi iigu ĩḡu ũmari wihi ĩḡu iiboro core wihi wajacūburire queomūhtanimi. Eropa iigu ĩḡu wihire pehoborore masimi ĩḡu.

29 Wajacūburire queobigu iri wihire iipehobiribocumi. Eropirā ĩḡure ĩarā wereyabocoma.

30 “Īhī ĩḡu wihire iigu bocatīubirañumi,” arī wereyabocoma.

31 Opu sā gajigu opu yarā mera erā gamewejēboro core, ĩḡu yarā surarare ĩḡu gamewejēdoreboro core, ĩḡu yarā surarare queogucumi.



“¿Yuhũ diez mil surara mera gajigu veinte mil surara opagu mera gamewejẽgu wagu bocatũbocuri?” arĩ pepigu queogucumi ĩgu.

<sup>32</sup> Eropa queogu “Bocatũsome,” arĩgu, gajigu opu ĩgu surara mera gamewejẽgu arigu yoarogue ĩgu aricũ ta, “Bocatũsome,” arĩgupu “Gamewejẽbiricãrã,” arĩdoregu obeobocumi ĩgu pohro majagũre.

<sup>33</sup> Eropirã yu buherã árĩdiarã mũa iiburire mũare masiyuro gahmea. Eropirã mũa gamerire duhudiabirã yu buherã árĩmasibea mũa, arĩ werepu Jesu.

*Goãmu yare iiniguĩro gahmea, arĩ werepu Jesu*

*Mt 5.13; Mr 9.50*

<sup>34</sup> Eropigu erãre werenemopu:

—Moa õaro acari ãhraa. Iri moa ñeri wacũ dipaturi õari iimasiya mara.

<sup>35</sup> Iri moa mera duhpimaja masiya mara. Iri eropa árĩcũ iri moare cóãro gahmea. Eropirã mũa Goãmu yare iiniguĩbirã ne duhpimorã árĩbeaa. Ire õaro peeque mũa, arĩpu Jesu.

## 15

*Oveja dederedigũre bocara queorire werepu Jesu*

*Mt 18.10-14*

<sup>1</sup> Eropa gajinu bajarã wajasea corerã gajirã “Ñerã ãhrima,” erã arĩrã mera Jesure peerã arĩnorã.

<sup>2</sup> Erã eropa iicũ ĩarã fariseo masa judio masare buherã sã Jesure ĩhaturirã õpa arĩnorã erã basi:

—Ihĩ ñerã mera wapicumi. Eropigu erã mera bahami, arĩ wereniguĩnorã erã erã basi.

<sup>3</sup> Erã eropa arĩ wereniguicũ Jesu i queori mera õpa arĩ buhepu erãre:

<sup>4</sup> —¿Cien oveja opu yujugu oveja dederea wacũ ĩagu dohpa iigucuri ĩgu? Õpa iigucumi. ĩgu noventa y nueve ovejare erã bari campogue api, dederedigũre amagu wagucumi. Ovejare bocagugue dujarigucumi.

<sup>5</sup> ĩgũre bocagu mucubirigucumi. Eropigu ĩgũre ĩgu weca coãpeo

<sup>6</sup> ĩgu ya wihigue aĩ dujaa wagucumi. Aĩ dujaja, ĩgu pohro árĩrãre, ĩgu acawererãre sihu gameneogucumi. “Yu oveja dederedigũre bocabu. Eropirã yu mera mucubirique,” arĩgucumi ĩgu erãre.

<sup>7</sup> Oveja dederedigũre ĩgu bocadiro dopa ta õpa arĩgu iiaa mũare. Yujugu ñerire iigu ĩgu ñerire bujawerecũ õaripũre gohrotocũ ĩarã Goãmu pohro árĩrã burigã mucubirima. Gajirãpu bajarã masa õpa arĩ pepima: “Ñero iibeaa yũpu. Eropiro yu ñeri bujawereburi mara,” arĩ pepirima. Erã eropa arĩ pepicũ ĩarã umaro majarã Goãmu pohro árĩrã mucubiribeama, arĩpu Jesu.

*Niyeruse dedererare bocara queorire werepu Jesu*

<sup>8</sup> Eropa arĩtuha gaji queori mera werenemopu:

—¿Diez niyeruseri waja pagariseri opago yujuse dederecũ duhpibocuri igo mũa pepicũ? Õpa iigocumo igo. Sihãgodirure sihãgo, wihire oha, õaro amapehogocumo. Irisere bocagugue duhugocumo.

<sup>9</sup> Irisere bocatuha, igo pohro árĩrãre, igo acawererãre sihupehogocumo. “Niyeruse yahase dederasere bocabu. Eropirã yu mera mucubirique,” arĩgocumo igo.

10 Diaye arĩgu iiaa mũare. Eropa ta yujugu ñerire iigu ĩgu ñerire bujawerecũ ñarire gohrotocũ Goãmũ yarã anyuapũ burigã mucubirĩcoma. ĩgu dederebodigu dederebeamĩ pare. Eropirã turaro mucubirĩcoma, arĩpũ Jesu.

*Magũ dederedigu pagũ pohro dujajara queorire werepũ Jesu*

11 Eropa arĩtuha Jesu gajĩ queorĩ mera werepũ daja:

—Bugũ porã perã árĩñorã.

12 Duhyagupũ ñpa arĩpũ ĩgu pagũre: “Ahũ, mũ sĩrira pũhrũ yũre mũ oburire yũre opurumujuque,” arĩpũ ĩgu ĩgu pagũre. ĩgu eroparĩcũ erã pagũ perãgue ta ĩgu porãre guerepũ ĩgu oparare.

13 Bajamenurigã pũhrũ duhyagupũ ĩgu ya árĩpehrerire aĩ, yoarogue gajĩ yebague waha wapũ. Ero eja ĩgu ya niyerure iisiripehocãpũ.

14 ĩgu iisiripehora pũhrũ iri yebare ne bari marinũgayoro. Eropigu oaboapũ.

15 Eropigu iri yeba maja mohmerire amapũ. ĩgu mohmerire bocacũ ĩgu opũ yesea coregu acupũ ĩgũre.

16 Eropigu ĩgu yeseare ejo, erã barire badiaripũ ĩgu sã. ĩgu eropa badiaquerecũ ta ero majarã ĩgũre barire obirĩñorã.

17 Eropĩ ĩgũre ero guñari ariyoro pare. “Yũ pagũre mohme corerãpũ pagari barire opacoma. Erã ba duhari sã pagari árĩca. Erã ñaro árĩrisubu yũpũ ohõ arĩgu oaboagu iiaa.

18 Dohparagã yũ pagũ pohro dujagũra. Yũ pagũ pohrogue ejagu ñpa arĩgũra ĩgũre: ‘Ahũ, Goãmũre ñero iiabũ. Mũ sãre ñero iiaca.

19 Ñegu añraa. Eropigu mũ magũ diaye dopa ĩabita yũre pare. Mũre mohme corerã dopa ta ĩaque yũre,’ arĩgũra yũ pagũre,” arĩ pepipũ ĩgu.

20 Eropa arĩ pepigu wahgãnũgaja, ĩgu pagũ pohrogue dujaa wapũ. Erogue ĩgu ejadigu ĩgu dujaricũ ĩgu pagupũ ĩgũre yoarogue ĩgu árĩcũ ta ĩgu magũre ĩha masipũ.

“ĩgu eropa eracũ ĩagu ĩgu magũre mojomoro ĩapũ. Mojomoro ĩagu ĩgũre oma bocatĩri pabua, ĩgu wayuporãre mimipũ ĩgu pagũ ĩgu magũre.

21 “Ahũ, Goãmũre ñero iiabũ. Mũ sãre ñero iiaca. Ñegu añraa yũhũ. Eropigu mũ magũ diaye dopa ĩabita yũre pare,” arĩpũ ĩgu ĩgu pagũre.

22 ĩgu eroparĩcũ peequeregu ta ĩgu pagupũ mohme corerãre sihurũ. “Yojaro, ñariñe suhrĩrore aĩgãrique. Eropirã yũ magũre sãque. Sãtuha ĩgu mojtore sãri berore sã, ĩgu guburire zapature sãque.

23 Sãtuha diicũgu wecũre wejẽque. Bosenu iirã.

24 Ihĩ yũ magũ sĩrigũ dopa ta waha wami. Eropa waqueregu ta dohpaguere ojocarimi ĩgu. Dederedigũ dopa árĩdigũre dohpaguere bocabũ. Eropirã bosenu iirã,” arĩpũ ĩgu pagũ. ĩgu eropa arĩra pũhrũ bosenu iinũgañorã erã.

25 “Irisubure ĩgu tĩgũpũ pohegue arĩpũ. Pohegue árĩdigũ dujarigu wihĩ pohro eragu, erã bayarire peepũ ĩgu.

26 Peegu yujugu mohme coregũre sihubeo ĩgũre serẽpipũ ĩgu: “¿Dohpa iirã bayarã iari?” arĩpũ ĩgu mohme coregũre.

27 “Mũ pagũ magũ dujaramĩ. ĩgu ñagu dujaracũ mũ pagũ diicũgũre wecũre wejẽdoreami,” arĩ yũhrĩpũ mohme coregũ.

28 ĩgu eropa arĩ werecũ ĩgu tĩgũpũ burigã guagu wihigue ñajabiripũ. ĩgu eropa ñajabiricũ ĩagu ĩgu pagũ wiriri, “Ñajarique,” arĩ turaro sihuripũ ĩgu magũre.

29 “Peeque, ahũ. Yũhũ yoari boje mũre mohme coregũ dopa ta itamurabũ. Eropigũ mũ dorerire ne yujusubu tarinũgabirimurabũ. Yũhũ mũre mohme corequerecũ ta yũpũre ne obirabũ mũhũ. Ne yujuũgũ waibũgũre obeaa mũhũ yũre yũ mera majarã mera yũ bosenu iicũ.

30 Eropigũ ihĩ mũ magũpũ ñerã nome mera mũ yare iisiripehodigũ árĩmi. Irire iisiripehotuha, ãgũ wihigue ãgũ dujaracũ diicũgũ wecũre wejẽabũ mũhũ ãgũ babure,” arĩpũ ãgũ tĩgũ ãgũ pagũre.

31 “Mahgũ, mũhũ yũ mera árĩpehlerinũri ãhraa. Eropiro árĩpehleri yaha mũ ya dihta ãhraa.

32 Mũ pagũ magũpũ sĩridigũ dopa ta wahãmi marire. Eropi ãgũ dohpague ojarigũ ãhrimi. ãgũ dederedigũ dopa ta wahãmi. ãgũ eropa wara pũhrũ dohpague ãgũre bocabũ. Eropiro ãgũ dujaracũ mari bosenu ii mucubiricũ õhaa,” arĩpũ ãgũ ãgũ magũre, arĩpũ Jesu erãre iri queorire weregũ.

## 16

### *Niyeru dibu coregũ queorire Jesu werepũ*

1 Eropi i queorire ãgũ buherãre werepũ Jesu:

—Doberi opũ ya niyerure dibu coregũ niyerure ãgũ õaro dibubiricũ ãagũ gajigũpũ weresãpũ doberi opũre. “ãgũ mũ ya niyerure iisirigũ iimi,” arĩ weresãpũ ãgũre.

2 ãgũ eropa weresãcũ pee niyeru dibu coregũre sihubeopũ. Eropigũ ãgũ eracũ ãagũ ãgũre opũ werepũ. “Gajigũ mũ yaha niyerure iisiririre wereami yũre. Eropigũ yahare dibugũ dohpague arĩsome mũhũ. Eropigũ yahare mũ iirare werepeho gojaque. Mũre cóãgũ iiaa,” arĩpũ ãgũ opũ ãgũre.

3 ãgũ eropa arĩra pũhrũ õpa arĩ pepipũ dibu coregũ ãgũ basi: “Yũ opũ yũre cóãbu iicumĩ. Yũhũ turabeaa. Eropigũ turaro mohmerire bocañubeaa. Eropigũ gajirãre niyeru serẽgũ gũhyasĩutariaro tarigũca yũhũ. ¿Eropigũ dohpa iigũcuri yũhũ?”

4 Dohpague tamerare yũ iiburire masia yũhũ. Õpa yũ iicũ yũ mohmeri maricũ erã yũ itamurã arĩrãcoma. Eropirã erã ya wirigue ñajadorerãcoma yũre,” arĩ pepipũ ãgũ.

5 Eropa arĩ pepigũ ãgũ árĩpehlerã ãgũ opũre wajamonirãre sihubeopũ. Sihubeotuha eramũhtagũre õpa arĩ serẽpipũ ãgũ. “¿Yũ opũre dipẽ wajamori mũhũ?” arĩpũ ãgũ.

6 ãgũ eroparĩcũ wajamogũpũ yũhripũ. “Cien tambore uyũre olivo waĩcũdigũ maja uyũre wajamoa ãgũre,” arĩ yũhripũ ãgũ. ãgũ eropa arĩ werẽcũ dibugũpũ õpa arĩ werepũ. “Ohõ ãhraa mũ wajamorire gojaturapũ. Doaque. Eropigũ mũ wajamorire deco mera aĩ, deco mera gojatuque,” arĩpũ niyeru dibugũ wajamogũre.

7 Eropa arĩtuhaja gajigũ wajamogũre serẽpipũ ãgũ. “¿Mũca dipẽ wajamori?” arĩpũ daja. “Cien aju trigo ajure wajamoca yũhũ,” arĩpũ wajamogũ dibugũre. “Ohõ ãhraa mũ wajamorire gojaturapũ. Mũ wajamorire ochenta goja amuque,” arĩpũ dibugũ.

8 ãgũ eropa õaro gũyamehrecũ ãagũ “Ihĩ gũyamehregũ arĩcumĩ,” arĩ pepipũ ãgũ opũ niyeru dibugũre. Inũ majarã Goãmũ gamebirã erã yare gũya amurare erã niyerure erã diburare Goãmũ yarã tauro masicoma erã, arĩpũ Jesu.

9 Eropa arĩtuha Jesu werenemopũ:

—Eropigu mũare arĩgu tiiaa. Mũa oparire, i yeba majare mojomorocũrãre mũa ocũ, erãpũ mũare mahirãcoma. Mũa eropa iicũ mũa opara pehrera pũhrũ mũmũsigue mũa ejacũ erogue mũare õaro mahirãcoma.

<sup>10</sup> “Bu árĩrã ya mohmerire queoro iirã oparã ya mohmeri sãre queoro iirãca. Bu árĩrã ya mohmerire queoro iibirã oparã ya sãre queoro iibirãca.

<sup>11</sup> Eropirã i yebague mũa opari mera mũa õaro iibirã Goãmũ mũare iidoreri sãre õaro iisome mũa.

<sup>12</sup> Eropirã gajigu yare mũa õaro iibasabiricũ ãagu mũa ya árĩburire osome mũare.

<sup>13</sup> “Yujugũ Goãmũpũre guñagu bũrigã gohra niyerupũre guñabeami. Niyerupũre bũrigã guñagu Goãmũpũre guñabeami. Eropigu niyeru dihtare gamegu árĩgu Goãmũpũre mucubiricũ iibeami. Goãmũ sãre niyeru sãre yujuro mera gametarima masiya mara mũare. Niyerure gametarigu Goãmũpũre umupeomasibeami, arĩpũ Jesu.

<sup>14</sup> Ìgu eroparĩcũ peerã fariseo masapũ ãgũre wereyañorã. Erãpũ niyerure gametariñorã. Eropirã wereyañorã.

<sup>15</sup> Erã wereyacũ peegu Jesu erãre werepũ:

—Masa erã ãhurore mũa õaro iiraa. Mũa eropa iicũ, “Õarã diaye ta iirã ãhrima,” arĩrima masa mũare. Goãmũpũ mũa pepirire masimi. Masa “Õatariama,” erã arĩrãre Goãmũpũ gajiropa arĩ pepimi, arĩpũ Jesu.

*Goãmũ ãgu dorerire, ãgu opu árĩrãre werepũ Jesu*

<sup>16</sup> Eropa arĩtuhaja õpa werenemopũ Jesu:

—Ñu waĩyegu ãgu eraboro core Moiserẽ ãgu apira doreri mera Goãmũ marire doreami. Goãmũ ya weremũhtanirã mũra erã gojara sã eropa ta árĩribũ marire dorera. Dohpaguepũre Ñu õari buherire, Goãmũ opu ãgu árĩrãre buhemi. ãgu eropa buhecũ pee masa erã ejatuharo, erã turari mera Goãmũ erã opu árĩcũ gahmema.

<sup>17</sup> “Goãmũ Moiserẽ ãgu apira dorerire erã ãgu yare gojara sãre “Iri duhriburi árĩbeaa,” ne arĩsome. Mũsi, yeba sã pehrequerẽcũ Goãmũ ãgu werediro dopa ta ipehogũcumĩ, arĩ werepũ Jesu.

*Marapore cóãrãre werepũ Jesu*

*Mt 19.1-12; Mr 10.1-12*

<sup>18</sup> Eropa arĩtuhaja õpa arĩnemopũ Jesu:

—Masũ ãgu marapore cóãgu, gajigo mera marapocũgu ãgu igo mera ñero iigu iimi. Tuhaja masũ gajigu ãgu cóãdigo mera marapocũgu ãgu sã igo mera ñero iigu iimi, arĩpũ Jesu.

*Doberi opu, gajigu Lázaro queorire werepũ Jesu*

<sup>19</sup> Eropa i queori werepũ Jesu:

—Yujugũ doberi opu árĩñumi. Suhri wjacũrãre sañagu árĩñumi. Eropigu mũmũri nũcũ õari dihtare bagũ, baja opañumi ãgu.

<sup>20</sup> Eropigu irisubure gajigu árĩñumi. ãgu mojomorocũgu Lázaro waĩcũgu árĩñumi. ãgu ãgu dũpũre baja camicũgu árĩñumi. Eropirã gajirãpũ ãgũre doberi opu ya wihi disiporo aĩgã apimũriñuma.

<sup>21</sup> Eropigu mojomorocũgũpũ doberi opu ãgu ba dũharire gamemũriñumi. “Ba dũhari mera yapigũca yũhũ,” arĩ pepimũriñumi ãgu. Ero oyarisubu diayea ãgu pohro eja ãgu camire neremũriñuma.

<sup>22</sup> Eropigu mojomorocũgu sĩria wañumi. ãgu sĩria wacũ, Abrahã pohrogue paraíso waĩcũrogue anyua ãgũre aĩ mũriañuma. Eropigu doberi opu sã ãgu pũhrũ sĩria wañumi. ãgu sĩricũ ãgũre yaañuma.

<sup>23</sup> Eropiro doberi opure peamegue ejagu buringã teboricũnumi. Eropigu peamegue arĩgu umusigue arĩgure Abrahãre ihamujuñumi. Lázaro muru sãre ãañumi.

<sup>24</sup> Ìatuha ìgu Abrahãre sihubeoñumi. “Ahũ, Abrahã, mojomoro ãaque yure. Peamegue yũhũ ñero tarigu iica. Yũ eropa wacũ Lázarore yure obeoque. Eropigu ìgu decore ìgu mujusĩru mera yoso, yũ nerore deco mera nehoporo. Irire yãsuporo ìgu,” arĩriñumi doberi opu muru.

<sup>25</sup> Ìgu eroparĩquerecũ Abrahãpũ ìgure wereñumi: “Mahgu, ojocarigu arĩgu arĩpehrerire òarire opabũ mũhũ. Lázaropũ umuri nũcu ñero tarimi. Dohpaguere mũ ñero taricũ ìgũpũ õguere mucubiriri mera arĩcãgu iimi.

<sup>26</sup> Eropiro mari watope ãhcãri waya ãhraa. Eropirã õre arĩrã eroguererã wamasibeama. Tuhaja eroguerã arĩrã õre aridiaquererã ta õguere arimasibeama,” arĩñumi Abrahã doberi opu muru.

<sup>27</sup> Ìgu eroparĩcũ doberi opu õpa arĩnemoñumi: “Acaweregũ, turaro serẽa mure. Lázarore yũ pagũ ya wihigue obeoque.

<sup>28</sup> Yũhũ yuju mojoto majarã pehrerã pagũ porãcua. Lázaro erãre wereporo. Òre erã ñero tariroguere aribiricãporo,” arĩñumi ìgu.

<sup>29</sup> Ìgu eroparĩcũ Abrahãpũ yũhriñumi: “Goãmũ dorerire Moise ìgu apirare, Goãmũ weremuhtanirã erã gojarare opama mũ pagũ porã. Eropirã mũ pagũ porã irire ta peeporo,” arĩñumi Abrahã.

<sup>30</sup> Ìgu eroparĩcũ doberi opu yũhriñumi: “Ahũ, Abrahã, irire opaquererã ta òaro peesome. Lázaro sĩridigu masadigu erã pohro ìgu ejacũ ãarã erãpũ erã ñero iirire bũjawere, òaripure gohrotorãcoma. Eropirã òarire iirãcoma yũ pagũ porãpũ,” arĩñumi doberi opu muru.

<sup>31</sup> Ìgu eroparĩcũ Abrahãpũ wereñumi: “Mũ pagũ porã Moise ìgu apirapũ ìgu wererare, Goãmũ yare weremuhtanirã erã wererare peebirã ãhrima. Eropirã Lázaro muru sĩridigugue masadigu ìgu arĩquerecũ ta erã Goãmũ yare peesome,” arĩñumi Abrahã, arĩ werepũ Jesu masare.

## 17

### *Ñerire iicũ guhya ãhraa*

*Mt 18.6-7, 21-22; Mr 9.42*

<sup>1</sup> Eropi Jesu werepũ ìgu buherãre:

—Mũare ñeri iidoreri baja ãhraa. Eropirã masa ñerire iima. Iri eropa arĩquerecũ ta masure ñerire iidoregũpũ ñetariaro tarigũcumi.

<sup>2</sup> Gajigure masa ìgu wũnũgure wũariye utãyere dirisiu, wũariyague ìgure cóãcũ ñero wabocumi ìgu. Eropigu oãgã mera majarãre ñerire iidoredigũpũ wũariyague erã cóãdigũ tauro ñero tarigũcumi. Ìgure buringã dipuwaja moasũgũcumi.

<sup>3</sup> Òaro iique mũa. Mũa acaweregũ ñero ìgu iicũ ãarã, “Iibita,” arĩque ìgure. Eropirã ìgu ñero iirire ìgu bũjawerecũ, òarire gohrotocũ mũapũ ìgu ñeri iirire cãdijique.

<sup>4</sup> Eropigu mũa acaweregũ yujunũ ta siete suburi mũare ìgu ñero iibocumi. Ìgu eropa iicũ yujuyerisubure mũare, “Yũ ñero iirire bũjawerea. Òarire gohrotogu iiaa,” ìgu arĩcũ iri nũcu suburi ìgu ñero iirire cãdijique, arĩpũ Jesu.

### *Goãmure umupeorire werepũ Jesu*

<sup>5</sup> Eropi Jesu buherã ìgure õpa arĩñorã:

—Goãmure guare òaro umupeonemocũ iique, arĩñorã Jesure.

<sup>6</sup> Erã eroparĩcũ Jesu yũhripũ:

—“Goãmũre diaye ta iigũ ãhrimi,” mũa arĩ umupeorã miriyegã mostazaye pẽgã mũa umupeoquererã irigũ sicómoro waĩcũdigũre õpa iimasia: “Irigũ yucũgũ irigũ basi tara duhagãporo. Wuariyague yuriñajaporo,” arĩmasia mũa. Mũa eroparĩcũ irigũ yucũgũpũ mũa dorero dopa ta waroca, arĩpũ Jesu.

*Mohme coregũ ãgũ mohmerire werepũ Jesu*

<sup>7</sup> Pũhrũ i werenigui queoriñere werepũ Jesu:

—Mũare mohme coregũ poheguere tãra, mohmemi. ãgũ ovejare ãhadibumi. ¿ãgũ eropa mohme ãgũ dujaracũ ãarã dohpa arĩbocuri mũa ãgũre? “Yojarõ arique. Mũ bari ohõ ãhraa,” ¿arĩbocuri mũa?

<sup>8</sup> Eropa arĩbeaa mũa. ãgũre õpa arãa mũa: “Yũ baburire iique. Eropigũ yũ baha ihricũ yũre coreque. Yũ pũhrũ mũa sã baha ihrique,” arãa mũa mohme coregũre.

<sup>9</sup> Mohme coregũ ãgũ mũa mohmedorerire ãgũ iicũ ãgũre “Õhaa,” arĩbeaa mũa. ãgũre mũa dorero dihtare iigũ iicumĩ ãgũ.

<sup>10</sup> Mũa sã ãgũ iro dopa ta ãhraa. Goãmũ ãgũ dorediro dopa ta iipehorã õpa arĩ pepique mũa. “Gũa mohme corerã dihta ãhraa. Gũare ãgũ dorero dihtare iabũ gũa,” arĩ pepique mũa, arĩpũ Jesu ãgũ buherãre.

*Diez gohra camĩ boarãre õarã iipũ Jesu*

<sup>11</sup> Gajinũ Jerusalengũe Jesu wagũ iipũ. Eropa wagũ Samaria yeba, Galilea yeba deco tarigãpũ.

<sup>12-13</sup> Gaji macague wari mague ãgũ curicũ diez camĩ boarãpũ ãgũre bocatĩriñorã. Eropirã yoañarirogue niguirã ta piyuñorã:

—Jesu, opũ, gũare mojomoro ãaque, arĩñorã.

<sup>14</sup> Erã eroparĩcũ erãre ãha, werepũ Jesu:

—Pahire mũa dũpũre õaro warare ãhmurã waque, arĩpũ erãre.

ãgũ eropa arĩra pũhrũ erã warisubũ erã dũpũ õarã wañorã.

<sup>15</sup> Eropigũ yujugũ erã mera majagũ ãgũ dũpũ õari dũpũ wacũ ãagũ, Jesu pohroque maji dujariripũ. Eropa dujarigũ turaro mera Goãmũre umupeopũ. “Goãmũ turagũ, õagũ ãhrimi,” arĩ umupeopũ ãgũ.

<sup>16</sup> Eropa arĩgũ ãgũ Jesu guburi pohro mereja “Õhaa,” arĩpũ. ãgũpũ Samaria majagũ arĩpũ.

<sup>17</sup> ãgũ eropa iira pũhrũ Jesu õpa arĩ werepũ:

—Diez ãhrama masa õarã wanirã. ¿Gajirã nueve dũhyarãpũ nohogue arĩcuri erã?

<sup>18</sup> Ihĩ gaji yeba majagũ dihta Goãmũre “Õhaa,” arĩgũ dujarami. ¿Duhpirã gajirãpũ aribirari? arĩpũ Jesu.

<sup>19</sup> Eropa arĩtuha Jesu merejadigũre arĩpũ.

—Wahgãnũgajaque. Waque. Mũa Goãmũre umupeogũ õagũ wahabũ mũhũ, arĩpũ Jesu ãgũre.

*Goãmũ ãgũ opũ arĩborore werepũ Jesu*

*Mt 24.23-28, 36-41*

<sup>20</sup> Irisubure bajamerãgã fariseo masa Jesure serẽpiñorã:

—¿Dohpãrĩcũ Goãmũ opũ arĩnũgagũcuri? arĩ serẽpiñorã erã.

Erã eroparĩcũ Jesu yũhripũ:

—Goãmũ ãgũ opũ arĩnũgacũ mũa ãhamasibea.

21 “Goãmũ ïgũ opu árĩri ohõ àhraa,” arĩmasibea. “Sohõgue àhraa,” arĩmasibea. Goãmũ ïgũ opu árĩri masa erã pepirigue àhraa, arĩpũ Jesu fariseo masare.

22 Eropa arĩtuha Jesu ïgũ buherãre õpa arĩ werepũ:

—Pũhũ yũhũ masũ Goãmũ ïgũ obeodigũ yũ í yebague dujariburire burigã gamerãca mũa. “Ïgũre yujunũ gohra mari ïacũ õaboaya,” arĩ quererã ta yũre ïanisome mũa. Eropa mũa gamequerecũ ta irisubure arisome yũhũ.

23 Gajirã mũare õpa arĩrãcoma. “Ïgũre ïaque. Ïgũ Cristo àhrimi. Sihĩre ïaque. Cristo àhrimi,” arĩrãcoma mũare. Erã eropa arĩquerecũ ta erãre peebiricãque.

24 Bupu umarore guñaña mariro miaro dopa ta guñaña mariro arigũca yũhũ masũ Goãmũ ïgũ obeodigũ dujarigũ.

25 Ire yũ iiboro core yũhũ turaro ñero tarigũca. Eropirã yũre dohpague majarã gamesome.

26 Noé ïgũ árĩrasubu majarã erã árĩmũridiro dopa ta yũhũ masũ Goãmũ ïgũ obeodigũ yũ dujariboro coregã eropa ta árĩrãcoma masa.

27 Noé ïgũ árĩrasubure árĩpehrerã masa eropa baha, ihri iĩũma. Eropirã mojoto dirimũriũma. Noé wuadiru dohodirugue ïgũ ñajaboro core Goãmũ erãre ïgũ miupehoboro core iri árĩpehrerire masa mũraro ta iiniguicãmũriñorã. Eropa árĩroca yũ dujaricũ sãre.

28 Lote ïgũ árĩrasubu majarã sã erã árĩdiro dopa ta yũ dujaricũ árĩrãcoma masa. Lote ïgũ árĩrasubure masa baha, ihri, asũ, dua, ote, wirire iĩũma.

29 Erã eropa iirisubu ïgũ ya macare Sodoma waĩcũri maca Lote ïgũ waranũ umaro maja peame ùjũ dijari erãre wejẽpehocãyoro.

30 Yũhũ masũ Goãmũ ïgũ obeodigũ yũhũ guñaña mariro yũ dujaricũ eropa ta waroca irisubure.

31 “Irisubure yujugũ ïgũ ya wihi weca maja pũugue árĩgũ wihi pohecague ïgũ yare aĩgũ ñajabiricãporo pobero mera duhriboro dopa. Eropigũ pohegue árĩgũ sã irisubure ïgũ ya wihigue piharibiricãporo.

32 Lote marapo igo warare guñaque.

33 Ïgũ ya árĩburi dihtare yujugũ guñagũ peamegue wagũcumĩ ïgũ. Yaha árĩburipũre yujugũ guñagũ árĩpehrerinũri Goãmũ mera õaro árĩgũcumĩ, arĩpũ Jesu.

34 “Yũhũ mũare werea. Irisubure yũre umupeorãre beye game-neodoregũca. Eropigũ eropa wari ñamire yuju camare perã carĩcũ yujugũre yũre umupeogũre aĩrãcoma yũ mera árĩbure. Gajigũ yũre umupeobigũ ero dujagũcumĩ.

35 Eropa ta nome perã erã ya ojodũcare erã biucũ yujugore aĩrãcoma. Yujugo ero dujagocumo.

36 Eropigũ perã poheguere mohmerã árĩcũ yujugũre aĩrãcoma. Yujugũ ero dujagũcumĩ, arĩpũ Jesu.

37 Ïgũ eroparĩcũ ïgũ buherãpũ serẽpiñorã.

—¿Nohogue eropa warocuri? arĩ serẽpiñorã erã.

Erã eroparĩcũ Jesu yũhripũ:

—Masa erã ñeri erã iiniguĩrogue, erogue Goãmũ erãre erã ñeri dipuwaja moagũcumĩ, arĩpũ Jesu.

## 18

*Wapeweyo igo dipuwaja moadorera queorire werepũ Jesu*

<sup>1</sup> Eropi Jesu erāre Goāmure serēburire weregu ōpa arīpū:

—Mua Goāmure serērā coreque ĩgu yuhriborore. Yoari boje corequererā ta bujawerebircāque. ĩgure serērā duhubita, arīpū Jesu.

<sup>2</sup> ĩgu eropa arīrare buhebu i queori mera werepū erāre:

—Gaji macague masare dipuwaja moadoregu árīpū. ĩgu Goāmure umupeobiripū. Eropigu masa sāre umupeobiripū.

<sup>3</sup> Eropigo wapeweyo sã erogue árīpo. Igo ĩgu pohrogue dururo curigo ōpa arīpo: “Yure ĩhaturigure dipuwaja moadoreque mũhũ. Yure arĩ cāhmotaque,” arĩ serēniguicāpo igo ĩgure.

<sup>4</sup> Igo eroparīcũ ĩgu bajasuburi “ĩsime yuhũ,” arīripū igore. ĩgu eropa arīquerecũ ta igo bajasuburi ĩgure eropa serēniguicāgo garibotariaro iipo. Igo garibocũ ĩagu ōpa arīpū ĩgu basi. “Yuhũ Goāmure masa sāre umupeobea.

<sup>5</sup> Yũ eropa umupeobigu árīquerecũ ta igopū yure garibotaricāmo. Yure eropa garibogo yure gariboreacũ iicumo yure. Igo eropa arĩ weresāniguicũ igore ĩhaturigure dipuwaja moadoregura,” arīpū dipuwaja moadoregu, arīpū Jesu.

<sup>6</sup> Eropa arīgu Jesu erāre werenemopū:

—Eropa arīpū ĩgu ñegu dipuwaja moadoregu. ĩgu eropa arīrare guñaque mũa.

<sup>7</sup> ĩgu tauro Goāmũpū ĩgu yarāre umuri nũcũ ĩgure serērāre ita-mugũcumi.

<sup>8</sup> Mũare arīgu tiiaa. Goāmũ erāre mata iigũcumi erā serērare. ¿ĩgu eropa yuhrigũ ĩgu árīcũ ta yuhũ masũ Goāmũ ĩgu obeodigu i yebague dujarigu, Goāmure umupeorāre ĩgure serērāre bocagũcuri yuhũ? arīpū Jesu.

*Perā Goāmũ mera erā wereniguira queorire werepū Jesu*

<sup>9</sup> Eropi gaji queori mera werepū Jesu. “Gũapũ ōarā āhraa. Gajirāpũ ñero iirā āhrima,” arĩ pepirāre i queori mera ōpa arĩ werepū:

<sup>10</sup> —Goāmũ ya wihigue perā uma Goāmũ mera wereniguirā wañorā. Yujugu fariseo masũ árīpū. Gajigu wajasea coregu árīpū.

<sup>11</sup> Eropigu fariseo masũpũ nũgaja, ōpa arĩ serē niguipũ Goāmure: “Yuhũ gũya yajaricũgu, diaye iibigu, nome mera ñero iigu árībeaa. Gajirā iro dopa árībeaa. Ihĩ wajasea coregu iro dopa ñegu árībeaa. Eropigu mũre Goāmure ōhaa, arāa.

<sup>12</sup> Yuhũ semanari nũcũ mũ ya árīburire iigu pesubu ba duhua. Eropigu diez niyuserire wajatagu yujuse mũre ohoa,” arīpũ fariseo masũ Goāmure.

<sup>13</sup> Eropigu wajasea coregũpũ yoarogue niguigu muhri siunũgaja, ĩgu ñerire bujawere, umarogue ĩabiripũ. ĩgu ñerire bujawardigu árīgu ĩgu coretibi pa, wereniguipũ Goāmure: “Goāmũ, yuhũ ñegu āhraa. Eropigu mũhũ yuremojomoro ĩaque,” arīpũ ĩgu Goāmure.

<sup>14</sup> Eropigu mũare arīgu iiaa. Ihĩ wajasea coregũpũ ĩgu wihigue ĩgu dujagu ĩgu ñerire Goāmũ mera cóadigu dujapũ. Gajigu fariseo masũ ĩgu ñerire cóadigu árībiripũ. “Yuhũ ōagu āhraa,” arīgu Goāmũ ĩgu ĩacũ ñegu árīmi. “Yuhũ ñegu āhraa. Eropigu yũ ñerire bujawerea,” arīgũpũre Goāmũ ōagu iigũcumi ĩgure, arīpũ Jesu.

*Majirāgā ya árīburire Goāmure serēbasapũ Jesu  
Mt 19.13-15; Mr 10.13-16*



15 Eropi masa erã porã majirãgãre Jesure mohmepiñadoremorã ïgu pohrogue aĩ erariñorã. Erã eropiicũ ïarã Jesu buherã erãgãre aĩrarãre turiñorã.

16 Erã eropa turicũ ïagũ Jesu majirãgãre sihubeopũ ïgu pohrogue. Sihubeo õpa arĩpũ ïgu ïgu buherãre:

—Majirãgã yũ pohrogue ariporo. “Waque,” arĩbita erãgãre. Erãgã Goãmũre erã opũ iro dopa pepima. Eropirã Goãmũ ïgu opũ árĩroguere oãgã iro dopa pepirã ãhrima eroguerẽ.

17 Diaye arĩgu iiaa mũare. Oãgã Goãmũre erã gamediro dopa ta mũa Goãmũre gamebirã ïgu pohrogue wasome mũa. Mũa wabiricũ mũa opũ árĩsome ïgu, arĩpũ Jesu.

*Doberi opagu Jesu mera wereniguiũ*

*Mt 19.16-30; Mr 10.17-31*

18 ïgu eropa arĩra pũhrũ judio masa oparã mera majagu Jesure serẽpi erapũ.

—Ne õagu, buhegu ãhraa mũhũ. ¿Yũ árĩpehrerinũri Goãmũ mera árĩdiagũ dohpa iigũcuri yũhũ? arĩpũ ïgu.

19 ïgu eroparĩcũ Jesu yũhripũ:

—¿Dohpa arĩronore yũre “Õagu,” arĩ piyuri mũhũ? Goãmũ dihta õagu ãhrimi.

20 I Goãmũ dorerire masia mũhũ. “Gajigu marapo mera árĩbiricãque. Masare wejẽbiricãque. Yajabiricãque. Gũyabiricãque. Mũ pagũ sũmarãre umupeoque,” arĩ doremi Goãmũ. Eropigu irire iique mũhũ, arĩpũ Jesu.

21 ïgu eroparĩcũ ïgu Jesure yũhripũ:

—Iri árĩpehrerire majigũgãgue ta iibũ yũhũ, arĩpũ ïgu.

22 ïgu eroparĩcũ peegu Jesu ïgure õpa arĩ werepũ:

—Yujuñe dihta dũhyaa mũre mũ iiboro. Árĩpehreri mũ yare duagu waque. Eropa iigu árĩpehreri niyeru mũ wajatarire mojomorocũrãre oque. Mũ eropa iicũ wũaro mũ ya õari mũhũ opaburire umaroguerẽ Goãmũ pohroguerẽ árĩroca. Eropa iituha yũ mera majagu árĩbu arique, arĩpũ Jesu ïgure.

23 ïgu eroparĩcũ peegu ïgũpũ baja doberi opagu árĩgu irire mojomorocũrãre odiabigu, turaro bũjawere waha wapũ.

24 ïgu eropa bũjawerẽcũ ïagũ Jesu õpa arĩ werepũ gajirãre:

—Doberi oparãre Goãmũ ïgu opũ árĩroguere erã wacũ diasataria.

25 Camello waĩcũgu waibũgũpũ ïgũpũ awiru gobegãgue ïgu ñajacũ masiya mara ïgure. Eropa ta doberi opagu Goãmũ mera õaro árĩgu ïgu opũ árĩroguere wacũ diasataria, arĩpũ Jesu.

26 ïgu eroparĩcũ ïgure peerã õpa arĩñorã:

—Cue. Mũ arĩro dopa ta diaye árĩcũ, ne yujugũ masure Goãmũ taubiribocumi ïgu pohro waborore, arĩñorã erã Jesure.

27 Erã eroparĩcũ Jesu yũhripũ:

—Masa erã bocatũuro erã õaro iira mera Goãmũ pohrogue wama-sibeama. Goãmũpũ masare peamegue wabonirãre taumasimi. ïgu árĩpehrerire õaro iimasipehocãmi, arĩpũ Jesu erãre.

28 ïgu eroparĩcũ Pedro ïgure õpa arĩpũ:

—Peenique. Gũa árĩpehreri gũa yare apicãbũ mũ mera warã, arĩpũ ïgu Jesure.

29 ïgu eroparĩcũ Jesu õpa arĩpũ:

—Diaye mũare arĩgu iiaa. Árípehrerã mũa Goãmũ yare iimorã mũa wirire, mũa marasã nomere, mũa pagũ porãre, mũa pagũ sumarãre, mũa porãre mũa apinirã mũa wũaro wajatarãca dohpaguere.

<sup>30</sup> Mũa apidiro tauro wajatarãca. Eropirã mũa sĩrira pũhrũ arĩpehrerinũri Goãmũ mera arĩrãca mũa, arĩpũ Jesu erãre.

*Dipaturi Jesu ĩgu sĩriburiñere ĩgu masa mũriaburiñere werepũ*  
*Mt 20.17-19; Mr 10.32-34*

<sup>31</sup> Eropi doce ĩgu buherã dihtare aĩgã erãre werepũ:

—Peeque yũre. Dohpaguere mari Jerusalengue warã iiaa. Eroque yũre Goãmũ ĩgu obeodigũre Goãmũ ya weremũhtanirã iribojegue erã werediro dopa ta eropa waroca yũre.

<sup>32</sup> Ero masa yũre ñeha, judio masa arĩbirãre orãcoma yũre. Yũre erã ora pũhrũ erã yũre wereya, ñero arĩ, disico ehosũrãcoma.

<sup>33</sup> Eropirã yũre tãratuhaja wejẽrãcoma yũre. Eropigu yũ sĩrira pũhrũ uhrenũ waboro masa mũriagũca yũhũ, arĩpũ Jesu erãre.

<sup>34</sup> ĩgu eroparĩcũ ĩgu buherã ĩgu wererire õaro pee masibiriñorã. Goãmũ irire erãre masicũ iibirinipũ dohpa.

*Cuiri ĩhajabigũre ĩhajacũ iipũ Jesu*  
*Mt 20.29-34; Mr 10.46-52*

<sup>35</sup> Eropi Jesu sã Jericó waĩcũri maca pohroque ejañorã. ĩgu wari maha tũroque yujugũ masũ cuiri ĩhajabigũ doapũ. Niyeru serẽgu iipũ.

<sup>36</sup> Eropigu masa bajarã ĩgu pohro aricũ peegu serẽpipũ ero arĩrãre.

—¿Duhpirã masa bajarã tarigãri? arĩ serẽpipũ ĩgu.

<sup>37</sup> —Jesu Nazare majagu arigu iimi, arĩñorã gajirã ĩgũre.

<sup>38</sup> Erã eropa arĩ werecũ peegu ĩgu gaguiniguinũgapũ:

—Jesu, opũ Davi mũrũ pãrami masare taubu, yũre mojomoro ĩaque, arĩ gaguiniguipũ Jesure.

<sup>39</sup> ĩgu eroparĩcũ ĩgu pohro arĩrãpũ “Ejarimaricãque,” arĩ turiñorã ĩgũre. Erã eropa arĩ turiquerẽcũ ta ĩgu ero core ĩgu gaguiniguidiro tauro gaguiniguinemopũ daja.

—Opũ Davi mũrũ pãrami, yũre mojomoro ĩaque, arĩ gaguiniguipũ ĩgu.

<sup>40</sup> ĩgu eropa gaguiniguicũ peegu Jesupũ nũgaja, “Sihubeoque ĩgũre,” arĩpũ. ĩgu eroparĩcũ erãpũ cuiri ĩhajabigũre sihugãñorã. Erã eropa sihugãcũ ĩgu Jesu pohroque ĩgu ejacũ Jesupũ ĩgũre serẽpipũ:

<sup>41</sup> —¿Dohpa yũ iicũ gahmeri mũhũ? arĩpũ Jesu.

—Yũ Opũ, yũre ĩacũ iique, arĩpũ cuiri ĩhajabigũ.

<sup>42</sup> —ĩaque pare. Yũre umupeonijagu, õagu wahaa mũhũ, arĩpũ Jesu ĩgũre.

<sup>43</sup> ĩgu eroparĩcũ ta cuiri ĩhajabigũ õaro ĩha wapũ. Eropa õagu wanijagu ĩgu Jesu mera wapũ. “Goãmũ turagu añrimi,” arĩ umupeopũ ĩgu. Eropirã masa bajarã cuiri ĩhajabiridigu ĩgu õagu wacũ ĩarã, “Goãmũ õagu, turagu añrimi,” arĩ umupeoñorã erã sã.

## 19

*Zaqueo Jesure bocatĩripũ*

<sup>1</sup> Eropii Jesu Jericógue eja, iri macague tarigãbu iipũ.

<sup>2</sup> Doberi opũ Zaqueo waĩcũgu wajasea corerã opũ ero arĩpũ.

<sup>3</sup> Eropigu ĩgu Jesure “¿Nihino árĩcuri?” arĩ ĩha masibu Jesure ĩadiaripũ. Eropa ĩgu ĩadiaquerecũ ta ĩgu yebagugã árĩcũ masa bajarã ĩgugãre cãhmotacãñorã.

<sup>4</sup> Eropigu ĩgu masare omatarigã wa, sicómoro waĩcũdigũ yucugugue mũribejarũ Jesure ĩabu. Pũhrũ ñarigã Jesu irigũ pohro tarigãbu ĩipũ. Eropigu Zaqueo irigugue coregũ ĩipũ.

<sup>5</sup> ĩgu eropa corero watope Jesupũ irigũ gubuye ejanugaja, Zaqueore ĩhamuju ĩgure werepũ:

—Zaqueo, dohpaguere mũ ya wihi dujagũra. Eropigu duru dijarique, arĩpũ Jesu.

<sup>6</sup> ĩgu eroparĩcũ Zaqueopũ umũdiaro mera dijari, mucubiriri mera ĩgu ya wihigue aridorepũ Jesure.

<sup>7</sup> ĩgu eropa bocatĩricũ ĩha, masa árĩpehrerã erã basi õpa arĩ wereniguiñorã:

—Ihĩ Jesu ñegũ ya wihigue curigũ wadiami, arĩ wereniguiñorã árĩpehrerã masa erã basi.

<sup>8</sup> Zaqueopũ bocatĩrituha ero nigui, Jesure werepũ:

—Opũ, peeque yũre. Árĩpehreri yahare deco mera mojomorocũrãre ogũra. Eropigu yũhũ gajigũre cien niyuserire gũya aĩdigũ árĩgũ, cuatro cientos niyuserire wajayenemogũra ĩgure, arĩpũ Zaqueo Jesure.

<sup>9</sup> ĩgu eroparĩcũ Jesupũ werepũ ĩgure:

—Dohpagãre mũre mũ ya wihi árĩrã sãre peamegue wabonirãre Goãmũ tautuhami. Mũ sã Abrahã mũrũ acaweregũ ta ãhraa.

<sup>10</sup> Yũhũ masũ Goãmũ ĩgu obeodigũ peamegue wabonirãre amagũ arigũ ĩibũ. Eroguere wabonirãre õaro taugũ arigũ ĩibũ, arĩpũ Jesu Zaqueore.

### *Niyuseri oroseri queorire werepũ Jesu*

<sup>11</sup> Eropi ĩgure peerãre Jesu queori mera werepũ daja. Merogã duhyayoro Jerusalengue ĩgu ejaboro. Eropirã ĩgure peerã õpa arĩ pepiñorã: “Goãmũ dohpaguere opũ árĩnũgabu ĩimi,” arĩ pepiñorã erã.

<sup>12</sup> Erã eropa arĩ pepicũ Jesu i queorire õpa werepũ erãre:

—Yujugũ gaji yebague yoarogue wabu ĩĩnũmi. Eroguere ero majagũ erã tauro opũ árĩgũ ĩgure ĩgu ya maca majarã opũre acucũ wabu ĩĩnũmi. Pũhrũ ĩgu ya wihigue dujarabu ĩĩnũmi.

<sup>13</sup> Nere ĩgu waboro corere diez mohme corerãre sihubeoñumi. Eropa sihubeogũ, ĩgu erãre yujurãyerire yujuse niyuseri orosere oñumi. Otuha wereñumi erãre: “Yũ maricũ i niyeru mera mũa wajatanemoburire amague,” arĩñumi ĩgu mohme corerãre.

<sup>14</sup> ĩgu ya yeba majarãpũ ĩgure gamebiriñuma. Eropa gamebirã ĩgu opũ árĩbu wara pũhrũ gajirãre ĩgure weredorerã obeoñuma. “Mũhũ gũa opũ árĩcũ gamebeaa gũa,” arĩñuma erã weredorenirãpũ.

<sup>15</sup> Eropa erã gamebiriquerecũ ta pũhrũ erã opũ ñajañumi ĩgu. Eropa opũ ñajatuha, ĩgu ĩgu ya wihigue dujariñumi. Eropa dujaragũ ĩgu mohme corerãre ĩgu niyeru mera erã wajatanemorare masibu, erãre sihubeoñumi.

<sup>16</sup> ĩgu eropa sihubeora pũhrũ, eramũhtagũ ĩgure wereñumi: “Opũ, mũ niyuseri, mũ yũre orase mera diez seri wajatanemoabũ yũhũ,” arĩñumi mohme coregũ ĩgu opũre.

<sup>17</sup> “Õaro ĩiabũ mũhũ. Õagũ mohme coregũ ãhraa. Mũ merogã mera yũ dorero dopa ĩipehogũ árĩgũ dohpague diez macari majarã erã opũ árĩbu wagũca mũhũ,” arĩñumi opũ mohme coregũre.

18 Īgũ pũhrũ eragũ ĩgũ mera majagũ õpa arĩñumi: “Opũ, mũ niyeruse, yũre mũ orase mera cinco seri wajatanemoabũ yũ sã,” arĩ wereñumi ĩgũ opũre.

19 “Cinco macari majarã opũ wagũca mũhũ,” arĩñumi ĩgũ opũ ĩgũre.

20 Īgũ eropa arĩra pũhrũ gajigũ mohme coregũ eraa werepũ: “Opũ, mũ niyeruse ohõ ãhraa. Suhri gasiro mera oma, irisere dihbuabũ.

21 Mũhũ turaro mohmedoregũ ãhraa. Eropigũ gajirãre mohmedorequeregũ oteri moogũ árĩqueregũ ta mũ dihta iri dũcare ãa. Eropigũ mũre gũiabũ,” arĩñumi ĩgũ opũre.

22 “Mũ yũre eropa arĩgũ ñegũ ãhraa. Yũre mũ eropa arĩri dipuwajare dipuwaja moagũra yũhũ. Yũhũ mũre turaro mohmedoregũ árĩcũ mũhũ yũre masia. Gajirã yare yũhũ aĩcũ yũhũ otebirira árĩquerecũ iri dũcare yũ aĩgũ árĩcũ masituhabũ mũhũ.

23 ¿Yũ eropa árĩcũ ĩaqueregũ duhpigũ yũ orasere niyeru diburi wihigue dibubirari mũhũ? Irire erã wayura waja wajatanemoboaya mũhũ. Irire mũ iicũ dujaragũ wajatanemoboaya yũ sã,” arĩñumi erã opũ.

24 Eropa arĩtuha ĩgũ pohro niguirãre doreñumi: “Niyeruserere emaque ĩgũre. Diez seri opagũre oque,” arĩñumi ĩgũ opũ.

25 Īgũ eroparĩcũ erãpũ wereñuma ĩgũre: “Opũ, diez seri opagũ baja opatuhami,” arĩñuma erã ĩgũre.

26 Erã eroparĩcũ opũ yũhriñumi: “Mũare arĩgũ iiaa. Árĩpehrerã wũaro oparãre onemogũra. Moorãpũre merogã erã opaquerecũ ta erãre emagũra.

27 Dohpague tamerare yũre ĩhaturirãre yũre erã opũ árĩdorebirinirãre yũ pohro aĩgãrique. Eropirã yũ ĩaro wejẽcãque erãre,” arĩñumi opũ ĩgũ mohme corerãre, arĩ werepũ Jesu.

### *Jerusaléngue ejapũ Jesu*

*Mt 21.1-11; Mr 11.1-11; Jn 12.12-19*

28 Eropa arĩtuha Jesu gajirã core Jerusaléngue wagũ iipũ.

29 Jerusaléngue ejaboro coregã Olivo waĩcũdigũ utãgũ gubuyegue ejañorã pe maca árĩroque. Yuju maca Betfagé gajĩ maca Betania waĩcũyoro. Erogue ejagũ ĩgũ buherã mera majarãre perãre obeogũ Jesu õpa arĩpũ:

30 —Si macague waque. Ero ejarã, burrogãre erã dirinugudigure bocajarãca. Gajirã ĩgũre ne peyanibeama dohpa. ĩgũre bocarã, ĩgũre diriradare pã, aĩgãribasaque yũre.

31 Mũa eropa iicũ ĩagũpũ “¿Duhpirã burrore pãri?” ĩgũ arĩcũ peerã õpa arĩ yũhrique ĩgũre: “Mari tĩgũ burrore gamebeoniami dohpa,” arĩ wereque ĩgũre, arĩ weredore obeopũ ĩgũ buherãre perãre.

32 Īgũ eroparĩcũ erã perãpũ ĩgũ obeodirogue ejañorã. Erã eropa ejacũ Jesu árĩpehreri ĩgũ erãre arĩdiro dopa ta eropa wayoro.

33 Eropirã burrogãre erã pãcũ ĩgũgã oparã serẽpiñorã erãre:  
—¿Duhpimorã diriradare pãri burrogãre? arĩ serẽpiñorã erã.

34 —Mari tĩgũ burrogãre gamebeoniami, arĩ yũhriñorã erã.

35 Eropirã ĩgũgãre burrogãre Jesu pohroque aĩ ejañorã. ĩgũgãre aĩ ejatuhaja erã weca maja suhrire ĩgũ weca duhpeoñorã. Eropirã ĩgũ weca Jesu ĩgũ mũribejacũ itamuñorã erã Jesure.

36 Jesu ĩgũ weca ĩgũ peyagũ wacũ erã masa erã weca suhri sañari suhrire tuwea aĩ mague seõpi mũhtañorã ĩgũ core.

<sup>37</sup> Eropirā Jerusalén pohrogue eja, Olivo waicudigu dijariri mague ejañorā. Eroque ejarā Jesu buherā bajarā arīpehrerire ĩgu deyoro moarare, ĩgu ōari ĩgu iirare erā ĩarare guña mucubiri Goāmure ōaro wereniguinugañorā. Goāmure “Ōagu, turagu āhrimi,” arī gaguiniguiñorā. Eropirā buringā gaguinigui Goāmure umupeo ōpa arīñorā:

<sup>38</sup> —Īre umupeorā. Ihī Goām ĩgu obeodigu, mari Opū ōaro ariporo. Ūmaro majarā ōaro arīporo. Goām ĩgu turagu arīcū arīpehrerā masiporo, arī umupeoñorā erā.

<sup>39</sup> Erā eroparīcū peerā fariseo masa bajamerāgā erā watope arīrā Jesure wereñorā:

—Buhegu, mū buherāre ejarimaricādoreque, arīñorā erā.

<sup>40</sup> Erāre yūhripū Jesu:

—Mūare arīgu tiiaa. Ōā yūre umupeorā erā wereniguibiricū utāyeripū yūre umupeoro dopa ta gaguiniboca, arīpū Jesu erāre fariseo masare.

<sup>41</sup> Eropa arītuha Jesu Jerusalén pohrogue eja, iri macare ĩhabeogu orepū.

<sup>42</sup> Ōpa arīpū ĩgu:

—Jerusalén majarā, dohpague tamerare mūare ōaro arīburire mūa masicū ōatariaboya. Eropa arīquerecū mūa dohpaguere irire ne peedia-birabū. Eropigu Goām mūare irire masidorebirimi.

<sup>43</sup> Mūare ĩhaturirā mūa arīri macare cāhmotarācoma. Eropa iirā erā mūare wiriaro iisome.

<sup>44</sup> Irisubu erā mūa ya macare cóāpehorācoma. Mūare mūa porā sāre wejērācoma. Mūare ĩhaturirā ōaro weasirirācoma mūa ya macare. Goām peamegue wabonirāre mūare ĩgu taubure yūre mūa masidiabirabū. Mūa masidiabirira dipuwaja mūare ĩhaturirāre Goām cóādoregucumi mūa ya macare, arīpū Jesu Jerusalén majarāre.

### *Goām wihigue eja pū Jesu*

*Mt 21.12-17; Mr 11.15-19; Jn 2.13-22*

<sup>45</sup> Eropi Jerusaléngue eja pū, Jesu Goām wihigue ñaja wapū. Eropigu doberi duarāre iri wihigue bocajagu, erāre cohā wiucāpū. Ōpa arīpū ĩgu erāre:

<sup>46</sup> —Goām yare erā gojarapū ōpa āhraa: “Goām arīmi: Yaha wihi Goām mera wereniguiri wihi waicuroca,” arīñuma ĩgu yare erā gojarapū. ĩgu eropa arīquerecū ta mūapū i wihire Goām wihire duadoarā bu game yajarā ĩaa, arīpū Jesu.

<sup>47</sup> Ūmuri nūcū Goām wihigue Jesu buhepū. Eropirā pahia oparā, judio masare buherā mera, masa oparā sā, ĩgure erā wejēburire guñamaañorā.

<sup>48</sup> Masa arīpehrerā ĩgure eropa peenigui, ĩgu buherire ōaro peenurā arīñorā. Erā eropa ōaro peenurūcū Jesure wejēdiarāpū ĩgure erā wejēburire bocabiriñorā.

## 20

### *Jesure doredigūre ĩgure serēpiñorā*

*Mt 21.23-27; Mr 11.27-33*

<sup>1</sup> Gajinū Goām wihigue Jesu masare ōari buherire buhegu iipū. ĩgu eropa buhecū pahia oparā, judio masare buherā, mūrā mera ĩgu pohrogue erarā, ĩgure serēpiñorā:

<sup>2</sup> —Wereque guare. ¿Noa doreri mera eropa iiri mūhū? ¿Nihino mūre Goām wihigue arīnirāre cóādoreari? arīñorā erā Jesure.

<sup>3</sup> Erā eroparīcū Jesu yūhripū erāre:

—Yuhũ mũapũre serẽpimũhtagũra. Wereque yũ sãre.

<sup>4</sup> ¿Ñũ masare ãgũ waĩyecũ nihinopũ ãgũre waĩyedoremũriyuri mũa pepicũ? ¿Goãmũ doreyuri? ¿O masapũ doremũriyuri? arĩ serẽpipũ erãre.

<sup>5</sup> ãgũ eroparĩcũ erãpũ erã basi game wereniguiñorã:

—¿Dohpa arĩ yũhrirãcuri mari? “Goãmũ Ñũre doredigũ árĩmi,” mari arĩcũ, “¿Goãmũ Ñũre ãgũ dorequerecũ ta duhpirã ãgũ wererare peebirari mũa?” arĩbocumi Jesu marire.

<sup>6</sup> Oã masapũ “Diaye ta Ñũ Goãmũ yare weremũhtadigũ árĩmi,” arĩ pepima erã. Erã eropa arĩ pepirã maripũ “Ñũ ãgũ waĩyecũ Goãmũpũ ãgũre dorebiridigũ árĩmi,” mari arĩcũ masapũ marire utã mera dearãcoma, arĩ wereniguiñorã erã erã basi.

<sup>7</sup> Eropa arĩ wereniguituha erã Jesure yũhriñorã:

—Ñũre waĩyedoredigũre gũa masibea, arĩñorã erã.

<sup>8</sup> Erã eroparĩcũ Jesu yũhripũ:

—Irisubu tamerare yũ sã yũre doredigũre werebeaa mũare, arĩpũ ãgũ erãre.

*Ñerã mohme corerã iira queorire werepũ Jesu*

*Mt 21.33-44; Mr 12.1-11*

<sup>9</sup> Eropi Jesu queori moa õpa arĩ buhenũgapũ masare:

—Yeba opũ arĩñumi. ãgũ ya pohere iguire oteñumi. Otetuha, iri pohere gajirãre deco mera apiñumi erã mohme corera waja. Eropa apigũ erãre iri pohere ãhadibudoretuhaja gaji yebague waha wañumi. Yoari boje deyobiriñumi.

<sup>10</sup> Eropigũ igui ñirisubu arĩcũ pohe opũ ãgũ pohro majagũre pohere mohme corerã pohrogue obeoñumi. Pohe maja ãgũ oterĩ dũcare ãgũ ya sero majare aĩdoregũ obeoriñumi. Eropirã pohere mohme corerãpũ ãgũ pohro majagũre bocatĩri pañuma ãgũre. Eropirã erã ãgũre iguitõrĩre obiriquererã dujadoreñuma ãgũre.

<sup>11</sup> Eropigũ pohe opũ gajigũ ãgũ pohro majagũre iri pohe maja dũcare aĩdoregũ obeoriñumi daja. Eropirã pohere mohme corerã ãgũ sãre pa ñero iĩñuma ãgũre. Eropa iituha ãgũ iri dũcare obiriquererã dujadoreñuma daja.

<sup>12</sup> ãgũre erã eropa iira pũhrũ gajigũ pohro majagũre obeoriñumi daja. Eropirã mohme corerã daja ãgũre camĩ moa, iri pohe tũro cóãcãñuma ãgũre.

<sup>13</sup> “Erã eropa iira pũhrũ pohe opũ õpa arĩ pepiriñumi: “¿Dohpa iigũcuri yũhũ? Õpa iigũra. Yuhũ yũ magũre yũ mahigũre obeogũra. Erã ãgũre umupeobocoma,” arĩ pepiriñumi pohe opũ.

<sup>14</sup> Eropirã ãgũ magũre ãgũ obeodigũ ejacũ ãarã mohme corerãpũ erã basi õpa arĩ wereniguiñuma: “Ihĩ pohe opũ magũ aĩhri. ãgũre wejẽrã. Eropiro i pohe mari ya pohe dujaroca,” arĩriñuma erã erã basi.

<sup>15</sup> Eropa arĩtuhã pohe opũ magũre ñehã pohe tũro aĩgã, wejẽcãñuma ãgũre. ¿Ne pohe opũ dujaragũ dohpa iigũcuri ãgũ ya pohere mohme corerãre? arĩpũ Jesu.

—Õpa iigũcumi erãre.

<sup>16</sup> ãgũ pohere mohme corerãre wejẽgũ, gajirãpũre pohere mohme coredoregũcumi, arĩ yũhripũ Jesu ãgũ basi.

ãgũ eroparĩcũ peerã masapũ õpa arĩñorã:

—Marire eropa wabiricãporo, arĩñorã erã.

<sup>17</sup> Erã eroparĩcũ Jesupũ erãre ãha serẽpipũ:

—¿Goãmũ yare erã gojarapũre õpa arĩra dohpa arĩro iiri mũa pepicũ? Ihĩ Cristo utãye iro dopa ta ãhrimi. Masa Cristore gamebirãcoma. Erã ãgũre gamebiriqerrecũ Goãmũ ãgũre beye erã opũ erãre taubu acumi, arĩ gojañuma.

<sup>18</sup> Yũre gamebirãpũ yũ dipuwaja moamorã árĩrã ñero tarirãcoma, arĩpũ Jesu erãre.

*Oparã ya wajare wajayeburire gajirã serẽpiñorã Jesure*  
*Mt 21.45-46; 22.15-22; Mr 12.12-17*

<sup>19</sup> Ñgũ eroparĩcũ peerã judio masa buherã, pahia oparã sã “Jesu iri pohe opũ queori mera ‘Erã ñerã mohme corerã iro dopa ãhrima,’ arĩgũ marire weresãgũ iicumi ãgũ,” arĩ pepiñorã erã.

Eropa arĩ pepirã erã Jesure ñeadiañorã. Eropa ñeadiaquererã ta masa Jesure gamerã mari mera guari arĩrã erã masare gũi árĩñorã.

<sup>20</sup> Eropa gũirã Jesure erã ñeaburisubure corerã ãgũre ñhanurũñorã. Ñgũ ñero arĩ yũhricũ ñadiarã iiriñorã ãgũre weresãmorã. Eropirã Jesure gajino serẽpidorerã obeoñorã gũyarãre. Erãre diaye iirã dopa wereniguidoreñorã. Jesu ñero ãgũ werenicũ peerã iri yeba majagũ opũre peresu iidoremorã iiriñorã.

<sup>21</sup> Eropirã erã Jesure serẽpiñorã:

—Buhegũ, diaye wereniguigũ, gũyari marigũ mũ árĩcũ gũa masia. Eropigũ opũ árĩcũ sãre ãgũ bu árĩgũ ãgũ árĩcũ sãre yujuropa ñhaa mũhũ. Mũhũ Goãmũ yare diaye mũ buhecũ sãre gũa masia.

<sup>22</sup> Wereque gũare: ¿Roma majagũ árĩpehrerã tauro opũ árĩgũre gobierno majare marire wajayero gahmeri mũ pepicũ? ¿Mari doreripũ irire wajayedoreri? arĩñorã erã Jesure.

<sup>23</sup> Erã eroparĩcũ Jesu erã ñero iidarire masigũ erãre wererũ:

—¿Duhpirã yũ ñero wereniguicũ peediarĩ mũa?

<sup>24</sup> Dohparagã niyerusere arĩrique. Irisere ñarã, arĩpũ.

Irisere erã arĩ eracũ ñagũ õpa serẽpipũ Jesu:

—¿Nihino gohra waĩcũgũ masũ tuhyari irisere? ¿Noa waĩ tuhyari? arĩ serẽpipũ Jesu erãre.

—César, masa tauro opũ waĩ ãgũ masũ sã tuhyami iriseguere, arĩ yũhriñorã erã.

<sup>25</sup> Erã eroparĩcũ Jesu wererũ:

—Irisubũ tamerare masa tauro opũre ãgũ yare oque. Goãmũ yapũre Goãmũre oque, arĩpũ Jesu erãre.

<sup>26</sup> Eropirã masa erã peero Jesure ñero arĩ wereniguicũ iimasibiriñorã erã. Eropirã erã Jesu yũhririre peerã erã peemaria wañorã. Eropa peemariarã, ejarimaria wañorã.

*Saduceo masa Goãmũ ãgũ sĩrinirã masurire serẽpiñorã Jesure*  
*Mt 22.23-33; Mr 12.18-27*

<sup>27</sup> Eropi bajamerãgã Saduceo masa Jesu pohrogue erañorã. “Goãmũ sĩrinirãre masusome,” arĩ pepirã árĩñorã Saduceo masa. Eropirã erã õpa arĩñorã ãgũre:

<sup>28</sup> —Buhegũ, marire õpa arĩ gojañumi Moise: “Yujugũ ãgũ tĩgũ marapocũgũ porã mariqueregu ta ãgũ sĩricũ ñagũ ãgũ pagũ magure ãgũ tĩgũ marapo arĩdigore marapocũro gahmea. Eropa iĩgũ ãgũ tĩgũ mũrũ ãgũ porãcũbodiro dopa ta porãcũro gahmea ãgũ pagũ magure. Eropirã ãgũ tĩgũ mũrũ porã iro dopa árĩrãcoma,” arĩpũ Moise, arĩñorã erã.

<sup>29</sup> Irire arĩtuha i queorire werenemoñorã erã Jesure:

—Yujugu porã siete árĩñorã. Erã tĩgũpũ marapocũ porã marigu ta sĩria wapũ.

<sup>30</sup> Eropigu gajigu ĩgu pagũ magũ sã ĩgu tĩgu marapo árĩdigore ta marapocũpũ. ĩgu eropa marapocũra pũhrũ ĩgu tĩgu mũrũ iro dopa ta ĩgu sã porã mariqueregũ ta sĩria wapũ.

<sup>31</sup> Eropigu ihĩ pagũ magũ sã ĩgu tĩgu mũrũ iro dopa ta porã mariqueregũ sĩria wapũ. Eropã dihta wañorã yujugu porã gohra. Ne porã mariquererã ta sĩripehrea wañorã.

<sup>32</sup> Erã marapo sã erã pũhrũ sĩria wapo pare, arĩ, Jesure serẽpiñorã:

<sup>33</sup> ¿Ne, Goãmu árĩpehrerãre sĩrinirãre ĩgu masucũ nihino marapo gohra árĩgocuri igo? Erã siete árĩpehrerã igore marapocũnirã árĩñorã. ¿Eropigo nihino marapo gohra árĩgocuri igo? arĩ serẽpiñorã erã.

<sup>34</sup> Erã eroparĩcũ Jesu yũhripũ:

—I yeba majarã ũma nome mera marapocũma.

<sup>35</sup> Erã eropa iiquerecũ ta ũmũsi majarãpũ eropa árĩbeama. Dohpaguere masare ũmare, nome sãre diaye iirãre Goãmu òarã iigũcumi. Erã erã sĩrira pũhrũ masa mũriarãcoma Goãmu pohroque. Eropirã erã eroguerẽ marapocũbeama.

<sup>36</sup> Eropirã erã anyua iro dopa ta ne sĩrisome daja. Erã Goãmu ĩgu masunirã árĩrã, Goãmu porã ãhrima.

<sup>37</sup> Dohpaguere sĩrinirã erã masa mũriaboropũre mũare weregũra. Irire masia mũa ĩgu Moise ĩgu arĩ gojarare. “Iri yucũgũgãgue ũjudigũgue árĩgu Goãmu òpa arĩ weremi yũre,” arĩ gojañumi Moise. “ ‘Yũhũ Abrahã, Isaa, Jacobo erã opũ ta ãhraa,’ arĩ weremi Goãmu yũre,” arĩ gojañumi Moise.

<sup>38</sup> Erã sĩrira pũhrũgue “Erã opũ ta ãhraa,” arĩñumi Goãmu. Eropirã erã sĩrinirã mũra ĩgu masunirã árĩrã erã ojocarirã ãhrima. Árĩpehrerã masa sĩriquererã ojocarirã ãhrima Goãmu ĩgu ĩacũ, arĩpũ Jesu erãre.

<sup>39-40</sup> ĩgu eroparĩcũ erãpũ dipaturi Jesure serẽpidiabiriñorã. Eropirã bajamerãgã judio masare buherã òpa arĩñorã:

—Buhegu, mũhũ òaro yũhriabũ, arĩñorã erã ĩgũre.

*Cristo Davi mũrũ opũ ãhrimi, arĩ werepũ Jesu*

*Mt 22.41-46; Mr 12.35-37*

<sup>41</sup> Pũhrũ Jesu òpa arĩ werepũ masare:

—“Cristo Davi mũrũ pãrami árĩgũcumi,” arĩ buherima mũare buherã. ¿Duhpirã erã eropa arĩ buheri?

<sup>42</sup> Davi mũrũ ĩgu basi Salmo ĩgu gojarapũgue òpa arĩ gojañumi: Goãmu yũ opũre òpa arãmi: “Ohõ yũ diayepũ dorebu doaque.

<sup>43</sup> Eropigu mũre ĩhaturirãre mũre tarinũgabasagũra yũhũ,” arĩmi Goãmu yũ opũre, arĩ gojañumi Davi mũrũ.

<sup>44</sup> Eropã arĩ gojagu Davi mũrũ opũcũñumi Cristore. ¿Eropigu Davi mũrũ Cristo ñecũ mũrũ árĩqueregũ ta duhpigu Davipũ Cristore opũcũyuri? Cristo Davi mũrũ opũ ãhrimi, arĩ werepũ Jesu.

*Masare buherã erã ñero iirire werepũ Jesu*

*Mt 23.1-36; Mr 12.38-40; Lc 11.37-54*

<sup>45</sup> Masa bajarã watope Jesupũ ĩgu buherãre òpa arĩ werepũ:

<sup>46</sup> —Masare buherã erã ñeri iirire ĩarã òaro pee masique. Eropirã erã iro dopa iibiriricãque. Erã yoari suhri sañama masa erãre ĩaboro dopa. Doberĩ duarogue gajirã umupeori mera bocatĩri serẽcũ gahmema erã. Eropirã erã mari buheri wiriguere oparã òari doari dihtare doadiama erã. Eropirã bosenũri árĩcũ sãre oparã erã doarigue dihtare doadiama.



<sup>47</sup> Erã wapeweyarã nome erã wajamocũ ãha erã ya wirire ehmana erã nomere. Eropa erãre mojomoro ãabiriquererã erã masa erã ãhurore yoari boje Goãmure serẽma, “Gua Goãmure õaro umupeoa,” arĩ gũyarã. Erã eropa iira dipuwaja Goãmũ erãre gajirã tauro dipuwaja moagũcumi, arĩpũ Jesu erãre.

## 21

*Wapeweyo Goãmũ wihigue igo apirare werepũ Jesu*

*Mr 12.41-44*

<sup>1</sup> Eropa arĩ weretuha Jesu Goãmũ wihi maja erã amuburi niyeru gameneori comoro pohrogue ãha doapũ. Iri comorogue doberi oparã erã niyeru sãcũ ãapũ Jesu.

<sup>2</sup> Eropa ãagũ wapeweyo mojomorocũgo igo pesegã igo oparaserigãre igo sãcũ sãre ãapũ.

<sup>3</sup> Irire ãatuha õpa arĩ werepũ:

—Diaye arĩgũ iiaa mũare. Igo wapeweyo mojomorocũgorũ ii comorogue igo yare sãgo gajirã arĩpehrerã erã sãdiro tauro sãmo igoa.

<sup>4</sup> Gajirã doberi oparã erã wũaro oquerẽcũ ta erãpũre erã ya wũaro dũhyaa. Igorũ mojomorocũgo arĩquerego ta arĩpehreri igo bari waja arĩborare opehocãmo igoa, arĩpũ Jesu.

*—Goãmũ wihi cóãra wihi arĩroca, arĩpũ Jesu*

*Mt 24.1-2; Mr 13.1-2*

<sup>5</sup> Eropi gajirã Goãmũ wihire ãarã õpa arĩõorã:

—Õari utã mera iira wihi, õari wihi ãhraa. Masa Goãmũ wihire erã ora sã õari ãhraa, arĩ wereniguirã iõõorã.

Erã eroparĩcũ Jesu werepũ erãre:

<sup>6</sup> —I wihi majare dohpaguere ãaraa mũa. Gajinũ arĩcũ i wihi maja arĩpehreri mari ãara, i utã sã cohmopehrea waroca. Ne yujuye utãye dũjasome, arĩpũ Jesu erãre.

*I mũa pehreburiũre werepũ Jesu*

*Mt 24.3-28; Mr 13.3-23*

<sup>7</sup> ãgũ eroparĩcũ peerã erãpũ serẽpiõõorã ãgũre:

—Buhegũ, ¿dohpãrĩcũ eropa warocuri mũ arĩdiro dopa waro? ¿Pehreburiũ coregãre dohpa wanũgacũ ãarãcuri gũa? arĩ serẽpiõõorã erã ãgũre.

<sup>8</sup> Jesu yũhripũ erãre:

—Õaro iiyuque mũa. Eropirã gajirã mũare erã gũyarire peebiricãque. Bajarã masa “Cristo ãhraa yũhũ,” arĩ gũyarã arĩrãcoma. Eropa arĩ gũyarã “Dohpaguere pehreburiũ merogã dũhyaa,” arĩrãcoma. Erã eroparĩcũ erãre peebiricãque.

<sup>9</sup> Eropirã mũa pohrogã gajirã masa gamewejẽcũ, masa erã oparãre cóãcũ peerãca. Eropirã yoarogue majarã sã eropa iicũ peebeorãca. Mũa irire peerã gũibiricãque. Pehreburiũ core õpa wamũhtaroca. Eropa wamũhtacũ pehreburiũ dũhyaniroca dohpa, arĩpũ Jesu.

<sup>10</sup> Eropa arĩtuha õpa arĩ werenemopũ:

—Irisubure yuju yeba majarã gaji yeba majarã mera gamewejẽrãcoma. Eropirã yujugũ opũ yarã gajigũ opũ yarã mera gamewejẽrãcoma.

<sup>11</sup> Eropiro bajasuburi i yeba ñohmeroca. Eropirã masa bajarã oa mera sĩri, arĩpehrero majarã masa dorecũrãcoma. Eropirã mũmaro majare deyoro moarire gũhyadiarire masa ãarã, ãha mũca warãcoma. Eropa wacũ mũapũ gũibiricãque.

12 “I árīpehreri eropa waboro core, yaharā mua árīri dipuwaja gajirā muare ñeha ñero iirācoma. Eropirā mari judio masa buheri wirigue muare weresā, peresu iirācoma muare. Erā eropa iicũ macari majarā oparā pohrogue erā tauro oparā pohrogue säre muare aĩgārācoma erā muare dipuwaja moadorerā.

13 Erā eropa muare aĩgācũ muapũ erāre õari buherire wererāca.

14 Erā oparā pohrogue muare erā aĩgācũ erā oparāre mua yuhriborore wuaro guñabiricāque mua.

15 Yũhũ muare wereniguicũ iigũra. Muare eropa itamugũ pee masirire, õari wereniguirĩ säre mua iicũ iigũra. Mua eropa iicũ muare ñaturirāpũ mua wereniguirire pee bocatĩumasisme. “Iri diaye árībeaa,” arĩ yuhrimasisme.

16 Irisuburi mua yaharā árīcũ ñha mua pagũ sũmarā, mua pagũ porā, mua acawererā, mua mera majarā sã muare oparāre wejedorerā orācoma muare. Erā eropa iicũ muare ñaturirā mua mera majarāre gajirāre wejērācoma.

17 Eropirā yaharā mua árīcũ ñarā, árīpehrerā muare ñaturirācoma.

18 Muare eropa iicũ muapũ ne dederesome.

19 Eropirā erā muare ñero iiquerēcũ ta muare erā ñero iirare yujuro bojerā yũre duhubiricũ Goãmũ muare taugũcumĩ. Eropigũ ñgũ pohrogue muare opagũcumĩ.

20 “Eropirā bajarā surara Jerusalenguere erā cãhmotacũ ñarā, Jerusalenre erā cóãborore merogã duhyacũ masirāca mua.

21 Eropa wacũ ñarā Judea yeba árīrāpũ utã yucũgue oma duhriporo. Eropirā Jerusalen árīrā sã waporo. Eropirā campo árīrā Jerusalenguere wabiricāporo daja.

22 Irinũri dipuwaja moarinũri árīpehreri Goãmũ yare erā gojarapũ erā arĩdiro dopa ta eropa waroca.

23 Goãmũ oã masare turaro dipuwaja moacũ árīpehrerogue i yebaguere ñero tarirācoma. Eropa wacũ nijiposã nome, erā porāre mihrirāre oparā nome sã mojomorocurā nome dujarācoma irisubure.

24 Gajirā i maca majarāre gamewejērācoma. Eropirā gajirā i maca majarāre árīpehreri yebarigue aĩgã peresu iirācoma. Eropirā judio masa árībirā Jerusalenre ñero iirācoma. Eropirā erā tarinũgarācoma. Judio masa árībirāre “Iripēta árīque,” Goãmũ ñgũ arĩcũgue Jerusalenre ñhri duhurācoma, arĩ werepũ Jesu.

*Jesu i yebague ñgũ dujariborore werepũ*

*Mt 24.29-35, 42-44; Mr 13.24-37*

25 Eropigũ erāre werenemopũ:

—Irisubure abe umũ majagũ, ñami majagũ, necã sã guhyaro gohrotoa warācoma. Árīpehrerā i yeba majarā, “Cue, sĩrirāca,” arĩ pepirācoma. Wuariya turaro busũrĩre pãgũri säre turaro gũirācoma.

26 Irisubure umaro maja sã yeba sã burigã ñohmeroca. Eropa wacũ ñarā masapũ i yeba pehborore corerā burigã gũirācoma dedererĩ arĩrā.

27 Irisubu ta yũhũ masũ Goãmũ ñgũ obeodigũ Goãmũ ñgũ turari mera, ñgũ goesirĩri mera umaro maja imica weca i yebaguere yũ dujaricũ ñarācoma masa.

28 Yũ eropa arĩra wanũgacũ ñarā gũibiricāque. Eropirā guñatura umarogue ñhamujuque. Irisubure Goãmũ muare ñgũ tauboro merogã duhyaroca, arĩpũ Jesu.

29 Eropa arĩtuha i queori mera erāre werepũ Jesu:

—Higueragu baja gaji yucú sã iri yucú waricũre pepique mũa.

<sup>30</sup> Iri yucú pũricũã ãarã, “Bojori merogã dũhyaa,” arĩ masia mari.

<sup>31</sup> Eropa ta i árĩpehreri yũ arĩra iri eropa wacũ ãarã, “Goãmũ ãgu opũ árĩburisubu merogã dũhyaa,” arĩ pepirãca mũa.

<sup>32</sup> Mũare diaye arĩgu iiaa. Irisubu majarã erã sĩriboro core árĩpehreri yũ arĩra eropa waroca.

<sup>33</sup> ðmaro i yeba sã pehrea waroca. Yũ wereniguiripũ ne pehresome. Árĩpehreri yũ arĩdiro dopa ta eropa waha ojogorocũroca.

<sup>34</sup> “Yũ dujariburinũre ne masibea mũa. Eropirã õaro árĩyuque. Bosenũre pagari iiniguibiricãque. Eropirã merebiricãque. I yeba maja iiburire wũaro pepibiricãque. Mũare yũ arĩdiro dopa ta iirã, guñaña mariro i yebaguere yũ aricũ ne ucasome.

<sup>35</sup> Yũhũ masare beyegu arigu guñaña mariro arigũca. Waibũgu guñaña mariro ãgu weradague ãgu mehsihajaro dopa ta irinũ waroca masare árĩpehrerã i yeba majarãre. I yeba majarã “Eropa waroca,” erã arĩbiririnũ eropa waroca.

<sup>36</sup> Mũapũ õaro guñatura coreque. Eropirã Goãmũre ire serẽniguicãque: “Pehrerinũ eropa wacũ yũre itamuque. Turarire oque yũre õaro yũ tariboro dopa. Eropigu Cristore mũ obeogũre gũiro mariro yũhũ ãgũre bocatĩricũ iique yũre,” arĩ serẽque Goãmũre, arĩpũ Jesu.

<sup>37</sup> Eropi irinũre Goãmũ wihigue Jesu buhemũripũ. Ñamiri nũcũ buhetuhajagu Olivo waĩcũdigugue waha irigugue árĩboyotahmuamũripũ.

<sup>38</sup> Boyocũ árĩpehrerã masa ãgũre Goãmũ wihigue peerã wamũriñorã.

## 22

*Pahia oparã, judio masare buherã mera wejẽdiañorã Jesure*

*Mt 26.1-5, 14-16; Mr 14.1-2, 10-11; Jn 11.45-53*

<sup>1</sup> Eropi irisubure bũgabiriri pan erã baburi bosenu merogã dũhyayoro. Iri bosenu Pascua waĩcũyoro.

<sup>2</sup> Eropirã pahia oparã, judio masare buherã mera Jesure wejẽdiarã, erã wejẽborore guñamaañorã. Jesure wejẽdiaquererã ta masapũre gũĩñorã guari arĩrã.

<sup>3</sup> Eropi Judapũ watĩ ãgũre ñero iidorecũ yũhripũ ãgũre. Juda doce Jesu buherã mera majagu arĩripũ.

<sup>4</sup> Eropigu pahia oparãre, Goãmũ wihi majarã surara oparã mera sãre weretamugũ wapũ. Erã pohrogue eja, erãre Jesure ãgu ãhmuborore weretamupũ erã mera.

<sup>5</sup> ãgu erãre eroparĩcũ pee erã mucubiri, “Mũre niyeru wajayerãca,” arĩñorã erã Judare.

<sup>6</sup> Erã eroparĩcũ, “Áũ, mũare ãgũre ãhmugũra,” Juda arĩpũ. Eropigu masa erã ãbirisubu Jesure ãhaturĩrãre ãgu ãhmuborore corenipũ.

*Jesu ãgu buherã mera ãgu baturinũ árĩyoro*

*Mt 26.17-29; Mr 14.12-25; Jn 13.21-30; 1Co 11.23-26*

<sup>7</sup> Bũgabiriri panre erã baburinũ bosenu árĩnũgarinũ árĩyoro. Eropiro Pascua majagu arĩbure ovejare erã wejẽrinũ árĩyoro.

<sup>8</sup> Irisubu ta Pedro, Ñũ sãre Jesu werepũ:

—Bosenu mari baburire amurã waque, arĩpũ Jesu erãre.

<sup>9</sup> —¿Nohonogue mari baburire amudoregu obeori mũhũ gũare? arĩ serẽpiñorã erã.

<sup>10</sup> Erã eroparĩcũ Jesu yũhripũ:

—Jerusaléngue waque. Erogue mũa ejacũ deco sorobu tuhpeogu mũare bocatĩrigucumi. Ĩgu bocatĩricũ ĩgu mera waque.

<sup>11</sup> Eropa warã ĩgu sihu ñajari wihigue ejarã, wihi opũre õpa arĩque: “¿Nohogue yũhũ, yũ buherã mera Pascua maja barire barãcuri?” arãmi buhegu,” arĩque wihi opũre.

<sup>12</sup> Mũa eroparĩcũ peegu wũari taribure, ɔmaro maja taribure, mari gameri mera erã amura taribure ĩhmugucumi wihi opũ. Erogue mari baburire iique mũa, arĩpũ Jesu erãre.

<sup>13</sup> Ĩgu eroparĩcũ erã iri macague wañorã. Erogue erã ejacũ erãre ĩgu arĩdiro dopa ta eropa wayoro. Eropirã erã Pascua árĩcũ baburire amũnorã.

<sup>14</sup> Erã barisubu árĩcũ Jesu doce ĩgu buherã mera ba doapũ.

<sup>15-16</sup> Erogue erã barogue doagu Jesu erãre werepũ:

—Mũaare arĩgu iiaa. I Pascua bosenũre mari iiaa Goãmũ ĩgu yarãre ĩgu taurare guñarã. Pũhrũ Goãmũ ĩgu opũ árĩrogue ĩgu yarãre tautuhagucumi. Ĩgu eropa tauboro core inũno majare dipaturi basome yũhũ. Eropigu dohpaguere yũ ñero tariboro core i Pascua maja barire mũa mera turaro badiabũ, arĩpũ Jesu.

<sup>17-18</sup> Eropa arĩgu Jesu ihriripare aĩ, Goãmũre “Õhaa,” arĩ serẽ, erãre werepũ:

—Mũaare arĩgu tiiaa. Goãmũ ĩgu opũ árĩrogue igui decore ihriboro core ne dipaturi ihrisome yũhũ. Eropirã iri vinore aĩ mũa basi ihrique, arĩpũ Jesu.

<sup>19</sup> Eropa arĩtuha panre aĩ, Goãmũre “Õhaa,” arĩpũ. Eropa arĩtuha irirure nuha guerepũ erãre. Irirure gueregu ta erãre werepũ:

—I yũ dũpũ ãhraa. Yũ dũpũ yũre ĩhaturirãre erã oburi dũpũ árĩroca. Mũa ñeri iira wajare cóãbu sĩrigũca yũhũ. Eropirã mũa yũre guñaburire ire baque, arĩpũ Jesu.

<sup>20</sup> Eropa batuha eropa ta erãre ihriripa sãre ópũ. Eropigu erãre werepũ:

—Mũa ñeri iirare cóãbu sĩrigũca. Eropigu yũ dire cóãguca. Eropa sĩrigũ yũ Pagũ Goãmũ “Masare õaro iigũra,” ĩgu arĩdiro ii ojogorocũguca.

<sup>21</sup> “Dohpaguere peeque mũa. Yũre ĩhaturirãre ĩhmubu yũ mera ohõ doami.

<sup>22</sup> Goãmũ ĩgu arĩdiro dopa ta yũhũ masũ Goãmũ ĩgu obeodigu sĩrigũca. Ĩgu eropa sĩridorequerecũ ta yũre ĩhaturirãre ĩhmudigũpũ ñetariaro tarigucumi, arĩpũ Jesu.

<sup>23</sup> Ĩgu eroparĩcũ erãpũ erã basi õpa arĩ serẽpiñorã:

—¿Jesure ĩhaturirãre ĩhmubu mari mera majagu nihino árĩcuriba? arĩ serẽpiñorã erã basi.

*“¿Mari mera majagu nihinopũ opũ árĩgũcuri?” arĩ wereniguiñorã Jesu buherã*

<sup>24</sup> Pũhrũ Jesu buherã õpa arĩ dũyasoñorã:

—¿Mari mera majagu nihipũ árĩgũcuri opũ? arĩ wereniguiñorã erã basi.

<sup>25</sup> Erã eropa arĩ wereniguicũ peegu Jesu erãre werepũ:

—Goãmũre masibirã oparãpũ erã masare dorerã pũriro mera dorema. Eropirã oparãre “Erã masare õaro itamurã ãhrima,” arĩrima gajirã erãre.

<sup>26</sup> Mũapũ eropa oparã árĩdiasome mũa basi. Mũa mera majagu mũa tĩgũpũ mũa pagũ magũ iro dopa árĩporo. Mũa mera majagu opũ árĩdiagũ gajirã itamugũ árĩporo.

27 ¿Nihino áhriri opu mua pepicũ? ¿Ba doagupu opu áhriri? ¿O barire duhpeogupu opu áhriri? Ba doagu ta áricumi opu. Īgu eropa áriquerecũ ta yupu pohro majagu iro dopa ta muare itamugu ahrabu.

28 “Masa erã yure ñero iiquerecũ ta mapu yure duhubirabu.

29 Eropigu yu Pagu ĩgu yure opu acudiro dopa ta mua sare oparãre acugura yuhu.

30 Yu opu áricũ mua sã yu bari mesa ta baha ihrirãca. Eropirã mua oparã doarire doarãca. Mua ero doarã Israe masare doce cururi majarãre beyerãca ðarã sare ñerã sare, arĩpu Jesu ĩgu buherãre.

*Pedro “Jesure masibea,” ĩgu arĩ gũyaburiñere wereñumi Jesu*

*Mt 26.31-35; Mr 14.27-31; Jn 13.36-38*

31 Eropa arĩtuhaja Pedrose Jesu ðpa arĩ werepu:

—Simo Pedro yure peeque. Watĩ Satana muare arĩpehrerãre gamegu Goãmure serẽrami. Mua yure duhu ĩgu yare iicũ gamegu serẽrami. Trigo pohe opu ĩgu trigo gasirire cóãgu puri siriro dopa muare goroweodiami.

32 Īgu muare eropa gamequerecũ yupu mere Goãmure serẽbasabu. Yure mu umupeo duhubiriburire serẽbasabu Goãmure. Eropigu muhu yu mera majagu dipaturi arĩgu mu acawererãre yaharãre guñaturacũ iique muhu, arĩpu Jesu Pedrose.

33 Īgu eroparĩcũ Pedro yuhripu:

—Opu, mere erã peresu iiquerecũ ta, yuhu mu mera majagu arĩniguiguca. Mere erã wejẽquerecũ ta mu mera majagu arĩniguiguca, arĩpu Pedro.

34 Jesu yuhripu:

—Pedro, mere arĩgu iiaa. Dohpagã ñami cãreña ĩgu wereboro core uhresubu “Jesure masibea,” arĩguca muhu gajirãre, arĩpu Jesu Pedrose.

*Jesure erã ñero iinugaboro merogã duhyayoro*

35 Eropa arĩtuha Jesu ĩgu buherãre werepu:

—¿Sohõ arĩrasubure mua niyeru aju moorã, suhri diyeri aju moorã, zapatu moorã muare yu obeorasubure gajino duhyari muare? arĩ serẽpipu Jesu.

—Ne gajino guare duhyabirabu, arĩ yuhriñorã erã.

36 —Irisubure muare duhyabiriquerẽcũ ta dohpaguepũre suhri diyeri ajure, niyeru aju sare oparã irire aĩque. Eropirã muare matamijiri maricũ ĩarã mua suhrire duarã irimijire asũque.

37 Ire muare arĩgu iiaa. Goãmu yare erã gojarapũ erã arĩdiro dopa ta yure eropa waro gahmea. Òpa arĩñuma iripũgue. “ ‘Īgu dorerire tarinugarã mera majagu áhrimi,’ arĩrãcoma masa,” arĩ gojañuma yure, arĩpu Jesu. Erãpu arĩñorã:

38 —Īaque opu. Pemiji matamijirire opaa gua, arĩñorã ĩgu buherã.

—Iripẽta arĩca, arĩ yuhripu Jesu.

*Getsemanĩque Jesu Goãmũ mera wereniguipu*

*Mt 26.36-46; Mr 14.32-42*

39 Eropi Jesu ĩgu ero core ĩgu iiguadiro dopa ta Olivo waĩcudigu utãgugue waha wapũ. Īgu eropa wacũ ĩgu buherã ĩgu mera wañorã.

40 Erogue ejaqu ĩgu erãre werepu:

—Goãmure serẽque mua ñerire iibiriboro dopa, arĩpu erãre Jesu.

41 Eropa arĩtuha ĩgu seyaro merogã yujugu ta wanemo, mereja Goãmũ mera wereniguipu:

42 —Ahũ, yũ ñero tariburire iidiabigu iibiricãque. Yũ eropa serẽquerecũ ta yũ gamero dopa iibita. Mũpũ masia. Mũ gamero dopa ta iique, arĩ serẽpũ Jesu Goãmũre.

43 Ĩgu eropa arĩ serẽcũ Ʃmarogue aridigu anyu Jesure dehyoapũ ĩgure itamugũ.

44 Eropigu Jesu ñero sĩporãcũ turaro mera Goãmũ mera wereniguipũ. Eropiro ĩgu ñajasiri guarĩ di wiriro dopa ĩgure wiridijayoro.

45 Goãmũ mera wereniguituha wahgãnũgaja, ĩgu buherã pohrogue dujaa warũ. Ĩgu dujajacũ ĩgu buherã burigã bujawererã árĩrã carĩrã árĩñorã.

46 Eropigu Jesu erãre õpa arĩ werepũ:

—¿Duhpirã carĩri mũa? Wahgãque. Goãmũre serẽque mũa ñeri iibiriburire, arĩpũ Jesu erãre.

*Jesure ĩhaturirã ĩgure peresu iĩñorã*

*Mt 26.47-56; Mr 14.43-50; Jn 18.2-11*

47 Ĩgu eropa arĩ wereniguirisubu masa bajarã erañorã. Juda doce buherã mera majagũ árĩdigũ masare mũhtagãridigũ árĩpũ. Eropigu ĩgu Jesu pohro eraa, ĩgu wayuporãre mimipũ ĩgure.

48 Ĩgu eropa mimicũ Jesupũ ĩgure serẽpipũ:

—Juda, ¿yũ masũre Goãmũ ĩgu obeodigure yũre ĩhaturirãre ĩhmugũ yũ wayuporãre mimiri mũhũ? arĩpũ Jesu.

49 Ĩgu eropa arĩra pũhrũ Jesu buherã masa Jesure erã ñeaburire masirã ĩgure serẽpiñorã:

—Opũ, ¿gũa matamijiri mera erãre gamequeãsi? arĩñorã erã.

50 Erã eropa arĩra pũhrũ yujugũ Jesu buherã mera majagupũ pahia opũ pohro majagũre ĩgu matamiji mera ĩgu gamirore diayepũ árĩri gamirore tabe coro dijucãpũ.

51 Ĩgu eropa iicũ ĩagũ Jesu õpa arĩpũ:

—Iibita, arĩpũ.

Eropa arĩtuha pohro majagũ gamiro arĩrañere mohmeripũ. Ĩgu eropa iicũ pohro majagupũ mũraro ta dujapũ daja.

52 Eropa iituha pahia oparãre, Goãmũ wihi surara oparãre, mũrã sãre ĩgure ñeamorãre Jesu serẽpipũ:

—¿Mũa matamijiri mera, yucũ dũcari mera arirã yajari masũre iro dopa ta yũre ñearã arirã iari?

53 Ʃmũri nũcũ Goãmũ wihigue mũa mera yũ árĩcũ, mũa yũre ñeabiribũ. Eropa arĩquerecũ ta dohpague mũa ñerã yanũ ta ãhraa. Watĩ ĩgu tarĩnũgaburibusu árĩro iiaa, arĩpũ Jesu.

*“Jesure masibeaã,” arĩpũ Pedro*

*Mt 26.57-58, 69-75; Mr 14.53-54, 66-72; Jn 18.12-18, 25-27*

54 Erã Jesure ñeatuha pahia opũ ya wihigue aĩgãñorã erã ĩgure. Erã aĩgãcũ Pedro yoarogue erãre ĩhanũrusiapũ.

55 Opũ ya wihigue ejacũ, iri wihire cãhmotara sãriro pohecague õari goro deco peame dihuñorã gajirã. Erã dihucũ ĩagũ Pedro peame pohro doarã mera doapũ.

56 Ĩgu peame boyorogue doacũ yujugo pohro majago ĩgure õaro ĩhanũrũ gajirãre õpa arĩ werepũ:

—Ihĩ sã ĩgu mera ta ãhrami, arĩpo igo.

57 Igo eroparĩcũ Pedro yũhrĩpũ:

—Nomeo, ĩgure ne masibeaã yũhũ, arĩripũ Pedro.

58 Pũhrũ ñari gajigũ Pedrose ĩha, õpa arĩ werepũ:

- Mũ sã erã mera majagũ ta ãhraa, arĩpũ ãgũ.  
 —Ne, árĩbeaa, arĩripũ Pedro.  
<sup>59</sup> Yuju hora pũhrũ gajigũ gajirãre õpa arĩ werepũ:  
 —Diaye ta ãhraa. Ihĩ Galilea majagũ ãhrimi. Diaye ta Jesu mera ãhrami ihĩ sã, arĩpũ ãgũ gajirãre.  
<sup>60</sup> ãgũ eroparĩcũ Pedro yũhrĩpũ:  
 —Mũ arĩgũre ne masibea yũhũ, arĩ yũhrĩpũ.  
 ãgũ eropa arĩ wereniguirisubu cãreña werepũ.  
<sup>61</sup> ãgũ werecũ mari Opũ Jesu wihi pohro árĩdigũ Pedroro maji ãapũ. ãgũ eropa ãacũ Pedropũ Jesu ãgũ arĩrare guñapũ. “Dohpagã ñami cãreña ãgũ wereboro core, ãhresubu mũhũ, ‘Yũhũ Jesure masibea,’ arĩgũca mũhũ,” Jesu ãgũ arĩrare guñapũ Pedro.  
<sup>62</sup> Eropigũ Pedro erogue wiriri, turaro orepũ.

*Jesure wereya, pañorã erã*

*Mt 26.67-68; Mr 14.65*

- <sup>63</sup> Eropirã Jesure corerã surara ãgũre wereya, pañorã.  
<sup>64</sup> Eropa parã ãgũ cuirire diricãhmota, ãgũre serẽpiñorã:  
 —¿Noa mũre pari? ãbiriqueregũ ta wereque gũare, arĩ wereyañorã erã.  
<sup>65</sup> Eropirã baja gaji ñero arĩ wereyañorã erã ãgũre.

*Jesure opũ serẽpipũ*

*Mt 26.59-66; Mr 14.55-64; Jn 18.19-24*

- <sup>66</sup> Eropirã boyorogue ta mũrã, pahia oparã, judio masare buherã sã gamenereñorã. Erã eropa gamenerore gajirã erã pohroque Jesure aĩgãñorã.  
<sup>67</sup> —Wereque gũare. ¿Goãmũ beyedigũ Cristo ãhriri mũhũ? arĩ serẽpiñorã erã Jesure.  
 Erã eroparĩcũ Jesu yũhrĩpũ:  
 —Mũare yũ werecũ sãre yũre peesome mũa.  
<sup>68</sup> Mũare yũ serẽpicũ yũre yũhrisome mũa. Eropirã yũre wiusome mũa.  
<sup>69</sup> Mũa yũre wiubiriquerecũ ta pũhrũ ñari mũmũri nũcũ yũhũ masũ Goãmũ ãgũ obeodigũ Goãmũ yũ Pagũ turagũ ãgũ diayerũ doagũ árĩgũca, arĩpũ Jesu.  
<sup>70</sup> ãgũ eroparĩcũ erã árĩpehrerã serẽpiñorã daja dipaturi:  
 —¿Eropa arĩgũ “Yũhũ Goãmũ magũ ãhraa,” arĩri mũhũ? arĩñorã erã.  
 —Mũa arĩro dopa ãgũ ta ãhraa, arĩ yũhrĩpũ Jesu erãre.  
<sup>71</sup> ãgũ eroparĩcũ õpa arĩ erã basi wereniguiñorã erã:  
 —Ñre weresãrãre gajirãre mari gamebeaa pare. Erã nũcũ ta sihajama. ãgũ Goãmũre ãgũ ñero wereniguicũ mari basi ta mari peeã. Eropirã ãgũ ñero iira dipuwajare masituhã, arĩñorã erã erã basi.

## 23

*Pilato Jesure serẽpipũ*

*Mt 27.1-2, 11-14; Mr 15.1-5; Jn 18.28-38*

- <sup>1</sup> Eropa arĩtuha erã árĩpehrerã wahgãnũgaja, Jesure Pilato waĩcũgũ opũ pohroque aĩgãñorã.  
<sup>2</sup> Aĩ ejarã Jesure weresãnũgañorã:  
 —Ihĩ mari ya yeba majarãre ñero iidorecũ peeabũ. Mari opũre Césare ihĩ wajayedorebeami. Eropigũ ãgũ “Yũhũ opũ ãhraa. Cristo ãhraa yũhũ,” arĩ wereniguimi ãgũ basi, arĩ weresãñorã erã Jesure.

<sup>3</sup> Erã eropa arĩ weresãra pũhrũ Pilato Jesure serẽpirũ:  
—¿Diaye ta judio masa opũ ta ãhriri mũhũ? arĩpũ ãgũ Jesure.  
—Mũ arĩro dopa ta ãgũ ta ãhraa, arĩ yũhripũ Jesu.

<sup>4</sup> ãgũ eroparĩcũ Pilato pahia oparãre, masa sãre wererũ:  
—Ïre gajino waja dipuwaja mara, arĩpũ ãgũ.

<sup>5</sup> ãgũ eropa arĩquererũ ta erã turaro weresãnemoñorã:  
—ãgũ, ãgũ buheri mera masare gamequeãcũ iimi. Galilea yeba ãgũ irire iinũgami. Eropa iinũgatuha árĩpehrero Judea yebague irire ãgũ iimi, arĩ weresãñorã erã.

#### *Herode waĩcũgũ opũ Jesure serẽpirũ*

<sup>6</sup> Erã eropa arĩ weresãcũ peegũ Pilatorũ serẽpirũ:  
—¿Ihĩ Galilea majagũ ãhriri? arĩpũ ãgũ.

<sup>7</sup> —Ero majagũ ta ãhrimi, arĩ yũhriñorã gajirã.

Erã eropa yũhricũ peegũ Pilatorũ Jesu ãgũ árĩri yebare masigũ opũ Herode ãgũ ya yeba majagũ ãgũ árĩcũ masipũ. Irire masigũ Jesure Herode pohro obeopũ. Irisubure Herode Jerusalén árĩpũ.

<sup>8</sup> Ero core Herode Jesure peemũripũ. ãgũ eropa peera pũhrũ ãgũre burigã ãdiaripũ. Jesu ãgũ deyoro moarire ãgũ ii ãhmucũ ãdiaripũ ãgũ. Eropigũ ãgũ Jesure ãagũ mucubiripũ.

<sup>9</sup> Eropigũ baja serẽpirũ Jesure. ãgũ eropa serẽpiquererũ ta Jesupũ ne yũhribiripũ ãgũre.

<sup>10</sup> Pahia oparã, judio masare buherã sã Herode pohro nũgaja turaro Jesure weresãñorã.

<sup>11</sup> Erã eropa arĩ weresãra pũhrũ Herode ãgũ surara mera wereya, Jesure ñero iñorã. Eropa wereyarã, ðariñe suhrirore opũ yañe dopa bejariñere sãñorã erã Jesure. Eropa wereyatuha, iri suhrirore tuwea aĩ Pilato pohro obeoñorã daja.

<sup>12</sup> Irinũre Herode, Pilato mera ðaro erã basi game iinũgarã árĩnũgañorã. Ero corere erã basi game ãhaturirã árĩriñorã.

#### *Masa Jesure wejẽdoreñorã*

*Mt 27.15-26; Mr 15.6-15; Jn 18.39-19.16*

<sup>13</sup> Eropi Pilato pahia oparãre, gajirã oparãre, masa sãre ãgũ sihuberũ gamenereñorã.

<sup>14</sup> Erã gamenerecũ ãagũ ðpa arĩpũ erãre:

—Ïre yũre aĩgãrirã, “ãgũ masare ñero iidoremi,” arĩraa mũa yũre. Dohpague mũa ãhuro ãre serẽpipehoabu daja. Yũ eropa serẽpira pũhrũ mũa ãgũre weresãcũ ñeri dipuwaja mara yũ ãacũ.

<sup>15</sup> Herode sã “ãgũre ne ñeri dipuwaja mara,” arãmi. Eropa arĩgũ dipaturĩ ãre ohũ dujuami daja. Eropiro ãre wejẽdorero mara. Mũa sã irire ãha masia.

<sup>16</sup> Eropigũ ãgũre tãraradari mera tãradoregũca yũhũ. Erã eropa tãrara pũhrũ ãgũre wiugũra, arĩripũ Pilato.

<sup>17</sup> Bojori nũcũ Pascua bosenũri nũcũ peresu árĩdigũre yujugũre masa gamegũre Pilato eropa wiubasamũripũ. Eropa iiro gameyoro ãgũre.

<sup>18</sup> Eropirã Pilato “Jesure wiugũra,” ãgũ arĩcũ peerã árĩpehrerã masa ðpa arĩ gaguinũguiñorã:

—ãgũ Jesure wejẽque. Gũa yagũ árĩbure Barrabãpũre gũare wiubasaque, arĩ gaguinũguiñorã masa.

<sup>19</sup> Ero Barrabãpũ Jerusalengũre oparãre ãgũ cóãdorera dipuwaja, ãgũ gajirãre wejẽra dipuwaja peresu iñorã ãgũre.



20 Pilato Jesupure wiudiaripũ. Eropigu ïgu masare ïgu wiabure serẽpi ïapũ daja.

21 Ïgu Jesure eropa wiudiaquerecũ ta erã ïgure arĩnorã daja:

—Crusague pabia wejẽque ïgure. Wejẽcãque ïgure, arĩ gaguiniñorã erã.

22 Erã eroparĩcũ Pilato uñresubu waro gohra õpa arĩripũ daja erãre:

—¿Ñehenore ñerire iiari ïgu mua eropa arĩ gaguiniguicũ? Ne ïgure ñeri dipuwaja mara. Eropigu ïgure wejẽdoremasibea. ïgure tãraradari mera tãradoregũca. Iripẽta iidoregũca. Eropigu ïgure wiugũca, arĩripũ Pilato.

23 Ïgu eroparĩcũ ta erã turaro mera gaguininemo, Jesure crusague wejẽdoreñorã. Erã eropa arĩ gaguinicũ peegu Pilato erã gamero dopa ta iidorepũ.

24 Eropigu erã arĩro dopa ta Pilato Jesure wejẽdorepũ.

25 Eropa doregu masa serẽdigure wiupũ. Ïgu peresugue árĩgure, masare gamewejẽcũ iidigure, masare wejẽdigure Pilato Barrabãpũre wiupũ. Eropigu masa erã gamero dopa ta Pilato Jesure crusague wejẽdorepũ.

*Erã Jesure crusague pabia wejẽñorã*

*Mt 27.32-44; Mr 15.21-32; Jn 19.17-27*

26 Eropirã erã Jesure wejẽrã warã, aĩgãñorã. Erã eropa warisubu Simo waĩcũgu Cirene majagu pohegue ejadigu erapũ. Jerusalẽngue ïgu eracũ ïarã Jesure aĩgãrã ïgure bocatĩri, ñeha, crusare ïgure coãtamudoreñorã Jesu pũhrũ.

27 Eropirã masa bajarã Jesure ïhanũrusiañorã. Eropirã gajirã nome ïgure erã eropa iicũ ïarã turaro ore nũrusiañorã.

28 Erã orecũ peegu Jesu erãre maji ïha õpa arĩpũ:

—Jerusalẽn majarã nome yũre orebircãque. Mua basi, mua porã ya árĩburire oreque.

29 Gajinũri árĩcũ masa õpa arĩrãcoma. “Porã marirã nome dohpaguere mari árĩcũ õatariaboaya,” arĩrãcoma masa.

30 Irisubure utãgure õpa arĩ wereniguirãcoma masa. “Ïgu utãgu gũa weca yuri bejaporo. Gũare wejẽcãporo,” arĩrãcoma masa.

31 Masa yũre dipuwaja marigure erã õpa iicũ, ñeri dipuwaja oparãpũ ñetariaro warãcoma, arĩpũ Jesu.

32 Gajirã perã dorerire tarinũgarã erã árĩcũ erã sãre Jesu mera erã wejẽmorãre aĩgãñorã erã.

33 Erã aĩgã dipu pero waĩcũrogue eja crusague Jesure pabiañorã. Eropirã gajirã perã sãre yujugure ïgu diayepũ gajigure ïgu copũ crusariguere pabiañorã.

34 Erã eropa iicũ Jesu õpa arĩpũ:

—Ahũ, oã dohparagã erã ñero iirire cãdijique erãre. Erã erã eropa iirire masibeama. Eropigu irire cãdijique, arĩpũ Jesu ïgu Pagure.

Eropirã surara Jesu suhri mũrare “¿Noa yañe árĩrocuri ïñe?” arĩ game bira wajatañorã.

35 Eropirã masa ero niguirã erã ïaro judio masa oparã Jesure wereyañorã:

—Ïgu gajirã masare sĩribonirãre taurapũ. Eropigu ïgu Cristo Goãmu ïgu beyedigũ árĩgu ïgu basi tariporo, arĩ wereyañorã erã.

36 Surara sã ïgure wereyañorã. Jesu pohro ejarã, vino sũirire erã oriñorã.

37 Iirire iirã õpa arĩñorã erã:

—Mũhũ judio masa erã opũ árĩgu ta, mũ basi tarique, arĩñorã erã.

<sup>38</sup> Eropi ïgu weca ðpa arï gojarapũre pabia tuñorã: “Ihï judio masa tauro opu arïgu ãhrimi,” arï gojaturapũ arïyoro. Griego ya mera, Roma majarã ya mera, judio masa ya mera gojarapũ arïyoro.

<sup>39</sup> Gajigu ïgu mera erã pabia tudigu ïgu ñero arï wereniguipũ Jesure:

—¿Mũhu Cristo arïbeari? Mũ basi, gua sãre tauque, arïpu ïgu Jesure.

<sup>40</sup> ïgu eroparicũ peegu ïgu mera majagupu ïgure yuhripũ:

—Eropa arïbircãque. ¿Duhpigũ Goãmure umupeobeari mũhu? Marire yujuro mera dipuwaja moama erã.

<sup>41</sup> Maripure mari ñeri dipuwajare dipuwaja moarã diaye iirã iima erã. Ihïpu ñerire iibiriñumi, arïpu gajigu tarinugagupu.

<sup>42</sup> Eropa arïgu ïgu Jesure ðpa arïpu:

—Jesu, mũhu opu arïrogue arïgu yu sãre guñaque, arïpu ïgu Jesure.

<sup>43</sup> —Mũre ire arãa. Dohpagãre yu mera paraíso waicurogue yu mera arïgũca, arïpu Jesu ïgure.

### *Jesu sïria wapũ*

*Mt 27.45-56; Mr 15.33-41; Jn 19.28-30*

<sup>44</sup> Eropi goeri boje gohra aricũ arïpehrerogue uñre hora gohra naitïa wayoro.

<sup>45</sup> Naitïaro arïrisubu Goãmũ wihi majañe suhriro cãhmotara suhriro deco mera yehguea wayoro.

<sup>46</sup> Eropigu Jesu turaro gaguinipũ:

—Ahũ, yu sïporãre mũre wiaa mũ dibuboro dopa, arï gaguinipũ Jesu.

Eropa arïtuha sïria wapũ.

<sup>47</sup> Eropa wacũ ïagu surara opupu “Goãmũ turagu ãhrimi,” arï, “Ihï Jesu diaye ta ðagu ãhrañumi,” arïpu ïgu.

<sup>48</sup> Eropirã ero gamenererã iri eropa wacũ ïarã, Jesu ïgu sïricũ ïarã, erã ya wihigue dujaa wañorã. Dujaa wa, bujawereri mera waha wañorã.

<sup>49</sup> Arïpehrerã Jesu mera majarã, Galileague ïgu mera arinirã nome sã yoarogue Jesure ïhu niguiñorã.

### *Jesu dũpũre masa gobegue apiñorã*

*Mt 27.57-61; Mr 15.42-47; Jn 19.38-42*

<sup>50-51</sup> Irisubure José waicũgu ero arïpu. Judea yeba Arimatea waicũri maca majagu arïpu. Eropigu ïgu ðagu, diaye iigu arïgu, Goãmũ ïgu opu arïnugaburire coregu arïpu. Eropigu ïgu judio masa oparã mera majagu arïqueregu ta Jesure erã wejẽdorecũ gamebiriripũ ïgu.

<sup>52</sup> Eropigu Pilato pohrogue eja, Jesu mũru dũpũre serẽpu.

<sup>53</sup> Serẽtuha Jesu dũpũre aï diju, ðari suhriro mera ïgu dũpũre omapũ. Eropa omatuha masa gobegue utãyegue erã seara gobegue apipũ ïgu dũpũre. Iri gobere ne yujugũ sïridigũre yaanibiriñorã dohpa.

<sup>54</sup> Irinũ Sabadonũ maja arïburire erã amuyurinũ arïyoro. Sabado judio masa soorinũ arïboro merogã dũhyayoro.

<sup>55</sup> Eropirã Galileague Jesu mera arinirã nome masa gobegue José wacũ ïarã nurusiañorã. Masa gobegue eja, iri gobere ïha, Jesu dũpũre ïgu apirare ïañorã.

<sup>56</sup> Pũhrũ erã ya wihigue dujaa wañorã. Poresurire ïgu dũpũre sũburire amũñorã erã. Eropirã Sabado aricũ Goãmũ ïgu dorerire Moisere ïgu apirare iri dorero dopa ta erã sooñorã.

## 24

*Jesu masa m̄riap̄u**Mt 28.1-10; Mr 16.1-8; Jn 20.1-10*

<sup>1</sup> Domingo árĩcũ boyorogue erã nome erã poresuri erã amurare aĩ Jesu masa gobe pohrogue aĩgãñorã.

<sup>2</sup> Iri gobegue ejarã, iri gobere biharaye utãyere erã pãgũ nugurayere ãñorã.

<sup>3</sup> Eropa ãarã erã iri gobegue ñaja wañorã. Jesu d̄up̄up̄ure ne boca-jabiriñorã erã.

<sup>4</sup> Ĩgũ d̄up̄ure bocabirã, “¿Dohpa wayuri?” arĩ pepiñorã erã. Erã eropa arĩ pepi erã werenigui amaro gohra perã uma gosesiriri suhricurã erã pohro niguiñorã.

<sup>5</sup> Ero erã niguiçũ ãha, nome güirã merejañorã. Eropirã umap̄u erãre wereñorã:

—¿Duhpimorã s̄iridigũ m̄urũ ĩgũ árĩdirore ahmari m̄ua? Dohpaguere ĩgũ ojocarigũ ãhrimi.

<sup>6</sup> Ĩgũ õre marimi. Masa m̄riatuhami. ¿Sohõ árĩrasubure Galileague m̄ua mera árĩgũ ĩgũ arĩrare guñari m̄ua?

<sup>7</sup> “Yũ masure Goãmũ ĩgũ obeodigure wiarãcoma ñerãre. Erã yure crusague pabia wejêrãcoma erã yure. Eropigũ yũ s̄irira p̄hrũ ãhrenũ p̄hrũ masa m̄riagũca yũhũ,” ¿m̄uare ĩgũ arĩrare guñari m̄ua? arĩñorã umap̄u.

<sup>8</sup> Erã eroparĩcũ peerã, nomep̄u ĩgũ arĩrare guñañorã.

<sup>9</sup> Erã eropa arĩra p̄hrũ erã dujaa wañorã. Once buherãre gajirã sãre irire werepehoñorã.

<sup>10</sup> Erã nomep̄u María Magdalena, Juana, María Santiago pago árĩñorã. Erã nome gajirã nome sã árĩñorã Jesu buherãre eropa wererã nome.

<sup>11</sup> Erã eropa arĩ werequerecũ ta Jesu buherãp̄u “Erã diaye arĩbiribocoma. Eropa arĩcãrã iima oã nome,” arĩ pepiriñorã. Eropirã erã nomere peediabiriñorã.

<sup>12</sup> Erã eroparĩcũ peegũ, Pedrop̄u masa gobegue omagã, ãagũ wap̄u. Iri gobegue eja, ĩgũ muhmereja ãhame acup̄u. Jesure erã omara gasiro dihtare ãap̄u. “¿Dohpa wayuri?” arĩ pepigũ ĩgũ wihigue dujaa wap̄u.

*Emaus waĩc̄uri maca maja mague Jesu dehyoap̄u**Mr 16.12-13*

<sup>13</sup> Irinũre perã Jesu buherã mera majarã Emaus waĩc̄uri macague warã iĩñorã. Jerusalenre once kilõmetros yoaro ãhraa Emaure ejaro.

<sup>14</sup> Emaugue waha, árĩpehreri Jesure eropa warare wereniguigãrã iĩñorã.

<sup>15</sup> Erã eropa arĩ werenirisubu Jesup̄u erã watope erã mera wap̄u.

<sup>16</sup> Eropirã ĩgũre ãaquererã ta erã ĩgũre ãha masibiriñorã.

<sup>17</sup> —¿M̄ua curirã warã dohpa arĩ werenigui b̄ujawererã iiri m̄ua? arĩp̄u Jesu.

Ĩgũ eroparĩcũ erã dujanũgañorã b̄ujawererã.

<sup>18</sup> Eropigũ Cleofa waĩc̄uḡup̄u Jesure yũhr̄ip̄u:

—¿Dohpaguere Jerusalenre erã iirare m̄u dihta masibeari? arĩ serẽpip̄u ĩgũ.

<sup>19</sup> —¿Dohpa wahãri Jerusalenre? arĩp̄u Jesu.

Ĩgũ eroparĩcũ Cleofa yũhr̄ip̄u:

—Jesure Nazare majagure erã iirare arĩrã iiaa. Ĩgũ Goãmũ yare weremũhtagũ árĩrimi. Eropirã ĩgũ wereniguirire peerã, ĩgũ iira sãre ãarã, “Turagũ ãhrimi,” arĩ pepirima masa. Goãmũ sã eropa arĩ pepicumi.

20 Mari pahia oparã, gajirã oparã mera ïgure wejedorerã gajirãre ohama. Erã eropa ocũ gajirãpũ ïgure crusague pabia wejẽama.

21 “Roma majarãre cóãbu Israe masa opũ árĩbu àhrimi,” arĩ pepiribũ gua ïgure. Dohpagã mera ùhrenũ wahaa ïgũ sĩrira pũhrũ.

22 Bajamerãgã gua mera majarã nome guare ùcacũ iama. Boyoro Jesu ïgũ masa gobegue erã eja,

23 ïgũ dũpũre erã bocabirañorã. Dũpũre bocabiri erã dujara wereama. “Guare anyua dehyoama. Jesu ojocariapũ,” arĩ wereama nomepũ.

24 Erã eroparĩcũ gajirã gua mera majarãpũ iri gobegue eja nome erã arĩdiro dopa ta ïañorã. Erã sã Jesu mũrũre ïabirañorã, arĩpũ ïgũ Jesure.

25 ïgũ eropa arĩra pũhrũ Jesu werepũ erãre:

—Mũa ne peeberã àhraa. ¿Goãmũ yare weremũhtanirã mũra erã arĩrare òaro peebeari mũa?

26 Cristo opũ árĩboro core ïgũ ùmarogue ïgũ mũriaboro core ïgure ñero tariro gahmeabũ. ¿Irire masibeari mũa? arĩpũ Jesu erãre.

27 Eropa arĩgũ Goãmũ yare erã gojarapũguere erã ïgure gojayurare Jesu werepehocãpũ erãre. Moise mũrũ ïgũ gojarare Jesu werenũgapũ. Eropigũ árĩpehrerã Goãmũ yare weremũhtanirã erã gojara sãre erãre werepehocãpũ.

28 Erã erã wari macague erã ejacũ Jesupũ erãre tarigãgũ dopa iipũ.

29 ïgũ eropa iiquerecũ ta erãpũ ïgure wadorebiriñorã.

—Gua mera dujaque. Ñamicague àhraa. Nairo iica, arĩñorã erã Jesure. Eropigũ Jesu erã mera wihigue ñaja wapũ.

30 Pũhrũ ïgũ erã mera erã bari mesague doaja, panre aĩ, Goãmũre “Òhaa” arĩpũ. Eropa arĩgũ iri panre nuha aĩ erãre ópũ.

31 ïgũ eropa iicũ ïarã erã Jesure ïha masiñorã pare. Erã ïha masira pũhrũ ïgũ dederea wapũ.

32 ïgũ eropa dederecũ erã erã basi òpa arĩ wereniguiñorã:

—Mague ïgũ marire wereniguirisubũ Goãmũ ïgũ gojarare ïgũ wereniguirisubũ mari sĩporã mera òaro mucubiriri mera pepiabũ mari, arĩñorã erã basi.

33 Eropa arĩtuha erã mata Jerusaléngue dujaa wañorã. Eroque eja, once buherãre, gajirã mera gamenererãre bocañorã.

34 Erã ejacũ, once buherã òpa arĩñorã erãpũre:

—Diaye ta mari Opũ masa mũriadi àhrami. Simo Pedro ïgure ïapũ, arĩñorã erã.

35 Erã eroparĩcũ peerã Emaus wari maha wanirã sã erã ïarare wereñorã:

—Jesu ïgũ panre nuha guare ïgũ ocũ ïha masiabũ gua, arĩñorã gajirãre.

### *Jesu ïgũ buherãre dehyoapũ*

*Mt 28.16-20; Mr 16.14-18; Jn 20.19-23*

36 Erã eropa arĩ wererisubũ mata Jesupũ erã pohro dehyoanũgajapũ.

—¿Àhriri mũa? arĩpũ ïgũ erãre.

37 ïgũ eroparĩcũ erã “Sĩridigũ mũrũre ïarã iiaa mari,” arĩ pepi, turaro gũiñorã.

38 Erã eropa gũicũ ïagũ ïgũ erãre werepũ:

—¿Duhpirã gũiri mũa? ¿Duhpirã yũre ïarã “I diaye árĩbeaa, arĩri mũa?”

39 Yũ mojotorire yũ guburi sãre ïaque. Mũa irire ïarã, yũre ïha masirãca. Yũre mohmepique. Mohmepirã masirãca mũa. Sĩridigũ mũrũ dũpũ moomi. Yũpũ dũpũca, arĩpũ Jesu.

40 Eroparĩgũ ïgũ mojotorire, ïgũ guburire ïhmupũ erãre.

41 Īḡu eropa ĩhmuquerecũ ta erã buřigã mucubiri uca warã “I diaye árĩbeaa,” arĩ pepiniñorã dohpa. Erã eropa arĩ pepicũ masiḡu Jesu erãre serẽpipu:

—¿Õre bari àhriri? arĩpu ĩḡu.

42 Īḡu eroparĩcũ waimu mupudigure mome imisĩri sãre oñorã ĩḡure.

43 Irire aĩ erã ĩhuro Jesu bapu.

44 Batuha Jesu werepu erãre:

—Sohõ mari árĩrasubu mua mera árĩḡu yuhu mũare werediro dopa ta dohpaguere yure eropa wahabu. Goãmu doreri Moise marire ĩḡu apira ĩḡu eropa arĩ gojadiro dopa ta yure eropa wahabu. Goãmu yare weremuhtanirã, Salmopũre gojanirã sã iribojegue erã yure arĩ were gojayudiro dopa ta dohpague yure eropa wahabu. Eropu ta waro gahmeabu, arĩpu Jesu.

45 Eropu arĩtuha Goãmu yare erã arĩ were gojarare ĩḡu buherãre masicũ iipu Jesu erãre.

46 —Goãmu yare erã gojara õpa arĩyoro: “Cristo ñero tarigucumi. Eropiḡu uhrenu puhru ĩḡu sĩrira puhruere ĩḡu masa mũriagucumi.

47 Īḡu masa mũriara puhru árĩpehreri yeba ĩḡu yarã Goãmu yare buherãcoma. ‘Mua ñerire bujawererã Jesucristo mera mua ñerire cãdijirã árĩrãca,’ arĩ wererãcoma masare. Eropu weremorã Jerusalén werenugarãcoma,” arĩ gojañumi Goãmu yare erã gojarapũ, arĩpu Jesu.

48 Eropu arĩtuhaja õpa arĩ werenemopu:

—Mũapu i árĩpehrerire ñanirã àhraa. Eropirã gajirãre wererãca.

49 Goãmu “Īḡure mũare obeogura,” ĩḡu arĩdigure yupu mũare obeogura. Eropirã Jerusaléngue ĩḡu Espĩritu Santo mũare ĩḡu eraburire coreque mua. Īḡu mũare turarire ogucumi, arĩpu Jesu ĩḡu buherãre.

### *Jesu umarogue mũria wapu*

#### *Mr 16.19-20*

50 Eropu arĩtuha Jesu erãre Jerusalén árĩrãre Betaniague aĩḡãpu. Erogue eja, Jesu ĩḡu mojotori mera sĩmuju, “Õaro árĩque,” arĩpu erãre.

51 Eropu arĩtuha erãre api, umarogue mũria wapu.

52 Īḡu mũriara puhru erã ĩḡure umupeo, “Õagu, turagu àhrimi,” arĩ, Jerusaléngue buřigã mucubiriri mera dujaa wañorã.

53 Ero àhri mũmuri nucu erã Goãmu wihigue Goãmure serẽmuriñorã. “Muhu õagu àhraa,” arĩ umupeoniguicãmuriñorã erã ĩḡure. Eropu ta árĩporo. Iripẽta àhraa.

## San Juan

Ñu waĩcũgũ ipũre gojadigũ Jesucristore ïamãriñumi. Jesucristo i yebare buhecũ Ñu ïgũ buhegũ áriñmãriñumi. Eropigũ Jesu sĩridigũ masa mãria ïgũ Pagũ pohro mãriara pãhrũgue Ñu ipũre gojañumi.

### *Cristo masũ ta áriñũgañumi*

<sup>1</sup> Negohraguere i yeba áriñboro coregue ta Cristo mata áriñmũhtamũrituhapũ. ïgũ Goãmũ mera áriñpũ. Eropigũ ïgũ Goãmũ ta áriñcãgũ iipũ.

<sup>2</sup> Matague ta Cristo Goãmũ mera áriñpũ.

<sup>3</sup> Eropigũ i yebare, umũsire áriñpehrerire ïhacũnugudorepũ Goãmũ ïgũre. Eropigũ masa sãre ïhacũnugudorepũ ïgũre. Eropigũ irire ïhacũnugupehopũ ïgũ Jesucristo. Eropiro irire ïgũ ïhacũnugupehobiricũ i ne mariboya.

<sup>4</sup> Cristo ojocaririre ogũ áhrimi. Boyocũ mari mari basi õaro mari ïha masiro dopa ta, ïgũ mari Pagũre õaro ïha masicũ iimi marire. Eropigũ i yebare eragũ mari Pagũre masicũ iimi masare.

<sup>5</sup> I yeba majarã erã guñaricũri naitĩaro iro dopa ñeri áhraa. Jesucristo boyogoro dopa ta masa pohro eragũ erã Goãmũ yare masicũ iimi. Eropiro naitĩariñe, boyoriñere ne tarinũgabiro dopa ta Cristore ñeripũ ne tarinũgabiriyoro.

<sup>6-7</sup> Goãmũ Ñu waĩcũgũpũre obeomũhtapũ Cristore quere aĩgã weremũhtadoregũ. ïgũ obeodigũ Ñupũ eraa gũare masare Cristo ïgũ ariburire weremi.

<sup>8</sup> Ñupũ Cristo áriñbirimi. Eropa áriñbiriqueregũ ta ïgũ Cristore masare wereyumũhtagũ áriñi.

<sup>9</sup> Cristo boyogoro dopa ta áriñgũ áriñpehrerã masare Goãmũre masicũ iibu i yebaguere aridigũ áriñi. Diaye ta áhraa. ïgũ masare masicũ iigũ ta áhrimi.

<sup>10</sup> Eropigũ Cristo i yebare áriñdigũ áriñi. I yebare ïhacũnugudigũ áriñpũ. ïgũ eropa áriñquerecũ ta i yeba majarã ïgũre ne ïha masibirinirã áriñma.

<sup>11</sup> ïgũ ya yeba ïgũ masa dehyoadigũ áriñi. ïgũ ya yeba ïgũ masa dehyoadigũ áriñquerecũ ta ïgũ ya yeba majarãpũ ïgũre ne gamebirinirã áriñma.

<sup>12</sup> Erã eropa gamebiriquerecũ ta áriñpehrerã ïgũre gamerãpũre erãre Goãmũ ïgũ porã áriñcũ iimi. ïgũre umupeorãre áriñpehrerã Goãmũ ïgũ porã áriñcũ iimi.

<sup>13</sup> Erã Goãmũ porã ta áhrima. Eropirã masa erã gamero Goãmũ porã wabeama. Goãmũ gamero mera ïgũ porã wahama.

<sup>14</sup> Eropigũ Cristo ïgũ masũ ïgũ áriñũgara pũhrũ mari mera áriñi ïgũ. ïgũ eropa áriñcũ ïarã masare mahigũ, diaye majare ïgũ wereniguigũ áriñcũ gũa masibũ. ïgũ dihta Goãmũ magũ áriñgũ turagũ áriñi. ïgũ eropa áriñgũ áriñcũ gũa masibũ.

<sup>15</sup> Ñu waĩyegũ ïgũ buherogue Cristo eracũ ïha õpa arĩ gaguiniguimi gũare weregũ:

—Sihĩ áhrimi yũ mũare weredigũ. ïgũ yũ pũhrũ masa dehyoadigũ áhrimi. Eropa áriñqueregũ ta yũ tauro turagũ áhrimi. ïgũ yũ masa

dehyoaboro coregue árĩtuhapũ. Eropigũ ĩgu yũ tauro āhrimi. Yũhũ mũare eropa arĩ weredigũ ta āhrimi ihĩ, arĩmi Ñu guare.

<sup>16</sup> ĩgu Cristopũ ðagũ turaro masare mahigũ árĩguũ marire árĩpehrerãre ðaro iiniguicãmi.

<sup>17</sup> Goãmũ dorerire Moisepũ apimũhtapũ marire. Jesucristopũ Goãmũ masare ĩgu mahirire buheguũ árĩmi. Goãmũ ĩgu diaye werenĩguiri sãre buheguũ árĩmi ĩgu.

<sup>18</sup> Masa ne Goãmũre ĩabeama. ĩgũre mari ĩabiriquerecũ ta ĩgu magũ ĩgu turaro mahigũ yujugũ ta árĩgũpũ ĩgu Pagũre marire masicũ ĩimi.

*Gajirã Ñu waĩyegũre serẽpiñuma*

*Mt 3.11-12; Mr 1.7-8; Lc 3.15-17*

<sup>19</sup> Judio masa oparã Jerusalén árĩrã pahiare, Goãmũ wihi mohmerã sãre Ñu pohrogue obeoñorã. “¿Nihino āhriri mũhũ?” arĩ serẽpidorerã obeoñorã erãre. Erã eropa arĩ serẽpirã ejacũ ðpa arĩ weremi Ñupũ.

<sup>20</sup> Ne yayaro mariro weremi. Diaye ta werepehocãmi guýaro mariro. —Yũhũ Cristo Goãmũ ĩgu masare taudoreguũ ĩgu obeodiguũ árĩbeaa, arĩmi ĩgu.

<sup>21</sup> ĩgu eroparĩcũ erãpũ ĩgũre dipaturi serẽpima daja:

—¿Mũhũ Cristo árĩbigũ Eliapũ āhriri? arĩma.

—Árĩbeaa yũhũ, arĩmi ĩgu.

—¿Gua corediguũ Goãmũ yare weremũhtagũpũ āhriri mũhũ? arĩma erã.

—Árĩbeaa yũhũ, arĩmi Ñu.

<sup>22</sup> ĩgu eroparĩcũ erã ĩgũre dipaturi serẽpima daja.

—Guare serẽpidorenĩrãre gua ðaro wereborro dopa guare wereque daja. ¿Nihinopũ āhriri mũhũ? ¿Dohpa árĩgũno āhriri mũhũ? arĩma erã Ñure.

<sup>23</sup> Erã eroparĩcũ ðpa arĩ yũhrimi:

—Masa marirogue ðpa arĩ gaguiniguigũ āhraa yũhũ. Goãmũ ya weremũhtadiguũ Isaia mũrũ ĩgu werediro dopa ta werea yũ sã: “Mari Opũ ĩgu ariboro core ðarã árĩyũque ĩgũre peemorã,” arĩ masare wereyu gaguiniguigũ āhraa yũhũ, arĩmi Ñu erãre

<sup>24</sup> Ñure serẽpirã fariseo masa erã obeonirã arĩma.

<sup>25</sup> Eropirã erã Ñure serẽpima daja:

—¿Mũhũ Cristo, Elia Goãmũ ya weremũhtagũ gua coreguũ árĩbiriquereguũ ta duhpigũ masare Goãmũ ya árĩburire waĩyeri mũhũ? arĩma erã.

<sup>26</sup> Erã eroparĩcũ yũhrimi ĩgu.

—Yũ deco mera masare Goãmũ ya árĩburire waĩyea. Gajigũpũ mũa masibigũpũ mũa watope árĩtuhami.

<sup>27</sup> ĩgũpũ yũ pũhrũ arigũ yũ tauro turaguũ āhrimi. Ōatariaguũ āhrimi. ĩgu iro dopa árĩbeaa yũpũ. Eropigũ ĩgũre pepigũ, “Bu árĩguũ āhraa yũhũ,” arĩ pepia, arĩmi Ñu erãre.

<sup>28</sup> Eropa arĩ wereniguima erã Betaniague, dia Jordán waĩcũriya gajipũ masegue, Ñu ĩgu masare ĩgu waĩyerogue.

*—Jesu Goãmũ ĩgu obeodiguũ cordero iro dopa āhrimi, arĩ wereñumi Ñu masare*

<sup>29</sup> Gajinũ Jesu Ñu pohro ĩgu aricũ ĩaguũ Ñu ðpa arĩmi guare:

—Ĩaque. Ihĩ Goãmũ ĩgu obeodiguũ ĩgu cordero iro dopa āhrimi. Cordero mari ñeri iira dipuwajare sĩriro dopa ihĩ sĩrigũ i yeba majarãre erã ñero iirare cóãgũcumĩ ĩgu.

<sup>30</sup> Ihĩ ta āhrimi yu ōpa arĩdigu: “Yu puhru arigu yu tauro turagu āhrimi. Yuhu masa dehyoaboro core ĩgu matague ta arĩtuhapu. Eropigu ĩgu yu tauro turami,” yu arĩdigu ihĩ ta āhrimi.

<sup>31</sup> Yuru ĩre Goāmu magu ĩgu arĩrire masibirinibu. Eropa masibiriqueregu ta deco mera waĩyegu arigu iibu yu acawererā Israe masa ĩre erā masiborore, arĩmi Ńu.

<sup>32</sup> Eropa arĩtuha Ńu werenemomi:

—Espĩritu Santo umarogue buja iro dopa bejagu Cristo weca دچارimi. ĩgu weca ĩgu dujanugacũ ĩabu.

<sup>33</sup> ĩgu weca dujanugajacũ ĩha ĩgure ĩha masibu. ĩgu yure masare deco mera waĩyedore obeodigu Goāmuru ōpa arĩ weremuhatuhami yure: “Espĩritu Santo dijari ĩgu weca dujanugajagu ĩgu ta arĩgucumi. ĩguru Espĩritu Santore masa mera eropa arĩniguicũ iigu arĩgucumi,” arāmi Goāmu yure. ĩgu yure eropa werebircũ ĩha masibiriboya ĩgure.

<sup>34</sup> Dohpaguere ĩgure ĩha masituhaa yuhu. Eropa ĩha masigu “Diaye ta Goāmu magu ta āhrimi,” arāa yuhu muare, arĩ weremi Ńu.

### *Jesu buherā ĩgu ne sihunuganirā arĩnuma*

<sup>35-36</sup> Gajinu Ńu mera gua perā ĩgu buherā ĩgu mera gua niguicũ, Jesu gua pohro tari wahgāgu iimi. ĩgu eropa tari wahgācũ ĩagu Ńu dipaturi ōpa arĩmi guare:

—Īaque. Ihĩ Goāmu ĩgu obeodigu cordero iro dopa arĩgu āhrimi, arĩmi Ńu.

<sup>37</sup> ĩgu eroparĩcũ gua perā ĩgu buherāpu irire peerā Jesure nurusiagābu.

<sup>38</sup> Gua eropa nurusiagācũ ĩagu Jesu guare maji ĩha, serēpimi:

—¿Nohogue wahari mu? arĩmi ĩgu guare. ĩgu eroparĩcũ gua sã ĩgure serēpibu.

—Buhegu, ¿nohogue āhriri mu? arĩ serēpibu gua ĩgure.

<sup>39</sup> —Yu mera arinijarā, ĩarā arique, arĩmi guare Jesu.

ĩgu eroparĩcũ guaru ĩgu arĩrogoe ĩarā wabu. Irisubu ñamicague cuatro hora arĩbu. Eropirā iri ñamire ĩgu mera dujabu gua.

<sup>40</sup> Gua perā Ńure peerā, Jesure nurusiagārā yu mera majagu Andre mera arĩbu. Andrepu Simo pagu magu arĩmi.

<sup>41</sup> Eropigu ĩgu mata ĩgu tĩgure ahma boca, ōpa arĩ werepu ĩgure:

—Mesiare Goāmu marire taubure Goāmu ĩgu obeodigure bocabu gua, arĩpu Andre Simore. Mesia ero majarā ya mera arĩrā, Cristo arĩrā iima.

<sup>42</sup> Eropa arĩtuha ĩgu Simore Jesu pohro aĩgāmi. ĩgu pohro erā ejacũ ĩagu Jesupu Simore ōpa arĩmi:

—Muhu Simo waĩcugu Jona waĩcugu magu āhraa. Dohpaguere mure Cefa waĩyegura, arĩmi Jesu Simore. Cefa ero majarā ya mera arĩrā, Pedro arĩma. Eropigu Pedro waĩcumi pare.

### *Felipere, Natanae sãre sihuñumi Jesu*

<sup>43</sup> Gajinu Jesu “Galilea yebague ina warā,” arĩmi guare. Eropigu erogue eja ĩgu Felipere bocatĩri ōpa arĩmi:

—Yu mera majagu arĩbu arique, arĩmi Jesu.

<sup>44</sup> Felipepu Betsaida majagu arĩmi. ĩgu, Andre, Pedro mera yuju maca majarā arĩma.

<sup>45</sup> Eropigu Felipe Natanaere ahma, boca ōpa arĩ weremi:



—Goãmũ dorerire Moise ïgũ gojarapũgue ïgũ weredigũre, gajirã Goãmũ yare weremuhtanirã sã erã weredigũre gũa bocabũ. Jesu Nazare majagu José magũ ïgũ ta árĩcumi, arĩmi ïgũ Natanaere.

<sup>46</sup> —Nazareguere ne yujugũ ðagũ marimi, arĩmi Natanaerũ.

—Ïagũ arique mũhũ, arĩmi Felipe.

<sup>47</sup> Eropi Natanae Jesu pohro ïgũ ejacũ ïagũ Jesupũ ðpa arĩmi Natanaere:

—Ihĩ dohpague arigũ diaye ta ðagũ judio masũ gohra ãhrimi. Ïgũre ne gũyari mara, arĩmi Natanaerũ.

<sup>48</sup> Ïgũ eroparĩcũ peegũ Natanae ïgũre serẽpimi:

—¿Duhpigũ yũre ðaro masiri mũhũ? arĩmi.

—Felipe, ïgũ mũre ïgũ sihuboro core, higuera gũ doca mũ árĩcũ ïhabũ yũhũ mũre, arĩmi Jesu ïgũre.

<sup>49</sup> Ïgũ eroparĩcũ Natanaerũ ðpa arĩmi ïgũre daja:

—Buhegũ, diaye ta mũhũ Goãmũ magũ ta ãhraa. Mũhũ Israe masa gũa opũ árĩbu ãhraa, arĩmi Natanae.

<sup>50</sup> Ïgũ eroparĩcũ peegũ ðpa arĩ yũhripũ Jesu:

—Higuera gũ doca yũ mũre ïarare masigũ yũre “Goãmũ magũ ãhraa,” arĩ umupeoa mũhũ yũre. ¿Iri ta mũre umupeocũ iiri? Mũre yũ eropa ïara tauro Goãmũ turari mera yũ iicũ ïagũca mũhũ, arĩmi Jesu Natanaere.

<sup>51</sup> Eropa arĩgũ ðpa arĩ werenemomi:

—Diaye ta mũre arĩgũ iiaa. Yũhũ masũ Goãmũ ïgũ obeodigũ ãhraa. ðmarogue Goãmũ yarã anyua erã yũ weca erã دچارicũ, erã mũriacũ sãre ïagũca mũhũ, arĩmi Jesu ïgũre.

## 2

*Caná waĩcũri macague erã mojoto diriri bosenugue Jesu ïagũ wañumi*

<sup>1</sup> ðhrenũ pũhrũ Caná Galilea árĩri macague mojoto diriri bosenu árĩbũ. Eropigo Jesu pago iri wihigue árĩmo.

<sup>2</sup> Jesu gũa ïgũ buherã sã erã mojoto dirirogue sihubeonirã árĩbũ.

<sup>3</sup> Iri bosenu maja vino pehrecũ Jesu pago ïgũre weremo:

—Dohpaguere vino pehrea wahabũ erãre, arĩmo igo Jesure.

<sup>4</sup> Igo eroparĩcũ peegũ Jesu ðpa arĩmi:

—Meho, ¿duhpigo irire yũre wereri mũhũ? Masa erã yũre masiboro dũhyania dohpa, arĩmi Jesu ïgũ pagore.

<sup>5</sup> Ïgũ eroparĩra pũhrũ ïgũ pagopũ mohme corerãre weremo.

—Yũ magũ ïgũ dorero dopa ta iique mũa, arĩmo igo.

<sup>6</sup> Irisubuguere gũa acawererã judio masa Goãmũ yare iimorã masare erã dũpũre eropa coeniguicãdorema. Eropi iri wihi seis gohra máta sorori, deco dicũri sorori árĩbũ. Iri deco Goãmũ yare iimorã erã coeri deco árĩbũ. Iri soroburire ochenta o cien litros sihajabũ decore.

<sup>7</sup> Eropigũ erã mohme corerãre doremi Jesu:

—I soroburire deco mera pisãnemo ւյտս dobopehocãque, arĩmi Jesu.

Ïgũ eroparĩcũ erãpũ ðaro ւյտս dobopehocãma iri soroburire.

<sup>8</sup> Erã eropa iira pũhrũ Jesu erãre doremi daja:

—Dohpaguere iri decore waa aĩ, sihu bosenu iigũre tĩarã waque, arĩmi.

Ïgũ eroparĩcũ peerã iri decore waa aĩgã, sihu bosenu iigũre tĩama erã.

<sup>9</sup> Erã tĩacũ ïgũpũ iri decore vino poyara decore ihriñami. Iri vinore “¿Noho majare aĩgãrayuri erã?” arĩ pepipũ ïgũ. Ïgũ eropa masibiri-querecũ ïgũre mohme corerãpũ iri vinore tĩanirãpũ masima. Sihu bosenu iigũ eropa masibirinijagũ, mojoto diridigũre sihubeo

10 òpa arĩ weremi:

—Gajirã masa òari decore vino decore tĩamũhtamũrima. Masa erã òaro ihrira pũhrũ ñequeyari vino decopure tĩama erã. Mũpũ òari vino decore dihbu, pũhrũgue gũare tĩaa, arĩmi sihu bosenu iigu mojoto diridigare.

11 Canã Galilea arĩri macague decore vino iigu poyacũ iira ne Goãmũ turari mera iigu deyoro moanũgara arĩbũ. Eropa iigu gajirãre iigu turarire ii iĩhmũmi Jesu. Iigu eropa ii iĩhmura pũhrũ gũa iigu buherã iigũre umupeobũ.

12 Pũhrũ Jesu, iigu pago, iigu pagũ porã, gũa iigu buherã mera Capernaumgue sihugã wami. Erogu ejarã bajamenũrigã dujabũ gũa.

### *Jesu Goãmũ wihiguere ejañumi*

13 Pascua arĩcũ gũa judio masa bosenu arĩboro merogã dũhyanijabũ. Eropigu Jesu gũa mera Jerusalengue wami.

14 Erogu ejaigu iigu Goãmũ wihigue ñajajagu, wecũare, ovejare, bujare duarãre bocajami. Eropigu niyeru gohrotorã erã mesarigue erã doacũ bocajami.

15 Eropa bocajagu yuradari mera tãraridari ii, erãre arĩpehrerãre disiporogue tãranũru wiumi. Eropigu niyeru gohrotorã erã ya mesarire yomemuju mehpicãmi. Erã niyeru turi sãre mehsiripicãmi.

16 Eropa iituha bujare duarãre òpa arĩmi:

—Mũa yarã bujare aĩgãque. Yũ Pagũ ya wihire doberi duari wihi iibiricãque, arĩmi Jesu erãre.

17 Iigu eropa iicũ iarã gũa iigu buherãpũ Goãmũ ya gojarapũ erã arĩrare guñabũ. Òpa arĩ gojanirã arĩma. “Goãmũ, mũ wihire turaro mahia. Eropa mahigu mũ wihire ñero erã iicũ iagũ turaro bujawerea yũhũ,” arĩ gojarare guñabũ gũa Jesu iigu buherãpũ.

18 Jesu iigu eropa iira pũhrũ judio masa oparã iigũre serẽpima:

—¿Duhpigũ mũhũ oãre Goãmũ wihigue arĩrãre cohã wiuari? Goãmũ irire mũre iidoregũ arĩcũ Goãmũ turari mera ii deyoro moaque gũa iãburire, arĩma erã Jesure.

19 Erã eroparĩcũ Jesu yũhrimi:

—I wihire mũa cóãcũ, uħrenũ pũhrũ tuhajagũca yũhũ, arĩmi Jesu erãre.

20 —Uħrenũ i wihire iisome mũhũ. Cuarenta y seis bojori gohra erã iira wihi aħraa i wihi, arĩ yũhrima erã Jesure.

21 Jesu iigu eropa arĩrare erã òaro pee masibirima. Jesu i wihire arĩgu iigu dũpũ waburire arĩgu iirimi.

22 Eropi iigu sĩrira pũhrũ, iigu masa mũriara pũhrũ gũa iigu buherãpũ iigu eropa arĩrare guñabũ. Goãmũ yare erã gojarapũre, Jesu iigu werera sãre guña, “Iri diaye ta aħraa,” arĩbũ gũa.

### *Arĩpehrerã erã guñarire Jesu masiñumi*

23 Pascua bosenu arĩcũ Jesu Jerusalengue arĩmi. Ero iigu arĩcũ masa bajarã Goãmũ turari mera iigu deyoro moarire ii iĩhmũcũ iarã iigũre umupeoma.

24 Erã eropa umupeoquerecũ ta Jesu masa erã guñarire òaro masigu, “Yũre eropa umupeoniguicãrãcoma,” arĩ pepibiridi arĩmi.

25 Iigu masa erã guñarire òaro masimi. Eropa masigu masa iigũre erã pepirire serẽpibirimi.

## 3

### *Jesu Nicodemo mera weretamuñumi*

<sup>1</sup> Iri maca majagu Nicodemo waicugu, judio masa oparã mera majagu arĩmi. İgu fariseo masa ya curu majagu arĩmi.

<sup>2</sup> Eropigu İgu yuju ñami İgu Jesu pohro ahri İgu mera weretamupũ:

—Buhegu, mũhu Goãmu İgu buhedoredigu İgu obeodigu mu arĩcũ gua masia. Goãmu mũre İgu itamubiricũ mũpu İgu turari mera ne deyoro moarire ne iibiriboaya. Mũhu bajasuburi Goãmu turari mera ii İhmua, arĩpu Nicodemo Jesure.

<sup>3</sup> İgu eroparĩcũ Jesu wereru:

—Diaye mũre arĩgu iiaa. Ne masa dehyoagu iro dopa dipaturi masa dehyoagu dihta Goãmu yagu arĩmasimi. Mu sã eropa ta arĩmasia, arĩpu Jesu.

<sup>4</sup> —Yaho. ¿Bũgũpu dohpa ii dipaturi masa dehyoabocuri İgu? İgu pago niji suhriroguere ñajaa, dipaturi masa dehyoa masiya mariboca İguere, arĩpu Nicodemo.

<sup>5</sup> İgu eroparĩcũ Jesu yũhripũ:

—Diaye ta arĩgu iiaa mũre. Ne masa dehyoagu iro dopa ta deco mera, Espĩritu Santo İgu turari mera dipaturi masa dehyoagu dihta Goãmu yagu arĩmasimi.

<sup>6</sup> Nome nijipo sã nome arĩrã, majirãgãre masa dehyoacũ iima. Espĩritu Santopũ masare Goãmu porã arĩcũ iimi.

<sup>7</sup> “Ne masa dehyoagu iro dopa ta dipaturi masa dehyoagu dihta Goãmu yagu arĩmasimi,” yũ arĩcũ ne pee gorowerebita.

<sup>8</sup> Espĩritu Santo masare Goãmu porã İgu iicũ iiri miruñe iro dopa ãhraa. Miruñe iri ariroguere ahraa. Iri ariro caricũ mari pee. Eropa peequererã ta iri aridirore, iri waro sãre ne masibea. Eropa ta iimi Espĩritu Santo masare Goãmu porã iigu, arĩpu Jesu Nicodemore.

<sup>9</sup> —Mu eropa arĩire õaro masibea, arĩpu Nicodemo.

<sup>10</sup> İgu eroparĩcũ peegu õpa arĩpu Jesu:

—¿Mũhu judio masare buhegu arĩqueregu ta, duhpigu yũ arĩire peebeari?

<sup>11</sup> Diaye mũre arĩgu iiaa. Gua masirare, gua ñarare gua werea. Gua eropa werequerecũ ta ne mua gua acawererã judio masa ne peediabiribu.

<sup>12</sup> I yeba majare yũ werenigui queõaquerecũ ta “Diaye ta ãhraa,” arĩbeaa mua. Eropa arĩbirã Goãmu yare yũ werecũ sãre “Diaye ta ãhraa,” arĩsome mua.

<sup>13</sup> “Ne yujugu umarogue Goãmu pohrogue wagu ne dipaturi dujarisome. Yũhu Goãmu İgu obeodigu yũ dihta umarogue arĩdigu i yebaguere aribu. Eropigu yũ dihta Goãmu yare mũare weremasia.

<sup>14</sup> Iribojeguere masa mariroguere Moise mũru añare come mera erã wẽadigũre yucũgu erã nugudigũgue duhsiupu. Yucũguigue İgu duhsiudiro dopa ta yũre Goãmu İgu obeodigũre eropa ta yũ sãre duhsiurãcoma.

<sup>15</sup> Yũre erã eropa iicũ arĩpehrerã yũre umupeorã arĩpehrerinũri Goãmu mera arĩniguirãcoma, arĩpu Jesu.

### *Goãmu arĩpehrerãre mahimi, arĩ gojañumi Ñu*

<sup>16</sup> Eropa arĩtuha õpa arĩnemopũ Jesu:

—Goãmu arĩpehreri yeba majarãre turaro mahimi. Eropigu yũre İgu magure yujugu ta arĩguere Goãmu obeomi arĩpehrerã yũre umupeorã peamegue erã wabiriborore. Eropirã arĩpehrerinũri Goãmu mera arĩrãcoma erã.

<sup>17</sup> Goãmu yũre İgu magure masare dipuwaja moadoregu obeobirimi i yebaguere. Eropigu masare peamegue wabonirãre taubure yũre obeomi.

18 “Yüre Goãmũ magũre umupeorãre ne dipuwaja moasome Goãmũ. Yüre umupeobirãpũre Goãmũ dipuwaja moadoretuhami. Masa yũre Goãmũ magũre yujungũ ta árĩgũre erã umupeobirira dipuwaja, dipuwaja moagũcumĩ Goãmũ erãre.

19 Yũhũ Goãmũ magũ i yebaguere arigũ boyoriĩne õaro ĩha masicũ iro dopa ta Goãmũ yare õaro masicũ iiaa masare. Yũ eropa masicũ iicũ ĩarã yũre umupeobirã yũre gamebeama. Erã ñerire iiripũre turaro gahmema. Erã eropa gameri dipuwaja erãre dipuwaja moagũcumĩ.

20 Árĩpehrerã ñerire iirã erã ñero iirire duhudiabeama. Eropirã boyoro iiriĩne deyoro moaro dopa ta erã ñero iirare deyoro moari arĩrã yũre gamebeama.

21 Õarire iirãpũ yũre, yũ buheri sãre gahmema. Goãmũ yare erã iirire yũ õaro deyoro moacũ gũhyasĩribeama erã. Eropiro yũre boyoro iro dopa árĩgũre gahmema, arĩ wererũ Jesu.

### *Dipaturi Ñũ waĩyegũ Jesure wereñumi*

22 Pũhrũ Jesu gũare ĩgũ buherãre Judea yebague sihgã wami. Erogue ejagũ ero majarã mera bajamenarigã duja, Goãmũ ya árĩburire waĩyemi erãre.

23 Ñũ sã masare waĩyegũ iipũ Enón waĩcũri macague. Enón waĩcũri maca Salim waĩcũri maca pohro árĩbũ. Ero wũaro dia árĩbũ. Ero eropa árĩcũ ero majarã masare waĩyegũ iipũ Ñũ.

24 Erã ĩgũre peresu iiboro core Enóngue masare waĩyegũ iipũ Ñũ.

25 Irisubure Ñũ buherã mera majarã bajamerãgã judio masa mera waĩyerire wereniguirã dũyasoñorã.

26 Tuhaja erã Ñũ pohrogue eja irire wereñorã.

—Buhegũ, dia Jordán waĩcũriya gajipũ masegue mũ mera árĩdigũ “Īgũ ta Cristo ta árĩgũcumĩ,” mũ arĩdigũpũ dohpague masare waĩyegũ iimi. Īgũ eropa iicũ árĩpehrerã ĩgũ pohrogue wahama pare, arĩñorã erã Ñũre.

27 Erã eroparĩcũ peegũ Ñũ yũhripũ:

—Īgũ dorerire ĩgũ opacũ Goãmũ ĩgũre odi árĩmi.

28 “Cristo árĩbeaa yũhũ,” yũ arĩcũ mũa peeabũ. Eropa Cristo árĩbiriqũregũ ta ĩgũ core wereyubure Goãmũ ĩgũ obeodigũ àhraa yũhũ.

29 Õpa àhraa iri: Mojoto diridigo igo marapũ mera árĩgo wahamo. Mojoto diridigũ mera majagũpũ diridigũ ĩgũ marapocũcũ ĩagũ ĩgũ werenicũ peegũ turaro mucubirimi. Eropigũ mojoto diridigũ mera majagũ ĩgũ mucubiridiro dopa ta yũ sã Cristo mera masa erã wacũ ĩagũ õaro mucubiria.

30 Cristopũre umupeoro gahmea masare. Yũpũre umupeobiricãro gahmea masare, arĩ yũhripũ Ñũ.

### *Goãmũ magũ ãmarogue aridigũ àhrimi, arĩ wereñumi Ñũ*

31 Eropa arĩtuhagũ õpa arĩnemopũ Ñũ.

—Õmarogue aridigũ árĩpehrerã nemoro turagũ àhrimi. Mari masa i yeba majarã àhraa. Eropirã i yeba majare wereniguia mari. Õmarogue aridigũpũ árĩpehrerã nemoro turagũ àhrimi.

32 Īgũ ĩarare, ĩgũ peerare ĩgũ weremi. Īgũ eropa werequerecũ ta masa ĩgũre ne peediabeama.

33 Õmarogue aridigũ ĩgũ wererire masa peerãpũ, “Goãmũ diaye árĩgũ tĩmi,” arĩrã iima erã.

<sup>34</sup> Ihĩ Cristore Goãmũ ĩgu obeodigure Espíritu Santo ya turarire opehoñumi Goãmũ. Eropigu ĩgu Goãmũ ya wereniguirire wereniguimi.

<sup>35</sup> Goãmũ ĩgu magure turaro mahimi. Eropigu árĩpehrerire, árĩpehrerã sãre erã opũ árĩdoremi Goãmũ ĩgu magure.

<sup>36</sup> Goãmũ magure umupeorãpũ umuri nũcũ Goãmũ mera árĩniguicãrãcoma. ĩgu magure tarinũgarãpũ Goãmũ pohro wasome. Eropirã umuri nũcũ umaroguere árĩsome. Eropigu Goãmũ erãre turaro dipuwaja moagũcumi, arĩpũ Ñu masare.

## 4

### *Jesu Samaria majago mera weretamuñumi*

<sup>1</sup> Jesu Ñu nemoro bajarã ĩgu buherã ĩgu opacũ, Ñu nemoro masare ĩgu waĩyecũ fariseo masa peeñorã.

<sup>2</sup> Erã eropa peebeoquerecũ ta Jesupũ ĩgu basi masare waĩyebirimi. Gũa ĩgu buherãpũ masare waĩyebũ.

<sup>3</sup> Fariseo masa erã eropa masicũ peegũ Jesupũ Judea yeba árĩdigũ Galilea yebague sihu dujaa wami gũare.

<sup>4</sup> Galileague warã gũa “Samaria yebare tarigã warãca,” arĩbũ gũa.

<sup>5</sup> Eropa tarigã Samaria yebague árĩri macague Sica waĩcũri macague ejabũ. Iri maca pohro iribojegue Jacobo mũrũ ĩgu magũ José mũrũre ĩgu ora yeba árĩyoro.

<sup>6</sup> Ero Jacobo mũrũ ĩgu deco ihrira gobe arĩbũ. Eropigu Jesupũ yoarogue aridigu, ĩgu oẽtaria wagũ iri gobe pohro doajami. Irisubu ĩgu ero doajarisubu goeri boje gohra arĩbũ.

<sup>7-8</sup> Gũa ĩgu buherãpũ macague gũa barire asũrã wara pũhrũ yujugũ ta ĩgu erore dujadoami. Eropigo Samaria majago iri gobegue igo deco waago eracũ Jesu igore deco serẽpũ:

—Deco oque yũre, arĩpũ.

<sup>9</sup> —Mũhũ judio masũ ãhraa. Yũpũ Samaria majago ãhraa. ¿Duhpigũ yũre decore serẽri mũhũ? arĩpo igo Jesure. Judio masa Samaria majarãre game ãdiabirã árĩñorã. Eropigo igo eropa arĩpo Jesure.

<sup>10</sup> Igo eropa arĩra pũhrũ Jesu igore werepũ:

—Mũre Goãmũ ĩgu itamudiarire masigo árĩgo, mũre decore serẽgũre masigo árĩgo, mũpũ yũpũre serẽboaya. Mũ eropa serẽcũ gajĩ decore oboaya yũhũ mũre. Iri decopũ ojocariniguicãcũ iiri ãhraa, arĩpũ Jesu igore.

<sup>11</sup> ĩgu eroparĩcũ peego igo yũhripo ĩgũre:

—Ne mũre sorobu mara. I gobe sã ãhcãri gobe ãhraa. ¿Eropigu i ojocaricũ iiri decore nohogue waabocuri mũhũ?

<sup>12</sup> Gũa ñecũ mũrũ Jacobo iribojegue majagũ mũrũ i gobere gũare apimũripũ. ĩgu, ĩgu porã, ĩgu ejorã sã i decore ihrimũriñorã. “Gajĩ decore oboaya yũhũ,” mũ arĩgũ, ¿Jacobu tauro turagũ ãhriri mũhũ eropa arĩ pepigu? arĩpo igo.

<sup>13</sup> Igo eroparĩcũ Jesu yũhripũ:

—Árĩpehrerã i decore ihrirã dipaturi ñemesiburãcoma.

<sup>14</sup> Yaha decopũre ihrirã ne dipaturi ñemesibusome. Eropirã yaha decore ihrirã Goãmũ mera eropa árĩniguirãcoma. Maũ dipagãgue eropa deco wiriniguiri dopa ta yaha deco ne pehresome, arĩpũ Jesu.

<sup>15</sup> ĩgu eroparĩcũ nomeopũ õpa arĩpo:

—Ne dipaturi yu ñemesibubiriboro dopa iri decore oque yure. Eropigo dipaturi õguere ne deco waasome, arĩpo igo.

<sup>16</sup> Igo eroparĩcũ Jesu igore werepũ:

—Irisubu tamerare mu marapũre sihugo waque. Sihutuha õgue arique ãgu mera, arĩpu Jesu igore.

<sup>17</sup> —Marapũ marigo ãhraa yũhu, arĩpo igo.

—Diaye ta arãa mũhu.

<sup>18</sup> Mũhu cincosuburi marapũcutuharibũ. Eropigu dohpague mu mera arĩgu mu marapũ gohra arĩbeami. Eropigo “Marapũ marigo ãhraa,” arĩgo, diaye ta arãa mũhu, arĩpu Jesu igore.

<sup>19</sup> ãgu eroparĩcũ peego õpa arĩpo igo:

—Ne, Goãmu yare weremũhtagũ ãhraa mũhu yu pepicũ.

<sup>20</sup> Gũa ñecu sumarã mũra irigu utãgũgue Goãmũre umupeomũriñorã. Eropirã mũapũ judio masa “Jerusalẽngue masare Goãmũre umupeoro gahmea,” arĩmũribũ mũa judio masa, arĩpo igo.

<sup>21</sup> Igo eroparĩcũ Jesu yũhripũ:

—Nomeo, yũpũre peenique. Pũhrũguere irigu utãgũgue, Jerusalẽngue sãre mari Pagũre umupeosome mũa.

<sup>22</sup> Mũapũ mũa umupeorire masibea. Masare taubupũ judio masũ ãhrimi. Eropirã gũa judio masapũ gũa umupeogũre masia.

<sup>23</sup> Dohpague pũhrũgue sãre Goãmũre diaye umupeorã erã õaro pepiri mera ãgũre umupeorãcoma. Eropa mari umupeocũ gahmemi Goãmu.

<sup>24</sup> Goãmu dũpũ marigu ta ãgu arĩcũ masa ãgũre ãabeama. Eropiro ãgũre umupeori mera erã õaro pepiri mera ãgũre õaro diaye umupeoro gahmea masare, arĩpu Jesu igore.

<sup>25</sup> ãgu eroparĩcũ igo yũhripo:

—Mesia, “Cristo,” erã arĩgũpũ, masare taubu ãgu ariburire masia yũhu. ãgu arigu marire arĩpehrerire buhepegũcumĩ, arĩpo igo.

<sup>26</sup> —Yũhu ta ãhraa Cristo, arĩpu Jesu igore.

<sup>27</sup> ãgu eropa arĩ weretamurĩsubu gũapũ ãgu buherãpũ erabũ. Jesu nomeo mera ãgu wereniguicũ ãarã uca wacarabũ. Eropa ucaquererã ta “¿Dohpa gahmeri mũhu? ¿Dohpa arĩri mũhu igore?” arĩ serẽpiñabiribũ.

<sup>28</sup> Eropigo nomeo igo sorobure ero duhudobocã, macague waha wamo. Eja masare werego õpa arĩpo:

<sup>29</sup> —Yu iirare werepegũgũre ãarã arique mũa. ¿ãgu diaye ta Cristo arĩbocuri? ãarã arique mũa, arĩpo igo.

<sup>30</sup> Igo eroparĩcũ iri maca majarã Jesure ãarã arimorã iima.

<sup>31</sup> Irisubure gũa Jesu buherã ãgũre turaro badoreribũ.

—Buhegu, baque, arĩribũ gũa.

<sup>32</sup> —Gajiropa arĩri barire opaa yũhu. Irire mũa masibea, arĩmi ãgu gũare.

<sup>33</sup> ãgu eroparĩcũ peerã gũa basi õpa arĩ wereniguibũ:

—¿Gajirã ãgũre barire otuhayuri? arĩbũ gũa basi. Gũa eroparĩcũ Jesu weremi:

<sup>34</sup> —Masapũ basuama. Yũre obeodigu ãgu gamerire iigu sua yũpũ.

<sup>35</sup> “Wapicũrã aberi dũhyaa mari dũca aĩboro,” pohe opu ãgu arĩ pepimi. Mũapũ “Goãmu yare gũa masare wereboro dũhyania,” arĩ pepibiricãque. Diaye arĩgu iiaa mũare. Dohpague tamerare masare wererã waque. Masare ãaque. Dohpague tamerare yũ buherire masa erã peeburĩsubuno arĩro tiiaa.

<sup>36</sup> Dũcare aĩrãre erã wajayero dopa ta, yaharã árĩmorãre aĩnirãre yahare buhenirãre wajayegura yũhũ. Erã eropiira waja õaro wajayegura erãre. Erã eropa buhecũ peerã yũ buherire peenirã yaharãpũ Goãmũ mera umũri nũcũ árĩrãcoma. Eropirã erãre buhemũhtanirã, pũhrũ yaharã árĩcũ iirã sã yujuropa mucubirima.

<sup>37</sup> “Yujugũ otemũhtagũ ãhrimi. Gajigũpũ dũcare aĩgũ ãhrimi,” arĩmũriñorã iribojeguerẽ. Iri diaye ta ãhraa. Erã eropa arĩdiro dopa ta yujurãyeri yahare weremũhtarã ãhrima. Gajirã yahare buhe yaharã árĩcũ iirã ãhrima.

<sup>38</sup> Pohe opũ ĩgũre mohmerã erã otebirinirã árĩquerẽcũ ta erãre dũcare aĩdoregũ obeomi. Eropa ta masare buhemũhtabirinirã mũa árĩquerẽcũ ta erã yũre umupeocũ iidoremorãre obeoa mũare. Gajirãpũ erãre buhemũtatuhama. Erã buhenirãguere dipaturi buhenemorã, yaharã árĩcũ iirãca mũapũ. Eropirã buhemũhtarãpũ erã itamuro mera gajirãre yaharã árĩcũ iirãca, arĩmi Jesu gũare.

<sup>39</sup> Irisubure Samaria majago, “Yũ iira mũrare ĩgũ werepehoami,” igo arĩcũ peerã Samaria majarã bajarã Jesure umupeoma.

<sup>40</sup> Eropirã Samaria majarã Jesu pohro ejarã, “Gũa mera dujanique,” arĩma ĩgũre. Erã eroparĩcũ gũa penũ ĩgũ mera ero dujanibũ.

<sup>41</sup> Gajirã sã bajarã Jesure peerã umupeoma.

<sup>42</sup> Őpa arĩma masa nomeore:

—Nere mũ arĩrare peerã Jesure umupeonũgarabũ. Dohpague tamerare ĩgũ wereniguirire gũa basi peerã ĩgũre õaro umupeoa. Eropirã ĩgũpũre peerã i yeba majarãre peamegue wabonirãre taubu diaye ta ĩgũ árĩcũ, dohpague gũa masia, arĩma masa Samaria majagore.

*Opũ magũre dorecũgũre õagũ wacũ iĩñumi Jesu*

<sup>43</sup> Penũ pũhrũ Jesu gũare Galileague sihu wami daja.

<sup>44</sup> Neguere õpa arĩmũrimi gũare Jesu: “Goãmũ ya weremũhtagũre ĩgũ ya yeba majarã ĩgũre umupeobeama,” arĩmũrimi Jesu.

<sup>45</sup> Eropirã gũa Galileague ĩgũ mera ejacũ ero majarã ĩgũre õaro bocatĩrima. Ero core Jerusaléngue bosenu árĩcũ Jesu ĩgũ iirare ĩanirã arĩma erã.

<sup>46</sup> Eropi Caná Galilea árĩri macague ĩgũ decore vino wacũ ĩgũ iira macague waha wabũ gũa ĩgũ mera daja. Caná pohro árĩri maca Capernaum waĩcũri maca opũ magũ dorecũgũ iipũ.

<sup>47</sup> Eropigũ Jesu Judea arĩdigũ ĩgũ Galileague ejari querere peepũ. Irire peegũ Jesu pohrogue erami.

—Yũ magũ sĩrigũ iiami. Eropigũ ĩgũre õagũ wacũ iigũ arique, arĩ yojaro mera sihumi ĩgũre.

<sup>48</sup> ĩgũ eroparĩcũ peegũ Jesu yũhrimi:

—Goãmũ turari mera yũ deyoro moarire ĩabirã, ne yũre umupeobeaa mũa, arĩmi Jesu.

<sup>49</sup> ĩgũ eroparĩcũ peegũ opũpũ õpa arĩmi:

—Opũ, yũ magũ ĩgũ sĩriboro core arique, arĩmi ĩgũ Jesure.

<sup>50</sup> —Dujaaque. Mũ magũ ojocarigũcumi, arĩmi Jesu.

ĩgũ eroparĩcũ peegũ, “ĩgũ arĩdiro dopa ta ojocarigũcumi yũ magũ,” arĩgũ opũ dujaa wami.

<sup>51</sup> Eropa dujaniguigũre ĩgũ pohro majarã ĩgũre bocatĩri wereñorã.

—Mũ magũ masa wahãmi, arĩ wereñorã erã ĩgũre.

<sup>52</sup> —¿Noho gohra abe árĩcũ õagũ wahãri ĩgũ? arĩ serẽpipũ ĩgũ pohro majarãre.

—Cārure goeri boje pūhrugā ta nimacūri tahriabū īgure, arīñorā erā īgure.

<sup>53</sup> Erā eroparīcū ōpa arī pepipū īgu: “Jesu yure ‘Mū magū masa wahámi,’ arī werera pūhrū ta nimacūri tahria waya,” arī pepipū opurū. “Diaye ta arāñumi yure,” arīgu, īgu árīpehrerā īgu acawererā mera Jesure umupeoñorā.

<sup>54</sup> Jesu Judea árīdigū Galileague īgu ejara pūhrū opū magure īgu ōagū wacū īgu iira mera mari queocū pesubu Goāmū īgu turari mera ii ĩhmúmi Jesu.

## 5

### *Curimasibigure ōagū wacū iññumi Jesu*

<sup>1</sup> Pūhrū judio masa Goāmure gua umupeori bosenu árīcū gua Jesu mera Jerusaléngue ejabū daja.

<sup>2</sup> Ero maca ñajari disiporo oveja waīcūri disiporo pohro guhari gobe árībū. Gua judio masa ya mera Betesda waīcūri gobe árībū. Iri deco gobe pohro cinco gohra tiaya mariri tari dipabu árībū.

<sup>3</sup> Iri tari dipabugue bajarā dorecurā oyarāre ĩabū. Cūiri ĩhajabirā, curimasibirā, gōari marirā, erā iri gobe pohro oyama. Deco ñohmeborore corerā iññorā.

<sup>4</sup> Erogu dijari gu iri gobe maja decore yujuyerisuburi ñohmecū iipū anyu. Iri gobe maja deco īgu ñohmera pūhrū ñaja guhamuhtagurū ōagū warū. Dohpa árīri dorere opagū ōagū warū.

<sup>5</sup> Eropigū ero yujugū dorecugū oyami. Īgu treinta y ocho bojori gohra dorecugū árīpū.

<sup>6</sup> Ero īgu oyacū ĩagu īgu eropa yoari boje īgu dorecūcū masimi Jesu īgure. Eropa masigu īgure serēpimi:

—¿Ōari dūpū dore marigu árīdiari mūhū? arīmi Jesu īgure.

<sup>7</sup> Īgu eroparīcū dorecugurū yūhrimi:

—Iri deco ñohmecū yure decogue aī acugū marimi. Iri decogue yū ñajadiaquerecū ta gajirāpū yū core yuu ñajamūhtama, arīmi īgu Jesure.

<sup>8</sup> —Wahgānugajaque. Mū omasiariñere aī, mū guburi mera cūhrapi wahgā waque, arīmi Jesu īgure.

<sup>9</sup> Īgu eroparīcū ta dorecugurū wahgānugaja īgu omasiariñere aī waha wami. Irinū Sabado gua judio masa soorinū árībū.

<sup>10</sup> Īgu eropa ōagū wadigu īgu omasiariñere aīgācū ĩarā judio masa gua oparāpū dorecūdigure ōpa arī wereñorā:

—Dohpagāre Sabadonū mari soorinū árīquerecū mū yañe omasiariñere aī wahgāa mūhū. Eropa iigu mari dorerire tarinugagū iiaa, arīñorā erā īgure.

<sup>11</sup> —Yure yū dorecurire taudigurū ōpa arāmi yure, arīpū dorecūdigurū. “Mū omasiariñere aī, mū guburi mera cūhrapi wahgāque,” arāmi yure, arī yūhrīpū dorecūdigū mūrurū erāre judio masa oparāre.

<sup>12</sup> —¿Irire mūre eropa árīdigurū nihino āhriri īgu? arī serēpiñorā erā īgure.

<sup>13</sup> Ero bajarā masa erā árīcū ĩagu Jesupū waha wadigu árīmi. Eropigū dorecūdigurū īgure ōagū wacū iidigu īgu waīre masibiripū.

<sup>14</sup> Pūhrū Goāmū wihigue gua īgure bocatīricū Jesu īgure weremi:

—Peenique mūhū yure. Dohpaguere ōaro dūpūcua mūhū. Ñerire iinemobiricāque. Dipaturi iinemogū mū dorecūdiro tauro wagūca, arīmi Jesu īgure.



15 Īḡu eropa arīra pūhrū dorecūdigu judio masa oparā Īḡure serēpinirā pohrogue eja, werepū erāre:

—Jesu waīcūgu yūre ōagu wacū iiami, arī werepū Īḡu.

16 Eropi Sabado árīcū Jesu dorecūgure Īḡu dorere Īḡu taucū masirā judio masapū Īḡure űero iinūgañorā. Eropirā erā Īḡure wejēdiariñorā.

17 Eropa űero erā iidiarire masigu Jesupū weremi erāre:

—Yū Pagū dohpaguere mohmenimi. Yū sā eropigu mohmenigu iiaa, arī weremi Īḡure űero iidiarāre.

18 Īḡu eroparīcū judio masa gūa oparā Īḡu mera turaro guarā, ero core erā arīdiro tauro Īḡure wejēdiañorā. Sabadonūre erā soorinūre Īḡure ōagu iicū ĩarā erā guañorā. Eropa guarā Goāmūre Īḡu “yū Pagū,” Īḡu arīcū peerā erāpū tauro guañorā. “‘Yū Pagū,’ arīgu Jesu Īḡu basi ‘Goāmū mera yujuro mera āhraa,’ arī guñacumi Īḡu,” arī pepiñorā judio masa gūa oparā.

*Jesu “Goāmū Īḡu obeodigu āhraa yūhū,” arī masare wereñumi*

19 Eropi Jesu erāre weremi:

—Diaye mūare arīgu iiaa. Yūhū Goāmū magū yū gamero iigu iibea. Yū Pagū Īḡu iirare ĩagu ĩire iiaa.

20 Yū Pagū yūre Īḡu magūre mahimi. Eropigu Īḡu iirare yūre ii ĩhmupehomi. I dohpaguere Īḡu turari mera yū iira tauro Īḡu gajire iidoregūcumi yūre. Īḡu eropa iidorecū Īḡu turari mera ii ĩhmugūca Īḡure yūhū. Eropa yū ii ĩhmucū ĩha ũcarāca mūa.

21 Yū Pagū sīrinirāre Īḡu masuro dopa ta yū sā yū gamerāre masugūra.

22-23 Ne yū Pagūpū masa erā űeri iira dipuwaja, Īḡu basi dipuwaja moagu moabeami. Yūpūre ĩire erā űeri iira dipuwaja dipuwaja moabure apimi. Erā Īḡure umupeodiro dopa ta yū sāre umupeoborore eropa apimi. Eropirā yūre Īḡu magūre umupeobirā yū Pagū sāre umupeobea mūa. Īḡu āhrimi yūre obeodigu, arīmi Jesu.

24 Eropa arītuha ōpa arī werenemomi:

—Diaye mūare arīgu iiaa. Yū wereniguirire peerā yūre obeodigūre umupeorā ũmūri nūcū ũmarogue eropa árīniguicārācoma. Eropigu erāre dipuwaja moasome yūhū. Eropirā erā peamegue wabonirā tarirācoma.

25 Diaye ta mūare arīgu iiaa. Peamegue wamorā yūre Goāmū magūre erā peeburisubu dohpague āhraa. Pūhrū sāre erā yūre peerācoma daja. Eropa peerā peenūrūrāpū Goāmū mera eropa árīniguirācoma.

26 Goāmū yū Pagūpū erāre eropa árīniguicū iigu āhrimi. Eropigu yūre Īḡu magūre erāre eropa árīniguicū iibure árīdoremi Īḡu yūre.

27 Eropigu yūhū masū Goāmū Īḡu obeodigu árīcū Īḡu masare dipuwaja moadorerire apimi yūre.

28 Ire peerā, pee ũcabiricāque mūa. Gajinūguere árīpehrerā sīrinirā masa goberigūe árīrā yū wereniguicū peerācoma.

29 Eropa pee wahgārā ōarire ĩinirā mūra ũmūri nūcū Goāmū mera árīmorā masa mūriarācoma. űeri ĩinirā mūrapū űerire erā iira dipuwaja peamegue warācoma, arī weremi Jesu.

30 Eropa arītuha ōpa arī werenemomi:

—Yū gamero ne gajinore iibea. Ne yū basi yū gamero iibea. Yūre obeodigu Īḡu gamero dopa ta iiaa. Eropigu Īḡu arīdiro dopa ta dipuwaja moaa. Eropigu masare yūhū dipuwaja moagu diaye ta iiaa.

31 “Yūhū Goāmū magū Īḡu obeodigu āhraa,” yū basi arī werēcū, “Mū werenigūiri ne diaye árībeaa,” arīboca mūa.

<sup>32</sup> Gajigu āhrimi yure weregu. Īgu Goāmū āhrimi. Īgu yure werera diaye ta āhraa. Irire yu ōaro masia.

<sup>33</sup> Mũa gajirāpũre Ñure yure serēpidore obeobũ. Eropigu ĩgu sã diaye ta weremi mũare.

<sup>34</sup> Masare yure “Goāmū ĩgu obeodigu āhrimi,” arĩ weremorāre amabeaa yũpũ. Eropa amabiriqueregu ta Ñu masũ ĩgu árĩquerecũ ta “Yure diaye ta weremi,” arãa. Mũa yure umupeoburire, mũa peamegue wabonirã mũa tariburire yure ĩgu werera “Diaye ta āhraa,” arĩ weregu iiaa.

<sup>35</sup> Ñu mũare buhemũtagũ bajamenũrigã buhemi mũare. Īgu eropa buhecũ peerã bajamenũrigã mucubiriribũ mũa.

<sup>36</sup> Ñu yũ árĩricũre weremi mũare. Īgu wereri mera yũ árĩricũre masiquererã yũ iirire ĩarã tauro masirãca. Goāmū yũ Pagũ ĩgu turari mera ĩgu yure iidorerare dohpague iigu iiaa. Ire yũ iicũ ĩarã diaye ta Goāmū ĩgu obeodigu yũ árĩcũ masirãca mũa.

<sup>37</sup> Eropiro yũ Pagũ yure obeodigu ĩgu basi yũhũ ĩgu obeodigu árĩre arĩ weremi mũare ĩgu yare erã gojarapũgue. Īgu eropa arĩ werequerecũ ta ĩgu wereniguirire ne peebeaa mũa. Eropi mũa ĩgure ne ĩabeaa.

<sup>38</sup> Yure Goāmū ĩgu obeodigũre mũa ne peediabeaa. Eropirã mũa ne Goāmū yare gamebeaa.

<sup>39</sup> Goāmū yare erã gojarapũre mũa ōaro buhea. Eropa buherã “Gũa ipũre buherã mũari nũcũ Goāmū mera eropa árĩniguirãca,” arãa mũa. Iripũ ta yure werea.

<sup>40</sup> Iripũ yure werequerecũ ta mũapũ yure gamebeaa. Mũari nũcũ Goāmū mera mũa árĩniguirire yũhũ ogũ árĩquerecũ yure gamebiribũ mũa, arĩ weremi Jesu erãre.

<sup>41</sup> Eropa arĩtuha ōpa arĩnemomi:

—Yure masa erã umupeorire amabeaa yũhũ.

<sup>42</sup> Eropa amabiriqueregu ta Goāmũre mũa mahibiricũ masia yũhũ.

<sup>43</sup> Goāmū yũ Pagũ ĩgu dorero dopa ta yũ ariquerecũ ta mũa yure gamebeaa. Gajigũpũre Goāmū ĩgu obeobiridigu ĩgu árĩquerecũ ta ĩgũpũre gamerãca mũa.

<sup>44</sup> Gajirã masa mũare erã umupeocũ gahmea mũa. Goāmū mũa mera ĩgu mucubiririre gamebeaa mũa. Īgu dihta Goāmū gohra āhrimi. Eropa gamebirã yure peebeaa mũa. Yure umupeobeaa mũa.

<sup>45</sup> Mũare yũ Pagũguere ne weresãsome yũhũ. Irire pee masique mũa. Moise ĩgu gojarapũpũ mũare weresãroca. “Iripũ maja dorerire iipehorã, Goāmū pohro warãca mũa,” arĩripũpũ mũare weresãroca.

<sup>46</sup> Moise ĩgu gojarapũ yũpũre weremũhtayoro. Eropirã iripũre ōaro umupeorã yũ sãre umupeoboaya mũa.

<sup>47</sup> Moise ĩgu gojarapũre mũa ōaro peebirã, yaha wereniguirire sãre peesome mũa, arĩmi Jesu erãre.

## 6

*Cinco mil mũmare masare bajarã gohrare bari oñumi Jesu*

*Mt 14.13-21; Mr 6.30-44; Lc 9.10-17*

<sup>1</sup> Eropa ĩgu buhera pũhrũ Galilea waĩcũri ditaru gajipũ masegue gũa Jesu mera taribuja wabũ. Galilea ditaru ta Tiberia waĩcũbũ.

<sup>2</sup> Ero core Galilea yeba Jesu dorecũrãre ĩgu ōarã ĩgu iicũ masa ĩanirã árĩma. Erã eropa ĩanirã árĩrã Jesu ĩgu taribujacũ ĩarã masa bajarã ĩgure nũrusia taribujama.

<sup>3</sup> Erogue eja, gũa ĩgu buherã ĩgu mera utãgũgue mũaria, doabũ.

<sup>4</sup> Irinꝰ Pascua waĩcꝰri bosenú árĩboro judio masa bosenú árĩboro merogã duhyabu.

<sup>5</sup> Erogue doagu, Jesu masa bajarã ĩgu pohro erã aricũ ĩhabeomi. Eropa ĩhabeogu Felipere serẽpimi Jesu:

—¿Oã masa erã baburire nohogue asũrãcuri mari? arĩ serẽpimi.

<sup>6</sup> Jesu ĩgu basi ĩgu iiburire masiqueregu ta Felipere serẽpi ĩami, “¿Dohpa yũhrigucuri?” arĩgu.

<sup>7</sup> ĩgu eropa serẽpicũ Felipepꝰ yũhrimi:

—Doscientos niyerupũri waja mera mari asũquerecũ ta, masare yu-jurãyerire mutarigã barire mari guerequerecũ ta ne sihajasome, arĩmi Felipe Jesure.

<sup>8</sup> Gua mera majagu Andrepꝰ Simo Pedro pagu magupꝰ Jesure weremi.

<sup>9</sup> —Cinco pan dipuru, perã wai ihĩ majigu ohõ opami. Iri pan dipurugã ĩgu opaquerecũ ta masapꝰ bajarã gohra ãhrima. Eropiro i merogã bari ne sihajasome, arĩmi Andre.

<sup>10</sup> —Masare doadoreque mũa, arĩmi Jesu guare ĩgu buherãre.

Ero mutarigã taacuro árĩbu. Gua doadorecũ masa árĩpehrerã doajapehrea wama taa weca. Ñma dihtare queocũ cinco mil gohra árĩma.

<sup>11</sup> Erã eropa doajacũ ĩagu Jesupꝰ panre aĩ Goãmure “Õhaa,” arĩmi. Eropa arĩtuha guare ĩgu buherãre gueredoremi. ĩgu eropa gueredorecũ guapꝰ erã doarãre guere wahgãbu. Perã wai sãre aĩ guere wahgãbu. Árĩpehrerãre erã sihajaro barire guerebu.

<sup>12</sup> Eropirã masa erã yapicũ ĩagu Jesu guare doremi:

—Erã ba duharire aĩque. Eropirã iri barire ne dedeosome, arĩmi.

<sup>13</sup> ĩgu eroparĩcũ guapꝰ cinco pan dipuru duhyarare gua gameneocũ doce puiiri gohra wiribu.

<sup>14</sup> Eropirã masa Jesu Goãmꝰ turari mera iri deyoro moariñere ĩgu iicũ ĩarã õpa arĩma:

—Diaye ta ãhraa. Ihĩ Goãmꝰ ya wereniguigu i yebague aridigu mari coredigu ta ãhrimi, arĩma erã.

<sup>15</sup> Eropirã erã Jesure erã opꝰ árĩbure acudiarima. Jesu irire masigu dipaturi yujugu ta utãgugue waha wami.

### *Jesu deco weca curiñumi*

*Mt 14.22-27; Mr 6.45-52*

<sup>16</sup> Ñamicague gua ĩgu buherã dihta ditarugue buhabu.

<sup>17</sup> Eroguere buhaja dohodirugue ñaja, Capernaum waĩcꝰri macague taribujabu. Gua eropa taribujacũ ñamigue árĩbu. Eropigu Jesu gua pohrogu arinibirimi dohpa.

<sup>18</sup> Miruñe turaro aricũ gua taribujariyaguere pãgũri wahgãbu.

<sup>19</sup> Cinco kilómetros gohra gua taribujara pũhrũ Jesu gua pohrogu arimi. Deco weca nigui wahgãricũ ĩabu gua ĩgure. Eropa gua pohro ĩgu aricũ ĩarã gua güibu.

<sup>20</sup> Gua güicũ ĩagu ĩgu guare weremi:

—Ne yũre ĩha ucabiricãque. Guñaturarã árĩque. Yũhu ta ãhraa, arĩmi Jesu.

<sup>21</sup> ĩgu eroparĩcũ peerã gua ĩgure mucubiriri mera bocatĩri ñajadorebu. ĩgu ñajara pũhrugã gua wara yebaguere taribujajabu.

### *Masapꝰ Jesure amañuma*

<sup>22-24</sup> Gajinꝰ masa ero dujanirãpꝰ gamenerenũgañorã daja Jesure corerã. Iri ñamire gua yaru mera gua dihta taribujacũ ĩanirã árĩma erã. Jesu

gua mera ĩgu wabiricũ sãre ĩanirã árĩma erã. Eropa gamenererã Jesure bocabiriñorã. Bocabiri ero pohro Tiberiague ariri gasi tuhajacũ ĩañorã. Jesu Goãmure “Õhaa,” arĩ, masare ĩgu bari guerediro pohroñarigue árĩyoro. Eropirã Jesu gua sã maricũ ĩarã, iri gasigue ñaja, Capernaumgue guare nũrusia taribujajama. Jesure ahma nũrusiagãrã iima erã.

*Yũhu ojocarĩre ogu, bari iro dopa árĩgu ãhraa, arĩ wereñumi Jesu masare*

<sup>25</sup> Ditarure taribuja, gua árĩroque eja, Jesure bocajanijarã erã serẽpima ĩgure:

—Buhegu, ¿dohpãricũ ahrari mũhu õguere? arĩ serẽpima erã ĩgure.

<sup>26</sup> Erã eropa arĩ serẽpicũ, Jesu erãre weremi:

—Diaye arĩgu iiaa mũare. Deyoro moarire yu ĩiquerecũ ta yũpũre umupeobeaa mũa. Yũre umupeobiriquererã ta yũre ahmaa mũa. Yũ mera pagari baha, mũa yapinirã árĩrã yũre amagãrirã ĩiaya daja.

<sup>27</sup> Bari ne árĩniguibeaa. Pũhrũ pehrea wahaa iri. Eropirã irire eropa amaniguibiricãque. Gaji bari gajiropa árĩri baripũre amaque mũa. Iri barire amarã mũuri nũcu Goãmũ mera árĩrãca. Eropiro iri bari tamera ne pehrebeaa. Iri barire yũhu masũ Goãmũ ĩgu obeodigu mũare ogu. Goãmũ yũ Pagũ yũre irire odoregu ãhrimi. ĩgu obeodigu yũ árĩrire ĩhmutuhami mũare, arĩmi Jesu.

<sup>28</sup> ĩgu eroparĩcũ erã serẽpima ĩgure:

—¿Goãmũ iidorerire iimorã dohpa iirãcuri gua? arĩ serẽpima erã.

<sup>29</sup> —Ire Goãmũ mũare iidoremi: “Yũre ĩgu obeodigũre umupeoque,” arĩ doremi Goãmũ, arĩmi Jesu.

<sup>30</sup> ĩgu eroparĩcũ peerã erã õpa arĩma:

—Goãmũ ĩgu obeodigu mũ árĩgu ĩgu turari mera ĩi ĩhmuque guare mũre gua õaro umupeoborore. ¿Ñehenore ĩibocuri mũhu?

<sup>31</sup> Mari ñecu sũmarã mũrague iribojegue majarã masa mariroque mana waĩcũri dipurure bamũriñorã. Goãmũ yare erã gojaripũgue õpa arĩ wereyoro: “ĩgu erãre mũmaro maja dijuri barire omũripũ erã baburire,” arĩ gojañuma Goãmũ yare erã gojarapũgue. ¿ĩgu eropa ĩidiro dopa ta ĩigu ĩiri mũ sã? arĩma erã.

<sup>32</sup> Erã eroparĩcũ Jesu weremi erãre:

—Diaye mũare arĩgu iiaa. Moisepũ iri mũmaro maja barire mũa acawererãre obiriñumi. Yũ Pagũpũ mũmaro maja barire diaye maja barire mũare ogu ãhrimi.

<sup>33</sup> Goãmũ ĩgu bari mũmaro dijari árĩpehreri yeba majarãre ojocarĩre omasia, arĩmi Jesu.

<sup>34</sup> —Opũ, mũuri nũcu iri barire oque guare, arĩma erã.

<sup>35</sup> Erã eroparĩcũ peegu Jesu weremi erãre:

—Yũpũ ojocarĩre ogu bari iro dopa árĩgu ãhraa. Mari ya barire barã matagã ta oaboahaa mari. Ihriri sãre mari ihrira pũhrũgã ta ñemesibua daja. Yũre gamegũpũ, yũre umupeogũpũ, ne oaboabigu ñemesibubigu iro dopa ĩgu õaro árĩri ne pehresome ĩgure.

<sup>36</sup> Mũapũ yũre ĩaquererã ta umupeonibeaa dohpa. Irire ta mũare wererabũ yũhu.

<sup>37</sup> Árĩpehrerã yũ Pagũ yarã árĩmorãre ĩgu añirãpũ yũre gamerãcoma. Eropigu yũre gamerãre ne cóãsome yũhu.

<sup>38</sup> Mũarogue arĩgu yũ gamero ĩigu arĩgu ĩibiribũ. Yũre obeodigu ĩgu gamero dopa ta ĩigu aribũ.

39 Ita árĩbũ yũre obeodigũ ãgũ gameri gohra: Árĩpehrerã yaharã árĩmorã yũre ãgũ onirãre yũ dedeobiricũ gahmemi. Yũre obeodigũ pehrerinũ árĩcũ erãre yũ masucũ gahmemi.

40 Árĩpehrerã yũre Goãmũ magũre ãarã, yũre umupeorã umuri nũcũ ãgũ mera erã árĩcũ gahmemi yũ Pagũ. Eropigũ pehrerinũ árĩcũ erãre masugũra, arĩmi Jesu.

41 “Yũhũ umarogue ariri bari iro dopa árĩgũ ãhraa,” ãgũ arĩcũ peerã judio masa gũa oparãpũ ãgũ mera guarã, erã basi Jesure ñero arĩ wereniguima.

42 —¿Ihĩ Jesu José magũ árĩbeari? ãgũ pagũ, ãgũ pago sãre mari masia. ¿Eropa árĩqueregũ ta duhpigũ “Umárovũ aribũ,” arĩ wereniguiri ãgũ? arĩ guama erã.

43 Erã eroparĩcũ peegũ Jesu weremi erãre:

—Mũa basi yũre ñero arĩ wereniguibiricãque.

44 Yũ Pagũ yũre obeodigũpũ masare yũre gamecũ iimi. ãgũ eropiibiricũ masapũ yaharã árĩmasibiriboñuma. Pehrerinũ árĩcũ yaharãre masugũca yũhũ.

45 Goãmũ ya weremũhtanirãpũ õpa arĩ gojañuma: “Goãmũ erãre buhegũcumi,” arĩ gojañuma. Árĩpehrerã yũ Pagũ ãgũ buherire peerã ãgũre yũhrirã yũre gahmema. Eropirã yaharã ãhrima.

46 “Yũ Pagũre ne yujugũ masũ ãabeami. Yũhũ Goãmũ ãgũ obeodigũ dihta yũ Pagũre ãabũ.

47 Diaye arĩgũ iiaa mũare. Yũre umupeogu árĩpehrerinũri yũ Pagũ mera árĩniguigũcumi.

48 Yũpũ ojocaririre ogũ bari iro dopa árĩgũ ãhraa.

49 Mũa ñecũ sũmarã mũragũe masa mariogue manare bamũriñorã. Eropa irire baquererã ta sĩria wañorã.

50 Umárovũ ariri baripũre masũ bagũ ne sĩrisome.

51 Yũhũ umarogue ariri bari ojocaririre ori bari iro dopa árĩgũ ãhraa. I barire bagũ umari nũcũ yũ Pagũ mera eropa árĩniguigũcumi. I bari ojocaririre ori bari iro dopa árĩri yũ dũpũ ta ãhraa. Árĩpehreri yeba majarã Goãmũ mera eropa erã árĩniguiburire yũ dũpũre ogũra. Eropa ogũ sĩrigũca, arĩmi Jesu.

52 ãgũ eroparĩcũ peerã judio masapũ õpa arĩ wereniguima erã basi:

—¿Ihĩ dohpã ii ãgũ dũpũre baburi ogũcuri? arĩma erã erã basi.

53 Erã eroparĩcũ peegũ Jesu weremi:

—Diaye arĩgũ iiaa mũare. Yũhũ Goãmũ ãgũ obeodigũ ãhraa. Yũ dũpũre babigũ, yũ dire ihribigũ Goãmũ mera árĩsome.

54 Yũ dũpũre bagũre, yũ dire ihrigũre, pehrerinũ árĩcũ masugũra.

55 Yũ dũpũ diaye ta bari gohra iro dopa ãhraa. Yũ di diaye ta ihriri gohra iro dopa ãhraa.

56 Yũ dũpũre bagũ yũ dire ihrigũ yũ mera mucubiriri mera árĩniguigũcumi. Eropigũ yũhũ ãgũ mera mucubiriri mera árĩniguigũca.

57 Yũ Pagũ yũre obeodigũ eropa árĩniguicãmi. Eropa árĩniguigũ yũ sãre eropa árĩniguicũ iimi. Eropirã yũre eropa árĩniguigũre masa barã, Goãmũ mera umaroguere eropa árĩniguirãcoma erã sã.

58 Ita ãhraa umarogue ariri bari. Mari ñecũ sũmarã mũra erã bara mũra iro dopa árĩbeaa i bari. Erãpũ iri barire baquererã ta sĩria wañorã. I baripũre bagũ umaroguere eropa árĩniguicãgũcumi, arĩmi Jesu.

59 Capernaum judio masa gũa buheri wihi Jesu buhegũ, eropa weremi.

*Jesu ĩḡu buherire peerã ɯmarogue eropa árĩniguirãca mari, arĩ gojañumi Ñu*

<sup>60</sup> ĩḡu eropa wereniguicũ peerã bajarã gwa watope árĩrã Jesure gamerã, ĩḡure nurusianirã õpa arĩ wereniguima:

—I buheri diasa añraa. Eropirã mari peediabiriñaria, arĩ wereniguima erã erã basi.

<sup>61</sup> Erã eroparĩcũ Jesupũ erã wereniguirire masimi. Eropa masigũ ĩḡu erãre serẽpimi:

—¿I buherire peerã guari mũa?

<sup>62</sup> ¿Yũhũ masũ Goãmũ ĩḡu obeodigũ ɯmarogue dujaa wacũ dohpa wabocuri mũa?

<sup>63</sup> Masũ ĩḡu sĩporãre opagũ ojocarimi. ĩḡu dũpũpũ ĩḡure ojocaricũ iibeaa. Masũre ĩḡure ĩḡu sĩporã ojocaricũ iro dopa ta yũ buheripũ mũare Goãmũ mera eropa árĩniguicũ iiaa.

<sup>64</sup> Gajirã mũa mera majarã ne yũre umupeobeama, arĩmi Jesu.

Negohraguere Jesu ĩḡure umupeobiribonirãre masituhajapũ. ĩḡure ĩhaturirãre wiabu sãre mata masituhapũ. Eropa masigũ “Gajirã mũa mera majarã yũre umupeobeama,” arĩmi Jesu gũare.

<sup>65</sup> Eropa arĩtuhaja õpa werenemomi:

—Õpa arĩ wererabũ mũare. “Yũ Pagũpũ masare yũre gamecũ iimi. ĩḡu eropa iibiricũ masapũ yaharã árĩmasibiriboñuma,” mũare arĩrabũ, arĩmi Jesu.

<sup>66</sup> ĩḡu eropa arĩ buhecũ peerã bajarã Jesure gamenirã mũra ĩḡure cohã, ĩḡu mera dipaturi wabirima.

<sup>67</sup> Erã eropa iicũ ĩagũ Jesu gũare doce ĩḡu buherãre serẽpimi:

—¿Mũa sã yũre cóãcãrãcuri? arĩ serẽpimi gũare.

<sup>68</sup> ĩḡu eroparĩcũ Simo Pedro yũhrimi ĩḡure:

—Opũ, gũare gajigũ buhegũ marimi. Mũ buherire peerã Goãmũ mera eropa árĩniguirãca gwa. Mũ buheri dihta irire werea gũare.

<sup>69</sup> Eropirã gwa mũre umupeoa. Eropa mũhũ õagũ, Goãmũ magũ ĩḡu obeodigũ mũ árĩcũ gwa masia. Eropirã mũre cóãsome gwa, arĩmi Simo Pedro Jesure.

<sup>70</sup> ĩḡu eroparĩcũ peegũ Jesu weremi gũare:

—Yũpũ mũare doce majarãre beyebũ. Yujugũ mũa mera majagũ watĩ yagũ árĩbu añhrimi, arĩmi gũare ĩḡu buherãre.

<sup>71</sup> Eropa arĩḡu Judare Simo Iscariote magũre arĩḡu iimi. Judapũ doce gwa mera majagũ Jesure ĩhaturirãre wiabu arĩmi.

## 7

*Jesu pagũ porã ĩḡure peediabiriñuma*

<sup>1</sup> Pũhrũ gwa mera Jesu Galilea yeba curigũ wami. Judea yeba majarã judio masa ĩḡure wejẽdiañorã. Erã eropa wejẽdiacũ masigũ ĩḡu iri yebare wabirimi.

<sup>2</sup> Judio masa mũa wirigã gwa iiburinũ bosenu merogã dũhyabũ.

<sup>3</sup> Eropirã Jesu pagũ porã ĩḡure werema:

—Judeague bosenure ĩagũ waque. Ero mũa yarãre deyoro moarire ii ĩhmuḡũ waque mũhũ.

<sup>4</sup> Masare deyoro moarire ii ĩhmudiagũ mũre dibubiricãro gahmea. Deyoro moarire iigũ arĩḡu arĩpẽhrerã erã ĩhuro iique, arĩma erã.

<sup>5</sup> ĩḡu pagũ porã arĩquererã ta Jesure “Goãmũ magũ añhrimi,” arĩbirima. Eropirã eropa arĩma erã ĩḡure.

<sup>6</sup> Erã eropa arĩra pũhrũ Jesu weremi erãre:

—Masa yũre erã ðaro masiburisubu dũhyania dohpa. Mũapũ bosenure ãadiarã waque.

<sup>7</sup> Ero majarã mũare ãhaturibeama. Yũpũre erã ñeri iirare yũ werecũ yũre ãhaturima.

<sup>8</sup> Mũa seyaro bosenu áricũ waque. Yũpũre yũ waburisubu dũhyania dohpa. Eropigũ yũpũ bosenure ãagũ wanibea dohpa, arĩmi Jesu erãre.

<sup>9</sup> Eropa arĩgũ ãgũ Galilea dujami.

*Mũa wirigã erã iirinũri bosenu áricũ wañumi Jesu Jerusaléngue*

<sup>10</sup> Bosenugue Jesu ãgũ pagũ porã erã wara pũhrũ Jesu sã gũa mera erã pũhrũ wami. Eropa wagũ masa erã ãabiririsubu wami.

<sup>11</sup> Bosenu arĩrã judio masa gũa oparã ãgũre amañorã:

—¿Nohogue áricuri ãgũ? arĩ serẽpiñorã.

<sup>12</sup> Eropirã masa bajarã Jesure werewũañorã. Gajirã, “ãgũ ðagũ ãhrimi,” arĩañorã. Gajirãpũ, “ãgũ ñegũ ãhrimi. Masare gũyagũ ãhrimi,” arĩ werewũañorã.

<sup>13</sup> Eropa arĩquererã judio masa gũa oparãre gũirã, masa erã ãabirogue Jesure werewũañorã.

<sup>14</sup> Gũa erogue ejara pũhrũ bosenu deco Jesu Goãmũ wihigue ñajaja buhemi.

<sup>15</sup> ãgũ eropa buhecũ judio masa mũca wa ðpa arĩma:

—¿ãhĩ buherogue buhebigũ arĩqueregũ ta duhpigũ ðaro masipehori ãgũ? arĩma erã ãgũre.

<sup>16</sup> Erã eroparĩcũ Jesu weremi erãre:

—Yũ buheri yaha wereniguiri áribea. Yũre obeodigũ ya wereniguiripũ ãhraa i buheri.

<sup>17</sup> Goãmũ gamerire iidiarã yũ buherire “Goãmũ wereniguiri ta ãhraa,” arĩ masirãcoma. Yũ buheri yaha wereniguiri dihta áribiricũ sãre masirãcoma.

<sup>18</sup> Yũjugũ ãgũ gamero ãgũ masiri mera buhegũ arĩgũ “Yũ dihtare umupeoque,” arĩgũ ãhrimi ãgũ. Yũre obeodigũpũre mũca umupeocũ gahmea yũpũ. Yũ eroparĩcũ peerã, “Diaye ta wereniguimi ãgũ. Ne gũyabeami,” arĩ masirãca mũca.

<sup>19</sup> “Goãmũ dorerire Moise mũrũpũ apimũriñumi mũare. ãgũ eropa apiquerecũ ta mũca áripẽhererã iri dorerire ne yũhribeaa. ¿Duhpirã yũre wejẽdiari mũca? arĩmi Jesu judio masare.

<sup>20</sup> —Mũ goroweregũ ãhraa. Mũre wejẽdiarã marima, arĩ yũhrima erã Jesure. Erã eroparĩcũ Jesu yũhrimi:

<sup>21</sup> —Yũhũ soorinũ yũjusubu Goãmũ ãgũ turari mera dorecũgũre ãgũ dorere yũ cóãcũ mũca ãha mũca wabũ.

<sup>22</sup> Mari ñecũ sũmarã iribojegue majarãpũ erã dũpũre merogã gasirogãre wiri arĩrã erã arĩdiro dopa ta Moise wiridoreñumi. ãgũ eropa dorecũ majirãgãre ocho nũri erã masa dehyoara pũhrũ soorinũ arĩquerecũ ta erã dũpũre merogã erã gasirogãre wiri aĩmũria mũca.

<sup>23</sup> Mari soorinũ áricũ majirãgãre erã dũpũre merogã gasirogãre wihria mũca Moise doreri iimorã. ¿Mũa sã soorinũ irire iiquererã ta irinũ dorecũgũre yũ taucũ duhpĩrã yũ mera guari mũca?

<sup>24</sup> Yũ iirare mũca ðaro masibiriboro core, yũre ñero pepibiricãque. Mũa ðaro masira pũhrũ yũre mũca ñero pepicũ diaye ta arĩroca, arĩmi Jesu.

*Jesu negohraguere ãgũ aridirore wereñumi*

25 Īḡu eropa arī werera p̄hr̄u bajamerāgā Jerusalén majarā ōpa arī wereniñorā:

—¿Ihī mari oparā erā wejēdiagu árībeari?

26 Eropigū ĩḡure erā wejēdiaquerecū ta árīpehrerā masare buheḡu iimi ĩḡu. Eropirā ĩḡure wejēdianirā árīquererā ta eropa ĩacāma. Eropa ĩacārā ĩḡure “Īḡu diaye ta Cristo Goām̄u ĩḡu obeodigū āhrimi,” ¿arī pepibocuri oparāp̄u? Marip̄u masia. Cristo árībiribocumi.

27 Ihī Jesu ĩḡu aridirore ḡua masia. Cristop̄u ĩḡu árīcū ĩḡu aridirore masiya mara. Eropigū Cristo gohra árībeami Jesu, arī werewuañorā erā Jerusalén majarā.

28 Erā eropa arīrare masigū, Jesu ōpa turaro bus̄uro werenigui buhemi Goām̄u wihi:

—Ȳure ōpa arī pepia m̄ua: “Īḡure masia ḡua. Eropirā ĩḡu aridiro s̄are masia,” arī pepiraa m̄ua ȳure. M̄ua eropa arī pepiquererā ta ȳu gamero aribirab̄u. Ȳure obeodigū gohrare masibea m̄ua. Ȳure obeodigū diaye árīḡu, diaye iigū āhrimi.

29 Īḡu ta ȳure obeomi. Eropigū ĩḡu pohrogue arib̄u. Eropigū yuh̄u ĩḡure masia, arīmi Jesu judio masare.

30 Īḡu eroparīcū peerā ĩḡure ñeadiarima. Erā eropa ñeadiaquerecū ta Jesu ĩḡu ñero tariburisub̄u árībiriyo dohpa. Eropirā erā ĩḡure ñeamasibirima.

31 Gajirā masap̄u bajarā ĩḡure umupeoma. Ōpa arīma:

—“Cristo bajasuburi Goām̄u turari mera deyoro moarire ii ĩh̄muḡacumi,” erā arī werediro dopa ta ihī Jesup̄u bajasuburi Goām̄u turari mera ii ĩh̄mumi. Árīpehrerā gajirā tauro Goām̄u turari mera ii ĩh̄mumi ĩḡu. Eropigū Cristo Goām̄u ĩḡu obeodigū ta āhrimi Jesu, arīma Jesure ne umupeon̄ugarāp̄u.

### *Fariseo masa Jesure peresu iidoreñuma*

32 Masa Jesure eropa arī wereniguicū peerā pahia oparā, fariseo masa mera Jesure ñeadorerā obeoriñorā surarare.

33 Eropigū Jesu masare ōpa arīmi:

—Bajamen̄rigā m̄ua mera árīniḡuca. Eropigū p̄hr̄uñarigā ȳure obeodigū pohro waḡuca.

34 Ȳu árīborore m̄ua wamasibea. Eropirā ȳure amaquererā ta ne bocasome m̄ua, arīmi Jesu masare.

35 Īḡu eroparīcū peerā erā judio masa ōpa arī wereniguiñorā:

—¿Ihī eropa arīḡu nohogue waḡucuri m̄ua pepicū? ¿Griego masa pohrogue judio masa wasirinirā pohrogue erā árīri macarigue Griego masaguere buheḡu wabocuri ihī?

36 “Ȳu árīborore m̄ua wamasibea. Eropirā m̄ua ȳure amaquererā ta ne bocasome,” ĩḡu arīḡu ¿dohpa arīronore ĩḡu eropa arīri? arī wereniguiñorā judio masa erā basi.

### *Ojocaricū iriyarire wereñumi Jesu*

37 Bosenu ojogoroc̄urin̄u irin̄u ḡuhyadiarin̄u gohra árīro iib̄u. Irin̄u Jesu ero nigui, turaro mera weremi masare:

—Ñemesiburā decore turaro gamero dopa árīrā um̄uri n̄ucu Goām̄u mera turaro árīdiarā ȳure serēque. M̄ua eropa serēcū ĩḡu yarā árīdoreḡura m̄uare.



38 Yure umupeoräre öpa arĩ gojañuma Goãmũ yare erã gojarapũgue: “Erã sĩporãriguere ojocaricũ iiri deco eropa árĩniguicãroca,” arĩ gojañuma, arĩ turaro weremi Jesu masare.

39 “Erã sĩporãriguere ojocaricũ iiri deco eropa árĩniguicãroca,” arĩgu “Yure umupeorã Espĩritu Santore oparãcoma” arĩgu iimi Jesu. Īgu ɯmarogue Īgu m̄rianibiricũ dohpa Espĩritu Santopũ arinibirimi dohpa erãre.

*Judio masa dũca warĩñuma pe curu*

40 Jesu Īgu eroparĩcũ peerã, masa bajarã öpa arĩ wereniguima:

—Ihĩ diaye ta Goãmũ yare weremũhtagũ mari coredigũ ta ãhrimi, arĩ wereniguima.

41 Öpa arĩma gajirã sã:

—Ihĩ Cristo marire taubu ãhrimi, arĩma.

Gajirãpũ öpa arĩma:

—Cristo árĩgu Galilea majagu árĩsome ĩgu. Ihĩ Jesupũ ero majagu ta ãhrimi.

42 Cristo Davi m̄rũ pãrami gajisubu majagu arigu árĩbocumi. Eropigu Davi ya maca m̄raro Belén waĩcũri maca masa dehyoagũcumi Cristopũ. Eropã ta arĩ werea Goãmũ yare erã gojarapũ. Ihĩ Jesupũ Belén macague masa dehyoabiripũ. Eropigu ĩgu Goãmũ ĩgu obeodigu Cristo gohra árĩbeami, arĩrima erã.

43 Eropirã Jesure peenirã gajirã umupeo gajirãpũ umupeobirã árĩnjarã game dũca warima pe curu.

44 Eropirã bajamerãgã Jesure ñeadiarima. Eropã ñeadiaquererã ta ĩgure ñeabirima.

*Judio masa oparã Jesure ne umupeobirĩñuma*

45 Eropirã surara pahia oparã pohrogue fariseo pohrogue dujaa wañorã daja. Erã dujacũ ĩarã erã surarare serẽpiñorã:

—¿Duhpirã Jesure ñeagãribirari m̄a? arĩñorã.

46 —Īgu öatariaro wereniguigu ãhrami. Gajirã ĩgu iro dopa wereniguirã ne marima, arĩ yãhriñorã surara erãre.

47 Erã eroparĩcũ fariseo masapũ öpa arĩ wereñorã:

—¿M̄are ĩgu gũyacũ, “Diaye ta arĩgu iimi,” arãri m̄a sã?

48 Mari oparã Jesure ne umupeobeama. Gũa sã eropirã ĩgure umupeobea.

49 Oã masa Goãmũ dorerire Moisere ĩgu apirare masibeama. Eropã masibirã árĩrã Jesure umupeoma. Erã eropã umupeori dipuwaja mari Pagũ Goãmũ erãre dipuwaja moagũcumi, arĩñorã fariseo masa.

50 Nicodemo fariseo masũ Jesure weretamugũ ejadigu ero árĩpũ erã mera. Erã eroparĩcũ peegũ öpa arĩpũ ĩgu erãre:

51 —Jesu ĩgu ñero iirare masibeaa mari. Eropã masibirã ĩgu marire wereboro core ĩgure dipuwaja moamasibeaa mari. Eropã masibiriquererã ta ĩgure dipuwaja moarã, mari ya dorerire tarinũgarã iiaa mari, arĩpũ Nicodemo erãre.

52 Īgu eroparĩcũ peerã öpa arĩ yãhriñorã erã:

—¿M̄ sã ĩgu iro dopa ta Galilea majagu ta ãhriri? Goãmũ ya erã gojarapũre buhepehoque. Eropã buhegu, “Goãmũ yare weremũhtagũ ne yujugũ Galilea majagu marimi,” arĩ masigũca m̄hũ, arĩ yãhriñorã erã Nicodemore.

53 Erã eropã arĩra pũhrũ erã ya wirigue dujaa wañorã.

## 8

*Ɛmɔ mera ñero iidigore judio masa oparã dipuwaja moadiariñuma*

<sup>1</sup> Jesupɔ ɪɔ seyarɔ utãɔɔgue Olivo waĩcudigugue waha wami.

<sup>2</sup> Gajinɔ Goãmɔ ya wihigue ɔua wabɔ daja. Jesu ejacũ ɪarã masa bajarã ɪɔ pohro gamenerema. Erã gamenerecũ ɪɔɔpɔ doanijagɔ erãre buhenɔɔɔɔɔɔ.

<sup>3</sup> ɪɔ erɔpa buhero watope judio masa buherã, fariseo masa mera iri wihigue nomeore aĩ ñajajama. Igo marapɔcɔɔɔɔɔɔɔ gajigɔ mera igo ñero iicũ bocañaorã erã igore. Erɔpa bocañarã igore Goãmɔ wihigue aĩ ñajama erã igore dipuwaja moadorerã. Aĩ ñajatuha árĩpehrerã ɔua ɪaro igore duhu nuguma.

<sup>4</sup> Duhunugu òpa arĩma Jesure.

—Buheɔ, igo marapɔcɔɔgo árĩɔɔɔɔɔ gajigɔ mera ñero iigo iicũ bocañabɔ.

<sup>5</sup> Moise dorerire òpa ãhraa: “Ɛmɔ mera ñero iidigore utã mera dea wejẽcãque,” arĩyoro Goãmɔ doreri. ¿Mɔca dohpa arĩ pepiri ire? arĩ serẽpima erã Jesure.

<sup>6</sup> Jesu ɪɔ ñero wereniguicũ peediarã iirima erã ɪɔɔre weresãmorã. Erã erɔpa serẽpiquerẽcũ ta Jesupɔ muhmusiu dija, yebague ɪɔ mujusĩru mera gojami.

<sup>7</sup> Eropigɔ erã erɔpa serẽpiniguicũ peegɔ Jesupɔ wahgã doaja, erãre weremi:

—Mɔa mera majagɔ ñero iibigɔ árĩɔɔ igore utã mera deanɔɔɔɔɔ, arĩmi Jesu.

<sup>8</sup> Erɔpa arĩtuha dipaturi muhrisiu dija, yebague gojami daja.

<sup>9</sup> Irire peerã igore aĩ ñajarinirãpɔ erã ñeri iirare ɔuñarã, erã tĩrãpɔ wiria wamũhtama. Erã pũhrɔ erã mera majarã sã wiriapehrea wama. Eropigo nomeo dihta Jesu pohro dujanɔɔɔɔ.

<sup>10</sup> Eropigɔ Jesu wahgã doaja, igore serẽpimi.

—¿Nohogue ãhriri erã? ¿Mɔre dipuwaja moadianirã mariri dohpaguere? arĩmi igore.

<sup>11</sup> —Marima, opɔ, arĩ yũhrimo igo.

—Yɔ sã dipuwaja moabeaa mɔre. Waque. Eropigo ñerire iinemobiricãque, arĩmi Jesu igore.

*Jesu i yeba majarãre boyoro iro dopa Goãmɔre masicũ iimi, arĩ gojañumi*  
*Ñu*

<sup>12</sup> Dipaturi Jesu iri wihigue árĩrãre weremi:

—Boyoro iro dopa yũhɔ i yeba majarãre Goãmɔre masicũ iiaa. Yɔre umupeogɔ Goãmɔ mera erɔpa árĩniguicãɔɔɔɔ. Eropigɔ ɪɔ boyorogue árĩɔɔ dopa ta òarire ɔuñagɔɔɔ. Eropigɔ ɪɔ ñerire ɔuñadiabeami, arĩ weremi Jesu.

<sup>13</sup> ɪɔ erɔparĩcũ peerã fariseo masapɔ òpa arĩma.

—Mũhɔ mɔ basi mɔ árĩricãrere erɔpa arĩ wereniguimaacãɔɔ iiaa. Mɔ òpa arĩ wereniguiri ne waja mara, arĩma erã Jesure.

<sup>14</sup> Erã erɔparĩcũ Jesu yũhrimi:

—Yũhɔ, yɔ aridirore masia. Yɔ waboro sãre masia. Mɔpɔ ne irire masibeaa. Eropigɔ yɔ basi yɔ árĩricãrere werequereɔ iri yɔ werera diaye ta ãhraa.

<sup>15</sup> Mɔa sihajaro mɔa sã ɪara dihtare masia mɔa. Eropirã mɔa yɔre werewɔaa. Yũhɔ mɔa iro dopa ta werewɔabeaa.

<sup>16</sup> Masa erã árĩricurire ñagũ yũhũ yujugũ ta ñhamasibea. Yũ tamera yũre obeodigũ mera masia. Eropigũ yũhũ masa erã árĩricurire diaye ta ñha masia.

<sup>17</sup> Muare doreri erã gojarapũ õpa arĩ werea: “Masa perã erã yujuro mera erã werecũ erã wereri diaye ta ñhraa,” arĩ were gojañuma.

<sup>18</sup> Yũre weregũ mera gũa perã ñhraa. Yũhũ, yũ árĩricurire werea. Eropigũ yũ Pagũ sã weremi yũre. Ñgũ ta ñhrimi yũre obeodigũ, arĩmi Jesu.

<sup>19</sup> —¿Nohogue ñhriri mũ Pagũ? arĩ serẽpima erã.

—Yũre mũa masibea. Yũ Pagũ sãre masibea. Yũre masirã, yũ Pagũ sãre masiboaya, arĩ yũhrimi Jesu erãre.

<sup>20</sup> Jesu erãre buhegũ eropa arĩ wereniguimi Goãmũ wihigue erã niyeru apiri comoro pohro. Ñgũ ñero tariburisubu ejabiribũ dohpa. Eropirã erã mera ñgũ árĩquerecũ ta ñgũre ñeabirima.

*Yũ waboroguere mũapũ wamasisome, arĩñumi Jesu*

<sup>21</sup> Dipaturi masa mera gũa árĩrisubu Jesu erãre weremi daja:

—Yũ aridirogue wagũca. Yũ wara pũhrũ yũre amarãca mũa. Yũ waboroguere mũapũ wamasisome. Eropirã mũa ñeri dipuwajacurã sĩrirãca, arĩ weremi Jesu.

<sup>22</sup> “Yũ waboroguere mũapũ wamasisome,” ñgũ arĩcũ peerã,

—¿Ñhĩ ñgũ basi wejẽ sĩrigucuri eropa arĩgũ? arĩma judio masa erã basi.

<sup>23</sup> Erã basi erã eroparĩcũ Jesu weremi erãre:

—Mũapũ i yeba majarã ñhraa. Yũpũ mũmaro majagũ ñhraa. I yeba dehyoanirã ñhraa mũapũ. Mũmarogue aridigũ ñhraa yũpũ.

<sup>24</sup> Muare yũ árĩricurire yũ werecũ “Diaye árĩbea,” mũa arĩrã, mũa ñeri dipuwajacurã sĩrirãca mũa. Eropigũ “Mũa ñeri dipuwajacurã sĩrirãca,” arĩrabũ muare, arĩmi Jesu erãre.

<sup>25</sup> —¿Noano ñhriri mũhũ? arĩ serẽpima erã.

—Neguere yũ muare arĩdiro dopa ta ñhraa yũhũ.

<sup>26</sup> Muare yũ wereburi wũaro duhyania. Eropiro mũa ñeri dipuwajare muare yũ wereboro wũaro duhyaa dohpa. Eropigũ yũre obeodigũre yũ peerare i yeba majarãre werea. Ñgũ werera diaye ta ñhraa, arĩmi Jesu erãre.

<sup>27</sup> “Yũre obeodigũ,” ñgũ arĩcũ peerã “Mari Pagũ árĩcumi,” arĩ pepibirima erã.

<sup>28</sup> Erã eropa arĩ pepibiricũ ñagũ Jesu weremi erãre:

—Yũre masure Goãmũ ñgũ obeodigũre mũa crusa mera pabia añ wahgũ nugurãca. Mũa eropa iirã, “Ñgũ Goãmũ ñgũ obeodigũ ta ñhrimi,” arĩ masirãca yũre. Eropirã yũ gamero dopa ta iibigũ yũ árĩrire masirãca. Eropirã yũ Pagũ ñgũ yũre ñgũ buhera dihtare weregũ yũ arĩcũ sãre masirãca mũa.

<sup>29</sup> Eropigũ yũre obeodigũpũ yũ mera ñhrimi. Ñgũ gamerire mũmuri mũcũ iiniguia. Eropigũ ñgũ yũre ne cóãbeami, arĩmi Jesu.

<sup>30</sup> Ñgũ eroparĩcũ peerã masa bajarã ñgũre umupeoma.

*Goãmũ porãre, ñerire iirã sãre wereñumi Jesu*

<sup>31</sup> Eropirã gajirã judio masa Jesure umupeoma. Eropigũ Jesu erãre weremi:

—Yũ dorerire ipehorã arĩrã, diaye ta yũ buherã ñhraa mũa.

<sup>32</sup> Eropirã diaye ta masirãca mũa. Diaye árĩrire masirã, ñero iirire duhumasirãca. Eropirã pohro majarã wiunirã iro dopa arĩrãca mũa, arĩmi Jesu erãre.

<sup>33</sup> Ñgũ eroparĩcũ peerã erã õpa arĩ yũhrima daja:

—Guaꝑu iribojegue majagu mũꝑu Abrahã pãramerã árituriarãgue ãhraa. Eropirã ne gajirã pohro majarã árĩbeaa gua. Eropigu “Pohro majarã wiunirã iro dopa árĩrãca,” arĩgu ¿dohpa arĩgu eropa arĩri mũhu? arĩ serẽpima erã Jesure.

<sup>34</sup> Erã eroparĩcũ peegu Jesu õpa arĩmi erãre:

—Diaye mũare arĩgu iiaa. Árípehrerã ñerire iirãꝑu erã ñeri iirire duhumasibeama. Eropiro iri ñeripũ erãre dorea. Eropa árĩrã árĩrã pohro majarã iro dopa ãhrima erã.

<sup>35</sup> Pohro majaguꝑu ĩgu opu magu iro dopa árĩbeami. Doreri opabeami. Iri wihi majagu maguꝑu umuri nũcu diaye ta ĩgu pagu doreri opami.

<sup>36</sup> Yũhu Goãmu magu ãhraa. Eropigu ĩgu doreri opaa. Eropirã mua ñerire yũ duhucũ iinirã árĩrã diaye ta ñerire duhunirã árĩrãca mua.

<sup>37</sup> Abrahã mũꝑu pãramerã árituriarã mua árĩcũ masia. Eropa árĩquererã ta yũ wereripũre peediabeaa mua. Eropirã yũre wejẽdiaa mua.

<sup>38</sup> Yũ Pagu ĩgu yũre masicũ iirare werea mũare. Yũ eropa werequerecũ ta mua pagu ĩgu doreripũre iiaa mua sã, arĩmi Jesu erãre.

<sup>39</sup> —Abrahã mũꝑu iribojegue majagu gua pagu mũꝑu árĩmũripũ, arĩ yũhrima erã.

Erã eroparĩcũ Jesu yũhrimi:

—Abrahã mũꝑu porã árĩrã ĩgu iidiro dopa ta iiboaya mua.

<sup>40</sup> Goãmu yũre diaye ĩgu wererire mũare yũ werequerecũ ta yũre wejẽdiaa mua. Abrahã mũꝑu ne eropa iibiridi arĩmi.

<sup>41</sup> Mua pagu ĩgu iidiro dopa ta iiaa mua, arĩmi Jesu erãre.

Ĩgu eroparĩcũ erã yũhrima:

—Mojoto diribiridigo porã árĩbeaa gua. Yujugu ta ãhrimi gua pagu. ĩgu ta ãhrimi Goãmu, arĩma erã.

<sup>42</sup> Erã eroparĩcũ Jesu yũhrimi:

—Goãmu mera majagu árĩdigu ta õguere aribu yũhu. Eropirã Goãmu mua Pagu ĩgu árĩcũ yũre mahiboaya mua. Yũ gamero aribiribu yũ tamera. Yũ Pũ Goãmu ĩgu obeocũ aribu õguere.

<sup>43</sup> ¿Duhpirã yũ wereniguirire peebeari mua? Yũ wererire yujuro bojebeaa mua. Eropirã peebeaa mua.

<sup>44</sup> Mua paguꝑu watĩ ãhrimi. Eropirã watĩ ĩgu gameripũre iidiaa mua. I yeba negohraguere árĩnũgacũgue, dohpague sãre ĩgu masare wejẽgu ãhrimi. ĩgũre diaye maja ne mara. Eropigu ĩgu ne diaye majare wereniguibeamĩ. ĩgu negohraguere gũyanũgadigu arĩmi. Eropigu ĩgu eropa gũyanũguigu arĩgu, gũyarire weremi.

<sup>45</sup> Yũꝑu diaye majare werea mũare. Eropa yũ werẽcũ peebeaa mua.

<sup>46</sup> “Mũhu ñero iigu ãhraa,” arĩmasibeaa mua yũre. ¿Diaye mũare yũ werequerecũ ta duhpirã peebeari mua?

<sup>47</sup> Goãmu porãꝑu ĩgu wereniguirire peema. ĩgu porã árĩbirã ĩgu wereniguirire peebeama, arĩmi Jesu erãre.

*Abrahã mũꝑu ĩgu árĩboro core Cristo árĩmũhtatuhañumi*

<sup>48</sup> ĩgu eroparĩcũ peerã judio masa ĩgũre õpa arĩma:

—“Mũhu Samaria majagu ãhraa. Eropigu watĩ mera goroweregu ãhraa mũhu,” gua arĩra diaye ta ãhraa, arĩma erã Jesure.

<sup>49</sup> Erã eroparĩcũ peegu õpa arĩ yũhrimi Jesu:

—Goroweregu árĩbeaa yũhu. Yũ Pagũre umupeoa. Mũꝑu yũre umupeobea.

<sup>50</sup> Yũre masa erã umupeorire amabeaa yũhũ. Yũ Pagũpũ yũre umupeocũ gahmemi masare. Īgũ tamera yũ árĩricũre ðaro ĩha masigũ eropa ta umupeodoremi. Eropigũ yũ Pagũ erã yũre gamebiriri dipuwaja, dipuwaja moagũcumi.

<sup>51</sup> Diaye mũare arĩgũ iiaa. Yũ dorerire iigũ Ʃmũri nũcũ Goãmũ mera eropa árĩniguicãgũcumi, arĩmi Jesu.

<sup>52</sup> Īgũ eroparĩcũ peerã ðpa arĩma erã:

—Dohpague tamerare mũ watĩ mera goroweregũ árĩcũ gũa ðaro masia. Abrahã mũrũ sĩria wañumi. Goãmũ yare weremũhtanirã sã sĩria wañuma iribojegue. Eropigũ “Yũ dorerire iigũ Ʃmũri nũcũ Goãmũ mera eropa árĩniguigũcumi,” arĩgũ, ¿dohpa arĩgũ eropa arĩri mũhũ?

<sup>53</sup> ¿Gũa ñecũ mũrũ tauro turari mũhũ? Īgũ, Goãmũ ya weremũhtanirã sã sĩria wañuma iribojegue. ¿Mũpũ nihino ãhriri eropa arĩ wereniguigũ? Mũ eropa arĩro dopa árĩbeaa mũhũ, arĩma erã.

<sup>54</sup> Erã eroparĩcũ peegũ Jesu werenemomi:

—Yũhũ yũ basire umupeodoreri duhpiburi árĩbeaa. Yũ Pagũpũ yũre umupeodoregũ ãhrimi ĩgũ. “Gũa Pagũ” mũa arĩgũpũ yũ Pagũ ta ãhrimi.

<sup>55</sup> Mũapũ yũ Pagũre ne masibea. Yũhũ ĩgũre masia. “Īgũre masibea,” arĩgũ mũa iro dopa ta gũyaricũgũ árĩboaya yũhũ. Diaye ta ĩgũre masia. Eropigũ ĩgũ dorerire iiaa.

<sup>56</sup> I yebaguere yũ árĩboro coregue mari ñecũ mũrũ Abrahã mũrũ masimũhtatuhamũriñumi yũre. Eropa masigũ ĩgũ mucubirimũriñumi, arĩmi Jesu.

<sup>57</sup> Īgũ eroparĩcũ erã yũhrima:

—Abrahã mũrũ iribojegue majagũ ãhrimi. Mũpũ cincuenta bojori opanibea. ¿Eropigũ mũhũ ĩgũ mũrũre duhpigũ ĩha masiboyuri? arĩma judio masa ĩgũre.

<sup>58</sup> —Diaye mũare arĩgũ iiaa. Abrahã ĩgũ árĩboro core yũpũ árĩmũhtatuhabũ, arĩmi Jesu erãre.

<sup>59</sup> Īgũ eroparĩcũ peerã erã Ʃtãyerire aĩ ĩgũre deadiarima. Erã eropa deadiaquerecũ ta Jesupũ Goãmũ wihigue árĩdigũ duhri wiria wami.

## 9

### *Cuiri ĩhajabigũre ðaro ĩagũ wacũ iĩñumi Jesu*

<sup>1</sup> Jesu gũa ĩgũ buherã mera mague tariarã gajigũre cuiri ĩhajabigũre bocajabũ. Īgũ ne masa dehyoagũgue ta cuiri ĩhajabigũ árĩpũ.

<sup>2</sup> Gũa sã ĩgũre ĩarã serẽpibũ Jesure.

—Buhegũ, ¿ihĩ duhpigũ cuiri ĩhajabigũ masa dehyoayuri? ¿Ñerire iimũriyuri eropa wagũ? ¿O ĩgũ pagũ sũmarã erã ñero iira dipuwaja eropa wayuri ĩgũ? arĩ serẽpibũ gũa Jesure.

<sup>3</sup> Gũa eroparĩcũ peegũ ðpa arĩ yũhrimi:

—Ihĩ ĩgũ pagũ sũmarã sã erã ñerire iira sã ĩgũre cuiri ĩhajabiricũ iibeaa. Goãmũpũ ĩgũre cuiri ĩhajabiricũ iimi. Īgũre ĩacũ iibu masare ĩgũ turarire ii ĩhmuburire apimi Goãmũ.

<sup>4</sup> Yũre obeodigũ ĩgũ apirare yũre iiro gahmea dohpaguere. Ñamiguere mari mohmemasibiro dopa ta pũhrũgue yũre obeodigũ ĩgũ apirare iimasibea yũhũ.

<sup>5</sup> I yebaguere i yeba majarãre Goãmũre masicũ iiaa, arĩmi Jesu.

<sup>6</sup> Eropa arĩtuha yebague disico ehompimi. Īgũ disico ehompirare nicu mera mohmore nijagũ, cuiri ĩhajabigũre ĩgũ cuirire sũmi.

<sup>7</sup> Eropa sũgũ õpa arĩmi Jesu:

—Siloé waĩcũri gobegue mũ cuirire coegũ waque, arĩmi Jesu. Siloé ero majarã ya mera arĩrã obeora gobe arĩrã iima.

Jesu ĩgũ cuiri coedoredigũpũ waha, coetuhaja, cuiri ĩagũgue dujajapũ ĩgũ ya wihigue.

<sup>8</sup> ĩgũ dujajacũ ero majarã ĩgũre ĩañorã. Ero core niyeru serẽdigũ ĩgũ árĩcũ ĩanirã ĩgũre õpa arĩñorã erã basi:

—¿Ihĩ sohõ árĩdigũ niyeru serẽdoadigũ árĩbeari? arĩñorã erã.

<sup>9</sup> —Ĩgũ ta ãhrimi, arĩñorã gajirã.

—Ĩgũ árĩbeami. Eropa árĩbiriqũregũ ta ĩgũ iro dopa ta bejagũ ãhrimi, arĩñorã gajirã.

Erã eroparĩcũ peegũ cuiri ĩhajabiridigũpũ õpa arĩpũ:

—Ĩgũ ta ãhraa yũhũ, arĩpũ erãre.

<sup>10</sup> ĩgũ eroparĩcũ masa ĩgũre serẽpiñorã:

—¿Cuiiri ĩhajabiridigũ árĩdigũ dohpa ii ĩhari mũhũ? arĩ serẽpiñorã erã ĩgũre.

<sup>11</sup> —Jesu waĩcũgũ disicore nicu mera mohmore yũ cuirire sũami. Yũre sũtuhaja “Siloé waĩcũri gobegue mũ cuirire coegũ waque,” arãmi yũre. ĩgũ eroparĩcũ coegũ ejabũ yũhũ. Eropa yũ coera pũhrũ yũ cuiri õaro dehyoabũ yũre, arĩ werepũ ĩgũ masare.

<sup>12</sup> —¿Mũre eropa iidigũ nohogue árĩcũri ĩgũ? arĩñorã erã.

—Ūba. Noho árĩgũ árĩcũmi, arĩpũ ĩgũ

### *Cuiiri ĩhajabiridigũre fariseo masa serẽpiñuma*

<sup>13</sup> Eropa arĩ wereniguituha erã cuiri ĩhajabiridigũre fariseo masa pohrogue aĩ ejañorã.

<sup>14</sup> Irinũ Jesu dihta nicure mohmore cuiri ĩhajabigũre õagũ iiranũ Sabadonũ árĩbũ. Irinũ gũa soorinũ árĩbũ.

<sup>15</sup> Eropirã fariseo masapũ ĩgũre serẽpiñorã daja.

—¿Dohpa ii ĩhari mũhũ? arĩ serẽpiñorã erã.

—Nicu mera yũ cuirire sũami. Eropigũ yũ cuirire coera pũhrũ ĩhaa yũhũ, arĩ werepũ ĩgũ erãre.

<sup>16</sup> —Ĩgũ mari soorinũ mari mohmedorebiririnũre mohmeami. Eropigũ ĩgũ Goãmũ yagũ árĩbeami, arĩñorã gajirã fariseo masa.

Gajirãpũ õpa arĩñorã:

—Ñerire iigũ árĩgũ õpa ĩre õagũ wacũ iimasibeami. Eropigũ ĩgũ õagũ árĩbocumi, arĩñorã gajirã Jesure.

Eropirã erã, erã basi pe curu dũca wariñorã.

<sup>17</sup> Eropirã dipaturi erã cuiri ĩhajabiridigũre serẽpinemoñorã daja.

—¿Mũre mũ cuirire õaro iidigũre dohpa arĩ pepiri mũhũ Jesure? arĩñorã erã ĩgũre.

—Ĩgũ diaye ta Goãmũ yare weremũhtagũ ãhrimi, arĩpũ cuiri ĩhajabiridigũpũ.

<sup>18</sup> Negohragũre judio masa õpa arĩ pepiriñorã. “Ihĩ cuiri ĩhajabiridigũ árĩbeami,” arĩ pepiriñorã. Eropa arĩ pepirã cuiri ĩhajabigũ pagũ sũmarãre sihubeoñorã erã.

<sup>19</sup> Sihubeo ĩgũ pagũ sũmarãre serẽpiñorã fariseo masa oparã.

—¿Ihĩ diaye ta mũ magũ ãhriri? ¿Mata ĩgũ cuiri ĩhajabigũ masa dehyoari? ¿Diaye ta cuiri ĩhajabiridigũ árĩqũregũ dohpa ii ĩhari dohpagũre? arĩ serẽpiñorã erã ĩgũ pagũ sũmarãre.

20 —Ihĩ gũa magũa ta ãhrimi. Eropigũa mata cuiri ãhajabigũa masa dehyoami ãgũa.

21 Irire masiquererã ta ãgũa ãarare, ãgũre ãacũ iidigũa sãre masibea gũa. Gũa magũre serẽpique. Bũgũa ãhrimi ãgũa. ãgũa basi weremasimi ãgũa, arĩñorã ãgũa pagũa sũmarã.

22 Judio masa oparã ero coreguere õpa arĩtuhañorã:

—“Jesu ta Cristo mari taubu ãhrimi,” arĩrãre mari buheri wirigue ñajadoresome gũa, arĩmuriñorã judio masa gũa oparã.

Erã eroparĩcũ peenirã cuiri ãhajabigũa pagũa sũmarãpũa judio masa oparãre gũĩ arĩñorã.

23 Eropa gũirã “Bũgũa ãhrimi ãgũa. ãgũre ta serẽpique,” arĩñorã erã judio masa oparãre.

24 Pũhrũa judio masa oparã dipaturi cuiri ãhajabiridigũre sihubeoñorã. Sihubeo õpa arĩñorã ãgũre:

—Goãmũa mera diaye wereque mũhũa. Jesure ãgũa ñeri iigũa ãgũa arĩcũ gũa masia. Eropigũa diaye wereque gũare, arĩñorã judio masa cuiri ãhajabiridigũre.

25 Erã eroparĩcũ peegu õpa arĩ yũhripũa ãgũa:

—Jesure ãgũa ñeri iigũa ãgũa arĩcũ masibirica yũhũa. Yujuñe ta masia yũhũa. Iribojeguere cuiri ãhajabigũa arĩmuribu yũhũa. Dohpaguepũre ãhaa yũhũa. Iri dihtare masia yũhũa, arĩ yũhripũa cuiri ãhajabiridigũpũa erãre.

26 —¿Dohpa iiarĩ ãgũa mũre? Mũa cuirire ãhajadoregũa dohpa iiarĩ ãgũa mũre? arĩ serẽpiñorã erã daja.

27 —Irire ta mũare weretuharabũgũa yũhũa. Yuropa arĩ werequerecũ ta mũa ne peediabeaa yũre. ¿Dohpa iidiarã yũ dipaturi werecũ peediari mũa? ¿Mũa sã ãgũa buherã arĩdiari? arĩpũa ãgũa erãre.

28 ãgũa eroparĩcũ peerã erã ãgũre turiñorã.

—Mũhũa Jesu buhegu ãhraa. Gũapũa Moise buherã ãhraa.

29 Diaye ta Goãmũa Moisere wereniguimuriñumi. Jesure obeodigũre gũa masibea, arĩñorã erã cuiri ãhajabiridigũre.

30 Erã eroparĩcũ yũhripũa ãgũa:

—¿ãgũre obeodigũre mũa masibiricã, yũre ãacũ iidigũa arĩgũa Goãmũa ãgũa obeodigũa arĩbiribocuri ãgũa?

31 Goãmũa ñeri iigũre ãgũa serẽrire peebeamĩ. Iri tamerare mari masia. Ñerire iigũre peebiriqueregu ta Goãmũre umupeogũre, ãgũa dorerire iigũre ãgũa serẽrire peemi Goãmũa.

32 Negohragũre i yeba arĩnũgacũguere, mata masa dehyoagũgue ta cuiri ãhajabigũre ne yujugũpũre ãhajacũ iigũa marimuripũa.

33 Eropigũa Jesu Goãmũa ãgũa obeodigũa arĩbigũa yũre ãacũ iibiriboñumi, arĩpũa ãgũa erãre.

34 Erãpũa õpa arĩ yũhriñorã:

—Mũhũa mata ñegũa arĩmuriya. ¿Eropa arĩqueregu ta gũare buheri mũhũa? arĩñorã judio masa oparã.

Eropa arĩtuha erã ãgũre cohã wiuñorã.

*Jesu yare gamebirã cuiri ãhajabirã iro dopa ãhrima, arĩ wereñumi Jesu*

35 Eropigũa cuiri ãhajabigũre erã cohã wiurare Jesu peemi. Eropa peegu cuiri ãhajabiridigũre gũa bocajacũ, ãgũre serẽpimi.

—¿Masure Goãmũa ãgũa obeodigũre umupeori mũhũa? arĩmi Jesu.

36 —Opũa, ¿noa ãhriri ãgũa? ãgũre masigũa umupeogũa, arĩmi cuiri ãhajabiridigũpũa Jesure.

37 —Īgure ĩhatuhabu mũhu. Dohpaguere mũ mera wereniguigu ĩgu ta āhraa yũhu, arĩmi Jesu cuiri ĩhajabiridigure.

38 —Opũ, mũre umupeoa yũhu, arĩmi cuiri ĩhajabiridigũpũ.

Eropa arĩgu ĩgu Jesu pohro mereja ĩgure umupeomi.

39 Īgu eropa umupeocũ ĩagu õpa arĩmi Jesu masare:

—Õarã, ñerã sã erã iirare masicũ iibu aribũ yũhu. Cuiiri ĩhajabirã erã ĩabiro dopa ta yũ Pagure masibirã āhrima. Eropa masibirãre yũ Pagure masicũ iigu aribũ yũhu. “Gũa õaro masia,” arĩ pepinirã sãre õaro erã masibirirare masicũ iigu aribũ yũhu, arĩmi Jesu.

40 Īgu eroparĩcũ peerã bajamerãgã fariseo masa ĩgure õpa arĩma:

—“Cuiiri ĩhajabirã erã ĩhamasibiro dopa ta masibea mũa sã,” ¿arĩri mũhu gũare? arĩma fariseo masa Jesure.

41 Erã eroparĩcũ Jesu õpa arĩmi:

—“Cuiiri ĩhajabirã erã ĩha masibiro dopa ta diaye õaro masibea gũa,” mũa arĩcũ dipuwaja mariboya. “Gũa õaro masirã āhraa,” mũa arĩrã āhraa. Eropirã yũre peediabirira dipuwaja mũare dipuwaja āhraa dohpaguere, arĩmi Jesu erãre.

## 10

### *Oveja ĩhadibugũ queoriñere wereñumi Jesu*

1 Pũhrũ queoriñe mera werenigui queogu buhebu õpa arĩmi Jesu gũare gajirã masa sãre:

—Diaye arĩgu iiaa mũare. Oveja diburi sãriro disiporo ñajabigũpũ gajipũgue ñajagũpũ yajari masũ āhrimi.

2 Disiporo ñajagũpũ ovejare ĩhadibugũ āhrimi.

3 Disiporo coregũ disiporo pãgũmi ovejare ĩhadibugũ ĩgu ñajariborore. Ovejare ĩhadibugũ eracũ ĩgu wereniguirire peerã āhrima ĩgu oveja. Erãre sihugũ, erã waĩ mera sihubeomi ĩgu. Eropigu erãre sãriroque arĩrãre sihu wiuniguimi disiporogue.

4 Īgu yarãre arĩpehrerãre sihu wiu erãre mũhtanũgajami. Ovejapũ ĩgu wereniguirire masirã, ĩgure nũrsiama.

5 Gajigũre erã masibigũre nũrsiabeama erã. Eropirã gajirã erã wereniguirire peerã, gũi omagã wahama, arĩmi Jesu masare.

6 Iri ĩgu werequerecũ ta irire peerã masibirima erã.

### *Jesu ovejare õaro ĩhadibugũ iro dopa ĩgu yarãre õaro ĩhadibumi*

7 Eropigu dipaturi Jesu erãre gũa sãre weremi daja:

—Diaye mũare arĩgu iiaa. Ovejare diburi sãriro disiporo iro dopa āhraa yũhu.

8 Arĩpehrerã yũ core arinirã gũyarire buherã yajari masa iro dopa āhrima. Erã eropa arĩquerecũ ta oveja iro dopa arĩrã yaharãpũ gajirãre ne pee wahgãbeama.

9 Yũ ovejare diburi sãriro disiporo iro dopa āhraa. Iri disiporo ñajarã iro dopa ta āhrima yũre umupeorã. Eropigu erãre peamegue wabonirãre taugũra. Ovejare cãhmotari sãriro erã cãhmotaro dopa ta yũ taunirãre cãhmotagũca. Eropirã erã gamerire oparãcoma, arĩmi Jesu.

10 Eropa arĩtuha õpa arĩnemomi:

—Mũare gũya buherã ovejare yajari masa iro dopa āhrima. Gajirã yajadiarã wejẽdiagãrima. Oveja iro dopa arĩrã yaharã arĩpehrerinũri Goãmũ mera arĩcũ iigu aribũ yũpũ. Eropigu yaharã mũmũri nũcũ erã õaro arĩcũ iibu aribũ yũpũ.



11 Ovejare ðaro ðhadibugũ iro dopa árĩgu ãhraa yũhũ. Ovejare ðaro ðhadibugũ sĩribu árĩqueregu ta ðgu ovejare cãhmotaniguigũcumi. Yaharã Goãmũ mera erã eropa árĩniguiburire sĩrigũca.

12 ðgu mohmeri masũpũ ðaro ovejare ðhadibugũ árĩbeami. Eropirã oveja ðgu yarã árĩbeama. Eropigu nũgu majagu diaye ovejare ñeagu ðgu aricũ ðagu ðgu mohmeri masũpũ ovejare cóãcã gũi omagã wahami. ðgu eropa cohãpigãra pũhrũ, nũgu majagu diaye ðgu ovejare ðgu ñeacũ ðarã ovejapũ omasirigã wahama.

13 ðgu mohmeri masũpũ ðgu wajatari dihtare gahmemi. Eropigu ðgu ovejare ðaro ðhadibudiabeami, arĩmi Jesu.

14 Eropã arĩtuha ðpa arĩnemomi queoriñe mera:

—Ovejare ðaro ðhadibugũ iro dopa ãhraa yũhũ. Eropigu yaharãre masia yũhũ. Eropirã yaharã sã yũre masima.

15 Eropã ta yũ Pagũ sã yũre masimi. Eropigu yũ sã yũ Pagũre masia. Yaharã Goãmũ mera erã árĩniguiburire sĩrigũca.

16 Gajirã oveja gajĩ sãriro majarã iro dopa árĩrã gajirã masa sã yaharã árĩrãcoma. Erã sãre aĩguca. Eropirã yũ wereniguirire pee wahgãrãcoma erã sã. Eropirã yaharã árĩpehrerã yuju curu ta árĩrãcoma. Eropigu yũ dihta yaharãre ðhadibugũca, arĩmi Jesu.

17 Eropã arĩtuha ðpa arĩnemomi daja:

—Yaharã Goãmũ mera erã árĩniguiburire sĩrigũca yũhũ. Yũ sĩrira pũhrũ masa mũriagũca. Yũ eropa iibu árĩcũ yũ Pagũ yũre mahimi.

18 Yũ wejẽdorebircũ yũre wejẽmasibiriboñuma erã. Yũ gamero mera yũre wejẽrãcoma. Eropigu yaharã Goãmũ mera erã ya árĩburire sĩrigũca. Sĩrimasia yũhũ. Eropigu masa mũriamasia. Yũ Pagũ yũre irire ta iidoremi, arĩmi Jesu.

19 ðgu eroparĩcũ peerã judio masa pe curu dũca warima daja. Gajirã gajirope pepi, gajirã sã gajirope pepinirã árĩma.

20 —ðgu watĩre opami. Eropigu goroweregu ãhrimi. ¿Duhpirã ðgũre dipaturi peeri mũa? arĩma gajirã bajarã judio masa.

21 Gajirãpũ ðpa arĩma:

—Watĩ mera goroweregu árĩgu eropa ðaro arĩ wereniguiriboñumi. Cuirĩ ðhajabigũre ðacũ iimasibiriboñumi watĩre opagu. Eropã árĩgu árĩgu ðgu watĩre opabeami, arĩma gajirã judio masa.

### *Judio masa Jesure gamebiriñuma*

22 Gajinũ Jerusaléngue bosenu iirã iima dipaturi judio masa. Goãmũ wihire erã Goãmũ ya árĩburire erã apiri bosenu árĩbũ. Irisubu yura wahgũro árĩbũ.

23 Irinũ Salomo waĩcũri taribugue Goãmũ wihigue árĩri taribure Jesu gũa mera ðhacurigu iimi.

24 Iri taribugue ðgu árĩcũ ðarã judio masa ðgu pohrogue gamenere ðgũre serẽpima daja:

—Yoatariari boje gũare ðaro werebeaa mũhũ. Diaye gũare ðaro were purumujuque. ¿Cristo Goãmũ ðgu obeodigu ta ãhriri mũhũ? arĩma erã ðgũre.

25 Erã eroparĩcũ peegu ðpa arĩ yũhrimi Jesu:

—Mũare weretuhabu yũhũ. Yũ eropa werequerecũ ta yũre peebeaa mũa. Yũ Pagũ ðgu dorero dopa ta ðgu turari mera ii ðhmurabũ mũare. Eropã iigu yũ Cristo árĩrire ta mũare ðhmugũ iirabũ.

26 Yũ eropa ii ñhmuquerecũ ta yũre peebeaa mũa. Mũapũ yaharã árĩbeaa. Eropirã gajigu yarã oveja iro dopa árĩrã yũpũre peebeaa mũa.

27 Oveja erãre ñhadibugũre erã peediro dopa ta yaharã yũre peema. Eropigu erãre masia yũhũ. Eropirã erã yũ mera wahama.

28 Eropigu mũuri nũcũ Goãmũ mera árĩcũ iiaa erãre. Eropirã erãpũ peamegue wasome. Eropigu yaharãre yũ ñhadibucũ gajirãpũ ne yũre emamasibeama erãre.

29 Yũ Pagũ yaharãre yũre odigu yũ tauro turami. Eropirã yũ Pagũ sã yaharãre ñgũ ñhadibucũ gajirã ñgũ sãre ne emamasibeama.

30 Yũhũ, yũ Pagũ mera yujugũ ta ãhraa, arĩmi Jesu judio masare.

31 Ñgũ eroparĩcũ peerã judio masapũ ñgũre deaburi mũtãre dipaturi aĩma daja.

32 Erã eropa iicũ ñagũ Jesu erãre serẽpimi:

—Yũ Pagũ ñgũ turari mera baja deyoro moarire ii ñhmurabũ mũare. ¿Ñehenore iira dipuwaja mũtã mera deadiari mũa yũre? arĩ serẽpimi.

33 Ñgũ eroparĩcũ peerã õpa arĩma erã:

—Goãmũ turari mera mũa ii ñhmuri dipuwaja mũre mũtã mera dea wejẽdiabeaa gũa. Goãmũre mũ ñero werenĩguiri dipuwaja mũre mũtã mera dea wejẽdiaa gũa. Masũ árĩqueregu ta mũhũ “Goãmũ ãhraa yũhũ,” mũ arĩri dipuwaja mũre mũtã mera dea wejẽdiaa gũa, arĩ yũhrima erã.

34 Erã eropa arĩ yũhricũ peegu Jesu erãre weremi:

—Mũa sãre “Goãmarã,” arĩ piyumi Goãmũ. Eropa ta arĩ gojañuma ñgũ dorerire erã gojarapũgue.

35 Goãmũ yare erã gojarapũ queoro árĩcũ mari masia. “Gũyari ãhraa,” iripũre arĩmasibeaa mari. Eropigu ñgũ yare pepirãre diaye ta ñgũ “Goãmarã,” arĩ piyumi.

36 Goãmũ yũre beyenijagũ i yebaguere obeomi. Eropigu “Yũhũ Goãmũ magũ ãhraa,” yũ arĩra dipuwaja “Goãmũre ñero werenĩguigu iimi Jesu,” arãa mũa yũre. ¿Duhpirã yũre eropa arĩri mũa?

37 Yũ Pagũ ñgũ gamero dopa ta ñgũ turari mera yũ ii ñhmubiricũ tamerare yũ buherire “Diaye ta ãhraa,” arĩbiriboya mũa.

38 Yũ Pagũ ñgũ turari mera yũ ii ñhmuquerecũ ta yũpũre umupeodiabiriboca mũa. Eropa umupeodiabiriquererã ta ñgũ turari mera yũ ii ñhmucũ ñarã yũ iirare “Diaye ta ãhraa,” arĩque mũa. Mũa eropa arĩrã, yũ Pagũ mera gũa yujuro mera árĩcũ masirãca mũa. Eropirã yũhũ, yũ Pagũ mera yujuro mera yũ árĩcũ masirãca mũa. Eropirã peerãca mũa, arĩmi Jesu erãre.

39 Ñgũ eroparĩcũ erã ñgũre dipaturi ñheadiarima. Erã eropa ñheadiacũ ñgũ duhri wiria wami.

40 Eropa wiriadigũgue ta Ñũ masare ñgũ waĩyemũhtadirogue Jordán waĩcũriya sipũ majasegue gũa dipaturi wabũ daja. Erogu dujacãbũ.

41 Eropirã masa bajarã ñgũre ñarã erama. Ñpa arĩma erã erã basi:

—Ñũ waĩyegũpũ Goãmũ turari mera deyoro moarire ii ñhmubirimi. Eropa ii ñhmubiriquererã ta árĩpehreri Jesure ñgũ wererapũ diaye ta ãhraa, arĩma masa erã basi.

42 Eropirã masa erogũ bajarã umupeoma Jesure.

## 11

### *Lázaro waĩcũgu sĩria wañumi*

1 Eropi Judea yebague Betania waĩcũri maca majagũ Lázaro waĩcũgu arĩmi. Iri maca ñgũ pagũ porã nome María, Marta mera arĩma.

<sup>2</sup> Mariapụ Jesure ponesuri mera sūbo, igo poari mera ñgure tucoebodigo árímo. Igo tígu Lázaro pụ dorecụgu iipụ.

<sup>3</sup> Eropirã erã nome gajirãre Jesure weredorerã obeoñorã.

—Opụ, mụ mahigu dorecụgu iimi, arĩ weredorerã obeoñorã Lázaro pagụ porã nome.

<sup>4</sup> Erã gua pohrogue eraa, iri querere werecũ peegu òpa arĩmi Jesu guare.

—Dohpaguere Lázaro ñgu dorecūri sīriburi árĩbeaa. Goāmụ turarire masare ñhmuburire dohpaguere ñgu dorecūmi. Eropirã yu turari opagu árĩcũ sãre masa ñarãcoma, arĩmi Jesu.

<sup>5</sup> Jesu Martare, igo pagụ mago, Lázaro sãre turaro mahími.

<sup>6</sup> Eropigu Lázaro ñgu dorecūrire peequeregu ta ero Jesupụ penụ dujanimi.

<sup>7</sup> Penụ pūhrụ Jesu òpa arĩmi guare ñgu buherãre.

—Dipaturi Judea yebague dujaa warã daja, arĩmi guare.

<sup>8</sup> —Buhegu, cārūgã ta mure judio masa utã mera dea wejēdiana. ¿Duhpigụ dipaturi dujadiari mūhū? arĩbu gua ñgure.

<sup>9</sup> Gua eroparĩcũ peegu ñgu erã wejēmasibirirare weregu, werenigui queori mera guare òpa arĩmi:

—Wuaro guñaricūbircāque. Yujunare doce horari gohra āhraa. Abe umụ majagu árĩcũ òaro ñhaa mari. Eropirã umure curirã ne cohresome mari.

<sup>10</sup> Naitiāro curirã cohrema. Abe umụ majagu maricũ òaro ñabeama erã, arĩmi Jesu.

<sup>11</sup> Eropa arĩgu guare werenemomi.

—Mari mera majagu Lázaro carĩgu iicumi. Ñgu eropa carĩquerecũ ta yūhū ñgure wahgūgu wagura, arĩmi guare.

<sup>12</sup> —Opụ, Lázaro carĩgu arĩgu tarigucumi, arĩbu gua.

<sup>13</sup> Gua eropa arĩquerecũ ta Jesupụ “Carĩgu iicumi,” arĩgu, “Sīria wami,” arĩgu iidigu arĩmi. Ñgu “Lázaro carĩgu iicumi,” arĩcũ peerã “Lázaro soogu iicumi,” arĩ pepiribụ guapụ.

<sup>14</sup> Gua eropa arĩ pepicũ masigu Jesu guare diaye weremi.

—Lázaro sīria wañumi.

<sup>15</sup> Yu mariro ñgu sīricũ òapūricāa. Eropirã mūa yure umupeonemorāca. Ina ta. Mari ñarã warã ñgu pohrogue, arĩmi Jesu.

<sup>16</sup> Toma sūhrudigu erã arĩgu pụ òpa arĩmi guare:

—Mari sã Jesu mera warã. Ñgure wejērã mari sãre wejēporo, arĩmi Toma.

*Jesu “Eropa árĩniguicācũ ñgu masare masugu āhraa,” arĩñumi*

<sup>17</sup> Eropi gua erogue ejara pūhrụ ero majarã òpa arĩ werema Jesure:

—Wapicūrinū taria Lázaro mūrure masa gobegue erã apira pūhrụ, arĩ werema ñgure.

<sup>18</sup> Betaniapụ Jerusalén pohrogã ūhre kilómetros yoaro dujabụ.

<sup>19</sup> Eropirã judio masa bajarã Martare, María sãre ñehamere orerã eranirã árĩma Lázaro ñgu sīrira pūhrụ.

<sup>20</sup> Eropigu Jesu mera gua ejaboro pohro árĩcũ peego Martapụ guare bocatĩrigo eramo. Igo bocatĩrigo wacũ Mariapụ igo ya wihi dujadigo árĩmo.

<sup>21</sup> Eropa bocatĩrigo Marta òpa arĩmo Jesure:

—Opụ, yu tígu ñgu sīriboro core mūhū ohō árĩcũ ñgu sīribiriboañumi.

<sup>22</sup> Dohpague sãre Goāmure mū serēcũ ñgu mū serēro dopa ta ñgucumi, arĩmo Marta Jesure.

23 —Mũ tĩgũ masagũcumi, arĩmi Jesu igore.

24 —I yeba pehrerinũ ĩgũ masa mũriaborore masia yũhũ, arĩmo igo.

25 Igo eroparĩcũ Jesu weremi daja:

—Yũhũ sĩrinirãre masacũ iigũ āhraa. Masare yũ mera eropa árĩniguicũ iigũ āhraa. Yũre umupeogu sĩriquereru ta eropa árĩniguicãgũcumi.

26 Eropirã árĩpehrerã Goãmũ mera árĩniguirã yũre umupeorã peamegue wasome. ĴIre masiri mũhũ? arĩmi Jesu igore.

27 —Opũ, masia yũhũ. “Cristo Goãmũ magũ i yebague arigũcumi,” erã arĩdigũ mũ árĩcũ masia yũhũ, arĩmo Marta Jesure.

### *Lázaro ĩgũ masa gobe pohro Jesu oreñumi*

28 Marta eropa arĩtuha igo pagũ magore Marĩare sihugo wamo.

—Marire buhegu mari ya macare eranijagu iiami. Mũre sihuami, arĩ yayarogã arĩ werepo Marĩare.

29 Igo eroparĩcũ peego Marĩa pobero mera wahgãũgaja, gũa pohroguẽ arĩmo Jesure ĩago arigo.

30 Erã ya macague ejanibiricarabũ dohpa. Marta guare igo bocatĩridiroguẽ árĩnibũ guã.

31 Judio masa iri wihĩ Marĩare ñehamere orerã iinirã arĩma. Eropirã igo pobero mera wahgã wacũ ĩarã erã igore mũrũsiagãñirã arĩma. “Igo tĩgũ mũrũre erã apira gobegue orengo wago iicumo igo,” arĩ pepinirã árĩrima erã. Eropa arĩ pepirã igore mũrũsiagãñirã arĩma.

32 Eropigo Marĩa guã pohroguẽ erago, Jesure ĩha, ĩgũ guburi pohro merejamo.

—Opũ, yũ tĩgũ ĩgũ sĩriboro core mũhũ ohõ árĩcũ ĩgũ sĩribiriboañumi, arĩmo igo ĩgũre.

33 Eropigu igo judio masa igo mera arinirã sã erã orecũ ĩagu Jesupũ turaro bujawere ñero sĩporãcumi.

34 —ĴLázaro mũrũre nohogue opari mũa? arĩ serẽpimi Jesu.

—Opũ, ĩagu arique, arĩ sihugãma erã.

35 Erã eroparĩcũ peegu Jesu oremi.

36 ĩgũ orecũ ĩha judio masa õpa arĩma erã basi:

—Lázaro mũrũre Jesu bũrigã mahirañumi, arĩma.

37 Gajirãpũ õpa arĩma:

—Cuirĩ ĩhajabigũre ĩacũ iigũ āhrimi ihĩ Jesu. ĴEropigu Lázaro ĩgũ sĩriboro core masumasibiriboayuri? arĩma gajirã.

### *Lázarore masuñumi Jesu*

38 Eropigu Jesu dipaturi turaro bujoweremi. Eropirã árĩpehrerã Lázaro mũrũ masa gobegue ejabũ. Utãyegue árĩri gobegue ĩgũ dupũ mũraro erã sĩ acura gobegue árĩbũ. Eropi iri gobegue wũariye utãye mera erã bihara gobegue árĩbũ.

39 —Utãyere aĩ weaque, arĩmi Jesu.

ĩgũ eroparĩcũ peego Marta sĩridigũ mũrũ pagũ mago õpa arĩmo:

—Opũ, dohpague wapicũrinũ wahaa ĩgũ sĩrira pũhrũ. Eropiro ĩgũ dupũ mũraro mũĩ árĩca, arĩmo Jesure.

40 —“Yũre umupeogo Goãmũ turarire ĩagoca,” mũre arĩrabũ, arĩmi Jesu Martare.

41 ĩgũ eropa arĩra pũhrũ erã utãyere aĩ weama. Erã eropa aĩ weara pũhrũ Jesu umarogue ĩha Goãmũre õpa arĩmi:

—Ahũ, yũre mũ peetuhabũ. Irire mũ iicũ masigu mucubiria mũre.

<sup>42</sup> Yũre mũhũ mũmũri nũcũ peeniguia. Irire masia. Eropa masiqueregu ta yũhũ mũ obeodigu áricũ õre niguirã erã masiburire mũre eropa arĩgu iiaa.

<sup>43</sup> Eropa arĩtuha Jesu turaro gaguiniguimi:

—Lázaro, arique, arĩ gaguiniguimi ĩgu.

<sup>44</sup> ĩgu eroparĩcũ sĩridigu mũrũpũ ĩgu mojotorire ĩgu guburi sãre suhri gasiri mera erã diridigu, ĩgu dipurure suhri gasiri mera erã omadigu masa gobegue wiririmi.

—Ĩgũre dirirare pãque ĩgũre, arĩmi Jesu

*Judio masa oparãpũ Jesure ñeadiariñuma*

*Mt 26.1-5; Mr 14.1-2; Lc 22.1-2*

<sup>45</sup> ĩgu eropa masucũ ĩarã bajarã judio masa mera majarã María mera arĩnirã Jesure umupeoma.

<sup>46</sup> Gajirãpũ erã mera majarã fariseo masa pohrogue eja, Jesu ĩgu iirare wereñorã erãre.

<sup>47-48</sup> Eropirã pahia oparã, fariseo masa oparã sã gamenere, erã basi õpa arĩ wereniguiñorã.

—Jesu bajasuburi deyro moarire ii ĩhmumi. ĩgu eropa iicũ, “Irire iibita,” mari arĩbiricũ arĩpehrerã masa ĩgũre umupeo, ĩgu mera wabocoma. Eropirã Roma majarã oparã Goãmũ wihire cóãdorerã obeerãcoma erã yarã surarare. Mari ya yeba sãre emarãcoma erã. Mari ya yeba majarã Jesure erã opũ erã apicũ ĩarã Roma majarã oparã guarã ñero iirãcoma marire. ¿Eropa iirã dohpa iirãcuri dohpaguere? arĩ wereniguiñorã erã erã basi.

<sup>49</sup> Erã eropa arĩquerecũ ta gajigu Caifa waĩcũgu iri bojorire pahia opũ arĩgu erãre werepũ.

—Mũapũ ne masibea.

<sup>50</sup> Judio masa arĩpehrerã mari ya arĩburire yujugũ masũ ĩgu sĩricũ õhaa. ĩgu sĩribiricũ mari arĩpehrerã judio masa pehrea waboca. Irire mũa masibea, arĩmi Caifa erãre.

<sup>51</sup> Eropa arĩgu ĩgu gamero eropa arĩbiriñumi. Pahia tauro opũ ĩgu áricũ judio masa ya arĩburire Jesu ĩgu sĩriborore Goãmũpũ Caifare eropa arĩ weredoreñumi.

<sup>52</sup> Jesu ĩgu sĩrigũ judio masa ya dihta sĩribiriñumi. Sĩrigũ arĩpehrerã Goãmũ porã i yeba arĩpehrero arĩrã sãre erã ya arĩburi sãre sĩriñumi Jesu. Erã yuju curu arĩboro dopa sĩriñumi.

<sup>53</sup> Caifa eroparĩcũ peerã erã “¿Jesure dohpa ii wejẽrãcuri mari?” arĩ wereniguirã ĩgũre wejẽmorã iĩnorã.

<sup>54</sup> ĩgũre erã wejẽdiacũ masigu Jesu bajarã judio masa watope dipaturi curigu wabirimi. Eropigu masa marirogã Efraín waĩcũri macague gũare sihu wami. Gũare iri maca sihu dujanimi Jesu.

<sup>55</sup> Irisubure Pascua bosenu gũa judio masa bosenu arĩboro merogã duhyabu. Eropirã bosenu core masa bajarã gaji macari majarã masa Jerusalengue gamenerema. Pascua majare erã baboro core Goãmũ ya arĩburire erã basi coemorã ejanirã arĩma.

<sup>56</sup> Eropirã erã Jesure amarã iĩnorã. Erã eropa amacũ ĩarã Goãmũ wihigue arĩrã õpa arĩ wereniguiñorã:

—¿Bosenũre ĩagũ aribiribocuri Jesu mũa pepicũ? arĩ wereniguiñorã erã basi.

<sup>57</sup> Eropirã pahia oparã, fariseo masa sã õpa arĩ weredoreñorã masare:

—Jesu ĩgu árĩrore mua masirã wereque guare. ĩgure ñeamorã iiaa gua, arĩnorã oparã masare.

## 12

### *María Jesu guburire poresuri mera pipeoñumo*

*Mt 26.6-13; Mr 14.3-9*

<sup>1</sup> Pascua bosenu seis nari gohra duhyacũ Jesu gua ĩgu buherã mera Betaniague ejabu. Lázaro Jesu ĩgu masudigu iri maca majagu árĩmi.

<sup>2</sup> Gua ejara puhru Jesu sã gua ya bari árĩburire iima gajirã. Eropirã Lázaro, Jesu, gua mera mesare dojabu. Gua eropa dojara puhru Marta barire peomo guare.

<sup>3</sup> Eropigo María poresuripare nardo waĩcari goripure yuju kilo deco aĩgãri, Jesu guburire pipeomo. Pipeotuha igo poari mera tucoemo. Igo eropa pipeora puhru iri wihi ðaro poresu sehya wabu.

<sup>4</sup> Igo eropa ĩicũ ĩha gua mera majagu, Jesure ĩhaturirãre wiabu Juda Iscariotepu ðpa arĩmi:

<sup>5</sup> —¿Duhpigo iri poresuri eropa iisiriri igoa? Irire igo duaboañumo. Irire duago yuju bojori mohmeri wajapure wajataboañumo. Eropigomojomorocurãre oboañumo igo, arĩmi ĩgu.

<sup>6</sup> Judapumojomorocurãre itamudiabiriñumi. ĩgu gua ya niyeru dibugu árĩqueregu ta yajaricugu árĩmi. Eropigu ĩgu gua ya niyeru sãre yujuyerisuburi aĩmarimi. Eropigu iri niyerure aĩdiagu árĩgu, eropa arĩñumi ĩgu Maríare.

<sup>7</sup> ĩgu eroparĩcũ peegu ðpa arĩmi Jesu:

—Eropa arĩbita igore. Igo poresurire yure igo duarare yure pipeoamo yure erã yaaboro core yu dupure amuyugo. Mojomorocurãpu mua mera eropa árĩniguicãrãcoma. Eropirã mua gamero erãre omasia mua.

<sup>8</sup> Yupu i yebaguere eropa árĩniguicãsome, arĩmi Jesu.

### *Pahia oparã Lázarore wejẽdiañuma*

<sup>9</sup> Eropirã Jesu ĩgu Betaniague árĩcũ peerã judio masa bajarã ĩgure ĩarã arima. ĩgu dihtare ĩarã aribirima. Lázaro sĩridigu Jesu ĩgu masudigure ĩgu sãre ĩarã arirã iima.

<sup>10</sup> Erã ĩarã ejarare pahia oparã masirã Lázarore wejẽdiañorã.

<sup>11</sup> Lázaro sĩridigu Jesu ĩgu masudigu árĩcũ ĩarã bajarã masa Jesure umupeoma. ĩgu eropa masucũ ĩarã bajarã judio masa erã pahia erã buheripure cóãma. Erã eropa cóãcũ ĩarã pahia oparãpu guataria wa, Lázaro sãre wejẽdiañorã.

### *Jerusaléngue ejañumi Jesu*

*Mt 21.1-11; Mr 11.1-11; Lc 19.28-40*

<sup>12</sup> Pascua bosenu erã ĩicũ bajarã masa Jerusaléngue ĩarã wanirã árĩma. Gajinu Jerusaléngue Jesu ĩgu waburire masa peenirã árĩma.

<sup>13</sup> Eropirã bejepũre aĩgã, ĩgure bocatĩrirã wama. Eropa bocatĩrirã ðpa arĩ gaguiniguima erã.

—ĩre umupeorã. ĩhĩ Goãmu ĩgu obeodigu ðaro ariporo. ĩhĩ judio masa mari opu ta aĩhimi, arĩ gaguiniguima erã.

<sup>14</sup> Jesu burrogã ĩgu bocadigu weca peyami. ĩgu eropiigu Goãmu yare erã gojarapũ werediro dopa ta iimi. ðpa arĩ gojañumi Goãmu yare wereyumãhtadigugue.

15 Jerusalén waĩcuro majarã güibiricãque mua. Īaque. Mua opu burrogã weca peyagãrimi, arĩ weremũhtañumi Goãmũ yare erã gojarapũgue.

16 Irire gua ĩgu buherã òaro masinibiribũ. Eropa masibiriquererã ta umarogue Jesu ĩgu mũriara pũhrũ gua erã gojara mũrare guña boca pee masibũ. Őpa arĩ pepibũ: “Goãmũ yare erã gojarapũgue Jesure weremũhtañuma. Eropiro Goãmũ yare erã gojarapũ arĩdiro dopa ta sihajabũ Jesure,” arĩ pepibũ gua basi.

17 Lázarore erã apira gobegue árĩgure Jesu ĩgu piyucũ ĩgure ĩgu masucũ ĩanirãpũ weresiriniguinirã árĩma masare.

18 Eropirã Lázarore Jesu ĩgu masurare erã peenirã árĩrã masa bajarã Jesure bocatĩrirã wama.

19 Erã Jesure eropa umupeocũ ĩarã fariseo masa erã basi òpa arĩñorã.  
—Árĩpehrerã Jesu yarã dihta warã iima dohpaguere. Eropirã mari dohpa ĩmasibea erãre, arĩñorã fariseo masa erã basi.

### *Bajamerãgã Griego masa Jesure amagãriñuma*

20 Eropi bosenu Goãmũ wihigue Goãmure umupeorã eranirã mera majarã bajamerãgã griego masa arĩñorã.

21 Eropirã erã Felipe pohrogue erañorã. Felipepũ Betsaida waĩcũri maca Galilea yeba árĩri maca majagũ árĩmi. Eropirã ĩgu pohrogue erarã òpa arĩñorã ĩgure:

—Jesure ĩadiaca gua, arĩñorã erã.

22 Erã eroparĩcũ peegũ Felipe Andreguere weregũ wapũ. Eropirã erã perã Jesure werema.

23 Erã werera pũhrũ Jesu guare weremi:

—Yũhũ masũ Goãmũ ĩgu obeodigũ ãhraa. Yũre árĩpehrerã umupeoburibusu árĩro iiaa dohpaguere. Dohpaguere yũ sĩriburibusu árĩro ta iiaa.

24 Diaye mũare arĩgu iiaa. Oteriyere yebague yaabiricũ, iriyere otebiricũ yujuye ta dujaroca. Eropiro iriyere mari otera pũhrũ bajayeri dũcasiua. Eropa ta yũ sĩrira pũhrũ yũre erã yaara pũhrũ bajarã masare Goãmũ mera eropa árĩniguimorãre ĩigũca yũhũ.

25 I yeba mua árĩrire wũaro pepiboca mua. Eropa pepirã Goãmure guñabirã peamegue warãca mua. I yeba mua árĩrire eropa pepicãrã, Goãmũ mera eropa árĩniguirãca.

26 Yahare iidiarã, yũ buherire òaro peeque mua. Mua eropa iirã mua sã yũ árĩboroguere árĩrãca. Yahare ĩgure yũ Pagũpũ umupeogũcumi, arĩmi Jesu guare.

### *Jesu ĩgu sĩriburiñere wereñumi*

27 Őpa arĩnemomi guare.

—Dohpaguere yũhũ ñero sĩporãcũ. ¿Yũ Pagũre dohpa arĩgũcũri yũhũ? “¿Ahũ, yũ ñero tariborore tauque,” ¿arĩbocũri yũhũ? Irire arĩbeaa yũhũ. Ñero taribu ta i yebaguere aribũ. Eropiro yũ ñero tariburibusu dohpaguere ãhraa, arĩ weremi Jesu guare ĩgu buherãre.

28 Eropigũ òpa arĩmi ĩgu Pagũre:

—Ahũ, mũ turagũ árĩrire dohpaguere ĩhmuque masare, arĩmi Jesu ĩgu Pagũre.

Īgu eroparĩcũ umarogue wereniguiro caribũ.

—Turagũ yũ árĩrire masare ĩhmutuhabũ. Dohpaguere eropiigũ dipaturi ĩhmuũca masare, arĩro caribũ.

29 Eroparĩcũ peerã ero niguirã masa bajarã õpa arĩma:

—Bupu árĩcumi eropa busugũ, arĩma masa.

—Anyu Jesure weregũ iiami, arĩma gajirã masa.

30 Õpa arĩmi Jesupũ:

—Umarogue yũre peedorero eropa busũbiro carabũ. Mũapũre peedorero eropa carabũ.

31 Dohpaguere i yeba majarã erã ñeri iira dipuwaja dipuwajacũrãcoma. I yeba majarã erã opũre watĩre Goãmũ cóãgũcumi.

32 Eropigũ crusague yũre erã aĩ wahgũ nugucũ bajarã masare yaharã árĩmorãre iigũca yũhũ, arĩmi Jesu.

33 Eropa arĩgũ crusague ĩgũ sĩriborore weregũ iimi Jesu masare.

34 ĩgũ eroparĩcũ peerã masapũ ĩgũre õpa arĩma:

—Goãmũ yare erã gojarapũ õpa arãa: “Cristo árĩpehrerinũri árĩgũcumi,” arĩ gojañuma. ¿ĩgũ eropa arĩ gojacũ mũre masare Goãmũ ĩgũ obeodigũre dohpa arĩronore mũre wejẽ crusague aĩ wahgũrãcuri masa? ¿Goãmũ ĩgũ obeodigũ noa ãhriri ĩgũ? ¿Cristo árĩbeari mũhũ? arĩ serẽpima erã Jesure.

35 Erã eroparĩcũ õpa arĩ yũhrimi Jesu:

—Boyoriñe iro dopa árĩgũ masare Goãmũ yare õaro masicũ iiaa yũhũ. Pũhrũñarigã mũa mera árĩsome yũhũ. Mũare yũ buhecũ dohpaguere peeque ñerire mũa iibiriburire, Goãmũ mera mũa eropa árĩniguiburire. Yũ buherire peebirã naitĩaro curirã iro dopa erã waborore masibeama.

36 Eropigũ boyoriñe iro dopa ta árĩgũ yũhũ ta ãhraa. Eropigũ mũare buhegũ Goãmũ yare õaro masicũ iiaa mũare. Dohpaguere yũ waboro core yũre umupeoque. Eropa umupeorã yaharã árĩrãca mũa, arĩmi Jesu.

Eropa arĩ weretuha waha wami erãre duhri wahgãgũ.

### *Judio masa Jesure umupeobiriñuma*

37 Bajasuburi Goãmũ turari mera erãre Jesu ĩgũ deyoro moarire ii ĩhmuquerecũ ta judio masa bajarã ĩgũre ne peediabirima.

38 Goãmũ yare erã gojarapũ Isaia mũrũ ĩgũ gojadiro dopa ta eropa iirã iima erã. Õpa arĩ gojañumi Isaia:

Goãmũ, mũ buherire gũa werecũ masa peediabeama. Mũ turarire erãre mũhũ ii ĩhmuquerecũ ta irire “Diaye árĩbeaa,” arĩma erã, arĩ gojañumi Isaia Goãmũ yare gojarapũgue.

39 Erã eropa peediabiricũ ĩagũ Goãmũ erãre masibiricũ iĩñumi. Iri sãre Isaia õpa arĩ gojañumi daja:

40 Cuirĩ ĩhajabirã iro dopa árĩcũ iidi árĩmi Goãmũ erãre. Eropigũ ĩgũ yare masibiricũ iidi árĩmi erãre. Eropirã ĩgũ turarire erã ĩaquererã ta erã ĩarare masibirinirã árĩma erã. Eropirã ĩgũ buherire peequererã ta irire masibirinirã árĩma erã. Goãmũ yare masirã erã ñerire cóãdoreboñuma. Eropigũ erãre tauboñumi ĩgũ, arĩ gojañumi Isaia Goãmũ yare erã gojarapũgue.

41 Isaia Cristo turarire masiyudigũ eropa arĩ gojamũhtañumi.

42 Gajirã Jesure erã umupeobiriquerecũ ta judio masa sã oparã mera majarã sã bajarã Jesure umupeonirã árĩma. Eropa erã umupeoquererã ta erã fariseo masare gũirã gajirã masare Jesure erã umupeorire werebirinirã árĩma. Irere erã werecũ peerã gũa judio masa buheri wihigue erãre ñajadorebiriboñuma fariseo masapũ.



<sup>43</sup> Goãmure mucubiricũ iidiaquererã ta erã tauro masapure mucubiricũ iidianirã árĩma erã. Eropirã erã Jesure ne umupeorã “Jesu yarã àhraa,” arĩ gajirãre werediabirinirã árĩma.

*Jesu wererire erã peediabiriri dipuwaja masa dipuwajacurãcoma, arĩ wereñumi Jesu*

<sup>44</sup> Masa bajarã gua pohro gamenerenirãre Jesu turaro busuro mera weremi:

—Yure umupeogu yu dihtare umupeobeami. Yure obeodigu sãre umupeomi ïgu.

<sup>45</sup> Eropirã yure masirã yure obeodigu sãre masima.

<sup>46</sup> Yuhũ boyoriñe iro dopa ta árĩgu yuhũ Goãmũ yare buhegu ahraa i yebaguere. Eropigu Goãmũ yare mũare masicũ iiaa. Yure umupeogu naitiãro wagũ iro dopa ñerire iiniguisme. Yure umupeogu diaye pepigucumi.

<sup>47</sup> Gajirã yu wererire peequererã ta irire yãhribeama. Erã eropa yãhribiriquerecũ ta, erã yãhribirira dipuwaja moasome yũpũ dohpa. I yebaguere dipuwaja moagu arigu aribiribũ yuhũ. I yeba majarãre peamegue wabonirãre taugu arigu aribũ yuhũ.

<sup>48</sup> Yure gamebigure yu wereri sãre gamebigure dipuwaja moari árĩroca. Ìgu yure peebirira dipuwaja i mũmũ pehrecũ dipuwajacugucumi.

<sup>49</sup> Yuhũ yu gamero werebeaa. Yu Pagu yure obeodigupũ yure were-doremi. Eropiro yu wereripũ ïgu ya wereniguirã ahraa.

<sup>50</sup> Ìgu ya wereniguirire peerã Goãmũ mera eropa árĩniguirãca mũa. Eropigu yu Pagu ïgu weredorediro dopa ta werea mũare, arĩmi Jesu gũare.

## 13

*Jesu ïgu buherãre guburire coeñumi*

<sup>1-3</sup> Eropi Pascua bosenu coregã árĩbũ. Iri ñamire Jesu gua ïgu buherã mera iri bosenure babu árĩmi. Eropigu i yebare ïgu wiriaborore ïgu Pagu pohro waburire merogã dũhyacũ masidigu árĩmi Jesu.

Gua barisubu Judare watĩ doretuhadigu árĩmi ïgu pepirigue. Eropigu ïgure Simo Iscariote magure Jesure ñhaturirãre iri ñamire ïgu wiaburire doretuhadigu árĩmi. Jesu ïgu yarãre i yeba árĩrãre burigã mahidigu árĩmi. Eropigu ïgu mahirare ñhmubu gua guburire coemi. Ìgu Goãmũ pohrogue ïgu arirare, pũhrũ ïgu mũmarogue ïgu mũriaburi sãre masidigu árĩmi. Ìgu Pagu Goãmũ ïgure árĩpehrerã weca opu ïgu apira sãre masidigu árĩmi.

<sup>4</sup> Eropa masiqueregu wahgãnũgaja, ïgu suhriro weca majañere tuwea suhriro gasiro mera ïgu paru yũjũre dirimi.

<sup>5</sup> Dirituha soropa mera decore pisã, gũare ïgu buherãre gua guburire coenũgami. Gũare coetuha ïgu dirira gasiro mera tucoemi gua guburire.

<sup>6</sup> Gajirã buherãre coegã, Simo Pedrogure ejami. Ìgu guburire ïgu coeboro core, Pedropũ ïgure õpa arĩmi:

—Opũ, ¿yu guburire coebu iiri mũhũ? arĩmi Jesure Pedro.

<sup>7</sup> —Dohparagã yuhũ mũre iiburire masibeaa mũhũ. Eropa masibiri-quereru ta pũhrũ masigũca, arĩmi Jesu ïgure.

<sup>8</sup> —Yũ guburire ne coesome mũhũ, arĩmi Pedro.

—Mũre yu coebiricũ yahagu arĩsome mũhũ, arĩmi Jesu.

<sup>9</sup> —Opũ, yu guburi dihtare coebiricãque. Yu guburire, yu mojotorire, yu dipuru sãre coeque, arĩmi Pedro.

<sup>10</sup> Ìgu eroparĩcũ Jesu õpa arĩmi:

—Yujugu masu guhagu igu dupure oaro tucopehomi. Eropiro igure dipaturi tucoema masiya mara. Igu guburi dihtare coero gahmea. Arıpehrerã mua ñeri iirare coenirã mua arıquerecũ ta yujugu mua mera majagu igu ñerire coeya marigu ahrimi, arımi Jesu.

<sup>11</sup> Jesu igure ihaturirãre wiabure masituhãnumi. Eropa masigu “Yujugu mua mera majagu igu ñerire coeya marigu ahrimi,” arınumi igu.

<sup>12</sup> Gua guburire coetuha, suhrirore sañatuha, doajami daja igu doadiro ta. Tuhaja opra arımi guare:

—¿Dohparagã yuhu muare iirare masiri mua?

<sup>13</sup> Mua yure “Buhegu,” arı piyurã, “Opu,” arı piyurã diaye ta arırã iiaa yure. Muare buhegu, mua opu diaye ta ahraa yuhu.

<sup>14</sup> Eropirã yuhu muare buhegu, mua opu arıqueregu ta mua guburire yu coecũ mua sã mua mera majarãre guburire coeque.

<sup>15</sup> Dohparagã mua iiburire muare ihmuabu. Mua mera majarãre mua itamuburire muare ihmuabu. Muare yu iidiro dopa ta mua sã iique.

<sup>16</sup> Diaye muare arıgu ta iiaa. Mua yu pohro majarã dopa arırã yu tauro arıbeaa. Muare buhedore yu obeorã ahraa mua. Eropirã yu tauro arıbeaa mua. Eropa iigu ta “Yu iidiro dopa ta iique,” arãbu yuhu muare.

<sup>17</sup> Ire mua masirã, yu dorerire iirã, mucubirirã arırãca mua.

<sup>18</sup> “Muare arıpehrerãre eropa arıbeaa. Yu beyenirãre masia yuhu. Goãm yare erã gojarapũ arıdiro dopa ta eropa waroca. “Yu mera bagu ta yure wejẽdiami,” arı gojañuma Goãm yare erã gojarapũgue.

<sup>19</sup> Igu yure eropa wiaboro core ire wereyugu iiaa muare. Yure igu eropa iira puhru “Jesu ta Cristo Goãm igu obeodigu ahrimi,” mua arıburire ire muare wereyugu iiaa yuhu.

<sup>20</sup> Diaye ta muare arıgu iiaa. Yu obeonirãre gamegu yu sare gahmemi igu. Eropigu yure gamegu yure obeodigu sare gahmemi igu, arımi Jesu guare igu buherãre.

### *Juda Jesure ihaturirãre igu wiaborore wereñumi Jesu*

*Mt 26.20-25; Mr 14.17-21; Lc 22.21-23*

<sup>21</sup> Eropa arı weretuha Jesu turaro bujaweremi. Eropa bujaweregu opra arı weremi igu guare.

—Diaye muare arıgu iiaa. Yujugu mua mera majagu yure ihaturirãre wiagucumi, arımi Jesu.

<sup>22</sup> Igu eroparıcũ peerã Jesure wiabure masibirã, gua game ihamehtubu.

<sup>23</sup> Yuhu igu buherã mera majagu Jesu igu mahigupu igu pohro doabu.

<sup>24</sup> Eropigu Simo Pedro yure igu mojoto mera sipu serẽpidoremi Jesure igure wiabure:

<sup>25</sup> Eropigu yupu Jesu pohro doadigu serẽpiñabu igure:

—Opu, ¿nıhire arıgu iiri muhu? arıbu yuhu.

<sup>26</sup> —Iru panrure mohwa aı, yuhu yoso ogu igu ta ahrimi yure wiabu, arımi Jesu.

Eropa arıtuha iriru panrure igu mohwarañere yosotuha Judare Simo Iscariote magure omi.

<sup>27</sup> Eropigu panre igu ora puhru watıpu Judare ñero iidoredigu arımi. Eropigu Jesu igure opra arımi:

—Mu iiburire yojaro mera ii purumujuque muhu, arımi Jesu Judare.

<sup>28</sup> Igu eroparıcũ peerã gua mesague doanirã Jesu Judare igu arırare masibirıbu.

<sup>29</sup> Yujurāyeri gua òpa arĩ pepiribũ: “Juda gua niyerure dibugũ āhrimi. Eropigũ bosenu gua baburire asũdoregũ obeoami Jesu Judare. Mojo-morocũrãre niyerure odoregũ iiami Jesu,” arĩ pepiribũ gua yujurāyeri.

<sup>30</sup> Eropigũ Juda iri panre ñeatuha wiria wami. Īgũ wiriarasubure ñami árĩbũ.

*Mama doreriñere wereñumi Jesu ĩgũ buherãre*

<sup>31</sup> Īgũ wiriara pũhrũ guare òpa arĩmi Jesu:

—Dohpague tamerare yũhũ masũ Goãmũ ĩgũ obeodigũ yũ turagũ árĩrire ĩhmugũcumĩ Goãmũ masare. Eropigũ Goãmũ ĩgũ turagũ árĩrire ĩhmugũca yũrũ.

<sup>32</sup> Eropigũ Goãmũ turarire yũ ĩhmucũ ĩgũ yũ turari sãre dohparagã ĩhmu purumujugũcumĩ.

<sup>33</sup> Yũ porã, yũre peeque. Bajamenũrigã mũa mera árĩnigũca. Yũre amarãca mũa. Eropigũ judio masare yũ arĩdiro dopa ta mũa sãre arãa. “Yũ waborore mũarũ wamasibeaã,” erãre yũ arĩdiro dopa ta mũa sãre werea.

<sup>34</sup> Mama doreriñere mũare weregũra. Mũa mera majarãre mahique mũa. Mũare yũ mahidiro dopa ta mũa mera majarãre mahi umupeoque.

<sup>35</sup> Eropirã mũa mera majarãre mũa mahicũ ĩha gajirã yaharã mũa árĩcũ ĩha masirãcoma, arĩmi Jesu.

*“Jesure masibeaã,” Pedro ĩgũ arĩburire wereñumi Jesu*

*Mt 26.31-35; Mr 14.27-31; Lc 22.31-34*

<sup>36</sup> Īgũ eroparĩcũ Simo Pedro Jesure serẽpimi:

—Opũ, ¿nohogue wagũcuri mũhũ? arĩmi Pedro. Īgũ eroparĩcũ Jesu yũhrimi:

—Yũ waboroguere dohpaguere yũ mera wamasibeaã mũhũ. Dohpague wamasibiriqueregũ ta pũhrũ yũ pohro wagũca, arĩmi Jesu Pedore.

<sup>37</sup> Pedro arĩmi:

—Opũ, ¿duhpigũ dohpaguere mũ mera wamasibiribocuri yũhũ? Yũre erã wejẽdiaquerecũ yũhũ mũre duhosome. Itamugũca, arĩmi Pedro Jesure.

<sup>38</sup> —¿Mũ eropa arĩgũ diaye ta yũre itamugũcuri? Diaye mũre weregũ iiaa. “Jesure masibeaã,” arĩgũca mũhũ gajirãre. Ëhresubu eropa arĩgũca cãreña ĩgũ wereboro core, arĩmi Jesu Pedore.

## 14

*Jesu Goãmũ pohrogue wari maha iro dopa āhraa yũhũ, arĩ wereñumi*

<sup>1</sup> Pũhrũ Jesu guare òpa arĩ weremi:

—Ne bujawere wũaro guñaricũbircãque. Goãmũre “Diaye ta iigũ āhrimi,” arĩ umupeoque. Eropirã yũ sãre eropa umupeoque.

<sup>2</sup> Yũ Pagũ ĩgũ árĩroguere baja wiri āhraa. Mũa árĩborore amuyugũ wagũra. Iri diaye ta āhraa. Eropigũ mũare irire werea.

<sup>3</sup> Eropigũ mũa árĩborore amutuha, dujarigũra yũhũ. Eropigũ yũ pohrogue mũa árĩmorãre aĩgũ arigũra yũhũ daja.

<sup>4</sup> Eropirã yũ waburi mare masia mũa, arĩmi Jesu guare ĩgũ buherãre.

<sup>5</sup> —Opũ, mũ waborore masibeaã gua. ¿Eropirã dohpa ii mũ waburi mare masirãcuri gua? arĩ serẽpimi Toma Jesure.

<sup>6</sup> Īgũ eropa arĩ serẽpicũ Jesupũ yũhrimi:

—Goãmũ pohrogue wari maha iro dopa arĩgũ tĩaa yũhũ. Eropigũ diaye árĩrire weregũ árĩcãgũ tĩaa yũhũ. Eropigũ mũaroguere ojocarĩnigũcũ

iigu árĩgu tiiāa yũhũ. Eropirã yũre umupeorã dihta yũ Pagũ pohrogue warãcoma.

<sup>7</sup> Nere yũre masirã árĩrã, yũ Pagũ sãre masiboaya mũa. Dohpaguere ĩgũre ĩhaa mũa. Eropirã ĩgũre masituhabu mũa, arĩmi Jesu.

<sup>8</sup> ĩgu eroparĩcũ Felipe õpa arĩmi:

—Opũ, mari Pagũre ĩhmuque guare. Iripẽta gahmea gua, arĩmi ĩgu.

<sup>9</sup> ĩgu eroparĩcũ Jesu weremi:

—Felipe, ¿yoari boje yũ mera árĩqueregu ta, mũ masinibeari yũre? Yũre ĩagũ yũ Pagũ sãre ĩatuhami. “Eropigu mari Pagũre ĩhmuque guare,” ¿duhpigu eropa arĩri mũhũ yũre?

<sup>10</sup> Yũ Pagũ mera yujugũ ta āhraa yũhũ. Irire “Diaye árĩbeaa,” ¿arĩgu meje iiri mũhũ? Mũare weregu yũ gamero weregu iibeaa. Yũ Pagũre werebasagu iiaa. Eropigu ĩgu yũ mera árĩgu ĩgu turari mera ii ĩhmumi.

<sup>11</sup> Yũhũ, yũ Pagũ mera yujugũ ta āhraa. Yũ eroparĩcũ irire “Diaye ta āhraa,” arĩ pepique mũa. Irire “Diaye ta árĩbeaa,” arĩdiarã, Goãmũ turari mera deoro moarire yũ ii ĩhmurire ĩaque. Eropa ĩara pũhrũ yũ Pagũ mera yũ yujugũ ta árĩrire “Diaye ta āhraa,” arĩ pepique mũa.

<sup>12</sup> Diaye mũare arĩgu iiaa. Yũre umupeogu yũ iidiro dopa ta iigũcumi. Eropigu ĩgũpũ yũ tauro iigũcumi. Yũ Pagũ pohrogue wabu iiaa dohpaguere. Eropigu yũre umupeogu yũ tauro Goãmũ turari mera ii ĩhmugũcumi.

<sup>13</sup> Eropigu yũre umupeorãre erã yũ waĩ mera serẽropẽ ta iigũra. Eropa iigu yũ Pagũ ĩgu turarire ii ĩhmugũca.

<sup>14</sup> Yũre umupeorã mũa árĩcũ mũa serẽropẽ ta iigũra, arĩmi Jesu.

*Espĩritu Santore mũare obeogũra, arĩ wereñumi Jesu*

<sup>15</sup> Eropa arĩtuha guare õpa arĩnemomi:

—Yũre mũa mahirã, yũ dorerire ipehorãca.

<sup>16</sup> Yũ Pagũre serẽgũra. Yũ eropa serẽcũ yũ Pagũpũ gajigũre mũare itamubure mũare obeogũcumi. Eropigu ĩgu mũare itamubupũ mũmũri nũcũ mũa mera árĩgũcumi.

<sup>17</sup> ĩgu diaye majare weregu Espĩritu Santo āhrimi. I yeba majarãpũ Espĩritu Santore masibeama. Eropirã ĩgũre opamasibeama. ĩgu ta mũa mera árĩgũcumi. Eropirã mũa ĩgũre oparãca. Eropirã ĩgũre masia mũa.

<sup>18</sup> Mũare cóãsome yũhũ. Mũa mera árĩbu dujarigũca yũhũ daja.

<sup>19</sup> Merogã dũhyaa yũ waboro. Yũ wara pũhrũ i yeba majarã yũre umupeobirĩnirã yũre dipaturi ĩasome. Mũapũ yũre ĩarãca. Yũ ojocarĩcũ mũa sã mũmũri nũcũ Goãmũ mera ojocarĩrãca.

<sup>20</sup> Irinũ yũ dujariburĩnũre yũhũ, yũ Pagũ mera yujugũ ta yũ árĩcũ masirãca mũa. Eropirã yũ mera mũa árĩcũ mũa mera yũ árĩcũ sãre masirãca mũa.

<sup>21</sup> Yũ dorerire iigu yũre mahigu ta āhrimi. Eropigu yũre mahigũre yũ Pagũpũ mahigũcumi. Eropigu yũ sã ĩgũre mahigũca. Eropigu ĩgũre yũre õaro masicũ iigũca, arĩmi Jesu guare ĩgu buherãre.

<sup>22</sup> Gũa mera majagu gajigu Juda waĩcũgu arĩmi Iscariote árĩbigũ. Õpa arĩmi ĩgu Jesure.

—Opũ, ¿dohpa iigũcuri mũhũ guare eropa arĩgu? ¿I yeba majarãre mũre masicũ iibigu dohpa iigũcuri mũhũ gũa dihtare mũre masicũ iigu? arĩ serẽpimi Juda.

<sup>23</sup> ĩgu eroparĩcũ Jesu yũhrimi:

—Yũre mahirã yũ dorerire õaro iima. Erã eropa iicũ yũ Pagũpũ erãre mahigũcumi. Eropirã erã mera árĩrã árĩrãca gũa.

<sup>24</sup> Yũre mahibigu yũ dorerire iibeami. Eropiro yũ wereri mũa peerapũ yũ wereniguiri árĩbeaa. Yũre obeodigu ya wereniguiripũ áhrraa. Īgu yũ Pagũ ta áhrimi.

<sup>25</sup> Mũa mera árĩnigu ire mũare wereniguigu iiaa.

<sup>26</sup> Pũhrũ yũ serẽcũ yũ Pagũ Espĩritu Santore obeogũcumĩ mũare. Eropigu Espĩritu Santopũ mũare itamubu árĩgu, mũare buhepegogũcumĩ ĩgu. Eropigu mũare yũ wererare guñacũ iigũcumĩ ĩgu.

<sup>27</sup> Mũare õaro árĩcũ iigũca yũhũ. Yũhũ õaro árĩdiro dopa ta õaro árĩcũ iigũca mũare. I yeba majarã erã iidiro dopa iisome yũhũ. Yũ tamera diaye õaro árĩcũ iigũca mũare. Bũjawere wũaro guñaricũbircãque mũa. Eropirã gũibircãque mũa.

<sup>28</sup> “Yũhũ wagũca. Eropigu mũa mera árĩbu dujarigũca daja,” mũare yũ eropa arĩ werecũ peetuhabũ mũa. Irĩre masirã árĩrã mucubiriboaya mũa. Yũre mũa diaye mahinirã árĩrã mucubiriboaya mũa. Yũ Pagũpũ yũ tauro turami. Eropirã ĩgu pohrogue yũ waborore mũa masira pũhrũ yũre mahirã mucubiriboaya mũa.

<sup>29</sup> Yũre mũa umupeoburire yũ waborore wereyugũ iiaa mũare.

<sup>30</sup> “I yeba majarã opũ watĩ doregũ iimi dohpaguere. Eropigu ĩgu eropa dorecũ yũhũ mũa mera wereniguituboro merogã duhyaa. Īgũpũ yũre tarinũgamasibeami.

<sup>31</sup> Yũre yũ Pagũ ĩgu dorero dopa ta iiaa yũhũ. Eropa ta iiaa yũhũ yũ Pagũre yũ mahirire i yeba majarã erã masiburire.

“Wahgãnũgajaque. Ina warã, arĩmi Jesu gũare ĩgu buherãre.

## 15

### *Jesu iguiru iro dopa áhrraa, arĩ wereñumi*

<sup>1</sup> Eropigu werenigui queori mera buhegu gũare õpa arĩmi Jesu:

—Yũhũ iguiru diaye majaru iro dopa árĩgu áhrraa. Yũ Pagũpũ iguirure ĩhadibugũ iro dopa árĩgu áhrimi.

<sup>2</sup> Iguirure iri dũpũri gamesũriro dopa ta mũa yaharã yũ mera áhrraa. Dũca mariri dũpũrire iguirure ĩhadibugũ ĩgu peha cóãro dopa ta yũ Pagũ ĩgu gamerire iibirãre cohãmi. Dũcacũri dũpũrire iguirure ĩhadibugũ ĩgu amuro dopa ta yũ Pagũ ĩgu gamerire iirãre itamugũcumĩ ĩgu “Yũ gamerire iinemoporo,” arĩgu.

<sup>3</sup> Yũ wererire peerã, “Diaye ta áhrraa,” arãa mũa. Eropigu yũ Pagũ mũa ñeri iirare cóãtuhãmi.

<sup>4</sup> Yũre gamesũriro dopa ta yũ mera majarã árĩque mũa. Eropigu mũa mera árĩgũca. Iguiru dũpũri iguiru mera gamesũribiro árĩro iri dũpũripũ dũca mara. Eropa ta yũ mera majarã õaro árĩbirã sã yũ Pagũ gamerire iimasibeaa mũa.

<sup>5</sup> Iguirure iri dũpũri gamesũriro dopa ta mũa yaharã yũ mera áhrraa. Iri dũpũri iguirure õaro gamesũriro árĩro dũcacũ. Mũa sã yũre õaro gamesũrirã yũ Pagũ gamerire iiaa. Yũre gamesũrirã árĩbirã ĩgu gamerire iimasibeaa mũa.

<sup>6</sup> Ñeri dũpũrire turira dũpũre ĩgu cóãboro dopa ta yũ mera majarã árĩbirãre yũ Pagũ cóãgũcumĩ. Iri dũpũri ñaicũ ĩha iguirure ĩhadibugũ iri dũpũrire aĩ gameneo peamegue soecãgũcumĩ. Eropa ta iigũcumĩ Goãmũ yũ mera majarã árĩbirãre.

<sup>7</sup> “Yũ mera majarã árĩrã yũ buherire cãdijibiriboca mũa. Eropa cãdijibirã mũa gameropẽ ta yũre serẽque. Eropigu mũa serẽropẽ ta ogũra.

8 Yũ Pagũ gamerire mũa iirã áricũ ïarã, “Oã Jesu yarã áhřima,” arĩ masirãcoma gajirã masa. Eropirã mũare ïarã yũ Pagũre umupeorãcoma.

9 Yũ Pagũ ïgũ yũre mahidiro dopa ta yũ sã mũare mahia. Eropirã yũ mahiri mera árique mũa.

10 Yũ Pagũ ïgũ dorerire iiaa yũhũ. Eropigũ ïgũ mahigũ árĩniguia yũhũ. Eropa ta mũa sã yũ dorerire iirã yũ mahirã árĩniguicãrãca mũa.

11 “Ire mũare wereabũ yũ mera mũa õaro mucubiriborore. Eropirã turaro mucubirirãca mũa.

12 Õpa dorea mũare: Mũare yũ mahidiro dopa ta mũa mera majarãre mũa sã mahique.

13 Yujugũ masũ ïgũ mera majagũ yañe árĩborañe sĩrigũ ïgũ mera majagũre bũrigã mahiami gajirã mahidiro tauro.

14 Eropirã yũ dorerire iirã yũ mera majarã áhřaa mũa.

15 Diaye ta mũa yũ mera majarã gohra áhřaa. Mũa eropa árĩrã áricũ árĩpehřerire yũ iirare werea mũare. Pohro majagũ ïgũ opũ iiburire masibeami ïgũ. Eropigũ “Yũ pohro majarã bu árĩrã áhřaa mũa,” arĩbeaa mũare. Yũ Pagũ ïgũ yũre wererare mũare werepehoabũ. Eropa weregũ “Yũ mera majarã áhřaa mũa,” mũare arãa dohpaguere.

16 Mũapũ yũre beyebiribũ. Yũpũ mũare beyebũ yũ Pagũ gamerire mũa iimorãre. Mũa eropa iicũ mũa eropa iiri ne yuju diaye gohra árĩsome. Mũa eropa iicũ yũre mũa umupeocũ yũ Pagũ mũa serẽropẽ ta mũare ogũcumĩ.

17 Ire mũare dorea yũhũ: Mũa basi game mahi umupeoque, arĩmi Jesu.

### *Jesure ïgũ yarã sãre i yeba majarã ïhaturirire wereñumi Jesu*

18 Eropigũ gũare werenemomi daja:

—I yeba majarã mũare erã ïhaturicũ ïarã ire guñaque mũa: “Gũare eropa ïhaturiboro core Jesupũre ïhaturinũgatuhama erã,” arĩ guñaque.

19 I yeba majarã gohra mũa áricũ, erã mera majarãre erã mahidiro dopa ta mũa sãre mahiboañuma erã. I yeba majarã mera mũa árĩnicũ mũare beyebũ. Eropirã dohpaguere i yeba majarã gohra árĩbeaa mũa. Mũa eropa árĩbircũ ïarã i yeba majarã mũare ïhaturima.

20 Mũa yaharã árĩrã “Yũ tauro árĩbeaa,” mũare yũ arĩrare guñaque mũa. Eropa yũ mera majarã árĩrã yũ ñero tariboro dopa ta ñero tarirãca mũa sã. Yũre ñero iinirã ta mũa sãre ñero iirãcoma. Yũ buherire yũhrinirã ta mũa buheri sãre yũhrirãcoma.

21 I yeba majarã yũre obeodigũre masibeami. Eropirã yũre umupeorã mũa áricũ ñero iirãcoma erã mũare.

22 “Erãre yũ buhegũ aribircũ erã yũre gamebirira dipuwaja mari-boaya. Dohpaguere erãre yũ buhera pũhrũ “Ñeri dipuwaja mara gũare,” arĩmasibeami erã.

23 Yũre ïhaturigũ yũ Pagũ sãre ïhaturimi.

24 Goãmũ turari mera gajirã erã ne iibirirare ii ïhmubũ. Eropiro erãre irire yũ ii ïhmubircũ erã peebirira dipuwaja mari-boaya. Goãmũ turari mera yũ ii ïhmurare erã ïara pũhrũ yũre yũ Pagũ sãre ïhaturima erã.

25 Eropa ïhaturirã Goãmũ yare erã gojarapũ matague ta erã arĩ gojadiro dopa ta iirã iima erã. Õpa arĩ gojañuma: “Erãre yũ ñero iibiriquerecũ ta yũre ïhaturima erã,” arĩ gojañuma matague ta Goãmũ yare erã gojarapũgue, arĩmi Jesu.

26 Eropigũ werenemomi daja:

—Yũ pũhrũgue mũare itamubu, yũ Pagũ mera árĩgu mũare yũ obeobu Espĩritu Santo ta ãhrimi. Ĩgu diaye majare weregu ta ãhrimi. Eropigu ĩgu arigu yũ árĩricũre weregũcumi mũare.

<sup>27</sup> Mũare yũ buhenũgacũgue mũa sã yũ mera umũri nucũ árĩbũ. Mũa sã yũ árĩricũre wererãca, arĩ weremi Jesu gũare.

## 16

<sup>1</sup> Eropa arĩtuha gũare õpa arĩ werenemomi:

—Pũhrũ yũ buherire yũ sãre mũa cóãbiriburire õpa weregũra mũare.

<sup>2</sup> Mari buheri wirigue mũa ñajadiacũ ñajadoresome mũare yaharã mũa árĩri dipuwaja. Eropirã mũare gajisubu wejẽ “Goãmũ gamerire iirã iiaa,” arĩ pepirãcoma gajirã.

<sup>3</sup> Yũ Pagũre, yũ sãre erã masibeama. Eropa masibirã mũare ñero iirãcoma erã.

<sup>4</sup> Eropirã mũare erã ñero erã iicũ ĩarã, “Erã õpa iiboro core ta Jesu gũare weremũhtayutuhami,” arĩ guñarãca mũa. Mũa eropa arĩ guñaburire dohpagueire ire weremũhtagu iiaa mũare, arĩ weremi Jesu.

### *Espĩritu Santo ĩgu iiburire wereñumi Jesu*

Eropa arĩtuha õpa arĩ werenemomi:

—Neguere mũa mera árĩgu ire mũare werebiribũ.

<sup>5</sup> Dohpaguepũre yũre obeodigu pohrogue wagũca. “¿Nohogue wagũcuri mũhũ?” arĩ ne yujugu yũre serẽpibeaa mũa yũre.

<sup>6</sup> Eropa serẽpibiriquererã ta yũ waborore mũare werecũ mũa ñero sĩporãcũca.

<sup>7</sup> Mũa ñero sĩporãcũquerecũ mũare õpa diaye ta werea: Yũ wara pũhrũ mũare õacãroca. Yũ umarogue wabiricũ mũare itamubupũ aribiribocumi. Eropa wagũ eja mũare ĩgũre obeogũca yũhũ.

<sup>8</sup> Yũ eropa obeocũ ĩgu arigũcumi. Eropa eragu i yeba majarãre ñerire iirã erã árĩcũ masicũ iigũcumi ĩgu. Eropigu õaro árĩricũburire buhegũcumi ĩgu. Eropigu Goãmũ ĩgu dipuwaja moaborore weregũcumi masare itamubupũ.

<sup>9</sup> Yũre umupeobirã ãhrima i yeba majarã. Eropigu itamubupũ masa erã ñero iiricũre erãre masicũ iigũcumi.

<sup>10</sup> Yũ Pagũ pohrogue wagũca. Yũ eropa wara pũhrũ masa yũre ñanisome. Eropigu itamubupũ arigu õaro árĩricũri sãre buhegũcumi.

<sup>11</sup> I yeba majarã opũre watĩre Goãmũ dipuwaja moadoretuhami. Eropigu Goãmũ masare ĩgu dipuwaja moaburi sãre weregũcumi itamubupũ.

<sup>12</sup> “Wũaro ãhraa mũare yũ wereburi. Yũ eropa werenemodiaquerecũ ta ire yũ werecũ dohparagã masisome mũa.

<sup>13</sup> Yũ eropa werenemobiricũ Espĩritu Santopũ irire werenemogu arigũcumi. Ĩgu ĩgu gamero mũare weresome. Yũ Pagũ ĩgu weredorerare mũare weregũcumi. Eropigu mũare diaye majare werepehogũcumi. Eropiro pũhrũgue waburire mũare masicũ iigũcumi ĩgu.

<sup>14</sup> Eropigu ĩgu yare mũare weregũcumi. Eropa weregu yũre umupeocũ iigũcumi mũare.

<sup>15</sup> Árĩpehreri yũ Pagũ ya sã yaha ãhraa. Eropigu “Espĩritu Santo yahare weregũcumi,” arãbũ mũare, arĩ weremi Jesu.

### *Bũjawererã árĩquererã ta pũhrũ mucubirirãca mũa, arĩ wereñumi Jesu*

<sup>16</sup> Eropa arĩtuha õpa arĩ werenemomi gũare daja:

—Bajamenuri yure ñasome mua. Eropirã pũhrugã ta daja mua yure ñarãca, arĩmi Jesu.

<sup>17</sup> Ñgu eroparĩcũ peerã, guapũ bajamerãgã õpa arĩ wereniguibũ gua basi:

—“Bajamenuri yure ñasome mua. Eropirã pũhrugã ta daja mua yure ñarãca,” arĩgu ¿dohpa arĩgu eropa arãri marire? Eropigu “Yũ Pagu pohrogue wagũca,” ¿dohpa arĩronore eropa arãri ñgu?

<sup>18</sup> “Bajamenuri pũhrũ,” arĩgu ¿dohpa arĩgu eropa arãri ñgu? Ñgu wererare õaro pee masibea mari, arĩbũ gua basi.

<sup>19</sup> Gua eropa arĩ wereniguicũ Jesu ñgure gua serẽpidiarire masigu guare õpa arĩ weremi:

—“Bajamenuri yure ñasome mua. ¿Eropirã pũhrugã ta yure ñarãca daja,” yũ arĩrare serẽpidiari mua? ¿Irire yũ arĩrare masibeari mua?

<sup>20</sup> Diaye muare arĩgu iiaa: Yũhũ sĩricũ ñarã mua orerãca. Eropirã burigã bujawererãca. Yure umupeobirinirãpũ mucubirirãcoma. Mũapũ bujawerenirã árĩquererã pũhrũ mucubirirãca mua.

<sup>21</sup> Ñpa ãhraa iri: Nomeo niji wahgũgo igo ñero tariburisubũ ãhraa. Eropigo igo turaro bujaweremo. Eropa bujawerequerego, igo magugã dehyoacũ ñago mucubirimo. Eropigo igore pũrirare guñabeamo igo pare.

<sup>22</sup> Eropa ta mua dohpaguere bujawererãca. Pũhrũ mua yure ñarãca daja. Eropirã mua turaro mucubirirãca. Mua eropa mucubiririre gajirã muare bujawerrecũ iimasisome.

<sup>23</sup> “Irinũ yure mua ñarinũre yure serẽpisome mua. Yũ Pagupũ mua serẽrire ogũcumi. Diaye ta muare arĩgu iiaa. Yure mua umupeocũ ñagu yũ Pagure yũ waĩ mera mua serẽrire ñgu muare ogũcumi.

<sup>24</sup> Yũ õpa waboro core mua yure waĩpeo Goãmũre serẽnibiribũ mua. Dohpaguere yure waĩpeo Goãmũre serẽque. Mua eropa serẽcũ muare ñgu ogũcumi mua turaro mucubiriburire, arĩmi Jesu guare.

### *Ñerãre Jesu ñgu tarinũgarire wereñumi ñgu buherãre*

<sup>25</sup> Eropa arĩtuha õpa arĩnemomi:

—Werenigui queori mera muare weremũrabũ. Eropa werequeregu ta pũhrũ muare werenigui queori mera weresome pare yũhũ. Yũ Pagupũre mua õaro peeboro dopa weregura muare.

<sup>26</sup> Irinũre mua ya árĩburire muare serẽbasasome yũhũ. Yure umupeorã yaha waĩ mera mua basi ñgure serẽrãca.

<sup>27</sup> Mua yure mahirã ãhraa. Eropirã yũ Pagu pohrogue yũ aridigu árĩcũ “Diaye ta ãhraa,” arãa mua. Eropa arĩrã mua árĩcũ ñagu, yure mahirã mua árĩcũ ñagu yũ Pagu sã muare mahimi. Ñgu eropa mahicũ mua ñgure serẽrãca.

<sup>28</sup> Yũ Pagu pohro árĩdigũ árĩgu i yebaguere arĩbũ yũhũ. Eropigu dohpaguere i yebague árĩdigũ árĩgu yũ Pagu pohrogue dujagũca daja, arĩmi Jesu.

<sup>29</sup> Ñgu eroparĩcũ gua ñgu buherã õpa arĩbũ:

—Dohpague tamerare werenigui queori mariro wereniguigu õaro diaye wereniguigu iiaa mũhũ guare.

<sup>30</sup> Mũhũ õaro masipehogũ mũ árĩcũ gua dohpague ta õaro masia. Eropirã gajirã mũre buhemasibeamã. Eropirã irire gua dohpaguere õaro masia. Gua irire õaro masirã arĩrã Goãmũ pohrogue mũ aridigu árĩcũ “Diaye ta ãhraa,” arãa, arĩbũ gua Jesure.

<sup>31</sup> Gua eroparĩcũ Jesu yũhrimi guare:

—Dohpaguere “Diaye ta ãhraa,” ¿arĩri mua pare?



<sup>32</sup> Puhruñari mua ya wirigue wasirirã yure cóârãca mua. Mua eropa cóãquerecũ ta yu Pagupu yu mera àhrimi. Eropigu yuhu yujugu ta árĩbeaa.

<sup>33</sup> Ire muare wereyubu yure mua guñaturari mera mua òaro árĩboro dopa. I yeba árĩrisubu Goãmure gamebirã pohrogue mua árĩcũ muare ñero iirãcoma erã. Erã eropa iiquerecũ ta guñaturaque mua. I yeba majarã erã ñero iirare tarinugagu àhraa yuhu. Eropirã yure guñatura mucubirique mua, arĩmi guare igu buherãre.

## 17

### *Jesu igu buherã ya árĩburire igu Pagure Goãmure serëbasañumi*

<sup>1</sup> Eropa arĩ weretuha Jesu umarogue ñhamuju òpa arĩ wereniguimi Goãmure igu Pagure:

—Ahũ, dohpaguere mũ werediro dopa ta yure erã ñero iiburisubu ejanijaro iiaa. Yure mũ magure erã masare umupeocũ iique. Mũ eropa iicũ masare mure umupeocũ iigura yu sã.

<sup>2</sup> Árĩpehrerã tauro opu apibu muhu yure. Eropigu mũ yure onirãre mũ mera eropa árĩniguicũ iiguca muhu.

<sup>3</sup> Mũ dihta Goãmũ gohra àhraa. Yuhu Jesucristo mũ obeodigu àhraa. Eropirã árĩpehrerã mure masirã, yu sãre masirã mari mera umaroguere eropa árĩniguicãrãcoma, arĩmi.

<sup>4</sup> Eropa arĩgu ta òpa arĩnemomi Goãmure:

—I yebaguere mũ iidorerare ipehoabu yuhu. Eropa iigu masare mũ turagu árĩrere ñhmuabu yuhu.

<sup>5</sup> I yeba árĩboro core mũ mera yu árĩcũ òaro turari opabu. Eropigu dohpaguere mũ árĩroque irire yu òaro turagu árĩrere ñhmuque.

<sup>6</sup> “I yeba árĩrãre yure mũ onirãre mure masicũ iiabũ. Mũ onirã mũ yarã àhrima. Eropigu erãre ohabũ muhu yure. Eropirã mũ dorerire iiaa erã.

<sup>7-8</sup> Yure mũ wererare erãre buheabu. Yu buhecũ peerã yu buherire gahmeama erã. Eropirã diaye ta mũ pohro aridigu yu árĩcũ masima erã. Eropirã mũ obeodigu yu árĩcũ sãre “Diaye ta àhraa,” arĩ pepima erã.

<sup>9</sup> “Erã ya árĩburi mure serëgu iiaa. Gajirã ya árĩburipure serëgu iibea yuhu. Yure mũ onirã mũ yarã àhrima. Eropigu erã ya árĩburire serëgu iiaa mure.

<sup>10</sup> Erã árĩpehrerã mũ yarã àhrima. Eropirã mũ yarãpu yaharã àhrima. Yure umupeorã yu turagu árĩrere ñhmuma erã masare.

<sup>11</sup> “Dohpaguere i yebaguere dujasome yuhu. Mũ pohro wabu iiaa. Yu eropa waquerecũ ta dohpaguere yure mũ onirã i yebaguere dujama. Ahũ, muhu òagu àhraa. Yure mũ onirãre mũ turari mera ñhadibuque. Mũ eropa dibucũ mari yujugu ta árĩdiro dopa ta yuju curu ta árĩrãcoma erã sã.

<sup>12</sup> Erã mera arĩgu mũ turari mera erãre òaro ñhadibuabu. Yujugu tamera peamegue wagucumi mũ yare erã gojarapũ werediro dopa ta.

<sup>13</sup> “Dohpaguere mũ pohrogue wabu iiaa. Eropigu i yeba i árĩpehrerire mũ yarãre werea yu mera erã òaro mucubiriborore.

<sup>14</sup> Mũ yare wereabu erãre. Erã yu iro dopa ta i yeba árĩwajamorã árĩbeama. Eropirã i yeba majarãpu erãre ñhaturima.

<sup>15</sup> “I yeba árĩrãre, yaharãre añaque,” arĩbeaa. Eropa arĩbiriqueregu erãre òaro ñhadibuque watĩ ñerire iidoreri erãgue arĩgu.

<sup>16</sup> I yeba majagu árĩbeaa. Erã sã yu iro dopa ta i yeba árĩwajamorã árĩbeama.

<sup>17</sup> Yaharäre mü buheri mera ðarã áricũ iique eräre. Mü wereripü diaye ta ähraa.

<sup>18</sup> I yebaguere yüre mü obeodiro dopa ta yurü yaharäre mü yare buhedoregü obeoa.

<sup>19</sup> Mü gamerire iibu árĩgü, sĩribu árĩgü erã ya árĩburire sĩribu ähraa. Eropa sĩribu ähraa yuhü yaharã sã mü gamerire diaye erã ðaro iiburire.

<sup>20</sup> “Yaharäre dohpague árĩrã dihtare itamuque,” arĩ serëbeaa yuhü. Yaharã gajiräre erã buhera pührü gajirã sã yüre umupeorãcoma. “Erã sãre itamuque,” arãa yuhü.

<sup>21</sup> Yaharã árĩpehrerã erã yuju curu árĩboro dopa itamuque. Yuhü mü mera yujugü ta ähraa. Mari yujugü árĩdiro dopa ta erã mari mera yuju curu ta árĩporo. Yujuro mera ta árĩporo mü obeodigü yü árĩrire árĩpehrerã masa “Diaye ta ähraa,” erã arĩburire.

<sup>22</sup> Yüre mü ora turarire yaharäre ohabü. Iri turarire oparã yujugü ta mari árĩdiro dopa ta erã sã yuju curu ta árĩrãcoma.

<sup>23</sup> Yuhü erã mera ähraa. Eropigü mühü yü mera ähraa. Mari eropa árĩrã árĩcũ mari yarã diaye ta ðaro yuju curu ta árĩrãcoma. Yuju curu erã árĩcũ ïarã mü obeodigü yü árĩrire i yeba majarã masirãcoma. Eropirã yüre mü mahidiro dopa ta yaharã sãre mü mahirire masirãcoma masa.

<sup>24</sup> “Ahü, i yeba árĩboro core yüre mahibü mühü. Eropa mahigü yü turagü árĩrire ihmübü mühü. Eropigü yüre mü onirã yü mera erã árĩcũ gahmea yü turagü árĩrire erã masiboro dopa.

<sup>25</sup> Ahü, mühü ðagü ähraa. I yeba majarã ñerã müre masibeama. Yurü müre masia. Eropirã yuhü mü obeodigü árĩcũ masima yaharãpü.

<sup>26</sup> Müre eräre masicũ iiabü. Pührü sãre müre eräre masicũ iigüca yüre mü mahidiro dopa ta gajiräre erã mahiburire. Eropigü yaharã mera árĩgüca, arĩmi Jesu mari Pagüre.

## 18

### *Jesure peresu iĩnuma*

*Mt 26.47-56; Mr 14.43-50; Lc 22.47-53*

<sup>1</sup> Ĩgü eropa arĩra pührü Jesu gúa sã ĩgü buherã Cedrón waĩcüriyare taribuja, Olivo waĩcüri gorogue ejabü.

<sup>2</sup> Bajasuburi iri gorogue Jesu mera gúa gameneremürübü. Eropigü Juda Jesure ïhaturiräre wiabu iri gorore masĩmi.

<sup>3</sup> Eropa masigü pe curu surara mera aridi árĩmi ĩgü. Yuju curu surara gohra árĩma. Gaji curu surara Goãmü wihire corerã árĩma. Pahia oparã, fariseo masa erã obeonirã árĩma surara. Eropa arirã sihãri dipurure, eropárĩcũ yucü mojócoma erã.

<sup>4</sup> Iri gorogue gúa pohrogue erã erara pührü Jesu ĩgü ñero tariborore masigü, eräre bocatĩri serëpimi:

—¿Noare amarã iiri müa? arĩmi Jesu.

<sup>5</sup> —Jesu Nazare majagüre ahmaa, arĩ yührima erã.

—Ĩgü ta ähraa yuhü, arĩmi Jesu.

Judapü Jesure ñeadoregü erã mera árĩmi.

<sup>6</sup> Eropirã Jesu “Ĩgü ta ähraa yuhü,” ĩgü arĩcũ erãpü üca wa yebague dusirimaagã mehmereja wama.

<sup>7</sup> Erã eropa wacũ ĩagü dipaturi serëpimi Jesu:

—¿Noare amarã iiri müa? arĩmi.

—Jesu Nazare majagüre amarã iiaa gúa, arĩ yührima erã daja.

8 —Īgũ ta āhraa, arīrabugũ yũhũ mũare. Eropirã yũre ñearã oãre yũ mera majarãre peresu iibiricãque, arĩmi Jesu.

9 Eropa gũare mahigũ ne yujugũre dederecũ iibirimi. Eropa iigũ ero core Goãmũre ĩgũ arĩdiro dopa ta iigũ iimi ĩgũ. “Yũre mũ onirãre ne yujugũre dedeobiribũ,” ĩgũ arĩdiro dopa ta iigũ iimi Jesu.

10 Eropi Simo Pedro matamijire opagũ irimijire tuãwea aĩ, pahia opũ pohro majũre Malco waĩcũgũre ĩgũ gamĩrore pacoro medijucãmi. Diayerũ maja gamĩrore pacoro medijucãmi

11 ĩgũ eropa pacorocũ ĩagũ Jesu õpa arĩmi:

—Mũ matamijire dibuque. Yũ Pagũ ĩgũ yũre ñero taridorero dopa ta ñero tarigũra, arĩmi Jesu Pedrore.

*Pahia tauro opũ pohrogue Jesure aĩgãñuma erã*

*Mt 26.57-58; Mr 14.53-54; Lc 22.54*

12 ĩgũ eropa arĩtuhacũ ta surara, erã opũ mera, Goãmũ wihire corerã surara sã Jesure ñeha ĩgũre dirima.

13 Dirituha Ana waĩcũgũ pohrogue aĩgãmũhtama erã. Anapũ Caifa mũñecũ arĩmi. Caifapũ iri bojorire pahia tauro opũ arĩmi.

14 “Judio masa ya arĩburire yujugũ masũ sĩricũ õhaa,” arĩdigũ arĩmi ĩgũ Caifapũ.

*—Jesure masibea, arĩñumi Pedro*

*Mt 26.69-70; Mr 14.66-68; Lc 22.55-57*

15 Eropigũ yũhũ Simo Pedro mera Jesure yoañarirogue nũrusiabũ. Yũpũ pahia opũ ĩgũ ĩha masigũ arĩbũ. Eropigũ Jesu pũhrũ, opũ arĩri wihi arĩri sãriro pohecague ñajaa wabũ.

16 Pedropũ disiporo dujanũgajami. Eropigũ maji wiriri disiporo coregore serẽbasabũ Pedrore aĩ ñajabu. Yũ eropa serẽpiñacũ igo Pedrore ñajaridoremo. Igo ñajaridorera pũhrũ yũhũ Pedrore aĩ ñajaa wabũ.

17 Yũ eropa aĩ ñajajacũ ĩago disiporo coregorũ Pedrore serẽpimo:

—¿Jesu buherã mera majagũ arĩbeari mũhũ? arĩmo igo Pedrore.

—Arĩbeaa yũhũ, arĩ yũhrimi Pedropũ.

18 Ero core ero majarã pohro majarã, surara mera erã sõhmaburi peamere dihunirã arĩma. Yũsaa arĩbũ. Eropirã erã iri peame tũro sõhma niguima. Erã sõhmacũ ĩagũ Pedro sã sõhmagũ wami.

*Pahia tauro opũ Jesure serẽpi ĩañumi*

*Mt 26.59-66; Mr 14.55-64; Lc 22.66-71*

19 Eropi pahia tauro opũ arĩgũ Jesu ĩgũ buherire, gũa ĩgũ buherã sãre serẽpi ĩapũ Jesure.

20 ĩgũ eropa arĩ serẽpicũ Jesupũ yũhripũ ĩgũre:

—Arĩpehrerãre buhegũ erã core niguibũ. Eropa buhegũ mari buheri wiri Goãmũ wihi sãre masa gamenererogue eropa buhe niguicãbũ. Duhrinijagũ ne buhebirabũ yũhũ.

21 ¿Duhpigũ yũre serẽpiri mũhũ? Serẽpidiagũ yũre peenirãre serẽpique. Yũ wererare erã masima, arĩ yũhripũ Jesu.

22 ĩgũ eroparĩcũ surarapũ ero niguidigũ ĩgũ mojoto mera Jesure papũ.

—Eropa arĩbiricãque pahia tauro opũre, arĩpũ surara Jesure.

23 ĩgũ eroparĩcũ Jesu õpa arĩpũ:

—Ñero arĩ yũ wereniguirare wereque yũre. ¿Diaye majare yũ mũare werequerecũ duhpigũ pari mũhũ yũre? arĩpũ Jesu surarare.

24 Puhru Ana Jesure erã diridigure Caifa pahia tauro opu pohrogue obeopu.

—*Jesure masibea, dipaturi arĩnumi Pedro*

*Mt 26.71-75; Mr 14.69-72; Lc 22.58-62*

25 Eropi Simo Pedro peame turo sõhma niguigu iimi. Eropa igu sõhma niguicũ ãarã ero majarã igure serẽpima.

—¿Mũ sã Jesu buherã mera majagu arĩbeari? arĩ serẽpima erã Pedrore.

—Arĩbeaa yuhu, arĩ yuhrimi Pedro.

26 Eropigu pahia tauro opu pohro majagupu Pedro igu gamiro pa-corodigu acaweregupu Pedrore serẽpimi:

—¿Jesure erã ñearasubu yu arĩcũ mũ sã erã mera arĩsabũ? arĩ serẽpimi igu Pedrore.

27 —Yuhu igu mera arĩbirabũ, arĩ yuhrimi Pedro. Igu eroparĩcũ ta cãreña weregũ carimi.

*Jesure Pilato serẽpiñumi*

*Mt 27.1-2, 11-14; Mr 15.1-5; Lc 23.1-5*

28 Ñamiñarigã arĩcũ Caifa ya wihigue arĩnirã Jesure aĩ wiria, iri maca majarã opu Pilato ya wihigue aĩgã wama erã. Eropa waquererã igu ya wihiguere ñajabirima. Pascua arĩcũ erã bamorã arĩrã õpa arĩma: “Judio masu arĩbeamĩ Pilato. Eropirã mari i wihigue judio masu arĩbigu arĩri wihire ñajarã, mari dorerire tarinugarãca. Eropirã mari ñajacũ ãarã ñerã dopa ãabocoma marire. Eropirã marire bosenu barire marire badorebiribocoma,” arĩma. Eropa arĩrã opu ya wihire ñajabirima Jesure aĩgãnirãpu.

29 Erã ñajabiricũ ãagũ Pilato erã pohrogue wihi disiporogue wiri-ranugaja, erãre serẽpimi:

—¿Ñehenore ãre weresãdiari mũa? arĩ serẽpimi Pilato erãre.

30 —Ihĩ õagũ igu arĩcũ mũre igure obiriboaya. Ñegũ ãhrimi igu, arĩ yuhrima erã.

31 Erã eroparĩcũ Pilato õpa arĩmi:

—Mũa basi igure aĩaque. Eropirã mũa ya doreri arĩro dopa ta igure dipuwaja moaque, arĩmi Pilato erãre.

—Gũa judio masapu masure wejẽdoremasibea, arĩma erã Pilatore. Eropa arĩrã Jesure wejẽdoremorã iima.

32 Erã eropa wejẽdorecũ Jesupu crusague igu sĩriborore ero core igu werediro dopa ta eropa wabũ.

33 Erã eropa arĩra puhru Pilatopu wihigue maji ñaja, Jesure sihubeo igure serẽpipu:

—¿Judio masa erã opu ta ãhriri mũhu? arĩ serẽpipu.

34 Jesu yuhripu igure.

—¿Mũ guñaro yure eropa arĩ serẽpiri mũhu? ¿O gajirã mũre erã wererare peenijagu yure serẽpigũ iiri mũhu? arĩpu Jesu Pilatore.

35 —Judio masu arĩbeaa yuhu. Mũ ya yeba majarã, pahia oparã sã, mũre wiama yure. ¿Ñehenore ñero iiri mũhu erã eropa mũre dipuwaja moadiacũ? arĩpu Pilato.

36 —Yu opu arĩri i yeba maja arĩbeaa. Yuhu i yeba majarã opu arĩcũ, yaharã yure itamuboñuma judio masare ñeadorebirã. Yu opu arĩri i yeba maja arĩbeaa, arĩpu Jesu Pilatore.

37 —¿Eropigu opu ãhraa arĩri mũhu eropa arĩgu? arĩpu Pilato.

—Mũ arĩro dopa ta opũ ta āhraa. Masa opũ árĩbu masa dehyoabũ yũhũ. Eropigũ i yebague arigũ erã opũ árĩbu aribũ. Diaye majare weregũ aribũ. Árĩpehrerã diaye árĩrire peediarã yũ wererire peema, arĩpũ Jesu.

<sup>38</sup> —¿Ñeheno āhriri diaye árĩri? arĩpũ Pilato.

*Judio masa Jesure wejẽdoreñuma*

*Mt 27.15-31; Mr 15.6-20; Lc 23.13-25*

Eropa arĩtuha Pilato judio masa pohro maji dujaa wa erãre weremi:

—Ĩre ne gajino dipuwaja mara.

<sup>39</sup> Bojori nũcũ Pascuanũ árĩcũ yujugũ peresu árĩgũre mũa wiudorea. ¿Eropigũ ĩre Jesure ta mũa opũ árĩbupũre mũare wiubasacuri yũhũ? arĩmi Pilato judio masare.

<sup>40</sup> Ĩgũ eroparĩcũ peerã erã judio masa õpa arĩ gaguiniguima:

—Ĩgũre wiubiricãque. Barrabápũre gũare wiubasaque, arĩ gaguiniguima judio masa Pilatore. Barrabápũ yajaricũgũ árĩdigũ árĩpũ.

## 19

<sup>1</sup> Erã eropa arĩ gaguiniguira pũhrũ Pilato Jesure tãradorepũ. Eropirã ĩgũ yarã surarapũ ĩgũre tãrañorã.

<sup>2</sup> Tãratuha pora bero iituha, Jesure ĩgũ dipuru weca duhpeoñorã. Duhpeotuha, oparã ya suhrirore ĩgũre sãñorã.

<sup>3</sup> Eropirã ĩgũ pohro nũgaja õpa arĩñorã erã õpa arĩ wereyarã:

—Õaro árĩporo. Judio masa opũ õaro árĩporo, arĩ wereya erã mojotori mera ĩgũre pañorã.

<sup>4</sup> Eropigũ Pilato dipaturi waha, judio masare weremi:

—Peeque mũa. ĩre ñeri dipuwaja mara. Eropigũ irire mũa masiburire ĩgũre mũa pohro aĩgãribu iiaa, arĩmi Pilato.

<sup>5</sup> Ĩgũ eropa arĩra pũhrũ Jesu pora berore peyadigũ, oparã ya suhrironore sañadigũ wihigue árĩdigũ wiririmi. Ĩgũ wiriricũ Pilato õpa arĩmi:

—Ĩaque. Ihĩ ta āhrimi ĩgũ, arĩmi Pilato.

<sup>6</sup> Ĩgũ eropa arĩtuhacũ peerã pahia oparã, surara Goãmũ wihi ĩhadibu corerã sã Jesure ĩarã gaguiniguima:

—Crusague wejẽque ĩgũre. Crusague pabia wejẽque ĩgũre, arĩ gaguiniguima erã.

—Ĩgũre ne ñeri dipuwaja mara. Eropirã mũa basi ta ĩgũre aĩgãque. Eropirã mũa basi ta ĩgũre crusague pabia wejẽque, arĩmi Pilato erãre.

<sup>7</sup> —Ĩgũ, ĩgũ basi “Goãmũ magũ āhraa,” arĩmũrami. Ĩgũ eropa arĩra waja gũa doreripũ ĩgũre wejẽdorea, arĩma erã Pilatore.

<sup>8</sup> Erã eroparĩcũ peegũ ucataria Pilatorũ.

<sup>9</sup> Eropigũ dipaturi ĩgũ wihigue Jesure aĩ majiñajagũ Jesure serẽpipũ daja:

—¿Nohogue majagũ āhriri mũhũ? arĩpũ Pilato Jesure.

Ĩgũ eropa arĩ serẽpiquerẽcũ ta Jesu ĩgũre ne yũhribiripũ:

<sup>10</sup> Ĩgũ yũhribiricũ ĩagũ Pilato ĩgũre serẽpinemopũ:

—¿Yũre yũhribeari mũhũ? Yũhũ mũare peresu árĩgũre wiumasia. Eropigũ mũre crusague pabia wejẽdoremasia yũhũ. ¿Irĩre masibeari mũhũ? arĩpũ Pilato Jesure.

<sup>11</sup> Ĩgũ eroparĩcũ Jesu yũhripũ daja:

—Goāmũ mũre dorebircũ ne iimasibiriboaya mũhũ. Eropigũ yũre ãhaturirãre wiadigupũ mũ tauro ñero dipuwajacugũcumi, arĩpũ Jesu Pilatore.

<sup>12</sup> Ìgũ eroparĩcũ peegũ Pilatorũ ãgũre wiudiaripũ. Ìgũ eropa wiudiaque-recũ ta dipaturi judio masapũ gaguiniguima:

—Jesu “Opũ ãhraa,” arĩgũ mari tauro opũ árĩgũre Roma majagũre ãhaturigũ iimi ãgũ. Eropigũ ãgũre wiugũ mũ sã mari tauro opũ árĩgũre ãhaturigũ ãhraa, arĩ gaguiniguima judio masa Pilatore.

<sup>13</sup> Erã eroparĩcũ peegũ Jesure wihigue árĩgũre aĩ wiriri, ãgũ dipuwaja moadoregũ ãgũ doari pẽro doajami Pilatorũ. Ìgũ dipuwaja moadorero judio masa ya mera gabata waĩcũro empedrado waĩcũbũ.

<sup>14</sup> Irinũ Pascuanũ bosenu árĩcũ gũa baburi gũa amurinũ árĩbũ. Irisubũ goeri boje core árĩbũ. Doajatuha Pilato masare õpa arĩ weremi:

—Ihĩ ta ãhrimi mũa opũ, arĩmi ãgũ.

<sup>15</sup> Ìgũ eroparĩcũ peerã judio masa gaguiniguima daja:

—Sĩriporo ãgũ. Sĩriporo ãgũ. Crusague pabia wejẽque ãgũre, arĩ gaguiniguima erã.

—¿Mũa opũ árĩquerecũ ta ãgũre crusague pabia wejẽdiari mũa? arĩmi Pilato erãre.

Ìgũ eroparĩcũ õpa arĩ yũhrima pahia oparã:

—Mari árĩpehrerã tauro opũ Roma majagũ ãhrimi. Gajigũ opũ marimi marire, arĩ yũhrima pahia oparã.

<sup>16</sup> Erã eropa arĩ werenigũira pũhrũ Pilato Jesure crusague pabia wejẽdoregũ wiame erãre pare.

*Jesure pabia wejẽñuma erã*

*Mt 27.32-44; Mr 15.21-32; Lc 23.26-43*

Eropirã surara Jesure aĩ wiriama.

<sup>17</sup> Erã aĩ wiriacũ Jesupũ crusare ãgũ basi aĩ coã, dipu pero waĩcũrogue ejami. Gũa judio masa ya mera Gólgota waĩcũbũ.

<sup>18</sup> Eroguẽ eja erã Jesure crusague pabiama. Eropirã gajirã perã sãre yujugũ ãgũ diayepũ, gajigũre ãgũ copũ pabiama erã. Eropigũ Jesu erã deco arĩmi.

<sup>19</sup> Pilato taboamijire goja, crusague Jesu weca pabia tuudorepũ ãgũ gojaramijire. Õpa arĩ gojara árĩbũ: “Ihĩ Jesu Nazare majagũ, judio masa tauro opũ ãhrimi,” arĩ gojara árĩbũ irimijire.

<sup>20</sup> Irimijire gojagũ judio masa ya mera, Roma majarã ya mera, Griego ya mera gojara árĩbũ. Eropiro Jesure crusague erã pabianugudiro maca pohrogã árĩbũ. Eropirã bajarã judio masa Pilato ãgũ gojarare ãha buhema.

<sup>21</sup> Eropirã pahia oparã iri buhetuhaja õpa arĩrã wañorã Pilatore:

—“Ihĩ judio masa opũ ãhrimi,” arĩ gojabita. Gũa opũ árĩbeamĩ ãgũ. Eropigũ õpa arĩ goja amuque mũhũ. Ihĩ “Judio masa opũ ãhraa,” arĩ yujugũ ta ãgũ basi ta eropa arĩ pepigũ ãhrimi, arĩ goja amuque, arĩñorã pahia oparã.

<sup>22</sup> Pilatorũ yũhripũ erãre:

—Yũ gojarare ne yũ goja amusome, arĩpũ Pilato erãre.

<sup>23</sup> Jesure erã pabiara pũhrũ wapicũrã surarapũ Jesu suhri mũrare erã basi game gueremorã iima. Erã eropa guerediaquerecũ ta ãgũ suhriro yoari suhriro dohori mariri suhriro árĩbũ. Iri suhriro suara suhriro árĩbũ.

<sup>24</sup> Iri suhriro eropa árĩcũ ãarã õpa arĩma erã basi:

—Iñe suhrirore yeguesiribircãrã. Yujugũ dihta aĩporo. Eropirã iñe suhriro aĩbure masimorã deabirarã mari, arĩma erã basi.

Eropa deabirarã Goãmũ yare erã gojarapũ erã gojadiro dopa ta eropa iirã iima erã. “Yũ suhrirore erã basi guerema. Eropirã yaha suhrirore aĩbure masidiarã deabirama erã,” arĩ gojañuma Goãmũ yare erã gojarapũgue. Erã gojadiro dopa ta eropa iima erã.

<sup>25</sup> Jesu pago, Jesu buamo María Cleofa marapo, María Magdalena mera Jesu crusa pohrogã ãha niguima.

<sup>26</sup> Eropigũ ãgu pago, yũhũ ãgu mahigũ sã ãgu pohrogã gũa niguicũ ãagu ãgu pagore yũre weremi:

—Dohpaguere ihĩ mũ magũ árĩbu áhrimi, arĩmi Jesu ãgu pagore.

<sup>27</sup> Eropa arĩtuha yũre õpa arĩ weremi ãgu:

—Dohpaguere igo mũ pago árĩbo áhrimo, arĩmi Jesu yũre.

Ãgu eropa arĩra pũhrũ Jesu pagore yaha wihigue aĩ opamũribũ.

### *Jesu sĩria wañumi*

*Mt 27.45-56; Mr 15.33-41; Lc 23.44-49*

<sup>28</sup> ãgu eropa arĩ werera pũhrũ árĩpehreri Goãmũ ãgũre mohmedoregũ ãgu apirare iipehogũ árĩgũ masipũ Jesu. Eropa masigũ Goãmũ yare erã gojarapũ iribojegue erã arĩ wereyudiro dopa ta õpa arĩmi Jesu:

—Ñemesibuca yũre, arĩmi Jesu.

<sup>29</sup> Ero vino sũiri deco dicũri sorobu ero doabũ. Eropirã ero árĩrã Jesu eroparĩcũ pee mimi aĩri yũsũre deco mera erã yosora yũsũre yucũgũ hisopo waĩcũdigũ ojogoro dirituma. Eropirã aĩ muju Jesu disiro sĩtuma.

<sup>30</sup> Iri decore Jesu mimituha õpa arĩmi:

—Iripẽta árĩca, arĩgũ ta ãgu dipurure muhmusiudija sĩria wami.

### *Yujugũ surara Jesu patore gubuye gohra ñoseñumi ñoserimiji mera*

<sup>31</sup> Irinũ Pascua bosenu core árĩbũ. Iri bosenu gũa baburire gũa amurinũ árĩbũ. Eropirã gajinũ Sabado árĩcũ iri õari bosenu árĩcũ crusarigue sĩrinirãre judio masa apidiabirima. Irinũ ta bosenu gũa judio masa bosenu wũari bosenu árĩro iibũ. Eropirã erã sĩrinirã mũra irinũ crusarigue árĩcũ gamebirima. Eropirã pabianirã mũrare erã ñigagũ gõarire panuadorerã judio masa serẽñorã Pilatore erãre sĩri purumujudorerã. Erã eropa iira pũhrũ erã dũpũ mũrare aĩdijumorã iima.

<sup>32</sup> Erã eropa dorecũ surarapũ crusari pohrogue eja, yajaricũgũre copũ árĩgũ ñigagũre panuama: Gajipũ árĩgũ sãre eropa ta iima erã.

<sup>33</sup> Eropa iiquererã Jesu ñigagũre panuabonirã ãgu pohro eja ãgu sĩridigũ árĩcũ ãha panuabirima.

<sup>34</sup> Eropa panuabirã yujugũ surara ãgu patore gohra gubuye ãgũre ñosemi. ãgu eropa ñosecũ mata ãgu di, deco mera wiribũ.

<sup>35</sup> ãgu eropa wacũ ãabũ yũhũ. Yũhũ ipũre gojagũ diaye mũare werea. Diaye yũ wereri árĩcũ masia yũhũ. Mũare irire werea mũa sã Jesure mũa umupeoburire.

<sup>36</sup> Goãmũ yare erã gojarapũ werediro dopa ta eropa wabũ. “ãgu gõare ne yuju gõare panuabirima,” erã arĩ gojadiro dopa ta Jesu ñigagũ gõare ne yuju gõa panuabirima.

<sup>37</sup> Eropiro gajipũ sã Goãmũ yare erã õpa arĩ gojayudiro dopa ta wabũ: “ãgũre erã ñosedigũ mũrũre ãarãcoma erã,” erã arĩ gojadiro dopa ta gũa Jesure erã ñosedigũ mũrũre ãabũ.

### *Jesu dũpũre masa gobegue yaañuma*

*Mt 27.57-61; Mr 15.42-47; Lc 23.50-56*

<sup>38</sup> Īḡu sīrira pūhrū José Arimatea majagu Jesu dūpū mūrarore aī dijubu Pilatore serēḡu ejapu. Josēpū gajirā judio masare ḡūḡu, Jesure umupeoḡu ĩḡu árīrire werebiridigū árīmi. Eropigū ĩḡu dūpū mūrarore ĩḡu serēra pūhrū Pilatorū ĩḡu dūpūre aīdorepū. Īḡu aīdorecū José crusa pohro eraa Jesu dūpū mūrarore aīḡā wami.

<sup>39</sup> Nicodemo sā ĩḡu poresurire mohmorerare treinta kilo nūcūrire aīḡārīmi Jesu dūpū ĩḡu amuburire. Yucūḡu di pohga, mirra waīcūri poresuri, yucūḡu pohga mera árīyoro ĩḡu mohmorera. Īḡu Jesu mera ñami weretamudigū árīmi.

<sup>40</sup> Eropirā erā perā Jesu dūpū mūrarore aīma. Judio masa sīrinirāre yaaro dopa ta ĩḡu dūpū mūrarore poresuri sūra pūhrū suhri gasiri mera omama.

<sup>41</sup> Crusague Jesure erā pabia wejēdiro pohro pohe árībū. Iri poheḡue masa gobe utāyegue erā seara gobe árībū. Iri gobere ne yujugū sīridigūre cóānibirima dohpa.

<sup>42</sup> Pascuanū bosenu maja ḡua judio masa baburire amurinū árībū. Eropirā iri gobe pohrogā crusa árīcū ero apima erā Jesu dūpū mūrarore.

## 20

### *Jesu masa mūriañumi*

*Mt 28.1-10; Mr 16.1-8; Lc 24.1-12*

<sup>1</sup> Domingo ñamiñarigā árīcū, boyoboro coreḡā María Magdalena Jesu masa gobegue ejapo. Erogue ejago iri gobere erā biharayere gajipū tunuguraye árīcū ĩapo igo.

<sup>2</sup> Eropa ĩadigo árīḡo ḡua pohrogue omagārimo igo. Simo Pedro mera perā árībū ḡua. Eraa ōpa arī weremo ḡuare igo.

—Mari Opū dūpū mūrarore aīcānirā āhrama. Eropirā ĩḡure erā apidirore mari masibea, arīmo igo ḡuare.

<sup>3</sup> Igo eroparīcū peerā, yūhū Pedro mera ḡua perā masa gobegue ĩarā wabū ḡua.

<sup>4</sup> Eropa ĩarā warā ḡua perā omagāabū. Eropa omarā, yūhū Pedrore omatarigāḡu masa gobegue ejamūhtabū.

<sup>5</sup> Erogue ejagū muhmunereja ĩha acubū iri gobere. Eropa ĩha acugū ĩḡure erā omara gasiro seyarore ĩabū. Eropigū iri gobere ñajabirībū.

<sup>6</sup> Yū eropa ĩara pūhrūḡue Simo Pedro sā erami. Eraa masa gobegue ñajaa, ĩḡu dūpū mūrarore erā omara suhri gasirire ĩami ĩḡu.

<sup>7</sup> Eropigū Jesu dipurure erā omara gasiro sāre ĩami daja. Iri gasiro boje oyaro, yeguera gasiro árībū.

<sup>8</sup> Eropigū yū sā masa gobegue ñajabū. Jesu ĩḡu maricū ĩagū “Diaye ta Jesu masa mūriañumi,” arī pepībū yūhū.

<sup>9</sup> Iri gobegue ḡua waboro core Goāmū yare erā gojarapū Cristo sīriburire erā wererare ōaro ḡua masinibirībū. Dohpaguepūre iri gobere yū ĩara pūhrū, “Diaye ta Jesu masa mūriañumi,” arī pepībū yūhū.

<sup>10</sup> Eropa ĩatuhajarā ḡua wihigūe dujaa wabū.

### *Jesu María Magdalenare dehyoañumi*

*Mr 16.9-11*

<sup>11</sup> Eropi masa gobe disiporo María niguigo ore niguipo. Eropa ore-querego ta muhmunereja igo ĩhame acupo masa gobere.

<sup>12</sup> Eropa ĩhame acugo perā anyuare boreri suhricūrāre Jesu ĩḡu oyadiro mūrarogue erā doacū ĩapo igo. Yujugū ĩḡu dipuru oyadiro doapū. Gajigū ĩḡu guburi oyadiro doapū.



13 Eräre igo ñacũ erãpũ igore serẽpiñorã:

—Nomeo, ¿dohpa árironore orego iiri mũhũ? arññorã erã.

—Yũ Opũ dũpũ mũrarore aĩcãnirã ãhrama. Eropigo erã apidirore masibea yũhũ, arĩpo igo.

14 Eropã arĩtuha, majinũgaja nijago Jesure ero niguigure ñapo igo. Eropã ñaquerego ta Jesure ñha masibiripo igo.

15 —Nomeo, ¿dohpa árirono orego iiri mũhũ? ¿Noare amago iiri mũhũ? arĩpũ Jesu igore.

“Ihĩ i pohere ñhadibugũ ãhrimi,” arĩ pepiripo igo Jesure. Eropã arĩ pepigo õpa arĩpo igo:

—Mũhũ ñgũ dũpũ mũrarore aĩdigũ árĩgũ wereque mũ apidirore yũre. Mũ werera pũhrũ aĩgora ñgũ dũpũ mũrarore, arĩpo igo ñgũre.

16 Igo eropã arĩra pũhrũ Jesu õpa arĩpũ:

—María, arĩpũ.

Ñgũ eropã piyucũ peego, majiñabeo igo Hebreo ya mera õpa arĩpo:

—Rabuni, arĩpo igo Jesure. Rabuni, erã ya mera arĩrã “Buhegũ,” arĩma.

17 Jesu arĩpũ:

—Yũ Pagũ pohrogue mũrianibea dohpa yũhũ. Yũ eropã mũrianibiricũ yũre mohpiñabiricãque. Eropigo gajirã yaharã pohrogue waque. Erã pohrogue ejago õpa arĩ wereque: “Jesu õpa arĩdoremi mũare: ‘Yũ Pagũ pohrogue wabu ñaa. Mũã Pagũ sã ãhrimi ñgũ. Goãmũ pohrogue wabu ñaa. Mũã yagũ Goãmũ sã ãhrimi ñgũ,’ arãmi Jesu,” arĩ wereque erãre, arĩpũ Jesu Maríare.

18 Ñgũ eropã arĩra pũhrũ María Magdalena gũare Jesu buherã pohrogue eraa weremo gũare:

—Mari Opũre ñabũ yũhũ, arĩ Jesu igore gũare weredorerare weremo igo.

### *Jesu ñgũ buherãre dehyoañumi*

*Mt 28.16-20; Mr 16.14-18; Lc 24.36-49*

19 Irinũ soorinũ ñamicague gũã Jesu buherã gũã acawererãre judio masare gũirã, gũã ya wihigue biha ñaja doabũ gũã. Gũã eropã doacũ Jesu gũã watope dehyoanũgaja õpa arĩmi:

—¿Ãhriri mũã? arĩmi.

20 Eropã arĩtuha ñgũ mojotorire, ñgũ patore sãre gũare ñhmúmi. Eropirã gũã ñgũre gũã opũre masa mũriadigure ñarã mucubiribũ.

21 Dipaturi Jesu gũare õpa arĩmi daja:

—Õaro árĩque mũã. Yũ Pagũ ñgũ yũre obeodiro dopa ta yũ sã mũare obeoa, arĩmi gũare.

22 Eropã arĩtuhaja gũare ñgũ purisãmi. Eropã purisãgũ Espiritu Santore gũã ñeaburire ñhmugũ iimi. Ñhmutuhaja õpa arĩmi:

—Dohpaguere Espiritu Santore ñeaque mũã mũã mera árĩbure.

23 Masa erã ñeri dipuwajare bujawerecũ ñarã, “Mũã ñero iirare cohãa,” arĩmasia mũã erãre. Erã bujawerebiricũ ñarã, “Mũã ñeri iirare cóãbiribũ,” arĩmasia mũã, arĩmi Jesu gũare ñgũ buherãre.

### *Jesure masa mũriadigure Toma ñañumi*

24 Jesu gũã watope ñgũ dehyoacũ Toma sũhrũadigũ erã arĩgũ gũã mera marimi irisubure.

25 Ñgũ eropã maricũ gũã ñgũ mera majarã ñgũre werebũ.

—Mari Opũre gũã ñabũ, arĩ wereribũ gũã ñgũre.

Gũã eropã arĩ werequerecũ ta õpa arĩmi Toma:

—Īgũ mojtore erã pabiara giberire ĩabigũ iri giberire yũ mujusĩru mera puñabigũ “Diaye ta masa m̃riañumi,” ne arĩsome. Eropigũ ĩgũ patore gubuye árĩri gobere yũ mojoto mera s̃ acubigũ, “Diaye ta masa m̃riañumi,” ne arĩsome yũhũ ĩgũre, arĩmi Toma.

<sup>26</sup> Yuju semana pũhrũ gũa ĩgũ buherã gũa ya wihigue árĩbũ. Irisubure Toma gũa mera arĩmi. Iri wihi bihara wihi árĩbũ. Bihara wihi árĩquerecũ ta Jesu ñaja, gũa watope dehyoanũgaja õpa arĩmi:

—¿Áhriri m̃a? arĩmi.

<sup>27</sup> Eropa arĩtuha ĩgũ Tomare weremi:

—Īaque yũ mojtore. Eropi m̃ mujusĩru mera yũ mojtore erã pabiara giberire puñaque. Eropigũ m̃ mojoto mera yũ patore gubuye árĩri gobere s̃ acũaque. “Diaye árĩbeaa,” arĩbircãque. “Diaye ta ãhraa,” arĩque m̃hũ, arĩmi Jesu Tomare.

<sup>28</sup> ĩgũ eropa arĩra pũhrũ Toma yũhrimi:

—M̃hũ yũ Opũ ãhraa. M̃hũ yahagũ Goãmũ ãhraa, arĩmi Toma Jesure pare.

<sup>29</sup> —Yũre m̃ ĩara pũhrũ yũre “Diaye ta ãhraa,” arãa. Gajirãpũ yũre ĩabiriquererã ta “Diaye ta ãhraa,” arĩ umupeorãcoma. Eropirã erã turaro mucubirirã árĩrãcoma, arĩmi Jesu Tomare.

### *Jesure masa erã masiburire ipũre gojañumi Ñu*

<sup>30</sup> Eropigũ baja gaji sãre Goãmũ ĩgũ turari mera ii ĩhmũmi Jesu gũa mera árĩgũ. Irire ĩgũ iirare ipũre gojapehobirabũ yũhũ.

<sup>31</sup> Eropa gojapehobiriqueregũ ta ipũ yũ wererare gojagũ, “Jesu ta Cristo Goãmũ ĩgũ obeodigũ ãhrimi. ĩgũ diaye ta Goãmũ magũ ãhrimi,” m̃a arĩ masiburire gojabũ. Eropirã m̃a ĩgũre umupeorã Goãmũ mera m̃a eropa árĩniguiburire gojabũ ipũre.

## 21

### *Jesu siete ĩgũ buherãre dehyoañumi*

<sup>1</sup> Pũhrũ Tiberia waĩcũri ditaru tũro dipaturi gũare ĩgũ buherãre dehyoami daja. Gũare dehyoagũ õpa iimi ĩgũ daja.

<sup>2</sup> Simo Pedro, Toma sũhrũadigũ erã arĩgũ, Natanae Galilea yeba árĩri maca Canã waĩcũri maca majagũ, gũa perã Zebedeo porã, gajirã sã perã gũa oã nũcũ gamenere árĩbũ.

<sup>3</sup> Gũa eropa gamenerera pũhrũ Simo Pedro õpa arĩmi:

—Wai wejẽgũ wagũ iiaa, arĩmi ĩgũ.

—Gũa sã m̃ mera warãra, arĩbũ gũa ĩgũre.

Eropa arĩtuha buha wabũ. Eropirã dohodiru mera wabũ. Iri ñamire gũa õaro boyotahmuquererã ne yujugũ waimũre wejẽbiricarabũ.

<sup>4</sup> Boyodiji merejacũ Jesu imiporo ĩgũ niguicũ ĩaribũ gũa. Eropa ĩaquererã ĩgũre ĩha masibiricarabũ gũa.

<sup>5</sup> Eropigũ gũare õpa arĩ serẽpimi:

—Ne, ¿wai wejẽari m̃a? arĩmi Jesu.

—Ne wejẽbirabũ, arĩ yũhribũ gũa.

<sup>6</sup> —Dohodiru diayepũ wejẽdire mehyuque. Iripũ mehyurã wai wejẽrãca, arĩbeo niguimi gũare. ĩgũ eroparĩcũ peerã ĩgũ arĩdiro dopa ta mehyubũ. Gũa mehyura pũhrũ bajarã wai ñajama. Bajarã wai ñajacũ ĩarã wejẽdigũre dohodirugue aĩsã turabiricarabũ gũa.

<sup>7</sup> Eropigũ yũhũ Jesu ĩgũ mahigũ Pedrore werebũ:

—Mari Opũ ãhrimi sihĩ imiporo niguigũ, arĩbũ Pedrore.

Yꝰ eroparĩcũ Jesu ĩꝰu árĩcũ masĩꝰu, Simo Pedro ĩꝰu suhrirore sañami. Wai wejẽbu ĩꝰu suhrirore tuweadĩꝰu árĩmi. ĩꝰu suhrirore sañatuha diague yuriñajami.

<sup>8</sup> Eropirã gajirã gꝰa buherã dohodirugue árĩbꝰ. Cien metro yoaro diaguere payabꝰ gꝰa. Eropirã wejẽdigꝰre wai bajarã ñajadĩꝰre dohodiru mera taramajaabꝰ gꝰa.

<sup>9</sup> Tꝰrogue tuhajarã pea niti dihta gose oyari peame weca waire ĩꝰu mupunugupidĩꝰre ĩabꝰ gꝰa. Panru sãre ĩabꝰ gꝰa.

<sup>10</sup> Gꝰa eropa ĩacũ Jesu gꝰare õpa arĩmi:

—Dohparagã mꝰa wejẽnirãre bajamerãgã aĩgãrique, arĩmi gꝰare.

<sup>11</sup> ĩꝰu eroparĩcũ Simo Pedro Jesu mera árĩꝰu ĩꝰu sã dohodirugue ñaja, wejẽdire tara majaami imiporogue. Pagarã wai ñajanirã ciento cincuenta y tres wai árĩma. Bajarã wai ñajaquererã wejẽdire ne yehguebirima.

<sup>12</sup> —Banirã arique, arĩmi Jesu gꝰare.

—¿Noano ãhriri mꝰhꝰ? arĩ serẽpiñabiribꝰ gꝰa ĩꝰure. Gꝰa Opꝰ ĩꝰu árĩcũ masibꝰ gꝰa.

<sup>13</sup> Eropĩꝰu Jesu peame pohrogue eja, panre aĩ gꝰare gueremi. Wai sãre gueremi.

<sup>14</sup> Eropĩꝰu Jesu ĩꝰu masa mꝰriara pꝰhrꝰ imiporo dehyoagꝰ uħresubu gꝰare ĩꝰu buherãre dehyoagꝰ iimi.

*Jesu Simo Pedro mera weretamuñumi*

<sup>15</sup> Gꝰa bara pꝰhrꝰ Jesu Simo Pedrore serẽpimi:

—Simo, Jona magꝰ, ¿õãre mꝰ mahiro tauro yꝰre mahiri mꝰhꝰ? arĩmi Simo Pedrore.

—Opꝰ, mꝰre mahia yꝰhꝰ. Mꝰre yꝰ mahirire masia mꝰhꝰ, arĩ yꝰhrimi Simo Pedro.

Jesu arĩmi:

—Eropĩꝰu ovejagãre mari ejodiro dopa ta yaharãre buheque mꝰhꝰ, arĩmi Jesu.

<sup>16</sup> Eropa arĩtuha dipaturi ĩꝰu Simo Pedrore serẽpimi daja:

—Simo, Jona magꝰ, ¿yꝰre mahiri mꝰhꝰ? arĩmi Jesu.

—Opꝰ, mꝰre mahia yꝰhꝰ. Mꝰre yꝰ mahicũ masia mꝰhꝰ, arĩ yꝰhrimi Simo Pedro.

Jesu arĩmi daja:

—Ovejare ĩhadibugꝰ ovejare ĩꝰu õaro ĩhadiburo dopa ta yaharãre õaro ĩhadibuque, arĩmi Jesu Pedrore.

<sup>17</sup> Eropa arĩtuha dipaturi Simo Pedrore serẽpimi:

—Simo, Jona magꝰ, ¿diaye ta yꝰre mahiri mꝰhꝰ? arĩmi Jesu daja.

Uħresubu ĩꝰu eropa serẽpicũ peegꝰ Simo Pedro turaro bujaweremi.

—Opꝰ, mꝰhꝰ masipehoa. Mꝰre yꝰ mahicũ masia mꝰhꝰ, arĩmi Simo Pedro.

—Ovejare mari ejodiro dopa ta yaharãre buheque mꝰhꝰ.

<sup>18</sup> Diaye mꝰre arĩꝰu iiaa. Mꝰhꝰ mamꝰ árĩꝰu mꝰ suhrire saña, mꝰ gamerogue curimꝰribꝰ mꝰhꝰ. Eropa árĩdi árĩquereꝰ ta pꝰhrꝰ mꝰhꝰ buꝰu árĩcũ, mꝰ mojotorire sĩbeocũ gajĩꝰu mꝰre mꝰ suhrire sãꝰucumi. Eropĩꝰu mꝰ wadiabirogue mꝰre aĩgãꝰucumi, arĩmi Jesu Simo Pedrore.

<sup>19</sup> Eropa arĩꝰu Simo Pedro dohpa wa ĩꝰu sĩriborore wereyugꝰ iimi. Eropĩꝰu Simo Pedro sĩrigꝰ Goãmꝰre, “Õagꝰ, turagꝰ ãhraa,” masa erã arĩcũ ĩꝰu iiborore wereyugꝰ iimi. Eropĩꝰu Pedro mera weretamutuhagꝰ õpa arĩmi Jesu ĩꝰure:

—Diaye ta yꝰ buhediro dopa iique mꝰhꝰ, arĩmi Jesu Pedrore.

*Jesu ĩḡu mahiḡu ipũre gojadigũ árĩmi*

<sup>20</sup> ĩḡu eroparĩcũ Pedropũ yũre Jesu ĩḡu mahiḡure erãre yũ nurũsiacũ ĩami ĩḡu. Yũpũ ĩḡu ĩaḡupũ ero core Jesu pohrogã badoagũ ĩḡure õpa arĩdigũ árĩbũ. “Opũ, ¿mũre ĩhaturirãre wiabupũ nihino árĩcuri ĩḡu?” arĩ Jesure serẽpidi árĩbũ yũpũ. Eropa yũre ĩaḡu Pedro serẽpimi Jesure:

<sup>21</sup> —Opũ, ¿ihĩ Ñupũ dohpa wagũcuri? arĩ serẽpimi:

<sup>22</sup> —Ire mũre werebeaa. I yebaguere yũ dujariboro core ĩḡure árĩniguiacũ yũ iicũ irire masibea mũhũ. Eropiḡu ĩḡu waborore guñabita mũhũ. Diaye ta yũ buhediro dopa iique mũpũ, arĩmi Jesu Pedrore.

<sup>23</sup> Irire ĩḡu yũre Ñure wererare peerã árĩpehrerã Jesu yarã weresiririma. Irire weresirirã õpa arĩrima erã: “Jesu ĩḡu mahiḡu buheḡu sĩrisome,” arĩ weresiririma yũre Jesu yarã erã basi. Erã eropa arĩquerecũ ta “ĩḡu sĩrisome,” arĩḡu iibirimi Jesu. “I yebaguere yũ dujaricũ ĩḡure árĩniguiacũ yũ iicũ irire masibea mũpũ,” arĩmi Jesu Pedrore.

<sup>24</sup> Jesu buheḡu ire wereḡu, ipũre gojagũ ãhraa yũhũ. Eropirã i wereri diaye ta árĩcũ masia mari.

<sup>25</sup> Baja gaji sãre Jesu iimi. ĩḡu iirare mari gojapehocũ iripũri gojarapũri baja tariari pũri waboya. Eropiro iripũrre mari dibucũ sihajabiriboya i yeba. Ujũtura waboya yũ pepicũ. Iripẽta ãhraa.

## Jesu buhedore ĩgu apinirã erã iirare wereripũ ãhraa

—*Espíritu Santo arigucumi, arĩñumi Jesucristo ĩgu buherãre*

<sup>1-2</sup> Teófilo, ero core yu gojamãhtarapũ mera Jesu ĩgu iirare, ĩgu buherare mure weretuhabu. Te ãmarogue ĩgu mურიარარე weretubu. Jesu ĩgu mურიaboro core ĩgu Espíritu Santo turari mera dorepu ĩgu apinirãre. Erã ĩgu beyenirã árĩñorã.

<sup>3</sup> Eropi Jesu ĩgu crusague ĩgu sĩrira pũhrũ yujuyerisuburi dũpũcũgu dehyoapũ ĩgu apinirãre. Cuarenta nũri pũhrũ dehyoaturũ. Eropigũ ĩgu ĩgu basi ojocarigũ árĩrire ĩhmupũ erãre. Eropa dehyoagu Goãmu mari Pagũ ĩgu opu árĩrire õari buherire werepu erãre.

<sup>4</sup> Gajisubu Jesu ĩgu apinirã mera árĩgu õpa arĩ erãre werepu:

—Jerusalén ta árĩnique dohpa. “Espíritu Santore mũare obeogara,” yu Pagũ ĩgu arĩdigũre corenique. Irire ĩgu eropa arĩrare mũare wereabu yũhũ.

<sup>5</sup> Ñu mũare waĩyegu deco mera mũare waĩyemi. Yũpu ĩgu iira tauro iigũra mũare. Espíritu Santo mũa mera ĩgu árĩniguicãcũ iigũra mũare, arĩpu Jesu.

*Jesu ãmarogue mურიარა*

<sup>6</sup> Eropi gajisubu utãgũgue Olivo waĩcũdigũgue Jesu erãre dehyoacũ erã serẽpiñorã ĩgũre:

—Opu, ¿i Israe yebare mari ya yebare dohpãrĩcũ guare dipaturi doreburire apibocuri mũhũ guare? ¿Dohpãrĩcũ mari acawererã gohrare opu acugũcuri mũhũ? arĩñorã ĩgũre.

<sup>7</sup> Erã eroparĩcũ peegu Jesu õpa arĩpu:

—Mari Pagũ dihta irinũrire mũa ya yebare mũa õaro árĩborore apimasimi. Irinũrire mũare masiya mara.

<sup>8</sup> Eropirã mũare Espíritu Santo ĩgu eracũ Goãmu ya turarire oparãca mũa. Iri turarire mũa oparã Jerusalén majarãre, árĩpehrerã Judea majarãre, Samaria majarãre, árĩpehreri yeba majarãre õari buherire buherãca mũa yaha árĩburire. Yu sĩrirare, yu masa mურიარარე erãre buherãca mũa, arĩ werepu Jesu erãre.

<sup>9</sup> Eropa arĩ weretuhaja, Jesu ãmarogue mურიარა wapu. Erã ĩgũre erã ĩhanũrusia mujucũ imica cururi pohecague ñaja dedere mურიარა wapu.

<sup>10</sup> Eropirã erã Jesu ĩgu mურიագũre erã ĩhanũrusia mujurisubu perã anyua boreri suhricũrã Jesu ĩgu apinirã pohro dehyoanũgajañorã.

<sup>11</sup> Eropirã erãre õpa arĩñorã:

—Mũa Galilea majarã, ¿duhpirã ĩhamuju niguirã iiri mũa? Ihĩ Jesu ãmarogue mურიագũ, ĩgu mურიადիრო dopa ta dipaturi arigucumi daja, arĩ wereñorã anyua.

*Jesu ĩgu apinirã Judare gohrotobure beyeñorã*

<sup>12</sup> Eropiira pũhrũ Jesu yarã utãgũgue Olivo waĩcũdigũgue árĩnirã dijari, Jerusaléngue dujajañorã. Irigũ utãgu yuju kilómetro wecañari Jerusalén ejaboro pohro árĩyoro.

<sup>13</sup> Dujaja erã ãmarogue erã árĩri taribugue mურიარა wañorã. Oã árĩñorã erã: Pedro, Ñu, Santiago, Andre, Felipe, Toma, Bartolomé, Mateo, Santiago,

Simo, Juda árĩñorã. Santiagopũ Alfeo magũ árĩpũ. Simopũ celote waĩcũri curu majagũ árĩpũ. Judapũ Santiago acaweregũ árĩpũ.

<sup>14</sup> Eropirã bajasuburi oã árĩpehrerã, nome mera, María Jesu pago mera, Jesu pagũ porã mera õaro gamenere, turaro mera Goãmũre mari Pagũre serẽmuriñorã.

<sup>15</sup> Eropi irinũrire masa bajarã ciento veinte ejaboro gohra gamenereñorã. Eropigũ Pedropũ ĩgũ mera majarã Cristo yarã watope nũgaja, werepũ erãre.

<sup>16</sup> —Yũ acawererã, Goãmũ iribojegue ĩgũ arĩdiro dopa ta eropa wahaa. Irire Espĩritu Santo Davire weredoreñumi Juda mũrũ eropa warare. Juda Jesure ñeha wejẽmorãre ĩhmudi árĩmi.

<sup>17</sup> Juda mũrũ mari mera Jesu yare ii, gũa mera majagũ ta árĩrimi.

<sup>18</sup> Judapũ ĩgũ Jesure ĩhmura wajare iri niyerure ĩgũ wiara pũhrũ ĩgũ basi wejẽ sĩripũ. Eropigũ yuhridija wa, ĩgũ gũramisida yehguea sĩria wapũ. ĩgũ wiara niyeru mũra mera gajirã merogã yebare asũñorã.

<sup>19</sup> Eropirã árĩpehrerã ohõ Jerusalén majarã masipehrecãma Juda mũrũ ĩgũ ñero warare. Eropa masirã ĩgũ niyeru mera erã asũra yebare Acéldama di cóari yeba waĩcũa, arĩma iri yebare.

<sup>20</sup> Iribojegue erã arĩ gojadiro dopa ta eropa wahãmi Juda mũrũ. Salmo waĩcũripũgue õpa arĩ gojañuma:

ĩgũ arĩdirore cóadiro árĩporo. Eropirã gajirã ĩgũ arĩdirore arĩbiricãporo, arĩ gojañuma.

Ohõ sãre õpa arĩ gojañuma:

Gajigũ ĩgũ mohmerare gohrotogũ árĩgũcumi, arĩ gojañuma Salmogue, arĩpũ Pedro.

<sup>21-22</sup> “Eropirã mari yujugũ beyerã Juda mũrũre gohrotobure. Ñũ waĩyegũ ĩgũ masare buherasubu arĩdigũre, Jesu mera mari mera arĩdigũre beyero gahmea mari mera majagũ arĩbure. Jesu masa mũriacũ sãre ĩadigũre beyero gahmea. Eropa beyera pũhrũ Jesu ĩgũ masa mũriarare mari mera buhegũcumi, arĩ werepũ Pedro ĩgũ acawererãre Cristo yarãre.

<sup>23</sup> ĩgũ eroparĩcũ peerã perãre beyedoboñorã erã. Yujugũ José Justo waĩcũgũre beyeñorã. ĩgũ Barsabá erã arĩ piyugũ árĩpũ. Eropirã gajigũre Matia waĩcũgũre beyeñorã.

<sup>24-25</sup> Erã perãre beyedobotuhaja, erãre Goãmũre õpa arĩ serẽñorã:

—Mũhũ gũa Opũ árĩpehrerã masa erã pepirire masia. Oã ãhrima gũa perã beyerã. Juda mũrũre gohrotobure nihi mũ gamegũre beyeque. Juda mũrũ Jesure cóadigũ peamegue wadigũ árĩmi. Eropigũ ĩgũre gohrotogũ Jesu ĩgũ apidigũ árĩgũcumi. Eropigũ gũa mera õari buherire buhegũcumi, arĩñorã erã Goãmũre.

<sup>26</sup> Eropa arĩrã ta utã mera deamuriñorã beyemorã. Matia yañe õaro wiricũ, Matiapũ Jesu ĩgũ apinirã once apinirã mera majagũ dujapũ.

## 2

### *Espĩritu Santo ĩgũ yarã mera árĩnũgapũ*

<sup>1</sup> Eropii Pentecoste waĩcũrinũ arĩũ erã yujuro mera árĩpehrerã yuju wihigũ gamenereñorã.

<sup>2</sup> Irisubure ta miruñe bũrigã ariro dopa ta umarogue bũsũro cariyoro. Ero eropa bũsũro caricũ peeñorã árĩpehrerã iri wihigũre gamenere arĩrã.

<sup>3</sup> Eropiro peame porãrigã dopa bejari erã árĩpehrerã dipu wecare dehyoayoro. Iri peame porãrigã nediru dopa bejari dehyoayoro.

4 Eropigu Espiritu Santo erapu eräre igu turarire ogu arigu. Eropirã Espiritu Santo eräre igu itamuropẽ erãpu gajirã yare õaro wereniguinũgañorã.

5 Irinũre Jerusalén bajarã judio masa eranirã árĩñorã. Goãmure umupeorã erarã árĩñorã. Erã macari nucũ majarã árĩñorã.

6 Eropirã umarogue busucũ peerã masa bajarã Jesu buherã pohrogue gamenere wahgãñorã. Masa nucũ yare Jesu buherã erã wereniguicũ peeñorã. Erã eropa wereniguicũ peerã, erã pee uca wañorã.

7-8 —Yaho, ¿Duhpirã oã Galilea majarã árĩquererã õaro mari yare wereniguiri? Erã mari masa dehyoadirogue árĩnirã iro dopa ta wereniguirã iima, arĩñorã erãpu.

9-10 Árĩpehrerã mari yare dohpaguere wereniguirã iima. Partia majarã, Media majarã, Elam majarã, Mesopotamia majarã, Judea majarã, Capadocia majarã, Ponto majarã, Asia majarã, Frigia majarã, Panfilia majarã, Egipto majarã, Africa majarã, Cirene majarã, Romague arirã ãhraa mari. Yujurãyeri judio masa ãhraa mari. Gajirã judio masa árĩbirã judio masa ya buheripure buherãgue ãhraa mari.

11 Creta majarã Arabia majarã sã mari mera ãhrima. Eropirã oã mari yare erã wereniguicũ peea mari. Erã mari ya mera Goãmũ turari mera igu õaro iirare wererã iima, arĩ wereniguĩñorã masa erã basi.

12 Erã eropa arĩrã uca wañorã. Erã ãarare erã peerare õaro masibiriñorã.

—¿Dohpárĩrono oã gajirã ya mera Goãmũ yare eropa õaro wereniguiri mũa pepicũ? arĩ game serẽpiñorã erã erã basi.

13 Eropirã gajirã wereyañorã.

—¿Dohpa oã siburi ihrinijarã mererã iiri? arĩ wereyañorã gajirã erã basi.

### *Pedro masare werepu*

14 Eropigu Pedro once Jesu igu apinirã mera wahgãñugaja, masare werepu:

—Mũa Judea majarã, árĩpehrerã Jerusaléngue árĩrã, ire yu werecũ õaro peeque mũa.

15 Mũa pepiri diaye árĩbeaa. Dohpaguere nueve ãhraa. Umũgue ãhraa. Eropirã oã merebeama.

16 Oã Goãmũ iribojegue igu werediro dopa ta iirã iima. Irire Joere Goãmũ ya weremũhtadigure ire weredoreñumi Goãmũpu.

17 Ojogorocurinu árĩcũ õpa árĩroca: Yũhũ Espiriture masare árĩpehrerãre obeogũra. Eropirã mũa porã Goãmũ yare wererãcoma. Eropirã mũa mera majarã mamarã Goãmũ deyoro moarire ãarãcoma. Eropirã mũa mera majarã mũrãpu quẽrire quẽrãcoma.

18 Eropigu yũ pohro majarãre yũ Espiriture obeogũra. Eropirã erã yahare wererãcoma.

19 Eropigu yũ turari mera iigũca umũsigue. Yebague sãre yũ turari mera irire ãhmũgũca. Eropigu di mera, peame mera, imica mera ãhmũgũca yũ turarire.

20 Yũ eropiicũ abe umũ majagu naitã wagũcumi. Ñami majagu abe diagũ gũhyaro wagũcumi. Õpa waroca Cristo mũa opu igu dujariburinu, yũ arĩranũ core. Irinu ãha uca warãca mũa. Eropiro irinu gũhyarinũ árĩroca.

21 Eropiro òpa árĩroca: Árĩpehrerã masa Cristore erã ñerire cóãdore serēnirãre ĩḡu erãre peamegue wabonirãre taugucumi Goãmũ, arĩ gojañumi Joe, arĩpũ Pedro masare.

22 “Mũa Israe masa yũhũ werecũ peeque, arĩpũ daja. Jesu Nazare majagupũ Goãmũ ĩḡu obeodigũ árĩmi. Jesure “Goãmũ obeodigũ ãhrimi,” masa erã arĩ masiboro dopa Jesu Goãmũ turari mera deyoro moarire masare ii ĩhmucũ iidi árĩmi Goãmũ Jesure. Mũa irire masia.

23 Mũa Jesure wejēdorecũ Goãmũ iribojegue ĩḡu “Eropa waroca,” ĩḡu arĩdiro dopa ta eropa wahabũ. Eropirã mũa Jesure crusague wejēdorerã wiabũ ĩḡure masa ñerãre.

24 Goãmupũ Jesu sĩridigũre masuami. Eropigũ dipaturi ne sĩrisome ĩḡu. ĩḡu sĩri wajabemi. Eropa ojocaríniguicãbu ãhrimi.

25 Òpa arĩñumi Davi iribojegue majagũ Cristo ĩḡu arĩbodiropo dopa ta:

Yũ Opũ, yũ mera ãhraa mũhũ. Òmuri nũcũ Goãmũ yũ Opũ yũ pohro mũhũ árĩcũ ĩamũrabũ yũhũ güibiriboro dopa.

26-27 Mũhũ Goãmũ yũ sĩporãre sĩrinirã erã árĩroguere ne cóãsome. Yũre mũ mahigũre ñerogue yũ sĩporãre cóãsome mũhũ. Yũhũ mũ pohro majagũ mũre umupeogu ãhraa. Yũ dũpũre boadoresome mũhũ. Eropigũ bũrigã mucubiria. Mucubiriri mera wereniguia. Eropigũ mũre Goãmũre bũrigã umupeogu árĩḡu güiro mariro òaro árĩcãa.

28 Yũre dipaturi ojocaricũ iigũca mũhũ. Yũ mera mũhũ árĩcũ bũrigã mucubiria, arĩ gojañumi Davi Cristo ĩḡu arĩbodiropo dopa ta, arĩpũ Pedro.

29 “Acawererã, òpa òaro weregũra mũare Davire mari acaweregu mũrũre, iribojegue majagũre, arĩnemopũ daja Pedro. ĩḡu Davi sĩria wañumi. Eropigũ ĩḡure erã yaara gobe dohpaguere árĩnia. Eropigũ “Yũ dũpũre boadoresome mũhũ,” arĩ gojagũ ĩḡu basi waĩpeo weregũ iibiriñumi.

30-31 Iribojegue Goãmũ Davire òpa arĩñumi: “Diaye ta arĩḡu iiaa. Mũ pãramerã árĩturiarã mera majagũ mũ iiro dopa ta i maca majarã weca opũ árĩḡucumi,” arĩñumi Goãmũ Davire. Davi Goãmũ yare wereyugũ árĩñumi. Eropigũ Cristore Goãmũ ta opũ acuborore masigũ, Cristo ĩḡu masa mũriaborore weremũhtatuhãñumi Davipũ. Òpa arĩ wereñumi ĩḡu: “ĩḡu sĩrinirã erã árĩroguere árĩwajasome. ĩḡu dũpũ ero boasome,” arĩñumi Davi.

32 ĩre Jesucristore Goãmũ masuami. ĩḡu masudigũre gũa árĩpehrerã ĩabũ.

33 Eropigũ Cristo ãmarogue mari Pagũ diayepũ árĩcumi doregu árĩḡu. Eropigũ ĩḡu Pagũ “Espĩritu Santore yebague obeogũra,” arĩpũ ĩḡure. Eropigũ Cristopũ Espĩritu Santore dohpaguere obeomi gũare. Eropirã Espĩritu Santore ĩḡu gũare obeorare ĩarã iiaa mũa. Eropirã mũa peea.

34 Davipũ Jesu ĩḡu mũriadiropo dopa ta ãmaroguere mũriabiriñumi. Eropigũ ĩḡu ĩḡu basi òpa arĩñumi:

Goãmũ árĩmi yũ Opũre: “Ohõ yũ diayepũ doaque mũhũ.

35 Eropigũ mũre ĩhaturirãre mũre tarinũgabasagũra yũhũ mũ pohro majarã dopa árĩmorãre,” arĩmi Goãmũ yũ Opũre, arĩ gojañumi Davi.

36 “Eropirã árĩpehrerã Israe masa ire òaro masique mũa. ĩhĩ Jesure mũa crusague wejēdigũre mũa opũ acuami Goãmupũ. ĩḡure mũare taubure Cristore apiami Goãmũ, arĩ werepũ Pedro masare.

37 ĩḡu eroparĩcũ peerã bũrigã bũjawere, güirã masapũ Pedro sãre serēpi ĩañorã:

—Gũa acawererã, ¿dohpa iirãcuri gũa? arĩ serēpi ĩañorã erã.



<sup>38</sup> Erã eropa arĩ serēpi ãacũ yũhripũ Pedro sã.

—Mũa ñero iirire bũjawererã árĩque. Õarire gohrotoque. Eropirã Jesu waĩ mera waĩyenirã árĩque mũa árĩpehrerã. Mũa eropa iicũ mũa ñerire cãdijigucumi Goãmũ. Mũa eropa iicũ Espĩritu Santo mũa mera árĩgucumi. Goãmũ ĩgu Espĩritu Santore eropa ocãgucumi mũare.

<sup>39</sup> Mũare, mũa porãre, mũa pãramerã árĩturiarãre yoarogue majarãre, árĩpehrerã Goãmũ mari Opũ ĩgu beyenirãre “Diaye ta itamugũra mũare,” arĩ apiñumi Goãmũ, arĩpũ Pedro masare.

<sup>40</sup> Eropa arĩtuhaja baja werenemopũ Pedro. Eropigu turaro mera wererũ erãre.

—I yeba majarãre erã ñero iira dipuwaja dipuwaja moagucumi Goãmũ. Eropirã mũapũ Goãmũ yarã árĩque. Mũa eropa árĩcũ ĩgu mũare dipuwaja moasome, arĩpũ Pedro masare.

<sup>41</sup> ĩgu eroparĩcũ peerã bajarã ĩgu wereniguirire õaro peeñorã. Eropigu ĩgu sã erãre waĩyerũ. Eropirã Goãmũ yarã mera majarã tres mil masa wanemoñorã.

<sup>42</sup> Eropirã erã masa Cristo ĩgu apinirã mera mũmuri nũcũ árĩmuriñorã. Eropirã erã buherire mũmuri nũcũ peemuriñorã. Erã barire game guere, Goãmũre serẽ, Cristo ĩgu apinirã mera õaro árĩcãñorã erã.

### *Jesu yarã ne árĩnũgarã erã árĩricurire wererũ Luca*

<sup>43</sup> Eropii Goãmũ ĩgu turari mera deyoro moarire ii ĩhmuñorã ĩgu apinirã. Erã eropa iicũ ĩarã masa árĩpehrerã ĩha uca wañorã.

<sup>44</sup> Eropirã árĩpehrerã Jesure umupeorã gamenere, õaro árĩcãñorã. Eropirã erã yare game gueremuriñorã.

<sup>45</sup> Erã yare dua, árĩpehrerãre gajinore moorãre erã nũcũ omuriñorã erã.

<sup>46</sup> Eropirã mũmuri nũcũ erã Goãmũ wihigue gameneremuriñorã. Árĩpehrerã yujurãyeri erã wirigue yujuyeri cururi mucubiriri mera gamenere bamuriñorã.

<sup>47</sup> Erã eropa gamenererisubu “Goãmũ õagũ ãhrimi,” arĩ umupeomuriñorã. Eropirã gajirã masa erãre gametarimuriñorã. Eropigu mũmuri nũcũ Goãmũ gajirãre ĩgu yarã wacũ iimuripũ.

## 3

### *Curimasibigu õagũ warũ*

<sup>1</sup> Ñamicague tres árĩcũ Goãmũre serērisubu árĩcũ Pedro, Ñu mera Goãmũ wihigue warã iñorã. Iri wihi disiporo yujugũ mũmũ doapũ.

<sup>2</sup> Mũmuri nũcũ iri wihi disiporo õari disiporo waĩcũri disiporo gajirã ĩgũre aĩgãri duhudoboñorã. ĩgu mũmũpũ ne masa dehyoagũgue ta curimasibigu árĩpũ. Eropigu ĩgu iri disiporo pohro doagũ niyerure serēmuripũ iri wihire ñajarãre.

<sup>3</sup> Eropii Pedro, Ñu iri wihigue erã ejanũgajacũ curimasibigupũ erãre ĩha, niyerure serēpũ.

<sup>4</sup> Eropirã erã Pedro, Ñu mera ĩgũre ĩha, Pedropũ õpa arĩpũ:

—Gũare ĩaque mũhũ, arĩpũ Pedro ĩgũre.

<sup>5</sup> ĩgu eroparĩcũ peegũ erãre ĩha “Niyerure orãcoma yũre,” arĩ pepiripũ.

<sup>6</sup> ĩgu eropa arĩ pepiquerrecũ ta Pedro ĩgũre õpa arĩ wererũ:

—Niyerure opabeaa yũhũ. Opabiriqueregũ ta ire iigũra yũhũ mũre. Jesucristo Nazare majagũ ĩgu turari mera curique mũhũ, arĩpũ Pedro curimasibigũre.

<sup>7</sup> Eropa arĩgu ta ĩgu mojtore diayepu maja mojtore ñeha, ĩgure tarawahgũ nugupu. Irisubu ta curimasibigu ĩgu guburire, ĩgu ñigarire turari ñajayoro.

<sup>8</sup> Iri eropa ñajara puhru ĩgu wahgãnugajapu. Eropigu ĩgu waha buhrima muria “Goãmu turagu ðagu àhrimi,” ĩgu arĩ mucubiridiro mera erã mera Goãmu wihigue ñajaapu pare.

<sup>9</sup> ĩgu eropa curicũ, “Goãmu ðagu àhrimi,” arĩ gaguiniguicũ masa árĩpehrerã ĩgure ñañorã.

<sup>10</sup> Eropirã masa ĩgure ĩha masiñorã. “Thĩ iri wihi maja disiporo ðari disiporo pohro ĩgu niyerure serẽ doagu àhrimi,” arĩñorã erã. Eropirã ĩgu eropa curicũ ñarã ĩhamaria wañorã.

### *Pedro Goãmu wihigue masare buhepu*

<sup>11</sup> Eropii curimasibiridigu Pedro sãre ĩgu duhubirisubu, masa árĩpehrerã ĩhamaria warã Pedro sã pohro omagã, gamenereñorã. Erã Goãmu wihigue árĩrã Salomo waĩcuripugue árĩñorã.

<sup>12</sup> Erã eropa gamenerera puhru Pedropu werepu erãre.

—Mua Israe masa, ¿duhpirã ĩre ĩha ucari? ¿Duhpirã guare mua ĩhanururi? Guapu gua ya turari mera, Goãmure gua umupeori mera, gua ejatuharo ĩre curicũ iibirabu gua. Jesu irire iiami.

<sup>13</sup> Mari ñecu sũmarã mura Abrahã, Isaa, Jacobo mura Goãmure umupeomuriñorã. Erã umupeodigupu Goãmupu ĩgu magure Jesure turagu, ðagu ĩgu árĩcũ ĩhmumurimi. Mua Jesure ĩhaturirãre ohabu. Eropigu Pilato ĩgure ĩgu peresugue wiudiacũ mupu ĩgure ĩgu wiucũ gamebirabu. Pilatore Jesure ohabu mua.

<sup>14</sup> Pilato ĩgure wiudiarãmi. Mupu Jesure ðagure, ðaro iigure gamebirã gajigure masa wejẽdigupure wiudoreabu mua.

<sup>15</sup> Eropirã Jesure mari ojocaricũ iigure wejẽabu mua. ĩgu sĩricũ Goãmu ĩgure masuami. ĩgure masudigure gua ĩabu.

<sup>16</sup> Eropirã gua ĩgure umupeorã àhraa. Gua eropa umupeocũ ĩagu ĩre mua dohpague ĩagure mua ĩha masigure Jesupu ĩgu turari mera ĩgu curicũ iiami.

<sup>17</sup> “Yu acawererã, mari oparã mera Jesure ðaro masibiriquererã ĩgure wejẽabu mua. Irire masia yũhu.

<sup>18</sup> Iribojegue majarã Goãmu yare weremũhtanirã Goãmu erãre ĩgu weredoređiro dopa ta wereñuma erã sã. “Cristo ñero tarigucumi,” arĩ wereyũñuma erã. Erã eropa arĩ werediro dopa ta eropa wabu dohpaguere.

<sup>19</sup> Eropirã dohpaguere mua ñero iirare bujawererã árĩque. Óaripure gohrotoque. Cristore umupeoque. Mua eropa iicũ mua ñerire cãđijigucumi Goãmu. Eropigu mũare mucubiririnurire apigucumi ĩgu. Eropirã ðaro sñajarãca.

<sup>20</sup> Eropigu Goãmu Cristore ĩgu beyedigure mũare obeogucumi daja. Cristo Jesu ta àhrimi.

<sup>21</sup> ĩgu Jesu Goãmu pohrogue árĩcumi dohpa. Iribojegue Goãmu ĩgu yare weremũhtanirãre wereyudoreñumi ĩgu iiburire. ĩgu werediro dopa ta árĩpehrero amugu iicumi. ĩgu amutuhaja Cristore obeogucumi daja.

<sup>22</sup> Moise irire weregu ðpa arĩñumi: “Mari mera majagure mari acaweregure Goãmu yare weremũhtagure Goãmu mari Opu obeogucumi mũare. Yure ĩgu obeodiro dopa ta obeogucumi ĩgu sãre. Eropirã mũare ĩgu werecũ peephecarãca mua.

<sup>23</sup> Ōpa árīroca. Árīpehrerā īgure peebirā, īgu dorerire iibirā īgu cóānirā árīrācoma. Goām̄u yarā mera majarā árīsome erā,” arīm̄uriñumi Moise iribojeque.

<sup>24</sup> “Árīpehrerā Goām̄u yare werem̄htanirā n̄uc̄u, Samue īgu p̄hr̄u árīrā s̄a i dohpague warire wereyuñuma.

<sup>25</sup> Mari ñec̄u s̄umarāre iribojegue majarāre “Masare ōaro iiḡura,” arī werem̄uriñumi. Īgu erāre werediro dopa iimi marire dohpaguere. Eropiḡu Abrahāre īgu arīdiro dopa ta mari s̄are arī wereḡu iñ̄umi. Ōpa arī wereñ̄umi Goām̄u Abrahāre: “Árīpehreri yeba majarāre ōaro iiḡura. Ōpa irire iiḡura: M̄u acawereḡu p̄hr̄u árīḡur̄u masare ōaro iibasaḡuc̄umi ȳre,” arīñ̄umi Goām̄u Abrahāre.

<sup>26</sup> Marip̄are Goām̄u Jesure īgu maḡure īgu masudiḡure mari pohrogue obeom̄htami mari ñero iirare cóābure. Eropa iiḡu īgu m̄are ōaro iiami, arīp̄u Pedro erāre.

## 4

### *Pedro, Ñu mera oparāre weretamuñorā*

<sup>1-3</sup> Īgu eropa wereniguisubu pahia, Goām̄u wihire corerā surara op̄u, saduceo masa s̄a erāre peeñorā. Ōpa buhep̄u Pedro Ñu mera masare:

—Jesu īgu s̄irira p̄hr̄u masa m̄uria wami. Īgu eropa masa m̄uriac̄ū ĩarā, p̄hr̄u mari s̄a īgu yarā mari masa m̄uriaborore masia mari, arī werep̄u Pedro s̄a. Erā eroparīc̄ū peerā, oparāp̄u erā mera guañorā. Eropa guarā naimerec̄ū ĩarā erā Pedrorē, gajirā Jesu apinirā s̄are ñeha, peresu iñ̄orā.

<sup>4</sup> Oparā eropa gamebiriq̄urec̄ū ta masa bajarā Goām̄u yare Pedro s̄a buherire peerā “Diaye ta āhraa,” arī pepiñorā erā. Eropirā Jesu yarā bajarā wañorā. Erā ūma dihtare queoc̄ū Jesure umupeorā cinco mil masa árīñorā.

<sup>5</sup> Eropii gajin̄u iri maca majarā m̄arā, oparā, judio masa buherā mera Jerusaléngue gamenereñorā.

<sup>6</sup> Eropiḡu pahia op̄u Ana waīc̄uḡu ero árīp̄u. Īgu acawererā s̄a árīñorā. Caifa, Ñu, Alejandro, gajirā mera Ana acawererā árīñorā.

<sup>7</sup> Eropirā erā Pedro s̄are erāre gamebeoc̄ū, surarap̄u peresugue erāre aīw̄iu oparā watopegue erāre aī ejañorā. Erā eropa iira p̄hr̄u oparā serēpi ĩañorā Pedro s̄are.

—¿Noa ya turari mera m̄ua curimasibiḡure ōaḡu iiri? ¿Noa āhriri m̄are irire iidoreḡu? arī serēpi ĩañorā erā.

<sup>8</sup> Erā eroparīc̄ū peeḡu Esp̄iritu Santo īgu itamurire ōaro opaḡu werep̄u Pedro erāre.

<sup>9</sup> —M̄ua oparā, m̄ua m̄arā, ¿ḡua curimasibiḡure ḡua ōaḡu iirare serēpi ĩarā iiri m̄ua ḡare?

<sup>10</sup> Ire masique m̄ua árīpehrerā, Israe masa. Ire Jesucristo eropa iiami. Jesu Nazare majaḡu, m̄ua crusague wejēdiḡu, Goām̄u masudiḡu, īḡur̄u ih̄i curimasibiḡure ōaḡu wac̄ū iiami. Eropirā ĩre dohpaguere m̄ua ĩhuro īgu curic̄ū ĩhaa m̄ua. Ōpa āhraa Goām̄u yare erā gojarap̄uḡue Cristore wereyuro:

<sup>11</sup> “Ih̄i Cristo utāye iro dopa ta Goām̄u beyediḡu āhrimi. Īgu Goām̄u beyediḡu árīq̄urec̄ū masa īḡure gamesome. Īḡure erā gamebiriq̄urec̄ū Goām̄u īḡure op̄u acuami árīpehrerāre dorebure,” arī gojañumi iribojegue.

<sup>12</sup> Ne gajigu masare peamegue waboniräre taugu ne marimi. I yebaguere Jesu dihta masare taugu ährimi. Ne gajirä ïgu iro dopa árîrâ ne marima, arî werepü Pedro eräre.

<sup>13</sup> ïgu eropa arî werera pührü, Pedro Ñu mera buheya marirâ erä árîcû ïarâ, güiro mariro erä buhecû ïarâ, murâ, oparâ, judio masa buherâ mera pee uca wañorâ. Eropirâ Jesu iro dopa erä buhecû ïarâ, òpa pepiñorâ erä. “Pedro, Ñu sâ diaye ta Jesu mera majarâ ta ährima oã,” arî pepiñorâ erä.

<sup>14</sup> Eropigu curimasibiridigu Pedro sâ mera árîpü. ïgu, ïgu òagu árîcû ïañorâ murâ, oparâ, judio masa buherâ mera. Eropirâ erä Pedro säre “Ñero iirâ iiaa,” arî weresâmasibiriñorâ.

<sup>15</sup> Eropa weresâmasibirâ oparâ erä gamenereri taribugue árîrâre Pedro säre wiriadoreñorâ.

<sup>16</sup> Erä wiriara pührü erä basi weretamuñorâ.

—¿Oäre dohpa iirâcuri mari? arî wereniguiñorâ erä.

Òpa arî wereniguinemoñorâ:

—Pedro, Ñu mera Goãmü turari mera curimasibigure curicû iinirâ ährama. Eropirâ Jerusalén majarâ árîpehrerâ erä eropa òaro iirare masiama. Eropirâ maripü “Eropa iibirama erä,” arîmasibea mari.

<sup>17</sup> Eropirâ Jesu ïgu buherare gajirâre buhedorebircârâ eräre gajirâ erä buherire gameri arîrâ, arî wereniguiñorâ erä erä basi.

<sup>18</sup> Eropa arî wereniguituha Pedro säre sihubeo òpa arîñorâ:

—Jesu ïgu buherare ne buhebircâque gajirâre. Irire ne wereniguibircâque, arîriñorâ eräre.

<sup>19</sup> Erä eroparîcû peerâ Pedro Ñu mera òpa arîñorâ eräre:

—Müa òpa árîcû müare yührirâ Goãmüpure tarinügârâ iiboca gúa. ¿Nihî yapüre gúa werecû gahmeri müa? ¿Müa yapüre gúa iicû gahmeri müa? ¿Goãmü yapüre gúa iicû gahmeri müa?

<sup>20</sup> Guapüre gúa ïarare, gúa peerare guare yayasâma masiya mara masare, arî yühripü Pedro Ñu mera.

<sup>21</sup> Erä eroparîcû peerâ oparâpü dipaturi doreriñorâ daja eräre.

—Jesu ïgu buherare müa buherâ ñero tarirâca müa, arîriñorâ oparâ eräre.

Eräre “Ñu, Pedro mera ñero iirâ iima,” arîmasibiriñorâ erä. Eropirâ masapü curimasibiridigu ïgu òagu wacû ïarâ, “Goãmü diaye ta òagu ährimi,” arîñorâ masa. Erä eroparîcû peerâ oparâpü Pedro säre dipuwaja moamasibiri, eräre wiuñorâ.

<sup>22</sup> Curimasibigu òagu erä iidigu cuarenta bojori opagu árîpü.

### *Jesu yarâ erä güibiriburire serëñorâ Goãmüre*

<sup>23</sup> Eropii, Pedro Ñu mera erä mera majarâ pohrogue eja, pahia oparâ, murâ eräre erä arîrâre wereñorâ.

<sup>24</sup> Erä eroparîcû peerâ erä árîpehrerâ yujuro mera mari Pagüre Goãmüre serëñorâ.

—Gúa Opü, mühu umarore, yebare, diarire iigu, árîpehreräre ojocaricû iigu ähraa mühu.

<sup>25</sup> Mü Espiritu Santo gúa ñecüre Davi mürure mü pohro majagüre òpa weredoreyoro mü arîdiro dopa ta:

¿Duhpirâ judio masa árîbirâ guari? Pee masibirâ ährima masa.

<sup>26</sup> Baja macari majarâ oparâ gamenere, mari Opü Goãmüre, ïgu opü acudigu Cristo säre ïhaturi, ñero iidiana erä, arî weredoreyoro mühu Davire iribojeguerre.

<sup>27</sup> Eropa ta ãhraa, arĩ serēnemoñorã Goãmure. I macare Herode, Poncio Pilato, judio masa árĩbirã, judio masa mera mũ beyedigũre Jesure ðagũ mũ pohro majagũre wejẽdia gamenereama.

<sup>28</sup> Irisubu mũ gamediro dopa ta “Eropa waroca,” mũ arĩdiro dopa ta iĩama erã. Mũ masiri mera eropa wereyoro mũhũ.

<sup>29</sup> Eropigũ, gũa Opũ, erã gũare “Mũa buheri waja ñero tarirãca,” erã arĩrare guñaque mũhũ. Gũare itamuque. Eropigũ gũare mũ pohro majarãre gũiro mariro mũ buherire weredoreque gũare.

<sup>30</sup> Mũhũ mũ turari mera dorecũrãre ðarã iique. Eropigũ mũ buherire gũiro mariro werecũ iique gũare. Eropigũ mũ deyoro moarare Jesu mũ pohro majagũ ãgũ turari mera ii ãhmudoreque gũare. Eropigũ dorecũrãre ðarã gũa wadorecũ mũ turari mera itamuque gũare, arĩ serēñorã erã mari Pagure.

<sup>31</sup> Erã eropa arĩ serēra pũhrũ, erã gamenereri wihi ñohmemaa wayoro. Ero eropa ñohmecũ ta Espĩritu Santo ãgũ turari mera guñaturarã wacũ iipũ erãre. Eropa warã, Espĩritu Santo ãgũ dorediro dopa ta iĩñorã. Gũiro mariro Goãmũ yare wereñorã erã.

### *Jesu yarã erã yare dũca wañorã*

<sup>32-33</sup> Eropirã Goãmũ ãgũ turari mera erã Jesu ãgũ apinirã ðpa arĩ wereñorã masare: Jesure Goãmũ masudigũre gũa ãabũ, arĩ wereñorã erã masare. Eropigũ Goãmũ erã árĩpehrerãre ðaro itamumũripũ. Eropirã Jesure umupeorã bajarã árĩñorã. Erã yujuropa ta pepirã árĩmũriñorã. Eropirã erã erã yare erã doberire “Yaha dihta ãhraa,” ne arĩbiriñorã. Erã árĩpehrerã erã yare gajinore moorãre erã mera majarãre dũca wamũriñorã.

<sup>34</sup> Eropirã erã mera majarã mojomorocũrã marimũriñorã. Erã mera majarã yeba oparã, wiri oparã erã yare duamũriñorã.

<sup>35</sup> Eropa duarã erã wajasearare erã aĩgãri, Jesu ãgũ apinirãre omũriñorã. Eropirã erãpũ irire erã mera majarãre dũca wamũriñorã. Árĩpehrerã opabirãre dũca wañorã.

<sup>36</sup> Irisubure yujugũ erã mera majagũ José waĩcũgũ árĩpũ. Jesu ãgũ apinirã Josere Bernabé waĩyeñorã. ãgũ waĩ Bernabé “Masare mucubiricũ iĩgũ ãhrimi,” arĩma Griego ya mera. ãgũ Leví ya curu majagũ Chipre nũgũro majagũ árĩpũ.

<sup>37</sup> Eropigũ ãgũ poeri opagũ árĩgũ irire duapũ. Eropigũ ãgũ wajasearare Jesu ãgũ apinirãre ópũ ãgũ gajirãre gueredoregũ.

## 5

### *Ananía ãgũ marapo Safira mera gũyapũ*

<sup>1</sup> Gajirã sã Bernabé iro dopa iimũririñorã. Erã Ananía waĩcũgũ, ãgũ marapo Safira waĩcũgo árĩñorã. Eropigũ Ananía erã ya poerire duapũ ãgũ.

<sup>2</sup> Eropa duaqueregũ ta ãgũ wajasearare ãgũ basi aĩpũ. ãgũ marapo sã ãgũ eropa iirare masipo. Eropigũ erã wajasea dũharare aĩgãri, Jesu ãgũ apinirãre ópũ Ananĩapũ. Eropa ogũ, “Orehogũ iiaa,” arĩripũ ãgũ.

<sup>3</sup> ãgũ eropa iicũ ãagũ Pedro ãgũre werepũ.

—Ananía, watĩ mũre gũyadorecũ mũhũ gũyabũ Espĩritu Santore. Eropigũ mũa ya poerire dua, mũ wajasearare mũ basi aĩbu ãhrabũ mũhũ.

<sup>4</sup> M̄ duaboro core m̄a ya poeri ár̄rib̄. Eropiro m̄ duara p̄hr̄ m̄ ya wajatari ta āhrab̄. ¿Eropiḡ dohpa ár̄ironore eropa ḡyari m̄h̄? M̄h̄ ḡa dihtare ḡyabeaa. Goām̄ s̄are ḡyab̄ m̄h̄, ar̄p̄ Pedro ĩḡare.

<sup>5</sup> ĩḡ eropar̄ic̄ peeḡ ta, Ananíap̄ mehmereja, s̄iria wap̄. Eropir̄ ár̄ipehrer̄ ĩḡ eropa warare masir̄, bur̄iḡ güiñor̄.

<sup>6</sup> ĩḡ s̄irira p̄hr̄ mamar̄ ahri, ĩḡ d̄p̄re suhri mera oma, disiporogue aĭḡ, yaañor̄ ĩḡare.

<sup>7</sup> Eropii ̄hre hora p̄hr̄ Ananía m̄r̄ marapo ĩḡ s̄irirare masibigo Pedro pohrogue ñajapo.

<sup>8</sup> Eropiḡ Pedro igore õpa ar̄p̄:

—¿M̄a ya poerire duanijar̄ dip̄ wajatari m̄a? ar̄p̄ ĩḡ. Eropigo igo igo marap̄ m̄r̄ ĩḡ ar̄irañep̄ ta, “Irip̄eta wajatab̄ ḡa,” ar̄ wereripo igo s̄a.

<sup>9</sup> Eropiḡ Pedro igore werer̄:

—¿Duhpir̄ m̄a yujuro mera Goām̄ Esp̄iriture ḡya ĩhadiari m̄a? Peeque dohpaguere. M̄ marap̄ m̄r̄re yaanir̄ ta ahrima daja. M̄ s̄are m̄ d̄p̄re aĭr̄ ahrima, ar̄p̄ Pedro.

<sup>10</sup> ĩḡ eropa ar̄ werer̄ ta igo mehmereja, s̄iria wapo. Eropir̄ mamar̄ iri wihire ñajar̄, igo ya d̄p̄ m̄r̄arore aĭ wiria wañor̄. Aĭḡ, igo marap̄ m̄r̄ dipaba yaañor̄.

<sup>11</sup> Eropir̄ Jesu yar̄ ár̄ipehrer̄ gajir̄ irire peer̄ s̄a, güitariac̄añor̄.

### *Jesu ĩḡ apinir̄ Goām̄ turari mera ii ĩhmuñor̄*

<sup>12</sup> Eropir̄ masa watope Jesu ĩḡ apinir̄ bajasuburi Goām̄ turari mera deyoro moarire ii ĩhmum̄riñor̄. Eropir̄ er̄ Salomo waĭc̄ari taribugue õari taribugue gamenerem̄riñor̄.

<sup>13</sup> Eropir̄ gajir̄ er̄are güir̄, er̄ pohrogue wabiriñor̄. Eropa güiquerer̄ er̄are Jesu ĩḡ apinir̄are, “Õar̄ āhrima oã,” ar̄ñor̄ masa.

<sup>14</sup> Eropir̄ ̄ma, nome bajar̄ Jesure umupeon̄gañor̄.

<sup>15</sup> Eropir̄ er̄ dorec̄r̄are aĭḡari, omasiariñe mera p̄t̄api apiḡañor̄ Pedro waburi mague er̄are. Eropir̄ dorec̄r̄are õar̄ wac̄ gamer̄ Pedro er̄are ĩḡ ñapeoc̄ gameñor̄ er̄ aĭḡanir̄ap̄. Er̄are ĩḡ ñapeobiric̄ Pedro er̄ weca ĩḡ wat̄ merejariñe dihtare gameñor̄ er̄. Iri dihtare gameñor̄ er̄ er̄ õar̄ waboro dopa.

<sup>16</sup> Eropir̄ Jerusalén pohro ár̄iri macari majar̄ s̄a, dorec̄r̄are, wat̄e ñajas̄nir̄ s̄are aĭḡariñor̄. Eropir̄ er̄ ár̄ipehrer̄ er̄ d̄p̄ õaro wañor̄.

### *Opar̄ap̄ Jesu ĩḡ apinir̄are ñero iidoreñor̄*

<sup>17</sup> ĩḡ eropa iic̄ ĩar̄ pahia op̄, ĩḡ mera majar̄ mera Pedro s̄are peyoc̄p̄. Pahia op̄ mera majar̄ saduceo masa ar̄ñor̄.

<sup>18</sup> Pedro s̄a iirare peer̄ er̄ guatarir̄ Jesu ĩḡ apinir̄are ñhadore, peresu iñor̄.

<sup>19</sup> Eropiira p̄hr̄ iri ñami ta Goām̄ ĩḡ anyu p̄ḡp̄ er̄are peresugue ár̄ir̄are. Tuhajanugu er̄are wiriridore õpa ar̄ werer̄ anyu:

<sup>20</sup> —Goām̄ wihigue waque. Iri wihigue ár̄ir̄ Goām̄ masare ĩḡ tauburire, iri õari buherire wereque masare, ar̄p̄ anyu er̄are.

<sup>21</sup> ĩḡ eropar̄ic̄ peer̄ ñamiḡ ñari Goām̄ ya wihigue ñaja, masare buheñor̄ er̄.

Irin̄ ta pahia op̄, ĩḡ mera majar̄, Israe masa opar̄ mera gamenere, Jesu ĩḡ apinir̄are peresugue ár̄ir̄are aĭḡaridorerip̄ surara opar̄are.

<sup>22</sup> Eropirã surara oparã peresugue doarãpure aĩgãrirã wariñorã. Erãre bocabiriñorã. Bocabiri dujaa wañorã daja.

<sup>23</sup> Dujaja wereñorã erã oparãre.

—Peresugue árĩri disiporori bihara disiporori ãhrabũ. Eropirã erã iri disiporori pohro peresu iinirãre corerã niguiama. Eropa ãabũ gua. Eropirã gua disiporore pãgũcũ, masa marabũ, arĩ wereñorã erã.

<sup>24</sup> Erã eroparĩcũ peerã, surara Goãmũ wihire corenirã opũ, pahia oparã mera irire pee ¼ca wa, “¿Dohpa waha ojogorocũrãcuri erã eropa iirã?” arĩ pepiñorã erã.

<sup>25</sup> Eropigũ erã pohrogue gajigũ ahri, erãre werepũ.

—Mũa peresu iinirã Goãmũ wihigue ãhrama. Ñarã waque bu. Iri wihigue masare buherã iama erã, arĩ werepũ.

<sup>26</sup> Ñgũ eroparĩcũ pee, surara opũ, ñgũ surara mera waha, Jesu ñgũ apinirãre dipaturi ñeagãriñorã daja. Eropa ñearã erãre surara turibiriñorã. Eropirã erãre pabonirã árĩquererã, masare gũirã pabiriñorã erãre. “Oãre mari pacũ gajirã masapũ ¼tã mera dearãcoma marire,” arĩ pepiñorã erã surarãpũ.

<sup>27</sup> Eropirã erãre aĩgãri, oparã core duhudoboñorã erãre. Erã eropa arĩ eraa dobocũ pahia opũ erãre turipũ.

<sup>28</sup> —Mũare gua weretuhabũ. Jesu yare buhebiricãque, arĩrabũ gua mũare. Gua eropa arĩquererã ta mũapũ arĩpehrerã Jerusalén majarãre buhea mũa. Jesu ñgũ sĩrira waja, gũare dipuwajacũcũ iidiarã iica mũa, arĩpũ pahia opũ.

<sup>29</sup> Ñgũ eroparĩcũ peegũ Pedropũ gajirã Jesu ñgũ apinirã mera yũhrĩpũ.

—Goãmũ ñgũ dorerãpure iimũhtarãra. Eropirã pũhrũ Goãmũ gamecũ masa erã dorerire iirãra.

<sup>30</sup> Goãmũ mari acawererã iribojegue majarã opũ Jesure masudi árĩmi. Ñgũ ta ãhrimi mũa crusague pabia wejẽdigũ.

<sup>31</sup> Jesure masura pũhrũ Goãmũ ñgũre “Õagũ ãhrimi,” arĩ, ñgũ diayerũ doadoremi Jesure ñgũ Pagũpũ. Eropigũ Jesu masa opũ, masare masugũ árĩgũ, Israe masare erã ñeri iirare bujawererã árĩdoregũ, erã ñerire cóãdiami Jesu.

<sup>32</sup> Eropirã gũapũ Jesu ñgũ iirare ñanirã árĩrã irire werea gua. Espĩritu Santo irire ñhmuũgũ árĩgũ weremi ñgũ sã. Ñgũre Espĩritu Santore Goãmũ oboami. Árĩpehrerã Goãmũ dorerire iirãre ñgũ Espĩritu Santore ohomi, arĩ werepũ erãre.

<sup>33</sup> Ñgũ eroparĩcũ peerã oparãpũ guatariacãñorã. Eropirã erã Jesu ñgũ apinirãre wejẽdiariñorã.

<sup>34</sup> Irisubure erore Gamalie fariseo masũ ero árĩgũ erãre wejẽdoregũ iibirĩpũ. Ñgũ oparã mera majagũ, dorerire buhegũ ñgũ árĩcũ, masa erã umupeogũ árĩpũ. Eropigũ Ñgũ Jesu ñgũ apinirãre merogã coredoregũ gajĩpũgue erãre aĩgãdorepũ surarare.

<sup>35</sup> Erã eropa aĩgãra pũhrũ ñgũpũ werepũ masare.

—Mũa Israe masa, oãre mũa iiburire õaro pepique mũague wejẽri arĩrã.

<sup>36</sup> Guñaque Teuda mũrũre. Ñgũ, ñgũ basi “Masare tarinũgagũ ãhraa yũhũ,” arĩmi masare. Eropirã masa bajarã cuatrocientos masa ñgũ mera majarã dujama. Eropirã gajirãpũ ñgũre wejẽnirã árĩma. Ñgũ sĩricũ ñha ñgũ buherire buhenirãpũ wasiria wanirã árĩma. Eropirã erã dohpaguere marima.

<sup>37</sup> Puhru masare erã queorisubu árĩcũ Galilea majagu Juda waĩcugu masare ĩgu buhecũ ĩgu mera masa bajarã dujama. ĩgu sã sĩria wadi árĩmi. Eropii ĩgu yarã árĩpehrerã wasiria wanirã árĩma erã sã.

<sup>38</sup> Eroparĩgu dohpaguere muare ire arĩgu iiaa. Eropa ĩacãque oãre Jesu yare wererãre. Eropii i buheri oã erã ya buheri Goãmu ya buheri árĩbiro, pehrea waroca.

<sup>39</sup> Goãmu ya buheripu árĩro, ne pehresome. I buheri Goãmu ya árĩcũ ne ire ne dederecũ iimasibea maa. Maa ire dederecũ iidarã Goãmu mera gamequeãrã iiboca maa, arĩpu Gamalie erãre.

ĩgu eropa arĩ werecũ peerã, “Diaye ta ãhraa,” arĩ, peeñorã oparã.

<sup>40</sup> Eropirã erã Jesu apinirãre sihubeo, erã eracũ ĩarã erãre tãrañorã. “Jesu yare buhebircãque maa,” arĩtuhaja, erãre wadoreñorã.

<sup>41</sup> Eropa wadorecũ peerã erã oparã pohrogue árĩnirã waha wañorã. Jesu ya árĩburire ñero tarirã burigã mucubiriñorã Jesu ĩgu apinirã.

<sup>42</sup> Eropirã umuri nucũ erã ya wirigue, Goãmu wihigue sãre Jesucristo yare buhe weremuriñorã erã.

## 6

### *Siete itamumorãre beyeñorã Jesu yarã*

<sup>1</sup> Irinurire Jesure umupeorã bajarã wañorã. Eropirã griego masa judio masa mera gameturiñorã erã Jesu yarã dihta árĩquererã. Griego masa wapeweyarã nomere umuri nucũ erã barire õaro erã guerebircũ ĩarã judio masare turiñorã.

<sup>2</sup> Eropirã Jesu ĩgu apinirã, docepũ Jesure umupeorãre árĩpehrerãre erã pohrogue sihubeo, õpa arĩ wereñorã:

—Gua Goãmu yare buherã ãhraa gua. Barire gueremorãno árĩbeaa gua.

<sup>3</sup> Eropirã maa gua acawererã, siete umare, gajirã “Õarã,” erã arĩrãre, Espĩritu Santo oparãre amaque. Erãpũre barire gueredoreque maa.

<sup>4</sup> Eropirã guapu umuri nucũ Goãmure serẽ Goãmu yare buherãca, arĩñorã Jesu apinirã erã Jesure umupeorãre.

<sup>5</sup> Erã eroparĩcũ peerã, “Áũ, eropa ta iirã,” arĩñorã erã árĩpehrerã Jesure umupeorã. Eropirã Estebanre Cristore umupeogũre, Espĩritu Santo turarire wũaro opagure beyeñorã erã. Gajirã sãre beyeñorã. Filipere, Prócorore, Nicanore, Timore, Parmenare, Nicolare bari gueremorãre beyeñorã erã. Nicolapũ judio masũ árĩbigũ Antioquía majagu judio masa buherire gamegũ erã mera ñajadigũ árĩpu.

<sup>6</sup> Erã beyenirãre Jesu ĩgu apinirã pohro aĩ erañorã gajirã Jesu yarãpu. Erã eropa aĩ eracũ ĩarã erã Goãmure serẽbasañorã. Eropirã erã beyenirã weca erã mojotorire duhpeoñorã Goãmu turarire orã.

<sup>7</sup> Eropirã iri yeba majarã Goãmu yare masipehrenijarã iĩñorã. Eropirã Jerusalengue árĩrã Jesure umupeorã bajarã wanemoñorã daja. Eropirã pahia sã bajarã Jesu yarã wañorã.

### *Gajirã Estebanre ñeañorã*

<sup>8</sup> Eropigu Esteban Goãmu turarire opagu árĩpu. ĩgu Goãmu õaro iigu árĩpu. Eropigu ĩgu Goãmu turari mera deyoro moarire ii ĩhmupu masa erã ĩaro.

<sup>9</sup> Judio masa erã buheri wihi majarã ĩgure ĩhaturiñorã. Eropirã ĩgu mera game dũyasonũgañorã. Erã Liberto waĩcurã arĩñorã. Eropirã erã Cirene majarã, Alejandría majarã, Cilicia majarã, Asia majarã mera bajarã arĩñorã erã Esteban mera dũyasarã.



10 Esteban masigu dopa ta, Espiritu Santore wuaro opagu ta igu wereniguicũ peerã erã yujuro bojebiriñorã igure.

11 Eropã yujuro bojebirã erã gajirãre ahma guyadore, wajayeñorã erãre. Erã eropa guyadorecũ òpa arĩ weresãñorã erã Estebanre:

—Ihĩ Goãmure igu ñero wereniguicũ, Moisere igu ñero wereniguicũ sãre gua peeabũ, arĩ weresãriñorã erã guyarãpũ gajirãre.

12 Erã eroparĩcũ peerã masa, judio masa buherã, murã sã igu mera guañorã. Eropirã erã Estebanre ñeha erã oparã pohro aĩgãñorã igure.

13-14 Eropirã erã gajirãre guyanemodoreñorã. Òpa arĩñorã erãpũ:

—Ihĩ umuri nũcũ Goãmũ wihire, igu doreri sãre ñero wereniguigu ãhrimi. Peeabũ gua igure igu òpa arĩcũ. “Jesu Nazare majagu Goãmũ wihire cóagũcumĩ. Eropigu igu Moise dorerare marire igu wererare gohrotogũcumĩ Jesu,” arãmi Esteban gua peecũ, arĩ guya weresãriñorã erã.

15 Eropirã arĩpehrerã ero doarã Estebanre òaro ñhamehtu, igu diapore ñañorã erã. Anyu iro dopa deyoyoro igu diapo.

## 7

### *Esteban Jesu yare werẽpũ*

1 Eropii pahia opũ serẽpipũ Estebanre.

—¿Oã erã arĩri diaye ta ãhriri? arĩ serẽpipũ igu Estebanre.

2 Igu eroparĩcũ peegũ, Estebanpũ erãre òpa arĩ werẽpũ:

—Acawererã, murã, gua pagũ sũmarã, peeque. Abrahã mari ñecũ murũ iribojegue majagu Mesopotamiague igu arĩcũ, Harãngue igu arĩboro core, Goãmũ turagu gosesiriro dopa igure Abrahãre dehyoañumi.

3 Eropã dehyoagu Goãmũ wereñumi igure. “Mũ ya yebare mũ acawererã mera arĩbiricãque. Eropigu gajĩ yebague waque. Mũ eropa wacũ mure iri yebare ñhmugũra yũhũ,” arĩpũ Goãmũ Abrahãre.

4 Igu eroparĩcũ peegũ Abrahã sã Caldea majarã ya yeba arĩrã wañuma. Pũ Harãngue ejañuma. Erogue eja arĩñuma. Eropigu igu pagũ igu sũrira pũhrũ i yeba dohpague mũa arĩri yeba Goãmũ ta arĩdoreñumi Abrahãre.

5 Igu eropa arĩdorequeregũ Goãmũ Abrahã igu arĩri yebare òaro gohra apibiriniñumi igure. Ne merogã apibiriniñumi. Eropigu Abrahã igu porã marigu arĩquerecũ ta Goãmũpũ igure òpa arĩ wereñumi. “Mure mũ pãramerã gajĩ turi majarãguere i yebare ogũra,” arĩñumi Goãmũ Abrahãre.

6 Eropã arĩgu ta òpa arĩ werenemoñumi Goãmũ Abrahãre. “Mũ pãramerã gajĩ turi majarãgue gajĩ yebague waha, erogue gajirã pohro arĩrã erã pohro majarã arĩrãcoma erã. Eropirã cuatrocientos bojori gohra ero majarã ñero iirãcoma mũ pãramerã arĩturiarãguere.

7 Eropigu ero majarãre erã eropa iira waja dipuwaja moagũra yũhũ. Yũhũ eropiira pũhrũ mũ pãramerã i yeba erarãcoma daja. Eropirã i yeba yũ dorerire iirãcoma erã,” arĩñumi Goãmũ Abrahãre.

8 Eropã arĩgu Goãmũ “Yũ arĩdiro dopa ta iigũra,” arĩgu Abrahã igu guñaburire òpa apiñumi igure. Merogã gasirogãre igu dũpũre wiri aĩdoreñumi igure, igu eropa arĩ wereraguere guñadoregũ. Eropiira pũhrũ Abrahã Isaare porãcũñumi. Ocho nũri pũhrũ merogã gasirogãre wiri aĩñumi Isaa dũpũ sãre. Pũhrũ Isaa Jacobore igu porãcũra pũhrũ wiri aĩñumi igu dũpũ sãre. Eropigu Jacobo doce gohra porãcũñumi. Erã docerũ mari cururi nũcũ oparãgue arĩmũriñuma.

9 “Eropirā erā Jacobo porā mari ñecū sūmarā mura Josére erā pagu magure peyocumuriñuma. Īgure cohā, duacāñuma Egiptogue warāre. Eropigū Josére Goāmū itamumuriñumi.

10 Īgū ñero taricū ĩagu Goāmū ĩgure itamumuriñumi. Īgū eropa itamucū Josérū ðaro pee masigū wañumi. Eropigū faraō Egipto majagu opurū Josére ĩgū gamecū iññumi Goāmurū. Īgū eropiicū faraōpū Josére Egipto majagu opū, ĩgū ya wihi majagu opū apiñumi.

11 “Eropii irisubure ta Egiptogue, Canaa waicuri yeba sã ne deco aribiriyoro. Eropirā ero majarā ñero tariñuma. Eropirā Canaague árĩrā Jacobo porā mari ñecū sūmarā mura bari bocabirimuriñuma.

12 Eropigū Egiptogue trigo árĩcū peegū, Jacobo ĩgū porāre erogue bari asūdoregū ne obeogū iññumi.

13 Pūhrū Egiptogue erā ejacū José ĩgū tĩrāre wereñumi. “Mua pagu magu ta āhraa yuhū,” arĩñumi erāre. Eropigū José acawererāre ne ĩagu iññumi opū faraō waicugū.

14 Pūhrū José ĩgū tĩrāre erā pagu Jacobore sihudoregū obeoñumi. Īgū acawererā setenta y cinco masa árĩñuma irisubu.

15 Īgū magū ĩgū sihubecū peegū Jacobo Egiptogue wañumi ĩgū magū pohrogue. Īgū magū pohro āhri, pūhrū sīria wañumi pare. Eropirā ĩgū porā mari ñecū sūmarā mura erogue sīripehrea wañuma erā sã.

16 Eropirā Siquē waicuri yebague erā dūpūre aĩ, masa goberigue seatuha yaañuma erā dūpūre. Abrahā ĩgū asūra yebague árĩyoro iri yeba erāre yaara yeba. Ero core Abrahā iri yebare Hamor porāre asūyūñumi niyeru mera.

17 Eropigū Goāmū Abrahāre “I yebare ogura mure,” arĩmuriñumi. “Iri yebare ogura,” ĩgū arĩrasubu ejacū Abrahā pāramerā Israe masa bajarā masa wañuma. Egiptogue árĩñuma.

18 Egipto yeba erā árĩnicū, gajigū opū ñajañumi. Eropigū ĩgū opurū José murure masibiriñumi.

19 Eropigū ĩgū mari acawererāre ñero iidia, erā porāre wejedia, erā porāre wejē cóacādoreñumi erāre. Eropigū mari ñecū sūmarāre ñero iññumi opū faraōpū.

20 Īgū eropiirisubu Moise árĩbupū masa dehyoañumi. Īgū ðagū, Goāmū ðaro ĩhasuagū arĩmuriñumi. Eropirā ĩgū pagu sūmarā urerā abe gohra ðaro ĩhadibuñuma ĩgugāre.

21 Moisere dibunemasibiricū ĩgure erā cóāra pūhrū opū mago ĩgure boca aĩ majaa, igo magū iro dopa ta dibuñumo ĩgure.

22 Eropirā Egipto majarā ðaro masirā yare buheñuma Moisere. Eropigū gūiro mariro wereniguigū opū iro dopa iigū árĩñumi Moise.

23 “Eropigū Moise cuarenta bojori ĩgū opaboro core ĩgū acawererāre Israe masare ĩadiagu erā pohrogue curigū wañumi.

24 Eropa curigū ejagu Egipto majagu Moise acaweregure ĩgū ñero iicū Moise ĩañumi. Eropa ĩagu ĩgū acaweregure itamuñumi Moise. Īgū acaweregure itamugū Egipto majagurūre pa wejēcāñumi ĩgū.

25 Eropirgū Moise ðpa arĩ pepiriñumi. Yū acawererā erā acaweregure yū itamucū ĩarā, ‘Goāmū marire ðaro taricū iidoregū obeoñumi ĩre,’ yū acawererā yūre arĩ pepirācoma,” arĩ pepiriñumi Moise. Erāpū ne eropa pepibiriñuma.

26 Gajinū Moise ĩgū acawererāre perā erā basi gamequeārāre ĩapū. Eropigū ĩgū erāre bosariñumi. “¿Mua basi árĩquererā gamequeārī mua?” arĩñumi Moise erāre.

27 Īḡu eroparīcū peegu yujugu ĩḡu acaweregure ñero iigu Moisere tuubeoñumi. “Muhu gua opu árībeaa. Guare doregu árībeaa muhu.

28 ¿Carūre Egipto majagure mu wejēdiro dopa ta yu sāre wejēdiagu iiri muhu?” arīñumi ĩḡu Moisere.

29 Īḡu eroparīcū pee uca wa Moise oma duhrigā waha wapū. Madián waīcūri yebague waha wañumi. Erogue nomeore boca perā porācūñumi.

30 “Eropii Moise cuarenta bojori gohra ero ĩḡu árīra pūhrū Sinaí waīcūdigu utāgu pohro masa marirogue ĩḡu árīcū anyu ĩḡure dehyoañumi.

31 Eropa irigugā ũjucū ĩagu Moise ĩha uca wañumi. Iri peamere pohrogā ōaro ĩḡu ĩagu wacū gohra Goāmū ĩḡure wereñumi.

32 “Goāmū āhraa yūhū. Mū ñecu sūmarā, Abrahā, Isaa, Jacobo erā Goāmū āhraa yūhū,” arīñumi Goāmū Moisere. Īḡu eroparīcū peegu Moisepū naragāñumi. Ne ĩha wahgūbiriñumi.

33 Eropigu Goāmū wereñumi ĩḡure. “Dohparagā yu pohro niguigu iiaa muhu. Eropigu gūhyadiaro mera mu zapature tuweaque.

34 Yaharā masa Egiptogue erā ñero taricū ĩabū. Erā sīwererire peeabū. Eropigu erāre itamugu ahrabū. Erā eropa wacū ĩagu waque mu sā. Egiptogue mure obeogura erāre itamudoregu,” arīñumi Goāmū Moisere.

35 “Erāpū mari acawererā Israe masa Moisere gamebirituhajañuma. “Muhu gua opu árībeaa. Muhu guare doregu árībeaa,” Moisere eropa arīrā gamebirā iituhajañuma. Eropa erā Moisere gamebiriqerēcū Goāmū ĩḡure Egiptogue obeoñumi mari acawererāre, Israe masare itamubure, erāre dorebure. Īḡu eropa obeogu anyupure ĩḡure yucugugue dehyoadigure itamudoreñumi ĩḡure.

36 Moise ta mari acawererāre Israe masare Egiptogue árīrāre wiudigu árīñumi. Eropigu Egiptogue eja, ihī Moise Goāmū turari mera ii ĩmunugañumi. Eropigu wūariya diariyague eropa ta iññumi daja. Pūhrūguere masa marirogue sāre cuarenta bojori gohra Goāmū turari mera deyoro moarire ii ĩhmunūriñumi ĩḡu erāre.

37 Ihī Moisepū mari acawererāre Israe masare weremūriñumi. “Yu iro dopa ta Goāmū yare weremūhtabure Goāmū obeogucumi. Eropigu ĩḡu mūa mera majagu mūa acaweregū árīḡucumi. Īḡu eropa eracū ĩḡure ōaro peeque mūa,” arīmūriñumi Moise erāre.

38 Moise masa marirogue mari acawererā Israe masa mera árīmūriñumi. Eropigu mari ñecu sūmarā iribojegue majarā mera árīñumi ĩḡu. Eropa árīḡu Sinaí waīcūdigu utāgugue ĩḡure weredigū anyu mera árīñumi. Erogue Goāmū ĩḡu dorerire aīdigū árīñumi Moise.

39-40 “Iri dorerire utāgugue Moise waha aīrisubu mari ñecu sūmarā mūra Egiptogue dujadiarā Moisere tarinugañuma. Erā ĩḡure gamebiriñuma. Eropa gamebirā Aarōre Moise tūḡure ōpa arīñuma: “¿Īḡu Moise marire Egiptogue aīḡāridi dohpa wayuri ĩḡu? Masibirica mari. Eropigu goāmarā wéanirāre iique mari yarā árīmorā. Eropirā mu wéanirā marire doreri mari wadiari maha marire aīḡārācoma,” arīñuma erā.

41 Eropa arīra pūhrū erā wecure oro mera wéañuma. Eropa iituhaja, erā waimūrāre wejē, erā wéadigu pohro aīḡāri umupeoñuma ĩḡure. Eropirā erā erā iidigure wecure ĩarā, mucubiri, bosenu iññuma.

42 Eropigu Goāmū erā wéadigure erā umupeocū ĩagu, erāre cóācāriñumi. “Erā yure cóārā gajirā ũmaro majarāpūre umupeo curaporo,” arīḡu cohāḡā wariñumi. Goāmū yare weremūhtanirā ōpa arī gojañuma Goāmū wereniguirire:

Mua Israe masa, yure ñe ñero iiabu. Masa marirogue cuarenta bojori gohra árĩrã waimurãre mua wejẽnirãre mua soenirãre yure mua obodiro dopa ta umupeorabu mua. Eropirã yurure umupeobirabu mua.

<sup>43</sup> Eropirã mua Molo waĩcũgure umupeorã árĩrã, ĩgure umupeori wihire iiabu mua. Eropirã “Refa gũa goãmu ãhrimi,” arĩrã ĩgu necãmu mua wéadigure mua umupeoabu daja. Erã wéanirãre mua iinirãre mua umupeoabu. Mua eropa iira waja mũare Babilonia sipugue cóãbeogura yũhũ, arĩñumi Goãmu ĩgu ya weremũtanirã mera.

<sup>44</sup> “Eropirã masa marirogue Goãmu masa mera ĩgu árĩri wihire waimurã gasiri wihire opamuriñuma mari ñecu sũmarã iribojegue majarã. Iri wihi Goãmu masa mera ĩgu wereniguiriri wihi árĩyoro. Iri wihigue Goãmu dorerire ĩgu gojara mijiri utã mijiri árĩyoro. Iri wihire Goãmu ĩgu werediro dopa ta Moisere ĩgu ĩhmudiro dopa ta ii ĩhacũdoreñumi Goãmu Moisere.

<sup>45</sup> Pũhrugue majarã mari ñecu sũmarã Josué mera iri wihire aĩgãriñuma mari árĩri yebague erarã. Erã iri yebaguere Goãmu ĩgu apira yebaguere erã eraboro core iri yeba majarã mũare Goãmu cóãcãñumi. Irisubure Goãmure umupeori wihire waimurã gasiri wihire opamuriñuma mari ñecu sũmarã. Ne Davi mũru ĩgu árĩcũgue opatuñuma iri wihire.

<sup>46</sup> Eropigũ Davi mũru Goãmure mucubiricũ iĩñumi. Eropigũ Goãmu ya wihi árĩburire iidiagu Davipũ serẽriñumi Goãmure.

<sup>47</sup> ĩgu eropa serẽquerecũ ta Salomopũ Davi magũpũ Goãmu ya wihire iĩñumi.

<sup>48</sup> ĩgu eropa iiquerecũ ta Goãmũpũ masa erã iira wihiguere árĩbeami. Ōpa arĩñumi Goãmu wereniguirire weremũtadigũ:

<sup>49</sup> Ūmarogue yũ doaro ãhraa. Ero doagu dorea yũhũ. Eropiro yebapũ yũ guburire duhpeoro iro dopa ta ãhraa. Yũhũ turatariagu ãhraa. Yaha wihi árĩborore iimasibea mua. Goãmu yũ árĩcũ yũ árĩburi wihire mua iimasibea.

<sup>50</sup> Yũ basi i yebare árĩpehrero iiabu yũhũ, arĩmi Goãmu, arĩ gojañumi Goãmu yare weremũtadigũ, arĩpũ Esteban.

<sup>51</sup> Eropigũ ōpa werenemopũ Esteban erãre:

—Mua ne yũhridiabrã ãhraa. Goãmu yare peequererã, ĩgure yũhridiabeaa. Espĩritu Santore tarinũgataria mua. Mua ñecu sũmarã erã iidiro dopa ta iiaa mua.

<sup>52</sup> Mua ñecu sũmarã árĩpehrerã Goãmu ya weremũtanirãre ñero iĩñuma. Erã Goãmu yare weremũtanirãpũ “Pũhrũ ōagu Goãmu yare weremũtagũ arigũcumĩ,” arĩ erã wererã árĩcũ peeñuma mua ñecu sũmarã mũra. Eropa arĩ werenirã mũare wejẽmuriñuma. Eropirã “Ōagu,” erã arĩgure mua sã dohpaguere ĩgu ya curu majarã árĩquererã ta ĩgure wejẽabu.

<sup>53</sup> Goãmu dorerire anyuapũ wereriñuma mũare. Eropirã mua iri dorerire opariyoro. Eropirã iri dorerire tarinũgabũ mua, arĩ wereniguitupũ pare Esteban.

### *Erã Estebanre utãyeri mera dea wejẽñorã*

<sup>54</sup> ĩgu eroparĩcũ peerã erãpũ bũrigã guañorã. Eropa turaro guarã, gũhyarã wañorã.

<sup>55</sup> Erã eropa guaquerecũ ta ĩgu Espĩritu Santo ĩgu dorero dopa ta iipehogũ árĩgu, ĩgu turarire ōaro opagu árĩgu, ũmarogue ĩhamemuju Goãmu goesiririre ĩapũ Esteban. Jesu Goãmu diayepũ ĩgu niguicũ ĩapũ ĩgu.

<sup>56</sup> Eropa ïagũ õpa arĩpũ

—Ûmarogue merogã ero tuweamaacũ Jesu Goãmũ obeodigũ Goãmũ diayperũ ïgu niguicũ ïhaa yũhũ, arĩpũ Esteban.

<sup>57</sup> Ïgu eroparĩcũ peerã ta erã burigã gaguinigui, erã gamirire bihacã, yujuro mera ïgu pohrogue omagã, ïgure ñeañorã.

<sup>58</sup> Ñehatuhaja, ïgure aĩgã, iri maca tũro pohrogue cóãñorã ïgure. Eropirã utãyeri mera dea wejẽcãñorã erã ïgure. Erã eropa wejẽboro core ïgure utãyeri mera deamorã erã weca maja suhrire tuwea, mamũre Saulo waĩcũgure iri suhrire opabasadoreñorã erã.

<sup>59</sup> Eropigũ Esteban erã ïgure utãyeri mera dea wejẽrisubu õpa arĩpũ.

—Jesu yũ Opũ, yũ sĩporãre aĩque, arĩpu.

<sup>60</sup> Eropigũ ïgu mereja õpa arĩpũ:

—Opũ Jesu, oã dohpague ñero erã yũre iirire erãre dipuwaja moabita mũhũ, arĩpũ Esteban.

Eropa arĩtuhajagũ ta sĩria wapũ ïgu.

## 8

<sup>1</sup> Eropigũ Esteban ïgu sĩricũ ïagũ, “Õhaa,” arĩpũ Saulo.

### *Saulopũ Jesu yarãre ñero iipũ*

Eropirã irinũre ta Jesu yarãre Jerusalengue árĩrãre ñero iinũgañorã Jesure gamebirãpũ. Erã eropa ñero iicũ Jesu yarã Judea yebague, Samaria yebague yoarogue duhrisirigã wañorã. Jesu ïgu apinirã dihta wabiriñorã.

<sup>2</sup> Eropirã gajirã Goãmũre umupeorã Esteban dũpũ mũrarore yaa, burigã oreñorã erã.

<sup>3</sup> Saulopũ Jesu yarãre ñetariaro iimũriripũ. Ïgu erã ya wirigue ñaja, umare, nomere ñeha, peresugue bihadobomũripũ.

### *Samariague Jesu yare buhepũ Felipe*

<sup>4</sup> Eropirã yoarogue wasirinirã Jesu yarãpũ Jesu yare buheñorã.

<sup>5</sup> Eropigũ Felipe Samaria waĩcũri macague eja, Jesu yare buhepũ iri maca majarãre.

<sup>6</sup> Ïgu eropa buhecũ ero majarã õaro peeñorã. Eropirã Goãmũ turari mera deyoro moarire ïgu ii ïhmucũ ïañorã erã. Eropa ïarã ïgure õaro peeñorã erã.

<sup>7</sup> Bajarã watẽa ñajasũnirãre ïgu pohro erã eracũ ïagũ watẽapũre wadorepũ ïgu. Watẽapũ burigã gaguinigui, duhugã waha wañorã erãre. Eropigũ bajarã dũpũ bũhanirãre, curimasibirãre dũpũ õarã iimũripũ.

<sup>8</sup> Ïgu eropa iicũ ïarã iri maca majarã bajarã masa mucubiriñorã.

<sup>9</sup> Irisubure Simo waĩcũgũ iri maca majagũ yee arĩpũ, Eropigũ yeea erã iirare ii ïhmumũripũ Samaria majarãre. Ïgu eropa ii ïhmucũ ero majarã ïha uca wa ïgure gũhyadiaro mera ïarã árĩñorã.

—Yũhũ masipehogũ ãhraa, arĩpũ Simopũ erãre.

<sup>10</sup> Ïgu eropa iicũ ïarã masapũ õpa arĩmũririñorã:

—Ihĩ Goãmũ ya turari opagũ ãhrimi. Goãmũ iro dopa turagũ ãhrimi, arĩmũririñorã masa erã oparã mera. Erã árĩpehrerã õaro peeñorã ïgure.

<sup>11</sup> Ïgu yeea erã iiri ïgu purisiriri mera yoari boje ii ïhmumũripũ erãre. Ïgu eropa ii ïhmucũ ïarã erã uca wamũriñorã. Eropirã erã ïgure umupeomũriñorã.

<sup>12</sup> Felipepũ erã ïgure eropa umupeoquerecũ Goãmũ ïgu opũ árĩrĩre, Jesucristo yare õari buherire werẽpũ. Ïgu eropa werẽcũ erã ïgure õaro peeñorã. Erã eropa õaro peecũ ïagũ ũma, nome mera waĩyperũ Felipe.

13 Eropigu Simo ĩgu yee sã Felipere õaro peepu. Eropigu ĩgu sãre waĩyeru. ĩgu eropa iira pũru Felipe mera dujapu ĩgu. Felipepu Goãmu turari mera ii ĩhmucũ ĩagu, dorecurã õarã ĩgu iicũ ĩagu Simo ĩha uca wamuripu.

14 Eropirã Samaria majarã Goãmu yare erã burigã gamecũ pee-beomuriñorã Jerusalengue arĩrã Jesu ĩgu apinirãpu. Erã eropa peebeorã Pedrone, Ñu sãre obeoñorã Samariague.

15 Eroque erã ejara pũru Pedro sã Goãmure serẽbasañorã. “Oã Samaria majarã mure umupeorã mu Espiritu Santore opaporo,” arĩ, serẽbasañorã erã Goãmure.

16 Erã Samaria majarã Jesucristo waĩ mera waĩyesũnirã arĩñorã. Iri dihtare masiñorã erã. Eropirã Espiritu Santore opabiriniñorã dohpa.

17 Eropigu Pedro Ñu mera Samaria majarãre erã mojtore erã weca duhpeora pũru Espiritu Santore opanũgañorã erã.

18 Eropigu Pedro sã erã ya mojtore mera erã duhpeora pũru Espiritu Santo eracũ ĩapu Simo yeepu. Erã ĩagu arĩgu, erã turarire gamegu niyeru mera wajayediaripu.

19 Őpa arĩripu Simo:

—Yu sãre oque i turarire. Yu sã yu mojtore mera masa weca duhpeodiaca Espiritu Santore erã ñeaboro dopa. Eropigu i yu iiburi wajare wajayediaa, arĩripu Simo erãre.

20 ĩgu eroparĩcũ peegu Pedro õpa arĩpu.

—Mu niyeru mera Goãmu ya turarire mu asũdiara waja mu niyeru mera ta peamegue waque muhu.

21 Goãmu mu pepirire masimi. Muhu ñegu arĩnia. Eropirgu ire guã iirire iimasibea muhu. I mu iirino arĩbeaa.

22-23 Burigã peyocua muhu. Eropigu mu ñeri iirire ne duhumasibea muhu. Eropigu ire muhu ñero iirare bujawereque muhu. Goãmure mu ñero pepirire ero diaye ta serẽque muhu. Muhu eropa iicũ ĩagu ĩgu mu ñerire cãdijibocumi, arĩ werepu Pedro ĩgure.

24 ĩgu eroparĩcũ peegu Simo yũripu ĩgure.

—Yure serẽbasaque mua Goãmure mu arĩdiro dopa yu wabiriboro dopa. Iri waja peamegue wadiabeaa yũhu, arĩpu Simo ĩgure.

25 Ero pũru Pedro Ñu mera Goãmu yare wereñorã. “Jesu ĩgu masa muriacũ ĩabu guã,” arĩ, Samaria yeba arĩri macari majarãre õari buherire buheñorã. Erãre Goãmu yare buhetuhaja Jerusalengue dujaa wañorã.

### *Felipe Etiopía yeba majagure buheru*

26 Eropii Goãmu ĩgu obeodigu anyu Felipere werepu:

—Dohpaguere õdoca surgue waque. Jerusalén pohro arĩri mague Gazague wari mague waque, arĩ werepu anyu Felipere. Iri maha masa marirogue arĩyoro.

27 ĩgu eroparĩcũ peegu ĩguru iri mague waha wapu. Pũru iri mague yujugu masure bocatĩribu iipu. ĩgu bocatĩribu arĩpu Etiopía yeba majagu opu. Eropigu Candace waĩcũgo Etiopía majago opu buro yare niyerure arĩpeherire ĩhadibugu arĩpu. Eropigu ĩgu Jerusalengue mari Pagure umupeogu ejadi arĩpu.

28 ĩgu ya macague tũrudiru mera dujaagu irirugue waqueregu ta buhegu iipu. Goãmu yare weremũhtadigu Isaia ĩgu gojarapũre buhegu iipu.

29 Eropigu Espiritupu Felipere õpa arĩ werepu.

—Sihĩ tũrudirugue wagu pohrogue waque, arĩpu Espiritu Santo ĩgure.

<sup>30</sup> Īḡu eroparīcū peegu, Felipeḡu tūrudiru pohrogue omagā, Isaia Īḡu gojarare Etiopía majagu Īḡu buhecū peepu. Eropa peegu Felipe serēripu Īḡure.

—¿Mu buherire masiri muhu? arīpu Īḡu.

<sup>31</sup> Īḡu eroparīcū peegu Etiopía majagu opa arī yuhripu:

—Gajigu yure weretaugu maricū oaro masibea yuhu. Ohō yure weredoagu arique yuhu dipaba, arī yuhripu Īḡu Felipere.

—Áu, arī, doajaru Īḡu pohro.

<sup>32</sup> Eropii Goāmu yare Etiopía majagu Īḡu buheripū opa arīyoro:

Ovejare erā űeha wejēdiro dopa ta Īḡu sāre űeha wejērācoma masa. Eropigu ovejagāre Īḡu poare erā seacū Īḡu gaguiniguibiro dopa ta Īḡu masu sā ejari mariro arīḡucumi.

<sup>33</sup> Īḡure erā wereyarācoma. Eropirā Īḡu Īḡu űero iibiriquerecū ta erāpu űero iirācoma Īḡure. Īḡu i yebague Īḡu arīcū erā Īḡure wejērācoma. Eropigu Īḡu porā marigu sīria wagucumi, arī gojara arīyoro.

<sup>34</sup> Iripū eroparīcū Īagu, Etiopía majagu Felipere serēripu:

—Wereque yure. ¿Opa Isaia Īḡu arīḡu nihino arīcuri ihī? ¿Isaia Īḡu basi weregu iicuri? ¿O gajigure weregu iicuri? arī serēripu Etiopía majagu.

<sup>35</sup> Īḡu eropa serēpi ĩacū peegu Felipe iripūre ĩha, Jesu yare wereru Etiopía majagure.

<sup>36</sup> Eropirā erā iriru mera waha, maugāgue ejañorā.

—Īaque. Ohō maugā āhraa. I maugāgue yure waīyeque, arīpu Etiopía majagu.

<sup>37</sup> —Jesure muhu oaro umupeocū ĩagu mare waīyegura, arīpu Felipe Īḡure.

—Jesure umupeoa yuhu. Īḡu Cristo Goāmu magu āhrimi. Irire oaro masia yuhu, arīpu Etiopía majagu.

<sup>38</sup> Eropa arīḡu ta Īḡu tūrudiru autugure yaudorepu. Iriru yusumerejara puhru wiriañorā erā. Wiria waha, iriyagāgue eja, űumu wiri nuḡajañorā. Ero űumunugaja, Felipeḡu Īḡure waīyepu.

<sup>39</sup> Waīyetuhaja erā majajanugajacū Goāmu Īḡu Espiritu Felipere aīgā waru. Īḡu eropa wara puhru Etiopía majagu oaro mucubirigu Īḡu ya yebague dujaa waru. Īḡu eropa iira uḡtuyacū ne dipaturi Felipere ĩabiripu.

<sup>40</sup> Felipeḡu eropa iituhaja Azotogue ejaru. Eropigu baja macarire oari buherire buheru masare. Pu Cesareague buhetumuripu.

## 9

### *Saulo Jesucristore ĩagu Īḡure umupeonugaru*

<sup>1</sup> Irisubure Saulo Jesu yarāre ĩhaturigu, “Erāre wejēgura,” arīḡu, Īḡu opu pohrogue waru.

<sup>2</sup> Erogue ejagu Īḡu gojarapūrire serēpu pahia opu. Opa arīpu:

—Damasco maca maja wirigue mari buheri wirigue Jesu yarāre, umare, nomere yuhu erāre bocaġa, űeha dihri, Jerusalengue aīgārigura. Iri wirigue arīrāre yu erāre űeaburipūre paperapūre yure goġa oque, arī serēpu pahia opu.

<sup>3</sup> Iripūre aĩtuhaja, waha, Īḡu Damasco pohro Īḡu eġabu iicū gohra umaro maja goesiri medijuyoro Īḡure.

<sup>4</sup> Eropa goesiri medijucū ta Īḡu yebague mehmerejagu, wereniguicū peepu.

—Saulo, Saulo, ¿duhpigu mũhũ yũre ñero iiri? arĩro cariyoro.

<sup>5</sup> —Opũ, ¿nihino ãhriri mũhũ? arĩpũ Saulo.

—Yũhũ mũ ñero iigu ta ãhraa arĩpũ Jesu. Mũhũ yũ mera guagu yũre yũhribigu, mũ basi ta ñero tariaa, arĩpũ Jesu Saulore.

<sup>6</sup> Īgu eroparĩcũ Saulo güiri mera naragãnijagu òpa serẽpipũ:

—Opũ, ¿dohpa yũhũ iicũ gahmeri mũhũ? arĩpũ Saulo.

Īgu eroparĩcũ òpa arĩpũ Jesu ĩgũre:

—Wahgãnũgajaque mũhũ. Macague waque. Iri macague ejacũ ero majagu mũ iiburire weregũcumi mũre, arĩpũ Jesu Saulore.

<sup>7</sup> Īgu eroparĩcũ Saulo mera majarãpũ ĩgu wereniguiuri dihtare peeñorã. Jesupũre ĩabiriñorã. Īgu eropa wacũ ĩarã güirã erã wereniguimasi-biriñorã.

<sup>8</sup> Eropigu Saulo yebague oyadigu wahgãnũgaja, ĩgu ĩacũ ĩgu cuiuri deyobiriyoro. Eropirã erã ĩgu mojtore ñeha, Damascogue tuã wahgã wañorã erã ĩgũre.

<sup>9</sup> Eropigu ĩgu ãhrenũ gohra ne ĩabiri, babiri, ne ihribiripũ.

<sup>10</sup> Eropii Jesu ĩgu buhegu Ananía waĩcũgu Damasco árĩpũ. Eropigu Jesu dehyoapũ Ananiare. Eropa dehyoagu piyupũ ĩgũre:

—Ananía, ¿ãhriri? arĩpũ Jesu ĩgũre.

—Ãhraa yũ, arĩ yũhripũ Ananía ĩgũre.

<sup>11</sup> Īgu eroparĩcũ Jesu ĩgũre wererũ.

—Diaye waĩcũri mague waque. Eropa wagu Juda ya wihigue Tarso majagũre Saulo waĩcũgũre amaque. Īgu Goãmũre serẽniguigu iicumi.

<sup>12</sup> Eropigu quẽro dopa ta ĩgu ĩarare ĩagu iicumi eroguere. Òpa árĩrire ĩagu iicumi. Mũhũ mũ mojtore ĩgu weca duhpeo, ĩgu cuiuri òaro wacũ ĩagu iicumi ĩgũre dehyoarare, arĩpũ Jesu Ananiare.

<sup>13</sup> Īgu eroparĩcũ peegu Ananiapũ òpa arĩpũ:

—Opũ, ĩgu mũ yarãre òarãre Jerusalén majarãre ñero iiapũ. Bajarã masa yũre eropa arĩ wereama.

<sup>14</sup> Eropigu òre ĩgu árĩpehrerã mũre umupeorãre peresu iigu arigu iiapũ. Pahia oparã ĩgũre eropa iidoreañorã, arĩpũ Ananía Jesure.

<sup>15</sup> Īgu eropa arĩquerecũ Jesupũ wererũ ĩgũre.

—Īgu Saulopũ yũ beyedigu ãhrimi. Īgu yaha buherire baja macari majarãre, oparãre, Israe masa sãre buheguĩcumi.

<sup>16</sup> Eropigu bajasuburi yahare ĩgu buheri waja ĩgu ñero tarigũcumi. Irire ĩgũre masicũ iigũra. Eropigu waque mũhũ, arĩpũ Jesu Ananiare.

<sup>17</sup> Īgu eropa arĩra pũhrũ Ananiapũ, waha eja, Saulo ĩgu árĩri wihigue ñaja warũ. Ñajaja, ĩgu mojtore Saulo weca duhpeo, wererũ ĩgũre:

—Acaweregu Saulo, mari Opũ Jesupũ mague mũre dehyoadigu yũre obeoami mũ cuiuri mũ ĩaboro dopa. Espĩritu Santore mũ opaboro dopa, ĩgu dorediro dopa mũ iiboro dopa yũre obeoami mũ pohrogu, arĩ wererũ Ananía Saulore.

<sup>18</sup> Īgu eroparĩcũ ta ĩgu cuirire wai nũtũri dopa bejarire ĩgu cuirire cohrodijacũ ĩapũ pare Saulo. Īgu eropa ĩatuhara pũhrũ ĩgu wahgãnũgajacũ gajigupũ waĩyerũ ĩgũre.

<sup>19</sup> Eropigu ĩgu, ĩgu bara pũhrũ turagu warũ.

### *Saulo Damascogue Jesu yare buhenũgapũ*

Eropii bajamenũri Damascogue Jesu yarã mera árĩmũripũ Saulo.



20 Eropigu irisubure ta ĩgu judio masa buheri wiri árĳgu, Jesu yare buhepu masare. “Jesu Goãmu magu ta aħrimi,” arĳ werepu Saulo.

21 ĩgu eropa werecũ ĳarã árĳpehrerã ĳgure peerã uca waħorã.

—Iħĳ Goãmu yarãre Jesure umupeorãre ĳero iidigu aħrimi. Eropigu ĳgu erãre ĳeha, dihri, pahia oparãre odiadigu árĳrimi. Eropiidiagu õguere aridigu árĳrimi, arĳħorã masa ĳgure peerã.

22 Erã eroparĳquerecũ Saulo gũiro mariro turaro mera buhenugapu. Judio masare Damasco majarãre õaro werepu. “Iħĳ Jesu diaye ta Cristo marire taubu aħrimi,” ĳgu arĳ werecũ erãpu ĳgure “Guyagu iimi ihĳ,” arĳmasibiriħorã ĳgure.

### *Saulo duhri wahgãpu judio masare*

23 Eropirã bajanuri puħru judio masa ĳgure wejẽdiaħorã. Eropirã erã basi gamenere ĳgure erã wejẽburire wereniguiħorã.

24 Eropirã ĳgure wejẽdiarã, iri maca maja disipororire umure ĳami sãre coremuriħorã. Saulo wiricũ ĳha wejẽmorã coreħorã. Erã eropa wejẽdiaquerecũ Saulo erã wejẽdiarire masipu ĳgu mera majarã mera.

25 Eropirã ĳamigue Saulo buherã ĳgure puibu wãari puibu mera aĩsã, iri maca maja sãriro puħpugue duhudijucãħorã ĳgure.

### *Saulo Jerusalén árĳpu*

26 Eropigu Saulo Jerusalengue ejagu, erogue Jesu yarã mera ĳgu árĳdiaripu. ĳgu eropa árĳdiacũ erã ĳgure “Jesure umupeogu árĳbeami ihĳ,” arĳħorã. ĳgure gũ ĳriħorã.

27 Erã eropa gũiquerecũ ta Bernabepu ĳgure aĳgãpu Jesu ĳgu apinirã pohrogue. Eropigu Saulo mague Jesure ĳgu ĳarare, Jesu mera ĳgu wereniguirare, Damascogue gũiro mariro Jesu yare ĳgu buhenugarare werepu Bernabepu.

28 ĳgu eropa werera puħru Saulo erã mera ĳajagu, Jerusalengue erã mera árĳmuriipu.

29 Eropigu ĳgu gũiro mariro Jesu yare buhepu. Eropigu ĳgu judio masare Jesu yare weretarinugagu iipu. Erã judio masa griego masa ya wereniguirã árĳħorã. Eropirã Saulo ĳgu eropa weretarinugari waja ĳgure wejẽdiaħorã.

30 Erã eropa wejẽdiacũ ĳarã, Saulo mera majarã Jesu yarãpu ĳgure Cesareague aĩduhriĳã waha waħorã. Erogue ĳgure sihu árĳniguiri Tarsogue obeoħorã erã ĳgure.

31 Eropi árĳpehrerogue Judea yebague, Galilea yebague, Samaria yebague Goãmu yarã õaro árĳmuriħorã. Irisubure ne masa ĳero iĩbirimuriħorã erãre. Eropirã õaro buheħorã erã. Eropirã erã Goãmure guhyadiaro ĳaħorã. Espĩritu Santo erãre ĳgu itamucũ erãpu Jesure umupeorã bajarã waħorã.

### *Pedro Eneare õagu wacũ iipu*

32 Eropii Pedro árĳpehreri macarigue wagu, Jesu yarã Lida majarã pohrogue sãre ejapu ĳgu.

33 Erogue ejagu Enea waĩcugure bocajapu. Enea dupu buhadigu árĳgu, ocho bojori gohra erã pũtãpidi oyamuriipu.

34 Eropigu Pedropu ĳgure õpa arĳpu:

—Enea, Jesucristo õagu árĳcũ iimi mure. Wahgãnugajaque. Mure pũtãpira gasirore amuque, arĳpu Pedro ĳgure.

ĳgu eroparĳcũ ta ĳgu wahgãnugaja waha wapu.

<sup>35</sup> Eropirā árīpehrerā Lida majarā, Sarón majarā ĩgure ĩarā, erā erā ñeri iirare duhu, Jesure umupeonugañorā.

*Dorca waĩcugore masupũ Pedro Jesu turari mera*

<sup>36</sup> Eropii Jope waĩcũri macague Jesure umupeogo Tabita waĩcũgo árĩpo. Igo waĩ Tabita griego ya wereniguiri mera Dorca āhraa. Igo õarire ĩigo baja omũripo masare.

<sup>37</sup> Eropigo irisubure igo dorecũ wahgũ, sĩria wamũripo. Igo sĩricũ ĩarā, erā igo dũpũ mũrarore õaro coe, umaro maja taribugue apiñorā igo.

<sup>38</sup> Lida waĩcũri maca Jope pohrogue árĩyoro. Ero eropa árĩcũ Jesure umupeorā Jope maca majarā Pedro Lidague ĩgũ árĩcũ peebeoñorā. Eropa peebeorā perā umare obeoñorā Pedro pohrogue. ĩgũ pohrogue ejarā wereñorā Pedrorerā erā.

—Yojaro mera waque gua árĩrogue, arĩ wereñorā erā.

<sup>39</sup> Erā eroparĩcũ peegũ erā mera waha wapũ ĩgũ. Erogue ĩgure erā aĩ ejara pũhrũ umaro maja taribugue sĩridigo pohro aĩmũria wañorā ĩgure. Pedro árĩcũ ĩha árĩpehrerā wapeweyarā nome orerā ĩgũ pohro ejanugamũriñorā. Tabita erā mera árĩnigogue baja suhrire iibasamũripo. Eropirā erā igo eabasara suhri mũrare ĩhmuñorā Pedrorerā.

<sup>40</sup> Pedro erāre iri taribugue árĩrāre wiriadorepũ. Erā wiriara pũhrũ ĩgũ mereja, Goāmũre igo serēbasapũ. Eropigũ igo dũpũ mũrarore maji ĩha, —Tabita, wahgāque, arĩpũ ĩgũ.

ĩgũ eroparĩcũ ta igopũ ĩha wahgũ, Pedrorerā ĩha, wahgā doajapo.

<sup>41</sup> Igo eropa wahgā doajacũ ĩha, ĩgũ igo mojtore ñeha tarawahgũ nugupũ igo. Eropigũ ĩgũ ero majarāre Jesu yarāre, wapeweyarāre sihubeo, igo ojocarigore wiapũ erāre.

<sup>42</sup> ĩgũ eropa iira pũhrũ árĩpehrerā Jope majarā irire masirā bajarā masa Jesure umupeonugañorā.

<sup>43</sup> Pũhrũ Jopegue Simo waimũrā gasirire amugũ mera bajaranĩ Pedro ĩgũ mera árĩpũ.

## 10

*Pedro Corneliore Jesu yare werenugapũ*

<sup>1</sup> Irisubure Cesareague Cornelio waĩcũgũ árĩgũ. ĩgũ cien surara opũ árĩpũ. Erā surarapũ erā ya curu Italiano waĩcũyo ro.

<sup>2</sup> Cornelio ĩgũ ya wihi majarā mera mari Pagũre umupeorā, guhyadiaro ĩarā árĩñorā. Eropigũ ĩgũ judio masa mojomorocũrāre itamugũ baja gajinore omũripo. Eropigũ ĩgũ umũri nũcũ mari Pagũre serēmũripo.

<sup>3</sup> Eropii ñamicague tres árĩcũgue Goāmũ yagũ anyu ĩgure dehyoapũ. Eropa dehyoagũ Cornelio pohrogue ñajajapũ.

—Cornelio, arĩ piyupũ anyu ĩgure.

<sup>4</sup> Eropigũ Cornelio ĩgure ĩha gũigũ õpa arĩpũ:

—Opũ, ¿ñehenore gahmeri? arĩpũ ĩgũ.

—Masare mũ orare, mari Pagũre mũ serēniguirare Goāmũ peeami.

<sup>5</sup> Eropigũ Jopegue mũ umare obeoque. Erogue Simo Pedro waĩcũgũ āhrimi. ĩgure aĩgāridoreque mũ umare.

<sup>6</sup> ĩgũ gajigũ Simo waimũrā gasiri amugũ pohro, wũariya tũro árĩri wihi ta āhrimi, arĩpũ anyu Corneliore.

<sup>7</sup> Anyu eropa arĩtuhaja, wiria waha wapũ. ĩgũ wiriara pũhrũ Cornelio perāre ĩgure itamũrāre yujugũ ĩgũ surara mera majagũre sihurũ.

Surarapɯ Goãmure umupeogɯ árĩgɯ, ɯmuri nɯcɯ Corneliore itamudigɯ árĩpɯ.

<sup>8</sup> Eropigɯ Cornelio erãre werepeho, Jopegue obeopɯ erãre.

<sup>9</sup> Eropi gajinɯ Jopegue erã warisubu goeri boje gohra árĩcũ Pedropɯ wihi wecague Goãmure serêgɯ wapɯ.

<sup>10</sup> Eropigɯ ïgure oa pũricũ badiapɯ. Eropigɯ gajirã barire erã moarisubu ïgɯpɯ dehyoacũ ïapɯ.

<sup>11</sup> Ʋmarore pãrimaacũ, wɯari gasiro wapicarisubu pepɯri ojogorori dirira gasiro dijaricũ ïapɯ.

<sup>12</sup> Iri gasiro pohecague bajarã waimurã nɯgɯ majarã, yebague paha curirã, mirimagɯ porã majarã árĩñorã.

<sup>13</sup> Irire ïgɯ ïara pɯhrɯ, Pedrore wereniguiro caricũ peepɯ.

—Pedro, wahgãnɯgajaque. Oãre wejê baque, arĩro cariyoro ïgure.

<sup>14</sup> ïgɯ eroparĩcũ peequeregɯ ta Pedro õpa arĩpɯ:

—Opɯ, ne erãre babeaa yɯhɯ. Ñerãre, Goãmɯ ïgɯ badorebirinirãre ne babirimurabɯ yɯhɯ, arĩpɯ Pedro.

<sup>15</sup> Eropigɯ Pedro dipaturi wereniguiro caricũ peepɯ.

—Goãmɯ, “Õarã àhrima,” ïgɯ arĩnirãre “Ñerã àhrima,” arĩbiricãque mɯhɯ erãre, arĩro cariyoro Pedrore.

<sup>16</sup> Eropii ɯhresubu eropa arĩ wereniguiro pɯhrɯ iri gasiro ɯmarogue muria wayoro daja.

<sup>17</sup> Eropigɯ Pedro b̄arigã guña “¿Dohpa arĩdiari iiri yare eropa dehyoaro?” arĩ pepipɯ ïgɯ ïgɯ basi. ïgɯ eropa pepirisubu Cornelio ɯma ïgɯ obeonirãpɯ Pedro ya wihigue ejañorã. “¿Simo ya wihi nohogue àhriri?” arĩ, erã serẽpira pɯhrɯ ïgɯ ya wihigue ejañorã erã.

<sup>18</sup> Eropirã erã serẽ ïha purumujuñorã. “¿Simo Pedro waĩcɯgɯ i wihire àhriri?” arĩ serẽpi ïañorã erã.

<sup>19</sup> Eropigɯ Pedro ïgɯ pepirisubu Espíritu Santo ïgure werepɯ:

—Ïaque. Ʋrerã ɯma mure amarã iima.

<sup>20</sup> Wahgãnɯgajaque. Dijaque. Erã mera waque. “¿Dohparĩri?” arĩ pepibigɯ ta waque õaro mera. Yɯpɯ erãre õguere obeoabɯ, arĩpɯ Espíritu Santo Pedrore.

<sup>21</sup> ïgɯ eroparĩcũ peegɯ Pedro erã pohrogue dija wa,

—Ïaque. Ohõ àhraa yɯhɯ mɯa amagãrigɯ. ¿Duhpirã arirã iiari mɯa yɯ pohro arirã? arĩpɯ Pedro erãre.

<sup>22</sup> ïgɯ eroparĩcũ ta erãpɯ õpa arĩñorã.

—Cornelio cien surara opɯ, õarire iigɯ, mari Pagure gɯhyadiaro mera umupeogɯ, árĩpehrerã judio masa “Õagɯ” erã arĩgɯ mure sihgãridoregɯ obeoami gɯare. Goãmɯ õagɯ anyu Corneliore mure sihudoreapɯ. Õpa arãpɯ: “Pedrore mɯa ya wihigue aĩgãridoreque mɯ ɯmare. Eropii ïgɯ mure weregɯcumɯ,” arĩ, sihudoreapɯ anyu Corneliore, arĩ wereñorã Cornelio Pedrore ïgɯ sihudorenirãpɯ.

<sup>23</sup> Erã eroparĩcũ Pedropɯ erãre ñajaridore, bari oho, ïgɯ ya wihigue carĩdorepɯ erãre. Eropigɯ gajinɯ Pedro wahgã, erã mera waha wapɯ. Eropirã gajirã Cristo yarã Jope majarã Pedrore wapicɯgãñorã.

<sup>24</sup> Gajinɯ erã Cesareague ejañorã. Eropigɯ Cornelio pɯ ïgɯ acawererãre, ïgɯ mera majarã sãre sihu gameneo, Pedrore corepɯ.

<sup>25</sup> Eropigɯ Pedro Cornelio ya wihi pohrogue ïgɯ aricũ ïagɯ Cornelio pɯ ïgure bocatĩri wiria, ïgɯ guburi pohro merejapɯ.

<sup>26</sup> ïgɯ eropa iicũ Pedropɯ ïgure aĩ wahgũnugupɯ.

—Niguique m̄h̄u. Ȳu s̄a m̄u iro dopa ta ár̄ĩḡu āh̄raa. Goām̄u ár̄ĩbeaa, ar̄ĩp̄u Pedro ĩḡure.

<sup>27</sup> ĩḡu eropa ar̄ĩtuhajara p̄h̄r̄u Cornelio ĩḡure aññaja wap̄u ĩḡu ya wihigue. Eroque ñajajaḡu masa bajar̄a iri wihigue gamenere ĩḡure corer̄are ĩap̄u Pedro.

<sup>28</sup> Eropiḡu Pedro er̄are werep̄u:

—Judio masu ár̄ĩquereḡu ta gaji curu majar̄a mera ár̄ĩḡu ḡua dorerire tarinugaḡu iiaa ȳh̄u. Irire ðaro masia m̄ua. Eropiḡu gaji curu majar̄are “Ñer̄a āh̄rima,” ar̄ĩdorebiram̄i Goām̄u. Ōpa ar̄ĩ wereami ĩḡu ȳre.

<sup>29</sup> ĩḡu eropar̄ĩc̄u peeḡu ðguere m̄ua pohroguere ahr̄ab̄u. M̄ua ȳre sihubeoc̄u “Ne wasome,” ar̄ĩbirab̄u. ¿Dohpa ár̄ĩronore ȳh̄u ðgue aric̄u gahmeari m̄ua? ar̄ĩp̄u Pedro er̄are.

<sup>30</sup> ĩḡu eropar̄ĩc̄u peeḡu Cornelior̄u ðpa ar̄ĩp̄u:

—Tres ár̄ĩc̄u i horano gohra ta mari Paḡu yaḡu anyu ȳre dehyoami. Wapic̄ur̄in̄u wahaa ĩḡu ȳre dehyoara p̄h̄r̄u. Irin̄u ta mari Paḡure ȳ ser̄eniguirisubu cuimijuri suhric̄uḡu ȳ pohro dehyonugajami.

<sup>31</sup> Eropiḡu ĩḡu ȳre ðpa ar̄ami: “Cornelio, m̄h̄u mari Paḡu mera m̄u ser̄ec̄u ĩḡu peeami. Eropiḡu mojomoroc̄ur̄are er̄a gamerire m̄u oc̄u ĩaḡu mari Paḡu m̄u mera mucubiriḡu itamuḡucumi.

<sup>32</sup> Eropiḡu Jopegue m̄u ðmare obeoque Simo Pedro waĩc̄uḡure m̄u pohroque er̄a aĩḡar̄ic̄u. ĩḡu gajiḡu Simo waimur̄a gasiri amuḡu ya wihi, w̄ariya t̄uro pohro ár̄ĩri wihi āh̄rimi ĩḡu. ĩḡu m̄u pohro eraḡu m̄ure wer̄eḡucumi,” ar̄ĩ wereami ĩḡu ȳre.

<sup>33</sup> ĩḡu eropar̄ĩc̄u peeḡu ȳ ðmare m̄ure aĩḡar̄idoreḡu obeoabu ȳh̄u. Eropiḡu ðaro iiḡu ahr̄aya m̄h̄u ḡua pohroguere. Eropir̄a ḡua ár̄ĩpehrer̄a ðre mari Paḡu ĩḡu ĩhabeoro ár̄ir̄a iiaa ḡua. Ar̄ĩpehrerire mari Paḡu Goām̄u m̄ure ĩḡu weredorera peediar̄a, cohreabu ḡua, ar̄ĩp̄u Cornelio Pedore.

### *Pedro Jesu yare werep̄u Cornelio ya wihi majar̄are*

<sup>34</sup> ĩḡu eropar̄ĩc̄u peeḡu, Pedro ðpa ar̄ĩ werep̄u:

—Dohpaḡue masia pare. Diaye ta āh̄raa. Goām̄u yujuropa ta ðaro iimi marire.

<sup>35</sup> Eropiḡu ár̄ĩpehreri macari majar̄a Goām̄ure ḡuhyadiaro er̄a ĩac̄u, ðarire er̄a iic̄u, Goām̄up̄u er̄are mucubirimi.

<sup>36</sup> Goām̄u ḡua judio masa pohro Jesucristore obeomi. Masa Goām̄u mera ðaro er̄a ár̄iboro dopa Jesup̄u ðari buherire weremi. Iri buherire m̄ua masia. Jesucristop̄u ár̄ĩpehrer̄a masa op̄u āh̄rimi.

<sup>37</sup> Ñu waĩyeḡu “M̄ua ñerire bujawereque. Eropir̄a waĩyenir̄a ár̄ĩque,” masare ĩḡu eropa ar̄ĩ werera p̄h̄r̄u Galileague ðari buherire Jesup̄u werenugami. P̄h̄r̄u Judea yebague iri buherire werepehomi.

<sup>38</sup> Ih̄ĩ Jesu Nazare majaḡure Goām̄up̄u ĩḡu turarire, Esp̄ĩritu Santo mera ĩḡu iimasiburire odi ár̄ĩmi Jesure. Eropiḡu Jesu ðaro iiḡu wami. Eropa waḡu wat̄ea ñajas̄unir̄are, ñero tarir̄are, ár̄ĩpehrer̄are ðar̄a wac̄u iimi. Mari Paḡu Jesu mera ár̄ĩdi ár̄ĩmi.

<sup>39</sup> Judea yeba, Jerusal̄en s̄are ár̄ĩpehreri ĩḡu iirare ḡua ĩabu. P̄h̄r̄u er̄a crusague pabia wej̄ema ĩḡure.

<sup>40</sup> Eropiḡu ðhren̄u waboro Goām̄u ĩḡure masudi ár̄ĩmi. Eropiḡu Jesure ĩḡu masura p̄h̄r̄u gajir̄are dehyoac̄u iidiḡu ár̄ĩmi mari Paḡu.

<sup>41</sup> Irisubu Jesure ár̄ĩpehrer̄a ĩabirima. Ḡuare bajamer̄aḡare dehyoami. Mari Paḡu ĩḡu gamer̄are, Jesure ĩamor̄are iribojegue Goām̄u ḡuare beyep̄u. Ḡuap̄u Jesu ĩḡu s̄ĩridi masara p̄h̄r̄u ĩḡu mera baha, ih̄rib̄u.

<sup>42</sup> Eropigu ĩgu guare doremi ōpa arĩgu: “Masare wereque. Yũhu Jesu árĩpehrerã ojocarĩrãre, sĩrinirãre erãre dipuwaja moabu yũ árĩcũ iiami yũre Goãmũ. Eropirã irire wereque,” arĩ doremi Jesu guare.

<sup>43</sup> Árĩpehrerã Jesure erã umupeocũ ĩagu Goãmũ erã ñerire cãdijigucumi. Irire árĩpehrerã Goãmũ ya weremuhtanirã iribojegue majarã wereyuũuma, arĩ werepũ Pedro.

### *Judio masa árĩbirã Espĩritu Santore opanũgañorã*

<sup>44</sup> Iri árĩpehrerire ĩgu eropa arĩ wererisubu, árĩpehrerã irire peerã mera Espĩritu Santo árĩnũgamũripũ.

<sup>45-46</sup> Eropirã erã judio masa árĩbirã peeyamariri wereniguiiri mera mucubiriri mera wereniguinũgañorã. Erã ya wereniguiiri mera “Goãmũ turagu, ōagu aħrimi”, arĩrã iĩñorã. Erã eroparĩcũ peepũ Pedro ĩgu acawererã judio masa mera. Eropirã Espĩritu Santo judio masa árĩbirã mera ĩgu árĩnũgacũ ĩarã judio masapu uca wañorã. Eropigu Pedro ōpa arĩ werepũ judio masare:

<sup>47</sup> —Mari iro dopa ta Espĩritu Santore opama oã sã. Erã eropa opacũ ĩarã oãre waĩyedoremasia mari, arĩpũ Pedro erãre.

<sup>48</sup> Eropa arĩtuhaja Jesu waĩ mera judio masa árĩbirãre waĩyedorepũ Pedro. Erã eropiira pũhrũ “Gũa mera bajamenũrigã dujanique,” arĩñorã erã Pedro sãre.

## 11

### *Pedro Jerusalén majarãre Jesu yarãre werepũ*

<sup>1</sup> Eropii judio masa árĩbirã sã Goãmũ yare erã ōaro gamecũ Jesu ĩgu apinirãpũ erã acawererã Judeague arĩrã mera peebeoñorã.

<sup>2</sup> Eropirã Pedro Jerusaléngue ĩgu dujajacũ ĩarã judio masa Jesu yarã bajamerãgã ĩgũre ōpa arĩñorã:

<sup>3</sup> —¿Judio masa árĩbirã pohro duhpigu ejari mũhũ? ¿Dohpa arĩronore erã mera bahari mũhũ? arĩ turiñorã erã Pedrore.

<sup>4</sup> Erã eroparĩcũ peegu Pedro ĩgu iirare werepehopũ erãre.

<sup>5</sup> Ōpa arĩ werepũ:

—Yũhu Jopegue arĩgu Goãmũre serẽgu iibũ. Eropigu yũre ōpa dehyoabũ. Yũhu ĩacũ wũari gasiro wapicũrisubu pepũri dirira gasiro umarogue yũ pohrogue dijaricũ ĩabũ.

<sup>6</sup> Eropigu iri gasirore ōaro ĩabũ “¿Ñeheno iri gasiroguere aħriri?” arĩbũ. Eropigu ĩabũ iri gasiroguere arĩrãre. Waimũrã nũgu majarãre, yebague paha curirãre, mirimagũ porã majarãre ĩabũ.

<sup>7</sup> Eropigu Goãmũ ĩgu yũre wereniguirire peebũ. “Pedro, wahgãnũgaque. Wejẽ baque oãre,” arĩgu carimi yũre.

<sup>8</sup> ĩgu eroparĩcũ peegu ōpa arĩbũ yũhũ. “Opũ, ne erãre babeaa yũhũ. Ñerãre Goãmũ badorebirinirãre ne babirimũrabũ yũhũ,” arĩbũ yũpũ.

<sup>9</sup> Eropigu umarogue yũre dipaturi wereniguigu carimi daja. “Goãmũ ĩgu ‘Ōarã aħrima,’ ĩgu arĩrãre ‘Ñerã aħrima,’ arĩbiricãque mũhũ,” arĩgu carimi yũre.

<sup>10</sup> Eropigu uhresubu ĩgu eropa arĩ wereniguira pũhrũ iri gasiro dipaturi mũria wabũ daja.

<sup>11</sup> Yũ eropa ĩarisubu ta uerãrã uma guã arĩri wihigue ejanirã arĩma. Erã Cesarea majagu ĩgu obeonirã arĩnirã arĩma.

12 Eropigu Espíritu Santopu yure erã mera wadoregu “ ‘Erã ñerã àhrima,’ arĩbiricãque erãre,” arĩ weremi ìgu yure. Eropirã oã seis mera yu acawererã mera Cesarea majagu ya wihigue ñajajabu gua.

13 Eropigu ìgu guare òpa arĩ weremi. “Anyu yaha wihi dehyoacũ ìabũ yũhũ. Òpa weremi yure. ‘Jopegue Simo waĩcũgure aĩgãridoreque.

14 Ìgu mure mu acawererã mera mure arĩpehrerãre peamegue wabonirãre mua tariborore weregucumi,’ arĩmi anyu yure,” arĩ weremi yure Cesarea majagu.

15 Eropii yũhũ erãre wereniguirisubu Espíritu Santopu erã mera arĩnũgami marire ìgu iimũhtadiro dopa ta.

16 Eropigu Jesu ìgu wererare guñabu yũhũ. Òpa arĩ weremi ìgu: “Ñu mure waĩyegu deco mera waĩyemi. Yũpu iri tauro iigura mure. Pũhrũ Espíritu Santore mua mera arĩniguicũ iigura,” arĩ weremi.

17 Eropigu Jesucristo mari Opure mari umupeocũ ìagu Goãmu ìgu Espíritu Santore ohãmi marire. Eropigu Goãmu marire ìgu Espíritu Santore ìgu odio dopa ta judio masa arĩbirã sãre ìgu ohãmi. Goãmu ìgu eropa iicũ ìagu ìgure tarinũgamasibea yũhũ, arĩpu Pedro erãre judio masare Jesu yarãre.

18 Ìgu eroparĩcũ peerã, erã ìgure ne arĩnemobiriñorã. Ìgure erã turimasibiriñorã. Eropirã erã Goãmure mucubirã,

—Goãmu òagu, turagu àhrimi, arĩñorã.

Òpa arĩnemoñorã erã:

—Judio masa arĩbirã sã erã ñerire bujawererã arĩrã Goãmu ìgu taunirã arĩrãcoma. Eropa ìgu taunirã arĩrã erã sã mũari nũcu ìgu mera arĩniguirãcoma, arĩnemoñorã erã.

### *Antioquía gajirã Jesu yarã arĩñorã*

19 Eropii Estebanre erã wejera pũhrũ masa Jesu yarãre ñero iñorã. Erã eropa iicũ ìarã Jesu yarã duhrisirigã wañorã. Eropirã erã Feniciague, Chipregue, Antioquíague waha, judio masa dihtare Goãmu yare wereriñorã erã.

20 Gajirãpu Jesu yarã mera majarã Chipre majarã, Cirene majarã Antioquíague eja, judio masa arĩbirãre Jesu yare buheñorã Goãmu erãre ìgu tauboro dopa.

21 Eropigu mari Opu erãre itamupu. Eropirã masa bajarã Jesure umupeo, òaripure gohrotoñorã.

22 Eropii “Antioquía majarãgue Jesure gamecoma,” arĩ peebeoñorã Jerusalén majarã Jesu yarã. Erã eropa peebeora pũhrũ Jerusalén majarã Bernabé waĩcũgure Antioquíague obeoñorã.

23 Eropigu ìgu Antioquíague eja, Goãmu itamuri mera judio masa arĩbirã ìgu yarã erã wacũ ìagu, bũrigã mucubiripũ. Eropigu ìgu ero majarãre òpa arĩ werepu:

—Jesure eropa umupeoniguicãque. Ìgu yare ne duhubiricãque, arĩ werepu ìgu arĩpehrerãre erãre.

24 Bernabé òagu arĩgu, Espíritu Santore wũaro opagu arĩgu, Jesu doreiro dopa iigu arĩgu Jesure òaro umupeodigu arĩpu. Eropirã ìgu buhera pũhrũ bajarã masa Jesure umupeoñorã.

25 Pũhrũ ìgu Tarso waĩcũri macague Saulore amagu wapũ.

26 Erogue ìgure bocajaru. Ìgu bocajara pũhrũ Antioquíague aĩgãpu Saulore. Erogue erã ejara pũhrũ yuju bojori gohra erã Goãmu yarã mera

gamenere, bajarã masare buhemuriñorã erã. Eropirã Antioquíague Cristo yarã Cristiano waicunugañorã.

<sup>27</sup> Irisubure Goãmũ ya weremuhtarã Jerusalén árĩnirã waha, Antioquíague ejañorã.

<sup>28</sup> Eropigu erã mera majagu Agabo waicugu Jesu yarã watope niguigu, Espiritu Santo igu turari mera werepu erãre. “Árĩpehreri yebaguere burigã oanũ waroca,” arĩ wereyupu igu. Irisubure bari maririsubu árĩcũ árĩpehrerã weca opu Claudio árĩpu.

<sup>29</sup> Eropirã Jesu yarã árĩpehrerã erã oparopẽ erã acawererãre odiarã erã basi game wereniguiñorã. “Judea yeba majarãre Jesu yarãre niyerure obeorã,” arĩñorã erã basi.

<sup>30</sup> Erã eropa arĩra puhrũ Bernabé Saulo mera erã iri niyerure aĩgãbasañorã. Erogue ejarã Judea majarãre Jesu yarãre wiañorã iri niyerure.

## 12

### *Pedrore peresu iñorã*

<sup>1</sup> Irisubu opu Herode yujurãyerire Jesu yarãre ñero iinugapu.

<sup>2</sup> Eropigu igu Ñu tĩgure Santiagopare matamiji mera igu wejẽdorecũ gajigupu igure wejẽpu. Santiagore igu wejẽcũ judio masa mucubiriñorã.

<sup>3</sup> Erã mucubirire Herode masigu, “Eropa dihta iicũ gahmema erã,” arĩgu Pedro sãre peresu iipu. Irinũre bugabiriri pan erã bari bosenu Pascua árĩyoro.

<sup>4</sup> Eropigu Herode Pedrore ñeha, peresu iipu. Eropigu diez y seis surarare ñhadibudorepu igure. Wapicurã surara igure ñhadibuñorã. Puhrũ wapicurã erã gohrotonirã igure ñhadibumuriñorã. Eropa ta iñorã erã diez y seis surara. Herodepu Pascua puhrũ Pedrore peresugue árĩgure masa core duhudobodiaripu igure wejẽdorebu.

<sup>5</sup> Eropigu Pedro peresugue árĩpu. Igu erogue árĩcũ ta Jesu yarãpu Goãmure burigã serẽbasañorã igure.

### *Goãmũ peresugue árĩgure Pedrore wiupu*

<sup>6</sup> Iri ñamire ta Pedro comedari peda mera erã diridigu perã surara watope carĩgu iipu. Eropirã perã surara disiporo coreniguiñorã igure. Eropigu iri ñami boyoro Herode Pedrore judio masa core duhudobodiaripu igure wejẽdorebu.

<sup>7</sup> Eropigu Goãmũ anyupu Pedro carĩgu pohro igu niguicũ igu peresu árĩri taribu boyopehrea wayoro. Eropigu anyu Pedro pohro niguigu igu patorere puucarepu igure.

—Duru wahgãque, arĩpu igu Pedrore. Igu eroparĩcũ ta igu mojotorire erã dirira comedari pãrisiri dija wayoro.

<sup>8</sup> Eropigu anyu igure werepu:

—Mũ ya suhrire sañaque. Mũ zapatu sãre sañaque, arĩpu igu.

Igu eroparĩcũ Pedropu igu arĩro dopa ta iipu.

—Mũ weca majañe suhrirore saña, yũ mera arique, arĩpu anyu.

<sup>9</sup> Igu eroparĩcũ iri taribugue árĩdigu wiria anyu puhrũ waha wapu igu. Eropa waqueregu ta opa arĩ pepiripu igu. “¿I diaye árĩbircuri? ¿O quẽgu iicuri yũhũ?” arĩ pepiripu igu.

<sup>10</sup> Eropirã erã Igu árĩri taribu pohro niguirã surarare tarigã, gajirã yoañariro niguirã sãre tarigã, wũari disiporogue ejañorã. Iri disiporo macague wari mare cãhmotayoro. Iri biharise irise basi pãricũ erã

wiriañorã. Wiria wa erã mague waha wañorã. Anyupũ waha wapũ. Eropigu Pedro yujugũ ta dujapũ.

<sup>11</sup> Eropa ãgu anyu ãgu wara pũhrũ ãgu iirare Pedro masipũ pare. Õpa arĩ pepipũ ãgu. “Anyu Goãmũ ãgu obeodigũ peresugue árĩgure yũre wiugũ erami. Dohpague irire masia ãgu eropa iirare. Judio masapũ yũre erã ñero iidiarare Goãmũpũ erãre iidorebiri. Eropigu yũre Herode ãgu peresu iidigũre wiuami,” arĩ pepipũ Pedro.

<sup>12</sup> ãgu eropa arĩ pepira pũhrũ María Ñu pago ya wihigue ejapũ Pedro. Ñupũ Marco waĩcũgũ árĩpũ. Iri wihigue masa bajarã gamenere, Goãmũre serẽrã iĩñorã.

<sup>13</sup> Eropigu Pedro disiporore eraa dotepũ. Rode waĩcũgo pohro majago ãgu dotecũ peego, ãago ejapo igo.

<sup>14</sup> Eropigo Pedro igore piyucũ peego ãgu wereniguirire pee masi, bũrigã mucubiri disiporore pãgũbiripo. Eropa mucubirigo ãgure pãgũbodio cãdija wapo. Pedro ero niguicũ ta igo majinũgaja oma ñaja wapo.

—Pedro disiporogue erami, arĩ werego ñajapo.

<sup>15</sup> Eropirã iri wihi árĩrã igo eroparĩcũ peerã,

—Eropa arĩmaacãgo iiaa mũhũ, arĩñorã erã igore.

—Diaye ta ãhraa. Diaye ta arĩgo iiaa, arĩpo igo. Igo eroparĩcũ peerã,

—ãgu árĩbircũmi. ãgu sĩporã mũraro eraro iica, arĩñorã erãpũ.

<sup>16</sup> Erã eropa arĩrisubu Pedro disiporore eropa ta doteniguicãpũ. ãgu eropiicũ peerã, erã disiporore pãgũ, ãgure ãha, uca wañorã.

<sup>17</sup> Eropigu Pedro ãgu mojoto mera “Ejarimaricãque,” arĩgũ, Goãmũ peresugue ãgure ãgu wiurare werepũ erãre.

—Ire wereque Santiagore gajirã Jesu yarã sãre, arĩpũ Pedro.

Eropa arĩ weretuhaja, ãgu gajipũgue tarigã waha wapũ.

<sup>18</sup> Eropii boyodijiricũ surara Pedore ãhadibunirã ãgu dohpa ii wiriarare ne masibiriñorã. Eropa masibirã uca wañorã.

<sup>19</sup> Eropigu Herode Pedore amadoreripũ. Eropigu ãgu surarare peresu corerãre ãgu serẽpira pũhrũ erãre wejẽdorepũ Herodepũ. Eropii Herode Judeague árĩdigũ waha Cesareague árĩgũ waha wapũ.

### *Herode sĩa wapũ*

<sup>20</sup> Ero pũhrũ Tiro waĩcũri maca majarã mera Sidón waĩcũri maca majarã mera sãre Herode guarũ. ãgu eropa guacũ ãarã iri macari majarãpũ Herode mera amurã wañorã. ãgu erã mera ãgu guarare wereniguirã wañorã. Ejaa Herodere ãaboro core Herode itamugũ Blasto waĩcũgũ mera weretamuñorã. Eropirã erã ãgu Blasto ãgu itamuri mera Herode pohro ejañorã. ãgu pohro ejarã õpa arĩñorã:

—Mari õaro árĩrã. Mari basi ãhaturibircãrã, arĩ serẽñorã erã Herodere.

Erã ya yeba majarã Herode ya yeba barire bocamũriñorã. Eropirã Herode erãre ãhaturicũ gamebiriñorã erã.

<sup>21</sup> Eropigu Herode erã ãgure ãarinũ ãgu queoranũ árĩcũ, opũ ãgu sañari suhri õari suhrire sañamũripũ ãgu. Eropigu ãgu ãgu doaro doanijagũ, masare werenigui ãhmumũripũ.

<sup>22</sup> ãgu eropa werenigui ãhmucũ peerã masapũ gaguiniguiñorã:

—ãhĩ wereniguigũ masũ árĩbeami. Goãmũ ãhrimi, arĩ gaguinigumũririñorã erã Herodere.

<sup>23</sup> Erã eropa arĩra pũhrũ Goãmũ ãgu anyu Herodere dore ópũ. “Goãmũ árĩbeaa yũhũ,” ne arĩbiripũ Herode. ãgu eropa arĩbirira dipuwaja anyu ãgu dorecũcũ iipũ. ãgu eropa dorecũcũ ãgure beca ba wejẽcãñorã.



<sup>24</sup> Eropii Jesu yarã masa bajarãre Jesu ya buherire buheñorã.

<sup>25</sup> Eropirã Bernabé, Saulo mera Jesu yarãre itamupehotuhaja Jerusaléngue árĩnirã Antioquíague dujaa wañorã. Eropirã Ñure Marco waĩcũgure erã aĩgãñorã erã mera.

## 13

### *Jesu yarã Bernabére Saulo mera Goãmũ yare buhedore oboeñorã*

<sup>1</sup> Irisubure Antioquíague Jesu yarã gamenererã mera majarã, Goãmũ yare weremuhtarã árĩñorã. Masare buherã ta árĩñorã erã sã. Bernabé, Simo Negro waĩcũgũ, Lucio Cirene majagũ, Manaén, Saulo mera erã árĩñorã. Manaénrũ opũ Herode mũrũ mera erã perã yujuro mera ta masanirã árĩñorã.

<sup>2</sup> Eropirã erã Goãmũ yare erã buherisubu, erã ba duhurisubu, Espiritu Santopũ werepũ erãre:

—Bernabére, Saulo mera apique yũ gamero dopa iimorãre. Irire iimorãre beye apigũ iiaa erãre, arĩpũ Espiritu Santo.

<sup>3</sup> Īgũ eroparĩcũ erãpũ ba duhu Goãmũre serẽ, Bernabé weca Saulo weca erã mojotorire duhpeoñorã. Eropa duhpeorã erãre buhedorerã oboeñorã.

### *Chipregue Jesu ĩgũ apinirã buheñorã*

<sup>4</sup> Eropirã erã Espiritu Santo ĩgũ oboenirã árĩrã, Seleuciague eja, iri macare tarigã, Chipre waĩcũri nũgũrogue ejañorã erã.

<sup>5</sup> Eropirã Salamina waĩcũri peramague ejañorã. Iri maca judio masa buheri wirigue Goãmũ yare werenũgañorã erã. Eropigũ Ñu Marco sã erã mera waha, erãre itamupũ.

<sup>6</sup> Eropirã erã iri nũgũro ojogoro maja. Pafu waĩcũri macague ejarã, yeere bocañañorã erã. Īgũ judio masũ Barjesu waĩcũgũ arĩpũ. Barjesu griego ya mera Elima erã arĩ piyugũ arĩpũ. “Goãmũ yare weremuhtagũ ãhraa yũhũ,” arĩ masare gũyaniguicãgũ arĩpũ ĩgũ.

<sup>7</sup> Eropigũ ĩgũ Sergio Paulo waĩcũgũ mera majagũ arĩpũ. Sergio Paulopũ iri nũgũro majarã opũ masipehogũ arĩpũ. Eropigũ Goãmũ yare peediagũ erãre Bernabé, Pablo mera bocatĩripũ ĩgũ.

<sup>8</sup> Eropigũ Elima yeepũ erãre buhedorebiriripũ. Īgũ Sergio Paulo Jesu yare ĩgũ umupeocũ gamesãbiripũ yeepũ. Sergio Paulore Goãmũ yare ĩgũ peecũ cãhmotadiaripũ.

<sup>9-10</sup> Īgũ eropa buhedorebiriquerecũ ta Saulo, Pablo waĩcũgũ Espiritu Santore ðaro opagũ árĩgũ yeere ðaro ĩadihupi ĩgũre werepũ:

—Mũhũ gũyaricũgũ, ñegũ, watĩ ĩgũ dorerire iigũ, ðarire ĩhaturigũ ãhraa mũhũ. ¿Duhpigũ mari Opũ yare “Ñeri ãhraa. Gũyari ãhraa,” eropa arĩniguicãri mũhũ?

<sup>11</sup> Mũhũ eroparĩra waja Jesu mari Opũ mure ĩgũ pẽhrecũ cuiri ĩhajabigũ árĩgũca mũhũ. Eropigũ bajamenũrigã mũhũ inũrĩre ĩarisome, arĩpũ Pablo.

Īgũ eroparĩcũ ta ĩgũ yeepũ imica iro dopa árĩrĩre ĩamũhtagũ, naitĩaro dihtare ĩapũ ĩgũ. Eropigũ ĩgũre tuã curibure amapũ ĩgũ.

<sup>12</sup> Īgũ eropa wacũ ĩagũ, Sergio Paulopũ Jesu yare “Diaye ta ãhraa,” arĩ masipũ. Mari Opũ yare ĩgũ pee, uca wa, Jesure umupeonũgarũ.

### *Pablo Bernabé mera Antioquia Pisidia yebague árĩri macague árĩñorã*

13 Eropi Pablo sã Pafogue árĩnirã dohodiru mera waha, Pergegue ejañorã. Perge Panfilia yebague ãhraa. Erogue eja, Ñu Marcopũ erãre cohã wahgã, Jerusaléngue waha wapũ.

14 Erãpũ Pergegue árĩnirã waha, Antioquíague ejañorã. Antioquía Pisidia yebague ãhraa. Erogue ejarã, Sabadonũ árĩcũ erã judio masa buheri wihigue ñajaja, erogue doañorã.

15 Eropirã iri wihi majarã oparã Goãmũ dorerire, Moisegue marire ïgu apirare, Goãmũ yare weremũhtanirã erã gojarare erã buhera pũhrũ erã sihubeoñorã Pablo sãre.

—Acawererã, ¿masare mũa werediarã iiri? Irire werediarã wereque dohparagã, arĩñorã iri wihi majarã oparã.

16 Erã eroparĩcũ peegu, Pablo wahgãnũgaja, “Wereniguibiricãque,” arĩgu ïgu mojoto mera paatupũ. Erã ejarimaricũ ïha, ïgu õpa arĩpũ:

—Israe masa, mũa mari Pagure umupeorã, peeque.

17 Mari ñecũ sũmarã mũra Goãmũre umupeomũriñuma. Erã mũrare Goãmũ beyemũriñumi. Eropirã erã mari ñecũ sũmarã yoari boje Egiptogue árĩmũriñuma gajirã árĩquererã. Erogue erã árĩcũ Goãmũ õaro iimũriñumi erãre. Eropirã bajarã masa pore árĩñuma erã. Õpa iĩñumi erãre. Erãre Egiptogue árĩrãre ïgu turari mera aĩ wiuñumi Goãmũ.

18 ïgu eropa wiura pũhrũ erã cuarenta bojori gohra masa marirogue curimũriñuma. Erogue ïgũre erã tarinũgacũ Goãmũ eropa ta pepicãñumi.

19 Eropigu Canaa waĩcũri yebaguere siete cururi majarãre cóatuhaja, Goãmũ iri yebare oñumi Israe masapũre.

20 Iri yebare otuhaja cuatrocientos cincuenta bojori gohra masare doremorãre apimũriñumi Goãmũ Israe masare.

—“Goãmũ ïgu apinirã Samue ïgu árĩcũgue árĩtumũriñuma. Samuepũ Goãmũ yare weremũhtagũ árĩmũriñumi.

21 Samue árĩrisubu Israe masapũ erã opũ árĩbure amamũriñuma. Eropirã Goãmũre serẽmũriñuma. Erã eropa serẽcũ ïagu Goãmũ Saulore apimũriñumi. Saulo Cis magũ árĩñumi. Benjami ya curu majagu árĩñumi. Eropigu cuarenta bojori gohra erã opũ árĩbure apĩñumi Goãmũ ïgũre.

22 Eropigu Goãmũ Saulore ïgu cóara pũhrũ Davire apimũriñumi ïgu. Õpa arĩñumi Goãmũ Davire. “Davi Isaí magũre bocabũ yũhũ. ïgũre mucubiria yũhũ. ïgu yũ gamerire iipehogucumi,” arĩñumi Goãmũ.

23 Ihĩ Davi ïgu pãrami árĩturiagu ãhrimi Jesu. Goãmũ Jesure apidigu árĩmi Israe masare itamubure. “Masare õaro iigũca,” arĩñumi Goãmũ. ïgu arĩdiro dopa ta iidi árĩmi ïgu Jesu.

24 ïgu eropa iiboro core Jesu ïgu ariboro core Ñu waĩyegu õpa arĩ buherũ: “Mũa ñerire bũjawereque. Õaripũre gohrotoque. Eropirã waĩyesũnirã árĩque,” arĩ buherũ Ñu árĩpehrerã Israe masare.

25 Eropigu Ñu ïgu buhetuboro core, ïgu sĩriboro core õpa arĩ weremũripũ. “¿Nihino ãhriri yũhũ mũa pepicũ? Iribojegue majagu Goãmũ yare weremũhtadigu árĩbeaa yũhũ. Cristo árĩbeaa yũhũ. Gajigu ãhraa. Cristo yũhũ árĩbiriqerrecũ yũ pũhrũ yũ tauro turagupũ arigucumi. ïgupũ õatariagu ãhrimi. ïgu iro dopa árĩbeaa yũhũ,” arĩ wererũ Ñu masare, arĩpũ Pablo.

26 “Acawererã, Abrahã pãramerã, árĩpehrerã mari Pagure gũhyadiaro ïarã, marire i ïgu tauborore wereri buherire obeodi árĩmi mari Pagũ.

27 Jerusalén majarã erã oparã mera Jesu erãre taugũ ïgu árĩcũ masibirinirã árĩma. Sabadonũri árĩcũ Goãmũ yare weremũhtanirã erã

gojarare buhequererã ta Jesure masibirinirã árĩma. Eropa masibirã Jesure wejẽdoreñorã. Eropa iirã Goãmũ yare weremuhtanirã erã gojadiro dopa ta iirã iĩnorã.

<sup>28</sup> Īgũre erã wejẽboro core erã Jesure weresãriñorã. Īgũ ñerire iibiriquerecũ ta erã Pilatore Jesure wejẽdoremorã serẽñorã.

<sup>29</sup> Eropirã iribojegue majarã erã gojadiro dopa ta Jesure iituhaja, ĩgũre crusague árĩgũre aĩdiju, masa gobegue utãyegue erã seara gobegue apiñorã erã ĩgũre.

<sup>30</sup> Eropa erã ĩgũre wejẽquerecũ ta Goãmũ masudi árĩmi ĩgũre.

<sup>31</sup> Eropirã Galileague arinirã Jerusaléngue ĩgũ mera ejanirã bajanuri ĩgũre sĩri masa deyodigure ĩañorã. Eropirã dohpaguere ĩgũre erã ĩarare masare werema erã.

<sup>32-33</sup> Eropa masare wereniguũ õpa arĩ werenemopũ daja Pablo:

—Eropirã õari buherire werea gũa mũare. Goãmũ mari ñecũ sumarãre “Masare õaro iigũca,” iribojegue ĩgũ arĩdiro dopa ta dohpaguere marire erã acawererãre iiami. Irire ĩgũ wererare õpa iiami ĩgũ. Goãmũ Jesure masudi árĩmi. Eropirã Jesure ĩgũ masurare werea gũa mũare. Salmopũgue iribojegue ĩgũ õpa arĩ gojadiro dopa eropa wayoro Jesure: “Mũhũ yũ magũ ãhraa. Dohpagãre mũre dehyoacũ iiabũ,” arĩmi Goãmũ ĩgũ magũre,” arĩ gojañumi iribojegue.

<sup>34</sup> Eropigu Goãmũ Jesure ĩgũ masuburire dipaturi ĩgũ sĩribiriborore weregũ õpa arĩ were gojadoreñumi Salmopũgue: “Davire yũhũ mojomoro ĩadiro dopa ta diaye ta õaro iigũra mũa sãre,” arĩ gojadoreñumi.

<sup>35</sup> Eropigu gaji Salmo sãre õpa ta arĩ wereñumi: “Goãmũ mũ õagũ ĩgũ dũpũre boadorebirabũ mũhũ,” arĩ gojañumi.

<sup>36</sup> Eropigu Davi Goãmũ ĩgũ gamediro dopa ta ĩgũ árĩrasubu majarãre itamumuriñumi. Pũhrũ ĩgũ sĩria wañumi. Īgũ sĩrira pũhrũ ĩgũ pagũ sumarãre erã iidiro dopa ta yaañuma ĩgũ sãre. Eropigu ĩgũ boa wañumi.

<sup>37</sup> Eropigu ihĩ Jesu Goãmũ ĩgũ masudigũpũ ne boabiridi árĩmi.

<sup>38</sup> Eropirã mũa, yũ acawererã, ire masique: Goãmũ mũa ñerire ĩgũ cóãborore mũare ire werea gũa. Jesupũ mũa ñerire cóãbu ãhrimi.

<sup>39</sup> Eropigu ĩgũre umupeorãre erã ñero iirare cãdijicãgũcumĩ ĩgũ. Moiserẽ ĩgũ apira dorerire mũa iira mera Goãmũ pohrogue wasome mũa. Eropigu iri dorerire iiri mera taridiarãre erã ñerire cóãsome Goãmũ.

<sup>40</sup> Eropirã õaro iique. Mũa õaro iibiricũ Goãmũ ya weremuhtanirã erã gojadiro dopa ta mũare waroca. Õpa arĩ gojañuma:

<sup>41</sup> Peeque mũa queoricurã. Yũre ĩhaturirã ãhraa mũa. Yũ õpa iicũ gũique mũa. Eropirã peamegue waque. Mũa árĩrinũrĩre mũare ii ĩhmũgũra. Yũ eropa ii ĩhmucũ ĩaquererã “Diaye ta ãhraa,” arĩsome mũa. Gajigũ irire mũare ĩgũ õaro werequerecũ ta “Diaye ta ãhraa,” arĩsome mũa, arĩ gojañumi Goãmũ yare weremuhtadigũ, arĩ werepũ Pablo erãre.

<sup>42</sup> Īgũ eropa arĩ werera pũhrũ judio masa buheri wihigue erã wiriara pũhrũ judio masa árĩbirãpũ erãre serẽñorã.

—Gaji semanague Sabado árĩcũ ire buheba daja guare, arĩ serẽñorã erã Pablore.

<sup>43</sup> Eropirã iri wihigue árĩnirã wiria, judio masa bajarã, judio masa árĩbirã sã Pablo, Bernabé sã mera wañorã. Judio masa árĩbirã judio masa yare buherã árĩñorã. Erã erã mera wacũ Pablo Bernabé mera õaro wereñorã erãre. “Goãmũ mũare mahimi. Eropirã ĩgũre umupeorã árĩniguicãque,” arĩ buheñorã erã.

<sup>44</sup> Eropirã gaji semanare Sabado áricũ árĩpehrerã Jesu yare peediarã gamenereñorã.

<sup>45</sup> Eropirã judio masapũ bajarã masa Jesu yare peediarã gamenerecũ ãarã guañorã. Eropa guarã, erã gajiropa arĩ werenigui, Pablore ñero quere goroweoñorã. “Mũare ãgu buheri diaye árĩbeaa,” arĩñorã erã.

<sup>46</sup> Erã eroparĩcũ peerã, Pablo, Bernabé mera erãre quere goroweonirãre güiro mariro wereñorã.

—Goãmũ ãgu dorediro dopa ta mũare judio masare buhemũhtarabũ gũa. Mũapũ irire gamebirituhabũ. Ûmũri nũcũ Goãmũ mera árĩniguicũ sãre gamebirituhabũ mũa. Eropirã gũapũ judio masa árĩbirãpũre buhenũgarãca.

<sup>47</sup> Õpa ta doreñumi mari Opũ gũare:

Mũa judio masa árĩbirãre buherã erãre Goãmũ yare õaro masicũ iirãca mũa. Eropigũ mũa yoarogue árĩrãre mũa buhecũ peerãre erãpũre peamegue wabonirãre taugũca yũhũ, arĩ wereñumi Goãmũ gũare ãgu yare gojarapũgue, arĩ werepũ Pablo, Bernabé mera.

<sup>48</sup> Erã eroparĩcũ peerã judio masa árĩbirãpũ mucubiriñorã. “Mari Opũ yapũ õari ãhraa,” arĩñorã erã. Eropirã Goãmũ ãgu gamenirã, ãmũri nũcũ ãgu mera erã árĩniguiborore ãgu odianirã Jesure umupeonũgañorã.

<sup>49</sup> Eropirã mari Opũ Cristo yare iri yebague werepehoñorã.

<sup>50</sup> Erã eropa iicũ ãarã judio masa sũabiria wañorã. Erogue mari Pagure umupeorã nome, õarã nome árĩñorã. Eropirã judio masa Pablo sãre ñero wereniguiñorã. Erã eropa wereniguiicũ peerã erã nome Pablo mera Bernabé mera guañorã. Eropirã iri maca majarã oparã sã erã mera guañorã. Eropa quarã ero majarã ñero iñorã Pablo sãre. Erã eropiira, pũhrũ Pablo sãre erã ya yebague árĩrãre cohã wiucãñorã.

<sup>51</sup> Erã eropa iicũ ãarã, Pablo Bernabé mera erã guburi maja nicure pasiripiñorã iri maca majarã erã ñeri wajare ãhmurã. Eropa iituhaja erã Iconiogue waha wañorã.

<sup>52</sup> Eropirã erã Jesu yarã wũaro mucubiri, Espĩritu Santo wũaro ãgu dorediro dopa iirã iñorã.

## 14

### *Pablo Bernabé mera Iconiogue árĩñorã*

<sup>1</sup> Eropirã Iconiogue árĩrã Pablo Bernabé mera judio masa buheri wihigue ñaja, Jesu yare wereñorã. Eropirã judio masa bajarã Jesure umupeonũgañorã. Eropirã judio masa árĩbirã sã Jesure umupeoñorã.

<sup>2</sup> Judio masa Jesu yare peediabirãpũ judio masa árĩbirãre Jesu yarã mera erã guacũ iñorã daja. Erã eropa iicũ judio masa árĩbirã ñero pepiñorã Jesu yarãre.

<sup>3</sup> Erã eropa pepicũ ãarã Jesu yarãpũ Pablo sã erogue yoari boje árĩrã, güiro mariro mari Opũ yare õari buherire buheñorã. Goãmũ masare ãgu mahirire buheñorã. Erã eropa buherisubũ Goãmũ turari mera deyoro moarire ii ãhmuñorã, “I buheri diaye ta ãhraa,” arĩ ãhmurã.

<sup>4</sup> Eropirã iri maca majarã deco mera judio masa yare gamerã dujañorã. Deco mera ta Jesu yare gamerã sã dujañorã. Erã pe curu dũca wariñorã.

<sup>5</sup> Eropirã Jesu yare gamebirãpũ judio masa sã árĩbirã, judio masa sã erã oparã mera gamenere Jesu ãgu apinirãre ñero iidariñorã. Ûtã mera dea wejẽdiariñorã erãre.

<sup>6</sup> Erã eropa iidiarire masirã, Pablo, Bernabé mera Licaonia yebague duhrigã waha wañorã. Iri yeba áriri macari tari wahgã Lистра waïcari macare Derbe waïcari maca sãre ejañorã.

<sup>7</sup> Erogue ejarã, òari buherire buheñorã daja erã.

### *Listrague Pablora ùtã mera deañorã*

<sup>8</sup> Eropii Listrague curimasibigu doapu. Ìgu ne masa dehyoagugue ta curimasibiridigu árìpu.

<sup>9-10</sup> Eropigu ìgu Pablo ìgu buhecũ peeru. Ìgu peerisubu Pabloru ìgu dihtare ìapu. Ìgure ìanuru òpa arì pepìpu: “Ìhì Jesure umupeomi. Eropigu ‘Jesu yure duru òacũ iimasimi,’ arì pepìgu iicumi,” arì pepìpu Pablo curimasibigure. Eropa pepìgu turaro mera òpa arìpu Pablo ìgure:

—Wahgãnugajaque, arìpu Pablo ìgure.

Ìgu eroparicũ peegu ta curimasibiguru buhrimanugaja, waru.

<sup>11</sup> Pablo ìgu eropa iicũ ìarã masa gaguiniguiñorã. Erã Licaonia ya mera òpa arì gaguiniguiñorã:

—Goãmarã masa dopa bejarã ùmarogue árìrã mari pohrogue dijarama, arì gaguiniguiñorã erã.

<sup>12</sup> Eropirã erã Bernabére “Mari goãmu Zeus àhrimi,” arì piyuñorã. Eropirã Pablo buhemãhtadigu opu iro dopa ìgu árìcũ ìarã “Mari goãmu Hermes àhrimi,” arì piyuñorã erã ìgure.

<sup>13</sup> Eropirã Zeure umupeorã ya wihi iri maca turo pohro árìyoro. Eropigu Zeus yarã erã pahipu iri wihigue árìgu macague ñajariri disiporo pohrogue wecuare, gori amurare aìgãripu. Iri mera Pablora Bernabére “Mari goãmarã àhrima,” arì umupeodiariñorã. Eropirã erã wecuare soemuju Pablora, Bernabére umupeodiariñorã.

<sup>14</sup> Erã eropa iidiacũ ìarã Pablo, Bernabé mera erã basi erã ya suhrire yehguenugañorã erã bujawererire masare ìhmurã. Erã yehguenugara puru masa watope omagã, gaguiniguiñorã erã.

<sup>15</sup> —Mua òpa iibiricãque. Gua sã mua iro dopa ta masa àhraa. Mua òpa iiri ne duhpiburi árìbeaa. Eropirã mure òarire buherã ahrabu. Òpa iirire duhdorerã arirã iiabu. Oã mua goãmarãre mua wéanirãre ñerãre cóacãque. Eropirã Goãmure ojocarigupure umupeoque. Goãmuru ùmarore, yebare, wuariyare, árìpehrerire, árìpehrero majarãre ìgu àhrimi.

<sup>16</sup> Eropigu ìgu iribojegue árìpehreri macari majarã erã gamero iirare eropa ìacãñumi.

<sup>17</sup> Ìgu eropa ìacãqueregu ìgu árìricurire ìhmumi marire. Ìgu masare òarire ii, deco aricũ ii, ducare oo, masare barire oniguimi. Ìgu eropa ocũ masa mucubirima. Eropa ta ìgu árìricurire ìhmumi masare, arìpu Pablo, Bernabé mera.

<sup>18</sup> Eropirã erã eroparicũ peequererã ta masa wecuare wejẽ soemuju erãre umupeodiariñorã. Eropa erã umupeodiacũ ìarã erãre eropa iidorebiriñorã Pablo sã. Erã eropa iirire duhudiabiriquererã duhuñorã.

<sup>19</sup> Eropii gajirã judio masa Antioquia majarã, Iconio majarã sã Listrague ejañorã. Erogue ejarã, Pablora ñero wereniguiñorã ero majarãre. Erã eropa wereniguicũ peerã masa ìgu mera guanugañorã. Eropa guarã masapu ùtã mera deañorã Pablora. Ùtã mera ìgure deatuhaja, “Ìhì sãria wahãmi,” arìrã, iri maca turo pohrogue ìgure taragã mehpicã, waha wañorã.

<sup>20</sup> Erã eropiiquerecũ Jesu yarã Pablo pohro erã gamenerenugajacũ gohra Pablo masa wahgãnugaja, erã mera macague waha wapũ. Eropirã gajinu ïgu Bernabé mera Derbegue wapũ.

<sup>21</sup> Eropirã erã erogue erã õari buherire bajarã masare erã werera pũhrũ, erã Listrare eja daja iri macare tarigã, Iconiore eja daja iri macare tarigã, Antioquía Pisidia yebague árĩri macare ejañorã daja.

<sup>22</sup> Iri macarigue ejarã, ero majarã Jesu yarãre õari buherire wereñorã daja. Erãre õaro sïporãcũcũ iĩñorã. Eropirã Jesure umupeodoreniguicãrã õpa arĩ wereñorã erãre.

—Goãmũ árĩroguere mari wadiarã, bũrigã marire ñero tariro gahmea, arĩ wereñorã erã.

<sup>23</sup> Eropirã macari nũcũ majarãre Jesu yarãre erã oparã árĩmorãre apiñorã Pablo Bernabé mera. Eropirã erã ba duhura pũhrũ Goãmũre serẽñorã.

—Opũ, oã mũ yarãre ïhadibuque, arĩ serẽbasañorã erã Goãmũre erã umupeogũre.

*Pablo Bernabé mera Antioquíague erã árĩmũhtara macague dujaa wañorã*

<sup>24</sup> Erã eropa iira pũhrũ erã Pisidia yebague tariara pũhrũ waha wañorã Panfilia yebague.

<sup>25</sup> Eropirã Pergeguere erã buhetuhaja Atalia waĩcũri macague buha wañorã.

<sup>26</sup> Eropirã iri macague eja, Antioquíague dujaarã, dohodiru mera waha wañorã. Iri maca coregue erã árĩnicũ Jesu yarã Goãmũ yare buhedorerã Pablo sãre oboeñorã. Eropa oboerã Goãmũre õpa serẽñorã:

—Goãmũ, mũ mahiri mera oãre ïhadibuque, arĩ serẽ, oboeñorã erã.

Eropirã erã buhedorerare buhepehonirã árĩrã Pablo Bernabé mera dujaniñorã iri macare.

<sup>27</sup> Eropirã erã Antioquíague erã dujajara pũhrũ Goãmũ yarã mera gamenere, Goãmũ ïgu turari mera erã iirare werepehoñorã erã. Judio masa árĩbirã sã Goãmũ yarã erã warare wereñorã erã.

<sup>28</sup> Eropirã Pablo sã eroguerẽ Jesu yarã mera yoari boje árĩcãmũriñorã.

## 15

*Jerusaléngue Jesu yarã gamenereñorã*

<sup>1</sup> Eropi Judea yeba majarã bajamerãgã Antioquíague ejarã, Jesu yarãre õpa arĩ buhenũgañorã erã.

—Goãmũ ïgu dorere Moiserẽ apĩgu õpa arĩ apimũriñumi. Árĩpehrerã erã dupũre miri gasirogã erã wiri aĩborore were apimũriñumi Moiserẽ. Mũa irire iibiricũ Goãmũ mũare tausome, arĩ buheñorã erã ero majarãre.

<sup>2</sup> Erã eropa arĩ buhecũ peerã Pablo Bernabé mera gamebiriñorã. Iri buherire bũrigã game dũyasoñorã Judea yeba majarã mera. Erã eropa game dũyasora pũhrũ Jesu yarãpũ Pablõre, Bernabére, gajirã ero majarã sãre Jerusaléngue oboeñorã. Judea yeba majarã erã buherire Jesu ïgu apinirãre Jesu yarã oparã sãre serẽpi ïadorerã oboeñorã Pablo sãre.

<sup>3</sup> Eropirã Jesu yarã erãre erã obeocũ waha, Fenicia yebare eja tarigã, Samariã yebague ejañorã. Iri macarigue ejarã, judio masa árĩbirã Goãmũ yare erã gemenũgarare wereñorã erã ero majarãre. Erã eropa werẽcũ peerã ero majarã Jesu yarã bũrigã mucubiriñorã.

<sup>4</sup> Eropirã erã Jerusaléngue ejacũ ïarã ero majarã Jesu yarã Jesu ïgu apinirã, ïgu yarã oparã mera mucubiriri mera õaro bocatĩriñorã erãre.

Eropirā Pablo, Bernabé gajirā mera Goām̄ũ ĩḡũ turari mera erā iirare wereñorā Jerusalén majarāre. Judio masa árĩbirā Jesu yarā erā wara sāre wereñorā erā.

<sup>5</sup> Erā eropa werequerecũ erogue fariseo masa Jesu yarā bajamerāḡā árĩñorā. Eropirā erā eroguerere wahḡānũḡaja, õpa wereñorā.

—Erāre judio masa árĩbirāre erā dũpũre miri gasiroḡāre wiriro gahmea. “Goām̄ũ Moiserere ĩḡũ dorere iique mũa sã,” arĩro gahmea erāre, arĩñorā erā fariseo masa.

<sup>6</sup> Erā eroparĩcũ pee, Jesu ĩḡũ apinirā, Jesu yarā oparā mera irire amudiarā, gamenereñorā.

<sup>7</sup> Eropirā erā yoari boje erā wereniguirā pũhrũ Pedro wahḡānũḡaja, werepũ erāre.

—Acawererā, iribojegue yũhũ mũa mera árĩḡũre Goām̄ũ õpa iidoreḡũ yũre apimi. ĩḡũ yũre õari buherire judio masa árĩbirāre weredoreḡũ apimi. Erāre Jesure umupeodoreḡũ yũre erāre buhedoremi.

<sup>8</sup> Eropigũ Goām̄ũ masa erā pepirire masimi. Eropigũ ĩḡũ judio masa árĩbirāre ĩḡũ yarāre ĩḡũ iirare ĩhmubu ĩḡũ Espĩritu Santore ohámi erāre marire ĩḡũ iidiro dopa ta.

<sup>9</sup> Eropa ogũ ĩḡũ marire erā sāre yujuro pa õaro iimi. Erā ĩḡũre umupeocũ erā ñerire cadijimi ĩḡũ.

<sup>10</sup> Maripũ Moise dorere yujuro bojebeaa. Mari ñecũ sũmarā mũa sã irire yujuro bojebirimũriñuma. ¿Eropa mari yujuro bojebiriquererā duhpĩrā Jesu yarāre judio masa árĩbirāre irire Moise dorere iidorediari mũa? ¿Duhpĩrā Goām̄ũ judio masa árĩbirāre ĩḡũ yarā wacũ ĩḡũ iirare “Ero wabeaa,” arĩri mũa?

<sup>11</sup> Eropa arĩbirā mari õpa pepia. Dohpagueere judio masa árĩbirā iro dopa ta mari sāre mari Opũ Jesu mahiri mera Goām̄ũ taugũcumi, arĩpũ Pedro erāre.

<sup>12</sup> ĩḡũ eroparĩcũ peerā árĩpehrerā ejarimaria wañorā. Eropirā Pablo Bernabé mera judio masa árĩbirā watope Goām̄ũ turari mera erā ii ĩhmurare wereñorā erāre.

<sup>13</sup> Eropa erā weretuhajara pũhrũ Santiago sã werepũ.

—Acawererā, peeque yũre.

<sup>14</sup> Goām̄ũ judio masa árĩbirāre ĩḡũ yarā árĩmorāre ĩḡũ ne iirare weretuhajami Pedropũ.

<sup>15</sup> Iribojegue Goām̄ũ ya weremũhtanirā erā werediro dopa ta eropa wahabũ judio masa árĩbirāre. Õpa arĩ Goām̄ũ wereniguirere gojañuma erā iribojegue:

<sup>16</sup> Iribojeque Davi mũrũ ya curu majarā erā oparā árĩra pehrea wabũ. Pũhrũ dujarigũca yũhũ. Eropigũ dipaturi ĩḡũ ya curu majagũre opũ acugũca.

<sup>17</sup> Yũ eropa acura pũhrũ árĩpehrerā judio masa árĩbirā yũre erā opũre gamerācoma erā. “Yaharā árĩque,” yũ arĩ sihubeorāpũ yũre gamerācoma.

<sup>18</sup> Eropa ta arĩmi mari Opũ. Iribojegue ĩḡũ ire masare weremũripũ, arĩ gojañuma Goām̄ũ ya weremũhtanirā.

<sup>19</sup> “Eropigũ õpa pepia yũhũ, arĩpũ daja Santiago. Judio masa árĩbirāre Goām̄ũ yare ne gamenũgarāre baja iidorebircārā mari.

<sup>20</sup> Eropirā erāre goja, obeerā mari. Õpa arĩ gojabeorā. “Goāmarā wéanirāre erā umupeora barire babircāque. Eropirā nome mera ñero iibircāque. Nome sã ũa mera ñero iibircāque. Eropirā wũnũḡũ mohwejñirāre waimũrāre babircāque. Dire ihribircāque,” iripẽta arĩ were gojabeorā. Iri doreri Moise apira doreri sã āhraa.

21 Yoari boje judio masa buheri wirigue Sabado árĩcũ Goãmũ Moiserẽ ãgũ apira dorerire buhemũrima masa. Eropii árĩpehreri macarigue Moise dorerire buhemũrima masa. Eropirã yũ arĩdiro dopa ta judio masa árĩbirãre Jesu yarãre were gojabeocũ, judio masapũ pee, “Gũa iiguari ta ãhraa,” arĩrãcoma, arĩpũ Santiago.

*Judio masa árĩbirãre erã gojarapũ obeoñorã*

22 Eropirã Jesu ãgũ apinirã, Jesu yarã oparã árĩpehrerã Jesu yarã mera Santiago arĩrare peerã, “Eropa ta iirã,” arĩñorã. Tuhajanugu erã mera majarãre beyeñorã erã obeomorã. Antioquíague Pablo, Bernabé mera erã wamorãre erã beyeñorã. Eropirã erã Judare, Sila mera beyeñorã erã obeomorã. Judapũ Barsabá peñe waĩcũpũ. Erã beyerã acawererã Jesu yarã erã umupeonirã árĩñorã.

23 Erãre erã beyera pũhrũ Jesu yarã gojabeorapũre obeoñorã erã mera. Õpa arĩ gojañorã erã:

—Jesu ãgũ apinirã, Jesu yarã oparã, mũa acawererã Jesu yarã mera gũa ãadoreã mũare. Árĩpehrerã judio masa árĩbirã Antioquíague, Siriague, Ciliciague árĩrãre mũare Jesu yarãre ãadoreã gũa.

24 Gũa mera majarã mũa pohrogue ejarã, mũare baja dorerire iidoreañorã. Eropirã mũare gariboañorã. Erã Goãmũ dorerire Moiserẽ ãgũ apiraguere, mũa dũpũ merogã gasirogãre wiriri sãre iidoreañorã. Gũapũ erãre irire buhedorerã obeobirabũ.

25-26 Eropirã gũa árĩpehrerã mũa pohrogue obeomorãre gũa beyeabũ. Mari mera majarãre, mari mahirãre, Pablo, Bernabé mera Cristo Jesu mari Opũ yare güiro mariro erã buhecũ bajasuburi gajirã erãre wejẽbocuriñorã. Erã eropa wejẽbocuricũ merogã mera tarimuriñorã erã. Erã Pablo, Bernabé mera gũa beyenirãre dohpaguere obeoa.

27 Eropirã Juda, Sila mera mũa pohrogue obeoa. Gũa gojabeorare erãpũ mũare wererãcoma.

28 Espíritu Santo ãgũ guñaro dopa ta gũa sã pepia. Õpa ãhraa iri: Gaji doreriguere apibeaã mũare. I doreri dihtare apirãca mũare.

29 Goãmarã wéanirãre erã umupeora barire babiricãque. Dire ihribiricãque. Wũũũgũ mohwejẽnirãre waimũrãre babiricãque. Eropirã nome mera ñero iibiricãque. Nome sã mũa mera ñero iibiricãque. I gũa eropa dorera iibirã ãarire iirã iica mũa. Iripẽta ãhraa mũare gũa werediari, arĩ gojabeoñorã Jesu yarã Jerusaléngue árĩrã.

30 Iripũre gojatuhaja, wiañorã Antioquíague warãre. Erã wiara pũhrũ waha, Antioquíague ejañorã. Erã erogue ejara pũhrũ bajarã masare gameneredore, erã gojarapũre wiañorã erãre.

31 Iripũre erã buhera pũhrũ, iri ãarire erã werebeorare peerã, ãaro mucubiriñorã.

32 Juda, Sila mera Goãmũ yare weremũhtarã árĩñorã. Eropirã yoari boje Jesu yarãre Goãmũ erãre ãgũ weredorerare wereñorã. Erã eropa werecũ peerã, Jesu yarãpũ mucubiri ãaro siporãcũñorã.

33 Eropirã Juda, Sila mera erogue bajamenũrigã erã árĩra pũhrũ erã dujaricũ, ero majarã erã goeriserecũ, “Õaro waque mũa,” arĩñorã Antioquíã majarã. Eropirã Juda sãre obeonirãre ãadorebeoñorã. Erã eropa arĩra pũhrũ Juda waha wapũ.

34 Silapũ dujapũ Antioquíague.

35 Eropirã Pablo Bernabé sã bajamenũri dujañorã iri maca ta daja. Eropirã erã gajirã bajarã mera Jesu yare buhe wereñorã.



*Dipaturi Pablo òari buherire buhecurigũ warũ daja*

<sup>36</sup> Eropii bajamenũri pũhrũ Pablo werepũ Bernabére.

—Ina, árĩpehrerãre mari buhenũganirãre ìhacurirã warã daja, arĩpũ Pablo.

<sup>37</sup> Eropigũ Bernabépũ Ñure erã mera aĩgãdiaripũ. Ñu Marco peñe waĩcũpũ.

<sup>38</sup> Pablopũ ìgũre aĩgãdiabiripũ. Ero core ìgũ erã mera Panfiliague ejagũ erãre cohã dujaa warũ. Eropigũ ìgũ erã iirire yujuro bojebiri dujaa warũ. Ìgũ eropa yujuro bojebiricũ ìagũ Pablo dipaturi ìgũre aĩgãdiabiripũ.

<sup>39</sup> Ìgũ aĩgãdiabiricũ ìagũ Bernabé Pablo mera erã basi perã bũrigã arĩ game erã basi purumujucãñorã. Erã eropa arĩra pũhrũ Bernabépũ Chipre waĩcũri nũgũrogue Marcure aĩtaribuja warũ.

<sup>40</sup> Pablopũ Sila mera waha warũ. Eropirã erã buherã waboro core Jesu yarã erãre obeorã, “Goãmũ mũare òaro ìhadibuporo,” arĩñorã. Erã eropa arĩra pũhrũ, Pablo Sila mera waha warũ.

<sup>41</sup> Eropa warã, Siria yeba, Cilicia yeba sãre eja, erogue Jesu yarãre òaro sĩporãcũ iri erã mucubiricũ iĩñorã erã.

## 16

*Timoteo Pablo Sila mera waricũgãpũ*

<sup>1</sup> Erã eropa iira pũhrũ Pablo sã Derbegue, Listrague ejañorã. Erogue ejagũ Timoteore bocajapũ. Timoteo Jesu yagũ árĩgũ, judio maso magũ árĩpũ ìgũ. Ìgũ pago sã Jesu yago ta árĩpo. Ìgũ pagũpũ Griego masũ árĩpũ.

<sup>2</sup> Eropirã Listra majarã, Iconio majarã, Jesu yarã Timoteore masa “Òagũ àhrimi,” arĩ weremũriñorã.

<sup>3</sup> Eropigũ Pablo Timoteore aĩgãdiaripũ. Eropirã iri yeba majarã judio masapũ Timoteo pagũ griego masũ ìgũ árĩcũ masiñorã. Eropigũ Pablo judio masare guarĩ arĩgũ, Timoteo dũpũre miri gasirogã wiri aĩpũ. Judio masa doreri iri arĩro dopa ta iipũ ìgũre.

<sup>4</sup> Ìgũ eropa iira pũhrũ waha erã ejari macari majarãre erã gojabeorapũ majare wereñorã. Iripũ Jesu ìgũ apinirã, Jesu yarã oparã mera Jerusaléngue árĩrã erã gojabeorapũ árĩyoro. Eropirã erã iri dorerire òaro wereñorã ero majarã Jesu yarãre.

<sup>5</sup> Erã eropa werecũ peerã, Jesu yarãpũ Jesure umupeonemoñorã. Eropirã Jesu yarã umũri nũcũ bajarã waniguicãñorã.

*Pablo quẽrogue Macedonia majagũre ìapũ*

<sup>6-7</sup> Eropigũ Asia yebaguepũre òari buherire buherã wadorebiripũ Espĩritu Santo erãre. Eropirã erã Frigia yebare taria, Galacia yebare taria, Misia yeba tũro pohro ejañorã. Bitinia yebapũ wadiariñorã erã. Eropigũ Espĩritu Santopũ erãre eroguerẽ wadorebiripũ.

<sup>8</sup> Ìgũ eropa dorera pũhrũ erãpũ Misia yebare tarigã, Troague erañorã.

<sup>9</sup> Erogue ìgũ erara pũhrũ iri ñamire òpa quẽpũ Pablo. Macedonia yeba majagũ ìgũ pohro nigũicũ ìapũ ìgũ. “Gũare Macedonia yeba majarãre itamugũ arique,” arĩ, sihupũ ìgũ Pablore.

<sup>10</sup> Ìgũ eropa quẽra pũhrũ wahgã, gũa yare amutuhaja, Macedoniague waha wabũ gũa. “Goãmũ iri yebare òari buherire buhedoregũ iimi marire,” arĩ pepibũ gũa.

*Pablo, Sila mera Filipogue árĩpũ*

11 Eropirã gua Troague árĩrã dohodiru mera Samotracia waĩcũri nuęurogue taribujajabu gua. Eropirã gajinu Neápoligue wabu gua.

12 Iri macare taria, Filipogue Roma majarã ya macague ejabu gua. Iri maca Macedonia yeba árĩri maca árĩbu. Gũhyadiari maca árĩro iibu. Eroguere bajamenurigã gua árĩbu.

13 Eropirã Sabado árĩcũ gua iri maca turo pohroque, dia weca pohroque ejabu. Ero Goãmũ mera erã wereniguiro árĩbu. Ero doarã ero gamenererã nome mera weretamubu gua.

14 Yujugo guare peego Tiatira majago Lidia waĩcũgo árĩmo. Eropigo igo õari suhri wajacũri suhrire duago árĩmo. Mari Pagũ Goãmũ sãre umupeogo árĩmo. Eropigu Pablo ĩgu wererire õaro peecũ iimi Goãmũ igore.

15 Eropii igore igo ya wihi majarã mera waĩyemi Pablo. ĩgu eropa waĩyera pũhrũ õpa arĩmo igo:

—“Jesu yago aħraa,” arãa mũa sã yũre. Eropirã yaha wihi ñajarinique mũa. Yũ mera dujanique, arĩmo igo guare.

Igo eroparĩcũ peerã igo ya wihi dujanibu gua.

16 Gajinu Goãmũ mera erã wereniguiroque gua wacũ watĩ ñajasũdigo bocatĩrimo guare. Igo gajirã pohro majago árĩmo. Eropigo igo masare “Õpa waroca mũare,” arĩ wereyugo árĩmo. Irire masare werego wũaro wajatabasamo igo oparãre.

17 Eropigo Pablo mera gua wacũ, guare nũrusia, gaguiniguimo igo.

—Oã Goãmũ turatarigu ĩgu itumurã aħrima. Mari sĩrira pũhrũ Goãmũ marire ĩgu õaro tauborore werema erã, arĩ gaguiniguimo igo.

18 Bajanuri eropa arĩ garibomo Pablora. Igo eropa arĩ gaguiniguicũ daja Pablo gamebigũ maji ĩha, õpa arĩmi watĩre:

—Jesucristo turari mera dorea mũre. Igore duhuque. Wanisa mũhũ, arĩmi Pablo.

Ĩgu eroparĩcũ ta watĩpũ waha wapũ.

19 Watĩ igore eropa wara pũhrũ igo õago dujago masa erã waburire werego árĩbirimo pare. Eropirã igo oparãpũ niyerure igo wajatabigo igo wacũ ĩarã, erã Pablo Sila mera ñeama. Ñehatuhaja, erãre taragãma iri maca decogue oparã pohroque.

20 Eropa aĩgãrã, dipuwaja moadorerã pohroque erãre apima erã õpa arĩrã:

—Oã judio masa mari ya macare gariborã iima.

21 Erã mari dorerire cóãdorerã, gaji buherire buherã iima. Mari ya dorerire tarinũgacũ iidiarã iima. Mari Roma majarã árĩrã oã erã wereripũre iimasibea mari. Eropirã erã buherire mari gamebeaa, arĩma igo oparã dipuwaja moadorerãre.

22 Erã eroparĩcũ peerã masa bajarã Pablo sã mera guatariacãma. Eropirã dipuwaja moadorerãpũ Pablo Sila sã ya suhrire erã yehgue cóara pũhrũ mũta yucũgã mera tãradorema erãre.

23 Bũrigã erã tãrara pũhrũ peresu iima erãre. Erã eropa peresu iira pũhrũ peresure coregũre õaro ĩhadibudoreñorã erã.

24 Erã eropa dorera pũhrũ erãre coregũpũ iri wihi poheca maja taribugue erãre api, taboamiji goberigue sĩhacu erã guburire bihacãpũ.

25 Ñami deco Pablo, Sila mera Goãmũre serẽ ĩgũre bayapeoñorã. Erã eropa bayacũ peeñorã gajirã peresugue árĩrã.

<sup>26</sup> Erã eropa bayacũ ta iri wihi buringã ñohmeyoro. Ero eropa ñohmecũ yujuro mera árĩpehreri disiporori pãrimaapehrea wayoro. Peresugue árĩrãre erã diriradari sã pãrisiri dija wayoro.

<sup>27</sup> Eropa wacũ ñagũ, iri wihire coregũpũ wahgã, ñgũ ñoserimijire aĩbeo, ñgũ basi ñosediaripũ.

<sup>28</sup> Ñgũ eropa iicũ ñagũ Pablo ñgũre buringã gaguinigui õpa arĩpũ.

—Mũ basi ñero iibiricãque. Árĩpehrerã õre ãhraa gũa, arĩpũ ñgũ erãre coregũre.

<sup>29</sup> Ñgũ eroparĩcũ peegũ erãre coregũpũ sihãgodore, erã pohrogue omagã Pablo, Sila guburi pohrogue naragã merejapũ ñgũ.

<sup>30</sup> Eropigũ ñgũ erãre iri taribugue árĩrãre aĩ wiria, serẽpipũ erãre.

—¿Dohpa iigũcuri yũhũ Goãmũ ñgũ yũre taucũ gamegũ? arĩ serẽpipũ ñgũ.

<sup>31</sup> —Jesucristore umupeoque mũhũ. Mũ acawererã sã ñgũre umupeoporo. Mũa eropa iicũ Goãmũ mũare taugũcumĩ ñgũ pohro mũa waboro dopa, arĩ wereñorã erã.

<sup>32-33</sup> Erã eropa arĩrisubu ñami deco pũhrũgã árĩyoro. Erã eropa arĩra pũhrũ erãre coredigũ ñgũ ya wihigue aĩgãpũ erãre. Ñgũ ya wihigue aĩja, erã camire coepũ ñgũ. Ñgũ eropa coetuhajara pũhrũ ñgũ acawererã mera Goãmũ yare buhepũ Pablo sã. Erãre ñgũ buhera pũhrũ waĩyepũ.

<sup>34</sup> Erãre waĩyetuhajara pũhrũ erãre coredigũ Pablo sãre bari peopũ. Eropirã ñgũ ñgũ acawererã mera õari buherire erã peera pũhrũ buringã mucubiriñorã. Goãmũre masinũgañorã.

<sup>35</sup> Boyodiji merēcũ ñarã oparãpũ erã surarare peresugue obeoñorã Pablo sãre wiudorerã.

<sup>36</sup> Erã eropa wiudorera pũhrũ iri wihire coregũpũ Pablo sãre werepũ.

—Oparã mũare wiudoreañorã. Eropirã gũiro mariro wirique, arĩpũ ñgũ Pablo sãre.

<sup>37</sup> Eropa erã wiudiaquerecũ ta Pablo werepũ surarare:

—Gũa ñero iibirabũ. Eropirã gũa ne dipuwaja mara. Bu gohra ta erã oparãpũ masa bajarã erã ñhurore yucũ mera tãrama gũare. Gũa Roma majarã gũa árĩquerecũ ta gũare tãrama. Tãratuhaja peresu iinama gũare. Eropirã dohpaguere masa erã ñabiro wiudiana gũare, gũare erã ñero iirare gũhyasiũro tariri, arĩrã. Oparã erã basi ta ahri aĩ wiurã ariporo gũare, arĩpũ Pablo surarare.

<sup>38</sup> Ñgũ eropa arĩ werecũ peerã dujaa wereñorã oparãre surarapũ. Erã eropa arĩ werera pũhrũ Pablo Sila mera Roma majarã erã árĩcũ masirã oparãpũ gũĩ arĩñorã.

<sup>39</sup> Eropirã erã Pablo sã pohro ejarã, õpa arĩñorã:

—Ñero iiabũ gũa mũare. Ne eropa dipaturi iisome, arĩñorã oparã Pablo sãre.

Eropa arĩtuhaja oparã erãre peresugue aĩ wiu, erã ya macare wiridoreñorã.

<sup>40</sup> Eropirã Pablo Sila mera peresugue árĩnirã wiri, Lidia waĩcũgo ya wihigue eja, Jesu yarãre bocatĩriñorã. Eropirã erã Jesu yarãre õaro wereñorã. Õaro sĩporãcũcũ iĩñorã erãre. Erã eropa iira pũhrũ Pablo Sila mera waha wañorã.

## 17

*Tesalónica majarã gũañorã Jesu yarã mera*

<sup>1</sup> Eropirã erã Anfípoligue eja taria, Apoloniague eja taria, Tesalónicague ejañorã erã. Ero judio masa buheri wihi árĩyoro.

<sup>2</sup> Eropigũ Pablo iri buheri wihigue wapũ ïgũ iiguaro dopa ta gajĩ macarigue árĩgũ. Eroguẽ eja, ùhre semana gohra erã soorinũre Sabadonũre Goãmũ yare iribojegue erã gojarare masare buhe, irire erã mera wereniguiũ Pablo.

<sup>3</sup> Eropigũ ïgũ Goãmũ yare wererũ òpa arĩgũ:

—Judio masa, mũa Opũ mũa coregũ Cristo árĩpũ masa ya árĩburire ñero taribu. Eropigũ ïgũ sĩaria waha masa mũriapũ. Eropigũ ihĩ Jesu yũhũ arĩ wererũ, ïgũ Cristo gohra ta ãhrimi marire taubu. ïgũ ta ãhrimi mũa coregũ. Eropa ta werea Goãmũ yare erã gojarapũ, arĩ wererũ Pablo.

<sup>4</sup> ïgũ eroparĩcũ peerã bajamerãgã ero árĩrã “Diaye ta ãhraa,” arĩñorã. Eropirã erã Pablo sã mera wañorã. Eropirã gajirã sã griego masa bajarã Goãmũre umupeorãpũ, Pablõre peerã erã mera majarã nome sã, bajarã oparã nome sã, ïgũre peerã Jesu yarã dujañorã. Eropirã Pablo sã mera wañorã.

<sup>5</sup> Judio masapũ erã eropa iicũ ïarã erãre ïhaturiñorã. Eropirã erã ñerãre mohmebirãre bajarãre sihu gameneo, òpa arĩdoreñorã: “Pablo ïgũ mera majarã mera ñero iirã iima,” arĩ gaguiniguĩdoreñorã erãre iri maca majarãre. Eropa gaguiniguĩrã árĩpehrerã iri maca majarãre guacũ iĩñorã Pablo sã mera. Eropirã erã judio masa Jasõ ya wihigue ñaja Pablo sãre amariñorã erãre masaguere omorã.

<sup>6</sup> Eropa amarã erãre bocabiriñorã. Eropirã Jasõre, gajirã Jesu yarã sãre ñeha tarawiriañorã erãre. Oparã pohroguẽ aĩ eja, òpa arĩ weresãñorã erã.

—Pablo sã masare árĩpehreroguerẽ garibotariañorã. Eropirã dohpãguere mari ya macaguere eratuhañama.

<sup>7</sup> Eropigũ ihĩ Jasõ erãre ïgũ ya wihigue ñajaridoreami. Erã árĩpehrerã mari weca opũ Roma majagũ ïgũ dorerire tarinũgama. “Gajigũ mũa opũ ãhrimi. Jesu ïgũ ta ãhrimi,” erã erĩcũ mari opũ César dorerire tarinũgama erã, arĩ weresãñorã judio masa erã oparãre.

<sup>8</sup> Erã eropa arĩ weresãcũ peerã, árĩpehrerã masa, oparã sã gua “¿Dohpã wahari?” arĩ pepiñorã.

<sup>9</sup> Eropirã oparã Jasõre, ïgũ mera majarã sãre niyerure wajayedore, wiucãñorã.

### *Pablo Sila mera Bereague ejañorã*

<sup>10</sup> Iri eropa wacũ iri ñami ta mata Jesu yarã Pablo sãre dihbu obeocãñorã Bereague. Eroguẽ eja judio masa buheri wihigue ñaja wañorã.

<sup>11</sup> Judio masa Berea majarãpũ Tesalónica majarã tauro Goãmũ yare òaro peerã árĩñorã. Eropirã erã Jesu yare erã peera puhũrũ “¿Diaye ta ãhri?” arĩ masidiarã, ùmuri nũcũ Goãmũ yare erã gojarapũre eropa buheniguicãñorã erã.

<sup>12</sup> Eropirã erã bajarã Jesure umupeoñorã. Griego masa sã, ùma, oparã nome mera Jesure umupeoñorã.

<sup>13</sup> Eropirã Pablo Bereague Goãmũ yare ïgũ buhecũ sãre peebeo Tesalónica majarã judio masa Bereague ejañorã. Eroguẽ ejarã, Berea majarãre quere goroweoñorã. Pablo sã mera guacũ iĩñorã erã.

<sup>14</sup> Erã eropa iicũ ïarã Jesu yarã Pablõre yojaro mera wũariya tũroguẽ obeoñorã. Eropigũ Sila, Timoteo mera Bereague ta dujañorã.

<sup>15</sup> Eropirã gajirã Pablõre Atenague aĩgã soñorã. ïgũre sotuhaja maji dujaa wañorã. Eroguẽ ejarã,

—Yojaro mera waha, wapicurã waque Pablöre, arĩ wereñorã Silare, Timoteo sãre. Eropa arĩ weredorepũ Pablo erãre.

### *Pablo Atenague árĩpũ*

<sup>16</sup> Eropigũ Pablo Atenague coregũ iipũ Sila, Timoteo sãre. Eropigũ Atena majarã erã goãmarã wéanirãre bajarã erã opacũ ñagũ Pablo bũrigã bũjawerepũ erã mera.

<sup>17</sup> Eropa bũjaweregũ judio masa buheri wihigue judio masa mera dũyaso wereniguipũ ñgũ. Eropigũ daja judio masa árĩbirã mera sãre wereniguipũ ñgũ. Erã yujurãyeri Goãmũre umupeorã árĩñorã. Eropigũ Pablo iri maca deco umũri nũcũ ñgũ pohrogue eropa curimaji ñajarã mera wereniguipũ.

<sup>18</sup> Gajirã epicũreo yare buherã, estoico yare buherã sã Pablo mera wereniguĩñorã.

—¿Ihĩ wereniguiri pehrebignũ dohpa arĩ wereniguignũ iiri ñgũ? arĩñorã erã.

Pablo Jesu yare, ñgũ masa mũriarare ñgũ werecũ peerã õpa arĩ pepiriñorã erã masa. “Ñgũ gajirã goãmarãre weregũ iicumĩ,” arĩ pepiriñorã erã.

<sup>19</sup> Erã peera pũhrũ erã wereniguirogue Areópago waĩcũrogue Pablöre aĩgãñorã.

—I buheri, mama buherire mũhũ dohpague wererare masidiaa gũa.

<sup>20</sup> Mũ buheri gajiropa ãhraa. Eropirã gũa irire masidiaa, arĩñorã erã Pablöre.

<sup>21</sup> Árĩpehrerã Atena majarã umũri nũcũ mama buherire wereniguidiañorã. Eropirã irire peediañorã. Gaji yeba majarã sã Atenague erarã eropa dihta iidiañorã. Eropirã Pablo ñgũ wererire peediañorã erã.

<sup>22</sup> Eropigũ Pablo Areópago waĩcũro wahgãñugaja õpa arĩ werepũ:

—Atena majarã, bajarã goãmarã wéanirãre mũa bũrigã umupeocũ masia yũhũ.

<sup>23</sup> I maca mũa ya macare goãmarã wéanirãre mũa umupeori gororire ñhacuriabũ yũhũ. Eropa ñhacurignũ yũ sã yuju gorogue mũa goja apirare buheabũ. “Goãmũ, mari masibignũ yare umupeori goro ãhraa,” arĩ gojarare buheabũ mũa irire apiroguere. Mũa ñgũre masibiriquererã ñgũre umupeoabũ mũa. Ñgũre ta mũa masibignũ weregũ iiaa yũhũ mũare.

<sup>24</sup> “Goãmũ árĩpehreri yebare, yeba maja sãre deyoro moañumi. Ñgũ umarore, yebare opũ árĩgnũ ñgũ masa erã iira wiri árĩbeami.

<sup>25</sup> Eropignũ ñgũ mari árĩricũre ognũ mari itamurire gamebeami. Ñgũ mojomorocũgnũ árĩbeami.

<sup>26</sup> “Ñgũ yujugnũ umũ mera árĩpehreri yeba majarãre masare iĩñumi. Eropignũ árĩpehreri yebaguere marire apiñumi ñgũ. “Ipẽ yoari boje õguere árĩrãcoma,” arĩgnũ queo apiñumi marire.

<sup>27</sup> “Erã amarã yũre bocarãcoma,” arĩ pepiñumi Goãmũ. Eropignũ Goãmũ yoarogue árĩbeami. Mari mera ta ãhrimi. Õpa arĩ gojañumi gajignũ.

<sup>28</sup> “Marire árĩcũ iimi ñgũ. Ñgũ maricũ mariboya mari sã. Eropignũ masa nũcũre eropa árĩniguicãmi ñgũ,” arĩ gojañumi. Mũa mera majarã iribojegue majarã bayarire õaro gojarã erã gojara ãhraa iri. “Mari sã Goãmũ porã ãhraa,” arĩ gojañorã erã.

<sup>29</sup> Eropirã mari ñgũ porã árĩrã, goãmarã wéanirãre, oro, plata, utã mera mũa gamero mũa iinirãre “Goãmũ ãhrimi,” arĩ pepibircãque mũa.

<sup>30</sup> Iribojegue masa masibirã erã árīnicũ erã ñero iiquerecũ ta Goãmũ eropa ñacãniñumi. Eropa iiqueregũ dohpaguepũre árīpehreri yeba majarãre erã ñerire bujaweredoremi Goãmũ.

<sup>31</sup> Pũhrũ ñgũ queorinũ árīpehreri yeba majarãre diaye ta beyegũcumi Goãmũ õarãre, ñerãre. Ñgũ beyedore ñgũ apidiro dopa Jesupũ beyegũcumi. Jesure sīridigũguere masupũ ñgũ. Eropa masugũ “Ihĩ yũ apidigũ ãhrimi,” arĩ, ñhmugũ ñpũ Goãmũ masare, arĩ werepũ Pablo Atena majarãre.

<sup>32</sup> Ñgũ eroparĩcũ sīrinirã masa mũriarare ñgũ wereniguicũ peerã gajirã ñgũre wereyañorã.

Gajirãpũ õpa arĩñorã:

—Dipaturi ire mũ werecũ gũa peediaa daja, arĩñorã erã Pablöre.

<sup>33</sup> Erã eropa arĩra pũhrũ Pablo waha wapũ.

<sup>34</sup> Eropirã bajamerãgã ñgũ mera árĩrã Jesure umupeonũgañorã. Dionisio Areópago majagũ oparã mera majagũ Jesure umupeonũgapũ. Dámari waĩcũgo sã, gajirã mera Jesure umupeonũgapo.

## 18

### *Pablo Corintogue árĩpũ*

<sup>1</sup> Eropigũ Pablo Atenague árĩdigũ waha Corinto waĩcũri macague ejapũ.

<sup>2</sup> Erogue ejagũ judio masũ Aquila waĩcũgũre bocajapũ ñgũ. Árĩpehrerã weca opũ Claudio waĩcũgũ judio masare Romague árĩrãre ñgũ cóãcũ Aquilapũ ñgũ marapo Priscila mera waha, Corintogue ejapũ. Aquilapũ Ponto waĩcũri yeba masa dehyoadigũ árĩpũ. Eropirã erã Corintogue árĩcũ Pablo erã pohrogue ejapũ.

<sup>3</sup> Aquila sã suhri wirire iirã árĩñorã. Pablo sã suhri wirire ñgũ ta árĩpũ. Eropigũ ñgũ erã mera mohme ero dujapũ.

<sup>4</sup> Eropigũ Pablo Sabado árĩcũ semanari nũcũ judio masa erã buheri wihigue judio masare, judio masa árĩbirã sãre Goãmũ yare werepũ.

—Ihĩ ñgũ wereniguiri diaye ta ãhraa, arĩñorã masapũ erã peera pũhrũ.

<sup>5</sup> Eropigũ Sila, Timoteo mera Macedoniague árĩnirã Pablo pohrogue ejañorã. Erogue erã ejara pũhrũ, Pablo suhri wiri mohmerire duhucã mũri nũcũ judio masare buhemũripũ.

—Jesucristo marire taubu mari coredigũ ta ãhrimi, arĩ werepũ erãre.

<sup>6</sup> Ñgũ eropa arĩ buhequerecũ ta judio masapũ ñgũre peediabiriñorã. Eropirã erã ñero quere goroweoñorã ñgũre. Erã eropa ñicũ Pablo erãre ñgũ turibodiro dopa ta, ñgũ suhri maja mera pasiri mehripũ.

—Mũa ya dipuwaja peamegue warãca. Goãmũ ñgũ dorediro dopa ta mũare buherabũ yũhũ. Mũapũ yũre peediabirabũ. Dohpague yũpũ judio masa árĩbirãre buhegũ wagũra, arĩpũ Pablo judio masare.

<sup>7</sup> Ñgũ eropa arĩra pũhrũ ñgũ erogue árĩdigũ waha, Tito Justo waĩcũgũ ya wihigue ejapũ. Justo Goãmũre umupeogũ árĩpũ. Ñgũ ya wihipũ judio masa buheri wihĩ pohro árĩyoro.

<sup>8</sup> Eropirã Crispo waĩcũgũ iri buheri wihĩ opũ, ñgũ marapo, erã porã mera mari Opũ Jesure umupeoñorã. Eropirã gajirã Corinto majarã bajarã Goãmũ yare peerã, Jesure umupeoñorã. Erã eropa umupeorã árĩcũ erãre waĩyepũ.

<sup>9-10</sup> Yũju ñami Goãmũ quẽrogue werepũ Pablöre. Ñgũre õpa arĩpũ:

—Mũ mera āhrraa. I macare yaharā bajarā āhrrima. Eropirā gajirā masa mũre ñero iimasibeama. Eropigũ güibita mũhũ. Eropigũ yahare burigã wereque. Eropa pepibircãque, arĩ werepũ Goãmũ Pablore.

<sup>11</sup> Eropigũ yuju bojori òaro gaji bojori deco gohra ero majarãre Goãmũ yare buhe, árĩmũripũ Pablo.

<sup>12</sup> Īgũ eropa árĩrisubu Galiõ waĩcũgũ Acaya yeba majarã opũ ĩgũ árĩcũ, judio masa árĩpehrerã yujuropa ta Pablore ñero weresãrã erañorã. Īgũre ñeha dipuwaja moadorerã pohrogue aĩgãñorã erã Galiõ pohrogue.

<sup>13</sup> Aĩgã òpa arĩ weresãñorã ĩgũre:

—Ihĩ masare Goãmũre umupeodoregũ i yeba maja doreripũre cóãdoremi, arĩ weresãñorã judio masa dipuwaja moadorerãre.

<sup>14</sup> Erã eropa arĩ weresãcũ peegũ Pablopũ erãre werediaripũ. Eropigũ Galiõ opũpũ judio masare werepũ.

—Ihĩ ñerire iidigũ árĩcũ gũa Romano majarã ya dorerire tarinũgagũ árĩcũ, mũare yũhriboaya yũhũ.

<sup>15</sup> Mũa ya doreripũre ihĩ tarinũgagũ ĩgũ árĩcũ mũa basi ire amuque. Ire masibeaa yũhũ mũa mera, arĩ werepũ ĩgũ judio masare.

<sup>16</sup> Eropa arĩgũ ta erãre Pablore weresãñirãre ĩgũ ya taribugue árĩrãre cohã wiucãpũ ĩgũ.

<sup>17</sup> Īgũ eropa cohã wiura pũhrũ árĩpehrerã iri wihi árĩrã Sóstenere judio masa buheri wihi opũre Jesu yagũre ñeha, dipuwaja moadorerã pohrogue pañorã ĩgũre. Erã eropa pacũ ĩagũ Galiõ eropa ĩacãpũ.

### *Pablo Antioquíague dujaa wapũ daja*

<sup>18</sup> Eropigũ Pablo Corintogue yoari boje árĩdigũ “Wagũ iiaa,” arĩ goeriserepũ ĩgũ Jesu yarãre.

Īgũ eropa arĩra pũhrũ ĩgũ Priscila, Aquila mera Siria yebague árĩri macague taribuja wapũ. Cencrea waĩcũri macague erã taribujara pũhrũ Pablo Goãmũre “Òpa mũre iibasagũra,” ĩgũ arĩrare iituhajagũ árĩpũ. Eropigũ eropa iigũ judio masa erã iiro dopa ta ĩgũ poarire wũapehocãdorepũ.

<sup>19</sup> Eropirã erã Efeso waĩcũri macague eja, Priscilare, Aquila sãre apipũ Pablopũ. Erãre ero api, ĩgũpũ judio masa erã buheri wihigue wapũ. Iri wihigue eja, Goãmũ yare werepũ. Eropa weregũ judio masa mera dũyaso werenigũpũ.

<sup>20</sup> Īgũ eropa werera pũhrũ ĩgũre erã mera dujadoreriñorã erã. Erã eroparĩquerecũ,

—Dujabeaa mũa mera, arĩpũ Pablo erãre.

<sup>21</sup> Eropa arĩgũ ta,

—Jerusaléngue yũre waro gahmea. Bosenũre ĩagũ wabu iiaa. Eropigũ wagũ iiaa. Goãmũ gamecũ dipaturi dujariboca, arĩpũ erãre.

Īgũ eropa arĩtuhaja Efesogue árĩdigũ taribuja wapũ.

<sup>22</sup> Eropigũ Cesareague taribujaja tarigã, Jerusaléngue eja. Erogue eja, ero majarã Jesu yarãre “¿Ñe āhriri mũa?” arĩ, erãre ĩha taria Antioquíague eja. daja.

<sup>23</sup> Ero bajamenũri árĩpũ. Ero árĩdigũ tariapũ. Galacia yeba árĩri macarigue, Frigia yeba árĩri macarigue dipaturi eja, iri macari majarãre Jesu yarãre buhe òaro mucubircũ ĩpũ.

### *Apolo waĩcũgũ Efesogue buherũ*

<sup>24</sup> Irisubure, judio masu Apolo waicugu, Alejandria maca majagu Efesogue ejaru. Igu oaro weremehregu ariru. Eropigu igu Goamu igu gojarare oaro masiru.

<sup>25</sup> Gajigu igure Goamu yare weretuhamuriru. Eropigu igu Nu waigegu igu buheri dihtare masiru. Eropa ariqueregu igu buriga mucubiriri mera Jesu yare oaro buheru.

<sup>26</sup> Eropigu judio masa era buheri wihigue igu guiro mariro erare buhenugaru. Igu eropa buhecú era peera puru Priscila Aquila mera igure era mera aigãnorã. Goamu yare oaro diaye oaro igu werepehobicú iarã diaye werepehocãnorã era igure.

<sup>27-28</sup> Eropigu igu Apolopu Acaya yebague igu wadiacú Jesu yarã igure "Oaro waque," arí, era gojarapurire onorã igure. Iripuri Acayague arirã Jesu yarare Apolore oaro bocatiridoreripuri ariyoro. Eropigu Apolo erogue ejaru ero majarare Jesure umupeorare Goamu mahiri mera oaro itamuru. Judio masare iri maca arirare opa arí wereru:

—Goamu igu obeodigu mua coredigu ahrimi Jesu. Cristo gohra ahrimi, arí wereru judio masare gajirã masa era iaro.

Igu eroparicú, Goamu wereniguri gojarapure oaro queroro werecu era pee "Diaye aribeaa," arimasibiriãnorã era. Eropigu Jesu mahiri mera Jesure umupeorare igu oaro itamuru erare Apolo.

## 19

### *Pablo Efesogue wapu*

<sup>1</sup> Corintogue Apolo igu aririsubu, Pablopú utã yucugue mari taria, Efesogue ejaru. Erogue eja, yujurayeri Jesu yarare bocajaru.

<sup>2</sup> Erare igu bocajara puru igu erare serëpi iaru.

—¿Mua Jesure umupeora puru muru Espiritu Santore opanugari? arí serëpi iaru Pablo.

Igu eroparicú peerã igure opa arí werenorã era:

—"Espiritu Santo ahrimi," arí ne werebirama guare, arí werenorã era.

<sup>3</sup> Erã eropa arí werera puru Pablo erare serëpi iaru daja:

—¿Noa ya buherire mua peera puru waigeari muare? ariru igu daja.

—Nu ya buherire gua peera puru waigeari guare, arí werenorã era.

<sup>4</sup> Erã eroparicú peegu opa ariru Pablo:

—Masa era ñeri iirare era duhucú iagu waigepu Nu. Eropiro igu waigepu era ñeri iirare era duhurare masare ihmuburi ariyoro. Eropigu gajino sare werenompu Nu. "Yu puru aribure igure umupeoque mua," ariru Nu masare. Eropa arigu Jesure ta umupeodoregu iiru, arí wereru Pablo erare.

<sup>5</sup> Igu eroparicú era peera puru, Jesu waí mera waigepu erare.

<sup>6</sup> Eropigu Pablo era yujurayeri weca igu mojotorire igu duhpeocú, Espiritu Santopú erapu eraguere. Igu eropa erara puru erapu peyamiriri yare werenigui, Goamu yare werenorã.

<sup>7</sup> Erã aripehrerã doce uma era arinãnorã.

<sup>8</sup> Puru Pablo judio masa era buheri wihigue ñaja, urerã abe gohra guiro mariro Goamu igu opu arirare were, werenigui era mera. Igure era eropa peera puru "Í diaye ta ahraa," arinãnorã era.

<sup>9</sup> Gajirapu peediabiriãnorã. Eropirã era masa era peuro iri oare buherire ñero arí werenigui ihmũnorã. Erã eroparicú peegu Pablopú Jesu yarare



sihu wiria, gajipugue waha wapɥ. Waha, Tirano waĩcugɥ ya buheri wihigue ɯmuri nɯcɯ masare Goãmɯ yare werepɥ igɥ.

<sup>10</sup> Pe bojori gohra buhepɥ erãre. Ĩgɥ eropa buhecũ árĩpehrerã Asia yeba majarã judio masa, judio masa árĩbirã mera mari Opɥ Jesu yare peeñorã.

<sup>11</sup> Eropigɥ Goãmɯ turari mera Pablo bajasuburi deyoro moarire ii ĩhmupɥ.

<sup>12</sup> Pablo ĩgɥ suhri gasirote, ĩgɥ suhrirote ĩgɥ dupɥ pẽhrera gasirote dorecurãre aĩgãñorã gajirãpɥ. Masa dorecurã iri suhrirete pẽhrerã ðarã wañorã. Eropirã watẽa ñajasũnirã iri suhrirete erã pẽhrera pũhrɥ watẽa wiria wañorã erãre.

<sup>13-14</sup> Gajirã judio masa eropa curiniguirã watẽare cóarã judio masa yeea árĩñorã. Esceva waĩcugɥ siete ĩgɥ porã árĩñorã. Escevapɥ judio masɥ pahia opɥ árĩpɥ. Eropirã erã Pablo ĩgɥ iidiro dopa ta Jesu turari mera watẽare cóadiariñorã. Eropirã watẽa ñajasũdigure boca watẽare doreriñorã erã.

—Jesu Pablo ĩgɥ weregɥ ĩgɥ turari mera dorea mware. Duhuque ĩre, arĩñorã erã.

<sup>15</sup> Watẽare erã wadorera pũhrɥ, watẽapɥ masugure òpa arĩñorã erãre.

—Jesure masia. Pablo sãre masia. Mwapure masibea, arĩñorã watẽa erãre.

<sup>16</sup> Erã eroparĩcũ ta watẽa ñajasũdigupɥ burigã erãre ñehamaa wapɥ. Eropigɥ erãre ñetariaro iipɥ. ĩgɥ eropa iira pũhrɥ suhri marirã, camicurã oma wiriañorã erã iri wihire watẽa cóadiarãpɥ.

<sup>17</sup> Erã eropa iira pũhrɥ árĩpehrerã Efeso majarã, judio masa, judio masa árĩbirã mera irire pee, gũitariacãñorã erã. Eropirã mari Opɥ Jesu yare wereyaro mariro wereniguiñorã masapɥ.

<sup>18</sup> Eropirã masa bajarã Jesure umupeorã erã ñero iirare wererã ariñorã.

<sup>19</sup> Erã mera majarã bajarã yeea árĩñorã. Eropirã erã erã gojarapũrirete purisiriri wereripũrirete erogue aĩgãri, masa erã ĩaro iripũrirete soe cóacãñorã erã. Iripũri wajacurare erã queocũ, árĩpehreripũri cincuenta mil plata árĩripũri wajacuriyoro iripũri.

<sup>20</sup> Eropirã Goãmɯ yare gamerã bajarã wañorã. Goãmɯ turari mera ĩgɥ yarã wañorã.

<sup>21</sup> Erã eropa wara pũhrɥ Pablo òpa arĩ pepipɥ: “Macedonia yeba ejamũhta, iri yebare taria Acaya yebaguere ejagura. Iri yebare yɥ ejara pũhrɥ Jerusalengue wagura. Iri macare yɥ ejara pũhrɥ Romague ĩagɥ wagura,” arĩ pepipɥ Pablo.

<sup>22</sup> Eropigɥ perãre ĩgure itamurãre ĩgɥ core obeomũhtapɥ Macedonia yebague. Timoteo Erasto sã arĩñorã erã. Eropigɥ Pablopɥ yujugɥ ta dujapɥ Asia yebague.

### *Efesogue masa gua gaguiniguiñorã*

<sup>23</sup> Irisubure Efesogue Jesu yare gajirã gamebirã Pablo sãre ĩhaturiñorã.

<sup>24</sup> Yujugɥ platare mohmegɥ Demetrio waĩcugɥ árĩpɥ. ĩgɥ plata mera erã goãmo Artemisa waĩcugɥgo umupeori wihi wẽara wirire mta wirigãre iigɥ árĩpɥ. Eropigɥ ĩgɥ gajirã plata mohmerã mera erã wẽanirãre wũaro dua wajatamuriñorã erã.

<sup>25</sup> Eropigɥ Demetrio gajirã plata mohmerãre sihu gameneo, werepɥ erãre.

—Peeque mwa. I mohmeri mera mari wẽanirã mera wũaro mari wajatarare masia mwa.

<sup>26</sup> Ihĩ Pablo ĩḡu iirare ĩḡu buhera sãre masia mũa. Őpa arĩ buhemi ĩḡu: “Goãmarã wéanirã masa erã iinirã ojocarirã árĩbeama,” arĩ weremurami ĩḡu. ĩḡu eroparĩcũ peerã, Efeso majarã, árĩpehrero Asia yeba majarã sã ĩḡu buherare “Diaye ta ãhraa,” arãñorã irire.

<sup>27</sup> Eropa arĩrã mari mohmerire mari wéarare masa gamesome. Eropirã mari goãmo wũago Artemisa ya wihire cóãbocoma. Eropirã árĩpehrerã Asia yeba majarã, árĩpehreri yeba majarã igore umupeosome pare. Eropirã masa igore masibirã mari wéarare asũsome, arĩpũ Demetrio erãre.

<sup>28</sup> ĩḡu eroparĩcũ peerã burigã gua, gaguinigiñorã:

—Artemisa Efeso majarã yago goãmo turago ãhrimo, arĩ gaguinigiñorã erãpũ.

<sup>29</sup> Erã eropa gaguiniguicũ Efeso majarã árĩpehrerã sã gaguiniguitaria wa pee masiri pehrea wañorã. Eropa warã Gayore, Aristarco sãre ñeha, masa erã gamenererogue erãre taragãñorã. Gayo, Aristarco mera Macedonia majarã árĩñorã. Pablo mera curirã árĩñorã.

<sup>30</sup> Erãre ñeacũ ĩha Pablopũ masa pohro wereḡu wadiaripũ. Jesu yarãpũ ĩḡure wadorebiriñorã.

<sup>31</sup> Eropirã gajirã sã iri yeba majarã oparã, Pablo mera majarã arĩrã erã pohro majarãre weredoreñorã Pablore:

—Masa erã gamenererogue wabiricãque, arĩ weredoreñorã oparã Pablore.

<sup>32</sup> Eropirã ero gamenererã mera majarãpũ bajarã “¿Duhpimorã mari gamenererã iiri?” arĩ masibiriñorã. Eropirã erã gaguiniginemoñorã. ĩpũḡue arĩrã gajiropa arĩ gaguinigui, gajirã sã gajiropa arĩ gaguinigiñorã.

<sup>33</sup> Eropirã judio masapũ Alejandro waĩcũḡure masare weredoreriñorã. Eropigũ Alejandro “Ejarimaricãque,” arĩḡu ĩḡu mojoto mera paatupũ. “Oã ḡuare judio masare turirã iima,” arĩ pepigũ judio masare cãhmotadiagũ wereniguiripũ.

<sup>34</sup> ĩḡu eropa wereniguidiaquerecũ judio masũ ĩḡu árĩcũ ĩarã masa árĩpehrerã yujuro mera pe hora gaguinigiñorã.

—Artemisa, Efeso majarã yago mari goãmo turago ãhrimo, arĩ, gaguinigiñorã erã.

<sup>35</sup> Erã eropa arĩ gaguiniguicũ ĩagũ Efeso majarã oparãre itamugũ masare “Ejarimaricãque,” arĩ, werepũ erãre.

—Mũa Efeso majarã peeque. Mari Efeso majarã turago Artemisa ya wihi corerã mari árĩcũ árĩpehreri yeba majarã masima. Eropirã igo wéarare umarogue dijaridigore diburã mari árĩcũ sãre masima masa.

<sup>36</sup> Eropirã “I diaye árĩbeaa,” arĩmasibeama. Eropirã guabiricãque mũa. Őaro pepique mũa.

<sup>37</sup> Oã mũa ñeagãrirã mari goãmore ñero arĩ wereniguibirama. Eropirã erã goãmarã ya wiriguere ñaja, yajabirama. Eropirã õaro iique mũa.

<sup>38</sup> Demetrio, plata mohmerã mera oãre mũa ñearãre weresãdiarã, dipuwaja moaropũre wereporo erã. Erã oparãre oãre weresãmasima.

<sup>39</sup> Mũa gajino iidiarã, õaro mera irire gamenere iique. Mũa iiro dopa ĩinemobiricãque.

<sup>40</sup> Dohpagãre mũa gua, gaguinirare mari oparã peerã, erã marire weresãbocoma. “Marire cóãrã iicoma,” arĩ pepirãcoma oparã marire. Eropirã mari arĩ gaguiniguirare erãre õaro diaye weremasibeaa mari, arĩpũ oparãre itamugupũ masare.

<sup>41</sup> Eropa arĩ weretuhaja, “Iripẽta ãhraa. Waque,” arĩpũ ĩḡu masare.

## 20

### *Macedonia yebague sãre, Grecia yebague sãre Pablo ejapũ*

<sup>1</sup> Erã eropa wara pũhrũ, Pablorũ Jesu yarãre sihu gameneo werepũ. Weretuhaja, mojoto ñeha, goeriserepũ. Goeriseretuhaja, Macedoniague waha warũ.

<sup>2</sup> Eroque eja were, ero majarã Jesu yarãre mucubiricã iipũ ãgu. Erãre weretuhaja, Greciague ejapũ ãgu.

<sup>3</sup> Erore ãgu Ƴrerã abe gohra áriũ. Ero áriũ Siria yebague taribuja wadiaripũ. Eropirã judio masa duhri, ãgure ñeadiariñorã. Irire pee Pablo gaji mague Macedonia wari mague waha warũ.

<sup>4</sup> Eropa wagũ Asiague ta ejapũ. Ero Berea majagũ Sópater waĩcũgũ Pablore wapicũgãpũ. Eropirã Tesalónica majarã Aristarco, Segundo sã ãgure wapicũgãñorã. Eropirã Asia majarã Tíquico, Trófimo sã Asiague ãgure wapicũgãñorã. Derbe majagũ Gayo waĩcũgũ Timoteo sã ãgu mera wañorã.

<sup>5</sup> ãgu mera majarã ãgu core waha, Troa waĩcũri macague ãgure coreñorã.

<sup>6</sup> Erã eropa corecã bugabiriri panre bari bosenu pũhrũ guapũ Filipogue árnirã dohodiru mera waha, cinco nũri taribujarã Troague gũa ejabũ. Siete nũri gohra áribũ gũa eroguerẽ.

### *Troague Pablo curigũ warũ*

<sup>7</sup> Soorinũ áricã Jesu yarã gamenere panre duhpeoñorã Goãmũ yare bocatĩrimorã. Erã eropa iiboro core Pablo erãre buhepũ. Eropigũ Pablo gajinũpũre wabu áriũgũ yoari boje ãgu buhepũ. Ñami deco mera buhe duhubu iiripũ.

<sup>8</sup> Eropirã erã Ƴmaro maja taribugue baja dipu sihãgori dipu áriũ taribugue gamenereñorã.

<sup>9</sup> Pablore erã peerisubu mamũ Eutico waĩcũgũ ventana weca mũribejaja doapũ. Eropigũ Pablo erãre yoari boje buhenemocã ãgu mamũre wũja ariyoro. Eropigũ ãgu carĩa wa Ƴhre caya wecague doadigũ majimadija warũ. ãgu eropa yuhridijara pũhrũ erã ãgure sĩriadigũguere aĩwahgũ doboñorã.

<sup>10</sup> Erã eropa iicã ãagũ Pablo dijari, mamũre papeopũ. ãgu eropa iira pũhrũ Jesu yarãre werepũ ãgu:

—Sĩporã ñebiricãque. Sĩribeamĩ ihĩ. Ojocarimi, arĩpũ Pablorũ.

<sup>11-12</sup> ãgu eroparicã mamũpũ sĩridigũpũ masa warũ. ãgu masacũ ãha erã mucubiritaria wañorã. Eropa mucubirirã Ƴmaro maja taribugue mũria, panre duhpeoñorã bocatĩrimorã. Erã eropa iira pũhrũ yoari boje Pablo erãre buhepũ daja. Boyoboro coregã erãre buheduhupũ. Buhetuhajacã waha warũ Pablo.

### *Pablo Troague árdigũ waha, Miletogue ejapũ*

<sup>13</sup> Pablo core dohodiru mera Asogue guapũ ejamũhtabũ. Pablorũ mague wadiami. Pablo ãgu arĩdiro dopa ta Asogue ãgure gũa bocatĩribũ.

<sup>14</sup> ãgure gũa bocatĩricã, gũa mera ñajami dohodirugue. Iriru mera waha, Mitilenegue gũa ejabũ.

<sup>15</sup> Eroguere eja taria gajinũ Quĩore tariabũ gũa. Gajinũ Samogue ejabũ gũa. Gũa carĩa pũhrũ gajinũpũre Miletogue ejabũ pare gũa.

<sup>16</sup> Pablo Pentecostenũ gohra Jerusalenguere ejadiami. Eropigũ Asia yebague yoari boje árdiabirimi. Eropigũ Efesore diaye taria, Miletogue ejatuhajabũ gũa.

*Pablo Efeso majarã Jesu yarã oparãre werepũ*

<sup>17</sup> Eropigũ Pablo Miletogue árĩgũ, Goãmũ yarã Efeso majarã Jesu yarã oparãre sihubeomi ĩgũ.

<sup>18</sup> Eropa ĩgũ sihubeora pũhrũ erã Pablo pohrogue erama. Erã eracũ ĩagũ erãre Pablo weremi.

—Asiague ne eragũ mũa mera yũ iirare masia mũa.

<sup>19</sup> Mũa mera árĩgũ ne gajiropa arĩro mariro Jesu mari Opũ yare iimũribũ yũhũ. Eropigũ mũaare mojomoro ĩabu. “Mũaare tarinũgaa,” arĩbirimũribũ yũhũ. Judio masa erã yũre ñero iiquerẽcũ ta Goãmũ yare iimũribũ yũhũ.

<sup>20</sup> Eropigũ mũa õaro waburi dihtare mũaare buhephecãbũ yũhũ. Masa erã ĩaro mũa wirigue sãre buhebũ yũhũ.

<sup>21</sup> Eropigũ judio masare, judio masa arĩbirã sãre yujuropa ta buhebũ yũhũ. “Mũa ñerire bũjawereque. Goãmũ yare gohrotoque. Eropirã Jesu mari Opũre umupeoque,” arĩ weremũribũ yũhũ.

<sup>22</sup> Eropigũ Espĩritu Santo ĩgũ dorediro dopa ta dohpaguere Jerusalẽgue wagũ iiaa. Yũ erogue wagũ yũ gajiropa waborore masibea yũhũ.

<sup>23</sup> Õpa arãmi Espĩritu Santo yare: “Jerusalẽgue mũhũ ñero tarigũca. Eropirã mũre peresu iirãcoma,” arãmi Espĩritu Santo yare. Dohpaguere yũ ejara macari nũcũgue eropa arĩ wereama yũre. Jerusalẽgue wagũ Espĩritu Santo ĩgũ werera dihtare masia.

<sup>24</sup> Eropigũ õari buherire, Goãmũ ĩgũ mahiri buherire werebu ãhraa yũhũ. Jesu mari Opũ ĩgũ ya arĩburire iipethodiaa yũhũ. Ire iigũ árĩgũ, yũ sĩriborore gũibeaa yũhũ.

<sup>25</sup> “Eropigũ mũa mera árĩgũ Goãmũ ĩgũ opũ arĩrãre weremũribũ yũhũ mũaare. Mũa yũ eropa arĩ buhenirãre ne dipaturi mũaare ĩasome yũhũ. Ire masia yũhũ.

<sup>26-27</sup> Eropa masigũ dohpagãre ire werea mũaare. Árĩpehreri Goãmũ yare werebũ yũhũ mũaare. Eropirã árĩpehrerã mũa mera majarã Goãmũ yare gamebirã erã árĩcũ yaha dipuwaja arĩbeaa.

<sup>28-29</sup> Mũa basi õaro iique. Eropirã mũa Jesu yarãre Espĩritu Santo mũaare ĩgũ ĩhadibudorerare ĩhadibuque. Ovejare ĩhadiburã ovejare erã ĩhadiburo dopa ta Goãmũ yarã sãre ĩhadibuque mũa. Goãmũ magũ ĩgũ sĩrigũ ĩgũ di cóãro mera Goãmũ erãre ĩgũ yarã arĩmorã iidi arĩmi. Yũhũ õre wara pũhrũ gajirã ñerãpũ mũa pohro ahri erã buheri mera mũaare goroweo dũca waricũ iirãcoma. Eropirã Jesu yarãre õaro ĩhadibuque.

<sup>30</sup> Pũhrũguere gajirã mũa mera majarã ta Jesu yarãre gũya, gaji buherire peedorerãcoma. Erã eropa peedorecũ erã peerãcoma.

<sup>31</sup> Eropirã õaro iique mũa. Æmũri nũcũ, ñamiri nũcũ mojomoro ĩari mera buhemũribũ yũhũ mũaare. Æhre bojori gohra õaro buhebũ mũa arĩpehrerãre. Irire yũ buhera õaro guñaniguicãque mũa.

<sup>32</sup> “Dohpaguere yũ wara pũhrũ Goãmũ mũaare ĩhadibugũcumĩ. ĩgũ mahiri buherire mũa buherã õaro arĩrãca mũa. Goãmũ ĩgũ buheri mera mũaare ĩgũ yarãre õaro itamumasimi. Eropigũ ĩgũ yarã dihtare ĩgũ iidiadiro dopa ta mũa tamerare õaro iigũcumĩ.

<sup>33</sup> Mũa niyeru oparire, mũa suhri opari sãre “Yũre oque,” arĩbirimũribũ.

<sup>34</sup> Yũ basi mohme wajatabũ yaha arĩburire. Eropigũ yũ gamerire, yũ mera majarã erã gameri sãre yũ mohme wajatara mera aĩmũribũ. Yũhũ eropa iirare masia mũa.

<sup>35</sup> Mari õpa bũrigã mohmerã gajino moorãre itamuro gahmea marire. Ire mũaare ii ĩhmumũribũ yũhũ. Jesu mari Opũ ĩgũ arĩrãre guñaque mũa.

“Īḡu ocã ñeadigũ tauro odigũpũ mucubirimi,” arĩpũ Jesu ĩḡu basi, arĩ weremi Pablo Jesu yarãre.

<sup>36</sup> Eropa arĩtuhaja Pablo erã mera mereja, Goãmũre serẽma.

<sup>37</sup> Īḡu eropa serẽtuhajacũ erã árĩpehrerã Pablõre pabua wayuporã mimi ore goeriserema.

<sup>38</sup> “Mũare dipaturi ĩasome yũhũ,” ĩḡu arĩcũ peerã bũrigã bũjowerema erã. Eropirã erã ĩḡure tuunũrusia buhama peramague. Erogue ĩḡure ĩhanũrusiama gũa wacũ.

## 21

### *Pablo dipaturi Jerusaléngue wapũ*

<sup>1</sup> Jesu yarãre “Wagũ iiaa,” arĩ, dohodiru mera, Cos waĩcũri nũḡurogue diaye waha taribujabũ gũa. Gajinũ Roda waĩcũri nũḡurogue taribujaja, taria, Pátara waĩcũri macague ejabũ gũa.

<sup>2</sup> Pátara árĩrã, Feniciague waburidirure dohodirure bocajabũ gũa. Eropirã iriru mera wabũ gũa.

<sup>3</sup> Eropa warã Chipre waĩcũri nũḡurore diaye ta ĩha tariabũ gũa. Copũ dujabũ iri nũḡuro. Iri nũḡurore taria, Siria waĩcũri yebague ejabũ gũa. Eropirã dohodiru maja doberire dohodiru majagũ Tiro waĩcũri maca ĩḡu durimujucũ, ero payanibũ.

<sup>4</sup> Ero Jesu yarãre ĩarã, siete nũri gohra dujanibũ gũa iri maca ta. Eropirã ero majarã Jesu yarã Espĩritu Santo ĩḡu werediro dopa ta erã Pablõre Jerusaléngue wadorebiririma.

<sup>5</sup> Erã eropa arĩquerecũ iri macare siete nũri gũa árĩra pũhrũ, waha wabũ daja. Gũa waboro coregã árĩpehrerã Jesu yarã, erã marasã nome mera, erã porã mera, maca tũro pohro ḡuare ĩhadujarã wama. Eropirã árĩpehrerã gũa imiporogue eja, mereja Goãmũre serẽbũ.

<sup>6</sup> Gũa eropa serẽra pũhrũ, “Warã iiaa,” arĩ, erãre pabuatuhaja goeriseretuhaja waha wabũ gũa. Gũa wacũ ĩhanũrusia, erãpũ majaa wama erã ya wirigue.

<sup>7</sup> Tiro waĩcũri macare maja tariabũ gũa. Eropirã Tolemaidague tuhajabũ gũa. Ero ta wũariyare watubũ. Iri macare eja, Jesu yarãre “Acawererã, ãhĩriri mũa?” arĩ, yujunũ erã mera árĩribũ.

<sup>8</sup> Eropirã iri maca ma buharo árĩcũ gajinũ daja Pablo mera mague wabũ gũa Cesarea waĩcũri macague warã. Erogue eja, õari buherire wereḡũ Felipe waĩcũḡũ ya wihigue ejabũ. Eropirã ĩḡu mera dujabũ gũa. Felipe Jesu yarã erã siete beyenirã mera majagũ árĩmi.

<sup>9</sup> Eropigũ ĩḡu wapicũrã nome pagũ árĩmi. Erã nomepũ Goãmũ yare wererã nome árĩma.

<sup>10-11</sup> Erogue gũa bajamenũri gũa árĩra pũhrũ, Agabo waĩcũḡũ Goamũ yare weremũhtagũ Judeague árĩḡũ ḡuare ĩagũ erami. Eropigũ ĩḡu Pablo yadare tuãdiuridare aĩ, ĩḡu basi ĩḡu guburire, ĩḡu mojotorire diri ĩhmu wereyũmi.

—Õpa arĩmi Espĩritu Santo. “Idare opagũ Jerusaléngue ĩḡu ejacũ, judio masa eropa ta dirirãcoma ĩḡure. Dirituhaja, judio masa árĩbirãre orãcoma erã ĩḡure,” arĩmi Espĩritu Santo, arĩ wereyũmi Agabo.

<sup>12</sup> Īḡu eroparĩcũ peerã, gũa Cesarea majarã mera Pablõre bũrigã mahibũ. Īḡure “Jerusaléngue wabiricãque,” arĩribũ.

<sup>13</sup> Gũa eroparĩcũ Pablopũ yũhrimi:

—¿Dohpa arĩ orerã iiri mua? Yũpũre bujawerẽcũ iiaa mua. Erã yũre peresu iicũ ðaroca. Yũhũ Jerusalẽngue Jesu mari Opũ yare yũ iira waja yũ sĩricũ ðaroca, arĩmi Pablo guare.

14 “Wabeaa,” ĩgu arĩcũ peediarã iiribũ gua. ĩgu “Wagura,” ĩgu arĩcũ, eropa pepicãbũ gua. Őpa arĩbũ:

—Mari Opũ ĩgu gamero dopa ta iiporo, arĩbũ gua.

15 Irire weretamutu, gua yare ahmu, waha wabũ daja Jerusalẽngue warã.

16 Erogue gua wacũ bajamerãgã Cesarea majarã Jesu yarãpũ gua mera wama. Eropirã Jerusalẽngue eja erã mera majagu Mnasón waĩcũgu ya wihigue ejabũ gua. Mnasón Chipre majagu ĩgu yoari boje Jesu buhegu arĩmi. Eropirã ĩgu ya wihi gua arĩguri wihi arĩbũ. Eropirã Jerusalẽngue ejabũ gua.

### *Pablo Santiagore ĩagu wapũ*

17 Jerusalẽngue gua ejacũ, ero majarã Jesu yarãpũ “¿Erarari?” arĩ, mucubiriri mera bocatĩrima guare.

18 Gajinũ Pablo gua mera Santiagore ĩagu ejami. Gua erogue ejacũ ero arĩpehrerã Jesu yarã oparã arĩma.

19 Eropigũ Pablo erãre ĩgu mojoto ñeara pũhrũ judio masa arĩbirãre ĩgu buherare werepehomi. Goãmũ ĩgu itamuri mera ĩgu iirare werepehomi Pablo Jesu yarãre.

20 ĩgu eropa arĩ werẽcũ peerã,

—Goãmũ ðagu, turagu ãhrimi, arĩ umupeoma erãpũ. Eropa arĩtuhaja erã Pablõre õpa arĩ werema.

—Acaweregu, dohpagure bajarã judio masa Jesure umupeorã ãhrima. Mũhũ irire masia. Eropirã erã õpa arĩ pepima: “Goãmũ ĩgu dorerire, Moisegue marire ĩgu apirare marire iipehoro gahmea,” arĩrã iima.

21 Őpa arĩnemoma erã. “Gajipũgue arĩrãre judio masa arĩbirã watope arĩrãre judio masare Goãmũ Moiserẽ ĩgu apirare ‘Iibiricãque,’ arĩ doremi Pablo,” arãma õ majarã judio masa mũre. “Pablo judio masa porãre mari dorero dopa miri gasirogãre wiri aĩdorebeamĩ,” arãma erã mũre. “Judio masa erã iidorerire Pablo duhudoremi,” arĩ i sãre werewũama mũre.

22 Eropirã mũhũ õre eracũ peerã erã gamenererãcoma mũre turimorã. Eropigũ õpa iiro gahmea mũre.

23 Mũre gua dorero dopa ta iique. Dohpague õre wapicũrã ũa Goãmũre umupeorã “Őpa iirãra,” arĩrã ãhrima.

24 Erã mera waque. Eropirã Goãmũ Moiserẽ ĩgu dorediro dopa ta erã basi Goãmũ yare iiburire iimorã erã ñeri iirire coerã iima. Mũ sã eropa ta iique. Eropa iigu erã eropa iira wajare wajayeque mũpũ. Mũhũ eropa wajayera pũhrũ erã poaire wũadoremasima erã. Mũ eropa iicũ ĩarã masa mũre erã arĩra iri gũyara arĩcũ masirãcoma erã arĩpehrerã. Goãmũ Moiserẽ ĩgu apira dorerire iigu mũ arĩcũ masirãcoma erã.

25 Judio masa arĩbirã Jesu yarãpũre gua gojarapũre obeotuhajabũ. Őpa arĩ gojabũ gua. “Goãmarã wãnirãre umupeora barire, dire, wũũũgu mohwejẽnirã waimũrãre babiricãque mua. Eropirã nome mera ñero iibiricãque. Nome sã ũa mera ñero iibiricãque,” arĩ were gojabũ gua gojarapũre, arĩma erã Pablõre.

### *Goãmũ wihigue judio masa Pablõre ñeãnorã*

26 Erã eropa arĩ wereniguirã pũhrũ gajinũ Pablõpũ wapicũrã ũa mera erã basi Goãmũ yare iimorã erã ñeri iirire coemorã, Goãmũ wihigue ñaja

wañorã. Iri wihigue ñajajagu, erãre werepu Pablo: “I nucu nuri duhyaa mua coeboro,” arĩ werepu igu wapicurãre. Eropirã erã coeturinu erã nucu Goãmure waimurãre erã oburinu arĩbu.

<sup>27</sup> Eropii erã coepehodiro merogã duhyacũ gohra Goãmu wihigue Pablo igu arĩcũ Asia yeba majarã judio masapu ñañorã igure. Eropa ñarã gajirãre iri wihi arĩrãre Pablo mera guacũ iññorã erã. Eropa guarã judio masa Pablöre ñeha opa arĩ gaguinigiññorã:

<sup>28</sup> —Mua gua acawererã Israe masa guare itamurã arique. Ihĩ ãhrimi. Moise dorerire i wihi sãre cóãdore buhemi arĩpehrerãre. Eropigu igu Goãmu wihiguere judio masa arĩbirã sãre aññajadi ãhrami. Eropigu i wihire ñeri mariri wihire igu goroweoadi ãhrami, arĩ gaguinigiññorã judio masa Asia yeba majarã ero majarãre.

<sup>29</sup> Ero core Jerusalén Pablo Trófimo mera igu arĩcũ judio masa ñañorã. Trófimo Efeso majagu judio masu arĩbiridigu arĩmi. Igu eropa arĩcũ masirã opa arĩ pepiñorã erã: “Pablo Trófmöre Goãmu wihire aññajagu iicumĩ,” arĩ pepiñorã judio masa.

<sup>30</sup> Masare erã eropa arĩ were erã gaguiniguira puhru iri maca majarã arĩpehrerã burigã guañorã. Bajarã omagãri, Goãmu wihi arĩgure Pablöre ñeha tarawiria wañorã. Tuhajanugu iri wihi disiporore bihañorã erã igugue ñajariri arĩrã.

<sup>31</sup> Eropirã erã igure wejẽmorã iiriññorã. Erã eropa iicũ ñarã gajirãpu wererã wañorã surara opure. “Arĩpehrerã Jerusalén majarã gamenere gua, gaguiniguirã iiami,” arĩ wererã wañorã surara opure.

<sup>32</sup> Erã eroparĩcũ peegu opupu igu surarare, erã dorerã sãre gameneo, erã mera Pablöre wejẽdiarã pohrogue omagã ejañorã. Surara erã ejacũ ñarã Pablöre panirã pa duhuñorã.

<sup>33</sup> Eropigu surara opu Pablo pohrogue eja, igure ñeha, peda comeda mera diridorepu. Erã dirituhajacũ ñha, opu Pablöre serẽpipu masare:

—¿Nihino ãhriri ihĩ? ¿Ñeheno dipuwaja igure eropa iiri mua? arĩ serẽpipu igu erãre.

<sup>34</sup> Igu eropa serẽpicũ peerã masapu “Õpa iiami igu,” arĩ, gajirã sã gajiropa arĩ, gaguiniguĩ wereñorã surara opure. Erã eropa gaguiniguicũ surara opu ñaro peebiripu. Eropigu igu surara ya wihigue Pablöre aĩgãdorepu.

<sup>35</sup> Iri wihigue eja, Pablo mურიariñere igu mურიacũ masapu igure padiarã cãhmotañorã. Erã eropa iicũ surarapu igure aĩcoã mურia wañorã.

<sup>36</sup> Masa bajarã erãre nurusia, gaguiniguĩ nurusiañorã.

—Iguere wejẽcãque, arĩ gaguinigiññorã erã Pablöre.

*Pablo “Ne masare ñero iibea yuhu,” arĩ werepu*

<sup>37</sup> Eropii Pablöre iri wihigue erã peresu iiboro core, Pablopupu opure serẽpipu.

—Yuhu mu mera weretamudiaca, arĩ serẽpipu Pablo.

—¿Muhu griego masa yare wereniguiri?

<sup>38</sup> ¿Sohõ arĩdigu, Egipto majagu arĩbeari muhu? Igu masare igu oparãre cóãdoregu, cuatro mil masa gamewejẽrãpore masa marirogue aĩgãapu. ¿Igu arĩbeari muhu? arĩpu opu Pablöre.

<sup>39</sup> Igu eroparĩcũ peegu Pablo yuhripu.

—Igu arĩbeaa yuhu. Judio masu ãhraa. Tarso Cilicia yeba arĩri maca masa dehyoabu yuhu. Bu arĩri maca majagu arĩbeaa yuhu. Yuhu oã masa mera wereniguiddia, arĩpu Pablo igure.

<sup>40</sup> Īgũ eroparĩcũ peegũ orupũ wereniguidorepũ masa mera. Eropigũ Pablo m̄ariariñegue nigui, ĩgũ mojotori mera “Ejarimaricãque,” arĩpũ masare. Īgũ eropa iicũ ĩarã, ejarimaripehrea wañorã. Erã ejari-maripehrecũ ĩha, Pablo judio masa ya mera werepũ erãre.

## 22

<sup>1</sup> Yũ acawererã, yũ iirare weregũra m̄are. Yũhũ werecũ peeque m̄a, arĩpũ Pablo.

<sup>2</sup> Īgũ eroparĩcũ Pablo judio masa ya mera ĩgũ wereniguicũ peerã masa ejarimarirõ dujañorã. Eropigũ Pablo erãre werepũ:

<sup>3</sup> —Yũhũ judio masũ ta ãhraa. Tarso waĩcũri maca, Cilicia yeba árĩri maca masa dehyoabũ yũhũ. Eropigũ i maca ta Jerusalén ta masabũ yũhũ. Eropigũ yũre Gamalie waĩcũgũ buhem̄rimi yũre. Eropigũ yũhũ mari ñecũ sũmarã m̄ra dorerire õaro buhebũ. Dohpagueere Goãmũre m̄a umupeoro dopa ta yũ sã umupeoniguia.

<sup>4</sup> Eropigũ Jesure umupeorãre ñero iim̄ricarabũ yũhũ. Yujurãyeri erãre wejẽcãm̄ricarabũ yũhũ. Ñmare, nome sãre ñeha, peresu iim̄ribũ yũhũ.

<sup>5</sup> Pahia orũ, m̄rã mera yũ eropa arĩri “Diaye ta ãhraa,” arĩ weremasima m̄re. Erã gojaripũrĩre Jesu yarãre ñeadoreburipũrĩre yũre gojabasama. Mari acawererãre Damasco majarãre iripũre ĩhmubu iiribũ Jesu yarãre ñeabu. Erãre ñeha, aĩgãri peresu iibu iiribũ. Jerusaléngue erãre aĩgãdiaribũ erãre dipuwaja moabu, arĩpũ Pablo.

### *Pablo Jesu yagũ ĩgũ warare werepũ*

<sup>6</sup> Eropa arĩtuhaja õpa werenemopũ:

—Jesu yarãre ñeari masũ wadigũ árĩqueregũ goeri boje árĩcũ, Damascogue yũ ejaboro pohro gohra árĩcũ ñmarogue goesiri medijubũ yũre.

<sup>7</sup> Ero eropa wacũ yebague mehmerejacarabũ yũhũ. Yũ mehmerejara pũhrũ wereniguigũ carimi yũre. “Saulo, ¿duhpigũ yũre ñero iiri m̄hũ?” arĩgũ carimi yũre.

<sup>8</sup> “Orũ, ¿nihino ãhriri m̄hũ?” arĩ serẽpibũ yũhũ. “Yũhũ Jesu Nazare majagũ, m̄ ñero iigũ ta ãhraa yũhũ,” arĩ yũhrimi ĩgũ yũre.

<sup>9</sup> Yũ eropa wacũ yũ mera majarã boyorore ĩama. Eropirã yũ mera ĩgũ wereniguicũ peebirima erã.

<sup>10</sup> “Orũ, ¿dohpa iigũcũri yũhũ?” arĩ serẽpibũ Jesure. “Wahgãnũgajaque. Damascogue waque. Ero m̄hũ wacũ, m̄re árĩpehreri yũ iidoreburire gajigũ weregũcumĩ m̄re,” arĩmi ĩgũ yũre.

<sup>11</sup> Bũrigã ero cuimijuro wacũ yũ cuiiri boboa wacarabũ yũhũ. Eropirã yũ mera majarã yũ mojotore ñeha, Damascogue tũã wahgãma yũre.

<sup>12</sup> “Ero Ananía waĩcũgũ, Goãmũre umupeogũ, marire Goãmũ dorerire iipehogũ árĩmi. Ero majarã judio masa árĩpehrerã erã umupeogũ árĩmi.

<sup>13</sup> Eropigũ ĩgũ yũ pohro eranũgara yũre weremi. “Acaweregũ Saulo, ĩaque dipaturi daja,” arĩmi ĩgũ. ĩgũ eropa arĩra pũhrũ dipaturi ĩabũ yũhũ daja. Eropigũ ĩgũre ĩabũ yũhũ.

<sup>14</sup> Yũ eropa ĩacũ ĩgũ Ananía yũre weremi. “Mari Pagũ ĩgũ gamerire õaro masibure iribojegue beyetuhapũ m̄re. Eropigũ ‘Yũ magũ õagũre ĩha peegũcumĩ,’ arĩ weremũhtapũ m̄re mari Pagũ iribojegue m̄ árĩboro core. ĩgũ ãhrimi mari ñecũ sũmarã m̄ra erã umupeodi.

<sup>15</sup> Eropigũ m̄ ĩarare m̄ peerare weregũca árĩpehrerãre.



16 Eropirã dohpaguere yoari boje árĩbiricãrã. Wahgãnugajaque. Eropigu waĩyedigu árĩque. Jesure mu serẽcũ mu ñerire cóãgucumi,” arĩmi ĩgu yũre, arĩpũ Pablo.

*Pablo judio masa árĩbirãre ĩgu buherare werepũ*

17 ĩgu eropa arĩtuhaja Pablo masare werenemopũ:

—Eropa iituhaja yũhu Jerusaléngue dujari, Goãmu wihigue Goãmure serẽgu ejabu.

18 Yũhu ero árĩcũ yũ Opũ Jesu yũre dehyoami. Eropa dehyoagu yũre weremi. “Jerusalén majarã yahare mu werecũ peediabeama. Eropigu duru gajipugue waque,” arĩmi yũ Opũ Jesu yũre.

19 ĩgu eroparĩcũ peegu werebu ĩgure: “Opũ, mu yarãre judio masa buheri wiri árĩrãre yũ ñeha para sãre, peresugue erãre iimurirare masima Jerusalén majarã.

20 Eropigu mu yare weregure Estebanpũre erã wejẽcũ ĩagu ðaro iirã wejẽma, arĩribũ. ĩgure erã wejẽcũ erã ya suhrire opabasabu yũhu. Iri sãre masima i maca majarã,” arĩ werebu yũhu Jesure.

21 Yũ eroparĩcũ peegu yũ Opũ yũre weremi: “Yoarogue judio masa árĩbirãre buhebure obeogura mũre. Eropigu waque mũhu,” arĩmi yũre yũ Opũ, arĩpũ Pablo masare.

*Surara opũ Pablo mera weretamupũ*

22 ĩgu weremuhtara dihtare ðaro peeriñorã masa. Eropa peequererã judio masa árĩbirã pohro Jesu Pablore ĩgu obeoburire ĩgu werecũ peerã erã gua gaguiniguinũgañorã daja.

—Ihĩ dohpague tamerare sĩricuraporo, arĩ gaguiniguinũgañorã erã.

23 Eropirã erã gaguinuginemo, guari mera erã suhrire wejẽsiribeo, nicu mera deañorã.

24 Erã eropa iicũ ĩha surara opũ surara ya wihigue Pablore añajadorepũ ĩgu surarare. Eropigu surara opũ “¿Duhpirã Pablo mera gua eropa siari gaguinuirã iiri masa?” arĩ serẽpidiaripũ. Pablore irire serẽpibu, yuradari mera tãradoreripũ ĩgure.

25 ĩgu tãradorequerecũ ĩgure erã dirira pũhũ, ĩgu pohro árĩgure surarare werepũ Pablo.

—Yũhu Roma majagu ãhraa. Eropirã “Ñero iigu ãhrimi,” yũre arĩmasibea mũa. Eropirã yuradari mera tãramasibea mũa, arĩpũ Pablo ĩgure.

26 ĩgu eroparĩcũ surara ĩgu opũre weregu wapũ.

—Ihĩ Roma majagu ãhrimi. Eropigu ðaro iique ĩre, arĩ werepũ ĩgu ĩgu opũre.

27 ĩgu eropa arĩra pũhũ surara opũpũ Pablore serẽpigũ wapũ.

—¿Diaye ta mũhu Roma majagu ãhriri? Wereque yũre irire, arĩpũ ĩgu.

—Ĩgu ta ãhraa yũhu, arĩ yũhripũ Pablo.

28 ĩgu eroparĩcũ peegu opũpũ ĩgure werepũ.

—Yũhu Roma majagu árĩdiagu niyeru wũaro wajayebu, arĩpũ ĩgu.

—Yũhu Roma maja macague masa dehyoabu. Eropigu Roma majagu ãhraa, arĩpũ Pablo.

29 ĩgu eroparĩcũ peerã ĩgure tãrabonirã waha wañorã. Eropigu Pablo Roma majagu ĩgu árĩcũ masigu, ĩgure comedari mera erã dirirare guñagu, güi arĩpũ surara opũ.

*Pablo judio masa opũre werepũ*

<sup>30</sup> Eropigu surara opu judio masa Pablora erã weresãrara ðaro masidiaru. Eropã masidiagu gajinugue comedarire igure igu pãdorera pãhrũ pahia oparãre, judio masa erã murã mera gamenedorepũ surara opu. Igu eropa gamenedorera pãhrũ igu erogue Pablora aigã, erã core duhudobopũ igure.

## 23

<sup>1</sup> Eropigu Pablo judio masa murã oparãre ãabocatĩunugaja werepũ:

—Acawererã, Goãmu igu ãaro umuri nãcu ðaro iiniguicãbu yũhu, arĩpu Pablo.

<sup>2</sup> Igu eroparĩcũ peegu arĩpehrerã pahia weca arĩgu opu Ananĩaru Pablo disirore padorepũ.

<sup>3</sup> Igu pohro niguirãre padorepũ. Igure erã para pãhrũ Pablo Ananĩare turipũ.

—Masa erã ãaro dihtare ðaro iigu ãhraa mũhu. “Goãmu dorerire tarinugagu iiaa,” yure arĩqueregu ta yure padorea mũhu. Eropã padoregu mũpũ dorerire tarinugagu iica, arĩpu Pablo igure.

<sup>4</sup> Igu eroparĩcũ peerã Pablo pohro niguirã ðpa arĩnorã igure:

—Goãmu igu beyedigu pahia opure ñero wereniguibiricãque mũhu, arĩnorã erã Pablora.

<sup>5</sup> Erã eroparĩcũ peegu Pablo arĩnemopũ:

—Acawererã, igu, igu pahia weca opu igu arĩrire masibirabu yũhu. Eropigu eroparĩmaacãbu yũhu. Goãmu ya erã gojarapũ ðpa arĩ werea igure: “Mũa maca majarã opure ñero arĩ wereniguibiricãque,” arĩ gojara ãhraa, arĩpu Pablo erãre.

<sup>6</sup> Eropirã ero pe curu majarã arĩnorã. Yuju curu saduceo masa arĩnorã. Gaji curupũ fariseo masa arĩnorã. Pe curu erã arĩcũ masigu, Pablo erãre busũro mera werepũ:

—Acawererã, yũhu fariseo masũ ãhraa. Fariseo masũ magũ ta ãhraa yũ sã. “Sĩrinirã masa mũriarãcoma,” yũ arĩ wereri dipuwaja yure ñero iidiaa mũa, arĩpu Pablo.

<sup>7</sup> Igu eroparĩcũ peerã fariseo masa, saduceo masa erã basi gameturiñorã. Eropirã erã basi pe curu dũca wariñorã.

<sup>8</sup> Saduceo masa ðpa arĩrã arĩnorã: “Sĩrinirã masa mũriasome. Espĩritua anyua sã ne marima,” arĩrã arĩnorã. Eropirã fariseo masapũ erã arĩro dopa arĩbiriñorã. Eropirã Pablo “Sĩrinirã masa mũriarãcoma,” igu arĩcũ erã erã basi gameturiñorã.

<sup>9</sup> Eropã gameturirã, bũrigã gaguiniguñorã. Eropirã fariseo masa mera majarã judio masa buherã wahgãnugaja, tuhri, wereñorã:

—Ihĩ Pablo ñero iibirami. Eropigu Espĩritu, o anyu diaye igu mera wereniguigu arĩbocumi. Eropirã igure dipuwaja moarã Goãmure ãhaturirã arĩboca mari. Eropiibiricãque, arĩnorã erã.

<sup>10</sup> Erã eropa arĩra pãhrũ erã arĩpehrerã gameturi, bũrigã guañorã. Erã eropa bũrigã guacũ ãha gũisãpũ Pablora surara opupũ. “Pablora patasiricãrãcoma,” arĩgu igu ya wihigue aigãridoregu igu masa watope igu surarare obeopũ.

<sup>11</sup> Gaji ñami Jesu mari Opũ Pablo pohro dehyoa, werepũ igure:

—Gũibiricãque. Dohpague ðre Jerusalengue yaha buherire wereabũ mũhu. Eropigu Romague sãre ðpa ta iigu waque, arĩpu mari Opũ Pablora.

### *Judio masa Pablora wejẽdiariñorã*

<sup>12</sup> Gajinũ ñamiñarigã arĩcũ judio masa bajamerã gamenereñorã.

—Ōpa iirā, arīñorā. Pablore wejēcārā. Eropirā ĩgure mari wejēboro core ihribicārā. Babiricārā. ĩgure wejēbirā oa mera sīrirā. ĩgure mari wejēbircū Goāmū marire wejēporo, arīñorā erā.

<sup>13</sup> Erā eropa arīrā cuarenta weca ñari judio masa árīñorā.

<sup>14</sup> Erā eropa arī wereniguira pūhrū erā pahia oparāre, murā sāre wererā wañorā:

—Pablore gua wejēboro core barire babeaa gua.

<sup>15</sup> Eropirā mūa, mari murā mera ōpa arī sihubeoque. “Pablore dipaturi serēpidiaca,” arībeoque surara opūre. Mūa eropa arīra pūhrū surara opūre aīgāridoreque Pablore. Eropirā Pablo ĩgu ōre ĩgu eraboro pohro gohra árīcū ĩgure wejērāca gua, arīñorā erā pahia oparāre.

<sup>16</sup> Eropigu Pablo tīgo magū erā eropa arī wereniguicū peepū. Erā eroparīcū peegu waha, surara ya wihigue Pablore weregū ñajapū.

<sup>17</sup> ĩgu eropa werera pūhrū Pablopū yujugū surarare sihubeo, wererū ĩgure.

—Ihī mamūre mū opū pohrogue aīgāque. Ihī mū opūre werediagu iimi, arīpū Pablo.

<sup>18</sup> ĩgu eroparīcū peegu surarapū Pablo tīgo magūre ĩgu opū pohrogue aī eja, wererū.

—Peresugue árīgu Pablopū yūre sihubeo, ĩre mamūre mū pohrogue aīgāridoreami. Ihī mūre weregū arīgu iiami, arīpū surara ĩgu opūre.

<sup>19</sup> ĩgu eroparīcū peegu opūpū mamūre ĩgu mojtore ñeha tuāgā, masa marirogue ĩgure serēpi ĩapū.

—¿Dohpa arību iiari mūhū yūre? arīpū ĩgu Pablo tīgo magūre.

<sup>20</sup> ĩgu eropa serēpicū peegu ōpa arī wererū.

—Judio masa yujuro mera, “Ōpa iirā,” arī, wereniguiama. Ñamigāre judio masa oparā pohrogue mūre Pablore aīgādorera. “Murā dipaturi Pablore serēpidiama,” arī gūyarācoma.

<sup>21</sup> Eropirā cuarenta weca ñari masa ĩgure wejēdiarā mague duhrinijarā corerācoma. Erā ĩgure wejēboro core barire basome. Eropirā ihrisome. “ĩgure mari wejēbircū, Goāmū marire wejēporo,” arāma erā erā basi. Eropirā dohpaguere mūre Pablore aīgāridorerā erāpū duhri coretuhajama Pablore wejēmorā. Eropigu erā wererā eracū erāre yūhribita mūhū, arī wererū mamū surara opūre.

<sup>22</sup> ĩgu eroparīcū peegu surara opū ōpa arīpū:

—Yūre mū wererare gajirāre werebircāque, arī wererū mamūre. Eropa arītuhaja mamūre “Wahanisa,” arīpū.

### *Pablore opū Feli waīcugū pohrogue obeopū*

<sup>23</sup> Eropigu surara opū perā ĩgu surarare sihugā, erāre dorepū:

—Doscientos surarare, setenta cabayu peyarāre, doscientos ñoseri mijiri oparāre Cesareague wamorāre erā yare amudorerā waque. Eropirā dohpagā ñami nueve árīcū mūa waborore coreque.

<sup>24</sup> Eropirā Pablore cabyuare ĩgu peyamorāre amubasaque. Opū Feli pohrogue, Cesareague ōaro sorā waque ĩgure, arīpū surara opū.

<sup>25</sup> Eropa arītuhaja papera gojapū. Ōpa arī gojapū ĩgu:

<sup>26</sup> “Yūhū Claudio Lisia mūre turagu opū Felire ōadorea.

<sup>27</sup> Judio masa ĩre ñeha, wejērama. Eropigu ĩgu Roma majagu ĩgu árīcū masigu, yū surara mera ĩgure itamugū ejabū.

<sup>28</sup> Eropigu ĩgure erā weresārare masidiagu judio masa oparā pohro aīgābū ĩgure.

<sup>29</sup> Eropigu ĩgu judio masa ya doreri dihtare ĩgu tarinugacũ, mari ya dorerire ĩgu tarinugabiricũ ĩagu, ĩgure peresugue apidiabirabu. Ñehe dipuwaja sĭriro mara ĩgure.

<sup>30</sup> Eropigu judio masa ĩgure wejĕdiarã, erã duhri corecũ ĩagu gajigu wereami yure. ĩgu eropa werera pũhrũ Pablöre dohpaguere mũ pohro obeogu iiaa. Eropigu ĩgure weresãnirãre ĩgu ñero iirare mũre weredore-tuhajabu yũhu,” arĩ gojapũ surara opũ.

<sup>31</sup> Eropirã surara erã opũ ĩgu dorediro dopa ta iĩnorã. Iri ñamire Antĩpatri waĩcũri macague Pablöre aĩ ejañorã.

<sup>32</sup> Gajinũ gajirã surara cabayua weca peyabirã iri maca ta dujariñorã erã ya macague. Gajirã surara cabayua peyarã dihta ĩgure aĩ tarigãñorã.

<sup>33</sup> Pũ Cesareague aĩ ejañorã Pablöre. Eropirã surara opũ ĩgu obeorapũre opũ Felire wiañorã. Eropirã Pablöre aĩ ejañorã opũ pohroque.

<sup>34</sup> Erã eropa wiara pũhrũ iripũre ĩgu ĩara pũhrũ ĩgu gajirãre serĕpi ĩapũ:  
—¿Di yeba majagu ãhriri ihĩ Pablo? arĩ serĕpi ĩapũ.

—Cilicia yeba majagu ãhrimi, arĩ wereñorã ĩgure.

<sup>35</sup> Erãre serĕpituhaja, Feli Pablöre wererũ:

—Mũre weresãnirã õre erã eracũ mũ wererire peegũra, arĩpũ Feli Pablöre.

ĩgu eropa arĩra pũhrũ Herode ya wihigue ĩgure apipũ. Eropigu ĩgu umare ĩgure coredorepũ ĩgu opũ.

## 24

### *Pablo “Ñero iibirabu,” arĩ wererũ Felire gajirã weresãra pũhrũ*

<sup>1</sup> Cinco nũri pũhrũ Ananía pahia opũ, judio masa erã mũrã, dorerire weremehregũ Tértulo waĩcũgu mera Cesareague ejañorã. Eropirã erã Pablöre weresãdiarã, opũ Feli pohroque ejañorã.

<sup>2</sup> Eropigu Pablöre erã gamenererogue erã aĩ ejara pũhrũ Tértulo ĩgure weresãnũgapũ. Eropa weresãnũgagu õpa arĩpũ Felire:

—Mũhu õaro masigu, gũa opũ mũhu õaro dorecũ gũa i yeba majarã õaro árĩcãa gũa gamequeãro mariro. Mũ doreri mera õaripũre gohroto iiaa i yeba.

<sup>3</sup> Eropirã gũa õaro árĩcãrã mucubiria. Eropirã mũ mera õaro mucubiria.

<sup>4</sup> Dohpague merogã mũre garibogũra yũhu. Merogã mũ mera wereta-mudiaca. Gũare peenique dohpa.

<sup>5</sup> Ihĩ gũare garibotariami. Árĩpehreri yebari majarãgue judio masare erã gũa gaguiniguicũ iimi ihĩ. Eropigu masa erã basi gameturisticũ iimi ihĩ. “Oparãre cóãrã,” arĩrã mera majagu ãhrimi ihĩ. Eropigu nazareno waĩcũri curu opũ ãhrimi.

<sup>6</sup> Eropigu Goãmũ wihire ñero ĩgu iidiacũ ĩarã gũa ñeabu ĩre. Gũa ñeara pũhrũ gũa ya dorerire ĩgu tarinũgagu árĩcũ ĩgure dipuwaja moadiarabu gũa.

<sup>7</sup> Eropa moadiaquerecũ surara opũpũ Lisia waĩcũgu ĩgure gũare turaro mera emacãmi.

<sup>8</sup> Pũhrũ ĩgure weresãnirãre mũ pohroque wadoreami Lisia. ĩgu eroparĩcũ peerã ahrabu gũa. Mũ tamera ĩre serĕpigũ, árĩpehrerire ĩgu ya dipuwajare masigũca mũhu, arĩpũ Tértulo Felire.

<sup>9</sup> ĩgu eropa arĩra pũhrũ gajirã judio masa Tértulo ĩgu arĩdiro dopa ta “Diaye ta ãhraa,” arĩñorã erã sã.

<sup>10</sup> Erã eropa arĩ weresãra pũhrũ opũ Feli Pablöre weredorepũ. Õpa arĩ wererũ Pablo:

—Baja bojori i yeba majaräre mü dorerare masia yũhũ. Eropigu yũ iirare müre weregu mucubiria.

<sup>11</sup> Doce nũri ta wahaa Jerusaléngue Goãmũre yũ umupeora pũhrũ. Mũhũ i diaye árĩcũ masidiagu gajiräre serēpi ãaque.

<sup>12</sup> Judio masa yũre Goãmũ wihiguere boca erã ñeacũ masare arĩ gaguiniguũ iibirabũ. Eropigu “Oparäre cóãque,” arĩgu iibirabũ. Eropigu judio masa buheri wirire, erã ya maca sãre ne ñero iibirimurabũ.

<sup>13</sup> Eropirã yũre weresãnrãpũ erã weresãrare “Õpa iiami ihĩ,” arĩ weremasibeama müre.

<sup>14</sup> Dohpague yũ iirare weregũra müre. Matague ta gua ñecũ sũmarã erã umupeodiro dopa ta Goãmũre umupeoa yũ sã. Eropigu Goãmũ yare iiaa Jesu ya õari buheri iri arĩro dopa ta. Oã “Jesu ya gũyabirari ãhraa,” arĩ wereniguima oã judio masa. Eropigu Goãmũ doreri, Moiseguere ãgu apirare iri sãre umupeoa yũhũ. Eropigu Goãmũ ya weremũhtanirã erã gojara sãre umupeoa yũhũ.

<sup>15</sup> Oã gajirã judio masa mera ta “Goãmũ árĩpehrerã masare sĩrinirãre õarã, ñerã mera erã masa mũriacũ iigũcumi,” erã arĩ pepiro dopa ta yũ sã eropa ta arĩ pepia.

<sup>16</sup> Eropigu dipuwaja mara yũhũ. Goãmũ irire masimi. Eropirã masa sã irire masima. Eropigu diaye ta werea yũhũ müre.

<sup>17</sup> “Gaji bojorire gajipũgue yũhũ curigu árĩgu dujarabũ Jerusaléngue. Yũ acawererã Jerusalén majarã mojomorocũrãre niyeru ogũ arigu iiabũ.

<sup>18</sup> Dujara, Goãmũre umupeobu ãgu ya wihigue ejarabũ. Eropigu Goãmũ ãgu coedorero dopa yũ basi iira pũhrũ waibũgure odiarabũ Goãmũre umupeobu. Erogue yũ árĩcũ oã judio masa yũre bocama. Erã bocacũ gajirã yũ mera majarã marama. Gua gaguiniguirã marama.

<sup>19</sup> Eropirã gajirã judio masa Asia yeba majarã ero ãhrama. Erã yũ ñero iicũ ãanirã árĩrã weresãrã ariporo õguere.

<sup>20</sup> Oã õgue árĩrãpũ judio masa oparã gamenererogue yũ árĩcũ ãanirã yũ erogue ñero iirare masirã, erã sã weresãporo.

<sup>21</sup> Gaji tamerare yũre erã weresãmasima: Erã mera árĩgu õpa arĩ bũrigã gaguiniguibũ yũhũ: “ ‘Sĩrinirã masa mũriarãcoma,’ yũ arĩra waja dipuwaja moaa mũa,” arĩbũ erãre, arĩ werepũ Pablo Felire “Ñero iibiribũ,” arĩgu.

<sup>22</sup> ãgu eropa arĩ werera pũhrũ Feli õpa arĩ werepũ Pablöre:

—Dohpaguere iripēta ãhraa. Surara opũ Lisia ãgu erara pũhrũ müre yũ iiborore masigũca yũhũ, arĩpũ Feli Pablöre. Felipũ Jesu yarã erã iirare õaro masipehogũ árĩpũ.

<sup>23</sup> Eropa arĩtuhaja, Pablöre coregũre surarare Feli õaro ãhadibudorepũ peresugue árĩgu duhriri arĩgu. Eropa ãhadibudorequeregũ õaro iidorepũ ãgũre. Eropigu merogã õpũ ãgu curiborore. Pablo mera majarãre ãgũre peresugue árĩgũre itamudoregũ eropa dorepũ Feli.

<sup>24</sup> Bajamenũri pũhrũ Feli ãgu marapo Drusila waĩcũgo mera ahri, Pablöre sihuñorã daja. Feli marapopũ judio maso árĩpo. Pablöre erã sihura pũhrũ, Jesucristore ãgu umupeorire Pablopũ werepũ erãre.

<sup>25</sup> Eropa weregũ, õarire, õaro guñamasirire, ñerire gamebiririre, pehrerinũ árĩcũ masare Goãmũ dipuwaja moaborore werepũ Pablo. ãgu eropa arĩ werecũ peegũ Feli gũigu, Pablöre werepũ:

—Dohpaguere waque. Pũhrũ yũre mohmeri maricũ sihugũra daja, arĩpũ Pablöre.

26 Eropa arĩgu, Pablo ĩgure niyeru ocũ gameripũ Feli. Eropigũ ĩgu niyerure gamegu, bajasuburi Pablöre sihu, ĩgu mera wereniguimuripũ Feli. Niyerure ĩgu wajayecũ ta Pablöre wiuboñumi gajisubu arĩgu.

27 Pe bojori pũhrũ Porcio Festo waĩcũgu Felire gohrotogu arĩpũ. Eropigũ Felipũ opũ arĩgu judio masare mucubiricũ iidiapũ. Eropigũ ĩgu Palöre peresu arĩdorepũ dohpũ.

## 25

### *Festore Pablo ĩgu iirare werepũ*

1 Eropii Festo iri yebague uħrenũ ĩgu opũ ñajara pũhrũ, Cesareague arĩdigũ waha, Jerusalėngue ejaũ.

2 Ero ĩgu ejaũ ĩha pahia oparã, judio masa oparã mera Pablöre erã weresãrare wereñorã Festore.

3 Pablo ĩgu mague wacũ iri mague ĩgure cohre, wejėdiariñorã ĩgure erã. Jerusalėn mague aricũ gameriñorã ĩgure wejėmorã. Eropirã erã oĩa Festore upũtũ serėriñorã:

—Pablöre oĩguere Jerusalėngue obeoque, arĩ serėriñorã erã Festore Pablöre wejėdiarã.

4 Erã eroparĩcũ peegu, Festo werepũ erãre:

—Dohpague Pablo Cesareague peresu aħrimi. Dohpague yũhũ erogue wabu iiaa.

5 Pablo ĩgu ñero iigu arĩcũ, mũa oparã Cesareague yũ mera waha, ĩgure weresãque, arĩpũ Festo.

6 Eropigũ Festo ocho o diez nũri erã mera ĩgu arĩra pũhrũ Cesareague dujaa warũ. Gajinũ ĩgu dipuwaja moadoreri wihi doagu, Pablöre aĩgãridorepũ.

7 Eropirã Pablo Festo pohrogue ĩgu eracũ, judio masa Jerusalėngue arinirãpũ Pablo pohro nigui, ĩgure bũrigã weresãnũgañorã. Eropa weresãquererã “Ihĩ ĩgu ñero iicũ ĩabũ,” arĩ weresãmasibiriñorã.

8 Erã eropa arĩ weresãra pũhrũ Pablo ĩgu iirare werepũ:

—Judio masa erã dorerire, Goãmũ wihi maja dorerire, Roma opũ ĩgu dorerire ne tarinũgagirabũ, arĩpũ Pablo.

9 Festopũ judio masare mucubiricũ iidiagu, Pablöre serėpipũ.

—¿Jerusalėngue wadiari mũhũ? Mũ iirare yũre erogue weregũca mũhũ, arĩpũ Festo Pablöre.

10 ĩgu eroparĩcũ Pablo yũhripũ:

—Arĩpėhrerã weca opũ ĩgu ya wihi dipuwaja moadoreri wihi aħraa dohpague. I wihino ta ohõ sã aħraa. Eropigũ yũ iirare ohõ ta amu purumujuque. Judio masare yũ ñero iibirirare oaro masia mũhũ.

11 Ñerire iigu dorerire tarinũgagu arĩgu “Yũre wejėbircãque,” arĩbiriboaya. Eropigũ oã weresãripũ gũyari iri arĩcũ yũre weresãnirãre yũre omasibea mũhũ. Yũ iirare arĩpėhrerã weca opũre Cėsare weregũ wadiaca yũhũ, arĩpũ Pablo.

12 ĩgu eroparĩcũ peegu Festopũ oaro masi wererãre serėpituhaja, werepũ Pablöre.

—Mũhũ arĩpėhrerã weca opũre mũ iirare mũ werediacũ, ĩgu pohrogue Romague obeorãra mũre, arĩpũ Festo Pablöre.

### *Pablo opũ Agripare ĩgu iirare werepũ*

13 Festo opũ ñajara pũhrũgue opũ Agripa, Berenice waĩcũgo mera Cesareague Festore ĩarã ejañorã.

—¿Ne, erarari mũ sã? arĩñorã erã Festore bocatĩri serėrã.

<sup>14</sup> Ero bajamenurigā erā árira pühru Festo werepu Agripare Pablöre erā iirare.

—Öre Feli igu peresu iidigu áhrimi.

<sup>15</sup> Eropirā Jerusaléngue yu wacū judio masa erā pahia oparā, erā murā mera ire weresāma. “Igu ya dipuwajare wejēque igure,” arī serēama erā yure.

<sup>16</sup> Erā eroparicū peegu yu ōpa wereabu: “Gua Roma majarāpu peresu erā iinirāre masare eropa ta ocābirimuribu. Eropigu igure osome muare. Gua ñeadigure igure weresānirā guare wereniguiboro core igure dipuwaja moamasibea gua. Igu basi sã igu iirare igu werenibiricū igure dipuwaja moamasibea gua,” arābu erāre.

<sup>17</sup> Eropigu ōre erā weresārā eracū iagu yoari boje iibirabu yuhu. Eropigu gajinure masa dipuwaja moadoreri wihi yu doagu, erā weresādigure sihubeoabu.

<sup>18</sup> Eropirā iri wihi igu eracū iarā igure ihaturirā wahgānugajama. Erā eropa wahgānugajacū iagu ñetariaro arī weresārācoma arī pepirabu yuhu erāre. Igu weresādiaquererā weresāmasibirama erā.

<sup>19</sup> Eropirā ire Goāmu yare igu werera dipuwaja judio masa igure ihaturiamā. “Jesu waicugu igu sīridigu masa muriadi árīmi,” arī igu werera waja weresāma ire. I dihtare weresāma.

<sup>20</sup> Ire masibigu igure ōaro serēpi iābu. “¿Jerusaléngue wadiacuri yu mera? Eroque wereque mu iirare yure,” arīrabu igure.

<sup>21</sup> Yu eroparicū peegu igupu wadiabirami. “Yu iirare árīpehrerā weca opure werediaca,” arāmi igu yure. Igu eropa arīra pühru ohō ta igure coreadoreabu árīpehrerā weca opu pohro igure yu obeoboro core, arīpu Festo Agripare.

<sup>22</sup> —Yu basi peediaca igure, arīpu Agripa Festore.

—Ñamigā ta igure peeguca muhu, arī yuhripu Festo.

<sup>23</sup> Eropirā gajinu árīcū Agripa, Berenice mera masa dipuwaja moadoreri wihigüe eja, “Oparā áhraa gua,” arīrā guhyadiaro ii ihmuñorā erā, surara oparā, iri maca majarā oparā mera. Eropa ii ñajarā iri wihigüere ñajañorā. Erā ñajajara pühru Pablöre sihubeopu Festo.

<sup>24</sup> Eropigu Festo ōpa werepu:

—Opu Agripa, mua árīpehrerā i wihire gamenererā peeque. Öre ihī bajarā judio masa erā weresāgu áhrimi. Jerusaléngue Cesareague säre erā igure weresāma. “Igu wejēque,” eropa arīniguicārā iima erā.

<sup>25</sup> Erā eropa arīquerecū ta ōpa arī pepia yuhu. Ihī ne ñero iidigu árībeami. ¿Ñehe dipuwaja mari wejēbocuri igure? Eropigu árīpehrerā weca opure César Augustore igu iirare igu werediacū árīpehrerā opu pohroque obeogura ire.

<sup>26-27</sup> Eropigu ihī igu iirare masibirinica yuhu dohpa. Eropa masibirinigu mari opure were gojamasibirica. Eropigu muare igu werecū peedoregu iiaa dohpaguere. Opu Agripa, dohpague tamerare ihī áhrimi mu serēpi iābu. Mu serēpi iatuhaja mari masira pühru ire erā weresārare ōaro were gojagura. Ihī igu ñero iirare yu masibiriqueregu ta opu pohroque igure yu obeocū ōabeaa. Eropigu dohpaguere erā weresārare ōaro masidiagu iiaa, arīpu Festo erāre.

## 26

*Pablo Agripare igu iirare werepu*

<sup>1</sup> Īḡu eropa arīra pūhrū Agripa Pablōre arīpū:

—Mū basi ta wereque, arīpū ĭḡu Pablōre. Īḡu eropa arīra pūhrū Pablōpū, “Ejarimaricāque,” arīḡu ĭḡu mojotorire aī wahḡūbeo, ĭḡu iirare wereñḡapū:

<sup>2</sup> —Opū Agripa, yūre judio masa erā weresārare, yū iirare mūre wereḡu, dohpagueere ōaro sīporācūa.

<sup>3</sup> Ḡua judio masa ḡua iiricūre, ḡua buheri sāre mūhū ōaro masicū tamerare mucubiria yūhū. Eropiḡu mūhū yūre ōaro peeque, arīñḡapū Pablo.

*Pablo Jesu yagū ĭḡu árīboro core ĭḡu árīricūrare werepū*

<sup>4</sup> Eropa arītuhajagū ōpa arīnemopū ĭḡu:

—Mamū árīḡu yū árīricūrare árīpehrerā judio masa masima. Ūmūri nūcū yū masa dehyoara pūhrū yaha yebagueere, Jerusaléngue sāre yū árīrare masima erā.

<sup>5</sup> Negohraguere fariseo masū árīribū. Eropiḡu fariseo masa erā dorere, erā iirinore yūhū ipehodigū árīcū erā masima. Erā mūre werediarā, irire weremasima erā.

<sup>6</sup> I dipuwaja ta yūre weresāmūrima. Ḡua ñecū sūmarāre “Sīrinirāre masugūra,” Goāmū ĭḡu arī apirare “Diaye ta āhraa,” yū arīri waja oā yūre weresāmūrima.

<sup>7</sup> Yū acawererā judio masa, árīpehrerā doce cururi majarā Goāmū masare ĭḡu masuborore mucubiri cohrema. Eropirā Goāmūre umupe-oniguicāma. Eropa corerā árīrā yū iiro dopa ta iima erā sā. Opū Agripa, eropa yujuropa ḡua iirā árīquerēcū ta erāpū yūhū ĭḡu masuborore ii coreri waja yūre weresāmūrima judio masa.

<sup>8</sup> ¿Duhpirā sīrinirāre Goāmū ĭḡu masuborore peediabeari mūa judio masa? arī werepū Pablo.

*Pablo Jesu yarāre ĭḡu ñero iirare werepū*

<sup>9</sup> Eroparītuhaja ōpa werenemopū:

—Jesu Nazare majagūre ĩanibigū dohpa ñeri dihtare iidiaribū yūhū ĭḡu yarāre.

<sup>10</sup> Eropiḡu Jerusaléngue eropa iimūribū yūhū. Pahia oparā yūre erā dorera pūhrū bajarā Jesu yarāre peresu iimūribū yūhū. Eropiḡu oparā erāre erā wejēdorecū, wejēmūribū yū sā.

<sup>11</sup> Bajasuburi árīpehreri judio masa erā buheri wirigū Jesu yarāre ñero iidoremūricarabū. Eropiḡu Jesu yarā Jesure erā cóācū iidiaribū yūhū. Erā mera būrigā guabū yūhū. Eropiḡu gajī macarigū sāre erāre ñero iigū ejamūricarabū yūhū, arī werepū Pablo.

*Pablo Jesu yagū ĭḡu warare werepū*

<sup>12</sup> Eropa arītuhaja ōpa werenemopū:

—Eropiḡu Damascogū Jesu yarāre ñero iidiaḡu ejaribū. Erāre yūhū ñero iidiacū ĩarā pahia oparā yūre wadorema.

<sup>13</sup> Ōpa árībū, opū Agripa: Goeri boje árīcū gohra mague yū wacū ūmaro maja gosesiriri, abe ūmū majagū tauro yūre yū mera warā sāre gosesiribū.

<sup>14</sup> Ḡua árīpehrerā yebague mehmerejabū. Judio masa ya mera yūre ĭḡu wereniguicū peebū. “Saulo, Saulo, ¿duhpigū mūhū yūre ñero iiri? Mūhū yū mera guagū yūre yūhribigū, mū basi ñero taria,” arīmi yūre.

<sup>15</sup> “Opū, ¿nihino āhriri mūhū?” arī serēpibū yūpū. “Yūhū Jesu ta āhraa mū ñero iigū.



16 Wahgānugajaque m̄h̄h̄. Ȳu pohro majagu m̄re iibu dohpague dehyoa ȳh̄h̄. Dohpagāre m̄h̄h̄ ȳre ĩarare, p̄h̄r̄h̄ m̄re ȳ ĩhmuburi s̄are gajir̄are weredorebu apiḡuca m̄re.

17 Judio masare, judio masa ár̄ibir̄a s̄are m̄re buhedoregu obeoḡura. Er̄a pohro m̄ ár̄ic̄ũ, m̄re er̄a ĩhaturic̄ũ m̄re itamuḡura.

18 Yahare er̄are masic̄ũ iique m̄h̄h̄. Eropigu er̄a ñerire duhuc̄ũ iique m̄h̄h̄. Ōarip̄are gohrotoc̄ũ iique er̄are. Wat̄ire er̄are gamebiric̄ũ iique m̄h̄h̄. Eropigu Goām̄u yap̄are iic̄ũ iique m̄h̄h̄ er̄are. M̄h̄h̄ eropa iic̄ũ er̄a ȳre umupeor̄acoma. Er̄a eropa umupeoc̄ũ ĩagu er̄a ñeri iirare c̄adijiḡuca. Eropir̄a er̄a Goām̄u ĩgu beyenir̄a mera majar̄a mera ár̄ir̄acoma. Ĩgu oburire opamor̄a ár̄ir̄acoma er̄a,” ar̄imi Jesu ȳre, ar̄i werer̄u Pablo.

*Pablo ĩgu iirare ĩgu mohmerire werer̄u*

19 Eropar̄ituhaja ōpa werenemop̄u:

—Op̄u Agripa, umaro maja ȳ peerire tarinugabirib̄u.

20 Damascogue buhem̄htab̄u. P̄h̄r̄h̄ Jerusalén buheb̄u daja. P̄h̄r̄h̄ Judea yeba, judio masa ár̄ibir̄a pohrogue s̄are masare er̄a ñero iirare bujaweredore, Goām̄u yare gamedoreb̄u. “Ōarire m̄a iic̄ũ ĩar̄a m̄a ñeri iirare m̄a bujawererare gajir̄a masir̄acoma,” ar̄igu, er̄are ōarire iidoregu buheb̄u.

21 Goām̄u ya wihi ȳ ár̄ic̄ũ ȳ eropa ar̄i wereri waja judio masa ȳre ñeha wej̄ediarima.

22 Eropigu um̄ri n̄c̄u Goām̄u ĩgu itamuro mera eropa buheniguic̄aa. Eropigu dohpaguere m̄a ár̄ipehrer̄are opar̄are bu ár̄ir̄a s̄are ĩgu yare werer̄u iiaa. Iribojegue majar̄a Goām̄u yare werem̄htanir̄a Moise mera er̄a weredyuro dopa ta werea ȳ s̄a. Ōpa ar̄i weredyuñor̄a er̄a:

23 “Cristo Goām̄u ĩgu obeodiḡur̄u ñero tariḡucumi. Eropigu s̄iriḡu masa m̄uriam̄htaḡu ár̄iḡucumi ĩgu. Eropigu masare ĩgu itamuborore judio masare judio masa ár̄ibir̄a s̄are masic̄ũ iiḡucumi,” ar̄i weredyu gojam̄ur̄iñuma iribojegue majar̄a. Ȳ s̄a er̄a weredyuro dopa ta werea, ar̄i werer̄u Pablo Agripare.

*Pablo Agripare Jesu yagu iidiarip̄u*

24 Ĩgu eropa ar̄i werera p̄h̄r̄h̄ Festo ĩḡure buriḡa gaguinigui wereniguip̄u:

—Pablo, m̄h̄h̄ gorowereḡu āhraa. M̄h̄h̄ baja buhegu gorowereḡu wahaa, ar̄i gaguinigui Pabl̄ore.

25 Ĩgu eropar̄ic̄ũ peegu ōpa ȳh̄rip̄u Pablo Festore:

—Op̄u, gorowereḡu ár̄ibeaa ȳh̄h̄. Ȳ wereri diaye ta āhraa. Eropigu ȳh̄h̄ ire guhyadiaro mera ar̄aa.

26 Op̄u Agripap̄u i ȳ wererire ōaro masimi. Eropigu ȳh̄h̄ ĩḡure güiro mariro werea. I wererire ár̄ipehrer̄a masa masima. Eropigu ár̄ipehreri ire ȳ ar̄ir̄are op̄u Agripa ĩgu masic̄ũ masia ȳh̄h̄, ar̄ip̄u Pablo Festore.

—Ĩgu eropa ar̄ituhaja ōpa ar̄ip̄u Agripare:

27 —Op̄u Agripa, Goām̄u ya werem̄htanir̄a er̄a wererare peea m̄h̄h̄. Er̄a wererire m̄ peec̄ũ masia ȳh̄h̄, ar̄ip̄u Pablo Agripare.

28 —¿Ire ȳre werer̄u meroḡa m̄ wereri Jesu yagu ȳ wac̄ũ iidiaгу iiri m̄h̄h̄? ar̄ip̄u Agripa Pabl̄ore.

29 Ĩgu eropar̄ic̄ũ Pablo ȳh̄rip̄u.

—Meroḡa wereniguigu o yoari boje wereniguigu m̄a ár̄ipehrer̄are ȳh̄h̄ ar̄iro dopa ta Jesu yar̄a ár̄ic̄ũ gahmea. Irire ser̄ebasaa Goām̄ure. Eropigu ȳ iro dopa ta peresugue m̄a ár̄ic̄ũ tamerare gamebeaa ȳh̄h̄, ar̄ip̄u Pablo.

30-31 Īḡu eropa arīra pūhrū Agripa, Festo, Berenice árīpehrerā gajirā mera wahgānuga wiria, erā basi wereniguiñorā:

—Ihī ĩḡu iira waja ne peresu iimasibea mari. ¿Eropirā mari ñeheno dipuwaja ĩḡure wejēbocuri? arī wereniguiñorā erā erā basi.

32 —Ihī “Árīpehrerā weca opūre yu iirare werediaca,” ĩḡu arībiricū mari wiuboaya ĩḡure peresugue árīḡure, arīpū Agripa Festore.

## 27

### *Pablo ĩḡure weresārare Romague weregū wapu*

1 Pablöre Italiague árīpehrerā weca opu pohrogue dohodiru mera obeorā, ĩḡu mera gajirā peresu árīrā säre obeoñorā. Eropirā Julio waīcugure erāre ĩhadibudorerā obeoñorā erā. Julio cien surara opu árīpū. ĩḡu ya curu Augusto yarā surara waīcūñorā.

2 Yu sā Pablöre wapicugābū. Eropirā Adramitio waīcuro majaru dohodiru mera ñajabū gua. Iriru Asiague waburiduru árībū. Ñajatuhaja, iriru mera wabū. Aristarco Tesalónica waīcūri maca majagu gua mera wami. Tesalónica Macedonia yeba árībū.

3 Gajinū gua Sidóngue ejabū. Erogue ejagu Julio Pablöre ōaro iimi. Eropigū Pablöre ĩḡu mera majarā pohrogue ĩagu wadoremī. Eropigū Pablo mera majarā ĩḡure ĩḡu gamerire erā ocū “Ōaroca,” arīmi Julio.

4 Dohodirugue ñajarā daja gua taribujacū bārigā miruñe guare gajipugue weātaribujubū. Eropirā Chipre waīcūri nūguro cāhmotarogue diayerū wabū gua.

5 Pu Ciliciare taria, Panfilia säre taria, Mira waīcūri macague Licia yebague árīri macague tuhajabū gua.

6 Erogue ejarā, Alejandriague aridirure, Italiague wadirure dohodirure bocabū. Eropigū surara opu guare irirugue wadoremī.

7 Bajanūri dabero waro waha, “Ñe yeboca,” arī, waha, Gnido waīcūri maca diaye ejabū gua. Erogue eja taria, miruñe bārigā weā, gua wadiadirore guare weābeobiribū. Eropirā gua copugue majipa wabū. Eropirā Creta waīcūri nūguro iri nūguro cāhmotari masepū gua taribuja waha, Salmón waīcūri ñorore tariabū gua.

8 Erogue tari, iri nūguro pohro waha, “Ñe yeboca,” arī waha, “Ōari peramaha” waīcūrogue tuhajabū. Peramaha Lasea waīcūri maca pohrogue árībū.

9 Erogue gua yoari boje árīra pūhrū, gua waboropū guhyataribū. Eropiro erā ba duhurinū bosenu tarira pūhrū, Pablo dohodiru majarāre weremī.

10 —Peeque mūa. Ba duhurinū bosenu pūhrū mari wacū marire mirimaja guhyataria. Iru dohodiru, dohodiru maja, mūa doberi sā mari mera majarā sā mari dedereboca warā, arīrimi Pablo.

11 ĩḡu eroparīquerecū surara opu dohodiru opūpūre peegu, autugū säre peegu, Pablo ĩḡu wereripūre peediabirimi wadiagu.

12 Erā payari peramaha puhiró árīcū ōari payari peramaha árībiribū. Ero eropa árīri peramaha árīcū dohodiru majarā bajarā wadiarā, Fenicegue mūriadiarima puhiró waboro core. Fenice Creta waīcūri nūguro maja peramaha árīro, miruñe ero aridirogue abe mūririroguerpū copugue diayerugue säre ĩhabeo miruñe aricū ōaro cāhmotari maca árībū. Ero eropa árīri peramaha árīcū masirā erā erogue yuju puhibugū árīrisubū árīdiarima.

*Wñariyague miruñe, deco wñaro ariyoro*

13 Eropii docapꝰ surgue daberogã miruñe arinꝰgabꝰ. “Dohpagãre ðarinꝰ mari waburinꝰ ãhraa,” arĩ pepiriñorã erã. Miruñe ero aricũ erã comeyere tarawahgũ, Creta nꝰguro pohrogã mꝰriabꝰ gꝰa.

14 Eropii pꝰhrũñari miruñe gohroto noreste waĩcũri miruñe bũrigã weãbꝰ.

15 Eropiro dohodirure miruñe bũrigã weã erabꝰ. Miruñe ero weãbeoro wamasibiri, majipa, miruñe mera wabꝰ gꝰa.

16 Clauda waĩcũri nꝰgurogã pohrogue docapꝰgue waha, iri nꝰgurogã gꝰare merogã cãhmotabꝰ. “Marire yebo ãhraa,” arĩrã erore dohodiru majaru miridirugã gasirure ðaro tarapeo diribꝰ gꝰa.

17 Irirure dohodirugue gꝰa tarasã diripehora pꝰhrũ wũarida mera erã waĩñea peoma. Libia yeba tũro pohro árĩri imipororire “Iriru gasiru dohodiru iri mehtuhajari,” arĩrã gũi árĩma erã. Eropirã erã miru ñeari suhrire erã aĩdijura pꝰhrũ dohodiru dihtare miruñe weãbeobꝰ.

18 Miruñe, deco mera bũrigã aribꝰ. Gajinꝰ sãre miruñe mꝰraro ta daja aricũ ãarã erã erã doberire diague duhrimeyura pꝰhrũ taribujabꝰ gꝰa.

19 Gajinꝰ dohodiru majare diague cóãma erã erã basi.

20 Bajanũri ñĩpirinũri árĩcũ, abe ɸmꝰ majagꝰ necã sã ne deyobirima. Eropiro bũrigã miruñe aribꝰ. Eropirã “Miria wahaa mari. Eropirã sĩria warãca,” arĩ pepiribꝰ gꝰa.

21 Eropigũ Pablo yoari boje erã ba duhura pꝰhrũ ãgũ erã core nꝰgaja, weremi erãre.

—Mũare yũ werecũ peebirabꝰ mꝰa. “Cretague árĩrã mari wacũ gũhya árĩca,” yũhũ arĩcũ peebirabꝰ mꝰa. Yũre peerã, iru maja árĩpehrerire dedeobiriboaya mꝰa.

22 Eropigũ dohpague mũare werea. Guñaturaque. Eropirã gũibiricãque. Árĩpehrerã mari tarirãca. Iru dohodiru dihta marire wahribasaroca.

23 Dohpagã ñamire Goãmꝰ anyu yũre dehyoami. Goãmꝰ yagũ ãhraa yũhũ. Eropigũ ãgũre umupeoa yũhũ. Anyupũ yũ pohro arigũ wereami.

24 “Pablo, gũibita. Árĩpehrerã weca opũre mꝰ iirare mũre werero gahmea. Goãmꝰ ðagũ ãhrimi. Eropigũ ãgũre mꝰ serẽro dopa ta dohpague mꝰa mera majarã sãre itamugꝰcumi,” arãmi yũre anyu. Eropirã gũibirãta mꝰa.

25 Anyu yũre ãgũ arĩdiro dopa ta eropa waroca. Goãmũre umupeoa yũhũ. Eropigũ ãgũ werediro dopa ta “Diaye ta ãhraa,” arĩ pepia yũhũ.

26 Marire nꝰgurogue miruñe weãbeo cóãroca, arĩ weremi Pablo erãre.

27 Yũju ñami pe semana pꝰhrũ wũariya Adria waĩcũriya miruñe gꝰare bũrigã weãbꝰ. Irisubure ñami deco dohodiru majarã ɸmapꝰ “Tũrogue ãhraa mari,” arĩ pepima erã.

28 Erã eropa arĩ pepirã yurada nꝰcũdiru comerure dihri, duhmiumediju queoñama. Treinta y seis metro gohra ãhcãbꝰ. Mero ta waha, queoma daja. Irisubure veintisiete metro gohra ãhcãbꝰ.

29 Eropirã ɸtãre mehtuhajari arĩrã dohodiru auturogue wapicũriye comeyerire dirimiu dijuma erã diague dabero wacũ gamerã. Eropirã “Yojarõ boyoporo,” arĩrã, bũrigã serẽma erã.

30 Dohodiru majarã ɸmapꝰ erã dihta duhririma. Erã miridirugãre dohodiru majarure diague taradijupo dohodiru ãgũiru come dipure erã dijudio dopa ta iirima erã miridirugã marire ãhari arĩrã.

31 Erã eropa duhridiaquerecũ Pablo erã eropa iicũ masigũ surara opũre, ãgũ surara mera weremi:

—Oã, ɯma miridirugã mera erã wacũ mɯa árĩpehrerã sĩrirãca, arĩmi Pablo.

<sup>32</sup> Ĩgɯ eroparĩcũ peerã surarapɯ miridirugãre diriridarire wirita, irirure cóãcãma.

<sup>33</sup> Boyoboro coregã Pablo erãre badoremi.

—Pe semana gohra mɯa ne babeaa.

<sup>34</sup> Eropirã dohpaguere barã arique. Eropigɯ mɯare badorea. Mɯa ojocaridiarã baque. Árĩpehrerã mɯa tarirãca, arĩmi Pablo erãre.

<sup>35</sup> Ĩgɯ eropa arĩra pɯhrɯ Pablo panre aĩ, árĩpehrerã erã pohro Goãmɯre “Ōhaa,” arĩ, duhpeo, irire bami ĩgɯ.

<sup>36</sup> Ĩgɯ eropa bacũ ĩha erã sĩporã turarã waha, árĩpehrerã erã sã bama.

<sup>37</sup> Gɯa árĩpehrerã doscientos setenta y seis masa dohodirugue árĩbɯ gɯa.

<sup>38</sup> Eropirã erã árĩpehrerã yapia waha “Iru dohodiru nɯcɯ árĩca,” arĩ, baja trigo barire diague cóãma daja.

### *Dohodiru imiporogue mehbejayoro*

<sup>39</sup> Boyocũ dohodiru majarã ɯma nɯgɯore ĩarã, “Ōpa waĩcɯri nɯgɯro ãhraa i nɯgɯro,” arĩ ĩha masibirima. Eropirã erã dipatũgure imiporo árĩcũ ĩarã, “Mari iritũgugue warã, erogue mehmejaboca imiporogue,” arĩma erã.

<sup>40</sup> Eropa arĩrã, come dipure diriridarire wirita medijucãma erã. Erã eropa iira pɯhrɯ dohodiru ĩguiru maja suhriro aĩ wahgũ nuguma diaye miruñe weãbeocũ gamerã.

<sup>41</sup> Eropiro dohodirupɯ ĩguirupɯ imiporogue sĩmaja merejamasibiribɯ. Eropiro auturore bɯrigã pãgũri pamehtucũ iriru auturo wahria wabɯ.

<sup>42</sup> Eropa wacũ ĩarã ōpa arĩma surara.

—Iru miricũ mari peresu iinirã tɯroque baatuhaja duhricãrãcoma. Eropirã erãre wejẽpehocãrã, arĩrima surara.

<sup>43</sup> Eropigɯ surara opɯpɯ Pablora wejẽdiabigɯ árĩpehrerã peresu árĩrãre wejẽdorebirimi. Eropigɯ árĩpehrerã baamasirãre surara opɯ mata tɯroque baatujadoremi.

<sup>44</sup> Eropirã gajirã dohodiru maja wahrira mijiri mera yuuriñaja, iri mijiri weca peya baa majama. Gɯa eropa iirã gɯa árĩpehrerã tɯroque tuhajabɯ ōaro.

## 28

### *Pablo Malta waĩcɯri nɯgɯro árĩpɯ*

<sup>1</sup> Eropii iri nɯgɯroque gɯa árĩpehrerã majajanɯgajara pɯhrɯ iri nɯgɯro waĩre masibɯ. Malta waĩcɯri nɯgɯro árĩbɯ.

<sup>2</sup> Iri nɯgɯro majarã masa ōarã árĩrã, ōaro iima gɯare. Eropirã deco gɯa weera pɯhrɯ yɯsatariabɯ gɯare. Eropirã ero majarãpɯ peame dihutuhaja, gɯare sōhmadorema.

<sup>3</sup> Pablo peare aĩgãri aĩtĩami. Ĩgɯ aĩtĩara pɯhrɯ iri pea pohecague árĩdigɯ aña coñorpore wirigɯ, Pablo mojoto curĩtuhajami yahawearo mariro.

<sup>4</sup> Ĩgɯ curĩtuhajacũ ĩarã, iri nɯgɯro majarã erã basi wereniguima:

—Ihĩ masa wejẽdigɯ árĩbocumi. Eropigo mari turago dipuwaja moago ɯmaro majago ĩgɯre dipuwaja moago, ojocaridorebeamu. Ĩgɯ wɯariyague mirigɯ tarituhajadigɯ árĩrami. Dohpaguere igopɯ ĩgɯre ojocaridorebeamu, arĩrima erã basi.

<sup>5</sup> Eropigɯ Pablo añare peamegue wejẽsiri mehpeomi. Ĩgɯ aña pũribirimi.

<sup>6</sup> “Bijiroca,” arĩrã, corerima erã. Ne bijibiribũ ãgũre. “Ígũ sĩa wagũcumi,” arĩrã erã ãha corerima. Ígũre pũribirimi. Yoari boje ero bijibiricũ ãarã, ãgũre pũribiricũ ãarã, gajiropa pepirima erã. “Thĩ goãmarã mera majagũ árĩbocumi,” arĩrima erã.

<sup>7</sup> Erã baa tuhajadiro pohro Publio waĩcũgũ ya poeri árĩbũ. Ígũ iri nũgũro majagũ opu árĩmi. Eropirã ãgũ guare õaro iicũ uhrenũ gohra ãgũ ya wihigue árĩbũ gũa.

<sup>8</sup> Publio pagũ yojorocũ, nimacũricũgũ árĩmi. Eropigũ ãgũ camague oyami. Eropigũ Pablo dorecũgũ ya taribugue ñaja, Goãmũre serẽ, ãgũ mojotorire ãgũ weca duhpeo, õagũ wacũ iimi ãgũre.

<sup>9</sup> Ígũ õagũ wacũ ãarã árĩpehrerã gajirã iri nũgũro majarã dorecũrãre Pablo pohrogue aĩgãrima. Erã eropa aĩ eracũ ãagũ Pablo erãre õarã wacũ iimi erã sãre.

<sup>10</sup> Pũhrũ erã baja sãre waja mariro oma. Gũa waboro coregã árĩpehreri gũa gamerire, gũa warã gũa baburire dohodirugue durisãbasama erã.

### *Pablo Romague ejapũ*

<sup>11</sup> Ærerã abe iri nũgũrogue gũa árĩra pũhrũ dohodiru mera wabũ gũa daja. Iriro dohodiru ãgũiru perã goãmarã Cástro, Pólux waĩcũrã erã wãanirã niguima. Alejandriague ariduru árĩbũ iriru. Puhirópẽ iri nũgũrogue iriru dohodiru payabũ.

<sup>12</sup> Waha, Siracusa waĩcũri macague ejarã, uhrenũ gohra iri macare árĩbũ gũa.

<sup>13</sup> Iri macare wiri waha, Regio waĩcũri macague ejabũ gũa. Gajinũ surgue miruñe ahri guare weãbeobũ. Penũ pũhrũ Puteoli waĩcũri macague ejabũ.

<sup>14</sup> Erogue Jesu yarã bajamerãgã guare bocatĩrima.

—Yuju semana gohra gũa mera dujaque, arĩma erã guare.

Erã eroparĩcũ peerã yuju semana gohra erã mera dujanibũ. Pũhrũ mague majaa, Romague ejabũ gũa pare.

<sup>15</sup> Ero majarã Jesu yarãpũ gũa ejarare peerã, Apio waĩcũrogue doberi duarogue guare bocatĩrima. Gajirã Jesu yarã “Æhre wihi” waĩcũrogue guare bocatĩrima erã sã. Erã eropa bocatĩricũ ãagũ Pablo mucubiriri mera Goãmũre “Õhaa,” arĩ, õaro siñaja wami.

<sup>16</sup> Romague gũa ejara pũhrũ erã peresu erã iinirãre ero majagũ peresu corerã opuere weremi. Eropirã Pablopũre yujugũ ta apima ero majarã oparã. Eropigũ ãgũre yujugũ surara coremi.

### *Pablo Romague buherũ*

<sup>17</sup> Æhrenũ pũhrũ Pablo judio masa buherã mera gamenerebu, erãre sihumi. Erã gamenerera pũhrũ ãgũ erãre weremi:

—Acawererã, mari acawererãre, mari ñecũ sumarã erã iimũrirare, marire erã buhera sãre tarinũgabirimũrabũ yũhũ. Yũ eropa tarinũgabiriquerecũ ta Jerusalén yũre ñehama Asia majarã judio masa. Erã eropa iira pũhrũ Roma majarãre yũre peresu iidorema erã.

<sup>18</sup> Erã eropa iicũ Roma majarã yũre serẽpi, yũhũ ñero iibigu yũ arĩcũ yũre “Dipuwajacũgũ ãhrimi,” arĩmasibirama. “¿Ñehe dipuwaja dipuwaja wejẽbocuri mari ãgũre?” arãma erã yũre. Eropirã yũre serẽpirãpũ yũre wiudiarama.

<sup>19</sup> Judio masapũ yũre wiudorebirama. Eropigũ yũ acawererãre judio masare weresãdiabiriqueregũ ta, “Árĩpehrerã weca opuere yũ iirare diaye

werediaca yuhũ,” arĩ serēabũ. Judio masa yũre erã wiudorebircũ ãagũ “Roma majagũ opũre weregũ waro gahmea yũre,” arãbũ.

<sup>20</sup> Eropii mũare ire werediagũ sihuabũ. Cristo marire taubu judio masa erã coredigũ ãgũ yare yũ wereri waja yuhũ peresugue ãhraa. Eropigũ irire mũare werebu sihuabũ, arĩmi Pablo judio masa oparãre.

<sup>21</sup> ãgũ eroparĩcũ peerã erãpũ ãgũre werema.

—Judio masa mũare quere wereripũrire gũare ne obeobirama. Eropirã erogue arinirã sã gũa acawererã gũare mũ eropa warare werebirimũrama. Erã “ãgũ ñero iigu ãhrimi,” arĩ mũare werebirimũrama.

<sup>22</sup> Mũa ya curure árĩpehrerogue masa erã ñero wereniguicũ gũa masia. Eropa masirã mũ buherire mũ werecũ peediaa gũa, arĩma erã ãgũre.

<sup>23</sup> Eropa arĩtuhaja, “Gajinũ árĩrã,” arĩma erã. Gajinũgue Pablo mera gameneremũhtanirã tauro masa bajarã ãgũ árĩroguere erama. Ñamiñarigã Goãmũ ãgũ opũ árĩrare õari buherire ãgũ buhenũga, pũ ñamigue buhe duhũmi. Goãmũ dorerire Moisegue ãgũ apirare, Goãmũ ya weremũhtanirã erã gojarare buhemi. Eropa buhegũ, erãre Jesure masicũ iidiagũ iirimi Pablo.

<sup>24</sup> Yujurãyeri ãgũ buherire gamema. Eropirã gajirãpũ peediabirima.

<sup>25</sup> Eropirã erã basi pe curu game dũca wari wama. Erã wiriaboro core Pablo Isaia ãgũ wereniguirare weremi. Õpa arĩmi erãre:

—Isaia Goãmũ yare weremũhtadigũ ãgũ werera diaye ta ãhraa. Mari ñecũ sumarãre weregũ árĩgũ Espĩritu Santo Isaiare õpa arĩ were gojadoreñumi:

<sup>26-27</sup> Ire oãre weregũ waque: “Dipu bũrirã ãhraa mũa. Eropirã yahare peediabeaa mũa. Gamiri toyobirã dopa ta peediabeaa mũa. Eropirã yahare peequererã peesome mũa. Mũa eropa árĩbirã õaro peeboaya mũa. Eropirã õaripũre gohrotoboaya mũa. Eropigũ mũare peame wabonirãre tauboaya yuhũ,” arĩmi Goãmũ, arĩ gojañumi Isaia, arĩmi Pablo erãre.

<sup>28</sup> ãgũ eropa arĩra pũhrũ Pablo werenemomi:

—Ire masique mũa. Goãmũ buherire masare ãgũ õaro taurire judio masa árĩbirãre buherãca gũa. Erãpũ peerãcoma, arĩmi Pablo judio masare.

<sup>29</sup> ãgũ eroparĩcũ peerã judio masa irire erã basi bũrigã game dũyaso wiriama.

<sup>30</sup> Pe bojori gohra Pablo ãgũ eropa wajayeniguirĩ wihigue árĩpũ. Ero árĩgũ, árĩpehrerã ãgũ ya wihigue warãre mucubiriri mera bocatĩrimũripũ ãgũ.

<sup>31</sup> Eropigũ ãgũ gũiro mariro Goãmũ ãgũ opũ árĩrare, mari Opũ Jesucristo ya sãre buhemũripũ. ãgũ eropa buhequerecũ ta ne gajirã ãgũre “Buhebiricãque,” arĩbiriñorã.

## Romanos

### *Pablo Roma majarãre Jesu yarãre gojabeoñumi*

<sup>1</sup> Yũhũ Pablo mũare Roma majarãre gojabeoa. Yũhũ Jesucristo pohro majagũ ãhraa. Eropigũ õari buherire buhedoregũ apimi ãgũ yãre.

<sup>2</sup> Iri õari buherire iribojegue Goãmũ “Õpa masare õaro iigũra,” arĩ wereyuñumi ãgũ yare weremũhtanirã merague. Erã irire gojañuma.

<sup>3</sup> Iri buheri ta ãgũ magũre wereri ãhraa. ãgũ Jesucristo masa dehyoagũ árĩgũ Davi mũrũ pãrami árĩturiagũ árĩdigũ árĩmi.

<sup>4</sup> ãgũ ta Goãmũ magũ ãgũ árĩrire ãhmudigũ árĩmi Goãmũ ãgũ Espiritu Santo mera. Eropigũ ãgũ Jesu sĩrira pũhrũ Goãmũ ãgũ turari mera ãgũre masa mũriacũ iidigũ árĩmi. Eropigũ Jesucristo diaye ta Goãmũ magũ ãgũ árĩrire ãhmudigũ árĩmi masare. ãgũ Goãmũ magũ ta mari Opũ Jesucristo ãhriimi.

<sup>5</sup> ãgũ ta gũare mojomoro ãagũ gũaũ magũre wereri ãhraa. ãgũ Jesucristo masa dehyoagũ árĩre ãgũ yare buhedoregũ obeomi árĩpehrero majarãre ãgũ yare pee masi, Jesucristore erã umupeocũ iimorãre.

<sup>6</sup> Eropirã mũa sã Jesucristo yarã árĩmorã ãgũ beyenirã ãhraa.

<sup>7</sup> Mũare Goãmũ ãgũ mahirãre, ãgũ yarã árĩmorãre iidi árĩmi ãgũ mũare. Eropigũ mũare Romague árĩrãre ipũre gojabeoa. Eropigũ Goãmũ mari Pagũ mari Opũ Jesucristo mera mũare õadorea. ãgũ itamuri mera õaro árĩque mũa.

### *Pablo Romaguere ãagũ wadiarica, arĩ gojañumi*

<sup>8</sup> Ire weremũhtagũra mũare. Árĩpehreroguere Jesucristore mũa umupeora querere werema. Erã eropa arĩ werecũ peerã “Õhaa,” arĩ serẽa yũhũ Goãmũre. Jesucristo ãgũ itamuro mera eropa arĩ serẽbasaa.

<sup>9</sup> Goãmũre serẽgũ mũa ya árĩburire árĩpehrerinũri serẽbasaniguicãa. Mũa ya árĩburire eropa yũ serẽbasaniguicũ Goãmũ masimi. ãgũ dorerire turaro mohmea ãgũ magũ ya buherire buhegũ.

<sup>10</sup> Eropa serẽgũ Goẽrã judio masa árĩbirã Jesure umupeoama. Erã umupeodiro dopa ta mũa mera majarã sã erã umupeoborore mũa pohroque wadiarabũ yũhũ. Eropa bajasuburi wadiaqueregũ ta wamasibirimũrabũ yũhũ.

<sup>11</sup> Goãmũ yare mũare buhediacã Jesure mũa umupeonemoburire. Eropigũ mũare bũrigã ãdiaca yũhũ.

<sup>12</sup> Jesucristore umupeorã ãhraa mari. Eropigũ mũare ãdiaca Jesucristore mari umupeori mera pepũri majarã mari game mucubiricũ iiborore.

<sup>13</sup> Yũ acawererã, ire mũa masicũ gahmea. Gajipũgue õari buherire yũ buhera pũhrũ gajirã mũa acawererã judio masa árĩbirã Jesure umupeoama. Erã umupeodiro dopa ta mũa mera majarã sã erã umupeoborore mũa pohroque wadiarabũ yũhũ. Eropa bajasuburi wadiaqueregũ ta wamasibirimũrabũ yũhũ.

<sup>14</sup> Árĩpehrerãre õari buherire buhero gahmea yãre. Wũari macã majarãre, noho gamero árĩrãre, masirãre, masibirã sãre buhebu árĩgũ iiaa yũhũ.

<sup>15</sup> Eropa arĩgũ, árĩgũ mũa sãre Roma majarãre õari buherire bũrigã buhediacã.

*Õari buherire masa peerã Jesure umupeonugama, arĩ gojañumi Pablo*

16 Õari buherire peerã masa Jesure umupeonugama. Eropigu árĩpehrerãre Jesure umupeorãre Goãmũ ĩgu turari mera erã peamegue wabonirãre tuami. ĩgure umupeorã õaro waborore masigu iri buherire õari buherire buhegu gahyasĩuro taribea. Iri buherire judio masapũre buhemũhtanirã árĩma. Pũhrũ judio masa árĩbirã sãre guã buheabũ.

17 Iri buheri õpa werea: Jesucristore umupeiorãre “Ñeri marirã õarã ãhrima,” arĩ ĩhami Goãmũ. Jesucristore umupeorã dihtare eropa arĩ ĩhami Goãmũ. ĩgu eropa arĩ ĩarire iribojegue erã arĩ gojadiro dopa ta arãa: “ ‘Õarã ãhrima,’ arĩ ĩgu ĩarã Goãmũre ‘Diaye ta ĩigu ãhrimi,’ arĩ umupeorã ãhrima. Eropa umupeorã árĩpehrerinũri Goãmũ mera árĩrãcoma,” arĩ gojañuma.

*Masa erã ñero iiri mera dipuwajacũrã ãhrima, arĩ were gojañumi Pablo*

18-19 ĩgu árĩricũrre masare õaro masicũ ĩpũ Goãmũ. Eropirã ĩgure ĩgu árĩrre masicũ diasabea masare. ĩgu árĩrre masare masicũ ĩiquerecũ masapũ erã ñerire iirã Goãmũre masidiabeama. Erã iri ñeri iiri mera gajirãre Goãmũ yare peebiricũ iima erãpũ. Eropigu Goãmũ umarogue árĩgu masa árĩpehrerã erã ĩgure tarinũgarire, eerã ñero iiri sãre ĩagu eerã eropa iiri dipuwaja guami. Eropa ĩgu guarire masicũ iimi erãre.

20 Goãmũ umaro majagu ĩgu árĩrre turagu ĩgu árĩrre mari ĩabiriquerecũ ta, ĩgu basi ĩgu árĩrre masicũ iimi ĩgu marire. I yebare ĩgu iira pũhrũ árĩpehrerire ĩgu ĩhacũnugurare ĩarã, “Goãmũ ĩgu iira ta ãhraa. ĩgu turagu ta ãhrimi,” arĩ guñama masa. Eropirã “Goãmũ ãhrimi,” arĩ masima masa árĩpehrerã. Eropirã masa “Goãmũ ãhrimi,” arĩ masiquererã eropa ñerire ĩiniguicãrã, dipuwajacũma. “Mũre masibirabũ. Eropigu ñerire ĩiabũ,” masa arĩmasisome Goãmũre.

21 Goãmũ ĩgu árĩricũrre masiquererã ta erã ĩgure umupeobeama. “Mũhũ Goãmũ, turagu ta ãhraa,” arĩbeama. Eropirã ĩgu erãre õaro ĩiquerecũ ta “Õhaa,” arĩbeama ĩgure. Eropirã pee masibirã árĩrã, ñeri dihtare pepima erã.

22 “Pee masirã ãhraa,” arĩquererã ta pee masibirã wahama erã.

23 Eropa warã Goãmũre eropa árĩniguigũre õagũre umupeobeama. Eropa umupeobirã “Goãmũ ãhrimi,” erã arĩrãpũre erã wãanirãpũre umupeonugama erã. Eropirã masare, mirimagũ porãre, pĩruare, waimũrãre wãanugu umupeoma erã, “Mari Goãmũ ãhrimi,” arĩrã.

24 Erã eropiicũ ĩagu “Erã gamero dopa ta ĩi curaporo,” arĩgu Goãmũ erãre cohãmi. ĩgu eropa cóãra pũhrũ, erã ñeri dihtare ãaribejarã erã basi ñeri dihtare ĩiniguicãma.

25 Eropirã Goãmũ yare peebiri, guyaripũre õaro peema. Goãmũ yapũre guyarĩ iro dopa ta wacũ iima erã. “Diaye ta Goãmũre árĩpehrerãre ĩidigũre umupeoro gahmea,” mari arĩquerecũ erãpũ ĩgure umupeobeama. Eropa Goãmũ gohrare umupeobirã ĩgu ĩirapũre umupeoma erã.

26 Erã eropiiniguicãcũ ĩagu “Erã gamero ñerire ĩi curaporo,” arĩgu Goãmũ cohãmi erãre. Eropirã erã mera majarã nome marapũcũrã nome iro dopa arĩbeama. Eropirã erã nome seyaro ñero iima erã basi.

27 Erã iro dopa ta árĩrã ãma sã nomere gamebirã erã basi ta erã dũpũrre ãaribejarã ãhrima. Eropirã erã basi ta erã ñero iira dipuwaja erã dũpũre ñero goroweoma.



<sup>28</sup> Eropa Goãmure masidiabirã ãgure gamebirira dipuwaja Goãmũ “Erã gamero ii curaporo,” arĩgũ erãre cohãmi. Ìgũ eropa cóãcũ erãpũ ñerire guñanigui, ñerire ñaribejarire iiniguicãma.

<sup>29</sup> Eropirã erã burigã ñero iiniguima. Nome mera ñero iiniguirã, erã ñerire ñaribejaniguirã, gajirã yare gametarirã, gajirãre ñero iiniguirã, gajirã gajinore opacũ ìhaturirã, masare wejẽrã, game dũyasorã, gũyaricũrã, masare ìhaturirã, ñeri quere iirã ãhrima erã.

<sup>30</sup> Gajirã erã iibiriquerecũ ta ñero arĩ werewuarã, Goãmure ìhaturirã, gajirãre papũro yũhrirã, “Gua tamera gajirãre tarinũgarã õarã ãhraa,” arĩ pepirã, gajirãre eropa arĩ weremaacãrã, gaji ñerire iinũgarã, erã pagũ sumarãre tarinũgarã ãhrima.

<sup>31</sup> Pee masibirã ãhrima. Erã werediro dopa ta iibirã, masare ne umupeobirã, erãre ñero iirare ne cãdijibirã, ne gajirãre mojomoro ìabirã ãhrima.

<sup>32</sup> Eropa árĩrãre Goãmũ erãre dipuwaja moa peamegue cóãgũcumĩ ãgũ erãre. Eropa ãgũ cóãburire masiquererã erã ñerire iiniguicãma. Eropirã gajirã erãre ìhacũcũ, erã iiro dopa ta ñero iicũ ãarã “Gua iiro dopa ta iima,” arĩ mucubirima.

## 2

*Masare erã ñero iira dipuwaja moadoregũ irire diaye ta iigũcumĩ Goãmũ, arĩ were gojañumi Pablo*

<sup>1</sup> Erã eropa ñerire iicũ ãarã gajirã õpa arĩbocoma: “Erã ñetariarã ãhrima. Goãmũ erãre dipuwaja moaporo,” arĩbocoma. Eropa arĩrãre õpa arĩ werediaca. Mũa sã erã iiro dopa ta iiaa. Eropirã “Erã ñetariarã ãhrima,” gajirãre arĩ werewuabiricãro gahmea mũare. Eropa arĩ wererã mũa basi ta erã ñerire iiro dopa ta iirã dipuwajacũrãca. Iri ñerire masiquererã iirã mũa ñero dipuwajacũrãca.

<sup>2</sup> “Goãmũ diaye ta dipuwaja moagũ ãhrimi,” arĩ masia mari. Árĩpehrerãre ñerire iirãre dipuwaja moagũcumĩ.

<sup>3</sup> Eropigũ mũa ñero iira dipuwaja árĩcũ mũa sãre dipuwaja moagũcumĩ. “Gajirã dipuwajacũrãcoma,” arĩ werewuarã, “Gũapũre dipuwaja moasome,” arĩ pepiboca mũa. Árĩbeaa. Mũa sãre mũa ñero iira pũhrũ dipuwaja moagũcumĩ.

<sup>4</sup> Goãmũ mũare mojomoro ãagũ mata dipuwaja moabeami. Eropirã “Goãmũ yũ mera guabeami,” arĩ pepiboca mũa ñerire iira pũhrũ. Árĩbeaa. Goãmũ mũare mojomoro ãagũ mata mũa ñero iira pũhrũre dipuwaja moabeami. Mũa ñero iirire bũjawerecũ ãadiagũ, ãgure mũa yũhricũ gamegũ mata dipuwaja moabeami.

<sup>5</sup> Eropa mata dipuwaja moabiriqueregũ. mũa Goãmure peebiriniguicãcũ, mũa ñero iirire bũjawerebiricũ ãagũ dipuwaja moagũcumĩ. Mũa eropa ñero iiniguirãre ãgũ dipuwaja moarinũ árĩcũ burigã dipuwaja moagũcumĩ mũare Goãmũ. Irinũre Goãmũ masare dipuwaja moacũ árĩpehrerã ãarã “Diaye ta erã ya dipuwaja ãhraa,” arĩ masirãcoma.

<sup>6</sup> Eropigũ árĩpehrerã nũcũ erã ñero iira dipuwajare dipuwaja moagũcumĩ Goãmũ. Eropigũ erã õarire iirã sãre õarire erãre ogũcumĩ.

<sup>7</sup> Yujurãyeri õarire iima. Erã õarã árĩdiarã, Goãmũ ãgũ gamero dopa iidiarã mũmũri nũcũ Goãmũ mera árĩdiarã ãhrima. Erã tamerare mũmũri nũcũ ãgũ mera erã árĩborore iigũcumĩ Goãmũ.

<sup>8</sup> Gajirãpũ erã iro dopa árĩbeama. Erã erã gamero iirã árĩcãma. Diaye majare gamebirã ñerire iiniguirã àhrima. Goãmũ erã mera turaro guagũcumi.

<sup>9</sup> Árĩpehrerã ñerire iirã ñero tarirãcoma. Judio masare eropa wamũhtaroca. Eropirã judio masa árĩbirã sãre eropa ta waroca.

<sup>10</sup> Árĩpehrerã òarire iirãpũre “Òaro mũa iiaa,” arĩ ïagũcumi Goãmũ. Eropirã erãpũ Goãmũ mera òaro mera árĩrãcoma. Judio masare eropa ta wamũhtaroca. Eropiro judio masa árĩbirã sãre eropa ta waroca.

<sup>11</sup> Goãmũ mari iirare ïagũ queoro beyemi árĩpehrerãre. Judio masare, judio masa árĩbirãre Goãmũ yujuropa ïhami marire.

<sup>12</sup> Gajirã Moise dorerire erã mooquerecũ erã ñerire iicũ erãre dipuwaja moagũcumi Goãmũ. Iri doreri oparãpũ ñerire erã iicũ erã dorerire erã tarinũgari waja dipuwaja moagũcumi Goãmũ erã sãre.

<sup>13</sup> Moise dorerire peequererã ta yũhribirãre “Òarã àhrima,” arĩbeami Goãmũ. ïgũ dorerire iirãpũre “Òarã àhrima,” arĩ ïhami Goãmũ.

<sup>14</sup> Judio masa árĩbirã Moise dorerire mooquererã erã pepiro mera òarire iirã Goãmũ dorerire iirã iima. Eropirã Moise dorerire gojarapũre mooquererã erã, erã pepirigue iri dorerire opama.

<sup>15</sup> Eropirã Goãmũ dorerire erã pepirigue diaye opama. Eropa oparã ñerire ïi mata erã ñero iirare masima erã basi. Eropigũ ñerire iidigũ, “¿Duhpigũ ñerire iiaayuri yũhũ?” arĩ pepimi ïgũ. Eropigũ òari sãre ïgũ iirare masimi ïgũ.

<sup>16</sup> Eropigũ Goãmũ Jesucristore ïgũ obeocũ masa erã iirare ïagũcumi. Masa erã iiricũrere gajirãre werebirirare erã duhrare Jesucristo masipehogũ ïgũ erã iiricũrere ïagũcumi. Eropa ta ïha beyegũcumi, arĩ buhea yũhũ ïgũ ya òari buherire buhegũ.

### *Goãmũ Moisere ïgũ apira dorerire were gojañumi Pablo*

<sup>17</sup> Mũapũ judio masa árĩrã, Goãmũ Moisere ïgũ apira dorerire umupeorã árĩrã, “Goãmũ yarã àhraa gũa,” arĩ pepiraa mũa.

<sup>18</sup> Eropirã Goãmũ dorerire masirã árĩrã, ïgũ gamerire masia mũa. Eropa masirã árĩrã “Òarire gua iiborore beyemasia,” arĩ pepiraa mũa.

<sup>19</sup> Eropa arĩ pepirã òpa arĩ pepinemoa mũa judio masa: “Gajirã ne masibirãre òaro masicũ iiaa gũa. Erãre gua buhebiricũ ne Goãmũre masibiriboñuma. Eropirã ñerire ne duhubiriboñuma,” arĩ pepiraa mũa.

<sup>20</sup> Eropirã “Pee masibirãre òarire buhea gua judio masa. Majirãgã sãre buherã àhraa gũa,” arĩ pepiraa mũa. Eropirã “Goãmũ dorerire oparã diaye árĩrere masipehoa gũa,” arĩ pepiraa mũa.

<sup>21</sup> ¿Mũa eropa arĩ pepirã árĩquererã ta duhpirã mũapũ mũa buhediro dopa ta iibeari? ¿Gajirãre yajadorebiriquererã duhpirã mũapũ yajari?

<sup>22</sup> ¿Gajigũ marapo mera ñero iidorebiriquererã duhpirã mũapũ gajigũ marapo mera ñero iiri? “Goãmũ àhrimi,” erã arĩ wéanirãre umupeorire doorã árĩquererã ¿duhpirã Goãmũ gohrapũre òaro umupeobeari mũapũ?

<sup>23</sup> “Goãmũ Moisere ïgũ apira dorerire opaa gũapũ,” arĩrã árĩquererã ta ïgũ dorerire tarinũgaa mũa. Eropa tarinũgarã Goãmũre erã umupeobiricũ iirã iica mũa gajirãre.

<sup>24</sup> Eropa ta werea Goãmũ yare erã gojarapũgue: “Judio masa árĩbirãpũre ñero Goãmũre wereniguicũ iiaa mũa judio masapũ,” arĩ gojañuma Goãmũ yare erã gojarapũgue.

<sup>25</sup> M̄ua judio masa Goãm̄u dorerire iiniguirã árĩrã gasiro merogã wiri aĩsũnirã circuncisi3n iinirã árĩcũ 3apũrica. Ĩgu dorerire iibiricũ m̄ua judio masa árĩricuri duhpiburi árĩbeaa.

<sup>26</sup> Eropiro judio masa árĩbirã merogã gasirogãre wiri aĩsũbirinirã erã árĩquerecũ ta Goãm̄u dorerire erã iirã árĩcũ ĩagu, “Yaharã masa ta ãhrima,” arĩ ĩabocumi Goãm̄u erãre. Judio masapũre ĩgu eropa arĩ ĩadiro dopa ta judio masa árĩbirã sãre eropa ta arĩ ĩabocumi.

<sup>27</sup> Bajarã judio masa Goãm̄u yare gojarapũre Moise dorerire opaquererã irire iibeama erã. Eropirã gajirã judio masa árĩbirãpũ Moise dorerire opabiriquererã gasiro merogã wiri aĩsũbirinirã árĩquerera Goãm̄u dorero dopa ta iima. Eropa iirã árĩrã judio masare erã ñero iirire masicũ iirã iima.

<sup>28</sup> “Ḡua judio masa Goãm̄u yarã ãhraa,” arĩ pepiraa m̄ua. Eropigu Goãm̄u yagu gohra árĩgure weregura m̄uare. Ĩgu dupũpũre merogã gasirogãre wiri aĩsũdigũ árĩqueregu ta Goãm̄ure umupeobigu árĩgu diaye ta Goãm̄u yagu árĩbeami. Judio masũ gohra árĩbeami.

<sup>29</sup> Espĩritu Santore opagupũ, ĩgure yũhrigu ĩgu ta judio masũ gohra Goãm̄u yagu gohra ãhrimi. Eropirã Goãm̄u yarã gasiro merogã wiri aĩsũnirã dihta árĩbeama. Erã Espĩritu Santo mera erã pepirigue 3ari mera gohrotorã ãhrima Goãm̄u yarã. Eropa árĩrãre “3arã ãhrima,” arĩ ĩhami Goãm̄u. Masa erãre eropa arĩ ĩabiriquerecũ ta eropa arĩ ĩhami Goãm̄upũ erãre.

### 3

<sup>1</sup> Yũ eropa arĩquerecũ judio masa erã árĩricuri, gasiro merogã wiri aĩsũnirã erã árĩri 3apũricãa.

<sup>2</sup> Judio masa erã árĩri yuju diaye gohra árĩbeaa. Goãm̄u ĩgu wereniguirĩ judio masare were apimãhtatuhãnumi. Erã ĩgu yare erã gojarapũre opamãhtaũuma. Eropirã judio masa erã árĩcũ 3apũricãa erãre.

<sup>3</sup> Eropirã bajarã judio masa Goãm̄ure erã peebiriquerecũ ta ĩgu werera diaye ta ãhraa. Eropigu ĩgu arĩ werediro dopa ta iigucumi ĩgu.

<sup>4</sup> Eropa ta ãhraa. Árĩpehrerã masa erã gũyaricurã erã árĩquerecũ ta Goãm̄upũ ne gũyabeami. Ĩgu yare gojarapũgue eropa ta arĩ gojara ãhraa: Diaye ta eropa ta arĩ wereniguiquũ ãhraa m̄uhũ Goãm̄u. Eropirã masa m̄ure ne weresãmasibeama, arĩ gojaũuma iribojegure.

<sup>5</sup> Masa erã pepiri mera 3pa arĩ pepimaacãbocoma: “Mari ñeri iiri árĩcũ, Goãm̄u ĩgu 3ari iiripũ deserea. Eropiro mari ñeri iiri mera Goãm̄u ĩgu 3aro iiri deserecũ ĩgu marire mari ñeri iiri dipuwaja moagu queoro iibeami,” arĩ pepimaacãbocoma.

<sup>6</sup> Eropa árĩbeaa. Mari ñeri iirapũ 3ari árĩcũ Goãm̄u mari ñeri iira waja dipuwaja moamasibiriboãnumi.

<sup>7</sup> Masapũ gũyaricurã ãhrima. Goãm̄upũ ne gũyari marigu ãhrimi. Gũyari marigu ĩgu árĩcũ 3aro masia mari. Eropirã masa yujurãyeri 3pa arĩ pepirima: “Ḡua gũyari mera Goãm̄u ĩgu diaye árĩripũ deserea. Eropiro ḡua gũyaripũ 3ha ãhraa. ¿Eropiro ḡua gũyari 3acũ duhpigu ḡua gũyari waja dipuwaja moabocuri gũare Goãm̄u?” arĩ pepimaacãma yujurãyeri erã basi.

<sup>8</sup> Eropirã 3pa arĩ gũyama yujurãyeri gũare: “Mari ñerire iiri mera Goãm̄u ĩgu 3agu árĩripũ deserea. Eropirã ñerire iiro gahmea,” arĩma. “Pablo sã eropa ta arĩ buhemi,” arĩ gũya weresãma erã gũare. Erã eropa arĩ gũyari dipuwaja Goãm̄u erãre dipuwaja moagucumi. Eropa ta iiporo erãre.

*Árīpehrerã ñeri iira dipuwajacurã áhraa mari, arī gojañumi Pablo*

<sup>9</sup> ¿Eropirã dohpa pepiri maa? ¿Mari judio masa gajirã tauro òarã árīcuri? Árībeaa mari. Judio masa, judio masa árībirã sã árīpehrerã dipuwajacurã áhraa mari. Eropa ta áhraa yu árīpehrerãre arī buhediro dopa ta.

<sup>10</sup> Eropa ta arī gojara áhraa Goãmũ yare erã gojarapũgue sã. Òpa arī gojañuma:

Ne yujugu masu òagu marimi.

<sup>11</sup> Mari árīpehrerã masa peediabirã dihta áhraa. Eropirã árīpehrerã mari masa Goãmũre ne guñabeaa.

<sup>12</sup> Eropirã mari Goãmũ yare gamebirã árīpehrerã ñerire iirã áhraa. Ne yujugu òarire iigu marimi.

<sup>13</sup> Mari wereniguiri, ñeri dihta wiria mari disirore. Buriã guyaricua. Eropa wereniguirã aña gũcũre iigu pũriri wiuro dopa ta pũriro mera wereniguiwiua mari.

<sup>14</sup> Eropirã mari gajirãre ñero wereniguirã, papũro wereniguirã áhraa.

<sup>15</sup> Eropirã mata guarã masare mata wejẽa mari.

<sup>16</sup> Eropirã noho mari waro, masare ñero ii, ñero taricũ iiaa mari gajirãre.

<sup>17</sup> Eropirã gajirã masa mera òaro árībeaa mari.

<sup>18</sup> Eropirã Goãmũre ne umupeobea, arī gojamũriñuma iribojegure mari masare.

<sup>19-20</sup> Eropirã òpa masia mari: “Mari masa ñerã áhraa,” eropa arī gojarã judio masa sãre Moise doreri iirã sãre arī wereniguimũriñuma. Eropirã árīpehrerã mari judio masa sã “Gua tamera ñeri dipuwaja mara guare,” arīmasibeaa. Goãmũ doreripũre mari masa ne iibeaa. Eropirã iri dorerire iibirã Goãmũ mera òamasibeaa mari. Igu dipuwaja moamorã áhraa. Eropiro mari ñerã árīrĩre iigu doreripũ masicũ iiaa marire. Iri dorerire masirã “Gua iiricũri ñeri áhraa,” arī masia.

*Jesucristore òaro umupeocũ Goãmũ marire “Òarã áhrima,” arī ñhami, arī gojañumi Pablo*

<sup>21</sup> Dohpagure Jesucristore umupeorãre “Dipuwaja moorã, òarã áhrima,” arī ñhami Goãmũ pare. Igu eropa arī ñaborore Goãmũ yare weremũhtanirã Moise sã weremũhtañuma. Eropigu masare erã ñero iira wajare iigu taurare weremi marire Goãmũ. Moise dorerire mari iira mera mari ñerire taubeami. Òpa áhraa:

<sup>22</sup> Árīpehrerã Jesucristore umupeorãre, iigu yare peerãre, “Òarã áhrima,” arī ñhami Goãmũ. Erã ñero iira dipuwajare taumi. Eropa iigu árīpehrerãre yujuropa òaro iimi.

<sup>23</sup> Mari masa árīpehrerã ñerire iirã áhraa. Eropirã Goãmũ iigu gamero dopa ne iibeaa mari.

<sup>24</sup> Mari eropa iiquerecũ Goãmũ árīpehrerã masare iigu mojomoro ñadigu árĩmi. Eropigu Jesucristo mari masa ñeri iirare wajayebasadi árĩmi. Igu eropa iira pũru “Dipuwaja moorã áhrima,” arī ñhami Goãmũ Jesure umupeorãre. Waja gamero mariro mari ñerire cohãmi.

<sup>25</sup> Iribojegue majarã erã ñero iirare ñagu Goãmũ mata dipuwaja moabiriñumi erãre. Igu eropa dipuwaja moabigu erã ñero iirare bu gohra pepicãgu iibiriñumi. Eropigu erã ñerire cãdijibu iigu Jesucristore obeodigu árĩmi árīpehrerã masa erã ñeri dipuwajare sĩribasabure iigu di cóãbure. Eropigu mari masa Jesucristore umupeocũ Goãmũ mari ñeri

iirare cādijigucumi. Eropā iigu “Īgu diaye iigu āhrimi,” marire arī masicū iidi ārīmi.

<sup>26</sup> Īgu magure obeodigu ārīmi dohpague majarā sā erā ņeri iira dipuwajare wajayebasabure. Eropiidigu ārīmi “Īgu ōaro diaye iigu āhrimi,” mari masa arī masiborore. Jesure umupeorāre “Ōarā āhrima,” iigu arī ĩaborore eropiidi ārīmi.

<sup>27</sup> Eropirā dohpaguere mari ejatuharo “Ōarā āhraa mari,” ne arīmasibea mari. “Moise dorerire iirā ōarā āhraa,” iri sāre arīmasibea mari. Ōpa arīmasia mari: “ ‘Diaye ta yu ņerire iigu cohāmi,’ mari Jesucristore arī umupeocū, ‘Ōarā āhrima,’ arī ĩagucumi marire Goām̄p̄,” arīmasia mari.

<sup>28</sup> Ōpa masia mari: Moise dorerire mari iiquerecū, iri mera “Ōarā āhrima,” Goām̄ arī ĩabeami marire. Jesucristore mari umupeocū ĩagu marire “Ōarā āhrima,” arī ĩhami iigu.

<sup>29</sup> Goām̄ judio masa op̄ dihta ārībeami. Judio masa ārībirā op̄ sā āhrimi.

<sup>30</sup> Eropā ārīgu Goām̄ yujugu ta ārīgu, ārīpehrerā wecague op̄ āhrimi. Eropā ārīgu judio masa Jesure erā umupeocū, “Erā dipuwaja moorā āhrima,” arī ĩagucumi. Eropigu judio masa ārībirā sāre Jesure erā umupeocū, erā sāre “Dipuwaja moorā āhrima,” arī ĩagucumi Goām̄.

<sup>31</sup> ĩEropirā Jesucristore umupeoturā Goām̄ Moiserē iigu dorerire cóārā iibocuri mari? Irire cóābeaa mari. Jesure umupeorā tamera Goām̄ dorerire diaye ta iirā iiaa mari.

## 4

### *Abrahā Goām̄re iigu umupeorare were gojañumi Pablo*

<sup>1</sup> Mari ņecū árīm̄htadigu Abrahā Goām̄re “Diaye iigu āhrimi,” arī umupeom̄riñumi iigu sā. Īgu eropa umupeori mera ōañumi Goām̄ mera.

<sup>2</sup> Abrahā ōaro iigu iiquerecū “Ōagu āhrimi,” arī ĩanibirim̄riñumi Goām̄ ĩgure. Īgu Goām̄re umupeocū tamerare “Ōagu āhrimi,” arī ĩam̄riñumi ĩgure. Eropigu ĩgu ejatuharo ōarire iiqueregu ta ņegū árīnigu “Yu tamera ōagu āhraa,” arīmasibiriñumi Abrahā Goām̄ iigu ĩacū.

<sup>3</sup> Goām̄ yare gojarapū ōpa āhraa: “Abrahā Goām̄ ĩgure arīrare ōaro iigu peecū, ĩgure iigu umupeocū ĩha Goām̄ ĩgure ‘Ōagu ņeri iira dipuwaja moogu āhrimi iigu,’ arī ĩañumi ĩgure,” arī gojara āhraa.

<sup>4</sup> Ōpa āhraa: Mari masare yuju diaye wajayebeama. Mari ōaro mohmera waja marire wajayema. Goām̄p̄ eropa iibeami.

<sup>5</sup> Mari gamero ōarire iiro mariro mari Jesucristore umupeocū ĩha marire yuju diaye iigu ōarire ocāmi. Eropigu marire “Ōarā āhrima,” arī ĩhami marire Jesucristore umupeorāre. ņerire iinirāre erā ņeri iira dipuwaja maricū iigu āhrimi. Eropirā masa Jesucristore umupeocū ĩagu “Dipuwaja moorā āhrima,” arī ĩhami Goām̄ erāre.

<sup>6</sup> Masa erā gamero mera ōaro iirare Goām̄ ĩabeami. Erā ĩgure umupeocū tamerare ĩhami. ĩgure umupeorāre “Ōarā āhrima,” arī ĩhami. Īgu eropa arī ĩadiḡp̄ iigu mucubiririre ōpa arī gojañumi Davi m̄p̄ iriibojegue majagu:

<sup>7</sup> Erā ņerire iigu cādijinirā tauro mucubirima.

<sup>8</sup> “Ōarā āhrima. Erā ņero iirare guñasome yuh̄,” arīmi Goām̄ erāre. Eropirā b̄rigā mucubirima, arī gojañumi Davi.

<sup>9</sup> Judio masare merogã gasirogãre wiri aĩsũnirã dihtare erã ñero iirare cãdijibeami Goãmũ. Judio masa árĩbirã sãre erã ñero iirare cãdijimi ĩgũ. Dipaturi Abrahãre guñaque mũa. ĩgũ Goãmũre umupeocũ ĩagũ ĩgũ ñero iirare cãdiji, “Õagũ ãhrimi,” arĩñumi Goãmũ.

<sup>10</sup> ¿Dohpárĩcũ eropa arĩyuri Goãmũ Abrahãre mũa pepicũ? ĩgũ merogã gasirogãre ĩgũ wiri aĩboro coregue ta ĩgũre “Õagũ ãhrimi,” arĩ ĩañumi Goãmũ. Eropigũ gasirogãre wiri aĩgũ ĩgũ ñerire cóãtuhadigũgue wiri aĩñumi.

<sup>11</sup> Eropigũ gasiro merogã wiri aĩboro coregue Goãmũre umupeonũgatuhañumi Abrahã. ĩgũ eropa umupeocũ “Õagũ ãhrimi,” arĩ ĩañumi Goãmũ ĩgũre. Eropa ĩgũ umupeorire, ĩgũ yagũ ĩgũ árĩrire ĩhmudoregũ Goãmũ ĩgũ dũpũre merogã gasirore wiri aĩdoreñumi. Eropigũ Abrahã ĩgũ gasirogã wiri aĩboro core Goãmũpũ “Õagũ ãhrimi,” arĩ ĩatuhañumi ĩgũre. Eropigũ Abrahã Goãmũre “Diaye ta iigũ ãhrimi,” ĩgũ arĩ umupeodiro dopa ta árĩpehrerã Goãmũre eropa arĩ umupeorãre “Õarã ãhrima,” arĩ ĩhami Goãmũ. Eropigũ judio masa árĩbirãre gasirogã wiri aĩsũya marirã sãre “Õarã ãhrima,” arĩ ĩhami Goãmũ. Eropirã erã Abrahã pãramerã iro dopa ta dujama.

<sup>12</sup> Erã iro dopa ta judio masa sã gasirogã wiri aĩsũnirã sã, Goãmũre erã umupeorã árĩrã Abrahã pãramerã diaye ta ãhrima. ĩgũ gasirogã wiri aĩboro coregue, Goãmũre umupeo ĩgũ mera õañumi. Eropirã ĩgũ umupeodiro dopa Goãmũre umupeorã õaro ãhrima Goãmũ mera.

*Goãmũ Abrahãre ĩgũ werepira diaye ta árĩcũ masiñume Abrahã, arĩ gojañumi Pablo*

<sup>13</sup> Iribojegue õpa arĩñumi Goãmũ Abrahãre: “I yebare mũre, mũa pãramerã árĩturiarã sãre ogũca,” arĩ werepiñumi Goãmũ Abrahãre. Moise dorerire Abrahã õaro iira waja eropa arĩbiriñumi Goãmũ ĩgũre. Abrahãpũ Goãmũre “Diaye ta iigũ ãhrimi,” arĩ umupeora pũhrũ eropa arĩ werepiñumi. ĩgũ eropa arĩ umupeocũ ĩagũ Goãmũ ĩgũre “Õagũ ãhrimi,” arĩ ĩañumi.

<sup>14</sup> Goãmũ oburire Moise dorerire iirã dihta aĩbeama. Erã dihta aĩcũ mari Goãmũre umupeori ñehe árĩburi árĩbiriboya maripũre. Eropiro Goãmũ ĩgũre umupeorãre “Mũare ogũra,” ĩgũ arĩ werepira duhpiburi árĩbiriboya.

<sup>15</sup> Goãmũ Moiserẽ ĩgũ apira dorerire iirã bocatũbeaa mari. ĩgũ dorerire mari pee tarinũgara waja, dipuwaja moasũmorã ãhraa mari. Iri doreri maricũ tamera ĩgũ dorerire tarinũgaro mariboya.

<sup>16</sup> Eropirã Goãmũre umupeorã dihta ĩgũ oburire aĩrãcoma. Abrahã Goãmũre “Diaye ta iigũ ãhrimi,” arĩ umupeomũriñumi. Eropirã árĩpehrerã Abrahã Goãmũre umupeodiro dopa ta umupeorã ĩgũ pãramerã iro dopa dujama. Eropigũ “Ire mũre mũa pãramerã sãre ogũca,” Goãmũ Abrahãre arĩgũ árĩpehrerãre ĩgũre umupeorãre arĩgũ iĩñumi. Eropirã Moise dorerire iirã dihta Goãmũ ĩgũ oburire aĩsome. Árĩpehrerã Abrahã iidiro dopa Goãmũre umupeorã erã ĩgũ oburire waja mariro aĩrãcoma.

<sup>17</sup> Irĩre Abrahãre ĩgũ arĩdiro dopa ta arĩ gojañuma iribojeguerẽ: “ ‘Baja yebari majarã ñecũ árĩbu apibũ mũre,’ arĩ, apipũ Goãmũ Abrahãre,” arĩ gojañuma iribojegue ta. Eropigũ ĩgũ Goãmũre “Diaye ta iigũ ãhrimi,” arĩ umupeomũriñumi. ĩgũ eropa umupeocũ Goãmũre umupeorã ñecũ iĩñumi Goãmũ ĩgũre. Goãmũpũ sĩrinirãre masugũ, árĩpehrerire ĩhacũnugudigũ ãhrimi.

18 “Baja macari majarã m̄ pãramerã árituriarã árirãcoma,” arĩmuriñumi Goãm̄ Abrahãre. Goãm̄ ïḡ eroparĩcũ Abrahãp̄ porã mariḡ arĩquereḡ, “Diaye ta ãhraa,” arĩ pepimuriñumi.

19 Eropiḡ cien bojori opaḡ arĩquereḡ, ïḡ marapo sã b̄ro ne porã marigo arĩquerecũ, “Porãc̄some ḡua,” arĩ ne pepibiriñumi Abrahã. Eropiḡ Goãm̄ ïḡure arĩ werepira “Diaye ta ãhraa,” arĩ pepiñumi Abrahã.

20 “Goãm̄ ïḡ arĩdiro dopa ta ne iisome,” arĩ ne pepibiriñumi Abrahã. Eropiḡ ïḡ Goãm̄ ïḡure werepirare ðaro peeñumi. ïḡ eropa arĩrare peenijaḡ, “Goãm̄ turaḡ ãhrimi,” arĩ umupeoḡ iĩñumi. Eropiḡ Goãm̄re “Diaye ta iiḡ ãhrimi,” arĩ umupeonemoñumi ïḡ.

21 “Goãm̄ ïḡ arĩdiro dopa ta ðaro iiḡcum̄i,” arĩ pepi ðaro masiñumi Abrahã.

22 ïḡ eropa masicũ, Goãm̄re ïḡ umupeocũ ïha Goãm̄p̄ “Dipuwaja mooḡ ãhrimi,” arĩ ïañumi Abrahãre. Eropa ta arĩ gojañuma Goãm̄ yare erã gojarapũgue.

23 Abrahã Goãm̄re ïḡ umupeora p̄hr̄ Goãm̄ ðaro ïañumi ïḡure, arĩ gojañuma. Eropa gojarã “M̄ua sãre Goãm̄re umupeorãre ðaro ïaḡcum̄i,” arĩ mari sãre gojajuñuma.

24 Irire mari masiburire gojañuma. Eropiḡ Goãm̄re “Diaye ta iiḡ ãhrimi,” mari arĩ umupeocũ “Dipuwaja moorã ãhrima,” arĩ ïaḡcum̄i Goãm̄ mari sãre. ïḡ tamera mari Op̄ Jesu ïḡ s̄ricũ masudiḡ ãhrimi.

25 Jesup̄ mari ñeri iira dipuwaja s̄ridiḡ arĩmi. ïḡ s̄rira p̄hr̄ masa m̄riadiḡ arĩmi ïḡ Goãm̄ marire “Dipuwaja moorã, ðarã ãhrima,” arĩ ïḡ marire ïaburire.

## 5

*“Dipuwaja moorã ãhrima,” Goãm̄ ïḡ arĩ ïacũ ðpa waroca marire, arĩ gojañumi Pablo*

1 Jesucristore mari umupeoturacũ ïaḡ “Dipuwaja moorã, ðarã ãhrima,” arĩ ïhami Goãm̄ marire. ïḡ eropa arĩ ïacũ Goãm̄ mera mari ðaro árĩcũ iimi marire mari Op̄ Jesucristo.

2 Eropirã mari ïḡure umupeocũ ïaḡ Goãm̄ marire mahiḡ, marire aĩmi ïḡ mera mari ðaro árĩboro dopa. Goãm̄ tamera ðatariaḡ ãhrimi. Eropiḡ ïḡ iro dopa ta ðarã árĩcũ iiḡcum̄i ïḡ marire. ïḡ eropiiburire ðaro masia mari. Eropirã mucubiria.

3 Eropirã ñero tariquererã mucubiria mari. Ñero tarirã irire yujuro bojemasia mari. Eropa yujuro bojerã ñero tariquererã ðaro Goãm̄re guñaturarã wahaa mari. Eropirã Goãm̄ yare duhubea mari.

4 Mari eropa árĩcũ ïaḡ, “Õaro iiab̄ m̄ua,” arĩḡcum̄i Goãm̄ marire. ïḡ marire eroparĩcũ, marire ïḡ tauborore ðaro masia mari. Eropirã ñero tarirã sã mucubirimasia mari.

5 Eropiḡ Goãm̄ marire Esp̄ritu Santore obeomi mari mera árĩdoreḡ. Eropiḡ Esp̄ritu Santop̄ mari mera árĩḡ Goãm̄ marire eropa mahinigu-icãrire masicũ iimi. Eropirã “Goãm̄ ðaro tauḡcum̄i marire,” arĩ “ïḡ mera árĩniguicãrãca,” arĩ masia mari.

6 Eropiḡ ero core mari ñeri iirare mari basi mari cóãmasibiricũ ïaḡ, ïḡ queodiro sihajacũ mari ñerã árĩra dipuwaja Cristo s̄rip̄.

7 Mari masa gajiḡ ya árĩburire s̄ribasadiabeaa. Õaḡ arĩḡure yujuḡ s̄ribasabocum̄i gajisub̄ arĩḡ.

8 Maripɔ ñerã mari árĩquerecũ Jesucristo sĩribasadi árĩmi mari ya árĩburire. Ĩgu eropiicũ Goãmɔ turaro marire ĩgu mahirare masia mari.

9 Mari ya árĩburire ĩgu sĩricũ, ĩgu di cóãcũ, Goãmɔpɔ marire “Dipuwaja moorã àhrima,” arĩ ĩhami. Ĩgu eropa arĩ ĩara pũhrɔ dohpaguepɔre marire peamegue wabonirãre taumi Jesucristo. Eropigɔ ĩgu yarã marire ĩgu iira pũhrɔ marire dipuwaja moasome Goãmɔ.

10 Eropirã Goãmɔre gamebirã mari árĩquerecũ ta ĩgu magɔ sĩrigɔ mari ñeri iira dipuwaja wajayebasadigɔ árĩmi. Eropa wajayebasagɔ ĩgu Pagɔre Goãmɔre guabiricũ iimi ĩgu mari mera. Eropirã ĩgu yarã wahaa mari. Dohpague tamerare tauro ôaro iigɔcumi marire. Ĩgu yarã mari árĩcũ, Jesu ĩgu masa mũriara mera marire peamegue wabonirãre ôaro taugɔcumi ĩgu.

11 Pũhrɔgue mari tariborore mucubiria mari. Goãmɔpɔre guña mucubiria. Mari Opɔ Jesucristo mari ñeri dipuwaja ĩgu sĩrira pũhrɔ Goãmɔ yarã àhraa mari. Eropirã mucubiria.

### *Adánre Cristo sãre wereñumi Pablo Roma majarãre*

12 Jesucristo taunirã árĩrã ôpa masia mari: Adán ĩgu ñerire iinɔgarasubugue i yebare ñeri árĩnɔgayoro. Ñeri árĩnɔgacũ masa sĩrinɔgañuma. Mari árĩpehrerã ñerire iiaa. Eropirã árĩpehrerã mari ñerã árĩri waja sĩrirãca.

13 Goãmɔ ĩgu dorerire Moiserere apiboro core diaye ta i yeba majarã ñerire iimuriñuma. Eropa ñerire iiquerecũ iri doreri maricũ ĩgu doreri tarinɔgari waja dipuwaja moamasibiriñumi dohpa.

14 Ĩgu eropa dipuwaja moamasibiriquerecũ ta Adánpɔ ĩgu pũhrɔ árĩrã iri doreri mariquerecũ ta sĩrimuriñuma. Moise ĩgu árĩboro core iri doreri mariquerecũ ta masa sĩrimuriñuma. Gajirã ñerire iirã Adán ĩgu ñero iimuridiro dopa gohra iibirimuriñuma. Eropiibiriquererã erã sã sĩrimuriñuma. Eropigɔ Adán ñerire iinɔgadigɔ árĩñumi i yebare. Yoara pũhrɔgue i yeba arigɔ Jesucristopɔ ôarire iinɔgadigɔ árĩmi.

15 Adán ĩgu iira Jesucristo iira dopa árĩbeaa. Adán yujugɔ ta ĩgu ñeri iira dipuwaja bajarã masa sĩrinɔgañuma. Goãmɔpɔ marire mahigɔ Jesucristore obeodigɔ árĩmi. Eropigɔ Jesucristopɔ ĩgu yujugɔ ta mari ya árĩburire sĩribasagɔ mari bajarã ĩgu yarã Goãmɔ mera umuri nɔcũ árĩniguiborore iidi árĩmi.

16 Eropigɔ Goãmɔ masare ĩgu mojomoro ĩadiro Adán ĩgu Goãmɔre tarinɔgadiro dopa árĩbeaa. Adánpɔ ĩgu yujugɔ ta ñerire ĩgu iira dipuwaja árĩpehrerã masa dipuwaja opama. Erã eropa dipuwaja opaquerecũ, masa wuaro erã ñerire iiquerecũ dohpaguere masare mojomoro ĩagɔ Goãmɔ erã ñerire cohãmi. Eropa cóãgɔ “Dipuwaja moorã, ôarã àhrima,” arĩ ĩhami ĩgu Jesucristo sĩrira mera.

17 Adán yujugɔ ta ĩgu dipuwaja mera ta árĩpehrerã masa sĩrimorã dihta wañuma. Goãmɔ ĩgu iirañepɔ ôataria. Dohpaguere masare mojomoro ĩagɔ Jesucristo ĩgu yujugɔ sĩrira mera iri ñeri dipuwaja cóãgɔ marire “Ôarã àhrima,” arĩ ĩhami. Eropirã árĩpehrerã ĩgu eropa arĩ ĩanirã ĩgu mera ôaro árĩniguicãrãcoma.

18 Yujugɔ Adán ĩgu ñerire iinɔgacũ árĩpehrerã ñerire iinɔgañuma. Erã eropiicũ ĩagɔ Goãmɔ erãre “Dipuwajacurã àhrima,” arĩ ĩañumi. Gajigɔ Jesupɔ ĩgu ôarire ĩgu iicũ masa erã ñeri iira dipuwaja sĩribasacũ, árĩpehrerã mari ñeri dipuwaja cóãdigɔ árĩmi Goãmɔ. Mari ñerire ĩgu



cóānirā árīcũ “Ōarā āhrima,” arĩ ĩagũcumi Goāmũ marire. Eropirā árĩpehrerinũri ĩgũ mera árĩniguicārāca mari.

<sup>19</sup> Yujugũ Adán Goāmũre tarinũga nũgañumi. ĩgũ eropiicũ bajarā masa ñerire iiricũrā wañuma. Jesucristopũ Goāmũ ĩgũ dorediro dopa iipũ. ĩgũ eropiicũ bajarā masa ĩgũ ñerire cóānirā warācoma. Erā eropa wacũ “Ōarā āhrima,” arĩ ĩagũcumi Goāmũ erāre.

<sup>20</sup> Goāmũ ĩgũ dorerire Moiserere apiñumi árĩpehrerā masa erā ñero iirare erā masiburire. Mari masa bũrigā ñerire mari iiquerecũ Goāmũpũ marire bũrigā mahimi. Eropa mahigũ Jesucristo sĩrira mera mari ñerire cóādigũ árĩmi.

<sup>21</sup> Ero core mari árĩpehrerā mari ñeri iira dipuwaja sĩrimorā árĩmũriribũ. Goāmũ marire turaro mahigũ mari Opũ Jesucristore ĩgũ obeocũ ĩgũ marire ñeri dipuwaja marirā wacũ iimi dohpaguere. Eropirā erā “Dipuwaja moorā āhrima,” Goāmũ ĩgũ marire arĩ ĩacũ mari árĩpehrerinũri ĩgũ mera eropa árĩniguicārāca.

## 6

### *Cristo yarā ñerire iiniguibeama, arĩ gojañumi Pablo*

<sup>1</sup> ¿Goāmũ eropa marire mahicũ ĩarā dohpa iirācuri mari mũa pepicũ? ¿Goāmũre marire mahicũ iinemodiarā ñerire iinemorācuri mari?

<sup>2</sup> Árĩbeaa. Ñerire iibiricārā mari. Jesucristo marire sĩribasadi árĩmi mari ñerire cóāgũ. Eropirā Cristo yarā árĩrā marire ñerire iibiricāro gahmea.

<sup>3</sup> Eropa ta Jesucristo yarā mari árĩrere masa erā ĩha masiborore deco mera waĩyesũbũ. Jesu mari ñeri iira dipuwaja sĩridigũ árĩmi. Eropirā ĩgũ yarā árĩrā, waĩyesũnirā árĩrā mari ñeri iirare duhucābũ.

<sup>4</sup> Mari waĩyeri õpa ĩhmua: Jesucristo sĩrira mera mari ñerā árĩdiro pehrea. Eropa wacũ mari Pagũ ĩgũ turari mera Jesucristo sĩridire masudiro dopa iri turari mera marire õaripũre gohrotomi. Eropirā õarire iirā waha.

<sup>5</sup> Eropirā Cristo yarā árĩrā Cristo sĩrira mera mari ñerā árĩdiro pehrea. Eropirā mari ñeri iirare duhua mari. Eropirā Cristo yarā árĩrā ĩgũ masa mũriara mera õaripũre gohrotorā āhraa mari. Iri diaye ta āhraa.

<sup>6</sup> Jesucristo crusague sĩrigũ mari ñerā árĩrere pehrecũ iidi árĩmi. Mari ñeri ñaribejarire duhumasicũ iidi árĩmi dipaturi mari ñerire iibiriboro dopa.

<sup>7</sup> Mari ñeri ñaribejarare cóānirā árĩrā ñerire iiniguirā árĩsome pare mari. Irire mari masia.

<sup>8</sup> Eropirā mari gohrotonirā árĩrā mari Jesucristo mera õarire iinũgarā árĩrāca. “Iri diaye ta āhraa,” arĩ pepia mari.

<sup>9</sup> Ire mari masia: Cristo ĩgũ sĩri, masa mũriara pũhrũ dipaturi sĩrisome. ĩgũ sĩribodirore tarituhadigũ árĩmi.

<sup>10</sup> Eropigũ Cristo yujusubu sĩrigũ, masa ñerire cóāgũ sĩrimi. ĩgũ masa mũriadigũ dohpaguere Goāmũ gamerire iigũ āhrimi.

<sup>11</sup> “ĩgũ iidiro dopa ta yũ sã āhraa,” arĩ pepique mũa: “Jesucristo mari ñerire cóādiro dopa ta mari sã mari ñerire cohãa. Ñerire iibirā Jesu yarā árĩrā Goāmũ gamerire iimorā árĩrā tiaa mari,” arĩ pepique mũa sã.

<sup>12</sup> Eropirā ñeri iiniguirā árĩbiricāque. Eropirā ñerire ñaribejabiricāque.

<sup>13</sup> Ñerire iirā árĩbiricāque. Mũa peamegue wabonirāre Jesucristo ĩgũ taunirā āhraa. ĩgũ eropa iinirā árĩrā õpa arĩque Goāmũre: “Mũhũ, yũ

Opu āhraa. Eropigu yuhu mu gamero dopa igu, mu dorerire iiniguicāgucā umuri nucū pare,” arīque Goāmure. Eropirā ōarire iirā Goāmū igu gameri dihtare iirā árīque mua.

<sup>14</sup> Dohpaguere Goāmū mera ōaro árīborore Moise doreri mware dorebeaa. Jesucristo mua ya árīburire sīribasara mera Goāmū mera ōarā āhraa. Eropiro mua ñeripu mware dorebeaa pare. Eropirā ñerire iiniguisme pare mua.

*Mua ñerire iiniguicā iri ñeri mua opu iro dopa āhraa, arī gojañumi Pablo*

<sup>15</sup> ¿Yu eroparīcū dohpa arī pepiri mua? ¿Jesucristo yarā árīrā, Moise dorerire umupeobirimorā árīrā, ñerire iiniguibocuri mari? Ñerire iiniguibiricārā.

<sup>16</sup> Mware doregu mua opu āhrimi. Eropirā igu pohro majarā āhraa mua. Eropa ta ñerire iiniguirā mua árīcū iri ñeri mua opu iro dopa āhraa. Eropirā ñerire duhumasiya mara mware. Eropirā peamegue wamorā āhraa mua eropa iirā. Goāmure ōaro yuhrirā árīrā tamera igu pohro majarā āhraa. Eropirā igu yarā ōarire iirā āhraa mua. Irire masia.

<sup>17</sup> Iribojegue ñerire iiniguirā mua árīcū, iri ñeri mware doremuriyoro. Dohpaguepūre ōari buherire peerā, Jesure umupeorā, Goāmū dorerire ōaro iirā wahabu mua. Eropa árīrā Goāmure “Ōhaa,” arīro gahmea.

<sup>18</sup> Eropa warā dohpaguere ñerire doresūrā árībeaa mua. Eropirā Goāmū doresūrā árīrā ōarire iiaa.

<sup>19</sup> Irire mware ōpa arī gojaa mua ōaro peeboro dopa. Iribojegue ñerire iipehorā, ñerire iiniguicārā mua árīdiro dopa ta dohpaguepūre ōarire iiniguicārā arīque mua. Eropirā Goāmū gameri dihtare iirāca mua.

<sup>20</sup> Iribojeguere ñeri dihtare iirā árīrā, ōaripūre iibirimuriyoro mua.

<sup>21</sup> Irisubure ñerire iira waja ōarire bocabiriyoro mua. Iri mua ñeri iirare guñarā dohpaguere guhyasīrica mua. Iri ñerire mua iira dipuwaja peamegue wabonirā árīribū.

<sup>22</sup> Dohpaguepūre Jesucristo mware ñeri doresūnirāre wiucāmi pare. Eropirā Goāmū dorerire iirā wahabu mua. Eropirā Goāmū gameri dihtare iirā árīrāca. Eropirā árīpehrerinūri Goāmū mera árīrāca.

<sup>23</sup> Ñerire mari iira dipuwaja peamegue wabonirā āhraa mari masa árīpehrerā. Mari eropa árīquerecū Goāmupū mari Opu Jesucristore mari umupeocū ĩagu, árīpehrerinūri igu mera árīcū iigucumi. Waja mariro marire eropa iigucumi.

## 7

*Moise dorerire were gojanemoñumi Pablo*

<sup>1</sup> Yu acawererā, Goāmū Moiserē igu dorerare ōaro masia mua. Masure iri doreri igu ojocarisubu dorea. Igu sīrira pūhrū ĩgure dorebeaa iri. Iri sāre masia mua.

<sup>2</sup> Ōpa āhraa: Nomeore igo marapū mera dihta árīdorea Moise igu doreripū. Iri eropa dorequerecū ta igo marapū sīrira pūhrū igopū gajigu mera marapūcūmasimo. Eropa ta arī werea iri doreri.

<sup>3</sup> Eropigo igo marapū árīquerecū ta gajigure marapūcūgo, ñero iigo iimo igoa. Igo marapū igu sīrira pūhrūgue ta gajigure marapūcūgo, Moise dorerire tarinūgabeamo igo. Eropigo ñero iigo iibeamo igo.

<sup>4</sup> Eropa ta mua sã yu acawererā, Jesucristo sīrira mera Jesu yarā warā, iri doreri iiri mera Goāmū yarā wabeaa mua. Eropirā sīrinirā mware iri doreri mera dorebiro dopa ta mua sãre iri doreri dorebeaa. Mua Cristo ya

curu majarā āhraa. Eropirā dohpaguere ĩġu yarā āhraa m̄ua. ĩġu p̄u ĩġu s̄irira p̄uħr̄u masa m̄uriadiḡu ár̄ĩmi Goām̄u gamerire mari iiboro dopa.

<sup>5</sup> Jesucristo yarā ár̄ĩbirirasubuguere ñerire mari Ɂaribejarire iim̄arib̄u. Eropirā Moise dorerire mari masira p̄uħr̄u iri dorerire tarin̄ugadiarib̄u. Eropa tarin̄ugā ñerire iirā, mari peamegue wamorā ta ár̄ĩm̄aririb̄u.

<sup>6</sup> Dohpaguere Cristo yarā ár̄ĩrā iri doreri docague ár̄ĩbeaa pare mari. Goām̄u ĩġu mera õaro mari ár̄ĩborore iri dorerire iidorebeam̄i pare. Esp̄ĩritu Santo mari mera ár̄ĩġu marire õarire gohrotoc̄ũ iimi. Eropirā Goām̄u gamerire iirā mari iribojegue maja doreri gojara mera ár̄ĩmasibea pare.

### *Mari ñeri iidiarire were gojañumi Pablo*

<sup>7</sup> ¿Eropirā Goām̄u Moiser̄e ĩġu dorerare dohpa ar̄ĩ pepibocuri mari? ¿Iri doreri ñeri ár̄ĩcuri m̄ua pepic̄ũ? Ár̄ĩbirica. Iri ĩġu doreri ta ñerire ȳure masic̄ũ iib̄u. Eropirā ĩġu doreri maric̄ũ ñerire mari iirare masibiriboya mari. ĩġu doreri õpa ar̄ĩa: “Gajirā yaguere turaro Ɂaribejabiricāque,” ar̄ĩa Moise doreri. Iri eropar̄ĩbiric̄ũ, gajirā yare Ɂaribejariñe iri ñeri ár̄ĩc̄ũ masibiriboya mari.

<sup>8</sup> Eropiḡu iri dorerire ȳu masira p̄uħr̄u gajirā yare burigā Ɂaribejam̄arib̄u. Iri dorerire masibiriniḡu gajirā yare burigā ȳu Ɂaribejara iri ñeri ár̄ĩc̄ũ masibiriboya ȳuħ̄u.

<sup>9</sup> ĩġu dorerire ȳu masiboro core eropa pepicānib̄u dohpa. Dipuwajac̄uborore guñabiririb̄u. Eropiḡu ĩġu dorerire ȳu masira p̄uħr̄u ȳu Ɂaribejari ñeri ár̄ĩc̄ũ masib̄u ȳuħ̄u. Eropiḡu ȳu dipuwajac̄uborore masib̄u.

<sup>10</sup> Iri doreri mera mari Goām̄u mera õaro ár̄ĩbonirā ár̄ĩquer̄ec̄ũ mari iri doreri mera dipuwajac̄urā dederebonirā ár̄ĩrib̄u.

<sup>11</sup> ĩġu Goām̄u Moiser̄e dorerare masira p̄uħr̄u tarin̄ugadiarib̄u. Ñerire Ɂaribejaḡu ár̄ĩc̄ũ iri ñeri ȳure goroweob̄u. Ñerire iirā iri dorerire tarin̄ugara waja dipuwajac̄um̄orā ár̄ĩrib̄u mari. Eropirā iri doreri tarin̄ugari mera peamegue dederebonirā ár̄ĩrib̄u.

<sup>12</sup> Eropiro Moise doreri Goām̄u ya õari āhraa. Eropiro queoro ár̄ĩro iiaa.

<sup>13</sup> ¿Eropa ár̄ĩquerero iri õari dorerip̄u peamegue marire wac̄ũ iiri m̄ua pepic̄ũ? Wadorebeaa. Mari ñeri iiri dipuwaja marire peamegue ñero wac̄ũ iiaa. ĩġu dorerire mari masira p̄uħr̄u iri dorerire tarin̄ugarā, “Ñerire iiaa mari,” ar̄ĩ masia. Eropirā mari ñerā ár̄ĩr̄ire masirā mari peamegue waboro s̄are masia mari. Eropirā ĩġu dorerire masirā, mari tarin̄ugara iri ñeri ár̄ĩc̄ũ masia mari.

<sup>14</sup> Moise doreri Goām̄u ĩġu apira iri ár̄ĩc̄ũ masia mari. Ir̄ire masiquer̄erā marip̄u ñeri Ɂaribeja iirā i õarip̄ure iibea. Eropirā ñerire iiniguirā āhraa.

<sup>15</sup> Mari õarire iidiaquer̄erā iibea mari. Eropirā mari ñerire iidibiriquererā ta iiniguicā. Eropirā mari iirire pee masibea mari.

<sup>16</sup> Eropirā ñerire iidibiriquererā ñerire iiaa mari. Iri ñerire iidibirā Moise ĩġu dorerire “Õari doreri āhraa,” ar̄ĩdiarā iiaa.

<sup>17</sup> Eropirā “Ȳu basi ñerire dipaturi iisome pare,” ar̄ĩquer̄erā ta ñerire iiniguia. Mari pepirigue ár̄ĩrip̄u ñerire marire iic̄ũ iiaa.

<sup>18</sup> Õarire turaro iidiaquer̄erā ta, ne bocat̄ubirica. Eropirā õpa masia. Ñerip̄u marire goroweom̄uraa. Mari pepirigue ñeri dihta āhraa. Ne õari marā.

<sup>19</sup> Õari mari iidirip̄ure ne iibea. Ñerire mari iidibiririp̄ure iiaa.

<sup>20</sup> Eropirā “Ȳu basi ñerire dipaturi iisome pare,” ar̄ĩquer̄erā ta ñerire iiaa daja. Mari pepirigue ár̄ĩrip̄u marire ñerire iic̄ũ iiaa.

<sup>21</sup> Eropiro õpa wahaa marire. Õarire mari iidiaquerecũ ta mari ʘaribejari mari pepiri ńeri ăhraa. Eropiră ɔaripure iibeaa mari.

<sup>22</sup> Goămũ dorerire mari turaro yăhridiarica.

<sup>23</sup> Eropiră mari ire masia: Goămũ dorerire gamequereră mari ńeri pepiri mari ʘaribejari ăhraa marire. Mari ńeri pepiri tarinũgaa mari ɔari iidiaripure. Eropiră mari ńerire duhumasibeaa.

<sup>24</sup> Eropa ńerire duhumasibiră ńero dujaa mari. ¿Mari ńeri ʘaribejarire duhuboro dopa, mari ńeri pepiri marire dorebiriboro dopa noa marire taugũcuri?

<sup>25</sup> Jesucristore mari guñaturacũ ĩgũpũ mari ńerire iibiriboro dopa taugũcumi. ĩgũ mari Opũ mari ńeri ʘaribejarire tautuhajadi ărĩmi. ĩgũ eropiicũ Goămũre “Ōhaa,” arăa mari. Eropiră dohpaguere mari Goămũ dorerire yăhridiară ăhraa. Eropa yăhridiaquereră ta mari pepirigue ńero pepiri ăhraa dohpa. Mari eropa ărĩrăre Jesucristo marire taumi.

## 8

### *Espĩritu Santore opară eră ărĩricurire were gojañumi Pablo*

<sup>1</sup> Dohpaguere Jesucristo yarăre eră dipuwajacũboro mara. Eră ńerire eră ʘaribejarire iiniguibeama. Eropiră Espĩritu Santo ĩgũ dorero dopa ta iiniguicăma eră.

<sup>2</sup> Eropigũ Jesucristo yară mari ărĩcũ Espĩritu Santo ńero iirire duhucũ iimi marire. Eropigũ Espĩritu Santo ărĩpehrerinũri Goămũ mera ărĩcũ iimi marire. ńerire marire duhucũ iigũ, marire peamegue wabonirăre taumi.

<sup>3</sup> Moise dorerire mari gamero iiră ne bocatĩusome. Eropiră iri doreri mera mari Goămũ mera ɔaro ărĩmasibiribũ. Mari eropa ărĩră ărĩquerecũ ta ɔpa Goămũ marire ɔară ărĩcũ iidigũ ărĩmi. Irire mari ńeri dipuwajare wajayebasabure ĩgũ magũre obeodigũ ărĩmi. ĩgũ magũ mari iro dopa ta dũpũcũdigũ ărĩmi. Eropigũ wajayebasagũ mari pepirigue ńeri ărĩrĩre cɔădigũ ărĩmi.

<sup>4</sup> Marire eropa ta iidigũ ărĩmi Goămũ ĩgũ dorerire ɔarire ĩgũ turari mera mari iiboro dopa. ĩgũ dorerire iiră ărĩră mari ʘaribejarire iibeaa mari. Eropiră Espĩritu Santo ĩgũ itamuri mera ĩgũ dorero dopa ta iiaa mari.

<sup>5</sup> Eră gamero ńerire iidiară, ńeri dihtare ʘaribejama. Espĩritu Santo ĩgũ dorero dopa ta iiniguirăpũ ɔari dihtare iidiana eră.

<sup>6</sup> Eră gamero ńeri dihtare iidiară, iri dihtare ʘaribejară peamegue warăcoma. Espĩritu Santo ĩgũ gamerire turaro iidiarăpũ ărĩpehrerinũri Goămũ mera ărĩrăcoma. Eropiră eră ɔaro ărĩcărăcoma.

<sup>7</sup> Eră gamero iiră Goămũre gamesũribiră ăhrima. Eră Goămũ dorerire ne yăhribeama. ĩgũ dorerire ne yăhrimasisome eră.

<sup>8</sup> Eropiră eră gamero iiră Goămũre ĩhasũacũ iimasibeama.

<sup>9</sup> Mũapũ mũa gamero iibeaa. Espĩritu Santo mũa mera ărĩcũ ĩgũ gamerire iiaa. Eropiră Espĩritu Santore moorăpũ Cristo yară ărĩbeama.

<sup>10</sup> I mũure masa ńerire iira dipuwaja mari ărĩpehreră sĩrimoră dihta ăhraa. Mũa sĩrimoră ărĩquereră ta Cristo yară mũa ărĩră ĩgũ mera eropa ărĩniguirăca mũa. Goămũ mũare “Ōară ăhrima,” ĩgũ arĩ ĩacũ ĩgũ mera eropa ărĩniguirăca mũa.

<sup>11</sup> Goămũ Jesure masudigũ ărĩmi. Eropa masudigũ ărĩgũ, Espĩritu Santo mũa mera ĩgũ ărĩniguicũ mũa sĩrira pũhrũ Goămũ mũa săre masugũcumi. Eropa masugũ ɔaro ărĩcũ iigũcumi mũare. Jesure ĩgũ masudiro dopa ta eropa masugũcumi mũare.

12 Yũ acawererã, “Ïgu eropa ta iigucumi,” arĩrã mari gamero iibiricãrã.

13 Mari gamero ñerire iirã, peamegue wamorã árĩcãrã tiiaa mari. Espíritu Santo ïgu itamuri mera mari ñeri iiricũre duhurã, árĩpehrerĩnũri Goãmũ mera árĩrãca.

14 Árĩpehrerã Espíritu Santore yũhrirã Goãmũ porã ta àhrama.

15 Espíritu Santo mari mera ïgu árĩnũgacũ Goãmũ porã árĩnũgabũ mari. Eropigũ ïgu porã árĩcũ marire dipuwaja moasome. Peamegue wadoresome. Eropirã güibea mari iribojeguere mari güidiro dopa. Ïgu porã árĩrã, Espíritu Santo ïgu itamuri mera dohpaguere “Ahũ,” arãa mari Goãmũre mari Pagũre

16 Eropigũ Espíritu Santo mari pepirigue õpa masicũ iimi: “Diaye ta Goãmũ porã àhraa mari,” marire arĩ masicũ iimi ïgu.

17 Eropirã ïgu porã árĩrã, Goãmũ árĩpehrerire ïgu porãre “Ogũra,” ïgu arĩrare maripũ oparãca. Jesucristo mera irire oparãca mari. Cristo yare mari iira waja gajirã mera ñero tarinirã árĩrã, mari ïgu mera umarogue õaro árĩcãrãca. Eropirã Goãmũ ïgu porãre “Ogũra,” ïgu arĩrare oparãca mari.

18 Dohpaguere i yebare ñero taria mari. Pũhrũguere umaroguere õaro árĩcãrãca. Eropirã dohpaguere ñero tarirã wũaro bũjawere pepibiricãque. Mari ñero tarirapũ pehrea waroca. Pũhrũ õaro árĩcãrãca Goãmũ pohrogue. Eropirã mucubirirãca mari. Iri mucubiriripũ ne pehresome marire.

19 Eropirã Goãmũ porã Goãmũ pohrogue õaro árĩrãcoma. Mari eropa wacũ, árĩpehreri Goãmũ ïgu ïhacũnugura sã mama dihta gohroto pehrea waroca.

20 Dohpaguere ïgu ïhacũnugura árĩpehreri ñero taria. Iri gamero eropa wabiriyoro. Adán ñeri iinũgara pũhrũ Goãmũ ïgu ïhacũnugurare ñero wacũ iĩnũmi. Eropigũ Goãmũ ïgu ïhacũnugurare eropa ta ñero árĩdoreniĩnũmi dohpa. Pũhrũ ïgu ïhacũnugurare õaripũre gohrotogucumi daja ïgu.

21 Eropigũ Goãmũ ïgu ïhacũnugura boapehreaborare õaripũre gohrotogucumi. Goãmũ porãre õarã erã gohroto dopa ta, i umũ maja ïgu ïhacũnugura sãre árĩpehrerire õari dihta gohrotogucumi.

22 Ire mari masia: Ñerire masa iinũgara pũhrũ árĩpehreri Goãmũ ïgu ïhacũnugura ñeri wayoro. Eropiro Goãmũ õarire ïgu gohrotoborore corero iiaa.

23 Maripũ Espíritu Santore oparã àhraa. Ïgu yarã mari wacũ Goãmũ Espíritu Santore mata omi marire. Ïgu ïhacũnugura iro dopa ta mari sã ñero taria. Eropirã õaripũre gohrotoborore bũrigã gamerã cohrea. Eropirã ïgu porã mari ïgu pohro waboro sãre bũrigã gamerã cohrea mari. Mama dũpũre ïgu marire ïgu oboro sãre bũrigã gamerã cohrea.

24 Mari eropa corerã árĩcũ, ïgu ta marire peamegue wabonirãre taugucumi. Ïgu pohrogue árĩnirã árĩrã ïgu pohrogue mari waborore corebiriboya mari. Marire ïgu tautuhara pũhrũ árĩcũ irire corenemobiriboya.

25 Eropirã ïabiriquererã ta dohpa, Goãmũ marire ïgu tauborore corerã eropa corenigua õaro yojaro mariro.

26 Eropirã mari Goãmũre õaro guñaturabirã ïgu gamerire õaro masibirã árĩcũ ïha Espíritu Santo marire itamumi. Eropirã Goãmũre queoro serẽmasibiriquerẽcũ Espíritu Santopũ mari ya árĩburire Goãmũre serẽbasami. Marire mojomoro ïagu mari ya árĩburire Goãmũre serẽbasami.

<sup>27</sup> Goãmũ ĩgũ gamero dopa ta, mari Jesu yarã árĩborore serēbasami ĩgũ Espĩritu Santo. ĩgũ eropa arĩ serēbasacũ Goãmũ mari pepirire masipehogũ árĩgũ Espĩritu Santo ĩgũ serērare masimi.

*Cristo ya turari mera ñeri iirire tarinũgarãca mari, arĩ gojañumi Pablo*

<sup>28</sup> Ire masia: Árĩpehrerã Jesure mahirã mari árĩcũ ĩgũ gamerire ĩmorãre beyepũ ĩgũ marire. Eropa beyegũ Goãmũ eropa ĩhadibuniguicãmi marire. Eropigũ mari ñero taricũ ĩagũ Goãmũpũ marire òaro wacũ iigũcumĩ.

<sup>29</sup> Goãmũ marire ĩgũ yarã árĩmorãre matague ta mari ne masa de-hyoaboro coregue ta guñatuhapũ. Eropa guñagũ ĩgũ magũ ĩgũ òagũ árĩro dopa ta marire òarã árĩrare guñapũ. ĩgũ magũ iro dopa marire árĩdorepũ bajarã masa ĩgũ magũre mari tĩgũcũborore. Eropigũ árĩpehrero marire eropa wara mera marire òarã gohrotocũ iimi.

<sup>30</sup> Matague ta ĩgũ yarã ĩgũ árĩdorenirã mari árĩcũ, ĩgũ porã mari árĩmorã sãre beyepũ marire. Eropigũ marire ĩgũ beyenirãre “Dipuwaja moorã, òarã ãhrima,” arĩ ĩhami. Marire ĩgũ eropa “Òarã ãhrima,” arĩ ĩagũ ĩgũ mera umaroguere òaro árĩcũ iigũcumĩ.

<sup>31</sup> Irire masirã òpa pepia mari: Goãmũ marire ĩgũ mahinirãre, ne gajirã ĩhaturirã bocatĩubeama.

<sup>32</sup> Goãmũ mari ya dipuwaja sĩribure ĩgũ magũre obeodigũ árĩmi. “Yũ magũre mahia. Eropigũ ĩgũre obeobeaa,” arĩbiridi árĩmi. Eropigũ mari ya árĩburire ĩgũ magũre obeodigũ árĩgũ Jesucristo mera árĩpehrerire òari dihtare ogũcumĩ ĩgũ marire.

<sup>33</sup> Goãmũ beyenirã mari árĩcũ, ĩgũ marire “Dipuwaja moorã, òarã ãhrima,” arĩ ĩhami. Mari ĩgũ eropa arĩnirã árĩcũ, gajirã marire “Ñerã ãhrima,” ne arĩ weresãmasibeama.

<sup>34</sup> Cristo mari ya dipuwajare sĩrira pũhrũ masa mũriadi árĩmi. Eropigũ Goãmũ diayepũ dohpaguere ĩgũ ãhrimi dorebu. Eropigũ ĩgũ mari ya árĩburire diaye ta umũri nũcũ serēbasagũ iimi Goãmũre. Eropirã gajirãpũ ne marire “Erã ñeri iira dipuwaja moaque,” arĩmasibeama.

<sup>35</sup> Cristo marire ĩgũ bũrigã mahicũ gajirãpũ “Erãre ne mahibiricãque,” arĩmasisome ĩgũre. Eropigũ mari ñero tariquerecũ ta, mari gũiquerecũ ta, gajirã marire erã ñero iiquerecũ ta, mari oaboaquerecũ ta, suhri marirã mari árĩquerecũ ta, gũhyaro marire árĩquerecũ ta, marire erã wejēquerecũ ta, Cristo marire eropa mahiniguicãgũcumĩ.

<sup>36</sup> Goãmũ yare erã gojarapũ marire eropa waburire werero òpa arĩ werea:

Goãmũ, mũ yarã gũa árĩri waja erã wejēsũmorã ta árĩniguirã tiiaa gũa. Oveja erã wejēmora erã árĩro dopa ta, gũa sãre eropa ta wahaa, arĩ gojañuma Goãmũ yare erã gojarapũgue.

<sup>37</sup> Eropirã mari ñero tariquererã ta, Cristo marire mahigũ ĩgũ itamuri mera, turaro mera ñerire tarinũgarãca mari.

<sup>38-39</sup> Goãmũ marire ĩgũ mahirare ĩhmudi árĩmi mari Opũ Jesucristo mari ya árĩburire sĩricũ. Eropigũ ĩgũ marire bũrigã mahigũ ne duhosome. Mari sĩricũ sãre, mari ojocaricũ sãre mahi duhosome. Dohpaguere, pũhrũgue sãre, marire ĩgũ ne mahi duhosome. Eropirã anyua, watẽa oparã umaro majarã, i yeba majarã oparã, ñerã deyobirã sã marire Goãmũre “Mũ yarãre mahibiricãque,” arĩrã, bocatĩusome. Eropiro ne yujugũ ne yujuñe ĩgũ ĩhacũnugura marire ĩgũpũre mahi duhudoreri ne mara. Marire ĩgũ ne mahi duhosome.

## 9

*Judio masa Goãmu ïgu beyenirã áhrima, arï gojañumi Pablo*

<sup>1-2</sup> Yũ acawererã Israe masare guñagu burigã bujawerea. Cristore gamebeama erã. Eropigu ñero siporãcu pepia yũhũ. Iri yũ eropa arïri diaye ta áhraa. Yũhũ Cristo yagu áhraa. Eropigu mũare diaye arïgu iiaa. Espiritu Santo yũ mera árĩcũ dohpaguere yũ acawererãre yũ arïri iri diaye árĩcũ òaro masia yũhũ. Ìgu yũre irire òaro masicũ iimi.

<sup>3</sup> Israe masa yũ acawererã, yaha curu majarã Jesucristore gamebirã peamegue warãcoma, arï guñaricua. Eropigu yũhũ erãre peamegue wamorãre taumasigu òpa arïboya Goãmure. “Erã ya dipuwajare yũpũre peamegue wadoreque,” arïboya. Eropigu “Erã ya dipuwajare yũpũre cóãporo Cristo,” arïboya. Yũ eropa arïborañe wajaye masiya mara erã ya dipuwajare.

<sup>4</sup> Erã yũ acawererã Goãmũ yare òarire mata opamũhtanirã árĩma. Israe mũru pãramerã árĩturiarã áhrima. Eropigu Goãmũ ïgu porã erã árĩburire mata apiñumi Goãmũ erãre. Eropigu Goãmũ ïgu goesiriri mera erã watope árĩñumi. Eropiro árĩpehrerire ïgu masare òaro iiburire weremuriñumi erãre. Eropigu Moiserẽ ïgu dorerare mata apimũhtañumi Israe masare. Eropirã Goãmure umupeoburi wihire iimũhtañuma erã. Eropigu erãre ïgu òaro itamuborore weremuriñumi Goãmũ.

<sup>5</sup> Gũa ya cururi gohra doce cururi áhraa. Eropirã gũa ñecu sũmarã Abrahã sã mũrague, erã pãramerã árĩturiarãgue áhraa gũa Israe masa. Eropigu Cristo masa dehyoanijagu gũa acaweregũ Israe masũ gohra árĩmi Cristo. Ìgu Goãmũ ta áhrimi. Eropigu ïgu árĩpehrerã weca opu áhrimi. Árĩpehrerinuri ïgure òaro umupeorã mari. Eropa ta iirã.

<sup>6</sup> Israe mũru ïgu pãramerã árĩturiarã árĩquererã árĩpehrerã Goãmũ yarã gohra árĩbeama. Eropirã árĩpehrerã Goãmũ òaro oburire opamorã árĩbeama. Eropirã Israe masare “Òaro iigũra,” arĩdigũ árĩqueregũ Goãmũ erãre árĩpehrerãre òaro iibiricũ ïarã “Goãmũ ïgu arĩdiro dopa ta iibeami,” arï pepibiricãro gahmea.

<sup>7</sup> Òpa áhraa: Gajirã Israe masa Abrahã pãramerã árĩturiarã erã árĩquerecũ ta, “Abrahã pãramerã gohra yaharã gohra áhrima,” arï ïabeami Goãmũ erãre. Eropigu òpa arĩñumi Goãmũ Abrahãre. “Mũ magũ Isaa pãramerã árĩturiarã erã tamera diaye ta mũ pãramerã árĩturiarã árĩrãcoma,” arĩmuriñumi Goãmũ Abrahãre.

<sup>8</sup> Ìgu eropa arï werecũ ire masirãca mari: Árĩpehrerã Abrahã pãramerã erã masa dehyoara pũhrũ, mata Goãmũ porã wasome erã. Goãmũ ïgu arï werepirare òaro peerã ïgure umupeorãpũ erã dihta árĩrãcoma Goãmũ porã. Eropirã erã ta áhrima Abrahã pãramerã árĩturiarã gohra.

<sup>9</sup> Òpa arĩñumi Goãmũ Abrahãre: “Gaji bojori inosubu ta yũ dujaricũ mũ marapo Sara majigũgãre opagocumo mũ magũre,” arĩñumi Goãmũ Abrahãre. Eropa ta arï werepiñumi ïgure Abrahã magũ Isaa masa dehyoaborore. Eropigu ïgu magũ Isaa masa dehyoañumi.

<sup>10</sup> Pũhrũ Isaa Rebeca mera marapocucũ igo uma perã sũhrũanirã porãcũnumo. Erã pagũ Isaa gũa ñecu mũru arĩñumi.

<sup>11-12</sup> Eropirã erã porã erã masa dehyoaboro core, òarire, ñeri sãre erã iibiricũ ta Goãmũ erã pago árĩbore òpa arĩmuriñumi: “Ìgu pagũ magũpũ ïgu ògure doregũcumĩ. Eropigu ïgu opu árĩgũcumĩ,” arĩmuriñumi igore igo porãcũborore core. Goãmũ ïgu gamero dopa ta beyemi ïgu. Eropa árĩgu, árĩgu ïgu dehyoaboro core Jacobore Esaú pagũ magũ árĩgũre opu árĩbure

beyemuriñumi. Eropigu masa erã iirire ãaboro core ãgu gamero dopa ta ãgu yarã árĩmorãre beyemi.

<sup>13</sup> Eropa ta arĩ gojañuma ãgu yare erã gojarapũgue: “Jacobopũre mahimuribũ. Eropigu Esaúpũre mahibirimuribũ,” arĩmi Goãmũ, arĩ gojañuma iribojeguere.

<sup>14</sup> ¿Irire peerã dohpa arĩ pepibocuri mari? “¿Erã iiricũre ãaboro core yujugũre eropa beyegu Goãmũ queoro iibeami,” ¿arĩ pepibocuri?” Árĩbeaa. Queoro iigu ta áhrimi.

<sup>15</sup> Õpa arĩñumi Goãmũ Moise sãre: “Yũ gamegu dihtare mojomoro ãagũra,” arĩmuriñumi ãgu Moiserẽ. Eropigu yujugũre ãgu gamero beyegu queoro iigu iimi Goãmũ.

<sup>16</sup> Eropirã mari gamero Goãmũre marire mojomoro ãadoremasibea mari. Eropirã mari õarire iira waja sãre ne mojomoro ãabeami ãgu. ãgu gamero dopa ta mojomoro ãhami.

<sup>17</sup> Eropigu eropa ta ãgu gamero dopa iĩñumi Egipto majarã opu sãre. Õpa arĩñumi Goãmũ ãgũre faraõre: “Egipto majarã opu árĩbure apigu iibũ mũre yũ turarire árĩpehrerãre ãhmubure. Eropigu árĩpehreri yeba majarãre, yũre erã masiborore opu acugũ iibũ yũhũ mũre,” arĩñumi Goãmũ ãgũre, arĩ gojara áhrea Goãmũ yare erã gojarapũgue.

<sup>18</sup> Eropigu ãgu gamerãre mojomoro ãhami ãgu mari masare. Eropigu ãgũre erã gamebircũ ãagũ ãgu gamero erãre yũhribircũ iimi ãgu. Eropigu Goãmũ ãgu gamero dopa ta iimi.

<sup>19</sup> ãgu eropiigu árĩcũ ãarã õpa arĩboca mũa: “¿Goãmũ erãre ãgũre yũhribircũ iidigu duhpigu ero pũhrũ erã ãgũre yũhribirira dipuwaja moayuri erãre?” arĩ papũri serẽpiboca mũa.

<sup>20</sup> Eropa arĩbircãque. Mari masa bu árĩrã áhrea. Goãmũ mera papũrimasibea. Mátasoro wéagore “¿Duhpigo yũre eropa iiri mũhũ?” iri soro arĩ serẽpimasibea. Eropa ta mũa sã Goãmũre ãgu gamero iigũre “¿Duhpigu eropa iiri mũhũ?” arĩ serẽpimasibea.

<sup>21</sup> Mátasoro wéago máta mera igo gamero dopa iimo. Eropigo õarire dibuburi sorore iimasimo igo. Iri máta mera ta bu árĩri dibuburi soro sãre iimasimo igoa. Igo iiro dopa ta Goãmũ sã ãgu iidiaro dopa ta iimi.

<sup>22</sup> Eropigu Goãmũ peamegue ãgu cóãmorãre erã ñero iirare ãha guagu, erãre dipuwaja moadiaqueregu ta yoari boje erã ñeri iirire eropa ãacãnimi. Árĩpehrerãre ãgu turarire ãhmubu, mata erãre dipuwaja moanibirimi.

<sup>23</sup> Eropa ta iimi marire ãgu mojomoro ãarãre, ãgu õatariagu ãgu árĩrĩre, ãgu turari sãre marire masidorebu. Matague ta marire, “Erãre mojomoro ãagũra yũhũ. Yũ õarire ogũra erãre,” arĩ apiñumi Goãmũ marire.

<sup>24</sup> Eropirã maripũ ãgu beyenirã árĩrã iiaa. Eropirã ãgu beyenirã judio masa dihta árĩbeama. Judio masa árĩbirã sã áhriima ãgu beyenirã.

<sup>25</sup> Eropa ta áhrea judio masa árĩbirãre Goãmũ yare Osea waĩcũgu ãgu õpa arĩ gojadiro dopa ta:

Ero coregue yaharã árĩbirinirãre pũhrũ erãre “Yaharã áhriima,” arĩgũra. Eropigu ero coregue yũ mahibirinirãre pũhrũgue erãre “Yũ mahirã áhrea mũa,” arĩgũra, arĩpũ Goãmũ.

<sup>26</sup> “Yaharã árĩbeaa mũa,” Goãmũ ãgu arĩra yeba majarã Goãmũ ojocariniquicãgu porã ta árĩrãcoma, arĩ gojamũhtamuriñumi Osea iribojeguere.

<sup>27-28</sup> Eropigu iribojegue majagu Isaia Israe masare õpa wereñumi: “Mari opu i yeba majarãre bajarã masare yojaro mera diaye ta dipuwaja moa



purumjugucumi. Eropirã wuariya maja imipayeri iro dopa Israe masa bajarã gohra erã árĩquerecũ ta bajamerãgã tarirãcoma erã,” arĩmuriñumi Isaia.

<sup>29</sup> Eropigu dipaturi ta wereyugu õpa arĩ gojañumi Isaia:

Mari Opũ árĩpehrerã weca opũ bajamerãgã mari mera majarãre taubigu, marire judio masare árĩpehrerãre dederecũ iiboñumi ĩgu. Sodoma majarãre, Gomorra majarã sãre ĩgu dedeopehocũ iidiro dopa ta mari sãre dederecũ iiboñumi ĩgu, arĩ gojamuriñumi Isaia.

*Judio masa õari buherire gamebirima, arĩ gojañumi Pablo*

<sup>30</sup> Eropa ta ãhraa. Eropirã ire masique mũa: Judio masa árĩbirãpũ Goãmure amabiriquererã ĩgure bocama. Jesucristore erã umupeocũ, “Õarã ãhrima,” arĩ ĩhami Goãmũ erãre.

<sup>31</sup> “Goãmũ dorerire Moiserẽ ĩgu apirare mari iicũ ĩgu marire õarã ĩagucumi,” arĩriñorã judio masapũ. Eropa ĩgu dorerire erã iiquerẽcũ ta Goãmũ ĩha suabirimuripũ erãre. Eropirã õarã árĩdiaquererã bocatĩubirimuriñorã.

<sup>32</sup> Erã Jesucristore umupeoro mariro erã gamero Moise dorerire iidiarima Goãmũ mera õaro árĩdiarã. Eropirã Cristore erã ñeri iirare cóãbure gamebirã Goãmũ pohroque ne ejasome.

<sup>33</sup> Eropa ta arĩ gojamũhtañuma Goãmũ ĩgu magure wereyurire:

Utãye iro dopa árĩgure, yũ beyedigũre dohpague Jerusalengue apigu iiaa. ĩgure umupeobirã, ĩgure tarinũgarã yũ pohroque ne ejasome. Eropirã ĩgure umupeorãpũ ĩgu mera õaro mucubiriniguirãcoma. Yũ pohro warãcoma, arĩmi Goãmũ, arĩ gojañuma Goãmũ yare erã gojarapũguere.

## 10

<sup>1</sup> Yũ acawererã, Israe masare Goãmũ ĩgu tauborore burigã gahmea yũhũ yũ sĩporã mera. Eropigu Goãmũ erãre ĩgu tauburire serẽbasaa yũhũ.

<sup>2</sup> Diaye ta erã Goãmũ gamerire iidiarima. Eropa iidiaquererã ta ĩgu gamerire masibeamã.

<sup>3</sup> Eropirã Goãmũ erãre õacũ iiburire masibeamã. Eropa masibirã erã gamero õarire iiquererã bocatĩubirima. Erã eropiicũ, erã Goãmũ Jesucristore umupeodorediro dopa erã iibiricũ, ĩgũpũ erãre “Õarã ãhrima,” arĩ ĩabirimi.

<sup>4</sup> Cristore umupeorãre “Dipuwaja moorã, õarã ãhrima,” arĩ ĩhami Goãmũ. Eropirã “Mari ñeri iira dipuwaja Goãmũ tauboro dopa Moise dorerire iiro gahmea daja,” arĩ pepibiricãro gahmea. Cristore umupeorã ĩgu mera tarĩa.

<sup>5</sup> Moise iribojegue majagũ õpa arĩ gojañumi: “Goãmũ dorerire mari dũhyaro mariro iipehocũ Goãmũ marire ‘Dipuwaja moorã, õarã ãhrima,’ arĩ ĩagucumi,” arĩ gojañumi ĩgu.

<sup>6</sup> ĩgu eropa arĩ gojaquerecũ ta dohpaguere masa Cristore erã umupeocũ Goãmũ erãre “Õarã ãhrima,” arĩ ĩhami. Iri buheri “Cristore umupeoque,” i arĩ buheri õpa arĩ werea: “Õpa arĩ pepibiricãque mũa: ‘¿Noa Cristore umaroguere árĩgure aĩdijugucuri marire ĩgu buhecũ daja?’ arĩ pepibiricãque mũa. Cristo eraturhadigu arĩmi marire taugũ eragũ i yebaguere.

<sup>7</sup> Eropirã daja ‘¿Noa sĩrinirã pohroguere Cristore masu aĩgãribocuri?’ arĩ pepibiricãque mũa. ĩgu sĩridigũ masa mũriadigũ arĩmi,” arĩ werea i buheri.

8 Eropiro òpa arĩ werea Goãmũ yare erã gojarapũgue: “Goãmũ ya buherire mari amacũ ìgũ buheri ohõ àhraa. Ìgũ buherire masituhaa mũa. Eropirã ìgũ buherire wereniguimurabũ,” arĩ gojañuma. Iri buherire “Cristore umupeoque,” arĩ buherire masare werea gũa.

9 Iri buheri òpa arĩ werea: “Jesu yũ opũ àhrimi,” arĩ mari disiro mera werecũ, “Goãmũ Jesure s̄iridigũre diaye ta masuñumi,” arĩ mari pepicũ ìha Goãmũ marire peamegue wabonirãre taugũcumi.

10 Jesure mari umupeocũ ìha Goãmũrũ marire “Òarã àhrima,” arĩ ìagũcumi. Eropigũ gajirãre “Yũhũ Jesucristore umupeoa,” mari arĩ werecũ ìha ìgũ marire peamegue wabonirãre taugũcumi.

11 Òpa arãa Goãmũ yare erã gojarapũ: “Ìgũre umupeorã, ìgũre erã umupeorare ne bũjaweresome. ‘Ìgũre umupeobiricũ òaboaya yũre,’ ne arĩsome,” arĩyoro Goãmũ yare erã gojarapũgue.

12 Judio masare, judio masa árĩbirã sãre Goãmũ yujuro mera ta itamumi. Mari Opũ árĩpehrerã tauro opũ àhrimi ìgũ. Eropigũ árĩpehrerãre ìgũre serẽrãre itamugũcumi ìgũ.

13 Eropa ta arĩ gojañuma Goãmũ yare gojarapũgue òpa arĩ gojarã: “ ‘Yũ ñerire cóãque. Eropigũ yũre tauque,’ masa erã serẽcũ erãre peamegue wabonirãre mari Opũ taugũcumi,” arĩ gojañuma.

14 Eropirã masa Cristore “Diaye ta marire taugũ àhrimi,” arĩ umupeobirã ìgũre eropa serẽmasibeama erã. Eropirã ìgũ buherire Jesucristo erãre tauburi buherire peebirã ìgũre umupeomasibeama. Eropirã ìgũ buherire erãre weregũ maricũ Goãmũre erã masisome.

15 Eropirã ìgũ buherire weremorãre erã obeobiricũ ìgũ buherire weremasibeama. Òpa arĩ gojañuma Goãmũ yare erã gojarapũgue: “Òari buherire marire òarã wacũ iiburi buherire weremorã erã eracũ ìarã òaro mucubiria mari,” arĩ gojañuma iribojegure.

16 Eropa arĩquerecũ ta masa bajarã Jesucristo yare òari buherire peediabeama. Eropa ta arĩ gojamũriñumi Isaia: “Opũ, erãre mari wererare ne peediabeama,” arĩ weremũriñumi Isaia Goãmũre.

17 Eropirã masa Jesucristo yare òari buherire peerã peeñarã Cristore umupeoma.

18 Eropigũ ire serẽpidiaca mũare: ¿Israe masa Jesucristo yare peebiriyuri mũa pepicũ? Yuju diaye ta erã peemũriñuma. Eropa ta àhraa Goãmũ yare erã gojarapũ sãre:

Goãmũ yare wererã árĩpehreroguere weresirirã wama. Eropirã árĩpehrero majarãgue ìgũ yare peema, arĩ gojañuma iribojegue.

19 Dipaturi mũare serẽpidiaca daja: ¿Israe masa peequererã òaro masibiriyuri mũa pepicũ? Masiriñuma. Masiquererã Jesucristore umupeodiabiriñuma. Erã eropa peediabiricũ gaji yeba majarã Goãmũ yarã wahama. Irire werenemogu Moise ìgũ arĩrare weremũhtagura: Òpa arĩ gojañumi ìgũ:

Òpa arĩ weremi Goãmũ Israe masare: “ ‘Bu árĩrã àhrima,’ mũa arĩ ìanirãre yaharã árĩmorã iigũra. Yũ eropiicũ mũapũ erãre ìhaturirãca. Eropigũ mũare erã mera guacũ iigũca yũhũ, arĩ weremi Goãmũ,” arĩ gojañumi Moise.

20 Isaia sã doyarõ mariro òpa arĩmũriñumi:

Òpa arĩmi Goãmũ: “Yũre amabirãpũ yũre bocama. Eropigũ yũre masibirãre erãre yũre masicũ iibu yũhũ,” arĩmi Goãmũ, arĩ gojañumi Isaia. Judio masa árĩbirã Goãmũ yarã erã waburire weregu eropa ari gojañumi.

21 Israe masa p̄re õpa ari gojañumi Isaia: “Õpa arimi Goãm̄: ‘M̄a ñeri iirare b̄jawereque yaharã wamorã, arimuririb̄ erãre. Erãp̄ ȳre tarinugarã ȳre ȳhribirim̄ima,’ arimi Goãm̄,” arĩ gojañumi Isaia.

## 11

### *Yujurãyerire Israw masare tauḡcum̄i Goãm̄, ari gojañumi Pablo*

1 ¿Eropiḡ Israe masare Goãm̄ igu beyenirãre erã tarinugacũ erãre cóãpehocãyuri igu m̄a pepicũ? Áribeaa. Erãre cóãbirimi igu. Ȳ sã Israe mas̄, Abrahã p̄rami árĩturiaḡ ahraa. Eropiḡ Benjami ya curu majaḡ ahraa.

2 Iribojegue Goãm̄ Israe masare beyem̄riñumi. Iḡ eropa beyenirãre cóãbeam̄i. Goãm̄ yare erã gojarapũ Elia igu iirare werea. Iripũ Israe masare Elia Goãm̄re igu arĩ weresãrare masica m̄a. Õpa arĩ weresãñumi igu:

3 “Op̄, erã Israe masa m̄ yare werem̄htanirãre wejẽpehocãma. Eropirã m̄re umupeori mesarire cóãpehocãma. Eropiḡ erã watope ȳ dihta m̄ yaḡ dujaa dohpaguere. Ȳ eropa árĩcũ ñarã ȳ sãre wejẽdiam̄a dohpaguere,” arĩñumi Elia Goãm̄re.

4 Iḡ eroparĩcũ peeḡ õpa arĩ ȳhriñumi Goãm̄ Eliare: “M̄h̄ yahaḡ yujuḡ ta árĩbeaa. Siete mil ãma yaharã ahrima dohpaguere. Erãre dihb̄uab̄ ȳh̄. Erã sã ȳre õaro umupeoma. Baal waĩc̄ḡ wéadiḡre ne umupeobirim̄rama erã sã. Eropiḡ güibita m̄h̄,” arĩñumi Goãm̄ Eliare iribojeguere.

5 Irisubure Elia igu árĩrisubure igu yarã árĩmorãre Goãm̄ igu dibudiro dopa ta dohpague sãre bajamerãgã Israe masare igu yarã árĩmorãre dihb̄umi. Goãm̄ erãre mojomoro ñaḡ dihb̄umi.

6 Õarire erã iicũ ñaḡ dibubirimi. Erãre mojomoro ñaḡ dibuḡ beyemi. “Õarire m̄a iira p̄hr̄ m̄are beyeḡra,” arĩḡ, igu diaye ta erãre mojomoro ñaḡ iibiriboñumi. Õarire erã iira p̄hr̄ erãre igu beyecũ erãre wajatari árĩboya. Õarire erã iibiriquerecũ ta erãre diaye ta mojomoro ñaḡ Goãm̄ beyemi erãre.

7 Eropa iri õpa ahraa: Israe masare Goãm̄ erãre, “Õarã ahrima,” igu arĩ ñacũ gamequererã ta erã yujuro bojebeama. Goãm̄ igu basi igu beyenirãp̄ õarã wahama igu mera. Iḡre yujuro bojebirãp̄ igu yare peediabeama.

8 Eropa ta arĩyoro Goãm̄ yare erã gojarapũ: “Goãm̄ iḡre gamebirãre igu yare peebiricũ iimi. Eropiḡ diaye árĩrire erã peequerecũ erãre õaro peebiricũ iimi Goãm̄. Eropa ta árĩniguicãma dohpague sãre,” arĩ gojañuma iribojeguere.

9 Eropiḡ õpa arĩñumi Davi m̄r̄ iribojegue majaḡ Goãm̄re:

Erã Israe masa erã bosen̄ri mucubirir̄n̄ri iirã ñero iima erã. Erã eropa iicũ ñaḡ dipuwaja moaque m̄h̄ erãre.

10 Erãre õaro peebiricũ iique m̄h̄. Eropirã eropa dipuwajac̄rã árĩniguicãporo erã. Eropirã eropa b̄jawereniguicãrãcoma, arĩñumi Davi Goãm̄re.

### *Judio masa árĩbirãre peamegue wabonirãre tauḡcum̄i Goãm̄, arĩ gojañumi Pablo*

11 ¿Judio masa Cristore erã gamebiricũ ñaḡ Goãm̄ erãre cóãcãyuri m̄a pepicũ? Cóãgohracãbiriñumi. Eropa erã Cristore erã gamebiricũ dohpague judio masa árĩbirãp̄ Goãm̄ igu taumorã wahama. Dohpaguere igu

yarã iimi Goãmũ erãre. Īgũ eropiicũ ĩarã yujurãyeri judio masapũ erãre ĩhacũ erã sã Jesucristore umupeodiana.

<sup>12</sup> Judio masa erã Goãmũre tarinũgacũ judio masa árĩbirãpũ Goãmũ ĩgũ òari buherire peema. Eropirã árĩpehrero majarã judio masa árĩbirã Goãmũ taumorã wañorã òaro warã. Pũhrũ judio masapũ Cristore erã umupeonũgara pũhrũ tamerare i yeba majarãre òatariaro waroca.

<sup>13</sup> Dohpaguere mũare judio masa árĩbirãre werebu iiaa. Cristo apimi yũre mũare judio masa árĩbirãre buhebure. Eropa buhegũ bu gohra iigũ iibeaa.

<sup>14</sup> Yũre eropa buhedoredigũ árĩgũ masare weremũra. Yũ acawererãre judio masare mũa Jesucristo umupeorare ĩhacũcũ iidiagũ werea. Goãmũ taunirã mũa árĩcũ ĩarã erã sã Cristore gahme ĩgũ taumorã wabocoma, arĩgũ werea.

<sup>15</sup> Dohpaguere judio masare Goãmũ boje apigũ, gajirãguere òari buherire Goãmũ weredoremi ĩgũ mera erã òaro árĩmorãre. Eropiro judio masare ĩgũ boje apicũ òaro wahabũ i yeba majarãre judio masa árĩbirãre. Īgũ eropiidiro tauro judio masa sãre ĩgũ yarã árĩmorãre ĩgũ iicũ tamerare òatariaro waroca i yeba majarãre. Goãmũ mera erã òaro árĩcũ bajarã masa Jesure umupeorãre peamegue wabonirãre taugũcumi.

<sup>16</sup> Òpa ãhraa: Abrahã gũa ñecũ mũrũ Goãmũ mera òaro ĩgũ árĩdiro dopa ta ĩgũ pãramerã árĩturiarãgue sã Goãmũ mera òaro árĩrãcoma Cristore umupeorã árĩrã.

<sup>17</sup> Yujurãyeri erã eropa árĩrã árĩquerecũ ta gajirã erã acawererãpũre judio masare Goãmũ boje apinimi dohpa. Judio masa Goãmũ ĩgũ beyemũhtanirã olivo waĩcũdigũ otedigũ dũpũri iro dopa ãhrima. Mũa judio masa árĩbirã ĩgũ beyemũhtanirã árĩbirã nũgũ majagũ dũpũri iro dopa ãhraa. Olivo otedigũ dũpũrire yujuyeri dũpũri ĩgũ tabe cóãdiro dopa ta gajirã judio masapũre Goãmũ cóãmi. Eropa cóãgũ ĩgũ yarã árĩbirã wacũ iimi erãre. Īgũ cóãra dũpũrire gaji dũpũrire nũgũ majagũ dũpũrire gohroto tuhboro dopa, Goãmũ judio masare judio masa árĩbirã mera gohrotomi. Eropa gohrotogũ mũare judio masa árĩbirãre ĩgũ yarã wacũ iimi.

<sup>18</sup> Mũare ĩgũ eropa gohrotocũ, “Judio masa tauro òarã ãhraa pare gũa,” arĩ pepibiricãque. Ire guñaque: Judio masapũre beyemũhtapũ Goãmũ. Mũapũ erã pũhrũ Goãmũ yarã árĩrã mũa sã Goãmũ òari oburire opaa. Eropirã “Judio masa tauro òarã ãhraa,” arĩ pepibiricãque.

<sup>19</sup> Mũa judio masa árĩbirãpũ òpa arĩboca: “Yujurãyeri dũpũrire ĩgũ cóãdiro dopa ta Goãmũ judio masare cóãmi yujurãyerire. Eropa cóãgũ ĩgũ gaji dũpũrire gohroto ĩgũ tuhdiro dopa ta ĩgũ yarã mari wamorãre apimi,” arĩboca mũa judio masare tarinũgadiarã.

<sup>20</sup> Òpa ãhraa. Erã Jesure umupeobirira dipuwaja cóãpũ Goãmũ erãre. Eropigũ mũa sãre Jesure mũa umupeobiricũ ĩgũ yarã árĩmorãre mũare apibiriboañumi. Eropirã “judio masa tauro òarã ãhraa gũa,” arĩ pepibiricãque mũa. Eropa arĩbirã ta Goãmũre òaro umupeoque.

<sup>21</sup> Mũhtari dũpũri iro dopa judio masa Goãmũ yarã árĩmũhtañuma. Iri gohroto tuhra dũpũri iro dopa ta erã pũhrũ mũa Goãmũ yarã wabũ. Eropigũ Goãmũ ĩgũ yarã árĩmũhtanirã ĩgũre umupeobiricũ ĩagũ cóãpũ erãre. Īgũ erãre eropiidiro dopa ta mũa sãre cóãgũcumi mũa ĩgũre umupeobiricũ. Eropirã Goãmũre òaro umupeoque mũa.

<sup>22</sup> Goãmũ mũare òaro iigũ ĩgũ árĩcũ masique mũa. Eropirã gũhyadiaro mera, ĩgũ dipuwaja moagũ ĩgũ árĩcũ sãre masique mũa. Īgũre umu-

peobiräre ĩġu dipuwaja moaġġumi. Eropa árĭquereġu ta mġa ĩġure umupeoniguicġ mġare ðaro iigġumi ĩġu. ĩġure umupeobiricġ ñeri ðapġire ĩġu tabe cóãdiro dopa ta mġa säre cóãġumi Goãmġ.

<sup>23</sup> Masapġ erã tabe cóãra ðapġire tuhumasibeama daja. Goãmġpġ árĭpehrero iimasigġ aħrimi. Eropigġ judio masa ĩġu cóãnirã Cristore erã umupeodiacġ Goãmġ ĩġu yarã árĭcġ iigġumi daja erãre.

<sup>24</sup> Mġa judio masa árĭbirã Goãmġ yarã árĭbirimġriyoro. Eropa árĭbirã mġa árĭquerecġ ta Goãmġ mġare ĩġu yarã arĭcġ iigġumi. Eropigġ ĩġu beyemġhtanirã mġa árĭbiriquerecġ ta ĩġu yarã árĭcġ mġare iidiami ĩġu. Eropigġ judio masare ĩġu beyemġhtanirãpġre ĩġu yarã árĭcġ ĩġu tauro iidiaġġumi.

*Pħrġ Israe masare taugġumi Goãmġ, arĭ gojañumi Pablo*

<sup>25</sup> Yġ acawererã, ire masa erã masibirare mġare wereġura. Mġa õpa arĭboca: “Dohpaguere ġua dihtare beyemi Goãmġ. ġapġ masipehocãa,” mġa arĭ pepiboca. Mġa irire arĭ pepibiriboro dopa ire wereġura mġare. Õpa aħraa masa erã masibirara: Dohpaguere bajarã judio masa Goãmġre peediabirã aħrima. Eropirã bajarã judio masa árĭbirãre Goãmġ ĩġu queodiropġ ĩġu yarã wacġ iigġumi. Ero pħrġ judio masapġ ĩġure gamerãcoma daja.

<sup>26</sup> Erã eropa gamecġ árĭpehrerã Israe masare Goãmġ taugġumi erã peameġue wabonirãre. Goãmġ yare erã gojarpġġue eropa ta arĭ gojañuma:

Jerusalén waĭcġri macague judio masa ya macague erãre taubu arigġumi. Eropigġ Jacobo mġrġ pãramerã árĭturiarãre erã ñerire ĩġu cóãġumi.

<sup>27</sup> Eropigġ erãre taugġ iribojegue yġ arĭ erãre werepirare iigġumi, arĭmi Goãmġ, arĭ gojamġhtañuma Goãmġ yare erã gojarapġġue.

<sup>28-29</sup> Dohpaguere erã judio masa Cristo yare umupeobirã Goãmġre gamebeama. Erã eropiicġ dohpaguere mġapġ judio masa árĭbirãpġ Cristore umupeonġgabġ. Judio masapġre Goãmġ beyemġhtañumi. Goãmġ ĩġu arĭ werepidiro dopa ta masare ĩġu beyediro dopa ta ðiaye iimi ĩġu. Eropigġ judio masa ñecġ sġmarã mġra ĩġu beyenirã erã árĭcġ dohpague erã árĭturiarã säre ĩġu mahimi.

<sup>30</sup> Iribojegue mġa sã Goãmġre tarinġganirã árĭriyoro. Dohpaguere judio masa Goãmġre erã tarinġgacġ ĩaġu ĩġu mġapġre mojomoro ĩaġu taumi.

<sup>31</sup> Dohpaguere judio masa ĩġure tarinġgarã aħrima. Erã eropa árĭquerecġ ta Goãmġ dohpamasapġre Goãmġ beyemġhtañumi. Goãmġ ĩġu arĭ werepidiro dopa ta masare ĩġu beyediro dopa ta ðiaye iimi ĩġu. Eropigġ judio masa ñecġ sġmarã ġuere mġare mojomoro ĩadiro dopa ta erã säre pħrġ mojomoro ĩaġġumi.

<sup>32</sup> Õpa aħraa: Árĭpehrerã masare Goãmġ ĩġure erã tarinġgara waja yujuro mera dipuwajacġdoremi. Eropigġ árĭpehrerã erã dipuwajacġrã erã árĭcġ ĩha árĭpehrerãre yujuro mera mojomoro ĩaġġumi ĩġu.

<sup>33</sup> Õatariagġ aħrimi mari Goãmġ. Turatariagġ aħrimi. Õaro masipehogġ aħrimi ĩġu. Eropiro ĩġu ġuñarire, ĩġu ĩiburire marire ðaro masiya mara.

<sup>34</sup> Õpa arĭ gojañuma Goãmġ yare erã gojarapġġue: “Goãmġ mari Opġ ĩġu ġuñarire ne masa ðaro masibeama. Eropirã masa ĩġure ‘Õpa iique,’ arĭ weremasibeama.

<sup>35</sup> Eropirã masa Goãmure erã gajino ora pũhrũ ‘İgũ marire wajamomi,’ arĩ masiya mara masa,” arĩ gojañuma iribojeguerẽ.

<sup>36</sup> Goãmũ árĩpehrerire iidi árĩmi. Eropigũ ĩgũ turari mera árĩpehrerire árĩcũ iidoredi árĩmi ĩgũ. Eropiro árĩpehreri ĩgũ iiburi āhraa. Eropirã árĩpehrerinũri ĩgũre umupeorã mari. Eropa ta iirã mari.

## 12

### *Goãmũ gamerire marire iiniguicãdoreñumi Pablo*

<sup>1</sup> Goãmũ marire turaro mojomoro ĩhami. ĩgũ eropa mojomoro ĩagũ árĩcũ ĩarã, yũ acawererã, mũa basi ta Goãmũ gamerire iiniguicãrã árĩque. “Mũhũ yũ opũ āhraa,” arĩque ĩgũre. Eropirã ðaripũre gohrotonirã, ñeri marirã árĩque. Eropa ta iiro gahmea marire Goãmure umupeorãre. Mũa eropa árĩrã árĩcũ ĩgũ mucubirigũcumi. Eropigũ mũare irire bũrigã iidorea.

<sup>2</sup> I yeba majarã erã gamero dopa ta pepibiricãque mũa. Eropirã mũa pepiriguere Goãmũ gamerire gohrotoque mũa. Eropirã ðaripũre gohrotonirã árĩrãca mũa. Eropa gohrotorã Goãmũ mũare ĩgũ iidorerire masirãca mũa.

<sup>3</sup> Goãmũ yũre mojomoro ĩagũ mũare buhedoregũ beyemi yũre. Eropigũ árĩpehrerãre mũare ðpa dorea yũhũ. “Õatariagũ āhraa yũhũ,” arĩ pepibiricãque. Eropa pepicãque. Jesucristore mũa umupeorã “Goãmũ yũre ĩgũ itamuro mera iimasia yũhũ ĩgũ yare,” arĩ pepique.

<sup>4</sup> Õpa arĩ werenemogũra yũhũ: Mari mojotori, guburi, cuiri, árĩpehreri mari dũpũ árĩri baja āhraa. Mari dũpũ árĩri sã yuju dũpũ árĩquerero gajiropa árĩri mohmeri opaa. Mari dũpũ mari Jesu yarã iro dopa āhraa. Cristo dũpũ iro dopa árĩrã yuju curu ta āhraa mari.

<sup>5</sup> Mari eropa árĩcũ ĩagũ gajiropa árĩri dihta mohmerire apimi Goãmũ marire. Eropirã bajarã masa árĩquererã ta Cristore umupeorã árĩrã ĩgũ dũpũ iro dopa yuju curu āhraa mari.

<sup>6</sup> Eropigũ marire mari nũcũre gajiropa árĩri mohmerire mari iimasi-burire ĩgũ turari mera apidigũ árĩmi. ĩgũ eropiicũ maripũ ĩgũ apirare ðaro iiro gahmea. Eropirã Jesu yarã ðpa game itamuporo: Yujurãyerire Goãmũ ĩgũ yare weretaumasimorãre apidi árĩmi. Eropirã erã Cristore erã masiropẽ ĩgũ yare ðaro weretauporo gajirãre.

<sup>7</sup> Gajirãre Goãmũ yarãre erã itamumasimorãre apidi árĩmi. Eropirã erãpũ masare ðaro mera itamuporo. Gajirãpũre Goãmũ yare buhemorãre apidi árĩmi. Eropirã erã masare ðaro buheporo.

<sup>8</sup> Gajirãre masare mucubiricũ iimorãre apidi árĩmi. Eropirã irire ðaro iiporo. Gajirãre erã ya erã gamerire omorãre apidi árĩmi. Eropirã gajinore orã, ðaro mera mucubiriri mera oporo. Eropirã gajirãre doremumasimorãre apimi. Erã dorerã ðaro mera doreporo. Eropigũ daja mojomorocũrãre itamumasimorãre apidi árĩmi. Erãre itamurã mucubiriri mera itamuporo, arĩ werea mũare.

### *Jesu yarã árĩrã ðpa iirã āhrima, arĩ gojañumi Pablo*

<sup>9</sup> Gajirãre mahi umupeorã, diaye ta mahi umupeoque. Eropirã ñero iirire doorã árĩque mũa. Eropirã ðaripũre gameniguicãque.

<sup>10</sup> Mũa pagũ porãre mũa umupeoro dopa ta Jesu yarã mũa mera majarã sãre umupeoque. Eropirã mũa mera majarã erã gameripũre itamumũhtaque. Pũhrũ mũ yare iique.

<sup>11</sup> Goãmũ gamerire iirã ne tebiricãque. Eropirã mari Opũ ĩgũ dorediro dopa ta ðaro mucubiriri mera iique.

12 Goãmũ mũare peamegue wabonirãre ïgu taunirã ãhraa mũa. Irire masirã mucubirique mũa. Eropirã ñero tarirã Cristo yare duhuro mariro yujuro bojeque mũa. Eropirã Goãmũre eropa serënguicãque.

13 Gajino Jesu yarãre duhyacũ ïarã oque erãre. Eropirã mũa ya wirigue masa erã ejacũ òaro sïporãcũ erãre bocatïrique.

14 Mũare ñero iirãpũre erã òaro árïburire serëque Goãmũre. Eropa òadorerã erãre ujapeobiricãque.

15 Gajirã mucubiricũ ïha erã mera mũa sã mucubirique. Gajirã orecũ ïha erã mera oreque.

16 Mũa mera majarã mera òaro árïque mũa. Eropirã “Gajirã tauro òagũ ãhraa,” arï pepibiricãque. Bu árïrã mera sãre òaro árïque. Eropirã “Masitarinũgarã ãhraa gũa,” arï pepibiricãque.

17 Gajirã mũare ñero iiquerecũ ta, erãre ñero ii gamebiricãque. Eropirã òarire iique. Eropirã òarã mũa árïrire árïpehrerã masa ïha masirãcoma.

18 Mũa masiropë turaro mera òarire iique árïpehrerã mera mũa òaro árïcãboro dopa.

19 Mũa yũ mahirã, yũ acawererã, gajirã mũare erã ñero iiquerecũ ta erã iro dopa ñero ii gamebiricãque. “Erã ñero iira dipuwaja Goãmũpũ dipuwaja moagũcumĩ,” arï guñarã ñero ii gamebiricãque erãre. Goãmũ yare erã gojarapũgue eropa ta arï gojañuma: “Yũpũ masa erã ñero iira dipuwaja moagũ ãhraa. Eropigũ diaye ta dipuwaja moagũra, arïmi mari Opũ,” arï gojara ãhraa.

20 Eropirã òpa iique mũa: Mũare ïhaturidigũ ïgu oaboacũ ïarã ejoque ïgũre. ïgu ñemesibucũ deco tïaque ïgũre. Eropa iirã mũare ïhaturidigũ ïgu ñero iirare gũhyasïricũ iirãca.

21 Eropirã gajirã mũare erã ñero iiquerecũ mũapũ erãre ñero ii gamebiricãque. Eropirã erãre òaro iique. Eropa iirã ñeripũre tarinũgarã iirãca mũa.

## 13

1 Árïpehrerã oparãre Goãmũ dihta apimi. Eropigũ mũa tauro oparã sãre Goãmũ ta beye apidigũ árïmi. ïgu eropa apinirã erã árïcũ ïarã árïpehrerã mũa erãre yũhrique.

2 Mari tauro oparã árïrãre tarinũgarã Goãmũ ïgu apinirãre tarinũgarã iirãca mari. Eropa tarinũganirãre Goãmũpũ dipuwaja moagũcumĩ.

3 Òarire iirãre güicũ iimorã árïbeama oparã. Ñerire iirãpũre güicũ iirã ãhrima oparã. Eropirã òarire iique mũa oparãre mũa güibiriburire. Eropa iirã güisome mũa. Òarire mũa iicũ, opũpũ “Òarire iiabũ,” arïgũcumĩ mũare.

4 Oparã Goãmũre itamurã ta ãhrima mũa òaro árïcãborore. Erã eropa árïquererã ta erã dorerire tarinũgarãpũre dipuwaja moamorã ta ãhrima. Árïpehrerã ñerire iinirãre dipuwaja moadoregũ Goãmũ erãre apidi árïmi.

5 Eropirã mari oparãre yũhrique. Goãmũ ïgu dipuwaja moaborore güiro mera yũhrique. Eropirã umupeori mera “Òaro iiro gameca yũre,” arï pepiri mera òaro yũhrique erãre.

6 Mũa oparãre iri mohmerire apidi árïmi Goãmũ. Eropirã iri mohmerire erã iicũ ïarã mũa oparã ya árïburire wajaseabasaa mũa erãre.

7 Árïpehrerãre mũa oparãre òaro yũhrique. Eropirã oparã erã wajaseadorerare wajayeque mũa. Eropirã oparã gajire wajayedorecũ sãre wajayeque. Eropirã árïpehrerã oparãre umupeoque, arãa yũhũ mũare.

<sup>8</sup> Gajirāre wajamobiricāque. Erāre mahi umupeoro gahmea. Īḡu pohro árīḡure mahiḡu Goām̄u dorere iipehocāḡu āhrimi. Eropirā m̄ua pohro árīrā sāre mahiro gahmea.

<sup>9</sup> Ōpa arāa Goām̄u doreri: “Gajiḡu marapo mera ñero iirā árībiricāque. Masare wejēbiricāque. Yajabiricāque. Gajirāre ḡuya ñeri quere iibiricāque. Gajirā yare turaro Ɂaribejabiricāque,” arī werea ĩḡu doreri. Gaji ĩḡu doreri sã āhraa. Iri eropa árīquerecũ ta yujuñe dorerĩnere m̄uare werebu iiaa. Ōpa āhraa: “M̄u basi mahiro dopa ta m̄u pohro árīrāre mahique,” arī werea ĩḡu doreri. M̄ua pohro árīrāre mahirā Goām̄u dorere árīpehrerire ȳhrirā tiiaa.

<sup>10</sup> Gajirāre mahirā erāre ñero iisome. Eropirā erāre mahi umupeorā Goām̄u dorere ȳhripehorā āhraa m̄ua.

<sup>11</sup> Eropa gajirāre mahique ōpa masirā: Jesu marire ĩḡu dujariboro merogā d̄uhyanjaa. Īḡure mari ne masin̄ugarā ōpa arī pepirib̄u: “Yoara p̄hr̄ugue marire tauḡu ariḡacumi Jesu,” arī pepirib̄u. Mari eropa arī pepiquerecũ ta merogā d̄uhyaa Jesu marire ĩḡu tauḡu ariboro. Eropirā carīrā iro dopa árībiricāque. Īḡu yare ōaro ḡuñan̄uḡue. Jesu ariboro corere ōaro pee masi yuque.

<sup>12</sup> Dohpaguere ñerā erā iirin̄uri árīro iiaa. Cristo ĩḡu aririn̄u iri ñeri pehreroca. Īḡu ariboro merogā d̄uhyaa. Īḡu ariboro merogā d̄uhyacũ ĩarā ñerire iibiricārā mari. Eropirā Goām̄u gamerip̄ure iirā mari. Eropa Goām̄u yare iirā ñerip̄ure duhucārāca mari.

<sup>13</sup> Eropirā ōarip̄ure iirā. Eropa iirā bosen̄uri árīcũ mari Ɂaribejarire ñeri iibirabiricārā. Eropirā merebiricārā. Eropirā nome mera ñero iibiricārā. Gajirā mera game ĩhaturirā árībiricārā. Nome sã Ɂma mera ñero iibiricāporo.

<sup>14</sup> Eropirā mari Op̄u Jesucristo ĩḡu itamuri mera ĩḡu gamero dopa ta ōaro árīcāque. Eropirā m̄ua Ɂaribejarire ñerire ne iibiricāque.

## 14

*M̄ua acawererāre Jesu yarāre “Ñero iirā iima,” arī werew̄abiricāque, arī gojañumi Pablo*

<sup>1</sup> Jesure umupeoḡure, Jesu gamerire ĩḡu ōaro masinibiricũ dohpa, ĩḡure ōaro bocat̄irique. Eropa bocat̄irirā Jesu gamerire ĩḡu masinibiricũ ĩarā ĩḡu masibiririre d̄uyasobiricāque ĩḡure.

<sup>2-3</sup> Gajirā “Goām̄u árīpehrerire badoremi marire,” arī pepima. Eropirā gajirāp̄u ōaro masinibirā “Waibuḡu dihip̄ure bacũ Goām̄u gamebeam̄i,” arī pepima. Eropirā oteri dihtare bahama. “Dihire bamasia,” arīrā, “Dihire bamasibea,” arīrā sã erā Jesucristore umupeorā árīcũ ĩha Goām̄u ōarā ĩhami erāre. Eropirā “Árīpehrerire Goām̄u badoremi,” arīrāp̄u “Iri dihire bamasibea,” arīrāre ĩhaturibiricāporo. Eropirā dihire babirāp̄u dihire barāre “Ñero iirā iima,” arī werew̄abiricāporo.

<sup>4</sup> M̄ua Jesure umupeorā yujuḡu dorero doca āhraa m̄ua. M̄ua eropa árīcũ ĩarā m̄ua basi game werew̄amasibea. Jesucristo m̄ua Op̄u ĩḡu gamerire m̄ua iibiricũ ĩaḡu ĩḡu dihta irire weresāmasimi. M̄ua ōaro iicũ sāre irire ĩḡu weremasimi m̄uare. Eropiḡu ĩḡu dorere iirāre ōarire bocat̄ucũ iiḡacumi mari Op̄u.

<sup>5</sup> Yujurāyeri yujun̄ure “Irin̄u dihta soorin̄u gamenere Goām̄ure umupeorin̄u āhraa,” arī pepima. Gajirāp̄u “Ūm̄uri n̄uc̄u gamenere Goām̄ure umupeoro gahmea,” arī pepima. Eropiḡu ōpa werea m̄uare ȳh̄u: M̄ua



nꝯꝰ mꝯa pepirire “¿Dinꝯ āhriri mari gamenere umupeorinꝯ? ¿Dinꝯ árĩbeari?” arĩ pepi masique mꝯa.

<sup>6</sup> Gajigꝯ yujunꝯ iimi ĩgꝯ Goāmꝯre umupeoburinꝯre. Eropigꝯ umꝯri nꝯꝰ gamenere umupeobiriqꝯeregꝯ, Goāmꝯre ðaro umupeomi ĩgꝯ sã. Eropigꝯ árĩpehrerire bagꝯ sã “Ōhaa,” arĩ serēmi Goāmꝯre. Eropigꝯ ĩgꝯ sã Goāmꝯre umupeogꝯ ta āhrimi. Eropigꝯ gajinore babi sã ĩgꝯ sã umupeomi Goāmꝯre. Eropigꝯ ĩgꝯ sã Goāmꝯre “Ōhaa,” arĩ serēmi.

<sup>7</sup> Mari gameri dihtare iirã árĩmasibeaa mari. Cristo āhrimi mari Opꝯ. Eropigꝯ mari ojocaricũ, mari sĩricũ mari Opꝯ āhrimi ĩgꝯ.

<sup>8</sup> Dohpaguere mari ojocaripopē Cristo yare iimorã dihta āhraa mari. ĩgꝯ yarã āhraa. Mari sĩrira pꝯhrꝯgue sãre ĩgꝯ yarã árĩniguicãrãca. Eropigꝯ mari ojocaricũ mari sĩricũ sãre Cristo mari Opꝯ ta āhrimi.

<sup>9</sup> Eropa ta āhraa. Cristo sĩri, masa mꝯria, ojocarimi sĩrinirã sãre erã opꝯ árĩbu.

<sup>10</sup> ¿Duhpirã mꝯa acaweregꝯre Jesu yagꝯre “Ñero iigꝯ iimi,” arĩ werewꝯadiari mꝯa? ¿Duhpimorã mꝯa acaweregꝯre cꝯradiupidiari mꝯa? Mari árĩpehrerã Cristo core mari niguicũ ĩgꝯpꝯ mari iirare masipehogꝯ, mari iirare ĩagꝯcumi. ĩgꝯ eropa ĩabu ĩgꝯ árĩcũ mꝯa acaweregꝯre “Ñerire iigꝯ āhrimi,” arĩ werewꝯabiricãque.

<sup>11</sup> Goāmꝯ yare erã gojarapũgue ðpa arĩ gojañuma:

Ōpa arĩmi mari Opꝯ: “Yꝯhꝯ ojocarigꝯ āhraa. Iri diaye ta āhraa. Eropirã árĩpehrerã yꝯre gamerã, gamebirã sã yꝯ core merejarãcoma. Eropirã árĩpehrerã ‘Mꝯhꝯ turagꝯ gꝯa Goāmꝯ ta āhraa,’ arĩ, yꝯre umupeorãcoma,” arĩmi mari Opꝯ, arĩ gojañuma.

<sup>12</sup> Eropigꝯ mari árĩpehreri mari iirare Goāmꝯ serēpigꝯcumi. ¿Duhpirã eropa iiari? arĩ serēpigꝯcumi. ĩgꝯ eropa serēpicũ yꝯhrirãca mari.

### *Mꝯa acaweregꝯ ñero dujacũ ĩbiricãque mꝯa, arĩ gojañumi Pablo*

<sup>13</sup> Eropirã mari mera majarã sãre “Ñerã āhrima,” arĩ werewꝯabiricãrã. Eropirã mari acaweregꝯre Jesu yagꝯre ñero dujacũ ĩbiricãrã. ĩgꝯ Goāmꝯ yare duhucũ ĩbiricãrã.

<sup>14</sup> Yꝯhꝯ Jesucristo yagꝯ āhraa. Eropigꝯ ðpa ðaro masia yꝯhꝯ: “Árĩpehreri Goāmꝯ ĩgꝯ badorera āhraa,” arĩ masia. Gajigꝯpꝯ eropa arĩmasibeami. ĩgꝯpꝯ gajinore bagꝯ “Ñero iigꝯ iiaa,” arĩ pepimi. Eropiro ĩgꝯ irire arĩ pepiqueregꝯ bagꝯ diaye ta dipuwajacꝯgꝯ dujami.

<sup>15</sup> Iri diaye ta āhraa. Mꝯa dihire mꝯa bacũ mꝯa acaweregꝯ “Iri Goāmꝯ badorebirira āhraa,” arĩgꝯpꝯ ĩhacũbocumi mꝯare. Eropigꝯ irire bagꝯ, “Ñero iigꝯ iica yꝯhꝯ,” arĩ wꝯaro guñaricũbocumi ĩgꝯ. Eropirã mꝯa bari mera ĩgꝯ ñero pepicũ ĩha irire dipaturi babiricãro gahmea mꝯare. Mꝯhꝯ mꝯraro ta bagꝯ mꝯ acaweregꝯre umupeosome. Mꝯa acaweregꝯ yañe árĩborañe sãre sĩridi arĩmi Jesucristo. Eropirã mꝯa irire badiaquererã mꝯa acaweregꝯre Goāmꝯ yare duhucũ ĩbiricãque. Eropirã irire babiricãque.

<sup>16</sup> “Ire gꝯa eropa iicũ ðapũricãca,” mꝯa arĩ pepiquerecũ gajirã mꝯare ĩha werewꝯabocoma. Erã eropa werewꝯacũ ĩarã dipaturi irire ĩinemobiricãque gꝯare werewꝯari arĩrã.

<sup>17</sup> Goāmꝯpꝯ mari opꝯ āhrimi. ĩgꝯ eropa árĩcũ, mari badiari mari ihridiari sã eropa árĩcãro iiaa. Bu gohra āhraa. Eropiro mari Opꝯ ĩgꝯ dorerire ðarire mari iicũ iri ðari gohra árĩro tiiaa. Eropiro gajirã mera

mari ðaro árĩcãcũ ðari gohra árĩro iiaa. Eropiro Espĩritu Santo ĩgu itamuri mera mari mucubiricũ ðari gohra árĩro iiaa.

<sup>18</sup> Eropa ta Cristo yare ðarire iicũ ĩarã Goãmũ sã, masa sã “Õaro iiabũ muhũ,” arĩrãcoma.

<sup>19</sup> Eropa ta iirã mari tamera mari ðaro árĩcãborore, mari basi mari game itamuburire. Eropa iiricũ Jesure umupeonemorãca.

<sup>20</sup> Eropirã mũa bari mera Jesu yarãre Goãmũ yare duhucũ iibiricãque. Gajigũ Jesu yagũ “Goãmũ badorebirira bari ãhraa,” ĩgu arĩra barire mũa bacũ ĩagũ ĩgũpũ Goãmũ yare duhubocumi. Eropirã irire babiricãque. Diaye ta árĩpehreri bari Goãmũ ĩgu badorera bari ãhraa. Iri eropa árĩquerecũ gajigũ “Iri barire Goãmũ badorebeami,” arĩ pepimi. Eropigũ mũa iri barire bacũ ĩagũ ĩgũpũ ĩhacũ babocumi ĩgu sã. Eropa bagũ “Ñero iigũ iiaa,” arĩ pepi Goãmũ yare duhubocumi. Eropirã marire ĩgu ĩhacũ bacũ iirã mari sã ñero iirã tiiaa. Eropirã iri barire babiricãro gahmea marire.

<sup>21</sup> Waimũrã dihire mũa bacũ vinore mũa ihricũ ĩagũ, gajigũ Jesu yagũ ĩabocumi. Eropa ĩagũ ĩhacũ babocumi daja. “Irire bagũ ñero iigũ iica yuhũ,” arĩ pepibocumi. Eropa arĩ pepigũ tamera bagũ ñero iigũ iimi. Eropirã ĩgu ñero ĩgu iibiriborore waimũrã dihire, vino sãre mũapũ ba duhucũ ðacãroca. Jesure ĩgu umupeo duhubiriborore iibiricãro gahmea marire.

<sup>22</sup> Eropirã mũa baburire, ihriburire game dũyasobiricãque. “Árĩpehreri barire Goãmũ marire badoredigũ árĩmi,” arĩ pepirã irire Goãmũ dihtare wereque. “Ñerire iibigũ, ðaro iigũ iica,” ĩgu pepirigue arĩ masigũ mucubirigũ ãhrimi.

<sup>23</sup> Gajigũpũ iri barire bagũ, “Ñero iigũ iiboca yuhũ,” arĩ pepigũ árĩqueregũ iri barire bagũ, dipuwajacũgũ ãhrimi ĩgu. ĩgu ta “Ire bagũ diaye ta ðarire iigũ iiaa,” ĩgu pepirigue arĩmasibeami. Eropa arĩmasibigũ irire bagũ, ĩgu bara waja dipuwajacũmi ĩgu. “Õarire iigũ iiaa,” arĩmasibiriniagũ irire iigũ dipuwajacũgũ ãhrimi.

## 15

### *Mari pohro árĩrãre ðaro umupeorã, arĩ gojañumi Pablo*

<sup>1</sup> Eropirã Jesucristore ðaro mari umupeorãpũ, ðaro umupeoturabirãre itamuro gahmea. Eropirã mari ya árĩburi dihtare iibiricãro gahmea.

<sup>2</sup> Mari pohro árĩrãre erã gamero dopa ta iiro gahmea erã ðaro árĩcãborore. Goãmũre erã ðaro guñaturanemoburire iiro gahmea.

<sup>3</sup> Jesucristo sã ĩgu ya dihtare iibiridi árĩmi. Eropa ta arãa Goãmũ yare erã gojarapũ. Õpa arĩ gojañuma: “Cristo õpa arĩmi Goãmũre: ‘Mũpũre ñero wereniguibonirã yũpũre ñero wereniguima,’ arĩmi Cristo Goãmũre,” arĩ gojañuma iribojegure.

<sup>4</sup> Iribojegure erã Goãmũ yare gojañuma mari ðaro buheborore. Eropirã iri erã gojarapũre buherã sĩporã turarã wahaa mari. Eropa buherã ñero tarirã yujuro bojerãca.

<sup>5</sup> Goãmũ mũare turacũ iigũ sĩporã turacũ iigũ mũare game ðaro árĩcãcũ iiporo Jesucristo ĩgu gamediro dopa ta.

<sup>6</sup> Eropa ta iiporo ĩgu mũa árĩpehrerã yujuro mera Goãmũre umupeborore, mari Opũ Jesu Pagũre “Õagũ ãhrimi. Turagũ ãhrimi,” mũa arĩborore.

### *Judio masa árĩbirãre ðari buherire werenũgama, arĩ gojañumi Pablo*

<sup>7</sup> Cristo ĩgu mũare iidiro dopa ta mũa mera majarãre ðaro game bocaťirique. Mũa eropiicũ ĩarã “Diaye ta Goãmũre ðagu masa yujuro mera ðaro árĩcãcũ itamugũ àhrimi,” arĩ ĩarãcoma masa.

<sup>8</sup> Mũaare ire arĩgu iiaa: ĩgu Pagũ ĩgu arĩ werediro dopa diaye ta iigu ĩgu árĩcũ ĩhmugũ, judio masare itamubu aridigu árĩmi Cristo i yebaguere. Eropigu Goãmũ Abrahã sãre arĩ werepidiro dopa ta iigu aridigu árĩmi.

<sup>9</sup> Masare Cristo ĩgu itamucũ ĩgu Pagũ Goãmũ mojomoro ĩagu iidigu árĩmi erãre. ĩgu eropa mojomoro ĩacũ ĩarã judio masa árĩbirã sã Goãmũre “Òagu àhrimi. Turagu àhrimi,” arĩ umupeoma dohpaguere. Erã sãre ĩgu yarã árĩcũ iigu aridigu árĩmi Cristo. Goãmũ yare erã gojarapũgue eropa ta arĩ gojañuma:

Cristo ðpa arĩmi ĩgu Pagũre: Judio masa árĩbirã watope mũre umupeogũra. “Goãmũ ðagu àhrimi,” arĩgũra. Eropigu erã watope bayagu mũ ya árĩburire bayagũra, arĩmi Cristo ĩgu Pagũre, arĩ gojañuma iribojeguere.

<sup>10</sup> Eropirã ðpa arĩ gojañuma daja:

Goãmũ ĩgu beyenirã mera judio masa mera game mucubirique mũa sã judio masa árĩbirã, arĩ gojañuma iribojeguere.

<sup>11</sup> Eropirã ðpa arĩ gojañuma daja:

Judio masa árĩbirã árĩpehrerã Goãmũre umupeoporo. Eropirã árĩpehrero majarã ĩgũre “Òagu àhrimi. Turagu àhrimi,” arĩ umupeoporo, arĩ gojañuma.

<sup>12</sup> Eropigu Isaia mũrũ sã ðpa arĩ gojañumi:

Davi pagũ Isaí mũrũ pãrami árĩturiagu arigũcumi. Eropa arigu judio masa árĩbirã tauro opu árĩgũcumi ĩgu. Eropirã erãpu ĩgũre umupeorã erãre peamegue wabonirãre ĩgu tauborore masirãcoma, arĩ gojajuñumi iribojeguere.

<sup>13</sup> Goãmũ marire taugu árĩbu ðaro mũare mucubiricũ iiporo. Eropigu Jesure mũa guñaturacũ mũare ðaro árĩcãcũ iiporo ĩgu. Mũaare ĩgu eropiicũ “ĩgu pohro mari warãca,” arĩ mucubiri masinemorãca mũa Espĩritu Santo ĩgu turari mera, arãa yũhũ mũare.

<sup>14</sup> Yũ acawererã, ðaro mera mũare guñaa. Mũa ðarã àhraa. Eropirã Jesu yare ðaro masia. Eropa masirã mũa mera majarãre game ðaro were, buhemasia.

<sup>15</sup> Mũa eropa masirã mũa árĩquerecũ ta ipũguere mũare gũiro mariro irire ðaro werepehobũ yũhũ erãgue cãdijiri arĩgu. Goãmũ yũre mahigu mũare buhedoregu apimi yũre. Eropigu ĩgu apidiro dopa ta mũare guñacũ iigu iiaa.

<sup>16</sup> Yũre ĩgu apicũ Jesucristo yare ðari buherire judio masa árĩbirãre buhea yũhũ. Eropa buhecũ peerã judio masa árĩbirã Jesure umupeorãcoma. Erã eropa umupeocũ ĩagu Goãmũ erãre “Òarã àhrima,” arĩ ĩagũcumi. Eropigu erãre gamegũcumi. Eropigu Espĩritu Santopũ Goãmũ yarã wacũ iigũcumi erãre.

<sup>17</sup> Eropigu Jesucristore umupeogu árĩgu Goãmũ yũre buhedore apirare mucubiriri mera werea masare.

<sup>18-19</sup> Judio masa árĩbirãre Cristo itamuri mera erãre yũ buhecũ peerã, Cristore umupeoma. Eropirã masa árĩbirãre buhea yũhũ. Eropa buhecũ peerã judio masa árĩbirã Jesure umupeorãco yũ ðaro iiricũrire ĩarã, Goãmũ turari mera yũ deyoro moarare ĩarã, Espĩritu Santo ĩgu turari mera erã Cristore umupeoma. I árĩpehrerire mũare diaye werediaca. Gajirã erã iirare werebeaa. Jerusaléngue ne yũ buhenũgara pũhrũ árĩpehreri

macarigue buhe curibũ. Yoarogue, Iliria yebague sãre Jesucristo ya buherire ðari buherire buhegu ejabũ.

<sup>20</sup> Eropigu Cristo yare masibirã dihtare ðari buherire turaro buhediabũ. Yũ mera majarã erã buhenirãguere buhediabiribũ.

<sup>21</sup> Eropa arĩ gojañuma Goãmũ yare erã gojarapũguere. Õpa arĩ gojañuma:

Iribojegue ïguere ne masibirinirã ïguere masirãcoma. Eropirã ïguere ne peebirinirã ïgu yare ðaro peerãcoma, arĩ gojañuma Goãmũ yare erã gojarapũgue.

*Pablo Romague ïgu waborore wereñumi*

<sup>22</sup> Eropigu árĩpehrero majarãre buhegu árĩgu bajasuburi mũa pohro wadiaqueregu ta wamasibirimurabũ.

<sup>23</sup> Dohpaguere i yebaguere a árĩbirã Jesure umupeorãcoyũ mohmeri pehrea wahaa. Eropa pehrecũ ïagu baja bojori mũa pohro wadianiguigu árĩgu, mũa pohrogue wagũra.

<sup>24</sup> Eropigu Españague wagũ muare ero ïhatari wahgãgũra. Eropigu mũa mera mucubirigũra. Eropigu mũa mera árĩdigũ wagũ mũa yũre itamuri mera wagũra daja.

<sup>25</sup> Dohpaguere Jerusaléngue wanibu iiaa. Ero majarãre yũ acawererãre Jesu yarãre niyeru sonigu wagũ iiaa.

<sup>26</sup> Macedonia majarã, Acaya majarã, ðaro mera Jesu yarã Jerusaléngue árĩrãremojomorocũrãre niyerure oboama erãre itamurã. Eropigu erãre oboorare sogũ wagũ iiaa.

<sup>27</sup> Iri niyerure orã ðaro mera ohãma. Erã eropiicũ ðapũrica yũ pepicũ. Erãre judio masa árĩbirãre, gũa judio masapũ Goãmũ yare buhemũhtabũ. Eropirã erãre ïgu tauboro sãre buhemũhtabũ gũa judio masa erãre. Gũa eropa buhecũ ïagu, Macedonia majarã, Acaya majarã mera judio masapũre Jerusalén majarãre itamucũ ðapũrica yũre. Erãre erã buhera waja ãhraa iri niyeru yũ pepicũ.

<sup>28</sup> Eropigu Jerusalén majarãre iri niyerure yũ ora pũhrũ Españague wagũca. Erogue wagũ muare ïhatari wahgãgũra.

<sup>29</sup> Eropigu mũa pohrogue yũ wacũ Cristo yare yũ muare buhecũ Cristo marire ðaro siporãcũcũ iigũcumĩ.

<sup>30</sup> Mũa, yũ acawererã, mari Opũre Jesucristore umupeoa. Eropirã Espĩritu Santo ïgu turari mera gajirãre umupeoca mũa. Mũa eropiirã árĩrã yũ sãre turaro serẽbasaque Goãmũre.

<sup>31</sup> Õpa arĩ serẽbasaque: Judea yeba majarã Jesure umupeobirã yũre erã ñero iidiacũ Goãmũ yũre itamuboro dopa serẽque. Eropirã Jerusalén majarãre iri niyerure yũ ocũ erã irire mucubiriri mera erã ñeaboro dopa serẽque.

<sup>32</sup> Mũa eropa serẽcũ Goãmũ gamecũ mucubiriri mera mũa pohrogue wagũca. Eropigu mũa mera árĩgu mucubiriri mera soogũra.

<sup>33</sup> Goãmũ marire ðaro árĩcãgu ïgu mũa mera árĩporo. Eropa ta iiporo.

## 16

*Pablo ðadoreñumi*

<sup>1</sup> Mari acawerego Febe waĩcũgo mũa pohrogue wabo iimo. Igo Cencrea waĩcũri macague Jesu yarãre itamugo ãhrimo.

<sup>2</sup> Eropigo bajarãre yũ sãre itamugo ãhrimo igo. Eropirã mũa igo mera yujuro mera mari Opũre umupeorã ãhraa. Eropirã igore ðaro mera

bocatĩrique. Eropa ta iiro gahmea marire Jesu yarāre. Eropirā igore igo gamerire gajino dũhyacũ igore oque mũa.

<sup>3</sup> Aquila, ĩgu marapo sã Priscila sã õaporo. Jesucristo yare yũ buhecũ erã sã yũ mera mohmeama.

<sup>4</sup> Erāre mero wejẽbocurima gajirã erã yũre wejẽdiacũ itamuri waja. Eropigu erã mera mucubiria yũhũ. Eropirã judio masa árĩbirã Jesu yarã árĩpehrerã erã sã erã mera mucubirima.

<sup>5</sup> Eropirã Aquila ya wihi gamenererã sã Jesu yarã õaporo. Yũ mahigu Epenéta sã õaporo. ĩgu Asia majagu ero árĩgu Cristore umupeomũhtadigu árĩmi.

<sup>6</sup> María sã õaporo. Igo mũa mera turaro mohmeapo.

<sup>7</sup> Yũ acawererã Andrónico, Junia sã õaporo. Peresu yũ árĩcũ erã ta yũre wapicunirã āhrama. Eropirã yũ core Cristore umupeonũgañorã erãpũ. Gajirã Jesu ĩgu apinirãpũ erāre “Diaye ta õarã āhrima,” arĩ wereniguima.

<sup>8</sup> Amplia sã yũ mahigu Jesu yagu āhrimi. ĩgu õaporo.

<sup>9</sup> Eropigu Urbano sã õaporo. ĩgu sã mari mera Cristo ya árĩburire mohmeami. Eropigu yũ mahigu mera majagu Estaqui õaporo.

<sup>10</sup> Eropigu Apele sã õaporo. ĩgu diaye ta õaro Jesucristore umupeomi. ĩgu iiricũre ĩarã irire masia mari. Eropirã Aristóbulo ya wihi majarã árĩpehrerã ĩgu marapo ĩgu porã sã õaporo.

<sup>11</sup> Yũ acaweregũ Herodión õaporo. Eropirã Narciso ya wihi majarã Jesu yarã õapehrecãporo.

<sup>12</sup> Eropirã Trifena, Trifosa sã õaporo. Erã nome mari Opũ Jesu mohmerire iima. Mari mahigo Pérsida sã õaporo. Igo mari Opũ Jesucristo yare turaro mohmemo.

<sup>13</sup> Eropigu Rufo mari Opũ Jesure õaro umupeogu, ĩgu yare õaro iigu õaporo. ĩgu pago sã õaporo. Igo yũ pago iro dopa ta árĩgo āhrimo.

<sup>14</sup> Asíncrito, Flegonte, Herma, Patroba, Herme, gajirã Jesu yarã erã mera majarã sã õaporo.

<sup>15</sup> Eropirã Filólogo, Julia, Nereo, ĩgu pagũ mago sã Olimpa, gajirã erã mera majarã sã Jesu yarã õaporo.

<sup>16</sup> Eropirã mũa mera majarãre bocatĩrirã mucubiriri mera mojoto ñeaque. Árĩpehrerã Jesu yarã árĩpehrero majarã mũare õadorema.

<sup>17</sup> Yũ acawererã, mũa mera yujurãyeri mũare game ĩhaturicũ iirã game dũca waricũ iirã árĩcoma. Eropirã mũare Jesu ya buherire goroweoma. Eropirã eropa iirãre õaro iique goroweorĩ arĩrã. Eropa arĩrãre wapicubiricãque.

<sup>18</sup> Eropa iirã mari Opũ Jesucristo yare iibeama. Ñerire erã ũaribejari dihtare iima. Eropirã õaro wereniguirã iro dopa gũyama masibirãre erã. Erã eropa gũyacũ erãre õaro peenũrũma. Eropirã erãre wapicubiricãque mũa.

<sup>19</sup> Mũapũ Jesure õaro yũhrirã āhraa. Irire árĩpehrerã masima. Eropa õaro mũa yũhrirã mũa árĩcũ pee mucubiria yũhũ. Eropigu õaro mũa iiborore masicũ gahmea yũhũ. Eropigu ne ñeri sãre mũa iibiricũ gahmea yũhũ.

<sup>20</sup> Eropigu Goãmũ marire õaro árĩcãcũ iigu merogã pũhrũ watĩre tarinũgagũ iibasagũcumĩ mũare. Mari Opũ Jesucristo õaro mũare itamuniguicãporo.

<sup>21</sup> Timoteo yũ mera majagu mũare õadoremi. Yũ acawererã Lucio, Jasõ, Sosípate mũare õadorema.

<sup>22</sup> Yũhũ Tercio ipũre gojabasagũ ãhraa Pablõre. Yũhũ Jesu yagũ árĩgũ mũa Jesu yarãre õadoreã.

<sup>23</sup> Gayo ya wihi árĩcãgũ iiaa yũhũ Pablo. Ìgũ ya wihigue Jesu yarã gamenerema Goãmũre umupeomorã. Ìgũ sã mũare õadoremi. Eropigũ Erasto i maca majarã oparãre niyeru dibubasagũ mũare õadoremi. Mari acaweregũ Jesu yagũ Cuarto sã mũare õadoremi.

<sup>24</sup> Mari Opũ Jesucristopũ mũare árĩpehrerãre õaro iiporo. Eropa ta iiporo.

*Pablo Goãmũre umupeori mera gojatuñumi*

<sup>25-27</sup> Mari Opũ Jesucristo ya buheri mera õari buheri mera Goãmũ mũare ãgũre guñaturanemocũ iimasimi. Iribojegue iri õari buheri ne masa masibiriri buheri árĩriyoro. Dohpaguere Goãmũ yare weremũhtanirã erã gojara mera iri buherire masidoregũ iimi. Yũ sã irire buhea. Iri buherire árĩpehrero majarã dohpaguere masima. Goãmũ eropa árĩniguicãgũ dorero dopa ta erã masima. Iri buherire ãgũ ta weredorepũ masa ãgũre erã yũhriborore, ãgũre erã umupeoboro sãre. Eropirã ãgũre “Diaye ta õagũ, turagũ ãhrimi,” arĩ umupeorã. Ìgũ yujugũ ta Goãmũ õaro masipehogũ ãhrimi. Jesucristo ãgũ itamuri mera Goãmũre eropa umupeoniguicãrã mari. Eropa ta iirã. Iripẽta ãhraa.

# 1 Corintios

## *Pablo Goãmũ yarãre Corinto majarãre gojabeoñumi*

<sup>1-2</sup> Yũhũ Pablo, Jesucristo yare ïgũ buhedore apidigũ ãhraa. Goãmũ ïgũ gamero dopa ta Jesu ïgũ apibure yũre beyepũ ïgũ. Sostene Jesu yagũ mari acaweregũ mera mũare Goãmũ yarãre Corinto majarãre gojabeoa gũa. Jesucristo mera majarã mũa árĩcũ Goãmũ yarã árĩmorãre beye aĩdi árĩmi Jesucristo mũare. Eropirã árĩpehrero majarã gajirã mari Opũ Jesucristore serẽrã árĩrã, erã sã Goãmũ yarã ta ãhrima. Jesucristopũ erã opũ mari Opũ sã ãhrimi.

<sup>3</sup> Eropirã Goãmũ mari Pagũ, mari Opũ Jesucristo mera mũare õadorea. ïgũ itamuri mera õaro árĩque mũa.

## *Jesucristopũ mũare õaro iibasadigũ árĩmi Goãmũre, arĩ gojañumi Pablo*

<sup>4</sup> Jesucristo mũare õaro iibasadigũ árĩmi Goãmũre. ïgũ eropa iicũ ïagũ, Goãmũre yũ mahigure, Õhaa," arãa yũhũ mũmuri nũcũ.

<sup>5</sup> Cristo yarã mũa árĩcũ ïagũ Goãmũpũ mũare õaro árĩcũ iimi. Eropigũ ïgũpũ ïgũ yare mũare gajirãre weremorãre iimi ïgũ. Eropigũ ïgũ, ïgũ yare õaro masicũ iimi mũare.

<sup>6</sup> "Cristo mũare õaro iigũcumĩ," mũare gũa arĩ werediro ta wahabũ mũare Cristo yarã mũa wacũ.

<sup>7</sup> Eropigũ árĩpehreri ïgũ ya árĩburire mũa iimasicũ iimi Goãmũ mũare. Eropiro ne dũhyabeaa mũare. Mari Opũ Jesucristo i yebague ïgũ dujari-borore mũa corerisubũ Goãmũpũ mũare eropa itamuniguicãgũcumĩ.

<sup>8</sup> Eropigũ Jesucristopũ mũa ïgũre umupeoniguicũ iigũ ãhrimi. ïgũ eropa árĩgũ árĩcũ mũapũ i mũmũ pehrecũ mũa ñeri iira dipuwaja moorã árĩcũ iigũcumĩ.

<sup>9</sup> Goãmũ "Õpa iigũra," ïgũ arĩdiro dopa ta ïgũ iimi. Eropigũ ïgũ, ïgũ magũ mari Opũ Jesucristo mera yujuro mera árĩmorãre marire beyedi árĩmi.

## *Jesu yarã Corinto majarã erã game dũca warirare Pablo arĩ gojañumi*

<sup>10</sup> Yũ acawererã, mari Opũ Jesucristo ïgũ dorero mera mũare bũrigã serẽbu iiaa: Mũa basi game dũyasobiricãque. Eropirã mũa basi game dũca waribiricãro gahmea. Yuju curu ta árĩque mũa. Eropirã yujuropa ta õaro árĩniguicãque. Eropa iirã mũa iiburire pepirã, yujuropa iique mũa.

<sup>11</sup> Yũ acawererã, mũa basi game dũyasorã iayoro mũa. Eropa arĩ wereama Cloé ya wihi majarã yũre.

<sup>12</sup> Gajirã mũa mera majarã õpa arãnorã: "Pablo ya curu majarã ãhraa gũa," arĩ wereniguiayoro gajirã mũa. Eropirã gajirã "Apolo ya curu majarã ãhraa gũa," arãyoro gajirã. Eropirã gajirãpũ daja, "Pedro ya curu majarã ãhraa gũa," arãyoro mũa. Eropirã gajirãpũ daja, "Gũa tamera Cristo ya curu majarã ãhraa gũa," arãyoro mũa.

<sup>13</sup> Mũa eropa arĩquerecũ ta yũhũ õpa werea mũare: Cristo ya curu majarã yuju curu ta ãhraa mari. Eropirã mari basi yujurãyeri dũca warimasibea mari. Yuju curu ta árĩrã iiaa mari. Yũhũ Cristo árĩbeaa. ïgũ iidiro dopa mũa ya dipuwajare crusague sĩridigũ árĩbeaa. Eropigũ mũare gajigũ waĩyegũ yaha waĩ mera waĩyebemi. Cristo ya waĩ mera waĩyecumi mũare.

<sup>14</sup> Mũare mũa mera majarã sãre waĩyebiribũ yũpũ. Crispore, Gayo sãre erã dihtare waĩyebũ yũhũ. “Pablo waĩyenirã dihta ãhraa,” arĩmasibea mũa. Eropigũ gajirãre waĩyebiridigũ yũ árĩgũ “Õhaa,” arĩ pepia Goãmũre.

<sup>15</sup> Bajarã masare waĩyedigũ yũ árĩcũ “Pablo ya waĩ mera ĩgũ waĩyemi gũare,” arĩboaya mũa. Eropa arĩrã Jesucristore umupeobirã mũa yũpũre umupeoboaya. Eropigũ irire gamebirabũ.

<sup>16</sup> Estéfana ya wihi majarã sãre waĩyebũ yũhũ. Erã nũcũ ta waĩyebũ yũhũ. Gajirã yũ waĩyenirãre guñabirica.

<sup>17</sup> Cristo yũre obeogũ, gajirãre waĩyebure apibirimi ĩgũ yũre. Õari buherire werebupũre apimi ĩgũ yũre. Iri õari buheri “Cristo ĩgũ crusague sĩriñumi,” arĩ buheri masare gohrotori buheri ãhraa Goãmũ yare erã iiburire. Eropigũ yũhũ irire buhegũ gajigũ õaro masitarigũ iro dopa buhebeaa. Masa erã masiri mera buhebeaa. Yũhũ eropa yũ ejatuharo mera buhecũ mũa õari buheripũre umupeobiriboaya.

*Goãmũ ĩgũ turarire ĩgũ masiri sãre opagũ ãhrimi Cristo, arĩ gojañumi Pablo*

<sup>18</sup> Peamegue dederemorãpũ iri buheri “Cristo crusague ĩgũ sĩridi árĩmi,” arĩ buherire peerã õpa arĩma: “Pee masibirã ya buheri ãhraa,” arĩmaacãma. Maripũ Cristo ĩgũ taumorã árĩrã õpa arãa: “ ‘Crusague ĩgũ marire sĩridi árĩmi,’ arĩ buheri tura ãhraa. Iri buheri mera Goãmũ marire gohrotomi,” arãa mari.

<sup>19</sup> Eropa ta arĩñumi Goãmũpũ ĩgũ yare erã gojarapũgue:

Eropirã i yeba majarã masare “Õaro masirã ãhraa,” erã basi arĩrãre erã masiripũ duhpiburi árĩbeaa, arĩ ĩhmuğũca yũhũ, arĩñumi Goãmũ.

<sup>20</sup> Eropirã i yeba majarã õaro masirã duhpimorã árĩbeama. Erã pepiro dopa buherã sã duhpimorã árĩbeama. Dohpaguere wereniguimehrerã sã duhpimorã árĩbeama. I yeba majarã “Õaro masirã ãhrima,” arĩnirã erã árĩquerecũ ta “Pee masibirã erã ãhrima,” arĩ ĩhmumi Goãmũ erãre.

<sup>21</sup> Goãmũ tamera õaro masigũ ãhrimi. ĩgũ eropa árĩcũ i yeba majarã erã ya masiri mera Goãmũ yare ne masisũya mariroca erãre. Goãmũ “Erã masiri mera yũre masisome,” ĩgũ arĩdiro dopa ta eropa wahabũ erãre. Õpa arĩñumi: “Yaha õari buherire werecũ masa yũre masirãcoma,” arĩñumi. Eropigũ “Iri buheri pee masibirã ya buheri ãhraa,” gajirã arĩquerecũ, gajirãpũre erã õari buherire peerãpũre Goãmũ taumi. Cristore erã umupeocũ ĩagũ “Erãre peamegue wabonirãre taugũra,” arĩmũhtarũ.

<sup>22</sup> Judio masa deyoro moarire ii ĩhmudorema erã iri buherire umupeoboro core. Eropirã griego masa judio masa árĩbirã árĩrãpũ erã pepiro dopa buhecũ gahmema.

<sup>23</sup> Maripũ “Jesucristo mari ñeri iira dipuwaja crusague sĩridi árĩmi,” arĩ buherire buhea mari. Iri buherire peerã judio masapũ gamebeama. Eropirã iri buherire judio masa árĩbirãpũ “Pee masibirã ya buheri ãhraa,” arĩma.

<sup>24</sup> Goãmũ ĩgũ yarã árĩmorã ĩgũ beye añnirãpũ iri buherire pee õpa arĩ masima: “Goãmũ masipehogũ turagũ ãhrimi. Cristo marire sĩribasara mera marire peamegue wabonirãre Goãmũ taumi,” arĩ masima. Erã judio masa, judio masa árĩbirã sã eropa arĩ masima Jesu yarã árĩrã.

<sup>25</sup> Goãmũ õaro masipehogũ ãhrimi. “Goãmũ pee masibigũ ãhrimi,” masa arĩ pepiquerecũ ta i yeba majarã tauro õaro masipehogũ ãhrimi. Eropigũ “Turabigũ ãhrimi,” masa arĩ pepiquerecũ ta erã wecague turatarinũgagũ ãhrimi ĩgũ.



<sup>26</sup> Yũ acawererã, Goãmũ mũare ãgũ beyeboro core mũa árĩmũhtarare guñaque. I yeba majarã “Õaro masirã àhřima,” erã arĩnirã watopegue Goãmũ mũare bajamerãgã dihtare beye aĩdi árĩmi. Eropirã masa tĩrã oparã sã arĩnirã bajamerãgã àhřaa mũa Jesu yarã.

<sup>27</sup> I yeba majarã “Pee masibirã àhřima,” erã arĩnirã watopepũre mũare Goãmũ beye aĩdi árĩmi. Eropa beyedi árĩmi “Õaro masirã àhřima,” erã arĩnirã erã masibirã dujaboro dopa. Eropigũ i yeba majarã “Turabirã, doyarã àhřima,” erã arĩnirãre Goãmũ aĩdigũ árĩmi doyarãrãpũ erã doyarã dujaro dopa.

<sup>28</sup> Masa erã ãdiabirãre “Duhpimorã árĩbeama,” arĩma. Erã eropa arĩnirãre bu árĩrãre Goãmũ ãgũ yarã árĩmorãre aĩdigũ árĩmi mũare. Eropa aĩgũ i yeba majarã oparãre, gũhyadiarãre, “Gũapũ bu árĩrã àhřaa,” erã arĩcũ iigũ iimi Goãmũ erãre.

<sup>29</sup> ãgũ eropa iicũ i yeba majarã ne yujugũ ãgũ gamero mera “Yũ tamera turagũ, õaro masigũ àhřaa,” arĩ tarinũgamasibeami Goãmũ ãgũ ãacũ.

<sup>30</sup> Goãmũpũ marire Jesucristo yarã árĩcũ iimi. ãgũ yarã árĩrã mũmuri nũcũ Goãmũ mera árĩrãca mari. Jesucristopũ Goãmũre õaro masicũ iimi marire. Eropigũ mari ñerire cóãgũ marire õarire gohrotocũ iigũ àhřimi. Eropigũ marire peamegue wabonirãre taubu àhřimi.

<sup>31</sup> ãgũ eropa iicũ Goãmũ yare erã gojarapũ ãgũ arĩ gojadiro dopa ta eropa wahaa. Õpa arĩ gojañuma: “ ‘Yũ gamero masipehogũ àhřaa,’ arĩgũ irire arĩbircãporo. Õpa arĩporo: ‘Mari Opũpũ masipehogũ ta àhřimi,’ arĩporo ãgũ,” arĩ gojañuma Goãmũ yare erã gojarapũgue.

## 2

### *Cristo crusague ãgũ sĩřira buheri àhřaa i, arĩ gojañumi Pablo*

<sup>1-2</sup> Yũ acawererã, mũa pohro wabu õpa arĩ pepibũ yũpũ: “Erã mera árĩgũ Jesucristo crusague sĩřidigũ waĩpeo ãgũre erã masiburi dihtare buhegũra erãre,” arĩ pepibũ mũare. Eropigũ mũa pohro árĩgũ Goãmũ yare mũare buhebũ. Goãmũ yare mũare buhegũ, weretarinũgagũ iro dopa “Masitarigũ àhřaa,” arĩ buhegũ iibiribũ.

<sup>3</sup> Eropigũ mũa mera árĩgũ bu árĩgũ iro dopa árĩbũ yũhũ. Eropigũ yũre umupeori arĩgũ doyañariro dopa buhebũ yũhũ.

<sup>4</sup> Eropigũ Goãmũ yare buhegũ “Masipehoa yũhũ,” arĩgũ weretarinũgagũ iro dopa buhebiribũ. ãgũ yare buhecũ Espĩritu Santo ãgũ turari mera mũare iri buherire umupeocũ iimi.

<sup>5</sup> Eropa ta arĩ buhebũ yũhũ mũare masa erã gamero erã ya masiripũre mũa gamebiriboro dopa. Goãmũpũre mũa umupeoburire eropa arĩ buhebũ yũhũ “Goãmũ turagũ àhřimi,” mũa arĩboro dopa.

### *Espĩritu Santopũ Goãmũ ãgũ árĩricũřire buhemi marire, arĩ gojañumi Pablo*

<sup>6</sup> Eropirã Goãmũ ya buherire Jesure õaro umupeorãguere werea gũa. Iri buheri masiri ta àhřaa. I mũmũ maja masa erã gamero erã masiri iro dopa árĩbeaa i mũare gũa buheri. I yebare dorerã ya masiri sã árĩbeaa. Erã masiri i mũmũ mera pehrero iiaa.

<sup>7</sup> Goãmũ ya masiripũre werea. Iribojegue i buherire ne masisũya mariyoro. Negohraguere mari õaro árĩborore Goãmũ arĩ pepituhajamũripũ. Marire peamegue wabonirãre ãgũ tauborore, ãgũ mera mari arĩboro sãre “Masare eropa ta iigũra,” arĩ pepiyupũ.

<sup>8</sup> Īḡu masare ōaro arī pepirare i ɯmure dorerā masibiriñuma. Irire ōaro masirā, mari Opure Goāmɯ magu gohrare crusague pabia wejēbiriboañuma erā.

<sup>9</sup> Erā eropa masibirirare Goāmɯ yare erā gojarapūgue ōpa āhraa:

Árīpehrerā Goāmure mahirā ya árīburire Goāmɯ ōaro amubasayutuhapɯ. Iri ĩḡu amubasarapure masare masima masiya mara. Ne gajino iro dopa ĩaya mara irire, arāa Goāmɯ yare erā gojarapūgue.

<sup>10</sup> Iri eropa arīquerecū ta Espiritu Santopɯ Goāmɯ yare, masisūya marirare masicū iimi marire. Árīpehreri Goāmɯ yare ĩḡu pepira sāre Espiritu Santo masipehomi. Eropa masiḡu ĩḡu marire irire masicū iimi.

<sup>11</sup> Ne gajirāpɯ masu ĩḡu pepirire masibeama. Masupɯ ĩḡu seyaro ĩḡu guñarigue ĩḡu pepirire masimi. Eropa ta masa Goāmɯ ĩḡu pepirire ne masibeama. Espiritu Santo dihta ĩḡu pepirire masimi.

<sup>12</sup> Eropirā mari Jesu yarā árīrā erā i ɯmɯ majarā Jesu yarā árībirā erā pepiro dopa pepibea. Goāmɯ ĩḡu Espiriture ohomi maripure ĩḡu pepiro dopa mari pepiburire. ĩḡu marire ōaro ĩḡu orare masicū iimi Espiritu Santopɯ.

<sup>13</sup> Eropirā Goāmɯ yare mure buherā, masa ya masiri mera ḡua gamero buhebeaa ḡua. Espiritu Santo ĩḡu gamero dopa ĩḡu ḡuare wereniguidoreripure mure buhea. Eropa buherā Espiritu Santo gamero dopa Goāmɯ yare ōaro buhea ḡua ĩḡu yarāre.

<sup>14</sup> Espiritu Santore opabirāpɯ irire Espiritu Santo yare erāre buhecū, “Pee masibirā wereniguri āhraa,” arīma erā. Eropirā gamebeama. Espiritu Santo ĩḡu itamuro mariro ĩḡu yare masima masiya mara masare. Eropirā erā ĩḡu yare ne masibeama.

<sup>15</sup> Espiritu Santore oparāpɯ Goāmɯ yare ōaro masima. Gajirāpɯ erāre “Pee masibirā āhrima,” arīmasibeama Espiritu Santore oparāre.

<sup>16</sup> Ōpa arāa Goāmɯ yare erā gojarapūgue: “Ne yujuḡu ĩḡu gamero mera mari Opɯ ĩḡu guñarire masiḡu ne marimi. Eropirā ĩḡure masa ne buhemasibeama,” arāa ĩḡu yare erā gojarapūgue. Maripɯ Cristo yarā árīrā, Cristo iro dopa masia.

### 3

*Jesu yarā yujuro mera Goāmɯ mohme corerā āhrima, arī gojañumi Pablo*

<sup>1-2</sup> Yɯ acawererā, mure buheḡu Espiritu Santore ōaro yuhrirāre yɯ buhediro dopa buhemasibiribɯ mupure. Mɯa pepiri Espiritu Santo opabirā pepiro dopa árībɯ. Cristo yarā mɯa arīquererā ta ĩḡure ōaro yuhrirā árībirā majirāḡā erā pee masibiro dopa ta Goāmɯ yare ōaro pee masibiribɯ mupɯ dohpɯ. Eropa mɯa pee masibiricū ĩaḡu Goāmɯ yare ōarire buhenemomasibiribɯ mure. Eropiḡu majirāḡāre apīco dihtare mari oro dopa ta diasabiriri buheri dihtare buhebɯ daja mure. Dohpague sāre muraro ta masinibea dohpɯ mɯa.

<sup>3</sup> Ōpa iirā iiaa mɯa Espiritu Santore yuhribirā. Mupɯ mɯa mera majarāre ĩadiabirā, erā gajinore opacū ĩhaturirā, mɯa basi yujurāyeri cururi Yɯ acawererā, mure buheḡu Educa warirā iiaa. Eropirā Espiritu Santore opabirā Cristore gamebirā iro dopa iirā iiaa mɯa. Eropirā Goāmɯ yare ōaro peebeaa mɯa.

<sup>4</sup> Ōpa āhrayoro mɯa. “Pablo ya curu majarā āhraa ḡua,” arāyoro mɯa yujurāyeri. Eropirā gajirā mɯa mera majarāpɯ “Apolo ya curu majarā

āhraa gwa tamera,” arāyoro mua. Eropa arī dūyatorā Espiritu Santore opabirā iro dopa arī wereniguia mua.

<sup>5</sup> ¿Yuhū Pablo, Apolo mera duhpimorā āhriri gwa mua pepicū? Árībeaa. Goāmure mohme corerā āhraa gwa. Gware īgu iidorero dopa iimorā āhraa. Eropirā gwa muare buhecū peerā Jesucristore umupeonugabu mua.

<sup>6</sup> Ōari buherire buherā pohegue mohme corerā iro dopa āhrima mari werenigui queori mera buhecū. Pohegue īgu otemuhtadiro dopa ta yuhū muare Goāmū yare buhemuhtabu. Eropigu gajigu īgu pohere ihadiburo dopa ta Apolopū yū pūhrū muare buhenurusiāmi. Gwa eropa buhequerecū ta pohe maja yucure iri bugacū īgu iidiro dopa ta Goāmūpū muare īgu yare masinemocū iimi.

<sup>7</sup> Eropigu yū buhemuhtadi árīqueregu ta bu árīgu āhraa. Eropigu Apolo yū pūhrū buhenemodi sā bu árīgu ta āhrimi. Goāmū tamera ōagū āhrimi. Īgūpū muare īgu yarā árīcū īgure masinemocū iimi. Eropirā Goāmūpūre umupeoro gahmea muare.

<sup>8</sup> Otemuhtagū pūhrū pohere ihadibugū yujuro mera mohme corerā āhrima erā. Eropirā erā nūcū erā mohmediropē ta wajatama erā. Eropa ta āhraa gwa Apolo mera.

<sup>9</sup> Eropirā gwa Goāmū yare mohme corerā āhraa. Eropa gwa mohme corerā Apolo yū mera majagu āhrimi. Mūapū Goāmū ya pohe iro dopa ta āhraa. Mua eropa árīcū Goāmū ya pohe iri maja yucure īgu buganemocū iidiro dopa ta muare īgu yare masinemocū iimi īgu.

Eropigu Goāmū muare īgu yarāre ōarā árīcū iigu iimi. Eropirā mua Goāmū mohmeri wihi iro dopa āhraa mua gaji werenigui queori mera werediacū.

<sup>10</sup> Yūre Goāmū īgu itamuro mera yūpū wihi iimehregū borari īgu nugumuhtaro dopa ta Jesucristo yare muare buhemuhtabu. Eropigu iri weca gajigu īgu peoturia mūriaro dopa ta gajigu yū pūhrū buhenemogu iimi. Eropa buhenemogu ōaro gūhyadiaro mera Goāmū yare buhero gahmea īgure. Queoro buhero gahmea.

<sup>11</sup> Wihire iirā borarire nugumuhtabiricū wihi iima masiya mara. Eropa ta Cristore buhebiricū īgu yarā wacū iima masiya mara. Cristo mari ya dipuwajare sīribasarare muare buhetuhajabu. Eropirā mua Jesucristore umupeorā Goāmū yarā watuhajabu. Mua eropa árīrāguere gaji buherire buhema masiya mara mua Goāmū yarā wamorāre.

<sup>12-15</sup> Goāmū yarāre buhenemorā āhrima. Erā watope gajirā queoro buhema. Gajirā queoro buhebeama. Queoro buheri oro, plata, waja pagari utāyeri iro dopa āhraa. Queoro árībiriri buheripū yucū, taa, ñaira pūri iro dopa āhraa. I umū pehrerinūri árīcū Jesucristo dujarigu mari buhera queoro árīcū ihmugucumi. Mari buherare soeñagu iro dopa ta queoro árīcū ihmugucumi. Eropiro oro, plata, waja pagari utāyeri soecū ūjūbiro dopa ta mari buhera queoro ta árīro dujaroca īgu ĩacū. Eropa mari queoro buhenirā mari árīcū ōaro mari buhera waja wajayegucumi. Eropa ta yucū, taa, ñaira pūri soecū ūjūpehrero dopa ta mari buhera queoro árībiro pehreroca īgu ĩacū. Eropigu queoro buhebirinirā mari árīcū ĩagu marire wajayesome. Erā eropa árīrā erā watabiriquerecū Goāmū erāpūre taugucumi. Eropirā eropa queoro ōaro buhebirinirā merogā mera tarirācoma. Eropirā wihi ūjūrisubu tariro dopa tarirācoma.

<sup>16</sup> Mua Jesu yarā mera Espiritu Santopū mua mera āhrimi. Eropirā mua Goāmū ya wihi iro dopa āhraa. ¿Irire masibeari mua?

<sup>17</sup> Eropirã mũa Goãmũ ya wihi árĩro dopa árĩrã ãgũ yarã gohra ãhraa. Eropigũ ãgũ yarãre yujugũ ãgũ goroweocũ Goãmũ peamegue dedeogũcumĩ ãgũpare.

<sup>18</sup> Irire òaro masique mũa. Mũa basi pee wisibiricãque. I umũ maja buherire opagũ “Masitarinũgagũ ãhraa,” arĩ pepibocumi. Eropa arĩ pepigũ mũa mera majagũ árĩgũ, “Yũhũ Goãmũ masiri mariro pee masibigũ ãhraa,” arĩ pepiporo ãgũ. ãgũ eropa arĩ pepigũ diaye ta òaro masigũ wagũcumĩ.

<sup>19</sup> I umũ maja masa erã gamero erã basi masiri “Bu gohra ta ãhraa,” arĩ pepimi Goãmũ. Eropa ta werenemoa Goãmũ yare erã gojarapũ. Òpa arĩ gojara ãhraa: “Erã gamero masirã erã pepiri mera ‘Òpa iirãra,’ erã arĩrare gajiropa wacũ Goãmũ iimi,” arãa Goãmũ yare erã gojarapũ.

<sup>20</sup> Eropi gajipũgue òpa arãa daja: “Masa erã gamero ‘Masipehorã ãhraa,’ erã arĩ pepiri duhpiburi árĩbiricũ masimi mari Opũ Goãmũpũ,” arãa Goãmũ yare erã gojarapũgue.

<sup>21-22</sup> Eropirã “Pablo ya curu majarã ãhraa gũa,” arĩrã, “Apolo ya curu majarã ãhraa gũa,” arĩrã, “Pedro ya curu majarã ãhraa gũa,” arĩrã arĩbiricãque mũa pare. Gũa árĩpehrerã mũa ya árĩburire iirã dihta ãhraa. Goãmũ árĩpehreri mũa ya árĩburire otuhajadigũ árĩmi. ãgũ ãhacũnugurare mũa ya árĩburire odigũ árĩmi mũare. Mũare ojocaricũ iimi mũa ya árĩburire. Eropigũ sãricũ sãre iigũcumĩ mũa ya árĩburire. Dohpague mũa árĩrire, pũhrũgue mũa árĩburi sãre ogũcumĩ. Eropirã árĩpehreri mera ãhraa.

<sup>23</sup> Eropirã mũapũ Cristo yarã ãhraa ãgũ ya árĩburire iimorã. Eropigũ Cristopũ Goãmũ yagũ ãhrimi ãgũ ya árĩburire iibu. Eropirã “Gũa tamera Pablo ya curu majarã ãhraa,” arĩbiricãque mũa pare.

## 4

### *Cristo ãgũ yare ãgũ buhedoregũ ãgũ apinirã erã mohmerire werepũ Pablo*

<sup>1</sup> Òpa arĩ pepique mũa yũre, Apolo sãre: Eropa ta erã Cristore mohme corerã ãhrima. Eropirã “Masa erã masibirirare Goãmũ yare buhedore ãgũ apinirã ãhrima,” arĩ pepique mũa.

<sup>2</sup> Yujugũ ãgũ ya árĩburire iidore apinirãre ãgũ gamero dopa ta ii corero gahmea erãre. Yũ sãre eropa ta ii corero gahmea Cristo ãgũ gamerire.

<sup>3</sup> Mũa yũre werewũaquerecũ eropa pepicãa yũhũ. Gajirã masa erã yũre werewũacũ sãre eropa pepicãa yũhũ. Yũ iirire ãrã “I òari ãhraa. I ñeri ãhraa,” arĩ beyemasibea mũa yũre. Yũ basi árĩqueregũ yũ iirire òaro beyemasipehobeaa yũ sã.

<sup>4</sup> Òpa arĩ pepia yũhũ. “Mari Opũ yũre ãgũ apidiro dopa ãgũ gamerire iipehorabũ yũhũ,” arĩ pepia yũhũ. Yũ òpa arĩ pepiquerecũ ta yũ arĩ pepiri diaye árĩbiriboca. Mari Opũ Cristo dihta yũ iiricũrire ãagũ òaro masimi yũ ãgũ yare òaro iicũ.

<sup>5</sup> Eropirã mari Opũ ãgũ dujariboro core masare erã iirare arĩ werewũabiricãque. ãgũ dujarigũ masa erã iirare iribojegue gajirã erã masibirirare Cristo deyoro moagũcumĩ. Eropirã mari iidiarare ãgũ masicũ iigũcumĩ gajirã masare. Irisubu ta mari nũcũre ãgũ yare mari iidiro dopa ta “Irire òaro iiabũ,” arĩgũcumĩ Goãmũ marire.

<sup>6</sup> Yũ acawererã, yũhũ Apolo mera gũa árĩricũrire werebũ yũhũ mũare buhebu. Eropa werebũ Goãmũ ãgũ yare ãgũ gojarapũ ãgũ arĩdirore

mua tarinugabiriboro dopa. Eropa tarinugabirã árĩrã mua yujurãyerire umupeobiricãque. Mua eropa iibirã árĩtarinugadiarã iiaa.

<sup>7</sup> Mua eropa iibiriboro dopa gua iirare werebũ muare. Mua eropa tarinugadiaquererã muarũ gajirã tauro õarã árĩbeaa mua. Goãmũ muare ãgu ora dihtare opaa mua. Eropirã ãgu muare masicũ iira dihtare masia mua. ¿Mua gamero oparã, mua bocatũuro masirã árĩbiriquererã ta, duhpirã “Masipehorã ãhraa,” arĩri mua? Eropa arĩrã “Goãmũ guare obirimi. Eropigũ guare masicũ iibirimi,” arĩdiarã dopa ta iiaa mua.

<sup>8</sup> Muarũ “Árĩpehrerire opaa gua. Guare ñehe duhyabeaa,” arĩraa mua. Eropirã gua mua pohro árĩbircũ õpa arĩ pepiraa: “Oparã iro dopa masirã ãhraa gua,” arĩ pepiraa mua. Diaye ta oparã iro dopa mua masipehorã árĩcũ muare õatariaboya. Mua eropa árĩcũ mua mera gua sã oparã iro dopa masipehorã árĩboya. “Masirã ãhraa gua,” arĩ pepirã, ¿õaro arĩ pepiri mua? Õaro pepibeaa yũ ãacũ.

<sup>9</sup> Õpa arĩ pepia yũ tamera: Goãmũ guare Jesu ãgu yare buhedore apinirã doca maja curu apimi guare. I yeba majarã masa, anyua sã gua ñero taricũ guare ãamurima eropa wacũ.

<sup>10</sup> Cristo yare gua buhecũ ãarã, “Pee masibirã ãhrima,” arĩma masa guare. ¿Muarũ Cristo yare õaro pee masirã ãhriri mua? “Turabirã, bu árĩrã ãhrima,” arĩma masa guare. ¿Muarũ õaro turarã ãhriri mua? Mua basire umupeoa. Guarũre masa ne umupeobeama.

<sup>11</sup> Guarũ dohpaguere ñero tarirã, oaboarã, ñemesiburã, ñeri suhricurã, wiri moorã ãhraa. Eropirã guare gajirã umupeobirã, guare pabiramurima.

<sup>12</sup> Eropirã gua buheniguiquererã teboricurã árĩrã gua árĩburi majare gua baburi sãre mohmea. Eropirã gajirã guare erã ñero wereniguiquerecũ ta guarũ Goãmũre õaro erã árĩburire serẽbasaa. Eropa iirã gajirã guare ñero iimorã erã narũquerecũ ta eropa pepicãa gua.

<sup>13</sup> Eropirã “Ñero iirã ãhrima,” guare erã werewũaquerecũ ta guarũ erãre õaro wereniguia erã õaro árĩburire. Eropirã erã burigã dohoma guare. Iribojegue eropa iinũgama. Dohpague sãre muraro ta iima guare.

<sup>14-15</sup> Muare õari buherire buhemũtabũ. Eropa buhecũ mua peecũ Jesucristo muare ãgu yarã wacũ iidi árĩmi. Eropa muare buhedigũ mua pagũ iro dopa ta wahabũ yũhũ. Bajarã muare Cristo yare buherã erã árĩquerecũ ta muare buhemũtagũ yũhũ yujugũ ta ãhraa. Eropigũ yũhũ yujugũ ta mua pagũ iro dopa ãhraa. Eropigũ muare guhyasĩricũ iibu ire gojagũ iibeaa. Yũ porã yũ mahirãre muare werebu ire gojaa yũhũ.

<sup>16</sup> Eropigũ ire turaro muare werebu iiaa yũhũ. Yũre ãhacũque mua sã.

<sup>17</sup> Mua eropa iicũ gamegũ mua pohro Timoteore obeogũ iiaa. ãgu yũ magũ iro dopa yũ mahigũ mari Opũ Jesucristo yagũ ãhrimi. Eropigũ Cristo gamero dopa iiniguigũ ãhrimi ãgu. Timoteo mua pohro ejagũ Jesucristo yare yũ iidiro dopa muare guñacũ iigũcumi mua sã eropa iiboro dopa. Jesu yarã pohroque noho wagũ Jesucristo yare erã iiburire buheniguicãa.

<sup>18</sup> Yujurãyeri mua mera majarã oparã árĩdiarã õpa arãñorã: “Pablo mari pohroguere arisome,” arĩ pepirañorã erã.

<sup>19</sup> Goãmũ gamecũ mua pohroque dohparagã ta ejagũca. Eropa ejagũ erã oparã árĩdiarã mua mera majarã erã eropa arĩrare ãagũra. Eropigũ erã Goãmũ turari opacũ ãagũra yũhũ.

<sup>20</sup> Goãmũ mari Opũ ãhrimi. Mari arĩ weretarinũgaquerecũ ta ãgu yare mari iibiricũ mari wereniguiri duhpiburi árĩbeaa. ãgu turari mera ãgu gamero dopa iicũ gahmemi.

<sup>21</sup> ¿Múa pohrogue mua ya dipuwaja dipuwaja moagu yu wacũ gahmeri mua yure? ¿O mua òaro iira waja mucubiriri mera waro gahmeri mua yure?

## 5

### *Corinto majarã erã ñeri iirare werepũ Pablo*

<sup>1</sup> Gajirã òpa arĩ querecũma guare: Yujugu mua mera majagu ïgu bũamore ta marapocu waĩcũmi. Eropa ta arĩ werema masa guare. Erã eroparĩcũ peemaria wahabũ. Gajirãpũ Goãmũre masibirã árĩquererã erãpũ eropa iirã árĩbeama.

<sup>2</sup> Múa mera majagu ïgu eropa iiquerecũ ta mũapũ “Õatariarã àhraa gua,” arĩ pepiraa. ¿Duhpirã ïgu eropa ñeri iirare masiquererã ta guhyasĩrisãbeari mua ïgure? Eropa ñero iigure mua Jesu yarã mera majagure cóãcãque mua.

<sup>3-4</sup> Yũhũ mua mera árĩbiriquregu ta yũ guñari mera mua mera árĩgu iro dopa àhraa yũhũ. Eropigu mua mera árĩgu yũ árĩbodiropo dopa ta ñero iigure ïgu eropa ñero iira dipuwaja, dipuwaja moadoretuhaa yũhũ. Jesucristo ïgu dorero mera ta eropa iidorea. Eropa mua Jesu yarã gamenererã yũ guñabeori merague yũhũ mua mera árĩcũ, mari Opũ Jesu ïgu turari mera

<sup>5</sup> ïgure ñero iigure cóãque. Watĩ mera ïgu ñero tariborore apique. Eropa ta cóãque ïgure ïgu ñero tariri mera ñerire ïgu uaribejarire ïgu gohrotoboro dopa. Mari Opũ Jesucristo ïgu dujaririnũ ñero iidigu mũrũ Jesu mera ïgu òaro tariboro dopa dohpaguere ïgure eropa apinique, arãa yũhũ.

<sup>6</sup> “Õaro àhraa gua,” mua árĩquererã ta ñero iirã iica mua. Ñero iigu ïgu ñerire mua eropa ïacãrã, árĩpehreri ñeri mũare ii ïhmucũ árĩpehrerã ñero iirãca. Eropiro árĩpehreri ñeri sehya wa mua árĩrogue. Panre bũgacũ iiri pohga òaro seyanũgajaro dopa ta iri ñeri òaro seyaroca mũaguere. ¿Iriire masibeari mua?

<sup>7</sup> Yũ acawererã judio masa Pascua árĩcũ ovejare wejẽmũrima erã ñeri iira dipuwajare Goãmũre cãdijidorerã. Oveja sĩridiro dopa ta Cristo mari ñeri dipuwajare sĩribasadi árĩmi. ïgu eropa sĩribasarañe mera mua ñerire cóãnirã àhraa. Iriire guñarã mũapũ ñero iigure mua mera majagure cóãque ñeri mua watope mariboro dopa.

<sup>8</sup> Iribojegue ñerire ïhacũ iinirã árĩribũ mari. Eropirã dohpaguere mari ñerire cóãnirã árĩrã mari ñerire uaribejaro mariro, ñero iiro mariro árĩrã. Iribojegue mari ñerire iimũridiro dopa ta iibiricãrã. Eropirã diaye maja òaro wereniguiri mera, òaro iiricũri mera árĩrã pare.

<sup>9</sup> Mũare yũ gojabeorapũre nome mera ñero iirã, ñerire iimajiñajarã mera ne wapicũdorebiriribũ.

<sup>10</sup> Eropa arĩgu “Jesu yarã árĩbirã mera árĩbiricãque,” arĩbiribũ. Eropigu “Nome mera ñero iirã mera, gajinore turaro gamenemocãrã mera, yajaricũrã mera, goãmarã wéanirãre umupeorã mera árĩbita,” arĩbeaa. I yebare eropa árĩrã mariro Jesure gamebirã mariro mari dihta árĩmasibeeaa. Árĩpehrerogue àhrima erãpũ ta.

<sup>11</sup> Eropigu mũare gojabeogu òpa arĩ doreribũ: “Múa mera majarã Jesu yarãpũ erãpũ ñerire iicũ ïha erãpũre wapicũbiricãque,” arĩ goja doreribũ. Eropirã mua mera majagu “Jesu yagu àhraa,” ïgu arĩgu árĩquregu ta nome mera ñero iigu, gajinore turaro gamenemogu, goãmarã wéanirãre

umupeogu, ñero quere moa coregu, merericugu, yajaricugu ïgu áricũ ïgupure wapicubiricãque. Eropirã eropa iigu mera ne babiricãque.

<sup>12-13</sup> Jesu yarã árĩbirãpãre Goãmũpũ dipuwaja moagucumi. Eropigu Jesu yarã árĩbirãre erã ñero iiri dipuwaja moadoregu árĩbeaa yuhũ. Eropa iibiricãro gahmea yãre. Eropa arĩquerecũ ta mari Jesu yarã watope mari ñero iira dipuwajare moaro gahmea mari basire. Eropirã mũa Jesu yarãpũ mũa mera gamenererã mũa basi mũa iirare ïha masiro gahmea mũare. Eropirã yujugu mũa mera majagu ïgu ñero iicũ ïarã ïgure dipuwaja moadorero gahmea mũare. Eropirã Goãmũ yare gojarapũgue arĩdiro dopa mũapũ mũa mera majagure ñero iigure dipuwaja moaro dopa iirã ïgure cóãque.

## 6

### *Jesu yarãre weresãrare werepũ Pablo*

<sup>1</sup> ¿Mũa basi game dũyatorire duhpirã Jesu yarã árĩbirã pohrogue amudorerã wahari mũa? Jesu yarãre mũa mera majarãre weresãdiarã gajirã Jesu yarãre irire werero gahmea mũare. Eropirã Jesu yarãpũ amubasaporo.

<sup>2</sup> Pehrerinũ árĩcũ mari Jesu yarãpũ mari árĩpehrerã masa erã iirare beyerãca. ¿Irire masibeari mũa? Eropirã pehrerinũ árĩcũ masa árĩpehrerãre beyemorã árĩrã, dohpague sãre amumasia mari. Eropirã dohpague gajiropa wacũ sãre amumasia mari.

<sup>3</sup> Anyua erã iira sãre beyerãca mari. ¿Irire masibeari mũa? Mari eropa anyuare beyemorã árĩrã diaye ta dohpague sãre Jesu yarã erã iirare ïarã beyemasica mari.

<sup>4</sup> ¿Eropirã duhpirã mũa mera majarãre weresãdiarã Jesure gamebirã, “Bu árĩrã” mũa arĩrã pohrogue amudorerã wahari mũa?

<sup>5</sup> Ire arĩgu iiaa mũa guhyasiuro mũa tariborore. Mũa dũyatorire werebu ñaro masigu árĩcumĩ mũa watopere, yũ arãa.

<sup>6</sup> ïgu eropa arĩquerecũ ta mũa mera majagu Jesu yagu gajigu ïgu acaweregure weresãdiagũ Jesu yarã árĩbirãre beyedoregu wahami.

<sup>7</sup> Masare beyegu pohrogue mũa acawererãre weresãrã Goãmũ gameripure tarinũgarã iiaa mũa. Gajigu mũa mera majagu mũare ñero ïgu iicũ eropa ïacãboaya mũa. Jesu yarã árĩbirãre mũa weresãbiriborore mũa acaweregure mũare ïgu ñero iirare mũa eropa ïacãcũ ñatariaboaya. Jesu yagu mũa ïgu yajacũ ïgure mũa weresãboro core ïgu mũa yajarare mũa eropa ïacãcũ ñaboaya.

<sup>8</sup> Mũa eropiibeaa. Gajirãre ñero iirã ãhraa mũa sã. Yajarã ta ãhraa mũa sã. Jesu yarã mũa acawererã erã arĩquerecũ ta erãre ñero iirã, yajarã iiaa mũa.

<sup>9</sup> Eropa iirã Goãmũ ïgu opu arĩroguere wamasibeamã. ¿Irire masibeari mũa? Pee wisibiricãque mũa. Opa iirã Goãmũ pohrogue wasome: Gajirã nome mera ñero iirã, goãmarã wéanirãre umupeorã, gajigu marapore marapocũrã, gajigu marapũ mera ñero iirã nome, ãma seyaro erã dũpũri mera ñero iirã, nome sã eropa ta iirã,

<sup>10</sup> yajarã, gajinore turaro gamenemorã, merericũrã, gajirã masare ñero quere moa corerã, guyari mera yajarã ne Goãmũ ïgu opu arĩroguere wamasibeamã.

<sup>11</sup> Iribojeguere mũa yujurãyeri eropa iirã arĩyoro. Eropa iinirã mũa arĩquerecũ ta dohpaguere mũa ñero iirare cóãtuhami Jesucristopũ. Eropa ïgu taunirã mũa árĩcũ ïgu yarã arĩmorã iimi Goãmũ mũare. Eropa iigu

“Ōarā āhrima,” arī īhami īgu mware. Eropa ta iimi mware mari Opu Jesucristo mera, Espiritu Santo mera.

*Mari dupu ōarire iiburi dupu arīro iiaa, arī gojañumi Pablo*

<sup>12</sup> “ ‘Goāmū iidorebirira arīpehreri iimasiri āhraa yure,’ arīmi Pablo,” arāa mwa yure. Yu iimasipehoqueregu ta, yu iiri yure gajirā sāre itamubiricū īha irire iibea. Eropa ta arīpehreri iimasiri āhraa yure. Eropa iimasiqueregu ta yujuyerisuburi irire eropa ipogu duhumasibiriboca, arīgu irire iisome yuhū.

<sup>13</sup> Mari bari mari paru maja arīburi ta āhraa. Eropiro “Mari paru bari dicuburiduru paru āhraa,” arāa mwa yujurāyeri. Mwa eropa arīquerecū ta puhru Goāmū mari barire mari paru sāre iri pehrea wacū iigūcumī. Eropirā mwa yujurāyeri “Mari dūpū mari ūaribejari iiburi dūpū āhraa,” arīraa mwa. Eropa arībeaa. Mari dūpū ūaribejari iiburi dūpū arībeaa. Mari dūpū mari Opū ya arīburire iiburi dūpū āhraa. Eropigu mari Opū mari mera āhrimi mari īgu yare ōaro iiboro dopa.

<sup>14</sup> Eropigu Goāmū īgu turari mera mari Opū Cristo dūpū mwarore masupū. Eropa īgure masudiro dopa ta mari dūpū sāre masugūcumī īgu.

<sup>15</sup> ¿Mwa ya dūpū Cristo ya dūpū arīri iro dopa arīcū masibeari mwa? ¿Cristo ya dūpū arīri iro dopa arīrā nomeo ñero iiricūgo mera mari arīcū ōhari mwa pepicū? Ōabirigohracāca.

<sup>16</sup> Ñego mera yujugu igo mera arīcū īgu dūpū igo ya dūpū mera arīro yuju dūpū iro dopa ta āhraa. ¿Iri masibeari mwa? Eropa arī gojara āhraa Goāmū yare erā gojarapūgue. Ōpa arāa: “Nomeo ūmū mera arīrā perā arīquererā yuju dūpū iro dopa wahama,” arī gojamūriñumi.

<sup>17</sup> Mari Opū īgu yarā mera āhrimi. Eropigu yujugu īgu mari Opū mera perā arīquererā yujugu iro dopa āhrima erā guñari mera.

<sup>18</sup> Eropirā nome mera ñero iirire, ūma mera ñero iirire ūaribejabiricāque. Iri mwa ūaribejabiriboro dopa ta irire duhrigā waque. Gaji ñerire mari iira mari dūpūre mari goroweobea. Nomeo mera ñero iigupū īgu dūpūre ñetariaro goroweomī.

<sup>19</sup> Espiritu Santore marire ohomi Goāmū. Eropigu mari dūpū mera wihicūmi Espiritu Santo. ¿Iri masibeari mwa? Eropirā mwa dūpū mwa ya dūpū gohra arībeaa. Goāmū ya dūpū āhraa.

<sup>20</sup> Mwa īgu yarā arīmorāre mwa ñeri dipuwajare wajayedigu arīmi Cristo. Eropirā īgu yarā arīrā mwa dūpū mera Goāmū īgu gamero dopa ta iique. Eropa iirā Goāmūre umupeorā iiaa mwa. Eropirā gajirā sāre īgure umupeocū iirā iiaa.

## 7

*Mojoto dirire werepū Pablo*

<sup>1</sup> Dohpaguere mwa yure serēpi gojarare yu sā mware yuhrigura. Masu marapo maricū sāre ōhaa yu īacū.

<sup>2</sup> Iri eropa arīquerecū ta ero mwa arīro baja ūaribejari āhraa. Eropirā ūma erā nūcu nome marapocūporo gajirā nome mera erā ñero iibiriboro dopa. Eropirā nome sā erā nūcu marapocūporo gajirā ūma mera erā ñero iibiriboro dopa.

<sup>3</sup> Eropigu marapocūgure īgu marapore ōaro iiro gahmea. Igo marapū sāre eropa ta iiro gahmea.



<sup>4</sup> Marapucugo igo dupu igo ya dihta áríbeaa. Igo marapu ya sã áhraa ígu íhadiburo dopa. Igo marapu sãre ígu dupu ígu ya dihta áríbeaa. Ígu marapo ya sã áhraa igo íhadiburo dopa ta.

<sup>5</sup> Mũa perã áríburire “Íbírícãrã,” aríbita. Gajisubu mũa perã Goãmũ mera mũa wereniguidiarã “Í nũcũ nũri duhunirã dohpa, Goãmũ mera wereniguirã dohpa,” yujuro mera eropa arĩrã duhumasia mũa. Mũa eropa duhura pũhrũgã mũa dipaturi mũa eropa árĩniguidiro dopa ta árĩque daja watĩ ñero mũare iidorebiriboro dopa. “Gajirã mera ñero iiboca,” arĩrã mũa basi duhubita. Mũa árĩmũhtadiro dopa ta árĩniguicãque daja.

<sup>6</sup> Ire mũare dohpague yũ arĩrare arĩgu mũare dore gohrari mera dorebeaa. Eropa weregu iiaa mũa iiburire mũa masima ðaro.

<sup>7</sup> “Ŭma marapocũporo,” arĩquerecũ, árĩpehrerã mũa yũ iro dopa ta marapo marirã mũa árĩcũ ðaboaya yũre. Mũa eropa árĩcũ gamequerecũ ta Goãmũ mari árĩpehrerãre yujuropa iimasiburire apibeami. Yujurãyerire marapocũmasiburire marapucũmasiburire apimi Goãmũ. Eropigu ígu gajirãpũre marapocũmasibiriburire marapucũmasibiriburire apimi.

<sup>8</sup> Eropigu marapo marirãre, marapu marirãre, wapeweyarãre ðpa arãa: Marapo marirã, marapu marirã mũa árĩmasirã, yũ árĩro dopa árĩcũ ðhaa.

<sup>9</sup> Eropa árĩmasibirã turaro nomere gahmema. Irire turaro Ʃaribejarã diaye ta marapocũcãporo. Nome sã marapucũporo. Mũa eropa Ʃaribejarã mũa marapocũcũ ðapũricãa. Eropiro marapucũcũ sãre ðapũricãa.

<sup>10</sup> Mũa marapocũrãre, marapucũrã nomere ðpa dorea: Yaha doreri gohra áríbeaa í. Mari Opũ Cristo ire doredi árĩmi. Mũa nomepũ mũa marapu sũmarãre cóãbiricãque.

<sup>11</sup> Mũa marapu sũmarãre cóãrã, marapu marirã dujaque. Dipaturi mũa marapu árĩdigũ mera ahmu ðaro árĩbiricũ daja marapu marirã dujaque. Eropirã mũa Ʃma sã mũa marasã nomere cóãbiricãque.

<sup>12</sup> Eropigu mũa sãre gajirã sãre ðpa arãa yũhũ. Mari Opũ ígu dorediro áríbeaa í. Yũhũ ígu apidigupũ ðpa arãa mũare: Yujurãyeri mũa mera majarã Jesu yarãpũ Jesure umupeobirã nomere marapocũrã áhraa. Eropigu ðpa arĩ werea mũare: Mũa marasã nome mũa mera erã dujadiacũ erã nomere cóãbiricãque mũarũ.

<sup>13</sup> Eropirã yujurãyeri mũa mera majarã nome Jesu yarã nome Jesure umupeobirã mera marapucũrã nome áhraa. Mũa marapu sũmarã mũa mera erã dujadiacũ erãre cóãbiricãque.

<sup>14</sup> Mũa marapu sũmarã Jesure umupeobirã erã árĩquerecũ ta Jesu yarã nomere erã marapocũcũ, Goãmũ ðarã Ʃma iro dopa íhami erãre. Eropirã mũa Ʃmarũ Jesu yarã mũa árĩcũ mũa marasã nome Jesure umupeobirã nome árĩbocoma. Erã eropa árĩquerecũ ta mũa mera erã nome marapucũcũ Goãmũ ðarã nome iro dopa íhami erãre. Ígu eropa íabiricũ mũa porã Jesure umupeobirã porã iro dopa árĩboñuma. Eropigu mũa porã sãre ðarã iro dopa íhami Goãmũ.

<sup>15</sup> Eropirã mũa Ʃmarũre mũa marasã nome Jesure umupeobirã nome erãpũ mũare cóãcũ ðaroca. Mũa nome sãre mũa marapu sũmarã Jesure umupeobirã erãpũ mũare cóãcũ ðaroca. Mari ðaro dujacũ gahmemi Goãmũ. Eropirã erã eropa cóãdiacũ “Yũ mera dujaque,” erãre arĩdorebeami Goãmũ. Eropirã mũa erã marasã nome erã marapu sũmarã áríbeaa pare.

<sup>16</sup> Mũa Ʃma mũa marasã nome mũa mera dujaquerecũ erã peamegue wabiriborore Jesure umupeocũ iimasibiriboca. Mũa nome sã eropa ta

Jesucristore umupeocũ iimasibiriboca mũa marapũ sumarãre. Eropirã erã mũare cóãdiacũ õaroca.

<sup>17</sup> Õpa ta iiro gahmea mũare: Árĩpehrerã mũa mari Opũ Cristo mũare ãgũ árĩdorero dopa ta árĩque. Goãmũ mũare ãgũ apirare iique mũa. Irire árĩpehrero Jesu yarã gamenererãre eropa doreniguica yũhũ.

<sup>18</sup> Jesu yarã mũa árĩboro core circuncisión iinirã gasiro mero wiri aĩnirã árĩrã eropa ta dujaque. Eropirã Jesu yarã mũa árĩboro core gasiro merogã wiri aĩbirinirã árĩrã mũa árĩro dopa ta dujaque.

<sup>19</sup> Dohpaguere gasiro mero wiri aĩnirã mũa árĩcũ duhpiburi árĩbeaa. Irire iibirinirã mũa árĩcũ sãre gajiropa wasome. Goãmũ dorerire mari iicãpũre iri tamera õhaa.

<sup>20</sup> Eropirã Goãmũ Jesu yarã mũare ãgũ aĩcũ irisubu mũa árĩmũhtadiro dopa ta dujaque.

<sup>21</sup> Goãmũ mũare Jesu yarã aĩboro core gajirã pohro majarã mũa árĩcũ õaroca. Eropa ta dujanique. Mũa Opũ ãgũ mũare wiudiacũ wirique mũa. Mũa wiricũ sãre õaroca mũare.

<sup>22</sup> Õpa arĩ pepique mũa: “Yũhũ masũ pohro majagũ wiribiriqueregũ ta dohpaguere Jesu yagũ árĩgũ, ãgũ wiudigũ iro dopa ãhraa ãgũ yare iiboro dopa,” arĩ pepique. Eropa ta gajirã Goãmũ Jesu yarãre aĩcũ masa pohro majarã mũa árĩbiriquererã õpa arĩ pepique: “Dohpaguere Jesu pohro majagũ ãhraa yũhũ,” arĩ pepique.

<sup>23</sup> Mari ñeri dipuwajare mari ãgũ yarã árĩmorãre wajayetuhadi árĩmi Cristo. Eropirã ãgũ dorero dopa iique. Mũa iiburire masa dorebircãporo.

<sup>24</sup> Eropirã yũ acawererã, Jesu yarã árĩmorã Goãmũ mũare ãgũ aĩcũ irisubu mũa árĩmũhtadiro dopa ta dujaque. Eropa dujarã Goãmũ mera õaro árĩque.

<sup>25</sup> Dohpaguere marapo marirãre, marapũ marirã sãre werediaa mũare. Yũ wereburi mari Opũ weredorediro gohra árĩbeaa. Eropa árĩbiriquerecũ yũhũ ãgũ mojomoro ãadigũ, ãgũ itamudigũ árĩcũ mũa yũ wererire õaro mera peerãca. Õpa werea mũare.

<sup>26</sup> Dohpaguere mari ñero tarirã iica. Eropirã mũa árĩro dopa mũa dujacũ õhaa yũre.

<sup>27</sup> Eropirã mũapũ marapocũrã, marapũcũrã sã eropa ta dujaque. Erãre cóãbircãque. Marapo marirã, marapũ marirã sã mũa árĩrã eropa ta dujaque. Marapũre o marapũre amabita.

<sup>28</sup> Eropa yũhũ mũare arĩquerecũ “Marapocũgũra,” arĩcũ gajiropa árĩbeaa mũare. Eropirã mũa nome sãre marapũcũdiacũ õaroca. Õpa ãhraa. Irisubu ñero taririsubu marapocũrã, marapũcũrã mũare teboricũburi dujaroca. Eropigũ mũare eropa teboricũri arĩgũ, marapo marirã, marapũ marirã dujaque, arãa yũhũ.

<sup>29</sup> Yũ acawererã, eropa arĩgũ õpa arĩdiagũ iiaa. Mari ñero tariboro merogã dũhyaa. Eropirã dohpaguere marapo marirã Goãmũ yare erã õaro mohmemasiro dopa ta, õaro mohmero gahmea marapocũrã sãre. Eropirã marapũcũrã nome sãre eropa ta Goãmũ yare õaro mohmero gahmea.

<sup>30</sup> Eropirã mari ñehamere orequererã Goãmũ yare mohmeboropũre guñaro gahmea. Bosenũ árĩrã mucubiriquererã Goãmũ yare mohmeboropũre guñaro gahmea. Mari asũrãre opaquererã irire guñabircãro gahmea. Goãmũ yare mohmero gahmea.

<sup>31</sup> I yeba dohpague árĩro dopa pehrero iiaa. Eropirã i yeba majare iiburire wũaro guñabircãro gahmea.

<sup>32</sup> Mũa gajinore wũaro mũa guñaricũcũ gamebeaa yũhũ. Marapo marigu Jesu yagu árĩgu mari Opũ Jesu yare ĩgu gamerire guñaniguimi.

<sup>33</sup> Marapocũgũpũ Jesu yagu i yeba maja sãre ĩgu marapo gamerire guñami.

<sup>34</sup> Eropigu peñe guñami. Marapũ marigo mari Opũ Jesu yare iiburire guñaniguimo. Eropa guñago igo igo dũpũ, igo pepiri mera ta mari Opũ yago õaro árĩdiamo. Marapũcũgopũ i yeba majare igo marapũ gameripũre burigã iidiamo.

<sup>35</sup> Ire mũare arĩgu iiaa mũare itamubu. Teboricũri dorerire mũare cãhmotadiabeaa. Eropa cãhmotadiabiriqueregũ ta õaro mũa iicũ gahmea. Eropigu baja guñaricũro mariro Jesu mari Opũ ĩgu gameri dihtare mũa turaro iidiacũ gahmea yũhũ.

<sup>36</sup> Mũa mera majagu ĩgu mago igo bũro wacũ ĩagu marapũcũdoreporo ĩgu igore. "Igre õaro iibeaa. Marapũcũro gahmea igore," arĩ pepigu ĩgu arĩdiro dopa ta nomesororo. Eropigo igo marapũcũmasimo. Eropa igore marapũcũdoregũ ñero iibeami.

<sup>37</sup> Gajigũpũ ĩgu magore "Marapũcũbircãporo," arĩbocumi. Yujugũ mũure wereyudiro mariro, yujuñe ta pepigu árĩgu, "Igo marapũcũbircãporo," arĩgu õaro iimi.

<sup>38</sup> Eropigo ĩgu mago marapũcũdoredigo õaro wagocumo. ĩgu mago marapũcũdorebiridigopũ gajigo tauro õaro wagocumo dohpaguere ñero taririsubu árĩcũ.

<sup>39</sup> Marapũcũgore igo marapũ mera árĩniguicãdoremi Goãmũ. Igo marapũ sĩrira pũhrũ igo gajigũ mera igo gamegũ mera marapũcũmasimo daja. Jesure umupeogũre marapũcũro gahmea igore.

<sup>40</sup> Igo marapũ marigo dujago tauro õaro mucubirigo árĩgocumo igo. Eropa ta arĩ pepia yũpũ. Eropa arĩgu Espĩritu Santo ĩgu gamero dopa ta arĩgu iiaa.

## 8

*Goãmarã wéanirãre erã umupeomorã waimũrã wejẽ erã apira barire Jesu yarã asũ baburire werepũ Pablo*

<sup>1-4</sup> "Gũa tamera õaro masia," arĩ pepiraa mũa. Eropa arĩ pepirã mũa masiri mera gajirãre masitarinũgadiarã iiaa mũa. Eropa iirã gajirãre itamubeaa mũa. Gajirãre umupeori mera mahirãpũ erãre itamua erã Jesucristore umupeonemoboro dopa. "Masipehocãa yũhũ," arĩbircãro gahmea marire. Eropa arĩrã õaro masibeaa mari. Eropirã "Õaro masinibirica dohpã," arĩ pepiro gahmea marire. Mari Goãmũre mahirãpũre marire masicũ iimi.

Eropigu goãmarã wéanirãre umupeorã erã pohro apira barire "¿Mari bamasicuri?" arĩ weregũra mũare: Goãmarã wéanirã ne duhpimorã árĩbeama. Diaye ta erã wéanirãre ne sĩporãri mara. Eropigu Goãmũ yujugũ ta ãhrimi. Gajirã goãmarã marima. Ire mari masia.

<sup>5</sup> Gajirã masa õpa arĩma. "Mari goãmarã bajarã ãhrima. Erã mari oparã ãhrima," arĩ pepirima. "Mũsigũre, i yeba sãre goãmarã ãhrima," erã arĩquerecũ ta maripũre yujugũ ta Goãmũ gohra ãhrimi.

<sup>6</sup> ĩgu mari Pagũ arĩpehrerãre, arĩpehrerire árĩdoredigu ãhrimi. Eropirã ĩgu ya arĩburire iimorã ãhraa mari. Eropigu mari Opũ Jesucristo yujugũ ta ãhrimi. ĩgu arĩpehrerire mari Pagũre ĩhacũnugubasadigu ãhrimi. ĩgu yarã árĩmorãre iipũ ĩgu marire. Eropirã ĩgu mera eropa árĩniguirãca mari.

<sup>7</sup> Yũ arĩdiro dopa ta eropa arĩquerecũ gajirã Jesu yarã irire masibeama. Iribojegue erã goãmarã wéanirãre umupeorã “Oã goãmarã ojocarirã ãhrima,” arĩ pepimuriñorã. Irisubuguere eropa arĩponirã árĩrã dohpague sãre erã wéanirãre erã apira barire barã “Goãmarãre umupeorã iiaa,” arĩ pepirima. Eropirã iri barire barã, “Mari ñero iirã iiaa,” arĩ pepirima ðaro masibirã. Eropirã “Ñerire iirã iiaa,” arĩ pepiquererã erã irire iicũ erã pepiri gajiropa waca.

<sup>8</sup> Eropigũ ðpa arĩ werea mũare: Iri barire mari bacũ mari babiricũ sãre Goãmũ mera ðaro árĩcũ iibeaã marire. Irire mari babirã ñero iibeaã. Mari irire barã sã gajirã tauro ðarã árĩbeaa mari, arĩ werea yũhũ.

<sup>9-10</sup> Eropa mũare werequerecũ ðaro iique mũa. Iri barire barã mũa árĩcũ gajirã Jesu yarã mũare ñabocoma. Mũare ñarãpũ ðaro masinibirã “Iri barire barã Goãmũre umupeobeama,” arĩ pepirã árĩrãcoma. Eropa arĩ pepiquererã mũare ñhacũ erã sã babocoma. Iri barire eropa barã “Ñero iirã iiaa mari,” arĩ pepirãcoma erã. Erã eropa arĩ pepicũ erãpũre ñero iicũ iiboca mũa. Eropirã ðaro iique.

<sup>11</sup> Mũapũ masirã árĩrã, “Gũa iri barire gũa bacũ ðaroca,” mũa arĩ pepirã árĩrã gajirã ðaro masibirinirãre ñero iicũ iiboca mũa mũare erã ñhacũcũ. Erã ya árĩburi sãre sĩridi árĩmi Cristo. Eropirã mũa bari mera mũa Cristo yarãre mũa acawererãre ñero iicũ iirã erãre goroweoboca mũa.

<sup>12</sup> ðaro masibirãre mũa acawererãre erã arĩ pepiro dopa iibiricũ erã pepiri gajiropa wacũ iiboca mũa. Eropa iirã Cristo sãre ñero iirã iiaa mũa.

<sup>13</sup> Eropigũ wéanirãre erã ora barire yũ bagũ yũ acaweregure ñero iicũ iiboca yũhũ. Jesu yarã erã ñero iicũ gamebeaa. Eropigũ yũhũ “¿Erãre ñero iicũ iiri?” arĩgũ, iri barire ne dipaturi basome yũhũ.

## 9

### *Pablo Jesu ñgũ apidigũ ñgũ árĩrare werepũ*

<sup>1</sup> Jesu ñgũ yare buhedore ñgũ apidigũ ãhraa. Eropigũ gajirã ñgũ apinirã erã iiro dopa ta iimasia yũ sã. Jesu ñgũ apidigũ ta ãhraa yũ sã. Mari Opũ Jesure ñadigũ ta ãhraa yũ sã. Eropirã Jesu yare yũ buhecũ mũapũ irire ðaro peenirã árĩrã ñgũ yarã wahabũ mũa. Mũa eropa ñgũ yarã wara pũhrũ Jesu ñgũ apidigũ yũ árĩrare masituhabũ mũa.

<sup>2</sup> Gajirã yũre werewuarã “Ñgũ Jesu ñgũ apidigũ árĩbeamĩ,” arĩbocoma. Erã eropa arĩquerecũ ta mũapũ eropa arĩmasibeaa. Mũare yũ buhera pũhrũ Jesu yarã warã, “Jesu ñgũ apidigũ ãhrimi,” arĩ yũre masituhaa mũa. Eropirã gajirã erã werewuaquerecũ ta mũapũ ñgũ apidigũ yũ árĩricũrĩre mũa masia.

<sup>3</sup> Yũre werewuarãre ðpa ta arĩ yũhrigũra.

<sup>4</sup> Mũare yũ buheri waja yũ baburire, yũ ihriburire yũre oro gahmea mũare.

<sup>5</sup> ¿Eropigũ marapocũgũ árĩgũ yũ marapo Jesu yago igo árĩcũ igo mera aĩ curimasibiribocuri yũhũ mũa pepicũ? Gajirã Jesu ñgũ apinirã, Jesu pagũ porã, Pedro sã erã marasã nome mera erã curiro dopa ta yũ sã curimasiboaya. Yũ eropa curicũ yũ marapocũgũ árĩcũ, igo sãre barire oboaya mũa.

<sup>6</sup> Yũhũ Bernabé mera mũare ðari buherire gũa buhequerecũ ta gũare ne gajinore obeaa mũa. Eropirã gũa basi ta gũa baburire mohme wajatabũ gũa. Gajirã Jesu apinirãpũre erã buheri waja oayoro mũa. ¿Gũa dihta eropa buherã, waja mariro buhero gahmeri mũa pepicũ?

<sup>7</sup> Yujugu surara igu mohmecũ igu oparã igu arĩburire wajayemurima. Igu basi wajayebeami. Barire otegu sã igu otera ducacucũ irire ta tea aĩ bamasimi. Eropigu ovejare ihadibugu igu ejorã apĩcore aĩmasimi ihribu igu sã.

<sup>8</sup> Eropa arĩgu masa erã doreri dihtare mũare werebeaa. Goãmu igu dorerigue igu arĩra sãre mũare weregu iiaa.

<sup>9</sup> Igu dorerire erã gojarapũgue õpa arĩ werea: “Wecu trigo yerire igu guburi mera igu suhri wearisubu igu badiacũ igu disirore cãhmotabiricãque,” arĩyoro Moise dorerigue. Goãmu eropa doregu wecuare ihadiburire arĩgu iibiriĩumi.

<sup>10</sup> Eropa doregu guare Goãmu yare buherãre itamudorerore weregu iĩumi marire buhebu. Pohere séanirã sã iri ducare aĩnirã sã erã mohmera puhru, ducacurisubu iri dũca wajataborore cohrema. Eropa mohmerãre barire oro gahmea marire.

<sup>11</sup> Mũare Goãmu ya buherire õari buherire buhebu gua. ¿Gua eropa buheri waja mũapũre guare barire obiro gahmeri mua pepicũ? Oro gahmea mũare. Mua ocũ õaboaya guare. Eropa arĩquerecũ mua obirimuribu guare.

<sup>12</sup> Eropa guare obirã arĩquererã ta gajirã buherã mũare irire odorecũ mua erãpũre ohayoro. Erã mũare odorecũ guapũ erã tauro odoremasi-boaya mũare turaro gua buheri waja.

Eropa dorebonirã arĩquererã ta guapũ “Guare oque,” ne arĩbiribu. “Cristo ya buherire gamebiribocoma gua dorecũ,” arĩrã guare dũhyaquerecũ ta mũare ne odorebiribu.

<sup>13</sup> Masa Goãmũre umupeorã Goãmu wihigue bari aĩ apima. I wihi mohmerã iri barire aĩ bahama. Eropirã Goãmũre erã umupeori mesa pohro mohmerã waibugũre erã soedigũre masa erã aĩ apidigũre merogã aĩ bahama erã sã. ¿Irire masibeari mua?

<sup>14</sup> Eropa erã iidiro dopa ta õari buherire buherãre erã buhera waja oro gahmea erã baburire. Eropa ta iidorepũ mari Opũ Jesu.

<sup>15</sup> Eropigu mũare serẽbodi arĩqueregu ta yũhũ gajinore ne serẽbiribu mũare. Eropigu ire dohpaguere gojagu gajinore waja gamebu gojagu iibeaa. Mũare ne waja seadiabeaa. Sĩribu arĩqueregu ne waja gamesome yũhũ mũare. Waja mariro buhegu sũaa. Eropigu mũare iri buhera waja ne wajata basome.

<sup>16</sup> Õari buherire buhedoregu apimi yũre Goãmu. Irire buheri masũ arĩgu tiiaa yũhũ. Õari buherire buhebigu ñero waboaya yũhũ. Eropigu iri buherire buhegu “Gajirã masitarinugagu ãhraa,” arĩbodigu ne arĩbeaa yũhũ.

<sup>17</sup> Õari buherire yũ gamero buhegu yũ buheri waja wajaseaboaya yũhũ. Yũ gamero buhebeaa. Goãmu igu yare buhedoregu apimi yũre.

<sup>18</sup> Õari buherire buhegu mũare yũ buhera waja serẽmasiboaya yũhũ. Eropa serẽmasiqueregu ne gajinore serẽbigu waja mariro iri buherire buhea mũare. Yũhũ eropa iigu arĩgu “Õaro wajatagũca Goãmu mera,” arãa. Iri ta ãhraa yũ wajatari.

<sup>19</sup> Eropigu yũhũ masare buhegu erã yũ buherire peediacũ õpa iigu iiaa Jesu yarã erã waboro dopa. Ne masa pohro majagu arĩbiriqueregu ta arĩpehrerãre pohro majagu iro dopa iiaa yũhũ erã yũ buherire peediacũ iigu.

<sup>20</sup> Eropigu yũ acawererã judio masa mera arĩgu, judio masa iiro dopa ta iiaa yũhũ yũ buherire erã peediacũ iigu. Goãmu igu dorera Moiserẽ igu

apira yũre iri dorebiriqerēcũ ta, iri doreri dihtare umupeorã mera árĩgũ erã dorerire umupeogũ iro dopa ta ãhraa yũ sã. Eropa ta iiaa yũhũ erã yũ buherire erã peediacũ iigũ Jesu yarã erã waboro dopa.

<sup>21</sup> Moise dorerire umupeobirã mera árĩgũ iri dorerire umupeobigũ iro dopa ta iiaa. Yũ buherire erã peediacũ eropa ta iigũ iiaa yũhũ erã Jesu yarã erã waboro dopa. Eropa iiqueregũ Goãmũ dorerire umupeoniguia. Cristo dorerire iiaa.

<sup>22</sup> Eropigũ õaro masibirã mera árĩgũ erã iro dopa ta ãhraa. “Masipehogũ ãhraa,” ne arĩbeaa yũhũ erãre. Eropa ta iiaa yũhũ erã sã Jesu yarã erã waboro dopa. Eropigũ árĩpehrerã masa erã árĩricũro dopa ta iiaa yũhũ erãre yũ buherire peediacũ iigũ. Yujurãyeri Jesu taurã erã waboro dopa iiaa.

<sup>23</sup> Eropa iiaa õari buherire árĩpehrerã erã õaro peeburire. Erã eropa peera pũhrũ Jesucristo erãre peamegue wabonirãre taumi. Eropigũ yũhũ erã mera õaro mucubiriborore eropa iiaa.

<sup>24</sup> Mũare werenigui queori mera õpa werea. Omabirarã erã omarã árĩpehrerã omama. Erã eropa omapehrequerēcũ ta bũrigã omaturagũpũ omajamũhtami. Eropa ejamũhtagũ wajatami. Eropirã erã bũrigã omadiro dopa ta mũa sã Goãmũ gamerire bũrigã iique mũa wajataboro dopa.

<sup>25</sup> Árĩpehrerã omamorãpũ yũ dũpũre gajiropa iiri arĩrã gajinore duhucãma erã omaboro core. Eropa ta iima erã pũri berore erã wajataboro dopa. Iri pũri bero erã dipuru peyama masa erã wajatarare ãaboro dopa. Eropiro erã eropa ii erã wajatara bero mata pehrea wahaa. Mari sã Goãmũ yare õaro buhemorã gajinore duhucãrã mari wajataboro dopa. Iri mari wajatari tamera ne pehrebeaa.

<sup>26</sup> Eropigũ omabiragũ ãgũ noho gamero omaro dopa iibeaa yũpũ. Yũ gamero iimaacãbeaa. Goãmũ gamerire masigũ iiaa gajirãre itamuboro dopa.

<sup>27</sup> Eropigũ yũ gamero dopa iibeaa. Yũ ƣaribejari yũre dorebeaa. Masa erã Goãmũ mera taricũ itamuburi dihtare iiaa. Eropa iibigũ gajirãre Goãmũ yare buhedigũ yũ árĩquerecũ ta Goãmũ yũre “Õaro iibũ,” arĩbiribocumi.

## 10

*“Goãmũ ãhrimi,” erã arĩ goãmarã wéanirãre umupeodorebiripu Pablo*

<sup>1</sup> Eropirã yũ acawererã, ire masique mũa. Mari ñecũ sũmarã mũa iribojegue majarã árĩpehrerã mũrague mera Goãmũ árĩmũriñumi. ãgũ imica curu mera erãre wamũhtañumi. Erã ãgũre eropa nũrusia wahgãrã wũariya deco diariya waĩcũriya eja õaro taribuja wañuma.

<sup>2</sup> Erã árĩpehrerã imica curu doca árĩnirã wũariya taribujanirã Moise yarã wañuma.

<sup>3</sup> Eropirã erã árĩpehrerã ƣmaro maja dijuri barire bamũriñuma. Goãmũ ãgũ orire bamũriñuma.

<sup>4</sup> Eropa barã erã árĩpehrerã Goãmũ ãgũ ori deco sãre ihrimũriñuma. Irisubugue erã ihriburi decore Goãmũ ãgũ apira ƣtãyegue iri decore wiridoreñumi. Erã iri deco ihridiro dopa Cristo iri ƣtãye iro dopa ãgũ ta erãre ojocariro odi árĩñumi. ãgũ erã mera árĩmũriñumi.

<sup>5</sup> Erã eropa wanirã erã árĩquerecũ ta erã mera majarã bajarã ñero erã iicũ ãagũ Goãmũ erãre ãhasũabiriñumi. Eropigũ erãre masa marirogue boacũ iĩñumi Goãmũ.

<sup>6</sup> Eräre eropa wara marire güisãburi ãhraa erã iidiro dopa ta mari ñerire uaribejabiriborore.

<sup>7</sup> Eropirã goãmarã wéanirãre erã umupeodiro dopa iibita m̄aa. Wecure erã wéadigure erã umupeodirore Goãm̄u yare erã gojarapũ werero õpa arãa: “Masa erã ba doaja ihrituha, wahgãnugaja, bosenu iĩnuma,” arĩ gojamuriñumi iribojegure.

<sup>8</sup> Pũhrũ gajirã erã mera majarã nome mera ñero iĩnuma. Erã iidiro dopa iibiricãro gahmea marire. Erã eropa ñero iira dipuwaja yujunũ ta erã veintitrés mil gohra masa s̄iria wañuma.

<sup>9</sup> Gajisubugue gajirã erã yujurãyeri Goãm̄u erã gamero dopa iicũ gamerã õpa ãgure arĩ turiñuma. “Mari Opũ itamumasibeami marire,” arĩñuma Goãm̄ure turirã. Eropa arĩ turirã ãgure guacũ iĩnuma. Erã iidiro dopa iibiricãro gahmea marire. Erã eropa iira dipuwaja Goãm̄u erãre añaa mera c̄uri wejẽdoreñumi.

<sup>10</sup> Gajisubu daja erã mera majarã gajirã ñerã erã basi Goãm̄u iirare d̄uyasocũ anyu masare wejẽgũpũ erãre wejẽñumi. Eropirã erã iidiro dopa iibiricãro gahmea.

<sup>11</sup> Eropa iĩnumi Goãm̄u marire buhebu. Maripũ pehrerinũ coregã árĩrã ãhraa. Mari eropa árĩrã árĩcũ iribojegue majarã erã eropa warare Goãm̄u gojadoreñumi marire güisãgũ.

<sup>12</sup> Eropirã m̄apũ “Yũ tamera õaro iiaa yũhũ,” arĩ pepirã árĩrã õaro iique ñerire iiri arĩrã.

<sup>13</sup> Mari árĩpehrerã yujugũ d̄uhyaro mariro yujuyerisuburi ñerire guñaa. Eropa guñarã iri ñerire iidiaa. Mari eropa iidiaquerecũ ta Goãm̄upũ marire itamuniguicãgũ iimi. ãgũ arĩdiro dopa iigũ ãhrimi. Eropigũ marire iri ñerire iidiarare tarinugacũ itamumi. Marire guñaturacũ iimi. Eropa guñaturarã warã iri ñerire iidiasome. Eropirã árĩpehreri ñeri iidiaquererã iri ñerire tarinugarãca.

<sup>14</sup> Eropirã m̄aa yũ mahirã yure peeque. Ne merogã goãmarã wéanirãre ne umupeobiricãque.

<sup>15</sup> M̄aa õaro pee masirã m̄aa árĩcũ m̄are werea. Eropirã yũ arĩri diaye árĩcũ masique m̄aa.

<sup>16</sup> Mari gamenere bocatĩrirã Goãm̄ure “Õhaa,” arĩra pũhrũ iri vino deco dicuripare ihria mari. Eropa ihrirã “Cristo mari ya ñero iira dipuwajare ãgũ di cóãra mera ãgũ mera árĩrã ãhraa mari,” arĩ masia. Eropirã panrure mari Cristo yarã nuha barã iiaa mari. Eropa barã “Mari ya árĩburire ãgũ d̄upũ crusague s̄irira mera mari ãgũ mera árĩrã yuju d̄upũ iro dopa ãhraa mari,” arĩ masia.

<sup>17</sup> Eropirã mari yujuru panrure nuha baro dopa árĩpehrerã mari Cristo yarã yuju d̄upũ iro dopa ãhraa. Eropirã yuju curu ta ãhraa.

<sup>18</sup> Moise dorerire iirã erã iirire guñaque m̄aa. Goãm̄u wihigue erã waibugure wejẽ soema Goãm̄ure umupeomorã. Erã eropa wejẽ soera pũhrũ erã soedigure bahama. Eropa barã yuju curu ta Goãm̄u yarã árĩrã ta iima.

<sup>19</sup> Õpa ta arĩgũ goãmarã wéanirã diaye ãhrima, arĩbeaa. Goãmarã marima, arãa. Eropirã goãmarã wéanirã eropárĩcãrã iima. Eropiro goãmarã wéanirã pohrogue erã apira baripũ bu gohra ta ãhraa. Iri bari bacũ marire gajiropa iibeaa, arãa yũhũ.

<sup>20</sup> Yũhũ eropa arĩqueregũ ta iri barire m̄aa bacũ gamebirica. Õpa ãhraa iri: Jesu yarã árĩbirã goãmarã wéanirã pohrogue waibugure wejẽburire apirã Goãm̄ure umupeobeama. “Gũa goãmarãre umupeorã iiaa,” arĩrã

watēapure umupeorā iima erā. Erā eropa umupeocū erā umupeori wihigue erā mera m̄ua batamurā watēa mera árīrā iro dopa iirā iica m̄ua. M̄ua eropa iicū tamerare ne gamebeaa.

<sup>21</sup> Bocatīrīrā vino deco dicuripare ihrirā panrure nuha barā “Cristo mera āhraa,” arāa mari. Mari eropa iirā árīrā, watēa yapure ihri, bamasibea mari. Eropirā goāmarā wéanirā pohro apira barire erāre umupeorā mera iri barire batamumasibea mari.

<sup>22</sup> Mari Op̄u īgu yarāre mahimi. Eropirā eropa barā watēa yarā iro dopa iirā īgure guacū iirāca. īgu guacū m̄ua turabeaa īgu dipuwaja cāhmotaboro dopa.

*Goām̄u īgu gameri dihtare iique, arī gojañumi Pablo*

<sup>23</sup> “Goām̄u iidorebirira árīpehreri iimasiri āhraa yure,” arīboca m̄ua. M̄ua iiri ñeri iri árībiquerecū ta irire iirā gajirāre itamubiriboca m̄ua. Eropirā Jesure umupeonemocū iibiriboca m̄ua gajirāre.

<sup>24</sup> Mari ya ōaro árīburi dihtare iibiricāro gahmea. Gajirā ya árīburi sāre ōaro itamuque m̄ua.

<sup>25-26</sup> Eropirā gajirāre itamuburire ōpa iique: Bari duaroguere barire asūrā warā “¿I bari goāmarā wéanirā pohrogue erā apira bari āhriri?” arī, serēpiñabiricāque. “¿Ñerire iiri?” arīrā, serēpiñaboca m̄ua. Goām̄u yare gojarapūgue ōpa āhraa: “I yeba árīri árīpehreri Goām̄u ya āhraa,” arī gojañuma. Eropirā iri barire “Goām̄u badorebirira bari āhraa,” arībiricāque.

<sup>27</sup> Jesure umupeobigu m̄uare badoregu īgu sihucū wadiarā waque. Eropa warā m̄uare īgu ejorire baque. “¿I bari goāmarā wéanirā pohro erā apira bari āhriri?” arī serēpiñabita.

<sup>28</sup> Gajigu ero arīgu ōpa arībocumi m̄uare: “I bari goāmarā wéanirāre erā wejē apira dihi āhraa,” arībocumi īgua. īgu eropa arī werēcū iri bari tamerare babita. M̄uare eropa arī weredigū “Iri barire barā ñerire iirā iica,” arī pepibocumi. īgu eropa arī pepibiriboro dopa “Babita,” arāa yuh̄u m̄uare.

<sup>29</sup> Eropa arīgu m̄ua ya árīburi weregu iibea. M̄uare iri barire weredigū ya árīburiyure arīgu iiaa m̄uare. Irire m̄ua bacū īha m̄uare īhacū īgu s̄a babocumi. īguru eropa bagu “Ñero iigu iiaa,” arī pepibocumi. Eropirā “¿Eropa iibocuri īgu?” arī iri barire babita.

“Babita,” yu arīcū ōpa arī yuhriboca m̄ua yure: “¿Dohpa árirono gajigu gajiropa pepiri arīrā gua gamero iimasibiribocuri gua?

<sup>30</sup> Goām̄ure gua ‘Ōhaa,’ gua arīra puh̄u gua bacū gajigu irire gua barare guare weresāmasibeami,” arīboca m̄ua yure. Yuru ōpa yuh̄ria.

<sup>31</sup> I árīpehrerire m̄uare yu wererare weregu ōpa arīgu iiaa m̄uare: Ūm̄ari n̄acu m̄ua mohmerā, barā, ihrirā, árīpehrerire iirā irire Goām̄u ya árīburi dihta iique. Eropirā árīpehrerā masa Goām̄ure “Ōagu, turagu āhrimi,” erā arī umupeoboro dopa iique.

<sup>32</sup> Ne m̄ua iiri mera judio masare, judio masa árībiriāre, Goām̄u yarā sāre goroweobiricāque.

<sup>33</sup> Ōpa iiaa yuru. Masa árīpehrerā erā suaboro dopa iiaa árīpehreri mera. Eropigu yu gamero dopa iiniguicābeaa yua. Gajirā masa ya árīburiyure ōaro iiaa. Erāre Jesucristore umupeoborore eropa iiaa. Erā īgure umupeora puh̄u erāre peamegue wabonirāre taugucumi.



## 11

1 Cristo gajirã ya árĩburire árĩpehrerire iimi. Eropirã Cristore yu ñhacũdiro dopa ta mua sã yu iidiro dopa ta yure ñhacũque.

*Corinto majarã erã gamenererogue nome erã iiborore werepu*

2 Mũare yu árĩpehrerire buherare, buhe turiarare guñapeo waĩcuabu. Eropa guñarã mũare yu arĩrare yu iidorediro dopa ta ii waĩcuabu mua. Eropa iirã òaro iiaa mua.

3 Dohpaguere i sãre mua masicũ gahmea: Árĩpehrerã uma opu Cristo ãhrimi. Eropigu nomeo opu umu ãhrimi. Eropigu Cristo opu, ñgu Pagu Goãmu ãhrimi.

4 Mũa Goãmure umupeo gamenerecũ yuju gu Goãmure serẽgu dipuru bua serẽgu òaro ñgu opu umupeogu iibeami. Goãmure yare weretaugu sã dipuru buagu ñgu opu umupeobeami ñgu sã. Eropirã umapu Goãmure serẽrã dipu buabiricãporo.

5 Eropigo nomeopu dipuru buabigo Goãmure serẽgo igo marapure umupeogo iibeamo. Goãmure yare werego sã dipuru buabigo eropa ta igo sã umupeobeamo. Eropirã nomepu Goãmure serẽrã dipu buaporo. Dipuru buabigo igo poarire erã òaro wuapehodigo iro dopa ta ãhrimo igo.

6 Dipuru buadiabigore igo poarire seapehoro. “Yu poarire sea wuapehodiabea. Guhyasĩriboca,” arĩgo igo dipurure buaporo.

7 Mũa umapu Goãmure iro dopa oparã ãhraa. Eropirã Goãmure òagu, turagu, ñgu arĩricurire ñhmuma erãpu. Eropirã erã dipu buabiricãporo. Nomepu “Gua oparã uma ãhrima,” arĩ ñhmuma. Eropirã erãpu dipure buaporo.

8 Goãmure umure iigu, nomeo ya dupu mera umure iibiriñumi. Nomeopure iigu, umu ya dupu mera igore iñumi.

9 Eropigu umure iigu sã nomeo yagu arĩbure iibiriñumi. Nomeopure iigu umu yago arĩbore iñumi Goãmure igore.

10 Eropirã mua Goãmure umupeorã gamenerecũ nome dipure buaporo anyua sã erã ñhasuaboro dopa. Eropa buarã “Uma gua oparã ãhrima,” arĩ ñhmurã iima.

11-12 Goãmure nomeore iigu, umu dupu maja mera iñumi. Dohpaguere uma masa dehyoarã nome dupugue masa dehyoama. Eropiro umu ñgu arĩmũhtabiricũ nome mariboñuma. Eropi nome maricũ uma sã mariboñuma. Eropirã erã Jesu yarã arĩrã, uma seyaro nome seyaro arĩmasibeama. Goãmure arĩpehrerire apidi arĩmi. I yeba arĩrere i yeba iiburire apidi arĩmi.

13 ¿Mũa basi dohpa pepiri? ¿Nomeo igo dipuru buabigo, Goãmure igo serẽcũ òhari mua pepicũ? Òabea.

14 Eropirã umu ñgu poa ñapo ñgu ómacũ ñha masa werewuama. Árĩpehrerã masa irire masima.

15 Nomeopu poa ñapo ómago arĩcũ òapũrica. Igo poari igo dipuru buari iro dopa ta ãhraa. Iri sãre árĩpehrerã masima.

16 Mũa mera majagu ire yu wererare duyasodiagu òpa masiporo ñgu: Irere yu arĩdiro dopa ta eropa dihta iiniguicã mari. Gajirã Jesu yarã sã erã gamenererogue eropa dihta iiniguicãma.

*Bocatĩrirã erã barisubu goroweorã Corinto majarã*

17 Dohpaguere mũare gajinore werebu, “Òaro iirã ãhraa,” arĩbea yu mũare. Mũa gamenererã òaro iirã iibeaa. Eropirã mua gamenererore goroweorã iiaa.

18 Õpa arĩ weremuhtagura mware: Mwa gamenererogue eropa game duyasaorã mwa basi yujurayeri cururi dũca wariayoro mwa. Gajirã yure irire erã eropa arĩ werecũ “Diaye ta arĩca,” arĩ pepia yũhũ.

19 Eropa dũca warirã õpa arĩca mwa: “Dũca wari wiriario gameca marire Jesu yarã gohra arĩrãpũre ihmuborore,” arĩca mwa basi.

20 Mwa basi gamenere barã mwa yujuro arĩbirã mari Opũ Jesucristo dorediro dopa diaye ta bocatĩrirã iibeaa.

21 Mwa gamenere barã yujurãyeri mwa seyaro bamũhta, ihrimũhta gajirãre corero mariro. Mwa eropiicũ gajirã oaboa wahama. Gajirãpũ merea wahama.

22 ¿Mwa seyaro badiarã duhpirã mwa ya wirigue babeari? ¿Eropirã duhpirã dohpaguere Goãmũ yarã gamenererore “Duhpiburi arĩbeaa,” arĩdiari? ¿Eropirã duhpirã Jesu yarãre mojomorocũrãre bari moorãpũre mwa gũhyasiuro taricũ iiri? ¿Dohpa arĩ weregũcuri yũhũ mware? Õaro iirã iiaa mwa, arĩbeaa yũhũ.

*Goãmũ yare bocatĩrirã diaye erã iiburire werepũ Pablo*

23 Goãmũ yare bocatĩriburire mari Opũ Jesu weremi yure. Eropa ãgũ wererare yũpũ mware irire werebũ. Iri õpa ãhraa: ãgũre ãhaturirãre Juda ãgũ sihurisubu iri ñami ta mari Opũ Jesucristo panrure aĩ,

24 Goãmũre “Õhaa,” arĩpũ. ãgũ eropa arĩra pũhrũ iriru panrure nuha, ãgũ buherãre guerepũ. Eropa gueregũ õpa arĩpũ: “I yũ dũpũ ãhraa. Mwa ya arĩburire sĩrigũca. Yure mwa guñaburire yũhũ dohpaguere mware ihmuro dopa aĩ baque,” arĩpũ Jesu mari Opũ.

25 Erã bara pũhrũ ãgũ panrure aĩdiro dopa ta ihriripare aĩgũ õpa arĩpũ: “Mwa ñeri iirare cóãbu sĩrigũca. Eropa iigu yũ dire cóãgũca. Yũ di cóãra mera Goãmũ masare ‘Mwa mera amugũra,’ ãgũ arĩdiro ojogorocũroca. Ipa dicũrire ihrirã yũ di cóãrãre guñarãca. Ire ihrirã mwa yure guñaburire yũhũ mware ihmudiro dopa iique,” arĩpũ Jesu.

26 Yũ werediro dopa ta iru panrure mwa barã, ihririre ihrirã, Jesu mari Opũ mari ya arĩburire ãgũ sĩrirare ihmurã iiaa mwa. Eropa ihmuniguirãca mũapũ ne ãgũ i yebague ãgũ dujaracũgue.

*Goãmũ yare bocatĩrimorã õpa iique, arĩ gojañumi Pablo*

27 Mwa Goãmũ yare bocatĩrimorã gamenere baha, ihrirã, umupeoro mariro gũhyadiaro mariro iirã dipuwajacũrãca. Eropa iirã mari ya arĩburire Jesucristo ãgũ dũpũre ãgũ di cóãra sãre wereyaro dopa iirã iiaa mwa.

28-29 Õpa arĩ guñaro gahmea: “Mari Jesu yarã gamenererã yuju curu yuju dũpũ iro dopa ãhraa. Mari Jesucristo yarã ãhraa,” arĩ guñaro gahmea. Irire queoro guñabirã, mari iri panrure baha, ihriripare ihrirã queoro iibirã mari dipuwajacũmorã arĩrãca. Eropirã mari bocatĩriro core mari arĩricũrire guñamũhtaro gahmea ñero iiri arĩrã. Eropa iira pũhrũ bocatĩri ihri bamasia mari.

30 Eropa guña amubirira waja bajarã mwa mera majarã dorecũrã arĩcoma. Erã yujurãyeri turabirã arĩcoma. Eropirã gajirã erã eropa iira dipuwaja sĩria wañuma.

31 Erã baha, ihriroro core erã arĩricũrire õaro guña, erã ñeri iirire duhunirã, erã ñeri dipuwajare dipuwajacũbiriboñuma.

32 Mari Opũpũ marire ãgũ yarãre dipuwaja moagũ mari ñeri iirire duhucũ iigu iimi. Jesure gamebirãre ãgũ dipuwaja moaboro dopa marire dipuwaja moabiriborore eropa iimi. Mari peamegue wabiriborore dohpaguere marire dipuwaja dabero moami mari Opũ.

<sup>33</sup> Eropirã yu acawererã, bocatĩrimorã gamenererã, mua basi corenique.

<sup>34</sup> Eropirã mua mera majarã oaboarã, erã ya wihigue bamuhtaporo. Eropirã bocatĩrimorã òaro gamenere baque mua ñero dipuwajacurã wabiriborore. Gajinore werediarabu muare. Puhru yu basi ejagu muare weregura irire.

## 12

*Goãmu ya árĩburire mari mohmeburire apigu marire irire iimasicũ iimi Espĩritu Santo, arĩ gojañumi Pablo*

<sup>1</sup> Yu acawererã, òpa muare weregu ire muare masicũ gahmea. Goãmu ya árĩburire mari mohmeburire apigu marire árĩpehrerãre irire iimasicũ iimi Espĩritu Santo.

<sup>2</sup> Mua Jesu yarã árĩnibirã gajiropa árĩri buherire pee nururã árĩrã, muapu goãmarã wéanirãre umupeoyoro. Noho mua bocarãre werenigu-ibirãre umupeoyoro. Irire masia mua.

<sup>3</sup> Eropa árĩnirã mua árĩcũ dohpaguere òpa arĩ werediaca muare. Espĩritu Santo itamuri mera wereniguirã “Jesu ñero waporo,” ne arĩmasibeama. Eropirã Espĩritu Santo itamuri mariro wereniguirãpu “Jesu árĩpehrerã wecague opu mari Opu àhrimi,” arĩmasibeama.

<sup>4</sup> Goãmu ya árĩburire mohmemasiburi baja àhraa. Irire marire iimasicũ iigupu yujugu ta àhrimi. Igu Espĩritu Santo àhrimi.

<sup>5</sup> Eropiro Goãmu ya árĩburire iimasiri mera mari mohmeburi baja àhraa. Irire mari iiburire doregu yujugu ta mari Opu Jesu àhrimi.

<sup>6</sup> Mari Igu yarã Igu ya árĩburire iimasiri mera mari mohmeri yujuropa ta árĩbeaa. Iri mohmeri òaro wacũ iigu yujugu ta Goãmu àhrimi.

<sup>7</sup> Espĩritu Santo marire Jesu yarã nũcure mari iimasiburire apigu Goãmu turarire ihmugu iimi. Òpa ta iimi Igu Jesu yarãre árĩpehrerã mari òaro mohmeboru dopa.

<sup>8</sup> Yujurãyerire òaro masiri mera werecũ iimi Espĩritu Santo ta. Eropigu gajirãre Goãmu yare òaro buhecũ iimi Igu Espĩritu Santo.

<sup>9</sup> Eropigu gajirãre “Mari Goãmu mera òaro iimasia,” arĩ Goãmure guñaturacũ iimi Espĩritu Santo ta. Eropa iigu gajirãre turarire Espĩritu Santo ta ohomi Igu. Iri turarire Igu ocũ erãpu dorecurãre òarã wacũ iima. Espĩritu Santo yujugu ta árĩgu iri turarire ohomi.

<sup>10</sup> Eropigu Igu gajirãre deyoru moarire iimasicũ iimi Igu. Eropa iigu Goãmu yare òaro weretaumasicũ iimi Igu gajirãre. Eropa iigu gajirã Jesu yarãre buherire òaro beyemasicũ iimi Igu. Eropa masirã watĩ ya buheri árĩcũ masima erã. Espĩritu Santo gohra ya iri buheri árĩcũ sãre masima erã. Eropigu gajirãre erã peeyamarirã yare wereniguimasicũ iimi Igu. Eropigu peeyamarirã yare erã wereniguicũ gajirãre weretaumasicũ iimi.

<sup>11</sup> Iri árĩpehrerire iimasirire apigu ta Espĩritu Santo ta yujugu ta àhrimi. Igu gamero dopa ta marire yujurãyerire mari mohmeburire apimi.

*Cristo yarã árĩrã yuju curu ta àhraa mari, arĩ gojañumi Pablo*

<sup>12</sup> Werenigui queori mera muare weregura: Mari dupu yuju dupu árĩquerecũ ta, mojotori, cui, guburi, gamiri, iri tamera baja àhraa mari dupure árĩri. Eropa àhraa mari Cristo yarã. Bajarã árĩquererã ta yuju dupu iro dopa ta yuju curu ta àhraa Igu mera.

<sup>13</sup> Eropirã Cristo yarã árĩrã Igu dupu iro dopa yuju curu ta àhraa mari. Judio masa, judio masa árĩbirã, pohro majarã, pohro majarã árĩbirã, baja cururi árĩquererã ta yujugu árĩgu Igu dupu iro dopa yuju curu ta àhraa

mari. Espiritu Santo yujugu ta árĩgu ĩgu turari mera waĩyesũnirã marire yuju curu Cristo yarã árĩcũ iimi. Eropirã mari árĩpehrerã yujugu Espiritu Santore opaa Cristo ya curu majarã árĩrã.

Eropirã mari Cristo yarã yuju dũpũ iro dopa ãhraa.

<sup>14</sup> Mari dũpũ yuju dũpũ árĩquerecũ ta mojotori, cuiiri, guburi, gamiri iri mari dũpũ árĩri baja ãhraa.

<sup>15</sup> Mũ guburo wereniguiri guburo árĩro õpa arĩboya mũre gajiropa arĩro: “Mũ mojoto árĩbeaa yũhũ. Eropiro mũ dũpũ maja árĩbeaa yũhũ,” arĩboya. Mũ guburo eropa arĩquerero ta mũ dũpũ maja árĩro ta iiaa.

<sup>16</sup> Mũ gamiro wereniguiri gamiro árĩro õpa arĩboya mũre: “Mũ cuiuru árĩbeaa yũhũ. Eropiro mũ dũpũ majaru árĩbeaa yũhũ,” arĩboya. Mũ gamiro eropa arĩquerero ta mũ dũpũ maja gamiro árĩro ta iiaa.

<sup>17</sup> ¿Mari dũpũ cuiuru dihta árĩcũ dohpa peebocuri mari? Masiya mara. ¿Eropirã mari dũpũ gamiro dihta árĩcũ dohpa ii wĩji pepibocuri mari? Masiya mara.

<sup>18</sup> Eropa árĩbeaa mari dũpũ. Õpa ãhraa. Mari dũpũ árĩrinore árĩpehrerire Goãmũ ĩgu gamero dopa ta apidi árĩmi mari dũpũre.

<sup>19</sup> ¿Mari dũpũ árĩri maricũ dohpa waboyuri mari dũpũ? Mariboya.

<sup>20</sup> Mari dũpũ õpa ãhraa: Yuju dũpũ árĩquerecũ ta mari dũpũ árĩri baja ãhraa. Eropa ta mari Jesu yarã yuju dũpũ iro dopa árĩquererã bajarã ãhraa mari basi game itamumorã.

<sup>21</sup> Eropiro mũ cuirupũ mũ mojotore “Mũ itamucũ gamebeaa,” arĩmasibeaa. Eropiro mũ dipuru mũ guburire “Mũ itamucũ gamebeaa,” arĩmasibeaa.

<sup>22</sup> Gaji mari dũpũ árĩrĩre “Bu árĩñariri ãhraa,” mari arĩripũre upũtu gahmea mari.

<sup>23</sup> Eropirã gaji mari dũpũ árĩrĩre “Bu árĩñariri ãhraa,” arĩ pepia. Eropirã irire õaro deyoporo arĩrã õaro ahmua. Eropirã gaji mari dũpũ árĩrĩre mari gũhyasĩrisãrĩre õaro ahmua õaro árĩboro dopa.

<sup>24</sup> Gaji mari dũpũ árĩrĩre mata õari deyoripũre eropa amubeaa mari. Goãmũ mari dũpũ árĩri yujuũe gajiũere gamebircũ iibiridi árĩmi. ĩgu mari dũpũ árĩrĩre árĩpehrerire õaro amudigu árĩmi yuju dũpũ õaro dũpũcũburire. Eropa iigu “Bu árĩñariri ãhraa,” mari arĩripũre mari õaro gamecũ iimi. Eropa ta ne yujugũre Jesu yagũre “Bu árĩgu ãhrimi,” arĩmasibeaa mari.

<sup>25</sup> Eropa ta árĩdoredi árĩmi Goãmũ mari dũpũ árĩri yujuro mera iri basi game itamuboro dopa.

<sup>26</sup> Mari dũpũ árĩri yujuũe ñero taricũ gaji mari dũpũ árĩri sã ñero taria. Eropiro mari dũpũ árĩri yujuũe õaro árĩcũ mari dũpũ árĩpehrero õaro pepia.

<sup>27</sup> Eropa arĩgu õpa arĩdiagũ iiaa mũre: Mũapũ Cristo ĩgu dũpũ iro dopa árĩrã yuju curu ta ãhraa. Eropirã árĩpehrerã mũa ĩgu dũpũ árĩri iro dopa ãhraa ĩgu yarã árĩrã.

<sup>28</sup> Eropigu Jesu yarã gamenererã watope mari game itamuburire apidigu árĩmi Goãmũ marire. Õpa apipũ ĩgu marire: Yujurãyeri gũare buhedoregũ Cristo apimũhtadigu árĩmi. Ero pũhrũ gajirãre ĩgu yare weretaumorãre apidi árĩmi. Ero pũhrũ gajirãre Jesu yarãre buhemorãre apidi árĩmi. Eropigu gajirãre deyoro moarire iimorãre, gajirãre dorecurãre erã taricũ iimorãre, erã pũhrũ gajirãre masare itamumorãre, gajirãre oparã árĩmorãre apidi árĩmi. Ero ojogoro peeyamarirã yare wereniguimorãre apidigu árĩmi marire.

<sup>29</sup> Eropa ĩġu apicũ árĭpehrerã yujuropa iimorã árĭbeaa mari. Mari árĭpehrerã Jesucristo yare buhedore ĩġu apinirã árĭbeaa mari. Eropirã Goãmu ĩġu yare weretaurã mari árĭpehrerã árĭbeaa. Eropirã árĭpehrerã masare buherã árĭbeaa. Eropirã mari árĭpehrerã deyoro moarire iimasirã árĭbeaa mari.

<sup>30</sup> Eropirã mari árĭpehrerã dorecurãre taumasirã árĭbeaa mari. Eropirã mari árĭpehrerã peeyamarirã yare wereniguimasimorã árĭbeaa. Eropirã gajirã erã wereniguirire weretaumasimorã mari árĭpehrerã árĭbeaa.

<sup>31</sup> Eropirã Goãmu ya árĭburire mohmemasiburiñere gamerã õaripure turaro gameque mua. Eropigũ árĭpehreri yũ arĩra tauro õaro mua iiburire dohpaguere wereġura yũhũ.

## 13

### *Gajirãre erã õaro mahiburire, umupeoburire wereñumi Pablo*

<sup>1</sup> Peeyamarirã yare masa ya wereniguirire, anyua ya sãre wereniguimasiquererã ta gajirãre mahibirã, duhpimorã árĭbiriboya mari. Eropiro mari wereniguirire sã eropa busũmaacãboaya mari gajirãre mahibirã árĭrã.

<sup>2</sup> Goãmu yare õaro weremuhtamasiquererã ta gajirãre mahibirã bu árĭmaacãrã árĭboya mari. Eropirã masa erã masibirirare Goãmu yare árĭpehreri masiri masipehoquererã ta gajirãre mahibirã, bu árĭmaacãrã árĭboya mari. Goãmure õaro umupeotariri mera utãġu “Gajipugue waporo,” arĩrã wadoremasicquererã, mari gajirãre mari mahibirã bu árĭrã árĭboya.

<sup>3</sup> Mari yare árĭpehrerire mojomorocurãre oquerecũ ta erãre mahibiricũ iri mari ora duhpiburi árĭbiriboya. Eropirã Goãmu ya árĭburire mari iira dipuwaja mari dupure gajirãpũ soequerecũ ta, gajirãre mari mahibiricũ iri duhpiburi árĭbiriboya.

<sup>4</sup> Gajirãre mahirã mata guabeaa erã mera. Erãre mahirã õaro iiaa. Eropirã gajirãre mahirã erã marire opanemocũ ihaturibeaa. Eropirã mari mahigũ mera arĩrã “Mu tauro arĩġu ãhraa yũhũ,” arĩrã iibeaa mari. Gajirãre mahirã, “Erãre masitarinũġaa,” arĩ pepibeaa.

<sup>5</sup> Eropirã gajirãre mahirã erãre umupeori mera queoro iiaa mari. Gajirãre mahirã mari ya árĭburi dihtare ġuñabeaa. Erã ya õaro árĭburi sãre ġuñaa. Eropirã erãre mahirã disitĩri wereniguibeaa mari. Eropirã marire erã ñero iicũ sãre erã mera guawajabeaa mari.

<sup>6</sup> Gajirãre mahirã erã ñero iirire mucubiribeaa mari. Diaye majapure erã iicũ ĩarã burigã mucubiria erã mera.

<sup>7</sup> Gajirãre mahirã erã ñeri iicũ gajirãre ne quere moabeaa. Eropirã gajirãpũ erãre erã werewũacũ peequererã ta irire peediabeaa mari. Óari dihtare peediaa mari. Gajirãre mahirã “Óarire iirãcoma,” arĩ cohrea mari erãre. Gajirãre mahirã erã iira mera mari ñero tariquererã ta erãre mahi duhosome mari.

<sup>8</sup> Gajirãre game mahiri ne pehresome. Goãmu yare weretauripũ pũhrũ duhpiburi árĭsome. Peeyamarirã ya wereniguirire sã pehrea waroca. Goãmu yare masitariri wajamariroca pũhrũġue. Mari masipehora pũhrũġue duhpiburi gohra árĭsome iri.

<sup>9</sup> Dohpaguere Goãmu yare mari merogã masia. Eropirã mari ĩġu yare wererã mari merogã weremasia.

<sup>10</sup> Pũhrũġue ta mari masipehorãca. Eropiro mari merogã masira duhpiburi árĭsome. Irisubugue masipehorãca.

<sup>11</sup> Iri òpa àhraa: Majigu árigu majigu dopa wereniguiribu yuhu. Eropigu majigugã dopa pepiribu. Eropigu bugu wagu majigu iro dopa árĩrare duhucãbu. Eropa ta pũhrũguere mari dohpaguere merogã masirare duhura pũhrũ masipehorãca.

<sup>12</sup> Diuru òaro masure deyocũ iibiro dopa ta dohpaguere òaro masipehonibea dopa mari. Pũhrũ Goãmure mari òaro ìhamasirãgue mari masipehorãca. Dohpaguere mari merogã dihta masia dopa. Goãmũ marire ìgu masipehodirop dopa ta pũhrũ mari sã òaro masipehorãca.

<sup>13</sup> Eropirã dohpaguere mari iimasiburi ùhreñe dujaroca. Goãmure “Diaye ta árigu àhrimi,” arĩ umupeoniguirãca. Eropirã marire ìgu mera òaro árĩniguiburire mucubiri coreniguirãca. Eropirã gajirãre game mahiniguirãca. Goãmure umupeori, ìgu mera árĩborore mucubiri coreri tauro àhraa game mahiripu.

## 14

### *Peeyamarirã yare wereniguirire wereñumi Pablo*

<sup>1</sup> Eropirã gajirãre game mahirã árĩque mũa. Eropirã Goãmũ ya árĩburire mũa mohmemasiburire Espĩritu Santo ìgu apirare turaro gameque. Goãmũ yare mũa weremasiburi tamerare burigã gameque mũa.

<sup>2</sup> Peeyamarirã yare wereniguigu Goãmũ dihta peeborore wereniguimi. Eropa arĩ wereniguigu masa peeborore wereniguigu iibeami ìgu. Ìgu eropa arĩ wereniguicũ peerã masapu ne peebeama ìgure. Masa erã masibirire Espĩritu Santo ìgu turari mera wereniguigu iimi ìgu.

<sup>3</sup> Goãmũ yare weretaugupu masapu peeburire weremi. Eropa weregu ìgu masare itamugu iimi ìgu. Eropigu erãre Jesucristore umupeonemocũ iimi. Eropigu ìgu erã ñero taricũ ìgu erãre òaro siporãcucũ iimi.

<sup>4</sup> Peeyamarirã yare wereniguigu ìgu basi dihtare Jesucristore umupeonemocũ iimi. Gajirãre Jesucristore umupeonemocũ iibeami. Goãmũ yare weretaugupu gajirãre Jesu yarã gamenererãre Jesucristore umupeonemocũ itamumi ìgu.

<sup>5</sup> Peeyamarirã yare árĩpehrerã mũa wereniguicũ òaboya yu pepicũ. Eropa árĩquerecũ ta Goãmũ yare mũa weretaucũ tamerare turaro gahmea. Goãmũ yare weretaugupu peeyamarirã yare wereniguigu tauro òagu àhrimi. Eropa árĩquerecũ ta peeyamarirã yare wereniguigu ìgu wereniguirire gajigu ìgu weretaucũ ìgu sã òagu dujami. Ìgu wereniguirire weretaugu Jesu yarã gamenererãre Jesucristore umupeonemocũ iimi.

<sup>6</sup> Eropigu, yu acawererã, yuhu mũa pohrogue peeyamarirã yare wereniguigu wagu mũare itamumasibiriboya yuhu. Goãmũ ìgu yure wererare weregu itamua. Ìgu yare Espĩritu Santo yure masicũ iirare buhegu mũare itamugu iiaa.

<sup>7</sup> Peeyamarirã ya wereniguigu ìgu wereniguirire mari peebiro òpa iro dopa àhraa. Tarasure purirã, mari buamutẽriñere irire mari queoro iibiricũ, iri bayarire gajirãre masima masiya mara.

<sup>8</sup> Eropigu cornetare purigu surara árigu erã gamewejẽboro corere queoro ìgu puribiricũ gajirã surarapu masisome erã gamewejẽboro gamenererore. Eropirã erã gamewejẽboro core erã wejẽburi mojore amuyubirã àhrima erã.

<sup>9</sup> Eropa ta mũa sã peeyamarirã yare wereniguicũ peerã gajirã irire peebeama. Eropa peebiricũ mũa wereniguirire duhpiburi árĩbeaa erãre.

<sup>10</sup> I yebare baja wereniguirire árĩca. Eropirã irire wereniguirã erã basi erã eropa wereniguirire òaro peema.

11 Īḡu ya wereniguirire yu peebiricū ĩagu irire wereniguigupu “Gajirā yare wereniguimi,” arī pepicumi yure. Eropigu yu sã eropa ta arī pepica ĩḡure.

12 Eropirā mũa peeyamarirā yare wereniguirā, Espiritu Santo ĩḡu yare mohmemasi apira mera turaro mohmediaraa mũa. Irire eropa iidiarā Jesu yarā gamenererāre ōaro itamuburipure burigā mohmediaque mũa.

13 Eropigu peeyamarirā yare wereniguigu “Yu wereniguirire gajirāre ōaro weretaumasiburire itamuque yare,” Goāmure arī serēporo ĩḡu.

14 Peeyamarirā ya mera Goāmure serēḡu yu pepiri mera serēḡu iiaa. Eropa serēḡu yu pepirire masibigu yu wereniguirire masibea. Eropa iigu gajirāre itamubeaa yuhũ.

15 Ire masirā, ōpa iirāca mari: Espiritu Santo ĩḡu turari mera peeyamarirā ya mera Goāmure serērāca. Eropirā gajisubu ōaro masi pepirā gajirā erā ōaro peeboro dopa erā ya mera Goāmure serērā iri sãre serērāca mari. Espiritu Santo ĩḡu turari mera peeyamarirā ya mera Goāmũ yare bayarāca. Eropirā gajisubu ōaro masi pepi gajirā erā ōaro peeboro dopa erā ya mera Goāmure bayarāca.

16 Mari eropa iibiricū peeyamarirā ya mera wereniguirā Espiritu Santo ĩḡu turari mera Goāmure, “Ōagu turagu āhrimi,” mari arīquerecū ta gajirā ne peebeama. Erā eropa peebirā “Diaye ta āhraa,” arīmasibeama.

17 Peeyamarirā ya mera Goāmure “Ōhaa,” arīmasia mari. Mari eropa arīri ōaro árīquerecū ta gajirā peebeama. Eropirā erāre Jesucristore umupeonemocū itamubeaa mari.

18 Árīpehrerā mũa tauro yupu peeyamarirā yare wereniguia. Eropigu Goāmũ yure eropa wereniguimasigu ĩḡu iicū ĩḡure “Ōhaa,” arāa yuhũ.

19 Eropa wereniguigupu yu árīquerecū Jesu yarā gamenererā watope peeyamarropa peebirā “Diaye ta āirā ya mera yoari boje yu wereniguiquerecū duhpiburi árībeaa erāre. Yuhũ masa erā ōaro peemasiboro dopa buheḡu merogā yu buhequerecū ta iri tamera ōapūrica erāre.

20 Yu acawererā, majirāgā pee masibirāgā iro dopa árībiricāque mũa. Mũrā erā pee masirā arīro dopa árīque mũa. Eropirā ne masa dehyoarā erā ñeri iirire erā masibiro dopa ta árīque mũa.

21 Goāmũ yare erā gojarapũ ōpa āhraa Goāmũ wereniguirire: “Gajirā ya queo wererāre oā masare yahare weredoregura. Eropigu gaji yeba majarā masare ōarire yahare weredoregura oā masare. Yu eropa weredorequerecū ta erā yure peesome yu wererire,” arīmi Goāmũ mari Opũ, āhraa Goāmũ yare erā gojarapũḡue.

22 Peeyamarirā yare wereniguirā Goāmure umupeobirāre erāre ĩhmuri āhraa. Eropiro peeyamarirā yare wereniguirā Jesu yarāpũre Goāmũ turarire ĩhmuri árībeaa. Eropiro Goāmũ yare wereripũ Jesure gamebirāre Goāmũ turarire ĩhmuri árībeaa. Goāmũ yare wereripũ Jesu yarāpũre Goāmũ turarire ĩhmuri āhraa.

23 Eropirā mũa Jesu yarā gamenererā, peeyamarirā yare mũa árīpehrerā wereniguicū, Goāmũ yare masibirā gajirā Jesure umupeobirā sã ñajari peebocoma. Mũa eropa wereniguicū peerā, erā mũare “Cue, goroweorā wahama,” arībocoma erā.

24 Árīpehrerā mũa Goāmũ yare mũa wererā tamera Goāmũ yare masibigu, Jesure umupeobigu sã ñajari peegu, ĩḡu ñero iirare masigucumi ĩḡu. Eropigu ĩḡu ñeri iirare bujawerebocumi ĩḡu.

25 Eropigu ĩḡu árīricurire ĩḡu pepiri sãre guñagucumi ĩḡu. Eropigu mereja Goāmure “Yu opu āhrimi,” arīḡu umupeogucumi. Eropigu “Goāmũ

diaye ta mua mera āhrimi,” arīgucumi īgu mware Goāmū yare werēcū peegu.

*Mua gamenererā ōaro iique goroweoro mariro, arī gojañumi Pablo*

<sup>26</sup> Eropigu, yu acawererā, mware ire arīgu iiaa: Mua gamenerēcū yujurāyeri mua mera majarā Goāmū yare bayadiama. Eropirā mua gajirā buhediaa. Eropirā gajirā Goāmū mware īgu wererare werediaa. Eropirā mua gajirā peeyamarirā yare wereniguidiaa. Eropirā mua gajirā iri wereniguirire weretaudiaa. Mua eropa iirā gajirāre erā Jesucristore umupeonemoboro dopa irire iique.

<sup>27</sup> Eropirā peeyamarirā yare mua wereniguirā mua perā o ūrerā, erā nucu ta wereniguique mua gamenererisubu. Eropirā yujurāyeri wereniguique. Mua eropa wereniguicū, yujugu mua mera majagu mua wereniguirire gajirāre weretauporo.

<sup>28</sup> Mua wereniguirire weretaubu maricū mua gamenererogue peeyamarirā yare wereniguibiricāque. Eropirā mua seyaro peeyamarirā yare Goāmū mera wereniguique.

<sup>29</sup> Eropirā Goāmū yare werediarā perā o ūrerā iripēta wereque mua. Mua eropa werēcū gajirā mware peerā mua wererire Goāmū ya árīcū ōaro masiporo. Eropirā Goāmū ya árībiricū säre ōaro masiporo.

<sup>30</sup> Eropigu Espiritu Santo Goāmū yare gajigūre ero doagūre īgūre wereri ocū, īgu sā Jesu yarāre werediami. Īgu werediacū īha Goāmū yare weremūhtagupu werenigui duhuporo.

<sup>31</sup> Eropirā mua árīpehrerā Goāmū yare wererā, yujurāyeri wereque mua árīpehrerā gajirā erā ōaro peeboro dopa, erā ōaro mucubiriboro dopaa.

<sup>32</sup> Eropirā Goāmū yare wererā árīrā, ōaro pee masirā, ōaro peeñanugu wereniguirā árīque.

<sup>33</sup> Goāmū īgu yarā erā gamenererogue erā game wisicū gamebeamī īgu. Goroweoro mariro erā ōaro árīcū gahmemī īgu. Eropirā ōaro iique mua árīpehrerogue Jesu yarā gamenererā.

<sup>34</sup> Árīpehrero Jesu yarā gamenererore nomere wereniguibiricāro gahmea. Erā nomere maripu wereniguidorebeaa. Goāmū yare erā gojarapū sā arīro dopa ta nomere mware ōaro yuhrirā nome arīro gahmea. Eropirā mua gamenererore nome masare werebiricāporo.

<sup>35</sup> Jesu yarā erā gamenererore nome erā wereniguicū ōabeaa. Eropigo gajinore masidiago nomeo igo ya wihigue ta igo marapūre serēpiporo.

<sup>36</sup> Ire yu wereburi ōaro masique mua. Goāmū yare weremūhtarā árībeaa mua. Eropirā īgu yare peenirā mua dihta árībeaa. Gajirā sā īgu ya buherire opama.

<sup>37</sup> Mua mera majagu “Yu tamera Goāmū yare weregu āhraa,” arī pepibocumi. Eropa arī pepigu i yu mware gojarare “Goāmū doreri ta āhraa,” arī masiporo īgu. Eropigu gajigu, “Espiritu Santo iimasiburire īgu apirare ōaro opaa yuhū,” arī pepibocumi. Eropa arī pepigu īgu sā i yu mware gojarare “Goāmū ya doreri ta āhraa,” arī masiporo.

<sup>38</sup> Irire īgu masidiabiricū yu gojarare “Diaye árībeaa,” īgu arīcū īgūre duhucāque. Peebiricāque īgūre.

<sup>39</sup> Eropirā yu acawererā, Goāmū yare weremasiburire burigā gameque mua. Eropirā mua mera majarā mua gamenererogue peeyamarirā ya erā wereniguidiacū, “Wereniguibiricāque,” arībiricāque erāre.

<sup>40</sup> Eropa iirā ōaro iique. Eropirā gamenererā ōaro game, goroweoro mariro iique mua.



## 15

### *Cristo ĩġu masa m̄riarare werep̄ Pablo*

<sup>1</sup> Dohpaguere yu acawererã, ðari buherire yuħu m̄are wererare m̄are guñacũ iidiaca. Iri buherire ðaro peebu m̄a. Eropã peerã iri buherire umupeonijarã ðaro ãhraa m̄a.

<sup>2</sup> M̄a eropã umupeocũ irire m̄a cóãbircũ Cristo m̄are peamegue wabonirãre taugucumi. M̄a eropã peera p̄ħru Cristo yare m̄a duhucãcũ iri m̄a peera duhpiburi ár̄biriboya.

<sup>3</sup> Őpã ar̄i werem̄htagura m̄are. Bu gohra ár̄beaa. M̄are buhegu yure Cristo ĩġu wererare ðpã ar̄i werebu: Goãm̄u yare erã ar̄i gojayudiro dopã ta mari ñeri wajare Cristo s̄irip̄u.

<sup>4</sup> Eropiḡu Goãm̄u yare erã ar̄i gojayudiro dopã ta Cristo ĩġu s̄irira p̄ħru gajirã ĩġure erã yaara p̄ħru uħren̄u waboro ĩġu masa m̄riap̄u.

<sup>5</sup> ĩġu eropã masa m̄riara p̄ħru Pedroro dehyoap̄u. ĩġu eropã dehyoara p̄ħru ĩġu buherãre doce mera majarãre dehyoap̄u daja.

<sup>6</sup> Erãre dehyoara p̄ħr̄re yujusubu ta quinientos weca ár̄rãre ĩġu yarãre dehyoap̄u daja. Gajirã ĩġure ĩanirã s̄irituhañorã. Gajirã ĩġu ĩanirã bajarã erã mera majarã ár̄nirã dohpaguere ár̄nima.

<sup>7</sup> P̄ħru Cristo Santiagore dehyoap̄u daja. Eropã ĩġu dehyoara p̄ħru ár̄pehrerã ĩġu buhedore apinirãre dehyoap̄u daja.

<sup>8</sup> Ár̄pehrerã gajirãre ĩġu dehyoara p̄ħru yu sãre dehyoami daja. Majigugã queoro masa deyobigugã ĩġu masa dehyoanur̄siadiro dopã ta yu sã Jesure umupeo nur̄siagu ãhraa. Yu eropã ár̄cũ erã p̄ħr̄re dehyoami Jesu yu sãre. Yure ta ĩġu dehyoatumi pare.

<sup>9</sup> Ero coregue Jesu yarãre ñero iiribu. Eropã iidigu ár̄ġu gajirã Jesu ĩġu apinirã ár̄pehrerã erã docague gohra ãhraa yuħu. Eropiḡu dohpague sãre Jesu ĩġu buhedore ĩġu apibodigu ár̄biriribu yuħu.

<sup>10</sup> Eropã ár̄quereḡu ta Goãm̄u ĩġu yure mahicũ dohpaguere Jesu ĩġu apidigu ãhraa yu sã. Eropiḡu ĩġu yure mahicũ dohpaguere ĩġu gamerire ipehoa. Eropiḡu ĩġu yure mahicũ ĩġu yagu eropã ár̄cãgu iibeaa. Ár̄pehrerã gajirã ĩġu apinirã tauro yur̄u turaro mohmeabu. Eropã mohmeḡu yu gamero iri mohmerire iibirabu. Goãm̄u yure mahigu yure itamuami.

<sup>11</sup> Yuħu m̄are ðari buherire buhegu yu ár̄cũ erã m̄are buherã ár̄cũ sãre yujuroppã ãhraa. Guap̄u ire buherã ár̄quererã ta bu gohra ár̄rã iiaa. Ḡuã buherip̄u bu ár̄ri ár̄beaa. Eropirã m̄ap̄u i buherire ðaro peebu.

### *S̄irinirã m̄ra erã masa m̄riaborore werep̄ Pablo*

<sup>12</sup> Cristo ĩġu s̄irira p̄ħru ĩġu masa m̄riarare ḡuã buhequerecũ “S̄irinirã m̄ra ne masa m̄riabeama,” ar̄ima m̄a mera majarã yujurãyeri. ¿Dohpã ar̄rono eropã ar̄ri erã irire?

<sup>13</sup> Őpã masiporo erã. S̄irinirã m̄r̄re Goãm̄u masa m̄riacũ iibigu Cristo sãre ne masa m̄riacũ iibiriboñumi.

<sup>14</sup> Eropiḡu Cristo ĩġu masa m̄riabircũ ðari buherire ḡuã werera ne waja mariboya. M̄a ĩġure umupeori sã waja mariboya.

<sup>15</sup> Masa m̄riari maricũ guap̄u Goãm̄u yare wererã guyarã iiboya. S̄irinirã m̄ra erã masa m̄riabircũ Goãm̄up̄u Cristore masa m̄riacũ iibiriboñumi. ĩġu eropã iibircũ ḡuã “Goãm̄u Cristore masa m̄riacũ iip̄u,” ar̄rã guyarã iiboya.

<sup>16</sup> S̄irinirã m̄r̄re Goãm̄u masubigu, Cristo sãre ĩġu masubiriboñumi.

17 Eropiro Cristo ĩgu masa m̄riabiricũ ĩgure m̄a umupeori waja mariboya. Eropiro m̄a ñeri dipuwajacurã árĭboya dohpa peamegue wamorã.

18 Masa m̄riariñe maricũ Cristo yarã m̄ra s̄rimuhtanirã m̄ra peamegue wamorã árĭboñuma.

19 Cristore mari umupeora p̄hrũ mari s̄rirãgue mari masa m̄riamasibirimorã árĭrã árĭpehrerã masa tauro mojomorocurã árĭboya maripũ. Eropirã ĩgure umupeorã bu gohra árĭrire umupeorã iiboya mari.

20 Eropa árĭbeaa. Diaye ta Goãmũ Cristore ðaro masa m̄riacũ iicãdi árĭmi. Cristo ĩgu masa m̄riara p̄hrũ mari sã s̄rirãgue masa m̄riamorã ta ãhraa. ĩgu eropa masa m̄riagu, Cristo masa m̄ria gubuyecũñumi marire.

21 Őpa ta ãhraa i: Adán masũ árĭmuhtadigu ĩgu ñerire iinũgara p̄hrũ masa s̄rinũgañuma. Eropigu gajigu masũ Jesucristo ðarire ĩgu iira p̄hrũ s̄rinirã m̄ra masa m̄riamasima.

22 Adán yarã árĭnũrũsĭarãgue mari árĭpehrerã s̄rirãca. Eropa ta Cristo yarã mari árĭcũ mari s̄rira p̄hrũ marire masa m̄riacũ iigũcumi Goãmũ.

23 Yujurãyeri cururi marire Goãmũ sihurisubũ masa m̄riarãca. Cristo marire árĭmuhtadigu masa m̄riamuhtarũ. P̄hrũ ĩgu i yebague dujaricũ ĩgu yarã sã masa m̄riarãcoma.

24 Irisubũ ta i umũ pehrerĩnũ árĭroca. Eropigu árĭpehrerã ñerã oparãre, dorerãre, turarãre Cristo cóãgũcumi. ĩgu eropa iira p̄hrũ árĭpehrerã weca opũ ĩgu árĭrare wiagũcumi Goãmũre mari Pagure.

25 ĩgu wiaboro core mari Pagũ Cristore ĩhaturirãre ĩgu tarinũgapehoboro core Cristo tamera árĭpehrerã weca opũ árĭgũcumi. Eropa iibu ta árĭro gahmea ĩgure.

26 ĩgure ĩhaturirãre ĩgu cóãra p̄hrũ s̄ririñe sãre pehrecũ iigũcumi ĩgu.

27 Goãmũ yare gojarapũgue ðpa ãhraa: “Árĭpehrerã weca dorebure apipũ Goãmũ Cristore. Árĭpehreri sãre apipũ ĩgure.” Eropa ta arãa Goãmũ yare erã gojarapũgue. “Árĭpehrerã weca dorebure apipũ Goãmũ Cristore,” arĭ gojagu, “Goãmũ weca doregu Cristo ãhrimi ĩgu,” arĭdiabiriñumi. Goãmũpũ Cristore eropa apiñumi.

28 Árĭpehrero Goãmũre ĩhaturirãre ĩgu cóãra p̄hrũ árĭpehrerã weca doregu Cristo Goãmũ magũ ĩgu árĭtuhagu ĩgu opũ árĭrare Goãmũre ĩgure apidigũpũre wiagũcumi. Eropiigũcumi “Goãmũpũ árĭpehrerã weca opũ árĭpehreri opũ gohra ãhrimi,” árĭpehrero árĭpehrerã arĭmasiboro dopa.

29 “S̄rinirã masa m̄riasome,” arĭma gajirã. ¿Erã arĭri diaye árĭcũ duhpimorã gajirã masa s̄rinirã m̄ra ya árĭburire erã waĩyebasanirã ãhriri m̄a pepicũ? S̄rinirã m̄ra masa m̄riabiricũ erã ya árĭburire gajirã waĩyebasara duhpiburi árĭbiriboya.

30 Guapũ gua buheri dipuwaja umũri nũcũ gajirã guare erã ñero iidiacũ guhya ãhraa gua sãre. Guare eropa guhyaquerecũ ta masa m̄riari árĭcũ masirã eropa buheniguicãa gua.

31 Mari Opũ Jesucristo yarã m̄a árĭcũ ĩgure umupeonemorã m̄a wacũ yũpũ turaro mucubiri pepia yũhũ muare. Iri diaye ta ãhraa. Eropigu “Yũre noho erã gamerĩnũ wejẽmaja guhya ãhrima,” yũ arĭcũ iri sã diaye ta ãhraa.

32 Efeso majarã guarã ðari buherire yũ buhera waja yũre pama. Masa m̄riariñe maricũ Jesu yagu yũ árĭbiricũ, yũ ñero tarira waja duhpiburi árĭbiriboya. S̄rinirã m̄ra erã masa m̄riabiricũ ðpa arĭboya mari:

“Puhruñari sīrirāca. Dohpa wasome mari. Eropirā bania, ihrirā, mari gamero dopa iirā,” arīboya mari.

<sup>33</sup> Eropa arī gūyarire pepibiricāque m̄ua. “Ñerāre wapicurā, ñarire m̄ua iirare cādijirāca m̄ua,” arīma masa. Iri diaye ta āhraa.

<sup>34</sup> Ñarire pepirā árīque m̄ua. Eropirā ñarire iirā árīque daja. Eropirā ñerire iinemobiricāque daja. Gajirā m̄ua mera majarā ne Goām̄ure masibeama. M̄ua gūhyasīriburire m̄uare eropa arāa.

*Sīrinirā m̄ura erā masa m̄uriaborore werenemop̄u Pablo*

<sup>35</sup> Eropi m̄ua mera majagu ñpa arī serēpibocumi yure: “¿Dohpa ii sīrinirā m̄ura masa m̄uriarācuri? ¿Dohpa bejari d̄ur̄p̄curā masa m̄uriarācuri? arī serēpibocumi yure.

<sup>36</sup> Eropa arī serēpiḡu pee masibiḡu āhrimi. Oteriyere mari oterā iriye boac̄i gohra puhri wiria. Boabiric̄i ne puhri wirimasibeaa. Irire masia m̄ua.

<sup>37</sup> Puhritaridiḡu yuc̄uḡuḡuere otebeaa mari. Dipayeri dihtare otea mari. Iriyeri trigo yeri árīro āhri, o gajiyeri árīro árīca.

<sup>38</sup> Iriyerire mari otera puhru Goām̄up̄u ĩḡu gamediro dopa ta iriyerire buga m̄uriac̄i iimi. Eropiḡu ojud̄acayerire ojud̄acañu wac̄i iimi ĩḡu. Trigo yerire trigo sari wac̄i iimi. Eropa ta puhridoremi Goām̄u.

<sup>39</sup> Árīpehrerā d̄ur̄p̄curi yujuropa deyobeaa. Masa d̄ur̄p̄u yujuropa ta āhraa. Waimurā d̄ur̄p̄u s̄a gajiropa ta dehyoa. Mirimaḡu porā d̄ur̄p̄u s̄a gajiropa ta dehyoa. Eropirā wai s̄a gajiropa ta d̄ur̄p̄c̄uma.

<sup>40</sup> Eropirā umaro majarā s̄a āhrima. Eropirā i yeba majarā s̄a āhrima. Eropirā umaro majarā d̄ur̄p̄u gajiropa dehyoma. Eropiro i yeba majarā umaro majarā iro dopa árībeama.

<sup>41</sup> Ñpa ta āhraa. Abe um̄u majagu gosemi. Eropi ñami majagu s̄a boje āhrimi ĩḡu s̄a. Yuju diaye ta boyomi. Eropirā necā s̄a gajiropa bejari goesirima. Necā majarā s̄are mari ĩac̄i gaji dipu daberogā goesiriri dipu dehyoa. Eropiro gaji dipu turaro goesiriri dipu dehyoa.

<sup>42</sup> Eropa ta āhrima sīrinirā m̄ura erā masa m̄uriac̄i. Masu ĩḡu d̄ur̄p̄ure mari yaara puhru ĩḡu d̄ur̄p̄u boa waroca. Eropiro gaji d̄ur̄p̄u gajiropa árīri d̄ur̄p̄u um̄uri nuc̄u ojocariburi d̄ur̄p̄u masa m̄uriaroca.

<sup>43</sup> ĩḡu d̄ur̄p̄ure mari yaac̄i sīridiḡu d̄ur̄p̄u ñeri d̄ur̄p̄u āhraa. Goām̄u ĩḡure masuc̄i ĩḡu d̄ur̄p̄u ñatariari d̄ur̄p̄u árīroca. Eropiro ĩḡu d̄ur̄p̄u mari yaara d̄ur̄p̄u turari mariri d̄ur̄p̄u āhraa. Eropiro Goām̄u ĩḡure ĩḡu masuc̄i d̄ur̄p̄u turatariari d̄ur̄p̄u árīroca.

<sup>44</sup> I yeba maja d̄ur̄p̄ure mari yaarāca. ĩḡu sīridiḡu m̄uru ĩḡu masa m̄uriac̄i ĩḡu d̄ur̄p̄u umaro maja d̄ur̄p̄u ta árīroca. I yeba maja d̄ur̄p̄ure mari opaa dohpague. Puhru umaro maja d̄ur̄p̄u s̄are oparāca.

<sup>45</sup> Eropa ta arī werea Goām̄u yare erā gojarapūgue: “I yeba árīm̄uhtadiḡu Adán waic̄uḡu Goām̄u ĩḡure iic̄i ojocariḡu wañumi,” arī gojañuma. Adán iro dopa árīḡup̄u ũjutuyaḡup̄u Cristop̄u ojocaririre oḡu āhrimi.

<sup>46</sup> I yeba maja d̄ur̄p̄u árīm̄uhtara d̄ur̄p̄u āhraa. Puhruḡu umaro maja d̄ur̄p̄u árīroca.

<sup>47</sup> Ñpa ta āhraa: Árīm̄uhtadiḡu Adán̄p̄u i yeba maja nicu mera Goām̄u ĩḡu iira d̄ur̄p̄ure d̄ur̄p̄uc̄añumi. ĩḡu puhru aridiḡup̄u Cristop̄u umaro majagu árīp̄u.

<sup>48</sup> Nicu mera d̄up̄c̄um̄htadigu Adán árĩdiro dopa ta mari árĩpehrerã nicu mera iira d̄up̄c̄urã ãhraa mari. Eropirã ùmarogue aridigu Jesucristo ïgu árĩdiro dopa ta ïgu yarã árĩpehrerã ïgu iro dopa d̄up̄c̄urãca mari.

<sup>49</sup> Mari Adán iro dopa ta d̄up̄c̄urã árĩrã p̄hr̄u Cristo iro dopa d̄up̄c̄urãca.

<sup>50</sup> Ȳu acawererã, m̄uare ire werediaa: I yeba maja d̄up̄u di mera diro mera árĩri d̄up̄u Goãm̄u ïgu op̄u árĩroguere ùmaroguere ne wasome. Mari d̄up̄u boaburi d̄up̄u ãhraa. Eropiro ùmarogue ùm̄uri n̄c̄u mari árĩboroguere i d̄up̄u wasome.

<sup>51-52</sup> Iribojeguere masa erã masibirirare dohpaguere m̄uare werediaa: Mari mera majarã yujurãyeri s̄irisome. Eropirã mata erã d̄up̄ure gohrotorã árĩrãcoma. Corneta ïgu puriturinu eropa ta waroca marire. Ōpa waroca: Corneta bus̄ura p̄hr̄u s̄irinirã m̄urare Goãm̄u masuḡucumi ùm̄uri n̄c̄u erã árĩmorãre. Eropirã d̄up̄ure gohrotonirã árĩrãca mari sã.

<sup>53</sup> Dohpaguere mari d̄up̄u boaburi d̄up̄u ãhraa. Eropigu mari Goãm̄u mera árĩniguicãburire mari d̄up̄ure gohrotoḡucumi Goãm̄u. Eropigu mari s̄iriburi d̄up̄ure gohrotoḡucumi mari ne s̄iribiriburi d̄up̄ure.

<sup>54</sup> Mari d̄up̄ure ne boabiriburi d̄up̄ure gohrotoḡucumi. Eropigu marire s̄iribiriburi d̄up̄ure eropa árĩniguiburi d̄up̄ure gohrotoḡucumi. Iri eropa marire gohrotocũ iri bojegue Goãm̄u yare gojarapũgue arĩ gojadiro dopa ta eropa waroca: Goãm̄u s̄iririñere cóãcãmi.

<sup>55</sup> Dohpaguere ne dipaturi s̄irisome. Eropiro s̄iririñe mera dipaturi mari ñero tarisome.

<sup>56</sup> Mari ñeri iira waja árĩcũ tamera s̄iririñe mera ñero tarirãca. Eropiro Goãm̄u doreri mari iimasibirira waja dipuwajac̄ua mari. Eropa dipuwajac̄urã peamegue mari masa wamorã ãhraa.

<sup>57</sup> Mari eropa árĩquerecũ ta mari Op̄u Jesucristop̄u marire peamegue wabiricũ iimi. ïgu eropa ïgu árĩcũ masirã Goãm̄u mera mucubiri "Ōhaa," arãa mari.

<sup>58</sup> Eropirã ȳu acawererã, ȳu mahirã, Cristore m̄ua umupeorire duhubiricãque. Eropirã gajirã m̄uare õari buherire erã cóãdorecũ ne cóãbiricãque irire. Eropirã ùm̄uri n̄c̄u mari Op̄u Jesucristo ïgu iidorerare õaro iiniguicãque m̄ua. Mari Op̄u Jesucristo yare mari iicũ bu gohra ta ne árĩbeaa. Ire masirã ïgu iidorerire õaro iiniguicãque m̄ua.

## 16

### *Gajirãre Jesu yarãre Corinto majarã niyeru erã oburire werer̄u Pablo*

<sup>1</sup> Dohpaguere gajirãre Jesu yarãre m̄ua niyeru oburire werer̄u m̄uare. Galacia yeba majarãre Jesu yarãre ȳu dorediro dopa ta m̄ua sã ïique.

<sup>2</sup> Semanari n̄c̄u soorinu árĩcũ árĩpehrerã m̄ua Jesu yarãre gajirãre m̄ua oburi niyerure merogã gameneoque. Merogã oparã merogã oque. Eropirã wuañariro oparã wuañariro oque. Semanari n̄c̄u m̄ua eropa ïique m̄ua pohroque ȳu ejaçũ m̄ua obeoburi niyeru opayutuhaboro dopa. Eropigu erogue ejagũ iripẽ niyeru wahasõ arĩripũre gojabasaḡura.

<sup>3</sup> Eropigu iripũre iri niyeru aĩgãmorãre m̄ua beyenirãre oḡura. Eropa otuhagũ Jesu yarãre m̄ua obeoburi niyerure aĩgãmorãre erãre obeoḡura Jerusalengue.

<sup>4</sup> Iri macaguere ȳu iiburi árĩcũ ȳu sã waḡuca. Ȳu eropa wacũ ȳu mera ta erã sã warãcoma iri niyeru orã warã.

*Ïgu erogue curiborore werer̄u Pablo*

<sup>5</sup> Macedonia yeba majarāre ihatari wahgāgūca yūhū erāre. Tariagu mūa pohro Corintogue ejagūca.

<sup>6</sup> Erogue ejagu mūa mera bajamenūri árīboca yūhū gajisubu iigu. Yoañariri boje puhiró dihta mūa mera árīboca yūhū. Eropirā gajipugue yū wacū mūa sã yure itamubeomasia.

<sup>7</sup> Mūare bajamenūrigā ĩadiabirica yūhū. Eropigu Goāmū gamecū yoañariri boje mūa mera árīgūca yūhū.

<sup>8</sup> Eropa árĩdiaqueregū ta pentecoste bosenu árĩcūgue Efeso árĩnigūca dohpa.

<sup>9</sup> Ohō Efesogue dohpaguere mari Opū Jesu yare peediarā bajarā āhrima. Erā eropa árĩrā árĩcū erāre werea. Yūhū erāre eropa werecū yure ĩadiabirā bajarā āhrima. Eropigu Efesogue árĩnigūca dohpa.

<sup>10</sup> Timoteo yū iro dopa ta mari Opū yare iimi. Īgu eropa iigu árĩcū mūa pohrogue ĩgu ejacū ōaro mera ĩgure bocatĩri, ĩgu mera ōaro mucubiriri mera árĩque mūa.

<sup>11</sup> Eropirā ĩgure tarinūgabiricāque mūa. Eropirā ĩgu mūare goeriserecū ōaro mera ĩgure itamuque ĩgu yū pohrogue dujaricū. Gajirā Jesu yarā mera gūa ĩgure corerā iiaa. Eropirā ōaro mera itamubeoque ĩgure.

<sup>12</sup> Apolo mari acaweregū Jesu yagu mūare ĩgu ĩagu wacū turaro gamerabū. Eropigu ĩgure wadorerabū gajirā Jesu yarā mera ĩgu waborore. Yū eropa wadorequerecū ta ĩgu dohpaguere wadiabeami. Eropigu pūhrū ĩgure iiri maricū mūa pohrogue wagūcumī ĩgu daja.

### *Pablo ōadoretupū*

<sup>13</sup> Ōaro pee masiyurā árĩque mūa. Cristore umupeorā duhubiricāque. Ōaro guñaturarā árĩque. Eropirā Goāmū ya turari mera turarā árĩque mūa.

<sup>14</sup> Árĩpehrerore iirā gajirāre mahiri mera irire iique.

<sup>15</sup> ¿Estéfana ĩgu ya wihi majarā mera guñari mūa? Erā Acaya yeba majarā ōari buherire peemūhtarā, iri yebare Cristore umupeomūhtanirā árĩma erāpū. Eropirā gajirāre mari acawererāre Jesu yarāre erā ōaro itamuniguicāma.

<sup>16</sup> Eropigu erā iro dopa árĩrāre, gajirāre Cristo yare itamurāre mūa ōaro yūhricū gahmea yūhū.

<sup>17</sup> Īgu Estéfana, Fortunato, Acaico sã yū pohrogue eratumama. Ohō erā árĩcū wūaro mucubiria yūhū. Mūa maricū mūa mera mucubirimasibiribū yūhū. Eropigu erā eracū mucubiria yūhū.

<sup>18</sup> Erā mera árĩgu ōaro sīporācūgū wahabū yūhū. Mūa sāre eropa ta mucubiricū iiañuma yū pepicū. Mūa pohrogue erā dipaturi wacū daja erāre ōaro umupeoque mūa. Eropirā gajirāre erā iro dopa árĩrā sāre umupeoro gahmea mūare.

<sup>19</sup> Asia majarā Jesu yarā mūare ōadorema. Eropirā Aquila, Priscila, erā ya wihi gamenererā mera Cristo ĩgu mahiri mera mūare wūaro ōadorema.

<sup>20</sup> Ō majarā Jesu yarā árĩpehrerā mūare ōadorema. Mūa mera majarāre bocatĩrirā ōaro mera mojoto ñeaque.

<sup>21</sup> Yūhū Pablo, yū basi i dihtare gojaa. Mūare ōadorea.

<sup>22</sup> Mari Opū Jesucristore gajigu ĩgu mahibiricū, Goāmū ĩgure dipuwaja moaporo. Mari Opū duru dujariporo.

<sup>23</sup> Mari Opū ĩgu mahiri mera mūare ōadorea.

<sup>24</sup> Mūare árĩpehrerāre būrigā mahia Jesucristo mera. Eropa ta árĩporo. Iripēta āhraa.

## 2 Corintios

### *Õpa gojabeoñumi Pablo Corinto majaräre*

<sup>1</sup> Yũhũ Pablo Jesucristo yare ïgu buhedore ïgu apidigu ãhraa. Mari Pagũ ïgu gamero dopa ta apimi yũre Jesu. Yũhũ, mari acaweregu Timoteo mera mũare Goãmũre umupeoräre Corinto majaräre gojabeoa. Árípehrerã Jesucristo yaräre Acaya majaräre mũa sãre gojabeoa.

<sup>2</sup> Eropirã Goãmũ mari Pagũ, mari Opũ Jesucristo mera mũare õadoreo. Ñgu itamuro mera õaro árĩque mũa.

### *Pablo ïgu ñero tarirare õpa arĩ wereñumi*

<sup>3</sup> Mari Opũ Jesucristo Pagũ Goãmũ marire mojomoro ïhami. Eropigu ïgu dihta marire árĩpehrerĩnũri õaro sĩporãcũcũ iimi. “Õatariagu ãhrimi ïgu,” arãa mari.

<sup>4</sup> Mari ñero taricũ ïagu marire ïgu yaräre itamumi ïgu gajiräre mari itamuboro dopa. Eropirã gajirã erã ñero taricũ erãpũre itamuro gahmea marire. Goãmũ marire ïgu itamuro dopa ta mari sã eräre itamurã.

<sup>5</sup> Cristo yarã mari árĩrã ïgu ñero taridiro dopa ta mari sã bũrigã ñero taria. Mari ñero taridiro dopa ta ïgu itamurire wũaro opaa.

<sup>6</sup> Gũapũ mũare itamurã ñero taria. Eropirã Cristo mera mũa õaro árĩboro dopa gũa mũare werera dipuwaja gajirã ñero iima gũare. Gũa ñero tariquerecũ Cristo gũare itamumi. Eropirã Cristo gũare itamucũ gũapũ mũa sãre itamumasia. Eropirã gũa ñero taridiro dopa ta mũa sã ñero tarirã õaro mera yujuro bojerãca.

<sup>7</sup> Õaro mera mũa yujuro bojerã árĩborore gũa masia. Gũa ñero taridiro dopa ta ñero taria mũa sã. Eropirã Goãmũ ïgu itamuri mera gũa yujuro bojediro dopa ta mũa sã yujuro bojerãca.

<sup>8</sup> Gũa acawererã, dohpaguere ire mũa õaro masicũ gũa gahmea. Asia yebaguere ñetariaro taribũ gũa. Gũa gamero iirã ne bocatĩubiriboya. Õpa arĩ pepiribũ gũa: “Ne bocatĩusome mari. Eropirã mari sĩrirãca,” arĩ pepiribũ gũa.

<sup>9</sup> Eropirã “Marire wejẽcãrãcoma,” arĩ pepiribũ gũa. Gũa eropa ñero taribũ Goãmũ dihtare gũa guñaturaboro dopa. Ñgũpũ sĩriniräre masugu ãhrimi. Eropa ïgũre guñaturarã gũa gamero gũa bocatĩubirirare masia. “Goãmũ ta marire itamumi,” arãa pare.

<sup>10-11</sup> Gũare gũhyaquerecũ ta ïgu itamuro mera taribũ. Pũhrũgue sãre dipaturi gũare taugũcumi. Mũa sã gũare itamumorã mũa Goãmũre serẽbasacũ sãre ïagu ïgu gũare taugũcumi. “Ñgu ta gũare taugũcumi,” arĩ masia mari. Eropirã ïgu gũare taucũ ïarã, ïgũre “Õhaa” arĩrãca mũapũ. Mũa bajarã serẽrare ïgu yũhricũ ïarã “Õhaa, diaye ta ãhraa,” arĩrãca mũa bajarã Goãmũre.

### *Pablo Corintogue ïgu wadiarare wereñumi*

<sup>12</sup> Eropirã gũa iirare guñarã mucubiriri mera õpa arĩ pepia gũa: I yebare Goãmũ ïgu itamuro mera ñeri mariro õari mera masare wapicũ buhebũ. Mũa sãre õaro wapicũ buhebũ. Õpa iirã gũa masiri mera iibiribũ. Goãmũ gũare ïgu mahicũ ïgu turari mera eropa iibũ gũa.

<sup>13-14</sup> Eropirã õaro were mũare gojabeorã diaye ta werebũ mũare õaro mũa masiburire. Dohpague gũare õaro masinibea mũa. Gũa árĩricũrre

mua turaro masicũ gahmea gũa. Eropirã mari Opũ Jesucristo dujaricũ gũa mera mucubirirãca mua. Mua mera gũa mucubiridiro dopa ta mua sã gũa mera mucubirirãca.

<sup>15-16</sup> Eropa arĩ pepigũ Macedonia yebague wagũ mua pohrogue wamũhtadiarabũ. Eropigũ mũare ìhatariwahgãboya. Eropigũ erogue ejadigũ dujarigũ dipaturi mua mera bajamenũrigã árĩboya yũhũ. Eropirã pesubu mua mera yũ árĩcũ ìarã turaro mucubiriboya mua. Mua pohrogue yũ árĩcũ ìanirã Judea yebague yũ wacũ ìarã yũre itamuboya mua.

<sup>17</sup> “Wagũra,” yũ arĩcũ peenirã árĩrã, yũ wabiricũ ìarã “Pablo Jesure umupeobirã iro dopa gũyagũ iĩnumi,” ¿arĩ pepiri mua? “ ‘Wagũra,’ arĩqueregũ ìgũ gamero mari pohro aridiabiriĩnumi ìgũ,” ¿arĩ pepiri mua yũre? “ ìgũ arĩdiro dopa iibeami,” ¿arĩ pepiri mua?

<sup>18</sup> Eropa arĩ gũyagũ iibeaa yũhũ. Eropigũ “ ìgũra,” arĩgũ yũ arĩdiro dopa ta diaye ta iiaa yũhũ. Irire masimi Goãmũ.

<sup>19</sup> Yũhũ, Sila, Timoteo mera Jesucristo Goãmũ magũ yare mũare werebũ. ìgũ Jesucristo “ ìgũra,” arĩgũ, diaye ta iigũ ãhrimi. Goãmũ ìgũ arĩdiro dopa ta Cristo iimi.

<sup>20</sup> Árĩpehreri ìgũ Pagũ ìgũ masare “ Õpa òaro iigũra,” arĩ wererare Cristo iipehocãdi árĩmi. ìgũ eropa iigũ árĩcũ gũa ìgũ yare gajirãre werea Goãmũre erã umupeoboro dopa.

<sup>21</sup> Cristo yarã marire árĩniguicũ iigũ Goãmũ ta ãhrimi. Eropigũ ìgũ yare weremorãre marire apimi ìgũ.

<sup>22</sup> Eropigũ ìgũ yarã mari árĩcũ ìagũ irire marire masicũ iimi ìgũ. Eropigũ ìgũ Espĩritu Santore mari mera arĩdoremi ìgũ. Mari mera árĩcũ ìha Goãmũ ìgũ marire òaro iiburire masia mari.

<sup>23</sup> Dohpaguere yũhũ mua pohro wabirirare diaye ta weregũra mũare. Yũ wereri diaye árĩcũ Goãmũ masimi. ìgũ ta yũ pepirire masimi. Mua ñero iira dipuwaja turidiabigũ mua pohroguere wadiabiribũ. Erãre bũjawerecũ iiri, arĩgũ mua pohroguere Corintoguere wabiribũ.

<sup>24</sup> Eropirã “ Mũare dorerã ãhraa gũa,” arĩrã iibeaa. Eropirã “ Õpa Cristore umupeoro gahmea mũare,” arĩrã iibeaa gũa. Mua Cristore òaro umupeotuhabũ. Mũare umupeonemocũ iirã mua òaro mucubirirã árĩcũ iidiaca gũa.

## 2

<sup>1</sup> Wabigũ òpa arĩ pepibũ: “ Dipaturi erãre bũjawerecũ iidiabeaa. Eropigũ dohpaguere wabeaa,” arĩ pepibũ.

<sup>2</sup> Mũare bũjawerecũ iidiabeaa. Mua bũjawerecũ ìagũ yũpũ mucubiribiriboya. Eropirã yũre mucubiricũ iimorã árĩbiriboya mua sã.

<sup>3</sup> Eropigũ mua pohrogue wabiribũ. Wabigũ mua árĩricũre amuboro dopa mũare gojabeobũ. Mua yũre mucubiricũ iibonirã arĩquererã ta yũre bũjawerecũ iiboya mua mua pohrogue yũ wacũ. Mua mera yũ mucubiricũ mua sã yũ mera mucubirirãca. Irire masia yũhũ. Eropigũ mua mera bũjawerediabigũ “ Wabeaa,” arĩ, carta gojabeobũ.

<sup>4</sup> Eropigũ mũare gojagũ wũaro pepigũ ñero sĩporãcũgũ, turaro co deco wiriri mera mũare gojabeobũ. Eropa gojagũ mũare bũjawerecũ iidiabiribũ. Mũare yũ bũrigã mahirare mũare masicũ iidiagũ mũare eropa gojabeobũ.

*Erã mera majagũ ìgũ ñero iirare cãdijidoreñumi Pablo Jesu yarãre*

<sup>5</sup> Mña mera majagu ĩgu ñero iira mera yure bujawerecũ iimi ĩgu. Mñare ĩgu turaro bujawerecũ iidiro dopa ta yu sãre wuaro bujawerecũ iimi ĩgu. ĩgu marire eropa burigã bujawerequerecũ ta wuatariaro dipuwaja moadorebeaa dohpaguere.

<sup>6</sup> Bajarã mña mera majarã ĩgu ñero iira dipuwaja moatuhãnorã. Iripeta dipuwaja moa duhuro gahmea ĩgure.

<sup>7</sup> ĩgure mña dipuwaja moaniguicũ burigã bujawerebocumi ĩgu. Eropigu Cristo yare duhubocumi. Eropirã ĩgu ñero iirare cãdijique mña. ĩgure itamuque ĩgu ðaro siporãcuboro dopa.

<sup>8</sup> Eropirã ĩgure ðaro iique mña ĩgure mña mahirare ĩgu masiboro dopa. Mña eropa iicũ burigã gahmea yuhũ.

<sup>9</sup> Ero core mñare gojabeogu “¿Diaye ta yure yuhrirãcuri?” arĩ pepigu gojabeobũ mñare. Yure mña yuhricũ ĩadiagu gojabeobũ.

<sup>10-11</sup> Dohpaguere ĩgu ñero iirare mña cãdijicũ ĩagu yu sã ĩgu ñerire cãdijigura. Yure ñero iibirimi ĩgu. Mñapure ñero iidi arĩmi. ĩgu eropa iidigu arĩquerecũ ta ĩgu ñero iirare cãdijia yu sã. Mñare ðaro itamudiagu Cristo ĩgu ĩhabeoro ĩgu ñero iirare cãdijia. Irire cãdijia Satana marire ĩgu tarinũgabiriboro dopa. ĩgu mari ñerire iicũ gahmemi. Irire ðaro masia. Eropirã Jesu yarã erã ñeri iirare guñaniguibeaa mari Satana yapure iiri arĩrã.

*Troa waĩcũri maca arĩgu Titore bocabigu wuaro bujawere pepiñumi Pablo*

<sup>12</sup> Eropigu Troa waĩcũri macague Cristo yare buhegu ejaribũ. Erogue yu ejacũ bajarã masa ðari buherire peediarã arĩma. Mari Opũ ĩgu itamuri mera ĩgu yare yu buherire peerã bajarã masa arĩma.

<sup>13</sup> Eropa arĩquerecũ ta mari acaweregu Titore bocatĩribirinijagu wuaro bujawere pepigu erore arĩmasibiribũ, Eropigu ero majarãre goerisere-tuhagu Macedonia yebague waha wabũ ĩgure amagu.

*Goãmũ marire tarinũgacũ iimi, arĩ gojañumi Pablo*

<sup>14</sup> Goãmure mucubiriri mera “Õhaa,” arãa. Goãmũ ñerire arĩpehrerire tarinũgagu aħrimi. Cristo yarã mari arĩcũ ĩagu marire tarinũgacũ iimi. Poresudiro poresu sehyaboro dopa ta aħraa mari. Poresu sehyaro dopa ta Goãmũ dorero mera arĩpehreroguerere Cristore masicũ iiaa mari. Eropa ĩgure masirã erã ðaro pepima.

<sup>15</sup> Cristo yarã arĩrã masare Cristore guñacũ iiaa mari. Mari eropiicũ ĩha Goãmũ mucubirimi. Masare Cristore guñacũ iicũ erã ĩgu arĩrere masima. Goãmũ ĩgu taumorã Cristo arĩrere masima. Gajirã erã peamegue wamorã sã Cristo arĩrere masima mari mera.

<sup>16</sup> Cristo arĩrere masirã erã peamegue wamorãpũ peamegue erã waborore masima erã. Goãmũ ĩgu taumorãpũ arĩpehrerĩnũri ĩgu mera erã arĩburire masima. Eropirã ire Cristo yare mari mari gamero mera buhe ojogorocũmasibeaa. Goãmũ ĩgu itamuri mera ta mari ĩgu yare buhe ojogorocũmasia.

<sup>17</sup> Bajarã gajirã Goãmũ yare buhemaacãma niyerure wajatadiarã. Guapũ erã iro dopa ta iibeaa. Guyarõ mariro Cristo ĩgu turari mera ĩgu yare buhea guã. Goãmũ guare ĩgu obeerã arĩrã ĩgu ĩhurore ðaro buhea guã.

### 3

*“Õpa iigũra,” Goãmũ ĩgu arĩ werepirare tama buherire wereñumi Pablo*



<sup>1</sup> ¿Dipaturi gúa árĩricũre mũare wererã iiri gúa mũa pepicũ? Gajirã mũare erã buheboro core erã buheri queoro árĩre masidiarã erã gojarapũre serẽmũhtabũ mũa erãre. ¿Gũare masituhaquererã ta iripũnore serẽri mũa gũare? ¿O gajirã pohrogue gúa buherã warã iripũnore gũare aĩgãro gahmeri mũa pepicũre?

<sup>2</sup> Iripũnore gamebeaa gúa. Mũapũre õari gohrotonirãre árĩpehrerã gajirã ãarã mũare gúa õaro buherare masirãcoma. Mũare gúa buhecũ Cristore umupeorã ĩgu yarã árĩnũgabũ mũa.

<sup>3</sup> Cristo yarã mũa árĩcũ ãarã masa mũare Goãmũ ya buheri gohrare gúa queoro buherare masituhama. Mũare buherã Goãmũ yagu Espĩritu Santo ĩgu itamuri mera buheabũ. ĩgu Goãmũ ojocarigu gohra ãhrimi. Gúa eropa buhecũ peerã Cristore õaro gahmeabũ mũa. Eropã gãmẽrã mũa árĩcũ gajirã mũare ãarã Cristo yarã mũa árĩre õaro masima. Eropã masirã mũare Goãmũ ya buheri gohrare gúa queoro buherare masima masa.

<sup>4</sup> Eropã wacũ masia gúa Goãmũre guñaturari mera. Cristo ĩgu itamuri mera eropa guñaturaniguia mari.

<sup>5-6</sup> “Gúa gamero i mohmerire iiaa gúa,” arĩmasibea. Goãmũ ĩgu itamuri mera ire iiaa gúa.

Eropigu dohpaguere ĩgu wererire õari buherire Goãmũpũ õaro gũare buhemasicũ iimi. Eropã buherã iribojegue ĩgu doreri Moisere ĩgu apira dorerire buhebeaa. Espĩritu Santo mera mari Goãmũ mera õaro árĩburipũre buhea gúa. ĩgu dorerare mari gamero mera ne bocatũbeaa. Eropã mari bocatũbirira dipuwaja peamegue waboya mari. Espĩritu Santopũ mari Goãmũ mera árĩpehrerinũri õaro árĩniguicũ iimi. Õari buheri buhecũ peeñanirãre õaro árĩniguicũ iimi.

<sup>7</sup> Goãmũ ĩgu dorerire utãmijirigue gojanijagu Moisere apiñumi. ĩgu eropa apira pũhrũ ĩgu árĩro gosesiriri dehyoamũriyoro Moisere “Goãmũ ĩgu apira õari ãhraa,” arĩro dopa. Eropiro Moise diapo bũrigã gosesiriyoro. Cuimiju árĩyoro. Pũhrũ ĩgu gosesiriri pehrerisubũ ĩgu árĩquerecũ ta masa ĩgure ne ãamehtumasibiriñuma. Iri dorerire ĩgu apira pũhrũ iri dorerire iibirã masa dipuwajacũrã peamegue wamorã wañuma. Eropiro iri doreri masare peamegue wadorequerero ta, Goãmũ ĩgu árĩro gosesiriri mera árĩnũgayoro.

<sup>8</sup> Iri doreri tauro õari buheripũ “Jesucristo masare taumi,” arĩ buheri õataria. Iri buherire gajirãre mari buhecũ erã õaro peecũ Goãmũ ta erã mera árĩgũcumĩ ĩgu Espĩritu Santo mera. Eropiro iribojegue maja doreri tauro Cristo ya buheripũ õataria.

<sup>9</sup> Goãmũ Moisere apira doreri iribojegue maja masare peamegue wadoreyoro. Eropã dorequerero Goãmũ ĩgu gosesiriri mera árĩnũgayoro. Iri tauro õari buheripũ Goãmũ ĩgu turari mera ãhraa. Iri buheri mera õarã wahama masa Goãmũ ĩgu ãacũ.

<sup>10</sup> Iribojegue Goãmũ ĩgu doreripũ turari árĩquerero dohpaguere bu gohra ta ãhraa. Õari buheripũ iri tauro turatariari ãhraa. Iri buheri mera umaroguere mari wamasia.

<sup>11</sup> Iribojegue Goãmũ ĩgu doreri Moisere ĩgu apira doreri Goãmũ gosesiriri mera árĩnũgaquerero ta pehburi árĩyoro. Õari buheripũ “Jesu marire taugũcumĩ,” arĩ buheripũ árĩniguicãroca. Eropiro “Iri doreri tauro õari buheripũ õataria,” arĩ masia mari.

<sup>12</sup> Irire eropa masirã, gũiro mariro õari buherire õaro werepehocãa gúa.

<sup>13</sup> Moise gwa iro dopa árĩbiriñumi. Ígure Goãmũ ìgũ gosesiriri pehrerore yũ acawererã masiri arĩgũ dopa ìgũ diapore suhri gasiro mera cãhmotacãñumi Moise.

<sup>14</sup> Moise ìgũ diapore ìgũ cãhmotacũ Goãmũ gosesiririre ìgũ òarire erã ñecũ sũmarã ìhamasibiridiro dopa ta erã dohpaguere òari buherire òaro masibeama. Goãmũ wererire iribojegue erã gojarapũrre erã buherã ne masibeama erã Israe masapũ. Cristore gamebirã masisome erã. Ígure umupeorã tamera ìgũ yare masirãcoma.

<sup>15</sup> Dohpague sãre Israe masa Goãmũ dorerire Moisere ìgũ apirare buhequererã, erãre cãhmotaro dopa ta ne masibeama erã.

<sup>16</sup> Erã mari Opũre Jesucristore erã gamecũ ìgũ ta erãre masicũ iimi. Iri cãhmotariñere aĩro dopa ta mari Opũ marire ìgũ yare òaro masicũ iimi.

<sup>17</sup> “Mari Opũ,” arĩrã Espĩritu Santore arĩrã iiaa. Mari Opũ ìgũ Espĩritu Santo mari mera ìgũ árĩcũ ìgũ yarã ãhraa. Eropa árĩrã “Ìribojegue maja dorerire iiro gahmea Goãmũ yarã árĩmorã,” arĩbeaa mari.

<sup>18</sup> Eropirã Jesu yarã árĩrã, Jesucristo ìgũ òarire ìhmurã iiaa mari. Eropigũ mari Opũ Espĩritu Santo marire gohrotocũ iimi. Ígũ eropa iicũ Cristo òagũ árĩdiro dopa ta òarã warã iiaa mari sã.

## 4

<sup>1</sup> Goãmũ gware mojomoro ìagũ, òari buherire weremorãre apimi gware. Ígũ eropa apicũ masirã ìgũ yare buherã duhudiabeaa.

<sup>2</sup> Masa ìabiro ñerire iicoreri gũhyasĩuri ãhraa. Irire gwapũ ne iibeaa. Ígũ yare buherã gwayarire buhebiribũ. Eropirã gwa Goãmũ yare ne gohrotobeaa. Eropa iibirã òari buherire òaro diaye buhea gwa Goãmũ ìgũ ìhuro árĩrã. Gwa eropa árĩricũrre árĩpehrerã òaro masima gware ìarã gohra.

<sup>3</sup> Gwa iri buherire òari buherire werea. Gwa irire buhequerecũ ta gajirã masibeama. Eropa masibirãpũ peamegue wamorã ãhrima.

<sup>4</sup> Satana ñegũ i yeba majarã opũ erãre Goãmũ yare masibiricũ iimi. Cuirĩ ìhajabirã erã ìhajabiro dopa ta masibirã wacũ iimi erãre. Òari buherire Cristo ìgũ turarire erã masibirã wacũ iimi ìgũ erãre. Cristo Goãmũ ìgũ árĩricũrre opami. Ígũ Cristo Goãmũ gohra ta ãhrimi.

<sup>5</sup> Gwa buherã “Gwapũre umupeoque,” arĩ buhebeaa. Òpa arĩ buhea gwa: “Jesucristopũ ãhrimi mari Opũ,” arĩ buhea gwa. Gwapũ Jesure yũhrirã ãhraa. Eropirã mũare itamurã ãhraa gwa.

<sup>6</sup> Negohraguere òpa arĩ dorepũ Goãmũ i mũmũ naitĩaro árĩcũ: “Boyoro árĩque,” ìgũ arĩcũ boyoa wayoro. Eropigũ dohpaguere ìgũ ta iri turari mera marire masicũ iimi boyoro árĩro dopa. Eropa marire masicũ iigũ ìgũ òaro árĩricũrre marire masicũ iimi. Jesucristore masirã ìgũ Pagũ ìgũ òaro árĩricũrre masia mari.

### *Cristo turari mera mari ãhraa, arĩ gojañumi Pablo*

<sup>7</sup> Eropa masirã árĩrã, Goãmũ ìgũ turarire gajirãre masicũ iiaa. Eropa iirã árĩquererã ta turabirã ãhraa gwapũ. Mátasoro mata wahrirasoro iro dopa ta gwa sã turabirã ãhraa. Gwa eropa turabirã árĩquererã ta gwa masare Goãmũ yare werecũ ìarã, gwa gamero mera iimasibirirare ìarã òpa arĩ masirãcoma erã. “Goãmũ turari mera eropa arĩ wereniguima marire,” arĩrãcoma masa. Eropirã Goãmũpũre umupeorãcoma.

<sup>8</sup> Árīpehrerā gajirā guare ñero iiquererā ta Goāmũ guare taucũ erā guare tarinugabeama. Eropirā gua gariborequererā ta ne Goāmũ yare buhe duhudiabeaa.

<sup>9</sup> Guare erā ñero iiniguquerecũ ta Goāmũ guare eropa itamuniguicāmi. Guare erā pamehpiquerecũ ta ĩgu itamuri mera sīribeaa gua.

<sup>10</sup> Erā wejēsũmorā árīcārā tiiaa gua Cristo i yebaguere ñero ĩgu taridiro dopa ta. Erā wejēsũmorā árīquererā eropa árīniguirā tiiaa gua sã Cristo ĩgu ojocaririre ĩhmumorā.

<sup>11</sup> Eropirā umuri nũcu gajirā guare wejēmaja guhya āhrima Cristo yarā gua árīri dipuwaja. Ōpa ta ñero tariquererā árīniguia gua Cristo ĩgu ojocaririre ĩhmumorā.

<sup>12</sup> Eropirā mũare gua buheri dipuwaja guare gajirā wejēmaja guhya āhrima. Gua buherire mũa peenirãpũ umuri nũcu Goāmũ mera árīmorā āhraa.

<sup>13</sup> Goāmũ yare erā gojarapũ ōpa āhraa: “Goāmũre umupeobũ. Eropigu ĩgu yare werebũ,” arĩ gojañumi iribojegue majagu. Gua sã yujuropa ta āhraa. Goāmũre umupeorā ĩgu yare werea.

<sup>14</sup> I sãre ōaro masirā ĩgu yare werea gua. Cristo ĩgu sīrira pũhrũ Goāmũ ĩgure masudi árīmi. Eropigu Cristo yarā mari árīcũ ĩagu ĩgu mari sãre masugũcumi. ĩgu eropa masura pũhrũ ĩgu pohrogue aĩgãgũcumi marire.

<sup>15</sup> Eropirā mũare itamudiarā ñero taria gua. Eropirā Cristo yarā mũa bajarā warā, bajarā mũa Goāmũre mucubiriri mera umupeorāca. ĩgure “Ōhaa,” arĩrãca.

<sup>16</sup> Mũa eropa umupeocũ ĩarā, gua ñero tariquererā ta bujawerebeaa. Eropirā Cristo yare were duhubeaa. Gua dũpũ umuri nũcu turabiri wahgãro iiaa. Eropirā turabiri wahgãquererā ta ōaro sīporãcũa Jesucristore guñaturari mera.

<sup>17</sup> Dohpaguere ñero tariquererā ta pũhrũ ñero tarisome. Eropirā Cristo yare were duhubeaa. Iri ñero mari tariri pehrea waroca. Eropirā marire merogã ñero tariro gahmea. Eropirā mari ñero tarinirā árīrã, pũhrũguere wũaro mucubiriri mera árīniguirãca Goāmũ mera. Eropirā mari ñero taridiro tauro bũrigã mucubiriri mera eropa árīniguicãrãca.

<sup>18</sup> Eropirā mari ĩarire dohpaguere mari warore guñanũrũbeaa. Mari ĩabiriripũre pũhrũ mari Goāmũ mera árīniguiburire guñanũrũa. Mari dohpaguere ĩari pehrea waroca. Mari ĩabiriripũ árīniguicãroca.

## 5

<sup>1</sup> I sãre masia mari: Wihire mari cóãdiro dopa ta mari dũpũre cóãrãca. Eropigu mama wihi iibodiro dopa ta Goāmũ mama dũpũre iigũcumi. Eropigu iri dũpũre marire ogũcumi. Eropirā umaroguere eropa árīniguirãca iri dũpũ mera. Irire masirā ñero tariquererā Goāmũ yare duhubeaa.

<sup>2</sup> Eropirā iri dũpũre umaro maja dũpũre turaro gamerã, mari eropa coreniguirã iiaa.

<sup>3</sup> Suhrirore turaro mari sañadiaro dopa ta iri dũpũre turaro gahmea mari. Eropirā ta cohrea mari iri dũpũ marirã árīdiabirã.

<sup>4</sup> Dohpague maja dũpũre cóãdiabiriquererā umuri nũcu Goāmũ mera mari árīburi dũpũre bũrigã gahmea mari. Eropirā i mari dũpũ sīriburi dũpũ iri árīcũ masirã, mama dũpũ mera Goāmũ mera eropa árīniguiddiaa mari.

<sup>5</sup> Mari ĩgu mera árīniguiborore amuyudi árīmi Goãmũpũ. Eropirā amuyugũ ĩgu Espiritu Santore omũhtamĩ marire. Eropigu ĩgu Espiritu

Santo mari mera árĩcũ ĩha marire Goãmũ ĩgũ iiborore, “Diaye ta āhraa,” arĩ masia mari.

<sup>6</sup> Eropirã Goãmũ mera sĩporã turarã āhraa. Güiro mariro āhraa mari. I sãre mari masia. I dũpũ mari árĩmũhtara dũpũ mera árĩrã, mari Opũ pohro árĩnibeaa.

<sup>7</sup> Ũmaro majare Goãmũ sãre mari ĩabiriquererã ta “Īgũ diaye ta āhrimi,” arĩ masia mari. Eropirã ĩgũre umupeoa.

<sup>8</sup> Eropirã mari Goãmũ pohro waborore masia. Mari dũpũre i yeba maja dũpũre cóarã mari Opũ mera ũmarogue mari árĩdiaa.

<sup>9</sup> Eropirã Cristore mucubiricũ iidiaa mari. I yeba maja dũpũ mera árĩrã ĩgũre mucubiricũ iidiaa mari. Ũmarogue árĩrã sã ĩgũre mucubiricũ iidiaa.

<sup>10</sup> Árĩpehrerã Cristo pohrogue mari wacũ ĩagũ ĩgũ mari iirare beyegũcumi. Eropiro mari iira masisũroca. Eropigũ marire õarire mari iira wajare ogũcumi. ũerire mari iira waja sãre ogũcumi. Īgũ eropa beyegũ árĩcũ masirã ĩgũre mucubiricũ iidiaa mari.

*Goãmũre mari mera õaro árĩcũ iimi Cristo, arĩ gojañumi Pablo*

<sup>11</sup> Eropirã gũhyadiaro mera mari Opũre umupeoro gahmea marire. Īgũ marire eropa beyeburire masirã, Cristo yare masicũ iiaa gũa masare. Erãre güisãrã, ĩgũre umupeocũ iidiaa gũa. Gũa õarã árĩrĩre Goãmũ õaro masimi. Gũa eropa iirire mũa sãre õaro masicũ gahmea yũhũ.

<sup>12</sup> Dipaturi gũa õarã árĩrĩre mũare wererã iibeaa. “Gajirãre tarinũgaa,” arĩmaacãnĩrãre mũa wereburire eropa wererã iiaa gũa mũare. Erã basi eropa arĩ pepirãpũ erã pepiriguere ñerã, gũyaricũrã árĩquererã ta masa erã ĩhuro dihtare õarã iro dopa iirima. Eropirã mũa gũare mucubiriboro dopa, “Õaro iirã iima,” gajirãre mũa gũare arĩ cãhmotaburire i árĩpehrerire mũare were gojarã iiaa.

<sup>13</sup> ¿Gũa õpa arĩ wererã pee masibirã āhriri gũa mũa ĩacũ? Masa gũare ĩarã pee masibirã iro dopa ĩhama gũare. Goãmũ yare gũa werecũ ĩarã eropa ĩabocoma gũare. Erã eropa arĩ ĩabonirã árĩquererã ta pee masirã ta āhraa gũa mũare eropa itamumorã.

<sup>14</sup> Cristo ĩgũ gũare mahicũ ĩarã masare eropa itamua. Īgũ eropa mahicũ ĩarã ĩgũ yare eropa buheniguia gũa. Marire mahigũ yujugũ ta Cristo mari árĩpehrerã ya ñeri dipuwajare sĩridi árĩmi. Eropigũ árĩpehrerã mari ñeri dipuwajare sĩrimorã árĩnĩrãre sĩribasadi árĩmi. Irire guñarã ĩgũ yare iiniguia gũa.

<sup>15</sup> Árĩpehrerã mari ñeri dipuwajare sĩridi árĩmi ĩgũ mari gamero dopa mari iibiriboro dopa. Eropigũ ĩgũ gameripũre iidoregũ sĩridigũ árĩmi ĩgũ. Maripũre Goãmũ pohrogue mari ejaborore eropa sĩridi árĩmi. Īgũpũ mari ya árĩburire sĩrira pũhrũ masa mũariadi árĩmi. Eropirã mari gamero dopa mari ũaribejarire iibirã ĩgũ yare iiro gahmea pare marire.

<sup>16</sup> Eropirã dohpaguere Jesure gamebirã gajirã erã árĩricũrĩre ĩha werewũaro dopa ne arĩ ĩabeaa gũa. Iribojeguere gũa Cristore eropa ĩaquererã dohpaguere ĩgũre õaro masia.

<sup>17</sup> Eropirã árĩpehrerã Cristo yarã warã õaripũre gohrotoa mari. Iribojegue mari gamero mari árĩrĩre duhucãa mari. Dohpaguepũre õaripũre corerã iiaa mari.

<sup>18</sup> Goãmũpũ marire õarire gohrotocũ iimi. Iribojegue mari Goãmũ mera õaro árĩbirimũrĩribũ. Eropigũ Jesucristo mari ñeri iira dipuwaja sĩribasara mera Goãmũ marire ĩgũ mera õaro árĩcũ iidi árĩmi. Eropa iigũ

guare ĩgu yare buhedoregu apimi. Eropa buherã, gajirãre Goãmũ mera erã õaro árĩcũ iiaa gua sã.

<sup>19</sup> Õpa arĩ masare weredoremi Goãmũ guare: “Mari masa ĩgu mera õaro árĩbirinirã árĩquerecũ Goãmũ Cristo sĩrira mera marire ĩgu mera õaro árĩcũ iimi. Eropigu Cristore mari umupeocũ ĩagũ mari ñeri dipuwajare dipuwaja moabemi Goãmũ marire,” arĩ weredoremi Goãmũ guare.

<sup>20</sup> Eropirã Cristo yare weremorã ĩgu obeonirã ãhraa gua. Goãmũ ĩgu basi mũare ĩgu werebodiropã ta guapũ mũare õpa arĩ werea: Cristore werebasarã iiaa. Eropirã mũare werea. Goãmũre mũa ĩhaturirare iripẽta duhuque.

<sup>21</sup> Cristo ĩgu ñerire iibiriquerecũ ta Goãmũ ĩgũre mari ñeri dipuwajare sĩridoremi árĩmi. Eropa iigu mari ñeri dipuwajare dipuwaja moadi árĩmi Goãmũ ñeri dipuwajare dipuwaja moabemi Goãmũ marire,” arĩ Jesucristore. ĩgu eropa iidi árĩmi Cristo yarã mari wacũ, Goãmũ iro dopã õarã mari árĩborã dopã.

## 6

<sup>1</sup> Goãmũ eropa iigu ĩgu mũare ĩgu õaro mojomoro ĩarare ĩhmumi. Eropirã Goãmũ yare mohmebasarã árĩrã ire turaro mũare iidorea gua. Goãmũ õaro iirare õari buherire mũa peediropã dopã ta iique mũa. Mũa peediropã dopã ta mũa iibiricũ mũa peera duhpiburi árĩbeaa.

<sup>2</sup> Õpa arĩmi Goãmũ ĩgu yare erã gojarapũgue: beami Goãmũ marire,” arĩ Mũare yũ õaro iiburinũri árĩcũ mũa serẽre pee yũhrigũra. Eropigu mũare peamegue wabonirãre yũ tauburinũri árĩcũ itamugũra, arĩmi ĩgu. Peeque mũa. Dohpaguere Goãmũ masare ĩgu õaro iiburinũri ãhraa. Dohpaguere masa Jesucristore umupeoburinũri ãhraa Goãmũ erãre tauboro dopã. Eropirã dohpaguere ĩgũre umupeoro gahmea, arĩ werea gua.

<sup>3</sup> “¿Õari buheripũre gamebiribocuri?” arĩrã, ne merogã gajirãre ñero iibeaa gua. Gajirãre ne ñero arĩ wereniguibeaa.

<sup>4</sup> Irire iibirã Goãmũ pohro majarã gua árĩre mũare masicũ iidiaa. Eropirã ĩgu yare buherã õpa ãhraa gua: Ñero tarirã gajino moorã bocatũua. Gũare erã ñero iiquerecũ ta guaro mariro ãhraa.

<sup>5</sup> Õpa ñero taribũ gua: Masa guare pacũ, peresu erã iicũ, masa bajarã guare wejẽdiarã erã gaguiniguicũ peerã ñero taribũ gua. Gua turaro mohme oẽarã sã, wũja pũriquerecũ ta carĩbirã sã, oaboarã sã ñero taribũ.

<sup>6</sup> Eropirã õaro árĩricuri mera diaye buhebũ. Eropirã Goãmũ yare buherã õaro masiri mera buhebũ mũare. Eropirã ne guabiribũ gua. Eropirã õaro mera buhebũ gua mũare. Eropa iirã Goãmũ pohro majarã gua árĩre ĩhmurã iibũ gua mũare. Espĩritu Santo ĩgu itamuri mera eropa ta Goãmũ pohro majarã gua árĩre ĩhmurã iibũ gua mũare. Eropirã diaye mũare gua mahicũ ĩarã ĩgu pohro majarã gua árĩre masia mũa.

<sup>7</sup> Eropirã õari buherire diaye mũare werecũ ĩarã, Goãmũ turari mera gua iicũ ĩarã, ĩgu pohro majarã gua árĩre masia mũa. Õaripũ árĩpehri gua iira gua mojo iro dopã ãhraa gua õaro cãhmotaborã dopã. Iri õarire iirã gua watĩre cãhmotarã iiaa. Eropirã iri õari gua iira mera gua ĩgũre tarinũgaa.

<sup>8</sup> Eropa iirã gajirã guare umupeoma. Gajirãpũ guare umupeobeama. Gajirã õaro wereniguima guare. Gajirãpũ ñero arĩ wereniguima guare. Diaye gua werequerecũ ta “Gũyarã ãhrima,” arĩ weresãma gajirã guare.

<sup>9</sup> Gajinũrire guare masirã dopa iima. Gajinũrire guare masibirã dopa iima. Guare erã wejẽdiaquerecũ ta ojocarinia gua. Erã burigã panirã arĩquererã ta ojocaria gua.

<sup>10</sup> Gua yujuyerinũri bujawererã arĩquererã ta, eropa mucubiriniguia. Mojomorocurã arĩquererã ta erãre õari buherire buherã erãre wũaro doberire gua obodiro dopa ta iirã iiaa erãre. Gajino moorã arĩquererã ta, diaye ta Goãmũ yare opapehocãa gua.

<sup>11</sup> Corinto majarã, yũ acawererã, mũare õaro mera werepeho gojabũ gua mũare. Mũare turaro mahirã eropa werebũ.

<sup>12</sup> Guapũ mũare mahi duhubirabũ. Mũapũ guare mahibiriñaria.

<sup>13</sup> Eropigũ yũ porãre yũ werebodiro dopa ta mũare weregũra: Mũare gua pepidiro dopa ta mũa sã eropa ta õaro pepique guare. Eropirã guare mahique mũa.

### *Cristore umupeobirãre wapicũdorebiriñumi Pablo*

<sup>14</sup> Eropirã Cristore umupeobirã mera eropa wapicũniguibiricãque. Erã mera majagũ arĩbita. Yujuro mera arĩbeaa mũa. Õarire iigu, ñerire iigu mera õaro arĩmasibeami. Boyoro iro dopa arĩrã Goãmũre gamerã ãhrima. Naitĩaro iro dopa arĩrã Goãmũre gamebirã ãhrima. Eropirã erã perã game wapicũmasibeama.

<sup>15</sup> Eropigũ Cristo watĩ mera yujuro pepibeami. Eropigũ Cristo yagũ, Cristore umupeobigũ mera õaro game wapicũmasibeami.

<sup>16</sup> Goãmũre umupeori wihigue goãmarã wẽanirãre mari apicũ queoro wabeaa. Eropa ta Cristo yarã Cristore gamebirã mera wapicũniguicũ queoro wabeaa. Erã pe curu majarã yujuro mera erã arĩmasibeama. Goãmũ wihi iro dopa ãhraa mari. Īgũ wihi arĩro dopa ta mari mera ãhrimi ĩgũ. Õpa arĩñumi Goãmũ ĩgũ yare erã gojarapũgue:

Erã mera ta arĩgũra yũhũ. Eropigũ erã watope ta eropa arĩniguigũra. Yũhũ Goãmũ erã opũ arĩgũra. Eropirã erãpũ yaharã masa arĩrãcoma, arĩñumi ĩgũ.

<sup>17</sup> Eropigũ õpa arĩnemoñumi ĩgũ mari Opũ:

Erã ñerã mera ne dujabita. Eropirã erãre wapicũbita. Yũre gamebirã yare ñerire ne iibiricãque. Eropigũ yũpũ mũare wapicũgũra.

<sup>18</sup> Eropigũ mũa pagũ arĩgũra. Mũapũ yũ porã arĩrãca, arĩñumi mari Opũ turatariagũ.

## 7

<sup>1</sup> Yũ acawererã, yũ mahirã, mũare ire weregũra: I arĩpehrerire Goãmũ marire ĩgũ eropa arĩ werecũ ĩarã arĩpehrerire mari dũpũre goroweorire duhurã. Eropirã mari pepiri sãre goroweorire duhurã. Eropirã Goãmũre õaro umupeori mera ñero iiro mariro arĩrã mari.

### *Pablo mucubiriri mera wereñumi Corinto majarãre*

<sup>2</sup> Õaro guare mahique. Ne merogã mera ñero iibiribũ gua mũare. Eropirã gua buheri mera mũare ñero iicũ ne iibiribũ gua. Ne yujugũre mũa mera majagũre gũyari mera waja gamebiribũ.

<sup>3</sup> Eropa arĩgũ "Dipuwajacurã ãhraa mũa," arĩgũ iibeaa mũare. Mũare mahia gua. Irire mũare weretuhabũ. Ojocarirã yuju curu ta ãhraa mari. Mari sĩrira pũhrũgue sãre yuju curu ta arĩrãca mari.

<sup>4</sup> Õaro mũa iirare masia yũhũ. Eropigũ mũare guñabeogũ mucubiria. Eropirã gua ñero taririsubure mũa õaro iira querere pee burigã mucubiribũ yũhũ.

<sup>5</sup> Eropi Macedonia yebague gua ejara pührü, erogue ejarã ne soobiribü gua. Eroguere ñero taribü gua. Gajirã gua mera game duyasoma. Eropirã “Cristo yare duhubocoma,” arĩrã Cristo yarãpüre wüaro guñaricübü gua.

<sup>6</sup> Gua eropa ñero taricü Goãmüpu guare ôaro siporãcücü iimi. İgu marire bujawererãre mucubiricü iigu ährimi. Eropigu Tito gua pohrogu igu dujariro mera guare mucubiricü iimi Goãmü.

<sup>7</sup> Tito igu eracü ïarã mucubiribü. Iri dihtare mucubiribiribü. Müare igu ôari quere werecü säre turaro mucubiribü. Yüre müa ïadiarare weremi guare. Yüre müa bujawerera säre weremi igu. Yüre “Goãmü yare iigu iimi Pablo,” müa gajirãre arĩ werera säre weremi igu. İgu eropa arĩcü peegu turaro mucubiribü yühü.

<sup>8</sup> Ero core yühü müa ñero iirare were gojabeorapü mera müare merogã bujawerecü iiribü. Eropa iidigu arĩqueregu ta “Iri carta mera ñero iibü,” arĩbeaa. Iripüre müa buhera pührü bujawereyoro müa. Eropigu ne gojabeora pührü ta “¿Ñero iiri yühü?” arĩ pepiribü. Eropa arĩqueregu ta “Ñero iibü,” arĩbeaa dohpaguere.

<sup>9</sup> Dohpague tamerare mucubiria yühü. Müa bujawererare peegu mucubiribeaa. Müa bujawererã ôaripüre gohrotorapüre peegu mucubiria yühü. Müa ñero iirare bujawerecü ïagu Goãmüpu müare ôarire gohrotocü iidi arĩmi. Eropirã müare bujawerecü iirã ñero ii goroweorã iibiribü gua müare.

<sup>10</sup> Eropirã Goãmü igu gamero dopa ta bujawererã, mari ñerire bujawere ôaripüre gohrotorãca. Eropa ta mari bujawerecü ïagu mari peamegue wabonirãre taumi Goãmü. Eropiro mari eropa bujawerecü ôha ähraa marire. Cristore gamebirãpü erã bujawerequererã erã ñerire duhubirã peamegue wamorã árĩnima.

<sup>11</sup> Müapü Goãmü igu gamero dopa ta bujawereayoro. Müa eropa bujawererã ôpa iirã waĩcubü müa: Dohpaguere ñerire iirãre eropa ïacãbirã waĩcubü müa. Ne iri ñerire gamebirigohracãyoro müa. Erã ñeri iira mera guayoro. Erãre ñerire iirire duhudorerã waĩcubü müa. Eropirã erã ñerire güirã waĩcubü müa erã iro dopa iiri arĩrã. Eropirã yüre mahirã yüre ïadiayoro müa. Eropirã ñeri iigüre dipuwaja moayoro. Iri arĩpehrerire müa iira mera iri ñeri dipuwaja marirã müa árĩrere ihmubü müa guare.

<sup>12</sup> Iribojegue ñero iigüre müare were gojabeoqueregu ta igüre itamubu eropa arĩ gojabeobiribü yühü. İgu ñero iidigu säre itamubu eropa arĩ gojabeobiribü. Müapüre itamubu iripüre gojabeobü. Goãmü igu ihurore guare ôaro umupeoa müa. Irire müa umupeorare müa ôaro gunãboro dopa iripüre gojabeobü müare.

<sup>13</sup> Eropirã Tito müa iira quere guare werecü peerã bariğã mucubiria gua.

Tito sä müa mera turaro mucubiricü ïha gua sä mucubiribü. İgüre müa ôaro mera bocatĩricü peerã, müa mera igu mucubirirare peerã, gua sä ôaro mucubiribü.

<sup>14</sup> Negohraguere müa pohro igu waboro corere müa mera yu mucubirirare, ôarã müa árĩrare werebü igüre. Eropirã yu arĩdiro dopa ta ôaro iayoro müa igüre. Eropigu igüre yu arĩrare guhyasĩribirabü. Titore müare gua werera diaye ta arĩbü dohpaguere igu ïadiro dopa ta.

<sup>15</sup> Müa pohrogu igu ejacü umupeori mera bocatĩriayoro müa. Eropirã guhyadiaro mera ïarã tarinügaro mariro müa yührirã arĩcü ïapü igu. Eropigu müare mahinemogu iimi igu.

<sup>16</sup> Dohpaguere ðaro y hrir  Go m   gu gamero dopa ta m a ðaro m a ipehor   ric  ðaro masia y h . Erop  masigu b rig  mucubiria.

## 8

*Cristo yar   r r  gajir re eropa oc ro gahmea marire, ar  goja umi Pablo*

<sup>1</sup> Gua acawerer , ire m are masic  gahmea gua. Cristo yar  Macedonia yeba majar  Go m  mahiri mera  gu mojomoro  ari mera er  iirare m are wereg ra.

<sup>2</sup> Er   ero tariquerer  ta, niyeru moor   r querer  ta mahiro mariro eropa oc ma gajir re. Cristo mera turaro mucubirir   r r , er  gajir re ðaro mera er  oparire eropa oc ma.

<sup>3</sup> M are ar gu iiaa. Er  er  oparop  or , tau ariro oma. Er  gamero oma er .

<sup>4</sup> Go m  yar re mojomoroc r re turaro itamudiar , er re er  obeerire a dorema g are.

<sup>5</sup> "Ip  or coma er ," ar  gua pepidiro tauro oma er .  pa iima er : Negohraguere niyerure er  oboro core mari Op   gu gamerire iidiar   r tuhama. Eropir  Go m   gu gamero dopa ta gua s re umupeori mera y hrinir   r ma. Erop  iir   r r  er  niyeru s re oma.

<sup>6</sup> Er  eropa oc   ar  Titore g ap   pa ar b : "Er re m  buhenugadiro dopa ta Corinto majar  s re er  mojomoroc r re oburire wereque," ar b  gua  gure. M a s  gajir re mojomoro  ar  m a itamuboro dopa eropa ar b   gure.

<sup>7</sup> Eropir  m ap   r pehrerire ðaro iir   r tuhaa. Cristore diaye ta ðaro umupeoa m a. Eropir   gu yare ðaro werea. Eropir  Go m  yare ðaro masia m a. Eropir  Go m   gu gamero dopa ta turaro iidiaa. Eropir  g are mahia m a. Erop  ta ðaro iir   r tuhaa m a. M a eropa ðaro iir   r querec  ta merog  d hyania m a iipehoburi. Mojomoroc r  tamerare m a mojomoro  ac  gahmea gua. Eropir  er re m a ðaro mera w aro oc  gahmea gua.

<sup>8</sup> Erop  ar gu m are doregohrag  iibea  y h . Erop  ar  wereg  iiaa m are. Gajir  mojomoroc r re er  turaro itamurare m are wereg  iiaa.  M a diaye ta gajir re mojomoro  hari? ar  masidiagu iiaa.

<sup>9</sup> Mari Op  Jesucristop  marire  gu mojomoro  arare masia m a. Iri diaye ta  hraa.  gu  maroguere w aro opagu  r quereg  ta i yebaguere arigu mojomoroc ro wap . Eropigu m a ya  r burire s rig  s  mojomoroc ro wap .  pa ta wap  m ap  m a w aro opaboro dopa,  gu mera m a ðaro  r niguic borore.

<sup>10</sup> M are wereg  iiaa.  pa pepia y r : Yuju bojori wahaa m a mojomoroc r re odiara p h . M ap  mojomoroc r re odiam htarib . Eropir  er re om htabonir   r b  m a.

<sup>11</sup> Eropir  m a odiarare dohpaguere oho ojogoroc que. M a odiam htadiro dopa ta dohpaguere ðaro opehoque. Eropir  pagari opar   r r  w aro oque. Merog  opar   r r  merog  oque.

<sup>12</sup> B rig  m a odiari mera irire m a orare Go m  mucubirig cum . Eropir  ðaro m a omasiop  oque. M a orop  ta mucubirig cum . M a opabirirare m a oc  gamebeam   gu.

<sup>13</sup> "Mojomoroc r re oque," ar gu er re w aro opadoreg  iibea . Eropigu m ap re mojomoroc r  dujac  iidiabea .



<sup>14</sup> Mũare yujuro mera opadoregũ eropa arĩgũ iiaa. Dohpaguere mũapũ wũaro opaa. Eropã oparã gajinore moorãre omasia mũa. Pũhrũ mũare gajino moocũ erã sã mũare omasima. Mũa eropa game orã yujuropa oparãca árĩpehrerã Cristo yarã.

<sup>15</sup> Eropã ta ãhraa Goãmũ yare erã gojarapũ: “Wũaro aĩgũ sã gajigũ tauro opabeami. Merogã aĩgũ sãre ne merogã duhyabeaa,” arãa Goãmũ yare erã gojarapũ.

*Tito ĩgũ mera majarã mera Corintogue wañumi*

<sup>16</sup> Eropi mũare yũ itamudiro dopa ta Tito sã mũare itamudiami. Goãmũpũ ĩgũ itamudiacũ iimi ĩgũre. ĩgũ eropa iicũ ĩagũ “Ōhaa,” arãa Goãmũre.

<sup>17</sup> Titore gũa mũa pohrogue wadorecũ ĩgũ ðaro mera yũhriami. Eropigũ ĩgũre mũa pohrogue gũa wadoreboro coregue ta mũa pohrogue “Wagũra,” arĩ guñatuhadi ãhrami ĩgũ.

<sup>18</sup> ĩgũ gajigũ Jesu yagũ mera wapimoa obeobũ gũa. Tito mera majagũ árĩpehrerã gajirã Jesu yarã erã umupeogũ ãhrimi. Ōari buherire ðaro ĩgũ mohmegũ árĩcũ ĩarã ĩgũre ðaro umupeoma.

<sup>19</sup> Eropirã Jesu yarã ĩgũre ta gahmeama gũa mera curibure. Iri niyerure mojomorocũrã pohrogue gũa aĩcũ gũa mera curibure gahmeama ĩgũre. Iri niyerure mũa gameneorare gũa mojomorocũrãre orã wacũ ĩarã mojomorocũrãpũ “Marire mari Opũ itamugũ iimi,” arĩrãcoma. Gũa eropa ocũ, erãre burigã mari itamudiarare masirãcoma.

<sup>20</sup> Eropirã i niyerure wũaro Jesu yarã erã odorerare gũa aĩrã ðaro ĩhadiburãca erã orare gũare weresãri arĩrã.

<sup>21</sup> Mari Opũ ĩgũ ĩhabeoro diaye ðaro iidiaa gũa. Eropirã masa erã ĩhuro sãre ðaro iidiaa.

<sup>22</sup> Eropã iimorã gajigũre mari acaweregũre obeorãca Tito sã mera. Gũa ĩgũ mera obeogũre bajasuburi gajirãre ĩgũ ðaro itamucũ ĩabũ gũa. Eropigũ dohpaguere mũapũ gajirãre mũa itamudiacũ ĩagũ ero core ĩgũ iidiro tauro ðaro mũare itamudiami.

<sup>23</sup> Tito sãre mũare weregũra. ĩgũ yũ mera majagũ ãhrimi. Mũare yũ itamucũ ĩgũ yũ mera mohmegũ ãhrimi. Gajirã ĩgũ mera wamorã Jesu yarã erã beyenirã erã obeorã ãhriima. Erã Cristo yare iima gajirã Cristore erã umupeoboro dopa.

<sup>24</sup> Erã eropa árĩrãre mahiri mera ðaro erãre bocatĩrique mũa. Mũa eropa iicũ ĩarã gajirã Jesu yarãpũ ðarã mũa árĩricũre masirãcoma. Mari obeonirãre “Ōaro mera bocatĩrirãcoma Corinto majarã,” arĩ weretuhabũ gũa mera majarãre. Mũa eropa ðaro bocatĩricũ ĩarã gũa werera diaye árĩcũ ĩha masirãcoma gajirã Jesu yarã.

## 9

*Jesu yarãre mojomorocũrãre erã oburire wereñumi Pablo*

<sup>1</sup> Eropirã Goãmũ yarãre mũa itamuborore mũa oburire masituhaa mũa.

<sup>2</sup> Gajirãre mũa itamudiarire masia yũ sã. Eropã masigũ Macedonia majarãre ðpa arĩ werebũ: “Corinto majarã Jesu yarãpũ gajirãre itamudiatuhama. Yuju bojori taria erã itamudiadiro,” arĩ weretuhabũ erãre mũare. Mũa eropa itamudiacũ peerã bajarã erã sã mojomorocũrãre itamudiami.

<sup>3</sup> Mũa mojomorocũrãre oborare gajirãre werequeregũ “Iri niyerure gameneobiribocomã yũ ejaboro core,” arĩ pepĩa mũare. Eropigũ dohpaguere oãre mari acawererãre mũa pohrogue obeomũhtagũ iiaa.

Mojomorocuräre mua oburire gameneo mua opayuboro dopa oäre obeomuhtagu iiaa.

<sup>4</sup> Eräre obeobigu Macedonia yeba majarã mera mua pohrogue yu ejagu, mua oburire mua opabiricũ ñagu guhyasirisãboya yuhu muare. “Mojomorocuräre orãcoma,” yuhu muare arĩra puhru mua obiricũ ñagu guhyasirisãboya yuhu muare. Mua sã guhyasiriboya.

<sup>5</sup> Eropigu mua pohrogue yu ejaboro core eräre mari acawereräre obeomuhtagu iiaa. “Mojomorocuräre wuaro orãca,” mua arĩrare mua opayuboro dopa eräre obeomuhtagu iiaa. Mua oburire mua gameneocũ erãpu muare weresererãcoma. Eropigu yupu eja mua oburire mua opayutuhacũ ñha mucubiriri mera mua odiarare masigura. Muare gua odorera arĩsome iri.

<sup>6</sup> Eropirã ire guñaque mua: Bajameyerigã otedigu bajamegã ducare aĩgucumi. Bajayeri otedigu baja ducã Eropigu mua pohrogue yu ejaboro core eräre mari acawereräre obeomuhtagu iiaa. “Mojomorocuräre wuaro orre aĩgucumi. Eropa ta ãhraa mojomorocuräre mari ocũ. Merogã mari ocũ, Goãmu merogã ogucumi marire. Wuaro mari ocũ wuaro marire ogucumi.

<sup>7</sup> Eropirã yujurãyeri mua “Ipẽ ogura,” arĩ oque. Mahiñari obiricãque. “Marire odoreama,” arĩro mariro oque. Mucubiriri mera oräre gahmemi Goãmu.

<sup>8</sup> Ñgupu mua gameri tauro muare ogucumi. Eropirã arĩpehrerire mua gameri duhyarire opapehorãca. Eropirã gajiräre mua oburi sã ñaro sihajaroca mua opari.

<sup>9</sup> Eropa ta ãhraa Goãmu yare erã gojarapũ:

Mojomorocuräre wuaro ohomi ñgu. Ñaro mera masare itamuniguimi ñgu, ãhraa ñgu yare erã gojarapũ.

<sup>10</sup> Eropiro oteri ducacura puhru oteri masu ñgu oteburi coyere ohomi Goãmu. Puhru ñgu oterare ducacucũ iimi ñgu baburire. Mojomorocuräre mua wuaro ocũ oteri masare ñgu coyere oro dopa ta mua sãre wuaro ogucumi Goãmu. Eropa ta muare ogucumi mojomorocuräre mua onemoboro dopa.

<sup>11</sup> Eropa ta ãhraa. Wuaro ogucumi gajiräre wuaro mua eropa oniguicãboro dopa. Eropirã mua iri niyerure odorerare gua ocũ erã ñearãpu mucubiriri mera Goãmure “Õhaa,” arĩrãcoma.

<sup>12</sup> Eropirã mojomorocuräre Goãmu yaräre orã, eräre itamurã iiaa mua. I dihtare iibeaa mua. I sãre iirã iiaa mua. Mua eropa orã bajarã masa Goãmure mucubiriri mera “Õhaa,” arĩcũ iirãca mua.

<sup>13</sup> Eropa mua gajiräre itamucũ ñarã, Goãmure umupeori mera wereniguirãcoma masa. Eropirã eräre gajirã sãre wuaro mua ocũ ñarã Goãmure “Õatariagu ãhrimi,” arĩrãcoma masa. Eropa arĩrãcoma Cristo ya buherire ñari buherire mua ñaro yuhricũ ñarã.

<sup>14</sup> Eropirã Goãmu ñgu mojomoro ñadiro dopa ta mua sã eräre mojomoro ñacũ erãpu muare gamerãcoma. Eropa gamerã muare serëbasarãcoma Goãmure.

<sup>15</sup> Goãmu marire õatariaro iigucumi. Ñgu eropa iiborore masirã “Õataria,” arãa mari ñgure.

## 10

*Jesu ñgu apidigu ñgu arĩrere wereñumi Pablo*

<sup>1</sup> Dohpaguere yũhũ Pablo mũare weregũra. Cristopũ ne guabigũ, masare ðaro iigũ árĩñumi. Īgũ iidiro dopa ta yũ sã mũare werediaa ðari mera. Yujurãyeri mũa mera majarã ðpa arãyoro yũre. “Mari mera árĩgũ eropa pepicãgũ bu árĩgũ iro dopa árĩmi Pablo. Eropa árĩqueregũ ta gajipũgue árĩgũ marire doyarõ mariro turibeomi,” arãyoro mũa yujurãyeri yũre.

<sup>2</sup> Eropigũ mũare ire burigã dorea: Mũa pohroge yũ ejacũ ðaro iique mũa, “¿Pablo gũare turiri?” arĩrã. Yujurãyeri yũre ðpa arãyoro: “Īgũ, ĩgũ gamero, Goãmũ dorebiriqerrecũ iimi,” arãyoro mũa yũre yujurãyeri. Eropa arĩrã tamerare turiboca yũhũ.

<sup>3</sup> Gũa sã i yeba majarã ta árĩrã iiaa. Eropa árĩquererã ta i yeba majarã erã gamero iiro dopa ta iibea gũa.

<sup>4</sup> Surara erã tarinũgaro dopa ta gũapũ ñerire tarinũgadiaa. Surara erã mojo oparo dopa ta gũa sã mojo opaa. Gũa mojo i yeba majarã erã masiri, erã wereniguitarinũgari, erã turari árĩbeaa. Gũa mojo Goãmũ ya turaripũ ãhraa. Iri turari mera masa Goãmũre erã umupeodorebirirare duhucũ iiaa gũa. Eropirã erã gamero erã masirire iri duhpihuri árĩbiricũ masicũ iiaa gũa iri turari mera.

<sup>5</sup> Eropirã árĩpehrerã erã gamero pepirare Goãmũre erã masidorebirirare duhucũ iiaa gũa. Eropirã iri turari mera Goãmũre gamebirãre Cristore ðaro yũhrirã erã árĩcũ iiaa gũa. Cristo ĩgũ gamero dopa ta erãre pepicũ iiaa gũa.

<sup>6</sup> Eropirã gajirã mũa mera majarã Cristore tarinũgacũ ĩarã erãre dipuwaja moamorã árĩrãca gũa. Mũa ðaro yũhrira pũhrũ Cristore tarinũgarãpũre eropa dipuwaja moamorã árĩrãca gũa.

<sup>7</sup> Yũ árĩricuri dihtare masia mũa. Yũ pepiripũre ne masibea mũa. “Cristo yarã ãhraa,” arĩrã árĩrã ðpa masique mũa: Gũa sã mũa iro dopa ta Cristo yarã ta ãhraa.

<sup>8</sup> “Mari Opũ ya buherire ðari buherire buhedoregũ apimi gũare,” arĩgũ bajasuburi mũare iri dihtare eropa arĩ werequeregũ ta gũhyasĩribeaa yũhũ. Gũare eropa buhedoregũ mũare itamumorãre apimi gũare. Mũare goroweomorãre apigũ iibirimi gũare.

<sup>9</sup> I yũ gojabeoripũre mũa ĩha ucacũ gamebeaa yũhũ.

<sup>10</sup> Yujurãyeri mũa mera majarã ðpa arãyoro: “Pablo gojabeogũ pũriro dihta gojabeomi marire. Eropa árĩqueregũ ta mari mera árĩgũ eropa árĩcãgũ ãhrimi. Bu árĩgũ iro dopa ãhrimi. Eropiro ĩgũ marire werenigũiri duhpihuri árĩbeaa,” arãyoro mũa yujurãyeri.

<sup>11</sup> Eropa arĩrãre ðpa arĩ weregũra: Mũa arĩdiro dopa ta iibea gũa. Mũare gũa arĩ gojabeodiro dopa ta eropa ta arĩ wererãca mũa pohro árĩrã. Eropirã “Õpa iirãca,” gũa arĩ gojabeodiro dopa ta eropa ta iirãca mũa pohro árĩrã sã.

<sup>12</sup> Yujurãyeri mũa mera majarã “Õaro masipehorã ãhraa gũa,” arĩ wereniguimaacãma erã basi. Erã game ĩha bocãfirã “Maripũ ðatariarã ãhraa,” arĩma erã. Eropa arĩmaacãrã “¿Gajirã ðarã iro dopa ãhriri mari?” arĩbeama erã basi. Gũapũ erã iro dopa iisome.

<sup>13</sup> Goãmũ gũare ĩgũ buhedore ĩgũ apira dihtare werea gũapũ mũare. Gajirã erã mohmerare “Iibũ gũapũ,” arĩrã iibea. Goãmũ mũa sãre buhedoregũ gũare apimi.

<sup>14</sup> Eroparĩrã gũyarã iibea gũa. Õari buherire Cristo yare mũare buhemũhtarã ta ejabũ gũa. Eropirã Goãmũ gũare buhedore ĩgũ apira dihtare wererã iiaa mũare.

<sup>15</sup> Eropirã gajirã mũare itamucũ ãha “Gũapũ irire iibũ,” ne arĩbeaa gũa. Cristore mũa umupeonemocũ iiburipũre gahmea gũa. Eropa gamerã mũare buhenemodiaa gũa. Eropa gũa buherã Goãmũ ãgũ apĩrañe pẽta buhediaa gũa mũare.

<sup>16</sup> Eropa buhediaa mũa ya yeba core majarãre õari buherire peebirãre õari buherire wererã waboro dopa. Eropa warã gajirã erã buhera pũhrũ ejarã, “Gũapũ erãre buhemũhtabũ,” arĩsome gũa.

<sup>17</sup> Goãmũ yare gojarapũgue õpa ãhraa: “Mari iirire ãarã mucubiribiricãro gahmea. Mari Opũ ãgũ iiripũre ãarã mucubiriro gahmea. Iripũre gajirãre werero gahmea,” arĩ gojara ãhraa.

<sup>18</sup> Masa erã basi “Gũapũ iiabũ,” erã arĩcũ ãha mucubiribeami Goãmũ. Mari Opũ Cristo Goãmũre “Oã õaro iima,” ãgũ arĩrãpũre sũami Goãmũ.

## 11

*“Jesu ãgũ apinirã ãhraa gũa,” arĩ gũyarãre wereñumi Pablo*

<sup>1</sup> Yũ basi yũ árĩricũre weregũ pee masibigũ iro dopa weregũ iiaa, arĩ pepia. Yũ árĩricũre mũare weregũ gũhyasĩriñaria. Yũ eropa arĩ werecũ peenique mũa yũre dohpaguere.

<sup>2</sup> Goãmũ mũare ãgũ mahiro dopa ta turaro mahia yũ sã mũare. Nómeo gajigũ mũmũ mera igo ñero iibigo igo yujugũre ta gamedigo iro dopa mũa Cristo dihtare gamecũ gamerabũ yũhũ mũare.

<sup>3</sup> Eropa gamequeregũ “Erã Cristo yare cóãbocoma,” arĩ guñaricũa mũare. Gajirã ñerã mũare gũyarã, gajiropa arĩri buherire gamecũ iibocoma mũare. Pĩru ãgũ masiri mera Evare gũyacũ igo Goãmũre tarinũgañumo iribojeguere. ãgũ eropa iidiro dopa ta dohpaguere ñerã mũare gũyarã, Cristore mũa õaro umupeorire goroweobocoma. Eropigũ mũare gũisãa.

<sup>4</sup> Erã gũa mũare buhediro dopa ta buhebiriquerecũ mũa peeraa. Eropirã erã “Õpa árĩdi árĩmi Jesu,” erã gamero gajiropa arĩ werequerecũ ta peea mũa. Watĩ ãgũ pepiro dopa arĩ erã werequerecũ ta peea mũa. Mũare gũa weregũ Espĩritu Santo gohra ãhrimi. ãgũpũre erã werebiriquerecũ ta mũare gũya buherãre peea mũa. Erã gajiropa árĩri buherire erã buhecũ õari buherire erã buhebiriquerecũ ta irire peea mũa.

<sup>5</sup> Erã “Jesu ãgũ apinirã ãhraa,” arĩnirã yũre masitarinũgabeara. “Erãre doca merebeaa,” arĩ pepia yũhũ.

<sup>6</sup> Õaro weretarinũgagũ árĩbiriboca yũhũ. Õaro weretarinũgabiriqueregũ Goãmũ yare õaro masia. Yũ eropa masirire bajasuburi mũare masicũ iibũ.

<sup>7</sup> Õari buherire Goãmũ yare mũare buhegũ ne waja gamebiribũ. Mũare itamudiagũ waja gamebiribũ. Bu árĩgũ iro dopa árĩbũ yũhũ. ¿Yũ eropa waja gamebircũ õabeari mũa pepicũ?

<sup>8</sup> Mũare yũ buhecũ gajĩ macarĩ majarã Jesu yarã yũre itamuma. Erã eropa orare ñeabũ mũare itamubu. Mũa yũre oborare erãpũ yũre oma.

<sup>9</sup> Mũa mera árĩgũ gajino yũre dũhyaquerecũ ta mũare niyerure ne serẽbiribũ. Mari acawererã Macedonia yeba majarã Jesu yarã árĩpehrerã yũ gamerare aĩ erama yũre. Iribojeguere mũare ne garibobiribũ yũhũ. Pũhrũgue sãre mũare ne garibosome.

<sup>10</sup> Cristo diaye ãgũ werediro dopa ta yũ sã mũare dohpaguere diaye weregũ iiaa. Árĩpehrero Acaya yeba árĩrãre i mũare yũ serẽbirirare eropa wereniguĩra.

11 ¿Mũare yũ serēbirirare gajirāre yũ eropa wereniguicũ peerā dohpa pepiri mũa? “Pablo guare eropa arĩ weregu guare umupeobigu iimi,” ¿arĩ pepiri mũa? Árĩbeaa. Mũare umupeoa. Goãmu irire masimi.

12 Waja mariro yũ mũare buhenugadiro dopa ta buhe ojogorocugura. “Jesu igũ apinirā āhraa,” arĩ gũyanirāre yũre tarinugacũ iibiriboro dopa waja mariro buheniguigura. Erāpu “Gua sã Pablo iro dopa Jesu yare buherā āhraa,” arĩma. Eropā árĩbeama. Yũpu waja mariro buhea. Erāpu waja gamerā buhema.

13 Erā diaye ta Jesu igũ apinirā gohra árĩbeama. Erāre ne apibiriñumi igũ. “Jesu igũ apinirā āhraa,” arĩ gũyarā gua iro dopa árĩrima erā.

14 Erā eropa iicũ iagu ihamariabeaa yũhũ. Satana sã anyu Goãmu yagu òagu iro dopa dehyoacumi masare.

15 Eropigu erā Satanare itamurā òarā Goãmũre itamurā iro dopa erā iicũ iagu, ihamaria wabeaa yũhũ. Dohpaguere erā eropa iiquerecũ ta pehrerĩnũ árĩcũ árĩpehreri erā ñero iira dipuwaja dipuwaja moagucumi Goãmũ erāre.

### *Īgu ñero tarirare wereñumi Pablo*

16 Dipaturi mũare ire weregura. Ne “Pee masibigu āhrimi,” yũre arĩbiriçaque. Yũ eropa arĩdorebiriçaquerecũ ta yũre mũa eropa arĩ pepicũ òaroca yũre. “Pee masibigu āhrimi,” arĩ yũre pepiquererā ta peenique mũa yũre. Merogã yũ árĩricũre yũ basi werecũ peenique mũa.

17 Mũare eropa weregu guhyasĩriñaria yũhũ. Pee masibigu iro dopa iigu iiaa, arĩ pepia. Mari Opũ Jesu yũre irire “Eropa wereque,” arĩbirimi.

18 Īgu eropa arĩbiriçaquerecũ ta ire weregura mũare. Erā gamero “Òarā āhraa,” arĩmaacārā erā árĩcũ iagu yũ sã yũ árĩricũre mũare weregura.

19 Mũapũ eropa arĩmaacārāre peerā mucubiriri mera ihaa mũa erāre. ¿Òaro masirā āhriri mũapũ eropa peerā?

20 Mũare erā pohro majarā moacũ, mũa yare erā emacũ eropa iacāa mũa. Eropirā mũare erā docapicũ mũa wayuporāre erā pacũ eropa pepicāa mũa.

21 ¿Òapũricārĩ mũare erā eropiicũ? Cue, ¿turatarĩarā āhriri erā? Gũapũ erā iro dopa turarā árĩbeaa. Eropirā erā iro dopa ñerire iibeaa.

Erā iro dopa arĩbiriçaqueregu ta erā “Òpa arĩrā āhraa,” erā arĩcũ peegu yũ sã eropa arĩ wereboca. Dipaturi guhyasĩriçaqueregu ta òpa arĩgura mũare.

22 Erā “Hebreo masa āhraa,” arĩma gajirāre tarinugadiarā. Hebreo masũ ta āhraa yũ sã. “Israe masa mari Pagũ igũ beyenirā āhraa,” arĩma daja erā. Erā iro dopa ta igũ beyedigũ ta āhraa yũ sã. “Abrahã pãramerā āhraa,” arĩma daja erā gajirāre tarinugadiarā. Erā iro dopa ta Abrahã pãrami ta āhraa yũ sã.

23 “Cristo yare itamurā āhraa,” arĩma daja erā. Yũ sã Cristo yare itamugũ ta āhraa. Erā tauro Cristo yare òaro iiaa yũhũ. Eropā yũ basi arĩ wereniguigũ guhyasĩriñaria yũhũ. Pee masibigu iro dopa wereniguigũ iiaa, arĩ pepia yũ basi. Erā tauro mohmebũ yũhũ Cristo yare iigu. Bajasuburi erā tauro Cristo yagu yũ arĩri dipuwaja peresu iima yũre gajirā. Erā tauro bajasuburi tãrama masa yũre. Erā tauro Cristo yare yũ iira dipuwaja masa yũre wejēdiarima. Eropigu merogã mera taribũ yũ sĩribodirore.

24 Cinco suburi judio masa yũre ñeama. Yũre erā ñeari nũcũ suburi treinta y nueve suburi yũre tãrama.

<sup>25</sup> Ʋhresubu gajirã yũre ñeama. Eropa ñearã erã tamera yũre ñero yucũgu mera pama. Gajisubu yũre gajirã utã mera deama. Ʋhresubu dohodiru mera utãyegue mehtuhaja miribũ. Eropigu yujunũ, yuju ñami taboamiji wecague wũariya decoguere baa payabũ.

<sup>26</sup> Bajasuburi macariguere buhe curigu ejabũ. Yũ eropa buhe curicũ guhyatariacãbu yũre. Yũre mirimaja guhya árĩbũ. Yũre yajamaja guhya árĩma. Yaha yeba majarã judio masa, judio masa árĩbirã sã yũre ñero iimaja guhya árĩma. Macarigue, masa marirogue, wũariyague sãre yũre sĩrimaja guhya árĩbũ. “Mũ mera majarã áhraa,” arĩ guyarã sã yũre ñero iimaja guhya árĩma.

<sup>27</sup> Cristo yare iibu bũrigã mohmebũ. Eropa mohmegũ ñero wabũ. Bajasuburi wũja yũre ñero pũriquerẽcũ ta eropa mohmeniguicãmuribũ. Ñero oaboamuribũ. Eropiro yũre ñemesibumuribũ. Bajasuburi barire bocabirimuribũ. Yũhũ yũsaro sãre pepimuribũ. Suhri sañaburi sã ne marimuribũ yũre.

<sup>28</sup> Eropa ñero tarigu ta umuri nũcũ gajirã Cristo yarãre, mũa sãre bũrigã guñaa.

<sup>29</sup> Eropigu Cristo yagu ĩgu turabiricũ ĩagu bujawerea yũhũ. Gajirã Cristo yagũre ñero iidorebocoma. Erã eropa iicũ ĩagu Cristo yagũre guhyasĩrisãgu, erã ñero iidorerã mera guaa yũhũ.

<sup>30</sup> Werediabiriqueregu ta yũ árĩricũrire weregũ, yũhũ turabigu yũ árĩrire mũa masiboro dopa mũare weregũra.

<sup>31</sup> Goãmũ mari Opũ Jesu Pagũ umuri nũcũ mari umupeobu ĩgu ta mũare yũ guybairicũ masimi. Ire mũare diaye weregũra.

<sup>32</sup> Damasco waĩcũri macague yũhũ Jesucristo yare buhecũ ĩagu árĩpehrerã masa tauro opũ Areta waĩcũgu ĩgu doca árĩgu opũ yũre ñeadiaripũ. Eropa ñeadiagu iri maca maja sãriro disiporori nũcũ surarare coredereripũ.

<sup>33</sup> Erã eropa corero watope ta yũ mera majarã wũari puibugue yũre duhusã iri sãriro pũrũpũgue yuju gobegue yũre duhu dijuma. Erã eropa duhu dijura pũhrũ duhrigã wabũ.

## 12

### *Cristo ĩgũre ĩhmurare wereñumi Pablo*

<sup>1</sup> Yũ árĩricũrire mucubiriri mera yũ werẽcũ duhpiburi árĩbeaa. Duh-piburi árĩbiriquerecũ ta werenemogũra mũare. Mari Opũ Jesu ĩgu yũre ĩhmurare ĩgu yũre masicũ iirare weregũra mũare.

<sup>2</sup> Őpa ĩhmunũgami ĩgu yũre: Catorce bojori gohra wahaa yũre Cristo yagũre umarogue ĩgu aĩ mũariara pũhrũ. Ʋmarogue necã wecague yũre aĩ mũriami. Yũ sĩporã dihtare ĩgu aĩgãcũ masibeeaa yũhũ. O yũ dupũ sãre ĩgu aĩgãcũ sãre ne masibeeaa yũhũ. Goãmũ dihta irire masimi.

<sup>3-4</sup> Eropigu paraĩso waĩcũrogue yũre aĩ mũrijami. Irire masia yũhũ. Yũ sĩporã dihtare ĩgu aĩgãcũ masibeeaa yũhũ. O yũ dupũ sãre ĩgu aĩgãcũ masibirica. Goãmũ dihta irire masimi. ĩgu eropa aĩ mũriacũ ejagu eroguere ĩgu wererire peebũ. Iri yũ peerare masa ne masibeama. Iri wererire gajirãre weredorebirimi yũre.

<sup>5</sup> Eroguere ĩgu yũre eropa wererare mũare weregũ, “Yũhũ yujugũ ta gajirãre tarinũgagu áhraa,” arĩboya yũhũ. Eropigu irire werebeaa yũhũ. Yũ masibirira dihtare yũ turabirira dihtare mucubirigu mũare weregũra.

<sup>6</sup> “Gajirãre tarinũgaa yũhũ,” mũare arĩ werediacũ yũ arĩra diaye árĩboca. Eropigu eropa arĩ weregũ eropa arĩmaacãbiriboya yũhũ. Eropa

árĩbiriqueregu ta “Ōpa gajirãre tarinũgaa,” arĩ weresome yũhũ mũare, guhyadiaro yũre ñhari arĩgu. Yũ árĩro tauro mũa yũre umupeocũ gamebeaa.

<sup>7</sup> Cristo ðatariarire umaroguere ïgu yũre ïhmucũ ïadigu arĩgu, “Gajirãre tarinũgaa yũhũ,” arĩboca yũpũ. Eropa yũ arĩbiriboro dopa Satana ïgu yũre dore moacũ ïagu “Ōaroca,” arĩ apidi árĩmi Goãmu. Eropigu yũ ñero tariboro dopa yũre dore moadi árĩmi Satana. Iri dore poraru ñajaro dopa ta yũre pũribũ.

<sup>8</sup> Iri dore yũre taridoregu serẽmuriribũ mari Opũre. Æhresubu serẽribũ.

<sup>9</sup> Yũ eropa serẽquerecũ ta i dore tamerare yũre taricũ iibirimi ïgu. Ōpa arĩ yũre yũhrimũrimi ïgu: “Mũre mahia. Yũ mahiri mera ðaro arĩguca mũhũ. Pũriniguicãsũgu, turabigu arĩgu yũ turarire ðaro ïhmugũca mũhũ. Turarã tauro mũhũ yũ turarire masare masicũ iiguca,” arĩ yũhrimũrimi Goãmu yũre. ïgu eroparĩcũ peegu turabigu yũ árĩrare masigu mucubiria. Eropigu yũ turabirirare masare mucubiriri mera weregũra. Eropa arĩ weregũca Cristo ïgu turaripũre yũhũ gajirãre ðaro masicũ iiboro dopa.

<sup>10</sup> Eropigu Cristo yagu yũ árĩri dipuwaja yũre pũriro arĩquerecũ ta, gajirã ñero yũre wereniguiquerecũ ta, ñetariaro tariqueregu ta, yũre erã ñero erã iiniguiquerecũ ta, yũre bujawerecũ erã iiquerecũ ta mucubiria yũhũ. Eropa ñero tariqueregu ta, eropa turabigu arĩqueregu ta Cristo turari mera bocatũua ïgũre guñaturagu. Eropigu mucubiria.

### *Corinto majarãre Cristo yarãre wũaro guñaricũñumi Pablo*

<sup>11</sup> Yũ árĩricũrire yũ basi weregu guhyasĩriñaria yũhũ. Pee masibigu iro dopa weregu iiaa, arĩ pepia yũhũ. Yũ eropa werequerecũ ta iri mũa ya dipuwaja aħraa. Mũapũ yũ árĩricũrire gajirãre ðaro werecũ yũ basi werebiriboaya. Yũhũ bu arĩgu arĩqueregu ta “Jesu ïgu apinirã aħraa,” arĩ guyarãre doca merebeaa yũhũ.

<sup>12</sup> Diaye ta ñero tarigu arĩqueregu mũare Goãmu turari mera deyorõ moarire ii ïhmuribũ. Eropa ii ïhmugũ Cristo ïgu apidigu yũ árĩrire ïhmugũ iiribũ mũare.

<sup>13</sup> Gaji macari majarãre Jesu yarãre mũa sãre yujuro mera ïhmuribũ yũhũ. Mũapũre gajiropa ñari iiribũ. Mũa dihtare garibobiriribũ. Mũa dihtare gajinore yaha árĩburire serẽbiriribũ. ¿Yũhũ mũare itamurire serẽbiricũ ñehe árĩri mũare? Iri ñeri arĩcũ irire cãdijique mũa yũre.

<sup>14</sup> Ire peeque mũa. Pesubu mũa pohrogue yũ ejara pũhrũ dipaturi wadiaa daja. Erogue ejagu mũare garibosome yũhũ. Gajinore serẽsome yũhũ mũare. Mũa yare gamebeaa yũhũ. Cristo yapũre mũa yũhrirã arĩcũ gahmea yũhũ. Masa porãpũ erã pagũ sũmarãre erã gamerire obeama. Erã pagũ sũmarãpũ erã porã gamerire ohoma. Eropa ta mũa yũ porã iro dopa arĩrã yũ gameripũre osome mũa.

<sup>15</sup> Eropigu yũ tamera yũ oparipũre odiaa mũare itamubu. Mũa pohro majagu iro dopa arĩdiaa mũare itamubu. Mũare yũ turaro mahiquerecũ ta mũapũ yũre daberogã mahia yũ pepicũ.

<sup>16</sup> Eropigu mũa mera arĩgu mũare garibobiribũ. ¿Eropa ta iari yũhũ mũa pepicũ? Eropa iiquerecũ ta yujurãyeri mũa mera majarã ðpa arĩrãcoma: “Pablo gajinore marire aĩdiagu guyami,” arĩrãcoma.

<sup>17</sup> ¿Erã arĩro dopa ta iigu arĩgu dohpa irire iiboyuri yũhũ? ¿Mũa pohrogue yũ obeonirã ñehenore yũre guyabasayuri erã mũare mũa ïacũ?

<sup>18</sup> Sohõ arĩrasubugue Titore mũa pohrogue wadoretuhabũ ïgũre. Eropigu gajigũre Jesu yagũre ïgu mera obeobũ. ¿Tito mũare gajinore guya

aĩri mua ĩacũ? Ĩgu yu iro dopa ta Goãmu ĩgu gameri dihtare iigu añhrimi. ¿Eropigu yu iro dopa ta iibiriri ĩgu mua ĩacũ?

<sup>19</sup> ¿Ipũ mera gua basi arĩ cãhmotarã iiri gua mua pepicũ? Árĩbeaa. Cristo yarã añhraa. Eropirã Goãmu ĩgu ĩhuro muare wererã iiaa. Yu acawererã, yu mahirã, muarũre eropa arĩ werea muare itamudiarã.

<sup>20</sup> Yu erogue ejacũ yu gamero dopa iirã árĩbiriboca mua. Eropigu muare turaro guñaricua. Eropigu mua gamero dopa iigu árĩbiriboca yu sã erogue ejagu. Gajiropa mua iicũ ĩagu weregũca muare. Erogue yu ejacũ muarũ mua basi game duyatorã, gajino erã opacũ ĩarã ĩhaturirã, mata guarã, mua gamero gajirãre tarinũgadiarã, gajirãre ñero wereniguirã, ñeri quere moarã, “Gua tamera gajirãre tarinũgaa,” arĩrã, mua gamenererore goroweorã árĩboca mua. Mua eropa iicũ bocaboca arĩgu, guñaricua yuhũ muare.

<sup>21</sup> Erogue yu ejacũ muare yure guhyasĩrisãcũ iibocumi Goãmu yure. Eropigu árĩpehrerã iribojegue ñero iinirãre erã ñerire bujawerebiricũ ĩagu turaro bujaweregũca yuhũ. Nome mera ñero iirãre, ñerire uaribejarãre ĩagu bujaweregũca yuhũ.

## 13

### *Pablo weretuñumi*

<sup>1</sup> Dohpaguere mua pohrogue wagu uhrsubu ejagũca eroguerẽ. Pesubu ero coreguere ejatuhabu. Eropigu muare ire weregũra. Őpa añhraa Goãmu yare erã gojarapũ: “Yujugũre mari dipuwaja moaboro core perã, urerã ĩgũre weresãro gahmea. Erã eropa weresãra puhũ dipuwaja moamasia mari,” añhraa Goãmu yare erã gojarapũ.

<sup>2</sup> Iribojeguere ñero iirã mua arĩcũ muare árĩpehrerã gajirã ñero iirã sãre dipaturi guhyadiaro mera weregũra. Yujusubu ejadi mua pohro dipaturi ejagu muare ire werebu. Dohpaguere mua mera árĩbigũ dipaturi muare ire werebeogu iiaa daja: Dohpaguere mua pohroguerẽ ejagu, ñero iirãre diaye ta dipuwaja moagũra yuhũ.

<sup>3</sup> Yu eropa iicũ ĩarã, Cristo ĩgu apidigu ĩgu turari mera yu buhecũ masirãca masidiarã. Cristopũ muare doregũ turatariagu añhrimi. Eropigu ĩgu turarire ĩhmumi muare.

<sup>4</sup> Mari iro dopa dupũcũgu, ĩgu turabigu arĩgu, crusague sĩripũ. Eropa sĩriquerẽgu ta Goãmu ĩgu turari mera ojocarimi ĩgu dohpaguere. Gua sã ĩgu iidiro dopa ta turabirã añhraa. Eropa turabirã árĩquererã Cristo mera ojocarirã Goãmu ya turari mera arĩrãca muare itamumorã.

<sup>5</sup> Eropi muarũ mua basi õpa arĩ pepique. “¿Diaye ta Cristore umupeogu añhriri yuhũ?” arĩ pepique mua. Diaye ta Cristo mua mera majagu ĩgu árĩbiricũ ĩgu yarã gohra arĩbeaa mua.

<sup>6</sup> ¿Mua guarũre “Jesu yarã ĩgu apinirã árĩbeama,” arĩ pepiri? Ĩgu yarã gohra añhraa gua. Irire mua masicũ gahmea yuhũ.

<sup>7</sup> Eropigu mua ñero iibiriboro dopa Goãmũre serẽbasaa muare. Eropa serẽbasaa gua mua õarire mua iiboro dopa. Mua Goãmũ itamuri mera eropa õarire iicũ ĩarã õpa arĩboca: “Guarũ erãre õarã wacũ iibu,” arĩboca gua gajirãre guare umupeocũ iimorã. Eropa arĩ umupeodorebeaa gua. Iri duhpihuri arĩbeaa. Eropirã muare eropa Goãmũre serẽbasarã mua ya árĩburire serẽbasarã iiaa. Őarire mua iicũ tamerare gahmea gua.

<sup>8</sup> Eropa dihta gahmea gua. Goãmũ ya diaye arĩrire goroweomasibea gua.



<sup>9</sup> Eropirã mũa òarire iicũ gamerã turabirã iro dopa árĩquererã gũa mucubiria. Òarire iirãpũ mũaapũ turarã árĩcũ õhaa. Eropirã mũa òarã waborore Goãmũre serēbasaniguicãrãca gũa mũaare.

<sup>10</sup> Eropigũ mũa mera árĩbigũ mũaare ipũre gojabeoyugũ iiaa. Mũa pohrogue ejagũ mũa ñero iirã árĩcũ ñagũ mũaare dipuwaja moagũca. Cristo yũre ñgũ dorediro dopa ta mũaare dipuwaja moagũca. Yũ eropa dipuwaja moabiriboro dopa ipũre mũaare gojabeoyugũ iiaa. Mũa òarire gohrotocũ ñadiagũ gojabeoyugũ iiaa. Cristo ñgũ dorediro dopa mũaare itamudiaca. Mũaare dipuwaja moadiabeaa.

<sup>11</sup> Dohpaguere yũ acawererã, mũaare òadorea. Cristore guñaturanemoque. Eropa iirã òarã árĩque. Mũaare yũ wererare òaro peenũruque. Mũa mera majarã mera yujuro mera pepique. Mũa basi òaro mera árĩque. Mũa eropa árĩcũ ñagũ mũa mera Goãmũ árĩgũcumĩ. Ñgũ marire game mahicũ iigũ, marire òaro mera árĩcũ iigũ ãhrimi.

<sup>12</sup> Eropirã mũa mera majarãre bocatĩrirã erãre òaro mera mojoto ñeaque mũa.

<sup>13</sup> Árĩpehrerã õ majarã Goãmũ yarã mũaare òadorema.

<sup>14</sup> Mari Opũ Jesucristo mera mũaare árĩpehrerãre òadorea. Eropigũ Goãmũ ñgũ mahiri mera árĩpehrerã mũaare òadorea. Eropigũ Espĩritu Santo árĩpehrerã mũa mera òaro ãhrimi. Eropa ta árĩporo. Iripẽta ãhraa.

## Gálatas

### *Pablo Galacia majarãre Jesu yarãre gojabeopu*

<sup>1-2</sup> Yũhũ Pablo mũa Galacia majarãre ipũre gojabeogu iiaa. Yũhũ Goãmu yare buhedore Jesucristo ĩgu apidi ãhraa. Masa ne yare buhedore apibirima. Jesucristopu ĩgu Pagu Goãmu mera yare apimi. Goãmu ãhrimi Jesucristo sĩridire masudigu. Eropigu yũhũ yu mera majarã mera Jesucristo yarã mera mũare ãadoreaa.

<sup>3</sup> Goãmu mari Pagu mari Opu Jesucristo mera mũare ãadoreaa. ĩgu mũare itamuri mera ãaro árĩque mũa.

<sup>4</sup> Jesucristo, ĩgu Pagu Goãmu gamediro dopa ta iigu, ĩgu basi mari ñeri iira dipuwaja sĩribasadigu árĩmi. Eropiidi árĩmi i mũmu majarã ñero árĩricũre mari iibiriboro dopa.

<sup>5</sup> ĩgu eropiicũ ĩha mari Goãmure “Mũhũ ãagu ãaro iiaa,” mũuri nũcu arĩro gahmea. Eropa ta iirã.

### *Jesucristo masare ĩgu tauburi yujuñe ta buheriñe ãhraa, arĩ werepu Pablo*

<sup>6</sup> Mũa mata Goãmu yare duhurã iica. Goãmu mũare ĩgu yarã árĩmorãre aĩdigu árĩmi Jesucristo ĩgu marire sĩribasara mera. ĩgu mũare eropa aĩquerẽcũ mũapu ĩgure duhu gajirã ya buherire peenũgarã iica. “Gaji ãhraa marire tauburi buheri,” erã arĩ werẽcũ peerã iica mũa gajirãre. Mũa eropiira querere peegu pee uca wahaa yũhũ.

<sup>7</sup> Őpa waro iica mũa árĩrore. Gajirã mũa pohro eja mũare were goroweorã iicoma. “Jesucristo marire taumi,” arĩ buherire gohrotodiarã, “Gaji ãhraa marire tauburi buheri,” arĩ buherã iicoma mũare. Eropigu mũare ire werediaca. Gaji buheri marire tauburi buheri marica.

<sup>8</sup> “Gaji buheri ãhraa mari tauburi buheri,” mũare arĩ were goroweorãre Goãmu bũrigã dipuwaja moagu peamegue wadoreporo. Yu basi ta were gorowecũre Goãmu yu sãre dipuwaja moaporo. Anyu mũaro majagu ĩgu eropa buhecũ ĩgu sãre dipuwaja moaporo.

<sup>9</sup> Gũa gajisubu arĩrare dipaturi yũhũ werea daja mũare. Yujugu mũare ãari buherire gajiropa buhecũ, gũa mũare buhediro dopa werebigure ĩgure Goãmu bũrigã dipuwaja moaporo. Peamegue wadoreporo.

<sup>10</sup> Yũhũ masare buhegu Goãmu gamero dopa ta diaye majare buhea. Masa peesũacũ, peesũabiricũ sãre buhea. Eropigu dohpaguere yũhũ masa peediari dihtare wereniguibea. Cristo gamero dopa ta buhediacaa. ĩgu pohro majagu ãagu árĩdiagu eropa buhea yũhũ.

### *Pablo ĩgu Jesucristo yare buhebure apirare werepu*

<sup>11</sup> Őpa werẽgũra mũare: Yũhũ mũare ãari buheri eropa arĩ buhera masa ya pepiri árĩbeaa.

<sup>12</sup> Ne yujugu masu iri buherire yare weredorebirimi. Ne yujugu masu yare buhebirimi iri buherire. Jesucristo ĩgu basi yare irire masicũ iimi.

<sup>13</sup> Iribojegue yu árĩricũrare yũhũ judio masa buherire peenũrũrasubu yu iirare mũa peetuhabu. Yũhũ Jesucristo yarãre bũrigã ĩhaturigu nũrũsiamũribu erãre ñero iibu. Eropigu Jesu yarãre bũrigã ñero iigu erãre wejẽpehocãdiaribu.

<sup>14</sup> Eropigu gũa judio masa ya buherire yu mera masanirã tauro umupeomũricaribu. Gũa ñecu sũmarã árĩricũre bũrigã iimũricaribu.

<sup>15</sup> Yũ eropa iirisubu ðpa wabũ yũre. Goãmu ïgu ðaro mahiri mera yũre sihumi pare. ïgu yũ dehyoaboro coregue beyetuhapũ yũre.

<sup>16</sup> Eropigu ïgu magũre Jesucristore yũre masicũ iimi. ïgũre masicũ iigu yũre judio masa árĩbirãre buhebure apimi. “Jesucristo marire taumi,” arĩ buherire werebure apimi yũre. Eropa Goãmu yũre masicũ iira pũhrũ gajirãre serẽpigũ wabiribũ.

<sup>17</sup> Jerusalẽngue árĩrãre yũ core Jesu ïgu apinirã sãre serẽpigũ wabiribũ. Erote eropa wabigu Arabia yebaguepũre diaye wabũ. Pũhrũguere Damascogue dujaa wabũ.

<sup>18</sup> ðhre bojori pũhrũ Jerusalẽngue wabũ. Pedrore ïagũ wabũ. Pe semana ta árĩbũ ïgu mera.

<sup>19</sup> Gajirã Jesu ïgu apinirãre ne ïabiribũ irisubure. Mari Opũ Jesucristo pagũ magũ Santiago dihtare ïabũ.

<sup>20</sup> Yũhũ muare eropa arĩgu diaye weregu iiaa. Yũ ðpa arĩrĩre Goãmu masimi. Eropa arĩgu ðpa arĩdiaca muare. Jesucristo dihta yũre masicũ iimi ïgu buherire.

<sup>21</sup> Jerusalẽngue árĩra pũhrũ Siria yebague Cilicia yebague ejabũ.

<sup>22</sup> Irisubu Judea yeba majarã Jesucristo yarãpũ yũre ïha masibirima dohpa.

<sup>23</sup> Yũhũ Jesucristo yagũ árĩri querere peenirã árĩma. “ïgu Pablo marire Jesu yarãre ñero iidianũrũ curidigu dohpaguere Jesucristo yare buhegu ãhrimi. Mari Jesucristore umupeorire dedeodiadigu dohpaguere irire Jesucristore umupeoburire buhegu wahami,” gajirã erãre eropa arĩ werecũ peenirã árĩma Judea yeba majarã.

<sup>24</sup> Eropa peerã Goãmu mera mucubiriñorã.

## 2

### *Gajirã Jesucristo ïgu apinirã gameñorã Pablo buherire*

<sup>1</sup> Catorce bojori pũhrũ Jerusalẽngũere wabũ daja. Bernabé wami yũ mera. Tito sãre aĩgãbũ. Goãmu yũre wadoremĩ Jerusalẽngue. Eropigu erogue wabũ.

<sup>2</sup> Eropigu erote eja Jesure umupeorã gamenererogue yũhũ erã oparãre boje sihuu werebũ erãre. Judio masa árĩbirãre Jesucristo marire tauburi buherire yũ buherare werebũ oparãre. Eropa weregu erã yũ buherire ðaro masicũ erãre “Õapũrica,” arĩcũ iidibũ erãre. Erã yũ buherire gamebirã yũ buheri sãre “Waja mariri ãhraa,” arĩbocoma, arĩ pepirabũ yũhũ. Erã gamema.

<sup>3</sup> Eropirã erã Titore ïgu judio masũ árĩbiriqũregũ ïgu Jesure umupeogu arĩcũ ïha erã judio masa dorero dopa iidorebirima ïgũre. Eropirã ïgũre gasiro merogã wiri aĩdorebirima ïgũre.

<sup>4</sup> Gajirãpũ Jesure umupeorã gamenererogue ñajajanirãpũ ïgũre circun-cisión gasiro merogã wiri aĩcũ gamerima. Erã Jesure umupeorã gohra árĩbirima. Erã gũa sihubiriqũrecũ gũa pohrogue peedurirã ñajajanirã árĩma. Gũare weresãdiana. “Erã Jesu yarã Moise dorere iibirã ãhriima,” arĩdiama gũare. “Goãmu pohro wadiarã gũa dorere iiro gahmea marire,” arĩ dorediarima daja. Gũa Jesucristo yarãpũre Jesucristo tautuhajami gũa Goãmu mera ðaro árĩborore.

<sup>5</sup> Eropirã erã eropa gũare dorecũ ïarã erãre ne yũhribiribũ. Erãre yũhrirã iri Jesucristo marire tauburi buherire queoro buhemasibiriboaya muare. Eropirã erã dorediarire cãhmotacãbũ.

<sup>6</sup> Eropirã Jesu yarã oparã yu buherire erãre weretuhajara puhrũ “Mu buheri õhaa,” arĩrã, yu buherire yure gohrotodiabirima. Gua judio masa dorerire iiburi sãre buhedorebirima. Erore erã oparãre masa umupeoquerecũ erã iiro dopa iibiribũ. Goãmu árĩpehrerãre oparã árĩrã sãre bu árĩrã sãre yujuropa ta ihami. “Erãre beyediro dopa ta yu sãre Goãmu beyemi,” arĩ pepibũ.

<sup>7</sup> Eropirã oparã yu buherire gohrotodiabirã judio masare árĩbirãre yu buhe curirare peema. Eropirã yuhũ Jesucristo igũ yare buhebure apidigu árĩcũ iha masima yure. Eropirã õpa arĩma yure: “Igu Goãmu judio masare iri õari buherire buhebure igũ Pedrore apidiro dopa ta mu sãre apiñumi. Judio masa árĩbirãpũre iri buherire buhebure mure apiñumi,” arĩma yure.

<sup>8</sup> Eropigu igũ Goãmu Pedrore judio masare buhebure obeodigu ta yu sãre obeomi judio masa árĩbirãre buhebure.

<sup>9</sup> Eropirã erã oparã urerã Santiago, Pedro, Ñu mera yure iha masima. Goãmu igũ mahiri mera igũ yure beyedigu yu árĩcũ masima. Eropirã yure Bernabé sãre õaro bocatĩrima. “Eropa ta iirã mari. Mari yujuro mera buherã. Mũapũ judio masa árĩbirã pohrogue buherã warãca. Gũapũ judio masare buherã warãca,” arĩma yure Bernabé sãre.

<sup>10</sup> “Iri dihta iiro gahmea,” arĩma gũare. “Mojomorocũrãre itamuniguicãro gahmea,” arĩma. “Eropa ta iiaa,” arĩbũ gũa erãre. Eropigu eropa ta yu buhe curirogue Jesu yarã mera niyerure gameneo erã mojomorocũrãre ohaa dohpa.

#### *Antioquãgue Pablo Pedrore werepũ igũ õaro iibirirare*

<sup>11</sup> Ero puhrũ gũa Antioquã macague árĩcũ Pedro curigu erami gũa árĩrore Jesure umupeorã gamenererogue. Eroque erara puhrũ Pedro queoro iibiricũ iha igũ eropa iira dipuwaja bũrigã werebũ igũre Jesure umupeorã peeuro.

<sup>12</sup> Eropigu Pedro Antioquãgue ne eragu gamenere bamũrimi judio masa árĩbirã Jesure umupeorã mera. Irisubu gajirã judio masa Santiago obeonirã erama. Erã eranirã õpa arĩ pepirã árĩma. “Árĩpehrerã Jesure umupeorã judio masa árĩbirã sã gũa dorerire iiro gahmea Goãmu erãre õaro iaborore. Eropirã árĩpehrerã judio masa iiro dopa gasiro merogã wiri airo gahmea. Eropa árĩbirã mera babiricãro gahmea,” arĩrã árĩma eranirãpũ. Eropigu Pedro erã eracũ iha judio masa árĩbirãre dũca wami. Erã gasiro merogã wirisũbirinirã árĩcũ erãre dũca wami erã eranirã weresãrĩre güigu. Erã mera babirimi pare.

<sup>13</sup> Igu eropiicũ iha ero majarã gajirã judio masa erã sã dũca wama judio masa árĩbirãre. Bernabé sã erã iiri queoro árĩbiricũ masiqueregu erãre ihacũ igũ sã dũca wami erãre.

<sup>14</sup> Erã eropiicũ iha gamebirigohracãbũ yuhũ. Erã judio masa árĩbirãre dũca warã “Jesu dihta marire taumi,” arĩ ihmubirima. “Moise doreri sãre umupeoro gahmea,” arĩ ihmurima erã judio masa árĩbirãre. Eropigu yuhũ árĩpehrerã Jesure umupeorã peeuro bũrigã arĩbũ Pedrore. “Mũhũ judio masũ árĩqueregu õguere ne eragu judio masa árĩbirã mera yujuro mera bagũ gũa judio masa árĩricũrĩre guñabirabũ. ¿Duhpigũ mũhũ dohpaguere gohrotodiari? ¿Eropigu duhpigu dohpaguere erã judio masa árĩbirãpũre gũa árĩricũrĩre iidorediari?” arĩ werebũ igũre igũ queoro iibirira waja.

#### *Árĩpehrerã Jesure umupeocũ Goãmu taumi erãre, arĩ werepũ Pablo*

<sup>15</sup> Gua judio masa porã ahraa. Eropa árĩrã gajirã Moise dorerire tarinũgarã iiro dopa árĩbeaa.

<sup>16</sup> Eropa árĩbiriquererã gũa Jesure umupeorã dohpaguere õpa masirã ãhraa. Yujugũ Moise dorerire iicũ Goãmũ pohro waburi árĩbeaa. Ĩgũ Jesucristore umupeonijagũ ĩgũ ñeri iira dipuwajare cãdijisũdigũ wahami. Iri mera dihta õhami Goãmũ mera. Eropirã gũa judio masa árĩquererã Goãmũ mera õaro árĩmorã Jesucristore umupeobũ. Goãmũ mera õaro árĩmorã Moise dorerire iibiribũ. Ĩgũ mera õaro árĩmorã gũa dorerire umupeorã Goãmũ mera õaro árĩbiriboaya. Eropirã Jesucristore umupeobũ gũa ñeri iira dipuwaja pehrebro dopa.

<sup>17</sup> Eropirã gũa Jesucristore umupeori mera gũa Goãmũ mera õaro árĩrãca. Eropa Jesucristore umupeorã Moise dorerire iibiriquererã Goãmũ dorerire tarinũgarã iibea. Jesucristo sã Goãmũ dorerire tarinũgadoregũ ne árĩbeami.

<sup>18</sup> Eropigũ masare õpa arĩ buhea yũhũ. Goãmũ mũare “Õarã ãhrima,” ĩgũ arĩ ĩaboro dopa Jesucristopũre umupeoro gahmea. Eropigũ “Mũa Goãmũ mera õaro árĩdiarã Moise doreri sãre umupeoro gahmea,” arĩbeaa. Yũhũ Moise dorerire doregũ Goãmũ dorerire tarinũgagũ árĩboya.

<sup>19</sup> Ero corere Moise dorerire iimũriribũ Goãmũ mera õaro árĩdiagũ. Eropa iiqueregũ dipuwajacũgũ árĩmũriribũ. Dohpaguere Jesucristo mera dipuwajacũbeaa. Eropigũ “Iri Moise dorerire iiro gahmea,” arĩbeaa pare. Eropigũ yũhũ Goãmũ ĩgũ dorero dopa ta iigũ iiaa.

<sup>20</sup> Jesucristo crusague sĩrigũ yũ ñegũ árĩrare gohrotodigũ árĩmi. Eropigũ yũ ero coregue árĩdiro dopa árĩbeaa pare. Cristo yũ mera árĩgũ yũre ĩgũ dorerire õaro iimasicũ iimi. Eropigũ yũ árĩricũrare iibea. Jesucristo yapũre iiaa. Ĩgũ Jesucristo yũre mahitarigũ yũre yũ ñero iira dipuwaja sĩribasadi árĩmi. Eropigũ ĩgũre guñaturagũ ĩgũ dorerire iiaa.

<sup>21</sup> Goãmũ mera õaro árĩmorã mari ñecũ sũmarã árĩricũrire, Moise dorerire iicũ Jesucristo mari ñero iira dipuwaja sĩribasara wajamariboya. Eropigũ ne umupeogũ duhusome “Jesucristo marire taumi,” arĩ buherire.

### 3

*Jesucristore umupeori mera Goãmũ marire “Õarã ãhrima,” arĩ ĩhami, arĩ werepũ Pablo*

<sup>1</sup> Mũa pee masibirã ãhraa dohpaguere. Mũare Jesucristo ĩgũ basi mari ñeri iira dipuwajare sĩribasarare mũare werecũ mũa õaro ĩha masiribũ. ¿Mũa eropa õaro masicũ noa mũare goroweoari dohpaguere iri diaye maja mũa umupeoborañere?

<sup>2</sup> Eropigũ õpa serẽpidiaca mũare. ¿Mũa Moise dorerire umupeori mera Espĩritu Santo mũare eranũgari? Erabirimi. Mũa “Jesucristo marire taumi,” arĩ buherire peecũ Jesucristore umupeocũ ĩgũ Espĩritu Santo mũare erami. Ĩgũ yarã mũa árĩmorã árĩcũ erami.

<sup>3</sup> ¿Mũa duhpĩrã pee masibirã iiro dopa wahari dohpaguere? Mũa ne Jesucristore umupeorã Espĩritu Santo ĩtamuri mera ĩgũ yare iimũribũ. ¿Eropirã duhpĩrã dohpaguere mũa turari mera iidiari?

<sup>4</sup> ¿Mũa Jesucristo yarã árĩnũgarã mũa Jesucristore umupeora waja mũa ñero tarirare guñabeari? ¿Mũa eropa umupeora “Bu gohra ãhraa,” arĩ pepiri mũa dohpaguere?

<sup>5</sup> Õpa õaro guñaro gahmea. Goãmũ mũare ĩgũ Espĩritu Santore odigũ árĩmi. Espĩritu Santo mũa mera árĩgũ mũa watope deyoro moarire mũare õarire iimi. Ĩgũ eropiigũ Moise dorerire mũa umupeori mera eropa

iibeami. Mũa “Jesucristo marire taumi,” arĩ buherire ðaro pee ĩgũre umupeocũ eropa iimi.

<sup>6</sup> Gũa judio masa ñecũ Abrahãpũ Goãmũre “Diaye ta árĩgũ ãhrimi,” arĩ ðaro umupeoñumi. ĩgũ eropa umupeocũ ĩha Goãmũ ĩgũre “Ñeri dipuwaja marigũ ðagũ ãhrimi,” arĩ ĩañumi.

<sup>7</sup> Eropirã ðpa masique mũa. Goãmũ ðpa arĩmi: “Árĩpehrerã masa judio masa árĩbirã sã Abrahã umupeodiro dopa ta yũre umupeorã Abrahã pãramerã ãhrima. Eropirã yaharã ãhrima,” arĩmi Goãmũ.

<sup>8</sup> Iribojegue irire Goãmũ arĩ wereyutuhanũmi. ĩgũ werepira ðpa ãhraa ĩgũ yare gojarapũgue: “Árĩpehrerã masa judio masa árĩbirã sã yũre umupeorãre ‘Õarã ãhrima,’ arĩ ĩagũca. Ñero iira dipuwaja marirã ĩagũca erãre,” arĩñumi. Eropigũ iri ðari buherire Abrahãre arĩ wereyuñumi. “Árĩpehrerã masa mũhũ yũre umupeoro dopa ta yũre umupeocũ ‘Õarã ãhrima,’ arĩ ĩagũca yũhũ erãre. Erãre ðaro iigũca,” arĩñumi Goãmũ Abrahãre.

<sup>9</sup> Abrahã Goãmũre ĩgũ umupeocũ Goãmũ ðaro iĩñumi ĩgũre. Eropigũ árĩpehrerã masa mari sã ĩgũre umupeocũ Goãmũ ðaro iigũcumĩ mari sãre.

<sup>10</sup> Gajirã ðpa arĩrã ãhrima. “Moise dorerire ðaro iicũ Goãmũ ‘Õarã ãhrima,’ arĩ ĩagũcumĩ marire,” arĩrima. Eropa arĩrã dipuwajacũrã ãhrima dohpa. Goãmũ yare gojarapũgue ðpa arĩ werea. “Moise dorerire iirã erã iri dorerire árĩpehrerire queoro iipehobirã dipuwajacũrã ãhrima,” arĩ gojara ãhraa. Eropirã iri dorerire iipehomasibirira waja dipuwaja moasũmorã ãhrima árĩpehrerã.

<sup>11</sup> Ne yujugũre iri dorerire iipeho masiya mara. Eropirã Moise dorerire iiri mera Goãmũ mera ðamasibeama. Õpa arĩ gojañuma Goãmũ yare gojarapũgue. “ĩgũre umupeorãre Goãmũ ‘Õarã ãhrima,’ arĩ ĩhami. Ñero iira dipuwaja marirã ĩhami. Eropirã erã ðaro árĩniguicãrãcoma Goãmũ mera,” arĩ gojañuma. Eropirã mari masia. Ne yujugũre iri dorerire ĩgũ iiri mera Goãmũ ĩgũre “Õagũ ãhrimi,” arĩ ĩabeami. Goãmũre umupeogũ dĩata ðaro árĩgũcumĩ ĩgũ mera.

<sup>12</sup> Goãmũre umupeogũpũ, “Goãmũ yũre yũ ñero iira dipuwaja maricũ iigũcumĩ,” arĩmi. Moise dorerire iigũpũ “Yũ basi iri dorerire iigũ ñero iira dipuwaja mariro ðaro árĩgũca,” arĩrimi. Eropigũ ĩgũ iri dorerire iipehomasibigũ árĩgũ ñero iira dipuwajacũgũ dujami.

<sup>13</sup> Eropirã mari árĩpehrerã iri doreri mera ñero iira dipuwajacũrã dujamũriribũ. Mari eropa árĩcũ ĩha, Jesucristo mari ñero iira dipuwaja ĩgũ basi wajayemi ĩgũ crusague sĩrigũ. Goãmũ yare gojarapũgue ðpa werea: “ĩgũ yucũgũgue dirisiudigũ Goãmũ ĩgũ ñero iira dipuwaja moadigũ ãhrimi,” arĩ gojañuma iri bojegue. Eropigũ Jesucristore crusague dirisiudigũre mari ñero iira dipuwajapũre Goãmũ ĩgũre dipuwaja moadigũ arĩmi. Eropirã maripũ ñero iira dipuwaja marirã dujaa pare.

<sup>14</sup> Jesucristo eropiicũ Goãmũ Abrahãre ðaro ĩadiro dopa ta judio masa árĩbirã sãre ðaro ĩanũgami. Eropigũ ĩgũ arĩdiro dopa ta ĩgũ obeodigũ Espĩritu Santopũ erami marire Jesucristore umupeorãre.

### *ĩgũ buherare werenemopũ Pablo*

<sup>15</sup> Mari masa mari iiro dopa ta weremũhtagura mũare. Perã “Õpa iirãca,” erã arĩ weretamura pũhrũ gajigũ gohrotomasibeami.

<sup>16</sup> Eropigũ Goãmũ Abrahã mera weretamura pũhrũ Abrahãre ĩgũ arĩrare gohroto masiya mara. Õpa arĩ werepiñumi ĩgũre: “Mũ pãrami

áríturiagu mera árĩpehrerã masare õaro iigũra,” arĩ wereñumi. Eropa arĩgu ïgu pãramerã áríturiarãgue mera arĩgu iibiriñumi. Yujugu ta ïgu pãrami áríturiagu dihtare arĩgu iinũmi. Eropa arĩgu ïgu pãrami áríturiagu Jesucristo ariburire arĩ wereyugu iinũmi.

<sup>17</sup> Eropigu õpa arĩ werea mũare: Iribojegue Goãmũ Abrahã mera weretamugu masare ïgu õaro iiburire wereñumi. ïgu eropa weretamura pũhrũ yoari boje pũhrũ cuatrocientos treinta bojori áríturiagu mera árĩpehrerã masare õaro iigũra,” arĩ wereñumi. Eropa arĩgu ïgu pãramerã áríturiarãgue mera arĩgu iibiriñumi. Yujugi pũhrũ Moiserẽ ïgu doreri apiñumi. Moise doreri árĩnũgaquerecũ Goãmũ Abrahãre werepira pehrecũ iibiriyoro.

<sup>18</sup> Goãmũ Abrahãre mahigu õpa ïgũre arĩ weretuhañumi. “Árĩpehrerã masare mũ yũre umupeoro dopa ta yũre umupeorãre õaro iigũca,” arĩ weretuhañumi. Eropiro Moise doreri árĩnũgaquerecũ Goãmũpũ iri dorerire iiri mera masare taubeami. Moise doreri iiri mera mari taricũ Goãmũ mũare “Waja mariro õaro iig mera arĩgu iibiriñumi. Yujugũca,” ïgu arĩrapũ duhpiburi árĩbiriboaya.

<sup>19</sup> ¿Eropigu duhpiburire iri dorerire Moiserẽ apiyuri Goãmũ? Masa erã ñerire masiborore apiñumi iri dorerire erã ñero iira dipuwaja masiborore. Abrahã pãrami áríturiagu Jesucristo ïgu eracũgue árĩtuya iri doreri. Eropigu Jesucristo ïgu eracũ Goãmũ Abrahãre ïgu werediro dopa ta masare õaro iinũmi. Goãmũ iri dorerire apigu anyuare weremũhtañumi. Erã anyua wereñuma Moiserẽ. ïgu Moisepũ masare wereñumi.

<sup>20</sup> ïgu masare õaro iiburire Goãmũ ïgu basi ta werepiñumi Abrahãre. Gajirã mera werebeobiriñumi ïgu iri dorerire apidiro dopa ta. Eropigu ïgu Abrahãre werepirapũ Moise doreri tauro õhaa.

### *Moise dorerire werepũ Pablo*

<sup>21</sup> Goãmũ Moiserẽ ïgu dorerire apigu, ero coregue Abrahãre ïgu arĩrare “Yũ arĩdiro dopa iisome pare yũhũ,” arĩgu iibiripũ ïgu. Abrahãre ïgu arĩmũhtadiro dopa iibu iipũ. “Masare õaro iigũca,” ïgu arĩrare iibu iipũ dohpa. Moise dorerire iiri mera mari Goãmũ mera õaro árĩmasirã mari iri dorerire õaro iirã ñero iira dipuwaja opabiriboya.

<sup>22</sup> Eropa árĩquerecũ Goãmũ yare gojarapũgue õpa ãhraa: “Masa árĩpehrerã erã ñero iira dipuwaja opama, arĩ gojara ãhraa. Eropa dipuwajacũrãre erã Jesucristore umupeocũ Goãmũ õaro iigũcumĩ erãre. ïgu Abrahãre werediro dopa ta iigu erãre ñero iira dipuwaja marirã ïagũcumĩ.

<sup>23</sup> Jesucristore umupeori mera masare tauburi árĩboro core gũa Moise doreri doca árĩmũribũ. Eropa Moise dorerire iirã peresugue árĩro dopa árĩmũribũ. Jesucristo gũare tauboro core eropa árĩmũribũ.

<sup>24</sup> Õpa sã árĩburi árĩbũ Moise doreri: Moise doreri mera Jesucristore mari masiburi erabũ. Mari porãre erã buherogue soro dopa ta Moise doreri marire Jesucristore masicũ iibũ. Eropirã mari Jesucristore umupeocũ ïgu marire taumi. Mari ñero iira dipuwaja maricũ iimi.

<sup>25</sup> Eropirã dohpaguere mari Jesucristore umupeorãre Goãmũ “Õarã ãhrima,” arĩ ïhami. Gũa Jesucristore masirã ïgũre umupeorã arĩrã dohpaguere Moise doreri doca árĩbeaa pare.

<sup>26</sup> Mũa sã árĩpehrerã Jesucristore umupeorã ïgu yarã árĩrã Goãmũ porã ãhraa.

27 Eropirã mũa árĩpehrerã Jesucristore umupeorã ĩgu waĩ mera waĩyesũnirã árĩrã Jesucristo ĩgu iro dopa ta ãhraa. Jesucristo Goãmũ magũ árĩro dopa ta mũa sã Goãmũ porã ãhraa.

28 Eropirã árĩpehrerã Jesucristo yarã yujuro mera ãhraa. Yujugũ porã iro dopa ãhraa. Eropigũ gũa judio masare mũa judio masa árĩbirã sãre Goãmũ yujuropa ta ĩhami. Masa pohro majarãre erã oparã sãre yujuropa ta ĩhami. Ûmare nome sãre yujuropa ta ĩhami.

29 Eropirã mũa Jesucristo yarã árĩrã Abrahã pãramerã sã ãhraa. Eropigũ Goãmũ Abrahãre “Mũre õaro ĩigũra,” arĩrare mũa sãre iimi. Cristo yarã mũa árĩcũ ĩagũ mũare õaro ĩigũcumi.

#### 4

1 Mari iri doreri doca árĩbiriborore mari Jesu yarã árĩborore weregũra daja. Yujugũ majigũ ĩgu pagũ yare wũaro opapehobu árĩqueregũ majigũ árĩgu pohro majagũ iro dopa ãhrimi. Gajirã dorero doca ãhrimi dohpa.

2 Gajirã ĩgu pagũ apinirã ĩgu ya árĩburire ĩhadibuma dohpa. ĩgu pagũ gameranũ árĩcũgue ĩgu basi ĩgu yare doremi pare.

3 ĩgu majigũ gajirã dorero doca ĩgu árĩro dopa ta mari masa mari ñecũ sũmarã árĩricũri doreri doca árĩmũriribũ. Pohro majarã iro dopa ta árĩmũriribũ.

4 Mari eropa árĩnirãre mari Pagũ Goãmũ ĩgu gameranũ ejacũ ĩgu magũre ĩgu pohro árĩdigũre obeodigũ árĩmi. ĩgũre obeocũ ĩgu nomeoguere dehyoadigũ árĩmi. Eropa dehyoagũ judio masũ árĩdigũ árĩmi Moise dorerire ĩgu. Eropigũ Goãmũ obeodigũ árĩmi ĩgu magũre.

5 Gũa iri doreri doca árĩrãre taubure obeodigũ árĩmi ĩgu magũre. ĩgu marire taugũ mari pohro majarã iro dopa árĩnirãre wiugũ ĩgu porã árĩcũ iimi.

6 Eropiituhaja mũa sã ĩgu porã árĩcũ ĩgu Jesucristo mera Espĩritu Santore obeomi mũare. Eropirã Espĩritu Santo marire ĩgu itamuri mera Goãmũre mari Pagũre “Ahũ,” arãa mari pare.

7 Eropirã mũa Goãmũ porã ta ãhraa. ĩgu porã árĩrã mũa ñecũ sũmarã doreri doca, pohro majarã iro dopa árĩbeaa pare. Goãmũ magũ Jesucristo wiunirã ãhraa. Mũa eropárĩrã ĩgu porã árĩrã Goãmũ oburire oparãca mũa árĩpehrerire.

#### *Pablo Galacia majarã Jesu yarãre guñaricũpũ*

8 Mũa ero core Goãmũre masibirã árĩrã gajirã goãmarãre umu-peomũriribũ. Eropirã erã pohro majarã iro dopa árĩmũrirabũ. Goãmũ gohrare umupeobirimũribũ.

9 Eropa árĩquererã ta dohpaguere Goãmũre masia. Goãmũpũ mũare ĩha masimi. ¿ĩgu eropa masiquerecũ ta duhpirã i yeba majarã erã pepirire gahmeri daja? ¿Duhpirã iribojegue mũa ñecũ sũmarã doreri mũa ĩdiro dopa ta mũraro ta Cristo mariro dopa ta ĩdiari daja? ¿Eropirã duhpirã dohpaguere Moise dorerire mũa ĩnũgarã, pohro majarã iro dopa árĩdiari daja mũa?

10 Judio masa erã bosenũri iro dopa mũa sã ĩica Goãmũ mera õadiarã. Soorĩnũri nũcũ, aberi nũcũ, bosenũrĩre eropiica. Bojori nũcũ bosenũrĩre õaro ĩica. Mũa eropiiri queoro árĩbeaa.

11 Mũa eropiicũ pee ñero sĩporãcũca yũpũ. Mũare yũ turaro buhe-querrecũ ta “Iri waja mariboca,” arĩ pepia.

12 Eropigũ yũhũ mũare bũrigã õpa arĩ werea. Mari Jesucristore umupeo-turadiro dopa ta umupeoque daja. Yũ Jesucristore umupeogu gũa judio



masa doreri yure taubiricũ ãha irire umupeobiribũ pare. Eropirã mũa sã Jesucristore umupeorã iri dorerire umupeobiricãro gahmea Goãmũ mera õaro árĩmorã. Yũhũ mũa pohro ne árĩcũ mũa ne ñero iibiribũ yure.

<sup>13</sup> Mũa masia yũhũ mũa pohro ne árĩdirore. Yũhũ Jesucristo marire tauburire ne mũare buhegũ ejagũ dorecũgũ árĩbũ.

<sup>14</sup> Yũ dorecũgũ ñero taribũ. Yũ eropa dorecũgũ árĩquerecũ mũa yure doobiribũ. Yure õaro umupeo õaro bocatĩribũ. Goãmũ obeodigũ anyu árĩro dopa yure ãabũ. Yure Jesucristore iiro dopa õaro iibũ.

<sup>15</sup> Yure bũrigã gamebũ. Yure bũrigã gamerã yũ serẽropẽ ta árĩpehrerire omorã árĩbũ yure. ¿Mũa eropa árĩcũ dohpa wahari dohpaguere? Mũa negohraguere yure mucubiridiro dopa ta dohpaguere mucubiribea.

<sup>16</sup> ¿Mũare diaye majare yũ werera waja mũa ãhaturigũ wahari dohpaguere?

<sup>17</sup> Mũa pohrore gajĩ buherire buherã mũare õaro umupeocoma. Erã eropa umupeoquererã mũare sĩporã mera mahibiricoma. Mũa yure yũ buheri sãre gamebiricũ gahmema erã. Mũa erãpũre umupeocũ gahmema. Eropirã mũare umupeocoma.

<sup>18</sup> Masare umupeocũ õapũrica. Erã weca dihta umupeocũ õabeaa. Yũ árĩcũ dihtare umupeocũ õabeaa. Árĩpehrerãre yujuropa ta õari mera umupeoniguicãro gahmea.

<sup>19</sup> Mũa yũ porã iro dopa ãhraa. Eropigũ mũare guñaricũa. Mũare bũrigã guña teboricũa. Yujugo porãcũbo teboricũro dopa ta yũ sã teboricũa mũare guñagũ. Igo magũ õaro dehyoacũ gamego teboricũmo. Mũa Goãmũ porã õaro árĩcũ gamegũ teboricũa yũ sã. Mũa Jesucristo árĩricũre õaro opacũ gahmea.

<sup>20</sup> Mũa pohro bũrigã wadiarica. Yũ mũa mera árĩgũ yũ basi mũare õaro weremasiboya gojaripũ gojaro mariro. Eropigũ mũare dohpaguere ãabigũ mũa Jesucristore õaro umupeoturanemoborore masibirica.

*Agar Sara mera erã árĩrare werequeogũ mari Goãmũ porã árĩrare werepũ Pablo*

<sup>21</sup> ¿Mũa Goãmũ mera õaro árĩmorã Moise dorerire iiniguicãdiarã mũa Moise arĩ gojarare masibeari?

<sup>22</sup> Õpa arĩ gojañumi Moise: Abrahã porã ũa perã árĩñuma. Ñgũ marapo pohro majago Agar waĩcũgo yujugũ porãcũñumo. Pũhrũ Abrahã marapopũ Sara waĩcũgo gajigũ porãcũñumo.

<sup>23</sup> Ñgũ pohro majago magũ mari masa iro dopa ta masa dehyoañumi ñgũ. Abrahã igore porã moara pũhrũ mata nijipo ãhri porãcũñumo. Ñgũ marapopũ mata porã bocamasibiriñumo. Eropigũ Goãmũ ñgũ arĩdiro dopa ta igore porã bocacũ iĩñumi.

<sup>24-25</sup> Erã perã nome iribojegue eropa warare õpa buhegũra mũare. Goãmũ Abrahãre wererare iirã Sara árĩro dopa ãhrima. Gajirã Moise dorerire iirã Agar iiro dopa ãhrima. Agar igo porã sã gajirã dorero doca árĩmũriñuma. Pohro majarã árĩmũriñuma. Erã árĩdiro dopa ãhrima Moise dorerire iirãpũ. Eropirã Moise doreri doca árĩmũrirã ãhrima pohro majarã iro dopa árĩrã. Iri dorerire iirã “Goãmũ mera õaro árĩrãca,” arĩmũririma. Iri dorerire Goãmũ Moiserẽ apĩñumi Sinaí waĩcũdigũ ıtãgũgue Arabia yebague. Dohpaguere iri dorerire Jerusalẽgue judio masa umupeoma. Eropirã iri doreri doca ãhrima.

<sup>26</sup> Õpa ãhrima Goãmũ Abrahãre wererare iirãpũ. Erã Jesucristore umupeorã ãhrima. Sara árĩdiro dopa ãhrima. Sarapũ pohro majago

árĩbirimuriñumo. Mari Jesucristore umupeorã “Moise doreri mera taribeaa,” arãa. Jesucristo marire taucũ Goãmũ porã árĩrã mama Jerusalén maca majarã ãhraa.

<sup>27</sup> Eropirã Jesucristore umupeorã Goãmũ porãpũ bajarã árĩrãcoma. Moise dorerire iirãpũ bajamerã árĩrãcoma. Eropã ta arĩ werea Goãmũ yare gojarapũgue:

Mũhũ ne porã opabigo, porãcũri pũririñe pepibigo ðaro mucubirique. Gajigo igo marapũ mera árĩgo igo porã árĩquerecũ igo pãramerã árĩturiarã bajamerã árĩrãcoma. Mũpũre dohparagã mũ porã mariquerecũ mũ pãramerã árĩturiarã tauro bajarã árĩrãcoma. Eropigo mucubirique, arĩñumi Goãmũ.

<sup>28</sup> Isaa Abrahã magũ árĩdiro dopa mari Goãmũ porã ãhraa. Isaa Abrahã magũ dehyoagũ Goãmũ ĩgũ werediro dopa ta dehyoañumi. Mari Goãmũ porã árĩrã Goãmũ ĩgũ werediro dopa ta ĩgũ porã ãhraa.

<sup>29</sup> Eropirã Abrahã porã perã arĩñuma. Pohro majago magũ Ismael árĩpehrerã masa iro dopa dehyoañumi. Isaapũ ĩgũ pago igo porã bocamasibiricũ Espĩritu Santo itamuri mera porãcũñumo. Erã dehyoara pũhrũ Ismaepũ pohro majago magupũ Isaare Abrahã marapo magũre ĩgũ ñero taricũ iimuriñumi. ĩgũ iidiro dopa dohpaguere eropa wahaa. Erã Moise dorerire iidorerãpũ marire ñero taricũ iima. Mari Espĩritu Santo itamuri mera Goãmũ porã ãhraa. Mari eropa árĩrãre marire ñero taricũ iima.

<sup>30</sup> Eropã wacũ Goãmũ yare gojarapũgue irire dohpa arĩrire buherãca. Õpa Goãmũ arĩñumi Abrahãre. “Mũ pohro majago magũ mũ oparire ne opasome, arĩñumi. Mũ marapo magũ dihta opapehogũcumĩ. Eropigũ mũ pohro majago igo magũ mera cóãque mũ pohrore,” arĩ wereñumi Goãmũ Abrahãre.

<sup>31</sup> Eropirã, yũ acawererã, mari Goãmũ porã árĩrã pohro majago magũ iro dopa árĩbeaa. ĩgũ pagũ oburire opamasibiriñumi. Maripũ mari Pagũ Goãmũ ĩgũ oburire opamasirãca. Marire ĩgũ mera ðacũ iimi.

## 5

*Cristo marire ĩgũ taura pũhrũ turarã árĩro gahmea marire, arĩ gojarũ Pablo*

<sup>1</sup> Eropigũ marire mari ñecũ sumarã árĩricũri dorero doca árĩnirãre Jesucristo tautuhajami. Mari ñero iira dipuwajare Jesucristo ĩgũ basi wajayebasami mari Goãmũ mera ðaro árĩboro dopa. Eropirã mari Goãmũ porã árĩrã Jesucristore guñaturaniguicãro gahmea. Eropirã peebiricãro gahmea erã Moise dorerire iidorerãre.

<sup>2</sup> Õaro peeque yũre. Yũhũ Jesucristo ĩgũ apidigũ ãhraa. Eropigũ mũare ðpa werea. Mũa Goãmũ mera ðaro árĩmorã mũa gasiro merogã wiri aĩcũ Jesucristo mũare ĩgũ sĩribasara waja mariboya.

<sup>3</sup> Eropigũ guhyadiaro mera werea daja. Goãmũ mera ðaro árĩborore erã gasiro merogã wiri aĩrã Moise dorerire árĩpehrerire iiro gahmea erãre.

<sup>4</sup> Eropirã mũa “Goãmũ marire taugũcumĩ Moise dorerire iicũ,” mũa arĩdiarã, mũa Jesucristore cóãrã iiboca. Mũa eropiirã Goãmũ ĩgũ mera ðaro árĩburire mũare ðaro ĩgũ iiburire cóãrã iiboca.

<sup>5</sup> “Maripũ Goãmũ mera ðhaa,” arĩmasia Jesucristore umupeori mera, Espĩritu Santo ĩgũ itamuri mera. “Goãmũ guare ‘Ñero iira dipuwaja mariro ðarã ãhrima,’ arĩ ĩagũcumĩ,” arĩmasia.

<sup>6</sup> Eropiro gasiro merogã wiri aĩnirã árĩcũ sãre, wiri aĩbirinirã árĩcũ sãre ãabeami. Mari Jesucristore umupeorã árĩcũ gajirãre mari mahi umupeocũ ãhami Goãmũ.

<sup>7</sup> Mũa ne Jesucristore umupeorã ãgu yare ðaro diaye iimũribũ. Eropirã dohpaguere mũa Jesucristo yare diaye majare ðaro iibiricũ gajirã mũaare cãhmotañorã.

<sup>8</sup> Goãmũpũ eropa iibirimi. ãgu mũaare Jesucristo yarã árĩmorãre beyegũ ãhrimi.

<sup>9</sup> Eropigũ ðpa werea mũaare. Yujugũ masũ ãgu gũyarire buhenũgacũ peerã masa árĩpehrerã ãgũre peerã gũyarire umupeorã wahama ðaripũre peediabirã.

<sup>10</sup> ãgu mũaare eropa gũyarire buhenũgaquerecũ ðpa arĩ pepia. “Erã Jesucristore umupeorire oparã erã iri gũya buherire umupeosome,” arĩ pepia yũhũ mũaare. Mũaare goroweocoregũre noho árĩgũre ãgu eropa iira dipuwajare Goãmũ dipuwaja moagũcumĩ ãgũre.

<sup>11</sup> ðpa arĩ werewũañorã gajirã yũpũre: “ ‘Mari Goãmũ mera ðaro árĩmorã mari gasiro merogã wiri aĩro gahmea,’ arĩ buhemi Pablo,” arãñorã yũre. Yũhũ eropa arĩ ne buhebeaa. Yũhũ dohpaguere “Gasirogã wiri aĩro gahmea,” yũ arĩ buhecũ irire iidorerãpũ yũre ñero taricũ iibiriboañuma. Yũ ðpa arĩ buhea: “Mari ñero iira dipuwajare Jesucristo wajayebasadi árĩmi crusague sĩrigũ. Eropirã mari Goãmũ mera ðaro árĩmorã Jesucristore umupeoro gahmea,” arĩ buhea yũhũ. Yũ eropa arĩ buhecũ judio masa pee guama. Yũre ñero taricũ iima.

<sup>12</sup> Erãpũ mũaare goroweorãpũ gasiro merogã wiri aĩdorerãpũ erã basi wiri aĩpehocãporo.

<sup>13</sup> Mũaapũre Goãmũ mũa ãgu porã árĩmorãre aĩgu mũa Moise dorerire iimorãre beyebiripũ. Mũaare iri dorerire iidorebiriquerecũ mũa mũa ãaribejarire iibiricãro gahmea. ðpa iiro gahmea. Mũa árĩpehrerãre ðaro mahi umupeorã erãre itamuniguicãro gahmea. Mũa gajirãre umupeorã Moise dorerire árĩpehrerire iirãca.

<sup>14</sup> Eropa ta arĩ gojara ãhraa: “Mũ basi mahiro dopa ta mũ pohro árĩrãre mahique,” arĩ gojara ãhraa.

<sup>15</sup> Eropirã mũa game ãhaturicũ, papũri, mũa disitĩri wereniguicũ mũa basi ðaro mũa game umupeoro pehreboca. Eropirã mũa basi ðaro árĩro gahmea.

*Masa erã gamerire iirire Espĩritu Santo ãgu gameri sãre werepũ Pablo*

<sup>16-17</sup> ðpa arĩ werediaca mũaare. Mari Jesucristo yarã árĩcũ mari pepirigue ðpa ãhraa. Mari ñeri ãaribejari ãhraa. Espĩritu Santo ãgu gameri sã ãhraa. Mari ãaribejari Espĩritu Santo ãgu gameri mera yujuro mera árĩbeaa. Eropiro marire masiya mariro wahaa. Eropirã mũa Espĩritu Santopũre yũhrirã mũa ãaribejaripũre iisome. Eropirã Espĩritu Santo ãgu gamerire iiniguicãque.

<sup>18</sup> Eropirã Espĩritu Santo gamerire iirã árĩrã “Moise doreri mera mari tarirãca,” arĩ pepibea mũa.

<sup>19</sup> Masa erã ñeri ãaribejarire erã iicũ ðaro ãhamasica mari. ðpa iima erã ãaribejarire iirã: Ŧma gajirã nome mera ñero iima. Nome sã gajirã ãma mera ñero iima. Diayea iiro dopa iiricũma. Ñerire pepima. Ñerire wereniguima.

<sup>20</sup> Eropirã goãmarã wéanirãre umupeorã “Mari goãmũ ãhrimi,” arĩ umupeoma. Gajirãre dojama. Eropirã masare doho ãhrima. ãhaturima. Disitĩri wereniguima. Gajirãre doéma. Mata guama. Gajirãre

tarinugadiama. Yujuro mera árĩdiabeama. Yuju curu majarã gaji curu majarãre ìhaturima.

<sup>21</sup> Eropirã gajirãre gajinore erã opacũ ìhaturima. Gajirãre wejẽdiarã wejẽma. Merericurã àhrima. Mererã ñerire ùaribejama. Eropa iirã gajino ñeri sãre iima. Eropigũ yũhũ mũare werediro dopa ta werea daja guhyadiaro mera. Iri ñerire iiniguigũ Goãmũ ìgũ opũ árĩroguere ejamasisome.

<sup>22</sup> Espĩritu Santo yapũ õpa àhraa. Erãre õpa iirã árĩcũ iimi. Árĩpehrerãre mahi umupeoma. Mucubirima. Gũiro mariro àhrima. Gajirã erãre ñero iiquerecũ erã mera guabeama. Mojomoro ìhama. Duhuro mariro Goãmũ ìgũ gamerire õaro iima. Erã mohmediarire erã mohmediabiriri sãre õaro iima.

<sup>23</sup> Eropirã nijiyajaro mera iima. Erã ñero iidiaquererã iibeama. Eropa ta iima Espĩritu Santore yũhrirã. Eropa iirãre “Eropa iibiricãque,” ne arĩbeamĩ gajigũ.

<sup>24</sup> Eropirã mari Jesucristo yarã árĩrã mari ñero árĩdirore duhucã mari gamerire mari ùaribejarire iiniguicãbeaa.

<sup>25</sup> Eropirã mari Espĩritu Santo itamuri mera iirã árĩrã ìgũre yũhriniguicãro gahmea.

<sup>26</sup> Eropirã mari “Yũhũ gajirãre tarinugaa,” arĩ pepibiricãrã. Eropirã gajirãre game ìhaturicũ iibiricãrã. Gajirã erã õari oparire obobiricãrã.

## 6

### *Mũa mera majarãre itamuque, arĩ werepũ Pablo*

<sup>1</sup> Acawererã, mũa mera majagũ Jesu yagũ ìgũ ñerire iicũ ìha ìgũre itamuro gahmea mũa Espĩritu Santo dorerire iirãpũre. ìgũ iri ñerire duhucũ õaro mera werero gahmea. Eropa itamurã mũa õaro pee masique mũa sã ñerire iiri arĩrã.

<sup>2</sup> Eropirã mũa basi game itamuque árĩpehrero. Mũa eropa itamurã Jesucristo dorediro dopa ta iirãca.

<sup>3</sup> Yujugũ “Yũpũ õarire iigũ àhraa,” arĩ pepigũ, ìgũ õarire iibiriqueregũ õpa arĩgũ ìgũ basi gũyagũ iimi.

<sup>4</sup> Eropirã marire õpa iiro gahmea. Mari basi mari iiricũre õaro queoñanũrusiario gahmea. Eropa ìara pũhrũ mari árĩricũri õari árĩcũ ìha “Yũhũ õarire iiaa,” arĩmasia. Eropirã mari õari árĩricũri mera mucubirimasia gajirã árĩricũre ìaro mariro.

<sup>5</sup> Eropigũ mari árĩricũre Goãmũ beyegũcumi. Eropirã mari gajirã erã iiricũre ìhanũrubiricãro gahmea. Eropirã mari yujurãyeri iiripũre ìaro gahmea.

<sup>6</sup> Eropirã Jesucristo yare õari buherire peerãpũ erãre buherãpũre erã gamerire itamuporo árĩpehrerire õarire.

<sup>7</sup> Eropirã “Goãmũ yũ ñerire iira dipuwaja dipuwaja moasome yũre,” arĩ pepi masiya mara. Òpa arĩ pepirã mũa diaye arĩ pepibirica. Eropiro Goãmũre gũya masiya mara. Eropirã mari dohpaguere iira waja pũhrũgue bocarãca.

<sup>8</sup> Eropirã mari ùaribejarire iiniguirã iri ñeri iira waja dipuwajacũrãca. Eropirã peamegue warãca. Mari Espĩritu Santo gameripũre iirã õaro wajatarãca. Eropirã Goãmũ mera ùmũri nũcũ õaro árĩniguirãca.

<sup>9</sup> Eropirã mari Espĩritu Santo gamerire iiniguicãrã. Gariborebiricãrã. Goãmũ gamerinũ mari wajatarãca õarire duhubirã. Eropirã õarire iiniguicãro gahmea.

<sup>10</sup> Eropirã árĩpehrerisubure òaro umupeoro gahmea árĩpehrerãre. Eropirã Jesucristore umupeorãre burigã mahi umupeoro gahmea yujugũ porã iro dopa.

*Pablo ïgu weretura*

<sup>11</sup> Ìata. Yũ basi mũare gojagũ pagari deyori mera gojagũ iiaa.

<sup>12</sup> Eropigũ òpa werea mũare. Erã mũare gasiro merogã wiri aĩdorerãpũ òpa gahmema. Erã dorerire mũa iicũ ïha gajirã judio masa erã mera òaro árĩbocoma. Eropirã erãre ñero taricũ iibiribocoma daja erã Jesucristo yare umupeoquerecũ.

<sup>13</sup> Erã basi gasiro merogã wiri aĩquererã Moise dorerire gajire iibeama. Erã eropa iibiriquererã, mũapũre erã dorerire iidorerã mũa gasiro merogã wiri aĩcũ gahmema erã. Eropa gahmema gajirã judio masare òpa erã arĩboro dopa mucubiriri mera. “Gũa dorero mera Galacia majarã judio masa árĩbirã mari árĩricũre iiaa,” erã arĩboro dopa mũare erã dorerire iicũ gahmema.

<sup>14</sup> Yũ tamera erã eropa mucubiridiaro dopa ta ne mucubirissime. Mari Opũ Jesucristo iira mera dihta mucubiria. Ìgu mari ñero iira dipuwajare wajayebasadigũ árĩmi crusague sĩrigũ. Iri dihtare mucubiria. Jesucristo eropa iira mera yũhũ ïgu taudigũ árĩgu masa erã ùaribejarire guñabeaa pare. I mũmũ maja masa erã ùaribejari sã doremasibeaa yũre.

<sup>15</sup> Eropiro gasiro merogã wiri aĩcũ, wiri aĩbiricũ sãre Goãmũ ïabeami. Masa Jesucristo mera òari mera gohrotorã árĩcũ ïhami.

<sup>16</sup> Erã eropa gohrotonirã árĩpehrerã iri buherire Jesucristo yare yũhrirãre “Erã òaro árĩporo,” arĩ serẽa Goãmũre. “Erãre mũ ya curu majarã gohra árĩrãre mojomoro ïaque,” arĩ serẽbasaa yũhũ Goãmũre.

<sup>17</sup> Yũhũ Jesucristo dorediro dopa ta iigũ ïgu yare buhera dipuwaja gajirã yũre ñero taricũ iima. Erã eropa iira cami mũra ãhraa yũre yũ dũpũre. Eropigũ òpa gahmea: Iripẽta yũre bũjawerecũ iiporo Jesucristo yarãre goroweorã.

<sup>18</sup> Mũare árĩpehrerãre òaro árĩcũ gahmea. Mari Opũ Jesucristo mũare árĩpehrerãre òaro iiporo. Eropa ta iiporo. Iripẽta ãhraa.

## Efesios

### *Efeso majaräre gojabeoñumi Pablo*

<sup>1</sup> Yũhũ Pablo Goãmũ ĩgũ gamero dopa ta Jesucristo yũre ĩgũ yare buhedore apidigũ ähraa. Eropigũ mũare Efeso majaräre gojabeoa. Mũare Jesucristore ðaro umupeoräre gojabeoa yũhũ.

<sup>2</sup> Goãmũ mari Pagũ mera Jesucristo mari Opũ mera mũare ðadorea. ĩgũ mũare itamuri mera ðaro árĩque mũa.

### *Cristo yarã mari árĩcũ ĩagũ Goãmũ ðaro iimi marire, arĩ gojañumi Pablo*

<sup>3</sup> Goãmũ mari Opũ Jesucristo Pagũ marire ðaro iiniguicãmi. Árĩpehreri ĩgũ ya ðari mera ĩgũ mari pepirire ðarire ohomi mari ĩgũ pohro árĩro dopa. Marire sĩporã turacũ iimi. Cristo yarã mari árĩcũ ĩagũ eropa marire ðaro iimi. Gũa ĩgũ eropiicũ ĩha ðaro umupeoa. ĩgũre ðaro wereniguia.

<sup>4</sup> Òpa iipũ ĩgũ marire ĩgũ yaräre: I yeba árĩboro coregue ĩgũ yarã árĩmoräre beyemũhtarũ ĩgũ marire. Eropa beyegũ ĩgũ marire ĩgũ ĩarore ñeri iiro marirã mari árĩmoräre iipũ. Eropigũ ĩgũ marire “Ñerã ährima, arĩsome.

<sup>5</sup> Marire mahigũ mojomoro ĩagũ iribojegue ðpa arĩmũhtarũ ĩgũ marire: “Yũ magũ Cristo ĩgũ itamuro mera erã yũ porã ðaro árĩrãcoma,” arĩ apipũ marire iribojegue ta. ĩgũ gamediro dopa ta eropa iipũ ĩgũ marire.

<sup>6</sup> Marire ĩgũ eropa ðaro iicũ ĩarã umupeoa. ĩgũre ðaro wereniguia. ĩgũ magũ ĩgũ mahigũ Jesucristo yarã mari árĩcũ ĩagũ, ðaro iimi ĩgũ marire.

<sup>7-8</sup> Eropigũ ĩgũ magũ Jesucristo ĩgũ di cóãgũ sĩrigũ mari ñeri iira dipuwajare wajayebasadi árĩmi. ĩgũ eropa wajayebasacũ mari ñeri iirare cãdijidi árĩmi Goãmũ. Eropigũ marire turaro mahigũ, marire mojomoro ĩagũ eropa iipũ Goãmũ. Eropigũ marire peamegue waboniräre taudi árĩmi. ĩgũ ðaro masipehori mera eropiipũ ĩgũ. Eropirã ĩgũre ðaro wereniguia.

<sup>9-10</sup> Eropigũ ĩgũ marire ĩgũ iiborore marire masicũ iimi. Iribojegue majaräre irire masicũ iibirimuripũ ĩgũ. Òpa ähraa marire ĩgũ iiboro. ĩgũ gamediro dopa ta ĩgũ pepidiro dopa ta árĩpehreräre Cristo dorero doca árĩcũ iigũcumi. Eropigũ árĩpehrerire ĩgũ ya árĩcũ iigũcumi. ĩgũ queorasubu árĩcũ umaro majaräre, i yeba majarã sãre ĩgũ dorero doca árĩcũ iigũcumi ĩgũ. Eropigũ umaro maja sãre i yeba maja árĩcũ sãre ĩgũ ya dihta árĩcũ iigũcumi. Eropigũ Jesucristopũ árĩpehrerã weca opũ árĩgũcumi. Eropiro árĩpehreri ĩgũ ya dihta árĩroca. Eropa árĩbure árĩdorepũ Goãmũ ĩgũre.

<sup>11</sup> Eropi Cristo yarã mari árĩborore masiyugũ Goãmũ marire beyetuhapũ ĩgũ yarã árĩmoräre. I árĩpehrerire apipũ ĩgũ, ĩgũ pepidiro dopa ta ĩgũ gamediro dopa ta iibu.

<sup>12</sup> ĩgũ eropiipũ ĩgũ yare gũa iiborore. ĩgũ yare gũa ðaro iicũ ĩarã gajirã sã ĩgũre umupeorã “Turagũ ährimi,” arĩrãcoma. Gũapũ judio masa Cristore gamenuganirã árĩrã ĩgũre umupeomũhtanirã árĩbũ.

<sup>13</sup> Mũa sã diaye wereniguirire, ðari buherire peeabũ. Iri buheri mera ta Goãmũ pohrogue warãca mũa. Irire peerã ĩgũre umupeoa. Eropirã ĩgũ yarã wahabũ mũa. Òpa arĩpũ Cristo: “Yũre umupeoräre Espĩritu Santore obeogũra,” arĩ werepĩpũ. Eropigũ ĩgũre mũa ua iiborore. ĩgũ yare gũa

õaro iicũ ĩarã gajirã sã ũmupeocũ ĩagu ĩgu Espíritu Santore odigu árĩmi mũare. Eropigu ĩgure mũa opacũ, “Jesucristo yarã ãhraa,” arĩ masicũ iimi ĩgu mũare.

<sup>14</sup> Goãmũ marire taricũ iiami. Eropigu pũhrũ ĩgu pohrogue aĩagũcumi marire ĩgu oburire marire obu. Marire aĩaboro core Espíritu Santopũ mari mera ãhrimi. ĩgu mari mera árĩcũ Goãmũ mera mari árĩborore õaro masia. Goãmũ marire ĩgu eropiicũ ĩarã ĩgure umupeori mera, “Õagu ãhrimi,” arãa mari.

### *Pablo Goãmũre serẽbasañumi Jesu yarãre*

<sup>15-16</sup> Eropigu Jesucristore umupeorã mũa árĩcũ peebeo, árĩpehrerã ĩgu yarãre mũa umupeo mahirire peebeogu Goãmũre “Õhaa,” arãa. Eropigu Ʃmũri nũcũ serẽbasaa mũare Goãmũre.

<sup>17</sup> Mari Pagũ Ʃmaro majagu ĩgu yare mũare õaro masicũ iidoregu serẽbasaa. Eropigu ĩgure mũa õaro masinemoboro dopa serẽbasaa. ĩgu Goãmũ Jesucristo mari Opũ Pagũ ãhrimi.

<sup>18</sup> Eropigu mũa õaro masiboro dopa mũare serẽbasaa Goãmũre. ĩgu mũare taugũ, ĩgu yarã árĩmorãre iimi ĩgu mũare. Eropigu mũa ĩgu yarãre ĩgu pohro õaro wacũ iigũcumi. Irire mũa õaro masiboro dopa serẽbasaa yũhũ Goãmũre. Eropigu ĩgu marire oburi sãre “Õataria ãhraa,” iri mũa arĩ mũa masiboro dopa serẽbasaa. Õpa mũa masiboro dopa serẽbasaa mũare Goãmũre.

<sup>19</sup> Mari Jesucristore umupeorãre ĩgu itamugũ, ĩgu turari mera ĩgu iimi. ĩgu gajirã tauro turagu ãhrimi. Mũare iri sãre õaro masiboro dopa serẽbasaa mari Pagũ Goãmũre.

<sup>20</sup> ĩgu turari mera Cristo sĩridigũre masudigu árĩmi. Eropigu ĩgu turari mera Ʃmarogue ĩgu diayerũ Cristo ĩgu doacũ iidi árĩmi Goãmũ árĩpehrerãre ĩgu doreboro dopa.

<sup>21</sup> Ero doagu árĩpehrerã Ʃmaro majarã oparã weca, árĩpehrerã dorerã weca ãhrimi Cristo. Eropigu i Ʃmũ majarã weca opũ, gajipũ majarã sã weca opũ, árĩpehrerã dohpague majarã, gajisubu majarã sã, pũhrũgue majarã sã erã weca opũ árĩbu ta ãhrimi ĩgu.

<sup>22</sup> Eropigu árĩpehrerã weca, árĩpehreri weca apipũ Goãmũ Cristore. Eropigu árĩpehrerire opũcũcũ iipũ ĩgure. Eropiro Cristo yarã yuju curu árĩrã erã opũ árĩbure acupũ ĩgure. Erã dipuru iro dopa árĩgu ãhrimi ĩgu.

<sup>23</sup> Cristo yarã yuju curu árĩrã ĩgu dũpũ iro dopa árĩrã ãhraa mari. Cristo árĩpehrerogue árĩniguimi. Eropigu mari ĩgu yarã mera árĩniguigu marire itamuniguicãmi.

## 2

### *Goãmũ marire mahigu, mojomoro ĩagu taupũ marire, arĩ gojañumi Pablo*

<sup>1</sup> Ñeri dipuwajacũbonirã peamegue dederebonirã árĩquerecũ ta Goãmũ mũa taumi.

<sup>2</sup> Iribojegure i yeba majarã Goãmũ tarinũgarã iro dopa iimũrinirã árĩribũ mũa. Eropirã watĩ ĩgu gamero dopa ta iimũrinirã árĩbũ mũa. ĩgu watĩ i yeba doregu Goãmũre tarinũgarã opũ ãhrimi.

<sup>3</sup> Iribojegue árĩpehrerã mari õpa dihta iinirã árĩribũ. Mari ñeri dihtare Ʃaribejaribũ. Mari ejatuharo mari pepiro dopa iimũriribũ. Eropa árĩrã gajirã árĩpehrerã iro dopa ta mari sã ñerã árĩmũriribũ. Mari árĩpehrerã

masa mera eropa árĩrã árĩcũ ĩagu Goãmũ mari mera guagu dipuwaja moadiarĩpũ.

<sup>4</sup> Eropa iidiaqueregu ta marire turaro mahigu mojomoro ĩapũ.

<sup>5</sup> Eropa mahitarigu mari ñeri iira waja peamegue dederebonirã mari árĩquerecũ ta marire ĩgu mera árĩniguimorã árĩcũ iimi. Jesucristo ĩgu sĩribasara mera mari ĩgu yarã árĩcũ marire iimi. Marire mojomoro ĩagu taumi ĩgu marire.

<sup>6</sup> Goãmũ Jesucristo sĩridire masugu ĩgu pohro apidigu árĩmi árĩpehrerãre dorebu. Eropigu ĩgu mari sãre ĩgu yarãre Cristo dorerire opacũ iimi. Eropirã ĩgu pohro ĩgu mera árĩrãca mari.

<sup>7</sup> Eropiimi ĩgu pũhrugue majarã marire ĩgu mojomoro ĩarare erã masiboro dopa. Jesucristo marire ĩgu ðaro itamura mera ĩgu masare turaro ĩgu mahirire ĩhmumi.

<sup>8</sup> Cristore mari umupeocũ Goãmũpũ marire taricũ iimi. Marire mahigu ĩgu pohro ejacũ iigucumi. Mari gamero ðaro iiricuri mera Goãmũ pohro ejadiarã ejamasosome. Mari iibiriquerecũ apimi mari ĩgu pohro ejaburire. Eropiro waja mariro mũuri nũcu ĩgu mera mari árĩburire ohomi marire.

<sup>9</sup> Mari basi tarimasibirica. Mari iiri mera mari gamero mera tarirã mari "Gũa basi taria," arĩboca. Goãmũpũ marire taumi ĩgu pohro mari wamõrãre.

<sup>10</sup> Jesucristo yarã árĩcũ iimi marire Goãmũpũ. Eropigu Jesucristo yarã mari árĩcũ ĩagu ðarire iirã dihta wacũ iimi marire. Iribojegue ĩañumi marire ðarire iimõrãre.

### *Cristore oparã ðaro ãhraa, arĩ gojañumi Pablo*

<sup>11</sup> Eropirã mũa ero coregue árĩricũrãre dohpague sãre guñaque. Mũare judio masa árĩbirãre gũa judio masapũ ĩhaturimũribũ. Gũa circuncisión iinirã gasiro merogã wiri añirãpũ mũare gasiro merogã wiri aĩbirãre "Goãmũ yarã árĩbeaa mũapũ," arĩmũribũ mũare.

<sup>12</sup> Irisubure mũa Cristo yarã árĩbirã boje majarã árĩmũribũ. Goãmũ beyenirã judio masa iro dopa árĩbirimũribũ mũapũ. Mũa eropa árĩnirã ĩgu beyenirã mera pepũri majarã ĩhaturirã árĩmũribũ. Goãmũ mũare "Masare ðaro iigũra," ĩgu arĩ apinirã árĩbirinirã árĩribũ mũa. Mũa ñeri dipuwaja peamegue wabonirã árĩrã árĩribũ mũa. Goãmũ moorã árĩnirã peamegue dederebonirã árĩnirã árĩribũ.

<sup>13</sup> Dohpaguepũre Jesucristo yarã ãhraa pare mũa. Iribojegue boje majarã árĩnirã árĩquerecũ, dohpaguere ĩgu yarã ãhraa pare mũa. Cristo mũa ñeri dipuwaja crusague ĩgu di cóara pũhrũ Goãmũ yarã árĩcũ iimi mũare.

<sup>14</sup> Eropigu judio masare mũa ĩhaturirã árĩcũ Cristo marire bosadigu árĩmi. Masare bosagu ãhrimi ĩgu. Judio masa, judio masa árĩbirã mera pe curu mari árĩcũ ĩagu ĩgu marire yuju curu ta árĩcũ iidi árĩmi. Mari ĩhaturiri duhucũ ðaro mera árĩcũ iimi ĩgu marire.

<sup>15-16</sup> Õpa iimi ĩgu marire. Mari ñeri dipuwaja crusague sĩrigũ, marire peamegue wabonirãre taugu iimi. Eropa taugu ĩgu yarã ĩgu iimi marire. Eropigu mari ĩgu yarã wacũ pe curu mari árĩquerecũ ta yuju curu ta mama curu iimi marire. Eropigu iribojegue mari game ĩhaturinirã árĩquerecũ ta marire crusague sĩribasagu bosadigu árĩmi. Eropigu judio masa doreri pehrecũ iimi ĩgu. Erã doreri marire dũca wayoro pe curu majarã wacũ. Eropigu yuju curu ta árĩcũ iimi pare. Eropigu Cristo Goãmũ yarã árĩcũ iimi marire.

<sup>17</sup> Eropigu marire bosagu arigu ðari buherire Goãmũ mera ðaro árĩburire weregu aridi árĩmi. Mũa judio masa árĩbirã Goãmũre opabirã



boje majarã árĩnirã árĩribũ. Mũa eropa árĩcũ ĩagũ mũare õari buherire weregũ aridi árĩmi. Gũa judio masa sãre Goãmũ yare oparã sãre weregũ aridi árĩmi. Eropigũ árĩpehrerãre marire bosagũ aridi árĩmi ĩgũ.

<sup>18</sup> Dohpaguere árĩpehrerã gũa judio masa, mũa judio masa árĩbirã sã mari Pagũ mera õaro árĩmasia mari. Espĩritu Santo ĩgũ itamuri mera Cristopũ marire eropa árĩcũ iimi.

<sup>19</sup> Eropirã dohpaguere mũa boje majarã árĩbeaa. ĩgũ ya curu majarã ta ãhraa. Goãmũ yarãre ĩhaturirã árĩbeaa. Goãmũ yarã mera majarã ãhraa pare.

<sup>20</sup> Goãmũ yare weremũhtanirã iribojegue majarã ĩgũ ya wereniguirire goja, masare weremũriñuma. Gũa sã ĩgũ yare buhedore apinirã Jesucristo ya õari buherire werea masare. Gũa árĩpehrerã eropa werecũ peerã Cristore umupeonũgabũ mũa. Cristopũ ãhrimi mari árĩpehrerãre ĩgũ yarã árĩcũ iigũ. ĩgũ eropa iibiricũ mari ĩgũ yarã árĩmasibiriboya.

<sup>21</sup> Eropigũ ĩgũ turari mera marire ĩgũ yarãre yuju curu ta árĩcũ iimi ĩgũ marire. Eropirã ĩgũ turari mera õarã wahaa mari. Mari eropa árĩcũ ĩagũ ĩgũ mari Opũ ta mari mera ãhrimi.

<sup>22</sup> Eropirã Cristo yarã árĩrã árĩpehrerã gajirã mera ĩgũ yarã mera yuju curu wahabũ mũa sã. Mũa eropa wacũ Goãmũ ĩgũ Espĩritu Santo mũa mera ãhrimi.

### 3

#### *Judio masa árĩbirãre õari buherire wereñumi Pablo*

<sup>1</sup> Mũa judio masa árĩbirã eropa ĩgũ ya curu majarã árĩburire yũ werera dipuwaja peresugue ãhraa yũhũ.

<sup>2</sup> Mũaare judio masa árĩbirãre Jesucristo yare buhebure Goãmũ yũre apimi. Yũre mojomoro ĩagũ, yũre mahigũ õari buherire yũre weredoregũ, yũre apimi. Irire peetuhabũ mũa.

<sup>3</sup> Iribojegue masa erã masibirirare Goãmũ dohpaguere yũre masicũ iimi. Ire merogã were mũare gojabeotuhabũ.

<sup>4</sup> Yũ eropa gojabeorare buherã Cristo ĩgũ yare yũ masirare masirãca mũa sã.

<sup>5</sup> Iri ĩgũ wererare iribojegue majarãre ĩgũ erã masipehocũ iibiripũ. Dohpaguepũre gũare Jesu ĩgũ apinirãre Goãmũ yare weremũhtarã sãre irire masipehocũ iimi Goãmũ. ĩgũ Espĩritu Santopũ gũare masicũ iibasami.

<sup>6</sup> Õpa ãhraa ĩgũ werera gajirã masibirira: Judio masa dihtare Goãmũ itamubeami. Judio masa árĩbirã sãre ĩgũ itamumi. Õari buherire erã õaro peecũ itamugũcumĩ ĩgũ erãre. Eropirã gũa judio masa, mũa judio masa árĩbirã mera yuju dũpũ iro dopa yuju curu ta ãhraa mari. Eropirã mari árĩpehrerã Jesucristo yarã árĩrã yujuro mera Goãmũ ĩgũ masare “Õaro iigũra,” ĩgũ arĩ werepirare oparãca mari.

<sup>7</sup> Goãmũ mojomoro ĩagũ yũre mahigũ ire õari buherire werebure yũre apimi. ĩgũ masiri mera apimi ĩgũ yũre.

<sup>8</sup> Árĩpehrerã gajirã Jesucristo yarã erã doca árĩrã erã docague majagũ gohra ãhraa yũhũ. Yũ eropa árĩquerecũ ta judio masa árĩbirãre õari buherire werebure apimi Goãmũ yũre. Iri buheri Cristo õatariagũ ĩgũ árĩrĩre, õatariari ĩgũ oparire, õaro ĩgũ oburire werebure apimi yũre.

<sup>9</sup> Yũre eropa apigũ Goãmũ “Õpa masare taugũca,” arĩgũ, árĩpehrerã masare dohpa ĩgũ itamuborore õaro werepehobure apimi yũre ĩgũ. Goãmũ árĩpehrerire ĩhacũnugudigũ ãhrimi. Iribojegue majarãre irire

masare ĩġu tauborore masare werepehobirinipũ Goãmũ. Dohpaguere yũre iri õari buherire weredoreġu apimi masare ĩġu õaro tauborore masicũ iibu.

<sup>10</sup> Eropirã iri buheri mera masa ĩġu yarã wahama. Erã eropa wacũ ĩha umbero majarã oparã anyua Goãmũ masipehogũ ĩġu árĩricũre masima. Erã eropa masicũ gamepũ Goãmũ.

<sup>11</sup> Eropigũ i yeba árĩboro coregue ta “Masare peamegue wabonirãre taugura,” arĩtuhapũ Goãmũ. Eropa arĩdigũ árĩġu dohpague mari Opũ Jesucristo ĩġu sĩriro mera ĩġu arĩdiro dopa ta marire taudi árĩmi.

<sup>12</sup> ĩġu eropa taucũ dohpaguere Cristore umupeorã ĩġu yarã wahaa mari. ĩġu yarã árĩrã ġũiro mariro Goãmũ mera wereniguimasia mari. Eropirã ġũibiricãque mũa.

<sup>13</sup> Eropirã õari buherire yũ wereri waja dohpaguere peresugue árĩġu yũ ñero taricũ ĩarã bujawerenijarã Goãmũ yare duhubiricãque. Õari buherire yũ werecũ peerã Goãmũ yarã wahabũ mũa. Yũhũ eropiira dipuwaja peresugue ãhraa. Eropa árĩġu mũa ĩġu yarã árĩburire ñero tarigũ iiaa. Eropigũ turaro mucubiridorea mũare.

#### *Cristo masare turaro mahimi, arĩ gojañumi Pablo*

<sup>14</sup> Eropigũ i árĩpehrerire mari Opũ Jesucristo Pagũ ĩġu iirare ġuñagũ mereja ĩġure serẽbasaa mũare.

<sup>15</sup> Árĩpehrerã ĩġu yarã Pagũ ãhrimi. ĩġu árĩpehreri cururi majarã ĩġu yarã ĩġu pohrogue árĩrã i yeba árĩrã sã erã Pagũ ãhrimi.

<sup>16</sup> ĩġu masipehogũ ãhrimi. Turatarigũ ãhrimi. Eropigũ ĩġure õpa serẽbasaa mũare. Mũare sĩporã ĩġu masiri mera õaro turacũ iiboro dopa serẽbasaa mũare. Eropigũ Espĩritu Santo ĩġu itamuri mera eropa iigũcumĩ.

<sup>17</sup> Eropigũ Cristore “Diaye iigũ ãhrimi,” mũa arĩ umupeonemoboro dopa ĩġu mũa mera õaro árĩboro dopa serẽbasaa mũare. Eropigũ ġajirãre õaro mahirã mũa árĩboro dopa, Cristo ĩġu turaro mahirire mũa masiboro dopa serẽbasaa mũare.

<sup>18-19</sup> Mũa árĩpehrerã ġajirã Goãmũ yarã mera “Cristo ĩġu marire turaro mahimi,” mũa arĩmasiborore serẽbasaa mũare. ĩġu mari masare turaro mahigũ ãhrimi. ĩġu mahiri eropa õatariari árĩcũ mũa õaro masiboro dopa serẽbasaa mũare. Eropigũ ĩġu mahirire mũa masicũ ġahmea Goãmũ mũa mera ĩġu õaro árĩboro dopa. Eropigũ irire serẽbasaa mũare Goãmũre.

<sup>20</sup> Eropirã Goãmũre wũaro umupeori mera “Ĩġu turagu ãhrimi,” arĩrãca. ĩġu turari mera õaripũre gohrotomasimi ĩġu marire. Marire õarã árĩcũ iimasimi. Mari serẽra tauro iimasimi ĩġu. Mari gamerire, mari pepira tauro iimasimi ĩġu.

<sup>21</sup> Jesucristo yarã mari árĩcũ ĩha Cristo ĩġu árĩricũri sãre ĩha árĩpehrerĩre. Eropigũ ĩġu mahirire mũa masicũ ġahmea Goãmũ mũa mera ĩġu õaro árĩboro dopa. Eropigũ irire serẽbasaa mũaarũri árĩpehrerã Goãmũre umupeoporo. Eropa ta iiporo.

## 4

#### *Cristo yarã árĩrã yuju curu ta ãhraa mari, arĩ gojañumi Pablo*

<sup>1</sup> Mari Opũre yũ itamuri waja peresugue árĩġu mũare turaro werea yũhũ. Goãmũ ĩġu yarã árĩmorãre mũare beyepũ. Eropirã ĩġu beyenirã árĩrã ĩġu arĩdorediro dopa ta õarã árĩque mũa. Irire mũare werea yũhũ.

2 Ōpa iirã õarã árĩque mua: “Gajirãre masitarinũgaa yũhũ,” arĩ pepibiricãque. Gajirãre õaro mera iique. Eropirã guabiricãque. Mua mera majarã mũare gariboquerecũ ta erãre umupeori mera yuju diaye ãacãque.

3 Eropirã Espĩritu Santo ãgũ itamuri mera õaro mera yujuro mera árĩniguique mua. Eropirã gamequeãro mariro árĩcãque mua.

4 Yuju dupũ iro dopa yuju curu ta ãhraa mari. Eropigũ Espĩritu Santo yujugũ ta ãhrimi marire. Eropigũ Goãmũ ãgũ yarã árĩmorãre marire beyemãripũ marire itamubu. Eropirã ãgũ itamuborore masia mari. Iri mari masirañe yujuñe ta ãhraa.

5 Mari Opũ Cristo mari umupeogũ yujugũ ta ãhrimi. ãgũ buheri sã yujuñe ta ãhraa. ãgũ yarãre waĩyeriñe sã yujuñe ta ãhraa.

6 Eropigũ Goãmũ yujugũ ta ãhrimi. ãgũ árĩpehrerã Pagũ ãhrimi. Eropigũ árĩpehrerã weca mari Opũ ãhrimi. Eropigũ árĩpehrerãre marire itamumi ãgũ. Árĩpehrerã mari mera ãhrimi ãgũ. Eropigũ árĩpehrerogue ãhrimi ãgũ.

7 Yuju curu mari árĩquerecũ ta árĩpehrerã marire yujurãyerire mari mohmemasiburire apidi árĩmi marire Cristo. ãgũ eropa apidiro dopa ta mohmemasia mari. ãgũ marire eropa apigũ gajinore ãgũ eropa ocãbodiropo dopa ta apidi árĩmi ãgũ marire.

8 Eropa ta ãhraa Goãmũ yare erã gojarapũgue sã:  
Goãmũre ãhaturirãre ãgũ tarinũgara pũhrũ ãgũ dipaturi mũria wagũcumi.  
Eropigũ masare baja eropa ocãgũcumi, arĩ gojañuma iribojegue Jesucristo ãgũ eraboro coreguere.

9 Erã eropa arĩ gojarã õpa werediarã iiriñuma: Jesucristo mũmũsigue mũria wadigũ árĩgũ ãgũ ero coreguere dijarimũhtadigũ árĩmi. I yebaguere dijaridigũ árĩmi.

10 Eropigũ ãgũ dijaridi mũria wadi ta árĩmi Goãmũ pohrogue. Árĩpehrero weca mũria wadi árĩmi ãgũ árĩpehrerogue árĩbu.

11 Eropigũ ãgũ yarãre baja eropa ocãgũ erã Goãmũ ya árĩburire mohmemasiburire apidigũ árĩmi. Erã mohmemasiburire õpa apidigũ árĩmi ãgũ yarãre. Yujurãyerire Cristo ãgũ buherare buhemorãre apidi árĩmi. Gajirãre Goãmũ yare weretaumorãre apidigũ árĩmi. Ōari buherire buhe curimorãre gajirãre apidi árĩmi. Cristo yarã gamenererã oparã árĩmorãre erãre õaro buhemorãre apidi árĩmi gajirãre.

12 Eropa dihta apidigũ árĩmi marire gajirã ãgũ yarãre mari game itamuboro dopa. Eropa apidigũ árĩmi marire ãgũ yarãre, ãgũre mari umupeonemoboro dopa, sĩporã turarã mari waboro dopa.

13 Eropirã mari árĩpehrerã õaro mera, yujuro mera árĩrãca. Eropa ta árĩro gahmea marire Cristore umupeorã árĩrãre. Eropirã mari árĩpehrerã Goãmũ magũre Jesucristore õaro masirãca. Eropirã Cristo turagũ, pee masigũ ãgũ árĩro dopa ta, mari sã pee masia warãca.

14 Mari eropa warã majirãgã iro dopa árĩsome mari. Majirãgã iro dopa ta árĩrã õaro pee masinibeamo dohpa. Eropirã gajirã gũyarã erãre buherã eracũ “I diaye ãhraa,” erã arĩcũ erã peema. Pũhrũ gajirã gajiropa árĩri buherire buherã eracũ erã sãre peema. Erã iro dopa árĩsome mari.

15 Eropa árĩbirã mari mera majarã mera game mahirã diaye ta wererire game wererãca mari. Eropirã majirãgã erã bũga erã pee masirã erã waro dopa ta mari sã Goãmũ yare pee sĩporã turarã Goãmũ yare õaro masirã warãca. Cristo ãgũ árĩro dopa ta warãca. ãgũ ãhrimi mari dipuru.

<sup>16</sup> Īḡu yarã ářĩrã ĩḡu dũpũ iro dopa yuju curu ta áhřaa mari. Mari bajarã ářĩquererã ta yujuro mera õaro ářĩrã iiaa. Mari eropa ářĩborore Cristo itamumi. Eropirã mari yuju dũpũ iro dopa õaro gamesurirã mari õaro itamua gajirãre Cristo yarãre. Eropirã mari mera majarãre Cristo yarãre õaro mahirã, erãre õaro itamurã, turarã, Cristore umupeonemorã ářĩrãca mari.

*Cristo yarã warã mari ñerire duhu, õaripũre gohrotoa mari, arĩ gojañumi Pablo*

<sup>17</sup> Eropi mari Opũ Cristo ĩḡu dorero mera õpa werea mũare. Goãmũre gamebirã gohra iiro dopa iibiricãque mũa. Erã, erã pepiripũ ñeri dihta áhřaa. Eropiro erã pepiri duhpiburi ářĩbeaa.

<sup>18</sup> Eropigũ watĩpũ Goãmũ yare erãre peebiricũ iimi. Eropirã Goãmũ yapũre peebirigohracãma. Peediabeama erã. Eropirã Goãmũ ĩḡu õaro ářĩdorediro dopa ta ářĩbeama erã.

<sup>19</sup> Eropirã erã ñerire iirã ne ḡũhyasĩribirigohracãma. Eropirã ne bujawerebeama. Ñerire erã uaribejari dihtare iiniguicãma. Ářĩpehreri ñerire erã iirire ne duhudiabirã iinemoniguicãma.

<sup>20-21</sup> Mũapũ diaye ta ĩḡu yare peerã mũa ářĩcũ, Jesucristo yare õaro masirã mũa ářĩcũ mũapũre erã ñero iiro dopa iidorebeamĩ Goãmũ.

<sup>22</sup> Iribojegue ñerire iiniguicãrã mũa ářĩcũ iri ñeripũ mũare goroweoro iidiro ářĩbu. Iri ñeri iiri mera mucubiridiaquererã ta ne mucubirimasi-birimuribũ mũa. Eropirã "Iribojegue mũa ářĩrãre duhucãque," yũ mũare arĩ buhecũ peebũ mũa.

<sup>23</sup> Eropirã mũa pepiripũre õaripũre gohroto gahmea mũare.

<sup>24</sup> Ero core mũa ñero iirare duhucãque. Eropirã õaripũre gohrotonirã ářĩque mũa. Goãmũ ĩḡu õaḡũ ářĩdiro dopa mũare õarã ářĩcũ iimi. ĩḡu eropa iinirã ářĩrã õarire iiniguicãrãca. Eropirã ñerire gamebirãca.

<sup>25</sup> Mari yuju dũpũ iro dopa yuju curu majarã ta ářĩrã iiaa. Eropirã mũa basi ḡũyabita. Mũa mera majarãre diaye wereque ḡũyaro mariro.

<sup>26</sup> Gajirã mera guarã, erãre ñero iibiricãque. Mata irinũ ta amucãque gua wajaro mariro.

<sup>27</sup> Yoari boje guarã watĩ ĩḡu gamero dopa iirã iiaa. Eropa iibiricãque.

<sup>28</sup> Gajirã mũa mera majarã Jesu yarã erã ářĩboro core yajari masa ářĩnirã ářĩñorã. Dipaturi yajabiricãporo. Eropirã dohpaguere õaro mohmeporo. Mojomorocũrãre oburire mohmeporo.

<sup>29</sup> Ne ñero wereniguibiricãque. Őarire wereniguirã gajirãre itamua mũa. Erã bujawererã erã ářĩcũ ĩarã eropa ta mucubiricũ iicãque erãre. Eropirã õari dihtare wereniguique.

<sup>30</sup> Ñerire iirã Espĩritu Santore bujawerecũ iirã iiaa mũa. Eropa iibiricãque. Dohpaguere ne i mũũ pehrerinũ core, Cristo marire ĩḡu aĩḡãboro core, Espĩritu Santo marire ĩhadibumi. Ñerire mari iibiriboro dopa ĩhadibumi. Eropigũ Cristo yarã mari ářĩrãre masicũ iimi ĩḡu marire. Eropirã ĩḡure bujawerecũ iibiricãque mũa.

<sup>31</sup> Eropirã ne papũriniguibiricãque. Guanemobiricãque. Game dũyasonemobiricãque. Erãre ñero arĩ ḡauginiguibiricãque. Gajirãre quere moanemobiricãque. Gajirãre ĩhaturinemobiricãque.

<sup>32</sup> Eropi mũa mera majarãre õaro mera õaro iique. Cristo yarã mũa ářĩcũ ĩaḡũ mũa ñerare cãdijicãmi Goãmũ. Eropa ta mũa sã gajirã mũare erã ñero iicũ ĩarã erã ñerire cãdijicãque.

## 5

*Goãmũ porãre õpa árĩro gahmea, arĩ wereñumi Pablo*

<sup>1</sup> Eropirã Goãmũ porã ãgũ mahirã árĩrã ãgũre ãhacũque mũa.

<sup>2</sup> Eropirã gajirãre mahi umupeoniguicãque. Cristo marire mahigũ, mari ñeri iira waja sĩripũ. Eropa sĩrigũ Goãmũre mucubiricũ iipũ ãgũ. Eropirã marire ãgũ mahidiro dopa ta mũa sã gajirãre game mahique.

<sup>3</sup> Eropirã Goãmũ yarã árĩrã ne nome mera ñero iibiricãque. Nome sã ume mera ñero iibiricãque. Gaji ñerire eropa árĩrĩre ne iibiricãque. Gajinore gametaribiricãque. Ne eropa iibiricãro gahmea Goãmũ yarã árĩrãre.

<sup>4</sup> Eropirã guhyasiuro wereniguibiricãro gahmea mũare. Pee masibirã iro dopa wereniguibiricãro gahmea mũare. Eropirã ñero arĩ wereyabiricãro gahmea. Ipure iiro gahmea mũare: Goãmũre serẽro gahmea mũare. Eropa serẽrã ãgũre, “Õaro iibũ mũhũ guare,” arĩro gahmea.

<sup>5</sup> Gajinore gametarirã goãmarã wãanirãre erã umupeoro dopa iirã iiaa mari irire. Eropirã nome mera ñero iirã, ñeri dihtare pepirã, gajinore gametarinugarã Goãmũ Cristo mera ãgũ opu árĩroguere ne wasome erã. Irire õaro masia mari.

<sup>6</sup> Õpa iirãre erã iira dipuwaja, turaro dipuwaja moagũcumĩ ãgũre tarinũganirãre. Eropirã gajirã mũare gajiropa arĩmaacãcũ erã guyarire peebiricãque.

<sup>7</sup> Eropirã eropa ñerire iiniguicãrãre wapicubiricãque.

<sup>8</sup> Cristo yarã mũa árĩboro core mũa sã eropa ta iinirã árĩribũ. Dohpaguepũre ãgũ yarã árĩrã, Goãmũre õaro masia mũa. Goãmũ yarã õarire iima. Eropirã eropa ta iiro gahmea mũare.

<sup>9</sup> Eropirã Cristo yarã árĩrã õarire, Goãmũ gamerire, diaye maja árĩrĩre iirãca mũa.

<sup>10</sup> Õarire mari iicũ ãagũ mari Opu Cristo mucubirimi. Eropa õarire iiburire õaro masique mũa. Eropa masirã irire iique.

<sup>11</sup> Cristore gamebirã ñeri erã iimaacãri ñeri gohra ãhraa. Eropa erã iiro dopa ta mũapũ iibiricãque. Õari buherire Cristo yare wereque erãre. Eropirã erã ñeri iirare erãre masicũ iique.

<sup>12</sup> Masa erã ãabiro erã ñero icorema. Erã eropa iirare mari wereniguirã guhyasĩriboca. Eropirã ñetariaro iirã iima erã.

<sup>13</sup> Eropirã erãre õari buherire mari wererã, ñetariarã erã árĩricũrĩre erãre masicũ iirã iiaa mari. Erã ñeri iirire erãre masicũ mari iicũ erã ñeri iirire bujawerebocoma. Eropirã õaripũre gohrotobocoma.

<sup>14</sup> Iri diaye ta ãhraa. Eropirã õpa wereñorã Goãmũ yare wererã: Ne, yũre peediabirã, yũre peeque. Mũa ñero iirare bujawereque. Irire ñero iirire duhuque. Eropigũ Cristo mũa ñeri iirire masicũ iigũ, mũare õarire masicũ iigũcumĩ, arĩñorã.

<sup>15</sup> Eropirã umũri nũcu õaro iique mũa. Pee masibirã iro dopa árĩbiricãque. Pee masirã árĩque.

<sup>16</sup> Dohpague majarã masa ñetariaro iiniguima. Eropirã mũapũ õarire, Cristo yare mũa iiniguirã mata erã Cristo yarã árĩcũ itamuque.

<sup>17</sup> Eropirã pee masibirã árĩbiricãque. Goãmũ ãgũ gamerore õaro masique. Eropirã irire iique.

<sup>18</sup> Eropirã ne merebiricãque. Mererã erã basi ñero goroweoma. Eropirã merediabirã, Espĩritu Santopũre burigã gameque. ãgũre õaro yũhrirã árĩque.

<sup>19</sup> Eropirã mũa basi Goãmure umupeori bayarire game bayaque. Eropirã Salmo gojaripũre, Goãmũ yare bayarire, gajĩ ãgũre umupeori bayari sãre ãgũre bayapeoque. Ōaro guña umupeori mera bayapeoque. Eropirã mari Opũre “Ōagũ ãhrimi,” arĩ ōaro umupeoque.

<sup>20</sup> Goãmũ mari Pagũ árĩpehrerire mũare ãgũ ōaro iirire guñaniguicãque mucubiriri mera. Mari Opũ Jesu yarã árĩrã ãgũre “Ōhaa,” arĩniguicãque mũa.

*Mũa yuju wihi majarã Jesu yarã árĩrã, ōpa iique, arĩ wereñumi Pablo*

<sup>21</sup> Mũa mera majarãre game umupeo yũhrique. Mũa eropa game umupeo yũhrĩrã Cristo sãre umupeo yũhrĩrãca.

<sup>22</sup> Mũa marasã nomere weregũra dohpaguere. Mari Opũre Cristore mari yũhriro dopa ta mũa marapũ sũmarãre ōaro yũhrique.

<sup>23</sup> Jesucristo marire taudigũ árĩmi ãgũ ya curu majarã mari árĩboro dopa. Eropirã mari ãgũ ya curu majarã árĩcũ mari Opũ ãgũ árĩro dopa ta mũa marapũ sũmarã mũa marasã nomere weca oparã ãhrima.

<sup>24</sup> Eropirã Cristo yarã árĩrã ãgũre yũhria. Eropirã mari Cristore yũhriro dopa ta mũa marapũcũrã nome mũa marapũ sũmarãre ōaro yũhrĩrã nome árĩque.

<sup>25</sup> Mũa marapũ sũmarã sãre weregũra dohpaguere. Cristo marire ãgũ yarãre mahigũ mari ya árĩburire sĩridigũ árĩmi. Eropirã marire ãgũ mahidiro dopa mũa sã mũa marasã nomere eropa mahiniguicãque.

<sup>26</sup> Cristo marire ãgũ yarã árĩcũ iibu sĩripũ mari ñeri marirã árĩcũ iibu. Eropigũ mari ñerire coeweadi árĩmi ãgũ wereniguiri mera deco mera ãgũ waĩyeri mera.

<sup>27</sup> Eropa coeweadi árĩmi ãgũ marire ãgũ yarã ōarã árĩmorãre iigũ. ãgũ eropiicũ ñeri dipuwaja marirã árĩrãca ãgũ ãacũ. Ne merogã eropa árĩri ñeri árĩsome marire. Eropirã ōarã Cristo iro dopa árĩrãca.

<sup>28</sup> Eropirã mũa marasã nomere mahi umupeorã, mũ basi mũ dũpũre mũ umupeoro dopa ta mũa mũ marapore umupeoque. ãgũ marapore umupeogũ ãgũ basi umupeogũ iimi.

<sup>29-30</sup> Ne mari dũpũre ñero wacũ gamebeaa mari. Mari basi mari ya dũpũre ãhadibua. Cristo yarã árĩrã ãgũ dũpũ iro dopa ãhraa. Eropigũ marire ãgũ ōaro ãhadibumi. Eropirã Cristo marire ãgũ ōaro iidiro dopa ta mari sã mari dũpũre ōaro iiaa. Mari marasã nome sãre eropa ta ōaro iiro gahmea marire.

<sup>31</sup> Eropa ta ãhraa Goãmũ yare erã gojarapũgue: Ōpa gojara ãhraa: “Eropi mũmũ ãgũ pagũ sũmarãre wirigũ, ãgũ marapo mera árĩcãgũcumĩ. Eropirã erã perã árĩquererã ta yuju dũpũ iro dopa árĩrãcoma,” arĩ gojañumi iribojegue.

<sup>32</sup> I gojarare ōaro peebirinirã árĩma. Eropigũ irire ōaro weregũra mũare. Ōpa werero iica: Cristo ãgũ yarã mera yuju dũpũ iro dopa ta yuju curu ta ãhrima.

<sup>33</sup> Eropigũ mũare ōpa arĩ werenemogũra daja: Mũ basi mũ mahiro dopa ta mũ marapo sãre mahi umupeoque. Eropirã nomerũ mũa marapũ sũmarãre ōaro gũhyadiaro mera umupeoque mũa.

## 6

<sup>1</sup> Dohpaguere majirãre weregũra: Mari Opũ Cristo yarã árĩrã mũa pagũ sũmarãre ōaro yũhrĩrã árĩque. Mũa eropiirã ōaro iirã iiaa.

2-3 Õpa arĩñumi Goãmũ doregũ: “Mũa pagũ sũmarãre ðaro umupeoque,” arĩ doreñumi ïgũ. I doreriñe mera Goãmũ werenemoñumi. Õpa arĩñumi: “Mũa pagũ sũmarãre umupeorã i yebaguere yoari boje mucubiriri mera árĩrãca mũa,” arĩ wereñumi. Eropa arĩgũ ïñe doreriñe mera, “Mũa eropa iirã ðaro árĩrãca,” arĩ weremũhtañumi Goãmũ. Eropirã ïgũ arĩdiro dopa mũa pagũ sũmarãre umupeoque mũa.

4 Dohpaguere erã pagũ sũmarãre weregũra. Mũa porãre eropa turiniguibiricãque guacũ iiri arĩrã. Mari Opũ Cristo ïgũ mahiri mera ïgũ itamuri mera erãre ðaro mera masuque. Eropirã erãre masurã ðaro wereque.

5 Dohpaguere pohro majarãre weregũra. Gũhyadiaro mera umupeori mera i yeba majarãre mũa oparãre ðaro yũhrirã árĩque. Gũyaro mariro ðaro yũhrirã árĩque. Cristore mũa yũhribodiro dopa ta yũhrique erãre mũa.

6 Erã ïhuro dihtare yũhrirã árĩbiricãque yure ïhasũaporo arĩrã. Erã ïhurore mũa yũhriro dopa ta erã ïabiro sãre ðaro iirã árĩque. Cristo ïgũ pohro majarã mũa árĩbodiro dopa ta mũa oparã sãre eropa yũhriniguicãque. Eropirã Goãmũ ïgũ gamero dopa ta ðaro mucubiriri mera mũa oparãre ðaro yũhrirã árĩque.

7 Eropirã “Cristopũre yũhrirã iiaa,” arĩ pepirã mucubiriri mera yũhrique mũa oparãre.

8 Eropirã ire guñaque: Árĩpehrerã mari árĩpehreri ðarire mari iicũ ïagũ Goãmũ ðaro iigũcumi marire. Pohro majarãre, pohro majarã árĩbirã sãre ðaro iigũcumi ïgũ.

9 Eropigũ oparã sãre weregũra: Mũa pohro majarãre ðaro iique. Erãre ðaro yũ iidorediro dopa ta iique erãre ðaro. Õpa masique. Ëmũsi majagũ Goãmũ diaye ta erã opũ ãhrimi. Mũa yagũ opũ ãhrimi ïgũ. Eropirã mũa árĩpehrerã ïgũ pohro majarã dihta ãhraa. Eropigũ ïgũ yujuropa ïhami mũare árĩpehrerãre. Eropirã turibiricãque mũa pohro majarãre.

### *Cristo yarã watĩre erã cãhmotarire wereñumi Pablo*

10 Õpa weretugũra mũare. Õaro guñaturarã árĩque mũa. Mari Opũ Cristo mũa mera ãhrimi. Eropirã ïgũ ya turari mera guñaturarã árĩque.

11 Watĩ marire ïgũ pepiri mera gũyagũ ñero iidoremi marire. Mari Jesucristore umupeorire goroweodiami. Goãmũpũ marire cãhmotami ñerire mari iibiriboro dopa. Marire ïgũ cãhmotaro surara ïgũ cãhmotari suhriro come suhriro iro dopa ãhraa. Eropirã iri suhri mera erã cãhmotaro dopa ta Goãmũ ïgũ yare iirã cãhmotaque watĩ ïgũ ñero iidorerire.

12 Jesu yarã mari árĩcũ marire goroweodiarã masa gohra árĩbeama. Erã bajarã mũmaro majarã, ñerã, turarã, oparã erãpũ ãhrima. Watĩ ïgũ mera majarã mera i mũmũ majarãre Jesucristo yarã árĩbirãre dorema erã. Eropirã erã mari Jesucristo yarã árĩcũ marire goroweodiana.

13 Eropirã erã marire goroweobiricũ dohpaguere Goãmũ yare opapehoque mũa cãhmotaborore. Eropirã watĩ mũare ñero goroweodiacũ, mũare ïgũ ñero iidorecũ ïgũre cãhmotarãca. Eropirã tarinũgarãca. Eropa ïgũre tarinũgarã, turarã dujarãca mũa.

14-17 Eropirã turarã árĩque Goãmũ ya mera. Surara gamewejẽrã warã erã come suhri sañarã erã dũpũre ðaro cãhmotama. Erã coretihbi cãhmotama erã come suhriro sañarã. Come zapatu sañama. Erã diapore cãhmotama comese mera. Come sãpea peyama. Ñoserimijire opama erã cãhmotaboro dopa. Erã surara cãhmotaro dopa ta mũa watĩre ðaro

cāhmotapehoborore òpa Goāmũ yare iique. Diaye majare Goāmũ yare òaro peeque. Eropirã Goāmũ gamero dopa òarire iiniguicãque mua watĩre cãhmotamorã. Jesucristo ya òari buherire peerã òaro āhraa. Eropirã iri òari buherire òaro wererã waque gajirãre. Watĩ mũare ñero iidorediarimi. Eropirã ĩgũre cãhmotamorã Jesucristore “Diaye iigũ āhrimi,” arĩ umupeoniguicãque. Cristopũ marire peamegue wabonirãre taumi. Mua ĩgũ taunirã árĩrã watĩ ñero iidorerire yũhribiricãque. Eropirã watĩre tarinũgamorã Goāmũ yare òaro masique mua Espĩritu Santo ĩgũ itamuri mera.

<sup>18</sup> Eropirã mua watĩre cãhmotarã Goãmũre eropa mũmuri mũcũ serēniguicãque. Espĩritu Santo ĩgũ itamuri mera serēniguique. Eropirã òaro guña masique. Eropa serērã gariborebiricãque. Árĩpehrerã Goāmũ yarãre eropa serēbasaniguicãque.

<sup>19</sup> Eropirã yũ sãre serēbasaque Goãmũre. Òpa arĩ serēbasaque: Òari buherire iribojegue masa erã òaro masibirirare òaro erãre masicũ yũ iiborore serēbasaque. Eropirã gũiro mariro yũ wereboro dopa serēbasaque yũre.

<sup>20</sup> Cristo ĩgũ yare weredoregũ yũre obeomi. Yũ eropa werera waja peresugue āhraa dohpaguere. Yũhũ ohõ árĩqueregũ ta gũiro mariro ĩgũ yare yũ wereboro dopa serēbasaque yũre. ĩgũ yare werebu árĩgũ tiiaa.

*Pablo òadoretuñumi*

<sup>21</sup> Tĩquico yũ mera majagũ mua pohroque ejagũ yũ árĩricũre mũare werepehogũcumi. ĩgũ mari acaweregũ mari mahigũ āhrimi. Eropigũ mari Opũ yare òaro itamugũ eropa árĩniguicãmi.

<sup>22</sup> Gũa árĩricũre mũare weredoregũ ĩgũre obeogũ iiaa mua pohroque mua òaro mucubiriboro dopa.

<sup>23</sup> Goāmũ mari Pagũ mari Opũ Jesucristo mera mũare árĩpehrerãre gũa acawererãre òadorea. Cristore mua òaro umupeori mera mua game mahiboro dopa Goãmũre serēbasaa mũare.

<sup>24</sup> Árĩpehrerã mari Opũ Jesucristore eropa mahiniguicãrãre Goāmũ mera òadorea. Eropa ta árĩniguicãporo. Iripēta āhraa.



## Filipenses

### *Peresugue árĩgu ipũre gojabeopu Pablo*

<sup>1</sup> Gũa Pablo Timoteo mera Jesucristo pohro majarã ähraa. Eropirã árĩpehrerãre mũare ðarãre Jesucristo yarãre Filipo majarãre gojabeoga. Mũa oparã sãre mũare itamurã sãre gojaa.

<sup>2</sup> Eropirã Goãmũ mari Pagũ mari Opũ Jesucristo mera mũare ðadorea. Ĩgu itamuri mera ðaro árĩque mũa.

### *Pablo Jesu yarãre Goãmũre serẽbasapu*

<sup>3-6</sup> Goãmũ mũare ðarĩpũre gohrotocũ iigu iimi. Eropigu mũare ĩgu iinũgadiro dopa ta ii ojogorocũgũcumi. Eropirã Jesucristo i yebaguere ĩgu eracũguere ñeri marirã árĩrãca mũa. Negohraguere Jesu yarã mũa wara pũhũ, dohpague sãre itamua mũa yũre ðari buherire yũ buhecũ. Mũa eropa iirã árĩcũ Goãmũre “Õhaa,” arãa yũhũ. Mũaare guñagu ðpa dihta arãa yũhũ. Mũaare Goãmũre serẽbasagu mucubiriri mera serẽbasaa.

<sup>7</sup> Eropigu mũare yũ ðaro mera eropa pepicũ ðapũrica. Õari buherire “Diaye ta ähraa,” oparãre yũ arĩtarinũgacũ mũa yũre itamubũ. Iri buherire diaye ta iri árĩrire masare yũ werecũ itamubũ mũa. Peresu yũ árĩcũ sãre itamubũ. Eropa mũa itamucũ mari yujuro mera Goãmũ itamurire opaa. Eropigu yũ sĩporã mera turaro mahia yũhũ mũare.

<sup>8</sup> Jesucristo ĩgu mahiri mera bũrigã mũare guñaa yũhũ. Yũ eropa guñacũ Goãmũ irire masimi.

<sup>9</sup> Mũaare ðpa arĩ serẽbasaa yũhũ Goãmũre. Goãmũ yare ðaro masiri mera ðaro pee masipehori mera Goãmũre masa sãre mũa mahinemoburire serẽbasaa yũhũ Goãmũre.

<sup>10</sup> Õarire mũa masiburi sãre serẽbasaa mũare. Mũa eropa masirã Cristo i yebague ĩgu dujaricũ ðarire iinirã árĩrã, dipuwaja marirãca mũa.

<sup>11</sup> Eropa ðarire iirã Goãmũ gamerire iirãca mũa. Eropa iimorã wacũ iigũcumi Jesucristopũ mũare. “Goãmũ ðagu, turagu ährimi,” árĩpehrerã ĩgũre erã arĩ umupeoburire ĩgu gamerire mũa iicũ iigũcumi mũare.

### *Pablo Jesucristo yagu ĩgu warare werepu*

<sup>12</sup> Yũ acawererã, ire mũa masicũ gahmea. Yũ dohpaguere peresu yũ árĩquererã ta ðari buheripũ eropa mũhtaniguicãa.

<sup>13</sup> Eropigu Cristo yagu yũ árĩri waja peresu yũ warare masipehrema opu ya wihi majarã surara. Árĩpehrerã gajirã sã ðre irire masima.

<sup>14</sup> Eropirã peresu yũ árĩcũ ĩarã, bajarã mari acawererã Jesu yarã mari Opũre Jesure umupeonemoma. Eropa umupeorã gũiro mariro ðari buherire gajirãre buhema erã.

<sup>15</sup> Yujurãyeri Cristo yare buhebonirã árĩquererã yũre ĩhaturima. Cristo yare buherã erãpũre masa ĩhasũacũ gahmema. Gajirãpũ ðaro mera Cristo yare buhema.

<sup>16-17</sup> Õari buherire yũ werenigui turaburire Goãmũ yũre ĩgu apirare ðaro masima. Oãpũ eropa masirã yũre umupeorã Cristo yare buhema. Gajirãpũ yũre ĩhaturirã masare erãpũre ĩhasũacũ gamerã Cristo yare buheama. Eropirã yũ peresu árĩcũ erã yũre bũjawerãcũ iidiana.

18 Ōaroca. Cristo yare ta buherã iima. Erã yũre umupeobiriquerẽã Cristo yare buhema. Gajirãpũ õari mera buhema. Áripehrerã erã ïgũ yare buhecũ mucubiria.

19 Eropigũ mucubiriniguicãgũca yũhũ. Goãmũre mũa yũre serẽbasara mera, Jesucristo ïgũ Espiritu Santo itamuri mera Goãmũ yũre õaro taricũ itamugũcumi. Irire masia.

20 Ōpa ta bũrigã iidiaa yũhũ dohpa. Ne yũ iirare ñero pepidiabeaa. Ñero pepibigũ árĩgũ doyarõ mariro árĩgũpũ masare Cristore õaro umupeocũ bũrigã iidiaa. Ʋmũri nũcũ yũ iidiro dopa ta dohpague sãre erã Cristore “Ōagũ, turagũ ãhrimi,” erãre arĩ umupeocũ iidiaa. Ojocarigũ gohra eropa ta iidiaa. Erã yũre wejẽdiaquerecũ ta eropa ta iidiaa.

21 Ojocarinigũgũ gohra Cristo yare iiniguica dohpa. Sĩrigũgue tamera ojocarirã tauro õaro dujagũca yũhũ.

22 Ojocarinigũgũ Cristo yare yũ inemoboro dopa ojocarinigũicãdiaca. Eropa iidiaqueregũ ta sĩriri sãre gahmea. ¿Dipũre yũ gamebocuri? Masibirica yũhũ.

23 Yũ õpa arĩ wereniguicũ masisũya mara yũre. Cristo mera bũrigã árĩdiaa. Eropigũ dohpaguere ïgũ pohrogue wadiaca. Ojocariri tauro sĩriripũ õatarinũgacãroca.

24 Eropa árĩquerecũ ta mũare yũ itamuboro dopa ojocarinemoro gahmea yũre.

25 Irire masigũ ohõ mũa mera yũ árĩborore masia yũhũ. Eropa árĩniguicãgũca yũhũ mũa Cristore umupeonemoboro dopa, iri umupeoturari mera mũa mucubiriborore.

26 Iyebague árĩnigũ mũa pohrogue dipaturi yũ wacũ mũa mucubirirãca. Eropa yũhũ mũa pohro ejacũ Cristo Jesu yũre ïgũ itamurire masirã, “Turagũ ãhrimi ïgũ,” arĩ umupeorãca mũa ïgũre.

27 Dohpaguere i dihtare iique. Cristo ya buheri iri arĩro dopa ta árĩricũque mũa. Guñaturarã árĩque. Eropirã game dũca wariro mariro õari buherire yujuro mera bũrigã buheque. Eropa ta yũ mũa pohro wabiricũ sãre yũ wacũ sãre mũa eropa iicũ gahmea. Eropa mũa yujuro mera árĩrã árĩcũ peebeodiaa yũhũ.

28 Mũare ïhaturirãre gũibiricãque. Mũa eropa gũibiricũ ïarã Goãmũ yarã mũa árĩcũ masirãcoma erã. Eropa masirã erã peamegue waboro sãre masirãcoma. Eropirã Goãmũ ïgũ tauboro sãre masirãcoma. Ōpa ta masicũ iimi Goãmũ masare.

29 Cristore mũa umupeobure Goãmũ apidi árĩmi. I sãre apidi árĩmi. “Cristo yare mũa werera waja ñero tarirãca,” arĩ apidi árĩmi Goãmũ mũare.

30 Eropirã Cristo yarã mũa árĩri waja gajirã mũare ñero iima. Mũare erã iidiro dopa ta yũ sãre ñero iima erã. Mũa mera yũ árĩcũ yũre erã eropiicũ ïabũ. Dohpague sãre erã yũre eropiicũ pee waĩcũa mũa. Eropirã mari yujuropa ta ñero taria.

## 2

*Cristo bu árĩgũ iro dopa eradigũ árĩpehrerã weca opũ árĩbu warũ, arĩ gojañumi Pablo*

1-2 Cristo mũare õaro sĩporãcũcũ iinirã, Cristo ïgũ mahiri mera mũa mucubirirã, yũpũre õaro mucubiricũ iique. Eropirã Espiritu Santo árĩpehrerã mũa mera ïgũ árĩcũ gajirãre mahirã, mojomoro ïarã árĩrã, yũre õaro mucubiricũ iique mũa. Ire mũa iicũ mucubirigũca. Yujuropa

ta ðaro sīporācūque m̄ua. Eropirā m̄ua basi game mahique. Ōari mera árīricūque. Eropirā árīpehrerā yuju diaye ðaro árīque.

<sup>3</sup> Gajirāre tarinūgadiarā árībircāque. Eropirā eropa ta pepi árīcāque. Eropirā gajirāre ðaro umupeo ðpa arī pepique: “Erāp̄u yu tauro ðarā āhrima,” arī pepique.

<sup>4</sup> Gajigu gajirāre itamudiabiribocumi. Īgu iro dopa iibircāque. Gajirā sāre itamuque.

<sup>5</sup> Jesucristo ĩgu eropa pepicādiro dopa ta m̄ua s̄a eropa ta pepicāque.

<sup>6</sup> Īḡup̄u Goām̄u gohra árīquereḡu ta “Goām̄u yu árīrire ne duhosome yuh̄u,” arībirip̄u ĩgu.

<sup>7</sup> Eropigu ĩgu Goām̄u ĩgu árīrare duhu, mas̄u ta masa dehyoadigu pohro majagu iro dopa árīnūgar̄u i yebaguere.

<sup>8</sup> Eropigu ĩgu mas̄u d̄up̄uc̄uḡu bu árīgu gohra árīnūgar̄u. Eropa árīnūgagu “Crusague wejēque ĩḡure,” erā arīc̄ū ĩgu Goām̄ure yuhriḡu tarinūgabirip̄u. Crusague ta ḡahyas̄uro mera s̄iribu árīquereḡu ta ĩgu tarinūgabirip̄u ĩgu Paḡure.

<sup>9</sup> Eropigu ĩgu eropiic̄ū ĩha mari Paḡu árīpehrerā masa erā umupeobure apip̄u Jesure. Eropigu árīpehrerā gajirā weca op̄u acup̄u Goām̄u ĩḡure.

<sup>10</sup> Eropirā árīpehrerā ūmaro majarā, i yeba majarā, s̄irinirā m̄ura s̄a Jesu waire peerā erā mereja muju ĩḡure umupeorācoma pare.

<sup>11</sup> Eropa ĩḡure op̄u acuḡuc̄umi mari Paḡu árīpehrerā Jesucristore “Mari Op̄u āhrimi,” erā arībure. Eropa arīrā mari Paḡu Goām̄ure umupeorācoma.

*Cristo yarā ðarire wererā masare masic̄ū iima*

<sup>12</sup> Eropirā, yu mahirā, m̄ua mera yu árīc̄ū m̄ua yuhridiro dopa ta, dohpaguere yu yoarogue árīc̄ū sāre ðaro yuhrique yure. Eropirā peamegue wabonirā m̄ua Goām̄u taunirā árīrā Cristo ĩgu itamuro mera ĩgu gamero dopa ii purumujuque. Eropirā umupeori mera biraro mariro Goām̄u yare iique.

<sup>13</sup> Goām̄u ðarip̄ure m̄uare gamec̄ū iigu iimi. Īgu eropa gamero dopa ta m̄ua iiborore iimi. Eropigu irire m̄ua ĩgu yare ðaro iiborore itamuniguic̄ami Goām̄u. Īgu eropa iic̄ū irire yu arīdiro dopa ta iique m̄ua.

<sup>14</sup> Árīpehrerire iirā turiro mariro, m̄ua basi gajinore wereric̄uro mariro iique.

<sup>15</sup> Eropiique m̄ua ñeri dipuwaja marirā, ñerire iibirā Goām̄u porā ðaro m̄ua árīmorā. Eropiique m̄ua masa ḡuyarā, ñerā watopere goroweoro mariro m̄ua árīmorā. Erā ñerā watope m̄ua árīrā ðari buherire buherā masic̄ū iiaa m̄ua i yeba majarāre.

<sup>16</sup> Iri buherire m̄ua peeñanirā Goām̄u mera eropa árīniguimorā wab̄u m̄ua. Iri buherire i yeba majarāp̄ure m̄ua eropa buhec̄ū ĩagu m̄ua mera mucubiriḡuca yuh̄u. Eropigu yu m̄uare buherare guñagu, “Bu gohra ta m̄uare buhebiriya yuh̄u,” arīḡuca yuh̄u. Eropigu Cristo ĩgu i yeba ĩgu dujaric̄ū m̄ua mera mucubiriḡuca yuh̄u. Eropigu ḡahyas̄uro tarisome yuh̄u.

<sup>17</sup> Cristore m̄ua umupeoturac̄ū Goām̄u m̄uare ĩhas̄uaḡuc̄umi. Īgu eropa ĩhas̄uac̄ū ĩagu m̄uare Cristo yare yu buheri waja yure erā wejēdiaquerec̄ū ta mucubiriḡura. Eropirā mari árīpehrerā yujuropa ta mucubirirāca.

<sup>18</sup> Eropa ta m̄ua sāre yu mera mucubiriro gahmea p̄ahr̄u yu s̄iric̄ū ĩarā.

*Timoteore, Epafrodito sāre werep̄u Pablo*

<sup>19</sup> Mari Opu Jesu ĩgu gamecũ yojaro mera Timoteore mua pohrogue obeodaa yũhu mua árĩricurire masibu. Eropa masigugue ta mucubirigũca.

<sup>20</sup> ĩgu Timoteo mua õaro árĩborore diaye ta burigã guñami mũare. Gajigu ĩgu iro dopa ta árĩgu marimi yũre.

<sup>21</sup> Gajirãpu árĩpehrerã erã gameri dihtare iidia, Jesucristo ĩgu gameripũre iidibeama.

<sup>22</sup> Timoteopũ ĩgu õaro iirire masia mua. Yũ magũ iro dopa ta árĩgu ĩgu yũ mera õari buherire weremũrimi. Eropirã gũa yujuropa ta Cristo yare buhemũrabũ.

<sup>23</sup> Eropigu õ majarã oparã yũre erã duhpiburire masira pũhrũ, Timoteore mua pohrogue obeodiarã.

<sup>24</sup> Eropigu mari Opu Jesu ĩgu itamuri mera yojaro mera yũ sã mua pohrogue wagũca.

<sup>25-26</sup> Yũre itamudorerã mua Epafroditore obeoabũ yũ pohrogue. ĩgu yũ acaweregu, yũ mera mohmegũ, yũ wapi, Goãmu yare buheturagu añhrimi. ĩgu mũare turaro guñabeomi. Eropigu ĩgu dorecurare mua peecũ masigu ĩgũpu “Erã yũre guña bujawerecoma,” arĩ guñaricũmi. Eropa ĩgu wũaro guñaricũcũ ĩagu ĩgũre mua pohrogue omedujuro gahmea yũre, arĩ pepia yũhu dohpaguere.

<sup>27</sup> Árĩro ta ĩgu turaro dorecũami. Mero sĩribocuri tariami ĩgu. ĩgu eropa dorecũquerecũ ta, Goãmu ĩgũremojomoro ĩagu taricũ iiami. ĩgu sĩricũ yũpu burigã bujawereboaya. Eropigu yũ sãre Goãmumojomoro ĩami ĩgũre taricũ iigu.

<sup>28</sup> Eropigu dohpague tamerare yojaro mera ĩgũre mua pohrogue obeodaa dipaturi mua ĩgũre ĩha sĩñajaboro dopa. Mũa eropa mucubiricũ peegu yũ sã mucubirigũra.

<sup>29</sup> Eropirã ĩgũre Epafroditore mari Opu yagũre õaro mucubiriri mera bocatĩrique. Eropirã gajirãre ĩgu iro dopa árĩrãre umupeoque.

<sup>30</sup> ĩgu Cristo yare itamudiagu sĩrirami. Mũapu yũre itamumasibiricũ ĩgũpu yũre itamubasamũrami. Eropigu dorecũ sĩrirami ĩgu.

### 3

#### *Õaro árĩri gohrare wereñumi Pablo*

<sup>1</sup> Dohpague tamerare ire weregũra. Mari Opu mera mucubirique. I buherire ero coregue yũ wererare dipaturi õpa arĩ gojabeogu mucubiria yũhu. Eropigu ire werenemogu itamugũ iiaa mũare.

<sup>2</sup> Gorowerebirã ta árĩque mua. Ñerire iiniguicãrã, diayea iro dopa ta árĩrã, ñerã, gasiro merogã wiri aĩdorerã mua ya dupũre wiridiana. Eropa iidorerã árĩcũ ĩha “Queoro buheri árĩbeaa,” arĩrã õaro iique mua.

<sup>3</sup> Erã circuncisión gasiro merogã aĩdoreciarã “Deyoro maja mera Goãmũre umupeocũ õhaa,” arĩrima. Maripu eropa arĩbeaa. Espĩritu Santo ĩgu itamuri mera diaye ta Goãmũre umupeoa mari. Mari deyoro maja iiri mera mucubiribeaa. Jesu yarã mari árĩri mera mucubiria mari.

<sup>4</sup> Eropa mucubiriqueregu ta, yũ iirare erã iro dopa arĩdiagũ, erãre docapicãboya yũ sã. Gajigu õpa ta arĩ tarinũgacãdiami. Yũpu ĩgu tauro eropa árĩboaya.

<sup>5</sup> Õpa iigu árĩribũ yũhu: Ocho nũri yũ masa dehyoara pũhrũ gasiro merogã wiri aĩnirã árĩma yũre. Israe masũ árĩgu Benjami ya curu majagu añhraa yũhu. Yũ pagũ sũmarã hebreo masa erã árĩcũ diaye ta hebreo masũ

gohra ta masa dehyoabũ. Moise dorerire diaye ta iipehodiagu fariseo curu mera ñajaribũ yũhũ.

<sup>6</sup> “Goãmũ ya árısaca,” arĩgu ðaro iiribũ yũhũ. Eropigu Jesu yarãpũre ñero iimũricarabũ yũhũ. Diaye ta Moise dorerire iigu irire tarinũgaro mariro iipehomũriribũ yũhũ.

<sup>7</sup> Iribojeguerẽ “Iri ðari árısaca,” arĩ pepimũriribũ. “Iri yũ eropa arĩ pepira iribojeguerẽ yũ eropa árĩra duhpiburi árĩbirigohracãdiro árĩbũ,” arĩ pepia dohpaguerẽ. Õpa ta arĩ pepinũgabũ yũhũ Cristore umupeonũgagũ.

<sup>8</sup> Jesucristo yũ Opũre yũ masicũ tamerare ðataria. Eropigu gaji doreripũre duhpiburi árĩbeaa, arĩ pepia yũhũ. Iri árĩpehrerire cóacãbũ Cristo yarũre iibu. Eropigu iribojeguerẽ yũ iirare cóãgu “Ñeri gohra ãhraya,” arĩ pepia. Cristo yare ðaro masibu iigu mera majagu árĩbu eropa pepia.

<sup>9</sup> Eropigu yũ ejatuharo ðaro yũ iira waja “Õagu ãhrimi,” arĩ ñabeami Goãmũ. Eropiro Goãmũ dorerire Moiserẽ iigu apirare yũ iira waja sãre “Õagu ãhrimi,” arĩ ñabirami. Cristore yũ umupeora pũhrũ “Õagu ãhrimi,” arĩ ñami pare iigu yũre. Goãmũpũ marire dipuwaja marirã árĩcũ iimi iiguere mari umupeocũ.

<sup>10</sup> Eropigu ero coregue yũ árĩmũhtarare duhucãbũ Cristore ðaro masigu wabu. Goãmũ iigu turari mera Cristo masa mũriapũ. Iri turari mera árĩdiaca yũhũ. Eropigu iri turari mera ðarire iidiaca. Cristo crusague sĩripũ mari ñeri iirare cóãbu. Eropigu iigu yare iigu iigu iidiro dopa ta ñero taridiaa yũ sã.

<sup>11</sup> Eropigu Cristo iigu masa mũriadiro dopa ta, yũ sã masa mũriadiaca.

<sup>12</sup> I árĩpehreri eropa arĩgu “Cristo iro dopa ñeri marigu árĩtuhajaa,” arĩ pepibeaa. Yũ eropa arĩ pepibiriqurerẽ ta Cristo iigu yagu árĩbure ðagu árĩbure iiami yũre. Eropigu iigu yare iigu sãre ðaro masinemodiagu turaro mera iigu yare iidiaa yũhũ.

<sup>13</sup> Yũ acawererã, yũhũ mũare eropa arĩgu, “Jesucristore ðaro masipehõtuhajaa yũhũ,” arĩgu iibeaa. Eropa arĩbiriquerẽgu ta i tamerare iiaa. Yũ iribojeguerẽ iirare cãdijigu dohpaguerẽ “¿Goãmũ dohpa iicũ gahmeri yũre?” arĩgu bũrigã irire iidiaa.

<sup>14</sup> Omabiragu pohbegũ ejamũhtadi iigu wajatadiaro dopa ta bũrigã iiaa yũhũ yũ wajataborore yũ ñeaboro dopa ta. Cristo iigu yagu yũ árĩcũ ñagu yũhũ wajataborore obu umarogue sihubeomi yũre.

<sup>15</sup> Õpa yũ arĩro dopa ta pepique mũa sã Cristore ðaro masirã árĩrã. Eropirã mũare yũ wererare mũa peediabiricũ gajiropa mũa pepicũ Goãmũ mũare ðaro masicũ iigu cumi.

<sup>16</sup> Eropirã iigu yare mari masirare ðaro ii ojogorocurã.

<sup>17</sup> Yũ acawererã, mũa árĩpehrerã yũre ñhacũque. Eropirã gajirã gũa iiro dopa iirãre ñhanũque mũa erã sãre mũa ñhacũboro dopa.

<sup>18</sup> Bajasuburi gajirãre ñerãre wereabũ yũhũ mũare. Dohpaguerẽ sãre bũrigã bujawerẽgu erãre ta werea mũare daja. Erã ñero iiri mera “Cristo crusague iigu sĩridi arĩmi,” arĩ buherire ñhaturirã ãhrima.

<sup>19</sup> Erã peamegue wamorã ta ãhrima. Erã ñaribejaripũre bũrigã gahmema. Eropirã iri mũare gũhyasĩrisãborare erãpũ “Mari iiri ðari ãhraa,” arĩma erã. I umũ maja dihtare pepima erã.

<sup>20</sup> Maripũre mari ejaburi maca umarogue ta ãhraa. Eropigu eroguerẽ ta marire taubu mari Opũ Jesucristo dujarigu cumi. Eropirã iigu dujariborore corerã iiaa mari.

21 Īḡu dujarigū mari dūpūre bu árīri dūpūre gajiropa árīri dūpūre gohrotogūcumī ĩḡu. Eropigū ĩḡu ya dūpū iro dopa ta ōari turari dūpūre gohrotogūcumī marire ĩḡu turari mera. Árīpehrerā opū ñajami ĩḡu iri turari mera. Eropigū árīpehreri Opū āhrimi ĩḡu iri turari mera.

## 4

### *Īmūri nūcū mari Opū mera mucubirique, arī gojañumi Pablo*

<sup>1</sup> Eropirā yū acawererā, yū mahinirā, būrigā yū guñarā, yūre mucubiricū iirā, mūa guñaturadiro dopa ta mari Opūre būrigā guñaturaniguique mūa.

<sup>2</sup> Ire wereḡura mūare Evodiare, Síntique sāre: Jesu yarā nome āhraa mūa. Eropirā mūa game dūyasorire duhu ōaro mera árīricū árīque mūa basi.

<sup>3</sup> Mūpū diaye ta yū wapi gohra āhraa. Mū sāre wereḡura: Erā nome yū mera, Clemente mera, gajirā yū wapicūrā mera mohmeama ōari buherire ḡua buhecū. Goāmū erā waī sāre gojatutuhañumi ĩḡu yapūḡue. Īmūri nūcū ojocariburire ĩḡu onirā waīre ĩḡu gojaturipūḡue gojatutuhañumi erā waī sāre. Eropigū erā nomere bosaque mūhū.

<sup>4</sup> Mūa árīpehrerā ĩmūri nūcū mari Opū mera mucubirique. Dipaturi ta wereḡura daja: Mucubirique.

<sup>5</sup> Ōaro iiniguicāque mūa ōaro iinirā árīrare árīpehrerā masa ĩhamasiborore. Mari Opū Cristo ĩḡu ariboro merogā dūhyaa.

<sup>6</sup> Mūa árīricūrere ne būjawere guñaricūbiricāque. Mūa guñaricū būjowererire Goāmūre ōaro werepehocāque. Eropirā ĩḡure ōaro serēque. Eropirā mūa serērā ĩḡure “Ōhaa,” arīque ĩḡure.

<sup>7</sup> Mūa eropiicū, ōaro árīcū guñaricūro mariro iigūcumī Goāmū mūare. Īḡu eropa iiri ōataria. I mari ōaro árīri ōataria. Eropiro Jesucristo yarā mari árīcū marire ōaro árīcū iigūcumī Goāmū. Marire ōaro sīporācūcū iigūcumī. Eropigū būjowererire guñaniguicācū iisome ĩḡu marire mari ĩḡure serēra pūhrū.

### *Ōarire pepique, arī gojañumi Pablo*

<sup>8</sup> Acawererā, ire weretubu iiaa mūare. Queoro árīrire, masa erā umupeorire, ōaro iirire, ñero marirore, sūarire, masa “Ōari āhraa,” erā arīrire pepique mūa. Ōatariari iri árīcū iripūre pepique. Masa ōarire ĩarā erā mucubirire mūa sā mucubiri pepique. Iri árīpehrerere guñaque irire mūa iiboro dopa.

<sup>9</sup> Mūare yū buhediro dopa ta eropa ta iiniguicāque mūa. Eropirā yūre ĩhacūque mūa. Mūa eropa iicū Goāmū mūare ōaro árīcū iigū mūa mera árīḡumī.

### *Filipo majarā Pablore erā orare wereñumi ĩḡu*

<sup>10</sup> Dohpague tamerare yoara pūhrūḡue mūa dipaturi yūre guñarā mūa itamurare mucubiria. Eropa mucubirigū mari Opū Cristore “Ōhaa,” arāa. “Yūre cādijia wabū mūa,” arībeaa yūhū. Iribojeguerere yūre itamudiaquererā itamumasibirinirā árībū mūa.

<sup>11</sup> Yūre mūa itamurare wereḡu “Yūre dūhyaa dohpa,” arī werebu iibea yūhū. Mūare gajinore gameḡu eropa arīḡu iibea. Yū opari mera árīmasia yūhū.

<sup>12</sup> Gajinore moogū sā ōaro árīmasia yūhū. Eropigū baja opagū sā ōaro árīmasia yūhū. Īmūri nūcū oaboagū sā oare nūḡarōa waca. Yapigū árīḡu

sã òaro árĩpoa waca. Dabero opaguã sã árĩpoa waca. Yũre gajino maricũ sãre òaro árĩpoa waca.

<sup>13</sup> Cristo yũre turacũ iiguã mera árĩpehrerire yũ eropa warire ii bocaĩumasia yũhũ.

<sup>14</sup> Yũ eropa árĩpoadiguã árĩquerecũ ta yũ ñero taricũ mua itamurã yũre òaro iĩabũ mua.

<sup>15</sup> Óari buherire yũ buhediacũ Macedonia yeba mua ya yeba árĩdigũ yũ wacũ gajĩ maca majarã Jesu yarã yũre itamubirama. Mua dihta yũre itamuabũ. Irire masia mua. Mũare yũ buhecũ yũpũre mua itamucũ mari yujuropa ta Cristo yare iirã iĩabũ.

<sup>16</sup> Eropirã Tesalónicague yũ árĩnicũ ĩarã yũre itamubeobũ. Yujuyerisuburi yũre dũhyacũ ĩha yũ gamerire obeoabũ mua.

<sup>17</sup> Gajinore serẽguã eropa arĩguã árĩbeaa. Gajirãre mua itamucũ Goãmũ mũare òaro itamugũcumĩ. ĩgũre mua itamuri waja Goãmũ mũare ĩgu òaro iicũ gahmea yũhũ. Mua eropa itamurã guñaturarã wacũ sãre gahmea yũhũ. Eropiguã yũre mua itamurare guñacũ iiaa mũare.

<sup>18</sup> Dohpaguere yũre òaro opehoabũ mua. Yũ gamera tauro ohabũ mua yũre. Yũre Epafrodito mera mua obeora pũhrũ gajino ne dũhyabeaa yũre. Mua yũre ora Goãmũre ora iro dopa ãhraa. Yũre mua ora Goãmũre òaro sũacũ iiaa.

<sup>19</sup> Jesucristo marire òaro iidi árĩmi. Eropiguã árĩpehrerire mũare dũhyarare ogũcumĩ mari Pagũ mũare. Óatariari ĩgu oparire ogũcumĩ.

<sup>20</sup> Ĥmũri nũcũ mari Pagũre Goãmũre umupeorã. Eropa ta iiporo.

### *Pablo òadorepũ*

<sup>21</sup> Árĩpehrerã Goãmũ mera árĩrã Jesucristo yarã òaporo. Mari acawerẽrã Jesu yarã yũ mera majarã sã mũare òadorema.

<sup>22</sup> Árĩpehrerã ò majarã òarã Jesu yarã òadorema. Roma majarã weca opũ ya wihi majarã tamera burigã òadorema.

<sup>23</sup> Mari Opũ Jesucristo mera mũare òadorema. Eropa ta árĩniguicãporo. Iripẽta ãhraa.

## Colosenses

### *Colosa majarãre gojabeoñorã Pablo sã*

1-2 Yũhũ Pablo Jesu yagũ mari acaweregũ Timoteo mera mũare Colosa majarãre gojabeoa gũa. Jesucristo ãgũ yare buhedoregũ ãgũ apidigũ ta ãhraa yũhũ. Goãmũ ãgũ gamero dopa ta Jesucristo yũre ãgũ yare buhebure apimi. Eropirã mũare gũa acawererãre Cristore umupeorãre gojabeoa. Eropirã mari Pagũ Goãmũ mera mũare õadoreã. Eropirã ãgũ mera õaro árĩque mũa.

### *Jesu yarãre Pablo serẽbasapũ Goãmũre*

3-8 Mũa ya árĩburire Goãmũre serẽrã mucubiriri mera eropa serẽbasaniguicãa gũa. ãgũ mari Opũ Jesucristo Pagũ ãhrimi. Árĩpehrerĩnũri mũa umũsigue õaro árĩcũ iigũcumĩ Cristopũ. ãgũ eropa iibu árĩcũ mũa mucubirimãhtarã waĩcũa. "Jesucristo diaye iigũ ãhrimi," arĩ ãgũre umupeorã waĩcũa mũa. Eropirã ãgũ yarãre mahi waĩcũa mũa. Mũa eropa árĩrã árĩcũ Goãmũre "Õhaa," arĩ mucubiriri mera serẽbasaa gũa. Árĩpehrerogũere Jesu yarã diaye árĩri buherire õari buherire erã werẽcũ peerã masa õaripũre gohrotoma. Goãmũ yare masinemorã wahama. Õpa ta mũa sãre Epafra õari buherire weredi árĩmi. ãgũ gũa mera Cristore mohme coregũ ãhrimi. Iri mohmerire duhubeami ãgũ. Mũare ãgũ eropa werẽcũ peerã, mata Goãmũ yare õaro iiniguicãmũrayoro mũa. Eropirã Goãmũ mũare mahirire diaye ta masirã mata õaro iiaiyoro mũa. Mũa eropa iirare ãagũ Epafra weremi gũare. Espĩritu Santo itamuri mera Jesu yarãre mũa mahirare weremi ãgũ gũare. ãgũ eropa arĩ werẽcũ peerã "Õhaa," arãa gũa Goãmũre.

9 Eropirã mũare guñarã eropa Goãmũre serẽbasaniguicãa. Goãmũ ãgũ gamerire mũa masipehoboro dopa serẽbasaa gũa. ãgũ yare õaro masirã mũa árĩbororo sãre serẽbasaa gũa.

10 Õpa ta serẽbasaa gũa mari Opũ Cristo ãgũ gamero dopa ta õaro mũa iiburire. Mũa eropa iicũ ãagũ ãgũ mũare suagũcumĩ. Eropa ta mũa árĩpehrerire õarire mũa iiburire serẽbasaa. Goãmũre mũa masinemoboro dopa serẽbasaa.

11 I sãre serẽbasaa gũa. Goãmũ ãgũ õaro turari mera mũa õaro sĩporã turarã árĩbororo sãre serẽa. Eropa ta serẽa ñero tariquererã mũa Goãmũ mera yujuro bojeboro dopa. Ñero tariquererã mũa eropa pepicãburire mũa mucubiriri mera eropa árĩniguiboro sãre serẽbasaa daja gũa.

12 Goãmũ ãgũ yarã árĩcũ marire iimi. Eropa iigũ ãgũ orire mari opamorã mari árĩcũ sãre iimi ãgũ. ãgũ árĩrogue õarogue mari árĩborore amutuhajami ãgũ. ãgũ eropa iicũ ãarã mucubiriri mera mari Pagũre "Õhaa," mũa árĩborore serẽbasaa gũa mũare.

13 ãgũ ta marire peamegue wabonirãre taricũ iidi árĩmi. Iribojegue ñerire duhumasibiribũ mari. Ñegũpũ marire doredi árĩnirimi. Eropigũ Goãmũpũ marire taudi árĩmi. ãgũ magũ ãgũ mahigure opũ acugũ ãgũ dorero dopa marire árĩcũ iimi.

14 ãgũ magũ mera marire peamegue wabonirãre taudi árĩmi Goãmũ. ãgũ magũ ãgũ sĩrirañe mera mari ñeri iirare cãdijidi árĩmi Goãmũ.



*Masa Goãmure gamebircũ ïha Cristo amupũ, arĩ gojañumi Pablo*

<sup>15</sup> Goãmure mari Pagure ïaya mara. Cristo ïgu magũ ïgu Pagũ ïgu árĩricũre ïhmudigu árĩmi masare. ïgu ïgu magũ árĩpehrerã core, árĩpehreri core árĩtuhadigu árĩmi. Eropigu tauro opũ àhrimi ïgu.

<sup>16</sup> Goãmũ ïgu dorecũ ïgũpũ ïgu Pagũ mera árĩpehrerire ïhacũnuguñumi. Æmũsigue árĩre i yebague árĩri sãre ïhacũnuguñumi. Mari ïarire mari ïabiriri sãre ïhacũnuguñumi. I yeba majarãre, æmũsi majarã oparãre, árĩpehrero dorerãre, mari ïarãre, mari ïabirã sãre, árĩpehrerãre ïhacũnuguñumi. ïgu árĩpehrerire, árĩpehrerãre ïhacũnuguñumi. Eropirã árĩpehrerã ïgu iinirã àhrima. Árĩpehrerigue ta ïgu iira àhraa.

<sup>17</sup> Árĩpehrerã core árĩpehreri core Cristo árĩmũhtañumi. Eropiro ïgu turari mera árĩpehrerã dohpaguere árĩrã iima. Árĩpehreri sã árĩro iiaa.

<sup>18</sup> Mari ïgu yarã árĩpehrerã ïgu ya curu majarã árĩrã ïgu dũpũ waĩcũa. Eropigu ïgũpũ mari dipuru àhrimi. ïgu sĩrigũ masa mũriamũhtadigu árĩmi árĩpehreri weca árĩpehrerã weca árĩbu.

<sup>19</sup> Cristo mari Pagũ Goãmũ mera yuju dũpũ ta árĩro dopa ta àhrimi. ïgu eropa árĩcũ ta gamepũ mari Pagupũ.

<sup>20</sup> Árĩpehrerã masa erã ïgure gamebirimũricũ ïagu erã ïgu mera amubure Cristore obeopũ. ïgure eropa obeogu ïgu Cristo crusague sĩri ïgu di cóãra mera amupũ. Eropigu æmũsi majarãre, i yeba majarã sãre ïgu mera ðaro árĩcũ iipũ. Æmũsi maja i yeba árĩri sã ðaro árĩcũ iipũ. Eropigu ïgu guñadiro dopa iipũ.

<sup>21</sup> Mũa sãre eropa ta ïgu mera ðaro árĩcũ iidi árĩmi. Mũa sã ñerire iiniguinirã Goãmure boje majarã árĩrã mũa pepiri mera ïgure gamebirinirã árĩmũriribũ.

<sup>22</sup> Mũa eropa árĩnirãre Cristo sĩriro mera ïgu Pagure mũa ïgu mera ðaro wacũ iipũ ïgu. Eropa iipũ ïgu mũa ïgu yarã ðarã ñeri marirã, dipuwaja marirã mũa árĩboro dopa. Mũa eropa árĩcũ ïgu árĩroguere mũa árĩborore eropa iipũ.

<sup>23</sup> Eropa ta iigũcumi ïgu mũa ïgure duhuro mariro umupeoturanigu-icãcũ. Mũa ðari buherire mũa Goãmũ mera árĩniguiborore mũa cãdijibircũ, ïgu mera mũa árĩcũ iigũcumi mũare. Iri mũa peera buherire ðari buherire árĩpehrerã i yeba majarã peenirã árĩma. Eropigu yũhũ Pablo sã iri ðari buherire weregu ta àhraa.

*Jesu yarãre itamubure apipũ Goãmũ Pablõre*

<sup>24</sup> Cristo mari ïgu yarã árĩborore crusague sĩrigũ ñero taripũ. Eropigu yũ sã mũa ïgu yarã árĩburire ñero tarigu mucubiria. Eropa ñero tarigu Cristo marire ïgu apirare ii ojogorocũgu iiaa. Eropigu mucubiria. Cristo yare mari iira dipuwaja mari ñero tarinemoboro dũhyania dohpa. Eropigu ïgure mũa guñaturaborore ñero tari mucubiria yũhũ. ïgu dũpũ iro dopa árĩrã ïgu ya curu majarã àhraa mũa.

<sup>25</sup> Jesu yarãre itamubure apimi Goãmũ yũre. Mũa ya árĩburire iibure yũre apimi ïgu. ïgu yare mũare werepehobure apimi ïgu yũre.

<sup>26</sup> Iri ïgu yare iribojeguere baja cururi majarãre erã masipehocũ iibirimũriñumi mari Pagũ. Dohpaguere dohpague majarãre ïgu yarãre irire ðaro masipehocũ iimi pare.

<sup>27</sup> Eropigu “Judio masa árĩbirã sãre yaha buheri ðataria,” arĩ ïgu yarãre irire weremi. Iribojegue erã masibirirare weremi Goãmũ. Õpa àhraa

dohpaguere ĩġu werera: Cristo ĩġu yarā mera āhrimi. ĩġu eropa árĭcũ ĩġu yarā umũsiguere ðatariarogueere árĭrācoma. Iri āhraa iribojegue erā masibirira mari Pagu ya.

<sup>28</sup> Cristore ta werea. Árĭpehrerāre ġũisāġu erāre werea yuħu. Ōaro masiri mera buhea yuħu ðaro Cristore masare masicũ iibu. Eropa buhea yuħu erā ĩġu yare ðaro iirā erā árĭcũ iibu.

<sup>29</sup> Iri ta āhraa yu mohmeri. Jesucristo ĩġu ya turari mera yare ĩġu ora turari mera turaro mohmea yuħu ĩġu yare buheġu.

## 2

<sup>1</sup> Ire muu masicũ gahmea. Muu ya árĭburire, Laodicea majarā ya árĭburire, árĭpehrerā ya árĭburire turaro mohmea yuħu. Árĭpehrerā masa yare ĩabirā ya árĭburi sāre turaro mohmea yuħu.

<sup>2</sup> Ōpa ta mohmea yuħu muu árĭpehrerā ðaro sĭporācuborore. Muu mera majarāre muu yujuro mera game umupeoburi sāre eropa mohmea yuħu. Iribojegue majarāre Goāmu werebirira Cristore masicũ iiri āhraa. ĩġu yare masirā Cristore umupeoa muu. Muu ĩġure ðaro masiborore muu ĩġu mera ðaro árĭborore burĭgā itamua yuħu muare.

<sup>3</sup> Cristo dihta masipehocāmi ġajirā masibirirare. ĩġu árĭpehrerire ðaro masiġu āhrimi. ĩġu masiri ðatariaro āhraa.

<sup>4</sup> Irire werea muare ġajirā muare peesuari wereniguiri mera ġuyari arĭġu.

<sup>5</sup> Yuħu muu watope árĭbiriġuereġu yu ġuñari mera muu watope arĭġu dopa āhraa. Erogue árĭbiriġuereġu Cristore muu ðaro umupeoniguirare muu ðaro iirare peegu mucubiria yuħu.

<sup>6</sup> Eropirā mari Opu Jesucristore opamorā ĩġure muu umupeonugadiro dopa ta umupeoniguicāque. “Eropa ta yare itamugucumi,” arĭrā umuri nuġu ĩġu mera ðaro árĭniguicāque.

<sup>7</sup> ĩġure ðaro masirā árĭque muu. Eropirā umuri nuġu ĩġure masinemoque ġajirā erā ero core muare erā buhediro dopa ta. Eropirā Cristore mucubirirā “Ōhaa,” arĭniguicārā árĭque muu.

### *Cristo yarā árĭrā ðaripure gohrotoa mari, arĭ gojañumi Pablo*

<sup>8-10</sup> Ōaro pee masique muu. Masa erā gamero erā buherire erā ġuyarire peebiricāque. Erā iribojegue majarā árĭricurare buhema. Masa erā pepiro dopa pepirā árĭrā i doreri dihta buhema. Cristo yapure buhebeama. Cristo mari Pagu árĭro dopa ta arĭġu Goāmu gohra ta āhrimi. Eropiġu Jesucristo Goāmu arĭġu i yebague masa dehyoadiġu Goāmu ta árĭmi. Eropirā ĩġu yarā árĭrā Goāmu mera ðaro árĭniguia mari. ĩġu ta árĭpehrerā deyobirā oparā tauro opu arĭġu āhrimi. Umusi majarāre i yeba majarāre árĭpehrero majarāre ðoremi. Eropirā ġuyari buherāre peebiricāque.

<sup>11</sup> Eropirā Cristo yarā árĭrā circuncisiónre iinirā gasiro merogā wiri añirā iro dopa árĭrā āhraa muu. Masa erā dupure merogā gasirogāre erā wiri cóaro árĭbiriya. Muu pepiripure Cristopu muu ñeri uaribejarire cóami.

<sup>12</sup> ĩġu yarā árĭra puħru waĭyesũnirā árĭnirā árĭbu muu. Eropa waĭyesũnirā árĭrā ðpa ĩħmurā iinirā árĭbu muu: Iribojegue muu ñero iirare duhurare ĩħmurā iibu muu. Jesucristo sĭridiġu mera muu uaribejarare cóanirā árĭbu muu. Eropirā Jesucristo sĭridiġu masa muriara mera ðaripure gohrotonirā árĭbu muu. ĩġu Goāmupu Cristore masudiġu

árĩmi. “Ígũ turagũ áhrimi,” arĩrã ígũre umupeorã árĩrã õaripũre gohrotonirã árĩbũ mũa.

<sup>13</sup> Iribojegue mũa ñerã árĩra dipuwaja peamegue wabonirã árĩriyoro mũa. Eropa wabonirã árĩriyoro mũa Goãmũ yarã árĩbirã. Ígũ dorerire opabirã árĩriyoro mũa. Dohpaguere mari Pagũ marire ígũ mera eropa õaro árĩniguimorã iimi. Cristo ígũ sĩridiro mera eropa iimi ígũ marire. Eropa iigũ mari árĩpehreri ñeri iirare cãdijicãdi árĩmi ígũ.

<sup>14</sup> Goãmũ ígũ dorerire gojarare mari tarinũganirã mari árĩquerecũ ta ígũ marire dipuwajacũdorebeami. Cristo crusague ígũ sĩridiro mera Goãmũpũ mari ñeri dipuwajare cãdijipehocãdi árĩmi.

<sup>15</sup> Ígũ Cristo crusague sĩricũ watẽa ya dorerapũre Goãmũpũ tarinũgacãpũ. Eropirã bu árĩrã dujacãñorã erã watẽapũ. Eropa iigũ erãre gũhyasiuro wacũ iipũ erã íhuro.

### *Umusi majare Goãmũ yare gameque, arĩ gojañumi Pablo*

<sup>16</sup> Eropirã gajirã erã dorerire dorediaricoma mũare. “Mũare irire barã, irire ihrirã ñerire iirã iiaa mũa,” arĩ werewũama mũare. Erã eropa arĩ werewũacũ eropa ñacãque erãre. Bojori nũcũ árĩrinũri, aberi nũcũ árĩrinũri, semanari nũcũ árĩrinũri, bosenũri mũa iidiabiricũ werewũama. Erã eropa werewũacũ eropa pepicãque erãre.

<sup>17</sup> Erã mũare doreri iriwojegue Goãmũ apira doreri Jesucristo mari ñeri iira dipuwaja sĩriburire íhmumũharañe árĩyoro. Dohpaguere Cristo arĩmi marire. Eropirã ígũre umupeorã iri doreripũre umupeobeaa pare.

<sup>18</sup> Erã dorerire iidorerã mũare dipuwajacũrã dujacũ iidiama erã. Erã eropiicũ eropa ñacãque erãre. “Gajiroa dehyoarire íabũ gũa,” arĩmaacãrã erã anyuare umupeorima Goãmũre umupeoboro dopa. Erã eropa pepicãrã iro dopa iirima. Gajirã masa iro dopa erã ñeri uaribejarire pepirima erã. Eropa pepirã árĩrã “Masipehocãa gũa,” arĩ pepirima erã.

<sup>19</sup> Eropa iirã árĩrã Cristopũre umupeobeama. Cristo dihta ígũ yarãre doregũ áhrimi. Cristopũ mari ígũ yarã dipuru áhrimi. Ígũ yarãpũ ígũ ya curu majarã árĩrã ígũ dũpũ waĩcũa. Mari dipuru mari dũpũre gamesũriro dopa ta áhrimi Jesucristo ígũ yarãre. Ígũ yarãre itamugũ marire ígũre umupeonemocũ iimi. Goãmũ gamero dopa ta ígũ yarãre ígũre masinemocũ iimi.

<sup>20</sup> Marire ñero iira dipuwajacũnirãre Cristo taudigũ árĩmi crusague sĩrigũ. Eropirã Cristore umupeorã ígũ yarã áhraa. Mũa eropa árĩrã i yeba maja buherire anyuare umupeori buherire gamebiro gahmea mũa. ¿Duhpirã gajino buherã erã dorerire iidiari mũa?

<sup>21</sup> Õpa arĩ dorema erã basi erã gamero: “Irinore babiricãque. Irinore pẽhrebiricãque,” arĩma. ¿Erã eropa arĩdorecũ duhpĩrã yũhriri mũa?

<sup>22</sup> Erã doreriñe bari iro dopa ta pehrea waroca. Erã doreriñe i umũ maja dihta áhraa. Masa erã sũaro erã buheri dihta áhraa i buheri. Eropiro duhpĩburi árĩbeaa.

<sup>23</sup> Erã dorerire iirã Goãmũre umupeorã iro dopa árĩrima. Eropirã eropa pepicãrã iro dopa ii íhmuma. Erã dũpũre ñero taricũ iirã “Goãmũre umupeorã iiaa,” arĩrima. Erã eropa iirã erã doreripũ masipehorã ya doreri iro dopa iirima. Eropa árĩbeaa. Erã dorerire iiquererã erã ñeri uaribejarire duhubeama. Eropiro erã doreripũ duhpĩburi árĩbeaa.

### 3

<sup>1</sup> Eropirã Cristo yarã ãhraa mua. Eropirã mua ero core mua ñeri iirare duhunijarã ðaripure gohrotonirã ãhraa mua. Eropa gohrotorã árĩrã umusi majare Cristo yare gameque mua. Erogue Cristo ĩgu Pagu diayeru doagu árĩpehrerore doregu ãhrimi.

<sup>2-3</sup> Mua ñaribejari cóãnirã árĩrã Cristo gamerire opaa. ĩgu Cristo mua ðaro iiborore ðaro ĩhadibumi. Eropirã iri ñerire guñabeaa mua. Eropirã umusi majare Goãmu yare guñamũhaque. I yeba majare guñaniguibiricãque.

<sup>4</sup> Eropirã umusigue Cristo marire eropa árĩniguimorãre aĩgu ĩgu aricũ ĩgu mera warãca. Eropa warã ĩgu mera umusigue Goãmu yare oparãca.

#### *Cristo yarã árĩbirã ñerire iiribu mari, arĩ gojañumi Pablo*

<sup>5</sup> Eropi i yeba maja ñerire duhucãque. Ne yujugu mojoto diribiriqueregu nomeo mera árĩbiricãque. Ne yujugo mojoto diribiriquerego umu mera árĩbiricãque. Eropa ñeri mua iirire iripẽta duhucãque. Ñeri ñaribejarire iibiricãque. Mua opaburire gajinore gametaribiricãque. Mari gajinore burigã gamerã goãmarã wéanirãre erã umupeoro dopa iirã iiaa mari irire.

<sup>6</sup> Iri ñerire iirã Goãmure tarinugarã ãhrima. Erã eropa árĩcũ ĩagu ĩguru erãre gamebeami. Eropigu erãre burigã dipuwaja moagucumi.

<sup>7</sup> Iribojeguere mupuru iri ñerire iinirã mera majarã árĩriya mua.

<sup>8</sup> Dohpaguere i ñerire duhupehrecãque mua. Guarire, disitĩri wiarire, gajirãre ñero arĩ pepirire, gajirãre ñero quere wereniguirire, ñero wereniguirire iri árĩpehrerire duhucãque.

<sup>9-10</sup> Mupuru Jesu yarã warã ñerã mua árĩdiro dopa ta iri ñeri ñaribejarire duhutihajanirã árĩbu. Eropirã ðaripure gohrotonirã ãhraa mua. Mure ðaripure gamecũ iigu iimi Goãmu. ĩgu árĩro dopa mua árĩboro dopa eropa iimi. Eropa ta iimi ĩgu mua ĩgure ðaro masiboro dopa. Eropirã ĩgu eropiicũ mua mera majarãre guyabiricãque.

<sup>11</sup> Cristo yarã mua árĩrã judio masa, judio masa árĩbirã sã yujuropa dihta ãhraa mua Goãmu ĩgu ĩacũ. Gasiro merogã wiri añirã, irire aĩbirinirã sã Cristo yarã árĩrã yujuropa ãhraa Goãmu ĩgu ĩacũ. Gaji yeba majarã sã, masibirã sã, mua ya yeba majarã sã Cristo yarã árĩrã yujuropa ãhraa Goãmu ĩgu ĩacũ. Pohro majarã, erã pohro majarã árĩbirã sã, Cristo yarã árĩrã yujuropa ta ãhrima Goãmu ĩgu ĩacũ. Jesucristo tamera árĩpehrerã ĩgu yarã mera ãhrimi. ĩgu yarã erã ĩacũ bu árĩgu árĩbeami ĩgu.

<sup>12-13</sup> Eropi Goãmu ĩgu beyenirã, ðarã, ĩgu mahirã árĩrã ðpa árĩque mua: Gajirãre mojomoro ĩarã, gajirãre ðaro iirã árĩro gahmea. Mure ñero iiquerecũ ta eropa pepicãrã árĩro gahmea mure. Mua mera majarã mera guarã, erãre quere iirã árĩbiricãro gahmea mure. Eropirã “Yuhu bu árĩgu ãhraa,” arĩ pepique. Mari Opu mua ñeri iirare cãdijimi. ĩgu eropa cãdijidiro dopa ta mua sã mua mera majarã erã ñero iirare cãdijique.

<sup>14</sup> I doreri tauro ðpa arĩ dorea mure: Gajirãre mahi umupeoque. Mua eropa iirã árĩpehrerã gajirã mera yujuro mera árĩrãca.

<sup>15</sup> Cristo marire ðaro árĩcũ iimi gajinore mari wereniguibiriboro dopa. ĩgu eropa iicũ ðaro árĩque mua. Mari ĩgu yarã yuju curu ta ãhraa. Mari eropa árĩrãre mari Pagu marire ðaro árĩmorãre ta apimi. ĩgu eropa iicũ ðaro árĩque mua mua basi. Eropirã Goãmure “Õhaa,” arĩ mucubirirã árĩque mua Goãmu mera.

<sup>16</sup> Cristo ya buherire ðaro guñaniguicãque mua. Õaro pee masiri mera ĩgu yare gajirãre buheque. Gũhyadiaro irire wereque. Eropirã Salmo

gojaripũre, Goãmũ yare bayarire, gaji ãgũre umupeori bayarire ãgũre bayapeoque. Ōaro guña umupeori mera bayapeoque. Eropa bayarã ãgũ yare ōaro guñaque mũa. Eropirã Goãmũre “Ōhaa,” arĩ mucubirã arĩque mũa Goãmũ mera.

<sup>17</sup> Arĩpehreri mũa iirire ōaro sĩporãcũ iique mari Opũ Jesu ãgũ mucubiriboro dopa. Mũa wereniguirã ãgũ ya arĩburi dihtare wereniguique. Eropirã Cristo ãgũ itamuri mera Goãmũ mari Pagũre serẽrã “Ōhaa,” arĩ mucubirique ãgũre.

*Jesu yarãre yujuro mera arĩburi doreri ōpa ãhraa, arĩ gojañumi Pablo*

<sup>18</sup> Mũa marapũcũrã nome, mũa marapũ sũmarãre ōaro yũhrique. Eropa ta iiro gahmea mari Opũ yarã Cristo yarã nome arĩrã.

<sup>19</sup> Mũa marapocũrã, mũa marasã nomere mahi umupeoque. Iгоре turibiricãque.

<sup>20</sup> Mũa erã porã sã mũa pagũ sũmarãre tarinũgabirã dihta arĩque. Mũa eropa iicũ ãagũ mari Opũ ōaro sũagũ arĩgũcumi.

<sup>21</sup> Mũa erã pagũ sũmarã sã mũa porãre eropa turiniguibiricãque bujawerecũ iiri arĩrã.

<sup>22</sup> Mũa pohro majarã, mũa oparãre i yeba arĩrãre eropa yũhrirã arĩque. Erã ãhurore erã dorero dopa ta mohmeque. Erã maricũ sãre mohmeque. Mari Opũre Cristore gũhyadiaro mũa ãadiro dopa ta ōaro mera yũhrique mũa oparã sãre.

<sup>23</sup> Diaye ta Cristo yarã arĩrã ōaro yũhrirã ãhraa mũa ãgũre. Eropirã mũa oparãre ō majarã sãre yũhrirã, Cristore mũa yũhriro dopa ta yũhrique mũa. Eropirã mũa oparã erã dorero dopa ta turaro mera mohmeque “Cristo ya doreri ãhraa,” arĩrã.

<sup>24</sup> Mũa eropa iicũ Cristo mũare wajayegũcumi. Mũare ãgũ oburire mũare ogũcumi mari Opũ. Iirire masia mũa. Mari Opũ Cristo ãgũ pohro majarã ãhraa mũa. Eropigũ ãgũpũ mũa Opũ gohra ãhrimi.

<sup>25</sup> ãgũre tarinũgarãre dipuwaja moagũcumi mari Opũpũ. Arĩpehrerã tarinũgarãre ne yujugũ dũhyaro mariro yujuro mera dipuwaja moagũcumi ãgũ. Eropa yũre iiri arĩrã ōaro yũhrique mũa.

## 4

<sup>1</sup> Mũa oparãpũ, mũa pohro majarãre diaye ta ōaro iique erãre. Mũa sã opũ opaa. Mũa opũpũ Ʃmũsi majagũ Goãmũ ãhrimi.

<sup>2</sup> Mũa arĩpehrerã Ʃmũri nũcũ Goãmũre serẽniguique. Ōaro guña pee masi serẽniguique. Eropirã mari Pagũ ōaro iirare guñaque.

<sup>3-4</sup> Gũa ya arĩburipũre serẽque daja. Cristo yare iribojegue majarã erã masibirirare buherã iiaa gũa. Masare gũa ōaro buheboro dopa serẽbasaque mari Pagũre. Yũhũ Goãmũ yare werenigui waja dohpague peresugue ãhraa. Eropigũ mũa eropa serẽcũ gahmea ãgũ yare yũ ōaro iiboro dopa. Cristo ãgũ dorediro dopa ta yũ wereburire serẽque.

<sup>5</sup> Jesu yarã arĩbirã mera arĩrã ōaro iique mũa. Cristo yare wereque erãre. Erã mera mũa arĩropẽ ta eropa ta ōaro iique erã Jesu yarã arĩboro dopa.

<sup>6</sup> Gajirã mera weretamurã ōaro sũaro mera weretamuque. Ōari dihtare wereniguique. Mũa eropiirã gajirã erã Jesucristo yare mũare serẽpicũ ōaro masiri mera yũhrirãca erãre.

*Ōadoretupũ Pablo*

<sup>7</sup> Tíquico mari acaweregu Jesu yagu áhrimi. Īgu yu árīricūre mūare weregucumi. Īgu mari mahigu áhrimi. Cristo yare buhegu, gua mera mohmegu áhrimi. Ne iri mohmerire duhubeami ĩgu.

<sup>8</sup> Mūa pohroque ĩgure obeogu iiaa yūhū gua árīricūre mūa masiboro dopa. Īgure obeogu iiaa yūhū mūare mucubiricū iibure.

<sup>9</sup> Onésimo mari acaweregu mera wapimoa obeogu iiaa. Īgu sã Cristo yare ne duhubeami. Mūa mera majagu áhrimi. Erã perã yu dohpa tarirare wererãcoma mūare.

<sup>10</sup> Aristarco peresugue árīgu yu mera majagu mūare ðadoremi. Marco sã ðadoremi. Īgu Bernabé pagu magu áhrimi. Mūa pohroque ĩgu ejacū ðaro mera ĩgure bocatīrique yu mūare werebeodiro dopa ta.

<sup>11</sup> Jesu waĩcūgu “Justo,” erã arĩ piyugu ðadoremi ĩgu sã. Oã ta yu mera mohmerã judio masa gohra áhri. Judio masa gohra erã dihta Goãmū yare yu mera buhema. Ōpa buhea gua Goãmū yarã masa waboro dopa. “Jesucristo yu Opū áhrimi,” erã arĩboro dopa buhea gua. Erã yūre ðaro itamunirã áhri.

<sup>12</sup> Epafra mūa mera árīdigu mūare ðadoremi. Īgu Jesucristo dorerire ðaro iigu áhri. Goãmūre serēgu, turaro mūa ya árīburire serēbasaniguicāmi ĩgu. Goãmūre ðaro guñaturaniguimorãre, ĩgu gamero dopa iimorã mūa árīboro dopa eropa Goãmūre serēbasaniguicāmi ĩgu.

<sup>13</sup> Īgu mūa ya árīburire turaro serēbasami. Laodicea majarã ya árīburire, Hierapoli majarã ya árīburi sãre ĩgu turaro serēbasami. Īgu eropa iigu árīcū ĩagu mūare weregu iiaa.

<sup>14</sup> Duhturu Luca waĩcūgu mari mahigu mūare ðadoremi. Dema sã ðadoremi.

<sup>15</sup> Ōaporo mari acawererã Laodicea majarã. Ninfa sã ðaporo. Jesu yarã igo pohro gamenererã sã ðaporo.

<sup>16</sup> Ipūre yu gojabeorapūre buhetuha Laodicea majarã sãre obeoque. Eropirã erãre Laodicea majarãre yu gojabeorapūre mūa sã buheque.

<sup>17</sup> Eropirã ōpa arīque Arquipore: “Mari Opū Jesu yagu mū árīcū ĩgu mohmerire apidi arīmi mūre. Īgu eropa apicū iri mohmerire ðaro mohme ojogorocūque mūhū,” arīque ĩgure.

<sup>18</sup> Yūhū Pablo, yu mojoto mera ire gojaa. Mūare ðadoreya yūhū. Peresugue yu árīrīre guña serēbasaque Goãmūre. Ōaro arīque mūa. Goãmū ĩgu mahiri mera mūare ðadoreya. Iripēta áhraa.

# 1 Tesalonicenses

*Pablo gojañumi Jesu yarãre Tesalónica majarãre*

<sup>1</sup> Yꝰ Pablo, Silvano, Timoteo mera ipũre mũare gojabeoa. Mũarꝰ Tesalónica majarã mari Pagꝰ Goãmꝰ yarã árĩrã mari Opꝰ Jesucristo yarã sã ãhraa mũa. Eropigꝰ Goãmꝰ mari Pagꝰ, Jesucristo mari Opꝰ mera mũare ãadoreaa. Ĩꝰ itamuri mera ãaro árĩque.

*Jesu yarã Tesalónica majarãꝰ Jesure erã ãaro umupeorare wereñumi Pablo*

<sup>2</sup> Goãmũre serẽrã mũa árĩpehrerãre guñaaa mucubiriri mera. Mũa Jesure umupeorire guñarã “Õatariari ãhraa,” arĩ serẽniguicãa gũa Goãmũre.

<sup>3</sup> Mũa Jesucristore “Diaye iigꝰ ãhrimi,” arĩ umupeoniguicã waĩcũa. Eropa umupeoniguicãrã Jesucristo ya árĩburire ãaro iirã waĩcũa. Jesucristore, gajirã sãre mũa ãaro mahi umupeorã waĩcũa. Eropa mahirã Jesucristo ya árĩburire burigã iirã waĩcũa mũa. Eropirã Jesucristo ĩꝰ itamurire corerã waĩcũa mũa. Ĩꝰare eropa corerã ĩꝰ yare iirã duhubirã waĩcũa. Eropa iirã mũa Goãmꝰ mari Pagꝰ ĩacũ ãaro iiaa. Goãmũre gũa serẽrã ĩrire mũa eropa ãaro ii waĩcũrãre guñaniguicãa.

<sup>4</sup> Gũa acawererã, õpa peeque. Mũare Goãmꝰ mahimi. Eropigꝰ mũare ĩꝰ yarã árĩmorãre beyerꝰ. ĩrire masia gũa.

<sup>5</sup> Gũa sohõ árĩrasubu mũa mera árĩrã ãari buherire mũare gũa wererã gũa pepiri mera werebirabꝰ. Espĩritu Santo ĩꝰ doreri mera ĩꝰ yare wereabꝰ gũa mũare. Eropa werẽcũ iri buheri diaye ta árĩrĩre ãaro masiabꝰ mũa.

<sup>6</sup> Eropa masirã mũa iri ãari buherire ãaro pee ñeabꝰ mũa mucubiriri mera. Eropirã mũa eropa peecũ ĩha gajirã gamebirã mũare ñero iima. Erã mũare ñero ĩquerecũ ta mũa Espĩritu Santo itamuri mera ãaro mucubiriabꝰ. Eropirã gũa mũa watope árĩrã gũa ãaro árĩricũrĩre masiabꝰ mũa. Eropirã mũa gũa diaye maja iirare ĩarã gũare ĩhacũbꝰ. Eropirã Jesu mari Opꝰ ĩꝰ iidiro dopa ta iiabꝰ mũa.

<sup>7</sup> Mũa eropiicũ pee Jesu yarã Macedonia yeba majarã, Acaya yeba majarã sã mũa eropa ãaro iirare peeañorã. Eropa peerã erãꝰ mũa iidiro dopa ta iiañorã erã sã.

<sup>8</sup> Eropirã mũaguere Jesucristo mari Opꝰ yare peesũyoro. Goãmũre mũa umupeorare Macedonia majarã Acaya majarã sã peeañorã. Erã dihta peebirañorã. Árĩpehrero majarã mũa umupeorare peeañorã. Eropirã gũa mũa umupeorare gajirã masituhajacũ ĩha werebirica erãre gũarꝰ. Erãꝰ gũare werema.

<sup>9</sup> Õpa arĩma gũare mũa iirare wererã. “Tesalónica majarã mũare ãaro bocaĩriñorã mũa erogue ejacũ. Erã Jesucristo yare pee erã goãmarã wéanirãre umupeonirã árĩrã gohrotoañorã. Gohrotorã Goãmꝰ gohra ojocarigure diaye iigũre umupeonũgañorã. Eropirã dohpague Goãmꝰ yare iirã iiañorã.

<sup>10</sup> Eropirã Goãmꝰ magꝰ Jesucristo ĩꝰ mũũsigue ariburiñe ãaro corerã ãhrañorã,” arĩ werema gũare. Jesure sĩridigũre Goãmꝰ masurꝰ. Eropigꝰ Jesurꝰ marire ñetariaro dipuwajacũbonirãre taudigꝰ ãhrimi.

## 2

*Pablo Tesalónicague ïgu buherare wereñumi*

<sup>1</sup> Mũa pohro gũa árĩrã eropa árĩcãrã iibirabũ. Mũare ðaro itamurã árĩmurabũ gũa. Irire ðaro masia mũa, gũa acawererã.

<sup>2</sup> Ero core Filipo maca gũa árĩrã ñero taribũ. Gũare ñero erã iirare masia mũa. Gũare erã eropa ñero iiquerecũ ta Goãmũ itamuri mera güiro mariro Goãmũ yare ðari buherire wereniguirã gũa ejabũ mũa pohroguere. Mũa árĩro sãre gũare masa bajarã erã ïhaturiquerecũ ðari buherire buheabũ gũa mũare.

<sup>3</sup> Eropirã mũa pohro árĩrã mũare gũa werera ðaro diaye majare buheabũ gũa mũare. Eropa wererã mũare ñero iidiarã árĩbirimurabũ gũa. Mũare gũyadiarã buhebirimurabũ gũa mũare.

<sup>4</sup> Goãmũ gamero dopa ta buhea gũa. Õari buherire buhemorãre Goãmũ beyemi gũare. Eropa beyegu ïgu ya buherire gũare weredoremi. Eropirã masa gũare erã ïhasuaburire buherã iibeaa gũa. Goãmũpũ gũare ïgu ïhasuaburire ïgu yare buhea gũa. Goãmũ mari pepirire dohpa mari iidiarire ðaro masimi.

<sup>5</sup> Eropirã gũa mũare ðari buherire wererã gajinore amarã ejabirimurabũ. Eropirã werenigui gũyarã iibirimurabũ gũa mũare. Eropirã gũa buherã mũare niyerure aĩmorã iibirimurabũ. Irire gũa mũa pohro eropa ðaro iirare mũa masia. Goãmũ sã irire masimi.

<sup>6</sup> Gũa eropa buherã mũa gũare umupeoburire dorebirimurabũ. Gajirã sãre eropa ne dorebirimurabũ.

<sup>7</sup> Gũa Cristo ïgu apinirã árĩrã mũare doremasiboaya. Ne eropa dorebirabũ gũa. Gũa dorebirã majirãre nijisoro dopa ta mũare ðaro iimurabũ mahiri mera.

<sup>8</sup> Eropirã mũare ðaro gamerã Goãmũ yare ðari buherire weremurabũ gũa mũare. Gũa basi ta árĩpehrero gũa iimasiburire mũare itamumurabũ. Gũa mahirã mũa árĩcũ eropa itamuabũ mũare.

<sup>9</sup> Eropirã mũare mahirã burigã itamumurabũ. Irire guñaa mũa, gũa acawererã. Goãmũ yare ðari buherire wererã árĩrã, mũa oparire serẽ garibobirimurabũ mũare. Eropirã gũa basi mohmemurabũ gũa baburire wajatamorã. Eropirã umũre, ñamigue sãre mohmemurabũ gũa.

<sup>10</sup> Eropirã ðaro Goãmũ gamero iirã ñeri dipuwaja mariro diaye ta iimurabũ mũare Jesu yarãre. Eropirã gũa mũa mera eropa queoro árĩrare masia mũa. Goãmũ sã irire masimi.

<sup>11</sup> Eropirã erã pagũ ïgu porãre ïgu ðaro were ïgu mucubiricũ iidiro dopa ta gũa mũa sãre árĩpehrerãre wererã mucubiricũ iiabũ mũare. Irire masia mũa.

<sup>12</sup> Goãmũ mũare ïgu opu árĩrogue ïgu ðatariaro árĩrogue mũa árĩmorãre beyedigũ árĩmi. Eropirã mũa ïgu yarã árĩrã ïgu árĩro dopa ta ðaro iiniguicãro gahmea, arĩmurabũ.

<sup>13</sup> Eropirã Goãmũ yare mũare gũa wererare mũa peerã ðpa pepibũ mũa: "Masa erã pepiri mera iri buheri árĩbeaa. Goãmũ ya buheri ta ãhraa," arĩ pepibũ mũa. Irire mũa eropa pepicũ masirã mucubiria gũa. Eropirã Goãmũre serẽrã, "Õhaa," arãa gũa ïgũre. Eropa ta ãhraa. Mũare gũa buheri, Goãmũ werenigui diaye ta árĩri ãhraa. Eropigũ mũa Goãmũ yare ta peecũ ïgu ya buheri mera ðaripũre gohrotocũ iimi mũare.

<sup>14</sup> Eropirã Jesucristo yarã mũa árĩcũ ïarã i yeba majarã Jesure gamebirãpũ ñero iiañorã mũare. Mũa eropa wadiro dopa ta Judea yeba majarã sãre wayoro. Erogue sãre Jesucristore umupeorãre erã ya yeba majarã sã ñero iiañorã. Judio masa Jesure gamebirã erãre ñero taricũ iiañorã.



15-16 Mata judio masapũ iribojegue majarã Goãmũ ya weremũhtanirãre wejẽmurinirã árĩma. Eropirã mari Opũ Jesucristo sãre wejẽñorã erã. Eropirã erã Jesucristo yare gamebirã gũa sãre ñero ii cohãma gũare erã ya yebare. Eropirã erã judio masa árĩbirãre erã dederebiriborore gũa erãre Goãmũ yare werecũ gũare judio masa cãhmotamũrima. Goãmũ yare weredorebirima gũare. Erã Jesu yarãre ìhaturi árĩmurima. Erã eropiirare Goãmũ gamebirigohracãmi. Eropiro erã judio masa ñero iira dipuwaja wũaro árĩtuhaya. Erãre Goãmũ burigã dipuwaja moagũcumĩ.

*Pablo Tesalónica majarã pohrogue dipaturi curigũ wadiaripũ*

17 Gũa acawererã, mũa mera dohpaguere árĩbiriquererã ta mũare guñarã iiaa. Eropirã mũare burigã ìadiarã mũa pohrogue wadiarabũ gũa.

18-19 Bajasuburi yũhũ mũare ìagũ wadiarabũ. Watĩpũ gũa wabodirore goroweoami. Eropirã gũa wabiricarabũ. Gũare mucubiricũ iirã mũa árĩcũ mũare ìadiarabũ. Mari Opũ Jesucristo i yebague dujaricũ turaro mucubirirãca mũa mera. Eropirã mucubirirã mũa mera Jesu core niguirãca.

20 Eropa ta ãhraa. Mũare ìagũ Jesupũ “Õaro buhenirã ãhraa mũa,” arĩgũcumĩ gũare. Eropirã õaro mucubirirãca gũa.

### 3

1-2 Eropii mũare yoari boje gũa ìabirã mũare burigã peediarã irire guñarã Timoteore mũa pohrogue obeoabũ. Ìgũ mari acaweregũ Jesu yagũ Goãmũ pohro majagũ gũa mera õari buherire buhegũ ãhrimi. Eropirã ìgũre obeoabũ Jesucristore mũa õaro umupeoburire mũa mucubiriburi sãre. Ìgũre obeorã gũa seyaro Atena maca dujabũ.

3 Mũa Jesucristore umupeora waja gajirã mũare ñero iiañorã. Eropirã mũa Jesu yare mũa cóãbiriboro dopa itamubure obeoabũ Timoteore mũa pohrogue. Mari Jesu yarã árĩrãre eropa ta gajirã marire ñero taricũ iirãcoma. Irire masia mũa.

4 Mũa mera ero coreguere árĩrã õpa arĩ weretuhajabũ mũare: “Mari Jesucristore umupeora waja gajirã marire ñero iirãcoma,” arĩ weretuhajabũ mũare. Eropirã gũa werediro dopa ta erã ñero iima mũare. Irire mũa õaro masia.

5 Eropigũ mũare mahitariagũ mũare yoari boje ìabigũ mũare burigã peediabũ yũhũ. Eropigũ Timoteore obeoabũ yũhũ mũa Jesure umupeorire masibu. “Watĩ mũare ñero iidoreri,” arĩgũ, “Mũare gũa buherare mũague duhuri,” arĩgũ ìgũre obeoabũ yũhũ.

6 Eropigũ dohpaguere Timoteo mũa pohrogue árĩdi gũa pohrogue dujarami. Eropa dujaragũ õari querere gũare wereami ìgũ. Jesure mũa õaro umupeorare mũa gajirã mera õaro mahira sãre ìgũ wereami gũare. Eroparĩgũ gũare mũa õaro guñara sãre wereami. “Erã sã mũaare burigã ìadiama,” arĩ wereami ìgũ gũare. Ìgũ eropa arĩ werecũ peerã mucubiria.

7 Eropirã gũa dohpaguere ñero tarirã árĩquererã mũa Jesure õaro umupeocũ peerã gũa mucubiria.

8 Jesure mũa õaro umupeorare pee ìgũ yare mũa cóãbirirare peerã õaro pepia gũa.

9 Eropa pepirã Goãmũ ìaro gũa burigã mucubiria. Eropa mucubirirã Goãmũre serẽa, “Õhaa,” arĩrã.

10 Eropirã gũa basi mũaare ìaburire Goãmũre serẽniguia. Ùmuri ñamiri sãre serẽniguicãa. Mũaare ìadiarã Jesucristo yare mũa õaro masipehocũ itamudiaca ìgũre mũa õaro umupeonemoboro dopa.

<sup>11</sup> Goãmũ mari Pagũ ãgũ basi mari Opũ Jesu mera gũare itamuporo mũa pohrogue gũa waburire.

<sup>12</sup> Eropigũ mari Opũ Jesu árĩpehrerã mũa mera majarãre árĩpehrerã gajirã sãre mahinemoburire iiporo mũare. Gũa mũare mahi umupeodiro dopa ta mũa sã burigã mahinemocũ iiporo mũare.

<sup>13</sup> Mũare ãgũ õaro itamuri mera mũa dipuwaja marirã ñeri marirã árĩrãca Goãmũ mari Pagũ ãacũ. Eropa ta árĩrãca mũa mari Opũ Jesu dujaricũ árĩpehrerã ãgũ yarã õarã mera i yebague.

## 4

### *Goãmũre mucubiricũ iidiarã õpa iique, arĩ were gojañumi Pablo*

<sup>1-2</sup> Dohpaguere Jesu mari Opũ ãgũ dorero mera mũare õpa werea: “Goãmũre mucubiricũ iidiarã õpa iique,” arĩ buheabu gũa mũare. Gũa eropa buhera pũhrũ gũa buhediro dopa ta iiajoro mũa. Iri buherire õaro masia mũa. Eropirã mũa Goãmũ yare õaro iirã ãhraa. Eropirã mũa eropa iidiro dopa ta duhubirã ta. Mũraro ta iinemoque daja. Irire burigã werea mũare.

<sup>3</sup> Irire mũare werenemogura. Mũa õpa árĩcũ gahmemi Goãmũ. Ñerire iibirã Goãmũ yare iirã árĩque. Eropirã nome mera ñero iiro mariro árĩque mũa mũa. Mũa nome sã mũa mera ñero iiro mariro árĩque.

<sup>4</sup> Ñero iibiraro mariro umupeori mera mũa marasã nomere opaque. Mũa irire masicũ gahmemi Goãmũ.

<sup>5</sup> Goãmũre gamebirã Goãmũre masibirã ñerire ãaribejarã nomere erã gamero dopa ta iibiricãque mũa.

<sup>6</sup> Õpa ta mũa iibiricũ gahmemi Goãmũ: Ne yujugũ mũa acaweregu marapore yajabiricãporo. Eropa yajagũ ãgũ acaweregũre umupeobigũ iimi ãgũ. Eropigũ eropa iigũre mari Opũ iri ñerire ãgũ ya dipuwaja moabu árĩgũ tiimi. Eropirã mũare gũisãrã irire wereabu mũare.

<sup>7</sup> Ñerire pepimorãre, ñerire iimorãre beyebirimi marire Goãmũ. Ñerire iibirimorãre õarire iimorãre beyemi Goãmũ marire.

<sup>8</sup> Eropigũ õarire mari iimorã árĩcũ ãgũ Espĩritu Santo odigũ árĩmi marire. Eropirã iri ñerire iibiricãro gahmea. Eropigũ yujugũ i gũa wererare yũhribigũ Goãmũ yapũ sãre yũhribigũ ãhrimi.

<sup>9-10</sup> Mũa acawererãre, Jesu yarãre mũa game mahiburire Goãmũ mũare buhetuhajami. ãgũ eropa buhecũ mũa diaye ta Jesu yarãre Macedonia majarã sãre árĩpehrerãre õaro mahi umupeo waĩcũa. Mũa eropa mahicũ peegũ “Mũa acawererãre mahique,” arĩ buhebeaa daja mũare. Eropigũ õpa dorea daja yũhũ. Mũa gajirãre mahiro dopa ta erãre mahinemoque.

<sup>11</sup> Eropirã mũa basi game ãhaturiro mariro árĩque. Gajirãre gajiropa arĩ wereniguibiricãque. Eropa ãacãque erãre. Eropirã mũa ya mohmeripũre õaro mohmeque. Ero coregue ta mũare eropa iidoreabu.

<sup>12</sup> Mũa eropa mohmerã gajirãre barire amasome. Eropirã erã mũare õaro wereniguirãcoma.

### *I yebaguere Jesucristo ãgũ dujariborore werepũ Pablo*

<sup>13</sup> Jesure gamebirã Jesu pohroguere wasome. Eropirã erã mera majarã erã sĩricũ ãarã burigã bũjowerema. Sĩrinirã mũa erã waborore diaye ta õaro mũa masicũ gahmea gũa. Gajirã erã bũjawerediro dopa mũa bũjawerebiriboro dopa mũare masicũ iidiaa.

<sup>14</sup> Jesu ãgũ sĩrira pũhrũ masa mariadigũ árĩmi. “Iri diaye ta ãhraa,” arãa mari. Eropa arĩrã árĩrã i sãre “Diaye ta ãhraa,” arãa mari. Goãmũpũ

Īḡu yarā sīrinirā mūrare erā masa mūriacū Jesu mera aricū iigūcumi. Iri sāre “Diaye ta āhraa,” arāa mari.

<sup>15</sup> Mari Opu Īḡu buhediro dopa ta ire werea. Jesucristo Īḡu dujaricū Īḡu yarā ojocarirā sīrinirā core masa mūriamūhtasome. Sīrinirā mūraru ojocarirā core masa mūriamūhtarācoma.

<sup>16</sup> Ōpa árīroca Jesu Īḡu dujaricū: Mari Opu Īḡu basi dijarigūcumi umūsigue árīdigu. Dijarigu busuro mera werenigui, doregūcumi. Īḡu dorecū Īḡu anyua opu būrigā piyugūcumi. Eropa Īḡu piyucū Goāmū ya corneta busumūriroca. Erā eropiicū Cristore umupeonirā sīrinirā mūra masamūria mūhtarācoma.

<sup>17</sup> Erā pūhrū mari ojocarirāre sīrinirā masanirā mera Goāmū aī mūriagūcumi. Īḡu eropa iicū mari Opu Jesure bocatīrirāca mari. Eropirā mari Opu Jesu mera árīnigūicārāca.

<sup>18</sup> Eropirā i yu wererare mūa mera majarāre wereque. Eropa arī wererā mucubirirāca mūa árīpehrerā. Mari Opu Goāmū Īḡu wereri ta āhraa i.

## 5

<sup>1</sup> Jesu Īḡu dujariburinūre “Inūri árīcū Īḡu dujarigūcumi,” arī mūare were gojabeosome.

<sup>2</sup> Īḡu dujaririnūre marire masima masiya mara. Yajari masu űamigue guñaña mariro Īḡu yajagu ariro dopa ta i yebaguere mari Opu guñaña mariro dujarigūcumi. Iri sāre masia mūa.

<sup>3</sup> Eropirā masapu “Dohpaguere mari ōaro árīcāa. Gūhyari mara marire,” erā eropa arī pepirisubu mata űero waroca erāre. Ero eropa wacū ne nohogue gohra duhri wiria masisome. Dederea warācoma. Niji wahgūgo guñaña mariro igo pūriro pepiro dopa guñaña mariro eropa waroca masare Jesu Īḡu dujaricū.

<sup>4</sup> Yu acawererā, mūapūre eropa wasome. Yajari masu wihi opūre Īḡu ucudiro dopa ta mūapūre eropa wasome. Jesu arigu mūare ucusome. Naitīarore erā űha masibiro dopa gajirā Jesure ne masibeama. Mūapu erā iro dopa árībeaa.

<sup>5</sup> Mūa árīpehrerā Jesu yarā āhraa. Eropirā boyorore erā űha masiro dopa ta Jesu Īḡu ariborore masia mūa. Gajirā Īḡure masibirā iro dopa árībeaa mūa. Eropirā ucasome Īḡu dujaricū.

<sup>6</sup> Eropirā carīrā iro dopa árībircāro gahmea. Ōaro pee masirā āhri Goāmū yare ōaro pepiro gahmea. Eropirā Jesucristo dujariborore ōaro corero gahmea.

<sup>7</sup> űamire carīrā dopa árībircāro gahmea. űamire mererā dopa árībircāro gahmea.

<sup>8</sup> űmūre árīro dopa ōaro pee masi árīro gahmea. Eropirā marire watī űero iidoreburire iibircāro gahmea. Surara gamewejēgu wagu come suhriro saña, come sāpea peya Īḡu cāhmotaboro dopa mari sāre watī űero goroweoborore cāhmotaro gahmea. Ōpa iiro gahmea watīre cāhmotabure: Jesucristore “Diaye iigu āhrimi,” arī umupeonigūicāro gahmea. Goāmūre masa sāre mahinigūicāro gahmea. Eropirā Jesu mera mari Goāmū pohro mari árīburire masi corero gahmea. Mari eropiirā űero iibiriburire cāhmotarā árīrāca.

<sup>9</sup> Īḡu dipuwaja moamorāre marire beyebiripu Goāmū. Jesucristo mari Opu marire dipuwaja marimorāre, peamegue wabonirāre Īḡu taumorāre beyepū marire.

<sup>10</sup> Īḡu Jesu mari ya árĩburire ta sĩribasadiḡu árĩmi ĩḡu mera mari árĩburire. Eropirã ĩḡu dujaricũ ojocarirã árĩrã sĩrinirã sã yujuropa ta ĩḡu mera árĩrãca mari ĩḡu yarã árĩrã.

<sup>11</sup> Eropirã mũa mera majarãre dohpague mũa mucubiricũ iidiro dopa ta mũa basi mũa mucubiricũ iique daja. Eropirã mũa basi ta Goãmure umupeonemocũ iique mũa mera majarãre Goãmũ yare wererã.

*Jesu yarãre Pablo weretuñumi*

<sup>12</sup> Jesucristo yare buherã mũa ðaro iiburire wererã ãhrima mũa pohro. Erãre mari Opũ Jesucristo buhedoreḡu beyeñumi. Erã ĩḡu beyenirã árĩcũ ðaro umupeoque erãre. Mũa erãre eropa umupeocũ gameḡu buriḡã dorea mũare.

<sup>13</sup> Erã mohmerire erã iicũ erãre mahiri mera ðaro umupeoque. Eropirã gamequeãro mariro árĩrã gahmea.

<sup>14</sup> Gũa acawererãre, mũare, ðpa buriḡã werea daja. Mohmediabirãre mohmedoreque mũa. Duhudiarãre “Goãmũ itamuri mera duhubiricãque,” arĩque erãre. Jesure meroḡã umupeorã sãre itamuque. Erã mata pee masibiricũ ĩha guabiricãque erã mera.

<sup>15</sup> Yujugũ mũare ĩḡu ñero iiquerecũ mũapu dipaturi ĩḡure ñero ii gamebiricãque. Mũa mera majarãre árĩpehrerã gajirã sãre ðaro mera umupeoque.

<sup>16</sup> Eropirã umuri nũcu Goãmũ mera eropa mucubiriniguicãro gahmea mũare.

<sup>17</sup> Eropirã Goãmure eropa serẽniguicãro gahmea.

<sup>18</sup> Mũa ðaro tarirã, mũa ñero tariquererã Goãmure “Õhaa,” arĩro gahmea. Goãmure “Õhaa,” arĩrã, Goãmũ ĩḡu gamediro dopa ta iirãca mũa Jesucristo yarã árĩrã.

<sup>19</sup> Eropirã Espĩritu Santo mũare ĩḡu wererire yãhribirã árĩbiricãque.

<sup>20</sup> Espĩritu Santo ĩḡu masiri mera gajirã mũare buheama. Erã eropa buhecũ erã buherire gamebirã árĩbiricãque.

<sup>21</sup> Eropirã gajirã mũare gajiropa erã arĩ buhecũ iri Goãmũ ya árĩbiricũ masique mũa. Eropirã Goãmũ ya buheri iri árĩcũ sãre masique mũa. Eropirã ðari dihtare gameque.

<sup>22</sup> Eropirã iri ñerire árĩpehreri ñerire gamebiricãro gahmea.

<sup>23</sup> Eropigũ Goãmũ marire ðaro iirã árĩcũ iigũ ãhrimi. ĩḡu ĩḡu basi mũare ĩḡu yarãre mũa ðarã ñeri marirã árĩcũ iinemoporo mũare. Mũa dũpu sãre mũa sĩporã sãre ðaro ĩhadibuporo mũare. Mari Opũ Jesucristo i yebaguere ĩḡu dujariboro core Goãmũ mũare ðaro ĩhadibuporo mũa ñerire iibiriboro dopa. ĩḡu eropa iicũ Jesucristo dujaricũ ñeri marirã árĩrãca mũa.

<sup>24</sup> Eropa ta iigũcumi Goãmũ. ĩḡu mũare beyedigũ ĩḡu arĩdiro dopa ta iimi.

*Pablo erãre ðadorebeoñumi*

<sup>25</sup> Gũa ya ðaro árĩburire Goãmure serẽbasaque mũa sã, gũa acawererã.

<sup>26</sup> Jesu yarãre bocatĩrirã árĩpehrerãre mahiri mera mojoto ñeaque mũa.

<sup>27</sup> Jesu mari Opũ ĩḡu doreri mera mũare werea yũhũ. Árĩpehrerã Jesu yarã gamenererãre ipũre buheque mũa.

<sup>28</sup> Jesucristo mari Opũ ĩḡu mahiri mera mũare buriḡã ðadorea. Eropa ta árĩniguicãporo. Iripẽta ãhraa.

## 2 Tesalonicenses

*Pablo ïgũ mera majarã mera gojabeoñumi daja Jesu yarã Tesalónica majarãre*

<sup>1</sup> Yũhũ Pablo, Silvano mera, Timoteo mera ipũre mũare gojabeogũ iiaa. Mũa Tesalónica majarã mari Pagũ yarã ãhraa. Mari Opũ Jesucristo yarã ãhraa mũa.

<sup>2</sup> Eropigũ mari Pagũ Goãmũ, Jesucristo mari Opũ mera mũare õadoreo. Ñgũ itamuri mera õaro árĩque mũa.

*Iyebaguere Jesucristo dujarigũ dipuwaja moagũcumĩ, arĩ gojañumi Pablo*

<sup>3</sup> Mũa Jesucristore “Diaye ta iigũ ãhrimi,” arĩ umupeorã umupeonemorã árĩ waĩcuabũ. Eropirã mũa gajirãre mahi umupeorã turaro mahi waĩcuabũ. Mũa eropa árĩcũ pee Goãmũre õaro mera serẽro gahmea gũare. “Mũhũ erã mera õaro iiaa,” arĩro gahmea Goãmũre.

<sup>4</sup> Mũa Jesure umupeora waja gajirã mũare erã ñero iiquerecũ mũa ñero tariquererã Jesure umupeonigui waĩcuabũ. Ñgũre umupeorã duhubirã waĩcuabũ. Mũa eropa iicũ pee mucubiriri mera werea gũa gajirãre Goãmũ yarãre.

<sup>5</sup> Eropirã mũa Jesure umupeora waja gajirã mera ñero tariquererã Goãmũre umupeoniguicã waĩcuabũ. Goãmũrũ diaye iigũ ãhrimi. Eropigũ ïgũ mũa ïgũre eropa umupeocũ ïha ïgũ Opũ árĩroguere wadoregũcumĩ mũare.

<sup>6</sup> Ñgũ Goãmũ diaye iigũ árĩgũ gajirãpũre mũare ñero iinirãpũre erãpũre ñero taricũ iigũcumĩ Goãmũ.

<sup>7</sup> Eropigũ mari ñero tarinirãre marire soocũ iigũcumĩ mari Opũ Jesu dujarigũ. Ñgũ dujarigũ anyua turarã mera peame ãjũro iro dopa dehyoagũ arigũcumĩ ãmarogue.

<sup>8</sup> Eropa arigũ Goãmũre masibirãre erã ya dipuwaja moagũcumĩ. Mari Opũ Jesucristo ïgũ õari buherire tarinũganirãre dipuwaja moagũcumĩ erãre.

<sup>9</sup> Eropirã erã erã ya dipuwaja dedererãcoma. Peamegue ñero tariniguirãcoma. Eropirã erã mari Opũ Jesu ïgũ dorerogue ïgũ õari árĩroguere ne wamasisome. Eropa ta waroca irinũre Jesucristo ïgũ dujaricũ.

<sup>10</sup> Irinũ ta ïgũ aricũ ïgũ yarã ïhamariarã “Diaye ta turagũ, õagũ ãhrimi,” arĩ wereniguirãcoma. Eropirã ïgũre õaro peenirã ïgũre ïarã umupeorãcoma õaro ïgũre. Mũarũ Jesu yare gũa buherare õaro peeabũ. Eropirã mũa sã ïgũ mera árĩrãca.

<sup>11</sup> Eropirã Goãmũre serẽniguica gũa mũa ya árĩburire. Õpa arĩ Goãmũre serẽbasaa ïgũre mũare itamudorerã. “Erã mũ beyenirã mũ árĩro dopa ta erã árĩcũ iique,” arĩ serẽbasaa. “Goãmũ, mũ doreri mera erã õaro iidiarire erã iicũ itamuque. Erã mũre umupeorã mũ gamerire erã iicũ iique,” gũa arĩ serẽbasaa Goãmũre.

<sup>12</sup> Mũa eropa Goãmũ gamerire iicũ ïha gajirã sã umupeorãcoma mari Opũ Jesucristore. Eropigũ Jesucristorũ mũare õaro ïagũcumĩ. Eropigũ Goãmũ marire mahigũ gũa arĩ serẽbasaro dopa ta iigũcumĩ mari Opũ Jesucristo mera.

## 2

*Ñeri mera masare weresãgũ dehyoagũcumĩ, arĩ gojañumi Pablo*

<sup>1</sup> Dohpague mari Opꝝ Jesucristo i yebaguere ïgꝝ dujariborore weren-  
emodiaca yꝝhꝝ mꝝare. ïgꝝre mari gamenere bocatĩriburire werediaca.  
Eropigꝝ õpa arĩ bũrigã werea mꝝare, gꝝa acawererãre.

<sup>2</sup> Gajirã mꝝare õpa arĩbocoma: “Mari Opꝝ ïgꝝ dujariburinꝝ, pehrerinꝝ  
árĩroque iiaa,” arĩbocoma mꝝare. Erã eroparĩcũ peerã pee ꝝcabiricãque.  
Eropirã peerã peewisibiricãque. “Goãmꝝ yꝝre eropa ta arĩdi árĩmi,”  
arĩbocumi mꝝare gajigꝝ. Gajigꝝ sã mꝝare buhegꝝ eropa ta arĩbocumi.  
Gajigꝝ sã eropa ta arĩ gojabeobocumi, “Yꝝhꝝ Pablo ta ãhraa,” arĩ gꝝya  
gojabeogꝝ. Irire mꝝare weregꝝre masibeaa yꝝhꝝ.

<sup>3</sup> Eropirã gajirã mꝝare gꝝyacũ ne peebiricãque. Irinꝝ Jesucristo  
dujariburinꝝ árĩboro core õpa waroca. Bajarã masa Goãmꝝre cóãrãcoma.  
Eropigꝝ ñeri mera masare weresãgꝝ dehyoamũhtagꝝcumi. ïgꝝ dederebu  
árĩgꝝ ãhrimi.

<sup>4</sup> ïgꝝ Goãmꝝre umupeorire, goãmarã sãre umupeorire gamebigꝝcumi.  
ïgꝝ dihtare umupeodoregꝝ “Árĩpehreri weca opꝝ ãhraa yꝝhꝝ,” arĩgꝝcumi  
ïgꝝ. Eropigꝝ ïgꝝ Goãmꝝ ya wihi doagꝝ, “Yꝝhꝝ ta Goãmꝝ ãhraa,”  
arĩgꝝcumi ïgꝝ masare ïgꝝre umupeodoregꝝ.

<sup>5</sup> Yꝝhꝝ mꝝa mera árĩrasubure irire ta werebꝝ. ¿Irire guñari mꝝa?

<sup>6</sup> Dohpaguere ïgꝝre ñeri mera masare weresãgꝝre árĩdorebeami dohpa.  
ïgꝝre árĩdorebigꝝre masica mꝝa. Queorinꝝ árĩcũ ïgꝝ ñeri mera masare  
weresãgꝝ dehyoagꝝcumi.

<sup>7</sup> Dohpaguere ïaro mariro ïgꝝ ñerire mohmenũgatuhajacumi. ïgꝝ  
ñeri iidiarire árĩpehrerire iimasibeami dohpa. ïgꝝre árĩdorebigꝝ ïgꝝ  
wara pũhrꝝ árĩpehrerire ñerire iigꝝ ïgꝝ ñeri mera masare weresãgꝝ  
dehyoagꝝcumi.

<sup>8</sup> Eropiira pũhrꝝ mari Opꝝ Jesucristo ïgꝝ wereniguiiri mera ïgꝝre  
wejẽcãgꝝcumi. Eropigꝝ Jesupꝝ dujarigꝝ ïgꝝ dehyoari mera ïgꝝre wejẽ  
dedeocãgꝝcumi ïgꝝre.

<sup>9</sup> ïgꝝ ñeri mera masare weresãgꝝpꝝ watĩ dorero mera arigꝝ baja deyoro  
moaro dopa árĩrĩre ii gꝝyagꝝcumi masare.

<sup>10</sup> ïgꝝ eropa árĩpehrerire ii gꝝyacũ peamegue wamorãpꝝ ïgꝝre  
peerãcoma. Erã diaye árĩrĩre gamebirã ãhrima. Erã eropa gamebiricũ  
Goãmꝝ erãre dederemorãre tausome.

<sup>11</sup> Eropigꝝ diaye árĩrĩre gamebirãre Goãmꝝ erãre gꝝyaripũre peecũ  
iigꝝcumi.

<sup>12</sup> Goãmꝝ árĩpehreri diaye árĩrĩre peediabirininãre, ñerire iidianirãre  
erã ya dipuwaja moagꝝcumi.

*Goãmꝝ mꝝapũre beyeñumi ïgꝝ taumorãre, arĩ gojañumi Pablo*

<sup>13</sup> Acawererã, mari Opꝝ mahirã, matague ta Goãmꝝ mꝝapũre dedere-  
bonirãre ïgꝝ taumorãre beyepꝝ mꝝare. Mꝝa Espĩritu Santo itamuri mera  
ñeri mariro mꝝa árĩmorã sãre beyepꝝ. Mꝝa ïgꝝ yare peemorã árĩmorãre  
beyepꝝ. Eropirã ïgꝝ mꝝare beyerare guñarã Goãmꝝre serẽrã “Õhaa,”  
arĩniguicãro gahmea gũare.

<sup>14</sup> Eropigꝝ iri õari buherire gꝝa buhera mera Goãmꝝ mꝝare ïgꝝ yarã  
árĩcũ iimi mari Opꝝ Jesucristo ïgꝝ õari oparire mꝝa sã opaboro dopa.

<sup>15</sup> Eropirã õaro guñaturarã árĩque mꝝa. Eropirã gꝝa wereniguiiri mera  
gꝝa gojabeorapũri mera iri buherire õaro guñaque mꝝa. Eropirã iri  
buherire tarinũgabiricãque.

<sup>16</sup> Mari Opꝝ Jesucristo ïgꝝ basi Goãmꝝ mari Pagꝝ mera marire  
mahigꝝ, ꝝmũri nꝝcꝝ marire mucubiricũ iimi. Marire mahigꝝ peamegue

wabonirāre taugucumi marire. Eropirā Goām̄m̄ ĩḡm̄ tauborore ōaro masi mucubiria mari.

<sup>17</sup> Eropiḡm̄ Jesucristo mari Paḡm̄ mera m̄uare s̄iporā turaniguic̄m̄ iiporo. Eropiḡm̄ m̄ua ĩḡm̄ yare duhubiric̄m̄ iiporo. Ár̄ipehreri ōari iirire ōari wereniḡuiri s̄āre m̄uare iic̄m̄ iiporo.

### 3

#### *Ḡua ya ár̄iburire Goām̄m̄ serēbasaque, ar̄i gojañumi Pablo*

<sup>1</sup> Acawererā, dohpague ḡua ya ár̄iburire Goām̄m̄ serēbasaque. Mari Op̄m̄ buheri c̄āhmotarō mariro bajarā masare buheburire serēbasaque. Eropirā ĩḡm̄ buherire m̄ua ōaro gamediro dopa ta gajirā bajarāp̄m̄ iri buherire umupeori mera erā gameboro dopa serēbasaque m̄ua Goām̄m̄.

<sup>2</sup> Gajirā Jesure umupeobeama. Eropirā erā Jesure umupeobirā ñerā masa ḡuare erā ñero iidiarire Goām̄m̄ serēbasaque ḡuare ĩḡm̄ itamuboro dopa.

<sup>3</sup> Mari Op̄m̄ ōaḡm̄ ĩḡm̄ werediro dopa ta iim̄urimi ĩḡm̄. Eropiḡm̄ m̄uare ĩḡm̄ umupeoc̄m̄ iiḡucumi. Eropiḡm̄ m̄ua ñero iibiriburire ĩḡm̄ m̄uare c̄āhmotaḡucumi.

<sup>4</sup> ĩḡm̄ m̄uare ĩḡm̄ eropa c̄āhmotarare masia ḡua. Eropirā m̄uare ḡua dorediro dopa ta iiaa m̄ua. Eropirā irire iirāca daja m̄uraro ta. Iri s̄āre masia ḡua.

<sup>5</sup> Eropiḡm̄ mari Op̄m̄ Goām̄m̄ ĩḡm̄ m̄uare mahirire m̄uare masic̄m̄ iiporo. Eropiḡm̄ Cristo ñero taririsubu ĩḡm̄ s̄iporā turadiro dopa ta m̄ua s̄āre s̄iporā turaniguic̄m̄ iiporo mari Op̄m̄.

#### *Marire turaro mohmero gahmea, ar̄i gojañumi Pablo*

<sup>6</sup> Jesucristo mari Op̄m̄ ĩḡm̄ dorero mera ōpa dorea m̄uare: M̄ua Jesu yarā mera majarā mohmediabirāre ḡua dorerire iibirāre wapic̄ubiric̄āro gahmea. Eropa ĩacāque erāre.

<sup>7</sup> Sohō ár̄irasubu m̄ua mera ḡua ár̄irasubure ḡua turaro mohmec̄m̄ ĩab̄m̄ m̄ua. Eropirā ḡua iidiro dopa ta m̄ua s̄āre mohmero gahmea. M̄ua basi irire ōaro masia.

<sup>8</sup> Eropirā m̄ua barire waja mariro ne babirab̄m̄. Eropirā um̄uri n̄uc̄m̄, ñamiri s̄āre burigā mohmem̄urab̄m̄ ḡua m̄uare barire serēri ar̄irā.

<sup>9</sup> Ḡua m̄uare buhera waja m̄uare wajayedoreboaya ḡua. Wajayedorebirā ḡua basi burigā mohmeab̄m̄ m̄ua ḡuare ĩhac̄uburire.

<sup>10</sup> M̄ua mera ár̄irasubu ōpa ar̄i buheab̄m̄ m̄uare: “Mohmebiḡm̄ babiric̄āporo,” ar̄i buhem̄urab̄m̄ ḡua m̄uare.

<sup>11</sup> Yujurāyeri m̄ua mera majarā ne mohmebirañorā. Eropirā gajirāre serērā garibotariañorā erā.

<sup>12</sup> Eropirā mohmediabirāre mari Op̄m̄ Jesucristo dorero mera ōpa arāa: “Erā yare ĩha erā basi mohmeporo erā baburire,” arāa yuh̄m̄.

<sup>13</sup> Ḡua acawererā, m̄uap̄m̄ ōarire iiniguirā gariborebiric̄āque.

<sup>14</sup> Eropirā ero majarā yujuḡm̄ ire ḡua gojabeo dorerare tarinugac̄m̄ ĩha masi ĩḡm̄ wapic̄ubiric̄āque. ĩḡm̄ ñero iira mera ĩḡm̄ ḡuhyasiuro pepiboro dopa ĩḡm̄ wapic̄ubiric̄āque.

<sup>15</sup> ĩḡm̄ wapic̄ubiriquererā ĩḡm̄ ĩhaturibiric̄āro gahmea. ĩḡm̄ m̄ua acawereḡm̄ Jesu yaḡm̄ ta āhrimi. Eropirā ĩḡm̄ tarinugaḡm̄ ōaro wereque ĩḡm̄ ĩḡm̄ dipaturi irire iibirimaja ōaro dopa.

#### *Pablo gojatuñumi*

<sup>16</sup> Mari Opu marire ðaro árĩcũ iigu mera umuri nucũ ðaro árĩque mua. Eropigu “Mari Opu mua árĩpehrerã mera árĩporo,” arĩgu muare ðadorea.

<sup>17</sup> Dohpaguere yu basi ta gojatugu iiaa. Eropigu muare ðadorea. Árĩpehreri pũrire yu gojabeori pũrire ðpa ta arĩ gojatuhaa yuhũ. Eropa gojatura puhũ yu basi iripũre arĩ gojagu árĩcũ masirãca mua.

<sup>18</sup> Mari Opu Jesucristo ãgu mahiri mera burigã ðadorea muare árĩpehrerãre. Eropa ta árĩniguicãporo. Iripẽta ãhraa.



# 1 Timoteo

## *Pablo Timoteore gojabeopu*

<sup>1</sup> Yũhũ Pablo mũre Timoteore ire gojabeogu iiaa. Goãmũ marire peamegue wabonirãre taudigu ãhrimi. Jesucristo yare buhedoregu ãgu apidigu ãhraa yũhũ. Mari Pagu Jesu mera ãgu dorediro dopa ãgu apidigu ãhraa. Jesu ta marire itamumi. Eropirã marire ãgu tauborore masirã irire mucubiri cohrea mari.

<sup>2</sup> Yũhũ mũre Jesucristo yare buhecũ peegu Jesure umupeonugabu. Eropigu mũhũ diaye ta yũ magu iro dopa arĩgu ta ãhraa. Eropigu Goãmũ mari Pagu mera, mari Opu Jesucristo mera õadorea mũre. Eropigu ãgu itamuri mera õaro arĩque mũhũ.

## *Pablo gũya buherire buhedorebiripu*

<sup>3</sup> Sohõ arĩrasubure Macedonia yebague wagu mũre Efeso macague api tari wahgãbũ. Ero yujurãyeri gaji buherire gũya buherã arĩma. Iri buherire buhedorebiribure apibũ yũhũ mũre.

<sup>4</sup> Erã gũyarã erã gamero buhemaacãma. Erã acawererã iribojegue majarã erã arĩ bocarare eropa buheniguicãma. Iri buheri mera gajirãre dũyasocũ iima. Eropirã Goãmũ ãgu dorerare gajirãre iicũ iibeama erã eropa buherã. “Goãmũ yare itamugũcumĩ,” arĩ umupeorã ãgu dorerare iima. Eropigu erã gamero buhedorebiribure apibũ yũhũ mũre.

<sup>5</sup> Goãmũ õpa gahmemi. Neri dipuwaja mariri mera, õari guñari mera, diaye Jesucristore umupeori mera, gajirãre mari mahi umupeoburire gahmemi. Irire erã iiboro dopa apibũ mũre.

<sup>6</sup> Erã yujurãyeri i õari buheripure cóãtuha gaji buheripure gahmema daja. Eropirã iri buheripure dũyaso gorowerema. Iri erã buheri erã game dũyasori duhpiburi arĩbeaa.

<sup>7</sup> Erã Moise dorerire masare buherã arĩdiaquererã ta erã basi ne õaro masibeama. Eropirã gũhyadiaro mera buhequererã erã buherire ne masibeama erã.

<sup>8</sup> Moise dorerire diaye ta mari buhecũ õari doreri ãhraa. Irire mari õaro masia.

<sup>9</sup> Iri dorerire buherã ire masiro gahmea: Iri doreri õaro iirãre erãre buheburi arĩbeaa. Nero iirãpũre erãre buheburi ãhraa. Õpa ta iirãre buheburi ãhraa: Dorerire tarinũgarãre, Goãmũre tarinũgarãre, ñeri dihtare iirãre, Goãmũre gamebirãre, ñero werenigui corerãre, erã pagu sumarãre wejẽrãre, erã pago sã nomere wejẽrãre, gajirã masare wejẽrãre,

<sup>10</sup> nome mera ñero iirãre, ɸma mera ñero iirã nomere, ɸma seyaro ñero iirãre, nome seyaro arĩquererã ñero iirãre, masa porãre yaja duarãre, gũyaricũrãre, Moise dorerire erãre buheburi ãhraa ii. Eropiro gajirã arĩpehrerãre õari buherire tarinũgarãre buheburi ãhraa Goãmũ ãgu doreri.

<sup>11</sup> Goãmũ õagũ ãgu õari buheri mera iri ñeri iirare cóãdoremi. Iri buheripure yũre Goãmũ buhedoremi.

## *Goãmũ ãgu marire mojomoro ãarire werepu Pablo*

<sup>12</sup> Eropa yũ buhecũ, Jesucristo mari Opu turarire ãgu ogũ itamumi. “Pablo õaro buhegũcumĩ yahare,” arĩ pepiñumi Jesu yũre. Eropigu yũre beyegũgue ta ãgũre itamubure apimi yũre. ãgu eropa iicũ “Õhaa,” arãa yũhũ ãgũre.

<sup>13</sup> Iribojegue yu Jesucristore ñero wereniguiquerecũ ta, ïgu yarãre ñero iiquerecũ ta ïgu yure beyemi. Eropigu ïgure masinibigu ïgu yarãre ñero iigu “Ñero iigu iica,” arĩ pepibirimuricarabu. Yu eropa masibiricũ ïagu ïgu mojomoro ïami yure.

<sup>14</sup> Eropigu Goãmũ mari Opũ yure burigã mahigu ðaro iimi yure. Eropigu Jesucristore umupeocũ iimi ïgu yure. Eropigu ïgure masa sãre mahicũ iimi yure.

<sup>15</sup> Yu gajirã tauro ñetariagu arĩribũ. Ñerã mari arĩquerecũ ta Jesucristo mari ñerire cóãbu i yebaguere erami. Marire peamegue wabonirãre taubu erami. Iri diaye ta ãhraa. ïgu eropa arĩgu arĩcũ arĩpehrerã irire masiporo.

<sup>16</sup> Ñetariagu yu arĩquerecũ ta ïgu yure mojomoro ïami. Eropa mojomoro ïagu Jesucristo guaro mariro, ïgu yure ðaro iirare masicũ iigu iimi. Pũhrũ ïgure umupeomorã erã sã ïgu ðaro mojomoro ïaburire erã masiboro dopa ðaro iimi yure. ïgure eropa umupeorã arĩpehrerinũri umaroguere eropa ðaro arĩniguicãrãcoma.

<sup>17</sup> Goãmũ arĩpehrerinũri masa tauro opũ ãhrimi. ïgu ne sĩribeam. Mari mera ïgu arĩquerecũ ta ïgure ïabeaa mari. Eropigu ïgu dihta Goãmũ gohra ãhrimi. Eropirã “Diaye ta ðagu, turagu ãhrimi ïgu,” arĩrã ïgure. Ëmũri nũcũ ïgure umupeorã. Eropa ta iirã.

<sup>18</sup> Timoteo yu magũ iro dopa ta ãhraa mũhũ. Eropigu dohpaguere ire mũre dorea. Jesu yarã Goãmũ ya weremũhtarã erã mũre werediro dopa ta mũre dorea. Cristo yare ðaro wereniguique. Eropigu ñero tariqueregu ta ïgure umupeo duhubiricãque mũhũ.

<sup>19</sup> Jesure eropa umupeoniguicãque. Ñeri dipuwaja mariro arĩque. Eropigu ðari dihtare iique. Yujurãyeri irire iibirã Jesu yare erã cohãma. Eropa cóãrã ïgure umupeo duhucãma.

<sup>20</sup> Eropa ta iياما Himeneo, Alejandro mera. Eropigu “Watĩ ïgu gamero erãre iiporo,” arĩgu eropa apicãbũ erãre Goãmũre erã ñero wereniguiquemobiriboro dopa.

## 2

### *Goãmũre serẽbasarire wererũ Pablo*

<sup>1</sup> Dohpaguere õpa arĩ doremũhtaa mũare: Arĩpehrerã ya arĩburire Goãmũre serẽbasaque. Eropa serẽrã “Õhaa,” arĩque Goãmũre.

<sup>2</sup> Oparã, gajirã masa tauro dorerã sãre, erã ðaro doreburire Goãmũre serẽbasaque erãre mari ðaro arĩricũ arĩbororo dopa. Eropirã gamequeãro mariro ñeri marirã Goãmũre umupeorã mari ðaro arĩbororo dopa erãre serẽbasaque.

<sup>3-4</sup> Eropa ta gajirã ya arĩburi sãre mari Goãmũre serẽbasacũ õapũricãa. Irire mari iicũ ïagu Goãmũ marire taubupũ marire ðaro ïhasũami. Arĩpehrerã masa peamegue wabonirãre ïgu taumorã dihta arĩcũ gahmemi Goãmũ. Eropigu ðari buherire diaye majare erã masicũ gahmemi ïgu. Eropigu gajirã ya arĩburire mari ïgure serẽbasacũ mucubirimi Goãmũ.

<sup>5</sup> Yujugu ta ãhrimi Goãmũ. Eropigu Goãmũ mera mari ðaro arĩcũ amubasagu yujugu ta ãhrimi. ïgu ãhrimi Jesucristo. Jesucristo sã masũ ta ãhrimi.

<sup>6</sup> Eropigu arĩpehrerã erã ñeri iira dipuwajare wajayebasadigu arĩmi ïgu crusague sĩridigu. Eropigu Goãmũ ïgu queorasubu masare ire masicũ iimi.

<sup>7</sup> Masa masicũ iibure ĩgu yare werebure irire Goãmũ yũre apimi. Eropigu judio masa árĩbirãre Jesure umupeoburire õari buherire buhe-  
bure beyemi yũre. Diaye ta mũre weregu ĩaa yũhũ. Guyabeaa.

<sup>8</sup> Árĩpehrero majarãpũ Goãmũ yare õaro iirã Goãmũre erã serẽcũ  
gahmea. Eropa Goãmũre serẽrã erã guaro mariro, game dũyasoro mariro  
erã árĩcũ gahmea.

<sup>9-10</sup> Nomezũre Jesu yarã erã õaro árĩricũre iicũ gahmea. Eropirã  
queoro erã ejatuharo suhri sañarã árĩporo. Eropirã gajiropa bejari poaricũ  
“Yũhũ õago ãhraa,” arĩ ĩhmubiricãporo. Eropirã õari dari oro dari waja  
pagari bũyarire, õari suhri waja pagari suhri sañarire guñabiricãporo.  
Eropirã õaro erã iira mera, erã õarã nome Jesu yarã nome erã árĩrire ii  
ĩhmuporo.

<sup>11</sup> Ejarimariro umupeori mera peerã õari buherire peeporo erã nome.

<sup>12-14</sup> Eropirã nome mũa gamenererogue umare buhebiricãporo. Eropirã  
umare dorebiricãporo. Erã nomepũ ejarimarirã nome árĩporo. Goãmũ  
Adãre ĩhacũnugumũhtaũmi. ĩgu pũhrũ Evare ĩhacũnuguũmi.  
Eropigu watĩ ĩgu gũyacũ peedigu Adán árĩbiriũmi. ĩgu gũyacũ peedigopũ  
Eva árĩũmo. Eropa ĩgu gũyacũ peego Goãmũre tarinũgago waũmo igo.  
Eropirã nomepũ umare dorebiricãporo.

<sup>15</sup> Nomeo árĩmũhtadigo igo tarinũgaquerecũ ta nome erã porãre õaro  
opacũ ĩagu erãre Goãmũ peamegue wabonirãre taugũcumi. Eropirã  
nomepũ Goãmũre erã umupeoniguicãcũ, Goãmũ erãre itamugũcumi.  
Eropigu masare Goãmũ sãre erã mahiniguicũ pee masirã nome erã  
árĩniguicũ Goãmũ itamugũcumi erãre.

### 3

#### *Jesu yarã tauro oparã erã iiburire werepũ Pablo*

<sup>1</sup> Jesu yarã doregu árĩdiagũ õarire iidiagu ãhrimi ĩgu. Iri diaye ta ãhraa.  
Eropigu Jesu yarã doregure apigu õpa árĩgũpũre beyeque.

<sup>2</sup> Dipuwaja marigũre beyeque. Eropirã gajirã ĩgũre weresã masiya mara.  
Eropigu yujugore ta marapocũgu árĩgũre beyeque. Eropigu õaro pee  
masigũre, gũhyadiagũre, masare õaro mera ĩgu wihire ñajaridoregũre,  
gajirãre õaro buhemehregũre beyeque mũa.

<sup>3</sup> Eropa beyegu ne merebigũre, gamequeãbigũre, masare õaro iigũre,  
game dũyasobigũre, niyerure gamebigũre beyeque.

<sup>4</sup> ĩgu porãre ĩgu marapo sãre ĩgũre umupeori mera erã yũhrirã árĩcũ  
iigũre beyeque Jesu yarãre dorebure.

<sup>5</sup> ĩgu porãre ĩgu marapo sãre õaro yũhricũ iimasibigu árĩgu Goãmũ yarã  
sãre õaro yũhricũ iimasibiribocumi.

<sup>6</sup> Jesu yarã opũ árĩbure beyegu ne Jesu yagu ñajagũre beyebita. Ne  
ñajagũre beyecũ ĩgu “Jesu yarãre tauro ãhraa yũhũ,” arĩ pepibocumi. ĩgu  
eropa arĩ pepicũ Goãmũ ĩgũre dipuwaja moadorebocumi watĩre ĩgu iidiro  
dopa ta. Watĩ Goãmũ tauro árĩdiari waja Goãmũ ĩgũre dipuwaja moapũ.  
Eropigu ne Jesure umupeogu árĩgũre beyebita.

<sup>7</sup> Jesu yarã doregure beyegu Jesu yarã árĩbirã “Õagu ãhrimi,” erã arĩgu  
dihtare beyeque erã ĩgũre werewũabiriborore. Õaro iigu ĩgu árĩbiricũ  
ĩarã gajirã ĩgũre werewũabocoma. Eropigu ĩgu watĩ gamero dopa ta iigu  
árĩbocumi.

#### *Jesu yarãre itamurã diãconoare erã iiburire werepũ Pablo*

<sup>8</sup> Eropirã Jesu yarãre itamurãpũre beyerã õarã árĩrã sãre beyeque. Erã guhyadiaro árĩrãre, õaro diaye ta wereniguirãre, merebirãre, niyerure gamebirãre beyeque mũhũ.

<sup>9</sup> Eropa ta Jesucristore õaro umupeorã “Goãmũ yare õaro diaye ta ãhraa,” arĩrã árĩrãre beyeque.

<sup>10</sup> Eropirã Jesu yarãre itamurã árĩdiarãre erã iirare ãamũhtaque mũa. Mũa eropa ãara pũhrũ erãpũ dipuwaja marirã árĩrã Jesu yarãre itamurã ñajaporo erã.

<sup>11</sup> Eropirã erã marasã nomepũ õpa árĩporo: Pee masirã nome, ñeri quere iibirã nome, guhyadiarã nome árĩporo erã nome sã. Eropirã árĩpehreri õarire iiniguirã nome árĩporo erã nome.

<sup>12</sup> Eropirã Jesu yarãre itamurãre beyerã yujurãyeri nome ta marapocũrã árĩrãre beyeque. Erã porãre gajirã erã ya wihi majarã sãre õaro ãhadiburã árĩrãre beyeque.

<sup>13</sup> Mũ eropa beyenirã Jesu yarãre õaro erã itamucũ gajirã erãre õaro ãhasũarãcoma. Eropirã õari buherire, Jesucristore erã umupeoburi sãre gũiro mariro buherãcoma erã.

#### *Goãmũ ya buherire werepũ Pablo*

<sup>14-15</sup> Dohpaguere mũ pohrogue wadiagũ iiraa. Eropa wadiaqueregũ dohpaguere wanibigũ ipũ mera mũre were gojabeogũ iiaa. Jesu yarã gamenererã watope mũa dohpa iiborore mũre were gojabeogũ iiaa, “Dohparagãre wabiriboca,” arĩgũ. Jesu yarã Goãmũ ojocarigũ yarã ãhrima. ãgũ yarã diaye árĩri buherire Goãmũ ya buherire õaro opama. Eropa oparã irire buheniguima.

<sup>16</sup> I diaye ãhraa. Marire Goãmũ ãgũ buhera mari õaro iiburi buheri ãhraa. Goãmũ iri buherire marire masicũ iimi. Iribojegue mari masibirira mũra õatariari buheri ãhraa. I buheri õpa ãhraa:

ãgũ Cristo mari dũpũ iro dopa ta dũpũcũgũ masa dehyoadigũ árĩmi. Óagũ ñeri marigũ ãgũ árĩcũ ãhmudi árĩmi Espĩritu Santopũ. Anyua sã ãgũre ãanirã árĩma. Eropirã gũa ãgũ buhedore apinirã gajĩ yeba majarãre ãgũ yare buhebũ. Eropirã i yebare masa bajarã ãgũre umupeoama. Pũhrũ ãmarogue Goãmũ aĩadi árĩmi ãgũre. Iri ta ãhraa õari buheri.

## 4

#### *Õari buherire cóãrãcoma arĩ werepũ Pablo Timoteore*

<sup>1</sup> Espĩritu Santo ire õaro weremi: Pehrerinũ coregã yujurãyeri masa Jesu ya buherire cóãrãcoma. Eropirã gũyari buheripũre watĩ yare buherãpũre peenũrũrãcoma erã.

<sup>2</sup> Iri buherire buherã gũyaniguirã wererãcoma masare. Erã gũyaniguirãpũ “Gũa tamerare dipuwaja mara,” arĩ pepirã árĩrãcoma. Erã ñero iirapũre ne guñasome.

<sup>3</sup> Ópa arĩ buherãcoma erã: “Marapocũbircãque. I barire babircãque,” arĩ buherãcoma erã. Erã eropa badorebiriqerrecũ ta Goãmũ barire ãhacũnugudi árĩmi mari baburire apigũ. Mari Cristore umupeorã árĩcũ õari buherire mari masirã árĩcũ, mari ya árĩburire õarire iri barire apipũ ãgũ. Iri barire oparã ãgũre “Õhaa,” mari arĩcũ gahmemi ãgũ.

<sup>4</sup> Árĩpehreri Goãmũ ãgũ ãhacũnugura õari ãhraa. Eropirã ãgũ ãhacũnugurare barire aĩrã. Goãmũre “Õhaa,” arĩrã, “Irire basome,”

arĩbiricãro gahmea. Iri barire basuaro gahmea marire. Eropirã “Irire babiricãque,” gajirã erã arĩcũ peebiricãque erãre.

<sup>5</sup> Īgu ĩhacũnugura iri õari arĩcũ weretuhapũ Goãmũ. Eropirã ĩgũre “Õhaa,” mari arĩra pũhrũ “Iri bari õari bari āhraa,” arĩ baro gahmea marire.

*Jesu pohro majagu õagũre werepũ Pablo Timoteore*

<sup>6</sup> I yũ wererare diaye majare Jesu yarãre buhegu Jesucristo pohro majagu õagu āhraa mũhũ. Eropã buhegu õari buherire peenũrugũ arĩguca. Oaro mũ peerare peenũrũ masipehogũ arĩguca mũhũ.

<sup>7</sup> Eropigu eropa erã arĩ bocarare, Goãmũ ya maja arĩbirirare peebiricãque. Eropigu Goãmũ gameri dihtare iiniguicãgu arĩque mũhũ.

<sup>8</sup> Mũ mohmepocũ õañaria. Mũ mohmepodiro tauro Goãmũ gamerire mũ ipocũ õataria mũre. Goãmũ gamerire ĩpogu dohpaguere õaro āhraa mũhũ. Eropigu mũ sĩrira pũhrũgue sãre masa mũriagu õaro arĩguca mũhũ. Eropigu Goãmũ gamerire iiniguicãque.

<sup>9</sup> Iri diaye ta āhraa. Arĩpehrerã irire yũ arĩrãre masirã, “Diaye ta āhraa,” arĩro gahmea erãre.

<sup>10</sup> Eropigu arĩpehrerã yũ arĩrãre masirã “Diaye ta āhraa,” erã arĩburire Goãmũ gahmemi. Eropirã erã eropa iiburire mari turaro mohmea. Eropirã ñero taria mari gajirã marire ñero erã iicũ. Goãmũ ojocarigu arĩpehrerãre peamegue wabonirãre taugu āhrimi. Īgũre umupeorã tamerare ĩgu taumi. Goãmũ marire õaro iiburire masirã ĩgũre mucubirirã ĩaa. Eropã mucubirirã Goãmũ gameripũre masa iiburire bũrigã buhe mohmea mari.

<sup>11</sup> Iri arĩpehreri yũ arĩrãre doreque Jesu yarãre. Eropigu irire buheque mũhũ.

<sup>12</sup> Mamũ mũ arĩcũ ĩarã gajirã Jesu yarã mũre peediabiribocoma. Erã mũre peeboro dopa õpa ii ĩhmuque erãre: Masare mahique. Eropigu Jesure umupeoturaniguicãque. Eropã arĩgu dipuwaja marigu arĩque. Mamũ arĩqueregu ta mũ irire iicũ ĩarã mũre peerãcoma erã. Eropirã mũ wereniguirire peerã, mũ iirare ĩarã mũre ĩhacũrãcoma.

<sup>13</sup> Eropigu mũ pohrogue yũ ejaboro core õpa ii õaro mohmeyuque. Jesu yarã gamenererãre Goãmũ yare gojarapũre buhe ĩhmuque erãre. Eropigu erãre irire buhetuha werenemoque daja. Eropigu erãre õaro masinemocũ ĩique.

<sup>14</sup> Ero core Jesu yarã oparã Goãmũ dorecũ erãpũ mũ weca erã mojotorire duhpeoma. Erã mũre eropa duhpeocũ Goãmũ ĩgu turarire odi arĩmi mũre. Eropigu Goãmũ ya arĩburire mũ mohmemasiburire apidigu arĩmi mũre Goãmũ. Īgu mũre eropa mohmemasiburire apirare cãdijibita.

<sup>15</sup> Yũ eropa wererare guña eropa iiniguicãque mũhũ. Mũ eropiira pũhrũ õarire mũ ĩinemocũ arĩpehrerã ĩarãcoma.

<sup>16</sup> Mũpũ õaro ĩique. Eropigu õaro buheque mũhũ gajiropa buheri arĩgu. Mũhũ eropiigu ĩgu taudigu arĩgu Goãmũ mera arĩniguicãguca. Eropirã mũre peenirã sã ĩgu taunirã arĩrã Goãmũ pohro arĩrãcoma.

## 5

*“Jesu yarãre õpa ĩique mũhũ,” arĩpũ Pablo Timoteore*

<sup>1</sup> Ne bugũre turibiricãque. Mũ pagũre mũ õaro iidiro dopa ta, bugu sãre õaro mera wereque. Eropigu mũ pagũ porãre mũ õaro iidiro dopa ta, mamarã sãre õaro umupeori mera erãre wereque.

<sup>2</sup> Eropigu mũ pagore mũ òaro iidiro dopa ta mũrà nome sãre òaro umupeori mera wereque. Eropigu mũ pagu porã nomere mũ òaro iidiro dopa ta, nóme sãre ñero ùaribejaro mariro òaro umupeori mera wereque erãre.

<sup>3</sup> Eropigu wapeweyarã nomere diaye ta mojomorocurã nomere umupeori mera itamuque erã nome sãre.

<sup>4</sup> Wapeweyo porãcũgo igo árĩcũ pãramerãcũgo igo árĩcũ sãre, erãpu igore itamuporo erã masura waja. Eropa itamurã Goãmũ masare erã acawererãre ìgu itamudoreldiro dopa ta iirã iima erã. Erã eropiicũ ìagu òaro Goãmũ mucubirimi.

<sup>5</sup> Mojomorocũgo wapeweyo acawererã moogo árĩgo, Goãmũ igore itamuburire cohremo igoa. Eropigo ñamiri nũcũ, ùmuri nũcũ igo Goãmũre eropa serẽniguicãmo.

<sup>6</sup> Gajigopũ wapeweyo árĩgo eropa iimaacãgo árĩgo ojocarigo árĩquerego igo sĩporã dederebo sĩridigo iro dopa ta iimo.

<sup>7</sup> Eropigu i árĩpehleri yũ werera wapeweyo itamuburire Jesu yarãre iidoreque mũhũ. Òpa wereque erãre òari dihtare erã iiburire gajirã erãre werewabiriburire.

<sup>8</sup> Eropigu yujugu ìgu acawererãre ìhadibubigu, ìgu porã erã pago sãre òaro ìhadibubigu “Jesu yagu àhraa,” arĩmasibeami. Goãmũ doreldiro dopa iibeami. Eropigu Goãmũ ya buherire yùhribigu àhrimi. Jesure gamebirã tauro ñetariagu àhrimi ìgũpũ.

<sup>9</sup> Wapeweyarã nome mũa itamumorã árĩcũ erã waĩre gojaturãca. Mũa eropa gojaturã òpa árĩrãre erã waĩre gojatuque. Sesenta bojori ejabigo igo waĩre gojatubiricãque. Eropirã wapeweyo yujugu ta marapucãdigore gojatuque.

<sup>10</sup> “Igo òarire iigo àhrimo,” masa erã arĩgore gojatuque. Eropirã igo porãre òaro masugo arĩdigore gojatuque. Eropirã igo ya wihire gajirãre òaro mera ñajaridoregore gojatuque. Eropirã pohro majago iro dopa Jesu yarãre itamugore ñero tarirãre itamugore, árĩpehlerãre mojomoro ìagore, òari dihtare iidiagore gojatuque. Eropa árĩrãre ìagu iripũ ta erã waĩre gojatuque mũa erã mũa itamumorã árĩborore.

<sup>11</sup> Wapeweyarã nóme, nómeñari erã árĩcũ erã waĩre gojatubiricãque erã Jesu yarãre itamumorãre. Pũhũ erã waĩre mũa gojatura pũhũ erã gamero iidiarã Cristo yare duhu, dipaturi mojoto diribocoma.

<sup>12</sup> Eropirã erã mojoto dirirã Cristore “Mũ yarãre itamugora,” erã arĩldirore iibiribocoma. Erã eropa iibirira dipuwaja dipuwajacurãcoma.

<sup>13</sup> Erã nómeñari eropa itamurã árĩrã tericurã nome wahama. Eropirã wirigue ñajacurirã ñeri querere werenigui curima. Erã weredorebirirare werema erã nome.

<sup>14</sup> Eropirã erã Jesu yarãre itamumorã ñajabiricãporo. Eropigu erã òpa iicũ gahmea yũhũ: Wapeweyarã nome, nómeñari árĩrã mojoto diriporo daja. Eropirã erã porãcũporo. Eropirã erã ya wihi majare òaro ìhadibuporo. Erã nome wapeweyarã nome eropa ta iicũ marire Jesu yarãre ìhaturirã “Ñerire iirã iima,” arĩmasibeami marire.

<sup>15</sup> Dohpague tamerare yujurãyeri nome wapeweyarã nome Cristo yare duhu watĩ gameripũre iinũgatuhama. Eropigu òpa werea mũre.

<sup>16</sup> Jesu yarã erã acawerego wapeweyo igo árĩcũ erã igo acawererãpu igore itamuporo. Gajirã Jesu yarãpũre igore itamudorebiricãporo. Eropirã erã Jesu yarã igore acawererã opagore itamubirã, gajirã nome wapeweyarã nomepũre itamumasima.

<sup>17</sup> Jesu yarã oparãre erã mohmerire erã ðaro iicũ ãarã umupeoque erãre. Eropirã ðaro wajayeque. Yujurãyeri mua mera majarã Goãmũ yare wererã mua buherã sã àhrima. Erã tamerare tauro umupeo wajayeque.

<sup>18</sup> Goãmũ yare erã gojarapũgue mohmegure mua wajayeborore òpa werea: “Wecu trigo yerire cùhratĩacũ ãgu disirore cãhmotabiricãque. ãgu gamero baporo,” arĩ gojañorã. Eropiro gajipũ òpa arãa: “Mohmegure ãgu mohmeri wajare oro gahmea,” arãa Goãmũ yare erã gojarapũgue. Goãmũ ya gojarapũ eropa arĩcũ peerã oparãre ðaro umupeoque mua. Eropirã ðaro wajayeque erãre.

<sup>19</sup> Jesu yarã mera majagu opure yujugu ta ãgure weresãcũ peebiricãque. “Opũ ãgu òpa ñeri iirare ãabu,” perã o urerã arĩ weresãra pũhrũ peeque.

<sup>20</sup> Eropa peerã ãgu ñero iira arĩcũ ãatuhaja Jesu yarã gamenererogue turique ãgure, gajirã ãgure ãha masi güiporo arĩrã.

<sup>21</sup> Eropigu Goãmũ Jesucristo ãgu beyerã anyua erã ãhabeoro ire dorea mre. Dohpague yũ mre dorerare ipehoque. Eropa iigu gajigure gajiropa, gajigu sãre gajiropa iibiricãque. Yujuropa ta iique arĩpehrerãre Jesu yarãre.

<sup>22</sup> Gajirãre Goãmũ mohmerire mũ beyemorãre erã weca mũ mojotorire duhpeoboro core ðaro ãaque mũhũ ãha masiri mera yojaro mariro. Ñerire iirã arĩbocoma. Eropigu mũ erãre beyera pũhrũ erã ñerire iicũ erã ñeri iira dipuwaja opagũca mũ sã. Eropigu erãre beyeboro core erã arĩricurire ðaro masique. Eropigu arĩpehreri ñeri mariro arĩque mũhũ.

<sup>23</sup> Bajasuburi paru pũrisũgu àhraa mũhũ. Eropigu dohpaguere deco dihtare ihrigu arĩgu, merogã vino sãre ihrique mũhũ ococugu.

<sup>24</sup> Yujurãyeri erã ñerire iicũ mari ãha. Eropirã Goãmũ erãre dipuwaja moaborore masia mari. Gajirãpũre erã ñeri iirare mari ãha masibea. Pũhrũ erã ñeri iirare masirãca Goãmũ dipuwaja moarinũ arĩcũ.

<sup>25</sup> Eropa ta yujurãyeri ðarire erã iirare masia mari. Gajirã erã ðarire erã iirare dohpaguere masibiriquererã ta pũhrũ masirãca mari. Mari ãabirirare arĩpehrerã erã iirare pũhrũ iri dehyoacũ ãarãca.

## 6

<sup>1</sup> Pohro majarã Jesu yarãpũ erã oparãre ðaro umupeoporo. Erã eropa umupeocũ ãarã gajirã Goãmũre mari arĩ buheri sãre ñero werewũamasibeama.

<sup>2</sup> Erã oparã Jesu yarã arĩcũ ãarã erã pohro majarãpũ gũa oparã sã Jesu yarã ta àhrima. Eropirã “Erãre umupeobiricũ ðaroca,” arĩbocoma. Eropa iibiricãro gahmea. Erã oparã Jesu yarã arĩrã erã mahirã yujugu porã iro dopa àhrima. Eropirã erã tamerare turaro itamuporo.

### *Goãmũre umupeori sãre, ðaro arĩri sãre werepũ Pablo*

<sup>3</sup> I yũ wererare buheque. Eropigu ire doreque. Gajiropa arĩrire guyarire buherã mari Opũ Jesucristo ya buherire umupeobeama. Erã Goãmũre umupeori buherire gamebirã òpa iirã àhrima.

<sup>4</sup> “Masipehogũ àhraa,” arĩquererã ta diaye majare ne masibeama. Eropirã pee masibirã iro dopa ta turaro game dũyasodiama erã. Eropirã Goãmũ yare arĩmaacãa dũyatorã àhrima. Eropa dũyatorã, game ãhaturirã wahama. Eropirã gajirãre ñero quere moamasibiriquererã masare ñero arĩ pepima erã.

<sup>5</sup> Eropirã erã ñeri dihtare pepiniguirã, diaye arĩrire ne masibirã eropa dũyasoniguicãma. Eropirã “Goãmũ yare buherã niyerure wajatarãca,” arĩ pepirima. Erã eropa arĩrãre wapicubiricãro gahmea.

<sup>6</sup> Mari ya mari opari mera mucubirirã Goãmure umupeorã diaye ta wajatarã ta iiaa.

<sup>7</sup> I yebaguere masa dehyoarã ne gajinore aĩgãribiribũ mari. Eropirã mari sĩrirã warã ne gajinore aĩgãmasibea mari daja. Eropirã mũa opari mera dihta mucubirique.

<sup>8</sup> Eropirã mari barire, mari suhri sãre oparã, gajire gamenemobiricãrã. Iri nũcũ mera ta mucubiricãrã mari.

<sup>9</sup> Niyerure gamerã doberi wũaro oparã árdiarã watĩ ñerire ĩgũ iidorerire árdĩpehreri ñerire iirã árbocoma. Eropirã erã bajasuburi pee masibirã iro dopa ta gajinore gametarirã, ñeri ƣaribejari duhubirã, erã basi ta ñero tarima. Eropã dedererã wacãrã iima.

<sup>10</sup> Niyerure gametarirã árdĩpehreri ñerire iinũgama masa. Yujurãyeri niyerure gametarirã, Jesure umupeo duhura pũhrũ bajasuburi erã ñero iira waja turaro bũjowerema erã. Eropirã mari opariñepẽ ta mucubiriro gahmea marire.

*Goãmũ ya árdĩburire iiboro dopa ñerire tarinũgaque, arĩ gojañumi Pablo*

<sup>11</sup> Mũa tamera Goãmũ yagũ ta áhraa. Eropigũ i ñerire iibiricãro gahmea. Eropigũ õaripũre gameque. Goãmũ yare iique. Eropã iigũ Jesure “Diaye iigũ áhrimi,” arĩ umupeoque. Eropigũ gajirãre mahique. Ñero tariqueregũ ta bocatĩuque. Nijiyajagũ árdĩque masa mera. Eropigũ gajirãre tarinũgadiagũ árdĩbiricãque.

<sup>12</sup> ĩgũ mera árdĩpehrerinũri mũ õaro árdĩniguicãburire Goãmũ beyemi mũre. Eropigũ Jesucristore mũ umupeorire bajarã masare õaro werebũ mũhũ. Eropigũ ñero tariqueregũ ta ĩgũre umupeo ĩgũ yare duhubita ƣmarogue ĩgũ mera eropã mũ árdĩniguicãboro dopa.

<sup>13</sup> Goãmũ árdĩpehrerãre árdĩpehrerire árdĩcũ iigũ áhrimi. Jesucristopũ Poncio Pilatore Goãmũ yare õaro werepũ. Eropigũ Goãmũ Jesucristo sã erã ĩhabeoro ire mũre iidoregũra:

<sup>14</sup> Mũre Goãmũ ĩgũ dorerare iipehocãque. Jesucristo ĩgũ dujariboro core ñeri mariro, dipuwaja mariro ĩgũ dorero dopa ta iiniguicãque.

<sup>15</sup> ĩgũ queoranũ árdĩcũ Goãmũ Cristore dujaricũ iigũcumĩ. Goãmũpũ õagũ ĩgũ dihta masare doregũ áhrimi. Eropigũ árdĩpehrerã gajirã oparã erã tauro opũ árdĩgũ áhrimi.

<sup>16</sup> Eropigũ ĩgũ dihta ne sĩribigũ áhrimi. ĩgũ goesiriri mera árdĩgũ áhrimi. Eropirã masa ĩgũ goesirirogue ejamasibeama. Eropigũ masa erã ne ĩabigũ áhrimi. Eropirã dohpague sãre ĩgũre ĩabeama. ĩgũ eropã árdĩgũre umupeorã. Eropirã árdĩpehrerinũri “Turagũ áhrimi ĩgũ,” arĩrã ĩgũre. Eropã ta iirã.

<sup>17</sup> Eropigũ i yeba majarãre doberi oparãre õpa arĩ doreque mũhũ: “Gajirãre tarinũgaa yũhũ,” ne arĩ pepibiricãporo. Erã doberi erã opari pehrea waroca. Eropirã “Yũhũ wũaro opari mera õaro árdĩgũca,” arĩ pepibiricãporo. “Goãmũ yapũ mera õaro árdĩgũca,” arĩ pepiporo. Árdĩpehreri diaye ta mari gameripũre ogũ áhrimi ĩgũ Goãmũ. ĩgũpũre umupeoturaporo erã doberi oparã.

<sup>18</sup> Eropirã erã õaripũre iiporo õarire erã iirã árdĩboro dopa. Eropirã erã oparire mojomorocũrãre orã árdĩporo.

<sup>19</sup> Erã eropiicũ ƣmũsigue Goãmũ pohrogue erã ya árdĩroca. Erogue árdĩcũ iri ne pehresome. Eropirã erogue õaro árdĩniguicãrãcoma erã.

*Pablo Timoteore doretupũ*



<sup>20</sup> Mahꞑ, mure Goãmꞑ ĩꞑ apirare ĩꞑ buhedorerare duhubita. Yujurãyeri masa Goãmꞑre gamebirã iro dopa ta gũyarire, pee masibirã ya buherire wereniguima. Eropa wereniguirã “Õaro masirã buheri ãhraa,” arĩrima erã. Eropa erã wereniguirire peenurubiricãque.

<sup>21</sup> Gajirã yujurãyeri erã wereniguirire peenururã Cristo ya buheripere cóãcãma.

Goãmꞑ ĩꞑ mahiri mera mure turaro õadorea. Eropa ta árĩniguicãporo. Iripẽta ãhraa.

## 2 Timoteo

### *Pablo Timoteore dipaturi gojabeopu*

<sup>1-2</sup> Mũhũ Timoteo yũ magũ iro dopa ta yũ mahigũ ãhraa. Yũhũ Pablo mũre ire gojabeoa. “Árĩpehrerã Jesucristore umupeorã umũsigue ðaro árĩniguicãrãcoma,” arĩ apimi marire Goãmũ. Ĩgũ eropa arĩ apirare werebure yũre beye apimi Jesucristo Goãmũ ĩgũ gamero dopa ta. Eropigũ Goãmũ mari Pagũ Jesucristo mari Opũ mera mũre ðadorea. Eropigũ ĩgũ itamuri mera ðaro árĩque mũhũ.

### *Masare Cristo yare erã wererare werepũ Pablo*

<sup>3</sup> Goãmũ mera wereniguigũ mũ ya árĩburire serẽniguicãa umũri nũcũ. Eropa serẽgũ Goãmũre “Õhaa,” arãa yũhũ. Iribojegue majarã yũ acawererã ñeri dipuwaja mariro ĩgũ Goãmũre ta umupeoñuma. Erã umupeodiro dopa ta dohpaguere yũ sã ĩgũ Goãmũre ta umupeoa. Ĩgũ Goãmũ gohra ta ãhrimi yũ mũre serẽbasagũ.

<sup>4</sup> Sohõ árĩrasubure yũ wacũ mũ orenũrusiarare guñagũ mũre turaro ĩadiaca daja mũ mera ðaro mucubiridiagũ.

<sup>5</sup> Eropigũ Jesure diaye ta mũ umupeorire guñaa yũhũ. Mũ ñeco bũro Loida, mũ pago Eunice sã Jesure umupeomũhtama mũ core. Eropigũ dohpaguere ĩgũre mũ umupeocũ ðaro masia yũhũ.

<sup>6</sup> Eropigũ ire mũre guñacũ iidiaa. Mũ dipuru weca yũ duhpeocũ Goãmũ ĩgũ ya turarire omi mũre. Ĩgũ ya árĩburire mũ mohmemasiburire mũre omi. Iri mohmemasiburi mera mohmeque mũhũ.

<sup>7</sup> Goãmũ marire ĩgũ Espĩritu Santore omi. Mari mera árĩgũ masare marire güicũ iibeamĩ Espĩritu Santo. Eropigũ turarã, masare mahirã, pee masirã mari árĩcũ iimi ĩgũ.

<sup>8</sup> Eropigũ mari Opũ ya árĩburire gajirãre weregũ gũhyasĩribita mũhũ. Yũhũ ĩgũ yare iicũ ĩha gajirã gamebirã yũre peresugue doboma. Peresu yũ árĩcũ sãre ĩagũ yũre gũhyasĩrisãbiricãque. Mũhũ sĩporãguere ñero bũjawerebiricãque. Õari buherire mũ buheri dipuwaja mũ sã eropa wagũ “Õaroca,” arĩ pepique mũ sã. Mũ eropa ñero taricũ ĩagũ Goãmũ mũre itamugũcumĩ.

<sup>9</sup> Eropigũ Goãmũpũ marire peamegue wabonirãre taumi. Eropigũ ðarã ĩgũ yarã árĩmorãre beyepũ ĩgũ. “Õarã ãhrima erã. Eropigũ erãre beyegũra,” arĩbiripũ marire beyegũ. Ĩgũ marire mahigũ ta negohraguere marire beyepũ ĩgũ gamero dopa ta iigũ. “Eropigũ Jesucristore erãre taubure obeogũra,” arĩ beyepũ marire.

<sup>10</sup> Eropigũ dohpaguere Jesucristore marire taubure obeodigũ árĩmi marire diaye ta ĩgũ mahirire ĩhmuğũ. Eropigũ Jesucristo marire taugũ marire ĩgũ yarãre dederebiricũ iimi. Eropa iigũ “Yũre umupeorã Goãmũ mera ðaro árĩniguicãrãcoma,” arĩgũ ðari buherire marire weregũ aripũ ĩgũ.

<sup>11</sup> Eropigũ i ðari buherire werebure ĩgũ apimi yũre.

<sup>12</sup> Eropa ĩgũ yare buhegũ árĩgũ dohpaguere ñero taria yũhũ. Eropa ñero tariqueregũ ta sĩporã mucubirigũ ãhraa. Yũ guñaturagũre Jesure masia yũhũ. Turagũ ãhrimi ĩgũ. Eropigũ ĩgũ yare buhedore apigũ ðaro itamugũcumĩ. Eropigũ ĩgũ yũre apirare yũre buhe ojogorocũcũ

ĩhadibugucumi yũre. “Yũre itamugucumi,” arĩ irire õaro masigu sĩporã mucubirigu ãhraa.

<sup>13</sup> Mũre yũ wererare iipehocãque. Jesucristo mũre ĩgũre õaro umupeocũ iimi. Eropigu ĩgũre gajirã sãre õaro mahicũ iimi mũre. Eropigu “Diaye ãhraa,” arĩ irire guñaniguicãque mũhũ.

<sup>14</sup> Eropigu Espĩritu Santo mari mera árĩgu ĩgu itamuri mera õari buherire õaro buheque. Queoro buheque gajiropa arĩro mariro.

<sup>15</sup> Yũ peresugue árĩcũ ĩarã yũre cóãgãpehrea wama. Árĩpehrerã Asia yeba majarã Jesu yarã yũre itamudiabirã cóãgãpehrea wama. Erã mera majarã perã Figelo, Hermógene eropa ta iima erã sã. Erã eropa cóãgãrere masituhaca mũhũ.

<sup>16-17</sup> Erã eropa cóãquerecũ ta Onesĩforopũ bajasuburi yũre itamugu õaro siñajacũ iimi. Eropigu ĩgu yũ peresu árĩcũ ĩgu yũre guhyasĩrisãbeami. Eropigu Romague eragu yũre amaniguicãdi árĩmi. Eropa amaniguigu yũre bocami. Efesogue sãre ĩgu marire itamurare õaro masia mũhũ. ĩgu eropiira waja ĩgu porãre, erã pago sãre mojomoro ĩagucumi mari Opũ Jesucristo. Goãmũ eropa iiboro dopa ĩgũre serẽbasaa.

<sup>18</sup> Eropigu i yebague Jesu mari Opũ dujaririnũ arigu ĩgũre mojomoro ĩagucumi. ĩgũre eropa iiboro dopa ta serẽbasaa Goãmũre.

## 2

### *Ñero tariqueregu ta Jesu yagũre bocatũuro gahmea*

<sup>1</sup> Mũpũ yũ magũ iro dopa ta Jesucristo ĩgu itamuri mera turagu árĩque.

<sup>2</sup> Eropigu bajarã masare yũ buherare mũ peerare gajirã sãre wereturi- aque mũhũ. Erã mũ buherã Goãmũ gamerire iiniguicãrã árĩporo. Eropirã gajirãre buheturiarã árĩporo erã sã.

<sup>3</sup> Surara ñero tarigu ĩgu yujuro bojero dopa ta Jesu yagu árĩgu ñero tariqueregu yujuro bojeque. Eropa iigu gajirã Jesu yarã iiro dopa iigu iiaa mũhũ.

<sup>4</sup> Surara ĩgu opũ ĩgu doreripũre iimi. Eropigu ĩgu surara árĩbirã erã iiripũre iibeami ĩgu. Mũ sã eropa ta mari Opũ ĩgu dorera dihtare iique.

<sup>5</sup> Omabiragu erã doreiro dopa queoro iibigu ĩgu omatariara waja wajatabeami. Eropa ta mũ sã Goãmũ doreiro dopa ta iibigu Goãmũ mera wajatasome.

<sup>6</sup> Eropigu pohere õaro mohmedigũpũ ĩgu mohmera waja iri pohe majare aĩmũhtami. Eropa ta mũ sã Goãmũ yare õaro mohmera waja Goãmũ oburire aĩmũhtagũca.

<sup>7</sup> Irire õaro masicũ iigucumi Jesu mari Opũ mũre. Eropigu dohpaguere yũ mũre arĩdirore õaro guñaque.

<sup>8</sup> Jesucristore guñaque. ĩgu opũ Davi mũrũ pãrami ĩgu árĩpũ. Eropigu sĩridigu masa mũriapũ ĩgu. ĩgu eropa sĩri masa mũriara marire tauburi buheri ta ãhraa. I õari buherire buhegu iiaa.

<sup>9</sup> Iri buherire buhegu ñero taria yũhũ. Eropirã irire yũ buhecũ ĩha gajirã gamebirã ñegu iro dopa ta yũre dipuwaja moa yũre peresugue doboama. Masa yũre cãhmotaquererã Goãmũ ya õari buherire cãhmota masiya mara.

<sup>10</sup> Eropigu Goãmũ ĩgu beyenirãre buhegu bajasuburi ñero taria yũhũ erã Jesucristo yarã erã árĩburire. ĩgu yarã árĩborore erã peamegue wabonirãpũ tauborore ñero tarigu yujuro bojea. Eropigu erã Goãmũ mera õaro árĩniguicãborore ñero taria ĩgu yare buhegu.

<sup>11</sup> I diaye ta ãhraa:

Cristo ya árĩburire mari iira dipuwaja gajirã marire wejẽquerecũ ãgu mera umusigue ðaro árĩniguicãrãca.

12 Eropirã ãgu yare mari iira dipuwaja ñero tariquererã ta ãgu yare duhubirã árĩrã ãgu opũ árĩroguere ãgu mera dorerã árĩrãca mari sã. “Cristore yũ masibea,” mari gajirãre arĩcũ ãgu sã marire eropa ta arĩgucumi.

13 Ñgure mari tarinugacũ ãagu ãgu arĩdiro dopa ta marire dipuwaja moagucumi. Ñgu arĩro dopa ta iigu añhrimi ãgu. Ne gũyabeami ãgu. I arĩpehreri ãgu werera diaye ta añhraa.

*Goãmũ ãgu ãhasuarãre, ãgu yare buherãre wererũ Pablo Timoteore*

14 Ire yũ wererare mũ mera majarãre masicũ iique. Erã ejatuharo game dũyaso wereniguirĩ duhpiburi árĩbeaa. Eropirã erãre peerãre ñero wacũ iima. Eropigu mari Opũ ãgu ãhuro ðpa arĩ wereque erãre. “Mũa eropa wereniguiro dopa wereniguibiricãque,” arĩque erãre.

15 Mũrũ Goãmũ yare ðaro buheque. Eropigu Goãmũ ya árĩburire turaro iique. Mũ eropa iicũ ãagu “Õaro iibũ mũhũ,” arĩgucumi Goãmũ mũre. Eropigu mũ buherare ãgu ãacũ gũhyasĩrisome mũhũ. Ñgu buheri diaye añhraa. Eropigu ãgu buherire ðaro masique. Eropigu ire queoro buheque.

16 Erã ejatuharo bu árĩrire wereniguirã ñerire eropa iiniguicãma. Eropigu erã eropa arĩ wereniguirire ãha gamebiricãque mũhũ.

17 Erã wereniguirĩ camiro boagãro iro dopa ta añhraa. Erã wereniguirĩ gajirã Jesu yarãre ñerã wacũ iiaa. Eropa wereniguirã mera majarã Himeneo, Fileto sã añhrima.

18 Eropirã erã ðari buherire cóarã, “Jesu yarã sĩrinirã erã ya dũrũ mũra masa mũriatuhanirã añhrima,” arĩ buhemaacãma. Eropa gajiropa buherã bajamerãgã Jesu yarãre goroweorã iima.

19 Erã eropa ñero buhequerecũ ta, Goãmũ ya buheripũ ne gohrotobea. Ñgu ya diaye maja arĩro pehrebeaa. Õpa arĩ gojara añhraa: “Mari Opũ ãgu yarãre masimi. Eropirã arĩpehrerã ‘Jesu yarã añhraa,’ arĩrã ñerire duhucãporo,” arĩ gojañuma.

20 Jesu yarã watope añhrima Goãmũ yare ðaro iirã. Gajiropa iirã sã añhrima ñeri buherire wereniguirã.

21 Eropigu yujugu Goãmũ ya árĩburire ðaro itamudiagu iri ñeri buherire pebiricãporo. Arĩpehreri ñerire duhucãporo. Ñgu eropiigu ðagu arĩgu arĩpehreri Goãmũ yare ðaro iimasimi. Goãmũ gamegu ðaro arĩgucumi.

22 Eropigu mũ mamũ arĩgu mamarã erã ñeri uaribejari iro dopa iibiricãque. Eropigu ðarire iique. Jesure umupeoturaniguicãque. Eropigu ãgure masa sãre mahi umupeoque. Eropigu gamequeãro mariro gajirã mera ðaro arĩque mũhũ. Eropa ta iique gajirã ñeri dipuwaja marirã mera Goãmũre game serẽniguirã mera arĩgu.

23 Eropigu pee masibirã erã arĩ dũyosorire mũ sã peenũrũbita. Eropigu mũ sã dũyasobita. Eropa arĩ dũyosorã masa game gameturinũgama.

24 Mari Opũ pohro majagũre dũyasobiricãro gahmea. Eropigu arĩpehrerãre ðaro iigu buhemehregũ, mata guabigu ãgure arĩro gahmea.

25 Eropigu gajirã ãgu mera dũyasocũ ãgu erãre weregu ðaro mera yojaro mariro mera yũhriro gahmea ãgure. Ñgu ðaro yũhricũ ãarã erãpũ Goãmũ ãgu itamuri mera erã ñeri iirire bujawerebocoma. Eropirã ðari buherire diaye majare masinũgabocoma.

26 Erãre watĩ oparimi ãgu gamerire iimorãre. Eropirã erã ñero iirare bujawerera pũhũ ðari buheripũre masirã, watĩre cóarãcoma.

### 3

#### *Pehreburinũ majare werepũ Pablo Timoteore*

<sup>1</sup> I ɯmũ pehreburinũ coregã ñero tarirãcoma masa. Irire ðaro masique mũhũ.

<sup>2</sup> Irisubure masa gajirãre guñabirã, erã ya árĩburi dihtare guñarã, niyerure gamerã, “Gajirãre tarinũgaa gũa,” arĩ erã basi pepirã, masare ñero turirã, erã pagũ sũmarãre tarinũgarã, erãre oquerecũ ta “Õhaa,” arĩbirã, Goãmũre umupeobirã árĩrãcoma.

<sup>3</sup> Eropirã masare mahibirã, mojomoro ïabirã, ñeri quere iirã, ñeri ɯaribejarire duhumasibirã, masare eropa paniguirã, ðarire gamebirã árĩrãcoma.

<sup>4</sup> Erã mera majarãre ñero iirã, pepiri moorã, “Masipehorã ãhraa,” arĩ pepirã árĩrãcoma masa. Eropirã erã, erã ɯaribejarire iisuarã árĩrã Goãmũre umupeo sũabeama.

<sup>5</sup> Eropirã erã masa erã ïhabeoro Goãmũre umupeoquererã ta “Goãmũ duhpiɯu árĩbeami,” arĩ pepirã erã.

Eropa árĩrãre wapicubiricãque mũhũ.

<sup>6</sup> Erã mera majarã pee masibirã nome pohro ñaja, erã nomere gũyarire buhema. Erã nomepũ turaro ñerire iiniguirã árĩrã, turaro ñerire iidiarã ãhrima.

<sup>7</sup> Erã nome eropa peeniguirã nome árĩquererã ta, diaye majapũre ne masibeama.

<sup>8</sup> Iribojegue Jane, Jambre sã yeea árĩnirã Moise wererare gamebiridiro dopa ta erã sã ðari wereniguirire diaye majare gamebeama. Erã ñeri dihtare pepirã ãhrima. Eropirã Jesure umupeorã gohra árĩbeama.

<sup>9</sup> Eropa iirã gũyari mera erã iidiarire yujuro bojesome. Pũhrũ erã gũyarire, erã pee masibiriri sãre árĩpehrerã ïha masirãcoma. Jane, Jambre mera erã gũyarire iribojegue masa erã ïha masidiro dopa ta eropa ta masirãcoma masa pehreburinũ coregã árĩrã erã gũyarire.

#### *Pablo Timoteore doretupũ*

<sup>10</sup> Mũpũ yũ buherare, yũ árĩricũrãre, yũ iidiarare, Jesure yũ umupeorare ðaro ïhabũ. Eropigũ guaro mariro yũ iirare, masare yũ mahi umupeorare, ñero tariqueregũ yũ yujuro bojerare masia mũhũ.

<sup>11</sup> Eropigũ Jesucristo yare yũ iira waja yũre erã ñero iirare, yũ ñero tarirare masia mũhũ. Eropigũ Antioquíague, Iconiogue, Listrague yũre ñetariaro erã iira sãre masia mũhũ. Eropa yũ wacũ ïha mari Opũ Jesucristopũ yũre itamumũrimi.

<sup>12</sup> Árĩpehrerã Jesucristo yarã árĩdiacũ Goãmũ gamerire iiniguidiacũ gajirã erãre ñero iirãcoma. Iri diaye ta ãhraa.

<sup>13</sup> Eropirã ñerãpũ, gũyarã sã, ñetariarã árĩniguicãrãcoma erã. Gajirãre gũyarã, erã basi sã gũyarire peerã eropa ta ñetariarã árĩniguicãrãcoma.

<sup>14</sup> Mũpũ yũhũ mũre buherare ðaro mũ peerare eropa iiniguicãque. Mũre buhenirãre masia mũhũ.

<sup>15</sup> Mũ majigũ árĩgũgue ta, Goãmũ yare erã gojarapũre masinũgayoro. ïgũ yare erã gojarapũ mũ buhegu masia Jesucristo marire tauburire. Eropa buhegu “Jesucristore umupeorã dihtare peamegue wabonirãre taumi Goãmũ,” arĩ masia.

<sup>16</sup> Goãmũ yare erã gojarapũre árĩpehrerire Goãmũpũ gojadorepũ erãre. Eropirã iripũre buherã mari masinemoa. Iripũre buherã mari ðaro iiburire masia. Eropirã mari ñeri iirire masia iripũre buherã. Eropiro

iripũ marire õaripũre gohrotodorea. Eropiro umũri nũcu mari õarire mari iiniguiburire werea iripũ.

<sup>17</sup> Eropigu Goãmu yagu igu yapũre buhegu, masipehocãgucumi. Eropa masigu árĩpehrerire õarire iimasigucumi igu.

#### 4

<sup>1</sup> Jesucristo árĩpehrerãre doregu arigu dujarigucumi. Eropa dujarigu ojocarirãre, sĩrinirã sãre dipuwaja moagucumi. Eropigu igu ñhabeoro ire mure dorea yuhũ: Goãmu sã igu ñhabeoro ire dorea mure.

<sup>2</sup> Umũri nũcu masa erã peediacũ, erã peediabiricũ sãre Goãmu yare wereque. Eropa weregu masare erã ñeri dipuwajare masicũ iique erãre. Eropigu “Mua ñeri iirire iinemobiricãque,” arĩ wereque erãre. Õaripũre iidoreque. Eropa weregu ne guabigu gariborebigu árĩque mũhũ. Eropigu gajirãre buhe duhubita.

<sup>3-4</sup> Pũhrũ, gajisubuguere masa õari buherire peediasome. Eropa peediabirã erã gamero dopa ta iirã, erã peediarĩ dihtare buhemorãre amarãcoma erã. Eropirã gũyari buherire buherã bajarã oparãcoma erã. Erã eropa iirã õari buheri diaye majapũre cohã, erã eropa arĩ bocara buheripũre peenũrũrãcoma.

<sup>5</sup> Eropigu mupũ diaye majare buhe duhubita. Eropa iigu umũri nũcu õaro pee masigu árĩque. Eropigu ñero tariqueregu ta yujuro bojeque. Eropigu õari buherire eropa buheniguique masa Jesu yarã waboro dopa. Goãmu mure igu iidorerare iipehocãque mũhũ.

<sup>6</sup> Yuhũ Goãmu yare yũ iira dipuwaja yũ sĩriboro merogã duhyaa. Eropigu bajamenũrigã árĩnigũca. Eropigu dohpaguere mure dorea.

<sup>7</sup> Yũ sĩriboro coregã ire weregura: Jesucristo yũre õari buherire buhedoregu igu apirare õaro buhe ojogorocũabũ. Igu dorerire õaro iipehocãbũ. Eropigu ñero tariqueregu ta igũre ne umupeo duhubiribũ.

<sup>8</sup> Yũ eropa õarire iira wajare umũsigue dibugucumi yũre. Eropigu mari Opũ árĩpehrerãre masipehogũ, diaye ta dipuwaja moabu árĩgu, queoro weregu igu dujaririnũ yũ wajatarare ogucumi yũre. Gajirã sãre igu dujariborore corerãre, igũre mahirãre erã wajatarare ogucumi Jesu.

#### *Pablo werenemopũ Timoteore*

<sup>9</sup> Yũ pohroque yojaro ñagu arique mũhũ.

<sup>10</sup> Dema waĩcũgu i yeba majare árĩpehrerire gamegu yũre cóãgã waha wami Tesalónicague. Crescentepũ yũre cóãbiriqueregu Galacia yebague wahãmi Goãmu yare buhegu. Tito sã eropa ta Dalmaciague wahãmi.

<sup>11</sup> Luca dihta yũ mera ãhrimi. Marco yũre õaro itamubu ãhrimi. Eropigu igũre aĩgãrique mũhũ.

<sup>12</sup> Tĩquicore Efeso macague oboabũ.

<sup>13</sup> Eropigu mũhũ õgue arigu, yũ weca sañari suhrirore, Troa maca Carpo ya wihi yũ apirañere aĩgãrique. Eropi sohõ árĩra gojara turirire aĩgãrique. Sohõ árĩra gojara gasiri tamerare turaro gahmea yuhũ. Eropigu iri gasiri sãre aĩgãrique.

<sup>14</sup> Alejandro comere mohmegũ yũre ñetariaro iimi. Eropigu igu eropa iira dipuwaja Goãmu dipuwaja moagucumi.

<sup>15</sup> Igu Alejandro mari buherire ne gamebirimi. Eropigu mũare ñero iiri arĩgu õaro igũre guña masique.

<sup>16</sup> Peresu iidoregure yũ iirare igũre yũ ne werecũ ne yujugu Jesu yagu yũre itamudiabirimi. Árĩpehrerã yũre itamubirã cóãgãpehrea wama. Erã

eropa cóãquerecũ ta yũre erã cóãra dipuwaja Goãmũre “Erãre dipuwaja moabita,” arĩbũ.

<sup>17</sup> Yũ yujugũ ta árĩquerecũ ta Goãmũ ãaro ãhrimi yũ mera. Eropigũ ãgũ buherire yũ ãaro wereburire weremasicũ ãgũ turari mera itamumi yũre. Árĩpehrerã Judio masa árĩbirã iri buherire erã peeburire werecũ itamumi. Eropigũ masa erã yũre ñero iidiaquerecũ ta yũre erã ñero iibodigũre itamumi mari Opũ.

<sup>18</sup> Árĩpehrerire erã yũre ñero iirire yũre taugũcumi mari Opũ. Eropigũ ẽmũsigũe ãgũ Opũ árĩrogũe yũ árĩborore itamugũcumi ãgũ. Eropirã “Mari Opũ ãatariagũ, turatariagũ ãhrimi,” árĩpehrerinũri arĩrã mari. Eropa ta arĩrã.

*Pablo ãadorepũ Timoteo pohro árĩrãre*

<sup>19</sup> Priscila, igo marapũ Aquila, Onesíforo ya wihi majarã sã ãaporo.

<sup>20</sup> Erasto Corintogũe dujami. Trófimo dorecũa wahámi. Eropigũ Miletogũe apiabũ ãgũre.

<sup>21</sup> Puhiró core yojaro ariqũe mũhũ. Eubulo, Pudente, Lino, Claudia sã, árĩpehrerã Jesu yarã mũre ãadorema.

<sup>22</sup> Mari Opũ Jesucristo mũ mera árĩporo. Eropigũ mũare Goãmũ mera turaro ãadorea. Eropa ta árĩniguicãporo. Iripẽta ãhraa.

## Tito

### *Pablo Titore gojabeopu*

<sup>1</sup> Yuhu Pablo mare Titore gojaa. Goamu pohro majagu, Jesucristo yare igu buhedore igu apidigu ahraa. Goamu igu beyenira Jesure era umupeoburire, oari buherire era masiburire Jesu buhedoregu yare apimi. Iri buheri Goamu igu dorediro dopa ta mari iiburire werea.

<sup>2</sup> Eropigu aripehrerinuri Goamu yara umarogue era oaro ariniguiboro sare buhea erare. Goamu ne guyari marigu i yebare igu ihacunuguboro core "Yu pohrogue eropa oaro ariniguicarcoma," ari apipu marire.

<sup>3</sup> Eropigu igu queoranu aricu igu eropa ari apirare masidoredigu arimi masare. Eropa ta masidoregu yare erare weredoremi igu marire taugu.

<sup>4</sup> Mare Jesu yare buhebu. Yu eropa buhecú peegu, Jesure umupeoburire mahu yu umupeoro dopa. Eropigu mahu yu buhedigu arigu diaye ta yu magu iro dopa arigu ta iiaa. Mare ire gojabeogu iiaa. Eropigu Goamu mari Pagu, Jesucristo marire taugu itamuri mera mare odorea. Igu itamuri mera oaro arique mahu.

### *Creta waicuri nuguro majarare Tito igu wereburire werepu Pablo*

<sup>5</sup> Creta waicuri nuguro yu mare apicu Jesu yara era buheboru duhyanibu irisubure. Eropigu era iiburire werebure apibu yuhu mare. Eropigu macari nucú majara Jesu yara opara arimorare beyedoregu apibu mare.

<sup>6-8</sup> Era opara Goamu pohro majara ahrima. Eropigu erare beyegu oarare beyeque gajiropa iibirare. Eropigu yujugo ta marapocura arirare beyeque. Eropigu "Bu arigu ahraa yuhu," ari pepirare beyeque. Eropigu mata guabirare, merebirare, masa mera gamequeabirare, niyerure gamebirare beyeque. Eropa beyegu era ya wihire najarare oaro ihadiburare, oaripure suarare, pee masirare, oaripure iiniguirare, neri marirare, era haribejarire iibirare, teboru mariro mohmerare, oarire iiniguirare beyeque. Eropira ma beyera porare opa ariro gahmea. Jesure umupeora, oarire iiniguira, aripehrerare oaro yuhrira ariro gahmea opara porare.

<sup>9-10</sup> Eropira oari buherire queoro mari buhediro dopa ta ne duhubira ariporo opara mu beyenira. Eropira oari buherire werera ariracoma. Eropa iira oari buherire gamebirare buhera era ya guyari aricu masicu iiracoma era. Eropigu oaro beyeque Jesu yara weca opara aripehrerare.

Bajara era oparare tarinugará, oaro pepi wereniguibira, guyara ahrima dohpaguere. Eropa iira yujurayeri Moise dorerire iidorerá tamera netariaro iira iima. Era buheri iri diaye aribiricu erare masicu iiro gahmea.

<sup>11</sup> Era Moise dorerire iidorerapu guyarire buhera niyerure wajatadiara buhema. Eropa buhera yujuyeri wiri majarare aripehrerare Goamu yapure cocu iira icoma era. Era eropa icu erare iidorebircaro gahmea.

<sup>12</sup> Iribojegue weredigu Creta majagu ariqueregu ta opa ari werepu: "Creta nuguro majara eropa guyaniguira waicuma. Nerire iira diaye iro dopa iira ahrima. Eropira pagari bara arira ne mohmediabeama," aripu igu igu ya nuguro majarare.

<sup>13</sup> Igu eropa arira diaye ta ahraa. Era eropa aricu iagu erare turaro wereque Jesu ya buheripure era oaro pee masiboro dopa.



<sup>14</sup> Eropigũ “Judio masa iribojegue majarã erã arĩ bocarare peebir-icãque,” arĩ wereque erãre. Jesu yare gamebirã erã doreri sãre Creta majarã erã peenũrũbiriborore wereque erãre.

<sup>15</sup> Ōpa āhraa. Dipuwaja marirã õari dihtare pepima. Ñerire iiniguirãpũ ñeri dihtare pepima. Erã pepiripũ ñetaria. Eropirã õaripũre beyemasi-beama.

<sup>16</sup> Erã “Goãmũre masia gũa,” arĩquererã ta ñerire iima. Eropa iinirã erã árĩcũ ñarã Goãmũre masibirã erã árĩcũ masia mari. Eropirã erã ñetariarã, Goãmũ yare tarinũgarã āhrima. Eropirã õarire iimasibeama.

## 2

### *Õari buherire weredorepũ Pablo Titore*

<sup>1</sup> Mũpũ buhegũ õari buheri arĩdiro dopa ta õaro buheque.

<sup>2</sup> Mũrãpũre õpa wereque: “Mũa gũhyadiarã, masa erã umupeorã, pee masirã, ‘Goãmũ diaye iigũ āhrimi,’ arĩ umupeorã, õari buherire õaro iirã, Jesure masa sãre mahirã, ñero tariquererã ta yujuro bojerã árĩque,” arĩ wereque erãre.

<sup>3</sup> Mũrã nome sãre eropa ta arĩ wereque: “Gũhyadiarã nome, ñeri quere werewũabirã nome, merebirã nome árĩque,” arĩ wereque erã nome sãre. Eropirã erã nome õarire gajirãre buheporo.

<sup>4</sup> Eropa iirã õpa arĩ buheporo mũrã nome nómeñaripũre: “Mũa marapũ sũmarãre mũa porã sãre mahique,” arĩ buheporo.

<sup>5</sup> “Eropirã mũa pee masirã nome, gajirã mũa mera ñero iibirã nome, mũa ya wihi majare õaro ñhadiburã nome, õaro iirã nome, mũa marapũ sũmarãre õaro yũhrirã nome árĩque,” arĩ buheporo mũrã nome nómeñaripũre. Erã eropiicũ ñarã gajirãpũ “Goãmũ yare umupeorã ñero iirã āhrima,” arĩmasibeama mũare.

<sup>6</sup> Eropigũ mamarã sãre õpa wereque: Pee masirã árĩporo erã.

<sup>7</sup> Eropigũ mũpũ õari dihtare iiniguicãque mũre erã ñhacũburire. Buhegũ ne gũyaro mariro buheque. Eropa buhegũ gũhyadiaro mera buheque mũhũ.

<sup>8</sup> Eropa buhegũ õaro pee masiri mera buheque ne gajirã mũre erã weresãmasibiriburire. Mũ eropa buhecũ ñarã marire ñhaturirã árĩquererã ta marire bu gohra ta werewũamasibeama. Marire eropa werewũamaacãrã gũhyasũuro warãcoma erã.

<sup>9</sup> Eropigũ pohro majarãre õpa doreque: Erã oparãre õaro yũhrirã árĩporo. Eropirã erã oparãre õaro mucubiricũ iiporo. Eropa dihta iiporo. Eropirã erã oparãre pũriro mera yũhribiricãporo.

<sup>10</sup> Eropirã erã oparã yare yajabiricãporo. Eropirã õarã erã oparã dorere õaro iiniguicãrã árĩporo. Erã eropa õaro yũhrirã árĩcũ ñarã Goãmũ marire taugũ ñgũ buherire pee sũarãcoma gajirã.

<sup>11</sup> Masare ñgũ mahirire Goãmũ mari masare masicũ iituhajami. Mari masare eropa mahigũ árĩpehrerã peamegue wabonirãre Goãmũ turaro taudiami.

<sup>12-13</sup> Masare eropa mahigũ Goãmũ marire õpa doremi: Ñeri iirire, ñerire mũaribejarire duhucãdoremi marire. Goãmũ turagũ, Jesucristo marire taugũ ñgũ õarire mari ñaburinũre, ñgũ õaro mera dujariburinũre mari corerã iiaa. Eropigũ mari corerinũ mari corerisubu, mari pee masirã, õarire iiniguirã, Goãmũre umupeoniguirã marire árĩdoremi Goãmũ.

<sup>14</sup> ñgũ Jesucristo mari ya árĩburire ta sũridi árĩmi. Árĩpehrerã mari ñeri iirire duhucũ iibu, marire ñgũ yarã wacũ iibu sũridi árĩmi. Mari ñerire

Īgu eropa cóācū mari ñerire iira dipuwaja marirā árīrāca. Eropirā turaro òarire iidiarā árīrāca.

<sup>15</sup> Ire árīpehrerire iri ñuguro majarāre Jesu yarāre buheque mūhū. Erā opū árīgu ta iiaa mūhū. Eropigu erāre wereque. Eropigu erā ñerire iicū ĩagu wereque erāre. Eropirā árīpehrerā gajirā mure cóādiabiricāporo.

### 3

#### *Jesu yarā erā iiburire werenemopū Pablo*

<sup>1</sup> Ōpa guñacū iique ero majarā Jesu yarāre: Erā oparāre òaro yūhrirā árīporo. Eropirā árīpehrerire òari dihtare iirā árīporo.

<sup>2</sup> Eropirā gajirāre ne quere goroweobiricāporo. Game dūyasobiricāporo. Eropirā masa òarā, árīpehrerāre umupeorā árīporo.

<sup>3</sup> Iribojegue mari sã pee masibirā, tarinugarā, gūyarire peenururā, ñerire iisuarā, ñerire űaribeja duhumasibirā, űmuri ñucu ñerire iinigu-irā, gajirāre erā gajinore opacū ĩhaturirā árīmūriribū mari sã. Eropirā marire gajirā ĩhaturimūrima. Eropirā mari sã erāre ĩhaturimūriribū.

<sup>4-5</sup> Eropa árīnirā árīquerecū ta Goāmū marire peamegue wabonirāre taumi. Eropa taugu ĩgu ĩgu òagu árīrere, masare ĩgu mahirire marire ĩhmudi árīmi. Ōaro mari iira mera taubirimi marire. Marire mojomoro ĩagu mari ñeri iirare coegu Espiritu Santo mera marire taumi. Eropa iigu marire ĩgu porā wacū iimi. Eropigu Espiritu Santopū mari òarā árīburire marire gohrotomi.

<sup>6</sup> Jesucristo mari ñeri iira dipuwaja ĩgu sīri, masa mūriara mera Goāmū ĩgu Espiritu Santore omi marire wūaro ĩgu turarire mari opaboro dopa.

<sup>7</sup> Marire mahigu, marire òaro iidiami. Eropigu ĩgu, ĩgu Espiritu Santore omi, ñeri iira dipuwaja marirā mari árīborore, űmarogue mari eropa òaro árīniguicāborore. Mari eropa árīniguiburire masirā irire mucubiri corerā iiaa mari.

<sup>8</sup> Iri yū werera diaye ta āhraa. Eropigu irire yū werediro dopa ta masare buhegu iri dorerire iipehodoreque mūhū. Eropigu Goāmure umupeorāre irire buheque òarire erā òaro iiboro dopa. I yū arī buhera òari buheri āhraa. Eropirā masa i buherire erā peenurūcū òaro itamuri árīroca erāre.

<sup>9</sup> Gajirā wereniguiripū duhpiburi árībeaa. Erā masibiriquererā ta erā arī dūyasoma. Erā ñecu sūmarā arī bocarare game dūyasoma. Moise dorerire arī dūyasoma. Erā eropa arī dūyasori iri árīpehreri duhpiburi árībeaa. Eropigu irire peenurūbiricāque. Mū sã dūyasobiricāque.

<sup>10</sup> Mūa mera majagu eropa game dūyasogu mūa basi game dūca wacū ĩgu iicū ĩagu "ĩbiricāque," arīque ĩgure. Yujusubū, pesubū irire ĩgure mū iidorebirira pūhrū ĩgu yūhriricū ĩagu ĩgure wapicū duhucāque.

<sup>11</sup> Eropa dūyasogu ñeri dihtare űaribejaniguigu āhrimi. Eropa ĩgu iicū ĩarā ĩgu ñegu árīcū masi, ĩgure wapicūbiricāro gahmea.

#### *Pablo doretupū*

<sup>12</sup> Nicopoligue puhirópē árībū iiaa. Eropigu Artemare o Tíquicore mū pohroque yū obeomāhtacū eroguerē yūre bocatīrigū árīque mūhū.

<sup>13</sup> Eropigu dorerire òaro mehregure Zena waīcūgure, Apolo sāre òaro itamuque erā waborore. Eropigu erā gamerire árīpehrerire oque erāre dūhyaro mariro.

<sup>14</sup> Eropirā Jesu yarā mari mera majarā òarire iipoporo. Gajinore opapehobirāre erā itamuboro dopa, òarire iiniguirā erā árīboro dopa eropa iiporo.

*Pablo òadorebeopu Jesu yarãre*

<sup>15</sup> Áripheerã yu mera majarã mure òadorema. Ero arĩrã Jesu yarã guare mahirã òaporo. Áripheerãre mure Goãmu igu mahiri mera turaro òadorea. Eropã ta arĩniguicãporo. Iripêta ãhraa.

## Filemón

### *Pablo Filemo waĩcugure gojanugapũ*

<sup>1</sup> Yũhũ Pablo Jesucristo yagũ yũ árĩri dipuwaja peresugue árĩgũ iiaa. Yũhũ, mari acaweregũ Jesu yagũ Timoteo mera mũre Filemore gojabeoa gũa. Mũhũ gũa mahigũ Cristo yare gũare mohmetamugũ āhraa mũhũ.

<sup>2</sup> Eropirã Jesu yarã mũ ya wi gamenererã sãre gojabeoa gũa. Mari mahigo mari acawerego Jesu yago Apia sãre gojabeoa gũa. Arquipo sãre gojabeoa gũa. Arquipopũ gũa iro dopa Cristo yare weregũ āhrimi.

<sup>3</sup> Eropirã Goãmũ mari Pagũ, mari Opũ Jesucristo mera mũare õadorea. Īgũ itamuri mera õaro árĩque mũa.

### *Filemo gajirãre ĩgũ mahirire, Cristore ĩgũ umupeorire werepũ Pablo*

<sup>4-5</sup> Yũ acaweregũ, Filemo, mũre guña Goãmũre mũre serēbasamũraa. Eropa serēbasagũ “Õhaa,” arãa yũhũ ĩgũre. Cristore mũ mahicũ ĩgũre mũ umupeocũ gajirã Jesu yarãre mũ mahicũ peeabũ yũhũ. Eropigũ Goãmũre “Õhaa,” arĩ mucubiria.

<sup>6</sup> Cristore mari umupeorire gajirãre weregũ āhraa mũhũ. Mũ eropa árĩgũ árĩcũ i sãre serēbasaa Goãmũre. Jesucristo yarã árĩrã wũaro õarire oparãca mari. Irire mũ opaburire õaro mũre masipehodoregũ serēbasaa Goãmũre.

<sup>7</sup> Acaweregũ, gajirãre mũ mahicũ peegũ mucubiria yũhũ. Árĩpehrerã Goãmũ yarãre õaro sĩporã turacũ iigũ waĩcua mũhũ. Mũ eropa iicũ peegũ mucubiria yũhũ.

### *Pablo Onésimo ya árĩburire serēpũ Filemore*

<sup>8-10</sup> Eropigũ dohpaguere Onésimore mũ pohro majagũ árĩdigũre mũre serēbasadiaa. Peresugue gũa árĩrã Cristo yare werebũ yũhũ ĩgũre. Irire peegũ Cristore gahmeami ĩgũ. Eropigũ ĩgũ Goãmũ yagũ wahámi. Eropa wagũ yũ magũ iro dopa āhrimi. Eropigũ yũ bũgũ árĩgũ Cristo yare yũ buhera dipuwaja peresu árĩgũ mũre Onésimo mera werebeogũra ĩgũre mũ iiburire. Cristo ĩgũ buhedore ĩgũ apidigũ āhraa yũhũ. Eropa árĩgũ, árĩgũ ĩgũre mũ iiburire mũre dorebu āhraa yũhũ. Eropa árĩgũ árĩqueregũ ta mũre doresome yũhũ. Mahiri mera mũre werebeogũra iripēta.

<sup>11</sup> Cristo yagũ ĩgũ árĩboro core Onésimo mũ pohro majagũ árĩgũ duhpibu árĩbiridigũ árĩmi. Mũre õaro itamubiridigũ árĩmi. Dohpague tamerare yũre õaro itamugũ āhrimi. Mũ sãre õaro itamugũ árĩgũcumi. Dohpaguere bu árĩgũ gohra árĩbeami.

<sup>12</sup> Eropigũ dohpaguere ĩgũre mũre wiagũ iiaa. ĩgũre turaro mahia. ĩgũ yũ turaro mahigũre mũre wiagũ iiaa.

<sup>13</sup> ĩgũre mũre wiabiricũ ĩgũ yũ pohro dujaboñumi. Ōari buherire yũ buheri dipuwaja peresu yũ árĩrisubu ĩgũre yũre itamudoreboya yũhũ. Eropigũ yũ mera dujadoreboya yũhũ. Mũpũ yũre itamumasibiricũ ĩgũpũ mũre gohrotogũ árĩboñumi.

<sup>14</sup> Eropa árĩquerecũ mũre wiagũ iiaa ĩgũre. Mũhũ ĩgũre “Dujaque,” mũ arĩbeocũ, ĩgũre dujadoreboya. Yũpũ mũre “Yũ pohro ĩgũre apĩque,” arĩdiabirica. Eropigũ ĩgũre mũre wiagũ iiaa.

<sup>15</sup> Īḡu Onésimo mure bajamenurigã ĩḡu mure duhrigãra pũhrũ dipaturi mũ mera árĩḡucumi daja. Īḡu mure duhricũ Goãmũ gamero dopa ta wahabũ, arĩ pepia yũhũ, ĩḡu Jesu yagũ ĩḡu árĩborore. Eropigũ mũ pohro árĩḡũ daja õaro árĩniguigucumi.

<sup>16</sup> Eropigũ ĩḡu dohpaguere mũ pohro majagũ gohra árĩbeami. Pohro majarã tauñariro árĩḡũ ãhrimi ĩḡu yũ pepicũre. Dohpaguere ĩḡu mũ acawereḡu Jesu yagũ ãhrimi. Eropigũ ĩḡure turaro mahia. Mũpũ yũ tauro ĩḡure mahique. Mũ eropa mahigũ mũ pohro majagũ ĩḡu árĩquereḡu ta mũ pohro majagũ gohra árĩbeami ĩḡu. Īḡu mũ acawereḡu Jesucristo yagũ ãhrimi.

<sup>17</sup> Eropigũ yũre mũ bocatĩridiro dopa ta ĩḡu sãre õaro bocatĩrique. Mũ mera majagũ yũ árĩcũ ĩḡu sãre õaro bocatĩrique.

<sup>18</sup> Eropigũ gajiropa mure ĩḡu iicũ, mure ĩḡu wajamogũ árĩcũ yũpũ irire wajayegũra.

<sup>19</sup> Yũhũ Pablo yũ basi ire were gojagũra: Yũpũ wajayegũra mure. Mure yũ buhera pũhrũ Cristo yagũ mũ wacũ árĩpehrerinũri Goãmũ mera árĩbu ãhraa mũhũ. Mure yũ eropa buhera waja mũ sã yũre wũaro wajamogũ árĩboca. Mũ eropa árĩquerecũ ta mure wajayegũra ĩḡu mure wajamorire.

<sup>20</sup> Eropigũ yũ acawereḡu, yũ mahigũ, mari Opũ Cristo yagũ ãhraa mũhũ. Mũ eropa árĩḡu Onésimore õaro bocatĩrique. Cristo yagũ árĩḡu yũ acawereḡu ãhraa mũhũ. Eropa árĩḡu, árĩḡu yũre õaro mucubiricũ iique.

<sup>21</sup> I yũ wererare õaro iigũca mũhũ. Eropigũ yũ werera tauro iigũca mũhũ. Irire masigũ mure gojabeogũ iiaa.

<sup>22</sup> I sãre weregũra mure: Mũa pohrogue yũ waborore Goãmũre mũa serẽbasarare ĩḡu yũhribocumi. “Áũ,” ĩḡu arĩcũ gahmea yũhũ. Eropigũ mũa pohrogue yũ ejaburi toẽre amuyuque mũhũ.

#### *Pablo õadoretupũ Filemore*

<sup>23</sup> Epafra mure õadoremi. Īḡupũ Cristo yare ĩḡu iira dipuwaja yũ mera peresu árĩḡũ ãhrimi.

<sup>24</sup> Eropirã Marco, Aristarco, Dema, Luca yũ mera mure õadorema. Cristo yare yũ buhecũ erãpũ yũre itamurã ãhrima.

<sup>25</sup> Mari Opũ Cristo mera õadorea mũare. Īḡu mũare õaro iigũcumi. Eropa ta iiporo. Iripẽta ãhraa.

## Hebreos

### *Goãtmu magu Goãtmu yare werepũ marire*

<sup>1</sup> Iribojegue Goãtmu masare werenugapũ. Īgu bajasuburi mari ñecu sumarãre iribojegue majarãre ĩgu gamerire weremũripũ. Īgu yare weremũhtanirã mera erãre weremũripũ ĩgu. Gajirãre ĩgu dehyoa weremũripũ. Gajirãre ĩgu bocatĩriro weremũripũ. Gajirãre quẽroque weremũripũ. Eropa weremũripũ ĩgu mari acawererãre.

<sup>2</sup> Dohpaguere pehreburiũ coregã árĩrinũrire ĩgu magure ĩgu yare ĩgu weredore obeocũ ĩgupũ marire wereami. Jesucristo ĩgu Pagu iidorero mera i yebare umaro sãre iidigu árĩmi. Īgu Pagupũ pehrerĩũ árĩcũ árĩpehrerire opabure apĩpũ ĩgure.

<sup>3</sup> Eropigu ĩgu magupũ ĩgu Pagu ðarire opagu árĩgu, ĩgu turari mera marire ii ĩhmudi árĩmi. Eropigu yujuro mera ĩgu Pagu mera árĩgu, ĩgu Pagu árĩricũrire marire ĩhmudi árĩmi. Eropigu ĩgu turari mera ĩgu dorecũ i yeba, umaro sã eropa árĩniguia. Eropiro dederebeaa ĩgu doreri mera. Eropigu mari ñero iirare ĩgu coera pũhrũ ĩgu Pagu turatarigu diayerũ doapũ ĩgu opũ ĩgu árĩrire ĩhmubu.

### *Goãtmu magu anyua tauro aħrimi*

<sup>4</sup> Īgu Goãtmu magu waĩcũmi. Eropa waĩcũgu gajirã tauro opũ aħrimi. Eropigu ĩgu anyua weca tauro opũ aħrimi.

<sup>5</sup> Īgu anyuare Goãtmu ne ðpa arĩ werebirimũripũ ĩgu magure werediro dopa ta:

Yũ magu aħraa mũhũ. Dohpagãre mũre dehyoacũ iiabũ, arĩpũ Goãtmu ĩgu magure.

Anyuapũre ne eropa arĩ werebirimũripũ. Eropigu erãre i sãre ne werebirimũripũ:

Īgu pagu aħraa yũhũ. Eropigu ĩgu yũ magu árĩgũcumĩ, arĩpũ Goãtmu ĩgu magure.

Anyuapũre ne eropa arĩ werebirimũripũ. Eropigu ĩgu magu anyua tauro árĩpũ.

<sup>6</sup> Eropigu gajisubu ĩgu magure masa dehyoagũre i yeba apõpa aigu ðpa arĩpũ Goãtmu ĩgure:

Árĩpehrerã yaharã anyua yũ magure mereja, ĩgure umupeorãcoma erã, arĩpũ ĩgu.

<sup>7</sup> Eropigu ĩgu anyuapũre werebu ðpa arĩpũ ĩgu:

Yaharã anyuare miruñe iro dopa dũpũcũrãre iiaa yũhũ. Erã yũ pohro majarã aħrima. Eropigu erãre peame iro dopa árĩcũ iiaa yũhũ, arĩ werepũ Goãtmu mari Pagu.

<sup>8</sup> Erãre ĩgu eropa arĩqueregũ ta ĩgu magupũre ðpa arĩpũ:

Mũhũ Goãtmu árĩpehrerã tauro opũ eropa árĩniguicãgũca. Diaye ta doregũca mũhũ mũ yarãre.

<sup>9</sup> Diaye árĩrire, ðaro iirire turaro gahmea mũhũ. Eropigu ñero iirire gamebeaa mũhũ. Mũhũ eropa árĩgu árĩcũ ĩagu, yũhũ mũ Pagu árĩpehrerã gajirã tauro mũre mucubirĩcũ iiabũ, arĩpũ Goãtmu.

<sup>10</sup> I sãre arĩpũ ĩgu ĩgu magure "Opũ," arĩ piyugũ:

Opũ, negohraguere i yebare, umaro sãre ĩhacũnugubũ mũhũ.

11 Iri árīpehreri pehrea waroca. M̄p̄p̄ eropa árīniguiḡuca. I yeba árīpehreri suhriro iriñe boaro dopa ta pehrea waroca.

12 Iri árīpehreri i yebare ɯmaro sãre gohrotocũ iiḡuca m̄h̄h̄. M̄rañe suhrirore m̄ cohã gajĩne mera gohrotoro dopa ta árīpehrerire gohrotocũ iiḡuca m̄h̄h̄. M̄p̄p̄ m̄ árīdiro dopa árīniguicãḡuca. Eropiḡu ne gohrotosome. Eropa árīniguiḡuca m̄h̄h̄, arīp̄u Goãm̄u ĩḡu maḡure.

13 Gajisubu õpa ĩḡu maḡure arīḡu iri sãre anyuap̄ure ne werebirim̄rip̄u Goãm̄u:

Ȳu diayer̄u doaque m̄h̄h̄. Eropiḡu m̄ure ĩhaturirãre tarin̄ugabasadoreḡura. Eropiḡu erã weca op̄u árīque m̄h̄h̄, arīp̄u Goãm̄u ĩḡu maḡure.

14 Árīpehrerã anyuap̄u Goãm̄u pohro majarã dihta ãhrima. Eropiro Cristo ĩḡu taumorãre itamudoreḡu Goãm̄u obeom̄rim̄i erãre.

## 2

### *Goãm̄u yare õari buherire marire eropa pepibiricãro gahmea*

1 Eropiḡu Goãm̄u maḡu gohra marire wereḡu ĩḡu árīcũ masirã ĩḡu wererare mari peerare õaro guñaro gahmea marire irire cãdijiri arīrã.

2-3 Anyua masare erã wererare masap̄u erã tarin̄ugacũ ĩaḡu Goãm̄u masare dipuwaja moap̄u. Eropiḡu erã anyua werera iri diaye árīcũ ĩhmuḡu iip̄u. Eropiro anyua erã werera iri diaye árīcũ marire irire peero gahmea. Erã tauro Cristop̄ure peero gahmea marire. ĩḡu mari Op̄u ĩḡu marire tauboro werem̄htap̄u. Eropirã ĩḡure peenirãp̄u ĩḡu wererare marire wereturiañorã marire õaro masicũ iirã. Eropiḡu iri buherire “Jesucristo marire ĩḡu tauḡucumi,” arī buherire mari eropa pepicãcũ Goãm̄u marire dipuwaja moaḡucumi. ĩḡu dipuwaja moaborore duhrimasibeaa mari.

4 Irire peem̄htanirã erã buhe weca peero watope Goãm̄up̄u iri buherire diaye ta árīcũ ĩhmudi árīmi. Eropiḡu erã irire buherã ĩḡu turari mera baja deyoro moari erã ii ĩhmucũ iri buherire diaye ta árīcũ ĩhmudi árīmi masare. Eropiḡu ĩḡu Espíritu Santo mera iri buheri diaye ta árīcũ ĩhmudi árīmi. Espíritu Santo Jesu yarãre yujurãyerire Goãm̄u yare erã mohmemasiburire apidi árīmi erã game itamuboro dopa. ĩḡu gamediro dopa ta apidi árīmi erã mohmemasiburire erãre.

### *Jesucristo mari iro dopa ta d̄p̄p̄uc̄ḡu masa dehyoap̄u, arī gojañumi*

5 I ɯm̄p̄ pehrerin̄u árīcũ Goãm̄u pohro árīrã tauro oparã árīsome anyuap̄u. Erãre oparã acusome Goãm̄u.

6 Anyuare oparã acubiriquerecũ Goãm̄u yare werem̄htadiḡu õpa arī gojañumi iribojegure Goãm̄u ĩḡu oparã acumorãre:

Ḡua masa bu gohra ḡua árīrã árīquerecũ ta ḡuare guña m̄h̄h̄. Ḡua masare õaro árīcũ iiaa m̄h̄h̄.

7 Bajamen̄rigã anyua doca masare apiyoro m̄h̄h̄. Eropa apiquereḡu ta ḡuare turari oḡu oparã acuyoro m̄h̄h̄.

8 M̄h̄h̄ eropa acucũ i yeba maja weca árīpehreri weca ãhraa ḡua masa, arī gojañumi iribojegue majaḡu mari Paḡure.

Goãm̄u masare apiḡu i yebagure árīpehrerã waim̄urã sãre masa dorero doca árīmorãre apiñumi. Masare ĩḡu eropa oparã acuquerecũ ta erã waim̄urãre árīpehrerãre dorem̄asibeama dohpa.

9 Jesup̄u árīpehrerã weca op̄u ãhrimi. Bajamen̄rigã anyua doca mari Paḡu ĩḡu sãre apip̄u. Mari yañe árīborañere s̄ribasabure ĩḡure eropa apidi árīmi. Mari Paḡu marire mahiḡu Jesure mari ya árīburire ĩḡu s̄ricũ

gamepũ. Eropigu ĩgu eropa sĭricũ ĩagu ĩgure turarire ogũ, opu acurũ ĩgure pare árĭpehrerã ĩgure umupeoborore.

<sup>10</sup> Goãmu árĭpehrerire ĩhacũnuguñumi. Eropiro árĭpehreri ĩgu ya dihta ãhraa. Eropigu Jesure sĭridoregu masa erã ñerire cãdijicũ iipũ ĩgure. ĩgu masa bajarã ĩgu porã árĭmorãre umarogue ðarogue aĭgãbu eropa iipũ. ĩgu eropiicũ tamera ðapũrica. Eropigu Jesupu marire taugu mari opu ta ãhrimi.

<sup>11</sup> Árĭpehrerã masa erã ñerire cóadi árĭmi Jesucristopũ. Eropigu ĩgu ñerire cóanirã mera Pagucumi Goãmure. Eropigu mari Pagu yujugu ta ãhrimi. Mari Pagu ĩgu árĭcũ Jesu marire ĩgu ñerire cóanirãre “Yu acawererã ãhrima,” arĭ piyugu ne guhyasĭribeami.

<sup>12</sup> Őpa arĭgu iipũ ĩgu Pagure:

Mũ árĭricurire weregura yũ acawererãguere. Árĭpehrerã yaharã gamenererã pohro mure umupeogu “Turagu ãhrimi,” arĭ weregura yũhu erãre, arĭpũ ĩgu ĩgu Pagure, arĭ gojara ãhraa.

<sup>13</sup> Eropigu ðpa arĭpũ daja:

Yu Pagure guñaturaguca yũhu, arĭpũ, arĭ gojara ãhraa.

I sãre arĭpũ ĩgu Jesucristo:

Ohõ ãhraa yũhu. Goãmu porã ĩgu yũre apinirã yũ acawererã mera ohõ ãhraa, arĭpũ ĩgu. ĩgu yarãre “Yu acawererã,” arĭ piyugu eropa arĭpũ.

<sup>14</sup> “Yu acawererã,” ĩgu arĭ piyurã dũpucurã mari árĭcũ ĩagu, Jesupu mari ya dũpũ mari iro dopa árĭgu aripũ. Eropa árĭgu arigu ĩgu crusague sĭrigũ aripũ watĭre dederecũ iibu. ĩgu watĭpũ sĭridoregu ãhrimi marire.

<sup>15</sup> Eropa ii ĩgure dederecũ iidi árĭmi marire tauboro dopa. Maripũ umuri nucũ mari sĭriborore güiribu. Eropa güirã güiro doca árĭrã, ñero sĭporãcurã árĭribũ mari. Eropa árĭrã mari árĭcũ ĩagu ĩgu marire taumi.

<sup>16</sup> Eropa taugu anyuapũre itamugu aribiripũ ĩgu. Abrahã pãramerãre maripũre itamugu aripũ.

<sup>17</sup> Eropigu ĩgu mari acaweregu iro dopa aripũ. Yujuropa ta mari iro dopa ta dũpucugu aripũ. Eropa arigu mari masa ya árĭburire sĭribasagu mari ñeri iirare Goãmure cóadoregu aripũ. Eropigu pahia oparã erã Goãmure ya árĭburire serẽbasaro dopa ta ðaro itamuboro dopa mari iro dopa dũpucugu arigu iipũ. Erã tauro marire ĩgu mojomoro ĩhami. Eropigu marire ðaro itamuniguicãmi.

<sup>18</sup> ĩgu ñero taripũ. Eropigu watĭ ĩgure ñero iidoreripũ. Iibiripũ ĩgu. Eropa ñerire tarinugadigu árĭgu, ĩgu mari sãre ñerire tarinugacũ iimasimi. Watĭ ĩgu ñerire iidorecũ ĩagu marire ñerire iibiricũ iimasimi.

### 3

#### *Jesu Moise tauro árĭgu ãhrimi*

<sup>1</sup> Jesu ĩgu eropa árĭgu árĭcũ ĩarã ĩgure burigã guñaque mua. Yu acawererã, Jesu yarã, Goãmure ĩgu yarã árĭmorãre mũare beyedigu árĭmi ĩgu. ĩgu Jesupu Goãmure ĩgu apidigu árĭgu mari pahia opu ãhrimi. I yeba majarã pahia oparã tauro ĩgũpũ mari ya árĭburire Goãmure serẽbasagu ãhrimi marire. Eropirã ĩgure ðaro guñaque mua umupeodigure.

<sup>2</sup> Goãmure ĩgure marire ĩgu tauborore ĩgu apicũ ĩgũpũ ĩgu apidiro dopa ta iipũ. Ne tarinugabiripũ. Moise sã iribojegue majagu Goãmure yarã Israe masare itamugu ne tarinugabiripũ. Eropa ta iipũ Jesu sã.



<sup>3</sup> Eropiro Moiserere erã umupeodiro tauro Jesupure umupeoro gahmea marire. Õpa ãhraa iri. Wihire mari “Õari wihi ãhraa,” arĩro tauro wihire iidigupure “Õapũricãmi,” arĩro gahmea marire. Eropigu Jesupũ wihi iidigu iro dopa ãhrimi. Īgu eropa árĩgu árĩcũ ĩgupure Moise tauro umupeoro gahmea marire.

<sup>4</sup> Masapũ wirire iirã ãhrima. Goãmũpũ árĩpehrerire iigu ãhrimi.

<sup>5</sup> Moisepũ Goãmũ mohme coregu árĩgu Goãmũ ya curu majarãre itamuniguigu árĩmũripũ. Pũhrũgue Goãmũ ĩgu masare wereborore weremũripũ masare.

<sup>6</sup> Cristopũ Goãmũ magũ árĩgu ta, Goãmũ yare iiniguicãgu árĩgu Goãmũ ya curu majarã tauro opũ ãhrimi. Eropirã Moise tauro Cristopure umupeoro gahmea marire. Eropirã maripũ Cristore guñatura duhubirã árĩrã marire ĩgu tauborore eropa mucubiri coreniguicãrã ĩgu ya curu majarã ãhraa mari.

*Goãmũ ĩgu yarãre ĩgu mera õaro soocũ gameñumi*

<sup>7</sup> Eropirã Jesucristore mari umupeo duhubiriborore õpa iro gahmea marire. Irire weremi Espĩritu Santo Goãmũ yare gojarapũguere.

Dohpagãre yũhũ Goãmũ mũare yũ werecũ yũhridiibirã árĩbircãque mũa.

<sup>8</sup> Eropirã õaro yũhrique yũre mũa. Iribojegue Israe masa masa marirogue árĩrã yũ werequerecũ ta umupeodiibirã yũre yũhribirimũrima. Eropa iirã yũre ĩhasũbircũ iima. Eropirã erã iidiro dopa iibircãque mũapũ yũre.

<sup>9</sup> Eroguere cuarenta bojori gohra erãre deyoro moarire ii ĩhmuribũ erãre itamugũ. Yũ eropa ii ĩhmuquerecũ ta erãpũ õpa arĩ pepimũrima yũre dũyasorã. “Goãmũ marire itamumasisome,” arĩ pepimũrima. Eropa arĩ pepirã ñero iimũrima.

<sup>10</sup> Erã eropiicũ ĩagu erã mera guabũ. Eropa guagu õpa arĩbũ: “Erã yahare peediibirã gajiropa árĩri buherire eropa guñamaacãrã ãhrima,” arĩbũ. “Yahapure ne buhediabeama,” arĩbũ erãre.

<sup>11</sup> Eropigu erã mera guagu õpa arĩ werebũ: “Erã yũ mera majarã ne árĩsome. Eropirã yũ mera õaro soosome erã,” arĩ werepũ Goãmũ.

<sup>12</sup> Eropirã, yũ acawererã, õaro iique mũa Goãmũre cohmore arĩrã. Mũa ñerire pepirã, Goãmũ ojocarigũre “Diaye iimi ĩgu,” arĩ umupeobirã, ĩgũre cóãboca mũa. Ne yujugũ mũa mera majagũ eropa iibircãporo.

<sup>13</sup> Eropirã ipure iiro gahmea: Mũa mera majarã mũmũri nũcũ Goãmũ yare mũa basi game wereniguique ñerire iiri arĩrã. Ñerire iirã “Iri mera mucubiria,” arĩrã, gũyarire pepirã iiaa mari. Eropa pepibircãque. Ñeripure iiniguirã Goãmũ yapure sũabeaa mari. Eropa iirã ñerire duhudiibirã wahaa. Eropa iiri arĩrã mũa mera majarãre Goãmũ yare mũa basi game wereniguique. Jesucristo ĩgu dujariboro core eropa game wereniguique.

<sup>14</sup> Eropirã negohrare Cristore mari umupeonũgadiro dopa ta eropa ta mari umupeoniguicãrã, mari ojocaripõ ĩgu yare duhubirã ĩgu mera majarã ãhraa.

<sup>15</sup> Goãmũ yare erã gojarapũ yũ dohparagã werediro dopa werea daja mũare Goãmũ wereniguire:

Dohpagãre yũhũ Goãmũ mũare werecũ õaro yũhrique mũa yũre. Iribojegue majarã Israe masa erãre yũ werequerecũ ta umupeodiibirã yũre yũhridiibirima. Eropirã erã iidiro dopa iibircãque mũa, arĩmi Goãmũ, arĩ gojañuma iribojegũre.

16 Eropirã Goãmũ ïgũ wererare peenirã árïquererã erã ïgũre yũhribirimuriñorã. Erã árïpehrerã Egiptogue ñero tarinirãre Goãmũ Moise mera ïgũ wiunirã árïñorã. Erã eropa árïquererã ïgũre ne yũhribiriñorã.

17 Eropigũ erã ñero iicũ ïagũ cuarenta bojori gohra Goãmũ erã mera guarũ. Erã ñero iira dipuwaja erogue masa marirogue erãre dujadorepũ. Eropirã erore sïria wamuriñorã erã.

18 ïgũre erã eropa yũhridiabiricũ ïagũ õpa gũhyadiaro mera arïpũ ïgũ: “Erã yũ mera majarã ne árïsome. Eropirã yũ mera ne õaro soosome erã,” arïpũ ïgũ.

19 ïgũ eropa arïcũ peerã ire masia mari: Erã Goãmũre erã umupeobiriri waja, ïgũ mera majarã árïmasibiriñorã. Eropirã ïgũ mera õaro soomasi-biriñorã.

## 4

1 Eropigũ iribojegue majarãre ïgũ mera õaro erã sooborore gamegũ erãre “Yũ mera soorãca,” arï apipũ Goãmũ. Mari sãre eropa ta arï apipũ ïgũ. Eropirã gũhyadiaro mera Goãmũre õaro yũhrirã mari wieri marigue arïrã. Eropa wierã ïgũ mera õaro soosome mari.

2 Iribojegue majarã Goãmũ yare erã peediro dopa ta mari sã õari buherire peebũ. Erãpũ peerã “Goãmũ diaye iigũ ãhrimi,” arï pepibirimuriñorã. Goãmũre umupeobirimuriñorã. Eropiro Goãmũ yare peequererã yũhribiricũ erã peera ñehe árïburi árïburiyoro erãre.

3 Maripũ ïgũre umupeorã dihta Goãmũ mera majarã árïrãca. Eropirã ïgũ mera õaro soorãca. Goãmũ õpa arïpũ:

Erã mera guagũ gũhyadiaro mera õpa arï werebũ: “Yũ mera ne soosome erã,” arï werebũ, arïyoro Goãmũ yare erã gojarapũgue.

Eropa arïpũ ïgũ. I yebare ïgũ ïhacũnugura pũhrũ soorpũ ïgũ. Eropigũ masa sã ïgũ mera sooborore amuyupũ. Amuqueregũ erãpũre “Yũ mera ne soosome erã,” arïpũ Goãmũ.

4 Seis nũri ïgũ ïhacũnugura pũhrũ ïgũ soorare õpa arï gojañuma Goãmũ yare erã gojarapũgue:

Seis nũri pũhrũ árïpehrerire ïgũ iirare pehogũ, Goãmũ mohmeduhu soorpũ, arï gojañuma ïgũ yare erã gojarapũgue.

5 Eropiro Goãmũ yare erã gojarapũ õpa arï werea daja ïgũ mera õaro árïbirinirãre:

Yũ mera majarã ne árïsome erã. Eropirã ne yũ mera soosome, arïpũ Goãmũ.

6 Eropirã õari buherire peemũhtanirã, ïgũre erã tarinũgara dipuwaja ïgũ mera majarã árïbirã ïgũ mera soobiriñorã erã. Gajirãpũ ïgũ mera majarã árïrãcoma. ïgũ mera soorã árïrãcoma.

7 Eropigũ masa ïgũ mera õaro árïburire erã ïgũ mera sooburire apigũ daja, “Dohpaguere ãhraa,” arï apipũ Goãmũ. Israe masa Goãmũre erã tarinũgara pũhrũ baja bojori pũhrũ irire weredorepũ Davire. Davi were gojarare mũare weretuhajaqueregũ weregũra daja yũhũ. Eropigũ õpa arï gojañumi Davi Goãmũ wereniguirire:

Dohpagãnũre yũhũ Goãmũ mũare yũ werecũ, tarinũgaro mariro õaro yũhrique mũa yũre, arï gojañumi iribojeguere.

8 Ero coregue Josué Israe masare Goãmũ ïgũ ora yebague aĩ ejapũ. “Yũ mera soorã árïrãcoma,” arïgũ iri yebague erã sooborore arïgũ iibiripũ Goãmũ. Iri yeba soodoregũ gajinũ erã sooburire apibiriboñumi ïgũ.

<sup>9</sup> Seis nuri pührü i yebare ĩġu iira pührü Goāmü ĩġu mohmeduhu soodiro dopa ta mari ĩġu yarā sā ĩġu mera mari sooburiñe āhraa. ĩġu mera mari ōaro árĭburiñe āhraa.

<sup>10</sup> Eropiġu Goāmü sooġu, ĩġu mohmerare duhucānipü. Eropa ta ĩġu mera soorā mari gamero mera iirire duhucārāca.

<sup>11</sup> Eopirā mari ĩġu yarā ōaro iirā. Goāmü yare ōaro yührirā ĩġu mera mari sooboro dopa. Iribojegue majarā mari acawererā erā tarinugara pührü Goāmü mera majarā ne árĭmasibirimuriñorā erā. Erā iidiro dopa iibiricārā mari.

<sup>12</sup> Goāmü ya wereniguiiri marire Goāmü mera ōaro árĭniguicū iiaa. Ōaripüre marire gohrotocū iiaa. Eropiro ĩġu ya wereniguiiri bu árĭri árĭbeaa. Eropiro matamiji pepuripü usirimiji mera dirore erā wiri ĩha erā masiro dopa ta, ĩġu ya wereniguiiri mari árĭricurire mari pepirire ōaro masicū iiaa marire. Eropa masirā mari iiricuri ōaro árĭcū, ōaro árĭbiricū sāre masia ĩġu wereniguirire peerā. Iri mari buhecū mari árĭricurire ōaro masipehocū iiaa marire.

<sup>13</sup> Ne Goāmüre mari árĭricurire mari iirare duhmasibea mari. Árĭpehrerire ĩġu ĩhacūnugurare ĩġu ĩhacūnugunirā sāre ĩhami ĩġu. ĩġu tamerare mari iirare mari pepirire werepehorāca mari.

#### *Jesu turagü mari pahia opu āhrimi*

<sup>14</sup> Jesu Goāmü magü ĩġu sĭrira pührü ĩġu Pagü pohroque dujadigü árĭmi. ĩġu turagü mari pahia opu āhrimi. Eropiġu mari ya árĭburire Goāmüre serēbasami. ĩġu eropa árĭġu árĭcū ĩarā maripü ĩġu yare ōaro yührirā árĭrā ĩġure ōaro umupeoniguicārā.

<sup>15</sup> ĩġu Jesucristo mari pahi árĭġu mari ñero taricū ōaro mojomoro ĩagü āhrimi. Mari ñerire űaribejarire masimi ĩġu. Watĭ árĭpehreri ñerire ĩġu marire iidorerero dopa ta Jesu sāre ñerire iidoreripü. ĩġu eropa iidorequerecū ĩġu ñerire iibiripü. ĩġu eropa ñerire iidorerire iidoredigü árĭġu marire mojomoro ĩagü marire itamumasimi.

<sup>16</sup> Eopirā “Yüre yührigücumĭ,” arĭrā Goāmüre serērā. ĩġu marire mahimi. Eropiġu mari ĩġure serēcū marire mojomoro ĩagü marire itamugücumĭ. Eropiġu mari ñero iidiacū sāre ĩġu marire itamugücumĭ.

## 5

<sup>1</sup> Árĭpehrerā pahia oparā, masa mera majarā āhrima. Beyenirā āhrima erā mera majarā yare Goāmüre serēbasamorā. Eopirā masa ñerire erā iira dipuwajare Goāmüre serēbasama erā mera majarāre. Eropa serēbasarā waibugure wejē soe mujuma Goāmüre.

<sup>2</sup> Pahia oparā gajirā masa iro dopa ōaro masipehobirā āhrima. Gajisubu ōarire iibirā āhrima erā sā. Eropa masibirā árĭrā gajirā masibirāre itamumasima nijiyajaro mera. Eopirā ōarire iibirā sāre ōaro mera itamumasima.

<sup>3</sup> Eopirā ōaro masipehobirā ñeri iira dipuwajacurā āhrima erā sā. Eopirā erā basi erā ñerire erā iira dipuwaja waibugure wejē soe mujuma Goāmüre. Gajirā masa ya árĭburire erā ñeri iira dipuwaja erā serēbasadiro dopa ta, erā basi erā ya árĭburi sāre serēma Goāmüre.

<sup>4</sup> Eropiġu ĩġu ĩġu gamero pahia opu ñajabeami. Goāmüpu ĩġure beyegü, pahia opu acumi. Iribojegue majagü Aarō mürure ĩġu apidiro dopa ta gajirā pahia oparā sāre apimi ĩġu.

<sup>5</sup> Eropa ta Cristo sā ĩġu basi ĩġu gamero pahia opu ñajabiripü. Goāmüpu ĩġure opu acugü ōpa arĭpü:

Yũ magũ āhraa mũhũ. Dohpagãre mũre dehyoacũ iibũ yũhũ, arĩpũ Goãmũ.

<sup>6</sup> Gajisubũ õpa arĩpũ Goãmũ Cristore:

Árĩpehrerĩnũrire pahĩ árĩniguicãgũca mũhũ. Melquisede ĩgũ árĩdiro dopa ta pahĩ árĩniguicãgũca mũhũ, arĩpũ ĩgũ magũre.

<sup>7</sup> Cristo ĩ yeba árĩgũ bũrigã gaguĩnigui, co deco mera Goãmũre turaro serẽpũ ĩgũ, “Yũre masuque,” arĩgũ. Mari Pagũpũ Goãmũpũ ĩgũre sĩridigũre masumasigũ árĩpũ. ĩgũ eropa serẽcũ Goãmũ peepũ ĩgũre. Goãmũ gameri dihtare ĩgũ iidiacũ ĩagũ Goãmũpũ ĩgũ serẽrare peegũ yũhripũ.

<sup>8</sup> Eropigũ Cristo Goãmũ magũ árĩqueregũ ñero taripũ ĩgũ. Eropa ñero tarigũ yũhripũ Goãmũre. Eropa yũhrigũ õaro yũhrĩre masituhapũ.

<sup>9</sup> Eropa yũhridigũ crusague sĩrigũ masa erã ñerire cãdijigũ árĩpehrerã ĩgũre yũhrĩrãre taubũ wapũ.

<sup>10</sup> Eropigũ Goãmũpũ ĩgũre pahia opũ masa yare serẽbasabure apipũ. Eropigũ Melquisede pahia opũ ĩgũ árĩdiro dopa ta āhrimi Cristo.

### *Cristo yarã ĩgũre umupeo duhucũ gũhya āhraa*

<sup>11</sup> Baja õpa árĩrĩre mũare werenemodiaa gũa. Gũa eropa werenemodiaquerecũ ta mũapũ peediabirã āhraa. Eropirã mũare gũa werecũ mmasumasigũ árĩpũ. ĩgũ eroasiya mara.

<sup>12</sup> Yoari boje Cristo yarã árĩraa mũa. Eropa árĩrã dohpaguere gajirãre buherãgue árĩboca mũa. Mũa eropa árĩbonirã árĩquerecũ ta gajirã mũapũre buherãcoma. Goãmũ yare mũare buhemũhtarare mũare buhero gahmea daja. Ne buhenũgarã iro dopa ta āhraa mũa.

<sup>13</sup> Apĩco mihrirã majirãgã árĩnima. Erã iro dopa ta mũa sã āhraa õaro masibirã árĩrã. “I ñeri āhraa. Ipũ õari āhraa,” arĩ ĩha masibea mũa.

<sup>14</sup> Barire barãpũ mũrã āhrima. Erã iro dopa árĩrã õaro buhenirã õaro pepi masirã mũa árĩcũ õaboaya. “I ñeri āhraa. I õari āhraa,” mũa arĩ ĩha masirã árĩcũ õaboaya.

## 6

<sup>1-2</sup> Eropirã Goãmũ yare õaro masirã, õaro yũhrĩrã árĩrã. Cristo yare negohraguere buhenũgarã õpa masinũgabũ mari: Mari gamero mera mari iiri duhpihuri árĩbeaa. Mari iiri mera tarisome mari. Tarimorã Goãmũre umupeoro gahmea marire. Ire negohraguere buhenũgama marire. Eropirã marire waĩyema. Mojotorire marire erã duhpeorire buhe, sĩrinirã erã masa mũriborore buhe, ĩ mũũ pehrera pũhrũ Goãmũ ĩgũ dipuwaja moaborore buhe, ĩgũ dipuwaja moamorã erã ñero tariniguiboro sãre buhe, ĩ sãre marire negohraguere buhenũgama. Eropa árĩri buherire mari masituhajarare buhenemobirã gajĩ buherire õaro buhenemorã.

<sup>3</sup> Eropirã Goãmũre, ĩgũ ya sãre masinemorã. Goãmũ ĩgũ gamecũ eropa ta iirãca mari.

<sup>4</sup> Goãmũ yare masinirã irire duhurãre ne dipaturi erãre erã ñeri iirare erãre bũjawerecũ iimasiya mara daja. Eropa árĩrã, Cristo ĩgũ taunirã árĩrã Espĩritu Santore oparima.

<sup>5</sup> Eropirã Goãmũ ya wereniguirire peerã õari wereniguirĩ irĩ árĩcũ masirima. Eropirã pehrerĩnũ pũhrũgue Goãmũ ĩgũ turari mera mari eropa árĩniguiborore, masare ĩgũ dipuwaja moaboro sãre erã masirima.

<sup>6</sup> Eropa árĩrã Cristo yare erã duhurã Goãmũ magũre dipaturi crusague erã pabiadiro dopa ta ĩgũre iirã iima. Erã eropiicũ ĩarã gajirã masa Cristore

wereyama. Eropirã dipaturi erãre, erã ñeri iirare erã bujawere ðarire gohrotocũ iimasiya mara.

<sup>7</sup> Õpa ãhraa iri mari werenigui queori mera buhecũ: Õari yebare wãaro deco aricũ erã oteri ðaro puhri ducacua. Eropigu iri pohe opu ducare opami igu baburire. Iri yeba ðari yeba áricũ ñha mucubirimi. Eropa ta Goãmũ iimi igu yare peenirã sãre. Erã igu yare ðaro iicũ ñha mucubirimi erã mera.

<sup>8</sup> Gaji yebapu añapora mera, taa mera iri yeba tiaro duhpiburi yeba árĩbeaa. Eropa árĩri pohere cóãcãro gahmea. Eropa ta Goãmũ iimi igu igu yare peequererã iibirãre. Erãre dipuwaja moa peamegue cóãgucumi.

### *Cristore eropa umupeoniguirãre taumi Goãmũ*

<sup>9</sup> Yũ mahirã, mũare eropa arĩ werequeregu ta mũapure “Cristore duhuristo yare erã duhurã Goãmũ mã ãhraa,” arĩgu iibea. Mũapu Cristo igu taurã ãhraa. Eropirã ðarire iirã iica mũa. Irire masia yũhũ.

<sup>10</sup> Mari ðaro iira waja Goãmũ queoro marire ðaro iigu ãhrimi. Eropigu igu ya árĩburire mũa turaro mohmerare cãdijisome igu. Mũa igure mahirã igu yarãre itamuabu mũa. Dohpague sãre erãre itamuniguia mũa. Igure mũa eropa mahirare cãdijisome igu.

<sup>11</sup> Mũa ojocarinigucãropẽ gajirãre mũa umupeocũ, mũa itaisto yare erã duhurã Goãmũ mmuniguicũ sãre gahmea gũa. Mũa eropiicũ ñagu ðaro iigucumi mari Pagu mũare.

<sup>12</sup> Eropirã mũa tericũrã áricũ gamebeaa gũa. Gajirã Cristo yarã ñero tariquererã Goãmure “Igu diaye ta arĩgu ãhrimi,” arĩ umupeonigucãma. Erã eropiicũ ñagu Goãmũ “Masare ðarire ogũra,” igu arĩdiro dopa ta erãre opehogucumi. Eropirã mũa sã erãre ñhacũrã erã iro dopa ta iiniguicãque.

<sup>13-14</sup> Iribojegue Goãmũ Abrahãre õpa arĩ apipũ: “Yũ waĩ mera diaye ta ire arĩgu iiaa mũre. Mũre ðaro iigũra. Eropigu mũ pãramerã árĩturiarãre bajarã masa áricũ iigũra,” arĩ werepipũ Goãmũ. Eropa arĩ werepigũ igu ya waĩ mera waĩpeopũ. Gajigu igu tauro arĩgu ne maricũ igu ya waĩ mera eropa waĩpeopũ.

<sup>15</sup> “Mũre ðaro iigũra,” Goãmũ igu arĩ apirare Abrahãpu ðaro igu umupeoyura puhũ Goãmũ igu arĩdiro dopa ta igure ðaro iipũ.

<sup>16</sup> “Goãmũ mera diaye arĩgu iiaa,” masapu arĩrã, erã erã tauro arĩgu waĩ mera waĩpeorã iima. “Goãmũ mera diaye arĩgu iiaa yũhũ,” yujugũ igu arĩcũ gajigu peegu “Diaye ãhraa,” arĩgucumi. Duyasomasibeami.

<sup>17</sup> Eropigu Goãmũ Abrahãre “Mũre ðaro iigũra,” arĩ apigu “Yũ waĩ mera diaye ta arĩgu iiaa,” arĩ waĩpeopũ. Igu eropa waĩpeo wererare peerã “Diaye ta ãhraa iri,” arĩ masia. Eropirã “Igu arĩrãre ne gohrotosome,” arĩ masia mari. Irire mari masiboro dopa igu arĩ apira mera igu waĩpeogu eropa werepipũ.

<sup>18</sup> Eropigu igu arĩ apira mera, igu waĩpeora mera diaye igu arĩrãre masicũ iipũ Goãmũ marire. Eropiro igu waĩpeocũ igu arĩ apira ne gohrotosome. Eropigu Goãmũ ne gũyabeami. Igu eropa arĩgu áricũ masirã, mari marire igu tauborore mucubiri corerãca, “Eropa ta iigucumi,” arĩrã.

<sup>19-20</sup> Eropa igu tauborore corerã guñaturarã ãhraa mari. Eropa árĩrã “Mari sĩrirã Goãmũ pohro warãca,” arĩ masirã güibeaa. Pahia opu Goãmũ igu árĩri taribu gohrague ñajagu, cãhmotariñe suhriro pohecague tariñajami. Eropa ñajagu masa ya árĩburire serẽbasami Goãmure. Igu eropiidiro dopa ta Jesu sã umarogue Goãmũ árĩroque ñajamũhtadi arĩmi. Eropa ñajamũhtagu mari sãre erogue ñajaburire

ahmu serēbasami. Eropigu árīpehrerinuri núcū serēbasagu iimi pahia opu árīgu. Melquisede pahi īgu árīdiro dopa ta pahia opu āhrimi īgu Jesu.

## 7

### *Melquisede pahi īgu árīdiro dopa ta Jesu pahia opu āhrimi, arī gojañumi*

<sup>1</sup> Melquisede iribojegue majagu Salem waícūri maca majagu opu árīmūripū. Eropigu pahi árīgu Goāmū turagure umaro majagure masare serēbasagu árīmūripū. Eropigu gajirā oparāre Abrahā gamewejētuhā, īgu dujaricū gohra, Melquisede īgu ya maca árīdigū waha, Abrahāre bocatīripū. Eropā bocatīrigū īgure serēbasapū Goāmure: “Ōaro iique īre,” arī serēbasapū Abrahāre.

<sup>2</sup> Abrahāpū īgu gamewejē tarinugara pūhrū gajirā oparā yare aī dujarū. Īgu eropa aī dujarare merogā dūhapū īgu Melquisedere. Diez īgu aī dujara árīcū yujuñe opu Melquisedere. Melquisede īgu waī mari ya mera arīro “Tauro opu ōaro iigu āhrimi,” arīdiaro iiaa. Eropigu īgu Salem waícūri maca majarā opu īgu árīcū iri maca maja waīre waícūpū. Salem waī ōpa arīdiaro iiaa: “Tauro opu masare ōaro game mahicū iigu āhrimi,” arīdiaro iiaa.

<sup>3</sup> Ne Melquisede pagū sūmarāre, īgu core árīmūhtanirāre, īgu acawererāre erā were gojatura mara. Īgu masa dehyoarare, īgu sīrira sāre were gojatura ne mara. Eropigu eropa árīniguigū iro dopa árīpū īgu. Īgu eropa árīgu árīcū Goāmū īgu magū īgu pahi īgu árīrare marire buhemi. Melquisede pahi eropa árīniguigū iro dopa ta āhrimi īgu Jesucristo Goāmū magū. Īgu iro dopa ta Cristo sā pahi árīgu eropa árīniguicāgu āhrimi.

<sup>4</sup> Eropigu Melquisede turagu árīrare guñaque. Abrahā mari ñecū mūrū opu gohra árīqueregu ta Melquisedepure īgu duja aīrare dūhapū. Diez īgu duja aīra árīcū yujuñe opu Melquisedere. Eropā ta īgu duja aī īgu dūharare opu īgure.

<sup>5</sup> Eropiro Moise īgu doreri mera árīpehrerā gajirā Israe masare iripēta wajayedorepū erā pahiare. Eropā doregu Leví pāramerā árīturiarāre erā acawererā árīturiarā erā wajayerire ñeadoregu apimūripū. Leví pāramerā ya curu majarā pahia dihta wamūriñorā. Eropirā gajirā ya curu majarā sā Leví pāramerā mera Abrahā pāramerā árīturiarā árīmūriñorā. Erā acawererā árīquererā erā Leví pāramerāre wajayemūriñorā.

<sup>6</sup> Melquisedepū Leví pārami árīturiagu árībiriqueregu ta wajaseapū Abrahāre. Eropigu “Mure ōaro iigura,” īgu Goāmū arī apidigu árīqueregu Abrahāpū Melquisedere wajayepū. Eropigu Melquisedepū Goāmure Abrahāre serēbasagu ōaro árīdoremūripū.

<sup>7</sup> Ōaro árīdoregu Melquisedepū īgu ōaro árīdoredigū Abrahā tauro árīpū. Irire mari ōaro masia.

<sup>8</sup> Mari mera majarā pahia marire merogā wajasearā mari iro dopa ta masa āhrima. Eropā árīrā sīrimorā ta āhrima erā sā. Ihī Melquisedepū iribojegue Abrahāre merogā wajaseadigu eropa árīniguigū iro dopa āhrimi īgupū. “Īgu sīria wañumi,” arī werera ne mara. Eropā ta āhraa Goāmū yare erā gojarapūgue.

<sup>9</sup> Dohpague majarā Leví pāramerā árīturiarā pahia árīrā masare merogā wajaseamūrima. Eropā árīrā erā árīquerecū ta Abrahā erā ñecū árīgu Melquisedere merogā wajayegu árīpehrerā Leví pāramerā ya árīburi

sāre wajayebasagu iimuripũ. Eropirã Leví pãramerã sã Melquisedere wajayenirã iro dopa āhrima.

<sup>10</sup> Melquisedere Abrahã ãgu wajayerasubure Levípũ masa dehyoanibiripũ dohpa. Eropa masa dehyoabiriqueregũ ta ãgu ñecũ Abrahã dũpũgue ãgu árĩbodiropã dopa ta Levípũ árĩtuhagũ iipũ. Eropigũ Melquisede Abrahãre ãgu bocatĩricũ Leví sã ãgu ñecũ mera ãgu árĩboropã dopa árĩgu iipũ. Eropa árĩgu Leví, ãgu pãramerã mera Melquisedere merogã wajayenirã iro dopa árĩrã erã ãgu doca árĩrã iĩñorã.

<sup>11</sup> ãgu dorerire apigũ Goãmũ Aarõ pãramerã árĩturiarã Leví ya curu majarãre pahia árĩdoremuripũ. Eropirã ãgu doreri dorediro dopa ta erã pahia waimurãre soe mujurã masa ya árĩburire serẽbasamurĩñorã Goãmũre. Erã pahia erã eropĩiquerecũ masa Goãmũ mera õaro wamorã árĩbirimurĩñorã dohpa. Erã pahia erã iira mera masa õarã wacũ Goãmũ erãre gohrotobure Cristore obeobiriboñumi. Eropigũ ãgu obeodigũ marire Goãmũ mera õaro árĩcũ iigu aridi árĩmi Cristopũ. ãgu Leví ya curu majagu Aarõ murũ iro dopa árĩbiripũ. Melquisede iro dopa árĩpũ.

<sup>12</sup> Eropigũ pahiare gohrotogu, marire doreri sãre gohrotoro gãmemi ãgure. Pahia erã itamuri mera mari taribiro dopa ta iri doreri mera mari taribea. Eropiro iri dorerire gohrotopohoro gãmemi.

<sup>13</sup> Aarõ Leví sã, erã ya curu majarã dihtare pahiare acumuripũ Goãmũ ãgu dorerire apigũ. ãgu eropa acuquerecũ ta dohpaguere mari Opũre Cristore pahire Goãmũ ãgu acudigũ gajĩ curu majagu āhrimi.

<sup>14</sup> ãgu mari Opũ Cristo Judá ya curu majagu masa dehyoapũ. Moise pahiare acugũ, Judá ya curu majarãre ne acubirimuripũ. Irire õaro masia mari.

<sup>15</sup> Ire masirã, õpa mari õaro masia: Dohpaguere ne ãgu acudigũ pahi Cristo Melquisede iro dopa árĩgu āhrimi.

<sup>16</sup> Iribojegue maja doreri dorediro dopa ta Leví ya curu majarã dihta pahia ñajamurĩñorã. Jesucristopũ Goãmũ ne ãgu acudigũ gajirã pahia erã iro dopa pahi ñajabiridigũ árĩmi. ãgu Goãmũ turari mera árĩpehrerinurĩ árĩgu āhrimi. Eropigũ iri turari mera pahi ñajadi árĩmi ãgu.

<sup>17</sup> Õpa āhraa Goãmũ yare weremũhtanirã erã gojarapũgue:

Árĩpehrerinurire pahi árĩniguigũca mũhũ. Melquisede ãgu pahi ãgu árĩniguiddiro dopa pahi árĩniguicãgũca mũhũ, arĩpũ Goãmũ ãgu magure, arĩ gojañuma iribojeguere.

<sup>18</sup> Goãmũ ãgu doreri Moiserẽ ãgu apimũhtara doreri turari árĩbiribũ. Eropigũ iri dorerire duhucãdi árĩmi Goãmũ.

<sup>19</sup> Moiserẽ ãgu apira doreri mera ne õaro tariburire opabirimuribũ mari. Eropigũ dohpaguepũre Goãmũ marire ãgu tauborore marire apidigũ árĩmi. ãgu eropiicũ dohpaguere ãgu pohrogue wamasia mari. Eropirã ãgu mera wereniguimasia.

<sup>20</sup> Eropigũ Cristore pahi acugũ, “Yũ waĩ mera mũre acugũ iiaa,” arĩpũ Goãmũ. Gajirã pahia ñajacũ ãgu iro dopa waĩpeo acubiripũ erãre.

<sup>21</sup> Cristopũ ãgu Pagũ waĩ werepira mera pahi ñajapũ. Õpa arĩ werepipũ ãgu Pagũ Cristore:

Yũhũ mũ opũ yũ waĩ mera mũre weregũ diaye weregũra. Eropigũ ire ne gohrotoro mariro werea mũre. Árĩpehrerinurire pahi árĩniguicãgũca mũhũ, arĩ werepipũ Goãmũ ãgu magure.

<sup>22</sup> Eropa werepigũ mama buherire marire apigũ, marire ãgu tauborore apigũ iipũ. Iribojegue maja doreri tauro mari õaro árĩborore apigũ iipũ.

Eropigu Goãmũ masare “Õaro iigura,” igũ arĩdiro dopa ta iibu, Jesure obeodigu árĩmi marire taubure.

<sup>23</sup> Árĩmũhtanirã pahia erã sĩricũ ãarã gajirã gohroto ñajamuriñorã daja. Eropirã erã bajarã pahia wañorã.

<sup>24</sup> Jesupũ eropa árĩniguicãmi. Eropirã igũre gohrotorã ne marima pahia.

<sup>25</sup> Eropigu igũ eropa árĩniguigu, Goãmũre eropa serẽbasaniguicãmi igũ igũ yarã ya árĩburire. Eropigu Goãmũ mera erã eropa árĩniguiboro dopa masare taumasimi igũ. Árĩpehrerã igũre umupeorã Goãmũ pohrogue warãca. Eropigu Jesu ãhrimi upũta marire taubu.

<sup>26</sup> Eropigu Jesu ãhrimi mari pahia opũ. Igũ tamerare burigã gahmea mari. Ne ñeri dipuwaja marigũ ãhrimi igũ. Eropigu masa iro dopa ñerire iibiridi árĩmi. Eropigu Goãmũ igũre ñerã watope árĩdigũre aĩgũ, umarogue api, árĩpehrerã gajirã tauro árĩgũ opũ acupũ.

<sup>27</sup> Gajirã pahia iro dopa árĩbeami igũ. Erãpũ umuri nũcu waibũgũre wejẽ, soe muju serẽmũrima Goãmũre masa ñeri iira dipuwaja cãdijidorerã. Erã basi erã ñeri dipuwajare serẽmũhtamũrima. Pũhrũ gajirã ñeri dipuwaja sãre serẽbasamũrima erã. Eropirã erã bajasuburi eropa Goãmũre serẽbasamũrima. Jesupũ pahi árĩgũ, yujusubu ta masa ñeri dipuwajare Goãmũre serẽpũ. Igũ waibũgũre wejẽbiri igũ basi sĩridigu árĩmi mari masa ñeri iira dipuwajare taubu.

<sup>28</sup> Goãmũ doreri Moisere igũ apira mura pahia oparã ñajadorea. Eropa erã ñajaquererã, ñeri marirã árĩbeama pahia ñajarã. Iri doreri pũhrũ Goãmũ igũ magũre pahire acugũ “Diaye ta pahi árĩniguicãgũcumĩ,” arĩ acupũ. Igũpũ ñeri mariro eropa árĩniguicãmi.

## 8

*Goãmũ masare “Mũare taugũra,” arĩ apirũ daja igũ Moisere arĩ apirare gohrotogu. Igũ mama apirare werebasagu ãhrimi Jesu*

<sup>1</sup> Iri árĩpehrerire arĩ wererã i tamerare mũare arĩrã iiaa: Mũare gũa weredigu pahia opũ igũ tamera mari yagu gohra ãhrimi. Mari ya árĩburire Goãmũre serẽbasagu ta ãhrimi. Umarogue Goãmũ turatarigu igũ opũ doaro pohro igũ diayerũ doami igũ Cristo mari pahia opũ.

<sup>2</sup> Eropigu Goãmũ wihi i yeba maja wihi, masa erã iira wihigue mohmebeamĩ. Umarogue árĩri wihire mari Opũ igũ iira wihire Goãmũ ya árĩburire mohmebasami. Iri wihi tamera Goãmũ ya wihi gohra ãhraa.

<sup>3</sup> Eropirã árĩpehrerã i yeba majarã pahia oparã waimũrãre wejẽ soe muju Goãmũre omũrima masa ñero iira dipuwajare cãdijidorerã. Eropa ta iimorãre apidigu árĩmi Goãmũ. Eropigu mari yagu pahi Cristo sãre apigu eropa ta iidorepũ. Eropigu mari ñeri iira dipuwajare Jesucristo igũ basi sĩridi árĩmi.

<sup>4</sup> Moise doreri dorediro dopa ta i yebague pahia masa erã ñeri dipuwaja cóãburire mohmebasama. Eropirã i yebague pahia árĩtuhama. Erã eropa árĩtuhajacũ Jesupũ mari yagu pahi i yeba árĩniguigu, pahi árĩbiriboñumi igũ.

<sup>5</sup> I yeba majarã pahia erã mohmerire i yeba maja wihi ta Goãmũ wihi mohmerã árĩtuhajama. Goãmũ wihi gohra umarogue ãhraa. Eropiro Goãmũ wihi i yeba maja wihi umaro maja wihi ãhacũ iira wihi ãhraa. Eropigu Moise iri wihire i yeba maja wihire igũ moaboro coregã Goãmũ õpa arĩpũ igũre. “Utãgũgue árĩgũ mũre yũ ãhmudiro dopa ta yaha wihire õpa iique. Yũhũ dorediro dopa ta yaha wihire queoro iique,” arĩmũripũ Goãmũ igũre.



<sup>6</sup> Dohpaguepüre Jesu pahi árĩgũ ãgũre apira mohmeri i yeba majarã pahia mohmeri tauro ðaro ãhraa. Bu gohra árĩbeaa. Goãmũ masare “Cristo mera mũare ðaro iigũra,” ãgũ arĩ apira iribojegue maja doreri Moise doreri tauro ðari ãhraa. Marire ãgũ arĩ were apira iri doreri tauro marire ðaro árĩcũ iiroca. Eropigũ marire Goãmũ mera amubasagũ árĩgũ, Cristopũ gajirã tauro pahi ãhrimi.

<sup>7</sup> Negohrague Moise dorera mera mari Goãmũ mera ðamasibirimũribũ. Iri doreri mera mari ðacũ gaji buherire apibiriboñumi Goãmũ. Iri doreri mera mari ðacũ, “Cristo mera mũare ðaro taugũra,” arĩ werebiriboñumi marire.

<sup>8</sup> Iri dorerire erã bocafũbirirare weregũ ðpa arĩpũ ãgũ yarãre Israe masare:

Õpa arãa yũhũ mũa Opũ: “Õaro peeque. Pũhrũgue gaji buherire weregũra yaharãre Israe masare, Judã ya curu majarã sãre.

<sup>9</sup> Iri buheri erã ñecũ sũmarãre erãre werepira iro dopa ne árĩsome. Yũ basi erãre Egipto yebague árĩnirãre wiugũ erãre werepiribũ. Yũ eropa arĩ werepirare tarinũgama erã. Erã eropiicũ ãagũ negohrare erãre yũ wererare duhucãbũ.

<sup>10</sup> Eropigũ pũhrũgue Israe masare ðpa arĩ weregũra: Yũ dorerire erãre guñacũ iigũra. Erãre yũ dorerire yũhridiacũ iigũca. Eropigũ yũ Goãmũ erã opũ árĩgũra. Eropirã erãpũ yaharã masa árĩrãcoma, arĩ weregũra.

<sup>11</sup> Eropirã irisubure erã mera majarãre erã acawererãre ne erã ðpa erã basi game arĩsome: ‘Dohpaguere mari Opũre Goãmũre masique mũa,’ ne arĩ game buhesome. Erã árĩpehrerã yũre masituharãcoma. Majirãgã, mũrã sã yũre masirã dihta árĩrãcoma.

<sup>12</sup> Eropigũ erã ñeri iirare cãdijigũca yũhũ. Eropigũ erãre dipuwaja moasome yũhũ,” arãa yũhũ mũa Opũ, arĩpũ Goãmũ ãgũ ya wereniguiri erã gojarapũgue.

<sup>13</sup> Eropa arĩgũ mama buherire apigũ, iribojegue maja dorerire duhucũ iigũ iimi. Eropiro mũra doreri ãgũ duhucũ iira pũhrũ iri doreri mũra gohrotopehrea waro iiaa.

## 9

*Iyeba maja taribure mũmaro maja taribu sãre Goãmũre umupeori taribure werepũ*

<sup>1</sup> Negohraguere Goãmũ ãgũ dorerire Moiserẽ apigũ masa ãgũre umupeoburi sãre werepirũ. Eropigũ Goãmũre erã umupeoburi wihi sãre iidore apipũ.

<sup>2</sup> Iri wihi waimũrã gasiri wihi árĩyoro. Pe taribu opayoro. Wũari taribu erã ñajamũhtari taribu Goãmũ ya taribu waĩcũyoro. Iri taribure erã sihãgori yucũ duhpeodigũ árĩyoro. Eropárĩcũ mesa sã árĩyoro. Iri mesa weca Goãmũre erã ori pan peyayoro.

<sup>3</sup> Gaji taribu suhri mera erã cãhmotara taribu árĩyoro. Iri taribu Goãmũ ãgũ árĩri taribu gohra waĩcũyoro.

<sup>4</sup> Iri taribugue oro mera erã iira mesa, incienso erã soeri mesa árĩyoro. Eropiro oro ðari mera erã sũra comoro ero oyayoro. Iri comoro waĩcũyoro Goãmũ arĩ werepira gojara dicũri comoro. Iri comoro pohecague dicũyoro. Yuju coro oro coro dicũyoro. ãgũ masare ejorañegã mana waĩcũriñegã dicũri coro árĩyoro. Eropiro iri comoro pohecague Aarõ yagũ ãgũ tuadigũ pũcũdigũ árĩyoro. Eropiro pemiji mũtãmiji Goãmũ ãgũ doreri ãgũ gojatura mijiri iri comoro pohecague dicũyoro.

<sup>5</sup> Iri comoro weca perã anyua wéanirã árĩñorã. Erã wéanirã Goãmũ ĩgu gosesiriri mera, “Iri taribure ĩgu áhrimi,” arĩ werero iiyoró. Iri comoro buariñe erã quẽdupuri mera buasũyoro. Iri comoro buariñe weca masa ñero erã iira dipuwajare cãdijidoregu waimurã di Goãmure erã orare wejësiripeopũ pahĩ opũ. Iripẽta weregura i wihi majare dohpaguere.

<sup>6</sup> Eropirã iri wihire eropa erã õaro erã amura puhru pahia umuri nucũ erã ñajajamũhtari taribu erã mohmerire iimuriñorã.

<sup>7</sup> Eropigu pahia opurũ dihta gajĩ taribuguerẽ ñajapurũ. Bojori nucũ ĩgu iri taribure yujusubu ta ñajapurũ ĩgu. Eropã ñajagũ erã wejẽdigũ waibugũ dire aĩ ñajagũ, Goãmure umupeopũ. Iri di mariro ne ñajabiripũ. ĩgu basi ĩgu ñeri iira wajare, árĩpehrerã gajirã Israe masa erã ñero iira dipuwaja sãre cãdijidoregu dire aĩ ñaja apimuripũ ĩgu Goãmure.

<sup>8</sup> Árĩpehreri i mera Espĩritu Santo marire õpa arĩ buhebu iimi: Iri wihi Moisere ĩgu apira wihigue Goãmure umupeoburi árĩrisubu masapũ Goãmure umupeorã iri wihigue ñajamasibiriñorã. Pahia opũ dihta Goãmũ ĩgu árĩri taribu gohraguere ñajamasimi masare serẽbasagu.

<sup>9</sup> I árĩpehreri Goãmure umupeori wihi majare masare apira, marire dohpague majarã buheburi dihta árĩyoro. Pahia erã ñeri dipuwajare waimurãre wejẽra mera masa ne Goãmũ mera tarimasibiriñorã. Pahia erã eropa soe mujuquerecũ masa erã ñeri erã pepirigue ne pehresũbiriñorã.

<sup>10</sup> Goãmũ Moisere apira doreri deyoro maja iiri dihta áhrea. Erã õpa baburi, erã õpa ihriburi, erã õpa coeburi, erã õpa iiri dihta árĩyoro. Eropiro iri doreri marire õarã wacũ iibiriyoro. Goãmũ iri dorerire masa erã iiburire apiñumi Cristo ariboro core.

<sup>11</sup> Dohpaguere Cristopũ mari pahĩ opũ árĩgu arituhadigu áhrimi. Eropigu marire sĩribasara mera marire õarã wacũ iituhadi árĩmi. Eropigu Goãmure mari ñeri dipuwajare cóadoregu Goãmũ árĩrogu ñajaja i yeba maja taribure ñajabiripũ. Umaro maja wihi ñajapurũ. Iri wihi i yeba maja wihi tauro áhrea. Eropiro masa erã iira wihi árĩbeaa.

<sup>12</sup> Eropigu Cristo umarogue Goãmũ ĩgu árĩro gohrague yujusubu ta mari ñeri dipuwajare ñajatupũ. Eropã ñajagũ cabritoa dire, wecũa dire Goãmũ árĩri taribuguerẽ erã aĩ ñajaro dopa iibiripũ ĩgu. ĩgu basi sĩrigũ ĩgu di gohrare cóagu árĩpehrerinuri Goãmũ mera mari õaro árĩniguicãborore iipũ.

<sup>13</sup> Ñeri oparãre guhraricũrãre coewearã erãre wejësiripeomuriñorã cabritoa di mera, wecũa di mera, wecũare erã soera nitĩ mera.

<sup>14</sup> Eropã iĩñorã masa erã dupure ñerire coewea cóarã. Iri tauro Cristopũ ĩgu di mera mari pepirigue mari ñerire õaro coewea cóacãdi árĩmi. Iri ñeri dipuwaja oparã peamegue wabonirã árĩribũ mari. Jesucristopũ ñeri marigu árĩgu ta ĩgu basi crusague sĩrigũ Goãmure ópũ. Espĩritu Santo eropa árĩniguigu ĩgu itamuri mera eropa ópũ ĩgu ĩgu basi. Eropigu ĩgu mari ñerire ĩgu coeweadĩ árĩmi, Goãmũ ojocarigu ya árĩburire mari õaro iimasiboro dopa.

<sup>15</sup> Eropigu “Õpa mũare õaro iigura,” Goãmũ arĩ ĩgu mama werepidiro dopa ta Cristopũ iidigu árĩmi. Eropã iidi árĩmi ĩgu Goãmũ ĩgu beyenirãre taubu. ĩgu eropa taucũ árĩpehrerinuri ĩgu mera õaro árĩrãca mari ĩgu yarã. Eropirã Goãmũ ĩgu yarãre ĩgu oburire oparãca mari. Moise doreri dihta árĩcũ masa erã ñeri iira dipuwajacũrã árĩmuriñorã dohpa. Eropã ñeri iira dipuwajacũrãre taubu ĩgu crusague sĩribasadi árĩmi. ĩgu eropa sĩricũ mari ĩgu yarãre ĩgu oburire oparãca.

16-17 Õpa ähraa mari masare. Yujugu ïgu sïriboro core ïgu acawererã ïgu yare aï gueresibeama. Eropiro ïgu oparire ïgu acawererãre ïgu oburire ïgu gojatuyurapũ ïgu sïriboro core iripũ wjacubeaa dohpa. ïgu sïricũ ïarã iripũ ïgu arï gojadiro dopa ta ïgu yare guererãcoma erã.

18 Eropa ta Goãmũ masare werepimũhtara Moiserẽ ïgu apira doreri sïriro mariro di cóãro mariro ne duhpiburi árïbiriyo. Eropigu waibugũ dire Moise wejësirira pũhrũ ïgu dorerire diaye ta iigu iipũ.

19 Eropigu õpa iimũhtapũ Moise: Goãmũ ïgu apira dorerire masare werepehopũ. Pũhrũ cabritoã dire, wecũã dire deco mera morepũ. Eropigu isopo waïcudigu dũpũ mera oveja poari diari poari mera erã ñimurare turãpũ. Iri dũpũ mera dire yosogu, Goãmũ dorerire ïgu gojarapũ weca wejësiripũ. Árïpehrerã masa weca sãre wejësiripeopũ.

20 Eropa iigu õpa arïpũ ïgu: “Goãmũ marire ïgu werepira ïgu dorera i di mera iri diaye árïcũ masia mari. I dire ïarã diaye ta ïgu arïdiro dopa ta ïgu marire iiburire masia. Maripure irire yũhridoremi,” arïpũ Moise.

21 Eropigu masare ïgu iidiro dopa ta Goãmũ umupeori wihi waimurã gasiri wihire, árïpehreri iri wihi árïri sãre wejësiripeopũ.

22 Eropa ta ähraa. ïgu doreri iri dorediro dopa ta baja ñerire di mera coeweadoreyo. Eropigu di cohoro mariro Goãmũ mari ñeri iirare ne cãdijisome.

*Cristo ïgu dire cóãgu, ïgu yarã erã ñeri iirare coeweapũ*

23 Eropiro i yeba maja wihire, iri wihi árïri sãre ñerire coewearo dopa ta waimurã di mera wejësiripeomuripũ. Eropiro iri tauro umarogue wamorãre erã ñeri dipuwaja oparare coero gahmea. Eropiro waimurã di tauro árïgu ya di mera erã ñerire coero gahmea. Eropirã Jesucristo ya di mera coenirã wabũ maripũ.

24 Eropigu Cristo mari ñeri iira dipuwajare Goãmure cóãdoregu Goãmure erã umupeori wihi masa erã iira wihire ñajabiripũ. I yeba maja wihi umaro maja wihi ïhacũ iira wihi ähraa. Goãmũ ya wihi gohra umaro maja wihi ähraa. Eropigu mari ñeri iira dipuwajare cóãdoregu Goãmũ árïro gohrague ñajapũ Cristo. Umarogue wapũ ïgu Goãmũ core mari ya árïburire serẽbasabu.

25 Pahia opũ bojori nũcũ Goãmũ ïgu árïri taribugue erã ñeri iira dipuwajare cóãdoregu ñajamuripũ waimurã di mera. Cristopũ sïrigũ ïgu dire cóãdigũ Goãmure mari ñeri iira dipuwajare cóãdoregu erã iiro dopa bajasuburi ñajabiripũ.

26 Bajasuburi ïgu dire cóãbu árïgu, i yeba árïropẽ bajasuburi ïgu ñero sïriniguicãboñumi. Yujusubu ta dehyoapũ ïgu i yebaguere i umũ pehrerinũ coregã. ïgu dehyoagu ïgu yujusubu ta sïribasara mera mari árïpehrerã ñeri iirare cóãbu dehyoapũ.

27 Árïpehrerã mari masa sã yujusubu ta sïrirãca. Mari eropa sïrira pũhrũ, õarãre, ñerã sãre beyegucumi Goãmũ.

28 Yujusubu ta mari sïriro dopa ta Cristo sã yujusubu ta sïripũ bajarã masa erã ñero iirare cóãbu. Pũhrũ dipaturi dujarigucumi. Mari ñerire cóãdigugue dujarigucumi. Eropigu irire dipaturi cóãgu arisome. Eropa arigu mucubiriri mera ïgure corerãre taugu arigucumi. ïgu pohogue erãre aigãbu arigucumi.

## 10

<sup>1</sup> Moise doreri pũhrũ Cristo masare ïgu õaro iiburire ïhmura dihta árïbũ.

Eropiro Cristo masare erã ñeri iirare òaro cóãboro dopa iri doreri erã ñerire cóãmasibiriyoro dohpa. Eropiro iri doreri iri iidorero dopa ta pahia bojori n̄c̄u Goãmure waimurãre wejẽ, soe muju, iiniguquerecũ masa erã ñerire cóãmasibiriyoro. Goãmure umupeomorãre òarã árĩcũ iimasibiriyoro iri doreri.

<sup>2</sup> Iri mera masa erã ñerire cóãcũ, yujusubu ta Goãmure erã waimurã wejẽ di cóãra p̄hr̄u erã ñerire cóãpehosũboñuma. Eropirã irisubu majarã, “Dipuwaja mara guare,” arĩ pepiboñuma masa. Eropirã iripêta dipaturi Goãmure waimurã wejẽburire duhucãboñuma.

<sup>3</sup> Õabirimuriñorã dohpa. Eropirã bojori n̄c̄u Goãmure waimurãre wejẽ di cóãcũ masa erã ñeri dipuwajare guñaniguicãñorã.

<sup>4</sup> Wecua di mera, cabritoa di mera ne mari ñeri dipuwajare cóãmasiya mariyoro dohpa.

<sup>5</sup> Iri eropa árĩcũ ïagu Cristo i yebaguere ïgu ariboro core òpa arĩp̄u Goãmure ïgu Pagure:

Waimurãre erã soe muju ocũ, trigo pogare erã ocũ sãre m̄u ïagu ïhasuabeaa m̄hu. Eropigu masa dehyoacũ iib̄u m̄hu yure. M̄hu yure iira d̄p̄u m̄re mucubiricũ yu iiburi d̄p̄u árĩroca.

<sup>6</sup> Ñerire erã cóãborore waimurãre wejẽ erã soe mujucũ ïagu ïhasuabirab̄u m̄hu.

<sup>7</sup> M̄u eropa ïhasuabiricũ ïagu òpa arĩb̄u m̄re: “M̄u gamerire yebague iigu wagura. Yu eropiiburire arĩ gojara ãhraa m̄u yare erã gojarapũgue,” arĩb̄u yuh̄u, arĩmurip̄u Cristo ïgu Pagure.

<sup>8</sup> Negohraguere Goãm̄u ïgu doreri waimurãre trigo poga sãre erã ori mera erã ïgure umupeodorequerecũ ta òpa arĩp̄u Cristo ïgure. “Waimurãre soe muju erã ocũ, trigo pogare erã ocũ sãre gamebirib̄u m̄hu,” arĩp̄u ïgu.

<sup>9</sup> Eropa arĩtuhaḡu òpa arĩnemop̄u: “M̄u gamerire yebague iigu wagura,” arĩp̄u. ïgu eroparĩcũ òpa masia mari. Iribojegue Goãmure erã ñerire cóãdorerã waimurãre wejẽ di cóãrare gohrotoḡu iip̄u Goãm̄u. Eropa gohrotoḡu Cristo ïgu s̄iridiro mera masare erã ñeri dipuwajare tauḡucumi Goãm̄u.

<sup>10</sup> Jesucristo ïgu d̄p̄ure oḡu s̄iriḡu árĩpehrerã mari ñero iirare cóãdiḡu árĩmi. Yujusubu ta Goãmure ïgu d̄p̄ure oḡu marire dipuwaja maricũ iidi árĩmi. Eropa iigu Goãm̄u ïgu gamediro dopa ta iidi árĩmi.

<sup>11</sup> Árĩpehrerã pahia ãm̄uri n̄c̄u Goãmure umupeori wihi mohmenigu-ima. Eropa mohmeniguirã m̄raro ta waimurãre wejẽ soe mujuma Goãmure masa ñerire cãdijidoremorã. Erã eropa iiquerecũ ta erã ñero iirire cãdijibeami ïgu.

<sup>12</sup> Cristop̄u yujusubu ta mari ñeri dipuwajare s̄iriḡu, mari ñero iirare òaro cãdijipehocãcũ iidiḡu árĩmi. Iire cãdijipehocũ iituha waha wap̄u ïgu Paḡu pohrogue ïgu diayep̄u doaḡu waḡu. Op̄u árĩḡu erogue doacumi.

<sup>13</sup> Eroguere doaḡu coreḡu iimi. ïgure ïhaturirãre ïgu Paḡu ïgu tarinugabasaborore coreḡu iimi.

<sup>14</sup> Yujusubu ta ïgu s̄iridiro mera ïgu coenirãre òarã ñeri mariro erã arĩniguicũ iidi árĩmi. Eropiḡu Goãm̄u pohro doami pare.

<sup>15</sup> Jesucristo eropa iiboro core erã arĩ gojamũhtarare arĩ weremi Espiritu Santo marire. Òpa arĩ weremi ïgu:

<sup>16</sup> Òpa arĩmi mari Op̄u: “P̄hr̄uguere òpa arĩ weregura Israe masare. ‘Yu dorerire erã yuhridiacũ iigu erã pepirigue apigura,’ arĩ weregura,” arĩmi ïgu.

<sup>17</sup> Òpa arĩnemomi Goãm̄u:

“Erã ñero iirare dipaturi guñanemosome yũhũ,” arĩmi ïgũ, arĩ weremi marire Espĩritu Santo Goãmũ yare gojarapũgue.

18 Mari ñeri iirare ïgũ cãdijicũ dipaturi mari ñeri dipuwajare sĩribure gamebeaa mari.

*Goãmũ pohro mari ejaro dopa ta ïgũ mera güiro mariro mari wereniguimasia*

19 Cristo ïgũ sĩriro mera ïgũ di cóãro mera mari sã dohpaguere güiro mariro Goãmũ mera wereniguimasia. Eropirã ïgũre serẽmasia.

20 Iribojegue Goãmũ ïgũ árĩri taribugue Goãmũre serẽbu pahia opũ dihta ñajamasimi. Iri taribure Goãmũ árĩrore cãhmotara suhrirore ïgũ dihta tari ñaja serẽmasimi. Dohpague ta mari basi Goãmũ árĩro ñajaro dopa ta Goãmũre serẽmasia. Pahia opũ ïgũ iri taribugue ïgũ dire aĩ ñajaro dopa ta Cristopũ Goãmũ pohrogue ejapũ mari ñeri iirare cãdijidoregũ ejagũ. Eropa iigũ Goãmũ mera mari wereniguibodirore cãhmotadirore cóãdi árĩmi.

21 Goãmũ pohrogue serẽbasagũ mari Goãmũ yarã yagũ pahia opũ turatariagũ àhrimi Jesucristo.

22 Eropirã, yũ acawererã, Cristo mari pahia opũ árĩcũ ïha mari Goãmũ mera wereniguimasirã árĩrã Goãmũre serẽrã. Diaye pepirã árĩrã, “Ïgũ yũhrigũcumi,” arĩ umupearã ïgũre serẽrã. Cristo mari ñerire ïgũ di mera coenirã àhraa. Eropirã “Dipuwajacũrã àhraa,” arĩ pepirã árĩbeaa mari. Eropirã gũhrari mariri deco mera coeweasũnirã iro dopa àhraa. Eropa árĩrã Goãmũre serẽrã.

23 “Mũare taugũra,” ïgũ arĩdiro dopa ta iigũcumi. Eropirã ïgũ marire ïgũ tauboro ðaro mucubirimũhtayua mari. Irire mucubirimũhtayurã ne cãdijibiricãrã. Goãmũre eropa guñaturaniguicãrã. Eropa guñaturarã irire gajirãre wererã mari.

24 Mari mera majarãre mahirã itamurã mari árĩpehrerã mari game mahi mari itamuboro dopa.

25 Eropirã ðaro gamenererã Goãmũre umupearã. Gajirãpũ gamenerebeama Goãmũ yare buhemorã. Erã iiro dopa iibiricãrã. Mari mera majarãre Jesucristore umupearã iirã. I yebaguere mari Opũ ïgũ dujariboro merogã dũhyaa. Irire masirã turaro itamurã mari mera majarãre, Jesu yarãre erã Jesucristore umupearire.

26 Diaye árĩri buherire mari masiquererã ta irire cóãrã ñerire mari eropa iiniguicũ, Jesucristo sĩrira mera mari ñerire cóãnemoboro ne mara.

27 Eropiro eropa iirãre gũhyaro dujaa. Árĩpehrerã ïgũre ïhaturirãre dipuwaja moagũ turaro ãjũrogue cóãgũcumi Goãmũ erãre. Eropirã ïgũ dipuwaja moaborore güirã dihta àhrima ïgũ yare cóãnirã.

28 Moise dorerire tarinũganirãre dipuwaja moarã erãre wejẽmuriñorã. Ne mojomoro ïaro mariro wejẽmuriñorã erãre. ðrerã erã ñero iirare weresãcũ peerã erã tarinũgarare masima. ðrerã maricũ perã erã ñero iirare weresãcũ peerã erãre wejẽmuriñorã Goãmũ dorero dopa ta.

29 Erã iidiro tauro Goãmũ magũre ïhaturirã dipuwaja moasũmorã árĩrãcoma. Cristo ïgũ di cóãro mera marire mari ñeri iirare cóãdi árĩmi Goãmũ. Ïgũ eropa cóãborore wereyupũ ïgũ. Eropirã ïgũ cóãnirã erã árĩquererã ta, pũhrũ ïgũ di cóãrãre “Bu gohra àhraa,” arĩrã ïgũ dipuwaja moamorã gohra árĩrã ta iirãcoma. Eropa árĩrã Espĩritu Santore ñero arĩ wereniguirã àhrima. Ïgũ erãre mahigũ àhrimi. Erã eropa ñero wereniguicũ ïagũ turaro dipuwaja moagũcumi Goãmũ erãre.

<sup>30</sup> Goãmũ eropa iigu árĩgũre masia. Goãmũ ĩgu basi ta õpa arĩpũ: “Yũhũ ãhraa dipuwaja moabu. Erã ñerire iira dipuwaja, dipuwaja moagũra yũhũ,” arĩpũ ĩgu. Õpa arĩnemopũ: “Yaharãre ñero iirãre dipuwaja moagũra,” arĩpũ ĩgu, arĩ gojañuma ĩgu yare gojarapũgue.

<sup>31</sup> Goãmũ ojocarĩgu marire dipuwaja moacũ gũhyataria.

<sup>32</sup> Iribojegue mũa arĩrare guñaque mũa. Irisubure Goãmũ yare ne masinũgarã ñero tariquererã bajasuburi ñero tariquererã ne ĩgu yare cóãbiribũ mũa.

<sup>33</sup> Yujuyerisuburi masa erã ĩhuro gajirã mũare ñero arĩ, ñero pabirama mũare. Eropirã gajirã Jesu yarãre erã ñero iicũ ĩarã erãre mojomoro ĩabũ mũa.

<sup>34</sup> Erã Cristo yarã erã arĩra waja erã peresugue arĩrãre mojomoro ĩabũ mũa. Eropirã mũa yare erã emaquerecũ ta mucubiriri mera “Õaroca,” arĩmũribũ mũa. I yeba maja tauro õarire umarogue mũa opaburire masimũribũ. Iri õari pehrebiriborore masibũ mũa. Irire masirã mũa oparire erã emacũ bujawerebiribũ mũa.

<sup>35</sup> Eropirã irire guñatura duhubiricãque. Goãmũre eropa umupeoniguicãque. Mũa eropa iira waja mũare õaro iigũcumi.

<sup>36</sup> Goãmũ yare õaro iiniguicãro gahmea ne duhuro mariro. Goãmũ yare iirã bocatiũro gahmea. Eropa iirã arĩrã ĩgu gamerire mũa iira pũhrũ ĩgu “Mũare õpa ogũra,” ĩgu arĩ apirare oparãca.

<sup>37</sup> Õpa ãhraa Goãmũ yare erã gojarapũgue: Merogã dũh, ñero pabirama mũare. Eropiryaa Cristo ĩgu eraboro. Eropa eragu mata erapurumujugũcumi.

<sup>38</sup> Yaharã õarãpũ yũre umupeoniguicãrãcoma. Eropirã yaharã arĩniguicãrãcoma. Yũ mera eropa arĩniguicãrãcoma. Yahare cóãnrãpũre ĩhasũasome yũhũ, arĩmi Goãmũ, arĩ gojañuma.

<sup>39</sup> Maripũ Goãmũ yare cóãrã arĩbeaa mari. Eropirã peamegue wamorã arĩbeaa mari. Goãmũre umupeoa mari. Eropirã ĩgu taunirã ãhraa ĩgu pohro wamorã.

## 11

### *Umupeorire werepũ*

<sup>1</sup> Õpa ãhraa umupeori: Goãmũre umupeorã, marire ĩgu õaro iiburire õaro masia. ĩgũre ĩabiriquererã ĩgũre umupeorã “Diaye ta iigu ãhrimi,” arĩ pepia mari.

<sup>2</sup> Iribojegue majarã Goãmũre “Diaye ta iigu ãhrimi,” erã arĩ umupeocũ ĩagu ĩhasũapũ Goãmũpũ.

<sup>3</sup> Goãmũ ĩgu wereniguirĩ mera arĩpehrerire ĩhacũnugupũ. Eropĩgu ĩgu mari ĩabirirare arĩpehrerire mari dohpague mari ĩari sãre ĩhacũnugupũ. Irire mari õaro masia Goãmũre umupeorã.

<sup>4</sup> Goãmũre umupeogu Abelpũ cordero wejẽ, soe mujupũ Goãmũre umupeogu. Eropa iigu ĩgu tĩgu tauro õaro umupeopũ ĩgu Goãmũre. Eropĩgu Goãmũ ĩgu orare mucubiripũ. Eropa mucubirĩgu “Õagu ãhrimi,” arĩ ĩapũ ĩgu Abelre Goãmũre umupeogũre. Abel iribojegue sĩridĩgu mũrũ arĩquerecũ ĩgu Goãmũre eropa ĩi umupeorare guñaã mari sã. Eropa guñarã. Goãmũre umupeoa mari sã.

<sup>5</sup> Enoco Goãmũre ĩgu umupeocũ ĩagu mucubirimũripũ Goãmũ. Eropa mucubirĩgu ĩgũre ĩgu pohrogue aĩmũriapũ. Eropa ta werea Goãmũ yare wereniguirire erã gojarapũgue. ĩgu eropa aĩmũriara pũhrũ masa ĩgũre ne bocabiriñorã. ĩgu eropa aĩmũriadĩgu árĩgu ne sĩribiripũ.

<sup>6</sup> Goãmure umupeobirã ãgure mucubiricũ iimasibea mari. Goãmure serẽdiarã õpa ãgure arĩ pepiro gahmea marire. “Diaye ta ãgu Goãmũ gohra ãhrimi. Eropigu ãgure mari umupeocũ marire õaro iimi ãgu,” arĩ pepiro gahmea. Mari eropa arĩ pepibirã mari ãgure serẽmasibea.

<sup>7</sup> Noé Goãmure umupeogu ãgure ãgu wererare õaro yãhripu. Pũhrũ erã ñero waborore Goãmũ ãgure werecũ peegu õaro yãhripu ãgu. Eropa yãhrigu wãadiru dohodiru iipu ãgu acawererã dia miririñere tarimorã. Noé eropa umupeogu arĩgu i yeba majarã ñerã erã umupeobirirare, erã taribiriboro sãre ãhmugu iimuripu. Eropigu ãgu umupeocũ ãagu “Õagu ãhrimi,” arĩ ãamuripu Goãmũ ãgure.

<sup>8</sup> Abrahã sã Goãmure umupeogu ãgure yãhripu. Gaji yebaguere ãgure ãgu oburi yebaguere Goãmũ ãgure wadorecũ ãgure yãhripu. ãgu ya yebare wirigãgu ãgu masibiriri yebague eja.

<sup>9</sup> “I yebare mure ogura,” Goãmũ ãgu arĩcũ peegu ãgure umupeogu iri yebague eja arĩmerejapu ãgu. Ero arĩmerejaqueregu ãgu gaji yeba majagu arĩro dopa waimurã gasiri wiri mera wihicu curimuripu murano arĩbirinijagu arĩgu. ãgu magu Isaa sã ãgu pãrami Jacobo sã ãgu iiro dopa ta iimuriñorã. “Mure i yebare ogura,” arĩ weremuripu Goãmũ erã sãre.

<sup>10</sup> Eropigu i yebare curigu macari iibirimuripu Abrahã. Gaji macague Goãmũ ãgu arĩri macague umarogue ãgu waborore coregu iipu Abrahã. Iri maca Goãmũ iira maca. Eropigu ãgu umupeocũ ã arĩyoro. Eropigu iri macare ne pehbiriburi macare coregu iipu.

<sup>11</sup> Goãmure umupeogo Sara waicugo, bũro gohra arĩquerego porã marigo arĩquerego ta porãcupo. “Goãmũ ãgu arĩdiro dopa ta iigucumi,” arĩgo ãgure umupeogo porãcupo.

<sup>12</sup> Eropigu Abrahã bugu gohra arĩqueregu ta porãcupu. Eropirã ãgu pãramerã arĩturiarãgue bajarã wacãñorã. Necãre, imipa yerire mari queorã yujuro bojeya mariro dopa ta, ãgu pãramerã arĩturiarã sãre queo bocatũya mariñorã.

<sup>13</sup> Arĩpehrerã oã yu werenirã murague Goãmure umupeotuhajanirãgue siriñorã. Goãmũ “Mure ogura,” ãgu arĩrare opanibirãgue siriñorã. Eropa opabiriquererã “Goãmũ ãgu arĩdiro dopa ta pũhrugue ogucumi guare,” arĩ masiñorã. Eropa masirã mucubirimũhtañorã. Eropirã õpa arĩñorã erã: “I yebague curirã ãhraa. Gaji yeba majarã ãhraa,” arĩmuriñorã erã.

<sup>14</sup> Eropa arĩrã gaji yebare erã ya yeba arĩborore corerã iñorã. Irire õaro masia mari.

<sup>15</sup> “Gaji yeba majarã ãhraa,” erã arĩrã iribojegue erã cóara yebare guñarã iibiriñorã. Iri yebague dujaa wadiarã dujaa waboñuma.

<sup>16</sup> Õari yebapure gahme corerã iñorã. Iri yeba umarogue ãhraa. Erã eropa gahme corecũ ãagu Goãmure “Gua opu ãhrimi,” erã arĩcũ peegu ne guhyasiribiripu Goãmũ. ãgu pohro erã ya maca arĩborore iibasatuhadi arĩmi ãgu. Eropigu guhyasiribiripu.

<sup>17-18</sup> Goãmũ Abrahãre ãgu magure Isaare wejẽ soe mujadorepu. ãgure ãdiagu eropa dorepu, “¿Diaye ta yure umupeori?” arĩgu. Eropigu Goãmure umupeogu ãgu arĩdiro dopa ta iiripu Abrahã. “Mũ magu Isaa mera mũ pãramerã arĩturiarãre opaguca mũhũ,” Goãmũ ãgu arĩdiro arĩquerecũ ãgu magure wejẽbu iiripu Goãmũ dorero dopa ta.

<sup>19</sup> “Yu magure Isaare yu wejẽcũ Goãmũ ãgure masugucumi,” arĩ pepigu ãgure wejẽbu iiripu. Eropigu Goãmũ ãgure cãhmota ãgure wejẽdorebiripu. ãgu pagu ãgu eropa wejẽbu arĩgu Isaa sãribudigu arĩpu. Eropigu sãridi

masadigu iro dopa árĩpu ĩgu. Eropigu Abrahã ĩgure ojocarigu dipaturi opapu ĩgure.

<sup>20</sup> Isaa Goãmure umupeogu ĩgu porãre Jacobore, Esaú sãre “Pũhrugue Goãmũ mũare õaro iigũcumi,” arĩpu.

<sup>21</sup> Goãmure umupeogu Jacobo ĩgu sĩriboro coregã wahgãnũgaja ĩgu tuadigu mera tuañanũgaja Goãmure serẽ umupeopũ. Eropa serẽgu José porãre mũare “Goãmũ mũare õaro iigũcumi,” arĩpu Jacobo.

<sup>22</sup> Goãmure umupeogu José ĩgu sĩriboro coregã Israe masa Egipto árĩrã erã wiriaborore weremũhtarũ. Eropa erã wiriaborore masiyugu ĩgu sĩrira dũpu mũrarore aĩgãdorepu ĩgu porãre.

<sup>23</sup> Goãmure umupeorã urredã abe gohra Moisere dibuñorã ĩgu pagũ sũmarã ĩgu masa dehyoara pũhrũ. Õagugã ĩgu árĩcũ ĩarã ĩgugãre dibuñorã. Iri yeba majagu tauro árĩgu opu ĩgu majirãre wejẽdorerire tarinũgarã ĩgure dibuñorã erã. Erã erã opure gũibiriñorã.

<sup>24</sup> Moisere masudigo i yeba majarã opu mago árĩpo. Eropa igo masudigu árĩqueregu, Goãmure umupeogu “Opu mago magũ ãhrimi,” erã arĩ piyucũ gamebiripu ĩgu Moise. Oparã mera majagu árĩdiabigu Goãmũ yarã mera majagu árĩdiapu.

<sup>25</sup> Goãmure tarinũgadiagu árĩgu ĩgure masudigo pohrogue bajamenũrigã õaro árĩboñumi. Eropa õaro árĩbu árĩqueregu ĩgu Goãmũ yarã mera ñero taridiapu.

<sup>26</sup> Eropigu Egipto majarã ya õarire tauro Cristo ya árĩburire ñero tariburire gamepu. Pũhrugue Goãmũ ĩgure ĩgu õarire oborore masigu ñero taridiapu.

<sup>27</sup> Goãmure umupeogu Egipto majagu tauro opu, ĩgu mera ĩgu guacũ gũibiripu. Eropa gũibigu iri yeba árĩdigũ iri yebare cóãcã waha wapũ. Goãmure ĩabiriqueregu “Goãmũ árĩcumi,” arĩ pepipu ĩgu. Eropigu ĩgu ĩborore ne duhubiripu.

<sup>28</sup> Goãmure umupeogu Moise Israe masare Goãmũ ĩgu tauborore masipu. Eropa masigu Goãmũ ĩgu dorediro dopa ta Israe masa erã disiporore erã tura mijirire di mera wejẽsiri tuhdorepu. Eropa dorepu anyu masare wejẽgu erã masa tĩrãre wejẽbodigu Israe masa erã masa tĩrãre wejẽbiriñoro dopa.

<sup>29</sup> Goãmure umupeorã Israe masa deco diariya waĩcũriya deco watope árĩri maha deco mariri maha taribujãñorã. Erã eropa taribujacũ ĩarã Egipto majarãpu erãre nũrũsuarã erãre ĩhacũ taribujanirã miri sĩria wañorã.

<sup>30</sup> Goãmure umupeorã Israe masa Jericó maca sãriro, wũari sãriro pũrũpu majisora curiñorã. Siete nũri gohra iri macare majisora curiñorã erã. Iri nũcu nũri erã majisorara pũhrũ iri sãriropũ dijapehrea wayoro.

<sup>31</sup> Iri maca majago mũma mera ñero iidigo Rahab waĩcũgo Goãmure umupeogo Israe masare itamupo. Iri macare erã cóãboro core bajamerãgã Israe masa erogue erã ñaja duhricũ ĩha igo erãre itamupo. Eropirã Israe masa iri maca majarãre Goãmure tarinũganirãre wejẽpehoquererã ta igopure wejẽbiriñorã.

<sup>32</sup> Gajirãre Goãmure umupeonirãre werenemoboya yũhũ. Eropa were diaqueregu ta bajarãre eropa Goãmure umupeorã sãre were gojapehomasibirica yũhũ. Gedeõ, Baraca, Sansõ, Jefe, Davi, Samue, Goãmũ yare weremũhtanirã sã árĩpehrerã yũ werebonirã ãhrima.

<sup>33</sup> Goãmure umupeorã yujurãyeri gaji yebarigue árĩri macari majarãre gamewejẽ tarinũgañorã. Eropirã gajirã diaye dorenirã árĩñorã. Gajirã



Goãmũ eräre “Mũare itamugũra,” ãgũ arĩdiro dopa ta ãgũ itamurire bocañorã. Eropa ãgũre umupeorã yeea eräre badiacũ eräre erã babiricũ iĩñorã erã.

<sup>34</sup> Turaro ãjũri peameri árĩquerecũ ta ãjubiriñorã erã Goãmũre umupeonijarã. Gajirã eräre ñose wejẽdiacũ duhrigã wañorã erã Goãmũre umupeorã. Turabirã árĩquererã Goãmũre umupeo, turarã wañorã. “Goãmũre umupeorã ãhraa. Gamewejẽ turarã ãhraa,” eropa arĩrã árĩcũ gaji yebari majarã surara erã wejẽrã arirã ne yujuro bojebiriñorã.

<sup>35</sup> Goãmũre erã umupeocũ ãagũ yujurãyeri nome erã acawererã sĩricũ ãagũ Goãmũrũ eräre masupũ.

Gajirãpũre “Goãmũre gamebircãque,” erã arĩ peresu iicũ erãpũ Goãmũre duhubiriñorã. “Mũa Goãmũre duhucũ mũare taurãca,” arĩñorã eräre. Erãpũ duhubiriñorã Goãmũ mera erã õaro masaborore gamerã. Eropirã eräre erã ñero iicũ sĩria wañorã.

<sup>36</sup> Gajirãre Goãmũre umupeorãre ñero arĩ wereya eräre tãramuriñorã. Eropirã gajirãre guburire, mojotorire diricãa peresu iĩñorã.

<sup>37</sup> Goãmũre umupeorãre ñerã utã mera dea wejẽmuriñorã. Gajirãre erã dũpũre seroti mera wiritamuriñorã. Gajirãre ñoserimijiri mera ñose wejẽmuriñorã. Eräre Cristore cóadorerã erã ñero iimuriñorã. Gajirã eräre ñero iicũ oveja gasiri mera, cabra gasiri mera suhricũrã mojomorocũrã árĩmuriñorã.

<sup>38</sup> Erã õatariarã erã árĩcũ i yeba majarã ñerã erã mera majarã árĩbonirã árĩbeama. Wiri marirã arĩrã, masa marirogue utã yucũgue árĩgãri siaricãmuriñorã. Eropa árĩgãri siarirã utã yucũgue árĩri goberigue, yebague árĩri goberi sãre carĩgãri siaricãmuriñorã.

<sup>39</sup> Oã árĩpehrerã Goãmũre erã umupeocũ ãagũ mucubiripũ ãgũ. “Õaro iibabũ mũa,” arĩpũ. Erã eropa õaro umupeoquerecũ Goãmũ eräre “Mũare taugũra,” ãgũ arĩdiro ejanibiriya dohpa.

<sup>40</sup> Õpa arĩ pepipũ Goãmũ: “Õãre yaharãre, pũhrũgue arĩrã yaharã mera yujuro mera taugũra,” arĩ pepipũ. ãgũ eropa arĩ pepidiro dopa ta iigũcumĩ. ãgũ eropiicũ õatariaro árĩroca ero core ãgũ iidiro tauro.

## 12

### *Jesure eropa umupeoniguicãrã mari*

<sup>1</sup> Eropirã oãre yũ werenirãre bajarã Goãmũre umupeonirãre, ñerire iibirinirãre masirã árĩpehreri ñero iirire duhucãrã mari sã. Õpa ãhraa mari queoriñe mera werecũ: Nũcũrĩre opagũ omari masũ turaro omamasibeamĩ. Eropa ta mari Goãmũ gamerire iimasibea mari ñerire iicũ. Eropirã irire duhucãrã mari. Eropirã Goãmũ ãgũ gamero dopa ta õarire iiniguicãrã.

<sup>2</sup> Eropirã Jesure eropa guñaniguirã. ãgũ ta ãhrimi marire umupeo guñaturacũ iigũ. Eropigũ marire umupeonemocũ sãre iimi ãgũ. Crusague sĩrigũ yujuro bojepũ. Pũhrũ ãgũ mucubiriborore masigũ crusague sĩripũ. Eropa sĩrigũ gũhyasĩribodigũ árĩqueregũ gũhyasĩribiripũ ãgũ. Eropa iira pũhrũ dohpague Goãmũ ãgũ opũ ãgũ doaro diayerũ doanijagũ ãgũ dorebũ iimi.

<sup>3</sup> Ñerã masa ãgũre ñero erã iicũ yujuro bojepũ ãgũ. ãgũ eropa iidigũre guñaque mũa, mũa sã ñero tarirã “Yujuro bojebiriboca,” arĩrã. Irire guñaque mũa ãgũre umupeo duhuri arĩrã.

<sup>4</sup> Ñerire mũa tarinũgaboro dopa Jesu iro dopa ñetariaro gohra tarinibea mũa. Ñerã mũare wejẽnibeamã.

<sup>5</sup> ¿Goãmũ mũare ãũ porãre ãũ wererare cãdijicãri mũa? Őpa arĩũ ãũ:

Yũ magũ, yũhũ mũare werecũ eropa pepicãbita. Yũhũ mũare turicũ peegũ bujawerebita.

<sup>6</sup> Árípehrerã yũ mahirãre werea. Eropigũ arĩpehrerã “Yũ porã ãhraa mũa,” yũ arĩ ãarãre tarinũgadorebeaa. Eropigũ erã tarinũgacũ ãha erãre yũ porãre merogã dipuwaja moaa, arĩũ Goãmũ.

<sup>7</sup> Ñero tarirã yujuro bojeque “Goãmũ yũre weregũ iimi,” arĩrã. ãũ yare duhubiricãque. Goãmũ mũare ãũ porãre merogã dipuwaja moagũ iimi. Erã pagũ sũmarã erã porãre eropa werema. Eropirã erãre dipuwaja moama. Eropa ta iimi Goãmũ sã marire ãũ porãre.

<sup>8</sup> Goãmũ arĩpehrerãre weremi. Goãmũ mũare ãũ werebircũ ãũ porã gohra arĩbeaa mũa. Eropirã ãũ porã arĩbirã yujugũ majigũ ãũ pagũre ãũ masibiro dopa ta ãũ weresũya marigũ arĩro dopa ta ãhraa mũa. Eropirã Goãmũre “Yũ pagũ gohra ãhrimi,” arĩmasibeaa mũa ãũ mũare werebircũ.

<sup>9</sup> Mari pagũ sũmarã marire erã werecũ peerã erãre umupeoa mari. Mari pagũ sũmarãre mari umupeoro tauro umupeoro gahmea mari Pagũ Goãmũ ãũ werecũ. Eropirã ãũre yũhriro gahmea marire. Eropa yũhriã arĩpehrerĩri ãũ mera arĩrãca.

<sup>10</sup> Bajamenũrigã mari pagũ sũmarã erã gamero dopa marire were dipuwaja moama. Goãmũrũ marire õaro weremi. Eropigũ ãũ masiri mera marire dipuwaja moami marire õarã masadoregũ. Eropa iimi ãũ marire ãũ iro dopa õarã mari arĩboro dopa.

<sup>11</sup> Marire ãũ dipuwaja moacũ mucubiribeaa mari. Mari bu bujawerea. Eropa bujawerequererã ta ãũ eropa dipuwaja moara pũhrũ õarã arĩrãca mari. Eropirã ãũ wererire peenirã arĩrã gajiropa iiro mariro õaro arĩrãca.

*Goãmũ marire ãũ dorerire mari yũhribircũ gũhya ãhraa marire*

<sup>12</sup> Eropirã guñaturabirã arĩquererã ta Goãmũre õaro guñaturarã arĩque. ãũre duhubiricãque.

<sup>13</sup> Őaro diaye maja mare mũa waro dopa ta pee gorowerero mariro õaro diaye ta Goãmũre yũhrique. Mũa eropiicũ ãhacũrã gajirã Jesu yarã gajiropa arĩrire iisome. Eropirã turabirã turarã warãcoma.

<sup>14</sup> Árípehrerã masa mera õaro arĩque gamequeãro mariro. Eropirã ñero iibiricãque. Ñeri marirã dihta mari Opũ Cristore ãarãcoma.

<sup>15</sup> Őaro iique mũa. Goãmũ mũare ãũ itamucũ õaro yũhrique. Ñeri tiari iri oterire iri goroweoro dopa ta mũa sã Cristo yare duhu ñerire guñaniguibiricãque gajirãre goroweorĩ arĩrã.

<sup>16</sup> Ne nome mera ñero iirã arĩbiricãque. Eropirã Goãmũ yare gamebirã arĩbiricãque. Eropa arĩgũ arĩrũ Esaú. ãũ masa ãũ arĩripũ. Eropigũ ãũ pagũ yare ãũ sĩrira pũhrũ opabu arĩripũ. Eropa arĩqueregũ yujunũ barire gametarigũ iri barĩ mera ãũ pagũ magũre ãũ ãũ opaborore bu gohrotopũ.

<sup>17</sup> Pũhrũ ãũre warare masia mũa. ãũ eropiira pũhrũ ãũ pagũ ãũre Esaúre õaro arĩdoreburire Goãmũre serẽbasarire turaro gameripũ daja Esaúrũ. ãũ eropa gamequerecũ ta ãũ pagũ magũrũre ãũ ãũ opaburire gohrotora dipuwaja ãũjiropa arĩrire iisome. Eropirã pagũ ãũre obiripũ. Eropa gamegũ turaro orequeregũ ãũ pagũre serẽqueregũ irire opamasibiripũ Esaú.

18 Goãm̃ dorerire Moisere ïgu apicũgue mari acawererã Israe masa mura Goãm̃ pohro ejaboro guhya árĩyoro. Dohpaguere m̃apure eropa árĩbeaa. Õpa wayoro erãre. Goãm̃ ïgu dorerire Moisere iri dorerire apigũ erã árĩri yeba majagu utãgugue árĩpũ. Irigupũ Sinaí waĩcudigũ árĩyoro. Eropiro erã Goãm̃ pohro ejamorã irigugue erã ejacũ turaro peame ùjuyoro. Eropiro naitĩaro, imica curu, turaro miru sã árĩyoro irigũ utãgure.

19-20 Erogue erã ejacũ corneta busuyoro. Eropiro wereniguiro cariyoro. ïgu eropa wereniguiro ejaricucũ peerã masa yujuro bojebiriñorã. Goãm̃ erãre guhyaro mera õpa arĩ dorepũ erãre: “Árĩpehrerã irigũ utãgure pẽhrerãre utã mera dea wejẽque erãre. Irigũ utãgure pẽhregũ waibugũ gohra ïgu árĩquerecũ ïgu sãre utã mera dea wejẽcãque. O ñoserimiji mera ñose wejẽque ïgure,” arĩpũ Goãm̃. ïgu eroparĩcũ peerã yujuro bojebiriñorã erã.

21 Eropigũ árĩpehrerire utãgugue guhyaro árĩrĩre ïagu õpa arĩpũ Moise: “Bũrigã güigũ naragãgu iiaa,” arĩpũ ïgu.

22 Iribojegue Israe masa Goãm̃ ïgu árĩdigũ utãgugue ejamasibiriñorã sĩriri arĩrã. Dohpaguere m̃apũ Jesu yarãpũ Goãm̃ árĩdigũ utãgugue, Siõn waĩcudigugue, umaro majagugue m̃arijaro dopa ta diaye ta Goãm̃ mera wereniguimasia. Goãm̃ ojocarigũ ïgu ya macague m̃arijaro dopa ta diaye ta ïgu mera wereniguia m̃a. Iri maca gajĩ maca mama maca Jerusalén umaro maja maca ãhraa. Ero anyua bajarã gohra ãhrima. Goãm̃re umupearã mucubiriri mera gamenererã ãhrima.

23 Eropirã m̃apũ ïgu ya maca majarã árĩrã, erogue Goãm̃ porã árĩmũhtarã mera m̃a gamenere árĩbodiropã dopa ta ãhraa. ïgu porã erã waĩre ïgu gojaturapũgue umarogue erã waĩre gojatunirã ãhrima. ïgupũ mari Pagupũ árĩpehrerã beyebu ãhrimi. ïgu mera majarã ãhraa m̃apũ. Eropirã gajirã õarã Goãm̃ yarã mera gamenererã dopa ta ãhraa m̃a sã. Erãre ta ñeri marirã iituhapũ Goãm̃.

24 Eropirã Jesu mera majarã ãhraa m̃apũ. Negohraguere ïgu dore apirare gohrotogu “Mũare õaro iigũra yũhũ,” arĩ apipũ Goãm̃ marire. ïgu eropa arĩ apidiropã dopa ta iidigũ árĩmi Jesu. ïgu dire cohã ïgu sĩrirañe mera marire õaro taricũ iimi ïgu. Abelre ïgu di cóãrãre ïagu Goãm̃ Abelre wejẽdigũre dipuwaja moapũ. Jesucristo ïgu di cóãrapure ïagu marire dipuwaja marirã árĩcũ iipũ. Eropiro Abel ïgu di cóãra bu gohra árĩya. Cristopũ ïgu di cóãra pũhrũ õatariaro iipũ Goãm̃ marire. Eropiro Cristo ïgu di cóãra bu gohra árĩbiriya.

25 Eropirã õaro iique m̃a. Goãm̃ yare m̃are weregure õaro yũhrirã árĩque. Iribojegue i yeba árĩdigũ Moise Goãm̃ yare ïgu werecũ peerã, bajarã irire peediabiriñorã. Erã eropa peediabirira dipuwaja, dipuwaja moapũ Goãm̃ erãre. Erã tauro dipuwaja moagucumi Cristore cóãrãre. Cristopũ umarogue árĩgu Goãm̃ yare weregũ ãhrimi.

26 Irisubure Moisere ïgu dorerire ïgu apirasubure Goãm̃ ïgu wereniguiro mera yeba ñohmecũ iipũ. Dohpaguere õpa weremi ïgu: “I yeba ñohmecũ yujusubu ta iinemogura. I yeba dihta ñohmecũ iisome yũhũ. ðmarogue sãre ñohmecũ iigũra,” arĩ werepũ ïgu.

27 “I yeba ñohmecũ yujusubu iinemogura,” arĩgu, “Árĩpehrerire yũ ñhacũnugurare cóãgura,” arĩgu iipũ. Goãm̃ ïgu opũ árĩroguere cóãmasiya mara. Eropiro ïgu ñhacũnugurare ïgu cóãcũ ïgu opũ árĩro dihta dujaroca.

<sup>28</sup> Īḡu opu árĩroque warāca mari. Eropirā Īḡu opu árĩrore Īḡu cóābiricũ ĩarā, Goāmure “Ōhaa,” arĩrā mari. Eropirā umupeori mera, ḡuhyadiaro mera Īḡu yare iirā mari Īḡure mucubiricũ iimorā.

<sup>29</sup> Peame ĩjuro ḡuhyaro dopa ta Goāmũ ḡuhyaro dipuwaja moaḡu āhrimi. Eropirā Īḡure ḡuhyadiaro mera umupeorā.

## 13

### *Ōpa Goāmure mucubiricũ iique*

<sup>1</sup> Mũa mera majarāre mahi duhubiricāque.

<sup>2</sup> Masa mũa masibirā árĩquerecũ erāre ōaro mera mũa ya wirigue ñajaridoreque. Gajirā eropiirā, masibiriquererā anyuare erā ya wirigue ñajaridoreñorā. Eropirā mũa sã eropa ta iique.

<sup>3</sup> Peresu árĩrāre mojomoro ĩaque. Mũapu erā mera peresugue árĩrā mũa árĩboro dopa ta erāre mojomoro ĩaque. Gajirā erā ñero tarirā sãre mojomoro ĩaque. Erā iro dopa mũa sã ñero tariro dopa ta erāre mojomoro ĩaque.

<sup>4</sup> Mũa mojoto dirinirāre árĩpehrerā ōaro game umupeoque mũa. Eropirā mojoto dirinirā gajirā mera ñero iirā árĩbiricāque. Árĩpehrerā ume nome mera ñero iinirāre, nome ume mera ñero iinirā sãre dipuwaja moaḡucumi Goāmũ.

<sup>5</sup> Niyerure gamerā ne árĩbiricāque. Ōpa arĩpu Goāmũ: “Mũare ne cóāsone. Eropa itamuniguigara,” arĩpu Īḡu. Eropirā mũa opari mera iripēta mucubirique. Wũaro gamenemobiricāque.

<sup>6</sup> Eropirā ḡũiro mariro ōpa arĩ pepirāca marmera mũa ya wirigue ñajaridori:

Mari Opu marire itamugu āhrimi. Eropirā ne ḡũisome mari. Masa marire erā ñero iiborore ḡũisome mari, arĩ pepirāca mari.

<sup>7</sup> Goāmũ yare mũare werenirāre mũare dorenirāre ḡuñaque mũa. Eropirā ōaro erā árĩricurare ḡuñaque. Eropa ḡuñarā, Cristore erā umupeorare ĩhacũque mũa.

<sup>8</sup> Jesucristo ne gohrotobeami. Iribojegue, dohpague sãre, pũhrugue sãre Īḡu árĩdiro dopa ta árĩniguicāḡucumi Īḡu.

<sup>9</sup> Baja buheri gajiropa árĩri buherire peebiricāque ōari buherire ḡuague cohāri arĩrā. “Ire baque. Ire babiricāque,” arĩ buhemaacāma gajirā. Eropa arĩrire mari yũhricũ iri marire itamubea. Eropiro eropa arĩ buherire mari iicũ bu gohra ta āhraa. Iri marire ḡuñaturarā árĩcũ iibeaa. Goāmũ marire ḡuñaturacũ iimi.

<sup>10</sup> Cristo mari ñeri dipuwajare sĩridi árĩmi mari ñerire cóābu. Pahiapu ōpa arĩrā āhrima: “Waibũḡu yu Goāmure wejē soe mujucũ, Goāmũ mera tarigũca,” arĩrā iirima erā. Eropa arĩrā erā ñeri iirare ne cóānirā árĩmasibeama.

<sup>11</sup> Pahia opu Goāmũ Īḡu árĩri taribu gohrague waibũḡu wejēdigu dire arĩ ñajagu Goāmure opu masa erā ñerire cóādoḡu. Eropigu Īḡu wejēdigu waibũḡure iri maca tũroque soe cóācãñorā.

<sup>12</sup> Eropa ta Jesu sã maca tũroque sĩripũ. Īḡu di cóāri mera masa ñeri marirā wacũ iibu sĩripũ.

<sup>13</sup> Maca tũroque Īḡu sĩricũ ĩarā, erā buherire Īḡu cóācũ ĩarā judio masa Īḡure ĩhaturiñorā. Eropirā mari sã Īḡu mera majarā árĩrā. Mari eropa árĩcũ ĩarā masa mari sãre ĩhaturirācoma.

<sup>14</sup> Erā marire ĩhaturiquerecũ āhraa. I yebague mari árĩwajaburi maca árĩbeaa. Mari pũhrugue árĩburi macare corerā iiaa mari.

<sup>15</sup> Eropirã Jesu ïgu itamuro mera ïgu Pagu mera wereniguia mari. Eropirã ïgure ðaro serêniguicãrã. “Mari Pagu turagu ãhrimi,” arĩ umu-peoniguirã gajirãre wererã. Mari eropa arĩ werecũ ïgu mucubirigucumi.

<sup>16</sup> Mũa mera majarãre ðaro iique. Mũa oparire gajirã sãre oque. Irire cãdijibiricãque. Mũa eropa ðaro iirã Goãmure umupeorã iica. Eropa iirã ïgure mucubiricũ iirãca.

<sup>17</sup> Mũa oparãre ðaro yũhrique. Erã dorero dopa ta yũhrique. Goãmũ muare ïhadibu buhedoregu apimi erã oparãre. ïgu eropa apinirã árĩrã eropa muare ïhadibuniguirã iima Goãmure tarinugadiabirã. Eropirã erãre ðaro yũhrique mũa erã mucubiriri mera muare itamuboro dopa ta. Mũa yũhribiricũ ïarã erã bujawererãcoma. Eropa yũhribirã ðaro árĩsome mũa.

<sup>18</sup> Guare serêbasaniguique Goãmure. Æmuri nũcu ðari dihtare iidiaa gu. Eropirã “Ñerire iirã iiaa,” arĩ pepibea gu.

<sup>19</sup> I tamerare turaro serêbasaque Goãmure yure: Yojaro mera yũ mũa pohrogue wamasiborore serẽque Goãmure.

*Ipũ gojabeodigu ðadoretupũ*

<sup>20</sup> Goãmũ marire ðaro árĩcũ iigu ãhrimi. ïgu mari Opũ Jesucristo sĩridigure masupũ. ïgu “Mũare ðaro iigura,” marire arĩ apidigu ãhrimi. ïgu eropa arĩrare iinijagu Jesupũ marire taugu ãhrimi. Mari ñeri dipuwajare ïgu di cohã sĩripũ ïgu. Eropigu ïgu turagu, ovejare ïhadibugũ iro dopa árĩgu, marire ïgu yarãre ðaro ïhadibumi.

<sup>21</sup> Eropigu Goãmũ ïgure masudigu mũa sãre itamuporo árĩpehreri ïgu gamerire mũa iiboro dopa. Eropigu Jesucristo ïgu itamuri mera Goãmũ ïgu gamero dopa ta árĩpehrerã marire ðarire gohrotocũ iiporo. Eropirã árĩpehrerinuri Cristore umupeorã. Eropa ta iirã.

<sup>22</sup> Yũ acawererã, ire turaro muare doregura: Ipũ muare yũ wererare ðaro mera peeque mũa. I yũ muare gojabeoripũ wũaripũ árĩbeaa. Eropirã ire ðaro peeque.

<sup>23</sup> I sãre muare weregura: Mari acaweregure Timoteore peresu árĩdigure wiuañorã. Dohpagohragã ïgu aricũ yũhu ïgu mera muare ïagu wagura.

<sup>24</sup> Mũa oparãre, árĩpehrerã gajirãre Goãmũ yarãre ero árĩrãre ðadorea. Italia majarã Jesu yarã sã muare ðadorea.

<sup>25</sup> Árĩpehreri mera Goãmũ muare ðaro iiporo. Eropa ta iiporo. Iripẽta ãhraa.

## Santiago

### *Santiago Israe masare macari wasirinirãre gojabeoñumi*

<sup>1</sup> Yũhũ Santiago ipũ mera mũare ðadore gojabeogu iiaa. Goãmũ mari Pagũ pohro majagu ãhraa. Mari Opũ Jesucristo yare mohmegũ ta ãhraa yũhũ. Eropigu mũare Israe masare doce cururi majarãre Jesu yarãre macari wasirinirãre yũ acawererãre gojabeogu iiaa.

### *Goãmũ ðaro pee masire ohomi marire, arĩ gojañumi Santiago*

<sup>2</sup> Yũ acawererã, baja árĩroca mũa ñero tariburi. Mũa ñero tariquererã ðaro mucubiriri mera pepicãque.

<sup>3</sup> Eropa ñero tarirã, Jesure mũa umupeorire diaye ta árĩcũ ìhmurã iica. Eropirã ñero tariquererã Jesure mũa ðaro umupeoniguicãnirã ìgũre umupeonemorã warãca. Eropa warã mũa ñero tarire bocatũurãca.

<sup>4</sup> Eropirã eropa bocatũurã árĩque mũa duhuro mariro ðaro pee masirã mũa árĩboro dopa.

<sup>5</sup> Goãmũ duhyaro mariro árĩpehrerãre ohomi. Eropa ogũ ìgũre serẽrãre turibeami ìgũ. Ìgũ eropa árĩgũ árĩcũ masirã mũare pee masiri duhyarire ìgũre serẽque. Mũa eropa serẽcũ mũa masiburire onemogucumi ìgũ mũare duhyaro mariro.

<sup>6</sup> Eropa serẽrã Goãmũre ðaro guñaturanijarã serẽque mũa. “Gũa serẽcũ Goãmũ guare obiribocumi,” arĩ pepibiricãque. Eropa arĩ pepirã wũariya maja pãgũri iro dopa ãhrima. Pãgũri iri dũrũro gohroto dopa ta erã sã erã guñarire dũrũro gohrotoma. Eropirã Goãmũre “Diaye ta ìgũ ãhrimi,” arĩ umupeobeama.

<sup>7</sup> Eropa arĩ pepirãre erã serẽquerecũ ta ne merogã erã serẽrere osome erãre mari Opũ.

<sup>8</sup> Dohpagãre ire gamedigu árĩqueregũ daja ñamigãre gajiropa guña wahgãmi daja. Eropa guñağũre ero wabeaa.

<sup>9</sup> Jesu yarã bu árĩrãre mojomorocũrãre Goãmũpũ oparã iro dopa ìhami erãre. Ìgũ eropa ìarã árĩrã mucubiriri mera árĩporo.

<sup>10</sup> Eropirã Jesu yarã doberi oparã árĩrãpũ erã doberi pehrebore masirã mucubiriporo. Erã doberi bu árĩri ãhraa Goãmũ ìgũ ìacũ. Doberi oparã erã doberi taa gori iro dopa pehrea waroca. Eropirã erã sã mucubiriporo.

<sup>11</sup> Abe mũririgu ìgũ turaro asicũ taapũ ñañia wahaa. Eropiro goripũ ñañi dija wa, ðari gori iri árĩra pehrea wahaa. Eropa ta waroca doberi oparã erã doberire erã aĩ gameneoro watope. Erã iri doberi mera ta dederea warãcoma.

### *Ñero iidorerire tarinũgagũ mucubirigu ãhrimi, arĩ gojañumi Santiago*

<sup>12</sup> Ñero tarigu bocatũugũ, ñero iidorerire tarinũgagũ mucubirigu ãhrimi. Ìgũ eropa bocatũucũ, ìgũ ñerire tarinũgacũ árĩpehrerinũri nũcũ umaro maja ojocaririre ìgũre ogucumi Goãmũ. “Iri ojocaririre ogũca,” arĩ apipũ Goãmũ árĩpehrerã ìgũre mahirãre.

<sup>13</sup> Mũa ñerire iidiarã “Goãmũ yũre ñero iidoregũ iimi,” arĩ pepibita. Ñerire iidorebeami Goãmũ marire. Eropigu ìgũpũ masare ñero iidoregũ árĩbeami.

<sup>14</sup> Masa erã turaro ñerire erã uaribejari ta iri ta erãre ñero iicũ iiaa.

<sup>15</sup> Eropirã iri ñerire ñaribejama masa. Eropirã iripure pepima. Eropa pepirã iri ñeripure iiniguicãma erã. Erã eropa iiniguiri dipuwaja Goãmũ erãre peamegue cóãgũcumi.

<sup>16</sup> Eropirã yũ acawererã, yũ mahirã, ne yujugũ mũ basi gũyabita. “Goãmũ yũre dorecũ ñero iiabũ,” arĩ pepibita. Diaye árĩbeaa iri.

<sup>17</sup> Mari Pagũ ñamaro majagũ marire õari dihtare ohomi. Ìgũ tamera abe ñamũ majagũre, ñami majagũre, necã sãre ñhacũnugudigũ árĩgũ, Ìgũpũ ne gohrotobeami. Eropigũ Ìgũ árĩniguiddo dopa árĩniguicãmi.

<sup>18</sup> Ìgũ gamediro dopa ta Ìgũ õari buheri mera marire Ìgũ porã wacũ iimi mari Ìgũ yarã árĩmũhtarã árĩboro dopa.

*Diaye maja Goãmũre umupeori õpa ãhraa, arĩ gojañumi*

<sup>19</sup> Yũ mahirã, yũ acawererã, ire õaro peeque mũa. Goãmũ yare õaro peeque mũa. Eropa peerã, pepiro mariro wereniguibiricãque. Eropirã guabiricãque.

<sup>20</sup> Yujugũ Ìgũ guagũ árĩcũ sũabeami Goãmũ.

<sup>21</sup> Eropirã árĩpehreri mũa ñeri iirire, mũa ñerire ñaribejarare duhuque mũa. Eropirã Goãmũre õaro yũhrirã árĩrã Ìgũ buherire peeñaque mũa. Ìgũ ya buherire mũa peecũ Goãmũpũ mũare peamegue wabonirãre taugũcumi.

<sup>22</sup> Ìgũ yare peequererã ta yũhribirã ñerire gũyarire pepirã iiaa mũa. “Yũhribiricũ õaroca,” arĩ pepirã gũyarire pepirã iica mũa. Eropirã Ìgũ yare peerã iripure iique.

<sup>23</sup> Goãmũ yare peequererã ta yũhribirã, Ìgũ diapore diuru mera aĩ ñaro dopa ãhraa mũa.

<sup>24</sup> Ìgũ Ìgũ diapore ñara pũhrũ waha, Ìgũ ñarare cãdijiro dopa ta mũa Goãmũ yare peequererã irire cãdija waha.

<sup>25</sup> Eropigũ gajigũpũ Ìgũ peerare cãdijibigũpũ Cristo Ìgũ dorere õaro guñagũ irire iigũ mucubirigũ árĩgũcumi. Ìgũ tamera Ìgũ peerare iicũ Goãmũ õaro iimi Ìgũre. Iri doreri “Cristo Ìgũ mahiri mera masare taumi,” arĩ buheri ãhraa. Iri buherire ne cóãbigũ mucubirigũ árĩgũcumi.

<sup>26</sup> Yujugũ Ìgũ gamero arĩmaacãgũ, diaye ta Goãmũre umupeobeami. “Goãmũre õaro umupeoa,” arĩ pepibodigũ árĩqueregũ ta Ìgũ basi ta gũyagũ iimi. “Goãmũre umupeoa,” arĩgũ árĩqueregũ Ìgũ Goãmũ yare yũhribiricũ Ìgũ umupeori ne duhpiburi árĩbeaa.

<sup>27</sup> Diaye ta Goãmũ mari Pagũre mari umupeorã, Ìgũ gamero dopa ta umupeorã õpa iiaa mari: Pagũ sũmarã marirãre, wapeweyarã sãre erã ñero taricũ ñarã, erãre itamua mari. Eropirã i yeba majarã ñeri erã iirinore iidiabeaa mari. Eropa iirã diaye ta Goãmũre umupeorã iiaa mari.

## 2

*Masare yujuropa õaro iiro gahmea marire, arĩ gojañumi*

<sup>1</sup> Yũ acawererã, õatariagũre Jesucristo mari Opũre peerã, Ìgũre umupeorã ãhraa mũa. Eropa umupeorã árĩrã masare yujuropa õaro iiro gahmea mũare.

<sup>2-3</sup> Eropi doberi opũ oro berorire, mojoto sañari berorire opagũ, wajacũrre suhricũgũ mũa Jesu yarã gamenerero pohrogue Ìgũ aricũ ñarã Ìgũre õaro mera bocatĩriboca. “Ohõ doaro ãhraa,” arĩboca mũa Ìgũre. Eropa Ìgũre arĩquererã ta irisubu ta gajino moogũ mojomorocũgũ

sã ñeriñe suhricuꝑũ sã mua pohro iꝑũ aricũ iara iꝑuꝑũre ðaro bo-  
catĩribiriboca mua. “Ohõ niguique. Ohõ yeba doaque,” arĩboca mua  
iꝑũre.

<sup>4</sup> Mua eropa iirã masare yujuropa iibirã iiaa mua. Eropirã ñerire pepirã  
masare beyerã iro dopa arĩrã iica mua. “Iꝑũ niyerucũꝑũ ðaꝑũ aħrimi. Iꝑũ  
gajino moogu ñegu aħrimi,” arĩ beyea mua.

<sup>5</sup> Yũ acawererã, yũ mahirã, yũre peeque. Bajarã mojomorocũrãꝑũre  
Goãmũre erã ðaro umupeomorãre, iꝑũ opu arĩroguere arĩmorãre beyerũ  
Goãmũ. “Eroguere warãca mua,” arĩ apĩꝑũ Goãmũ iꝑũre mahirãre.

<sup>6</sup> Erãre iꝑũ beyequerecũ ta muaꝑũ mojomorocũrãre ðaro umupeobea.  
Doberi oparãꝑũ muaire ñero iimũrima. Eropirã erã opu pohroguere muaire  
aĩ taragãma muaire weresãmorã.

<sup>7</sup> Mũarũ “Cristo ðaꝑũ yarã,” masa erã arĩrã aħraa. Baja doberi oparãꝑũ  
Cristore ñero arĩ wereniguima.

<sup>8</sup> Goãmũ mari Oꝑũ doreri tauro doreri ðpa arãa: “Mũ basi mahiro dopa  
ta mũ pohro arĩrã sãre mahique,” arãa. Iñe doreriñere iirã, ðarire iiaa  
mua.

<sup>9</sup> Masare yujuropa umupeobirã ñero iirã iiaa mua. Eropa iirã Goãmũ  
dorerire tarinũgarã aħraa mua. Eropa ta arãa Goãmũ yare erã gojarapũ.

<sup>10</sup> Goãmũ dorerire iirã arĩquererã ta yujuñe doreriñegãre mua iibirã  
ñeri dipuwajacũrã wahaa. Mua yujuñegãre tarinũgarã arĩpehri iꝑũ  
dorerire tarinũgarã wahaa. Eropa iirã ñeri dipuwajacũrã arĩnia mua  
dohpa.

<sup>11</sup> “Gajigu marapo mera ñero iibita,” arĩgu Goãmũ ta aħrimi. “Masare  
wejẽbita,” arĩ doregu iꝑũ ta aħrimi Goãmũ. Gajigu marapo mera ñero  
iibiriqueregu ta masare wejẽgu Goãmũ iꝑũ dorerire tarinũgarã aħrimi  
iꝑũ.

<sup>12</sup> Cristo marire turaro mahigu, marire doremi taubu. Iꝑũ dorerare  
mari iirare, mari iibirira sãre iagũ marire beyegu arigucumi. Iꝑũ eropa  
beyemorã arĩrã iꝑũ dorerire ðaro iirã. Eropirã iꝑũ gamero dopa ta  
wreniguirã mari.

<sup>13</sup> Dohpaguere mari gajirãre mojomoro iabiricũ Goãmũ muaire iꝑũ  
masare beyerĩnũ arĩcũ muaire mojomoro iasome. Eropigu mari mojomoro  
iacũ iagũ Goãmũꝑũ marire dipuwaja moasome.

*Cristore umupeorãꝑũ ðarire iima, arĩ gojañumi*

<sup>14</sup> Yũ acawererã, peeque mua yũre. “Cristore umupeoa yũhũ,” yujuꝑũ  
iꝑũ arĩ pepiquerecũ ta gajirãre iꝑũ ðaro itamubiricũ iꝑũ “Cristore umu-  
peoa yũhũ,” iꝑũ arĩrapũ ne duhpiburi arĩbeaa. Eropa arĩ pepimaacãꝑũre  
Goãmũ tausome.

<sup>15-16</sup> ¿Jesu yagu, Jesu yago ñeri dihta erã suhri opacũ iara erã bari moocũ  
iara dohpa iiri mua erãre? “Õaro arĩque mua. Eropirã ðaro suhricũque.  
Õaro bari mera yapĩ wahgãque,” arĩquererã erã gamerire mua obiricũ  
mua eropa arĩri ne duhpiburi arĩbeaa.

<sup>17</sup> Eropirã “Cristore umupeoaa yũhũ,” mua arĩquererã ta ðarire mua  
iibiricũ Cristore mua umupeori ne duhpiburi arĩbeaa.

<sup>18</sup> Gajigu i yũ wererire iꝑũ peediabiricũ ðpa arĩnemoboya yũhũ iꝑũre.  
Õarire iibiriqueregu ta “Cristore umupeoa yũhũ,” arĩraa mũhũ. Mũhũ  
ðarire iibigu Cristore mũ umupeorire iħmupiburi arĩbeaa. Eropa arĩ  
pemasibea mũhũ. Yũꝑũ yũ ðari iiri mera Cristore yũ umupeorire iħmua,  
arĩnemoboya yũhũ iꝑũre.



19 “Goāmũ yujugũ ta āhrimi,” arĩ pepima masa. Mũa eropa arĩ pepicũ ðapũricãa. Eropã arĩquerecũ ta iripẽta mũa Goãmũre yũhribiricũ “Īgũ Goãmũ āhrimi,” mũa arĩri duhpiburi árĩbeaa. Watẽa sã mũa pepiro dopa ta “Goãmũ ta āhrimi yujugũ ta,” arĩ pepima. Eropirã Goãmũ ĩgũ arĩricũre masima erã. Eropã masirã gũĩ naragãma.

20 Yujugũ ðarire iibiriqueregũ ta “Cristore umupeoa,” arĩ pepigũ árĩgũ pee masibigũ āhrimi. “Cristore umupeoa,” arĩgũno gajirãre ðaro iibigũ diaye ta Cristore umupeobeami. Ōpa arĩ weregũra mũare irire:

21 Iribojegue Abrahã mari ñecũ ĩgũre umupeorire Goãmũ masidiañumi. Eropigũ ĩgũ magũre Isaa waĩcũgũre aĩgã wejẽdoreñumi. “Yũre umupeogũ yũre yũhribocumi,” arĩ ĩgũ arĩricũre masima erã. Eropã masirã gũĩ naragãmagũ wejẽdoreñumi. Eropigũ Abrahã Goãmũ ĩgũ dorediro dopa ta ĩgũ magũre aĩgã Goãmũre obu ĩgũre wejẽbu iiriñumi. ĩgũ eropa yũhricũ Goãmũ ĩgũre “Wejẽbita,” arĩñumi. ĩgũ dorediro dopa ta iibocuricũ ĩagũ “Diaye ta ðagũ āhrimi,” arĩ ĩañumi Goãmũ ĩgũre.

22 ĩgũ eropa arĩ ĩacũ ire masia mũa: Abrahã Goãmũre umupeogũ ĩgũ dorerire yũhriñumi. Eropã yũhriũ Goãmũre ĩgũ umupeorire ii ĩhmuñumi.

23 Eropigũ erã Goãmũ yare erã gojarapũ erã arĩ gojadiro dopa ta eropa wayoro: “Abrahã Goãmũre umupeorũ. ĩgũ eropa umupeocũ ĩagũ “Ōagũ āhrimi ĩgũ,” arĩ ĩapũ Goãmũ ĩgũre,” arĩ gojañuma Goãmũ yare erã gojarapũguere. ĩgũ eropa arĩ ĩacũ masirã “Abrahã Goãmũ mera majagũ āhrimi,” arĩñuma masa ĩgũre.

24 Eropirã ire masia mũa: “Goãmũre umupeoa,” arĩgũ, ĩgũ ðarire iibiricũ ĩagũ Goãmũrũ ĩgũre “Ōagũ āhrimi,” arĩ ĩabeami. Goãmũre umupeogũrũ diaye ta ĩgũ ðaro iicũ ĩagũ “Ōagũ āhrimi,” arĩ ĩhami Goãmũ ĩgũrũre.

25 Eropã ta arĩ ĩañumi Goãmũ Rahab waĩcũgũre ũama mera ñero iimũridigore. Josué ĩgũ obeonirãre ðaro bocatĩri “Ōaro ñajarique,” arĩñumo igo erãre. Eropã iigo erã dujadiacũ igopũ erãre gajĩ mare ĩhmuñumo erãre ĩhaturirã wejẽri arĩgo. Eropã Goãmũ yarãre itamugo Goãmũre igo umupeorire ĩhmuñumo. Igo eropa iicũ ĩagũ “Ōago āhrimo,” arĩ ĩañumi Goãmũ igore.

26 Eropã ta āhraa. Mari dũpũre sĩporã maricũ ojocaribea mari. Eropiro sĩporã mariro mari dũpũ duhpiburi dũpũ árĩbeaa. Eropã ta “Goãmũre umupeoa,” arĩquererã ta gajirãre ðaro iibirã mari árĩcũ diaye árĩbeaa mari umupeori. Eropiro mari umupeori duhpiburi árĩbeaa. Sĩporã mariro erãre ĩhaturirã wejẽri arĩgo. Eropã Goãmũ yarãre itami dũpũ iro dopa ta āhraa.

### 3

#### *Mari disiro wiririre wereñumi*

1 Goãmũ yare masare buherãre ĩgũ yare erã buhemaacãcũ, erã ðaro iibiricũ ĩagũ erã tamerare gajirã tauro dipuwaja moagũcumi Goãmũ. Irire mũa masia. Eropirã mũa mera majarã masare buherã bajarã árĩbita.

2 Árĩpehrerã mari bajasuburi ñerire iiaa. Yujugũ ñerire ne werenigũ-ibigũ Goãmũ gamerire ðaro iigu āhrimi ĩgũ. Eropigũ gajĩ ñeri sãre iibeami.

3 Mari werenigũ queori mera buhecũ ðpa āhraa i: Cabayure ĩgũ disiro comemiji ĩgũ nerore ñehadiuburimijire mari apia ĩgũre majinũgacũ

iimorã. Eropirã irimiji comemiji mera ïgure ïgu waborore mari tarama-jinugua. Irimijigã mirimijigã árïquerecũ ta irimiji mera ïgu dupure wacũ iiaa. Eropa ta mari disiro mera miri disirogã árïquerecũ ta wuaro wacũ iiaa mari.

<sup>4</sup> Dohodiru queoriñere werenemogura mware: Gasiru wuadiru iriru árïquerecũ ta irirure miruñe turaro weãquerecũ ta autugupu miri mijigã mera iriru waborore autumi.

<sup>5</sup> Eropa ahraa mari wereniguiri. Mari disiro miri disirogã árïquerecũ ta baja wereniguiri wiria. Miri peamegã wuaro uju wahguro dopa ta mari disiro mera wuaro ñero wacũ iiaa.

<sup>6</sup> Eropiro mari wereniguiri peame iro dopa ahraa. Mari wereniguiri árïpehrerire ñerire iicũ iiaa marire. Peame ujunugaro 4 Dohodiru queoriñere werenemogura mware: Gasiru wuadiru iriru árïquerecũ ta irirure m dopa ta mari wereniguiri mera mari oaro árïbodiore goroweoa mari. Mari ñerire wereniguirã watï dorero dopa ta eropa iirã iiaa.

<sup>7</sup> Árïpehrerãre nugũ majarãre waimurãre, mirimagũ porãgãre, waimurã paharãre, waire mari masa seyacũ iimasia. Eropirã mari bajarã erãnore masa seyacũ iituhabu. Eropirã erã oaro masa seyacoma.

<sup>8</sup> Erãre masa seyacũ iiquererã ta mari wereniguiri mera mari basi pee masiri mera wereniguicũ iimasibea. Marriru árïquerecũ ta irirure mi ejorãre nijiyajaro dopa ta mari disiropu ne nijiyabirigohracãa. Mari wereniguiri ñetariari ahraa. Eropiro aña gajirãre ïgu wejero dopa ta marire gajirã sare ñetariaro wacũ iiaa mari disiro.

<sup>9</sup> Mari disiro mera mari Pagũ mari Opũ Goãmure mari oaro arï wereniguia. Eropa wereniguiquererã ta masapure ñero arï wereniguia. Goãmu iro dopa arïrã ïgu ïhacũnugunirã árïquerecũ ta erãre ñero arï wereniguia mari.

<sup>10</sup> Yuju disirorriu árïquerecũ ta irirure me ta ñeri wereniguiri sã, oari wereniguiri sã wiria. Yu acawererã eropa arï wereniguibircãro gahmea.

<sup>11</sup> Maugã dipa ohma wiuri gobere yuju gobere oari dihta wiria. Gaji gobere ñeri dihta wiria. Eropirã Goãmu yarã sare oari dihtare wereniguio gahmea.

<sup>12</sup> Yu acawererã, iguigu poegu ducare ducacumasibea. Eropiro poegupu iguigu ducare ducacumasibea. Eropi maugã dipa ohma wiuri gobere moayuari deco wiricũ, imisiri deco sã wirimasibea. Eropa ta mari disirore oari wereniguiri, ñeri wereniguiri mera wiricũ gamebircãro gahmea.

### *Diaye maja masiri opa ahraa, arï gojañumi Santiago*

<sup>13</sup> Yujurãyeri mua mera majarã masirã ahrima. Eropirã "Gajirã tauro gua masirã ahraa," arïbircãporo. Eropa arïbirã ta oarire iique mua. Eropa oarire iirã diaye ta masirã ahraa mua.

<sup>14</sup> Eropirã gajigu gajinore ïgu opacũ ïhaturirã, mua ya arïburi dihtare iidiarã arïrã, "Goãmu yare oaro masia gua," arïbircãque. Mua eropa arïrã arïrã guyarã ahraa mua.

<sup>15</sup> Eropa ñerire pepirã erã ya pepiri Goãmu ya pepiri arïbea. Erã pepiri i yeba majarã erã ñero pepiri ahraa. Erã pepiripu watï ya ahraa.

<sup>16</sup> Masare ïhaturirã, erã ya arïburi dihtare iidiarã eropa game duyasoniguicãma. Árïpehreri ñerire iima.

<sup>17</sup> Gajirãpu Goãmu yare oaro masiri oparãpu erã tamera eropa iimaacãrã iibeama. Eropirã erã ne game duyasobeama. Eropa iirã masa oarã, dorerire oaro yuhrirã, mojomoro ïarã, masare itamurã, masare

yujuropa iirã ährima erã. Irire iirã gũyaro mariro iima erã. Eropirã pee masirã gohra ährima.

<sup>18</sup> Eropirã gamequeãro mariro árĩrã, gajirãre “Gamequeãbircãrã mari,” arĩ bosarã õarã wacũ iirã iiaa mari masare.

## 4

*Iyeba maja ñerire gamerã, Goãmure gamebirã ähraa mua, arĩ gojañumi ïgu*

<sup>1</sup> ¿Duhpirã mua game dũyasori? ¿Eropirã duhpirã gamequeãri mua? Ñerire ñaribejarã gamequeãdiaa mua.

<sup>2</sup> Gajinore mua gahmea. Eropa gamerã masare wejẽa mua mua erã yare emamorã. Eropirã gajigu gajinore ïgu opacũ ïarã irire mua bũrigã gahmea. Eropa gamerã irire aĩmasibea mua. Eropirã irire game dũyaso gamequeãa mua. Goãmure serẽbirã, mua gamerire bocabeaa.

<sup>3</sup> Eropirã serẽrã mua ya árĩburi dihtare serẽa mua mua gamero dopa ta iiniguicãmorã. Eropa mua serẽcũ Goãmũ mua serẽrere obeami.

<sup>4</sup> Goãmure cóarã ùa mua. I yeba maja ñerire gamerã, Goãmũpũre gamebirã ähraa mua. ¿Irere masibeari mua? Eropigu i yeba majarã ñerire gamegu Goãmure gamebigũ árĩtuhami.

<sup>5</sup> Õpa arĩñumi Goãmũ yare erã gojarapũ: “Goãmũ ïgu Espíritu Santore mari mera árĩbure apimi. Eropigu Espíritu Santopũ marire mahigu ñerire mari ñaribejarire gamesãbeami ïgu. Eropigu doero dopa ta marire turaro mahimi erãgue ñerire iiri arĩgu,” arĩ gojañumi iribojeguerẽ. ïgu eropa arĩ gojara bu gohra árĩbeaa. Diaye árĩro tiiaa.

<sup>6</sup> Eropigu Goãmũ marire õaro itamumi mari ñerire iibiriburire. Õpa ähraa Goãmũ yare erã gojarapũ: “Yũ tamera gajirãre masi tarinũgaa,’ arĩgũre Goãmũ ïhaturimi. Gajigũpũre ‘Ñegũ bu árĩgu ähraa yũhũ,’ arĩgũpũre Goãmũ itamumi ñerire ïgu iibiriborore,” arãa ïgu yare erã gojarapũ.

<sup>7</sup> Eropirã Goãmure õaro yũhrirã árĩque mua. Eropirã watĩre yũhribircãque. Mua eropa yũhribircũ ïagu ïgũpũ mũare duhucãgũcumĩ.

<sup>8</sup> Goãmure õaro yũhrique mua. Mua eropa iicũ ïgũpũ mũare mahi itamugũcumĩ. Ñerã ähraa mua. Eropirã ñerire iinemobircãque. Ñeri sãre gahme, õari sãre gamerã ähraa mua. Eropirã mua ñeri iirare bujawereque. Mua eropa iicũ ïagu Goãmũ mua ñeri iirare cãdijigũcumĩ.

<sup>9</sup> Mua ñeri iirare turaro bujawereque. Eropirã mua ñeri iira dipuwajare oreque. Mucubirirã árĩbircãque. Eropirã mua ñeri iirare ñero sĩporãcũ, irire gũhyasĩriñariro pepique.

<sup>10</sup> “Ñegũ bu árĩgu ähraa yũhũ,” arĩrã Goãmure umupeoque. Mua eropa iicũ ïagu ïgũpũ mua ñeri iirare cóãgu “Õarã ähraa,” arĩ ïagũcumĩ mũare.

*Erã acawererãre Jesu yarãre erã basi ñeri quere iidorebiriñumi*

<sup>11</sup> Yũ acawererã, Jesu yarã árĩrã, mua basi ñeri quere iibiricãque. Mua acaweregũre ñeri quere iirã ïgũre dipuwaja moadorediarã árĩca mua. Cristo doreripũ masare dipuwaja moadoreri árĩtuhaa. Eropirã masare ñeri quere iirã Cristo ya dorerire õpa arĩrã iica: “Marire õaro dorebeaa Cristo ya. Eropirã mari gamero dipuwaja moadorerã,” arĩrã iica masare ñero werewuarã. Eropa arĩrã Cristo dorerire ñero arĩ wereniguirã dujaa mua. Eropirã iri dorerire yũhribirã dujaa.

<sup>12</sup> Masare dorerire ogũ, masare beyegũ Goãmũ ta ährimi. Eropigu masare peamegue wabonirãre ïgu ta taumasimi. Eropigu ïgu ta

masare peamegue cóãmasimi. Eropirã maripũ masare “Ñerã ährima,” arĩmasibea. Mari acawererãre beyebu Goãmũ dihta ährimi.

*Ñamigãguere dohpa marire waborore masibea mari*

<sup>13</sup> Dohpaguere yũre peeque mũa. Ōpa arĩboca mũa Goãmũre guñaro mariro: “Dohpagãre o ñamigãre gaji macague árĩrã warãca. Eroguere yuju bojori árĩrã, gajinore dua, asũ iirãca. Eropa iirã wajatarãca mari,” arĩboca mũa. Eropa arĩrã árĩrã, yũpũre peeque mũa. Eropa arĩrãre ire werebũ iiaa:

<sup>14</sup> Ñamigãguere dohpa marire waborore masibea mari. Imica ähri, mata pehremaaro dopa ta ähraa mari árĩricũri. Imica merogã árĩniguiiri pehrea wahaa. Eropa mari sã merogã árĩniguiiri sĩria warãca.

<sup>15</sup> Eropirã ōpa arĩ pepiro gahmea mũare: “Goãmũ ïgũ gameropẽ árĩrãca mari. Eropirã ïgũ gamero mera iirãca mari,” arĩ pepiro gahmea mũare.

<sup>16</sup> Mũarũ “Dohpaguere mari gamero ōpa iirãca,” arĩniguiraa mũa Goãmũre guñaro mariro. Eropa arĩ wereniguiirã ñerire iirã iiaa mũa.

<sup>17</sup> Eropirã ōarire mari iiburire masiquererã ta irire iibirã ñerire iirã iiaa mari.

## 5

*Doberi oparãre wereñumi Santiago*

<sup>1</sup> Doberi oparã mũa dohpaguere peeque yũre. Pũhrũguere mũa ñero tarirãca. Eropirã gaguinigi orerãca mũa.

<sup>2</sup> Mũa doberi boapehrea waroca. Eropiro mũa suhrire sũrirã sã bapehocãrãcoma.

<sup>3</sup> Mũa niyerure mũa wũaro dibura ne duhpiburi árĩbeaa. Mũa eropa dibucũ ïagũ mũa niyerure mahicũ masimi Goãmũ. Eropirã niyerure mũa mahira dipuwaja ñero tarirãca. Iri dipuwaja peamegue warãca.

<sup>4</sup> Mũa ya poerire mohme corerãre wajayebeaa mũa. Eropirã mũa erãre gũyaa. Eropigũ erãre mũa wajayebirira niyerure ïagũ, mũa gũyarare masimi Goãmũ. Mũare mohme corerã wajaseadiarã, gaguiniguima erã. Erã eropa arĩ gaguiniguicũ mari Opũ turatarigũ peemi erãre.

<sup>5</sup> I yebaguere baja doberi mera árĩricũa mũa. Árĩpehrerire oparã mũa gameri dihtare mũa ñaribejarire iiaa mũa. Eropirã wũagũ wecũ erã ōaro ejogu iro dopa árĩricũa mũa. Eropirã wũagũ wecũ ïgũ diserecũ ïarã ïgũre erã wejẽburi gorogue aĩ wahgãma. Eropa ta mũa sãre wũaro mũa opara pũhrũ mũare ïgũ dipuwaja moarogue aĩgãgũcumĩ Goãmũ mũare.

<sup>6</sup> Ōarãre peresu iidore wejẽdorebũ mũa erãre. Mũa eropa iicũ erãpũ duhri wiriamasibirama.

*Cristo ïgũ dujariborore ōaro coredorepũ marire Santiago*

<sup>7</sup> Eropirã yũ acawererã, mari Opũ Cristo ïgũ i yeba ïgũ dujariborore ōaro coreyuque. Pohe opũ ïgũ oterĩ dũcacũburisubure ïgũ ōaro corero dopa ta ōaro coreyuque Cristo dujariborore. ïgũ oteriguere “Deco ariporo,” arĩgũ ïgũ pohere ōaro puhriburire ōaro cohremĩ ïgũ.

<sup>8</sup> Eropa ta mũa sã ōaro coreyuque. Mari Opũ ïgũ dujariboro merogã dũhyaa. Eropirã Goãmũre eropa guñaturaniguicãque mũa. Eropirã eropa coreniguicãque mũa.

<sup>9</sup> Yũ acawererã, mũa basi dũyasobiricãque Goãmũ mũare dipuwaja moabiriboro dopa. Eropirã ire guñaque mũa. Dipuwaja moabu ïgũ dujariboro merogã dũhyaa.

<sup>10</sup> Yũ acawererã, ñero tariquererã ta yujuro bojeque Goãmure cóãro mariro. Goãmũ yare weremũhtanirã mura erã Goãmũ ya árĩburire iirã ñero tariquererã duhubirimãriñuma. Erã duhubiridiro dopa ta duhubiricãque mũa sã.

<sup>11</sup> Eropirã ire guñaque mũa. Ñero tariquererã ta Goãmure duhubirãre Goãmũ õaro iigũcumi. Iribojegue majagũ Job waĩcũgure peebũ mũa. Ĩgũ ñero tariqueregũ ta Goãmure duhubiriñumi. Eropigũ ĩgũ ñero tarira pũhrũ, Goãmũ ĩgũre õaro iĩñumi. Goãmũ mari Opũ marire õaro mojomoro ĩagũ árĩgũ eropa iĩñumi ĩgũre. Iri árĩpehrerire masia mũa.

<sup>12</sup> Yũ acawererã ire masique. Őpa arĩma waĩpeo piyurã: “Ŭmaro majagũ mera diaye arĩrã iiaa,” arĩ waĩpeoma masare peedorerã. Erã iro dopa arĩ waĩpeo piyubiricãque. Ire mũare turaro dorea. Mũa gajirãre wererã, õaro diaye wereque erãre gũyaro mariro. Arĩnemopeobiricãque. Eropa mũa diaye werecũ ĩagũ Goãmũ mũa gajiropa arĩra dipuwajare dipuwaja moasome.

<sup>13</sup> Mũa mera majagũ ñero tarigũ árĩgũ, Goãmure serẽporo ĩgũ. Gajigũ mucubirigũ árĩgũ Goãmure mucubiriri mera bayaporo.

<sup>14</sup> Mũa dorecũrã, Jesu yarã oparãre sihubeoque mũa. Mũa eropa sihubeocũ erãpũ mũare yuyũ mera sũrãcoma. Eropa iirã Goãmure mari Opũre mũa dorecũrãre serẽbasarãcoma erã.

<sup>15</sup> Eropa arĩ serẽbasarã “Mari serẽro dopa ta ĩgũ iigũcumi,” erã arĩ pepicũ mũare dorecũrãre Goãmũ itamugũcumi. Eropa iigũ mũare õarã wacũ iigũcumi mari Opũ. Eropigũ mũa ñeri iira dipuwaja mũa dorecũrã árĩcũ ĩarã mũare serẽbasarãcoma. Erã eropa serẽbasacũ ĩagũ mũa ñeri iirare cãdijigũcumi Goãmũ.

<sup>16</sup> Eropirã mũa mera majarãre mũa ñeri iirare game pepũri weretarique. Eropirã mũa basi Goãmure game serẽbasaque. Mũa eropa arĩ serẽbasacũ mũa serẽbasanirãre Goãmũ taugũcumi. Őarire iirã mũa árĩcũ Goãmure mũa turaro serẽbasadiro dopa ta iigũcumi Goãmũ. Eropiro mũa erãre serẽbasari bu árĩri árĩbeaa.

<sup>17</sup> Goãmũ ya weremũhtadigũ mũrũ Elia mũrũ mari iro dopa masũ árĩñumi. Eropigũ masa ñero iira dipuwaja “Deco aribiricãporo,” arĩ turaro serẽñumi Goãmure. Ĩgũ eropa arĩ serẽcũ ũhre bojori gohra gajĩ bojori deco deco aribiriyoro i yebaguere.

<sup>18</sup> Eropigũ dipaturi Goãmure deco ĩgũ aridore serẽcũ deco mereyoro daja. Eropiro dipaturi i yebaguere yucũ bugũ dũca dũcacũyoro. Eropiro Goãmure mari serẽri bu árĩri árĩbeaa.

<sup>19</sup> Yũ acawererã, mũa mera majagũ Goãmũ yare diaye maja árĩrĩre duhudigũ Goãmũ yare dipaturi ĩgũ gameborore ĩgũre wererã, õaro iirã iiaa mũa.

<sup>20</sup> Eropirã ire masique mũa: Goãmure duhudigũre Goãmure dipaturi gamecũ iirã, peamegue wabodigũre taricũ iirã iica mũa. Eropigũ baja ĩgũ ñeri iirare Goãmũ cãdijicũ iirãca mũa ĩgũre.

## 1 San Pedro

### *Jesu gaji macari wanirãre gojabeoñumi Pedro*

<sup>1</sup> Yũhũ Pedro Jesucristo ïgu buhedore apidigu ta ãhraa. Eropigu mũare yoaro maja macarigue wanirãre, Ponto yebague wanirãre, Galacia yebague, Capadocia yebague, Asia yebague, Bitinia yebague wanirã sãre mũare árĩpehrerãre gojabeogu iiaa yũhũ. Mũare ðadore gojabeoa yũhũ.

<sup>2</sup> Negohraguere Goãmũ mari Pagũ “Õpa iigũra,” ïgu arĩdiro dopa ta mũare beyerũ. ïgu beyera pũhrũ ïgu Espĩritu Santo mera mũare Goãmũ yarã árĩmorãre acupũ. Õpa ta acupũ ïgu Jesucristore ðaro yũhrimorã mua árĩboro dopa. ïgu di cóãro mera ñerire coenirã mua árĩboro dopa iipũ. Eropirã Goãmũ ïgu mahiri mera ðaro árĩque mua.

### *Jesu yarã árĩrã marire umarogue ïgu aĩgãborore corerã iiaa mari, arĩ gojañumi Pedro*

<sup>3-5</sup> Goãmũ marire turaro mojomoro ïagu, Jesucristo sĩridigu ïgu masa mũriaro mera marire ðarã gohrotocũ iimi. Eropa iigu ïgu gohrotori mera Goãmũ porã ta wahaa mari. Eropa warã ïgu mera eropa mari ðaro árĩniguicãborore ðaro masia mari. Eropigu mũare ïgu ðari opaburire odiagu mũare coregu iimi. Iri mũare ïgu oburi ne pehresome. Eropigu ïgure mua umupeorãre Goãmũ ïgu turari mera mũare ïhadibugũ, taricũ iigucumi. Pehrerinũ árĩcũ mũare ïgu taurare masicũ iigucumi ïgu. Eropirã ïgu marire ðaro mojomoro ïacũ ïarã, ïgure Goãmũre mari Opũ Jesucristo Pagũre “Õagu, turagu ãhrimi,” arĩ umupeoro gahmea marire.

<sup>6</sup> Eropa ïgu taumorã árĩrã bũrigã mucubiro gahmea. Mero i yeba mua árĩropẽ, bajasuburi mua ñero tariquererã ta bũrigã mucubiro gahmea.

<sup>7</sup> Eropa ñero tariquererã ta Goãmũre cóãbirã mua árĩrã “Queoro Jesucristore umupeoa gũa,” arĩmasia mua ïgure. Mũa ñero tariquererã Jesucristore umupeoniguicũ mua umupeoripũ yuju diaye árĩbeaa. Eropigu mua ñero taricũ ïagu “¿Arĩro ta mua yũre umupeori?” arĩ queoñagu iimi Goãmũ mũare. Mũa eropa ñero tarirã diaye ta Cristore ðaro umupeoniguicũ “Õaro iibũ mua,” arĩgucumi Cristo mũare. Eropigu Jesucristo dujarigu mua ïgure ðaro umupeoniguinirãre ðaro ïagucumi mucubiriri mera.

<sup>8</sup> ïgure Jesucristore ïabiriquererã mahia mua. Eropirã dohpaguere ïgure ïabiriquererã ta ïgure “Diaye ta iigu ãhrimi,” arĩ umupeoa. Eropa umupeorã turaro mucubiria mua. Mũa eropa mucubirirã mua Goãmũ pohro mucubiriboro dopa ta mucubiria. Mũare eropa mucubiricũ iimi Goãmũ. Eropirã turaro mucubiria.

<sup>9</sup> Eropigu Goãmũ mũare peamegue wabonirãre taricũ iigucumi mua ïgure ðaro umupeoro mera.

<sup>10</sup> Goãmũ ïgu masare eropa tauborore iribojegue Goãmũ yare weremũhtanirã irire masidiarã serẽpi ïamũriñuma.

<sup>11</sup> Cristo ïgu ñero tariborore, ïgu sĩridigu masa mũriaborore, árĩpehrerã tauro opũ ïgu árĩborore erã ero coregue ta weremũhtañuma. Jesucristo ïgu Espĩritu Santo ïgu itamuri mera eropa wereñuma erã. Erã eropa weremũhtaquererã erã wererare masibiriñuma. Eropirã erã wererare ðaro masidiarã serẽpi ïamũriñuma erã Goãmũre.

<sup>12</sup> Iri erã werera Jesucristo ariburi erã ya árĩburi árĩbiriyo. Mari òaro árĩburi árĩyo. Iri erãre masicũ iĩñumi Goãmũ. Eropirã dohpaguere umarogue obeodigũ Espiritu Santo ïgũ itamuri mera òari buherire mũare gũa werea. Iribojegue mũa ya árĩburire erã weremũhtara iri ta árĩcãro tĩiaa dohpaguere gũa mũare wereri. Iri buherire anyua sã bũrigã masidiariñuma.

*Goãmũ marire ñeri marirã árĩdoremi, arĩ gojañumi Pedro*

<sup>13</sup> Eropirã òarire guña masi árĩyuque mũa. Eropirã gũhyadiaro árĩque. Cristo ïgũ dujaricũ Goãmũ mũare ïgũ òaro tauborore guñaque. Eropirã irire òaro mucubirimũhtarã coreque.

<sup>14</sup> Iribojegue Goãmũre masinibirãgue ñerire uaribejarã árĩmũrinirã árĩribũ mũa. Dohpaguere irire iibiricãque. Eropirã majirã erã pagũ sumarãre òaro yũhriro dopa ta Goãmũre òaro yũhrique daja.

<sup>15</sup> Eropirã ïgũ yarã árĩmorãre mũare sihubeodigũ ñeri marigũ ïgũ árĩro dopa ta mũa sã ñeri marirã ta árĩque. Eropirã òari dihtare iirã árĩque.

<sup>16</sup> Eropa ta arĩ gojañuma Goãmũ yare erã gojarapũgue: “Ñeri marigũ ãhraa yũhũ. Yũ eropa árĩcũ mũa sã ñeri marirã árĩque,” arĩmi Goãmũ, arĩ gojañuma.

<sup>17</sup> ïgũ Goãmũ mari Pagũ yujurãyeri árĩpehrerã erã iirare ïagũ yujuro mera beyemi ïgũ erãre. ïgũ eropiigũ árĩcũ ïgũre “Ahũ,” arĩdiarã òaro iiquenerire uaribejarã árĩmũrine. I yeba mũa árĩropẽ gũhyadiaro mera òaro iique mũa.

<sup>18</sup> Mũa ñecũ sumarã mũra erã árĩricũri ne duhpiburi árĩbiriyo. Mũa sã erã iidiro dopa ta iinirã mũa árĩquerecũ ta Cristo mũare ïgũ yarã árĩmorãre iimi. Mari wajamorire ïgũ wajayebasaboro dopa ta mari ñeri iirare cãdijiborore mari ñeri iira dipuwajare wajayebasami. Iri òaro masia mũa. Eropa wajayebasagũ ïgũ niyeru mera, oro mera wajayebasabirimi. Niyeru, oro sã dederea waroca.

<sup>19</sup> ïgũ di cóãra mera ta wajayebasami mari ñeri iira dipuwajare. Ovejagã erã Goãmũre obodigũ òagũ ïgũ árĩdiro dopa ta Jesucristo òagũ ñeri marigũ árĩdigũ arĩmi.

<sup>20</sup> Iribojeguere i yebare ïgũ ïhacũnuguboro coregue Jesucristo ïgũ eropa waborore masituhapũ mari Pagũ Goãmũ. Dohpaguepũre pehrerinũ coregã árĩcũ, Cristo sĩribasami mũare mũa ya árĩburire.

<sup>21</sup> Eropirã Jesucristo ïgũ itamuro mera Goãmũre umupeoa mũa. Goãmũpũ Cristore sĩridigũre masudigũ arĩmi. Eropigũ ïgũre umarogue apigũ, árĩpehrerãre ïgũre umupeocũ iipũ mari Pagũ. ïgũ eropiicũ ïgũre mari Pagũre “Diaye ta iigũ ãhrimi,” arĩ umupeoa mũa. Mũa eropa umupeocũ òaro iimi mũare. Eropirã mũa ïgũ mera òaro árĩniguiborore òaro masia mũa.

<sup>22</sup> Òari buherire diaye majare yũhrirã mũa ñerire duhunirã ãhraa mũa. Eropa árĩrã, diaye ta mari acawererã Jesu yarãre mahi umupeomasia mũa. Eropirã mũa mera majarãre mũa sĩporãri mera turaro mahi umupeoque.

<sup>23</sup> Mũa dipaturi masa dehyoaro dopa ta Goãmũ porã wahabũ mũa. Mari pagũ sumarã mera masa dehyoanirã árĩrã, pũhrũ sĩria warãca. Iri iro dopa árĩbeaa Goãmũ porã mũa wacũ. Goãmũ mera árĩniguicãrãca. Goãmũ ïgũ buheri mera ïgũ porã wahabũ mũa. Iri buheri pehrebiriburi buheri marire Goãmũ mera eropa árĩniguicũ iiaa.

<sup>24</sup> Òpa ãhraa Goãmũ yare erã gojarapũ:

Árīpehrerā masa taa iro dopa wahama. Eropiro ōari erā opari sã gori iro dopa āhraa. Taa masa, sīria wahaa. Gori sã masa, sīria wahaa. Iri taa iro dopa ta mari masa sã wahaa.

<sup>25</sup> Mari Opū ya buheripū ne pehresome. Īgū arīdiro dopa ta eropa waroca, arī gojañuma.

Iri buheri mūare erā werera ōari buheri ta Jesucristo marire tauburi buheri ta āhraa.

## 2

<sup>1</sup> Eropirā árīpehreri ñeri iirire, erā pūrurupū erā ñero ii corerire, gajirā gajinore opacū ĩhaturirire, gajirā ñeri quere moarire, irire duhuque mūa.

<sup>2-3</sup> Mari Opū mūare ōaro ĩgū iirire dabero masituhaa mūa. Eropirā ne masa dehyoarāgā apīcore erā gamero dopa ta mūa sã ōari buherire Goāmū yare turaro gameque. Eropa ĩgū yare gamerā mūa ĩgūre mūa guñaturanemorāca. Īgū yarā ōaro pee masirā árīrāca.

*Cristo ojocaricū ĩgū utāye iro dopa árīgū āhrimi, arī gojañumi Pedro*

<sup>4</sup> Cristo ojocaricū ĩgū utāye iro dopa árīgū āhrimi. Masa Cristore gamebirima. Erā gamebiriqerēcū Goāmūpū ĩgū Pagūpū ĩgūre beyedigū árīmi. Ōatariagū āhrimi. Īgū eropa árīgū árīcū ĩgūre gameque.

<sup>5</sup> Eropirā mūa Jesu yarā árīrā mera Goāmū āhrimi. Eropirā yujuro mera ĩgū yare ōaro iirā árīque mūa. Īgū ya árīburire mūa iimorāre beyedigū árīmi. Eropirā mūa Jesucristo itamuri mera ĩgū yare ōaro iirā ĩgū Goāmūre mucubiricū iiaa.

<sup>6</sup> Ōpa āhraa Jesucristore Goāmū yare erā gojarapū: Cristo utāye iro dopa yū beyedigū āhrimi. Eropigū ōatariagū āhrimi. Īgū mariro yaharā wamasibeama. Eropigū ĩgūre Jerusalengue dohpague apigū iiaa. Īgū masare ōaro árīcū ĩgūcumī. Eropirā ĩgūre umupeorā mucubiriniguirācoma, arīmi Goāmū, arī gojañuma Goāmū yare weremūhtanirāgue.

<sup>7</sup> Īgūre umupeorāpū “Ōatariagū āhrimi,” arīrācoma. Īgūre umupeobirāpū ñero warācoma. Erāre ōpa āhraa Goāmū yare erā gojarapūgue: Ihī Cristo utāye iro dopa ta Goāmū beyedigū āhrimi. Īgū Goāmū beyedigū árīqerēcū masa ĩgūre gamesome. Īgūre gamebiriqerēcū Goāmū ĩgūre opū acumi árīpehrerāre dorebure, arī gojañuma.

<sup>8</sup> Ō sãre arāa Goāmū yare erā gojarapū: Īgū utāye iro dopa árīgūre gamebirā dederea warācoma, arī gojañuma iribojegure.

Eropa gojarā Jesucristore masa gamebiriburire ōpa arī gojamūhtañuma. Erā ĩgūre gamebirā Goāmū ya buherire yūhribirima. Cristore gamebirā, ĩgūre tarinūgarā, Goāmū pohroque ejasome erā. Erā eropa waborore apipū Goāmū erāre.

*Ōpa āhrima Goāmū yarā, arī gojañumi Pedro*

<sup>9</sup> Mūapū Goāmū ĩgū beyenirā āhraa. Īgū mari Opū ĩgū yarā pahia ĩgū yare itamurā āhraa mūa. Eropirā ĩgū ya curu majarā ñeri marirā Goāmū yarā ta āhraa mūa. Eropigū mūare naitīaro árībonirāre boyoropū árīmorāre, ñerire iibirimorāre, ōaripūre iimorāre aīdigū árīmi mūare. Eropa ta aīdigū árīmi Goāmū mūa ĩgū ōarire ĩgū ōaro iirare gajirāre weremorāre.



10 Ero coregue duhpimorã árĩbirimuriribũ mũa. Dohpague tamerare Goãmũ yarã ãhraa mũa. Ero core mũaare mojomoro ãaburũ marinimi mũaare dohpa. Dohpaguepũre mũaare Goãmũ mojomoro ãagũ ãhrimi.

*Goãmũ yare iirã árĩque mũa, arĩ gojañumi*

11 Yũ mahirã, mũa i umũre wari masa iro dopa ãhraa dohpaguere. Goãmũ pohro wamorã ta ãhraa. Mũa eropa árĩrã árĩcũ, ire turaro werea mũaare: Mũa ñeri ãaribejarire iibiricãque. Iri ñerire ãaribejarã, ñerã warã iica mũa.

12 Goãmũre gamebirã watope árĩrã õaro iirã árĩque mũa guare werewũari arĩrã. Mũa eropa iirã árĩcũ mũaare dohpaguere ñero werewũadiaquererã mũa õaro iirire masirãcoma erã. Eropa masirã erã Goãmũre “Õagũ, turagũ ãhrimi,” arĩrãcoma. Õpa ta arĩrãcoma Cristo ãgũ i yebague ãgũ dujaricũ.

13 Mari Opũ yare iirã árĩrã õ majarã oparã sãre yũhrique mũa. I yeba majagũre mũa árĩpehrerã tauro opũ árĩgũre ãgũ sãre yũhrique.

14 Goãmũ erã oparãre apipũ tarinũgarãre dipuwaja moamorãre. Eropigũ õaro iirãre “Õaro iiabũ mũa,” arĩdoregũ apipũ erãre. ãgũ eropa apicũ erãre yũhrique mũa.

15 Mũa õaro iicũ ãarã, pee masibirã erã sihajaro mũaare weresãdiaquererã ta weresãmasibeama. Eropigũ mũa õaro iicũ gahmemi Goãmũ.

16 Mũa ñecũ sumarã árĩricũri doca árĩnirãre Goãmũ mũaare taudigũ árĩmi. Eropa taunirã árĩquererã ta, “Gũare doreri mara. Eropirã gũa ñerire iirãca,” arĩ pepibiricãque ñerire iiri arĩrã. Eropirã “Goãmũ pohro majarã ãhraa gũa,” arĩ pepique mũa. Eropa arĩ pepirã ãgũ dorerire iique mũa.

17 Árĩpehrerã masare mahi umupeoque. Mari acawererã Jesu yarãre mahi umupeoque. Goãmũre gũhyadiaro ãaque. I yeba majagũ opũ sãre umupeoque.

*Cristo ñero tarigũ ãgũ yujuro bojediro dopa ta yujuro bojeque mũa sã, arĩ gojañumi Pedro*

18 Mũa pohro majarãre weregũ iiaa dohpaguere. Mũa õaro umupeori mera mũa oparãre yũhrirã árĩque. Õarã, mũaare õaro iirã mera dihtare yũhrirã árĩbiricãque. Mũa mera guarã sãre yũhrique mũa.

19 Mũa ñero iibiriquerecũ, mũaare erã dipuwaja moabocoma. Erã eropa dipuwaja moarare Goãmũ ãgũ gamero dopa ta irire mũa yujuro bojecũ “Õaro iiabũ mũa,” arĩgũcumi Goãmũ mũaare.

20 Mũa ñero iira wajapũ erã mũaare dipuwaja moasũcũ irire mũa yujuro bojequerecũ Goãmũ “Õaro iiabũ mũa,” arĩsome. Mari õaro iiquererã erã dipuwaja moasũcũ irire mari õaro mera guaro mariro árĩcũ yujuro bojecũ Goãmũ marire õaro ãhasũagũcumi.

21 Eropa iimorãre ãgũ yarã arĩdoremi Goãmũ mũaare. Cristo sã mũa ya árĩburire ñero tarimi mũa ãgũre ãhacũboro dopa.

22 ãgũ ne ñero iibirimi. Eropigũ ne gũyabirimi.

23 ãgũre turicũ, ãgũpũ erãre ne turi gamebirimi. ãgũre erã ñero iiquerecũ ta “Mũaare ñero iigũra,” ne arĩbirimi ãgũ. Eropigũ “Ahũ queoro dipuwaja moagũ ãhrimi. ãgũgue amugũcumi,” arĩ pepiñumi ãgũ. Eropirã mari sãre ãgũ iidiro dopa ta iiro gahmea.

<sup>24</sup> Īḡu Cristo Īḡu basi crusague mari ñeri dipuwaja sīrimi. Eropa sīrimi dipaturi mari ñerire iibiriboro dopa, Goām̄u gamerip̄ure mari iiboro dopa. Īḡu ñero camic̄umi marire peamegue wabonirāre marire taric̄ũ iibu.

<sup>25</sup> Oveja erā dedereborō dopa ta m̄ua s̄a peamegue dederebonirā ár̄irib̄u. Dohpaguep̄ure Cristore umupeorā Īḡu yarā wahab̄u pare. Eropiḡu ovejare ĩhadibuḡu iro dopa Cristo m̄uare ĩhadibumi. M̄ua s̄iporā mera dederebiriborore õaro ĩhadibumi.

### 3

#### *Mojoto dirirāre õpa iiro gahmea erāre, arī gojañumi Pedro*

<sup>1</sup> Eropiḡu pohro majarāre ȳu dorediro dopa ta m̄ua marasā nomere doreḡura. M̄ua marap̄u s̄umarāre õaro ȳuhrique erā Goām̄u buherire erā gameboro dopa. Yujurāyeri m̄ua marap̄u s̄umarā Goām̄u buherire gamebirā āhrima. Erāre m̄ua ȳuhric̄ũ ĩarā Goām̄u ya buherire gamebocoma erā. Eropirā iri buherire m̄ua erāre werebiriquerec̄ũ ta Īḡu yare gamebocoma erā.

<sup>2</sup> Eropa ta gamebocoma m̄ua erāre õaro iirire, m̄ua umupeori s̄are ĩarā.

<sup>3</sup> M̄ua nome, m̄ua poarire w̄uapuwea seapatanirā nome, oro dari b̄uyanirā nome, õari suhri sañanirā nome ár̄ĩdiarire guñabiric̄aque m̄ua. M̄ua ya d̄up̄u masare ĩhas̄uac̄ũ iibiric̄aque.

<sup>4</sup> Eropa iibirā õpa iique. M̄ua pepiri õaro ár̄ic̄ũ guñaque. Eropirā m̄ua guhyadiarā nome iro dopa gajirāre nijiyajaro mera iirā nome ár̄ique. Guhyadiaro mera weretamurā ár̄irā ip̄ure masare ĩhas̄uac̄ũ iique. Irip̄u pehresome. Iri õatariari āhraa Goām̄u ĩac̄ũ.

<sup>5</sup> Õpa ta iim̄uriñuma iribojegue majarā nome Goām̄u yarā nome. Erā nome Goām̄u umupeorā nome ár̄irā, erā marap̄u s̄umarāre õaro ȳuhrim̄uriñuma.

<sup>6</sup> Eropa Sara igo marap̄ure Abrahāre õaro mera ȳuhrim̄uriñumo. Eropigo Īḡure “Op̄u,” arī piyum̄uriñumo. Eropirā m̄ua õaro iirā nome ár̄irā, güiri marirā nome ár̄irā, Sara ár̄idiro dopa āhraa m̄ua.

<sup>7</sup> Õpa ta m̄ua marap̄u s̄umarā s̄a m̄ua marapo s̄are õaro iique. Erā nome mari ũma iro dopa turarā ár̄ibeama. Eropirā umupeori mera õaro iique erā nomere. Goām̄u ár̄ipehrerin̄uri Īḡu mera mari ár̄iniguiborore Īḡu m̄uare odirō dopa ta oḡucumi erā nome s̄are. Erā eropa ár̄imorā ár̄ic̄ũ erā nomere õaro iique. Goām̄u m̄ua ser̄erire Īḡu ȳuhriboro dopa erā nomere õaro iique m̄ua.

#### *Õaro erā iiquerec̄ũ ta gajirā erāre erā ñero iirire werep̄u Pedro*

<sup>8</sup> I mera weretuḡura: M̄ua ár̄ipehrerā yujuro mera õaro ár̄ique. Eropirā m̄ua mera majarāre õaro mojomoro ĩarā ár̄ique. M̄ua acawererā Jesu yarāre pep̄uri majarā game umupeoque. Eropirā õaro iique erāre. Eropirā “Gajirāre masitauḡu āhraa,” arī pepibirā erā gamero dopa ta iique.

<sup>9</sup> Gajirā m̄uare erā ñero iic̄ũ erāre ñero ii gamebiric̄aque. M̄uare erā turic̄ũ erāre turi gamebiric̄aque. M̄uare erā eropa iiquerec̄ũ ta õaro iique erāre. Eropirā õaro ȳuhrique erāre. Irire iimorāre ta apimi Goām̄u m̄uare õaro iibu.

<sup>10</sup> Eropa ta āhraa Goām̄u yare erā gojarap̄u:

M̄ua õaro mucubiriri mera ár̄ĩdiarā ne ñero wereniguibiric̄aque.

<sup>11</sup> Ár̄ipehreri ñeri iirire duhuc̄aque. Õarip̄ure iique. Game m̄ua basi ĩhaturiro mariro ár̄ique. Irire turaro iique.

12 Ōarāre mari Opū eropa iħadibuniguicāgū iimi. Eropigū iġure erā serērire eropa peeniguicāgū iimi. Ŋero iirāpūre iġū gamebeami, arī gojañuma Goāmū yare gojarapūgue.

13 Ōarire mūa turaro iidiacū gajirāpū mūare ñero iidiaquererā ta ne yujuro bojesome.

14 Ōaro mūa iiquerecū ta mūare erā ñero iicū iagū Goāmūpū mūare ōaro iigūcumī. Eropirā mūare ñero iidiarāre, “Mūare wejērāca,” arīrāre gūibiricāque. Eropirā bujawerebiricāque. Irīre pee guñaricūbiricāque.

15 Eropirā mūa Cristore “Gūa Opū āħrimi,” arī pepirā, umupeoque iġure. Eropirā Cristore mūa umupeorire, Goāmū mera mūa árīborore, gajirā mūare serēpibocoma: Erā mūare serēpiboro core erāre yūħriburire ōaro guñayuque. Eropa erāre yūħrirā nijiyajaro mera, ōaro umupeori mera wereque erāre.

16 Ōarā árīque. Eropirā “Ŋerire iiaa,” arī pepisome mūa. Eropirā Cristo yare mūa ōaro iirā árīcū gajirā mūare ñeri quere moarā gūhyasīuro warācoma.

17 Ŋerire mari iira dipuwaja mari ñero taricū ōabeaa marire. Eropiro Goāmū gamecū ōarire mari iira dipuwaja mari gajirā mera ñero taricū ōapūrica iri tamera.

18 Eropa ta ñero tarimi Cristo. Yujusubu ta árīpehrerā ñeri dipuwajare sīrimi iġū. Ōagū árīmi. Eropa árīgū ñerā mari árīcū mari ya árīborare ñero tarimi iġū. Ŋero tarimi iġū Goāmū yarā mari wacū iibu. Iġū sīria wami. Eropa sīriquerecū ta iġū sīporā ojocariyoro.

19 Eropigū iġū sīporā mera sīrinirā mūa erā dipuwaja moaburire corerā erā pohroque Goāmū yare werepū erā sīporārire.

20 Erā mūrapū iribojegue Goāmūre yūħribirimūriñuma. Irisubuguere Noé iġū árīrasubuguere, wūadiru dohodirure dohogū iīñumi. Irirure iġū dohorisubu Goāmūre yūħribirinirā mūa erā yūħricū gameriñumi. Eropigū erā yūħriborore yoari boje dipuwaja moabigū coreriñumi Goāmū. Yūħribirimūriñuma. Eropigū erāre dipuwaja moañumi. Eropirā ba-jamerāgā ocho dihta dia miririñere tariwereñuma.

21 Miricū erā taridiro dopa ta marire waīyecū peamegue wabonirāre mari tariborore iħmua. Deco mera marire waīyecū mari dūpūre mari gūħrarire tu coero dopa árībeaa. Marire waīyecū ñeri marirā mari árīborore Goāmūre mari serēa. Eropirā Jesucristo iġū masa mūriara mera peamegue wabonirā taria mari.

22 Iġū Jesucristo ūmarogue wadi árīmi Goāmū mera dorebu. Eropigū iġū anyua tauro, ūmaro majarā oparā tauro, árīpehrerā dorerā tauro erāre doregū āħrimi.

## 4

### *Cristo yarā árīrā ōarire goħrotonirā árīrāca, arī wereñumi*

1-2 Mari ñero tarirā mari ñero iirire duhucāa mari. Eropa duhucārā mari dipaturi mari ūaribejarire iibeaa. I yeba mari árīropē Goāmū gamerire iiniguirāca. Eropirā Cristo iġū ñero tarigū iġū gūibiridiro dopa ta mūa sā ñero tariborore gūibiricāque.

3 Iribojegue Goāmūre gamebirā erā ñerire ūaribejadiro dopa ta iimūriyoro mūa. Gūhyasīriro mariro ñerire iirā, ñeri ūaribejarire iirā, mereri bosenūri iirā, Goāmū dorerire tarinūgarā, goāmarā wéanirāpūre umupeorā iimūriyoro. Eropirā iripēta iri ñerire iipurumujucāque pare.

<sup>4</sup> Eropirā erā mūraro ta iirāpū mūa dohpaguere iri ñerire erā mera iibiricū ĩarā erāpū ĩha ũca wahama. Eropirā erā mūapūre ñero wereniguirā, querere goroweoma.

<sup>5</sup> Erā eropiicū ĩagū erā ñeri iirare Goāmūpū serēpi ĩagū, weretari-doregūcumī erāre. ĩgū ojocarirāre, sīrinirā sāre beyebu āhrimi.

<sup>6</sup> ĩgū eropa beyebu árĭgū erā sīrinirāpūre ōari buherire werepū Goāmū mera erā ōaro árĭniguiborore. Eropirā i yebare erā árĭpehrerā masa iiro dopa sīrinirā árĭquerecū Goāmū ĩgū mera erā ōaro árĭniguiborore werepū erāre.

<sup>7</sup> Pehreburinū merogā dūhyaa. Eropirā ōaro pee masirā árĭque. Eropirā Goāmūre serēniguicāque.

<sup>8</sup> Gajirāre mari ōaro mahirā baja gajiropa erā marire ñero iiquerecū ta eropa ĩacāa mari. Eropirā mūa mera majarāre būrigā umupeo mahiniguicāque.

<sup>9</sup> Mūa mera majarāre mucubiriri mera mūa ya wirigue ñajaridoreque.

<sup>10</sup> Goāmū ĩgū yarā nūcūre ĩgū yare mūa mohmemasiburi nūcūre apimi. ĩgū eropa apicū mūa iimasiro dopa ta mūa mera majarāre irire ōaro itamuque. Goāmū mūa nūcūre mūa ĩgū yare mohmemasiburi nūcūre apimi. ĩgū apirañe mera gajirāre ōaro itamurā, Goāmū ĩgū apidiro dopa ta ōaro iirā ĩaa mūa.

<sup>11</sup> Eropirā mūa ōaro wererā árĭrā, Goāmū ĩgū werebodiropo dopa ta ōaro wereque mūa sā. Masare itamurā árĭrā, Goāmū ĩgū apira turari mera gajirāre itamuque. Árĭpehreri mūa iira nūcū Goāmūre masa erā umupeoboro dopa irire iique. Jesucristopū mūa irire iicū itamugūcumī. ĩgūre árĭpehrerinūri umupeoque. “Ōagū, turagū āhrimi,” arĭro gahmea árĭpehrerāre. Eropa ta arĭporo.

*Jesu yarā erā árĭri dipuwaja erā ñero taririre were gojañumi Pedro*

<sup>12</sup> Yū mahirā, dohpaguere ñetariaro tarirā, “Gajiropa árĭro wāca yūre,” arĭ guña iibiricāque. Mucubirirā árĭque.

<sup>13</sup> Būjawerebirā ta mucubirirāpū árĭque. Eropirā “Cristo ĩgū ñero taridiro dopa ta gūa sā eropa ta wahaa,” arĭ mucubirique mūa. Eropa mucubirirā Cristo ĩgū ōarire ĩgū ĩhmugū dujaricū mūa turaro mucubirirāca.

<sup>14</sup> Cristo yarā mūa árĭri dipuwaja gajirā mūare erā turicū Goāmū ĩgū Espĭritu Santo ĩgū ōagū mūa mera árĭgū iimi. Eropirā ōaro mucubirirā āhraa mūa.

<sup>15</sup> Eropirā masare wejēra waja dipuwajacūrā, yajara waja dipuwajacūrā, ñero iira waja dipuwajacūrā, gajiropa arĭ goroweora waja dipuwajacūrā árĭbiricāque. Iri dipuwaja mūa ñero taricū ñehe āhraa.

<sup>16</sup> Cristo yarā mūa árĭra wajapū ñero taricū ōhaa. Eropirā Cristo yarā mūa árĭcū ĩha ñero iima mūare. Erā eropiicū gūhyasĭbiricāque. Ñero tariquererā ta Cristo yarā mūa árĭrere mucubirirā, Goāmūre “Ōhaa,” arĭ umupeoque mūa.

<sup>17</sup> Goāmū ĩgū yarā erā iirare ĩgū beyerisubū árĭro ĩaa dohpaguere. Árĭpehrerā mari ĩgū yarā mari iirare ĩha serēpimūhtagūcumī. ¿Eropa marire serēpimūhtagū dohpa iigūcuri ĩgū yarā árĭbirāpūre mūa pepicū? ĩgūre yūhribirinirāpūre turaro dipuwaja moagūcumī.

<sup>18</sup> Eropirā ōarā ĩgū yarā eropa ñero tarira pūhrū Goāmū erāre tau erāre ĩgū pohro aĭagūcumī. Goāmūre gamebirāpū ñetariaro tarirācoma. Eropirā dederea wa peamegue warācoma.

<sup>19</sup> Eropirã Goãmũ ĩgu gamecũ mũa ñero tarirã árĩrã, ðarire mũa iirare duhubiricãque. Eropirã mũaare ĩhacũnugudigũre mũaare ne duhubigũre ĩgũre umupeoro gahmea. “Yũre ĩhadibugũcumĩ,” arĩro gahmea.

## 5

### *Jesu yarã erã iiborore were gojañumi Pedro*

<sup>1</sup> Dohpaguere mũaare Jesu yarã oparãre weregũra: Yũhu Jesu yarã opuãhraa. Mũa sã erã oparã taãhraa. Mũaare yũ iro dopa oparã árĩrãre ire werebu iiaa yũhu: Cristo ĩgu ñero tarirare ĩadigũ árĩgu, mũa mera umarogue Cristo mera ðaro árĩnguibu árĩgu ire mũaare weregũra:

<sup>2</sup> Goãmũ yarã oveja iro dopaãhrima. Mũaaru ovejare ĩhadiburã iro dopaãhraa. Eropirã Goãmũ mũaare ĩgu apinirãre ĩgu yarãre ðaro ĩhadibuque mũa. Eropirã Goãmũ ĩgu gamediro dopa ta ðaro sĩporãcũri mera erãre ĩhadibuque. Eropirã erãre ĩhadiburã “Niyerure wajatarãca,” arĩ pepibiricãque mũa.

<sup>3</sup> Eropa ĩhadiburã erãre pũriro mera dorebirabiricãque. Eropirã ðaro ĩique mũa Jesu yarã mũaare erã ĩhacũboro dopa.

<sup>4</sup> Mũa eropa iirã Cristo marire árĩpehrerãre ĩhadibugũ ĩgu dujaricũ ĩgu mũaare ðarire oburire oparãca. Iri mũa opaburi ne pehresome.

<sup>5</sup> Erãre yũ dorero dopa ta mũa mamarã sã erãre mũa oparãre yũhrirã árĩque. Eropirã mũa Jesu yarã árĩpehrerã game yũhri árĩque.

“Ôatariaguãhraa,” arĩ pepirãre Goãmũ gamebeami. Gajirãre umupeorãpũre “Bu árĩrããhraa,” arĩ pepirãpũre ðaro mahĩ itamumi ĩgu, arĩ gojaraãhraa.

<sup>6</sup> Eropirã Goãmũ turagũpũre mũaare dorecũ yũhrique. Eropirã mũa basi “Yũ ðaguãhraa,” arĩ pepibiricãque. Mũa eropa ðarire iicũ ĩagu Goãmũ ĩgu queoranũ árĩcũ masa ĩhuro mũaare “Ôarããhrima,” arĩ ĩhmugũcumĩ.

<sup>7</sup> ĩgu mũaare wũaro pepi ĩhadibumi. Eropirã ĩgũre guñaturarã, ne wũaro bujawere guñaricũbiricãque mũaaru.

<sup>8</sup> Mũaare ĩhaturigu watĩ yee guagu ĩgu ehma baro iro dopa taãhrimi. Mũaare ñero iidoregu goroweodiami. Eropirã pee masi árĩque.

<sup>9</sup> Árĩpehrerogue sãre gajirã Jesu yarã eropa dihta teboricũma watĩ goroweodiari mera. Irire masirã ĩgũre yũhribiricãque. Eropirã Cristore umupeorã turaro guñaturaque mũa.

<sup>10</sup> Mũa i yeba árĩrisubu dihta watĩ ñero iidorediaro mera teboricũrãca. Merogããhraa. Pũhrũ mũa Jesucristo pohro árĩrã, mũaare ðarã turarã árĩcũ ĩigũcumĩ. Eropigu mũa sĩñajarã ðaro árĩcũ ĩigũcumĩ mũaare. ĩgu Jesucristo iira mera árĩpehrerinũri umũsigue mũa ðaro árĩborore mũaare apigũcumĩ. ĩgu Goãmũãhrimi árĩpehrerãre mojomoro ĩagu.

<sup>11</sup> Eropirã umũri nũcu “ĩgu turaguãhrimi,” arĩ umupeorã ĩgũre. Eropa ta iirã.

### *Ôadoretuñumi Pedro*

<sup>12</sup> ĩpũgãre miripũgãre yũ mũaare gojabeocũ Silvanopũ yũre gojabasami. Silvano Jesu yagu yũ acaweregũ Jesure duhubiguãhrimi yũ pepicũ. Mũaare ðaro werediaa. Eropigu “I buheri diaye ta Goãmũ mũaare ĩgu mahiri buheriãhraa,” arĩ weregu mũaare ĩpũre gojabeoa. Eropirã i buheri mera sĩporã turarã árĩque mũa.

<sup>13</sup> Mũaare ĩgu beyediro dopa ta Jesu yarã Babilonia majarã sãre beyedigu árĩmi Goãmũ. Erã mũaare ðadorema. Marco sã yũ magũ iro dopa árĩgu sã mũaare ðadoremi.

<sup>14</sup> M̄a mera majarãre bocatĩrirã õaro mera mojoto ñeaque.  
Árĩpehrerã m̄are Jesucristo yarãre gua õadorea. Eropa ta árĩque.  
Iripẽta ãhraa.

## 2 San Pedro

### *Jesu yarãre gojabeoñumi daja Pedro*

<sup>1</sup> Yũhũ Simo Pedro Jesucristo ïgũ buhedore ïgũ apidigũ ãhraa. Eropigũ ïgũ pohro majagũ ta ãhraa. Eropigũ mũare gojabeoa yũhũ. Goãmũ marire taudigũ Jesucristo mera marire árĩpehrerãre diaye iigũ ãhrimi. Eropa iigũ árĩgũ Cristore umupeocũ, ïgũ yarã wacũ iimi mũare. Eropa warã mũa sã gũa iro dopa ta ïgũ yarã ãhraa. Mari yujuro mera ïgũ yarã árĩrãre mũare gojabeoa.

<sup>2</sup> Eropirã Goãmũ sãre mari Opũ Jesucristo sãre masinemorã ïgũ mahiri mera ðaro árĩrãca mũa. Eropa ðaro mũa árĩboro dopa mũare serẽbasaa Goãmũre yũhũ. Eropa arĩgũ mũare ðadorea.

### *Õpa ãhrima Cristo yarã, arĩ gojañumi Pedro*

<sup>3-4</sup> ïgũ yarã árĩmorãre Cristo marire aĩdigũ árĩmi. ïgũ eropa aĩcũ peerã, ïgũre yũhribũ mari. Eropa yũhrirã Jesucristo ðagũ, ðarirepa ta ïgũ yarã ãhraa. Mari yujuro mera ïgũ yarã árĩrã iimasigũ árĩro dopa ta mari sã ïgũ iro dopa ta árĩmasia. Eropa Goãmũre mari masinemorã, ïgũ turari mera ïgũ gamero dopa ta ðarã árĩrãca. ïgũ ãhrimi ïgũ yarã árĩmorãre marire aĩdigũ. Õagũ ðarire iimasipehogũ ïgũ árĩro dopa ta marire árĩpehrerãre aĩdigũ árĩmi. Eropa ta iri ïgũ turari mera marire ðatariaro wahabũ. “Õpa ta mũare ðaro iigũra,” ïgũ arĩdiro dopa ta marire ðatariaro iimi ïgũ. Marire ïgũ eropiicũ i yeba maja ñerire mari ãaribejarire mari duhucãa. Iri ñeripũ marire goroweotariaca. Eropirã ïgũre yũhrirã árĩrã Goãmũ ïgũ arĩdiro dopa dujarãca mari.

<sup>5</sup> Eropirã Cristore umupeorã árĩtuhaa mũa. Eropirã ïgũ turarire oparã ðpa iinemoque daja: Õarã árĩque mũa. Eropa ðarã árĩrã ðaro pee masirã árĩque mũa.

<sup>6</sup> Eropa pee masirã árĩrã ñerire iidiaquererã ta Goãmũ ïgũ gameripũre iiniguicãrã árĩque. Eropa iirã Cristo yarã mũa árĩri dipuwaja gajirã mũare ñero iiquerecũ ta eropa yujuro bojeniguicãque mũa. Eropa yujuro bojerã Goãmũre umupeorã, ïgũ gamerire iirã árĩque mũa.

<sup>7</sup> Eropa iirã mũa mera majarãre mahi umupeoque. Erãre ðaro itamurã árĩque. Eropa iirã árĩpehrerã gajirã sãre mahi umupeoque.

<sup>8</sup> Mũa eropa iinemocũpũre ðataria. Mũa eropa iinemorã, ðaro iirã árĩrãca. Eropirã mari Opũ Jesucristore ðaro guñaturarã ïgũ gamerire ðaro iiniguirã árĩrãca mũa. Bu árĩrire iisome.

<sup>9</sup> Mũa eropa iinemobirã Goãmũ yare ne masibirigohraboia mũa. Eropirã Cristo mũa ñeri iirare ïgũ coerare ne guñabiriboia mũa. Eropa ta cãijicãdiaboia mũa.

<sup>10</sup> Eropirã yũ acawererã, Goãmũ yarã árĩmorãre mũare ïgũ árĩdorecũ yũhrinirã árĩbũ mũa. Eropa yũhrirã árĩrã, ïgũ yare guña duhudiabirã ïgũ gamerire turaro eropa iiniguicãque. Mũa eropa iirã diaye ta Goãmũ mera árĩrãca mũa. Eropirã diaye ta ïgũ beyenirã árĩrãca mũa. Eropirã ñerire iiniguirã árĩsome.

<sup>11</sup> Mũa eropa ïgũ gamero dopa ta iirã árĩrã mari Opũ marire taudigũ Jesucristo ïgũ árĩroque ðaro warãca mũa. Diaye ta ïgũ yarã mũa árĩcũ ïagũ “Õaro mera yũ mera árĩque mũa,” arĩgũcumĩ Jesu mũare.

12 Eropigu mware ire eropa guñaniguicũ iigura. I mware yu wererare masituhabu mua. Eropa masirã Goãmu yare mua peediro dopa ta ðaro iirã iiaa mua. Eropa iirã mua árĩquerecũ ta i mware yu wererare eropa guñanemocũ werenemogura.

13-14 “Merogã dũhyaa mu sĩriboro,” arĩ weremi yare mari Opũ Jesucristo. Eropigu ojocarinigũ ire yu mware wererare eropa guñaniguicãcũ iiniguigura. Yu eropa iicũ ðapũrica.

15 Eropigu i yu were gojara mware gojapiphehogura yu sĩrira puhru mua ðaro masiboro dopa. Eropirã i yu wererare eropa guñaniguirãca mua.

*Cristo ïgu turagu árĩricurire ïabu yũhu, arĩ gojañumi Pedro*

16 Eropirã mari Opũ Jesucristo ïgu turari sãre, ïgu dujariboro sãre mware wererã, gua gamero gua arĩ bocarire wererã iibiribu. Turagu ïgu árĩrire gua basi ta ïabu.

17 Cristo ïgu turatariagu ïgu árĩrire guare ïhmumi Goãmu mari Pagu. ïgu eropa ïhmucũ Cristo ðaro gosesiricũ ïabu. ïgu eropa gosesiricũ ðpa arĩro caribu: “Ihĩ yu magu yu mahigu àhrimi. ïgu mera ðaro mucubiria,” arĩro caribu gua peecũ.

18 ðmarogue eropa arĩro caricũ peebu gua. Utãgu wecague Goãmu yagu utãgu wecague Cristo mera ejarã eroparicũ peebu gua irire.

19 Irire ïanirã árĩrã, Goãmu yare weremũhtanirã iribojegue majarã erã gojara diaye árĩcũ ðaro masia gua. Erã gojarare mua ðaro buheniguirã ðaro iirã iica mua. Iri erã gojara mware sihãgodiru iro dopa àhraa. Naitĩaroguere ðaro sihãgodiru mera mari ïhamasiro dopa ta erã gojarapu marire Goãmu yare ðaro masicũ iiaa. Eropirã ïgu yare eropa buheniguique ne ïgu Jesucristo dujaricũgue. Jesucristo dujaricũ ïgu yare masipehorãca mari pare.

20-21 Yu werediro tauro ipure ðaro masique mua: Iribojegue majarã ðarã Goãmu yare erã weremũhtarã erã guñabocarire wereniguibiriñuma. Espĩritu Santopũ erã Goãmu yare wereniguiburire erãre masicũ iĩnumi. Eropirã mari erã wereniguiiri gojarare buherã mari pepiri mera irire buherã “ðpa arĩro iica,” arĩmasibirica. Espĩritu Santo ïgu itamuri mera mari masia.

## 2

*Goãmu yare diaye buhebirãre were gojañumi Pedro*

1 Iribojegue mari acawererã judio masa mera majarã gajirã “Goãmu yare weremũhtarã àhraa,” arĩ guyamuriñuma. Erã iidiro dopa ta dohpague sãre mua mera majarãre eropa ta arĩ guyarã árĩrãcoma. Erã diaye Goãmu yare buherã arĩ buheboro dopa ta guyaripure buherãcoma. Eropa buherã Cristo yapure goroweorãcoma. Eropa iirã Cristo erã ya dipuwajare sĩribasadigure guñabirãcoma. Eropirã ïgure “Gua Opũ àhrimi,” arĩ ne pepisome. Iri árĩpehrerire erã eropa iira dipuwajare mata Goãmu erãre peamegue wadoregucumi.

2 Eropa erã guya buhecũ peerã erã, erã ñerire ñaribejaro dopa ta bajarã masa erãre ïhacũ ñero iirãcoma. Erã ñero iicũ ïha gajirã Jesucristo yare diaye majare ñero wereniguirãcoma.

3 Eropirã erã guyaricurã niyerure waja gamerã guyarì buherire buherãcoma mware. Eropa buhera dipuwaja Goãmu erãre peamegue wadoregucumi. Iribojegue ta eropa iinirãre dipuwaja moadoretuhañumi ïgu.



<sup>4</sup> Eropa ta iribojegue dipuwaja moadoreñumi ñerã anyua sãre. Erãre peamegue peresu iĩñumi. Eropa iigu i umu pehrerinu árĩcũ erãre dipuwaja moagucumi.

<sup>5</sup> Eropa ta iribojegue majarãre Goãmure gamebirinirãre dipuwaja moañumi igu. Eropigu árĩpehrero i yebare miugu, árĩpehrerã ñerã masare miu wejẽpehocãñumi. Noé dihtare gajirã siete masa mera tauñumi. Noépu irisubu majarãre Goãmu yare õarire buhemuririñumi.

<sup>6</sup> Eropa ta Sodoma waĩcũri maca majarãre Gomorra waĩcũri maca majarã sãre Goãmu dipuwaja moañumi. Iri macarire pa iinirãre dipuwaja moadoretupeame mera õaro soepehocãñumi. Eropigu puhrugue árĩmorãre igure gamebirinirãre igu dipuwaja moaborore ihmugu iĩñumi. Ñerãre igu dipuwaja moaborore ihmugu iĩñumi “Güiporo,” arĩgu.

<sup>7</sup> Eropigu Lote waĩcũgure tauñumi. Lotepu õagu árĩñumi. Eropa arĩgu arĩgu Sodoma majarã Goãmu dorerire tarinugarã ñetariaro erã iicũ ñagu gariborea wañumi. Eropigu uma erã basi erã ñero iicũ ñagu gariboretaria wañumi igu.

<sup>8</sup> Igu õagu ñerã watope árĩñumi. Eropigu umuri nucũ ñetariaro erã iicũ ñagu ñero erã wereniguicũ peegu ñero siporãcũñumi.

<sup>9</sup> Igure Goãmu taucũ ñarã ire masia mari. Goãmu mari Opũ marire igure gamerãre mari ñerã watope árĩcũ marire taugucumi mari ñero iibiriboro dopa. Eropigu ñerãpũre erã ñero iira dipuwajacũrã árĩcũ apigucumi. Pehrerinu árĩcũguere erãre dipuwaja moagucumi.

<sup>10</sup> Ñerire turaro ñaribejarã Goãmu dorerire tarinugarã erã tamerare ñero dipuwaja moagucumi igu. Oã mua mera majarãre guya buherã ñeri ñaribejarire iirã ne mari Opũre umupeobeama. “Gajirãre mari tarinugaa,” arĩ pepirã ãhrima erã. Eropa arĩrã erã deyobirãre umaro majarãre, ñerã turarãre ne güibirã ñero arĩ wereyama erãre. Erãpũre tauro dipuwaja moagucumi Goãmu.

<sup>11</sup> Goãmu yarã anyuapũ ne erã iiro dopa iibeama. Erã tauro turarã ãhrima. Eropa turarã árĩquererã ta erã ne wereyari mera umaro majarãre ñerã turarãre “Peamegue waporu,” arĩ weresãbeama mari Opũre.

<sup>12</sup> Erã guya buherãpũ nugũ majarã waimurã iro dopa pee masibirã ãhrima. Erã gamero dopa ta iima erã. Eropirã erã masibirirare wereya ñero arĩ wereniguicorema. Eropa iirã erã árĩcũ waimurãre mari wejẽro dopa ta Goãmu erãre peamegue cóãgucumi.

<sup>13</sup> Eropigu erã ñero iira dipuwaja dipuwaja moagucumi Goãmu. Erã ñerire ñaribejataricãma. Eropirã ñerire ñero iiniguicãma. Mua mera bosenu iiquererã iri bosenu iri ñerire iidiana. Erã eropiirã gũhyasĩricũ iima erã querecũrã arĩrã.

<sup>14</sup> Eropirã nomere ñarã ñeadiama erã. Eropirã ñerire eropa iinigu-idiama. Goãmu yare dabero masinugarãre ñerire iidorerã, eropa arĩrãre erã ñhacũcũ iima. Eropirã erã seyaro gajinore, niyeru sãre guya emamehrerã ãhrima. Eropirã erã Goãmu igu dipuwaja moamorã ãhrima.

<sup>15</sup> Erã diaye majare duhu Balaam igu iidiro dopa iirã iima. Balaam murũ Beor murũ magu árĩñumi. Igu iribojegue igu ñeri iiri mera niyerure wajatadiariñumi.

<sup>16</sup> Igu eropa iigu wacũ igu burropũ igure turiñumi. Igu burro werenigu-imasibigu igu árĩquerecũ ta Goãmu igure wereniguicũ iĩñumi. Igu eropa wereniguicũ peegu Balaam turaro igu ñeri iidiarare duhucãñumi.

<sup>17</sup> Erã gúyaricurã maũ dipague deco mariro iro dopa áhřima. Deco mariri maũri dipari iri duhpiburi árĩbiriro dopa ta erã gúyaricurã ne duhpimorã árĩbeama. Eropirã imica cururi miruñe weãbeori cururi gohroto dopa ta erã gúyaricurã sã erã wereniguirire gohrotonigu-ima. Eropigũ naitĩarogue erã warore amutuhapũ Goãmũ erogue erãre dipuwaja moabu.

<sup>18</sup> Erã gúyaricurã erã wereniguirire duhpiburi gohra árĩbeaa. Masirã iro dopa masare eropa buhemaacãma. Őpa arĩ buhema erã: “Mari gamero dopa ta mari iicũ õapũrica,” arĩ buherima erã. Erã eropa arĩ buhecũ masa peerã, erã ƣaribejarire iidiarã erã ya buherire gahmema. Gajirã masa Goãmũre ne umupeonũgarã erã gúyaricurire peerã áhřima. Erã ñerire erã duhura pũhrũgã erã gúyarire peenũgama daja. Eropa peerã Goãmũ yapũre erã peeborapũre peebeama daja. Ñeripũre gohrotoma daja Goãmũ yarã árĩbonirã.

<sup>19</sup> Erãre õpa arĩ buhema gúyarã: “Mari iidiaro dopa ta mari iimasia,” arĩrima erã. Erã eropa arĩ buhequerecũ ta erã arĩdiro dopa wabeaa erãre. Őaripũre iidiaquererã iimasibeama. Ñerire yoari boje duhudiabirã, pũhrũ irire duhudiaquererã duhumasibeama. Iri ñeri erãre dorea. Erã ñeri ƣaribejari erãre dorea. Eropiro yujugũre ñeripũ tarinũgacũ ĩgũpũre ñerire duhumasiya mara.

<sup>20</sup> Mari Opũ Jesucristore marire taugũre ne masinũgarã i yeba maja ñerire duhucãma. Erã eropa duhura pũhrũ dipaturi ñerire gohrotorã daja, ñero gohra dujaboñuma erã. Cristore erã masiboro core erã árĩmũhtadiro tauro ñetariaro dujama pare dipaturi ñerire gohrotorã daja.

<sup>21</sup> Eropa ñero dujarã õari buheripũre erã ne masinũgabicũ õatariaboya erãre. Erã Goãmũ dorerire masira pũhrũ irire cóãnirã ñetariaro dujarãcoma.

<sup>22</sup> Eropirã dipaturi ñerire gohrotorã, masa nũcũ erã õpa arĩ wereniguidiro dopa ta iirã iima erã. “Diaye etocapĩ ĩgũ etocapirare dipaturi ĩgũ basi ta bahami daja. Eropigũ yese ĩgũre guhbura pũhrũ dipaturi ĩgũ ñeri tarague oyami daja,” arĩ wereniguima masa. Eropa ta iima õarire ne gamenũgarã dipaturi ñerire gohrotorã daja.

### 3

#### *Cristo ĩgũ i yeba ĩgũ dujariborore were gojañumi Pedro*

<sup>1</sup> Yũ mahirã, mũare yujupũ gojabeotuhabu. Eropigũ ipũre daja dohpaguere mũare gojabeogũ iiaa. Eropigũ mũare pesubu gojabeogũ i árĩpehrerire guñacũ iidiaũ iiaa õari dihtare mua iiboro dopa.

<sup>2</sup> Irire guñaque mua: Iribojegue majarã õarã Goãmũ yare weremũhtanirã erã were gojarare guñaque. Eropirã mari Opũ marire taugũ Cristo ĩgũ doreri sãre guñaque. Iri dorerire gua ĩgũ apinirã mũare buheabu.

<sup>3-4</sup> Eropirã negohrare ire guñamũhtaque: Pehrerinũ coregãgue Goãmũ yare wereyarã árĩrãcoma. Erã ñerire ƣaribejaniguirã árĩrãcoma. Őpa arĩ wereyarãcoma: “‘Cristo dujarigũra,’ ĩgũ arĩqueregũ ne dujarisome. ¿Dujaridiaqueregũ duhpigũ ne deyobeari ĩgũ? I yeba árĩnũgara pũhrũ mari ñecũ sumarã mura erã sĩrira pũhrũ árĩpehrero mũraro ta árĩniguia. Eropigũ i yebague dujaribu ne ƣamaroguere marimi,” arĩ wereyarã árĩrãcoma.

<sup>5</sup> Eropa arĩ wereyarã ipũre ne guñadiabeama erã: Iribojeguere Goãmũ ĩgũ dorediro mera i yebare ƣmũsi sãre ĩhacũnuguñumi. Eropa

ĩhacũnugugũ deco mera i yebare iĩñumi. Eropigũ i yeba deco mera árĩcũ iĩñumi.

<sup>6</sup> Ĩgũ eropiira pũhrũ i yebare miuñumi. Miugũ i yeba maja dederephecũ iĩñumi.

<sup>7</sup> Eropigũ ĩgũ ta ʘmũsire, i yeba sãre dipaturi dederephecũ iigũcumĩ ĩgũ. Peame mera dederecũ iigũcumĩ. Dohpaguere ĩgũ ĩgũ dorero mera i yebare ʘmũsi sãre árĩniguicũ iimi dohpa. Eropigũ coregũ iimi pũhrũ árĩpehrerore soebu. Eropa coregũ iimi Goãmũ ĩgũre gamebirãre dipuwaja moabu. Eropigũ ĩgũ beyerinũ árĩcũ soepehocãgũcumĩ. Irisubu erã ñerãre dedeogũcumĩ.

<sup>8</sup> Yũ mahirã, ipũre guñaque mũa: “Yoatariari boje ãhraa,” mari arĩ pepiquerẽcũ ta, mil bojori yujunũ iro dopa ta ãhraa Goãmũ ĩgũ ĩacũpũre.

<sup>9</sup> “Goãmũ ĩgũ arĩdiro dopa ta ne yojaro mera iibeami,” arĩma masa. Eropa árĩbeaa. Masare õaro iidiagu corenigũ iimi. Ne yujugu masũre peamegue cóãdiabeami ĩgũ. Eropigũ árĩpehrerã erã ñeri iirire bũjawerẽcũ, ñerire ii duhucũ corenĩmi ĩgũ dohpa.

<sup>10</sup> Ñamigue yajari bũgũ, ĩgũ guñaña mariro yajagu ñajariro dopa ta Cristo i yebaguere guñaña mariro arigũcumĩ. ĩgũ aricũ ʘmũsi maja pehrea waroca turaro bũsũro mera. ʘjũpehrea waroca. I yeba maja sã ʘjũpehrea waroca.

<sup>11</sup> “I árĩpehreri pehrea waroca,” Goãmũ ĩgũ eroparĩcũ peerã ñerire duhu, Goãmũ gameripũre iirã árĩro gahmea marire.

<sup>12</sup> Mari Opũ i yebague ĩgũ dujariborore mũa corerã árĩrã yojaro mera ĩgũ aricũ iique mũa. Irinũre ʘmũsi maja ʘjũpehrea waroca.

<sup>13</sup> Eropa gũhyaro watope ádopa maripũ Goãmũ ĩgũ arĩ apidiro dopa ta árĩpehrerire ĩgũ gohrotoburire cohre mucubiriyua mari. Árĩpehreri iri ʘjũra pũhrũ õpa árĩroca: ʘmũsi i yeba sã gaji dihta árĩroca. Eropirã irisubuguere õari dihtare iirãcoma árĩpehrerã. Irire ta cohrea mari.

<sup>14</sup> Eropirã yũ mahirã, mari Opũ ĩgũ dujariborore corerã Goãmũ ĩgũ ĩarore ñeri marirã, ñerire iibirã árĩque mũa. Eropirã Goãmũre ĩadiabirã árĩbircãque mũa. Eropirã Goãmũ mera õaro árĩque.

<sup>15</sup> Eropirã yoañariri boje ĩgũ deyobiricũ ĩarã õpa masique mũa. Masa erã ñerire bũjawerẽcũ corenigũ iimi dohpa Goãmũ erãre tauborore. Eropa ta arĩ mũare gojabeodigũ árĩmi mari mahigũ mari acaweregũ Pablo. Goãmũ masiri mera irire gojabeodigũ árĩmi ĩgũ.

<sup>16</sup> Eropa dihta arĩ gojabeodi árĩmi Pablo ĩgũ gojabeora nũcũ. Cristo ĩgũ dujariborore, ñerire iibirã mari árĩboro sãre werẽgũ õpa dihta arĩ gojabeodigũ árĩmi ĩgũ. Yujuyerisuburi diasarire were gojabeodigũ árĩmi. Gajirã ne masibirã, pee masibirã gũyari mera ĩgũ eropa arĩrare gohrotomũrima. Eropirã ĩgũ eropa werera árĩquerecũ ta gajiropa arĩ gohroto werẽcãma erã. Goãmũ yare erã gojarapũgue gaji sãre eropa ta iima erã. Erã eropiicũ ĩagũ Goãmũ erãre dipuwaja moagu peamegue cóãgũcumĩ.

<sup>17</sup> Yũ acawererã, yũ mahirã, i árĩpehrerire i eropa waboro core weretuhabũ mũare. Eropirã ire masirã õaro iique mũa. Ñerã mũare erã gajiropa arĩ buhecũ, peeĩgũ árĩmi. Gajirã ne masibirã, pee masibirã gũyari mera ĩgũ eropa arĩrare gohrotomũrbircãque erãre Cristo yare duhuri arĩrã.

<sup>18</sup> Eropa duhubirã mari Opũre marire taudigũre Cristore õaro umupeonemoque mũapũ. ĩgũre õaro masinemoque. Árĩpehrerinũri ĩgũre õaro

umupeorã mari. “Õagũ turagũ ãhrimi,” arĩrã mari ãgũre. Eropa ta arĩrã.  
Iripẽta ãhraa.

## 1 San Juan

### *Ñu Jesucristore were gojara āhraa*

<sup>1</sup> Dohpague ta gũa Jesucristo yare were gojarã iiaa mũare. Mata negue ta árĩdigũ āhrimi ĩgũ. ĩgũ masare mari Pagũ mera eropa árĩniguicũ iigu āhrimi. ĩgũre ĩabũ gũa. ĩgũ wereniguirire pee gũa ya cuiiri mera ĩabũ gũa ĩgũre. Eropirã ĩgũre ĩarã, gũa ya mojotori mera mohmepibũ ĩgũre.

<sup>2</sup> ĩgũ masare mari Pagũ mera árĩniguicũ iibu árĩgũ ĩgũ i yebague ĩgũ dehyoami. ĩgũ masa dehyoacũ gũa ĩabũ ĩgũre. Eropirã ĩgũre werea gũa mũare. ĩgũ umuri nũcũ mari Pagũ mera árĩniguicãdigũ mari pohro erami. Eropirã ĩgũre gũa ĩarare werea mũare.

<sup>3</sup> Mari Pagũ mera gũa õaro āhraa. ĩgũ magũ Jesucristo mera sãre gũa õaro āhraa. Eropirã mũa sã gũa mera, mari Pagũ mera, ĩgũ magũ mera mũa õaro árĩburire gũa mũa sãre Jesucristore werea. Gũa ĩarare gũa peerare werea.

<sup>4</sup> Irire ta gũa gojaa mũa õaro mucubiriburire.

### *Goãmũ mera õaro árĩburi āhraa*

<sup>5</sup> Dohpague ta Jesucristo wereniguirare werea gũa mũare. Iri buherire Jesucristo gũare buhecũ gũa peebũ. Őpa āhraa. Goãmũ õagũ dihta āhrimi. Ñeripũ ne mara ĩgũre. Irire werea mũare.

<sup>6</sup> Eropirã mari ñeri iirire iiniguirã, “Goãmũ mera õaro árĩcãa yũhũ,” arĩquererã mari gũyarã iiaa. Eropirã diaye majare iibea.

<sup>7</sup> Eropirã mari Goãmũ iidiro dopa ta mari õarire iiniguirã tamera, Goãmũ mera õaro árĩrã iiaa. Mari basi sã õaro árĩrã iiaa. Eropigũ Jesucristo Goãmũ magũ mari ñeri iirire árĩpehrerire coegũ āhrimi. ĩgũ crusague sĩrigũ ĩgũ dire cóãmi. ĩgũ eropiigũ mari ñeri iirire coeniguicãmi.

<sup>8</sup> Yujugũ “Yũ tamera ne ñerire iibea,” eropa arĩgũ ĩgũ basi ta gũyami. Eropigũ diaye majare pepibeami.

<sup>9</sup> Eropirã mari ñero iirare werero gahmea Goãmũre. Eropa wererã mari ñero iira pũhrũ Goãmũre mari weretaripehocãcũ, ĩgũ mari ñero iirare cãdijipehocãgũcumi. ĩgũ arĩdiro dopa ta diaye ta iigu õagũ āhrimi. Eropigũ daja mari ñeri árĩpehreri sãre coeweagũcumi.

<sup>10</sup> “Árĩpehrerã ñerire iirã āhrima,” arĩtuhajapũ Goãmũ. Eropirã “Ne ñerire iibea yũpũ,” mari arĩrã õaro arĩbeaa mari. Mari eropa arĩrã “Goãmũ gũyaricũgũ āhrimi,” arĩdiarã iiaa. Őpa arĩrã ĩgũ ya buherire gamebirã āhraa.

## 2

### *Jesucristo marire itamumi, arĩ wereñumi Ñu*

<sup>1-2</sup> Yũ porã, mũa ñerire iibiriboro dopa ire gojagũ iiaa. Yujugũ ñero iirare iicũ Jesucristo itamumi marire mari Pagũ iri ñero iirare cãdijiboro dopa. ĩgũ Jesucristo õagũ Pagũ pohro árĩgũ ĩgũ Pagũre õpa arĩ serẽbasacumi mari ñero iira pũhrũ: “Ihĩ ñero iira dipuwaja moabita ĩgũre,” arĩrã “Goãmũ gũyaricũgũ āhrimi,” arĩdiarã iiaa. Őpa arĩrã ĩgũ ya buhe arĩcumi mari Pagũre. Eropigũ Jesucristo mari ñero iira dipuwaja

wajayebasadi árĩmi. Mari ñero iira dihtare wajayebasabiridigu árĩmi. Árĩpehrero majarãguere erã ñero iirare wajayebasadi árĩmi.

<sup>3</sup> Maripũ Goãmũ dorerire iirã árĩrã “Goãmũre diaye ta masia yũhũ,” arĩ masia mari.

<sup>4</sup> Yujugũ Goãmũ dorerire iibigu, “Yũ sã Goãmũre diaye ta masia yũhũ,” arĩgu gũyagu àhrimi. Eropigu Cristo yare masibeami. iiaa. Ōpa arĩrã ĩgu ya buhe

<sup>5</sup> Goãmũ dorerire iigupũ ĩgu Goãmũre òaro mahigu àhrimi. Eropa árĩgu ta “Yũhũ Goãmũ mera òaro árĩcãgu àhraa,” arĩ masimi ĩgu.

<sup>6</sup> Mari “Goãmũ mera òaro àhraa,” arĩrã Jesucristo ĩgu òaro árĩricũdiro dopa ta iiro gahmea.

### *Goãmũ doreriñe àhraa*

<sup>7</sup> Yũ acawererã, yũhũ mũare dohpaguere werebeoburi mama doreriñe árĩbeaa. I doreriñe mũa negohraguere Jesu buherire peerañe ta àhraa. Eropirã iriñe doreriñere peetuhajabũ mũa.

<sup>8</sup> Iri doreriñe “Gajirãre mahi umupeoque,” arãa. Cristo iri doreriñere iigu masare umupeomi. Eropiro dohpaguere iri doreriñe mũrañe doreriñe árĩquerero ta mama doreriñe sã àhraa. Dohpaguere mũa pee masibirirañe pehre wahgãro iiaa òaro. Jesucristo mũare pee masicũ iigu eraturajami. Eropirã mũa sã masare umupeorã iiaa.

<sup>9</sup> Eropigu yujugũ gajigure ĩhaturigu árĩgu ñerire iigu àhrimi. ĩgu ta “Yũhũ òarire iigu àhraa,” arĩmasibeami ĩgu gajigure ĩhaturinijagu.

<sup>10</sup> Eropigu yujugũ gajirãre mahi umupeogu tamera òarire iigu òaro àhrimi. Eropigu ñerire iibeami.

<sup>11</sup> Gajirãre ĩhaturigupũ ñerire iigu àhrimi. Eropigu ĩgu òaro iiburire pee masibeami ĩgu.

<sup>12</sup> Yũ porã, Goãmũ mũa ñeri dipuwajare cãdijipehodi árĩmi Cristo ĩgu sĩrirañe mera. Eropa mũa ñerire cãdijisũrã árĩcũ mũare wegũ árĩgu ñerire iigu àhrimi. ĩgu ta “Yũhũ òarire iigu àhraa,” arĩmasibre gojagu iiaa.

<sup>13</sup> Mũa pagũ sũmarã sã, mũa Cristore negohraguere árĩdigũre masirã àhraa pare. Mũa eropa masicũ mũa sãre were gojagu iiaa. Mũa mamarã, mũa watĩre tarinũgabũ mũa. Mũa eropa tarinũgarã árĩcũ mũare were gojagu iiaa.

Yũ porã, mũa mari Pagũre masia. Mũa eropa masirã árĩcũ were gojagu iiaa.

<sup>14</sup> Mũa pagũ sũmarã, mũa Cristore negohraguere árĩdigũre masia mũa. Mũa eropa masirã árĩcũ mũare were gojagu iiaa. Mũa mamarã, mũa Goãmũ yare umupeoturarã àhraa. Eropirã ĩgu yare diaye majare iiaa. Goãmũ wereniguirire masia. Mũa eropirã watĩre tarinũgabũ. Eropigu mũare were gojagu iiaa.

<sup>15</sup> I yebare, i yeba majare gamebircãque. I yeba majare gamerã maripũ mari Pagũre gamebeaa mari.

<sup>16</sup> I yeba maja àhraa: Masa erã ñerire ñaribejari, ñero ĩha iidari àhraa. Eroparĩcũ masa erã ya dihta guña mucubiriri àhraa. Iri Goãmũ mari Pagũ ya árĩbeaa. Iri árĩpehreri i yeba maja àhraa.

<sup>17</sup> Eropirã i yeba majare iirã erã ñero iidari mera dederea wahama i yeba mera. Goãmũ yapũ pehresome. Eropirã Goãmũ yare iirãpũ Goãmũ mera árĩniguicãrãcoma.

*Diaye maja árĩri, diaye maja árĩbiriri àhraa, arĩ gojañumi Ñũ*

18 Yũ porã, i mũmũ pehrebro merogã duhyaa. “Cristore ìhaturidigu gohra arigucumi,” arĩ Jesu yarã mũare weretuhajama. Dohpaguere Cristore ìhaturirã bajarã árĩtuhajama. Eropirã dohpaguere i mũmũ pehreburiũ merogã ero duhyacũ mari masia.

19 Oã Cristore ìhaturirãpũ mari mera árĩquererã mari yarã diaye árĩbeama. Eropirã marire cohã wiriama. Erã mari yarã árĩrã mari mera dujaboañuma. Eropirã marire cohã wiriama. Erã eropa wiriacũ mari mera majarã erã árĩbirirare masia mari.

20 Mũapũre Cristo Espĩritu Santore mũare otuhajadi árĩmi. Eropigu Espĩpehreri i yeba maja ãhraa. Íritu Santo mũa mera ãhrimi. Ígu árĩro mera mũa árĩpehreri diaye maja árĩrire masia.

21 Eropigu yũ mũare weregu, “Diaye maja árĩrire masibea mũa,” arĩbeaa yũhũ. Mũa diaye maja árĩrire masirã guyacũ sãre masia. Eropigu mũare werea yũhũ.

22 Ihĩ diaye majare masibigu ãhrimi guyagupũ. “Jesucristo Goãmũ magũ árĩbeami,” arĩgupũ guyagu ãhrimi. Ígu Cristore ìhaturigu ãhrimi ígu. Eropigu mari Pagũre ígu magũ sãre “Erã diaye ta árĩbeama,” arĩgu Cristore ìhaturigu ta ãhrimi.

23 Õpa ãhraa: Jesure gamebigupũ mari Pagũ sãre gamebeami. Jesure umupeogu mari Pagũ sãre umupeomi.

24 Negohraguere mũa Goãmũ yare peebũ. Irire õaro guñaque. Irire guñarã Jesucristo mera õaro árĩrãca. Eropirã mari Pagũ mera sãre õaro árĩrãca.

25 Jesucristo marire weremi: Õpa ãhraa ígu werera: “Mũa mũmũri nũcũ Goãmũ mera árĩrãca,” arĩ werepĩmi Jesu marire.

26 Gajirã mũare guyadiarima. Eropigu mũare were gojaa.

27 Mũapũre Cristo Espĩritu Santore otuhajami. Espĩritu Santo mũa mera árĩniguimi. Eropigu Espĩritu Santo mũa mera árĩgu diaye majare mũare masicũ iimi. Espĩritu Santo mũare buhecũ ìha gajigu mũare buheguere amabeaa mũa. Árĩpehrerire diaye maja árĩrire buhemi mũare Espĩritu Santopũ. Gũyarire ne buhebeami ígu. Eropirã Espĩritu Santo ígu mũare buhediro dopa ta Jesucristo yare peerã ígu mera õaro árĩque.

28 Eropirã, yũ porã, Jesucristo mera majarã árĩque. Mũa eropiirã Cristo ígu dujaririnũ árĩcũ ne gũisome íguere. Eropirã ígu dujaririnũ árĩcũ mũa guhyasĩriri mariro árĩrãca.

29 Cristo Goãmũ magũ ígu õari dihta iidigu árĩcũ mũa masia. Irire masirã iri sãre masia mũa. “Árĩpehrerã diaye maja õarire iirã Goãmũ porã ta ãhrima,” arĩ masia mũa.

### 3

#### *Mũa ta Goãmũ porã ãhraa, arĩ werera ãhraa*

1 Goãmũ mahitaricãmi marire. Eropigu ígu marire “Mũa yũ porã ta ãhraa,” arĩmi. Eropirã ígu porã ta ãhraa mari. I yeba majarã ñerã Goãmũre masibeama. Eropirã erã mari sãre masibeama Goãmũ porã mari árĩcũ.

2 Yũ mahirã, dohpague Goãmũ porã ãhraa mari. Pũhrũgue mari dohpa árĩburire mari õaro masibea dohpa. Cristo dehyoacũ daja diaye ta irire masirãca. Ígu árĩricũre ìha masirãca. Eropirã Cristo marire dehyoacũ daja ígu iro dopa ta mari gohroto árĩrãca. Eropirã ígu õagu iiro dopa ta iirãca pare. Irire masia mari.

<sup>3</sup> Eropā masirā ñerire duhu Cristo ĩḡu árĩro dopa ta õarire iidiaa dohpague sãre.

<sup>4</sup> Árĩpehrerã ñerire iirã Goãmũ dorerire tarinũgarã àhrama. Ñero iiri Goãmũ dorerire tarinũgari àhraa.

<sup>5</sup> Cristo márĩburire mari õaro masibea dohpa. Cristo dehyoacũ daja diaye ta irire masirãca. ĩḡu árĩricurire ĩha masirãca. Eropirã Cristo marire dehyoacũ daja ĩḡu iro dopa ta mari gohroto árĩrãca. Eropirã ĩḡu õagũ iiro dopa ta iirãca pare. Irire ari masa ñerire cóãbu erami. ĩḡurũre ñeri ne mara. Mũa irire masia.

<sup>6</sup> Eropirã árĩpehrerã Cristo mera majarã árĩrã erã sã ñerire eropa iiniguicãbeama. Ñerire eropa iiniguicãrã Cristore ne masibea. Eropā iirã Cristo yarã árĩbeama.

<sup>7</sup> Yũ buherã, mũare ḡũyarãre peebiricãque. Árĩpehrerã diaye majare iirã, Cristo iro dopa õarã àhrama.

<sup>8</sup> Ñerire eropa iiniguicãḡũ watĩ yagũ àhrimi. Watĩ tamera mata ñerire iinũgadigũ árĩñumi. Eropigũ Goãmũ magũ Jesucristo watĩ dorerire cóãḡũ erami.

<sup>9</sup> Eropirã Goãmũ porã ĩḡu árĩrere opama. Eropirã erã ñerire eropa iiniguicãbeama. Goãmũ erã Pagũ árĩcũ erãpũ ñerire iiniguicãmasibeama.

<sup>10</sup> Õpa Goãmũ porã árĩrãre, watĩ porã árĩrã sãre masirãca. Watĩ porã Goãmũ porã iro dopa ta árĩbeama. Diaye maja árĩrere iibirã, gajirãre umupeobirã Goãmũ porã árĩbeama.

*Mũa mera majarãre mahi umupeoque, arĩ werera àhraa*

<sup>11</sup> “Mari mera majarãre mahi umupeoro gahmea,” ne arĩ buhecũ peeabũ mũa.

<sup>12</sup> Eropirã mari Caĩn iribojegue majagũ ĩḡu ñero iidiro dopa ta ñerire iibiricãrã. ĩḡu Caĩn watĩ yagũ árĩdi ĩḡu pagũ magũre wejẽcãñumi. Caĩn ñerire iimũriñumi. ĩḡu pagũ magũpũ õarire iimũriñumi. ĩḡu eropa õarire iira dipuwaja Caĩnpũ ĩḡure ĩhaturiñumi. Eropigũ ĩḡure wejẽcãñumi.

<sup>13</sup> Eropirã i mũmũ majarã ñero iiricũrã mari õarire iicũ ĩha ĩhaturima marire. Eropirã “¿Duhpirã yũre ĩhaturiri erã?” arĩrere masirãca.

<sup>14</sup> Negohrare mari Goãmũ yare iibirã árĩnirã mari dederebonirã árĩribũ. Dohpaguere pare Goãmũ yare iirã árĩrã ĩḡu mera árĩniguimorã àhraa. Eropirã ĩḡu itamuri mera Jesu yarãre mahi umupeorã àhraa. Eropā umupeorã árĩrã “Goãmũ yarã àhraa,” arĩ masia mari. Masare mahibirã peamegue wamorã àhrama.

<sup>15</sup> Eropirã erã erã mera majarãre ĩhaturirãpũ masare wejẽrã iro dopa ta iima Goãmũ ĩḡu ĩacũ. Masare wejẽrã mũmarogue árĩmorã árĩbeama. Irire õaro masia mũa.

<sup>16</sup> Cristo ĩḡu sĩrirañere ḡũnarã marire ĩḡu mahira gohrare masia. Cristo mari masare mahitarigũ mari dipuwajare aĩ mari Goãmũ mera árĩniguiborore sĩrimi. Mari sã gajirãre itamugũ sĩribu ta árĩquereḡũ mari acawererãre mahi itamuro gahmea.

<sup>17</sup> Yujugũ baja opagũ Jesucristo yagũre mojomorocũḡure ĩaquereḡũ ta ĩḡure mojomoro ĩabigũ Goãmũre mahibeami ĩḡu.

<sup>18</sup> Yũ porã, mari “Yũhũ masare umupeoa,” mari arĩ wererã erãre itamuro gahmea. Erãre itamubirã erãre mahi umupeobirã iiaa.

*Gũiro mariro Goãmũ pohro árĩmasia mari*



<sup>19</sup> Eropa gajirãre mahi umupeorã, “Mari diaye ta Goãmũ yarã àhraa,” arĩmasia.

<sup>20</sup> Eropirã mari basi “Gajino yũ ñero iira dipuwaja árĩca yũre,” arĩ pepiquererã ta Goãmũ mera õaro sĩporãcurã árĩmasia. Goãmũpũ árĩpehrerire masigũ õaro masimi mari sĩporãrere.

<sup>21</sup> Eropirã mari “Ñeri dipuwaja marica yũre,” arĩ pepirã õarire iirã Goãmũ mera mari güiro mariro árĩmasia.

<sup>22</sup> Goãmũ ïgũ dorerire ïgũ gamerire mari iicũ ïgũre mari serẽri nũcũre ogũcumĩ marire.

<sup>23</sup> Õpa doremi ïgũ marire: “Goãmũ magũ Jesucristore umupeoque. Eropirã mũa mera majarãre mahi umupeoque Cristo marire ïgũ dorediro dopa ta,” arĩ doremi marire.

<sup>24</sup> Goãmũ dorerire iirã Goãmũ mera õaro árĩcãa mari. ïgũ Goãmũ sã mari mera õaro àhrimi. Goãmũ ïgũ Espĩritu Santore obeomi marire. Mari mera árĩgũ “Goãmũ yũ mera àhrimi,” mari arĩ masiburire Espĩritu Santo marire masicũ iimi.

## 4

### *Goãmũ yarã gohrare masiro gahmea marire, arĩ werera àhraa*

<sup>1</sup> Yũ mera majarã, dohpaguere i umũre bajarã gũyarã àhrima, “Goãmũ yare wererã àhraa,” arĩquererã. Eropirã gajirã mũa watopegue Goãmũ yare buherã aricũ õaro ïaque erãre. “¿Erã buheri noa buheri àhriri?” arĩ ïaque. “¿Erã Goãmũ yarã àhriri?” arĩ ïaque.

<sup>2</sup> Õpa masique erãre serẽpirã: “¿Jesucristo i yebague aridigũ diaye ta masũ gohra árĩyuri?” arĩ serẽpiñaque erãre. Mũa eroparĩcũ pee erã Goãmũ yarã árĩrã “Masũ ta árĩñumi Jesu,” arĩ yũhrirãcoma.

<sup>3</sup> Erã Goãmũ yarã árĩbirãpũ “Jesucristo masũ gohra árĩbiriñumi,” arĩ yũhrirãcoma. Erã eropa arĩ yũhricũ “Erã ya pepiri Cristore ïhaturigũ ya dorero dopa ta àhraa,” arĩ masirãca mũa. “Cristore ïhaturigũ arigũcumĩ,” peetuhajabũ mũa. Eropigũ ïgũ ya buheri i yebaguere árĩtuhajaa.

<sup>4</sup> Yũ porã, Goãmũ yarã àhraa mũapũ. Eropirã mũa Goãmũ yare were gũyarãre tarinũgatuhajabũ. Mũa mera árĩgũ Espĩritu Santopũ watĩ tauro àhrimi. Watĩ i umũ majarã yagũ àhrimi. Eropirã mũare gũyarãre tarinũga, erãre peebirabũ mũa.

<sup>5</sup> Gũyarãpũ i umũ majarã àhrima. Eropirã erã i umũ majare gũyarire buhecũ i umũ majarã dihta erãre peema.

<sup>6</sup> Maripũ Goãmũ yarã àhraa. Eropirã Goãmũre masirãpũ marire peema. Gajirãpũ Goãmũ yarã árĩbirãpũ marire peebeama. Eropirã õpa arĩ masia mari. “Erã Goãmũ yare peerã Goãmũ doreri diaye majare opama. Erã Goãmũ yare peebirãpũ watĩ doreri gũyari majare opama,” arĩ masia mari.

### *Goãmũ árĩpehrerãre bũrigã mahiniguigũ àhrimi, arĩ werera àhraa*

<sup>7</sup> Yũ mahirã, mari gajirãre mahicũ Goãmũ iigũ àhrimi. ïgũ eroparĩcũ ïarã mari mera majarãre mahirã. Masare õaro mahirãpũ Goãmũ porã àhrima. Eropirã erã Goãmũre õaro masima.

<sup>8</sup> Masare árĩpehrerãre Goãmũ bũrigã mahiniguigũ àhrimi. ïgũ eropa mahiniguigũ árĩcũ masare mahibirãpũ Goãmũre masibeama.

<sup>9</sup> Goãmũ marire ïgũ mahirare ïhmudi árĩmi ïgũ magũre obeogu. ïgũ magũre yujugũ ta árĩgũre marire taubu obeodi árĩmi i yebaguere. Eropa obeogu marire ïgũ mahirire masicũ iidi árĩmi.

10 Īḡu magure obeora mahiri gohra āhraa. Mari masa Goāmure mahibiriqerēcū ĩḡu Goāmuru marire būrigā mahidi árīmi. Eropiḡu ĩḡu magure obeodi árīmi mari ñerire cóābure. Īḡu magure obeora iri ta āhraa marire ĩḡu mahiri gohra.

11 Eropirā, yu mahirā, Goāmu būrigā marire mahicū ĩarā mari sā mari mera majarāre mahirā.

12 Masaru ne mari Pagure Goāmure ĩabeama. Īḡure ĩabirā mari árīqerēcū ta mari mera majarāre mari mahicū Goāmuru mari mera ōaro eropa árīnigicāmi. Eropiḡu ĩḡu mari mera árīḡu marire gajirāre ōaro mahinemocū iimi.

13 Goāmu marire ĩḡu Espiriture ohami. Eropirā ĩḡu Espiriture mari oparā “Goāmu mari mera ōaro āhrimi,” arī masia mari.

14 Mari Pagu ĩḡu magure i yeba majarāre taubure ĩḡu obeocū ḡua ĩabu. Eropirā irire ĩanirā gajirāguere irire werea ḡua.

15 “Jesucristo Goāmu magu ta āhrimi,” arīḡu ĩḡu ta Goāmu mera ōaro árīḡu iimi. Eropiḡu Goāmu sā ĩḡu mera ōaro árīcāḡu iimi.

16 Eropirā Goāmu marire mahirire masia mari. Eropirā marire diaye ta mahiḡu ĩḡu árīcū masia mari. Goāmu masare árīpehrerāre būrigā mahinigicāḡu āhrimi. Eropirā masare mahiniguirāpu Goāmu mera ōaro āhrima. Goāmu sā erā mera ōaro āhrimi.

17 I yeba árīdigu Cristo Goāmure gajirā sāre ĩḡu mahidiro dopa ta mari sā Goāmure gajirā sāre mahia. Eropirā mari eropa mahirā mahinemoa, dipuwaja moarinu árīcū mari güibiriboro dopa.

18 Eropirā mari Goāmure mahirā güibeeaa. “Goāmu marire būrigā mahimi,” arī ōaro masirā güisome pare. “Mata Goāmu yure dipuwaja moagucumi,” arī pepirāpu güia mari. Mari eropa pepirā Goāmu marire ĩḡu mahirire ōaro masibeeaa.

19 Marire Goāmu mahimūhtami. Eropirā mari sā ĩḡure mahia.

20 Yujugu masu gajigure ĩhaturigu árīqerēḡu “Yu sā Goāmure mahia,” arīḡu ḡuyagu āhrimi. Gajigure ĩhaturigu Goāmure mahibeami ĩḡu. Gajigure ĩḡu masigu árīqerēḡu ta mahibiḡu Goāmu sāre ĩḡu ne ĩabigure mahimasibeami ĩḡu.

21 Eropa āhraa marire Cristo ĩḡu doreri: Goāmure mahirā árīrā muu pohro árīrā sāre mahi umupeoque.

## 5

### *Goāmu porā árīrā Goāmu dorerire iima, arī werera āhraa*

1 Árīpehrerā Jesupure “Cristo āhrimi. Goāmu obeodigu ire būrigā mahimi,” arīāhrimi,” arīrā Goāmu porā ta āhrima. Gajirā pagure mahirā ĩḡu porā sāre mahia mari. Eropa ta mari mari Pagure Goāmure mahirā, ĩḡu porā sāre mahia.

2 Eropirā Goāmu porāre mari mahirire mari ōpa masirāca: Goāmure mahi, ĩḡu dorerire ōaro ii, ĩḡu porā sāre mari mahirā iiaa.

3-4 Īḡu dorerire ōaro iirā Goāmure mahirā iiaa mari. Marire Goāmu ĩḡu dorerire iicū teboricūsūya mara. Eropirā mari árīpehrerā Goāmu porā árīrā, i muu maja ñerire eropa iinigicāsoma. Goāmure umupeorā ne ñerire gamebeaa. Eropirā ĩḡure mari umupeora puhru ñerire iidiabeaa.

5 Ñerire gamebirā ōpa arīrā āhraa mari Jesucristore. “Jesu Goāmu magu ta āhrimi,” arī umupeorā ta āhraa. Eropa arīrā árīrā ñerire gamebirā āhraa mari.

### *Goãmũ magũ árĩricũrĩre werera ãhraa*

<sup>6</sup> Jesucristo i yebague erami. I yebaguere árĩgũ deco mera waĩyesũmi. Deco dihta árĩbeaa. Pũhrũ sĩrigũ ĩgũ di cóãmi. Eropirã Jesucristore ĩgũ deco mera waĩyecũ ĩha ĩgũ ya di cóãcũ ĩha “Ĩgũ Goãmũ magũ ta ãhrimi,” arĩ masia mari. Jesucristo árĩricũrĩre diaye ta marire árĩpehrerãre masicũ iimi Espĩritu Santo. Espĩritu Santo diaye majare marire masicũ iimi.

<sup>7-8</sup> Ũmarogue sãre irire “Jesucristo Goãmũ magũ ta ãhrimi,” arĩ wererã urerã ãhrima. Mari Pagũ, ĩgũ magũ, Espĩritu Santo erã ta ãhrima. Erã urerã ta ãhrima. Eropirã yujugũ iro dopa ta ãhrima. I yebague sãre “Jesucristo Goãmũ magũ ãhrimi,” arĩ masisũa. ĩgũ magũ ĩgũ árĩricũrĩre Espĩritu Santo marire masicũ iimi. Eropi Jesure deco mera ĩgũ waĩyerare masirã “Ĩgũ Goãmũ magũ ãhrimi,” arĩ mari masia. Eropirã mari árĩburire Jesu sĩrigũ ĩgũ di cóãrañere ĩha masirã “Goãmũ magũ ta ãhrimi,” arĩ masia mari. Iri mera marire masiro gahmea.

<sup>9</sup> Mari masa dihta wereniguicũ mari peea. Eropirã marire Goãmũpũ ĩgũ magũ árĩricũrĩre wereniguicũ õaro peero gahmea.

<sup>10</sup> Eropirã Goãmũ magũre umupeorã ĩgũ Jesure were buherire õaro peema. “Diaye ta ãhraa,” arĩ pepima erã Jesu yare buherire. Goãmũ ĩgũ magũ yare “Diaye árĩbeaa,” arĩ pepirãpũ “Goãmũ gũyagũ ãhrimi,” arĩrã ãhrima erã. Goãmũ ĩgũ magũre arĩ wererire peebirã ãhrima.

<sup>11</sup> Goãmũ marire ũmũri nũcũ ĩgũ mera mari árĩniguicũ iigũcumĩ. Goãmũ magũre gamerã árĩrã mari árĩcũ ĩgũ mera eropa árĩniguicũ iigũcumĩ marire. I ãhraa Goãmũ magũre ĩgũ wereri.

<sup>12</sup> Eropirã Goãmũ magũre umupeorã Goãmũ mera árĩniguicãrãca. Eropirã gajirã ĩgũre gamebirãpũ ĩgũ mera árĩsome.

### *Weretu ĩgũ gojara ãhraa*

<sup>13</sup> Mũa Goãmũ magũre umupeorã ĩgũre peerã mũa Goãmũ mera eropa árĩniguicãrãca. Mũa Goãmũ mera árĩburire õaro masicũ mũare were gojagũ iiaa.

<sup>14</sup> Mari, mari dohpa árĩrĩre Goãmũre serẽrã ĩgũ gamediro dopa ta mari serẽcũ ĩgũ marire õaro peenũrugũcumĩ. Eropa mari serẽrã, “Diaye ta õaro peemi ĩgũ,” arĩ masia mari.

<sup>15</sup> ĩgũre mari eropa serẽcũ ĩgũ marire peemi. ĩgũ pee mari serẽropẽ ta ogũcumĩ. ĩgũ eropa peecũ masirã ĩgũre mari serẽropẽ ta ĩgũ obu árĩcũ sãre masia mari.

<sup>16</sup> Mari mera majagũ gajigũ Jesucristore umupeogũ ñerire ĩgũ iigũ árĩcũ ĩha ĩgũre Goãmũre serẽbasaro gahmea. Eropa serẽcũ Goãmũ ĩgũre taugũcumĩ ĩgũ dedereborãñere. Gaji ñero iiri ãhraa. Iri ñero iirire gajigũ ĩgũ iigũ árĩcũ ĩha Goãmũ ĩgũre dedereburĩñere taubeami. Eropigũ mũ acaweregũ iri ñerire iicũ Goãmũ taubiriburire iicũ “Ĩgũre Goãmũre serẽbasaque,” arĩbeaa yũhũ mũare.

<sup>17</sup> Árĩpehreri ñero iiri ñetariari ãhraa Goãmũ ĩgũ ĩacũ. Eropa árĩquerecũ gajĩ ñeri iiri peamegue wacũ iibeaa masare.

<sup>18</sup> Goãmũ magũ Jesucristo Goãmũ porãre õaro cãhmotami. Eropigũ watĩpũ Goãmũ porãre ñero iirire doremasibeami. Eropirã Jesucristo cãhmotari mera Goãmũ porã ne ñero iirire eropa iiniguicãbeama. Irire mari masia.

<sup>19</sup> Mari Goãmũ porã ãhraa. Watĩ i ũmũ majarã opũ ãhrimi. Iri sãre masia mari.

<sup>20</sup> Goãmũ magũ i yebague aridi Goãmũre õaro masicũ iimi ãgũ marire. Eropirã Goãmũre “Diaye ta ãhrimi,” arĩ masia mari. Eropirã Goãmũ magũ Jesucristo yarã ãhraa mari. Eropirã Goãmũ mera mari õaro árĩniguicãrã iiaa. Ihĩ diaye ta Goãmũ gohra ta ãhrimi. Eropirã ãgũ mera árĩniguicãrãca.

<sup>21</sup> Yũ buherã, goãmarã wéanirãre “Goãmũ ãhrimi,” arĩ umupeobiricãque. Goãmũ dihtare umupeoque. Iripẽta ãhraa.

## 2 San Juan

*Gajirãre were gojañumi Ñu. Jesu yare, diaye mahiri sãre wereñumi*

<sup>1-2</sup> Yũhũ bugũ mũre Goãmũ beyedigore mũ porã sãre ipũre gojabeoa. Jesucristo yare diaye majare opaa mari. Iri mari mera árĩniguicãroca. Eropigũ diaye ta mahia yũhũ mũare. Yũ dihta mahibea mũare. Gajirã Jesu yare masirã sã diaye ta mũare mahima.

<sup>3</sup> Goãmũ mari Pagũ, Jesucristo ãgũ magũ mera diaye ãgũ mahiri mera marire õaro iigũcumĩ. Eropigũ marire mojomoro ãagũcumĩ. Eropigũ marire õaro árĩcũ iigũcumĩ ãgũ.

<sup>4</sup> Mari Pagũ marire ãgũ dorediro dopa ta mũ porã yujurãyeri ãgũ yare õaro yũhrirã árĩcũ peebũ. Eropã peegũ mucubiriabũ.

<sup>5</sup> Eropigũ, acawerego, mari mera majarãre mahi umupeodorea marire. Yũ doreri mama doreriñe árĩbeaa. Iri doreriñe marire mata árĩtuhaya.

<sup>6</sup> Eropirã Goãmũ dorerire iipehorã mari ãgũre mahia. Eropiro iri doreriñe ãhraa mũa negohrare peerañe. Gajirãre eropa mahiniguicãrã árĩque.

*Bajarã gũyaricũrã árĩrãcoma, arĩ werera ãhraa*

<sup>7</sup> Bajarã gũyarã i mũmũ majarãre buherã wahama. "Jesucristo i yebaguere aridigũ masũ dupũ gohra árĩgũ aribiriñumi," arĩma. Erã gũyarã Cristore ãhaturigũ iro dopa ta iima.

<sup>8</sup> Eropirã õaro pee masique mũa. Mũare gũyarãre peebiricãque Goãmũ mũare ãgũ õaro iiburire cóari arĩrã. Erãre peebiricũ Goãmũ mũa õari iira waja obeogũcumĩ mũare.

<sup>9</sup> Árĩpehrerã Jesucristo buherire peenirã irire cóarã Goãmũ yarã árĩbeama pare. Jesucristo buherire õaro peenũrũrãpũ Goãmũ mari Pagũ yarã ãhrima. Goãmũ magũ Jesucristo yarã sã ãhrima.

<sup>10</sup> Eropirã mũa yujugũ Jesucristo ya buherire gamebigũ gajĩ buherire buhegũ mũa pohro eracũ ãgũre game bocatĩribiricãque. Mũa ya wirigue ãjadorebiricãque.

<sup>11</sup> Gajĩ buherire buhegũ Jesucristo yare umupeobigũ ñero iigũ ãhrimi. Eropirã mũa ãgũre bocatĩri serẽrã ñero iidigũre itamurã iiaa. Eropirã ãgũre bocatĩri serẽbiricãque.

*Were gojatura ãhraa*

<sup>12</sup> Baja yũhũ mũare werediaqueregũ ta irire paperapũgue gojabeodibirica. Yũ basi ta mũare ãagũ wadiaca. Mũare ãagũ weretamugũca mari õaro mucubiriburire.

<sup>13</sup> Mũ pagũ mago Goãmũ beyedigo igo porãpũ mũare õadorema. Iripẽta ãhraa.

### 3 San Juan

*Gaji carta gojañumi daja Ñu. Gayo ïgu ðaro iirare wereñumi*

<sup>1</sup> Yũhũ bugũ mure Gayore diaye ta yũ mahigure ipũre gojabeoa.

<sup>2</sup> Yũ mahigu, mũhũ Goãmure ðaro umupeocũ masia yũhũ. Mũhũ Goãmũ mera ðaro árĩro dopa ta mũ dũpũ sã ðaro árĩcũ serẽbasaa yũhũ Goãmure.

<sup>3</sup> Gajirã Jesucristo yarã yũ pohro erarã mũ árĩricũre yũre wereama. Cristo gamerire diaye mũ iirare wereama erã yũre. Erã eropa werecũ peegu bũrigã mucubiriabũ yũhũ.

<sup>4</sup> Jesucristo yarã yũ buhenirã Jesucristo yare diaye ta árĩrĩre erã iicũ pee bũrigã mucubiria yũhũ.

<sup>5</sup> Yũ mahigu, mũhũ Jesucristo yarãre itamugũ ðaro iiaa mũhũ. Jesucristo yarã mũ ïha masibirã sãre itamugũ ðatariaro iiaa.

<sup>6</sup> Erãpũ erãre mũ umupeorare wereama gũare Jesucristo yarã gamenererogue. Eropigu Goãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa iigu ðaro iigu árĩgũca mũhũ. Eropa ta marire itamuro gahmea Goãmũ yare buherãre.

<sup>7</sup> Erã Jesucristo ya árĩburire buhe curirã warã, Jesucristore umupeo- birãpũre erã itamurire ne serẽbeama.

<sup>8</sup> Eropirã marire Jesucristo yare buhe curirãre itamuro gahmea. Erãre eropa itamurã erã iiro dopa ta mari sã Goãmũ yare buherire itamurã iiaa.

*Diotrefe ïgu ñero iira ãhrraa*

<sup>9</sup> Eoãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa ro majarãre Jesucristo yarãre yũ gojarapũre gojabeorabũ. Diotrefepũ ïgu basi erã opũ árĩdiagũ yũ wererare peedia- biripũ.

<sup>10</sup> Eropigu mũa pohro yũ ejara pũhrũ ïgu iirare werepehogũra. Gũare ñero wereniguipũ. Eropigu Jesucristo yare buhe curirãre bocatĩribiripũ. Gajirã ero árĩrã erãre bocatĩridiacũ gamebiripũ. Gajirãpũ erã buhe curirãre bocatĩricũ ïha ïgu Diotrefe erã bocatĩrira waja erãre cohã wiupũ Jesucristo yarã gamenereri wihigue.

<sup>11</sup> Yũ mahirã, ñero iirãre ïhacũbiricãque. Õaro iirãre ïhacũque. Õarire iirã Goãmũ yarã ãhrima. Ñerire iirã Goãmure masibeama.

*Demetrio ïgu ðari iira ãhrraa*

<sup>12</sup> Árĩpehrerã “Demetrio ðagũ ãhrimi,” arĩma. Eropirã ïgu iirire ïarã ðaro ïgu iira árĩcũ masima masa. Gũa sã ïgu ðaro iirare eropa ta werea. Gũa wereniguiripũ diaye árĩcũ masia mũa.

*Ñu weretura ãhrraa*

<sup>13</sup> Mũare baja werediarabũ. Irire gojasome.

<sup>14</sup> Merogã pũhrũ mũare ïagũ wadiaca. Eropirã mari basi weretamurãca.

<sup>15</sup> Õaro árĩque mũhũ. Mari mera majarã Jesucristo yarã mure ðadorema. Ero majarã mari mera majarã sã ðaporo. Iripẽta ãhrraa.

## San Judas

### *Juda Jesu yarāre gojabeoñumi*

<sup>1</sup> Yũhũ Juda Santiago pagũ magũ Jesucristo pohro majagũ mũare Jesu yarāre ipũre gojabeoa. Mũare mari Pagũ Goãmũ ãgũ beyenirã āhraa. Eropirã ãgũ mahiri mera õaro āhraa mũa. Eropigũ mũare Jesucristo ãhadĩbumi mũa ñerire iibiriborore.

<sup>2</sup> Oadorea mũare. Goãmũ itamuro mera õaro árĩque mũa. Eropigũ Goãmũre mojomoro ãhadore, mũare mahidoregũ serẽbasaa yũhũ Goãmũre. Mũa gajirã mera õaro āhri erãre mahiborore serẽbasaa Goãmũre.

### *Gũyarã erã buherire werenũgañumi Juda*

<sup>3</sup> Goãmũ marire peamegue wabonirãre ãgũ itamuripũre turaro gojabeodiarabũ mũare, yũ mahirãre. Eropa gojadiaqueregũ ta dohpaguere gũyari buherire gamedorebigũ mũare gojabeoa. Gajirã mũa pohro ejanirã erã gũyari buherire mũa peebiriboro dopa mũare gojabeoa dohpaguere. Eropirã Jesucristo ya buheripũre buhe tarinũgaque. I buheripũre peerã, mari Goãmũre õaro umupeoa. I buheripũ Jesu ãgũ apinirã ãgũ yarãre erã buhera eropa árĩniguicãro iiaa gohroto mariro.

<sup>4</sup> Bajamerãgã masa ñerã ãha masiya marirã mũa pohro ejanirã árĩma. Mũa mera árĩrã erã buherire buhe gũyama gũare ãha masiri arĩrã. Opa arĩ buhema: “Goãmũ yarã mũa árĩcũ, ãgũ mahimi mũare. Eropigũ nome mera mũa ñero iicũ ãgũ mũare ne dipuwaja moasome,” arĩ buherima erã. Eropirã mari Opũre yujugũ ta árĩgũre Jesucristore “Goãmũ magũ árĩbeami,” arĩ buherima erã. Eropa arĩ buherãre Goãmũ ãgũ dipuwaja moaborore werenũmi iribojeguere ãgũ yare erã gojarapũgue.

<sup>5</sup> Dohpaguere gajire guñacũ iidiaa mũare. Ire mũa masiquerecũ ta dipaturĩ mũare ire guñacũ iidiaa. Goãmũ ãgũ yarãre Egipto árĩnirãre ãgũ wiura pũhrũ erã mera majarã ãgũre umupeobirininãre Goãmũ wejẽñumi.

<sup>6</sup> Eropirã mũa gajirã sãre guñaque. Gajirã anyuarũ Goãmũ doreri iinirã, pũhrũ iidiabiriñuma. Eropirã erã ãgũ árĩdore apidiro sãre erã árĩdiabiriñuma. Eropirã erã árĩdirore cóacãñuma erã. Erã eropa cóacũ ãgũ Goãmũ erãre naitĩarogue erãre peresu iinũmi. Eropirã erã pehrerinũ core comedare dirinirã iro dopa árĩniguicãrãcoma. Eropigũ pehrerinũ árĩcũ dipuwaja moagũcumĩ Goãmũ erãre.

<sup>7</sup> Eropa ta ñero iinũma gajirã sã. Erã sãre guñaque mũa. Erã Sodoma waĩcũri maca majarã, Gomorra waĩcũri maca majarã iri macari pohro árĩri macari majarã sã nome mera ñero iimũriñuma. Eropirã gajirota árĩri sãre iinũma. Erã umarũ erã basi ta erã dupũ mera ñero iinũma. Nome sã eropa ta iinũma erã seyaro. Erã eropa iira dipuwaja Goãmũ erãre soepehocãñumi. Erãre soegũ Goãmũ árĩpehrerã ãgũre tarinũgarãre ãgũ dipuwaja moaburire ãhmugũ iinũmi. Erãre ãgũ dipuwaja moari peame ne yarisome.

<sup>8</sup> Erã Goãmũre tarinũganirã iidiro dopa dohpague sã eropa ta iiniguicãma gũyarire buherã. Erã pee masibirã iro dopa ta erã dupũ mera ñero iima. Eropirã mari Opũ dorerire gamebeama erã. Eropirã deyobirãre, umaro oparãre, turarãre erãpũ ñero werenigui corema.

<sup>9</sup> Ōagũ anyua opũpũ Migue waĩcũgũ ĩgũ turagũ árĩqueregũ ta watĩpũre ñero werenigui corebiripũ. ĩgũ Moise dũpũ mũrarore gamegũ, watĩ mera game dũyasopũ. Turagũ árĩqueregũ ta ĩgũ watĩ tauro “Yũ tamera turaa,” arĩ pepibiripũ. Eropigũ ĩgũ gamero watĩre “Peamegue waporu,” arĩ weresãbiripũ Goãmũre. Eropigũ õpa arĩpũ watĩre. “Goãmũgue mũre turiporo,” arĩpũ Migue watĩre.

<sup>10</sup> Oã gũyarãpũ erã masibirirare ñero werenigui corema. Eropirã waimũrã pee masibirã erã gamero ñero iiro dopa ta erã gũyari wererãpũ eropa iimaacãma. Eropã iirã árĩrã peamegue warãcoma.

<sup>11</sup> Erã ta ñero tarirãcoma. Caĩn iribojegue majagũ iidiro dopa ta ñero iima erã. Eropirã Balam sã ĩgũ iidiro dopa ta erã niyerure mahi, aĩdiarã gũyarire buhema. Eropirã niyeru aĩri dihtare pepima erã. Eropirã iribojegue majagũ Coré waĩcũgũ ĩgũ opũre Moisere ĩgũ cóãdorediagũ ĩgũ iidoreiro dopa ta erã sã Jesure eropa ta cóãdorediama. Eropirã ĩgũ iidiro dopa ta erã sã peamegue warãcoma.

<sup>12</sup> Erã mũare gũya wererãpũ mũa game mahi ii ĩhmuburi bosenũrire barã, umupeori mariro erã erã gamero bira, erã seyaro ta barire bapehocãma gajirãre oro mariro. Eropirã ñerire iirã erã mũa bosenũrire õarinũri waboraãñere goroweoma. Deco mariri imica cururi iri mari otera itamubiro dopa ta erã gũyarire buherã ne mũare itamubeama. Eropiro iri imica cururi miruñe weãcũ eropa gohrotoniguiro dopa ta erã gũyarã sã erã wereniguirire gohrotoniguiãma. Yucũ dũcacũbiriri yucũ duhpiburi árĩbiro dopa erã duhpimorã árĩbeama. Erã buheri mera gajirãre Goãmũre umupeocũ iibeama. Yucũgũ dũca maricũ ĩha mari duha peamegue soe cóãcãa irigũre. Eropã ta Goãmũ erãre gũyarãre peamegue cóãgũcumi.

<sup>13</sup> Pãgũri pumarare pamujupira iro dopa erã ñerire gũhyasũrire wereniguima. Necãmũ yuridija ĩgũ pehrero dopa ta erã sã pehrea warãcoma. Erã eropa ñero iira dipuwaja dederea warãcoma. Goãmũ erãre dipuwaja moacũ naitĩarogue árĩniguiãrãcoma.

<sup>14-15</sup> Enoco iribojegue majagũ Adãn pũhrũ siete cururi pũhrũ majagũ õpa arĩmũriñumi. “Peeque yũre. Goãmũ bajarã ĩgũ anyua õarã mera árĩpehrerã ñerãre erã ñerire iira dipuwaja moagu arigũcumi. Eropigũ árĩpehrerã Goãmũre ĩhaturirãre erã ñeri iira dipuwajare erãre masicũ iigu arigũcumi Goãmũ. Eropigũ Goãmũre erã ñero wereniguira dipuwaja sãre erãre masicũ iigu arigũcumi,” arĩmũriñumi Enoco mũrũ.

<sup>16</sup> Erã gũyarã gajirãre dũyaso ñero werenigui corerã, erã ñero uaribejari dihtare iirã aħrima erã. Eropirã “Gajirãre masitarinũgaa gũa,” arĩrima erã. Eropirã erã gamero dopa iidiarã gajinore emadiarã, peemaja õaro wereniguima masare.

### *Jesu yarãre werenemoñumi Juda*

<sup>17</sup> Mari Opũ Jesucristo buhedore ĩgũ apinirã erã buherare guñaque mũapũ, yũ mahirã.

<sup>18</sup> Ōpa arĩma erã mũare. “I yeba pehrebro coregã Goãmũre ñero arĩ wereyarã árĩrãcoma. Eropirã erã Goãmũre gamebirã, ñerire erã uaribejarire iirãcoma erã,” arĩ werema Jesu ĩgũ apinirã mũare.

<sup>19</sup> Jesu yarãre erã basi erã game ĩhaturicũ iima erã gũya wererãpũ. Eropirã ñerã erã ñeri uaribejarire iirã árĩrã, Espĩritu Santore ne opabeama erã.

<sup>20</sup> Mũapũ yũ mahirã, Jesucristo ya buherire õaro peenemoque guñaturã mũa árĩboro dopa. Iri buheripũ õataria. Espĩritu Santo itamuri mera Goãmũ mera wereniguique mũa.



<sup>21</sup> Goãmũ mũare bũrigã mahimi. Eropirã ãgũ mũare mahiniguiboro dopa ñeri mariro árĩniguicãque Goãmũ ãgũ dorero dopa. Eropirã Jesucristo mera mũa eropa árĩniguiburire coreque. ãgũ marire mojomoro ãagũ mũaroguere eropa árĩniguicũ iigũcumĩ.

<sup>22</sup> Cristo yare peediabiriñarirãre mojomoro ãaque. Eropirã erãre Jesucristo ya diaye árĩre wereque.

<sup>23</sup> Erãre peamegue wabonirãre Goãmũre itamucũ iique mũa. Gajirã ñerire iirã wahama. Erã ñerire dooque. Erãpũre mojomoro ãaque mũa. Erãre itamurã mũa sã õaro iique erã ñeri iirire ãhacũri arĩrã. Gũhraricũri suhrirore mũa gamebiro dopa ta, gajirã erã ñeri iirire gamebircãque irire pẽhreri arĩrã.

*Juda Goãmũre ãgũ umupeori ãhrũ mũaroguere eropa árĩniguicã*

<sup>24-25</sup> Goãmũ mari Opũ marire ãhadibumasimi ñerire mari iibiriboro dopa. Eropigũ ãgũ marire ñeri dipuwaja marirãre mũarogue ãgũ pohroque apimasimi. Eropa marire ãgũ erogue apicũ mari mucubirirãca. ãgũ Goãmũ yujugũ ta ãhrimi. Eropigũ peamegue wabonirãre taugũ ãhrimi ãgũ. ãgũpũ iribojegue dohpague sãre õatariagũ, mari tauro opũ árĩgũ, turatariagũ, árĩpẽhrerãre doregũ ãhrimi. ãgũ eropa árĩgũ árĩcũ Jesucristo yarã árĩrã ãgũre umupeorã. Eropa ta iirã. Iripẽta ãhraa.

## Apocalipsis

*Puhrugueri I umu dohpa waborore marire masicũ iimi Jesucristo, arĩ gojañumi Ñu*

<sup>1</sup> Ipũ mera Jesucristo ĩgu yarãre masicũ iirare were gojabeogu iiaa. Mari Pagu Goãmuru irire weredoregu apipu Jesucristore. ĩgu yarãre ĩgu pohro majarãre masicũ iidoregu apipu. Eropigu puhru waburire marire masicũ iidoregu apipu Jesucristore. Eropigu Jesucristo marire eropa masicũ iibu ĩgu anyure obeodigu arĩmi yure Nure irire weredoregu.

<sup>2</sup> Eropigu yuhu Ñu baja ĩamũtabu Goãmu ĩgu dohpa iiburire. Goãmu ĩgu wereniguri sãre peeabu. Eropigu arĩpehleri yu ĩarare yu peerare were gojabeogu iiaa. Jesucristo ĩgu basi ta diaye arĩrare were gojabeogu iiaa.

<sup>3</sup> Ipũ mera puhrugue dohpa waburire were gojagu iiaa. Merogã duhyaro iiaa iri arĩpehleri eropa waboro. Eropirã arĩpehleri ipũre buherã, yu wererire õaro yuhriã õaro mucubiriã arĩrãcoma.

*Siete iglesia majarãre Jesu yarã gamenerãre gojabeoru Ñu*

<sup>4</sup> Yuhu Ñu mũare siete cururi majarãre Jesu yarãre Asia yeba majarãre gojabeoa. Goãmu ĩgu mahiri mera mũare õadorea. Eropirã ĩgu itamuri mera õaro arĩque mua. ĩgu negohragueri eropa arĩniguidigu arĩñumi. Dohpague sãre eropa ta arĩnigui. Puhrugue sãre eropa ta arĩnigugucumi. Goãmu ĩgu opu doaro core Espiritu Santo ahrimi. Siete suburi maja turari arĩpehleri opagu ahrimi. ĩgu mera sãre yu mũare õadorea daja.

<sup>5</sup> Cristo ĩgu mahiri mera mũare õadorea daja. ĩgu Cristo Goãmu yare guyarero mariro weregu ahrimi. Eropigu ĩgu siridigu ĩgu masa mũriadigu ne dipaturi sirisome ĩgu. ĩgu yarã waborore masa mũriamũhtadigu ahrimi. Eropigu i yeba majarã arĩpehleri oparã tauro opu ahrimi ĩgu. Marire mahigu ĩgu di cóara mera mari ñeri iirare cóadi arĩmi ĩgu.

<sup>6</sup> Eropã cóagu marire oparã wamorãre wacũ iidigu arĩmi ĩgu. Eropigu marire pahia masare Goãmure serẽbasarã wamorã sãre wacũ iidigu arĩmi. Eropigu Goãmu mari Pagu yare iimorãre wacũ iidigu arĩmi ĩgu eropa sirigu. ĩgu eropa iidigare õaro werenigui umupeoro gahmea arĩpehleri. Arĩpehleri tauro opu eropa arĩnigui ĩgu. Eropã ta arĩporo.

<sup>7</sup> Õaro pee masi coreque mua. Imica cururi weca dijarigucumi Cristo. ĩgu eropa aricũ ĩarãcoma arĩpehleri. ĩgure crusague pahia wejẽnirã mũra sã ĩarãcoma. Eropirã ĩgu aricũ ĩarã i yeba majarã arĩpehleri cururi majarã orerãcoma guirã. Eropã ta arĩporo.

<sup>8</sup> Õpa arĩmi mari Opu Goãmu: "Yuhu arĩpehleri ĩhacũnugudigu ahraa. Eropigu arĩpehleri pehrecũ iibu ahraa, arĩmi. Iribojegue sãre eropa arĩnigui. Dohpague sãre eropa ahraa. Puhrugue sãre arĩgura," arĩmi Goãmu.

*Jesucristore gosesirigueri yu ĩhabu, arĩ werepu Ñu*

<sup>9</sup> Yuhu Ñu mua acaweregu Jesu yagu ahraa. Eropigu mua iro dopa ta yu sã Jesu ya arĩburire yu iira dipuwaja ñero taribu. Eropigu mua iro dopa ta

yare erã ñero iiquerecũ ïgu itamuri mera Jesure cóãbiribũ. Mari yujuro mera ïgu Opũ árĩro majarã árĩmorã ãhraa. Yaha yeba majarã erã cóãdigũ árĩgu Patmo waĩcũri nũgurogue ãhraa. Goãmu yare Jesucristo ïgu werera sãre gajirãre yũ wereri dipuwaja õgue erã cóãbeodigũ ãhraa.

<sup>10</sup> Ohõ yujunũ soorinũ árĩcũ Espĩritu Santo yare quẽroque ïhmuami. ïgu eropa ïhmucũ yũ pũrũpũrũ burigã wereniguiri busũro dopa carabũ. Corneta turaro busũro dopa eropa ta busũro carabũ ïgu wereniguicũ.

<sup>11</sup> Õpa arĩgu carami yũ peecũ:

—Yũhũ árĩpeherrerire ïhacũnugudigũ ãhraa. Eropigũ yũhũ árĩpeherrerire pehrecũ iibu ãhraa. Dohpague mũ ïaburire gojaripũgue goja aĩque. Mũ eropa goja aĩra pũhrũ siete cururi majarãre Goãmu yarãre obeoque iripũre. Erã siete cururi majarã Asia yeba árĩri macari majarã ãhrima. Eropigũ Efeso majarãre, Esmirna majarãre, Pérgamo majarãre, Tiatira majarãre, Sardis majarãre, Filadelfia majarãre, Laodicea majarãre mũ ïaburire gojabeoque, arĩgu carami yũre.

<sup>12</sup> ïgu eroparĩcũ peegu majinũgajabũ yũre wereniguigũre ïabu. Eropa majinũgajagũ siete sihãgori yucũre erã duhpeora yucũre oro mera erã iira yucũre ïhabũ.

<sup>13</sup> Iri yucũ watope masũ iro dopa bejagũre ïhabũ yũhũ. ïgu yoari suhriro sañagũ ãhrami. ïgu guburigue dijimerejabũ ïgu suhriro. Eropigũ oro mera erã iira gasiro mera ïgu coretihbire tũãdiudigũ ãhrami.

<sup>14</sup> Eropiro ïgu poari yaji poari iro dopa boreabũ. ïgu cuiri peame porã iro dopa goseabũ.

<sup>15</sup> ïgu guburi bronce waĩcũri come timura come iro dopa goesiriabũ. Eropiro ïgu wereniguiri baja utã dipabu iro dopa busũro carabũ.

<sup>16</sup> ïgu mojoto diaye maja mojobopũ siete necã opãmi. Eropiro ïgu disirore ñoserimiji pepũri usirimiji cuñuami. Eropiro abe umũ majagũ ïgu cuimijuro dopa ïgu diapo turaro goesiriamĩ.

<sup>17</sup> Eropigũ ïgũre ïagũ uca waha ïgu guburi pohro mehmerejabũ sĩrigũ iro dopa. Yũ eropa mehmerejacũ ïagũ ïgu, ïgu mojoto diayepũ mera yũre duhpeo õpa arãmi:

—Ûcabita. Yũ árĩpeherrerire ïhacũnugudigũ ãhraa. Eropigũ árĩpeherrerire pehrecũ iibu ãhraa.

<sup>18</sup> Ojocariniũguũ ãhraa yũhũ. Sĩridigũ árĩribũ. Dohpaguere ïaque. Árĩpeherrerinũri eropa ojocariniũguicãa yũhũ. Sĩridi dipaturi masagũ dipaturi masare sĩribiricũ iimasia yũhũ. Eropigũ masare peamegue wabiricũ iigu ãhraa yũhũ.

<sup>19</sup> Eropigũ dohpague mũ ïarare gojaque. Pũhrũgue eropa waboro sãre ïagũ gojaque.

<sup>20</sup> Oã siete necãre yũ mojoto diayepũ oparãre weregũra mũre. Eropigũ siete sihãgori yucũre erã duhpeora yucũ oro yucũ sãre weregũra. Yũ õpa arĩ wererire iribojegue majarãre ne werebirimũribũ. Õpa ãhraa iri: Siete necã siete cururi majarã yaharã oparã árĩrã iro dopa ãhrima. Eropiro siete sihãgori yucũre erã duhpeora yucũ siete cururi majarã yaharã iro dopa ãhrima, arãmi yũre Jesucristo.

## 2

*Efeso majarãre Jesu yarãre gojanũgadoreñumi Ñure*

<sup>1</sup> Eropa arĩtuhaja õpa arĩnemoami yũre gojadoregũ:

—Efeso majarã yaharãre, erã opu sãre õpa yu arĩrĩre arĩ gojabeoque muhu. Yuhu mojoto diayepu siete necãre opagu ahraa. Eropigu siete sihãgori yucu watope curigu ahraa. Eropa curigu arĩgu mware õpa arĩ werea:

<sup>2</sup> Arĩpehreri mua iirare masipehoa. Yaha arĩburire turaro mohmeabu mua. Yure mua umupeo duhubirabu. Ñerire iirãre mua ïadiabirabu. Eropirã “Jesu buhedoregu igu apinirã ahraa,” arĩmaacãnirãre queoro erã buhebiricũ ïarã, guyarã erã arĩcũ masiabu mua.

<sup>3</sup> Yahare mua iira dipuwaja mua ñero tariquererã erã guyarãre tarinugabu mua. Eropirã yure ne duhubirabu mua. “Irire gariborea waca pare,” arĩbirabu mua.

<sup>4</sup> Eropa mua õarã arĩquererã ta yujuñere õaro iibea mua. I ahraa iri: Yure õaro mua mahimũhtadiro dopa dohpaguere iibea mua.

<sup>5</sup> Yure mua umupeomũhtarare guñaque murraro ta daja. Dohpaguere mua yure umupeobiriqueyarire guñaque. Eropirã mua irire mua ñeri iirare bujawereque. Irire duhuque. Eropa duhurã yahare mua iimũhtadiro dopa ta iique daja. Mua ñeri iirare mua duhubiricũ ïagu, yujugu mua yagure sihãgodigure aĩ cóãgura. Eropa iigu mua yuju curu majarãre cóãgura. Mua ñeri iirare duhubiricũ mua yaha curu majarã arĩnirãre duhupehrecũ iigura.

<sup>6</sup> Yure umupeobiriqueyarã arĩquererã ta ire õaro iibabu mua: Nicolaita yare buherãre ñerãre ïadiabeaa mua. Yu sã erãre ïadiabeaa.

<sup>7</sup> Gamiricurã ahraa mua. Eropirã peeque. Mware yaha curu majarãre Espiritu Santo igu wererare peeque mua sã. Õpa arĩmi igu: “Arĩpehrerã Jesure umupeo duhubirãre Goãmu ya pohe majagu ducare paraíso majagu ducare badoregura. Iriugu ducã ojocarĩrĩre odigu ahraa,” arĩmi Espiritu Santo, arĩ were gojabeoque Efeso majarã yaharãre erã opu sãre, arãmi yure Jesucristo.

### *Esmirna majarãre Jesu yarãre gojabeodoreñumi Ñure*

<sup>8</sup> —Esmirna majarã yaharãre erã opu sãre õpa yu arĩrĩre gojabeoque muhu, arãmi yure Jesucristo. Yuhu arĩpehrerire ïhacũnugudigu ahraa. Eropigu arĩpehreri pehrecũ iibu ahraa. Sĩa wabu. Dipaturi ojocaria daja. Eropigu õpa arĩ werea mware:

<sup>9</sup> Mua ñero tarirare masia. Mojomorocurã mua arĩcũ sãre masia. Eropa mojomorocurã arĩquererã ta igu wereniguirire peerã Goãmu yare õarĩre wũaro opaa mua. Gajirãpu mware ïhaturirã mware erã ñero quere moarare masia. Erã “Gua judio masa Goãmu yarã ahraa,” arĩquererã guyarã iima. Erã Satanare umupeorã ahrima.

<sup>10</sup> Dohpaguere mua ñero tariburire güibiricãque. Peeque mua. Watĩ mware Goãmure duhudoregu yujurãyeri mua mera majarãre peresu iidoregucumi. Diez nuri gohra ñero tarirãca mua. Erã eropa ñero iicũ mware erã wejẽdiaquerecũ ta yure yaha sãre ne cóãbiricãque. Mua yure eropa cóãbiricũ ïagu arĩpehrerinuri mware õaro arĩcũ iigura.

<sup>11</sup> Gamiricurã ahraa mua. Eropirã peeque. Mware yaha curu majarãre Espiritu Santo igu wererare peeque mua. Õpa arĩmi igu: “Arĩpehrerã Jesure umupeo duhubirã peameguere wasome,” arĩmi Espiritu Santo, arĩ gojabeoque Esmirna majarã yaharãre erã opu sãre, arãmi Jesucristo yure.

### *Pérgamo majarãre Jesu yarãre gojabeodoreñumi Ñure*

12 —Pérgamo majarā yaharā erā opu säre ōpa yu arĩrire gojabeoque muhu, arāmi yure Jesucristo. Yuhu ñoserimijire pepuri usirimijire opagu āhraa. Mware ōpa arĩ weregura:

13 Mwa arĩrore masia. Erogue mwa ya maca majarā opu Satana āhrimi. Erā Satanare umupeoquerecū mwaru yure umupeoa. Erā mwa mera majagu mure Antipa mure yahare ōaro weredigū mure wejēma. Īgure erā wejēcū ĩaquererā ta yure ne umupeo duhubirabu mwa.

14 Mwa eropa umupeo duhubiriquererā merogā yure tarinugabu mwa. Yujurāyeri mwa mera majarā Balaam ya buherire gahmema. Iribojegue majagu ĩgu Balaam waĩcugū ōpa arĩmuriñumi Israe masare ĩhaturirā erā opure: “Israe masare tarinugadiagu ōpa ii que. Goāmarā wéanirāre mwa orare barire badoreque erāre. Eropigu nome mera ñero iicū ii que erāre,” arĩ weremuriñumi Balaam gajirā opure Balaco waĩcugure. Iribojegue ĩgu eropa ñero iidoreiro dopa ta dohpague säre ñero iicū iima yujurāyeri mwa mera majarāre.

15 Eropirā erā iro dopa ta gajirā mwa mera majarā Nicolaita buherire gahmema. Iri buheri säre ĩadiabeaa yuhu.

16 Eropirā mwa iri ñeri iirire duhuque mwa. Mwa eropa duhubiricū ĩagu yojaro mera mwa pohrogue wagu, eropa ñero iirā mera gamequeāgūca. Yuhu disirogue cuñurimiji ñoserimiji mera gamequeāgūca erā mera.

17 Gamiricurā āhraa mwa. Eropirā mwa ya curu majarāre yaharāre Espiritu Santo ĩgu wererare peeque mwa. Ōpa arĩmi ĩgu: “Arĩpehrerā Jesure umupeo duhubirāre mana waĩcūri barire umaro maja barire ogura. Utā boreriyeri säre ogura erāre. Iri utāyeri mama waire yu gojaturayeri arĩroca. Gajirā iri waire ne masisome. Iri utāyerire aĩrā dihta iri waire masirācoma,” arĩmi Espiritu Santo, arĩ gojabeoque Pérgamo majarāre erā opu säre, arāmi yure Jesucristo.

### *Tiatira majarā säre Jesu yarāre gojabeodoreñumi Ñure*

18 —Tiatira majarā yaharā erā opu säre ōpa yu arĩrire gojabeoque muhu, arāmi daja yure Jesucristo. Yuhu Goāmū magu yu cuiiri peame porā iro dopa gosesirigu āhraa. Eropiro yu guburi bronce waĩcūri come erā timura iro dopa gosesiria. Mware ōpa arĩ werea:

19 Mwa iirare masia yuhu. Goāmure masa säre mwa umupeorare, yure mwa cóābirirare, gajirāre mwa itamurare, ñero tariquererā mwa yure duhubirirare masia. Negohraguere mwa iidiro tauro dohpaguepūre ōaro ĩnemorā iiaa mwa. Iri säre masia yuhu.

20 Mwa eropa ōaro iirā arĩquererā ta ōpa yure tarinugabu mwa: Jezabe waĩcūgo “Goāmū yare werego āhraa,” arĩ gūyago mwa watope ta āhrimo. Mware igo ñero buhecū peerā igore turibirabu mwa. Eropa gūya buhego yaharāre yu pohro majarāre nome mera ñero iicū iimo. Eropigo goāmarā wéanirāre erā orare barire badoremo igo yaharāre.

21 Igo ñerire igo bujawereborore coreniribu. Yu eropa corequerecū igo ñero iirire duhudiabiramo.

22 Eropirā yure peeque mwa. Igo dorecūcū ĩgura. Igo mera ñero ĩinirā säre dorecūcū ĩgura. Eropirā erā burigā ñero tarirācoma. Eropa ta ĩigūca erāre igo mera erā ñero iirare erā bujawerebircū, irire erā duhubiricū.

23 Eropigu igo porāre wejēgura. Yu eropa iicū ĩarā arĩpehrerā yaharā yu ōaro masirire masirācoma. Masa erā pepiri säre erā uaribejari säre masia. Yu eropa masicū masirācoma erā igore yu eropa dipuwaja moacū.

Árīpehrerā mũa ñerire iira dipuwaja, dipuwaja moagura mũaare. Eropigu mũa ðarire iira wajapure ðaro iigura mũaare.

<sup>24</sup> Mũa Tiatira majarā gajirā mũa mera majarā igo ya buherire gamebirabũ. Mũaapũ Satana ya buherire “Wũaaro ĩgu masiri āhraa,” erā arĩrare gamebirabũ mũa. Eropigu mũaapure gajino mũa iiburire dorenemosome yũhũ.

<sup>25</sup> Dorenemobiriqueregu ĩne dihtare dorea mũaare: Mũa pohrogue yũ dujariboro core yũ buherire mũa masirare ne merogã mera cãdijibiricãque.

<sup>26-27</sup> Árīpehrerā ñerire tarinũganirãre, yũ gamerire eropa iiniguirãre oparã árĩmorãre acugura. Yũ Pagũ ĩgu yũre opu acudiro ðopa ta mũaare oparã acugura yũ sã. Árīpehreri yeba majarã tauro árĩrã oparã árĩmorã acugura mũaare. Eropa oparã ñajarã, mũa doca árĩrãre árīpehreri yeba majarãre turaro dorerãca. Eropa turaro dorerã mũaare tarinũganirã mata pehrea wacũ iirãca mũa erãre.

<sup>28</sup> Eropigu mũaare yahare ne duhubirininãre boyomũriridirure ogura. Eropigu mũa mera árĩgũca yũhũ.

<sup>29</sup> Gamiricũrã āhraa mũa. Eropirã mũa ya curu majarãre yaharãre Espĩritu Santo ĩgu wererare peeque mũa, arĩ gojabeoque Tiatira majarãre, arãmi yũre Jesucristo.

### 3

#### *Sardis majarãre Jesu yarãre gojabeodoreñumi Ñure Jesucristo*

<sup>1</sup> —Sardis majarã yaharãre erã oparã sãre ðpa yũ arĩrire gojabeoque mũhũ, arãmi daja yũre Jesucristo. Yũhũ ĩgu Espĩritu Santo siete suburi maja turarire opaa. Eropigu siete necãre opaa. Mũaare ðpa arĩ werea: Mũa iirare masia. Òpa arĩ pepirima mũaare gajirã: “Erã Goãmũ yare ðaro iipehorã āhrima,” arĩ pepirima mũaare. Erã eropa arĩ pepiquerecũ, Goãmũ yare ðaro iibeaa mũaapũ.

<sup>2</sup> Eropirã mũa iirare ðaro guñaque mũa. Goãmũ yare mũa masirare ðaro guñaque daja cãdijiro mariro. Goãmũ ĩgu ĩacũ ðaro iipehobirabũ mũa.

<sup>3</sup> Eropirã yahare mũa peemũhtarare mũraro ta ðaro guñaque mũa daja. Eropa guñarã yahare iique mũa daja. Mũa ñeri iirare duhuque. Yũ arĩro ðopa mũa iibiricũ guñaña mariro mũaare dipuwaja moagura. Yajari masũ ĩgu guñaña mariro ĩgu yajagũ ñajaro ðopa ta mũaare guñaña mariro dipuwaja moagu arigũca.

<sup>4</sup> Yujurãyeri mũa mera majarã Sardis majarã ñero erã iirire ĩhacũbeama. Eropa ðarã árĩrã, boreri suhriro sañarã yũ mera curirãcoma.

<sup>5</sup> Árīpehrerã yahare duhubirã eropa ta boreri suhri sañarã árĩniguirãcoma. Eropirã yũ mera eropa árĩniguimorã erã waĩre yũ gojaturipũgue erã sã erã waĩre gojatunirã árĩrãcoma. Erã erã waĩre yũ gojaturare coesome yũhũ. Yũ Pagũ ĩgu ĩhabeorogue, anyua sã erã ĩhabeorogue, “Yaharã āhrima,” arĩ weregũca erãre.

<sup>6</sup> Gamiricũrã āhraa mũa. Eropirã mũa ya cururi majarãre yaharãre Espĩritu Santo ĩgu wererare peeque mũa, arĩ gojabeoque Sardis majarãre yaharãre erã opu sãre, arãmi yũre Jesucristo.

#### *Filadelfia majarãre Jesu yarãre gojabeodoreñumi Ñure*

<sup>7</sup> —Filadelfia majarã yaharã erã opu sãre ðpa yũ arĩrire arĩ gojabeoque mũhũ, arãmi daja yũre Jesucristo. Yũhũ ñeri marigu āhraa. Diaye maja

weregu āhraa. Davi muru iribojegue majagu opu masare igu doreldiro dopa ta turari mera doregura yu sa. Iri turari mera iidorecu ne gajira irire cahmotamasibeama. Yu iidorebircu ne gajira irire iimasibeama.

<sup>8</sup> Aripehreri mua iirire masia yuhu. Guñaturabiriñarira ariquerera ta yaha buherire oaro peeabu mua. Yure waipo duhubirabu mua era muare ñero iidiaquerecu ta. Eropigu yahare iimora apiabu muare. Eopira yu dorerire mua icu gajira cahmotamasibeama muare.

<sup>9</sup> Gajira mua pohro arira "Gua judio masa Goamu yara ahraa," ariquerera ta guyarā ahrima. Goamu yara aribeama. Satanare umupeora ahrima. Eropigu erapure mua core mereja muare era umupeocu igura erare. Yu eropicu ira yu muare mahirire masirācoma era.

<sup>10</sup> Muare yahare yu duhudorebircu peerā oaro yuhriabu mua yure. Mua eropa icu igu i yeba majara aripehrera era ñero tariburisubū aricu muare ihadibugura. Irisubū aripehrera era ñero tariburisubū ariroca.

<sup>11</sup> Meroga duhyaa i yebague yu dujariboro. Yahare mua masirare cadjibiricaque. Eopira yure eropa yuhriniguicaque mua wajataborore dedeori arira.

<sup>12</sup> Eropigu yahare duhubirare yu Pagu ya wihi majara apigura erare. Igu ya wihi maja borari iro dopa aricu apigura erare. Eopira Goamu mera majara eropa ariniguiracoma. Eopira Goamu yu Pagu yara waicura, igu ya maca majara waicura sa ariracoma. Igu ya maca mama maca Jerusalen ariroca. Iri maca umarogue Goamu pohrogue دچارiri maca ariroca. Yu wa sa sare mama wa opaguca. Iri wa sa sare waicuracoma yahara.

<sup>13</sup> Gamiricura ahraa mua. Eopira mua ya cururi majara, yahara Espiritu Santo igu wererare peeque mua, ar gojabeoque Filadelfia majara yahara era opu sare, arami yure Jesucristo.

### *Laodicea majara Jesu yara gojabeodoreñumi Nure Jesucristo*

<sup>14</sup> —Laodicea majara yahara era opu sare opa yu aririre gojabeoque muhu, arami daja yure Jesucristo. Yu ariro dopa ta igu ahraa yuhu. Eropigu guyarō mariro yu irare eropa wereniguigu ahraa. Aripehrerire mari Pagu igu ihacunugurare iibasagu ahraa yuhu.

<sup>15</sup> Aripehreri mua iirare masia yuhu. Mua "Jesu yara ahraa gua," ariquerera yure meroga umupeoa. Yure mua meroga umupeora mua aricu yuhu gamebeaa muare. Mua "Jesure umupeobea gua," aribeaa mua. "Jesure umupeora ahraa gua," ariquerera ta yure oaro umupeobea. Mua yure umupeodiaro dopa ta yure wuaro umupeocu oaboya.

<sup>16</sup> Mua eropa yure oaro umupeobircu igu muare gamebirigohracura.

<sup>17</sup> Eopira opa ar pepiraa mua: "Aripehrerire opa. Ne gajino duhyabeaa guare," ar pepiraa mua. Eropa ariquerera mojomorocura iro dopa ta ahraa mua yu iacu. Duhyataria muare. Eopira ne moonijara, suhri marira, cuiri ihajabira iro dopa ahraa mua yu iacu. Muare duhyarire masibea mua.

<sup>18</sup> Mua eropa masibira aricu igu opa ar weregura muare: Muare duhyarire masique. Eopira yure serēque. Oro gohrare mua asuro dopa ta oarire yu oparire yure aique mua. Muare yure oaro umupeocu igura. Eopira diaye ta Goamu ya mera wuaro oparaca mua. Eopira yu sirira mera mua ñero iirare conira arique mua. Eopira suhri sanara era guhyasiribiro dopa ta mua ñeri iirare conira oarire iimora arira

guhyaſirisome mua. Eropirã mua cuiiri ococura pũru ðaro muare deyoro dopa ta Goãmu yare ðaro peeque mua ðaro masiboro dopa.

<sup>19</sup> Árĩpehrerã yũ mahirãre erã ñero iirare werea. Eropigũ yũ mahirãre dipuwaja moaa gajisubu erãre itamubu. Eropirã yũpũre turaro gameque. Eropirã mua ñerire bujawere duhuque.

<sup>20</sup> Peeque yũre. Mua wirire bihara wirire yũ ejanugaja ñajadiabodiro dopa ta mua mera árĩdiagũ coregũ iiaa. Yũ eropa árĩdiacũ peerã yũre mua mera árĩdoreque. Yaharã árĩque. Mua eropa árĩdorecũ mua mera árĩgũra. Eropigũ mari sihu baro dopa ta mua mera ðaro árĩgũra. Eropirã yũ mera ðaro árĩrãca mua.

<sup>21</sup> Ñerire yũ tarinũgara pũru yũ Pagũ opu ñgũ doaro pohro doaa yũ sã dorebu. Eropa ta mua sã ñerire mua tarinũgara pũru yũ opu doaro pohro doarãca doremorã. Muare yũ pohro doacũ iigũra.

<sup>22</sup> Gamiricũrã ãhraa mua. Eropirã mua ya cururi majarãre yaharãre Espĩritu Santo ñgũ wererare peeque mua, arĩ gojabeoque Laodicea majarãre yaharã erã opu sãre, arãmi Jesucristo yũre.

## 4

### *Umarogue Goãmũre erã mereja umupearare ñapu Ñũ*

<sup>1</sup> Yũre ñgũ eropa arĩ werera pũru umũsiguere pãgũra disiporore ñhabũ. Dipaturi corneta turaro busũro watope turaro wereniguiri busũro carabũ yũ peecũ. Őpa arĩro carabũ yũre:

—Őgue mũrĩrique. I yũ wereburi pũrũguere waroca. Eropa waborore mũre ñhmũgũra. Yũ arĩdiro dopa ta eropa waroca, arĩro carabũ umarogue.

<sup>2</sup> ñgũ eropa arĩ werecũ ta erogue mũrijagũ Espĩritu Santo ñgũ turari mera ñagũ iiabũ. Eropigũ opu doarore umarogue ñhabũ. Ero yujugũ doãmi.

<sup>3</sup> Eropigũ ðaro gosesirigũ doãmi. Jaspe waĩcũri utãye gosesiriro dopa ta, cornalina waĩcũri utãye gosesiriro dopa ta ðaro gosesirigũ doãmi ñgũ. Eropigũ ðaro gosesiriri bero esmeralda iro dopa gosesiriri bero pohecague doãmi ñgũ.

<sup>4</sup> Eropigũ ñgũ doaro tũrore yuju bero ñhabũ oparã doari berorire. Veinticuatro gohra ãhrabũ. Iri oparã doarire veinticuatro gohra Jesu yarã oparã doãma. Boreri suhricũrã ãhrama. Eropirã oparã erã peyari berorire oro berorire peyanirã ãhrama erã.

<sup>5</sup> Doariñe yũ ñamũhtarañegue miamaabũ. Eropero gajiropa wereniguiri busũro carabũ. Bupu sã busũgũ carami. Iri doaro core siete sihãgori yucũ ãhrabũ. Iri siete sihãgori yucũ Espĩritu Santo ñgũ siete suburi maja turari opari iro dopa ãhrabũ.

<sup>6</sup> Eropero ñgũ doaro core wũariya ãhrabũ. Vidrio iro dopa árĩriya ãhrabũ. Őaro deco sũririya ãhrabũ.

ñgũ doaro pohro wapicũrã gajiropa bejarã ãhrama. Ojocarirã ãhrama. Erã diaporire erã pũrũpũrũre baja cuiricũrã ãhrama.

<sup>7</sup> Yũ ñamũhtadigũ gajiropa bejagũ yee diagũ iro dopa bejagũ ãhrami. ñgũ pũru árĩgũ wecũ iro dopa bejagũ ãhrami. Erã pũru árĩgũ masũ diapo iro dopa diapocũgũ ãhrami. Erã uerã pũru árĩgũ gaa ñgũ quẽ dũpũre sũegũ iro dopa ãhrami.

<sup>8</sup> Erã wapicũrã nũcũ seis quẽ dũpũricũrã ãhrama. Eropero erã quẽ dũpũri pepũrigue ta baja cuiricũri quẽ dũpũri ãhrabũ. Eropirã umũri nũcũ, ñamiri nũcũ eropa bayaniguirã iiaa. Ne baya duhubirama. Őpa arĩ bayãma:



Õagũ, õagũ, õagũ Goãmũ mari Opũ turatariagu āhrimi. Īgũ iribojegue eropa ta árĩniguicãpũ. Dohpague sãre eropa ta árĩniguimi. Pũhrũgue sãre eropa árĩniguicãgũcumi, arĩ bayaniguirã iama.

<sup>9</sup> Eropa bayarã erã wapicũrã gajiropa bejarã Īgũ turarire bayarã iama. Eropirã Īgũre árĩpehrerĩnũri árĩniguigũre “Õhaa,” arĩrã umupeorã iama.

<sup>10</sup> Erã eropa baya umupeocũ ĩarã veinticuatro Jesu yarã oparãpũ opũ doaro core mereja, ĩgũre umupeoama. Īgũ árĩpehrerĩnũri árĩniguigũ āhrimi. Eropa umupeorã erã oparã erã peyari berorire ĩgũ doaro core mehpeoama. Eropa mehpeorã õpa arãma erã:

<sup>11</sup> Mũhũ Goãmũ gũa opũ gohra āhraa. Turagũ õagũ āhraa mũhũ. Mũhũ gũa umupeogũ árĩgũ ta iiaa. Mũre eropa umupeoro gahmea gũare. Árĩpehrerire ĩhacũnugudigũ āhraa mũhũ. Mũ gamediro dopa ta iri árĩpehrerire ĩhacũnuguyoro mũhũ, arãma erã Goãmũre ero doagũre.

## 5

### *Gojarapũ tũrara tũrure cordero sãre werepũ Ñu*

<sup>1</sup> Pũhrũ ero doadigũ ĩgũ mojoto diayerũ ĩgũ oparipũre gojarapũre ĩhabũ. Iripũ pepũri ĩgũ gojarapũ ĩgũ tũrara tũru āhrabũ. Eropiro siete suburi pihañari mera ĩgũ pihañara tũru āhrabũ.

<sup>2</sup> Eropigũ turagũ anyure ĩhabũ. Īgũ turaro wereniguri mera õpa arĩ wereami:

—I tũrure pihañarare õagũ dihta pãñamasimi. ¿Nihipũ āhriri iripũre pãbu? arãmi ĩgũ anyu.

<sup>3</sup> Eropa arĩqueregũ ta iri tũrure pãñabure bocabirami. Eropa õagũre bocabirami. Ũmarogue i yebague ojocarĩrã watope, sĩrinirã watope ne iri tũrure pãñabu marami. Eropigũ iri tũru majare buhebu marami.

<sup>4</sup> Eropigũ iripũre pãñabodigũre erã bocabiricũ ĩagũ turaro oreabũ yũpũ.

<sup>5</sup> Yũ eropa orecũ ĩagũ yujugũ erã Jesu yarã oparã mera majagũ õpa arãmi yũre:

—Orebiricãque. Iri tũrure ñearire yujugũ pãñamasimi. Īgũ Juda ya curu majagũ turagũ āhrimi. Īgũ opũ Davi pãrami árĩturiagu āhrimi. Watĩre tarĩnũgadigũ āhrimi ĩgũ. Eropigũ ĩgũ iri tũrure siete ñearire pãmasigũ āhrimi, arãmi ĩgũ yũre.

<sup>6</sup> Īgũ eroparĩcũ peegũ opũ ĩgũ doaro core Cordero ĩgũ niguiicũ ĩhabũ. Wapicũrã gajiropa bejarã, Jesu yarã oparã sã erã watope niguiami ĩgũ Cordero. Īgũ eropa niguiqueregũ ĩgũ masa erã wejẽdigũ mũrũ dopa dehyoami. Siete cusaricũgũ, siete cuiricũgũ āhrami. Iri siete cuiiri ĩgũ Espĩritu Santo ĩgũ siete suburi maja turari āhrabũ ĩgũ árĩpehrero ĩhamasiburi. Espĩritu Santo árĩpehrero i yebaguere Goãmũ ĩgũ obeodigũ āhrimi.

<sup>7</sup> Eropigũ Corderopũ opũ doaro pohrogue ejagũ, ero doagũre ĩgũre ĩgũ diayerũ opara tũrure tũaweã aĩami.

<sup>8</sup> Īgũ eropa tũaweã aĩcũ ĩarã wapicũrã gajiropa bejarã, veinticuatro Jesu yarã oparã sã Cordero core mereja ĩgũre umupeoama. Erã Jesu yarã oparã árĩpehrerã arpa waĩcũri buamũtẽrĩre opãma. Oropari sãre opãma. Iripari incienso ũjũtũrĩrĩpari dihta āhrabũ. Iri incienso Goãmũ yarã ĩgũre erã serẽra āhrabũ.

<sup>9-10</sup> Eropa ĩgũre umupeorã õpa arĩ mama bayarire bayãma erã Corderore:

Erã wejêdigu mũhu ãhraa. Eropigu mu ya di mera masa ñeri iirare coeabu mũhu Goãmu yarã erã áriboro dopa. Eropigu masare árípehreri cururi majarãre yujurãyerire, árípehrerã yare wereniguirãre, árípehreri yeba majarãre erã ñero iirare wajayebasabu. Eropa iigu erãre oparã árimorã, pahia masare Goãmure serëbasarã árimorã sã áricũ iiabu. Eropigu i yeba majarã weca oparã árimorã acubu mũhu guare. Eropa iigu áridigu iri tũrure aĩ pãñamasibu ãhraa mũhu, arĩ bayãma erã Corderore.

<sup>11</sup> Yu ïagu daja bajarãre millones anyua majarãre ïhabu. Opu doarore, wapicurã gajiropa bejarãre, veinticuatro Jesu yarã oparãre anyuapu erãre gãhrisianugajãma. Erã anyua majarã turaro mera erã bayacũ ïhabu.

<sup>12</sup> Ōpa arĩ turaro bayapeoama erã:  
Cordero, mũhu erã wejêdigu árigu árípehrerãre doremasibu, árípehrerire opamasibu ãhraa. Eropigu masipehogu, turatariagu ãhraa mũhu. Mu eropa árigu ãhraa masa erã ñerire erã iira dipuwaja erã wejêdigu. Eropirã gua mũre umupeorãca. “Ōatariagu ãhrimi,” arĩrãca mũre. Mũre ōaro wereniguirãca, arĩ bayãma anyua majarã.

<sup>13</sup> Eropigu gajirã erã bayacũ peeabu. Árípehrerã i yeba majarã, umaro majarã sã, ojocarirã, sĩrinirã, wũariya majarã sã, árípehrerogue arĩrã ōpa arĩ bayarã carama:

Goãmure igu doarogue doagure, Cordero sãre ōaro wereniguirãca. Mũare umupeorãca. “Ōatariarã ãhrima. Turatariarã ãhrima,” arĩrã árípehrerinuri eropa arĩniguicãrãca mũare, arĩ bayapeorã carama.

<sup>14</sup> Eropirã erã wapicurã gajiropa bejarã erã eropa arĩ bayacũ peerã “Eropa ta arĩ bayaporo,” arãma. Eropirã Jesu yarã oparãpu mereja Goãmure, Cordero sãre umupeoama.

## 6

*Papera tũrure igu aĩra tũrure pihãnarare pãmi Cordero, arĩ werepu Ñu*

<sup>1</sup> Pũhrũ papera tũrure igu aĩgãra tũrure Cordero pihãnamũhtarañere pãmi. Igu eropa pãcũ ïhabu. Igu eropa pãra pũhrũ yujugu gajiropa bejarã mera majagu “Ïagu arique,” arãmi. Eropa arĩgu bupu bũsũro dopa ta wereniguiami.

<sup>2</sup> Igu eropa arĩra pũhrũ ïhabu yũhu. Boregu cabayure ïhabu. Igu weca peyagu buiri berore opãmi. Iguere opu peyari berore ohami gajigupu. Igu eropa ora pũhrũ igupu igure ïhaturirãre tarinugagu wahãmi.

<sup>3</sup> Pũhrũ yujuñe pihãnarañere pãtuhaja Cordero gajĩne pihãnarañere pãmi daja. Igu eropa pãra pũhrũ gajigu gajiropa bejarã mera majagu “Ïagu arique,” igu arĩcũ peeabu daja.

<sup>4</sup> Eropigu gajigu cabayure diagure ïhabu daja. Igu weca peyagure turarire ohami gajigupu. I yeba majarãre erã basi gamewejẽcũ iibure apiami igure. Eropirã árípehrero majarã gamewejẽrãcoma i yebague. Eropigu wũarimiji ñoserimijire ohami igure.

<sup>5</sup> Pũhrũ peñere pãtuhaja Cordero gajĩnere pãmi daja. Eropigu gajigu gajiropa bejarã mera majagu igu sã “Ïagu arique,” arĩcũ peeabu daja. Igu eropa arĩra pũhrũ cabayu ñigure ïhabu. Igu weca peyagu nũcũri queoriñere opãmi.

<sup>6</sup> Iguere yũ ïara pũhrũ gajiropa bejarã watope ōpa bũsũro carabu:

—Trigo cebada sã pehrea waroca. Eropiro iri waja pagari áríroca. Eropirã yujunũ mohmeri waja mera trigore yuju kilo ta asũrãcoma. Yujunũ mohmeri waja mera cebada yerire ùhre kilo ta asũrãcoma. Bari moari ùyũrũ, vino sã baja áricãniroca, arĩro carabũ.

<sup>7</sup> Pũhrũ ùhreñere pãtuhaja Cordero gajĩñere pãmi daja. Īgũ eropa pãra pũhrũ gajigũ gajiropa bejarã mera majagũ áritugũ ĩgũ sã “Īagũ arique,” ĩgũ arĩcũ peeabũ daja.

<sup>8</sup> Īgũ eroparĩcũ peegũ borewijigũ cabayure ĩhabũ. Īgũ weca peyagũ sĩririñe waĩcuami. Eropigũ ĩgũ pũhrũ arigũ peame waĩcuami. Eropigũ erãre cabayua weca peyarãre turarire ohami corderopũ. Wapicũrã masa áricũ yujugũ erã mera majagũre wejẽdoreami. Eropa ta áripehrero i yebaguere yujurãyeri masare wejẽdoreami. Gamewejẽri mera, oaboari mera, dorecũri mera, waimũrã nũgũri majarã guarã mera, yujurãyeri masare erã wejẽburire apiami erã perãre.

<sup>9</sup> Pũhrũ wapicũriñere pãtuhaja gajĩñere pãmi daja Cordero. Īgũ eropa pãcũ Goãmũre umupeoburi mesa doca Jesu yarãre erã wejẽnirãre erã sĩporãrĩre ĩhabũ. Goãmũ yare erã werera dipuwaja, “Jesu yarã ãhraa,” arĩ erã werera dipuwaja gajirã erã wejẽnirã ãhrama.

<sup>10</sup> Erã gaguiniguirã õpa Goãmũre erã arĩcũ peeabũ:

—Mũhũ gua Opũ ñeri marigũ, gũyaro mariro mũ arĩro dopa ta ĩgũ ãhraa mũhũ. ¿Eropigũ i yeba majarãre gũare wejẽnirãre dohpãricũ dipuwaja moagũcuri mũhũ erãre? arĩ gaguiniguiama erã.

<sup>11</sup> Eropigũ erãre boreri suhri yoari suhrire ohami. Erãre eropa ogũ õpa arãmi erãre:

—Soonique dohpa. Gajirã mũa acawererã Jesu yarã mũa iidiro dopa ta dohpague sãre õari buherire buhenirã iima masare. Mũare wejẽdiro dopa ta erã sãre erã wejẽpehoboro duhyaa dohpa. Eropirã erãre áripehrerãre erã wejẽboro core merogã corenique mũa, arãmi erãre.

<sup>12</sup> Pũhrũ cinco ñearire pãtuhaja Cordero gajĩñe ñeariñere pãcũ ĩhabũ daja. Iriñere ĩgũ pãcũ ta, turaro yeba ñohmeabũ. Eropigũ mũmũ majagũ abe ñigũ gũhyaro wahãmi. Ñiriñe suhriro iro dopa ta bejagũ ĩgũ gũhyaro wahãmi. Eropigũ abe ñami majagũ di iro dopa ta diagũ gũhyaro wahãmi.

<sup>13</sup> Eropirã necã yebague yuhridija wahãma. Yucũgũ dũcare miruñe weãburiboro dopa ta necã yuhridija wahãma.

<sup>14</sup> Eropiro mũmũsi dederea wahabũ. Paperapũre mari tũrabeo dedeodiro dopa ta dederea wahabũ mũmũsi. Eropiro áripehreri utã yucũ sã áripehreri nũgũrori sã gajipũgue ejanũgaja waha wahabũ.

<sup>15</sup> Eropa wacũ ĩarã i yeba majarã tauro oparã, utã yucũ maja wiri poheca maja goberigue duhrirã wahãma. Gajirã oparã, surara oparã, doberi oparã, turarã, áripehrerã erã pohro majarã, erã pohro majarã áribirã sã yujuro ta duhriřama.

<sup>16</sup> Eropirã duhrirã utã yucũre utã sãre õpa arĩrama:

—Gua weca yuhridijari wejẽcãque. Sihire opũre ĩgũ doaro doagũre gũitaria. Cordero gũare ñero dipuwaja moagũcumĩ.

<sup>17</sup> Gũare áripehrerãre turaro dipuwaja moaburĩnũ árituhajaa. Eropirã ĩgũ dipuwaja moaborore ne bocatĩusome gua. Eropa dipuwaja moari arĩrã gua weca yuhridijari wejẽcãque, arĩrama utã yucũre áripehrerã.

## 7

*Israe masa diaporire Goãmũ ĩgũ waĩ tuhaborore wererũ Ñũ*

<sup>1</sup> Pũhrũ wapicũrã anyuare ìhabũ. Erã árípehrerogue waháma. Yujugũ nortepũ wagũ erogue arirañere miruñere aribiricũ iiami. Gajigũ surgue, gajigũ abe mũririrogue, gajigũ abe ñajarogue waha ìgũ iro dopa ta miruñere aribiricũ iama erã sã. Eropiro i yebague, wũariyague sãre ne miruñe aribiricũ iama. Ne yujugũ yucũgũre miruñe weã ñohmecũ iibirama.

<sup>2</sup> Eropigũ gajigũ anyure ìhabũ daja. Abe mũririrogue arigũ iiami ìgũ. Goãmũ ojocarinigũigũ ìgũ waĩ aĩturiñere sello waĩcũriñere aĩgãrigũ iiami ìgũ. Eropa aĩgãrigũ gajirã anyua wapicũrãre ìgũ gaguiniguiami. Erã anyuapũ i yebare, wũariya sãre ñero wacũ Goãmũ ìgũ iidorenirã ãhrama erã.

<sup>3</sup> Erãre gaguinigũ õpa arãmi ihĩ anyu:

—Corenique. Goãmũ pohro majarãre erã diaporire ìgũ waĩ aĩturiñere tuhunimorã iiaa gũa. Gũa eropa tuhuboro core i yebare, wũariyare, yucũ sãre ñero wacũ iibiricãque mũa dohpa, arãmi ìgũ gajirã wapicũrã anyuare.

<sup>4</sup> Eropigũ Goãmũ ìgũ waĩ mera erã diaporire erã tuhumorã “Oã nũcũ ãhrama,” arĩ wereami yare yujugũ. Israe masa doce cururi majarã ciento cuarenta y cuatro mil gohra masa erã tuhumorã áríñorã.

<sup>5</sup> Oã áríñorã erã tuhumorã: Doce mil masa Judá pãramerã árituriarã erã tuhumorã áríñorã. Doce mil masa Ruben pãramerã árituriarã áríñorã erã tuhumorã. Gajirã doce mil masa Gad pãramerã árituriarã áríñorã erã tuhumorã.

<sup>6</sup> Gajirã Aser pãramerã árituriarã doce mil gohra, gajirã doce mil gohra Neftalí pãramerã árituriarã, gajirã doce mil Manase pãramerã árituriarã erã tuhumorã áríñorã.

<sup>7</sup> Gajirã doce mil masa Simeo pãramerã árituriarã, gajirã doce mil masa Leví pãramerã árituriarã, gajirã doce mil masa Isaca pãramerã árituriarã áríñorã erã tuhumorã.

<sup>8</sup> Gajirã doce mil masa Zabulón pãramerã árituriarã, gajirã doce mil masa José pãramerã árituriarã, gajirã doce mil masa Benjami pãramerã árituriarã, erã tuhumorã áríñorã. Erã nũcũ árípehrerã masa ciento cuarenta y cuatro mil gohra áríñorã erã tuhumorã.

### *Bajarã boreri suhricũrãre werepũ Ñũ*

<sup>9</sup> Pũhrũ masa bajarãre ìhabũ. Árípehreri yeba majarãre, árípehreri cururi majarãre, árípehrerã yare wereniguirãre, árípehreri macari majarãre, yujurãyerire Cristo gamerã dihtare erã niguirãre ìhabũ. Opũ ìgũ doaro pohro, Cordero core niguiama erã masa. Bajarã masa ãhrama. Eropirã erãre queorã bocatĩurã mejeta ãhrama. Boreri suhricũrã ãhrama erã. Eropirã mijipũrre opáma.

<sup>10</sup> Eropirã erã árípehrerã õpa arĩ gaguiniguiama:

Goãmũ ãhrimi marire taugũ. Ìgũ, ìgũ doaro doagũ ãhrimi. Cordero sã marire taugũ ãhrimi, arĩ gaguiniguiama erã.

<sup>11</sup> Eropirã árípehrerã anyua, Jesu yarã oparã, gajiropa bejarã mera Opũ ìgũ doaro tũrore yuju bero niguiama. Eropa niguirã ìgũ doaro core mereja, Goãmũre umupeoama.

<sup>12</sup> Õpa arĩ umupeoama erã:

Eropa ta ãhraa. Goãmũ gũa Opũre mũre õaro wereniguia. Õatariagũ ãhraa mũhũ. Masipehogũ ãhraa mũhũ. Mũre “Õhaa,” arãa. Mũre umupeoa. Turatariagũ ãhraa mũhũ. Mũ turari mera iigũ ãhraa

mũhũ. Mũre eropa arĩrã árĩpehrerinũri eropa mũre arĩniguirãca. Eropa ta iirã, arĩ umupeoama erã Goãmũre.

<sup>13</sup> Eropigũ yujugũ Jesu yarã oparã mera majagũ yũre wereami:

—¿Oã boreri suhricũrãre masiri mũhũ? ¿Erã aridirore masiri mũhũ? arĩ serẽpiami yũre.

<sup>14</sup> Ĩgũ eroparĩcũ peegũ,

—Masibea, arĩ yũhriabu yũrũ.

—¿Noa áhriri erã? arĩ serẽpiabu ĩgũre.

Yũ eroparĩcũ peegũ õpa arãmi yũre:

—Oã ñetariaro taririnũri árĩcũ yujuro bojerã áhrima, arãmi ĩgũ yũre. Erã suhrire coewearo dopa ta Cordero ĩgũ di cóãra mera erã ñerire coenirã áhrima. Eropirã õari boreri suhricũrã áhrima.

<sup>15</sup> Eropa ĩgũ coenirã árĩrã Goãmũ ĩgũ doaro core ĩgũre eropa umupeonigucãma. Umũri ñamiri nũcũ ĩgũre eropa umupeonigucãma pahia Goãmũ wihigue erã iiro dopa ta. Eropigũ erã mera eropa árĩnigugũ erãre itamugucumi Goãmũ gajiropa wari arĩgũ.

<sup>16</sup> Eropirã ne dipaturi oaboasome erã. Eropirã ne ñemesibusome. Ne abe umũ majagũ asiriñere pabusome erã. Turaro asiri erã ñero taricũ iisome.

<sup>17</sup> Opũ doaro core nigugũ Cordero erãre ĩhadibugucumi. Ovejare ĩhadibugũ iro dopa erãre ĩhadibugucumi. Eropigũ maurigã dipague ojocaricũ iiriyarigã dipague erãre mũhta wahgãgucumi oveja ĩhadibugũ iiro dopa ta. Eropigũ eropa mucubiricũ iigucumi erãre. Eropirã umarogue árĩrã ne dipaturi oresome erã, arãmi Jesu yarã oparã mera majagũ yũre.

## 8

### *Seis papera erã pihãnarare pãtuhaja gajĩñere pãpehopũ Cordero*

<sup>1</sup> Seis papera erã pihãnarare pãtuhagũ dũhyarañere pãtuhami Cordero. Ĩgũ eropa pãtuhacũ yuju hora deco umarogue ne ejarimaria wahabũ.

<sup>2</sup> Eropigũ siete anyuare Goãmũ pohro niguirãre ĩhabũ. Eropigũ erãre siete cornetarire ohami gajigũ.

<sup>3</sup> Gajigũ anyu oropari incienso dicũburipari opadigũ Goãmũre umupeori mesa pohrogue eja, niguiami. Ero ĩgũ niguicũ baja inciensore ĩgũre ohama. Árĩpehrerã Goãmũ yarã ĩgũre erã serẽra mera moreburi inciensore ohama. Eropigũ oro mera iira mesague, Goãmũ ĩgũ doaro pohro árĩri mesague iri incienso Goãmũre soe mujuburi áhrabũ.

<sup>4</sup> Eropigũ anyu ĩgũ oparapari maja inciensore mesa weca pohsiri peo soeami. Ĩgũ eropa soera pũhrũ iri incienso maja imica Goãmũ yarã ĩgũre erã serẽra mera mũria wahabũ Goãmũ pohrogue.

<sup>5</sup> Eropa wara pũhrũ ĩgũ anyu i mesa maja nitire iriparigue aĩ pohsãtuhaja, yebague pohmehdijucãmi. Ĩgũ eropa pohmehdijucũ miãmi. Turaro bupu paãmi. Eropiro gajiropa busũmaa, yeba ñohmemaabũ.

### *Cornetarire werepũ Ñũ*

<sup>6</sup> Pũhrũ siete anyua yujurãyeri erã cornetarire purimorã iiama.

<sup>7</sup> Yujugũ anyu ĩgũ yarure purimũhtami. Ĩgũ eropa puricũ decoyeri yũsariyeri peame mera, di mera moreriyeri yebague yurimerejabũ. Iriyeri yurimerejacũ ta yeba ũjũa wahabũ. Ipẽ ũjũabũ: I yeba deco ejaboro pohro gohra ũjũa wahabũ. Eropiro iripẽta yucũ sã taa yahsari sã ũjũa wahabũ.

<sup>8</sup> Anyu yujugũ ĩgũ eropa purimũhtara pũhrũ gajigũ anyu ĩgũ yaru cornetare puriami daja. Ĩgũ eropa puricũ wũadigũ utãgũ iro dopa

bejadigu òaro ùjuniguidigu wuariyaguere mihrua dijabu. Eropiro yeba ùjudiopè ta wuariya diya poya wahabu.

<sup>9</sup> Eropirã wuariya majarã wai sã deco mera ejarã gohra yujupu majase majarã sãria wahãma. Eropiro iri nucu gasi ta dohori gasi miria wahabu wuariyaguere.

<sup>10</sup> Perã anyua erã purira puhru gajigu anyu sã igu yaru cornetare puriami daja. Igu eropa puricũ wuadiru necãru, sihãdiru dopa ta bejadiru yebaguere yurimereja wahabu. I yeba maja diarire maɔ diparire yujupu majase majare yurimerejabu necãru.

<sup>11</sup> Eropiro iri nucu mauri ta sũiriyari dujabu. Eropa wacũ bajarã masa iri decore sũiri decore ihrinijarã sãria wahãma. Iri necãru sũiduru waicubabu.

<sup>12</sup> Urerã anyua erã purira puhru gajigu anyu sã igu yaru cornetare puriami daja. Igu eropa puricũ abe umu majagu, ñami majagu sã deco erabonirã gohra poya wahãma. Necã majarã sã deco erabonirã dipuru ta poya wahãma. Eropiro umugue wapicuri horari gohra abe ne boyobirami. Ñami sãre wapicuri horari gohra abe ñami majagu, necã sã ne boyobirama.

<sup>13</sup> Puhru ìhamemujuabu daja. Umarogue gaa wuwahgãgure ìhabu. Eropigu igu gaguiniguicũ peeabu. Opa arãmi igu:

—Ñetariaa. Ñetariaa. Urerã anyua purinibeamã dohpa. Erã purira puhru ñetariaro waroca. Eropa wacũ i yeba arãrã ñetariaro warãcoma, arã dijuami igu.

## 9

<sup>1</sup> Puhru wapicurã anyua erã purira puhru gajigu anyu igu yaru cornetare puriami daja. Igu eropa puricũ necãru iro dopa bejagu arãigu anyu umarogue arãdigu yebague yuhridijaricũ ìhabu. Eropigu igure peame gobe ùhcãri gobe maja sawire ohami gajigu.

<sup>2</sup> Eropigu igu iri gobere pãgũcũ peame imica wiriabu. Wuari peame imica iro dopa ta wuaro imica wiriabu iri gobere. Eropiro iri imica mata abe umu majagure, umaro sãre dederea wacũ iabu.

<sup>3</sup> Eropirã iri imica pohecague arãrã poreroa yebague wudijarama. Eropirã coreba erã burigã pũriro dopa ta erã burigã pũriama.

<sup>4</sup> Eropigu taare, yucure, gaji taare ñero iidorebirami erãre. Masa dihtare ñero iidoreami erãre. Goãmu igu waã aĩturiñere erã diaporire tuhuya marirã dihtare ñero iidoreami erãre poreroare.

<sup>5</sup> Eropa ñero iidorequeregu ta erãre wejẽdorebirami. Erãre wejẽdorebiriqueregu ta cinco aberi gohra masare burigã pũricũ iidoreami. Coreba toarã erã pũriro dopa ta pũricũ iirã ãhrama poreroa sã.

<sup>6</sup> Irinurire erãre erã pũriro iicũ masa sãridiarãcoma. Erã eropa sãridiaquerecũ ta erãre sãridoresome Goãmu.

<sup>7</sup> Oã poreroapu cabayua iro dopa dehyoama. Surara cabayua erã come suhri cãhmotari suhri sãnirã dopa ta dehyoama erã poreroa. Erã dipu weca oparã erã peyari berori oro berori iro dopa peyãma. Erã diapori masa diapori iro dopa bejãma.

<sup>8</sup> Erã poari nome poari iro dopa ãhrabu. Eropirã erã gucuri yeeã gucuri iro dopa ãhrabu.

<sup>9</sup> Sãporã cãhmotari gasiro come gasiro iro dopa cãhmotama erã coretibire. Eropiro erã wucũ bajarã cabayua omarã erã omaro dopa erã

wuuri dupuri busuabu. Cabayua tūruri gasire tararā erā gamewejēroque warā erā busuro dopa ta busuabu poreroa wuuri dupuri.

<sup>10</sup> Eropirā coreba ĩḡu pīgurucuro dopa ta toadiru ĩḡu oparo dopa ta āhrabu erā poreroa. Eropirā erā pore mera masare cinco aberi gohra pūricā toáma.

<sup>11</sup> Eropirā erā opu āhrami. Ɛhcāri gobe opu āhrami erā opu. ĩḡu anyu muru āhrami. Hebreo ya mera Abadón waĩcumi ĩḡu. Griego ya mera Apolión waĩcumi. Apolión, mari ya mera arĩrā, “Ñero goroweogu” waĩcugu iimi.

<sup>12</sup> Poreroa masare erā ñero pūricā toara pūhru i ñero erā tarimūhtadiro pehrea wahabu. Iri pūhru pesubu ñero tarinirācoma daja masa.

<sup>13</sup> Pūhru yuju mojtocu majarā anyua erā purira pūhru gajigu anyu ĩḡu yaru cornetare puriami daja. ĩḡu eropa puricā Goāmu core niguiri mesague oro mera iira mesague wereniguiri busuro carabu. Iri mesa maja sari wapicuri sarogue wereniguiri busuro carabu.

<sup>14</sup> Eropa wereniguiri cornetare purigure anyure opa wereniguiri mera busuro carabu:

—Wuariyague Eufrete waĩcuriyague peresu árĩnirāre anyuare wiuque. Erā wapicurā anyua āhrima, arĩro carabu.

<sup>15</sup> Eroparĩcū peegu anyupu erāre wapicurāre wiuami bajarā masare wejēmorāre. I bojorire, inure, i horare queoro corerā iama erā wiumorā wapicurā anyua. Erā core diro sihajaa. Eropirā wejēnugagārirā iama. Árĩpehrerā deco mera erabonirāre masare wejēmorā āhrama.

<sup>16</sup> Eropigu erā anyua yarā surara, “Oā nucu āhrima,” erā arĩcū peeabu. Erā cabayua weca peyarā āhrama. Doscientos millones surara āhrama.

<sup>17</sup> Eropigu cabayua erā weca peyarā yu ĩanirā opa dehyoama. Erā sīporārire cāhmotari suhri come suhri diari suhri, yahsari suhri, boreri suhri suhricuma. Eropirā cabayuapu erā dipu yea diarā iro dopa dehyoama. Erā disirogue peame, imica, azufre ũjuri imica sã wiriabu.

<sup>18</sup> Eropiro cabayua disiro wiriri mera masare wejēabu. Árĩpehrerā masa deco erabonirāre masa bajarāre wejēama. Eropirā peame mera imica mera, azufre ũjuri imica mera bajarā masare wejēama.

<sup>19</sup> Erā cabayua erā disiro wiriri mera wejēama. Eropirā erā pore mera sã wejēama daja. Erā pore ojogorogue añaa dipu dopa bejabu. Eropirā iri pore mera camicucū iama erā masare.

<sup>20</sup> Bajarā masa erā wejē duhanirāpu erā mera majarāre wejēcū ĩaquererā erā ñeri iirare ne duhubirama. Watēare umupeo duhubirama. Erā goāmarā wēanirāre umupeo duhubirama. Erā wēanirāpu oro mera, plata mera, bronce mera, utā mera, yucu mera erā wēanirā āhrama. Erā wēanirā ojocaribirama. Peebirama. Nohmebirama. Erā eropa árĩquerecū ta erāre masa umupeoama.

<sup>21</sup> Eropirā erā wejē duhanirā gaji ñeri sãre ne bujawerebirama. Masare erā wejērare, erā nome mera erā ñero iirare, erā yajara sãre ne bujawere duhubirama erā.

## 10

### *Miri tūrugāre papera tūrugāre aĩgārimi anyu*

<sup>1</sup> Pūhru gajigu turagu anyu umarogue دچارicū ĩhabu. Imica curu watope āhrami. Eropigu buibuguda ĩḡu dipuru weca peyabu. ĩḡu diapo umu majagu abe iro dopa goesiriabu. ĩḡu ñigari peame iro dopa goseabu.

<sup>2</sup> Eropigu miri tûrugâre papera tûrugâre ïgu pâra tûrugâre opâmi ïgu. Ïgu guburu diayeru maja guburu mera wariyague cãhrapi niguiami. Ïgu guburu copu maja guburu yebague cãhrapi niguiami.

<sup>3</sup> Eropa niguigu yea erã gaguinigiuro dopa ta ïgu turaro gaguinigiuiami. Ïgu eropa gaguiniguirã pãhrã siete bupua wereniguirã carirama.

<sup>4</sup> Erã eropa wereniguicũ peegu gojanugarabu yãhã. Yu eropa gojanugacũ ta amarogue yure werenigiuro carabu.

—Siete bupua erã arĩrare gajirãre werebita. Eropigu irire goja aĩbita, arĩro carabu yure.

<sup>5</sup> Ïgu eropa arĩra pãhrã wariyague niguidigu, yeba niguidigu anyu ïgu mojoto diayeru mera sime mujuami amarogue.

<sup>6</sup> Eropa sime mujugu Goãmu eropa ojocariniugu waĩ mera waĩpeoami. Ïgu Goãmuru arĩpehrerire, umusire, umusi majarãre, i yebare, i yeba arĩrãre, pagayarire, pagayari majarãre iigu ahrimi. Eropigu opa arãmi anyu:

—Goãmu mera diaye arĩgu iiaa. Iripãta corerãra.

<sup>7</sup> Seis anyua erã corneta dipurure erã purira pãhrã gajigu anyu ïgu puritucũ Goãmu iribojegue ïgu “Ïpa iigura,” ïgu arĩdiro dopa ta iigucumi. Iribojegue masare irire ðaro werebiripu. Pãhrã ïgu pohro majarãre, ïgu yare weremãhtarãre ðaro werepehoru ïgu. Iri ïgu werepirare dohpaguere iigucumi, arãmi anyu.

<sup>8</sup> Ïgu eropa arĩra pãhrã amarogue yure wereniguidiro dopa ta dipaturi wereniguigu carami daja. Opa arĩgu carami yure:

—Wariyague niguigu yebague niguigu sihĩ anyu pohrogue waque. Eropa wagu papera tûrugâre ïgu opari tûrugâre aĩque, arĩgu carami yure.

<sup>9</sup> Ïgu eroparicũ peegu anyu pohrogue wahabu. Ïgure papera tûrugâre yã serẽcũ peegu opa arĩ yahriami yure:

—Aĩque. Eropigu i papera tûrugâre baque mũhã. Mu ne bacũ mome iro dopa ðaro imisĩroca. Mu parogue mu acura pãhrã sũia waroca, arãmi yure.

<sup>10</sup> Ïgu eroparicũ peegu iri tûrugâre anyure yã aĩra pãhrã bahabu. Yu ne bacũ mome iro dopa imisĩabu. Yu ba acura pãhrã yã parogue sũiro carabu yure.

<sup>11</sup> Yu eropa bara pãhrã opa arãmi yure:

—Dipaturi bajarã masare, macari majarãre, yebari majarãre, baja disirori wereniguirãre, erã tauro oparã sãre pãhrã erã dohpa waborore wereyumãhtaque, arãmi yure.

## 11

### *Perã Goãmu yare weremorãre were gojapu Ñu marire*

<sup>1</sup> Pãhrã yure queodigure odoreami Goãmu. Tuadigupẽ yoadigu ahrabu irigu. Irigure odoregu opa arãmi yure:

—Yaha wihire queogu waque. Iri wihi majañe yure umupeori mesa sãre queoque. Eropigu iri wihiguere masare yure umupeorã sãre queoque.

<sup>2</sup> Disiporo wirinugaropure queobita. Iripũ yure gamebirã erã cãhrapirapũ ahraa. Erã cuarenta y dos aberi gohra Goãmu ya macare iri maca majarã sãre ñero iirãcoma. Eropigu queobita iripũre.

<sup>3</sup> Eropigu yahare wererãre perãre obeogura. Mil doscientos sesenta nãri gohra yahare wererãcoma. Co suhri sañanirã arĩrãcoma erã yã weredorenirã, arĩ wereami yure.



4 —I yeba majarā tauro opu pohro pegu olivo waicuri yucu niguia. Pegu sihāgori yucu sã iri yucu pohro niguia. Iri yucu oã perã yahare weremorã iro dopa āhraa, arĩ wereami daja yure.

5 Eropirã erãre ihaturirã erãre erã ñero iidiacũ erã disirogue pea porã wirimaaro soe wejēpehocāroca erãre ihaturirãre. Eropa ta erãre ñero iirãre wejērãcoma erã perã.

6 Eropiro erã perã erã deco aridorebircũ deco arisome. Eropiro yahare erã wereropẽ deco arisome. Eropirã maurire diyari poyacũ iirãcoma erã. Eropirã i yebare ñero wacũ iirãcoma erã. Árĩpehreri dohpa árĩrore, dohpa árĩrãre, masare ñero wacũ iirãcoma erã. Erã noho gamero iidiaropẽ eropa ñero wacũ iirãcoma i yebare.

7 Erã Goãmũ yare weretuhajacũ ũhcãri gobegue árĩgu ñegu nugu majagu wirigucumi. Eropigu Goãmũ yare wererã erã perã mera gamequeãgucumi. Eropa gamequeãgu turatarinugagu erãre wejēcãgucumi.

8 Īgu eropa wejēra pũhrũ erã ya dũpũri mũra wũari maca maja mague oyaroca. Mari Opũre Jesucristore erã pabia wejēra maca āhraa iri maca. Iri maca majarã ñerã árĩrã, Sodoma majarã mũra, Egipto majarã mũra iro dopa āhrama.

9 Erã dũpũri mũra oyaro ũhrenũ ðaro oya, gajinũ deco erã ya dũpũri mũra iri mare oyaroca. Eropirã árĩpehreri yeba majarã yujurãyeri, árĩpehreri cururi majarã yujurãyeri, árĩpehrerã yare wereniguirã yujurãyeri iri nũcũ nũri gohra erã ya dũpũri mũrare ĩarãcoma. Eropirã iri nũcũ nũri gohra erãre yaadoresome.

10 Erã perã Goãmũ yare weremũhtanirã i yeba majarãre erã ñero iira dipuwaja moanirã árĩrãcoma. Eropirã erã eropa sĩrinirã árĩcũ ĩarã árĩpehrero majarã mucubirirãcoma. Eropa mucubirirã bosenu ii, erã basi gajĩnore eropa ocãrãcoma.

11 Erã eropa iiquerẽcũ ũhrenũ pũhrũ gajinũ deco gohra Goãmũ erãre masugucumi daja. Īgu eropa masucũ erã dipaturi wahgãnugajarãcoma. Erã eropa wahgãnugajacũ ĩarã árĩpehrerã bũrigã gũirãcoma erãre.

12 Pũhrũ ũmarogue bũrigã erãre perãre wereniguicũ peerãcoma masa. Ōpa arĩri bũsũroca erãre:

—Ōgue mũririque mũa, arĩri bũsũroca.

Erãre eropa arĩ wereniguirẽ bũsũcũ peerã imica cururi watope mũria warãcoma. Erãre doonirã mũra erã mũriacũ ĩarãcoma.

13 Erã eropa mũriarisubu yeba turaro ñohmeroca. Eropa ñohmecũ ta iri maca maja wiri baja wiri mihrua dija waroca. Eropirã yeba ñohmero mera siete mil masa sĩria warãcoma. Gajirã dũhyarãpũ ũca wa, Goãmũre ũmaro majagure “Turagu āhrimi,” arĩ umupeorãcoma pare ĩgure.

14 I árĩpehreri eropa wara pũhrũ pesubu masa erã ñero tarituhajanirã árĩrãcoma. Eropa tarira pũhrũgã ta dipaturi masa mata daja ñero tarirãcoma.

*Seis corneta dipurure erã purira pũhrũ gajigu puripu*

15 Pũhrũ seis corneta dipurure erã purira pũhrũ gajigu anyu ĩgu yarure puriami. Īgu eropa puricũ ũmarogue turaro wereniguiro carabũ. Ōpa arĩro carabũ:

Dohpague mari Pagũ, Cristo mera i yeba majarã tauro opu árĩgucumi.

Eropigu eropa opu árĩniguigucumi Goãmũ, arĩro carabũ.

16 Eropirã Goãmũ core oparã doarigue doarã veinticuatro Jesu yarã oparã Goãmũ core mereja, ĩgure umupeoama.

17 Eropa umupeorã ōpa arãma:

Gua opu Goãmũ, turatariagu aãhraa mũhu. Mũhu negohraguere eropa árĩmuriyoro. Eropigu dohpague sãre eropa árĩnigua. Pũhrugue árĩgũca mũhu. Mũ turari mera masa erã opu mũ árĩnũgacũ, "Õhaa," arãa gua mũre.

<sup>18</sup> Árĩpehrerã i yeba majarã mũre gamebirã mũ mera guarima. Dohpague erãre mũ dipuwaja moaburisubu aãhraa. Sĩrinirã sãre mũ dipuwaja moaburisubu aãhraa. Eropiro mũ yarãpũre õarire erã iira wajare mũ oburinosubu aãhraa. Yujurãyeri erã mũ yare weremũhtanirã árĩma. Eropirã erã gajirã mũ yarã mera árĩpehrerã mũre õaro umupeonirã árĩma. Eropigu oparãre, bu árĩrã sãre mũ yarã erã árĩcũ ìha õaro iigũca mũhu erãre. Eropiro i yeba majarãre goroweocorerãre mũ cóãburisubuno árĩro iiaa dohpague, arĩ umupeoama Jesu yarã oparã Goãmũre.

<sup>19</sup> Erã eropa arĩ umupeora pũhrũ umaro maja wihi Goãmũ ya wihi ìgu pãgũra wihi ìhabũ. Eropirã iri wihi árĩri comorore ìhabũ gua. Iri comoro pohecague Goãmũ "Masare itamugũra," ìgu arĩ werepirapũ sañabũ. Gua eropa ìacũ ta miamaa, bupu paamaa, gajiropa busũmaa, i yeba ñohmemaa wahabũ. Deco yũsariyeri deco bũrigã umarogue dijaribũ.

## 12

### *Nomeore, pĩru sãre werepu Ñũ*

<sup>1</sup> Pũhrũ i yeba dohpa waborore umarogue dehyoabũ yũre. Eropa dehyoari gũhyadiaro maja aãhrabũ. Õpa ìamũhtabũ: Umarogue nomeore ìhabũ. Igo suhriro abe umũ majagu iro dopa gosesiriabũ. Eropigo abe ñami majagu weca niguiamo. Opu ìgu peyarino berore doce necã opari berore peyadigo niguiamo.

<sup>2</sup> Eropiro igo porãcũboro merogã dũhyabũ. Eropigo igo niji wahgũgo pũriro mera gaguiniguamo.

<sup>3</sup> Pũhrũ dipaturi ìhabũ daja umarogue: Wũagu pĩrũre diagũre ìhabũ. Siete dipu dipucũgu aãhrami. Árĩpehreri ìgu dipu oparã erã peyarino berorire peyara dipu dihta aãhrabũ. Eropigu diez cusaricũgu aãhrami ìgu.

<sup>4</sup> Ìgu pĩguru mera necã dipũrũre wejẽsiri medijuami. Árĩpehrerã necãre deco gohra wejẽsiri medijuami. Eropigu nomeo porãcũgo pohro niguiami pĩru. Igo magũgã dehyoacũ babu iirami.

<sup>5</sup> Merogã pũhrũgã ta masa dehyoatuhami majigũgã. Árĩpehreri yeba majarã opu árĩbu aãhrami ìgũgã. Ìgu eropa opu turagu árĩcũ masa ìgũre tarinũgarã yujuro bojesome. Ìgu eropa masa dehyoacũ ta Goãmũ ìgu doaro pohrogue ìgũgãre aĩbeocãmi.

<sup>6</sup> Ìgu eropa iicũ nomeopũ masa marirogue pĩrũre duhrigã wahãmo. Goãmũ ìgu amuyudirogue duhrigã wahãmo igo. Eroguere mil doscientos sesenta nũri gohra Goãmũ igore ìhadibumi.

<sup>7</sup> Eropirã umarogue gamewejẽnũgãma. Migue waĩcũgu anyu ìgu yarã anyua sã pĩru mera gamequeãma. Erã eropa gamequeãcũ pĩru ìgu yarã anyua mera Miguere gamequeãmi.

<sup>8</sup> Eropirã Migue sã pĩrũre tarinũgãma. Eropigu pĩrũre ìgu yarãre anyuare umarogue arĩnemodorebirami.

<sup>9</sup> Eropigu wũagu pĩrũre cóãcãmi Goãmũ. Ìgu pĩru watĩ ta árĩgu iiami. Satana waĩcũgu aãhrimi. Iribojeguere ìgu pĩru dũpu dopa deyogu árĩñumi. Eropigu árĩpehreri yeba majarãre gũyagu aãhrimi. Goãmũ ìgũre cóãgu ìgu yarã anyua mera yebague cohã dijuami.

<sup>10</sup> Pũhrũ Ʃmarogue turaro wereniguicũ peeabũ:

—Dohpaguere mari Pagũ masare taumi pare. Dohpague tamerare mari Pagũ mari Opũ árĩgũ áhrimi ĩgũ turarire ĩhmubu. Eropĩgũ ĩgũ obeodĩgũ Cristo sã ĩgũ opũ árĩrĩre ĩgũ turarire ĩhmumi árĩpehrerãre. Watĩre Ʃmarogue árĩdigũre cohã dijuami i yebague. Eropĩgũ ĩgũ turarire ĩhmumi mari Pagũ. ĩgũ watĩpũ Ʃmũri nũcu, ñamiri nũcu Jesu yarãre, “Oã ñerã áhriima,” arĩ weresãgũ iimi mari Pagũre. Eropĩgũ mari acawererãre Jesu yarãre weresãgũ árĩmi.

<sup>11</sup> Cristo Cordero waĩcũgũ ĩgũ di cóãro mera mari acawererã ĩgũre umu-peorã erã ñeri iirare cóãsũnirã árĩma. Eropa árĩrã watĩre tarinũgãma. Eropirã õari buherire wererã, watĩre tarinũgãma. ĩgũ yare werera dipuwaja gajirã erãre wejẽdiaquerecũ ta, Cristo yare duhubirã árĩrã ĩgũre tarinũgãma.

<sup>12</sup> Eropirã mũa Ʃmaro majarã mucubirique. Watĩre ĩgũ yebague cohã dijucũ ĩarã mucubirique. Mũa yeba majarãpũ, wũariya majarã sãmojomorocũrã warãca mũa. Mũa pohrogue dijami watĩ. ĩgũre dipuwaja moaboro merogã duhyaa. Eropĩgũ guataricãmi ĩgũ. Mũa pohrogue ĩgũ ejacũmojomorocũro dujacũ iigũcumi ĩgũ mũare, arĩ gaguiniguiro caricũ peeabũ.

<sup>13</sup> Eropĩgũ pĩrupũ cohã dijudigũ nomeore, majigũgã pagore nũrusia wahgãmi.

<sup>14</sup> Eropĩgũ Goãmũ gaa wũagũ quẽ dũpũre ohami igore masa marirogue igo wũũ duhri wahgãboro dopa. Eroguẽ igo ejara pũhrũ Ʃhre bojori õaro gaji bojori deco gohra õaro ĩhadibuami Goãmũ igore. ĩgũ eropa ĩhadibucũ pĩru igore ñero iimasibirami.

<sup>15</sup> Ero igo árĩcũ ĩagũ pĩru igore miudiagũ wũaro decore etocabeocãmi.

<sup>16</sup> ĩgũ eropa iiquerecũ yebapũ igore itamuabũ. Pĩru ĩgũ disiro wiriri decore yebapũ yehrimaa wa uju aĩbeocãbũ.

<sup>17-18</sup> Eropa wacũ ĩagũ pĩru guatariami. Eropa guagũ yujurãyeri igo pãramerã árĩturiarã mera gamewejẽgũ wahãmi. Erãpũ Goãmũ dorerire iirã áhrama. Jesu yare õari buherire ne duhubirã áhrama. Erã mera gamewejẽgũ wahãmi. Eropĩgũ pĩru wũariya tũro pohro niguiami.

## 13

### *Perã nũgũ majarãre werepũ Ñũ*

<sup>1</sup> Wũariya tũro niguiũ, nũgũ majagũ iriya árĩgũre ĩgũ wahgãpacũ ĩhabũ. ĩgũ siete dipu, diez gohra cusaricũgũ áhrami. ĩgũ cusari oparã erã peyarino berori peyãmi. Eropiro ĩgũ dipure ĩgũ waĩre ĩgũ gojatura áhrahũ. ĩgũ waĩ iri ñeri waĩ árĩro Goãmũre ĩhaturiri waĩ áhrahũ.

<sup>2</sup> Eropĩgũ ĩgũ nũgũ majagũ yee dorogũ guagũ iro dopa bejãmi. Eropĩgũ bugu iro dopa guburicũgũ áhrami. Eropĩgũ yee wũagũro iro dopa disirocũgũ áhrami. Eropĩgũ pĩrupũ ĩgũ turarire ohami nũgũ majagũre. Eropa ogũ ĩgũre ĩgũ opũ doaro apĩgũ ĩgũ iro dopa ta masa bajarãre dorecũ iiami pĩru nũgũ majagũre.

<sup>3</sup> ĩgũ nũgũ majagũ dipuru yuju dipuru camirocũri dipuru dopa bejabũ. Iri camiro ĩgũre wejẽbocurira camiro árĩquerero yarira camiro áhrahũ. Iri dipuru ojocaricũ ĩarã, Ʃca wahãma i yeba majarã árĩpehrerã. Eropa ĩha Ʃcarã, nũgũ majagũre “Turagũ áhrimi,” arĩ umupeoama. Eropirã ĩgũ yarã wahãma masa.

<sup>4</sup> Eropirã nũgu majagũre pĩru ĩgu turarire ocũ ĩarã masapũ ĩgũre pĩrure mereja umupeoama. Eropirã nũgu majagũ sãre mereja ĩgũre umupeoama. Eropa umupeorã õpa arãma:

—Ne gajigu mũ iro dopa turagu marimi. Gajigu mũre ne tarinũgamasibeami, arĩ umupeoama masa nũgu majagũre.

<sup>5</sup> Eropigu ĩgu nũgu majagũ “Turatariagu aħrimi,” erã ĩgũre arĩquerecũ ta, ĩgu Goãmũre ñero wereniguiquerecũ ta eropa pepicãnimi Goãmũpũ. Eropigu cuarenta y dos aberĩ gohra ĩgu nũgu majagũ masare dorenigũcumi. Iripẽta ĩgu opũ arĩcũ gahmemi Goãmũ.

<sup>6</sup> Eropigu Goãmũre ñero wereniguiami ĩgu. ĩgu waĩre, ĩgu wihire, umarogue ĩgu arĩro, ĩgu pohro majarã sãre ñero wereniguiami nũgu majagũ.

<sup>7</sup> Eropigu Goãmũ yarãre gamewejẽgu erãre tarinũgãmi. ĩgu eropa tarinũgaquerecũ ta eropa ĩacãniami Goãmũ. Goãmũ ĩgu eropa iidorebiricũre iisome ĩgu. Eropigu arĩpehrerã i yeba majarã tauro opũ arĩnirami nũgu majagũ. Arĩpehreri cururi majarã, arĩpehreri yebari majarã tauro, arĩpehreri macari majarã tauro, arĩpehrerã yare wereniguirã tauro opũ arĩnirami ĩgu.

<sup>8</sup> Eropirã arĩpehrerã i yeba majarã ĩgu nũgu majagũ pohro mereja ĩgũre umupeorãcoma Goãmũ yarã arĩbirãpũ. I yebare Goãmũ ĩgu ĩhacũnuguboro core ĩgu yarã arĩmorãre ĩgu mera arĩniguimorãre erã waĩre gojatutuhañumi. Iripũ ĩgu eropa gojaturapũ Cordero erã wejẽdigũ yapũ aħraa. Iripũ erã waĩre gojatubirã dihta Goãmũ yarã arĩbirã nũgu majagũre umupeorãcoma.

<sup>9</sup> Gamiricũrã aħraa mũa. Eropirã peeque mũa Jesu yarã arĩrã.

<sup>10</sup> Arĩpehrerã mũare peresu iinirãre erã sãre peresu iigũcumi pũhrũ. Arĩpehrerã masare ñose wejẽnirãre erã sãre ñose wejẽgũcumi pũhrũ. Irire masirã mari Goãmũ yarã ñero tariquererã ta ĩgũre cóãbiricãrã. Eropirã yujuro boje ĩgũre guñaturarã.

<sup>11</sup> Pũhrũ gajigu nũgu majagũre ĩhabũ daja. Yeba pohecague ĩgu arĩdigũ ĩgu wiriricũ ĩhabũ. Pecusaro oveja cusaro iro dopa bejari cusaro cusarocũgu aħrami. Eropa arĩqueregu pĩru iro dopa wereniguiami.

<sup>12</sup> Eropigu nũgu majagũ arĩmũhtadigũpũ pũhrũ arĩdigũre opũ acuami. ĩgu eropa opũ acugũpũ arĩpehreri yeba majarãre arĩmũhtadire umupeodreami. Arĩmũhtadi nũgu majagũ erã wejẽbocuridi camiro yaridigũ aħrami.

<sup>13</sup> Eropigu pũhrũ arĩdigũ deyoro moarire ii ĩhmuami masa erã ĩha ucaboro dopa. Eropa iigu masa erã ĩaro peame wũari peame umarogue dijaricũ iiami.

<sup>14</sup> Eropigu arĩmũhtadigũ ĩgu ĩhuro gajigu nũgu majagũpũ deyoro moari mera masare gũyãmi, “Ihĩ mũa umupeobu aħrimi,” arĩgu. Eropigu ĩgu gajigu nũgu majagũ arĩmũhtadigũre wéadreami masare. ĩgu arĩmũhtadigũ ñoserimiji mera erã ñosedigũ arĩqueregu ta ojocarigu aħrami. ĩgu iro dopa bejagũre ta wéadreami gajigu nũgu majagũ masare. Erã eropa iicũ ĩagu Goãmũ dooqueregu ta eropa ĩacãniami.

<sup>15</sup> Eropigu pũhrũ arĩdigũ nũgu majagũpũ arĩmũhtadire wéadigũre ojocaricũ iiami masare ĩgu doreboro dopa. Eropigu wéadigũpũ erã ĩgũre umupeobirãre wejẽdoreami.

<sup>16</sup> Eropigu arĩpehrerãre erã mojotori diayepũ sãre ĩgu waĩre gojatudreami nũgu majagũ pũhrũ arĩdigũ. Erã mojotorire gojatubirinirãre erã

diaporire gojatudoreami ĩġu waĩre. Bu árĩrãre, oparãre, doberi oparãre, mojomorocurãre, erã pohro majarãre, erã pohro majarã árĩbirãre, árĩpehrerãre ĩġu waĩre gojatudoreami.

<sup>17</sup> ĩġu árĩmũhtadĩġu nuġu majagũ ĩġu waĩre, ĩġu numerore gojatubirãre ne asũdorebirami. Eropĩġu erãre duadorebirami.

<sup>18</sup> Irire õaro masique mũa. Pee masirã árĩrã nuġu majagũ ĩġu numerore õaro ĩha masique. Iri numero ũa waĩ iro dopa ãhraa. Iri numero seiscientos sesenta y seis gohra ãhraa.

## 14

### *Goãmu ĩġu taunirã mama bayariñere bayañorã*

<sup>1</sup> Pũhrũ Sión waĩcũdigũ utãġu weca niguĩġure Corderore ĩhabũ. ĩġu mera ciento cuarenta y cuatro mil masa ãhrama. Erã ĩġu ya waĩre ĩġu Pagũ ya waĩ sãre erã diaporire erã gojatunirã ãhrama.

<sup>2</sup> Erãre yũ ĩacũ ta umarogue busũro carabũ. Wũari utãmu busũro dopa ta, bupu ĩġu wũaro busũro dopa ta busũro carabũ. Eropĩġu arpa waĩcurĩre erã buamutẽro dopa ta busũro carabũ.

<sup>3</sup> Erã ciento cuarenta y cuatro mil masa bayarã ãhrama. Ero opu ĩġu doaro pohro wapicũrã gajiropa bejarã, Jesu yarã oparã sã core bayarã ãhrama erã. Erã bayariñe mama bayariñe ãhrabũ. Iri bayarire erã dihta masiama. Cristo ĩġu taunirã dihta iri bayarire masiama. Erã i yeba árĩnirã mũra ĩġu aĩ mujunirã ãhrama.

<sup>4</sup> “Ne ñerire iisome,” arĩnirã ñerire iibirinirã ãhrama. Ne erã yujusubugã nome mera ñero iibirinirã ãhrama. Eropirã Corderore ĩhacũnirã árĩrã, ĩġu yare eropa iiniguimũrama. Eropĩġu erãre ñerã watope árĩnirãre ĩġu taumorãre aĩami Goãmũpũ. Eropã ĩġu taunirã árĩrã, Goãmũ yarã árĩmorã, Cordero yarã sã árĩmũhtanirã ãhrama.

<sup>5</sup> Eropirã erã mera majarã ne yujugũ ġuyagũ marami. Eropirã Goãmũ ĩġu pepicũ ñeri iira dipuwaja marirã ãhrama erã.

### *Urerã anyua weremedijuñorã*

<sup>6</sup> Pũhrũ umarogue wũũġure anyure ĩhabũ. ĩġu i yeba majarãre árĩpehreri cururi majarãre, árĩpehrerã yare wereniguirãre, árĩpehreri yebari majarãre õari buherire werebu ãhrami. Iri buheri ne gohrotobea. Eropã árĩniguicãa.

<sup>7</sup> Eropĩġu anyu ġaguĩġũ õpa arĩ medijuami:

—Goãmũre ġũique. “Turatariagũ, õatariagũ ãhrimi,” arĩ umupeoque ĩġure. Dohpague masare ĩġu dipuwaja moaburisubu árĩro iiaa. ĩġu ũmũsire, yebare, pagayarire, mutayarigã sãre iidĩġu ãhrimi. Eropirã ĩġure mereja umupeoque, arĩ ġaguĩġuĩ dijuami anyu.

<sup>8</sup> ĩġu eropa arĩra pũhrũ ġajĩġũ anyu ũmaro wũũġũ õpa arĩ medijuami:

—Erãre cóãcãmi. Wũari maca Babilonia waĩcũri maca majarãre cóãcãmi Goãmũ. Erã ĩġu cóãnirãpũ árĩpehrerã ġajirãre ñero iicũ iima. Masa erãre ĩhacũrã, ñerire ũaribejarã, goãmarã wéanirãre umupeoma. Merericũrã vinore erã turaro ũaribejaro dopa ta erã ñerire turaro ũaribejama Babilonia majarãre ĩhacũrã, arĩ were medijuami ġajĩġũ anyu.

<sup>9-10</sup> Erã perã anyua eropa arĩra pũhrũ ġajĩġũ anyu erã pũhrũ wũũġũ ġaguĩġuĩ õpa arĩ medijuami ĩġu sã:

—Árĩpehrerã nuġu majagũre umupeorãre, ĩġure wéadĩġure umupeorãre erã diaporire, erã mojotorire ĩġu waĩre gojatunirãre dipuwaja moagũcumĩ Goãmũ. Erã mera ġuagũ erã tamerare turaro

dipuwaja moagucumi Goāmũ. Eropigũ Goāmũ erāre buriḡā dipuwaja moaniguigucumi cādiḡiro mariro. Nuḡũ majagũre umupeorā árĩpeherrerā peameḡue warācoma. Erogue buriḡā pũriroca erāre. Azufre waĩcũri mera erā dihura peame árĩroca. Goāmũ yarā anyua, Cordero sã erā ñhuro ñero tarirācoma erā.

<sup>11</sup> Iri peame eropa imicacũniguicāroca. Ne yarisome. Erāre eropa pũriniguicũ iiroca. Árĩpeherrerā nuḡũ majagũre mereja umupeorāre eropa pũriniguuroca. Ũmũri sãre, ñamiri sãre eropa pũriniguicāroca sooro mariro erāre. Ĩḡũ nuḡũ majagũre Ĩḡũ wéadigũre umupeorā, Ĩḡũ waĩre erā gojatunirā sã, eropa ta ñero tarirācoma, arĩ medijuami anyu.

<sup>12</sup> Eropigũ õpa arĩ werea mũare ire: Mũa erā eropa ñero tariborore masirā, Goāmũ yarā Ĩḡũ dorerire iirā, Jesure cóãbirā árĩrā, Ĩḡũ yare duhubiricāque. Ñero tarirā árĩquererā ta Goāmũ yare duhubiricāque, arāa yũhũ mũare.

<sup>13</sup> Pũhrũ ũmarogue yũre wereniguuro caracũ peeabũ daja. Őpa arāmi yũre:

—Ire gojaque mũhũ. Goāmũ yarā Ĩḡũre cóãbirā árĩnirā dohpaguere mũa sĩrira pũhrũ sãre õaro mucubirirā árĩrāca mũa, arĩ medijugũ carami yũre. Ĩḡũ eropa arĩra pũhrũ Espĩritu Santopũ õpa arĩnemoami daja:

—Eropa ta āhraa. Diaye ta āhraa. Erā turaro erā mohmerire duhpĩicā soorācoma. Ũmarogue erā wacũ õaro erā iirare guñagucumi Goāmũ. Eropigũ erāre õaro iigucumi. Eropirā erā mucubirirā árĩrācoma, arĩnemoami Espĩritu Santo.

*Pohe maja oteri dũcare mari beye aĩro dopa ta Goāmũ Ĩḡũ yarāre beye aĩḡucumi. Ñerāpũre boje beye dobogucumi, arĩ gojañumi Ñũ*

<sup>14</sup> Pũhrũ imica curu boreri curure ñhabũ. Iri curu weca masũ dopa bejagũ doámi. Ĩḡũ oro bero opũ Ĩḡũ peyarino berore peyámi. Eropigũ matamiji usiri mijire opámi Ĩḡũ.

<sup>15</sup> Pũhrũ gajigũ anyu Goāmũ wihigue árĩdigũ wirirami. Eropa wiririgũ turaro gaguiniami imica curu weca doagũre:

—Mũhũ matamiji mera pohe maja dũcare i yeba maja dũcare tabe aĩpehocāque. Dohpaguere mũ queodiro ejaa. Dũca boretuhabũ, arāmi anyu.

<sup>16</sup> Ĩḡũ eroparĩcũ peegũ Ĩḡũ matamiji mera i yebare tãranũgami Ĩḡũ imica curu weca doagũ. Eropa tãranũgagũ i yeba maja dũcare aĩro dopa iiami.

<sup>17</sup> Pũhrũ gajigũ anyu sã Goāmũ wihigue árĩdigũ wirirami. Ĩḡũ sã matamiji usirimijire opámi.

<sup>18</sup> Eropigũ gajigũ anyu Goāmũre umupeori mesa pohrogue árĩdigũ wirirami. Ĩḡũpũ mesa maja peamere ñhadibugũ āhrami. Eropa wiririgũ matamiji usirimiji opagũre gaguiniguiami:

—Mũhũ matamiji mera i yeba árĩri pohere, igui pohe maja dũcare aĩque. Iguipũ ñiituhabũ, arĩ gaguiniguiami.

<sup>19</sup> Ĩḡũ eroparĩcũ peegũ anyu Ĩḡũ matamiji mera i yebare tãragũ, iguitõrĩre wĩrita aĩami. Ĩḡũ eropa iira pũhrũ iritõrĩre iguitõrĩre Ĩḡũ ñatĩarogue cõhámi. Ĩḡũ eropa ñatĩaro dopa ta Goāmũ Ĩḡũre gamebirāre turaro guagũ, dipuwaja moagucumi.

<sup>20</sup> Iri maca tũro pohro erā ñatĩaro iri iguitõrĩre ñatĩama. Ero erā ñatĩacũ igui deco wiriro dopa di wiriabũ. Trescientos kilõmetros yoariya, yuju metro õaro gaji metro deco ũhcãriya āhrahũ di mera. Irire ñha masiabũ. Yujunũ anyu Goāmũre gamebirāre ñerĩre iinirāre gameneo erā ñeri iira

dipuwaja moagucumi. Īgu eropiicũ masa bajarã sĭrirãcoma. Eropa sĭrirã di pagari cóarãcoma, arĭ masiabũ yuhũ.

## 15

### *Masa erã ñero tariborore anyua apituñorã masare*

<sup>1</sup> Pũhrũ Ʃmarogue gajiropa árĩrore ĩhabũ. Guhyadiaro árĩro i yebague dohpa waborore ĩhmuriñe āhrabũ. Őpa ĩhabũ: Siete anyua āhrama. Goãmũ guagu siete suburi masare dipuwaja moatubu iiami. Eropirã erã siete anyuapũ dipuwaja moadore ĩgu apimorã āhrama.

<sup>2</sup> Anyuare yũ ĩara pũhrũ wũariyare õaro deco sũririya dopa árĩriyare ĩhabũ. Iriya peame mera árĩriya āhrabũ. Eropigũ iriya pohro niguirãre nũgu majagure ĩgure wéadigũ sãre tarinũganirãre ĩhabũ. Erã nũgu majagũ numerore ĩgu ya waĩ maja numerore gojatudorebirinirã āhrama. Ero niguirã arpa waĩcũri bũamutĩre opãma. Iri bũamutĩri Goãmũ ĩgu ora āhrabũ.

<sup>3</sup> Eropirã Goãmũ pohro majagũ Moise ya bayarire bayarã iama. Cordero ya bayariñe sãre bayarã iama. Őpa arĭ bayãma:

Gua opũ mũhũ Goãmũ turatariagu āhraa. Mũ iirare ĩarã ĩha Ʃca wahaa gua. Mũ iira õataria. Mũhũ árĩpehreri yeba majarã tauro opũ āhraa. Őaro guyarõ mariro diaye iiaa mũhũ.

<sup>4</sup> Árĩpehrerã mũre gũima. Árĩpehrerã mũre “Turagu āhrimi,” arĩrãcoma. Mũ dihta ñeri marigu āhraa. Árĩpehrerã i yeba majarã mũ pohrogue ejarã mereja mũre umupeorãcoma. Eropa ta iirãcoma erã árĩpehrerã õaro mũ iirare ĩarã, arĭ bayarã iama erã.

<sup>5</sup> Pũhrũ Ʃmarogue ĩhamemujugũ, Goãmũ ya wihire pãgũra wihire ĩhabũ. Iri wihigue Goãmũ ĩgu doreri ĩgu gojara mijiri Ʃtã mijiri erã dibura mijiri āhrabũ.

<sup>6</sup> Iri wihire yũ ĩacũ ta siete anyua iri wihi pohecague árĩnirã wirirama. Erã Goãmũ ĩgu dipuwaja moadoregũ ĩgu apimorã āhrama. Erã nũcũ erã dipuwaja moaburire opãma erã anyua. Őari suhri, boreri suhricũrã āhrama. Eropiro erã coretĩhbi weca oro gasiro mera tũãdiunirã āhrama.

<sup>7</sup> Iri wihigue árĩnirã erã wiriricũ wapicũrã gajiropa bejarã mera majagũ erãre siete anyuare oroparire ohami. Iripari Goãmũ gua ĩgu dipuwaja moadoreburi mera õaro Ʃjutũriabũ iripari. Īgu Goãmũ eropa árĩniguigu āhrimi.

<sup>8</sup> Īgu iriparire erãre ocũ ta Goãmũ wihi pohecague ĩgu gosesiriri mera ĩgu turari mera imicacũ sehya wahabũ. Iri wihi eropa imicacũ sehya wacũ iri wihire ne yujugũ ñaja masiya marabũ. Siete anyua Goãmũ dipuwaja moadoregũ ĩgu apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. Īgu dipuwaja moaboro core ñaja masiya mara. apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. Īgu dipuwaja moaboro core ñaja masiya mara.

## 16

### *Goãmũ masare ĩgu dipuwaja moaborore werepũ*

<sup>1</sup> Pũhrũ Goãmũ wihigue turaro wereniguiro carabũ. Siete anyuare weregũ iigu carami:

—Goãmũ ïgũre tarinũganirã mera guami. Eropirã ïgũ dipuwaja moadorerare iique. Eropirã dohpaguere siete pari dicũrire yebague pisiri medijurã waque i yeba majarãre, arĩ wereniguigũ carami.

<sup>2</sup> Eroparĩcũ peegũ árĩmũhtadigũ anyu ïgũ oparipa dicũrire yebague pisiri medijuami. ïgũ eropa pisiri medijucũ nũgũ majagũ waĩre gojatunirã ïgũre wéadigũre umupeonirã ñero camicũama. Iri cami turaro pũriyoro erãre.

<sup>3</sup> ïgũ eropa pisorira pũhrũ gajigũ anyu daja ïgũ oparipa dicũrire pisiri medijuami daja wũariyague. ïgũ eropa pisiricũ iriya diya wahabũ. Sĩridigũ di iro dopa ãhrabũ iri di. Eropa wacũ iriya pohecague árĩnirã sĩripehrea waháma.

<sup>4</sup> Perã eropa pisiri dijura pũhrũ gajigũ anyu ïgũ oparipa dicũrire pisiri medijuami daja maũrigue, iri maũri diparigue sãre. ïgũ eropa pisiricũ maũri diyari dihta wahabũ.

<sup>5</sup> Eropa wacũ ïagũ gajigũ anyu maũrire coregũ õpa arĩgũ carami:

—Goãmũ, mũhũ ñeri marigũ ãhraa. Dohpague sãre eropa árĩniguicãgũ ãhraa mũhũ. Iribojegue sãre eropa árĩniguicãmũribũ mũhũ. Eropigũ dipuwaja moagũ diyarire iigũ diaye iiabũ mũhũ.

<sup>6</sup> Nũgũ majagũ yarãpũ mũ yarãre wejẽrã di cóãcũ iima. Mũ yare wererã sãre wejẽrã di cóãcũ iima erã. Erã eropa wejẽra dipuwaja iriyari diyari wahabũ erã ihriburi. Õpa ta mũ iicũ gahmeama erã, arĩgũ carami maũrire coregũ anyu.

<sup>7</sup> ïgũ eropa arĩra pũhrũ Goãmũre umupeori mesague wereniguiro carabũ daja:

—Eropa ta ãhraa. Goãmũ gũa opu turatariagu ãhraa mũhũ. Gũyaro mariro, queoro masare beye, dipuwaja moaa mũhũ, arĩ wereniguiro carabũ.

<sup>8</sup> ðrerã anyua erã pisorira pũhrũ gajigũ anyu ïgũ oparipa dicũrire pisiri medijuami daja. Abe mũmũ majagũ weca pisiri medijuami. ïgũ eropa pisiricũ abere masare turaro asicũ iiami Goãmũ.

<sup>9</sup> Eropigũ abe mũmũ majagũ masare turaro asiami. Erãre eropa asicũ erã Goãmũ erãre ïgũ dipuwaja moadorecũ masirã, ïgũre ñero wereniguiama masa. Eropa ñero tariquererã ta erã ñero iirare ne bũjawerebirama. Eropirã duhubirama. Goãmũre “Turagũ ãhrimi,” arĩ umupeodiabirama.

<sup>10</sup> Wapicũrã anyua erã pisorira pũhrũ gajigũ anyu daja ïgũ oparipa dicũrire pisiri medijuami daja. Nũgũ majagũ ïgũ doaro weca pisiri medijuami. Opu doaro ãhrabũ ïgũ doaro. ïgũ eropa pisorira pũhrũ ïgũ yarã árĩri yebague naitĩaro wahabũ. Eropirã ïgũ yarã masa ñero pũricũ gũcũrire cũridihuama.

<sup>11</sup> Erãre ñero pũricũ ta, erã ñero camicũrã ta Goãmũre mũmaro majagũre ñero wereniguiama. Erã ñero iirapũre bũjawerebirama. Eropirã irire duhubirama.

<sup>12</sup> Yuju mojotocũ majarã anyua erã pisorira pũhrũ gajigũ anyu daja ïgũ oparipa dicũrire pisiri medijuami daja. Eufrate waĩcũriya wũariyague pisiri medijuami. ïgũ eropa pisiricũ iriya bojomerea wahabũ. Abe mũririro majarã oparã erã gamewejẽrã warã erã iriya taribujariboro dopa eropa iiami.

<sup>13</sup> Pũhrũ urerã watẽare tarumũrã iro dopa bejarãre ïhabũ. Yujugũ tarubũgũ pĩru pohecague árĩdigũ ïgũ disirogue wirirami. Gajigũ tarubũgũ watĩ nũgũ majagũ disirogue wirirami. Gajigũ tarubũgũ watĩ daja “Goãmũ yare werẽgũ ãhraa,” arĩ gũyadigũ ya disirogue wirirami.



14 Eropirā erā urredā watēa tarumurā iro dopa bejarā deyoro moarire ii ihmurā āhrama. Eropirā árīpehrero majarā oparāre gamenerecū iiama erā basi Goāmū mera gamewejēdorerā. Erā eropa gamewejēburinū Goāmū turatariagu árīpehrerāre īgu dipuwaja moaburinū, pehreburinū árīroca.

15 Ero coregue ōpa arīmi Jesu guare: Īaque mūa. Yajari masū īgu yajagu ariro dopa ta yū sā guñaña mariro arigūca. Yū ariborore ōaro coredigu mucubirigu árīgūcumī. Īgu yaha árīburire iinigidigu űeri marigu mucubirigūcumī. Yū mera árīgūcumī. Eropa iidigu árīgu yū dujaricū guhyasīrisome īgu, arīmi Jesu guare.

16 Eropirā urredā watēa i yeba majarā tauro oparāre gamewejēcū iituhāma. Erā gamewejēro Hebreo ya disiro mera Armagedón waīcūa.

17 Seis anyua erā pīsīrira pūhrū daja gajigu anyu īgu oparipa dicūrire imica cururi weca pīsiri medijuami daja. Īgu eropa pīsīrira pūhrū Goāmū wihigue īgu opu doarogue turaro wereniguiro carabū:

—Īripēta árīroca, arīro carabū.

18 Īgu eroparīcū ta mīamaa, bupu pamaa, gajiroa būsūmaa, guhyaro yeba űohmeabū. I yeba masa erā árīnūgara pūhrū eropa siari űohmebirabū i yeba. Gajisubū űohmediro tauro guhyaro yeba űohmemaabū.

19 Eropa űohmecū wūari macare Babilonia waīcūri macare űhrema yehremaa wahabū. Eropiro paga macari i yeba árīri macari dija wahabū. Eropigu Babilonia waīcūri maca majarāre wūari maca majarāre guñāmi Goāmū erāre dipuwaja moabu. Erā űerire iiri dipuwaja erā mera turaro guāmi. Eropa guagu erāre būrigā dipuwaja moāmi.

20 Īgu eropa iicū árīpehreri nūgūri, űtā yucū sā pehrea wahabū. Eropiro ne marabū.

21 Eropiro decoyerī pagayerī yūsariyerī yebague masa weca دچارabū. Árīpehreri decoyerī cuarenta kilo nūcūriyerī āhrabū. Erā weca iri eropa دچارicū Goāmū erāre īgu turaro dipuwaja moacū masirā űero wereniguiama masa Goāmūre.

## 17

### *űerire iigore dipuwaja moadoregūcumī, arī wererū űū*

1 Pūhrū siete parire oparā anyua mera majagu yū pohrogue eragu ōpa arāmi yūre:

—Īagu arique. Diari bajayari weca doagore űma mera űero iiricūdigore Goāmū īgu dipuwaja moaborore Īagu arique mūhū.

2 I yeba majarā oparā igo mera űero iiro dopa ta igo yapūre gamema. Goāmūpūre gamebirama. I yeba majarāre igo sihu merecū iiro dopa ta, erā mera igo űero iiro dopa ta igo masare űero iirire űaribejacū iimo igo. Eropa iigo árīpehreri űerire erā iicū iimūrimo igo masare, arī wereami anyu yūre.

3 Īgu eropa arīra pūhrū Espīritu Santo yūre deyoro moarire Īacū iiami. Eropigu anyu masa marirogue aī wahgāmi yūre. Ero igo nomeore ĩhabū. Igo nūgu majagu diagū weca peyago āhramo. Nūgu majagūpū īgu dūpū baja waī erā gojatudigu āhrami. Iri waī űeri waī Goāmūre űeri wereniguiiri waī āhrabū. Eropigu siete dipucūgu, diez gohra cusaricūgu āhrami nūgu majagu.

4 Eropigo nomeopū ōaro yahsari suhri oparā erā sañarino suhrire sañadigo āhramo. Diari suhri sāre sañadigo āhramo. Baja orore,

wajacuri utäre, perlayeri säre tuhura suhrirore sañadigo āhramo igo. Eropigo oropare opámo igo. Iripare dicuri ñeri igo iira āhrabũ. Ñero iigo b̄urigã ñero iidigo árımo igo. Iri ñeri Goãmũ ĩgũ ĩadiabirira āhrabũ.

<sup>5</sup> Igo diapo igo waĩ erã gojatudigo āhramo. Iri waĩre õaro masibea marı. Õpa arĩ gojatura āhrabũ igo diapogue: “Wuuri maca Babilonia āhrimo. Igo árıpehreri ñeri iinugadigo āhrimo. Árıpehrero majarã erã ñerire, Goãmũre erã gamebiririre iinugadigo āhrimo. Eropirã erã igore ĩhacũrã ñetariaro iirã iima,” arĩ, igo diapore erã gojatudigo āhramo.

<sup>6</sup> Eropa igore ĩagũ igo bajarã Goãmũ yarãre igo wejẽdigo árıcũ masiabũ yũhũ. Mererã erã mucubiriro dopa ta igo erãre wejẽgo erã di cóãcũ ĩago mucubiridigo āhramo igo. Jesure erã cóãbiriri dipuwaja erãre wejẽdigo āhramo igo.

Igore ĩagũ, ĩha uca wahabũ.

<sup>7</sup> Eropigũ ĩgũ anyu arãmi yũre:

—¿Duhpigũ ĩha uca wahari mũhũ? arãmi yũre. —Mũ masibirirare mũre ĩhmugũra. Igo nomeore mũre weregũra. Igo peyagũ säre weregũra. ĩgũ nũgũ majagũ āhrimi. Eropigũ siete dipucũgũ, diez cusaricũgũ āhrimi.

<sup>8</sup> ĩgũ mũ ĩadigũ iribojegue árıdigũ árımi. Dohpaguere marimi ĩgũ. Pũhrũ ĩgũ ũhcãri gobegue árıdigũ wiriri dehyoagũcumı daja. ĩgũ eropa wiririra pũhrũ dederebu peamegue wagũcumı. I yeba majarã ĩgũ dehyoacũ ĩha uca wa, ĩgũre umupeorãcoma. I yeba árıboro core Goãmũ ĩgũ yarã árımorãre erã waĩre gojatudigũ árımi. ĩgũ gojatubirınirã āhrima nũgũ majagũre umupeorã. ĩgũpũ iribojegue árıdi árımi. Dohpaguepũre marimi. Pũhrũ dipaturi dehyoagũcumı daja. Eropirã masa ĩgũ dehyoacũ ĩarã, ĩha uca warãcoma.

<sup>9</sup> “Dohpaguere yũ wereburire õaro masidiarã, õaro peerãca mũa, arĩnemoami yũre daja. Eropirã pee masirã árıque mũa. Nũgũ majagũ dipũ, siete dipũ siete utã yucũ iro dopa āhraa. Iri utã yucũ weca peyamo igo ñero iiricũgo.

<sup>10</sup> Iri dipũ siete oparã sã iro dopa āhraa. Bajarã masa tauro oparã āhrima. Cinco oparãre cóãtuhama. Gajigũ erã pũhrũ árıgũ opũ āhrimi dohpaguere. Gajigũpũ pũhrũ opũ ñajagũcumı. Eropa ñajagũ merogã opũ árıgũcumı ĩgũ.

<sup>11</sup> Eropigũ nũgũ majagũ diagũ core árıdigũ, dohpaguere marigũ erã siete oparã pũhrũ opũ árıgũcumı. Siete oparã mera majagũ āhrimi. Pũhrũ peamegue dederea wagũcumı.

<sup>12</sup> “Nũgũ majagũ cusari diez cusari diez oparã iro dopa āhraa. Bajarã masa tauro oparã āhrima. Erã oparã ñajanibeamã dohpa. Pũhrũgue oparã ñajarã merogã oparã árırãcoma. Yoari boje oparã árıdoresome erãre. Eropa oparã árırã nũgũ majagũ mera oparã árırãcoma.

<sup>13</sup> Erã diez oparã yujuro mera pepirã árırãcoma. Eropirã erã nũgũ majagũre erã ya yebari majarã tauro opũ acurãcoma.

<sup>14</sup> Eropirã Cordero mera gamewejẽ warãcoma erã. Erã eropa gamewejẽquerecũ ta Cordero ĩgũ beyenirã mera ĩgũre ne cóãbirınirã mera erãre tarınũgarãcoma. ĩgũ árıpehrerã gajirã tauro opũ āhrimi. Eropigũ erãre tarınũgagũcumı,” arãmi anyu yũre.

<sup>15</sup> Ire yũre werenemoami anyu:

—Ñero iiricũgo maũri weca doago iimo. Iri maũri õpa iro dopa āhraa: Baja yebari majarã, baja cururi majarã, baja disiri wereniguirã iro dopa āhraa iri maũri. Erã bajarã weca āhrimo igo.

<sup>16</sup> Nũgu majagu, diez oparã mera ñero iiricũgore ìhaturirãcoma. Erã diez oparã nũgu majagu mera igore goroweopeho igo yare emapehocã, suhri marigo cóãrãcoma igore. Eropa iirã igo dũpũre barãcoma. Erã eropa iira pũhrũ igore soepehocãrãcoma.

<sup>17</sup> Erã diez oparã yujuro mera pepirã nũgu majagure erã ya yeba majarã tauro opũre acurãcoma. Erã eropa iicũ apimi Goãmũ ìgu gamediro dopa ta iibure. Eropigu nũgu majagurũ opũ árĩgũcumi. Árĩpehreri Goãmũ ìgu iribojegue ìgu werediro dopa ta ìgu iira pũhrũ nũgu majagure cóãgũcumi.

<sup>18</sup> Igo mũ ìadigo mera õpa arĩ buhema: Igo wũari maca Babilonia waĩcũri maca iro dopa ãhrimo. Árĩpehrerã gaji macari majarã tauro ãhrima iri maca majarã, arãmi anyu yãre.

## 18

### *Babilonia waĩcũri maca coh moyoro*

<sup>1</sup> Pũhrũ gajigu anyure ãmarogue دچارigure ìhabũ. ìgu opũ gohra ãhrami. Eropigu ìgu gosesiriri árĩpehrerogue ðaro boyoro wahabũ.

<sup>2</sup> ìgu eropa dijara pũhrũ turaro gaguinigui wereami:

—Cóãcãmi. Babilonia waĩcũri macare wũari macare iri maca majarã sãre cóãcãmi. Dohpaguere watẽa bajarã ñerã dũpũ deyobirã sã iri maca mũraro árĩrã iima. Ñerã mirimagũ porã majarã sã masa erã ìha doorã iri maca mũrarore árĩrã iima.

<sup>3</sup> Iri maca majarã mũra árĩpehreri yeba majarãre gorweonirã árĩma. Eropirã baja yebari majarã tauro oparã iri maca majarãre pee Goãmũre cóãnirã árĩma. Erã ñeri ãaribejarire iidiarã cóãnirã árĩma Goãmũre. Iri maca majarã baja gajinore wajapagari duarire gamenirã árĩma. Eropirã gaji macari majarã erãre duarã pagari dihta wajatanirã árĩma, arĩ wereami anyu.

<sup>4</sup> Pũhrũ dipaturi ãmarogue wereniguicũ peeabũ. Õpa arĩro carabũ iri macare cóãboro core ìgu wereniguirire:

—Mũa yaharã, iri maca majarã mera árĩbircãque mũa. Iri maca majarã mera mũa árĩcũ mũa sãre dipuwaja moagũcumi. Eropirã iri macague ñero iirire ìhacũbircãque.

<sup>5</sup> Ero ñero iira baja árĩcãa. Iri maca majarã yoari boje bũrigã ñerire iituhajama. Eropigu yũhũ Goãmũ iripẽta erã ñero iicũ gahmea. Eropigu erãre dipuwaja moagũca.

<sup>6</sup> Iri maca turaro dipuwajacũporo. Ero majarã masare erã ñero iidiro dopa ta erã sãre ñero taricũ iiporo. Masare erã ñero iidiro dopa ta erã tauro erãre ñero dipuwaja moaporo, arĩro carabũ.

<sup>7</sup> Iri maca majarã “Õarã ãhraa gũa,” arĩ pepirima. Eropa arĩ pepirã, wajapagarire wũaro opãma erã. Erã wajapagarire wũaro erã oparopẽ ta turaro ñero taricũ iiporo. Eropirã erãre bũjawerecũ iiporo. Erã basi õpa arĩ pepirima erã: “Gũa i yeba majarã oparã árĩrã iiaa. Mojomorocũrã árĩbeaa. Eropirã ne ñero tarisome gũa,” arĩ pepirima erã.

<sup>8</sup> Eropa arĩ erã pepirã árĩcũ yujunũ erãre guñaña mariro dipuwaja moaburinũ árĩroca, arĩro carabũ. Irinũ sũriri, dorecũri, co oreri, oaboari árĩroca. Eropigu iri macare soepehocãgũcumi, arĩro carabũ. Mũa opũ Goãmũ iri macare dipuwaja moadoregũ turatariagu ãhrimi. Eropigu eropa ta ìgu arĩdiro dopa ta iri macare dipuwaja moadoregũcumi, arĩro carabũ ãmarogue.

<sup>9</sup> Eropirã Goãmũ iri macare ìgu dipuwaja moacũ ìha i yeba majarã oparã bũrigã bũjawere orerãcoma. Erã iri maca majarã mera ñerire iirã ðaro

mucubirirã árĩmürinirã árĩma. Eropirã iri maca ũjucũ ãarã orerãcoma erã.

<sup>10</sup> Īgũ iri macare eropa soecũ ãarã oparã gaji yeba majarã yoarogue ãhabeoniguirãcoma gũa sãre dipuwaja moari arĩrã. Ero ãhabeoniguirã õpa arĩrãcoma:

—Ade. Mojomorocũri maca ãhraa Babilonia. Si maca wũari maca turari maca arĩrabũ. Mata yojaro mera si macare dipuwaja moami, arĩrãcoma erã.

<sup>11</sup> I yeba majarã doberi duarã iri maca ũjucũ ãarã burigã bujawere orerãcoma erã sã. Iri maca pehrecũ ãarã, erã ya doberire asũrã maricũ ãarã bujawere orerãcoma. Eropirã orerãcoma.

<sup>12</sup> Erã aĩgãrirare, orore, platare, wajacũri utãre, perla waĩcũri dipu sãre asũrã marirãcoma. Eropi gaji erã aĩgãrirare suhri õarire wajapagarire, yahsari suhrire, oparã erã sañari suhri dopa bejarire, seda waĩcũri suhrire, diari suhrire asũrã marirãcoma. Eropi gaji erã aĩgãrirare yucũ poresuri yucũre asũrã marirãcoma. Eropi gajire erã aĩgãrirare marfil waĩcũri mera erã iirare, wajacũri yucũ mera erã iirare, bronce mera erã iirare, come mera erã iirare, marmol mera erã iirare asũrã marirãcoma.

<sup>13</sup> Eropi erã aĩgãrirare canela waĩcũrire, gaji bari usũricũ iirire, inciensore, mirra waĩcũri poresurire, gaji poresurire asũrã marirãcoma. Eropi gaji erã aĩgãrirare vinore, uyuere, trigo pogare, trigore, wecuare, ovejare, cabyuare, tũruri gasire, pohro majarãre asũrã marirãcoma. Eropirã bujawererãcoma doberi duari masa.

<sup>14</sup> Eropirã õpa arĩrãcoma erã iri maca majarã mũrare:

—Ade. Ñetariaro wahari erã. Árĩpehreri erã mahira mũra pehrea wahaa. Eropiro árĩpehreri erã õarire erã wajapagari opara pehrea wahaa. Eropirã iri dipaturi bocasome mari, arĩrãcoma doberi duari masa.

<sup>15</sup> Erã iri macare doberi duarã wũaro wajatamürinirã árĩma. Eropirã erã iri macare yoarogue ãhu niguirãcoma gũa sãre dipuwaja moari arĩrã ucarã. Eropa ãhabeorã iri macare burigã bujawere orerãcoma.

<sup>16</sup> Õpa arĩrãcoma iri macare:

—Ade. Ñetariaro wahaa iri maca wũari maca. Si maca majarã õarire opamüririma. Nomeo õari suhrire, wajapagari suhrire, yahsari suhrire, diari suhri sãre sañago dopa õarire opamüririma. Eropirã oro wajapagari utã, perla dipu waĩcũri tuhura suhriro sañamürima. Wũaro opamürima si maca majarã.

<sup>17</sup> Eropiro mata si maca wũaro dobericũri maca dederea wahaa, arĩrãcoma iri macare.

Eropirã árĩpehrerã dohori gasi mera curirã, iri gasi oparã, erã uuma, gajirã wũariyague mohme wajatarã sã iri macare yoarogue ãhu niguirãcoma erã sã.

<sup>18</sup> Ero ãhabeorã iri macare ũjucũ ãarã õpa arĩ gaguiniguirãcoma:

—Paga macari si maca iro dopa arĩri macari ne gaji maca mara, arĩ gaguiniguirãcoma erã.

<sup>19</sup> Eropa bujawererã arĩrã erã dipu weca nicure ñaji peorãcoma. Eropirã co orerã õpa arĩrãcoma:

—Ade. Ñetariaro wahaa si maca mũraro. Õari maca arĩribũ. Árĩpehrerã dohori gasi oparã wũariyague curirã si maca maja doberi mera õaro wajataribũ mari. Eropiro mata si maca dederepehrea wahaa, arĩrãcoma gasi majarã, arĩ werero carabũ yũre umarogue.

<sup>20</sup> —Iri macare ĩgũ cóãcũ ãarã mucubirique mũa, umaro majarãpũ, arĩro carabũ. —Goãmũ yarã, Jesu ĩgũ apinirã, ĩgũ yare weremũhtanirã

árĩpehrerã mũa mucubirique. Iri maca majarã mũare ñero taricũ iima. Erã eropa iira dipuwaja, dipuwaja moami Goãmũ. Eropirã mucubirique mũa, arĩro carabũ.

<sup>21</sup> Eropa arĩ wereniguirare peera pũhrũ òpa ñhabũ yũhũ. Turagũ anyu wũariye utãyere aĩ wahgũ, wũariyague mehyuami. Eropa mehyugũ òpa arãmi:

—Iye utãyeyuriñajadiro dopa ta wũari maca Babilonia waĩcũri maca turaro yuhridijaro bũsuroca. Eropa yuhridijara pũhrũ iri macare dipaturi ñasome mũa.

<sup>22</sup> Iri macare dederea wacũ iigũcumi. Eropiro ne iri macare bayarire mũa peediro dopa árĩsome. Arpa buamũtẽri, flauta dipurure, corneta sãre ne dipaturi peeya mariroca. Eropirã iri maca maricũ ero mohmenirã dipaturi erore mohmesome. Eropiro trigo yeri utã mera erã oera sã ne peeya mariroca.

<sup>23</sup> Iri maca boyo oyadiro dopa ne árĩsome. Eropirã mojoto dirinirã erã mucubiri wereniguidiro dopa ne dipaturi árĩsome. Iri maca majarã doberi duarã asũrã mera gajirã tauro opamũrima erã. Eropirã iri maca majarã yeea erã purisiriri mera árĩpehrero majarãre gũyamũrima. Eropirã ñerire uaribeja, Goãmũpũre gamebirimũrima masa, arãmi yũre turagũ anyu.

<sup>24</sup> Iri maca majarã Goãmũ yare weremũhtanirãre gajirã ñgũ yarã sãre árĩpehrero majarãre wejẽmũrinirã árĩma. Erã eropa wejẽra dipuwaja, gajĩ ñero iira dipuwaja sãre dipuwaja moãmi Goãmũ iri macare.

## 19

<sup>1</sup> Babilonia macare ñgũ cóãrãre yũ ñara pũhrũ umarogue bajarã gaguiniguirã carama yũ peecũ. Òpa arĩ gaguiniguirã carama:

Aleluya. Goãmũre òaro wereniguirã. Goãmũ marire taugũ ãhrimi. Ñgũre òaro umupeorã. Turatariagũ ãhrimi ñgũ.

<sup>2</sup> Gũyaro mariro queoro iigũ masare dipuwaja moami ñgũ. Ñeri dipuwaja moorãre erãre dipuwaja moabeami. Igo nomeo ñerire iiricũgo Babilonia waĩcũri maca ãhrimo. Iri maca majarãre ñhacũrã i yeba majarã ñero iimũrima. Eropigũ iri maca majarãre dipuwaja moami Goãmũ. Eropigũ ñgũ dorerire iinirãre ñgũ pohro majarãre erã wejẽra dipuwaja dipuwaja moami ñgũ, arĩ gaguiniguirã carama.

<sup>3</sup> Dipaturi gaguiniguirã carama daja:

—Aleluya. Goãmũre òaro wereniguirã. Iri maca ñero iira maca ñgũ soera maca eropa imicacũniguicãroca, arĩ gaguiniguirã carama.

<sup>4</sup> Eropirã veinticuatro Jesu yarã oparã, wãpicũrã gajiropa bejarã mera mereja, Goãmũre mari Pagũre ñgũ doaro doagũre umupeoama. Òpa arĩ umupeoama erã:

—Amén. Aleluya. Eropa ãhraa. Mari Pagũre òaro wereniguirã, arãma erã.

<sup>5</sup> Pũhrũ opũ doarogue òpa arĩro carabũ:

Mari Opũ Goãmũre umupeoque. Mũa ñgũ pohro majarã, ñgũre umupeorã bu arĩrã, oparã sã árĩpehrerã mũa ñgũre òaro wereniguique, arĩro carabũ.

*Cordero ñgũ mojoto diriburinũ bosenũre werepũ Ñũ*

<sup>6</sup> Pũhrũ bajarã masa erã wereniguirã caracũ peeabũ. Erã utãmu iro dopa bupu iro dopa bũsũrã carama yũ peecũ. Òpa arĩ gaguiniguirã carama:

Aleluya. Goãmũre òaro wereniguirã. Ñgũ mari Opũpũ opũ ñajatuhami. Turatariagũ ãhrimi ñgũ.

7-8 Cordero ĩġu mojoto diriburi bosenu āhraa dohpaguere. ĩġu mojoto diribo ōaro amudigogue āhrimo. Igo ōari suhrirore ġuhrari mariri suhrirore sañatuhamo. Iri suhriro Goāmũ yarā ōarire erā iira iro dopa āhraa. Eropirā mucubirirā mari. Goāmũre “Ōatariagu āhrimi,” arĩ umupeorā mari ĩġure, arĩ wereniguirā carama.

<sup>9</sup> Erā eropa arĩra pũhrũ anyupũ arāmi yũre:

—Ire goja aĩque. “Cordero ĩġu mojoto diriri bosenure ĩġu sihubeonirā mucubirirā āhrima,” arĩ goja aĩque, arāmi yũre anyu.

Eropa arĩġu ta ōpa arĩnemoami:

—Diaye ta āhraa i yũ werera. Goāmũ ya werenigui ĩhraa, arĩnemoami yũre.

<sup>10</sup> ĩġu eroparĩcũ peegu ĩġure mereja umupeobu iirabũ. Yũ merejacũ gohra ōpa arāmi yũre:

—Yũre mereja umupeobita. Mũ árĩro dopa ta Goāmũ pohro majagu ta āhraa yũ sã. Mũ acawererã Jesu yarā árĩpehrerã ĩġu ya buherire werenirā iro dopa yũ sã Goāmũ pohro majagu āhraa. Eropigu Goāmũpũre mereja ĩġupũre umupeoque, arāmi yũre anyu.

Goāmũ yare weremũhtanirā iribojegue majarã Espĩritu Santo ĩġu itamuro mera Jesu ya buherire ta wereyuũuma.

### *Cabayu boreġu weca peyagũre werepũ Ñũ*

<sup>11</sup> Pũhrũ umaro pãrimaacũ ĩhabũ. Ero cabayu boreġu āhrami. ĩġu weca peyagu ōpa waĩcũami: ĩġu arĩro dopa ta iigu diaye iigu waĩcũami ĩġu. Eropigu masare dipuwajare moagu ĩġu ĩhaturirã mera gamewejẽgu ōaro ġuyaro mariro iiami.

<sup>12</sup> ĩġu cuiiri peame porã iro dopa āhrabũ. Eropiro ĩġu dipuru weca baja oparã peyari berori āhrabũ. Eropigu ĩġu dũpũre ĩġu waĩre gojatudigu āhrami. Iri waĩre ĩġu dihta masiami. Gajirã masibirama.

<sup>13</sup> ĩġu sañariñe yoariñe di tuyariñe āhrabũ. ĩġu ōpa waĩcũami: Goāmũ ya wereniguirire wereġu waĩcũami ĩġu.

<sup>14</sup> Eropirã ĩġu yarã surara umarogue majarã ĩġure nũrũsiãma. Borerã cabayua weca peyarã āhrama. Ōari suhriro boreri suhriro, ġuhrari mariri suhriro sañanirã āhrama.

<sup>15</sup> ĩġu erã opu wamũhtadigu ĩġu disiro ñoserimiji usirimiji cuũuami. Irimiji i yeba majarãre ĩġu tarinũgaburimiji āhrabũ. Eropigu ĩġu turari mera ĩġu dorecũ ne yujugu ĩġure tarinũgagu ĩġure bocatũusome. Igui dipurure erã ñatĩacũ igui deco wiriro dopa ta i yeba majarã ñerãre di wiriroca ĩġu erãre dipuwaja moacũ. Goāmũ erã mera guami. ĩġu eropa guagu árĩcũ cabayua weca peyagu dipuwaja bũrigã moagũcumi.

<sup>16</sup> ĩġu suhriro, ĩġu ñigagu sãre iri waĩre gojatudigu āhrami: “Árĩpehrerã gajirã tauro opu waĩcũmi,” arĩ gojatudigu āhrami.

<sup>17</sup> Pũhrũ abegue niguiġure anyu niguiġure ĩhabũ. Árĩpehrerã umarogue wũrãre goro porã majarãre gaguiniguibeoami ĩġu. Ōpa arĩ turaro gaguiniguibeoami erãre:

—Gamenererã arique. Goāmũ ĩġu bosenu wũari bosenu barã arique.

<sup>18</sup> Baja yebari majarã tauro oparã mũrare, surara oparã mũrare, surara bajarã mũrare, cabayua mũrare, erã weca peyarã mũrare, árĩpehrerã gajirã masa mũrare, pohro majarã mũrare, pohro majarã árĩbirã mũrare, gajirã oparã mũrare, bu árĩrã mũrare barã arique. Erã árĩpehrerã dũpũ mũrare barã arique, arĩ gaguiniguibeoami anyu goro porã majarãre.

<sup>19</sup> Eropigu nugu majagure, i yeba majarã tauro oparã erã surara bajarã sãre ñhabu. Erã gamenerenirã ãhrama cabayu weca peyagu mera ñgu surara bajarã mera gamewejẽmorã.

<sup>20</sup> Erã eropa gamewejẽcũ cabayu weca peyagu nugu majagure peresu iiami. Gajigu “Goãmu yare werenigu ãhraa,” arĩ guyadigu sãre peresu iiami. Ñgu guyadigupu nugu majagu ñgu ñhuro deyoro moarire iibasadigu ãhrami. Ñgu deyoro moari mera nugu majagu ñgu waĩre tuyanirãre, ñgu masu wẽadigure umupeorãre guyadigu ãhrami. “I Goãmu ya ãhraa,” arĩgu guyamuridigu ãhrami. Erãre perãre ñgu peresu iira puhru erãre ojocarirãre ta peamegue cõhãmi. Iri peame wuãriya iro dopa wuãri peame azufre mera ñjuri peame ãhrabu.

<sup>21</sup> Eropigu duhyarãre erã surara arĩnirãre ñoserimiji mera ñgu disiro cuñurimiji mera wejẽami cabayua weca peyagupu. Eropa ñgu wejẽra puhru goro porã majarã erã dupu murare barã yapitaria wahãma.

## 20

*Mil bojori gohra Cristo ñgu yarã mera masare doregucumi, arĩ gojañumi Ñu*

<sup>1</sup> Puhru gajigu anyu umarogue ñgu دچارicũ ñhabu. Ñhcãri gobe maja sawire, wuãrida comeda sãre opãmi ñgu.

<sup>2</sup> Eropa دچارigu pĩrure ñeãmi ñgu. Ñgu pĩru iribojegue pĩru dupucugu arĩgu, watĩ Satana waĩcugu ãhrami. Ñgure ñeagu dihriami mil bojori gohra peresu iibu.

<sup>3</sup> Eropa dirituha ñhcãri gobegue cohã dijuami ñgu i yeba majarãre mil bojori gohra ñgu guyamasibiriborore. Eropa cõãtuhagu iri gobere biha, sawi biacãmi. Eropigu mil bojori puhru dipaturi ñgure bajamenurigã wiunigucumi daja.

<sup>4</sup> Puhru oparã doarire ñhabu. Iri doarire doarã sãre ñhabu. Erãre masare erã beyedoboborore apiami Cristo. Gajirã sãre ñhabu. Erãpu Jesu yare Goãmu yare erã werera dipuwaja erãre dipure tabe cõãnirã ãhrama. Nugu majagure, ñgu wẽadigu sãre ne umupeobirininã ãhrama. Eropirã erã diaporire erã mojotori sãre ñgu waĩre gojatudorebirininã ãhrama erã. Eropirã gajirã erãre wejẽnirã arĩma. Erãre wejẽra puhru masa muria wanirã arĩma. Masa muriarã erã mil bojori gohra Cristo mera oparã arĩrãcoma.

<sup>5</sup> Gajirã Cristo yarã sĩrinirã mura masa murianibirama dohpa. Erã wejenirã erã masa muriana puhru mil bojori oparã erã arĩra puhru gajirã sã masa muriarãcoma. Eropirã erã wejẽnirã mura Cristo puhru masa muriamuhtarã arĩrãcoma.

<sup>6</sup> Ñgu masumuhtanirãpu turaro mucubirirã arĩrãcoma. Ñeri marirã arĩrãcoma erã. Eropirã peamegue wasome erã. Eropirã Goãmu yare Cristo yare erã sã serẽbasarã pahia arĩrãcoma erã. Eropirã erã masa muriamuhtarã mil bojori gohra Cristo mera masa tauro oparã arĩrãcoma.

*Satana dederea wagucumi, arĩ gojañumi Ñu*

<sup>7</sup> Mil bojori puhru Satanare peresu arĩgure wiugucumi.

<sup>8</sup> Ñgu eropa wirira puhru arĩpehro i yeba majarãre guyagu wagucumi ñgu, “Ina gamewejẽrã warã,” arĩgu. Gog waĩcũrãre, Magog waĩcũrã sãre guyagu wagucumi. Eropirã erã ñgu guyarire peerã, erã surara majarãre gameneorãcoma gamewejẽmorã. Erã surara majarã bajarã

gohra árĩrācoma. WɁariya maja imipa árĩro Ɂtāburuyeri nɁcɁ dopa erā surara bajarā árĩrācoma

<sup>9</sup> Eropirā i yebaguere wasirirā, GoāmɁ yarā erā árĩri macare GoāmɁ ĩɁ mahiri macare cāhmotanɁgajarācoma. Erā eropa cāhmotanɁgajara pɁhrɁ GoāmɁ erāre Ɂmaro maja peame mera soe mehdijucāɁɁcumi.

<sup>10</sup> Eropa wara pɁhrɁ watĩre erāre Ɂuyagure peamegue cóāɁɁcumi. Iri peame wɁariya iro dopa árĩri peame azufre mera Ɂjuri peame āhrabɁ. Erogue nɁɁ majagure “GoāmɁ yare wereɁ āhraa,” arĩ Ɂuyagure cóātuhajami. Ero erā árĩcɁ Ɂmari nɁcɁ pũriroca erāre.

*Masare GoāmɁ dipuwaja moatugɁcumi, arĩ gojañumi Ñu*

<sup>11</sup> PɁhrɁ wɁaro opɁ ĩɁ doarore ōaro borero ĩhabɁ. Iri doaro weca doagɁ sāre ĩhabɁ. Eropiro ĩɁ árĩroque mata i yeba Ɂmaro sã dederea wahabɁ. Ne deyobirabɁ pare.

<sup>12</sup> EropigɁ opɁ pohro sĩrinirā mɁra erā niguicɁ ĩhabɁ. Erā bu árĩrā, oparā mɁra sã āhrama. Ero erā niguicɁ ĩɁ gojaturapũrire pāɁami. Iripũri masa erā iirare ĩɁ gojaturapũri āhrabɁ. EropigɁ ĩɁ opɁ beyegɁ iripũre ĩatuha erā iirare masiami. Iri masigɁ sĩrinirāre beyeami ñerā, ōarā. PɁhrɁ gajipũ sãre pāɁami. Iripũ GoāmɁ mera eropa árĩniguimorāre erā waĩre erā gojaturapũ āhrabɁ.

<sup>13</sup> WɁariyague miri sĩrinirā mɁra, diague erā cóānirā mɁra sã masa mɁria waháma. Eropirā yeba pohecague árĩnirā mɁra, sĩrinirā erā árĩroque árĩnirā mɁra sã masa mɁria waháma. Erā eropa mɁrijacɁ ero doagɁ erā iirare masigɁ erāre beyeami. Ōarāre, ñerāre beyeami.

<sup>14</sup> PɁhrɁ sĩririñere, sĩrinirā erā árĩro sãre cóācāmi GoāmɁ dipaturi mari sĩribiriboro dopa. Peamegue irire cóācāmi. Iri peame wɁariya iro dopa árĩri peame āhrabɁ. GoāmɁre gamebirāpɁ peamegue warā dipaturi sĩrirā dopa wahama.

<sup>15</sup> EropigɁ ĩɁ mera árĩniguimorā erā waĩre GoāmɁ ĩɁ gojaturapũ árĩpehrerā gojatusũya marirāpɁre peamegue cōhāmi ĩɁ.

## 21

*Ɂmaro, yeba sãre mamare gohrotogɁcumi GoāmɁ, arĩ gojañumi Ñu*

<sup>1</sup> PɁhrɁ Ɂmaro, yeba sãre mamare ĩɁ gohrotorare ĩhabɁ. ÁrĩmɁhtara mɁra Ɂmaro, yeba, pagayari sã pehrea wahabɁ. MarabɁ.

<sup>2</sup> EropigɁ yɁhɁ Ñu ōari macare, mama macare Jerusalén waĩcɁri macare ĩhabɁ. Iri maca Ɂmarogue GoāmɁ pohrogue dijaricɁ ĩhabɁ. Ōaro dehyoabɁ iri maca. Mojoto diribo igo marapɁre mucubiriborore ōari suhri sã igore ōaro amuro dopa āhrabɁ iri maca. Ōpa iro dopa ta iri macare amuyudi árĩmi GoāmɁ ĩɁ yarāre mucubiricɁ iibu.

<sup>3</sup> Irire yɁ ĩara pɁhrɁ opɁ doarogue gaguiniguicɁ peeabɁ:

—Īaque. Dohpaguere masa watope árĩɁ iimi GoāmɁ. Erā mera árĩɁcumi ĩɁ. Eropirā ĩɁ yarā árĩrācoma erā. EropigɁ GoāmɁ ĩɁ basi erā mera majagɁ árĩɁ, erā yagɁ GoāmɁ árĩɁcumi.

<sup>4</sup> EropigɁ eropa mucubiriniguicɁ iigɁcumi ĩɁ erāre. Eropirā dipaturi bujaweresome erā. Eropirā ne dipaturi sĩrisome erā. Ne ñero sĩporācɁri, co oreri, pũriri sã mariroca erāre. I árĩpehreri iribojegue maja pehrea waroca erāre, arĩ gaguiniguigɁ carami.

<sup>5</sup> PɁhrɁ opɁ doarogue doagɁ ōpa arāmi:

—Īaque. Árĩpehrerire mama gohrotocɁ iigɁca, arāmi.



Īgū eropa arīra pūhrū yūre ōpa arāmi daja:

—Yū arīrire goja aīque. Yū arīri diaye ta āhraa. Eropiro yū arīdiro dopa ta eropa waroca. Eropigū yū arīrire goja aīque, arāmi yūre.

<sup>6</sup> Pūhrū ōpa arāmi daja yūre:

—Iripēta árīca. Yū árīpehrerire īhacūnugudigū āhraa. Eropigū árīpehrerire pehrecū iibu āhraa daja. Nemesiburā erā turaro ihridiario dopa ta yū pohrogue wadiarā Jesure gamerācoma. Eropirā Jesure yūhrirācoma. Īgū ojocaririre oro deco iro dopa āhrimi. Īgūre gamerāre waja gamero mariro yū mera eropa árīniguiborore ogūra erāre.

<sup>7</sup> Árīpehrerā űero tariquererā yūre umupeoduhubirāre ōpa iigūra: Erā Goāmū árīgūra. Eropirā erāpū yū porā árīrācoma.

<sup>8</sup> Erā eropa árīquerecū masare gūi yaharare duhurā, yahare gamebirā, űetariarire iirā, masare wejērā, nome mera űero iirā, űma mera űero iirā nome, yeea, goāmarā wéanirāre umupeorā, árīpehrerā gūyarā peamegue warācoma. Ero wūariya iro dopa árīri peame azufre mera űjūri peame āhraa. Erogue warā dipaturi erā sīriro dopa ta warā iirācoma, arāmi yūre.

### *Mama maca Jerusalénre werepū*

<sup>9</sup> Pūhrū yujugū anyu yū pohrogue erāmi. Īgū siete pari opanirā mera majagū āhrami. Īgū dipuwaja moadoregū Īgū apinirā mera majagū sā Īgū anyua mera majagū āhrami. Eropa eragū ōpa arāmi yūre:

—Īagū arique. Cordero Īgū mojoto diribore īhmuḡca mūre, arāmi anyu yūre.

<sup>10</sup> Eropigū Espíritu Santo yūre Goāmū ya macare ĩacū iiami. Eropigū űmadigū űtāḡū wecague yūre aī mūriāmi. Erogue Goāmū ya macare Jerusalénre ōari macare īhmuami yūre. Iri maca Īgū mojoto diribo iro dopa āhrabū. Goāmū pohrogue űmarogue dijariro iiabū iri maca.

<sup>11</sup> Goāmū Īgū goesiriri mera goesiriabū iri maca. Wajacūri űtā iro dopa goesiriabū. Jaspe waīcūri űtā goesiriro dopa goesiriabū. Eropiro vidrio iro dopa ōaro deco sūriabū iri maca.

<sup>12</sup> Eropiro wūari sāriro űmari sāriro erā sāri sāra maca āhrabū. Doce gohra disipororicūabū iri sāriro. Iri disiporore cohreama anyua. Iri maca disiporori bihariserigue Israe masa cururi doce cururi nūcū erā waī tuhyabū.

<sup>13</sup> Abe mūririrōpū iri sāriro opabū űhre disiporo. Surpū űhre disiporo opabū. Nortepūre űhre disiporo opabū. Abe űajarōpū sāre űhre disiporo opabū. Árīpehrero doce disiporori gohra opabū iri sāriro.

<sup>14</sup> Iri sāriro doce űtā weca peyabū. Iri űtā nūcū Cordero Īgū apinirā doce Īgū apinirā gūa yujurāyeri waī tuhyabū.

<sup>15</sup> Eropigū anyu yūre weregū queodigū oro mera erā iidigūre opāmi. Iri macare, iri maca maja disiporori sāre, iri sāriro sāre queobu iiami.

<sup>16</sup> “Iri maca yoarōpē ta ehyaā,” arāmi queotuhagū. “űmaro sā iripēta űmaa,” arāmi. Eropigū anyu Īgū queodigū mera iri macare queoami. Iri maca dos mil doscientos kilómetros yoari maca āhrabū. Iripēta ehvari maca āhrabū. Iripēta űmaro āhrabū.

<sup>17</sup> Eropigū iri maca maja sārirore queoami anyu. “Sesenta y cuatro metros űmaa,” arāmi. Mari masa queoro dopa ta queogū iiami Īgū.

<sup>18</sup> Iri sāriro jaspe waīcūri űtā mera Īgū iira sāriro āhrabū. Eropiro iri macapū oro mera Īgū iira maca āhrabū. Iri oro gūhrari mariri árīro ōaro deco sūriabū.

19 Iri sãriro doca árĩri utãre baja gajiropa árĩriyeri tuhyabũ òaro deyoboro dopa. Iriyeri wajapagariyeri àhrabũ. Iriyeri tuyara utã sãriro doca oyari utã doce utã àhrabũ. Árĩmũhtari yegue jaspe waĩcũri utãyeri tuhyabũ. Iriye pũhrũ maja yeguere safiro waĩcũri utãyeri tuhyabũ. Peye pũhrũ maja yeguere ágata waĩcũri tuhyabũ. Ëhreye pũhrũ yeguere esmeralda waĩcũri utãyeri tuhyabũ.

20 Wapicũriye utãye pũhrũ maja yeguere ónice waĩcũri utãyeri tuhyabũ. Yuju mojotocũ maja pehreri utã pũhrũ maja yeguere cornalina waĩcũri utãyeri tuhyabũ. Seis pũhrũ majaye utãyeguere crisólito waĩcũri utãyeri tuhyabũ. Siete pũhrũ árĩriye utãyeguere berilo waĩcũri utãyeri tuhyabũ. Ocho pũhrũ árĩriyeguere topacio waĩcũri utãyeri tuhyabũ. Nueve pũhrũ árĩriyeguere crisoprasa waĩcũri utãyeri tuhyabũ. Diez pũhrũ árĩriyeguere jacinto waĩcũri utãyeri tuhyabũ. Once pũhrũ árĩriyeguere amatista waĩcũri utãyeri utũtuyabũ.

21 Eropiro doce disiporori doce perla mera ĩgũ iiraseri àhrabũ. Iriseri nũcũ yujuye perlaye mera ĩgũ iira dihta àhrabũ. Eropiro iri maca wari maha oro mera ĩgũ iira maha àhrabũ. Iri oro gũhrari mariri oro àhrabũ. Eropiro òaro deco sũriri maha àhrabũ iri maha.

22 Iri macare Goãmũ wihire ĩabirabũ. Marabũ. Iri maca árĩpehrerogue mari Opũre Goãmũ turatariagũre, Cordero sãre umupeoama masa. Eropiro iri maca árĩpehrero Goãmũ ya wihi iro dopa àhrabũ.

23 Eropigũ iri maca Goãmũ ĩgũ gosesiriri mera òaro boyoabũ. Cordero sã sihãgodiru iro dopa boyoami. Eropirã abe umũ majagũ sãre ñami majagũ sãre ero boyocũ gamebirama.

24 Eropirã i yeba majarã Goãmũ Cordero sã boyori mera árĩrãcoma Goãmũ ĩgũ taunirã. Eropirã árĩpehreri yeba majarã oparã iri macague òatariari erã oparire aĩrã erarãcoma.

25 Eropiro umũre iri maca maja disiporori pãgũra disiporori árĩroca. Eroguere ne ñami mariroca. Eropirã iri disipororire ne bihasome. Eropiro toyoniguia.

26 Eropirã baja yebari majarã òarire erã oparire iri macague aĩrã erarãcoma.

27 Ñeripũre iri macaguere ne aĩsome. Gũhyasĩricũ iirã, ñerire iirã, ne iri macaguere wasome. Gũyarã sã wasome. Cordero ĩgũ gojarapũ erã waĩ gojatusũnirã dihta iri macaguere warãcoma. Iripũ ĩgũ taurã erã waĩre ĩgũ gojaturapũ àhraa. Iripũgue erã waĩ gojatusũnirã eropa árĩniguicãrãcoma ĩgũ mera.

## 22

1 Pũhrũ òariyare ojocaricũ iiriyaire ĩhmuami yũre anyu. Iriya deco sũririya Goãmũ, Cordero sã erã doarogue aririya àhrabũ.

2 Eropiro iri maca deco yuriabũ iriya. Iriya pepũri masegue ojocaricũ iiri yucũ niguiabũ. Iri yucũ aberi nũcũ dũcacũa. Yuju bojorire doce suburi dũcacũa. Eropirã iri yucũ maja pũri mera òaro ococũrãcoma masa i yeba majarã.

3 Iri macare ne pũriri mariroca. Iri maca Goãmũ ĩgũ opũ árĩro árĩroca. Cordero ĩgũ opũ árĩro sã árĩroca iri maca. Eropirã ĩgũ pohro majarã árĩrã ĩgũ pohro mereja ĩgũre umupeorãcoma.

4 Erã Goãmũre òaro ĩaniguicãrãcoma. Eropirã erã diaporire erã ĩgũ waĩre tuyasũrã árĩrãcoma.

<sup>5</sup> Eroguere ñami ne mariroca. Eropirã sihãgori dipurure gamesome ero árĩrã. Abe ïgu boyocũ sãre gamesome. Mari Opũ Goãmũ ïgu boyoro árĩroca. Eropirã iri maca árĩrã gajirã tauro oparã eropa árĩniguirãcoma.

*Jesucristo i yebague ïgu dujariboro merogã dũhyaa, arĩ gojañumi Ñu*

<sup>6</sup> Pũhrũ anyu yũre õpa arãmi:

—Árĩpehrerire mũ ïha gojara diaye ãhrra. Eropiro gũa mũre eropa arĩdiro dopa ta eropa waroca. Mari Opũ Goãmũ ïgu yare weremũhtarãre masicũ iigu ãhrimi. Ïgũpũ dohpaguere yũre ïgu yagũ anyure obeomi ïgu pohro majarãre masicũ iibu. Pũhrũ maja dohpa waborore masicũ iibu, ïgu yũre ïgu yagũ anyure obeomi, arãmi anyu yũre.

<sup>7</sup> Jesupũ õpa arãmi:

—Peeque mũa. Merogã dũhyaa yũ dujariboro. Ipũ maja weremũhtarire tarinũgabirinirã mucubirirã árĩrãcoma, arãmi Jesu.

<sup>8</sup> Yũhũ Ñu i árĩpehrerire yũ goja aĩrare peeabũ. Eropigu irire ïhabũ. Eropigu yũ peera pũhrũ, yũ ïara pũhrũ yũre ïhmudigu anyu pohro merejarabũ umupeobu.

<sup>9</sup> Yũ eropa iicũ ïagu õpa arãmi yũre:

—Yũre mereja umupeobita. Mũ iro dopa ta yũ sã Goãmũ pohro majagu ta ãhrra. Mũ acawererã Goãmũ yare weremũhtarã, árĩpehrerã ipũ maja dorerire iirã sã erã árĩro dopa ta yũ sã Goãmũ pohro majagu ta ãhrra. Eropigu Goãmũpũre mereja ïgũre umupeoque, arãmi anyu yũre.

<sup>10</sup> Eropigu õpa arĩ werenemoami yũre:

—Ipũ mũ goja aĩrapũ pũhrũ maja dohpa waborore werea. Eropa waboro merogã dũhyaa. Eropa árĩcũ ipũ wererare dibubita mũhũ.

<sup>11</sup> Irisubu yũ wererisubure ñerãpũ eropa iiniguicoma ñerire. Õarãpũ õaro iiniguima. Eropirã erãpũ ñeri marirã árĩrãcoma, arãmi yũre anyu.

<sup>12</sup> Õpa arãmi Jesu:

—Peeque mũa. Merogã dũhyaa yũ dujariboro. Mũare yaharãre yũ wajayeborore aĩgãribu iiaa. Eropigu õarire mũa iira waja mũare õaro iigũra.

<sup>13</sup> Yũhũ árĩpehrerire ïhacũnugudigu ãhrra. Eropigu árĩpehrerire pehrecũ iibu ãhrra.

<sup>14</sup> “Árĩpehrerã guhrari mariri suhrire sañanirã árĩro dopa ta erã ñeri iirare coenirã iri macaguere ejarãcoma. Eropirã iri maca maja yucũ ojocaricũ iiri yucũ dũcare barãcoma. Eropirã mucubirirã árĩrãcoma erã.

<sup>15</sup> Iri macague ejabirãpũ õpa ãhrima: Ñetariarã, yeea sã, nome mera ñero iirã, ũa mera ñero iirã nome, masare wejẽrã, goãmarã wéanirãre umupeorã, gũyaricũrã sã ãhrima iri macague ejabirã, arãmi Jesu.

<sup>16</sup> Eropigu õpa arĩnemoami Jesu yũre:

—Yũhũ Jesu yahagu anyure obeobũ mũare yaharãre ipũ majare werebure. Opũ Davi arĩturiagu pãrami ãhrra yũhũ. Yũhũ boyomũririduru iro dopa árĩgu mũare õaro árĩcũ iigu ãhrra, arĩ werenemoami Jesu.

<sup>17</sup> Espĩritu Santo Jesure “Dujarique,” arĩmi. Jesu yarã sã ïgu mojoto diribo dopa árĩrã, “Dujarique,” arĩma. Árĩpehrerã erã “Dujarique,” erã arĩcũ peerã sã, “Dujarique,” arĩporo Jesure. Ñemesiburã decore erã turaro gamero dopa ta Goãmũ pohrogue wadiarã Jesure turaro gameporo. Ïgu ojocaricũ iiri deco iro dopa ãhrimi. Ïgu gamerãre waja gamero mariro ũamarogue erã eropa árĩniguicãborore ogũcumĩ Goãmũ.

<sup>18</sup> Yũhũ Ñũ árĩpehrerã ipũ maja wererire, Goãmũ yare weremũhtarare peenirãre õpa arĩ mũare guhyadiaro mera weregũra. I buheri mera gaji buheri mera moresũ werenemorã Goãmũre tarinũgarã iima. Erã eropa tarinũgacũ ãagũ árĩpehreri ipũ ãgũ dipuwaja moaburire ãgũ werero dopa ta apigũcumĩ erã sãre. Eropĩgũ eropa erã sãre dipuwaja moagũcumĩ.

<sup>19</sup> Eropirã ipũ maja wererire i Goãmũ yare weremũhtarare goroweorã Goãmũre tarinũgarã árĩrãcoma. Erã eropa tarinũgacũ ãagũ ojocaricũ iiri yucũ dũcare erãre badoresome. Eropirã Goãmũ mera árĩniguisome erã. Eropirã ãgũ ya macague õari macague wasome erã. Iri yucũre, iri maca sãre ipũ mera erã wererague ãhraa.

<sup>20</sup> Árĩpehreri ipũ majare weregũ Jesucristo õpa arĩmi.

—Eropa ta ãhraa. Merogã dũhyaa yũ i yebague dujariboro, arĩmi ãgũ.

Eropĩgũ yũrũ õpa arĩtugũ iiaa.

—Eropa ta iique. Gũa Opũ Jesu dujarique, arãa yũhũ.

<sup>21</sup> Mari Opũ Jesu ãgũ itamuro mera árĩpehrerã mũa Goãmũ yarã õaro árĩque. Eropa ta árĩrã. Iripẽta ãhraa.